





C. 32. C.

14-2-4 J. 4





R. P.

L I V I I

R A B E S A N I

De Monturfio.

C V R S - V S

PHILOSOPHICVS. 33



C V R S V S
PHILOSOPHICVS

Ad mentem Doctōris subtilis

IOANNIS DVNS SCOTI
ORDINIS MINORVM

*Pro Tyronibus Scotistis planiori stylo exaratus, ac in
tres Partes comiter diuisus.*

Auctore Adm. Reu. P.


LIVIO RABESANO DE MONTVRSTO

Vicentino, Ord. Min. Reg. Obser. Almæ D. Antonij Prouinciæ ol
Ministro, Philosophiæ, ac Theologiæ Lectore Generali,
Sanctissimæq. Inquis. Vicen. Consultore.

PARS PRIMA.

Logicam Minorem, & Maiorem complectens.

*Cum duplici Indice locupletissimo, altero Disputationum, & Questionum
ac Capium; altero verò Rerum Notabilium.*



VENETIIS, MDCLXV.

Apud Nicolaum Pezzana.

DE SVPERIORVM LICENTIA, ET PRIVILEG.



PERILLVSTRI, AC REVERENDISSIMO

D. D.

ANASTASIO
GALDIOLO ABBATI.

*Congreg. Cassinensium Prasidi Generali Vigilantissimo, & in Vniuersitate Patavina, Philosophiæ Primario Lectori
Emerito.*

Immorituræ gloriæ vitam non nulli audent auspicari, si quod opus Dedalea elaboratum industria typis, cœu Laconico marmore, Parysue lapillis affabrè extruere conantur; Sed haud parui refert, si Patronum desiderent, sub cuius tutelæ, fideique clypeo in publicum proferatur. Nobilis Matrona quam

a 3 Seue-

Seuerinus Boethius descripsit, cuius vester violentorum quorundam sciderant manus, nouato, opera mea, induta cultu, fidem tuam, & illustre nomen, Reuerendissimæ Domine, Abbas sapientissimè exoratura venit.

Te in primis alloqui debuit, cum reuera, gloriam suam, Patauino Lyceo, egregijs, nouisque in dies laudibus cumulare non desinis. Te inquam, qui eius lacte nutritus, nedùm intra Monachorum claustra eruditissimis ancellis, omnibus sed Athenæis illud, ipsa duce, indeptus es nomen, vt nemo veriùs ambitione quæsierit. Te in primis cuius (cum scientias omnes plenissimè hauseris) Virtutis, & propositi est quosque suscipere, qui Philosophicæ litant Minervæ, & cum summos religionis tuæ honores semper vitæ, & literarum, splendore gesseris, eos cultu mentis, & affectione prosequi, qui elaborata in studijs requies religionis suæ honoribus consulunt. Sed quid hæc iam probata commemoro? Connecterem omnia merita animi, & cognomina fælicitatis tuæ, sed alia est ista materia & suo parata stylo. Te tantumodo

do oratum nunc volo, vt hos, qualescumq;
sint, ingenij mei labores, explicita fronte
suscipias, hinc tuo suffulti patrocinio om-
nium oculos subeant; quod si vllus honor
affectandus est, tuo contentus esse debeo
iudicio, ex Heracliti sententia, qui sum-
mam laudis arbitrabatur vni placere, si fo-
ret optimus. Te vno probante, (si tamen,
hoc merebuntur,) industriæ suæ præmium
scio reportaturos. Vale.


Dominationis tua Reuerendiss.

Religiosus cultor.

*F. Linius Rabesanus de Montursio
Minorita Obseru.*

AD TYRONES SCOTISTAS

Auctor.

 *N*tandem, Humanissimi Tyrōnes, Cursum Philosophicum, ad mentem Doctoris Subtilis, Minoritana schola Antesignani, ac Magistri, planiori stylo exaratum, Vobis exhibeo, tempore etiam; quo vita mea cursum penè confecerim: Sexagenarius enim scribo, ni melius, ac verius dixerim, rescribo: quippe qua olim meis Auditoribus dictaueram, nunc meliora, & auctiora, porrigo; ut hinc etiam facile percipere valeatis, quanta fuerit in me erga vos benevolentia, ac fraterna charitas. Nec tamen miremini, quod in euulgandis his paucis lucubrationibus, tantum temporis insumpserim, consulens potius conseruationi boni nominis, hætenus adepti, quàm vestrum indigentis, quia, ut verum fatear, nec ad præsens, tam facile fecissem; si Zelus Doctrinae Scotica ad id me non compulisset: quippe videns, ac audiens, à plerisque ex Nostreis, euulgari quædam sub Nomine Scoti, qua nec umquam forsân ille somniauerat, vehe-

vehementèr dolui; & una mecum agrè tulerunt præ-
clarioris notæ Scotista, non tantum quia iam labefa-
ctari conspiciebatur Scotica Doctrina, & palam
detrahebatur bono nomini Doctoris Subtilis, verum,
quod peius est, quoniam Doctrina sic vitata imbue-
bimini, adeò, ut vel numquam, vel rarissimè esset
vobis otium discernendi, an essetis veri Scoti discipu-
li, vel potius pseudoscotista; quandoquidem ut inquit
sapiens; Adolescens, iuxta viam suam,
etiam cum senuerit, non recedet ab ea: &
Poeta: Quo semel est imbuta recens, fer-
uabit odorem, Testa diù. Quamobrem huic
pestifero damno, & intolerabili errori, quæ non pa-
rum in Religione nostra creuisse; ac fixisse pedem,
haud obscurè conspicitur, pro viribus occurrere, & in
totum eliminare percupiens, hunc Cursum, ingenti
labore, ac diligenti calamo elaboratum, vobis tradere
studui, in quo, cum contineatur duntaxat granum
purum Scotica Doctrina, excussis penitus aliorum
paleis, proculdubio in subtilium fida palestra, absq;
ullo timore aberrandi à tanto Magistro, tutè profice-
re poteritis; siquidem ferè omnes conclusiones, ac ea-
rum probationes, signatis locis, sunt excerpta ab eius-
dem vera doctrina, quam in Perihermenias Vniuer-
salium, Prædicamentorum, Posteriorum, Elencho-
rum, Quætionum de Anima, Metaphysicorum, de

Primo

Primo Rerum Principio, Quatuor sententiarum, & Quodlibetalium, libris, iam tradidisse clarissime constat; reiectis, repudiatisque cæteris omnibus; quos vulgus pro Scoti operibus nominare, ac inscribere placuit; & præsertim octo libris Physicorum, Philosophia Scoti nuncupatis, cum pro comperto habeatur, (ut etiam adnotauit Lucas Vvadingus Annalista Minorum in censura) huiusmodi opus, non Doctori subtili, sed Marsilio Inguen, (forsan Scoti conterraneo) adscribendum fore. Diuiditur autem hic noster Cursus in tres partes, quarum prima Logicalem, secunda Physicam, & tertia Animaſticam Doctrinam complectitur. Et quamuis non omnium librorum Aristotelis, qui de utraque Philosophia inscribi solent, Paraphrasim textualem, ut alij Auctores, haud compilauerim, non propterea dicendus est mutilus, siue non integer Cursus, quandoquidem omnes Quaestiones, ac Difficultates, tum logicales, tum philosophicas, & Methaphysicas, hisce nostris temporibus, à Recentioribus agitari solitas, in his tribus Partibus pertractatas, vel saltem, breui calamo solutas, data occasione textus, reperietis: non enim debuit opus in immensum crescere, quod potissimum isagogicum volui ad Theologicam, ac Diuinam Doctrinam capeſendam. Deniquè admonitos vos velim, hunc meum Cursum, non esse pugnacem, sed

sed pacatum, ac pacificum; & si interdum contigerit, nonnihil cum aliquo congregari, hoc erit solum ad ostendendam veritatem opinionum Doctoris subtilis, à quibus quispiam ex nostris visus fuerit deflectere: Cæterum quod attinet ad vindicandam Scoticam subtilitatem ab externis aculeis, linquitur huiusmodi munus excellentissimis Magistris Mastrio, & Belluto, quorum acutis calamis multum deferre tenetur tota subtilium schola, siquidem eorum doctissimis, ac diligentissimis lucubrationibus, non solum Scoti Doctrinam illustrarunt, verum etiam Magistrum, à detractorum linguis, quibus iniuste carpebatur, forti, & adamantino stylo vindicarunt. Superest igitur, ut qualecumque sit opus, grato animo illud accipiat, alia, si vita comes fuerit, recepturi: Valete in Domino.

TYPOGRAPHVS AD LECTORES.



Vamuis verissimum sit illud Sapientis effatum :
Omni homini insunt à natura, substantia, Vita,
Sensus, & Ratio : (est enim, viuit, sentit, & in-
telligit omnis homo) adeò vt cuncti natura,
& substantia sint similes, ac speciei æqualitate
omnes homines sint vnus homo ; tamen quia
alij duntaxat, vt simplicis substantiæ : alij vt
substantiæ, & vitæ : alij vt substantiæ, vitæ, ac
sensus : alij denique substantiæ, vitæ, sensus, & rationis actu, atque
operatione funguntur, inferendum est, illos viuendi modo, func-
tione, & arte varios, ac dissimilimos esse ; in tantum, quod nec substan-
tiæ, nec vitæ, nec sensus, nec rationis participatio obsistere possit,
quin soli sapientes appellari mereantur veraciter homines. Soli si-
quidem animâ ad supremum vsque rationis apicem, ex imis gradi-
bus euehere dicuntur : Soli in sua ipsius natura, atque substantia,
foenerantur : sunt enim & ipsius naturæ inunere, siuè substantiæ
participatione, homines, & posteriore virtutis prouentu, ac sa-
cra functione, seu vitæ honestate iterum homines. Et licet Sa-
piens, & Insipiens nullum naturæ, aut substantiæ habere videari-
tur discrimen : vterque siquidem est, & corporis, & animæ parti-
cipatione homo ; amborum pariter idem est initium, ac finis Deus,
attamen, quoniam huius vacuus, ac desertus est animus, illius ve-
ro mens virtute, perfectione, ac spiritali lumine superabundè diti-
ta : Ille virtute, ac sapientia, quasi Deo similis, in suum recurrit
principium, naturalemque finem consequitur ; Hic verò, & priua-
tione virtutis, & dissimilitudinis permixtione, contrariorumque in-
fitione violatur, ac ne in suam recurrat originem, nèue naturali
fine perfruatur, infauste aberratur : Illi in promptu adest sui ipsius
numerus ; quandoquidem partes omnes suas apprehendit, corpus,
animam, congruum in seipso ordinem naturæ seruat, vt hæc pars
dominetur, illa huic famuletur : cunctas animi vires, naturalesve
potentias, atque facultates, iuxta seipsas metitur, illam cunctis
præfert, ac super omnes excolit, qua ad immortalitatem, ac bea-
titudinem via illi referatur : viuitque in terris, vt Deus alter :
Hic verò contraria experitur omnino : nam cum illi ex ignoran-
tia

cia sui, nulla adfit immortalitatis spes, meritò in hæc Salomonis ver-
 ba prorumpit: [Sap. c. 2. *Exiguum, et cum tadio est tempus vita mea: posthæc
 ero tamquam non fuerim, nemo deinceps memoriam habebit operum*
meorum, propterea iure merito concludendum est, solos sapientes,
veraciter homines vocari posse: siquidem studiosorum operum
prouentu, naturalem hominem, virtutis homine duplicant, euadunt-
que, & natura, & voluntate homines: at è contra insipientes, torpo-
re emarcidi, naturalem hominem nulla virtute illustrare satagentes,
aut solius substantiæ homines, vel verius non homines, verum pseu-
dohomines appellari demerentur. Quare vtrique, haud immerito
ascribendum venit illud Diuinum Oraculum: [Math. 13. Lucæ 8.]
Habenti dabitur, & abundabit: Ab eo vero, qui non habet, id quod habet, aufer-
retur ab eo. Accepit enim sapiens à natura substantialis munus homi-
nis, ex cuius fecunditate, studiosum hominem genuit, ac parturiuit:
Insipiens verò parem quoquè, ac substantialem hominem mutuauit
à natura, sed nullo virtutis scœnore operatur, & splendet. Hic igitur
homo ritè habere, & non habere; Ille verò habere, & habere
prædicatur. Habenti igitur simpliciter vtrumque hominem, natura-
lem videlicet, ac studiosum, datur à Domino præmium immortalita-
tis, & felicitatis æternæ. Hinc fit, quod cum omnes homines, teste Phi-
losopho in Proemio Metaphysicæ, natura scire desiderant, & ego cupi-
dus sim videre omnes homines naturales in homines studiosos mu-
tatos, cunctos Sapientes, & nullos insipientes, hunc Philosophicum
C V R S V M, imprimendum meo prælo curauì, quippè qui cum sit
methodo facilis, Doctrina sapidus, & clarus, sufficienti breuitate,
compositus, nec non mira subtilitate, ac fecunditate reffectus, quem-
admodum studiosorum animos allectione sua adducet ad scientiam
comparandam, ita sua claritate eorundem intellectus iuuabit, vt
pernici, quasi dixerim, volatu per semitam immortalitatis curren-
tes, virtutum culmina, & fastigium felicitatis, quam anxie affectant,
pertingere, & consequi valeant. Quapropter aiebat Diogenes:
Multi cum breuem, & facilem viam, qua ducit ad felicitatem, esse audiunt, volunt,
quemadmodum, & nos philosophari: apertè innuens, philosophiam, quam
nostrer Cursus continet, esse breuem, ac facilem viam, qua duci pos-
sunt homines ad immortalem, perennemque felicitatem; quando-
quidem ipsa est fons beatitudinis, vitæ humanæ purgatio, atque per-
fectio: purgatio quidem, cum fœce rationi contraria, mortalique
corpore liberat; perfectio verò, cum suæ vitæ recuperata præstan-
tia, ad diuinam similitudinem reducit: inquit enim Hierocles cap. 47.
carm. Pythag. Philosophia, qua versatur in agendo, virtutum vi hominem pro-
bum efficit, qua autem in contemplando, illustratione mentis, atque veritatis, De-
o similem reddit. Vnde cecinit Poeta in eius laudem. [Battilius.]

Hrc

Hæc nempè , & rerum ocultas cognoscere causas ;
Doctrina , & mores excoluisse suos ,
Hoc vnum , nostrum est , quod auorum vincat honores ,
Omni alia , & generis nobilitate prius :
Hic clypeus , nobis vnus , tela omnia contra
Fortunæ , in quem illa , & torta , retusa cadant :

Accipite igitur , lectores humanissimi , hunc meorum laborum im-
pensum , & votis vestris Auctorem , & me longæuæ sospitati donate ,
plura , & meliora , vt spero , recepturi . Laterim si inter legendum ,
nonnullos impressorum errores offendere vobis contigerit , vestrum
sit benignitatis releuare , non culpæ crimina : esset enim nimium
fælix liber ille , qui foret ab erroribus liber . Valete , memores ver-
borum Salomonis Ecclesiastes 12. *Faciendi plures libros nullus est finis
frequensque meditatio , carnis afflictio est . Deum time , & mandata eius
obserua : hoc est enim omnis homo .*



ATTESTATIO R. P. CARELLI.

C Vrlum Philosophicum ad mentem Doctoris Subtilis, qui à calamo A.R. Patris Liuij de Montursio, Lectoris Generalis, & Almæ nostræ Prouinciæ S. Antonij Exprovincialis emeriti, prodit, Ego infranotatus, ex cōmissione Reuerendiss. P. nostri Generalis vidi, legi, atq; adamussim consideraui, Opus, vt typis mandetur, plane dignum. Qui nouit Auctorem, id ipsum plurimi faciet. Stylo breui, omnibus commodo, nouo methodo omnibus facili, Scoti doctrinam porrigit: Et si pro Iunioribus solis se laborasse fateatur, nihilominus etiam prouectis in Subtilium, & Aliorum schola ad vberiore veritatis frugem præstabit emolumenta non pauca.

Dat. Vicentiæ, die 30. Ianuarij 1663.

*Frater Hieronymus Carellus de Scled,
Lector Generalis, & Prouincia Pater.*

APPROBATIO OPERIS.

E X commissione Reuerendiss. P. F. Angeli de Sambuca totius Ordinis Seraphici P. N. S. Francisci Generalis Ministri, vidi, ac diligenti obtutu iustraui Cursum Philosophicum ab A. R. P. F. Liuijo de Montursio eiusdem nostri Ordinis de obseruantia Almæ D. Antonij Prouinciæ olim Ministro, S. Theologiæ, Artiumq; Generali Professore, necnon S. Inquisitionis Vicentiæ Qualificatore, ingenti labore, ac solerti studio pro Tyronibus Scotistis elaboratum: in quo cum nihil Orthodoxæ Fidei aduersum; nihil quod non Scoticam redoleat subtilitatem; nihil quod Peripateticam non sapiat Doctrinam, conspexerim, opus planè dignum, publicæq; vtilitati consonum, vt typis mandetur, censeo.

Dat. Paduæ die 15. Februarij 1663.

F. Hieronymus Feramussa S. Theol. Lect. General. ac Prouinc. Pater.

Fr. M. Angelus de Sambuca totius Ord. Minor. S. P. N. Francisci Min. Generalis, & servus. Dilect. nobis in Christo P. F. Liurio de Montorfio Province. nost. S. Antonij Theol. ac olim Ministro, salutem.

Cum iuxta Apostolicas, nostriq; ord. Constitutiones reuissum, & approbatum fuerit quoddam opus à te collectum, cuius titulus est, *Cursus Philosophicus*. Tenore presentium, ad salutatis obedientiæ meritum, facultatem tibi impertimur, quatenus seruatis seruandis illud Typis mandare queas. Vale in Domino, quem pro nobis exorare memento.

Datum Romæ in nostro celeberr. Aracœlitano. Conuentu. Hac die xv. Decembris 1663.

F. M. Angel. de Sambuca Minister Generalis.

*De Mandato S. Reuerendissima P.
Fr. Ioannes Eilenan Secr. General. Ord.*

NOI REFORMATORI dello Studio di Padoa.

HAuendo veduto per fede del Padre Inquisitore nei tre libri intitolati *Cursus Philosophicus ad mentem Doctoris Subtilis*, del P. F. Liurio Rabesano da Montorfio Vicentino non esserui cosa alcuna contro la Santa Fede Cattolica. e parimente per attestato del Segretario nostro niente contro Principi, e buoni costumi, concedemo licenza, che siano stampati, offeruandosi gli ordini, &c.

Dat. a' 30. Nouembre 1663.

(Andrea Contarini Cau. Proc. Ref.

(Nicolò Sagredo Cau. Proc. Ref.

Angelo Nicolosi Segretario.

I N D E X

TRACTATVVM, SECTIONVM, ET CAPITVM,
quæ in summulis continentur.

T <u>Ractatus I.</u>	fol. 5	<u>Caput III. De Quantitate, & eius specie-</u>	
<u>Seçtio I. De Terminis (subie-</u>		<u>tus.</u>	24
<u>ctiuis.</u>	fol. 5	<u>Caput IV. De Proprietatibus Quantita-</u>	
<u>Caput I. De Definitione Dia-</u>		<u>tis.</u>	25
<u>lecticæ, seu Logicæ.</u>	fol. 5	<u>Caput V. De Relatione, seu ad Aliquid,</u>	
<u>Caput II. De Definitione Termini, ac</u>		<u>& eius diuisione.</u>	26
<u>eiusdem multiplici diuisione.</u>	fol. 6	<u>Caput VI. De Proprietatibus Relatiun-</u>	
<u>Seçtio II. De Quinque Vniuersalibus.</u>		<u>rum.</u>	28
<u>fol. 8.</u>		<u>Caput VII. De Qualitate, & eius mod-</u>	
<u>Caput I. De Vniuersali, seu Prædicabili</u>		<u>is.</u>	29
<u>in communi.</u>	8	<u>Caput VIII. De Proprietatibus Qualita-</u>	
<u>Caput II De Genere.</u>	9	<u>tis.</u>	30
<u>Caput III. De Specie, & Indiuiduo.</u>	fol. 10	<u>Caput IX. De Actione, & eius Proprie-</u>	
<u>Caput IV. De Differentia.</u>	11	<u>tatibus.</u>	31
<u>Caput V. De Proprio.</u>	13	<u>Caput X. De Passione, & eius Proprieta-</u>	
<u>Caput VI. De Accidente.</u>	13	<u>tibus.</u>	ibid.
<u>Caput VII. De Conuenientia, & Diffe-</u>		<u>Caput XI. De Quando, & eius Proprie-</u>	
<u>rentia horum quinque Vniuersalium</u>		<u>tatibus.</u>	ibid.
<u>inter se.</u>	14	<u>Cap. XII De Vbi, & eius generibus, spe-</u>	
<u>Seçtio III. De Antepredicamentis, tum</u>		<u>ciebus, indiuiduis, ac Proprietatibus.</u>	31
<u>in generali, tum in speciali.</u>	15	<u>Caput XIII. De Situ, seu Positione, ac</u>	
<u>Caput I. De primo Antepredicamento</u>		<u>eius Proprietatibus.</u>	ibid.
<u>in generali, hoc est, de Diffinitione, &</u>		<u>Caput XIV. De Habitu, ac eius Proprie-</u>	
<u>eius diuisione.</u>	15	<u>tatibus.</u>	33
<u>Caput II. De Diffinitionibus Vniuoco-</u>		<u>Seçtio V. De Postpredicamentis.</u>	ibid.
<u>rum, Equiuocorum, & Denomina-</u>		<u>Caput I. De Oppositione, ac eius spe-</u>	
<u>tiuorum, quæ constituunt primum</u>		<u>ciebus.</u>	ibid.
<u>Antepredicamentum in speciali.</u>	16	<u>Caput II. De Priori.</u>	34
<u>Caput III. De secundo Antepredica-</u>		<u>Caput III. De Simul.</u>	34
<u>mento in speciali, scilicet de diuisione,</u>		<u>Caput IV. De Motu.</u>	35
<u>ac eius partitione.</u>	17	<u>Caput V. De Habere.</u>	ibid.
<u>Caput IV. De secundo Antepredica-</u>		<u>Tractatus secundus de Propositionibus,</u>	
<u>mento in speciali idest de duabus diui-</u>		<u>& earum passionibus.</u>	36
<u>sionibus requisitis ad cognitionem</u>		<u>Seçtio I. De Partibus materialibus, &</u>	
<u>predicamentorum habendam.</u>	19	<u>formalibus Propositionis.</u>	ibid.
<u>Caput V. De Tertio Antepredicamen-</u>		<u>Caput I. De Nominis Diffinitione.</u>	ibid.
<u>to.</u>	20	<u>Caput II. De Diffinitione Verbi.</u>	37
<u>Seçtio IV. De Decem Prædicamentis.</u>		<u>Cap. III. De Oracione, eiusq; diuisione.</u>	38
21		<u>Caput IV. De subiecto, Prædicato, & co-</u>	
<u>Caput I. De Prædicamento, seu Genere</u>		<u>pula.</u>	ibid.
<u>generalissimo in communi.</u>	ibid.	<u>Seçtio. II. De Propositionibus, ac earum</u>	
<u>Caput II. De substantia, & eius Proprie-</u>		<u>Passionibus intrinsecis.</u>	39
<u>tatibus.</u>	22	<u>Caput I. De Diffinitione Propositionis,</u>	
		<u>eiusque diuisione.</u>	ibid.

I N D E X

Caput II. De Prima subdiuisione Propositionis Categoricæ.	40
Caput III. De Secunda subdiuisione propositionis Categoricæ.	41
Caput IV. De Tertia, & Quarta subdiuisione propositionis Categoricæ. ib.	
Caput V. De Oppositionibus propositionum participantium utroque termino, ordine eodem.	42
Caput VI. De materia Propositionum Categoricarum.	43
Caput VII. De Regulis Oppositionum Propositionum in qualibet materia. b.	
Caput VIII. De Conuersionibus Propositionum Categoricarum.	44
Caput IX. De Propositione Hypothetica, eiusque diuisione.	45
Caput X. De Conditionali.	46
Caput XI. De Copulatiua.	ibid.
Caput XII. De Disiunctiua.	47
Caput XIII. De Causali.	ibid.
Caput XIV. De Temporal.	48
Caput XV. De Locali.	ibid.
Caput XVI. De Equipollentijs Propositionum de inesse, tum Categoricarum, tum Hypotheticarum.	ibid.
Cap. XVII. De Propositione Modal.	49
Caput XVIII. De Quiditate, & Qualitate Propositionum modalium.	51
Caput XIX. De Quantitate Propositionum modalium.	ibid.
Caput XX. De Oppositionibus Propositionum modalium.	52
Caput XXI. De Oppositionibus modalium, de formis.	53
Caput XXII. De Oppositionibus modalium, de lege.	54
Caput XXIII. De Equipollentijs Propositionum modalium.	55
Seccio III. De Proprietatibus Terminorum, ac Propositionum extrinsecis simul.	56
Caput I. De quibusdam acceptionibus Terminorum.	ibid.
Caput II. De Suppositione, & eius diuisione.	ibid.
Caput III. De Ampliatione & Restrictione Terminorum in Propositione.	59
Caput IV. De Appellatione Terminorum in Propositione.	60
Caput V. De Distributis, seu Distributione Terminorum in Propositione. ib.	

Caput VI. De Exponibilitate Propositionum.	62
Cap. VII. De Propositione Exclusiua. ib.	
Caput VIII. De Propositione Exceptiua.	63
Caput IX. De Propositione Reduplicatiua.	ibid.
Caput X. De Propositione inceptiua, & Positiua.	64
Caput XI. De Propositione Infinita, Distributa & excessiua.	65
Caput XII. De Propositione Distinctiua.	66
Tractatus III. De Syllogismis differēs	67
Seccio I. De Syllogismo simpliciter, & reliquis Argumentationis speciebus. ib.	
Caput I. De Argumento, & Argumentatione.	ibid.
Caput II. De Syllogismo, & eius partibus, tam materialibus, quam regulatiuis.	ibid.
Caput III. De Formatione Syllogismi in modo, & figura.	69
Caput IV. De Regulis generalibus, bonitatem syllogismorum concernentibus, in communi.	70
Caput V. De Prima Figura, & eius modis.	ibid.
Caput VI. De Secunda Figura, & eius modis.	71
Caput VII. De Tertia Figura, & eius modis.	72
Caput VIII. De Reductione modorum quindecim ad quatuor primos modos prime figuræ.	73
Caput IX. De Syllogismo Expositorio, seu particulari.	74
Caput X. De syllogismo Hypothetico.	75
Caput XI. De modis arguendi in Conditionali.	76
Caput XII. De modis arguendi in Copulatiua.	ibid.
Caput XIII. De modis arguendi in Disiunctiua.	ibid.
Caput XIV. De Inclusionem.	ibid.
Caput XV. De Enthimemate.	77
Caput XVI. De Exempto.	ibid.
Caput XVII. De reductione Inductionis, & Exempli ad Syllogismum.	78
Caput XVIII. An detur quarta Figura à tribus supradictis distincta, & in quo consistat.	ibid.

Se-

C A P I T V M.

Seccio II. De Syllogismo Dialectico, seu de locis Topicis.	80
Caput I. De Syllogismo Dialectico, seu Topico.	ibid.
Caput II. De loco, & eius diuisione.	81
Caput III. De Loco intrinseco, eiusque diuisione.	ibid.
Caput IV. De Loco à diffinitione ad diffinitum.	82
Caput V. De Loco à diffinito ad diffinitionem.	ibid.
Caput VI. De Locis à Descriptione, & Descriptio, ab Interpretatione, & Interpretatio.	ibid.
Caput VII. De Loco à concomitantibus substantiam, & eius diuisione.	83
Caput VIII. De Toto Vniuersali, eius parte subiecti, et eorum Locis.	ibid.
Caput IX. De Toto integrali, & eius parte, ac eorum Locis.	84
Caput X. De Toto in Quantitate, eius parte, ac eorum Locis.	ibid.
Caput XI. De Toto in modo, in Loco, & in Tempore, ac eorum Locis, & Partibus.	85
Caput XII. De Locis à Causa, & Effectu.	86
Caput XIII. De Locis à Generatione, & Corruptione.	87
Caput XIV. De Vitis, & communiter Accidentibus, ac eorum Locis.	ibid.
Caput XV. De Loco extrinseco, & eius diuisione.	88
Caput XVI. De Locis ab Oppositis.	ibid.
Caput XVII. De Loco à Repugnantibus, seu Disparatis.	89
Caput XVIII. De Loco à Maiori, & Minori.	90
Caput XIX. De Loco à Simili.	ibid.
Caput XX. De Loco à Proportionem.	91
Caput XXI. De Transmutata proportionem, & eius loco.	ibid.
Caput XXII. De Loco à Transumptione, seu Metaphora.	92
Cap. XXIII. De Loco ab Auctoritate.	ib.
Seccio III. De Syllogismo sophistico, seu de Fallacijs.	93
Caput I. De syllogismo sophistico, seu Falligrapho.	ibid.
Caput II. De Disputatione, & eius speciebus.	96
Caput III. De meta, & eius speciebus.	ib.

Caput IV. De Diffinitione Fallacie, & eiusque diuisione.	97
Caput V. De Fallacia Equiuocationis.	98
Caput VI. De Fallacia Amphibologie.	99
Caput VII. De Fallacijs Compositionis, & Diuisionis.	100
Caput VIII. De Fallacia Accentus.	101
Cap. IX. De Fallacia Figuræ dictionis.	ib.
Caput X. De Fallacia Accidentis.	103
Caput XI. De Fallacia à dicto secundum quid, & dictum simpliciter.	104
Caput XII. De Fallacia ignorantie Elenchi.	105
Caput XIII. De Fallacia Petitionis Principij.	106
Caput XIV. De Fallacia consequentis.	107
Caput XV. De Fallacia secundum non causam, vt causam.	108
Cap. XVI. De Fallacia secundum plures interrogationes, vt vnā.	109
Caput XVII. De Reductione omnium Fallaciarum ad Fallaciam Ignorantie Elenchi.	ibid.
Tractatus de Primis, ac Secundis Intentionibus.	111
Seccio I. De Diuisione Entis in Reale, & Rationis.	112
Caput I. Quid sit Ens reale, & quotuplex.	ibid.
Caput II. Quid, & quotuplex sit Ens rationis.	ibid.
Cap. III. De duplici intellectu, ac eorum operationibus.	113
Caput IV. De triplici Actu Intellectus possibilis.	114
Cap. V. Quid sit intentio, & conceptus, & quomodo differant inter se.	115
Seccio II. De intentione prima, & secunda.	117
Caput I. Quid sit Prima, & secunda intentio.	ibid.
Cap. II. Quomodo secunda intentio permanet in concreto, & in abstracto.	119
Arbor secundarum intentionum.	120
Caput III. Quomodo conficiantur secundæ intentiones.	121
Seccio III. De Prædicatione Secundarum intentionum inter se, & de primis.	123

I N D E X

DISPUTATIO NVM ET QVÆSTIONVM, quæ in tota Logica continentur.

Disputatio Prima De Natura Logicæ,
& eius subiecto. 127
Quæstio I. Vtrum Aristoteles fuerit in-
uentor Logicæ. ibid.
Quæstio II. Vtrum Logica sit necessaria ad
alias facultates acquirendas. 129
Quæstio III. Vtrum Logica sit verè, &
propriè scientia. 132
Quæstio IV. Vtrum Logica vtens faciat di-
stinctum Habitum a docente. 137
Quæstio V. Vtrum Logica sit scientia
Communis vel particularis. 141
Quæstio VI. Vtrum Logica docens sit
pars Philosophiæ. 143
Quæstio VII. Vtrum Logica sit scientia
realis, vel rationalis. 146
Quæstio VIII. Vtrum logica sit sciētia specu-
latiua, an practica, vel vtraq; simul. 148
Quæstio IX. Vtrum Logica sit vna, vel
plures. 153
Quæstio X. Vtrum syllogismus sit subiectum
adequatum totius Logicæ. 156
Disputatio II. De Natura vniuersalis in
Communi. 167
Quæstio I. Vtrum Vniuersale logicū, sed pro
secunda intētiōne sumptum, sit ens. ib.
Quæstio II. Vtrum Vniuersale sit per se
intelligibile. 170
Quæstio III. Vtrum Vniuersale habeat
aliquas proprietates. 173
Quæstio IV. Vtrum vniuersale logicū sit vni-
uocū, & genus ad quinq; vniuersalia. 177
Quæstio V. Vtrum Vniuersale sit subie-
ctum in libro Porphyrii. 181
Quæstio VI. Vtrum Vniuersale sit subie-
ctiue in re cognita passiuè, vel in intel-
lectu cognoscente. 184
Quæstio VII. Vtrum Propositiones, in qui-
bus vniuersale, vel alia secunda intētiō
predicatur de re, sint veræ, & per se. 189
Quæstio VIII. Vtrum Vniuersalia sint
tantum quinque. 194
Disputatio III. De Natura Generis. 198
Quæstio I. Vtrum per hanc Diffinitionē: Ge-
nus est, quod prædicatur de pluribus
differentibus specie in quid, diffiniatur
genus pro prima, an pro secunda in-

tentione, vel vtrumque. ibid.
Quæstio II. Vtrum Diffinitio generis, per
prædicari de pluribus differentibus
specie in quid sit conuenienter data a
Porphyrio. 201
Quæstio III. Vtrum hæc Propositio: Ho-
mo est animal, & consimiles sint veræ,
& per se. 204
Quæstio IV. Vtrum illa particula, de dif-
ferentibus specie, conuenienter ponat-
ur in diffinitione generis. 210
Quæstio V. Vtrum Genus requirat multas
species, & an auctu, vel aptitudine. 213
Quæstio VI. Vtrum illa particula, in quid,
conuenienter ponatur in Diffinitione
Generis. 217
Quæstio VII. Vtrum Genus sit princi-
pium speciei. 220
Disputatio IV. De Natura speciei, & In-
diuidui. 225
Quæstio I. Vtrum Diffinitiones speciei
sint conuenienter assignatæ, & an sint
quiditatiuæ. ibid.
Quæstio II. Vtrum eadem species, quæ est
subiectibilis, sit etiam prædicabilis. 228
Quæstio III. Vtrum participatione spe-
ciei hæc sit vera: Plures Homines sunt
vnus homo. 233
Quæstio IV. Vtrum Diffinitio indiuidui,
scilicet, quod prædicatur de vno solo,
sit bona, & conuenienter assignata a
Porphyrio. 234
Disputatio V. De Natura Differentiæ. 233
Quæstio I. Vtrum Prima diuisio Diffe-
rentiæ in Communem, Propriam, &
Propriissimam sit bona, & conuenien-
ter assignata a Porphyrio. 243
Quæstio II. Vtrum hæc sit vera: Socrates
tenet differt a seipso puero. 247
Quæstio III. Vtrum Prima Diffinitio dif-
ferentiæ, scilicet, differentia est qua spe-
cies abundat a genere, sit conuenien-
ter data. 249
Quæstio IV. Vtrum Differentia pro se-
cunda intentione possit diffiniri. 251
Quæstio V. Vtrum secunda diffinitio diffe-
rentiæ, scilicet prædicari de pluribus
differt.

C A P I T V M.

differentibus specie in quale; sit conuenienter assignata. 252
Quæstio VI. Vtrum Differentia prædicatur in quale. 255
Disputatio VI. De Natura Proprii. 258
Quæst. I. Vtrum Proprii sit Vniuersale. ib.
Quæstio II. Vtrum Diffinitio Proprii quarto modo sit conuenienter assignata a Porphyrio in textu. 260
Quæstio III. Vtrum Proprium sit distinctum Vniuersale ab Accidente. 263
Quæstio IV. Vtrum Proprium necessarium semper insit. 265
Disput. VII. De Natura Accidentis. 268
Quæstio I. Vtrum Accidentis sit de numero vniuersalium. ibid.
Quæstio II. Vtrum prima Diffinitio Accidentis, scilicet, Accidentis est quod adest, & abest &c. sit conuenienter assignata a Porphyrio. 270
Quæstio III. Vtrum Proprium, & Accidentis possint dici de aliquo eodem. 274
Quæstio IV. Vtrum inhaerentia sit de quiditate, & essentia Accidentis. 176
Disputationes, & Quæstiones super Prædicamenta. 285
Quæstio I. De Auctore, Fine, & intentione huius libri. ibid.
Quæstio II. Vtrum Prædicamentum, seu Generalissimum in Communi sit subiectum huius libri. 286
Quæstio III. Vtrum scientia Prædicamentorum pertineat ad Logicam, vel Metaphysicam. 289
Disputatio I. De Antepredicamentis. 292
Quæstio I. Vtrum Diffinitiones Equiuocorum, Vniuecorum, & Denominatiuorum sint sufficienter assignatæ. ibid.
Quæstio II. Vtrum Analogum mediet inter Equiuocum, & Vniuecum, vel sit cum utroque simul 295
Quæstio III. Vtrum Ens reale sit vniuecum Deo, & Creaturæ, ac omnibus decem Prædicamentis. 300
Disputatio II. De Prædicamentis in Generali. 311
Quæstio I. Vtrum Prædicamenta sint tantum decem, ut nec plura sint, nec pauciora. ibid.
Quæstio II. Vtrum Prædicamenta distinguantur realiter, vel tantum ratione. 316
Quæstio III. Vtrum omnia entia realia

reponantur in Prædicamentis. 322
Quæstio IV. Vtrum sit ponendum aliquod Prædicamentum intentionale, in quo reponatur secundæ intentiones. 330
Disputatio III. De substantiæ Prædicamento. 338
Quæstio I. Vtrum Prædicamentum substantiæ habeat Genus, & in quo consistat eius Essentia. ibid.
Quæstio II. Vtrum Diuisio substantiæ in primam, & secundam sit vniuoca, vel Equiuoca. 342
Quæstio III. Vtrum aliquis homo sit prima substantia. 348
Disputatio IV. de Natura Communi, seu de Vniuersali Metaphysico. 351
Quæstio I. Vtrum in rebus, ante operationem intellectus, detur vnitas formalis, minor vnitate numerali. 352
Quæstio II. Vtrum talis vnitas formalis, minor vnitate numerali, à parte rei existens, sit positua, vel tantum priuatiua. 357
Quæstio III. Vtrum detur Natura Communis, vel etiam vniuersalis à parte rei, præter operationem intellectus. 362
Disputatio V. De Indiuuatione Naturæ substantialis. 367
Quæstio I. Vtrum Natura substantialis sit hæc, & indiuidua per aliquod positiuum ab eadē realiter distincta. 367
Sectio I. An Prima substantia sit constituta in esse per negationem duplicem scilicet indiuisibilis à se, & diuisibilis a quocunque alio. 368
Sectio II. An substantia indiuidualis sit indiuidua per actualē existentiam. 371
Sectio III. An substantia indiuidualis sit indiuidua per quantitatem 373
Sectio IV. An materia, vel forma sit principium indiuiduationis substantiæ materialis. 376
Sectio V. An substantia indiuidualis sit constituta in esse indiuidui per aliquam entitatem posituiam, ab eadem realiter distinctam. 380
Disputatio VI. De Natura Quantitatis tam Continuæ, quam Discretæ. 388
Quæstio I. Vtrum Quantitas sit vnum Genus generalissimum realiter distinctum a substantia. ibid.
Quæstio II. Vtrum ratio essentialis quantitatis.

ritatis sit diuersibilitas in partes ciu-
ilem rationis, vel ratio mensuræ. 392
Quæstio III. Vtrum Linea, Superficies,
 & Corpus sint tres species quantitatis
 continuæ a se inuicem distinctæ. 399
Quæstio IV. Vtrum Quantitas discreta
 sit species quantitatis, quæ est genus
 generalissimum; & an Numerus, &
 Oratio sint species Quantitatis discre-
 tæ, a se inuicem essentialiter distinctæ.
 401
Seçtio I. An unitas quantitativa addat
 supra rem materiale aliquod posi-
 tum. 402
Seçtio II. An Numerus prædicamenta-
 lis sit vera species quantitatis discretæ.
 405
Seçtio III. Vtrum Oratio sit vera species
 quantitatis discretæ a numero essen-
 tialiter distincta. 416
Seçtio IV. Vtrum Quantitas discreta sit
 vera species Quantitatis, vt est genus
 generalissimum. 420
Disputatio VII. De Relationibus. 424
Quæstio I. Vtrum Ad aliquid sit speciale
 genus entis realis generalissimum a
 cæteris realiter distinctum; & quod-
 nam sit illud. ibid.
Seçtio I. Vtrum præter Relationes ratio-
 nis admittendæ sint Relationes reales,
 a suis fundamentis realiter distinctæ.
 425
Seçtio II. Vtrum Relatio Prædicamen-
 talis requirat ad sui esse necessariam
 dependentiam a fundamento, & ter-
 mino; vel, an esse in, sit ira de essentia
 relationis, sicut esse Ad. 432
Seçtio III. Vtrum Relationes sumant
 suam specificationem a termino so-
 lū n, vel etiam a fundamento. 437
Seçtio IV. Vtrum terminus Relationis
 terminet illum secundum esse absolu-
 tum, vel respectum. 444
Seçtio V. Vtrum sit ponendum vnum
 Genus Generalissimum, in quo repo-
 nantur omnes Relationes prædica-
 mentales. 451
Quæstio II. Vtrum Relationes secundi
 modi, quem recenset Aristoteles. 5.
 Meth. c. 20. sunt in potentia,
 vel in actione actiua, vel passiva. 456
Disputatio VIII. De Natura, & Essentia

Qualitatis. 465
Quæstio I. Vtrum Qualitas sit Genus g.
 neraleissimum ab alijs distinctum. ibid.
Quæstio II. Vtrum diuisio Qualitatis tra-
 dita ab Aristotele sit Generis in spe-
 cies subalternas, vel tantum in modos
 eiusdem Qualitatis. 469
Quæstio III. Vtrum Qualitati insit con-
 trarietas. 474
Quæstio IV. Vtrum Qualitas suscipi t
 magis, & minus, & quomodo. 481
Disputatio IX. De sex Principijs, seu vl-
 timis Prædicamentis. 492
Quæstio I. Vtrum Actio, & Passio con-
 stituant duo Genera generalissima, in-
 ter se realiter distincta. ibid.
Quæstio II. Vtrum Vbi, & Positio, siue
 situs, sint duo Genera generalissima,
 inter se realiter distincta. 495
Quæstio III. Vtrum Quando, & Habi-
 tus sint duo Genera generalissima. 498
Disputatio X. De Post prædicamentis.
 502
Quæstio I. Vtrum Diuisio, ac natura op-
 positorum sit recte, & sufficienter as-
 signata ab Aristotele in textu. ibid.
Quæstio II. Vtrum Modi Prioris, Poste-
 rioris, ac simul, sint sufficienter enu-
 merati ab Aristotele in textu. 508
Quæstio III. Vtrum post prædicamenta
 Motus, & Habere sint conuenienter
 assignata in textu. 513
**Disputationes & Quæstiones super libris
 Posteriorum.** 515
Quæstio Proxinialis. De subiecto horum
 librorum. 517
Disputatio I. De Præcognitionibus, &
 Præcognitis. 520
Quæstio I. Vtrum Hæc Prepositio: Om-
 nis Doctrina, & omnis disciplina ex
 præexistenti sit cognitione, sit vniuer-
 saliter vera in omni cognitione intel-
 lectiua. ibid.
Quæstio II. Vtrum Præcognitiones, &
 Præcognita sint bene assignata ab Ari-
 stotele in textu. 523
Quæstio III. Vtrum Præmissis simul co-
 gnitis, necesse sit simul natura, vel
 tempore, cognoscere Conclusionem.
 528
Disputatio II. De Natura scientiæ, ac
 De-

C A P I T V M.

Demonstrationis quo ad quiditatem,

530

Quæstio I. Vtrum detur scientia in reum natura, & an sit antiqua, vel de nouo acquisita. ibid.

Quæstio II. Vtrum Diffinitiones scite sint bene assignatæ ab Aristotele in textu. 539

Quæstio III. Vtrum Diffinitiones Demonstrationis sint bene, & conuenienter assignatæ ab Aristotele. 541

Quæstio IV. Vtrum de non ente possit haberi scientia. 543

Quæstio V. Vtrum Axioma Aristotelis: Propter quod vnumquodque tale, & illud magis, sit vniuersaliter verum. 546

Quæstio VI. Vtrum Omnis Propositio immediata sit per se nota. 549

Quæstio VII. Vtrum aliquo modo possit adiuui Circulus in Demonstrationibus, etiam secundum Aristotelem. 555

Quæstio VIII. Vtrum Omnis Passio sit demonstrabilis de suo subiecto. 562

Quæstio IX. Vtrum Demonstratio, & scientia sit ex necessarijs, & impossibilibus aliter se habere. 574

Quæstio X. Vtrum contingat Demonstratorem descendere de genere in genus cuiuslibet scientiæ. 577

Quæstio XI. Vtrum scientia subalternata possit esse in aliquo intellectu sine subalternante, vt quis nimirum sit perfectus Musicus quin sit Arithmeticus. 582

Quæstio XII. Vtrum Principia Communia, prout distinguuntur a Proprijs, ingrediantur demonstrationem in qualibet scientia. 591

Quæstio XIII. Vtrum scientiæ Mathematicæ sint ceteris certiores, & firmiores. 600

Quæstio XIV. Vtrum Diuisio Demon-

stratio is in Demonstrationem propter quid, & quia, sit conueniens, & qualis. 604

Disputatio III. De Forma, Figuræ Quantitate & Qualitate Demonstrationis. 615

Quæstio I. Vtrum Diffinitiones, & Regulæ Propositionum immediatarum, & Immediatarum sint bene, ac sufficienter assignatæ. ibid.

Quæstio II. Vtrum, deficiente in Nobis aliquo sensu, necesse sit de ficere etiam notitiam eius obiecti. 618

Quæstio III. Vtrum eadem Conclusio per diuersa media demonstrari possit. 626

Quæstio IV. Vtrum syllogismus, seu demonstrationis vniuersalis sit prestantior particulari. 628

Quæstio V. Vtrum Demonstratio affirmatiua sit potior negatiua. 631

Quæstio VI. Vtrum Demonstratio Ostensiva sit prestantior ea, quæ est ad incommodum, seu ad impossibile. 634

Disputatio IV. De scientia ac Opinione, ac de scibili, & Opinabili. 638

Quæstio I. Vtrum scientia propter quid sit certior scientia quia. ibid.

Quæstio II. Vtrum de Entibus per accidentis, ac de singularibus possit dari scientia. 642

Quæstio III. Vtrum de eodem obiecto haberi possit simul scientia, Opinio, & Fides humana. 653

Disputatio vnicæ de medio Demonstrationis. 659

Quæstio I. Vtrum Quæstiones verè scibiles sint tantum quatuor, scilicet, si est, Quod est, quia est, & propter quid est. ibid.

Quæstio II. Vtrum medium in Demonstratione potissima sit Diffinitio Passionis, vel Subiecti, aut vtriusque simul. 665

I N D E X

RERVM NOTABILIVM PRIMI TOMI

Prior numerus paginam , secundus columnam indicat .

Absolutum.

Absolutum non est de conceptu formalis respectu. 435. 1. si est prius , potest separari à posteriori , nisi sit essentialis dependentia istius ab illo. 467. 2.

Abstractum.

Abstractum, & concretum sunt in eodem predicamento. 327. 2. sunt idem re, differunt tamen in modo significandi. 228. 2. & 312. 1. Abstracta, & concreta triplicia. 134. 2. Abstracta, ultimata, & non ultimata. 135. 1.

Accentus.

Accentus quid sit in ratione fallacia. 102. 1. est triplex, acutus, gravis, & circumflexus. ibid.

Accidens.

Accidens duplex, commune, & proprium. 13. 2. Commune duplex, separabile, & inseparabile. ibid. separabile considerari potest dupliciter. 14. 1. eius quatuor distributiones. ibid. eius differentia à proprio. 273. 2. quarta distinctio est eius prout constituit quintum, predicabile. 14. 1. quid sit in ratione quinti universalis. ibid. quomodo ab alijs quatuor differat. 14. 2.

Accidens duplex, absolutum, & respectivum. 277. 1. ut sic est æquivocum ad omnia accidentia absoluta, & respectiva, secundum Sco. 316. 1. & 340. 2. Absolutum naturaliter loquendo, dicitur de potentia subiecti. 389. 2. Individuatur per propriam habilitatem sicut substantia. 381. 2. unde non est de se individuum. 383. 2.

Accidens duplex, reale, & rationis. 261. 2. pro extraneo quid sit. ibid. Potest comparari vel ad sua inferiora quiditativè, vel ad subiecta, qua afficit. 269. 1. primo modo induit rationem gene-

ris, vel speciei, secundo modo quinti universalis ibid. eius distinctio explicatur. 271. 1. qua datur de accidente pro secunda intentione, non pro prima nisi per accidens. 272. 1. Ad rationem accidentis tria requiruntur. 275. 1. Accidens, ut inferat fallacia Accidentis, quid sit. 103. 2. Accidens discretum potest esse in subiectis realiter distinctis. 413. 1. nomen Accidentis potest accipi vel pro denominato, vel pro per se significato, & quid importet utroque modo. 433. 2. Accidentia sunt entis, & quomodo intelligitur. 278. 2. pendet à substantia in genere causa efficientis materialis, & finalis, non tamen formalis. 279. 1. Plura eiusdem rationis non possunt esse simul in eodem subiecto, & quare. 439. 1. quomodo tamen id possit admitti declaratur. ibid. & 441. 1. quadam insunt ab intrinseco, quadam ab extrinseco. 263. 2.

Actio.

Actio quid sit. 31. 1. quomodo differat à passione ib. Actionis nomen multipliciter dicitur. 492. 2. Actio, alia immanens, alia transiens. 493. 1. transiens, alia materialis, alia immaterialis. ib. materialis, alia substantialis, alia accidentalis. ib. fundatur in agente, & terminatur ad passum. 497. 2. & 494. 2. est generalissimum, distinctum realiter à passione. 494. 1. eius proprietates. 31. 1.

Actus.

Actus intellectus quosdam. 114. 1. Actui sunt entia realia, passivi sunt entia rationis. 114. 2. Reflexus sunt entia rationis absoluta, comparativus est ens rationis respectivum. ibid. Actus voluntatis tres. 115. 1. quilibet activus, & passivus. ibid. quoniam sint entia realia, vel rationis.

absoluta, vel respectiva. 115. 2. Actus duplex, primus, & secundus, & quid uterque. 255. 2. item duplex, Quò, & Quod. 384. 2. Distinguitur eo modo, quod est actus. 373. 1. Actus logicae ventis, & docentis, qui sunt. 137. 2.

Ad aliquid.

Ad aliquid. Vide Relatio.

Adamus.

Adam sui primus omnium scientiarum inuenior. 127. 2.

Adolescentia.

Adolescentia, quanam sit, & alia hominum aetates. 247. 1.

Aequalitas.

Aequalitas, in quo fundatur. 26. 1. quid sit. 359. 1.

Equipollentia.

Aequipollentia, alia propositionum, & alia terminorum. 48. 2. propositionum duplex, alia in significando tantum, alia in significando, & inserendo simul. ib. hac quid. 49. 1. Aequipollentiarum regula. ibidem. Aequipollentia modalium propositionum. 55. 1. & 2. earum regula. ib.

Aequiuoca.

Aequiuoca, alia aequiuocata, alia aequiuocantia. 16. 2. & 192. 2. utraque pro prima, & pro secunda intentione. ibid. Aequiuoca aequiuocantia alia a causa, & alia a consilio. 296. 2. quare sic dicta. 16. 2. cum uniuocis suis contradictione. 299. 1.

Aequiuocatio.

Aequiuocationis duo modi. 298. 2. Aequiuocatio alia physica, alia metaphysica. 302. 1.

Aetas.

Aetas formaliter dicitur relationem. 247. 1. Aetatis hominum diuisio. ibid. Alia etates. ibid.

Affirmatio.

Affirmatio est causa affirmationis, & quomodo. 207. 2.

Albedo, & Album.

Albedo, & album sunt idem realiter, & differunt in modo. 228. 2.

Alteratio.

Alteratio quid sit. 35. 2.

Amphibologia.

Amphibologia quid sit, & unde sit dicta. 99. 2.

Amplificatio.

Amplificatio quid sit. 39. 2. tripliciter fieri potest. ibid. accipitur primo, & secundo intentionaliter. 60. 1.

Analogia, & Analogia.

Analogum quid sit. 295. 2. eius convenientia, & disconuenientia ab uniuocis, & aequiuocis. ibid. Analogia tres gradus. 296. 1. Analogia inaequalitatis, attributionis, & proportionis. ibid. Analogia inaequalitatis non distinguitur ab aequiuocis in secundo gradu. 298. 1. Analogia attributionis aliquando cum uniuocis, aliquando cum aequiuocis coheret. ibid. Attributionem semper tollit uniuocationem. 299. 2. Analoga proportionis reducuntur ad aequiuoca secundum similitudinem. 298. 2. quia conueniunt in diffinitione. 299. 1. Inter uniuoca, & aequiuoca non dantur analogia media. ib.

Angelus.

Angelus est substantia simplex physice, non tamen metaphysice. 339. 2. quomodo possunt diffiniri. ib. sunt in predicamento substantia. ib. & 340. 1. & 2. substantia accidentibus non corruptibilibus, sed perfectiuis. 342. 2. Angeli possunt discurrere. 522. 1. habent veram scientiam per causam. 522. 2.

Anima.

Anima rationalis est substantia simplex physice, non tamen metaphysice. 339. 2. est forma partis hominis. 377. 1.

Animal.

Animalis diffinitio. 205. 1.

Antepredicamentum.

Antepredicamentum quid sit. 33. 1. & 308. 2. quot sint antepredicamenta. 309. 1. primum ad quid inuenit. 17. 2. secundum, & tertium ad quid inuenit. 20. 2.

Appellatio.

Appellatio quid sit. 60. 2. quomodo tripliciter accipitur. ib.

Arbor.

Arbor generum, & specierum. 10. 2. Differentiarum. 12. 1. secundarum intentionum. 120. 1. & 2. Arboris praedicamentalis ordo. 205. 1. & 2. item 224.

Argumentatio.

Argumentum quid sit. 67. 2. quomodo differat ab argumento, & medio. ib. eius quatuor species. ib. esse nequis subiectum in logica. 159. 2.

Ar-

Index Rerum Notabilium

Argumentum.
Argumentum quid sit. 67. 1.
 Ars.
Quid sit Ars. 6. 1. dupliciter capitur. *ibid.*
 quomodo accipitur in diffinitione
Dialectica. *ibid.*
 Aristoteles.
Aristoteles dicitur inventor Logicae, &
 quomodo. 127. 2. & 128. 2.
 Attributa.
Attributa Dei quo sensu sint qualitates,
 ex Scoto. 255. 1.
 Auctor, & Author.
Auctor, & *Author* quid sint. 92. 2. differe-
 rentia inter ipsos, & ab alijs. *ibid.*
 Auctoritas.
Auctoritas alia creata, alia divina. 93. 2.
 duas habere debet conditiones. *ibid.*
 negativè non tenet. 94. 1.
 Augmentatio.
Augmentatio quid sit. 35. 1.
 Axioma.
Axioma Philosophi, Propter quod unū-
quodque tale, &c. ad sui veritatem re-
 quirunt tres conditiones. 546. 1. si obser-
 ventur, est verissimum. 547. 1. tenet in
 comparatione ad omnia principia tam
 mediata, quam immediata. *ib.* si autē
 scientia sumatur propriè, nō tenet. 547. 2.
 Beati.
Beati non possunt cognoscere distinctè in
particulari Deum, & eius essentiam.
 553. 1. Beatorum visio suscipi magis,
 & minus. 485. 2. unus altero maiorem
 habet gloriam. *ibid.*
 Casus.
Casus in locis topicis qui sint, & quare
 sic dicti. 94. 2.
 Causa.
Causa quotuplex. 3. 1. & quid sit quali-
 bet. *ibid.* *Causa* vis sic, quomodo diffi-
 nitur. 86. 1. efficiens, alia intrinseca,
 alia extrinseca. 662. 1. intrinseca, alia
 physica, alia metaphysica. *ibid.*
 Cæci.
Cæci à nativitate quam notitiam habere
 possint de coloribus. 620. 1.
 Charitas.
Charitas crescit, & augetur ut quo in ho-
 mine. 488. 2.
 Circulus.
Circulus demonstrativus quid sit. 556. 1.

fieri potest quadrupliciter. *ibid.* tribus
 primis modis admittitur. 557. 1. eius
 utilitas in scientijs. *ibid.*
 Cælum.
Cælum simpliciter, & hoc cælum sunt
 eiusdem rationis. 378. 2.
 Cognitio.
Cognitio intellectus alia apprehensiva,
 alia ad hæsiua. 529. 2. item est quadru-
 plex. 393. 1.
 Colores.
Colores non causantur totaliter à qua-
tuor qualitatibus tangibilibus, sed
 etiam concursu elementorum. 620. 2.
 Commentator.
Commentator quis sit. 93. 1. differt à
 Compillatore. *ibid.*
 Commune.
Commune quotupliciter dicitur. 141. 1.
 Communicabile.
Communicabile duplex, ut quo, & ut
 quod. 348. 2.
 Compillator.
Compillator quis sit. 93. 1. differt à Com-
 mentatore. *ibid.*
 Conceptus.
Conceptus quid sit, & unde dictus. 116. 2.
 Concipere.
Concipere nequit competere voluntati.
 116. 2. dupliciter accipitur, & quomo-
 do differt ab intentione. *ibid.*
 Concludere.
Concludere directè, & indirectè quid
 sit. 70. 2.
 Conclusio.
Conclusio quid sit. 68. 2. quomodo dica-
 tur cognita, & scita in universali, &
 in particulari; in habitu, & in actu.
 529. 1. eadem nequit demonstrari per
 plura media totalia eiusdem generis,
 & ordinis. 626. 2. bene tamen per plu-
 ra media diversi generis, & ordinis.
 627. 1.
 Concreta.
Concretum accidentale, & Denomina-
 tivum sunt idem. 206. 1. Concretum,
 & abstractum sunt idem in re, differe-
 runt tamen in modo significandi. 228.
 2. & 312. 1. ambo sunt in eodem pradi-
 camento. *ibid.* & 327. 1. Concretatri-
 plicia. 134. 2. & 135. 1.

Primi Tomi.

Conditiones.

Conditiones eorum, quae ponuntur in praedicamentis. 21.1. & 2. & 324.1. *Conditiones relativi praedicamentalis* 28.2.

Coniugata.

Coniugata quae, & quare sic dicta. 94.2. *Copula, & Copulare.*

Copula quid sit. 39.1. *Copulare, significare, & supponere differunt.* 36.2.

Consequens.

Consequens quid sit. 107.2. *accipitur dupliciter.* ibid. *eiusdem fallacia.* ibid.

Contradictoria.

Inter contradictoria non datur medium. 299.1.

Contraria.

Contraria in summo quomodo inferunt contradictoria. 480.1. *alia limitata, alia transcendens.* 508.1.

Contrarietas.

Contrarietas largae, & strictae, quid importet. 474.2. *sumpta in apertitudine tantum potest inesse, & de facto inesse, omnibus qualitatibus oppositis.* 478.1. *sumpta vero in actu inesse tantum naturaliter qualitatibus oppositis in gradibus intensis.* 478.2.

Conuenientia.

Conuenientia Vniuersalium ad inuicem. 14.2.

Conuersio.

Conuersio propositionis dupliciter accipitur. 44.2. *strictae sumpta est triplex, simplex, per accidens, & per contrapositionem.* 44.2. & 45.1.

Corpus.

Corpus quid sit. 24.2. & 389.1. *est multiplex.* ibidem. *habet tres dimensiones, unam formaliter, & duas materialiter.* 400.1. *est species quantitatis continua.* 400.2.

Corruptio.

Corruptio quid sit. 35.1.

Creatura.

Creatura eadem dependentia essentiali dependet ad Deum & quoad esse, & quoad conservari. 457.2.

Decrepitas.

Decrepitas. Vide *Aetas*.

Demonstratio.

Demonstratio, alia potissima, seu propter quid; alia non potissima, seu quia.

342.1. & 662.2. *eiusdem optima definitiones.* 342.1. *duplici diffinitione diffinitur, altera per causam finalem, altera per materialem.* 605.1. *Demonstratio simpliciter est de necessariis, & impossibilibus aliter se habere.* 576.1. *Demonstratio propter quid dicitur eius a priori; Demonstratio quia, a posteriori.* 605.12. *illa est per causam, ista per effectum.* ibid. *utraque duplex.* ibid. *Prior quomodo dicitur potissima.* ibid. *hac diuisio demonstrationis in propter quid, & quia, est conuenienter data, & non datur medium.* 606.1. & 2. & est diuisio vniuoca analogae generis in species. 607.2. *Item Demonstratio alia vniuersalis, alia particularis.* 628.1. *Particularis consideratur vel formaliter, vel praexigunt.* ibid. *vniuersalis facit magis scire, quam particularis.* 628.2. & est magis de ente quam illa. ibid. & magis se elongat ab errore. 629.1. & est nobilior, & praestantior. ibid. & est duplex, scilicet affirmatiua, & negatiua. 631.2. *affirmatiua est potior, & praestantior negatiua.* ibid.

Item Demonstratio alia simplex, alia mixta. 635.2. *Demonstratio propter quid completitur non tantum eam, quae est a causa proxima, & immediata, sed etiam a causa remota, & inadeguata.* 606.2. *Potest attendi vel ex parte predicati tantum, vel ex parte predicati, & subiecti simul.* 663.1. *In demonstratione propter quid predicati medium est diffinitio passionis.* 663.2. & in demonstratione tam subiecti, quam predicati, medium non est diffinitio subiecti, & predicati simul. ibid. *nec diffinitio passionis.* 664.1. *bene tamen diffinitio causalis passionis.* 664.2. & diffinitio formalis metaphysica subiecti. ibid. *non tamen diffinitio efficiens, finalis, & materialis physica.* 665.1.

Demonstratio potissima potest considerari vel in ratione causalis, vel in ratione euidentiali tantum. 663.1.

Demonstratio ostensiva qualis. 634.1. *alia affirmatiua, alia negatiua.* ibid. *Demonstratio ad incommensurabile quid sit.* ibid. *alia affirmatiua, alia negatiua.* ibi d.

Index Rerum Notabilium

ibid. Differentia inter ostensuam, & ad incomodum. *ibid.* in aliquibus conueniunt, & in aliquibus differunt. **634. 2.** In ea, quae est ad impossibile duplex processus. *ibid.* Ostensiuam negatiua est dignior demonstratione ad impossibile. **635. 1.** affirmatiua pariter. *ib.*

Demonstratio circularis quid sit. **556. 1.** fieri potest quadrupliciter. *ib.* eius utilitas in scientiis. **557. 1.**

Demonstratio Quia, fieri potest quadrupliciter. **606. 1.** est vera Demonstratio. **607. 1.**

Demonstratio, Vnde Scientia. Item vide *Syllogismus demonstratiuus.*

Demonstrator.

Demonstratorem in scientiis omnino disparatis non contingit descendere de genere in genus. **578. 2.** in quibus autem possit descendere, habetur infra. *ib.*

Denominans.

Denominans est idem cum abstractio, & substantiuo accidentali. **17. 2.**

Denominatio.

Denominatio proprie tria includit. **17. 2.** alia intrinseca, alia extrinseca. **185. 2.** Extrinseca in uno extremo presupponit intrinsecam in alio. **460. 1.**

Denominatiua.

Denominatiua quid sint. **17. 1.** alia uoce tantum, alia significatione tantum, alia uoce, & significatione simul. *ibid.* & **293. 1.** Denominatiuum concretum, & adiectiuum sunt idem. **17. 2.** Denominatiua possunt accipi pro prima, & pro secunda intentione. **293. 1.**

Descensus.

Descensus duplex, diuisiuus, & arguiuius. **58. 2.** Arguiuius quadruplex. *ibid.* & **59. 1.**

Determinare.

Determinare inherens, & inherentiā, quid, & quomodo differant. **192. 2.** & **193. 1.**

Determinatio.

Determinatio quintuplex, & quolibet quid sit. **85. 1.**

Deus.

Deus potest auferre effectum formalem causa secunda naturalis, saltem secundum. **477. 2.** habet scientiam propriissimam primò de sua essentia, &

virtute eius, de ceteris obiectis necessariis creatis. **540. 1.** si causaret in aliquo intellectu notitiam alicuius propositionis per se nota, non propterea diceretur per se nota. **551. 2.**

Dialectica, & Dialecticus.

Dialectica unde dicta. **5. 1.** quid sit. *ibid.* eiusdem excellentia, utilitas, & necessitas. *ibid.* eiusque definitio quomodo intelligenda. **6. 2.** Dialecticus circa idem laborat, circa quod Metaphysicus, & Sophista, & quomodo intelligitur. **163. 1.**

Dici de.

Dici de omni, quid sit. **68. 1.** Dici de nullo quid sit. *ibid.* utrumque duplex, prioristicum, & posterioristicum. *ibid.* capitur tripliciter. **27. 1.**

Dictio.

Dictio exclusiua, quae sit. **62. 2.** Dictio Tantum tripliciter exponitur. **194. 1.** Accipitur categorice, & syncategorematice. **62. 2.** Dictio exceptiua quae. **63. 1.** Reduplicatiua. *ibid. 2.*

Dictum.

Dictum simpliciter quomodo differt à secundum quid. **104. 2.**

Differens, & Differentia.

Differens tripliciter dicitur. **2. 1.** Differentia dupliciter consideratur. **11. 1.** & est triplex, Communis propria, & magis propria. **11. 2.** & **244. 2.** magis propria alia generica, alia specifica. **11. 2.** specifica communis. *ibid.* Differentiarum arbor. **12. 1.** Differentia, quae diuiditur in communem, propriam, & propriissimam, non est secunda intentio, sed vox realis aequiuoca. **244. 1.** huiusmodi membra diuidentia formaliter non coincidunt, verum sunt opposita disparta. **245. 1.** propriissima est sola unum de quinque vniuersalibus, & est secunda intentio. **245. 1.** & **2.** non pradicatur quale, sed bene in quale, quomodo intelligatur. **255. 2.** non tamen in quale accidentale, sed essenziale. **256. 1.** non denominatiue, & etiam denominatiue, & quomodo utrumque. **257. 1.** Differentia duplex, positina, & negatiua. **248. 1.** dupliciter consideratur, scilicet pro connotato, & pro formali, & hac adhuc dupliciter. **220. 1.**

& 2.

Primi Tomi.

& 2. vel sumi potest primo, & secundo intentionali-ter, & primo modo tripliciter. 230. 2. & secundo intentionali-ter recte diffiniri valet. 251. 2. & est triplex: intermedia, ultima, & eis- dem communis. 252. 1. Intermedia, quae predicatur de differentiis specie, & ultima, quae de differentiis nu- mero, non sunt duo predicabilia, sed unum tantum. 252. 2. specifica, & indi- vidualis quomodo conveniunt, & differunt. 380. 1. Differentia superior aliquando potest induere rationem ge- neris, & predicari in quid, quomodo intelligendum. 219. 2. ultima sunt: primo diversa. 304. 1. Individualis in or- dine ad naturam communem, quam contrahit, est propria, sed in ordine ad individuum, quod constituit, est propriis- sima. 247. 1. est una numero per se pri- mo. 354. 1. potest comparari ad tria sicut differentia specifica. 381. 1. numeralis alia propria, alia impropria, seu pri- ma, & adventicia. 375. 2. Differentia opposita reperiuntur simul in eodem ge- nere potentialiter, non actualiter. 250. 2. Differentia in ratione universalis quid sit. 13. 1. quomodo differat ab alijs uni- versalibus. 14. 2.

Difficultas.

Difficultas conficiendi syllogismos in T y- ronibus, unde. 140. 1.

Diffinitio.

Diffinitio unde dicta. 15. 1. alia quid nomi- ni, alia quid rei ibid. utraque di- ri potest cum admixtione alterius. 539. 1. Quid rei, alia quiditativa, alia descriptiva. 152. 2. Quiditativa aliap- pure, alia non pure, seu per additamen- tum. ibidem. & 302. 1. Descriptiva, alia propria, alia communis. 15. 2. Pure quiditativa non est nisi illarum rerum, quae dicunt conceptum per se unum. 644. 2. Quilibet quiditativa de- bet dari per priora, & notiora diffini- ro. 446. 1. & 447. 2. Diffinitio quid rei quadruplex, iuxta quatuor genera causarum. 661. 2. Diffinitionis bonae, conditiones. 15. 2. Diffinitio quomodo universalis. 96. 2. Diffinitio non est subiectum in libris Posteriorum. 517. 2. non est nobilior demonstratione. 519. 1.

Diffinitio, & Diffinitum sunt termini diverfi. 550. 2. relative se habent. 236. 1. Diffinitum.

Diffinitum in diffinitione generis, quid. 200. 1. Diffinitum diffinitione non pure quiditativa, non necessario est ens reale, sed sufficit quod sit ens rationis. 251. 1. Per aliquid diffiniatur recte, tria requiruntur. 251. 2.

Dignitates.

Dignitates demonstrationis alia sunt for- males, alia virtuales. 524. 2. virtua- les sunt duo prima principia metha- physica, formales sunt duo prae- missa ibid. Possunt accipi vel secundum esse complexum, vel incomplexum. 525. 1. de ipsis praecognoscitur solum quia est, & non quid est. 525. 2.

Diminutio.

Diminutio quid sit. 35. 2.

Dicursus.

Dicursus quid sit. 522. 1. eius tres con- ditiones. ib. Ad dicursum non requi- ritur ordo temporis, sed natura. ibid.

Disparata.

Disparata duplicia, accidentalia, & sub- stantialia. 89. 2. quae sint. 503. 1. Eorum diffinitio explicatur. 506. 1.

Dispositio.

Dispositio, modus qualitatis, quid sit. 29. 2. dupliciter accipitur, absolute, & cum praecisione, seu specialiter. 470. 1.

Disputatio.

Disputatio quid sit. 96. 1. eius quatuor species. ib.

Diffimilitudo.

Diffimilitudo quid sit. 31. 1.

Distinctio.

Distinctio generis septem. 316. 2. Distin- ctio realis sumi potest dupliciter. 318. 2. Distributio.

Distributio quid sit. 60. 2. accipitur pri- mo, & secundo intentionali-ter. 62. 1. Signa distributiva, quae sint. 61. 2.

Directa.

Diversa, & differentia in aliquo conne- niunt, & in aliquo diff- runt. 304. 1. Diversa quae sint. ib. & 319. 2.

Divisio.

Divisio unde dicta. 18. 1. alia realis, alia rationis. ib. Divisio differat in su- perdivisione, subdivisione, & condi- sione.

Index Rerum Notabilium

hinc. ibid. Rationalis, alia per se, alia per accidens. 18. 2. Diuisio per se triplex. *ibid.* & 243. 2. per accidens triplex. 19. 2. qualibet potest fieri per affirmationem, & negationem. 19. 1. debet esse bimebris, & quomodo. *ibid.* & 446. 2. Diuisiois bona conditiones. 19. 2. & 243. 2. Diuisio alia materialis, alia formalis. 333. 1. formalis duplex. *ibid.* & 390. 2. Diuisio tollit unitatem, non quamlibet, sed tantum sibi oppositam. 360. 2.

Eclipsis.

Eclipsis luna quid sit. 662. 2.

Effectus.

Effectus idem nequit dependere à pluribus causis totalibus, & adequatis, eiusdem generis, & ordinis. 626. 2.

Elenchus.

Elenchus quid sit. 105. 2. eius diffinitio explicatur. *ibid.* fallacia ignorantiae elenchi quid sit. 106. 1.

Ens.

Enstrascendensimè sumptum, reale, & rationis 168. 2. 112. 1. & 301. 1. reale aliud absolutum, aliud respectuum. *ibid.* & 112. 1. Ens reale aliud finium, aliud infinitum. 301. 1. hac diuisio est uniuersi analogi in sua uniuersa analogata. *ibid.* & 303. 2. non est equiuocum metaphysice, sed logice. 302. 1. est tamen uniuocum metaphysice respectu Dei, & creature, substantia, & accidentis. *ibid.* & uniuocum essentialiter tantum respectu Dei, omnium generum, specierum, indiuiduorum, differentiarum genericarum, & specificarum, saltem subalternarum. 303. 1. non tamen est uniuocum essentialiter respectu suarum passionum, vel passionum suorum inferiorum, & modorum intrinsecorum, & ultimarum differentiarum, sed tantum denominatum, & identicum. 303. 2. tamen secundum Scotum non negatur importare conceptum uniuocum in quid, dicibilem etiam de ultimis differentiis, sed negatur predicari de illis eo modo, quo dicitur uniuoce de decem predicamentis. 240. 1. Diuisum in decem predicamenta non est superius ad Deum. 323. 2. & 326. 1. secundum conceptum

abstractum est prius natura ipso Deo, non tamen secundum subsistentiam, seu existentiam à parte rei. 305. 1. Ens reale transcendens comprehendit sub se Deum, & omnia, quae sunt in Deo formaliter. 323. 2. & omni entia finita. *ibid.* Ens finium licet possit dici limitatum respectu entis transcendentissime sumpti, tamen nullo pacto potest induere rationem generis. 315. 1. est enim adhuc illuminatum ad decem genera. 315. 2. descendit in alia entia per modos intrinsecos, gerentes vicem differentiarum. *ibid.* & in decem predicamenta per modos intrinsecos nobis innominatos. 301. 2. Ens duplex, unum, & multa. 210. 1. Infinitum nulum ponitur in predicamento. 325. 2. Quae entia reponantur in predicamento. 327. 2. Ens, & res tripliciter accipitur. 425. 1. Tam ens, quam non ens potest tripliciter accipi. 543. 2. De non ente complexo nequit haberi scientia. 544. 2. neque de non ente incomplexo. *ibid.* bene tamen de non ente in actu. 545. 1. Ens est simpliciter simplex, quomodo hoc sit verum. 568. 1. Ens reale non est subiectum in logica. 159. 2. Ens duplex, per se, & per accidens. 643. 2.

Ens per accidens.

Ens per accidens non diffinitur. 410. 1. potest accipi dupliciter. 642. 2. utroque modo adhuc dupliciter. *ibid.* & 643. 2. adhuc est aliud casuale, aliud fortitum. 644. 1. de ente per accidens non potest esse scientia. 645. 1. & 646. 1. potest tamen esse aliqua scientia negatiue. 646. 2.

Ens rationis.

Ens rationis aliud obiectum, aliud subiectum, & aliud habens esse in. considerato ut consideratum. 112. 2. & 331. 1. ultimum est duplex, absolutum, & respectum. *ibid.* & 331. 1. utrumque duplex, intellectum, & voluntatem. 113. 1. illud tertium habens esse in considerato ut consideratum proprie vocatur ens rationis, & distinguitur ab ente reali. *ibidem.* Entia rationis nequeunt distinguere entia realia, sed solum eadem denominare. 319. 1. Ens rationis, siue logicum, siue commune

ad 2-

Primi Tomi:

adipsum, non est subiectum in logica. 159.2. Ensratiōis adhuc triplex: grāmaticale, logicale, & morale. 331.1. De existentia entis rationis logici opinio. 167.2.

Enthimemā.

Enthimema quid sit. 77.2. eiusdem regule a 1 cognoscendum quamam propositio deficiat. ibid. eius reductio ad syllogismum. 77.2.

Equinitas.

Secundum Avicenam Equinitas est tantum equinitas, quomodo intelligatur. 363.1.

Esse.

Esse in actu, potentia, & aptitudine differunt. 213.2. Esse in nouem modis contingit. 20.1. item contingit tripliciter, effectiue, obiectiue, & subiectiue. 184.2. & 185.1. Esse in intellectu subiectiue dupliciter, mediātē, & immediate. 185.2. Esse in multis duplex, reale, & rationis. 176.1. & 2. Esse in rationis est proprietas uniuersalis logici. ibid. Esse cognitum passiuē, non est denominatio extrinseca, sed intrinseca, contra Poncium. 188.1. & 2.

Essentia.

Essentia diuina est indiuiduum illimitatum. 240.2. Aliud esse de essentia alicuius, & aliud esse idem essentialiter alicui. 277.2.

Euidencia.

Euidencia est conditio essentialis scientiæ. 45.1.1.

Ex.

Propositio Ex, quadrupliciter potest accipi. 521.2.

Exemplum.

Exemplum quid sit. 77.2. modi arguendi ab exemplo. 78.1. eius reductio ad syllogismum perfectum. ibid.

Existencia.

Existencia, alia communis, alia particularis; seu ultimata, & non ultimata. 371.2. particularis, & ultimata eodem modo se habet ad indiuiduum; sicut communis, seu non ultimata ad speciem, vel ad genus, cuius est existencia. 372.1. est modus intrinsecus essentia. ibid. & 373.1.

Existencia hominis non precedit ratio-

nalitatem, bene eius propriam passionem. 372.1. actualis non concurrat ad constitutionem indiuidui intrinsecam, sed bene ordinatur ad eius perfectionem extrinsecam. ibid.

Exponibilitas.

Quid sit exponibilitas propositionum, & quomplex. 62.1.

Expositor.

Expositor quid sit, & quomodo differat ab Auctore, & 693.1.

Extensio.

Extensio, alia entitativa, alia quantitatina. 389.1. quantitatina duplex. 394.1.

Extremitas.

Extremitas maior, & minor, quid sit. 68.2.

Factio.

Quid sit Factio, & quomodo differat ab Actione. 31.1.

Fallacia.

Fallacia, alia in Dictione, alia extra Dictionem. 97.2. & quid sint. ib. Fallacia equiuocationis. 98.1. Amphibologia. 99.2. Compositionis. 100.1. Diuisionis. 101.1. Accentus. 102.1. Figura Dictionis. 102.2. Accidens. 103.2. Dicitur secundum quid ad simpliciter. 104.2. Ignorantia Etlenchi. 105.2. Petitionis principij. 106.2. Consequentis. 107.2. Non causa ut causa. 108.1. Plurimum interrogationum utriusque. 109.1.

Falsitas.

Falsitas, alia necessaria, alia contingens. 544.1. necessaria, alia euidens, alia non euidens. 544.2.

Finis.

Finis logica duplex, & qui. 137.2. Finis scientia speculatiua, & practica duplex. 151.1. & 2.

Fides.

Fides innuitur testimonio, & auctoritati dicentis. 522.1.

Figura.

Figura dupliciter, formaliter, & fundamentaliter. 30.2. figura oppositionis complexa. 43.1. Syllogismi quid sit. 69.1. quos sint. 69.2. Prima figura, eius modi, & exempla. 70.2. Secunda, & eius modi, & exempla. 71.2. Tertia, & eius modi, & exempla. 72.2. Quarta quid sit. 78.2. est ab alijs distincta. 79.1.

eius

Index Rerum Notabilium

cuius modi, & exempla. ibid. 2. eorum
reductio ad modos perfectos. ibid.
Figura est vox equivoca, & si conside-
retur uno modo, pertinet ad pradi-
camentum Quantitatis, alio modo ad
pradicamentum Qualitatis. 322. 1.
Item accipitur vel materialiter, vel
formaliter. 471. 1. utraque vel quidi-
tatiui, vel modaliter. ibid.

Filius.

Filius dependet à patre eadem omnino
dependentia in conservari, qua depen-
debat in fieri. 457. 2.

Forma.

Forma, aliaphysica, alia artificialis.
30. 1. alia totius, alia partis. 377. 1.
neutra potest esse principium indivi-
duationis rerum. 379. 1. accipitur du-
pliciter, largè, & stricte. 471. 1.
quopacto dua forma contraria repu-
gnant in eodem ad invicem. 475. 2.
vel sint compossibiles. 476. 1. in sum-
mo tamen naturaliter omnino repu-
gnant, non verò supernaturaliter. ibi-
dem.

Generalissimum.

Generalissimum, Vide Genus.

Generatio.

Generatio quid sit. 35. 1. actina, vel pas-
siva non sunt rationes fundandi rela-
tiones paternitatis, & filiationis, pre-
requiruntur tamen tamquam disposi-
tiones necessaria. 458. 1. Generatio
Divina, Vide Relationes divinae.

Genus.

Genus dicitur tripliciter. 9. 1. 6. 197. 1.
Genus quid sit. ibidem. eius diffini-
tio quomodo intelligenda. 9. 1. & 2. 12.
1. aliud generalissimum, aliud subal-
ternum. 9. 2. & 179. 1. generalissi-
mum consideratur dupliciter. 332. 1.
subalternum est genus solum materia-
liter, quia formaliter potius dicitur
species subicibilis. 231. 2. Genus non
est subiectum in libro Porphyrij. 182.
2. quomodo differi ab alijs universalibus.
14. 2. tripliciter consideratur. 198. 3.
per eius definitionem quodnam
genus diffiniatur. 199. 1. eius diffini-
tio non est descriptiva. 202. 2. Genus,
aliud predicabile, aliud videntis. 213.
2. quomodo predicatur etiam de diffi-

rentibus numero. 211. 2. sumitur pro
prima, & pro secunda intentione. 214.
1. pro secunda intentione non requiritur
plures specie actus, vel potentia. 214.
2. neque pro prima intentione. ibidem.
utrumque requiritur plures in apitudi-
ne. 215. 1. & in actus plures ab intel-
lectu conceptas. ibidem. Pradicatur in
quid de suis speciebus. 218. 2. pradi-
catur pariem essentia speciei, & per
hoc asserit a specie. 253. 2. quomodo sit,
vel non sit principium speciei. 221. 2. 107.
plus se habet potentialiter, quam spe-
cies. 250. 1.

Genus physicum, & logicum quomodo
differunt. 241. 1. Item Genus est duplex,
predicabile, & scibile. 377. 1.

Geometria.

Geometria quoad duo sua prima princi-
pia est interior philosophia naturalis,
sed considerata secundum se, vel quo-
ad maiorem partem suarum conclu-
sionum, est certior, & prestantior il-
la. 640. 1.

Gradus.

Gradus formatam substantialis, quam
accidentalis duplex, quiditativus, seu
specificus; & individualis. 483. 1.

Habere.

Habere dicitur septem modis. 35. 2. ut
post pradicamentum ad quid inest.
36. 1. quomodo dicatur. 513. 2. eius
sufficiencia declaratur. 514. 1.

Habitus.

Habitus quadrupliciter accipitur. 470.
1. ut est modus qualitatis quid sit. 29.
2. ut pradicamentum, quid sit. 33. 1.
eius genera, & species, qua. ibidem.
eiusdem proprietates. ibidem. suscipit
magis, & minus, & non habet contra-
rium ibidem. eiusdem varie acceptiones,
& divisiones. 499. 2. est genus gener-
alissimum. 500. 1. constituitur ex respec-
tibus extrinsecus advenientibus. ibid.
2. differt ab Habitu, ut est post pradi-
camentum. 501. 3.

Habitus logica videntis, & docentis du-
pliciter consideratur. 138. 1. Inclinat
potentiam. ibidem. Habitus logica do-
centis formaliter est idem cum viden-
te. ibidem. sed connotatiue distin-
guuntur realiter. 139. 1. duplex quando
ponen-

ponendus in eodem intellectu respectu operari, & speculari. 140. 2. Habitus prudentia cur ponatur distinctus a Sines, & Eubolia. 141. 1.

Hæcetas.

Hæcetas est principium indiuiduationis substantia. Vide Materia totius. Hæcetas quid sit. 38. 1. non est materia, nec forma, nec compositum, sed ultima realitas entis, quod est materia, vel forma, vel compositum, ab eis formaliter distincta. 38. 2. est eiusdem generis cum indiuiduo. 38. 1. Hæcetas est sunt primo diuersa inter se. 38. 1. quomodo conueniant in cōceptu comuni. ib. Vide etiā Principium indiuiduationis.

Homo.

Hominis ætas diuiditur. 247. 1. Vide Aetas.

Humanitas.

Humanitas est una numero per accidēs. 354. 1. tota est in singulis indiuiduis, sed inadequatē. 356. 2. est diuisa in illis ut alia numero sit in uno, & alia numero sit in alio. 358. 1.

Hypostasis.

Hypostasis, seu suppositū, & persona quomodo conueniant, & differant. 348. 2.

Idem.

Idem dicitur tribus modis. 9. 1. quomodo possit bis referri. 227. 2.

Identitas.

Identitatum septem genera. 316. 2.

Ignis.

Ignis inferni non lucet. 276. 2.

Impotentia.

Impotentia naturalis, modus Qualitatis, quid sit. 29. 2.

Incommunicabile.

Incommunicabile duplex ut Quo, & ut Quod, similiter, & incommunicabile. 348. 2.

Indeterminatio.

Indeterminatio duplex, priuatiua, & positiva. 363. 1.

Indifferens.

Indifferens, seu Indifferentia, duplex, potentialis, & disiunctiua; & actualis, seu copulatiua. 208. 2.

Indiuidua.

Indiuiduum, aliud determinatum, aliud vagum. 11. 1. & 235. 1. & 2. Quid sint Indiuiduum determinatum, seu signa-

tum, & vagum. 349. 1. Determinatum, seu signatum potest concipi vel adequatē, vel inadequatē. 235. 2. Indiuiduum tripliciter sumitur, & quo pacto. 209. 1. & 2. duo complectitur, scilicet naturam communem, & differentiam indiuidualem. 235. 1. & 2. Eiusdem diffinitio. 236. 1. & 2. 237. 2. Consideratur vel primo, vel secundo intensionaliter. 236. 1. secundo intensionaliter dupliciter, vel in concreto, vel in abstracto. ibid. An possit diffiniri, & quomodo. ibi. Ab indiuiduo potest abstrahi ratio communis, & quomodo. 236. 2. talis ratio sic abstracta est singularis. 237. 1. quomodo Indiuiduum possit predicari ad modum speciei de pluribus. ibi. & 378. 2. conuenit, & differt ab vniuersali. 337. 2. talis ratio sic abstracta predicaretur de pluribus non ut quid, sed solum ut modus. 239. 1. & 240. 1. Indiuiduum reponitur in predicamento, & quomodo. 226. 2. In quolibet, in quo continentur omnia predicata superiora, continentur etiam omnes vniuersales talium predicatorum. 354. 1. Indiuiduum est unum numero per se non primo. ib. Indiuiduum, seu prima substantia consideratur vel formaliter, vel concomitanter, & quid sit utroque modo. 269. 1. non constituitur in esse per duplicem negationē, sed per fundamentū positū illarū negationū. 369. 2. Indiuidua formaliter sunt primo diuersa. 235. 1.

Indiuiduari.

Indiuiduari contingit dupliciter, per se, & concomitanter seu consecutiuē. 372. 1. quæ indiuiduentur per se, & quæ concomitanter. ib. 2. non indiuiduantur substantia per actualem existentiam intrinsecā, sed tantum extrinsecā. 372. 2.

Inductio.

Quid sit Inductio. 76. 2. cum descensu opposito modo se habet. 77. 1. Quomodo sumatur singulare in eius diffinitione. ibi. eius reductio ad Syllogismum perfectum. 78. 1. Accipitur dupliciter. 583. 1. ut est species argumentationis non sufficiens ad scientiam. ibid.

In esse.

In esse accipitur proprie, communiter, & commissiue. 271. 1. & 2.

c

In.

Index Rerum Notabilium

Infantia.
Quanam sit Infantia. 247. 1.
Infinitum.
Infinitum, aliud cathegorematicum, aliud syncategorematicum. 61. 2.
Inherens.
Determinare inherens, & inherentiam; Vide Determinare.
Inobrentia.
Inherentia accidentis ad subiectum, alia actualis, alia aptitudinalis. 277. 1. quo pacto differant. *ibid.* 2. neutra est de essentia accidentis, siue absoluti, siue respectiui. *ib.* Aptitudinalis est eadem realiter accidenti. 278. 1. Actualis distincta ab ipso realiter. *ibid.*
Inopinabile.
Inopinabile, ut est Metaphysica sophista, quid sit. 97. 1.
Instans.
Instans temporis, quomodo diuisibile, & indiuisibile. 512. 1.
Instantanea, & Instantia.
Qua sine instantanea. 65. 1. Instantia, in quibus incipiunt, & desinunt res quatuor. *ibid.*
Intellectus.
Intellectus duplex, agens, & possibilis. 113. 1. & 2. possibilis tres actus, & quilibet actiuius, & passius. 114. 1. & 2. pro statu isto in intelligendo dependet a sensibus. 620. 1. habeo assensu ad huiusmodi *pramissarum*, non potest impediri, quin habeat assensum conclusionis. 530. 2. Aliquid esse ab intellectu, dupliciter contingit, cum fundamento, & sine fundamento in re. 170. 1. Ex intellectu, & intelligibile sit verius unum, quam ex materia, & forma, secundum Averroem, quomodo verum. 157. 2.
Intelligentia.
Intelligentia motrices Caelorum sunt in praeiudicio substantia. 340. 1.
Intelligibilitas.
Intelligibilitas motrix, & terminativa sunt passiones entis, & quomodo. 171. 2.
Intensio.
Intensio est motus realis distinctus realiter a motu acquisitionis. 486. 2.
Intentio.
Intentio unde dicta. 115. 2. dicitur de tribus. 116. 1. accipitur vel in concreto, vel

in abstracto. *ib.* quomodo differat à conceptu. 116. 2. & 117. 1. *Alia prima, alia secunda in concreto, & in abstracto. ib.* & 118. 1. & 2. quilibet quomodo sumatur in concreto, & in abstracto. 119. 2. accipitur ut quid, & ut modus. 123. 1. ad tria potest comparari. 124. 1. non est subiectum logica. 159. 2.
Intentiones. secunda quomodo conficiantur. 121. 1. quomodo de se inuicem praeiudicentur. 123. 1. *alia limitata, alia illimitata, & transcendent.* 331. 2. limitata possunt considerari vel pro fundamento, vel pro formalis, vel pro aggregato. 332. 1. & 2. reponantur in praeiudicio rationis octo conditiones requiruntur. 332. 2. quanam reponantur in suo praeiudicio. *ib.*
Interrogatio.
Interrogatio, alia exercitia, alia signata, & utraque quomodo fiat. 219. 1.
Inuentor.
Inuentor Logica quis, & quomodo. 127. 2. & 128. 1. & 2.
Inuentus.
Inuentus quanam sit. Vide Actus.
Linea.
Linea quid sit. 24. 2. & 388. 2. consideratur materialiter, & formaliter. 399. 2. habet unicam dimensionem. 400. 1. non est pura negatio. *ibidem* est species quantitatis continua. 400. 2. includitur in superficie, & amba in corpore tantum materialiter. 401. 1.
Locus.
Locus inmutatio, quid sit. 35. 2. **Locus Topicus** quid sit. 81. 1. est duplex, scilicet **locus maxima**, & **locus differentia maxima**. *ibid.* Differentia inter maximam, locum maximam, & locum differentia maxima. 81. 2. locus differentia maxima triplex, intrinsecus, extrinsecus, & medius. *ibid.* locus intrinsecus quid, & quod duplex. *ib.* & 82. 1. A diffinitione ad diffinitionem. 82. 2. A descriptione ad descriptionem. 83. 1. Ab interpretatione ad interpretationem. 83. 2. A toto uniuersali ad suam partem. 83. 2. A parte subiectiva ad suum totum. *ib.* A toto integrali ad suam partem, & e converso. 84. 1. A toto in quantitate. 84. 2. A toto in modo. 85. 1. A toto in loco. 85. 2. A toto in tempore. *ibid.*
 A causa

A causa ad effectum, & e converso. 86.
1. A generatione, & corruptione. 87. 1.
Ab usibus. 87. 2. A communiter acci-
dentibus ibid. Locus extrinsecus quid.
88. 1. Ab oppositis. ib. & 89. 2. A mai-
ori, & minori. 90. 1. A simili. 90. 2. A
proportione. 91. 2. A transmutat a pro-
portionem. ibid. A transumptione. 92. 1.
Ab Auctoritate. 94. 1. Locus medius
quid sit. ib. A coniugatis. 94. 2. A casu-
bus. ibid. A divisione. ibid.

Logica.

Logica quomodo alijs scientijs excellen-
tior. 6. 1. dicitur necessaria, & quomodo.
129. 2. & 130. 1. Est de secundis inten-
tionibus fundatus super rebus. 131. 2.
Docens est vera scientia, viens nequa-
quam. 134. 1. naturalis, & artificialis
quid. 132. 2. & 133. 1. Docens, & viens,
quid. 133. 2. Logicam esse modum sci-
endi, quomodo intelligitur. 136. 1. eius si-
mi intrinsecus, & extrinsecus. 137. 2.
Docens, & viens non sunt distincti ha-
bitus formaliter, sed tantum connota-
tive. 138. 1. & 2. est scientia communis,
& quomodo. 142. 2. Logica est scientia
communis, & scientia ut communis,
sunt propositiones diuersae. 142. 2. est pars
philosophiae, & quomodo. 144. 2. etiam
de mente Aristotelis. 145. 1. est scientia
realis intrinsecus, sed extrinsecus est ra-
tionalis. 146. 2. & 147. 2. Considerat
pradicamenta realia per accidens, &
per se secundas intentiones illis appli-
catas. 147. 2. non est practica, sed specu-
latiua. 150. 1. & 2. nec simul speculati-
ua, & practica. ib. 2. quomodo est dire-
ctiua operationum, & non est practica.
151. 2. & 152. 1. & 2. intrinsecus est una
specie. 154. 1. extrinsecus est una genere.
ibid. formaliter non est una, sed plures.
ib. 2. nec est una virtualiter. ib. est tamē
una potentialiter. 155. 1. diuiditur in
veterem, & nouam. 157. 1. eius subie-
ctum attributionis est syllogismus in
comuni pro secunda intentione. 160. 1.

Lumen.

Lumen gloria suscipi magis, ac minus.
485. 2.

Luna.

Luna secundum se potest eclipsari, &
non eclipsari. 452. 2.

Lux.

Lux quid sit. 276. 1. non est proprium cor-
poris luminosi. ibid.

Magis, & minus.

Magis, & minus, maius, & minus con-
uenient, & differunt. 483. 1. Magis, &
minus in subiecto semper praesupponit
maius, & minus in formis. ib. 2.

Maior, & minor.

Maior, & minor extremitas, quid. 68. 2.
Maior, & minor propositio, quid. ibid.

Maius, & minus.

Maius, & minus, magis, & minus con-
uenient, & differunt. 483. 1. Maius, &
minus in locis Topicis dupliciter acci-
piuntur. 90. 1.

Materia.

Materia propositionis accipitur mate-
rialiter, & formaliter. 43. 1. formaliter
est triplex, naturalis, coniungens, &
remota. ib. Materia, alia in qua, alia
ex qua. 267. 1. quomodo sit una numero
in omnibus compositis. 357. 2. Materia,
alia signata, alia non signata. 376. 1.
alia totius, alia partis. 377. 1. Materia
totius est differentia in diuiduali. 370.
2. est principium in diuiduationis sub-
stantiae, non vero materiae partis, siue
signata, siue non signata. 377. 2.

Mathematica.

Scientia Mathematica appellatur do-
ctrinales a Philosopho, & quare. 600.
1. sunt in primo gradu certitudinis. ib.
2. non tamen ratione obiecti. 601. 1. ne-
que sunt certiores Mathematica ra-
none principiorum, sed bene scientijs
naturalibus. ib. & ratione modi pro-
cedendi sunt certiores, & firmiores
alijs scientijs re alibus. 601. 2. Mathe-
matica est scientia realis. 427. 1.

Maxima.

Maxima Topica quia. 8. 1. Vide Locus.
Medium.

Medium in Syllogismo quid sit. 67. 2. &
68. 2. In Demonstrationibus. Vide De-
monstratio.

Mensura, & Mensurare.

Mensura, alia actiua, alia passiua. 395. 1.
utraq; dicitur respectu. ib. non sunt de co-
ceptu quiditatis, quāritatis. ib. Men-
surare in quāritate, quid sit. 394. 2. & hoc
dupliciter. ib. & a alibi dupliciter. 395. 1.

Index Rerum Notabilium

Meta.

Meta falsi, quid sit. 96.2. eiusdem quinque species. ibid.

Methaphysica, & Methaphysicus.

Methaphysica est maxime scientia, & omnium scientiarum domina. 564.2. et 568.2 est certissima, & firmissima scientia, & quare. 600.2. Methaphysicus circa idē laborat, circa quod Dialecticus, & Sophista, quomodo intelligēdū. 163.1.

Modi, & Modus.

Modi qualitatis quot. 29.2. *verbales* quatuor. 50.1. *Modi per se* quatuor, & quid sint. 171.1. *Modi predicandi* in quid, & in quales, & uterque quotuplex. 194.2. *Modi significandi, & intelligendi quales* sint. 207.1. *Modi intrinseci* sunt primo diuersi. 304.1. sunt aliquomodo entia realia, sed non quiditativē, ex Scoto. 306.1. *Modus intrinsecus* non variat rem formaliter. 278.2. bene tamen rationem quiditativam, & essentialē. 314.1. *Modus in propositione modalis* quid sit. 50.1. est duplex, scilicet nominis, & verbi. ibi. *Modus sciendi, seu differendi* non est subiectum in logica. 159.1. non diffinitur. ibid. potest tamen dici aliquomodo subiectu communitatis, seu predicationis. 163.2. *Modus habendi* multiplicatur ad modū essēdi 513.2. quotuplex sit. ib. eius sufficientia declaratur ut est unū de postpredicamentis. ib. *Motus.*

Motus quid sit. 24.2. dupliciter consideratur. 35.1. ut dupliciter, largē, & stricte. 513.1. stricte comprehendit quatuor species. ib. largē quomodo diffinitur. ib. dividitur in sex species. ibid. Quomodo spectat ad Logicum, & ad Physicum. 513.2. *Motus, ut est postpredicamentum ad quid inuenit.* 35.2. eius sufficientia declaratur. 513.2. & 514.1.

Multa.

Multa sunt triplicia, eadem, differentia, & diuersa. 210.1. *Multa eadem, vel accidentaliter, vel quiditativē.* ibid. *Multa differentia triplicia, genere, specie, & numero.* ib. *Multa diuersa* qua sint. 210.2.

Multiplex.

Multiplex triplex, actuale, potentiale, & phantasticum. 97.2.

Natura.

Natura communis contracta ad indiuiduū est una numero per accidens. 356.1. de se nec est uniuersalis, nec singularis. 364.1. existens vel in intellectu, vel extra intellectum, est tantū uniuersalis in potentia, non in actu. 364.2. *Naturā esse comunē a parte rei, & esse uniuersalē prater operationē intellectus* nō sunt idē. 363.2. *Vera natura quid, & quomplex.* 189.2.

Naturalis.

Naturalis potentia, & impotentia, quid sint. 29.2. & 30.1.

Necessarium.

Necessarium dicitur dupliciter. 129.2. & 265.2. *Necessarium ex suppositione, quotuplex.* 129.2. & 166.1. & 2.

Necessitas.

Necessitas, alia complexa, alia incomplexa. 574.2. complexa triplex, consequentis, antecedentis, & consequentia. ibid. incomplexa duplex, simpliciter, & secundum quid. 575.1. ad hunc actū, & apud naturalis. ibi. d.

Negatio.

Negatio, alia negans, alia infinitas. 39.2. nulla dicitur perfectionē. 370.1. & 403.2.

Nomen.

Quid sit Nomen. 36.2. eius diffinitio quomodo intelligenda. 37.1.

Notitia.

Alia sunt Notiora natura, alia quoad nos. 556.2.

Notitia.

Notitia alia actualis, alia habitualis. 137.2. in Doctore dicitur doctrina, in Discipulo disciplina. 521.1. *Alia iestitia, alia intellectiva, alia interior, alia exterior.* ib. *Intellectiva, complexa, & incomplexa.* ibi. complexa, mediata, & immediata. ib. mediata potest sumi largē, & stricte. 521.2. *Quenam vocetur Scientia.* 536.2. *Notitia de aliquo haberi potest aut per inuentionem, aut per fidē.* 618.2. *notitia quam haberet cecus de aliquo colore per auditum, non esset scientia, sed fides.* 619.2. *Vide Scientia.*

Nugatio.

Quid sit Nugatio. 97.1. & 204.2. dupliciter sit. ibidem.

Numerus.

Numerus triplex, Numerus, numeratus, & for-

Et formalis. 25. 1. Et 407. 1. quid sit. 402.
1. alius transcendentalis, alius predicamentalis. ibid. Quid sit numerus secundum aliquos. 405. 2. eius unitas, Vide Unitas. Quid sit, ut sit totum integrale. 408. 1. Et ut totum essentiale. 408. 2. In quolibet datur forma totius, Et partium, Et que sit. 408. 1. Predicamentalis est entitas subsistens, independens ab intellectu. 408. 2. est obiectum sensus. 409. 1. reperitur tantum in unitatibus causatis ex diuisione continui. 409. 1. non est unum per accidens. 409. 2. de ipso datur scientia. ibid. quo habeat unitatem per se. 410. 2. Et 411. 1. est vera species quantitatis discretæ. 412. 2. transcendentalis, Et predicamentalis conueniunt, Et differunt. 414. 1. forma numeri, ut est totum integrale distinguatur realiter ab unitatibus materialibus; Et ut totum essentiale methaphysicum tantum formaliter agere, Et differenti. 411. 2. viroque modo est entitas absoluta. 412. 1. eadē potest esse in subiectis realiter distinctis. 413. 1. aliter dicitur. ibi. 2. Numerus consideratur vel formaliter, vel materialiter. 414. 1. Quomodo sit unaputra, vel multa. 414. 2. quomodo dicat unitatem per se simplicitatis, Et compositionis. 415. 2. quomodo differat ab oratione. 418. 1. Et 419. 1. Numerus Angelorum, hominum, Et aliarum rerum habentium esse completum exceptis continuis diuisionibus, est transcendentalis, non predicamentalis. 409. 1. Obiectum.

Obiectum, quomodo dicitur cognitum. 364. 2. sensibile, aliud proprium, aliud commune. 618. 2.

Operationes.

Operationes intellectus, Et voluntatis, quæ Et quomplexes. 149. 1. Tres operationes intellectus non sunt subiectum in logica. 159. 1. Operationes practica quæ sunt. 149. 1. Opinio.

Opinio accipitur large, Et strictē. 654. 2. strictē alia mediata, alia immediata. ibi. utraq; differat a dubitatione, suspitione, Et fide. ibi. eius formidō alia actualis, alia opitradinalis. 655. 1. Item Opinio duplex, actualis, Et habitualis. 655. 2. large sumpta comparatur cū scientia committer accepta in eodem. ibi. non ta-

men cū scientia propriē circa propositionem contingentiē immediatam. ibi. nec opinio mediata actualis potest esse de eodem obiecto complexo cū scientia magis propriē sumpta in eodem intellectu. 656. 1. nec opinio habitualis cum scientia habituali ibi. successiue tamen sic. ibi. 2. non item cum fide humana, si magis propriē sumatur. ibi. sine actuali formidine nequit absolute consistere simul cum scientia de eadem conclusione. 657. 1.

Opposita.

Opposita quadruplicia. 88. 2. Item duplicia. 195. 2. Et 315. 2. Explicantur diuisiones oppositorum. 505. 2.

Oppositio.

Oppositio duplex, complexa, Et incomplexa. 3. 2. Et 502. 2. Incomplexa quintuplex, Disparata, Relatiua, Contraria, Priuatiua, Et Contradictoria. 503. 1. Et 505. 1. Disparata, alia formalis, alia subiectiua. 503. 1. Relatiua quid. 33. 2. Priuatiua quid. ibi. Contraria quid. 34. 1. Contradictoria quid. ibi. Et 504. 1. Oppositio in cōmuni nō est sufficienter diuisa a Philosopho. 504. 2. Oppositio complexa quid, Et quāplex. 42. 2. eiusdē figura. 43. 1. Oppositio propositionum modalium, duplex; 52. 2. utriusq; figura. 53. 2. Et 54. 1. Oppositio, ut est postpredicamentum, quid sit. 34. 1. Oratio.

Oratio multiplex, Et æquiuoca. 25. 2. Quid sit. 38. 1. alia perfecta, alia imperfecta. ibid. Perfecta quintuplex. 38. 2. eius diuinitio quomodo intelligenda. ibi. ut est species quantitatis discretæ, quid sit. 25. 2. Et 417. 2. ut verō est totum essentiale methaphysicum quid sit. 418. 1. quomodo differat a numero. ibid. Et 419. 1. ut discretæ facit unum per se, non verō ut est significatiua. 420. 1. Oratio nequit esse subiectum logica. 160. 1.

Ordo.

Ordo relationum, Et extremorum inter se. 450. 2.

Partes.

Partes alia physica, alia methaphysica, Physica alia essentialia, alia integrales. 324. 2. Integrales alia homogeneæ, alia eterogeneæ. 325. 1. omnes hæ partes quomodo sunt in predicamento. ibi. Et 326. 1.

Index Rerum Notabilium

Passibilis qualitas.
 Passibilis qualitas quæ sit. 40. 1. & 471. 1.
 Passio.
 Passio, modus qualitatibus, quid sit. 30. 1. potest accipi vel absolute, vel cum præcisione. 470. 2. Passio prædicamentum quid sit. 31. 2. quid importet. 493. 2. accipitur vel formaliter, vel effectiue. ib. vi. quæ est vel materialis, vel immaterialis. ibid. materialis est vel substantialis, vel accidentalis. ib. fundatur in passio, & terminatur ad agens. ib. & 494. 2. est genus generalissimum. 494. 1. distinguitur realiter ab actione. ibidem. eiusdem proprietates. 31. 2.
 Passiones.
 Passiones non sunt de essentia rei. 355. 1. alia limitatæ, alia transcendentes. 562. 2. transcendentes, alia simplices, alia disiunctæ. 563. 1. disiunctæ non conueniunt cum ente absolute, verum sub disiunctione ib. Possunt dici immediate suo subiecto, vel immediate causa, vel immediate effectus. 563. 2. Passiones limitatæ omnes possunt demonstrari simpliciter, & propter quid de suis subiectis. 564. 1. etiam transcendentes de ente. ib. & 567. 1. probabile est, passiones entis, sine disiunctis, sine simplicibus non posse de eo demonstrari simpliciter, & a priori. 566. 1. disiunctæ, licet nequeant demonstrari de ente secundum totum disiunctum, bene tamen secundum viam partem. 567. 1. Passiones rerum alia intrinseca, alia extrinseca. 662. 1. extrinseca possunt considerari vel in actu, vel in aptitudine. ib. huiusmodi passio vel potest assignari triplex disiunctio. 662. 2. Passio propria. Vide Proprium, vel Proprietas.
 Patet.
 Pater in diuinis nequit habere plures filios, & quare. 441. 2. in creatis eadem omnino habitudine ordinatur ad filium post actum generationis, qua ordinabatur in ipsa generatione. 457. 2.
 Permanentia.
 Permanencia quæ dicitur. 64. 2. sunt dupliciter ibid. quomodo incipiunt, & definiuntur. 65. 1. Vide quantitas permanens.
 Persona.
 Persona, & Hypostasis, seu Suppositum,

quomodo conueniunt, & differunt. 348. 1. & 2. Persona quid. ib. 2.
 Philosophia.
 Philosophia diuisio multiplex. 143. 2. dupliciter accipitur. ibid. & 144. 1.
 Plures, & Pluralitas.
 Hæc diuisio Plures dupliciter potest accipi, scilicet comparatiue, & positiue, & quid significet utroque modo. 232. 2. Plures homines sunt unus homo, quo sensus est verum, vel falsum. 233. 1. & 2. Pluralitas triplex. 152. 1.
 Porphyrius.
 Porphyrii doctrina de quibus quæ vniuersalibus, quomodo necessaria, vel utilis. 166. 1. & 2.
 Positio.
 Quid sit Positio. Vide Situs.
 Posterioritas, & Posterius.
 Posterioritas. Vide Prioritas. Posterius. Vide Prius.
 Postprædicamentum.
 Postprædicamentum quid sit. 33. 1. & quomplex. 33. 2. & 502. Ad quid valeat. ib. Potentia.
 Nulla potentia facit suum obiectum motuum, sed ipsum præsupponit. 409. 1. Potentia, actiua, & passiva. 458. 1. generatiua in homine quid sit. ib. 2. Potentia naturalis tripliciter potest accipi. 470. 2.
 Præcognita, & Præcognitiones.
 Præcognita, & Præcognitiones accipi possunt large, & strictè. 524. 1. Præcognitiones sunt tantum duæ, & Præcognitiones tria. 525. 1.
 Prædicabile.
 Prædicabile de pluribus est subiectum formale in libro Porphyrii. 182. 1. & 2.
 Prædicabilia.
 Prædicabilia tot sunt, quot sunt prædicata, quomodo sit verum. 195. 1. & 2.
 Prædicamentum.
 Prædicamentum dupliciter accipitur. 2. 1. & quid sit utroque modo. 22. 1. & 286. 2. Prædicamentum diuisio. ib. Prædicamentorum quadam absoluta, quedam respectiua. ib. pro secunda intentione habet conationes ad esse subiectum in libro Prædicamentorum. 287. 1. & 2. & sic pro secunda intentione Prædicamenta spectant per se ad logicam. 289. 2. & 292. 1. sed pro prima intentione ad metaphysicam.

*ficam. ibid. Predicamenta realia pos-
sunt distinguere à priori, vel à posteriori.
312.2. non sunt plura, nec pauciora quàm
decem. 313. 1. & 2. eorum sufficientia
explicatur. ib. non distinguuntur tantum
ratione, sed ex natura rei. 318.2. distin-
guuntur se totis subiectivè, univèrsali-
ter loquendo, non vero se totis obiectivè.
319. 2. distinguuntur realiter inter se,
etiam stricto modo. ib. sunt primo di-
versæ. ib. omniā possunt ab invicem se-
parari. 320.1. tam voces, quam res po-
nuntur in predicamento, sed diversimodè.
323.2. Conditiones eorum, quæ
reponuntur in predicamento. 324.1. quæ
ponuntur in predicamento tripliciter
ordinari possunt. ibid. Datur Predica-
mentum rationis, distinctum ab alijs
decem, in quo reponuntur secunda in-
tentiones logicæ. 333.1. Dispositio
eiusdem predicamenti. ibid.*

Predicari.

*Predicari dividitur in quid, & in quale.
194.2. & 217.1. Predicari quid, & in
quid non est idem, sicut nec predicari
quale, & in quale. 217.1. & 2. & 255. 2.
Predicari in quid, quid sit. 9.2. & 217.
1. Predicari in qua est duplex, essentialis,
& accidentalis, & quid sit. 12.3. & 255.
2. Quod predicatur, quale, prædicatur
etiam in quale. 217.2. sed non e converso.
218.1. Predicari, siue dici de, est nomē
secundæ intentionis, esse verò in, primæ
intentionis. 174.2. Predicari de aliquo,
& verificari de aliquo non sunt idem, &
quomodo differunt 208.2. predicari de
differētibz numero dupliciter con-
tingit. 211.2.*

Predicatio.

*Predicatio, alia exercita, alia signata.
12.3.2. Item per se, & per accidens. 135.
1. & 2. Item, dætica, & formalis 240.1.*

Predicatum.

*Predicatum in proposi- tione quid sit. 39.1.
Præmissæ.*

*Præmissæ dispositæ in modo, & figura, si-
mul tempore cognoscuntur cum cōclu-
sione. 528.2. & 530.1. prius tamē natura
intellectus terminatur ad ipsas assen-
tindo, quàm ad cōclusionē. 529.1. & 530.
2. quomodo dicantur causæ cōclusionis
materialis, & quando efficiētes. 529.1*

Praxis, & Practicum.

*Praxis quid sit. 149.1. eius conditiones ib.
dupliciter accipitur. ibi. Practicum, &
speculativum, an passionēs, vel differētia
scientiæ. ib. 2. practica operationes quæ
ib. 1. Principia.*

*Principia alia realia, alia rationis, seu
physica, & methaphysica, & quid 221.
1. methaphysica sumuntur a physicijs,
& quomodo. ibid. utraque in aliquibus
conveniunt, & differunt. ibi. Item, alia
immediata, alia mediata. 526.2. & 17.
quæ sunt magis nota cōclusionē. 537.1.
& 2. Item alia essendi, alia cognosce-
di. 568.1. & 591.1. an sint eadem 568.1
principia cognoscendi, complexa, & in-
complexa. 591.1. complexa, communia,
& communissima, & propria. ibi. sunt
indemonstrabilia. ib. & 593.2. commu-
nia tamen non sunt simpliciter inde-
monstrabilia. 591.2. propria verò sunt
indemonstrabilia in illa sciētia, cuius
sunt principia, non tamen in superiori.
ib. communissima, & communia ingre-
diuntur demonstrationem tantum se-
cundum virtutem, non vero secundum
substantiam. ibid. & 592.1. tamen se-
cundum esse contractum, & applica-
tū etiam formaliter, seu secundum sub-
stantiam ingrediuntur. ib. & ut si
asserunt maiorem veritatem, non tamen
necessariam principijs proprijs, sed ta-
ntum contra protervum illa negant. 593.
1. quomodo possint demonstrari prin-
cipia communissima, communia, & pro-
pria. 593.2. alia sunt per se nota, simpli-
citer, & alia secundum compositionē. 639.1*

Principium.

*Principium individuationis rerum quæ
debeat esse. 376.2. est ultimus actus, &
primum distinctivum individuationem.
377.2. appellatur hæc cetas. 380.2. est
entitas realis postrema, distincta forma-
liter à natura substantiali, quam con-
trahit. 383.1. per se primò singularis, &
indivisibilis in plures partes subiecti-
vas. 382.2. debet esse eiusdem generis
cum individuo. 384.1. Vide Hæcetas.*

Priora.

Priora positivè distinguuntur. 509.1.

Prioritas.

Prioritas, & posterioritas dicuntur quæ-

Index Rerum Notabilium

*dam habitudinem, & utraque est quin-
plex.* 509. 1. Prioritas nature duplex,
inconvertibilitatis secundum consequen-
tiam, & causalitatis. 509. 2. causalitatis
alia formalis, alia virtualis. ibid.
Item prioritas nature alia physica, alia
metaphysica. ibi. Prioritas, & posterio-
ritas est sufficienter tradita à Philoso-
pho in postpositionem, quoad quin-
que modos. 510. 1. & 2. non dicunt tan-
tum præsuppositionem huius ab hoc, vel
postpositionem alterius ad alterum, sed
innuunt aliquid aliud, & quid. 510. 2.

Privatio.

*Privatio in materia est prior quam for-
ma.* 509. 1.

Prius.

*Prius potest esse sine posteriori, ubi unum
non dependet essentialiter ab alio.* 430.
2. Prius, & posterius quinque modis di-
citur. 508. 1. & 509. 1. quid sint. 508. 2. eor-
um divisiones; ibi. Prius natura duplici-
ter, vel privative, vel positive. 509. 1. Sic
Prius dicitur quatuor modis. 34. 1. & 2.
Prius, ut est postpradicamentum ad quid
inscruiet. ibid.

Probabile.

*Probabilis propositio quid sit. Vide Propo-
sitio. Probabilia triplicia.* 80. 2.

Proportio.

Quid sit proportio. 91. 1. Proportio, & Pro-
portionabilitas quomodo differant. ibi.
Transmutata Proportio quid sit. 91. 2.

Propositio.

*Propositionis dua partes, materialis, &
formalis.* 36. 1. *Propositio quid sit.* 39. 1.
consideratur pro prima, & pro secunda
intentione. ibid. alia categorica, alia
hypotetica. 39. 2. categorica unde di-
sta, & quid sit. ibid. potest habere suas
partes tripliciter. 40. 1. alia de est secun-
do adiacente, alia de est tertio adia-
cente. ibid. Item, alia universalis, alia
particularis, alia indefinita, alia sin-
gularis. ibi. Item affirmativa, negativa,
& mixta. 41. 1. eius quiditas, quanti-
tas, & qualitas. ibi. Item, alia de simpli-
ci extremo, & alia de extremo coniu-
cto. 41. 2. De extremo coniuicto triplex,
copulatio, conditionalis, & disiuunctio. ibi.
Propositiones categoricae, alia partici-
pant utroque extremo, alia vno tantum,

*alia neutro, alia ordine eodem, alia or-
dine econtrario.* 42. 1. Item categorica
alia de in esse, & alia modalis. 39. 2.
Modalis, alia composita, & alia divi-
sa. 50. 2. differunt, & quomodo. ibid.

Propositio hypotetica unde dicatur. 45. 2.
quid sit. ibi. conditionalis, & rationalis
quid sint. 46. 1. Conditionalis regula.
46. 2. Copulativa quid sit, & eiusdem
regula. ibi. & 47. 1. Disiunctiva quid sit
& eiusdem regula. 47. 1. & 2. Causalis
quid sit. ibi. eiusdem regula. 48. 1. Tem-
poralis quid sit, & eiusdem regula. ibi.
Localis quid sit, & eiusdem regula. 48. 2.

Propositio exclusiva quid sit. 62. 1. triplici-
ter exponitur. 62. 2. Exceptiva quid sit,
& quomodo exponitur. 63. 1. Inceptiva,
& desinitiva quid sint. 64. 2. Distributiva
quid sit, & quomodo exponitur. 65. 2. In-
finita quid sit, & quomodo exponitur. ibi.
Excessiva quid, & quomodo exponitur.
66. 1. *Propositio vera quid sit.* 205. 2. ve-
ra, vel falsa duplex, per se, & per acci-
dens. 190. 1. & 205. 1. per se quadruplex.
ibid. 1. & 2. Propositiones, in quibus se-
cunda intentio prædicatur de prima, &
sunt verae demonstratiue, & per acci-
dens. 190. 2. & 191. 2. non sunt autem verae
per se vlla per se. 190. 1. & 191. 1. Per se nota, quid. 549. 2. Propo-
sio per se nota terminis confuse cogni-
tis, est etiam per se nota ipsa distincte
conceptis, non tamen econverso. 550. 1.
& 551. 2. hyper se quomodo accipitur.
ibid. *Quanam sit propositio per se nota.*
550. 2. ad ipsam sufficit cognitio termi-
norum confusa. 551. 1. licet possit dari
etiam ex ipsorum distincta cognitione.
ibi. *A propositione per se nota excludi-
tur quacumque notitia veniens ab ex-
trinscco.* 551. 2. eius conditiones. 550. 1.
Potest dici immediata quintupliciter:
549. 2. Mediatæ, & immediata est du-
plex, à priori, & à posteriori. 615. 1. vera,
que potest dici mediata, vel immédia-
ta à priori quadrupliciter. ibi. adhuc
quadrupliciter. 615. 2. eorum distinctio-
nes, ac regulae sunt bene, & sufficienter
assignatae. 616. 2. *Propositio negativa po-
test dici immediata vel absolutæ, vel
quia caret medio.* 616. 1. universalis
negativa, & immediata est omnino in-
demon-

Primi Tomi:

acmonstrabilis. 616. 2. negativa ahsque affirmatiua dicitur non potest. 631. 2. Propositio aliqua potest dici per se, & per accidens tripliciter. 601. 1. Propositionum per accidens tria genera. 644. 1. Scorus addit alia duo genera ibi. Propositionum qualisuius. 41. 1.

Proprietates.

Proprietates, & Proprium sunt idem re, & differunt ratione. 173. Proprietates substantia quae sint. 23. 2. Proprietates quantitates. 25. 2. Relatiuorum. 28. 2. Qualitatis. 30. 2. Actionis. 31. 1. Passiones. 31. 2. Quando. 32. 2. Vbi. 32. 2. Situs. 33. 1. Habitus. 33. 1.

Proprium.

Proprium dicitur quadrupliciter. 13. 1. & 173. 2. eius nomina quot. 13. 2. Proprium in ratione proprii quid sit. ibi. & in ratione vniuersalis quid. ibid. quomodo ab alijs vniuersalibus differat. 14. 2. Proprium quarto modo dupliciter sumitur. 173. 2. Proprium vniuersale est vniuersale quomodo verum. 176. 2. & 177. 1. est minus ens ente rationis quomodo verum ibid. 2. Proprii nomen unde derivatur. 258. 1. Proprium aliud complexum, aliud incomplexum. 258. 2. complexum, aliud essentiale, aliud accidentale. ibi. Incomplexum aliud individuale, aliud specificum. ibi. Specificum primo, & secundum intentionalem quomodo diffinitur. ibi. est vniuersale. 259. 1. eius diffinitio explicatur. 261. 1. conuenit ei ut proprium est, & etiam ut vniuersale est. 262. 1. est conuenienter dicta, non formaliter, sed circumlocutione. 263. 1. est vniuersale distinctum ab Accidente. 264. 1. necessarium, & semper inest subiecto. 266. 1. & realiter ipsi identificatum ibi. 2. Ad rationem proprii tria requiruntur. 275. 1. secunda intentio proprii nequit applicari eidem cui applicatur secunda intentio Accidentis. 275. 1. & 2.

Prudentia.

Prudentia: Vide Habitus prudentia.

Pueritia.

Pueritia quantum sit. 247. 1.

Punctum.

Quid sit Punctum. 24. 2.

Quaestio.

Quaestionis nomen capitur large, & stri-

ctum. 659. 1. Quaestio si est, capitur vel quoad essentiam, vel quoad existentiam. 659. 2. quoad existentiam, vel actualiter, vel aptitudinaliter. ibi. aptitudinaliter, vel complete, vel incomplete. 660. 1. Quaestio quid est duplex, quid nominis, & quid rei. ibi. Quae est quae est, triplex, praemissarum, subiecti, & praedicati. ibi. Quaestio propter quid, semper est quaestio. ibid. unde tantum quatuor sunt genera quaestionum vere seculorum. 660. 2. eorum sufficientia assignatur. ibid. vel in genere sunt tantum duae quaestiones, in specie quatuor. 526. 2.

Quale.

Quale, aliud categorematicum, aliud sincategorematicum. 255. 1. categorematicum duplex, pro prima, & pro secunda intentione. ibid. pro prima intentione, vel proprie, vel improprie. ibi. pro secunda intentione adhuc dupliciter. ibi. Aliud est predicari quale, & aliud in quale. 255. 2.

Qualitas.

Qualitas quid sit. 29. 2. eius nomen est multiplex, & equiuocum. 466. 1. eiusdem diffinitiones. ibi. quo pacto sint bona. 467. 2. & 468. 1. est genus generalissimum. 467. 1. facit predicamentum, ab alijs distinctum. ibid. distinguitur realiter a substantia. 390. 1.

Diuiditur in spirituales, & corporales. 466. 2. spiritualis alia infusa, alia acquisita. ibid. Corporalis diuiditur iuxta diuisionem quinque sensuum exteriorum. 467. 1. & etiam in ordine ad locum. ibid. eius diuisio in habitum, & dispositionem, naturalem potentia, vel impotentiam, passionem, vel passibilem qualitatem, formam, vel figuram, non est tamquam in species alternas. 471. 2. sed in modos eiusdem. 472. 1. Quid sit esse intentionis, & remissum in qualitatibus. 475. 1. & 2. sunt accidentia qualitatis ibi. quo pacto duae qualitates contrariae sint incompatibiles, vel compossibiles. ibi. & 476. 2. In summo naturaliter omnino repugnant, non supernaturaliter. 476. 1. & 477. 1. & 2. Vide Contrarietas. Qualitas quando dicatur maior, vel minor extentiue, vel intensiue. 481. 2. per generationem.

Index Rerum Notabilium

rationem noua qualitatis intente, & corruptionem praeexistentis remisse non dicitur suscipere maius. 484. 1. Remissio qualitatis in subiecto fit per deperditionem graduum praeexistentium. 484. 2. Qualitas secundum esse quidam inuenitur non suscipi magis, & minus 485. 1. nec per maiorem, vel minorem radicacionem eius in subiecto. ib. nec per minorem, vel maiorem permixtionem contrariorum. 485. 2. nec ratione maioris, vel minoris dispositionis in subiecto. ib. sed suscipi magis per additionem noui gradus qualitatis praeexistenti factam, & minus per deperditionem graduum, qui erant in qualitate intensa. 486. 1. Qualitates quatuor tangibiles non sunt causa totales colorum. 620. 2. Qualitatis proprietates. 302. 2. & 465. 1.

Quando.

Quando tripliciter accipitur. 31. 2. & alie variae eiusdem acceptiones, & diuisiones. 499. 1. est genus generalissimum. 500. 1. aliud actuum, aliud passiuum. 32. 1. & 499. 1. eius species, & tria genera. ib. eiusdem proprietates. 32. 1. & 491. 1.

Quantitas.

Quantitas quid sit. 24. 1. 373. 2. & 388. 2. est genus generalissimum. 389. 2. distinguitur realiter a substantia 390. 1. & ab ipsa potest a Deo separari. 374. 2. & 390. 1. eius ratio formalis non est diuisibilitas in partes eiusdem rationis. 395. 1. hac enim est eius passio prima. 396. 1. sed extensio quantitativa est eius formalis ratio. 396. 2. eius proprietates quae sunt. 35. 2. & 387. 2. eiusque passiones. 396. 1. Diuiditur primo in continuam, & discretam. 24. 2. & 388. 2. & hac diuisio est formalis. 390. 2. Quantitas continua duplex, permanens, & successiva. 388. 2. Permanens triplex, linea, superficies, & corpus. ib. successiva quid. 389. 1. diuiditur in tempus, & motum. ib. Quantitas discreta quid sit. ib. eius species numerus, & oratio. ib. & ut comprehendat sub se numerum, & orationem, est vera species quantitatis distincta a continua. 420. 2. habet unitatem integram, & etiam metaphysicam. 421. 1. Item Quantitas duplex, communis, & particularis. 373. 2. particularis alia

vaga, alia signata. ib. Item Quantitas duplex, molis, & virtutis. 393. 2. & 481. 2. molis habet in subiecto quinque operationes. 393. 2. molis, & virtutis quomodo conueniunt, & differunt. 481. 2. & 482. 1. Quantitas propositionis categoricae. 41. 1. & propositionum modalium. 51. 2. ex triplici capite attenditur. ib. id.

Quantum.

Quantum secundum Philosophum quid sit. 375. non est principium individuationis rerum. 374. 2.

Ratio.

Ratio accipitur sex modis. 67. 1. Ratio essentialis quid sit. 302. 2.

Redargutio.

Redargutionis meta quid sit. 96. 2.

Reducere, & Reductio.

Reducere per impossibile quid sit. 74. 1. Reductio syllogismorum ad quatuor modos primos, quomodo facienda. 73. 1. quadrupliciter feripote est. ib. Reductio omnium fallaciarum ad fallaciam ignorantiae Elēchi, quomodo faciēda. 109. 2.

Regressus.

Regressus demonstratiui. Vide Circulus, vel Demonstratio Circularis.

Regulae.

Regulae antepredicamentales. 21. 1. Regula ad cognoscendam veritatem, vel falsitatem propositionum categoricarum. 43. 2. & 44. 1. & 2. Regula propositionum hypotheticarum. 46. 47. 48. Regula pro aequipollentiis. 49. 1. & 2. & pro aequipollentiis modalium. 55. 2. Regulae generales syllogismorum. 70. 1. Regulae particulares primae figurae. 70. 2. secundae figurae. 71. 2. tertiae figurae. 72. 2.

Relatio, & Relationes.

Relatio realis est ens, & res absolute, & formaliter. 427. 1. & 2. Relatio, ut dicitur ad respectum fundamentum, & ut dicitur ad respectum terminum. 433. 1. & hoc potest intelligi vel proxime, vel remote. ib. 2. formaliter constituitur per esse ad, at non tantum, sed etiam per esse in, & quomodo. 434. 1. amen esse ad, & esse in si sumantur extrinsece, seu connotatiue non sunt de eius quidditate, licet requirantur ad eius diffinitionem quietatiuam. 434. 2. Relationis completa quidditas circumscribitur per esse in fundamento.

damento, & ad terminum. 436. 1. Maiorem dependentiam habet relatio ad suam extremam, quam accidens absolutum ad suum subiectum. 437. 1.

Relationes alia sunt transcendentales, alie predicamentales. 435. 2. Transcendentales alia actualia, alia aptitudinalia. 426. 1. Predicamentales, alia intrinsecus, alia extrinsecus aduenientes. 426. 1. primæ requirunt tres conditiones. ib. In qualibet relatione septem reperiuntur. ib. sunt in quadruplici differetia. 426. 2. quænam distinguuntur realiter a suo fundamento, & quænam identificantur. ibid. Transcendentales se per identificantur. ib. & 428. 1. non sunt de conceptu formali illius. 428. 2. Predicamentales semper distinguuntur. 427. 2. Intrinsecus aduenientes non causantur proprie, sed resultant. 429. 2. fundamentum, & terminus non sunt de essentia relationis. 412. 2. Relatio est eadē fundamento, quando fundamentum nequit esse sine termino. 279. 1. Dantur relationes reales independentes ab intellectu. 427. 1. Ad relationem non datur per se motus, bene tamen improprie. 428. 2. multiplicantur relationes, si multiplicatur ratio fundandi. 440. 2. Diversitas intrinseca relationum unde sumatur. 439. 2. Extrinseca similiter a quo sumatur. 440. 1. In eodem subiecto, vel fundamento possunt esse plures relationes eiusdem rationis. ibid. fundamenta relationum gerunt vicem materię, termini vero formę. 438. 2.

Relatio alia mutua, alia non mutua. 445. 1. utraque terminatur ad absolutum, non ad respectuum. 447. 1. tamen denominatione etiam ad respectuum. ib. Quæ fundantur in entibus respectivis terminantur ad absoluta, saltem æquivalenter. 447. 2. Relationum, & extremorum ordo inter se. 450. 2.

Datur predicamentum Ad aliquid, in quo reponuntur omnes relationes intrinsecus aduenientes. 452. 2. & in tali predicamento datur unum genus generalissimum, quod uniuersè predicatur de omnibus, quæ directe in eo collocantur. 453. 1. & eius unius datur iam in concreto, quam in abstracto. ibid. 2.

conditiones eorum quæ reponuntur in hoc predicamento. 452. 2. Generatio actualis, vel passiva non sunt fundamenta proxima, vel rationes fundandi relationes paternitatis, & filiationis, tamen præquiruntur tanquam dispositiones necessariae. 458. 1. Relationes secundum modum non fundantur super actione, & passione. ibid. 2. neque in potentia actuali, & passiva, ut sunt sub actibus secundis reduplicatiue. 459. 1. sunt relationes reales etiam in facto esse. 459. 2. non fundantur omnes in potentia radicali, seu in substantia nuda, vel essentia rei. 460. 2. aliqua tamen sic. 461. 1. alia verò in quadam productiva formaliter distincta ab essentia eiusdem. ibid. Deperditur relatio paternitatis in parte, si perditur ipso viuentis potentia generatiua, ut in castratis, quo casu filius non est amplius filius. 461. 2. & 462. 2. Relationum series. 451. 2.

Relationes diuine.

Relationes diuine quomodo differunt à creatis. 463. 2. constituunt personas diuinas, creata verò supponunt extrema constituta. 449. 2. non pertinent ad hoc predicamentum. 454. 1.

Relatiua.

Relatiuorum diffinitiones. 26. 2. & 27. 1. alia sunt secundum esse, & alia secundum dici. ib. & 452. 1. Item, alia actualia, alia aptitudinalia. 27. 2. Actualia, alia intrinsecus, alia extrinsecus aduenientia. ibi. Intrinsecus aduenientia triplicia, equiparantia, superpositionis, & suppositionis. 28. 1. & 452. 1. Relatiuum non diffinitur per correlatiuum, sed per fundamentum correlatiui. 210. 2. & quare. 211. 1. Relatiua possunt habere plures diffinitiones. 241. 1. & 254. 2. unum non posse referri ad plura correlatiua, quomodo intelligatur. 213. 1. Relatiui predicamentalis conditiones. 28. 1. eorum proprietates. ibid. 2. & 422. 1. & 2. genus relatiuorum consideratur intrinsecè, vel extrinsecè. 438. 1. extrinsecè diuiditur in tria genera subalterna. ibid. In qualibet relatiuo tria reperiuntur. 444. 2. Relatiua posita se ponunt, & perempta se perimunt. 29. 1. & 214. 2.

Index Rerum Notabilium

Remissio.

Remissio qualitatis in subiecto per quid fiat. 484.2.

Repugnantia.

Repugnantia quomodo describitur. 503.2. Repugnantia omnis simpliciter habetur per aliquod possumus. 369.2. tamen secundum quid habetur per solam negationem comunicabilitatis, ut quo. ib. Duplex reperitur in supposito creato ad communicari. &c. 371.1. Repugnantia alia formalis, alia virtualis. 475.2. & 503.1. potest omnis supernaturaliter tolli. 477.2. Quae repugnant formaliter sunt in quadruplici differentia. 503.1.

Res.

Res, & Ens tripliciter accipitur. 423.1. Res essentia, existentia, & subsistentia valde differunt. 371.1. Res permanentes, successivae, & instantaneae quae dicuntur. 64.2.

Restrictio.

Restrictio quid sit. 60.1. tripliciter fieri potest. ibidem.

Scibile.

Scibile dupliciter potest sumi. 659.2.

Scientia.

Scientia alia realis, alia rationis. 289.2. Scientia reales possunt acquiri absque logica, & quomodo. 130.2. Quid sit scientia, & quomplex. 133.2. consideratur vel intrinsece, vel extrinsece. 146.1. potest dici rationalis quadrupliciter. ibid.2. Dicitur rationalis obiectivum tripliciter. ibi. Practica, & speculativa, quid. 148.2. duae conditiones requisitae ad utramque. 150.1. finis utriusque duplex. 151.1. & 2. Scientia triplex, formalis, virtualis, & potentialis. 152.2. potest haberi vel per species infusas, vel per acquisitiones. 536.2. quatuor requiruntur ad rigendam scientiam. 537.2. est diabolus in rerum natura de rebus quoad esse quiditativum, non vero quoad actualem existentiam. 537.2. datur etiam de nouo. 538.1. perficitur animam non substantia-liter, sed accidentaliter. ibi.2. Scientia stricta quid sit. 546.2. Haberi scientiam de aliquo contingit vel ultimate, vel non ultimate. 575.1. vel ut de scibili propinquo, vel ut de remoto. ibi.2. Tale, de quo habetur scientia totaliter, & pro-

pinquē, debet esse necessariū necessitate complexa. ib. de quo verò habetur scientia remota, debet habere necessitatem incomplexam, saltem apertitudinem. 576.1.

Scientia potest accipi quadrupliciter. 569.1. ut est effectus Demonstrationis, est de necessariis, & impossibilibus aliter se habere. 576.1. est in triplici differentia. 577.1. tripliciter potest subalternari. ibi.2. non est omnino idē, scientia subalternari, & subordinari. 578.1. ad propriam subalternatam tres conditiones requiruntur. ibi. subalternata est vera scientia. 580.1. potest considerari dupliciter. ibid.2. tunc est vera scientia in aliquo intellectu, si in eodem sit etiam subalternans. 583.2. sine subalternante vel potest esse fides, vel opinio. 584.1.

Scientia, alia propter quid, & alia quia. 638.2. Quae scientia sit alius certior, & perfectior. 563.2. Quod una sit certior, & firmior alia coniungit tripliciter. 600.2. Scientia propter quid est certior quoad naturam, & in se, quā scientia quia. 639.2. quomodo etiam scientia quia sit certior, & notior scientia propter quid. ibid. Interdum etiam quoad nos scientia quia, est certior propter quid. ibi. & 640.1. Scientia potest sumi tripliciter. 645.1. alio modo tripliciter. 654.1. Item alia actualis, & alia habitualis. 655.2. scientia communiter accepta non pugnat cum opinione largē sumpta, imo se comparantur in eodem. ibid. tamen scientia propria nequit esse simul cum opinione circa propositionem contingentem immediate. ibid. neque magis propriē sumpta potest esse cum opinione mediata actuali de eodem obiecto complexo in eodem intellectu. 656.1. sic nec scientia habitualis cum opinione habituali. ibi. successivē tamen sic. 656.2. non verò cum fide humana. ibid. Item Scientia. Vide Notitia. Vide Demonstratio. Item scientia de singularibus. Vide Singulare.

Scire.

Scire accipitur quadrupliciter. 539.1. eius conditiones quatuor. ibi.2. alia complexum, alia incomplexum. ibi. & 533.1. complexum aliud per se, aliud per accidens. ibid. Quid sit scire complexum, & per se. 532.2. & 539.2. eius

dist.

definitiones sunt bona. ibidem.

Senectus, & Senex.

Senectus. Vide Aetates. Senex non differt à se ipso puero, differentia propria, nec propriissima, sed communis. 247. 2. non substantiali, sed accidentaliter. 248. 1.

Scntus.

Sensus alij interni, alij externi. 618. 1. Sensus si deficit post alicuius naturam in aetate debita, non tamen necessario deficit notitia obiectorum propriorum illius sensus. 619. 1. imò si deficit etiam in naturam, non deficit necessario notitia cõfusa, seu cõmuni sensibili à talis sensu. ib. neque notitia circumloquuntia. ib. Item, deficiente sensu visus, poterit quis habere notitiam colorum per auditum. 619. 2. huiusmodi autem notitia, est tantum fides. ib. deficiente tamẽ sensu in naturam, impossibilis est notitia propria, & distincta sensibilium eiusdem per inuentionem. ib.

Signa, Signum.

Signa exceptiua quæ sunt. 63. 1. Reduplicatiua. ib. 2. Distributiua. 61. 1. vniuersalia, alia substantialia, & alia accidentalit. ib. Signa exclusiua. 62. 2. Signum aliud representatiuum, aliud dispositiuum. 61. 1. Representatiuum, aliud naturale, et aliud ad placitum. ib. Dispositiuum duplex, vocis, & terminum. ib. Signa propositionis quæ sunt. 40. 2. Significare.

Significare tempus, & cum tempore, quomodo differat. 37. 1. Significare, supponere, & copulare quomodo differant. 36. 2.

Similitudo.

Similitudo quid sit. 359. 1. in locis topicis, accipitur. 90. 2.

Simul, & Simultas.

Simul dicitur tripliciter, tempore, natura, & diuisione. 34. 2. & 35. 1. ut est post. predicamentum, quid præstet. ibid. Simultas etiam dicitur tripliciter. 510. 1. & ut post predicamentum. 511. x.

Singulare.

Singulare quomodo accipiantur in definitione Inductionis, & Descensus. 77. 1. consideratur vel in se, vel in quantum cum ceteris participat speciem. 645. 1. De singularibus non habetur sciencia pro statu isto. 646. 2. bene tamen ut conueniunt in specie. ib. Quid sit. 11. 1. inter singulare, & vniuersale non datur medium. 230. 1.

Situs.

Situs quid sit. 32. 2. Consideratur dupliciter. 496. 1. eiusdem variae acceptiones, & diuisiones. ib. quomodo conueniat cum Voi, & ab eo differat. 496. 2. est genus generalissimum. ib. distinguuntur realiter ab Vbi. 497. 1. eius genera, & species. 32. 2. eiusque proprietates. 33. 1. & 491. 2.

Sol.

Sol dicitur aptitudinem ad plures Soles, quomodo intelligatur. 216. 1.

Sophista.

Sophista circa idem laborat, circa quod Dialecticus, & Metaphysicus, quomodo intelligatur. 163. 1.

Species.

Species duæ definitiones. 10. 2. pro prima, & pro secunda intentione quid sit. 225. 1. & 2. eiusdem tres definitiones. ibid. sed non sunt plures quæ duæ. 226. 1. sunt conuenienter data à Porphyrio. ib. 2. species, alia subalternæ, alia specialissima. 10. 2. sic predicabilis, & subijcibilis. 225. 2. illa refertur ad indiuidua, hac est correlatiua generis. ib. pro secunda intentione potest accipi vel in concreto, vel in abstracto, & quid utroque modo significet. 228. 2. subijcibilis in concreto, & in abstracto sunt idem. ib. differunt tamen in modo significandi. 229. 1. idẽ dicitur de predicabili. ibid. Species ut species est, est subijcibilis, sed ut vniuersale est predicabilis. 229. 1. ut subijcibilis, non est vniuersale. ib. nec predicabilis. ib. 2. potest tamẽ induere rationem predicabilis sumpta ut modus. 230. 2. quomodo differt ab alijs vniuersalibus. 14. 2. & à genere. 281. 1. In plus se habet actualiter quam genus. 250. 1. Differt à genere, non præcisè per predicari de differentiibus numero, & illud de differentiibus specie, sed quia predicatur totam essentiam, & illud partem essentia. 253. 2. In speciebus cuiuslibet generis est inaequalitas perfectionis. 298. 1. Species intelligibilis, & sensibilis, quomodo representet obiectum. 365. 1. Spiritus.

Spiritus ut sic non est genus ad Deum, Angelos, & Animas rationales. 328. 1. æquinoctè dicitur de illis. ibid.

Subiectum.

Subiectum dupliciter accipitur. 19. 2. Subiectum

Index Rerum Notabilium

Etum propositionis, quid sit. 38. 2. Subiectum in scientia, quid sit. 42. Subiectum attributionis quid sit, & quot conditiones requirit. 158. 2. & 286. 2. Predicationis quid sit. ib. 1. Attributionis triplex. 162. 2. Discriminatur à subiecto predicationis, & quomodo. 163. 1. & 164. 1. & 2. Subiectum scientia aliud totale, aliud partiale. 181. 2. aliud materiale, aliud formale. 182. 1.

Subijcibile, & Subijcibilitas.

Subijcibile, & predicabile dicunt diuersas rationes formales. 229. 2. Subijcibilitas, & predicabilitas habet diuersos terminos, & distinctas proprietates. ib.

Substantia.

Substantia vnde diff. a. 22. 2. & 344. 1. quadrupliciter accipitur. 338. 2. Substantia completa duplex, creata, & increata. 339. 1. creata corporea, & incorporea, & que substantia sub viraq; continetur. 339. 2. Quana sit genus generalissimu in predicamento substantiaru. 340. 1. Substantia primo accipitur ut subsistens, qua ut subsistat accidentibus 344. 1. nequit concipi sine ratione subsistendi, sed bene sine ratione substantiandi. ib. 2. Alia est prima, alia secunda. 22. 2. viraq; potest accipi pro prima, & pro secunda intentione. 343. 2. neque sic opponuntur. 345. 1. et 2. quana sit illa substantia, qua diuiditur in primam, & secundam. ibid. secunda predicatur formaliter de prima predicatione signata, non tamen exercita. 346. 1. est diuisio subiecti in accidentia intentionalia. ib. & probabiliter etiam generis in species, & vnioc. a. 346. 2. no specialissimas sed subalternas. 348. 1. & est conuenienter assignata. ib. substantiam primam esse magis substantiam secundam, quomodo intelligatur. 23. 1. ut ratio prima substantia reperiatur in indiuiduis, & singularibus, requiritur ut sint supposita, vel persone. 349. 2. prima substantia pro secunda intentione nequit fundari super aliquo homine. 350. 1. quomodo inter primam, & secundam detur, vel non detur medium. 351. 1. Substantie proprietates. 23. 2. & 337. 1. Quomodo indiuiduetur substantia. 372. 2. no per quantitatem, aut aliud accides. 374. 2. nec per materia partis, sed per mate-

ria totius. 377. 2. separata à quantitate, quomodo esset in loco. 391. 2. Substantia, & accides no sunt opposita, nec disparata. 315. 2. Substantia secunda dupliciter sumuntur. 170. 1. Substantiarum triplex comparatio. 23. 1.

Substare.

Substare contingit dupliciter. 22. 2.

Successiua.

Successiua que dicantur. 64. 2. quomodo incipiant, & desinant. 65. 1. alia sunt in fieri, alia in facto esse. 64. 2.

Summula.

Summula sumuntur vel proprie, vel improprie, & quid sint. 2. 2.

Superficies.

Quid sit superficies. 24. 2. & 389. 1. & quadruplex. ib. consideratur formaliter, & materialiter. 399. 2. habet duas dimensiones, vna formaliter, alia materialiter. 400. 1. no est pura negatio. ib. est species quantitatis continne. 400. 2. includitur in corpore tantum materialiter. 401. 1.

Supponere.

Supponere, significare, & copulare, quomodo differunt. 56. 2.

Suppositio.

Quid sit Suppositio. 56. 2. materialis, & formalis. 57. 1. materialis alia communis, alia discreta. communis, alia confusa, alia distincta. ib. formalis alia simplex, alia personalis. 57. 2. simplex communis, & discreta. ib. similiter personalis. 58. 1. personalis communis alia respectiua, alia absoluta. ibid. personalis absoluta alia naturalis, alia accidentalis. ibid. naturalis alia determinata, alia confusa. ib. confusa, alia confusa tantum, alia confusa, & distributiva simul. 58. 1. & 2.

Syllogismus.

Syllogismi partes materiales que sint, & regulatiue. 67. 2. & 68. 1. Syllogismus ut sic quid sit. 68. 2. ex quibus consist. ib. 2. alius categoricus, alius hypotheticus. 69. 1. categoricus alius communis, alius expositorius. ib. Principia regulatiua expositoriu qua. 75. 2. expositorius quid sit. 74. 2. quadruplex sit, & eius conditiones. 75. 1. Syllogismus alius perfectus, alius imperfectus. 73. 1. Syllogismus hypotheticus quadruplex. 75. 2. eius modi arguendi. 76. 1. & 2. Sophisticus

quid.

Primi Tomi:

quid, & quotuplex. 95. 2. *Itē Syllogismus dupliciter accipitur. 157. 2. itē pro prima, pro secunda intentione, & pro aggregato. ib. itē dupliciter consideratur. 162. 1. est sensibilibus in suo fundamento. ib. 2. Syllogismus in comuni est subiectū attributionis logicæ sive in se, sive tradita ab Aristotele. 160. 1. & 161. 1. Demonstratiuus pro prima, & pro secunda intentione quid sit. 157. 2. pro secunda intentione est subiectū in libris Posteriorū. 518. 1. eius passionē quæ. ib. pro prima intentione est quid complexū, & pro secunda incomplexū. 519. 2. alius effectiuis, alius ad impossibile. 541. 1. item alius a causa, alius ab effectiui. ib. 2. a causa vel propinqua, vel remota. ibid.*

Tantum.

Dictio exceptiua Tantum potest exponi vel gratia alietatis, vel infinitatis, vel pluralitatis. 194. 1. & 312. 1.

Tempus.

Tēpus quid sit. 24. 2. eius instans quomodo sit indiuisibile, & diuisibile. 512. 1. Significare tempus, & cum tempore quomodo differunt. 37. 1.

Terminus.

Terminus quid sit, & quotuplex. 6. 2. significatiuus triplex. 7. 1. Cathegorematicus, & syncathegorematicus, & mixtus. ib. cathegorematicus alius materialis, alius formalis. ib. formalis vel cōplexus, vel incōplexus. ib. 2. incōplexus, absolutus, & connotatiuus. ib. absolutus, communis, & singularis. ib. utraq; sumitur pro prima, vel pro secunda intentione. 8. 1. Terminus significatiuus ad placitum alius rectus, alius obliquus. 36. 2. Rectus finitus, & infinitus. ibi. finitus sumitur vel pro prima, vel pro secunda intentione. 37. 1. Cathegorematicus absolutus alius substantiuus, alius adiectiuus. 36. 1. substantiuus vel formaliter, vel materialiter. ib. 2. Terminus relationis sumitur vel ut quo, vel ut quoa. 446. 2. est quid absolutum, non respectiui. 447. 1.

Theologia.

Theologia an sit vera scientia. 541. 1. caret euidencia. ib. nostra nō subalternatur Theologia Beatorū, & quare 578. 1. quo pacto præcellit omnes scientias. 600. 2.

Titulus.

Quid, & unde dictus sit Titulus. 2. 1.

Tonitruum.

Tonitruū per quid sit in nube. 666. 2. quid sit. 663. 2.

Totum.

Totum quid sit. 209. 1. quomodo intelligatur eius diffinitio. 356. 2. aliud actuale, aliud potentiale. 222. 2. Totum uniuersale quid sit. 83. 2. Integræ. 84. 1. Totum in quantitate quid sit. 84. 2. in modo. 85. 1. In loco. 85. 2. in tempore. ibid. Totum integrale distinguitur realiter a suis partibus. 408. 1.

Vbi.

Vbi prædicamentū quid sit. 32. 1. & 490. 2. Aliū, & passiuū. 32. 2. & 495. 2. passiuū aliud materiale aliud formale. ib. utrumq; remotū, vel proximum. ib. Vbi diuisiones. 496. 1. quomodo cū situ conueniat, & ab eo differat. ib. 2. est genus generalissimū. ib. distinguitur realiter a situ. 497. 1. eius proprietates. 32. 2. & 491. 1.

Verbum.

Verbū quid sit. 37. 1. aliud substantiuū, aliud adiectiuū. 37. 2. utrumq; vel finitū, vel infinitum. ib. finitum aliud rectū, aliud obliquum. ib. consideratur pro prima, vel pro secunda intentione. 38. 1. eius diffinitio quomodo intelligenda. ib.

Veritas.

Veritas quid sit. 189. 2. & 274. 1. Veritas propositionis sumitur a veritate rei. 205. 2. alia complexa, alia incomplexa. 544. 1. utraque quid sit. ibid. alia euidens, & alia non. ib. 2.

Virilitas.

Quæ sit Virilitas. Vide Actæes.

Vnitas.

Vnitas, & pluralitas triplex, generica, specificæ, & numerica. 153. 1. qualibet potest accipi primo, & secundum intentionem. 353. 2. qualibet est in rebus ante opus intellectus. 354. 2. nō est de essentia entitatis cuius est vnitas, sed consequitur ut passio propria. ib. Quid sit. 352. 2. aliā est materialis, alia formalis, ista adhuc duplex. 353. 1. formalis est minor numerali, ante operationē intellectus. 355. 1. hac non inconuenit quod sit priuatiua secundū Sco. 358. 2. hoc tamen nō asseruit determinate. ib. probabilius tamen de mente eius est, quod sit positiua. 360. 2. & etiā numeraliter diuisa. ib. Item vnitas alia transcendentalis, alia prædicamentalis. 402. 2. illa idemificatur

Index Rerum Notabil. Primi Tomi.

in realiter cum ente. ibid. distinguuntur
tamen formaliter. 404.1. predicamen-
talis est separabilis a re, in qua existit.
403.1. & 404.1. Transcendentalis su-
peraddit enti formalitatem positivam, et
quantitativam rebus materialibus re po-
sitivam. 403.2. dicitur indivisibile non for-
maliter, sed concomitantur. 405.1. est
accidens indivisibile formaliter non ma-
terialiter. ib. Vnitatis numeri secundum Sco-
pendet ab anima, sed oppositum habet ve-
rius alibi. 406.2. Si unitas duplex, an-
tecedens, & consequens illa adhuc duplex
407.1. transcendentalis, & predicamentalis
quomodo differunt. 409.2. Vnitatis quin-
que gradus ex Sco. 415.1. Vnitatis scientia
duplex. 153.2. Vnitates numeruales du-
plexes. 25.1. Vniuersale.

Vniuersale aliud in causando, aliud in
predicando. 8.1. In predicando quid sit.
ib. sumitur pro prima, & pro secunda in-
tentione. 8.2. & 168.1. & 362.2. utroque
modo duplex simplex, & mixtum. 8.2. Itē
complexum, & incomplexum: & incomplexum
multiplex. 168.1. Pro secunda intentione
est ens rationis collatum intellectus.
ib. 2. est per se intelligibile terminatiue,
non moriue. 171.2. & 172.1. Diffinitur
ab Aristotele dupliciter, & quatenus
propria diffinitio. 174.1. diffinitio
eius quomodo intelligenda. 8.2. Vniuersale,
& singulare conueniunt, & differunt.
174.1. inter ipsa datur medium. 230.1.
quomodo sint opposita. 196.1. Vniuersale
duplex, limitatum, & illimitatum. ib. Vni-
uersaliū cognitio est simpliciter neces-
saria ad cognitionem Predicamentorum.
166.2. tamen ut a Porphyrio tradita est
tantum utilis. ib. vniuersale logicum consti-
tuitur in esse per dici, & predicari de
multis, metaphysicum per esse in multis.
174.2. logicum habet aliquam proprietatem.
175.1. & 2. est vniuersale logicum ad
quinque vniuersalia. 179.2. est genus
ad illa ut modus, non ut quid. 182.1. &
subiectum adaequatum in libro Porphyrij.
182.1. non quinque vniuersalia. 182.2.
quare non fuit a diffinitum a Porphyrio.
182.1. & 2. vniuersalia conueniunt, &
differunt. 13.2. sunt in intellectu effectiue,
& obiectiue. 186.1. sunt subiectiue
mediate in re cognita, mediate etiam
in intellectu. 186.1. & 2. sunt denomi-

nationes inrinseca, non extrinseca con-
tra Poncium. 188.1. & 2. considerantur
in abstracto, & in concreto. 190.1. sunt
rarum quinque. 195.1. Vniuersale aliud
proximum, aliud remotum. 362.2. proxi-
mum est in intellectu vel actualiter, vel
habitualliter. ibid. habitualliter est ens
reale, actualiter ens rationis 363.2. quid
sit in potentia proxima, & remota. 365.
1. quodlibet in actu dependet ab intellectu.
ib. 2. Vniuersale.

Vniuersale unde dicta. 16.2. alia vniuersale,
alia vniuersalia. & quid sint. ib. & 292.
2. ut pura, seu a casu, & analogia, seu a
consilio. 178.1. vniuersum, & aequiuocum
differunt. ib. vniuersum aliud essentiale,
aliud denominatiuum. 301.2. inter vni-
uersum, & aequiuocum non est medium. 297.2.

Vniuersatio.

Vniuersatio triplex. 178.2. item physica, &
metaphysica. 302.1. vniuersationis quatuor
gradus. 297.1. Vnum.

Vnum est passio entis. 352.2. accipitur cath-
egorematicè, vel sine cathegorematicè.
232.2. cathegorematicè quadruplex. ib.
vnum physicè triplex, logicè quadruplex.
233.1. vnum numero, specie, genere, &
proportionè, quid. 233.1. vnum numero
tripliciter. 354.1. semper datur vnum in
quocunque genere metrum, & mensura alio-
rum. 355.1. inter ea, quae sunt vnum numero
in eadem specie non datur prius, & poste-
rius. ib. 2. vnum formaliter dicitur duplicè
negatione, fundamentaliter vero reali-
tatem positivam. 370.2. Vnum, & multa
opponuntur contrariè. 403.1. esse vnum
continuum vel ut quo, vel ut quod. 404.1.
consideratur vel formaliter, vel conco-
mittenter. 404.2. vnum duplex, per se,
& per accidens. 644.1. per se duplex,
simplex, & compositum. ibid.

Voluntas.

Voluntas quid sit. 114.2. sunt eius actus vel-
le, nolle, & non velle, & quilibet acti-
uus, & passiuus. 115.1. & 2. ex his qui
sunt entia realia, & qui entia rationis.
ibid. Vox.

Vox quid, & quod triplex. 7.1. eius essentia,
qualitas, & quantitas, in quo consistat.
417.2. Voces non sunt subiectum in li-
bro Predicamentorum. 287.1. & 2. ibi
considerantur tantum per accidens.
288.1. & 2.



INCIPIVNT SVMMVLÆ
MAGISTRI PETRI HISPANI
DOCTORIS EXIMIÏ.

De Syllogismo, ad discernendum notum ab ignoto,
& verum à falso.

PER ADM. R. P. F. LIVIVM DE MONTVRSIO

Almæ D. Antonij Prouinciæ Exprovincialem, & S. Theologiæ
Lectorem Generalem, ad mentem Doct. Subt. Scoti
diligenter exaratæ, ac denuò reuifæ.



SVMMVLAS Petri Hispani Doctoris eximij ad mentem
Doct. Subt. Scoti, vobis explanaturus, & ad breuiorem, quo po-
terò, Discursum redacturus, tria, tamquam apprime necessa-
ria, præmittenda esse decreui, vt ex eorum cognitione, *Logicæ*
Aristotelicæ principia faciliùs apprehendatis: principia enim,
ex Philosopho in Procmio *Metaphisicæ* text. primo, & secun-
do, sunt difficilia: at volenti nihil difficile. Ea igitur, quæ so-
lent Doctores in explicatione alicuius facultatis præmittere, ac diligenti examine
disquirere, sunt titulus libri, eiusdem causæ, & subiectum; vt addiscentes hisce per-
spectis, videant non frustra se laborare, non chimeras in aere fingere, sed omnia fir-
mo, atque tuto fundamento, necnon gratia alicuius finis, percipere. Quæ, nè talem
ordinem missum facere videar, etiam ego breui, sed acurato examine, ac diligen-
tia, perstringam.



DE INSCRIPTIONE Huius Operis.

PRÆLVDIVM PRIMVM.

ITVLVS Huius Libri à multis, data suæ Scholæ occasione, variè inscribitur. Nos autem, qui Scoticæ Doctrinæ sectatores esse profitemur, sic inscribendum censemus. Incipiunt Summulæ Magistri Petri Hispani Doctoris Eximij de Syllogismo, ad discernendum notum ab ignoto, & verum à falso. Pro cuius intelligentia.

Primò Notandum est, Titulum, inspecta sui nominis etimologia ex græco, derivari à voce Titan, quæ in Latinum versa, Solem seu Phœbū significat; sicut enim Sol suis radijs, totum emisphærium illuminat, pulsus procul caliginibus, nebulisve nocturnis, ut videre valeamus, quæ in ipso continentur, sic Titulus alicuius Libri, intellectum ad discendum illustrat, manifestando auctoritatem, dignitatem, ac nobilitatem Scriptoris, vel Auctoris; causas, ob quas in lucem prodeat, & tandem subiectum, seu materiam circa quam versatur; ut omnibus posthabitis trepidationibus, firmiter, & indubitanter ad herere valeat conclusionibus demonstratis, & demonstrandis in eodem.

Secundò Notandum. Titulum, quoad quid rei, sic describi posse. Titulus est denominatio libri secundum omnes, vel aliquas, vel aliquam suarum causarum. Exemplum potest sumi in præsentis titulo; quandoquidem denominatur hic li-

ber à causa efficienti, dum dicitur Magistri Petri Hispani; i, se enim volens favere tyronibus, ac eos ad studia cum Logicalia, tum Philosophica animare, Aristotelis Logicam, quæ nimis obstrusa illis videbatur, in hoc libro compendiosè quidem, sed etiam dilucidè, ac clarè tradidit. Denominatur autem à causa finali dicendo. Ad discernendum notum ab ignoto, & verum à falso. Si quidem tota intentio Logici est manifestare veritatem, aliam à falsitate, ut inferius dicemus.

Tertiò Notandum est, pro exacta Tituli explicatione, Sumulas dupliciter accipi posse, vno modo propriè; & sic sunt quædam notitiæ adhæsiuæ, seu quædam principia Logicalia, quibus medianibus, intellectus noster adhæret Conclusionibus Logicalibus, ita firmiter, ut de eorundem veritate dubitare nequeat.

Alio modo impropriè, nimirum pro conclusionibus logicalibus in hoc libro contentis; vel ut clariùs loquamur. Sumulæ impropriè sumptæ, sunt hi parvi tractatus, qui summulæ appellantur; ad differentiam Logicæ Aristotelis, quæ

summa dicitur; cum in ea fusiùs, atque prolixiùs pertractentur ea omnia, quæ hic stricte, ac succintè continentur.



*De Causis huius Operis, tum intrinsecis,
tum extrinsecis.*

PRÆLVDIVM II

Quatuor Causas enumerat Philosophus pluribus in locis suæ Doctrinæ, sed præcipue in libris Topicorum, & secundo Physicorum, scilicet efficientem, finalem, materialem, & formalem, quarum definitiones, videbimus, Deo fauente in tract. 3. sect. 2. idè pro nunc sufficit scire, efficientem causam esse illam, per quam fit res aliqua; vt per domificatorem fit domus, & per statuarium statua. Finalem verò eam dici, gratia cuius efficiens operatur; vt domus fit à domificatore, vt à causa efficiente; vt verò defendat nos à pluuiâ, tempestatibus, cæterisque periculis, tamquam à causa finali. Materialem autem dici illam, ex qua cum alio, scilicet cum forma, fit compositum: vt lapides, cæmentum, ligna, ferrum, & similia, sunt materia domus. Formalem tandem dici illam, quæ dat esse rei, & conferuat rem in esse: vt quod tectum sit fundatum super parietibus, & hi intantur fundamento, dicuntur causa formalis domus, à quibus habet esse, & conferuatur in esse domus; quandoquidem deductis, vel ab inuicem disunctis hæc partibus, definit esse domus.

Secundò Notandum, duas tantum ex his causis competere posse alicui scientiæ, vel facultati, & consequenter etiam logicæ, scilicet efficientem, & finalem: nam scientia, cum sit accidens spirituale, caret, propriè loquendo, materia, & forma. Vnde causa efficiens logicæ totalis integratur ex intellectu, & syllogismo, quorum vterque concurret ad gi-gnendam scientiam, quæ Logica appellatur; ex obiecto enim, & potètia, iuxta Philosophum tertio de Anima, seu ex cognoscente, & cognito, vt inquit D. Augustinus septimo de Trinitate, capitulum, paritur notitia. Causa verò finalis huius facultatis est duplex, scilicet intrinseca, quæ est cognitio sui subiecti, scilicet syllogismi, seu argumentationis;

& extrinseca, ad quam ordinatur perfecta cognitio syllogismi, scilicet vt sciamus syllogizari, & argumentari, discernendo notum ab ignoto, & verum à falso, non solum in logica, sed etiam in qualibet scientia, & facultate.

Tertiò Notandum, quòd licet qualibet scientia careat materia, & forma, propriè loquendo; impropriè tamen, possumus dicere subiectum scientiæ esse causam materialem eiusdem; nam circa ipsum versatur tota intentio scientifici; similiter modum procedendi, seu tractandi, qui consistit in diuisione alicuius facultatis per tractatum, tractatum per sectiones, & sectionum per capitula, appellare possumus eiusdem formam, seu causam formalem; vnde in proposito materia logicæ, est syllogismus, de quo potissimum tractat logicus; forma verò est diuisio eiusdem in tres tractatus totales, iuxta tres operationes intellectus. In quorum primo agendum est de Terminis: in secundo de Propositionibus, & earundem passionibus; & in tertio tandem de syllogismo, tum in communis, tum in particulari, scilicet de Demonstratiuo, Dialectico, & Sophistico. Et licet Petrus Hispanus diuideret has Summulas in tresdecim tractatus, in quorum primo agit de terminis, & propositionibus; in secundo de Prædicabilibus, in tertio de Prædicamentis, in quarto de Syllogismo simpliciter, in quinto de syllogismo Dialectico, seu Topico, in sexto de syllogismo Sophistico, & in reliquis septem de paruis logicalibus, scilicet de Passionibus terminorum, & propositionum; tamen sequendo ordinem naturæ, & operationes intellectus, hæc omnia reducimus ad illos tres tractatus, in quibus erit distinctus sermo omnium, quæ in suis tractatibus

ille tradidit, vt suo loco dicemus.



De Subiecto huius Operis.

PRÆLVDIVM III.

DE subiecto Logicæ, quod est syllogismus, ad mentem Doctoris subtilis Scoti, quæst. tertia suorum Vniuersalium, deberemus multa dicere; sed quia huiusmodi tractatio requirit altiorems indaginem, ideo in hoc principio tantum necessaria tangemus, vt aliquantulum, quid

nomine subiecti intelligendum sit, apprehendere valeatis. Subiectum in scientia est illud, quod principaliter consideratur in eadem, & ad quod cætera considerata reducantur. Vt syllogismus in Logica, corpus naturale in Physica. Se habet enim veluti fundamentum in domo, quo existente, manet domus; & quo destructo, destruitur. Ita manente subiecto, perseverat ædificium scientificum; at ipso amoto, vel destructo, remoueri, vel destrui scientiam necesse est.





TRACTATUS PRIMVS SVMMVLARVM PETRI HISPANI

SECTIO PRIM A.

De Terminis Subiectiuis.

De Definitione Dialecticæ, seu Logicæ.

CAPVT PRIMVM.

DI ALECTICA, secundū nominis ethimologiam, potest scribi cum Y Græco, vel cum I Latino. Si priori modo scribatur, significat sermonem, seu disputationem duorum, scilicet opponentis, & respondentis; si quidem, ut sic, derivatur à dya, quod est duo, & logos, sermo; quasi duorum sermo. Si autem posteriori exaretur modo, præfert scientiam de sermone: tunc enim, ly Dia dicit, De, & Logos, sermonem; & leos, à quibus omnibus derivatur, scientiam, idest scientia de sermone. Dialectica igitur secundum interpretationem nominis, vel est sermo, seu disputatio duorum; vel scientia de sermone. Vtraque descriptio, seu definitio, est bona; sed prior videtur magis esse ad mentem Auctoris.

Dialectica autem, quoad quid rei. Est ars artium, scientia scientiarum, ad omnium methodorum principia viam habes.

In qua definitione Petrus Hispanus, de more, reddit auditores beneuolos, dociles, & attentos, ostendendo nobilitatem, excellentiam, vtilitatem, & necessitatem Logice. Excellentiam, & nobilitatem ostendit, dum dicit. Ars artium, scientia scientiarum. Quandoquidem genitius reflexus supra nominatiuum, dicit excellentiam. Vtilitatem, ac necessitatem demonstrat dicendo. Ad omnium methodorum principia viam habens. Quapropter aliqui dixerunt, Dialecticam esse ianuam ad omnes scientias capescendas, qua aperta, omnes aperiantur, & qua clausa, omnes pariter clauduntur. Quod intelligendum est de acquisitione perfecta, & modo demonstratiuo, & non de imperfecta, quia sic possunt haberi sine Logica, ut in questionibus præambulari bus ad Logicam maiorem demonstrabitur.

Primò Notandum, pro huius definitionis clara notitia. Dialecticæ posse dupliciter

pliciter sumi, scilicet generaliter, & specialiter. Primo modo idem est, quod logica, & sic accipitur in proposito. Secundo modo sumitur pro vna parte Logicæ, scilicet libris Topicorum, in quibus cum agatur de syllogismo Dialectico, appropriatè dicitur illa pars Dialectica, & sic non sumitur in præsentī definitione.

Secundo Notandum, Artem dupliciter accipi, vno modo largè, & sic non dicitur nisi collectionem multorum præceptorum in vnum finem tendentium: vt collectio præceptorum Grammaticæ, appellatur ars Grammaticæ. Et hoc modo accepta, Ars non distinguitur contra scientiam, imò est quoddam superius ad ipsam, & cæteros habitus intellectuales, scilicet sapientiam, artem, scientiam, intellectum, & prudentiam; & ad septem Artes Liberales, scilicet: Grammaticam, Rethoricam, Logicam, Arithmeticam, Musicam, Geometriam, & Astrologiam. Alio modo sumitur strictè: & sic est habitus intellectualis distinctus contra scientiam, diffiniturque per hoc. Quod sit recta ratio rerum à nobis factibilium. Cōprehenditque sub se septem Artes Mechanicas, quæ in his versibus continentur.

Lana, nemus, miles, nauigatio, rus, medicina.

His ars fabrilis communerari potest.

Quarum definitiones videbimus alibi, cum erit sermo de habitibus intellectualibus: In proposito, sumitur ars primo modo, vt sit idem, ac scientia. Quare dicendo, Ars artium, scientia scientiarum. Cum sumantur pro eadem facultate, vna erit explicatio alterius, & ambobus posite ad maiorem expressionem laudis Dialecticæ.

Tertio Notandum. Logicam dici excellentiorem alijs artibus, & scientijs, non in perfectione, ac dignitate sui subiecti; quia eum versetur circa syllogismum, quod est ens rationis, est imperfectior cæteris scientijs, quæ considerant entia realia; sed in administratione, & utilitate; quia nimirum tradit illis formam arguendi, diffinendi, diuidendi; namque notitur, excepta logica, qua nulla alia potest esse excellen-

Vel dicendum, Logicam.

torem cæteris artibus rationalibus, & adminiculatiuis, cuiusmodi sunt Grammatica, & Rethorica; nam sermo verus, circa quem versatur Logica, est perfectior ornato, & congruo, qui considerantur à Rethorica, & Grammatica.

His notatis, definitio Dialecticæ, sic est intelligenda. Dialectica, idest Logica, est ars artium, scientia scientiarum; idest habitus intellectualis, dignior, & excellentior omnibus artibus adminiculatiuis, vel etiam scientijs realibus, non in perfectione, sed in administratione. Ad omnium methodorum principia viâ habens; idest docens conficere argumentationes ex principijs omnium scientiarum, tradendo illis regulas, diuidendi, diffinendi, syllogizandi, ac verum a falso discernendi.

De Diffinitione Terminī, ac eiusdem multiplici diuisione.

CAPVT II.

Terminum diffiniri in ordine ad propositionem, serè omnes fatentur siquidem ex terminis constat; & sicut totum habet relationem ad suas partes, ita & partes debent necessariò respicere suum totum, vt utrobique relatio sit mutua.

Terminus igitur, vt ad propositum spectat. Est extremum propositionis, in quod ipsa resoluitur. Vt verbi gratia, homo est animal. Dicitur propositio. Tàm homo, quàm animal dicuntur termini. Tum quia ipsam vndequaque terminant; cum etiam quia si resoluantur, remanent per se distincti, tamquàm partes ex quibus prius ipsa constabat.

Terminus autem propositionis est triplex, scilicet mentalis, vocalis, & scriptus; sicut, & propositio tripliciter conficitur, scilicet mente, voce, & scripto. Mentalis, est conceptus simplex, quem habeo in mente de hoc termino homo, vel animal. Vocalis, est eadem dictio ore prolata. Scriptus verò, ipsa dictio calamo in papyro exarata.

Cum autem Logica ordinetur ad disputationem, & disputatio, vt plurimùm, fiat voce, idcirco de termino vocali potissimum

tissimum erit nobis sermo, qui est idem, ac vox; ac propterea habet diuidi sicut illa.

Vox est duplex, scilicet significatiua, & non significatiua. Prior est illa, quæ auditui nostro aliquid repræsentat. Vt homo hominem, leo leonem, animal repræsentat animal. Posteriori verò, dicitur illa, quæ auditui nostro, præter se ipsam, nihil repræsentat: vt bus, bas.

Vox significatiua, de qua est sermo, est duplex, scilicet significatiua naturaliter, & ad placitum. Vox significatiua naturaliter est illa, quæ apud omnes cuiusqueque idiomatis, idem repræsentat. Vt gemitus infirmorum, & latratus canum. Prior enim dolorem, vel tristitiâ; posterior verò dolorem, vel gaudium demonstrat. Vox significatiua ad placitum est, quæ ad voluntatem primi instituentis aliquid significat. Vt homo significat hominem, leo leonem, &c. quia primus institutor linguæ Latinæ sic ordinavit, vt illæ voces denotarent huiusmodi animalia. Et hæc vox constituit terminum significatiuum vocalem, de quo est sermo apud logicum.

Terminus autem significatiuus ad placitum est triplex, scilicet Cathegorematicus, Syncathegorematicus, & Mixtus. Cathegorematicus, est ille, qui se ipso, sine additione alicuius, aliquid determinare significat. Vt homo, animal, Angelus, & cætera nomina substantiua pariter, & adiectiua. Syncathegorematicus, est, qui per se, id est sine additione alterius termini, nihil determinate significat. Vt omnis, nullus, quidam, alter, neuter, & huiusmodi cætera pronomina. Mixtus tandem, est qui includit vtrumque. Vt nemo, nihil, & huiusmodi. Nam, nemo, idem est, ac nullus homo: & nihil, nulla res. Vbi manifestè apparet vterque terminus, scilicet cathegorematicus, & syncathegorematicus.

Terminus autem cathegorematicus est duplex, scilicet materialis, & personalis, seu formalis. Materialis est, qui solam vocem, quam imponat, significat. Vt amo: est verbum, homo est nomen, animal est trissyllabum. Personalis verò, seu formalis est, qui præter vo-

cem, quam præfert, etiam rem significat. Vt homo: præter literas, & syllabas, significat etiam naturam humanam.

Terminus personalis, seu formalis, est duplex, scilicet complexus, & incomplexus. Prior est ille, qui pluribus dictionibus, seu vocibus constat. Vt homo albus, animal terribile, leo rugiens. Et hic est duplex, scilicet distans. Inter cuius dictiones cadit verbum. Vt homo est animal: & indistans, ubi nullum ponitur verbum: vt homo albus. Posteriori verò, scilicet incomplexus. Est vna simplex dictio. Vt homo, leo, animal. Eodem modo potest diuidi terminus materialis.

Terminus incomplexus est duplex, scilicet absolutus, & connotatiuus. Absolutus est qui vltra rem, quam significat, nihil importat. Vt homo, leo, animal, & cætera nomina substantiua. Connotatiuus est ille, qui vltra rem, quam significat propriè, & principaliter, aliud secundario importat. Vt album, propriè significat albedinem, de connotato autem, & secundario importat subiectum, cui inhaeret albedo, scilicet parietem, vel lignum. Quod dictum est de albo, dicendum venit de omnibus nominibus adiectiuis, quæ dicuntur etiam termini concreti, quia significant formam concernentem subiectum: vt album, significat albedinem concernentem parietem, vel lapidem.

Terminus absolutus duplex est, scilicet communis, & singularis. Terminus communis est, qui natus est dici de pluribus. Vt homo de hominibus, animal de animalibus. Singularis, qui, & discretus appellatur est, qui, de pluribus prædicari non potest, sed tantum de se solo. Vt Petrus, Paulus, hic homo, hoc animal. Ex his sequuntur duo: Primum, quod terminus communis, vniuersalis, & prædicabilis, pronunciantur idem. Secundum, quod terminus singularis, discretus, indiuiduum, persona, & suppositum, vt ad præsens spectat, pro eodem accipiuntur. Eodem modo diuiditur terminus connotatiuus.

Terminus communis, & singularis pariter dupliciter sumuntur, scilicet pro

Intentione prima, & secunda. Terminus primæ intentionis, vt homo cognitus, vel Petrus cognitus ab intellectu, quatenus est communicabilis, ille pluribus hominibus, iste verò incommunicabilis alijs à seipso. Terminus verò secundæ intentionis, est qui significat secundas intentiones habentes tantum esse per operationem collatam intellectus. Vt genus, species, subiectum, prædicatum, indiuiduum, de quibus est dicendum per ordinem.

De Quinque Vniuersalibus.

SECTIO II.

De Vniuersali, seu Prædicabili in communi.

CAPVT I.

VNIERSALE est duplex, scilicet in causando, & in prædicando. Vniuersale in causando dicitur illud, quod est causa plurium effectuum. Vt Deus, respectu omnium creaturarum, & Sol respectu omnium rerum Sublunarium. Vniuersale verò in prædicando dupliciter sumitur, scilicet propriè, & impropriè. Vniuersale propriè sumptum est illud, quod de pluribus prædicatur. Vt homo, quod de hominibus, animal de animalibus, lapis de lapidibus, & cætera huiusmodi. Vniuersale verò impropriè sumptum potest dici omne illud, quod aliquo modo de pluribus prædicatur, siue secundum nomen tantum, siue secundum nomen, & re simul. Et sic canis, indiuiduum, & cætera huiusmodi, possunt dici vniuersalia; quia hæc vox, canis, dicitur de animali latrabili, pisce marino, & sydere celestis; & indiuiduum dicitur de Petro, Paulo, Francisco, &c. valet enim dicere, Petrus est indiuiduum, Paulus est indiuiduum, Franciscus est indiuiduum, & sic de cæteris.

Vniuersale in prædicando propriè acceptum, dupliciter sumitur, pro prima, & pro secunda intentione. Vniuersale sumptum pro prima intentione. Est natura communis, quatenus est cognita ab intellectu actu recto, communicabilis pluribus. Vt natura hominis cognita ab intellectu, vt communicabilis Petro, Paulo, Francisco, & cæteris hominibus. Vniuersale verò pro secunda intentione. Est respectus, seu relatio rationis attributa per opus intellectus collatiui, vniuersali pro prima intentione. Vt genus attributum animali cognito; species attributa homini cognito, & sic de alijs, dicuntur vniuersalia pro secunda intentione. Vniuersale utroque modo sumptum est duplex, scilicet simplex, & mixtum. Mixtum dicitur illud, quod habet plures modos prædicandi de pluribus, scilicet in quale, & in quid. Et sic diffinitio dicitur vniuersale, vt animal rationale; quia cum constet ex genere, & differentia, ratione generis prædicatur in quid, & ratione differentie dicitur in quale de omnibus hominibus: valet enim dicere, Petrus est animal rationale. Paulus est animal rationale, & sic de alijs. Simplex verò dicitur illud, quod habet tantum vnum modum prædicandi, scilicet, vel in quid, vel in quale duntaxat. Et hoc comprehendit sub se quinque vniuersalia, scilicet Genus, Speciem, Differentiam, Proprium, & Accidens, de quibus dicemus in sequentibus per ordinem.

His positis, diffinitio vniuersalis in prædicando, propriè accepti, & pro secunda intentione, sic est intelligenda. Vniuersale est, quod est aptum prædicari de pluribus. Vt animal, leo, asinus, homo, &c. Et dicitur notanter. Quod est aptum prædicari de pluribus. Propter Solem, & Phœnicem, Lunam, & quedam alia, quæ sunt vniuersalia, & tamen non dicuntur actu de pluribus, sed tantum aptitudine; quandoquidem non sunt plures Soles, vel Lunnæ, aut Phœnices.

De Genere.

CAPVT II.

Genus tripliciter dicitur, ex Porphyrio, capite de Genere. Primo modo. Genus est collectio multorum se habentium ad inuicem, & ad vnum principium. Vt collectio Romanorum, prout descendunt à Romulo, dicitur genus Romanorum; & sic genus, gens, stirps, prosapia, cognatio, pro eodem sumuntur. Secundo modo. Genus est principium generationis, vel conseruationis aliquorum. Et sic Pater, dicitur genus filiorum; & Vicentia dicitur genus eorum, qui in ea nascuntur, ratione conseruationis. Tertio modo tandem. Genus dicitur illud, cui supponitur species. Et sic, animal, dicitur genus hominis, leonis, equi, & ceterorum; quia ipsi supponitur species humana, leonina, equina, &c. & de genere, hoc modo accepto, tantum est sermo; nam reliqua duo spectant ad Physiophos, vel Iuristas; & sic diffinitur à Porphyrio.

Genus est, quod prædicatur de pluribus differentibus specie in quid. Scilicet genus est vniuersale, quod prædicatur de pluribus, quæ differunt specie quiditatiuè, & essentialiter. In qua definitione ponuntur duæ particulæ explicandæ, scilicet *ly*. Differentibus specie. Et *ly*: In quid.

Diffinitio igitur tot modis dicitur, quot modis dicitur idem cui opponitur: nam secundum Physiophilum, quot modis dicitur vnum oppositorum, tot modis dicitur, & reliquum. Idem autem dicitur tribus modis, scilicet idem genere, idem specie, & idem numero. Illa dicuntur eadem genere, quæ sub eodem genere continentur. Vt homo, & leo sub animali. Illa verò dicuntur eadem specie, quæ sub eadem continentur specie. Vt Petrus, & Paulus sub homine. Illa tandem dicuntur eadem numero, quæ non faciunt diuersum numerum. Vt Petrus, vel Paulus. Similiter differens dicitur tripliciter, scilicet genere, specie, & numero. Differentia genere sunt illa,

quæ sub diuersis generibus continentur. Vt homo sub animali, & cædrus sub planta. Differentia specie sunt, quæ sub diuersis speciebus continentur, vt Petrus, & hic leo; nam prior sub specie humana, posterior sub leonina continentur. Differentia tandem numero sunt, quæ faciunt diuersum numerum, vt Petrus, & Paulus, & Franciscus: nam duo priores faciunt numerum binarium, tertius verò cum illis, numerum ternarium facit, qui est diuersus à binario.

Prædicari autem in quid, est prædicari essentiam, & quiditatem per modum per se stantis, & non alteri inhererentis: vt animal prædicatur in quid de homine, quia dicit partem essentiae hominis per modum per se stantis: ad differentiam rationalis, quod dicit pariter hominis partem essentiae, sed per modum alteri inhererentis, idest animali; siquidem antequam descendat in hominem, prius iungitur, & inheret animali, cum quo postea constituit hominem. Vel dicitur genus prædicari in quid de speciebus, quia ad interrogationem factam per quid de specie, idest de homine, respondetur per animal, quod est genus.

Genus autem hoc modo diffinitum, est duplex, scilicet generalissimum, & subalternum. Genus generalissimum est, quod non habet aliud genus super se. Vel quod cum sit genus, nequit esse species. Et sic diuiditur in decem genera, generalissima, scilicet substantiam, quantitatem, qualitatem, relationem, actionem, passionem, situm, habitum, vbi, & quando; de quibus in sequenti Sectione. Substantia enim dicitur genus generalissimum, quia non habet aliud supra se, quod sit genus, vt videre est in Arbore Porphyriana. Et licet ena ponatur supra substantiam, non tamen dicitur genus, cum sit illimitatum ad decem prædicta genera generalissima: Genus autem debet esse limitatum ad aliquantum: vt substantia ad substantias, quantitas ad quantitates, &c.

Genus verò subalternum est illud, quod cum sit genus, bene potest esse species: vt animal est genus hominis; & leonis species verò respectu corporis animalis; si-

finiuntur.

militer, corpus animatum, est genus respectu animalis; species autem respectu corporis. Corpus tandem est genus respectu corporis animati, & species respectu substantiae. Vnde concludit Porphyrius, quod ea omnia, quae ponuntur intra speciem specialissimam, & genus generalissimum, sunt genera, & species, ad aliud tamen, & ad aliud comparata; quia genera dicuntur, si inferiora, & species si superiora respiciant; ut videbimus in sequenti capite.

De Specie, & Individuo.
CAPVT III.

Species, antequam diffiniatur, dupliciter sumitur; vno modo pro speciositate, seu forma, venustate, vel pulchritudine, sicut Antiqui de Priamo dicere solebant. Species Priami digna est imperio. Alio modo accipitur species pro eo, quod directe, & immediate supponitur generi; & sic homo dicitur species ani-

malis, quia immediate, & directe ponitur sub animali, tamquam sub suo genere: & de hac pertractant Logici, ac Philosophi, & non de primo modo sumpta.

Species autem hoc accepta modo, duplex est, scilicet specialissima, & subalterna. Species specialissima est, quae cum sit species, nequit esse genus; ut homo, leo, equus, &c. quandoquidem, cum de ratione generis sit, ut sub se habeat species inferiores, & homo non habeat sub se, nisi individua, ita dicitur species, ut non possit dici genus. Species vero subalterna est, quae cum sit species bene potest esse genus; ut animal, corpus animatum, corpus; dicuntur namque species, & genera subalterna secundum diuersam habitudinem; quia animal dicitur species corporis animati, & genus hominis; corpus animatum dicitur species corporis, & genus animalis; corpus vero dicitur species substantiae, & genus corporis animati, ut videre est in sequenti Arbore.

Genus tantum	Substantia	Generalissimum
Genus, &	Corpus	Species subalterna
Genus, &	Corpus Animatum.	Species subalterna
Genus, &	Animal	Species subalterna
Species tantum	Homo	Specialissima

Ex his eliciuntur duae definitiones speciei, quarum prior specialissimae tantum, posterior vero tam specialissimae, quam subalternae conuenit.

Prima Diffinitio. Species specialissima est vniuersale, quod praedicatur de pluribus differentibus numero in quid. Ut homo de Petro, Paulo, Antonio, qui

numero differunt, cum faciant diuersum numerum. Et in quid, quia ad interrogationem factam per quid de Petro, Paulo, & de quolibet illorum, respondetur per hominem.

Secunda Diffinitio. Species, siue specialissima, siue subalterna, est quae ponitur sub assignato genere, & de qua genus,

ius in quid prædicatur: vt homo respectu animalis, animal respectu corporis animati, &c. dicuntur species; quia vnumquodque illorum ponitur immediate sub alio, tamquam sub suo genere, & alterum de altero quiditate prædicatur.

Individuum, seu singulare est duplex; scilicet determinatum, & vagum. Individuum determinatum, est terminus distinctus, vel communis cum pronomine demonstratiuo: vt Petrus, Paulus, hic homo; hic lapis, hoc lignum. Individuum vagum, est terminus communis cum signo particulari sumptus: vt quidam homo, aliquis lapis, aliquod animal. Et dicitur vagum, quia est indeterminatum, & indifferens ad omnia individua determinata; quandoquidem dum dico, aliquis homo, non denotatur Petrus, vel Paulus determinatè, sed omnis homo indeterminatè; quare magis dicendum est vniuersale, quam singulare, cum plura importet, licet confusè, ac indeterminatè.

Individuum primo modo est illud, quod prædicatur tantum de vno solo determinatè: vt Petrus, vel Paulus de seipsis, & hic homo de hoc homine tantum.

De Differentia.

CAPVT IV.

Differentiam dupliciter considerari posse aduertendum est; & in ratione differentiarum; & in ratione vniuersalis. Differentia primo modo considerata est, qua vnum differt ab alio: vt homo per rationale, quod est differentia eius, differt ab asino. Differentia secundo modo considerata est, qua

prædicatur de pluribus in quale: vt rationale de Petro, Paulo, Antonio, & sic de alijs.

Differentia priori modo accepta est triplex, scilicet communis propria, & magis propria, seu essentialis. Differentia communis, seu accidentalis est, qua vnum differt ab alio accidente communi, seu separabili: vt Petrus per albedinem differt ab Antonio nigro; siquidem albedo, & nigredo sunt accidentia communia, & separabilia à subiectis, vt videbimus cap. 6. Differentia propria, est qua vnum differt ab alio accidente proprio, seu inseparabili: & sic Franciscus habens nasum sumum, differt ab Antonio habente nasum aquilinum; vel Petrus risibilis differt à leone rugibili; siquidem simitas, & aquilinitas, sunt accidentia nasi inseparabilia, sicut risibilitas est accidens proprium Petri, & rugibilitas leonis.

Differentia tandem magis propria, seu essentialis est, qua vnum differt ab alio essentialiter: vt homo per rationale differt ab asino: & hæc est duplex, scilicet generica, & specifica. Generica est, qua vnum genus differt ab alio genere essentialiter: vt animal per sensibile, differt à planta, quæ est insensibilis. Specifica vero est, qua vna species differt ab alia essentialiter: vt homo per rationale differt ab asino, & leone.

Differentia verò specifica, ultra hoc munus, quod est facere differre vnam speciem ab alia, habet etiam aliud; quod est diuidere genus, & constituere speciem, per eius aduentum ad genus; vnde ex hoc desumptum est tale axioma commune. Differentia adueniens generi constituit speciem: vt patet in sequenti Arbore.

Corporea	Substantia	Incorporea
Animatum	Corpus	Inanimatum
Sensibile	Corpus animatum	Insensibile
Rationale	Animal	Irrationale
Petritas	Homo	Paupertas
Petrus	Antonius	Paulus

Vnde manifestè patet, substantiam diuidi per corpoream, & incorpoream, tamquam per suas differentias, cui adueniens, corporea, constituit primam speciem substantiæ, scilicet corpus; quod postea diuiditur per animatum, & inanimatum: ac animatum adueniens corpori, constituit secundam speciem substantiæ in communi, & primam substantiæ corporeæ, scilicet corpus animatum, seu viuens. Hoc diuiditur per sensibile, & insensibile; & sensibile adueniens corpori animato, seu viuenti, constituit animal. Animal verò diuiditur per rationale, & irrationale: sed rationale adueniens animali, constituit hominem: qui postea potest diuidi per differentias indiuiduales, vt per Petritatem, & Paupertatem, quæ aduenientes homini constituunt Petrum, & Paulum, & sic de cæteris hominibus. Quod diximus de corpore animato, sensibili, & rationali, ita dicendum est de reliquis differentiis oppositis, siquidem incorporeum, adueniens substantiæ, constituit substantiam incorpoream, scilicet Spiritum, vt est Angelus: inanimatum, constituit substantiam corpoream carentem anima, vt sunt lapides, ac metalla. Insensibile verò, substantiam corpoream animatam, sed sensus expertem, vt sunt plantæ: & irrationale tandem, adueniens animali, constituit brutum, scilicet leonem, equum, &c.

Differentia autem, quatenus de pluribus prædicatur, est duplex, scilicet generica conuertibilis cum genere, & specifica, quæ cum specie conuertitur.

Differentia Generica in ratione vni-

uersalis est, quæ prædicatur de pluribus differentibus specie in quale essenziale: vt sensibile de homine, leone, asino, & cæteris.

Differentia specifica in ratione vniuersalis est, quæ prædicatur de pluribus differentibus numero in quale essenziale: vt rationale, de Petro, Paulo, Antonio, Francisco, & cæteris hominibus.

Quia tamen modus prædicandi in quale, conuenit etiam Proprio, & Accidenti, vt videbimus; ideo sciendum est, quid prædicari in quale est duplex, scilicet in quale essenziale, & in quale accidentale. Prædicari in quale essenziale, est prædicari essentiam per modum qualis, scilicet alteri inherens; & sic rationale prædicatur de homine, quia dicit partem essentia hominis, scilicet rationalitatem, non per modum perstantis, sicut faciunt genus, & species, sed alteri inherens; quia prius rationale iungitur, & adheret animali, antequam ambo descendant in hominem. Prædicari autem in quale accidentale, est prædicari accidens per modum qualis, id est alteri adherens, id est substantia: & sic proprium, & accidens dicuntur in quale accidentale. Hoc autem est duplex, scilicet in quale accidentale separabiliter, & constituit accidens; ac inseparabiliter à subiecto, & constituit proprium; de quibus in sequentibus.

Ex his elicitur modus prædicandi conueniens differentia, prout facit tertium vniuersale ab alijs distinctum, esse prædicari in quale essenziale; quia per hoc differt differentia ab Accidente, & Proprio, quæ prædicantur in quale accidentale.

His

His præmissis sequitur, quod differentia, ut constituit tertium vniuersale, non est differentia generica, vel specifica, sed quoddam communicat utrumque, & sic diffinitur. Differentia est vniuersale, quod prædicatur de pluribus in quale essetiale. Et hæc diffinitio comprehendit sub se differentiam genericam, & specificam; cum prædicari de pluribus, ut sic, sit commune ad prædicari de pluribus differentibus specie, & differentibus numero. Ex quo patet, Porphyrium male tradidisse diffinitionem differentie in ratione tertij vniuersalis per prædicari de pluribus differentibus specie in quale; quia sic non conueniet differentie specificæ, sed tantum genericæ.

De Proprio.

CAPVT V.

DE Proprio differentes, prius illud diducunt, antequam diffiniant; siquidem omne æquiuocum prius est diuidendum, quam diffiniendum, teste Aristotele pluribus in locis suæ doctrinæ; & nos videbimus in sequenti Sectione, cap. de Diffinitione.

Proprium igitur dicitur quadupliciter: & primo est quoddam accidens, quod conuenit soli speciei, sed non omni indiuiduo illius speciei; ut esse logicum, vel grammaticum, artificialiter conuenit soli speciei humanæ, sed non omni indiuiduo eiusdem, ut esse manifestum. Secundo modo, est quoddam accidens conueniens omni indiuiduo vnius speciei, sed non soli speciei: ut esse bipedem, conuenit omni homini, sed non soli; quia etiam aues sunt bipedes. Tertio modo est quoddam accidens conueniens omni indiuiduo, & soli vni speciei, sed non semper: ut canescere, conuenit soli homini, omni homini; at non semper, quia hoc accidit tantum in senectute. Quarto modo est accidens, quod conuenit omni indiuiduo, soli vni speciei, & semper: ut esse risibile, conuenit omni homini, soli homini, & semper: quia pro quocumque tempore verum est dicere, hominem esse risibilem.

Proprium autem hoc quarto modo sumptum, quod spectat ad propositum nostrum, vocatur multis nominibus; quandoquidem proprium, propria passio, naturalis proprietates, naturalis inclinatio, & naturalis propensio sunt synonyma; quia significant omnino eandem rem; & potest definiri in ratione proprii, & in ratione quarti vniuersalis.

Proprium in ratione proprii quarto modo sumptum, est accidens, quod conuenit omni, soli, & semper, & conuertibiliter prædicatur de eo, cuius est proprium: ut risibile conuenit omni homini, soli homini, semperque homini, & conuertibiliter; quia valet dicere: omne risibile est homo, & omnis homo est risibilis.

Proprium verò in ratione quarti vniuersalis, est illud, quod prædicatur de pluribus in quale accidentale inseparabiliter, seu intransmutabiliter. In qua definitione ponitur ly in quale accidentale, ad differentiam tertij vniuersalis, quod prædicatur in quale essetiale. Dicitur verò inseparabiliter, seu intransmutabiliter: ad differentiam accidentis communis, quod naturaliter etiam potest separari à suo subiecto, ut videbimus in sequenti capite: at proprium per nullam potentiam, nec etiam diuinam, potest separari à suo subiecto: ut risibile ab homine, rugibile à leone: nec à Deo possunt auferri, ut sint homo, & leo, & hic non sit rugibilis, & ille risibilis.

De Accidente.

CAPVT VI.

Accidens est duplex, scilicet commune, & proprium: Commune est illud, quod potest conuenire pluribus subiectis: ut albedo, quæ potest subiectari in lignis, lapidibus, hominibus, & cæteris. Proprium, quod vni soli conuenire potest: ut risibile, conuenit soli homini, & non alijs ab homine. Accidens commune est duplex, scilicet separabile, & inseparabile. Accidens separabile est, quod naturaliter potest separari à subiecto, cui inest: ut albedo, vel nigredo huius & ill.

& illius parietis. Accidens inseparabile est illud, quod per potentiam naturalem nequit amoueri à subiecto cui inest, licet bene per potentiam diuinam; vt albedo cigni, vel nigredo æthiopis.

Accidens commune separabile, de quo est sermo, potest dupliciter considerari, vel in ordine ad subiectum, quod afficit; vt albedo in ordine ad hominem, lapidem, lignum, & cætera; & sic constituitur quantum vniuersale à cæteris distinctum; prædicatur enim de pluribus subiectis transmutabiliter, seu separabiliter. Vel in ordine ad sua inferiora, vt color in ordine ad album, nigrum, rubeum, &c. vel albedo in ordine ad hanc, vel illam albedinem; & sic non distinguitur à genere, vel specie, quia prædicatur vel de differentibus specie, vel de differentibus numero in quid. Si posteriori modo prædicatur; sic est species; si verò priori modo dicitur; sic est genus.

His peractis, sequuntur quatuor definitiones accidentis communis, quantum tres priores sunt accidentis in quantum afficit subiectum, & non prædicatur de eo; quarta verò conuenit accidenti, vt constituit quantum vniuersale ab alijs distinctum.

Prima. Accidens est illud, quod potest adesse, & abesse à subiecto, præter subiecti corruptionem; vt albedo, nigredo, &c.

Secunda. Accidens est, quod non est genus, nec species, nec differentia, nec proprium, inest autem rei; id est subiecto: vt scientia inest intellectui scientis.

Tertia. Accidens est illud, quod contingit eidem inesse, & non inesse, id est, quod nec essentialiter, nec inseparabiliter inest subiecto. Ex hac definitio videtur esse eadem cum prima.

Quarta. Accidens est vniuersale, quod prædicatur de pluribus subiectis in quale accidentale transmutabiliter, seu separabiliter; vt album de pariete, ligno, lapide, papyro, &c. & hæc constituit vltimum vniuersale ab alijs distinctum, vt ex sequenti capite erit manifestum.

De Conuenientia, & Differentia horum quinque vniuersalium inter se.

CAPVT VII.

PRIMO conueniunt omnia vniuersalia, quia vnumquodque prædicatur de pluribus, saltem in aptitudine, vt vltimum est in suis locis.

Secundo. Genus, & species conueniunt inter se, quia ambo prædicantur in quid; vt patet ex definitionibus eorum.

Tertio. Differentia, Proprium, & Accidens conueniunt, quia omnia prædicantur in quale.

Quarto. Proprium, & Accidens conueniunt, quia vtrumque prædicatur in quale accidentale.

Differunt verò ab inuicem quintupliciter.

Primo. Genus differt à specie, quia genus prædicatur de pluribus differentibus specie; Species verò de pluribus differentibus numero.

Secundo. Ambo differunt à Differentia, Proprio, & Accidente; quia hæc prædicantur in quale, illa verò in quid.

Tertio. Differentia differt à genere, & specie; quia differentia diuidit genus, & constituit speciem; genus verò, & species, nec diuidunt, nec constituunt aliquid.

Quarto. Differentia differt à Proprio, & Accidente; quia hæc prædicantur de pluribus in quale accidentale, illa verò in quale essentiale.

Quinto. Proprium differt ab Accidente, quia Proprium prædicatur intransmutabiliter, Accidens verò transmutabiliter. Insuper, quia proprium conuenit omni, soli, & semper; Accidens verò conuenit pluribus differentibus specie, & etiam genere, & non semper; vt albedo conuenit non tantum hominibus, sed etiam equis, lignis, & cæteris corporibus mixtis. Denique, quia proprium est inseparabile ab eo cui inest, etiam per potentiam diuinam; Accidens verò, saltem per potentiam diuinam, separari potest à suo subiecto.

Ex his habetur sufficientia horum quinque vniuersalium. Quia omne vniuersale, aut prædicatur in quid, aut in quale. Si in quid, hoc est dupliciter; aut de differentibus specie, & sic est genus; aut de differentibus numero, & sic est species. Si verò in quale prædicatur, hoc dupliciter contingit; aut in quale essentialiale, & sic est differentia; aut in quale accidentale; & istud dupliciter, aut inseparabiliter, seu intransmutabiliter; & sic est proprium; aut transmutabiliter, & separabiliter; & sic est accidens. Cum autem non inueniatur alius prædicandi modus ab his distinctus, restat, vt tantum sint quinque vniuersalia, & non plura, nec pauciora quinque.

De Antepædicamentis, tùm in Generali, tùm in Speciali.

SECTIO III.

De primo Antepædicamento in generali, hoc est, de Diffinitione, & eius diuisione.

CAPVT I.

DIFFINITIONIS nomen, à verbo Diffinio, is, quod idem est, ac determino, as, oriri cautum est; cum diffinitio, secundum nominis ethimologiam, nil aliud præferat, quam orationem decisiuam, seu alicuius rei determinatiuam; vt esse animal, duos habens pedes, caput versus cælum erectum, discipline capax, est hominis diffinitio, per quam, cuius sit formæ, ac naturæ demonstratur.

Sed hanc diffinitionem diuidentes in duo membra secare debemus, in diffinitionem quid nominis, & quid rei.

Diffinitio quid nominis est illa, per quam, quid nomen alicuius importat, explicatur; & sic Theologia diffinitur, quod sit sermo de Deo: Philosophia est amor sapientiæ. Dialectica sermo duorum, vt vidimus in eius definitione.

Diffinitio quid rei est oratio explicatiua, seu indicatiua alicuius rei; vt animal rationale, est diffinitio hominis; nam per ipsam explicatur, quæ nam res sit homo; & hæc est duplex scilicet quiditatiua, & descriptiua.

Diffinitio quiditatiua, est oratio indicans esse rei per essentialia: vt animal rationale, est diffinitio hominis; quia animal. & rationale exprimit quiditatem hominis. Et hæc diuiditur in purè quiditatiuam, & non purè quiditatiuam, seu datam per additamentum.

Diffinitio purè quiditatiua, est oratio indicans esse rei per essentialia tantum; idest in qua nihil ponitur, quod non pertineat ad quiditatem rei; vt animal rationale, diffinit purè quiditatiuè, quid sit homo; quia nihil ponitur impertinens ad eius essentialiam, & quiditatem.

Diffinitio non purè quiditatiua, seu per additamentum data, est illa, cuius aliqua pars non pertinet ad quiditatem diffiniti, sed est extrinseca: vt color disgregatus visus, est diffinitio albedinis, non purè quiditatiua; non enim requiritur illa dictio visus ad essentialiam albedinis, sed sufficit, vt sit color disgregatus; additur tamen ly visus, vt sit terminus in quem tendit disgregatio.

Diffinitio verò descriptiua, est oratio indicans esse rei per accidentalia: vt esse animal discipline capax, est hominis descriptio; quia esse capax discipline non est de essentialia hominis, cum competat multis alijs animalibus.

Hæc autem est duplex, scilicet propria, quæ datur per genus, & accidens proprium; vt esse risibile, est diffinitio descriptiua propria hominis, quia tantum ei, & non alteri competit; & communis, quæ datur per genus, & accidens commune; vt esse animal capax locutionis dicitur diffinitio pñtaci communis; quia esse capax locutionis competit alijs animalibus præter pñtacum, vt putà homini, picæ, & alijs auibus.

Ad cognoscendum autem, quæ nam sit bona diffinitio, notandæ sunt tres conditiones.

Prima, quod diffinitio competat soli diffinito; idest non conueniat alijs alterius

rius speciei ab illo.

Secunda, quod competat cuilibet contento sub diffinitione, id est, quod diffinitio generis conveniat omnibus speciebus, & diffinitio speciei omnibus eius indiuiduis.

Tertia, quod manifestet naturam definiti per genus, & differentiam. Ex quibus sequitur, hominem bene, ac recte diffiniri per animal rationale; quia competit soli homini, omni homini, & explicat eius naturam per genus, & differentiam; quia animal est genus, & rationale est differentia constitutiva eius.

*De Diffinitionibus Vniocorum, aequi-
corum, & Denominatiuorum, qua
constituunt primum antepra-
dicamentum in speciali.*

C A P V T II.

ANtequam descendamus ad Aequi-
uocorum definitionem, notandum
est, quod isti termini aequiuoci, & mul-
tiplex, idem sonant. Similiter isti, ratio
substantiae, diffinitio, & conceptus quidi-
tarius, seu formalis, pro nunc, acci-
piuntur pro eodem; quamquam reuera
differant, si recte perpendantur, ut alias
videbimus. Unde aequiuocum dicitur,
quasi plura aequè vocans, sub vna, & ea-
dem voce: ut canis, aequè respicit, seu sub
se vocat animal latrabile, piscem mari-
num, & sydus caeleste, quae dicuntur ca-
nes. Multiplex autem plura appellat; quia
per vnam, & eandem vocem, plura si-
gnificata multiplicantiur: ut haec vox, ho-
mo, dicitur multiplex, quia sub illa
multiplicantur significata, scilicet homo
vniuus, & pictus.

Aequiuoca autem sunt duplicia, scili-
cet aequiuocata, & aequiuocantia. Aequi-
uoca aequiuocata sunt illa, quorum no-
men, est illis commune, & ratio sub-
stantiae, seu diffinitio est diuersa in eis-
dem; ut homo vniuus, & homo pictus, conue-
niunt in hac voce, homo; quia ambo di-
cuntur homines; tamen diffinitio est di-
uersa in illis; quia homo vniuus, est ani-
mal rationale, & homo pictus, est quae-
dam imago coloribus delineata, quae

sunt valdè diuersa inter se.

Aequiuoca aequiuocantia, sunt nomi-
na, seu termini vocales communes plu-
ribus, diuersa tamen significantes: ut ca-
nis, qui est communis ad animal latrabile,
piscem marinum, & sydus caeleste.
Similiter homo, ad hominem vniuus, &
pictum; & haec sunt duplicia, scilicet a
casu, & a consilio.

Aequiuoca a casu, sunt voces, seu ter-
mini communes, qui ex impositione, plu-
ra aequè primo important: ut canis, qui
aequaliter significat canem latrabilem,
canem marinum, & canem caelestem.

Aequiuoca verò a consilio sunt voces,
seu termini communes, qui ex imposi-
tione, plura impant, ordine quodam,
scilicet vnum per prius, & reliquum per
posterius: ut homo, qui prius hominem
vniuus, & posterius hominem pictum
repraesentat. Dicuntur tamen aequiuoca
a consilio haec, & illa a casu; quia sicut
casus obliqui cadunt aequaliter a recto
sine aliquo ordine, ita aequiuoca a casu
sine aliquo ordine plura important. Simi-
liter quia in consilio datur ordo, ut prius
significet Regem, deinde Proregem,
& Senatores, postea secundum dignitatem
praecellentiam, ita aequiuoca a consi-
lio plura significant ordine quodam,
scilicet vnum per prius, & reliquum per
posterius, ut supra exemplificatum est.
Haec aequiuoca, quae a nobis vocantur a
consilio, ab alijs dicuntur aequiuoca
analogica; & quae appellantur a casu, di-
cuntur communiter, aequiuoca pura.

Vniuoca, (quasi plura sub vna voce,
& eadem significatione, seu diffinitione,
ad se vocantia) sunt duplicia, scilicet vniu-
oca vniuocata, & vniuoca vniuocantia.

Vniuoca vniuocata dicuntur illa, quae
habent idem nomen, & eandem signifi-
cationem communem: & sic omnes ho-
mines vniuocantur in homine; quia non
solum participant de voce hominis, sed
etiam de eius diffinitione, quia dicuntur
animalia rationalia.

Vniuoca vniuocantia sunt illa, in
quibus conueniunt vniuoca vniuocata.
Et sic homo respectu omnium hominum,
leo respectu leonum, & animal respectu
omnium

omnium animalium, dicuntur Vnioca vniocantia; quia illa important secundum idem nomen, & eandem diffinitionem. Et hæc sunt duplicia, scilicet vnioca pura, & vnioca analoga; de quibus in logica maiori, in quaestione de vniocatione entis.

Denominatiua autem dicuntur illa, quæ differunt à suis denominantibus solo casu, idest sola cadentia finali. Vt grammaticus, dicitur à grammatica; albus ab albedine; studiosus à studio: quæ omnia conueniunt in principio dictionis, & differunt in fine eiusdem dictionis, vt patet inuenti. Et hæc sunt triplicia, scilicet voce tantum, significatione tantum, & voce, ac significatione simul.

Denominatiua voce tantum sunt, quæ conueniunt in principio vocum, differunt tamen in significatione; quia non important eandem formam significationem. Vt studiosus, denominatur à studio hoc modo; quia conueniunt in principio vocis, & differunt in fine; sed non important eandem rem, seu formam; quia studiosus significat hominem studio deditum, studium verò, importat exercitium, seu laborem, quo comparatur virtus.

Denominatiua significatione tantum, sunt quædam voces, seu termini, qui nec conueniunt in principio, nec differunt in fine, sed tantum in re significata per tales voces. Vt studiosus, denominatur à virtute, qua pollet; nam illi duo termini, studiosus, & virtus, non conueniunt in vocibus, sed tantum in re significata; quia studiosus, de principali significato importat idem, quod virtus.

Denominatiua tandem voce, & significationem simul, sunt quædam voces, seu termini, quæ non solum conueniunt in principio, & differunt in fine, sed etiam important eandem rem significatam per eisdem. Vt album, & albedo; in quibus est conuenientia in principio vocum, seu dictionum, & etiam in re significata; quia album, importat de significato principali eandem formam significationem tam per albedinem; licet cum aliqua differentia; quia album significat formam, seu qualitatem afficientem subiectum; albedo verò, eandem, sed abstra-

hentem à subiecto:

Ex his sequuntur duo corollaria. Primum, quod isti termini denominatiuum, concretum accidentale, & adiectiuum idem important, licet diuersimodè; quia hæc vox, album, dicitur denominatiuum; quia importat albedinem secundum quam subiectum denominatur album. Dicitur verò concretum, in quantum significat albedinem cum conuenientia ad subiectum. Dicitur tamen adiectiuum; quia significat albedinem per modum adiecentis subiecto. Similiter hi termini, Denominans, abstractum, & substantiuum accidentale, sunt idem de significato principali; quia hæc dictio, albedo, dicitur denominans; quia est ratio denominandi subiectum album. Dicitur postea abstractum; quia abstrahitur ab albo, quod est concretum; & denique appellatur substantiuum accidentale, quia significat formam ad modum substantiæ, idest per se stantem, & nulli actu inhaerentem.

Secundum Corollarium est. Quod in qualibet denominatione, propriè dicta, tria reperiuntur, scilicet denominatum, quod est subiectum; denominatiuum, quod est concretum; & denominans quod est abstractum: verbi gratia. Partes est albus, ab albedine; paries est denominatum, albus denominatiuum, & albedo denominans. Dicitur notanter, in denominatione propriè dicta; quia in denominatione impropriè dicta, cuiusmodi est illa quæ fit à denominatiuis voce, & non significatione, non est necesse illa tria reperiri. Ex quo sequitur, denominatiua propriè sumpta, esse solum denominatiua voce, & significatione simul.

De secundo Antepredicamento in Generali, scilicet de Diuisione, ac eius partitione.

CAPVT III.

Vlto primo Antepredicamento, tam in Generali, quam in speciali, quod valet ad cognoscendum quomodo predicamenta dicantur de suis, inferioribus, an vniocè, vel æquiocè, aut denomi-

natuē; in præfenti, cū opus fit cognoscere, ea, quæ ponuntur in prædicamentis, ab ijs, quæ excluduntur; de diuisione, quæ huiusmodi cognitionem præstat, erit nobis sermo. At quia Diuisio, vt sic, est quoddam commune ad tales diuisiones prædicamentales, sicut definitio ad illas definitiones, idē primum de Diuisione sic generaliter accepta pertractabimus, & postmodum de duabus diuisionibus Antepædicamentalibus cognitionem subiiciemus.

Diuisio igitur, spectata nominis interpretatione, deriuatur à verbo Diuido, is, quod idem est, ac separo, as; seu partitio partis. Vnde Diuisio, nil aliud est, quam quædam separatio, seu partitio vnius rei ab alia re. Atqui, cum separatio, seu partitio dupliciter fiat, scilicet realiter, diuidendo nimirum aliquod in partes; vt lignum in frusta: & per intellectum, considerando aliquod commune parti in sua inferiora; vt animal in hominem, leonem, &c. idē duplex est Diuisio, scilicet Realis, & Rationalis.

Diuisio Realis, est partitio alicuius in partes ex quibus componitur: vt V. G. diuisio ligni in quatuor, vel quinque frusta, ex quibus totum lignum constat.

Diuisio verò Rationalis, est manifestatio communitatis alicuius superioris per sua inferiora; vt E. G. Animalis, per hominem, leonem, asinum, & cætera animalia, in quantum animal est talis nature, vt se extendat ad omnia animalia.

Vnde aduertendum est, quod isti termini, Diuisio, Superdiuisio, Subdiuisio, & Condiuisio, valde differunt. Nam Diuisio, secundum D. Damascenum cap. 6. suæ dialecticæ, est prima rei partitio. Superdiuisio, est rei semel diuise iterata sectio. V. G. Cū Propositione secatur in veram, vel falsam; tunc talis sectio appellatur diuisio; quia est prima partitio propositionis. Cū verò subditur. Propositionum, alia est Cathgorica, & alia Hypothesica: tunc dicitur superdiuisio; quia priorem, in veram, vel falsam supponit. Subdiuisio verò, est partitio alicuius membri diuisionis, vel superdiuisionis in alia membra; vt dicendo. Pro-

positionū Cathgoricarum, alia est vniuersalis, alia particularis, alia indefinita, & alia singularis. Condiuisio tandem, est communis per duo membra opposita, partitio; vt animalis diuisio, per rationale, & irrationale.

Diuisio Rationalis subdiuiditur in diuisionem per se, & per accidens. Diuisio per se, est illa, in qua nec diuidentia, nec diuisum sunt alteri accidens commune. Vt Animalium, aliud rationale, & aliud irrationale. Et hæc est triplex, scilicet vniuoci in sua vniuocata, æquiuoci in sua æquiuocata, & Totius in partes.

Diuisio vniuoci in sua vniuocata est illa, cuius diuisum est vniuocum vniuocans, & membra diuidentia sunt vniuocata vniuocata. Vt Animalium, aliud homo, aliud leo, aliud equus, &c. & hæc adhuc est triplex, scilicet Generis in species, Generis in differentias, & speciei in indiuidua.

Diuisio Generis in species est illa, cuius diuisum est Genus, & membra diuidentia sunt species eiusdem. Vt Animalium, aliud homo, aliud leo &c.

Diuisio Generis in differentias est illa, cuius diuisum est genus, & membra diuidentia sunt differentie. Vt Animalium, aliud rationale, & aliud irrationale.

Diuisio speciei in indiuidua est illa, cuius diuisum est species specialissima, & membra diuidentia sunt indiuidua eiusdem. Vt hominum, alius Petrus, alius Paulus, alius Franciscus &c.

Diuisio æquiuoci in sua æquiuocata est illa, cuius diuisum est æquiuocum æquiuocans, & membra diuidentia sunt æquiuocata. Vt Canum, alius latrabilis, alius marinus, & alius cælestis. Et hæc est duplex, scilicet diuisio æquiuoci à casu, & à consilio; de quibus superius dictum est.

Diuisio totius in partes est illa, cuius diuisum est totum, & membra diuidentia sunt partes. Et hæc est duplex, scilicet totius essentialis, & totius integralis in suas partes.

Diuisio totius essentialis est illa, cuius diuisum est totum essentialē, & membra diuidentia sunt partes essentielles eiusdem. Et sic,

Et sic, Homo, diuiditur in animam, & corpus phyficè; vel mæthaphyficè, in rationale, & animal, ex quibus componitur.

Diuiſio totius integralis eſt illa, cuius diuiſum eſt totum integrale, & membra diuidentia ſunt partes integrales. Et ſic, corpus, diuiditur in caput, brachia, pedes, &c. quid autem ſit totum eſſentiale, vel integrale, videbitur in tertio tractat. ſect. 3.

Diuiſio per acciðens eſt illa, in qua aut diuiſum, aut diuidens, vel vtrunque eſt acciðens commune. Et hæc eſt triplex, ſubiecti in acciðentia, acciðentis in ſubiectis, & acciðentis in acciðentia.

Diuiſio ſubiecti in acciðentia eſt illa, cuius diuiſum eſt ſubiectum, & membra diuidentia ſunt acciðentia. Vt animalium, aliud ſanum, & aliud ægrum: ægritudo enim, & ſanitas, ſunt acciðentia diuidentia animal per acciðens; ſicut rationale, & irrationale illud diuidunt per ſe.

Diuiſio verò acciðentis in ſubiecta eſt illa, cuius diuiſum eſt acciðens, & membra diuidentia ſunt ſubiecta. Vt frigidorum, aliud lapis, aliud ferrum. Vel ſanorum, aliud homo, aliud leo, & aliud equus.

Diuiſio autem acciðentis in acciðentia eſt illa, cuius diuiſum, & etiam membra diuidentia ſunt acciðentia. Vt ſaporum, aliud dulcis, aliud amarus.

Notandum eſt tamen primo, pro complemento tractatus de diuiſionibus; quamlibet diuiſionem poſſe fieri per affirmationem, & negationem. Exemplum prioris. Vt animalium, aliud homo, aliud æquus, &c. Exemplum poſterioris. Vt animalium, aliud homo, & aliud non homo; nam per ly non homo, intelligi poſſunt quæcumque animalia contenta ſub illo, præter hominem. Ex quo ſequitur, quod illa famoſa propoſitio. Omnis bona diuiſio debet eſſe bimebris. Habet veritatem dumtaxat de Diuiſione data per negationem.

Notandum eſt ſecundo; ad quamlibet bonam diuiſionem, ſuam per affirmationem, ſuam per negationem, tres conditiones requiri. Prima, quod membra diuidentia ſint oppoſita, ſaltem diſparatè. Ideſt quod

nequeant de ſe inuicem verè predicari, & eſſentialiter. Secunda, quod membra diuidentia non excedant diuiſum. Ideſt quod nihil contineatur ſub membris diuidentibus, quin contineatur etiam ſub diuiſo. Tertia, quod membra diuidentia non excedantur à diuiſo. Ideſt nihil contineatur ſub diuiſo, quod etiam non contineatur ſub membris diuidentibus. Ex his ſequitur, hanc diuiſionem, Animalium aliud rationale, & aliud irrationale, eſſe bonam; quia de illa verificantur prædictæ conditiones. Siquidem primo membra diuidentia, ſcilicet rationale, & irrationale, nequeunt de ſe inuicem predicari; ſecundo, non excedunt animal; quia omne rationale, vel irrationale, eſt animal; tertio tandem, quia omne quod eſt animal, vel eſt rationale, vel irrationale.

De ſecundo Antepredicamento in ſpeciali, ideſt de duabus Diuiſionibus requiſitis ad cognitionem Prædicamentorum habendam.

C A P V T I V.

Prima diuiſio rerum, quæ ponuntur in prædicamentis, eſt ita. Eorum, quæ dicuntur, ideſt per voces, ſeu terminos vocales exprimuntur; quædam ſunt complexa; vt homo eſt animal; quædam verò incomplexa; vt homo, vel animal.

Secunda Diuiſio. Eorum, quæ ſunt; quædam dicuntur de ſubiecto, in ſubiecto verò nullo ſunt; vt genera, & ſpecies prædicamenti ſubſtantię, & eorum diſſerentię; vt animal, homo, & rationale, vel irrationale.

Pro intelligentia huius diuiſionis primo notandum eſt. Subiectum in propoſito, dupliciter accipi poſſe. Vno modo pro omni eo, quod ſubijcitur acciðentibus; ſicut dicimus, parietem eſſe ſubiectum albedinis, vel nigredinis. Alio modo, pro omni inferiori, quod ſubſtat ſuperiori; & ſic dicimus, Franciſcum eſſe ſubiectum hominis; hominem animalis; animal corporis animati; corpus animatum corporis; & corpus ſubſtantię. Subiectum in propoſito utroque modo ſumitur; cum

hac tamen aduertentia, quod si coniungatur cum (dici de) accipitur pro inferiori; si verò construat cum (esse in) sumitur pro subiecto accidentium. Ex quo sequitur, quod dici de subiecto, est superius prædicari de inferiori; vt homo de Petro, Paulo, Antonio &c. Esse verò in subiecto, est esse in alio, vt accidens in subiecto; vt album in pariete.

Secundò Notandum est, quod esse in alio, secundum Aristotelem hic, & Boetium, contingit nouem modis; qui continentur in his duobus versibus.

In sunt pars, totum, species, genus, & calor igni:

Rex in regno, res in fine, locoque locatum.

Vnde per ly pars, indicatur primus modus essendi in alio, qui est, sicut pars integralis in suo toto: vt manus, vel pes in toto corpore. Secundus modus innuitur per ly totum; & est, cum aliquid est in alio sicut totum integrale in suis partibus simul sumptis: vt corpus in capite, collo, brachijs, &c. Tertius explicatur per ly species; & est, quando species est in suo genere, & quodlibet inferius in suo superiori; vt homo in animali; animal in corpore, & sic ascendendo vsque ad substantiam. Quartus insinuat per ly genus; & est, quando genus est in suis speciebus, & quodlibet superius in suo inferiori. Vt substantia est in corpore; corpus in corpore animato; corpus animatum in animali; & animal in homine, leone, equo &c. Quintus modus est, quo forma substantialis est in sua materia; vt anima in corpore. Sextus denotatur per ly calor igni; & est, quo forma accidentis est in subiecto. Vt calor in igne, scientia in intellectu, & albedo in pariete. Septimus modus est, quo aliquid est in suo efficiente, seu gubernante; sicut Regnum in Rege, & domus in domicatore. Octauus modus est, quo aliquid est in alio, tamquam in suo fine: vt virtus in beatitudine; nam ipsa ordinatur ad beatitudinem, tamquam medium ad suum finem; & inuitur illis verbis. Res in fine. Nonus modus denique est, quo aliquid est in alio, vt contentum in suo continente, vel locatum in loco; vt vinum in vase, vel corpus in loco. Hic est sermo

tantum de sexto modo essendi in alio; ceteri enim dati sunt ad vberiore doctrinam.

His notatis, secunda diuisio est sic intelligenda. Eorum, quæ sunt, id est habent esse in rerum natura, & extra suas causas, quædam dicuntur de subiecto, id est prædicantur de suis inferioribus, in subiecto verò nullo sunt; supplè, vt accidens in subiecto. Et sic omnia genera, & species prædicamenti substantiæ, prædicantur de suis inferioribus, & non sunt in illis, vt in subiecto, quia non sunt accidentia.

Quædam verò, nec dicuntur de subiecto, id est prædicantur de suis inferioribus, cum illis careant; nec sunt in subiecto; quia non sunt accidentia. Vt Petrus Paulus, & cetera indiuidua prædicamenti substantiæ.

Quædam tandem, & dicuntur de subiecto, id est prædicantur de suis inferioribus, & sunt in subiecto; quia sunt accidentia. Et sic, omnia genera, & species accidentium, dicuntur de suis inferioribus. Vt color, de coloribus; sapor de saporibus, & sic de alijs. Et sunt in subiecto; quia sunt accidentales formæ, quarum esse, est in subiecto esse.

Ex his inferuntur duo corollaria. Primum; quod prima diuisio, valet ad cognoscendum illa, quæ debent poni in prædicamentis; quia debent esse in complexa, & non complexa. Secundum corollarium; quod secunda diuisio iunat ad cognoscendum illa, quæ ponuntur in diuersis prædicamentis: nam illa, quæ dicuntur de subiecto, & non sunt in subiecto; & illa, quæ nec dicuntur de subiecto, nec sunt in subiecto, ponuntur in prædicamento substantiæ; illa verò, quæ dicuntur de subiecto, & sunt in subiecto, habent reponi in alijs nouem prædicamentis accidentium; de quibus omnibus in sequentibus.

De tertio Antepredicamento.

CAPVT V.

VHis in prædicamentis ijs, quæ ponuntur in vno prædicamento, ac in diuersis; in præsentī videndus est ordo, quem

quem seruant ea, quæ reponuntur in vnoquoque prædicamento; quare ponuntur duæ Regulæ, quarum prima est. Quando alterum de altero prædicatur, vt de subiecto, quæcumque de eo, quod prædicatur dicuntur, omnia de subiecto dicuntur. Id est, quando superius aliquod prædicatur de inferiori, quæcumque prædicantur de illo superiori, prædicantur etiam de illo inferiori. Vt homo prædicatur de Petro, Paulo, & cæteris: igitur, quæ prædicantur de homine, etiam de Petro, Paulo, ac cæteris inferioribus prædicari debent. Sed animal, corpus animatum, corpus, & substantia prædicantur de homine; valet enim dicere, homo est animal, corpus animatum, corpus, & substantia; ergo huiusmodi prædicata habent dici de Petro, Paulo, & cæteris hominibus. Et hæc regula valet ad cognoscendum ordinem eorum, quæ ponenda sunt in vnoquoque prædicamento. Siquidem ordinari debent secundum subiectionem, & prædicationem de se inuicem.

Secunda Regula. Diuerforum generum, & non subalternatum positorum, diuersæ sunt species, & differentię. Vt animal, & scientia; quia sunt diuersa genera non subalternatum posita; quando quidem animal est genus de prædicamento substantię, & scientia de prædicamento qualitatıs; idem habere debent diuersas species, & differentias; nam animalis species sunt Homo, Leo, Equus &c. differentię verò sunt, rationale, & irrationale. Species autem scientię sunt, generalis, naturalis, fermocinalis, & diuina. Differentię verò diuidentes scientiam, sunt practicum, & speculatiuum; quæ omnino diuersa sunt à speciebus, & differentijs animalis. Et hæc regula valet ad cognoscendum distinctionem prædicamentorum, & diuersitatem generum, specierum, & differentiarum, ex quibus coalescunt.

Ex his eliciuntur quatuor conditiones prærequisite ad cognoscendum illa, quæ ponuntur in prædicamentis, ab ijs, quæ excluduntur ab eis.

Prima conditio. Quod illa, quæ ponuntur in prædicamentis sunt res primæ

intentionis. Defectu cuius, secundę intentiones excluduntur ab his prædicamentis; habent enim reponi in proprio prædicamento, vt suo loco dicemus.

Secunda conditio. Quod huiusmodi res sint finitę. Idem res infinite, cuiusmodi sunt Deus, & omnia, quæ dicuntur de Deo, nequeunt in prædicamentis collocari.

Tertia conditio est. Vt sint res limitatę, id est determinatę ad aliquod genus, scilicet prædicamentum: vt substantię, collocentur in prædicamento substantię; qualitates in prædicamento qualitatıs; & sic de cæteris. Vnde sequitur, quod ens, cum sit illimitatum ad omnia prædicamenta, non sit in genere prædicamentali.

Quarta, & vltima conditio. Vt tales res sint incomplexę. Vnde res complexę, vt sunt orationes, & propositiones, exulant à prædicamentis.

De Decem Prædicamentis.

SECTIO IV.

De Prædicamento, seu Genere Generalissimo in communi.

CAPVT I.

Prædicamentum dupliciter accipi posse prænotandum est. Vno modo pro coordinatione generum, specierum, & indiuiduorum secundum sub, & supra, id est secundum subiectionem, & prædicationem. Vt nimirum, quod substantia ponatur supra corpus; corpus supra corpus animatum; corpus animatum, supra animal; animal, supra hominem; & homo, supra Petrum, Paulum, & Franciscum. Alio modo pro supremo illius coordinationis, scilicet pro substantia in coordinatione substantię; pro quantitate, in eius coordinatione; pro qualitate, in sua; & sic de alijs. Priori modò, propriè appellatur

B 3 pellatur

pellatur Prædicamentum ; & posteriori modo dicitur. Genus Generalissimum. Et sic utroque modo describi potest.

Prædicamentum, est coordinatio Generum, specierum, & individuorum, secundum subiectionem, & prædicationem: Et sic coordinatio substantiarum, secundum subiectionem, & prædicationem, constituit prædicamentum substantiæ; coordinatio quantitatum, prædicamentum quantitatis; & sic de cæteris.

Generalissimum verò, vt dictum est Sect. secunda, cap. 2. est, quod cum sit Genus, nequit esse species. Vel dicitur illud, quod non habet aliud genus superueniens, vt substantia, quantitas, qualitas incommuni. Et utroque modo accipiendo prædicamentum, dividitur in decem prædicamenta, scilicet Generalissimum; scilicet Substantiam, Quantitatem, Qualitatem, Relationem, Actionem, Passionem, Situm, Habitum, Vbi, & Quando. Quorum tria priora, dicuntur absoluta, & septem posteriora relatiua.

Prædicamenta absoluta sunt illa, quorum esse, est ad se esse; idest non refertur ad aliud. Et hæc sunt tria, scilicet substantia, quantitas, & qualitas. Nam certum est, substantiam, vt puta hominem, non referri ad aliud, sed per se existere. Quantitas verò, & qualitas, licet nequeant per se existere, cum sint accidentia, quæ egent subiecto; attamen non referuntur, nec ad illud, nec ad aliud, vt ad suum terminum: qua ratione dicuntur absoluta, & distinguuntur à relatiuis.

Prædicamenta verò relatiua sunt illa, quorum esse est ad aliud se habere, vt ad suum terminum. Et hæc sunt septem, scilicet Relatio, Actio, Passio, Situs, Habitus, Vbi, & Quando. Pater enim refertur ad filium, & e converso; Agens ad Passum, & e converso; quia in huiusmodi correlatione vnus ad aliud, consistit eorum esse. At quia prædicamenta relatiua fundantur super absolutis, idè prius agendum est de absolutis quam de relatiuis: & cum inter absoluta primum locum sibi vendicat substantia, quæ est fundamentum cæterorum; igitur prius de substantia agendum est.

De substantia, & eius Proprietatibus.

C A P V T II.

Substantia, secundum nominis interpretationem, dicitur à substando, eod quod substat accidentibus; Siquidem ipsa sola, est subiectum ultimum accidentium. Dico tamen ultimum; ad differentiam quantitatis; quia, & ipsa substat qualitatibus, non ultimare, sed immediate tamen; ultimare verò, & qualitas, & quantitas subiectionem in substantia: substat autem dupliciter contingit; vno modo accidentibus: & sic est esse subiectum accidentium; alio modo superioribus; & sic inferius dicitur substat superioribus. Substantiæ nomen, deriuatur ab utroque modo substandi; & sic dividitur in primam, & secundam substantiam.

Prima substantia est illa, quæ proprie, & principaliter, maximeque substat dicitur. Vt Petrus, Paulus, hic Leo, ille Equus, iste Asinus, & cætera huiusmodi individua, dicuntur primæ substantiæ; quia proprie substant accidentibus: ad differentiam quantitatis huius, & illius, quæ non substat proprie, sed solum mediantibus primis substantijs, cæteris accidentibus. Dicitur principaliter: ad differentiam secundarum substantiarum, scilicet generum, & specierum prædicamenti substantiæ, quæ principaliter non substant accidentibus, sed tantum ratione primarum substantiarum: nam, idè homo dicitur grammaticus, vel logicus, vel albus, aut niger; quia hsc homo, scilicet Petrus, est grammaticus, logicus, albus, vel niger. Dicitur tandem, maxime; ad differentiam eorundem secundarum substantiarum; quia primæ substantiæ maxime, idè pluribus modis substandi substat, quam secundæ substantiæ. Siquidem Petrus, non solum substat accidentibus, vt albedini, vel nigredini, sed etiam homini, animali, corpori animato, corpori, & substantiæ. Homo verò, qui est secunda substantia, licet substat animali, corpori

animato, corpori, & substantiæ, non tamen substat sibi, & indiuiduis, ac accidentibus, vt faciunt primæ substantiæ; atque aded primæ substantiæ, dicuntur maximè substantiæ; quia pluribus modis, quàm secundæ substantiæ substant.

Vel secundo sic diffinitur. prima substantia. Prima substantia est, quæ nequè est in subiecto, nequè de subiecto dicitur. Idest non est in subiecto, quia non est accidens; nec dicitur de subiecto, quia non habet inferiora, de quibus possit prædicari: vt Petrus, Paulus &c.

Secundæ substantiæ sunt genera, & species, in quibus sunt primæ substantiæ; suple, vt inferiora in suis superioribus. Vt homo, animal, corpus animatum, corpus, & substantia, dicuntur secundæ substantiæ; quia in eis continentur Petrus, Paulus, hic Leo, ille Asinus, & cætera indiuidua, vt inferiora in suis superioribus.

Ex his sequuntur tres comparationes substantiarum inter se. Prima comparatio est secundarum substantiarum cum primis. Secundis substantijs conuenit vniuocè prædicari de primis; idest secundum idem nomen, & eandem diffinitionem: vt homini competit prædicari vniuocè de Petro, Paulo &c. Primæ autem substantiæ, cum sint indiuidua, nec nomine, nec ratione, seu diffinitione, dicuntur de pluribus, cum careant inferioribus.

Secunda comparatio secundarum substantiarum inter se. Secundarum substantiarum, species est magis substantia, quam genus. Et ratio est; quia illa dicitur magis substantia, vel quæ est propinquior primæ substantiæ, vel quæ pluribus modis substandi substat; sed species est huiusmodi, & non genus; igitur species est magis substantia, quam genus. Quod etiam manifestatur exemplo. Nam homo, est species; & animal, corpus animatum, corpus, & substantia, sunt genera; at clarum est, hominem esse viciniorem Petro, & Paulo, qui sunt primæ substantiæ, quam animal, & quodlibet ex prædictis generibus. Insuper, homo substat animali, corpori animato, corpori, & substantiæ; animal verò licet substat superioribus, non tamen substat homini, & sibi: quia ratione dicendum est, hominem esse

magis substantiam, quam animal, & animal magis, quam corpus animatum, & sic ascendendo vsque ad substantiam, quæ cum sit genus generalissimum, nulli substat; vt inferioribus superioribus; licet substat, tamquam subiectum accidentibus.

Tertia comparatio secundarum substantiarum, quæ sunt species specialissimæ ad inuicem. Species specialissimæ sic se habent, vt vna non sit magis substantia, quam alia; tum quia sunt æqualiter propinquæ suis inferioribus; tum etiam, quia ijs modis substandi, substant suis superioribus; vt Homo, Leo, Equus, & sic de alijs.

Hactenus egimus de substantia quoad sui quidditatem manifestatam per diffinitiones; modo agendum est de proprietatibus eiusdem, ex quibus, quasi ab extrinseco, quid sit substantia ostendemus: sunt autem quinque.

Prima est ista. Commune, seu proprium est omni substantiæ, tam primæ, quam secundæ in subiecto non esse. Et ratio est; quia esse in subiecto, est esse in alio, tamquam accidens; atqui nulla substantia est accidens, vt patet ex diffinitione vtriusquæ. Et licet differentie essentielles substantiæ, vt rationale, & irrationale; partes essentielles, cuiusmodi sunt materia, & forma; & partes integrales, vt sunt caput, manus, pedes &c. sint in alio, non tamen sunt accidentia; quia non sunt in alio, tamquam in subiecto, sed vt differentie in specie; vel vt partes in suo toto essentiali, aut integrali.

Secunda proprietas. Prima substantia est hoc aliquid; idest indiuiduum, vnum numero, seu singulare. Secunda verò substantia est quale quid; idest commune pluribus, vt homo, animal &c.

Tertia proprietas. Substantiæ nihil est contrarium. Idest vna substantia non contrariatur alteri, propriè loquendo. Quia contrarietas propriè reperitur in qualitatibus tantum, scilicet in caliditate, & frigiditate, & humiditate, ac siccitate; at substantia non est qualitas, cum sint prædicamenta diuersa; igitur substantiæ nihil est contrarium. Dicitur tamen propriè loquendo; quia accipiendo contrarium pro nociuo, vel disconuenienti, & sub-

stantiæ est aliquid contrarium; aer enim malè affectus, contrariatur corporibus naturalibus, quæ sunt substantiæ.

Quarta proprietas. Substantia non suscipit magis, & minus. Id est vna substantia non suscipit maiores gradus intensiōis, & remissionis: sicut albedo, & nigredo; quarum vna est intensior alia. Petrus verò non est magis homo, quàm Paulus; nec Leo est magis animal, quàm musca.

Quinta proprietas. Proprium est substantiæ p̄tinæ, cum sit vna, & eadem numero, secundum sui mutationem, esse susceptivum contrariorum. Nam Antonius est aliquando albus, aliquando niger; interdum calidus, & interdum frigidus.

Et si quis dicat, quòd etiam oratio sit susceptiva contrariorum; quia hæc. Paulus dormit. Ipso dormiente, est vera; & ipso vigilante, est falsa; & tamen oratio non est substantia, sed, aut quantitas, aut qualitas; igitur non est proprium solius substantiæ suscipere contraria, secundum sui mutationem.

Respondetur, quod licet oratio mutari possit de veritate in falsitatem, quæ sunt contraria, hoc non habet ex se, sed rationem subiecti inmutabilis de vno ad aliud contrarium, vt patet; quia nimirum Paulus mutari potest de dormitione in vigiliam: idèd hæc oratio, Paulus dormit potest esse falsa, quæ prius erat vera; sed hoc non est ratione propositionis, cum semper eadem perseueret, sed ratione mutationis Pauli, qui est subiectum propositionis. Vnde inserit Aristoteles. Ab eo, quod res est, vel non est, oratio dicitur vera, vel falsa.

De quantitate; & eius speciebus.

CAPVT III.

Quantitas in communi, cum sit Genus generalissimum, nequit propriè diffiniri, cum hæc constet ex genere, & differentia; potest tamen sic describi. Quantitas est illa, secundum quam quanti, vel quoti esse dicimur. Vt secundum longitudinem longi, secundum latitudinē

lati. Similiter tres homines, secundum numerum ternarium, dicuntur tres; secundum quaternarium quatuor &c. Et hæc diffinitio compræhendit quantitatem continuam, & discretam; siquidem secundum continuam dicimur quanti; & quoti, secundum discretam. Quantitas igitur, quæ est Genus generalissimum, diuiditur in quantitatem continuam, & discretam, vt in duo genera subalterna.

Quantitas continua est illa, cuius partes copulantur ad vnum terminum communem, qui est principium vnius partis, & finis alterius: vt partes lineæ copulantur ad punctum, quod est principium vnius partis lineæ, & finis alterius. Et hæc subdividitur in quinque species, scilicet in lineam, superficiem, corpus, tempus, & motum.

Linea est longitudo sine latitudine, & profunditate, cuius extrema sunt duo puncta.

Punctum verò est quoddam indiuisibile continuarium partium lineæ, & earundem terminatum. Nam, à puncto incipit lineæ, & punctis continuantur partes lineæ, & tandem in puncto terminatur; itaut quidam dixerint, lineam esse punctum protractum.

Superficies, est longitudo cum latitudine, & sine profunditate, cuius extrema sunt duæ lineæ; vt perspicitur in hac figura.



Corpus verò, vt est species quantitatis continuæ, est longitudo, cum latitudine & profunditate, cuius extrema sunt duæ superficies; vt patet in sequenti figura.



Tempus est mensura motus secundum prius, & posterius; id est secundum partem priorem, & posteriorem; vt hora, dies, mensis, annus; quæ mensurant motum vnius horæ, vnius diei, vnius mensis, & vnius anni.

Motus tandem, est actus mobilis, in quantum mobile. Id est forma quædam accidentalis, subiectiue existens in eo, quod dicitur moueri, secundum quam

quam denominatur moueri. Quod autem omnes hæ species, sint quantitates continuæ, manifestè liquet ex eo, quod partes omnium copulantur ad aliquem terminum cōmunem, qui est principium vnius, & finis alterius; nam partes lineæ copulantur ad punctum; partes superficiæ, ad lineam; partes corporis, ad superficiem; partes temporis, scilicet præteritum, & futurum, ad præsens; & partes motus ad mutatum esse; quod se habet in motu, veluti instans in tempore, & punctum in linea; quæ omnia sunt indiuisibilia formaliter, licet materialiter partiri possint.

Quantitas autem Discreta est illa, cuius partes non copulantur ad aliquem terminum communem, qui sit continuarius partium ad inuicem, sed ipsæ sunt semper ab inuicem discrete, seu separate. Et hæc subdividitur in duas species, scilicet in numerum, & orationem.

Numerus autem est triplex, scilicet numerus numerans, numerus numeratus, & numerus formalis, quo numeramus. Numerus numerans est anima, seu intellectus, qui numerat, seu discernit vnā rem ab alia: vt hominem distinctum à lapide; vel lapidem distinctum à planta. Numerus numeratus, sunt ipsæ res numeratæ; vt tres homines, quatuor lapides, quinque denarij &c. Numerus, quo numeramus, seu formalis est, quo numeramus res discretas, seu separatas ab inuicem: vt duo, tria, quatuor &c. & sic diffinitur.

Numerus formalis, est multitudo ex vnitatibus causatis, ex diuisione continui, aggregata. Vt si diuideretur hæc tabula in quatuor, vel quinque partes, illæ possent numerari hoc numero formali. Ex quo sequitur, quod duo homines, vel tres Angeli, non dicuntur duo, vel tres, numero prædicamentali, sed tantum transcendentali, cum non sint partes causatæ ex diuisione alicuius continui.

Vnitates etiam, ex quibus coalescit numerus, sunt in duplici differentia; aliæ enim dicuntur materiales; & tales nō sunt, nisi partes materiales alicuius continui, vt tres, vel quatuor partes huius tabulæ: &

tales vnitates aggregatæ, non faciunt numerum prædicamentalem, sed transcendentalē. Aliæ verò sunt formales; & hæc sunt quædam formæ accidentales, repetitæ in vnitatibus materialibus, secundū quas, vnaqueque pars denominatur vna, & ex talibus dumtaxat conficitur numerus prædicamentalis. Et hoc bene notandum est, ne confundatur numerus prædicamentalis cum transcendentali.

Oratio etiam est multiplex, & æquidocæ; aliquando enim sumitur pro oratione mentali, vocali, aut scripta, quæ est pars syllogismi; & de hac agendum est in sequenti Tractatu. Aliquando sumitur pro aggregatione quarundam mensurarum mensurantium syllabas, quoad correptionem, vel productionem; & sic vna simplex dictio, constans ex duabus si labis, potest vocari oratio; & de hac est sermo in proposito, & sic diffinitur.

Oratio, vt est species quantitatis discrete, est multitudo aggregata ex mensuris accidentalibus, mensurantibus syllabas orationis vocalis, secundum longitudinem, vel breuitatem. In qua diffinitione, ly multitudo aggregata, ponitur tamquam genus, indicans quantitatem discretam; & ly ex mensuris accidentalibus; ad differentiam numeri prædicamentalis, qui constat ex vnitatibus accidentalibus, repetitis in partibus causatis ex diuisione alicuius continui.

De Proprietatibus Quantitatis.

C A P V T I V.

Quatuor sunt proprietates quantitatis, ex quibus à posteriori patet, quid sit quantitas, & quomodo differat ab alijs prædicamentis.

Prima proprietas. Quantitati nihil est contrarium, propriè loquendo. Quia contrarietas propriè, reperitur inter qualitates, quæ ad inuicem pugnant, vt videbimus suo loco; modo quantitas non est

est qualitas; igitur sibi nihil est contrarium.

Secunda proprietas. Quantitas non suscipit magis, & minus. Quia suscipere magis, & minus, est suscipere maiores, & minores gradus perfectionis in eodem loco, & situ, se inuicem penetrantes; sicut patet de caliditate, quæ aliquando est maior, aliquando minor; atqui quantitas non est huiusmodi; quia vna linea non est essentialiter magis linea, quàm alia; nec numerus binarius, est minus perfectus, quàm ternarius.

Tertia proprietas. Quantitas bene suscipit maius, & minus. Quia suscipere maius, & minus, est suscipere maiorem, vel minorem extensionem, scilicet maiorem, vel minorem longitudinem, latitudinem, vel profunditatem in quantitate continua; vel maiores, aut minores unitates, vel mensuras in quantitate discreta; at certum est, quod vna linea est longior alia; vna superficies latior; vnum corpus, profundius alio corpore: Similiter numerus ternarius est maior binario; & oratio octo sillabarum est maior oratione, quæ tantum quatuor sillabas habet.

Quarta proprietas. Proprium est quantitati, secundum eam æquale, vel inæquale dici. Id est, æqualitas, vel inæqualitas fundantur immediate in quantitate; patet, quia æqualitas, est rerum differentiarum eadem quantitas: nam duæ lineæ palmaris dicuntur æquales; similiter vna palmaris, & alia bipalmaris dicuntur inæquales; quia inæqualitas est rerum differentiarum diuersa quantitas.

Ex his eliciuntur quinque quæstiones convenientia huic predicamento; scilicet quantum, quantum, quot, quoties, & quando. Quorum duo priora, & ultimum, respondent quantitati Continuæ; & reliqua Discrete. Quærenti enim quantum est mons aureus; respondetur centum pedalis, plus, vel minus. Si verò quætur. Quanti mensurat hæc vna? Respondetur bipedaliter, vel bipalmariter. Si autem quætur. Quoi sunt homines in platea? Respondetur centi, vel ducenti, aut mille. Si verò interrogetur quis.

Quoties hoc fecisti? Respondet bis, ter, vel quater. Si tandem quætur. Quantum manebis Vicentiæ? Respondetur duobus mensibus, vel tribus annis. Et hæc de predicamento quantitatis dicta sufficiant.

De relatione, seu ad aliquid, & eius Divisione.

C A P V T V.

Post Predicamentum quantitatis, sequendo ordinem naturæ, agendum esset de Predicamento qualitatis; at quia ordo doctrine exoptulat, ut fiat sermo prius de Predicamento Relationis, quæ habet cognosci per substantiam, & quantitatem, super quibus potiori modo fundatur; Idcirco omisso pro nunc Predicamento qualitatis, statim tractabimus, quid, & quomplex sit Relatio, seu Relatum, tum in communi, tum in particulari.

Ad aliquid, seu Relatiua duplici diffinitione diffiniuntur ab Aristotele, tum hic, tum quinto Meth. cap. de ad aliquid: Quarum prior est communis omnibus Relatiuis, siue propriæ, siue communiter sumptis; posterior verò explicat naturam Relatiuorum propriæ dictorum.

Prima diffinitio. Ad aliquid vero talia dicuntur, quæcunque hoc ipsum, quod sunt, aliorum esse dicuntur, vel quomodo libet aliter ad aliud. Id est Relatiua sunt illa, quæ ad aliud referuntur, ut ad suum terminum, sub habitudine alicuius obliqui casus, scilicet genitiui: ut Pater, filij Pater; Filius, Patris filius; Vel datiu: ut similis, simili similis. Vel ablatiu: ut maius, minore maius; vel minus, maiore minus. Vnde notandum est, quod per ly Ad aliquid, circumloquimur aliquod incomplexum, cuius natura sit referri ad aliud, ut ad suum terminum.

Secunda

Secunda diffinitio. Ad aliquid sunt, quibus hoc ipsum esse proprium, quod sunt, aliorum dicuntur, quodammodo se habere. Id est Relatiua sunt illa, quæ secundum propriam naturam, & essentiam, se habent ad aliud sub habitudine alicuius obliqui casus; vt dictum est in præcedenti. Ex quibus sequitur; quod Relatiua sunt duplicia, secundum dei, & secundum esse; ex quorum cognitione patebit differentia inter primam, ac secundam diffinitionem.

Relatiua secundum dici sunt; quæ ex sua essentia, & natura, important ens absolute, scilicet substantiam, quantitatem, vel qualitatem; ex connotato verò, & secundario dicunt relationem, scilicet esse ad aliud, vt ad suum terminum. Vt scientia, & scibile, secundum suam quiditatem, important qualitatem, vel substantiam, si est scibile substantiale; aut quantitatem, si circa illam versetur intellectus scientis; secundario verò scientia dicit relationem mensurabilis ad suam mensuram; quia mensuratur à scibili; nam tanta est scientia, quantum est scibile, & nihil amplius.

Relatiua verò secundum esse, sunt illa, quæ secundum suam naturam, & essentiam habent, quod ad aliud referantur primario, & per se. Vt Pater, refertur ad filium totaliter; quia nihil est in illo, quod non referatur ad filium. Ex his patet differentia inter primam, & secundam diffinitionem: siquidem secunda tantum competit Relatiuis secundum esse. Vnde in illa notanter dicitur. Quibus hoc ipsum esse proprium, quod sunt, id est, quæ secundum propriam naturam, quam habent, ad aliud referuntur: at prima conuenit vtriusque; quod manifestatur ex illa particula. Quæcumque hoc ipsum esse, quod sunt. In qua nihil de terminatè ponitur, quod explicet essentiam relatiuorum per se; sicut accidit in secunda, in qua dicitur. Quibus hoc ipsum esse proprium, quod sunt. Quod nequit conuenire alijs à relatiuis proprie dictis, quæ secundum propriam, & totalem suam naturam, & essentiam, dicuntur ad aliud, vt ad suum terminum.

Relatiua secundum esse, sunt duplicia, scilicet realia, & rationis. Realia sunt, quæ referuntur ad inuicem mediante relatione reali. Vt Pater, & Filius, qui referuntur ad inuicem medijs Paternitate, & Filiatione, quæ sunt relationes reales, id est habentes esse extra opus intellectus. Relatiua rationis sunt, quæ referuntur ad inuicem, mediante relatione rationis, id est causata per opus collatum nostri intellectus: vt sunt secundæ intentiones, de quibus suo loco erit peculiaris disputatio, ac tractatus. Hic est sermo de relatiuis realibus; quæ adhuc sunt duplicia, aptitudinalia, & actualia.

Relatiua aptitudinalia sunt illa, quæ referuntur ad terminum non actualiter, sed tantum in potentia existentem. Vt risibile, hinnibile, rugibile, & cæteræ passionis propriæ, inclinationes naturales, & aptitudines; quæ cum reducuntur ad illa prædicamenta, quorum sunt subiecta illarum; vt risibile, & hinnibile, ad prædicamentum substantiæ, in quo ponuntur homo, & equus, non sunt proprie relatiua, nec spectant ad hoc prædicamentum.

Relatiua actualia sunt illa, quæ referuntur ad terminum actualiter existentem: vt Pater, & Filius. Nam Pater nequit esse, quin sit Filius; neque Filius, quin sit Pater. Et hæc sunt duplicia, scilicet intrinsecus, & extrinsecus aduenientia.

Relatiua intrinsecus aduenientia sunt illa, ex quorum extremis positis in quacunque distantia, resultat relatio inimpedibiliter: vt Pater, & Filius. Nam posito Patre in oriente, & Filius in occidente, dummodò ambo viuunt, semper ille vocabitur Pater, & hic Filius; ita quod neque per diuinam potentiam impediri possit, quin resultet paternitas in Patre, & filiatio in filio.

Relatiua extrinsecus aduenientia sunt illa, ex quorum extremorum positione, nequit insurgere relatio, nisi fiat debita approximatio eorundem. Nam posito igne, & stupa in aliqua distantia, non resultabit relatio combustionis, nisi fiat debita approximatio stupæ ad ignem; quæ

qua etiam facta, adhuc est impedibilis per potentiam Diuinam. Vt patet in camino ignis ardentis de tribus pueris, cuius flamma erat eis applicata, nec tamen quemquam eorum læsit; cum eius vis actiua comburendi, fuerit impedita. De his erit sermo in sex ultimis prædicamentis.

Relatiua intrinsecus aduenientia, sunt triplicia, scilicet *Equiparantiz*, *superpositionis*, & *suppositionis*.

Relatiua equiparantiæ sunt illa, quorum fundamentum, & terminus sunt adæquata, scilicet eiusdem rationis. Vt simile, quod fundatur in duabus albedinibus adæquatis, & eiusdem speciei: & æquale, quod fundatur in duobus quantis habentibus eandem quantitatem specie, scilicet in duabus lineis, vel corporibus eiusdem longitudinis, vel latitudinis, ac profunditatis.

Relatiua superpositionis sunt illa, quorum fundamentum vnus, denotat dominium, seu potestatem super fundamento alterius. Vt duplum, supponitur dimidio, & Dominus seruo.

Relatiua tandem suppositionis sunt illa, quorum fundamentum vnus, dicit suppositionem, seu subiectionem fundamento alterius, scilicet termini; vt seruus, supponitur Domino, & Filius Patri.

Ex his sequuntur duo Corollaria. Primum est. Ad hoc, vt relatiuum aliquod ponatur in hoc prædicamento, quatuor requiruntur conditiones. Prima, quod sit relatiuum secundum esse. Et propter hanc, excluduntur relatiua secundum dici, quæ reducuntur ad illa prædicamenta, in quibus collocantur eorum fundamenta. Secunda, quod sit reale. Quarè excluduntur relatiua rationis, quæ habent collocari in proprio prædicamento. Tertia, quod sit actuale. Defectu cuius, excluduntur relatiua appetitinalia. Quarta, quod sit intrinsecus adueniens. Vnde excluduntur relatiua extrinsecus aduenientia ab hoc prædicamento, cum ex eis ordinentur sex vltima prædicamenta.

Secundum Corollarium. Duo esse extrema cuiuslibet relationis, scilicet

fundamentum, & terminus. Nam fundamentum dicitur illud, super quo fundatur relatio; terminus verò, ad quem eadem terminatur. Exemplo res exponitur. Sint duo homines habentes omnino eadem lineamenta, & colores eosdem; tales dicuntur similes ratione similitudinis in eisdem coloribus repperit. Dum Franciscus, exempli gratia, dicitur similis Antonio, tunc relatio similitudinis fundatur in colore Francisci, & terminatur ad colorem Antonij. Cum verò, e conuerso, Antonius assimilatur Francisco, color Antonij erit fundamentum, & color Francisci terminus eiusdem similitudinis. Idem exemplum potest sumi in Patre, & filio. Nam potentia generandi in Patre, est fundamentum paternitatis, per quam Pater refertur ad filium: & potentia passiva ad generari in filio, est terminus paternitatis; & est fundamentum filiationis, per quam filius refertur ad Patrem; & hæc terminatur ad potentiam actiuam generandi in eodem Patre. Ex quibus infertur, relatiuum non habere pro termino correlatiuum, vt autem aliqui; sed fundamentum correlatiui, vt docet Scotus in pluribus suis doctrinæ locis.

De Proprietatibus relatiuorum.

C A P V T V I.

Q Vinquē sunt Proprietates Relatiuorum, quarum duæ priores sibi conueniunt ratione suorum fundamentorum; tres verò posteriores, illis accidunt, quatenus relatiua sunt.

Prima proprietas. Relatiua sunt ad inuicem contraria. Nam virtus, contrariatur vicio; simile dissimili; quæ sunt relatiua. Hoc tamen non conuenit omnibus relatiuis, sed tantum illis, quæ fundantur super qualitate, in qua reperitur propriè contrarietas.

Nam

Nam illa, quæ fundantur super substantia; vt pater, & filius; vel super quantitate; vt æquale, & inæquale; duplum, & dimidium, non contrariantur; sicut nec substantiæ, & quantitates, in quibus fundantur.

Secunda Proprietas. Relatiua, quæ fundantur super qualitatibus, suscipiunt magis, & minus; & quæ fundantur super quantitatibus, maius, & minus. Prima pars patet; quia aliquid dicitur magis, vel minus simile alteri, sicut aliquid magis vel minus dissimile; & hæc sequuntur naturam qualitatis; cuius est suscipere magis, & minus. Secunda pars etiam probatur; quia aliquid dicitur maius vel minus æquale, aut inæquale, quam aliud; vt potest si habet maiorem quantitatem, suscipit maius; & minus, si minorem retineat; quia æqualitas, & inæqualitas sortiuntur naturam quantitatis maioris, vel minoris, super quibus fundantur.

Tertia Proprietas. Relatiua dicuntur ad conuertentiam, idest vnum refertur ad aliud, mutuo prædicando de se inuicem, mediante aliquo casu obliquo. Vt Pater, filij Pater; Filius, Patris filius; maius, minore maius; minus, maiore minus.

Quarta Proprietas. Relatiua sunt simul natura, idest simul naturali intelligentia. Ita quod vnum sine alio nequit perfecte intelligi. Nam Pater, non potest cognosci sine filio, nec filius sine Patre. Ex quo sequitur illud commune axioma. Si quis diffinitè nouerit vnum relativorum, diffinitè noscet, & reliquum. Vt si quis diffinitè cognouerit, quid sit pater, diffinitè noscet, etiam quid sit filius. Necessè est enim in diffinitione patris, ingredi filium; & in diffinitione filij, ingredi Patrem, saltem fundamentaliter, vt benè aduertit Doctor subtilis pluribus in locis suæ doctrinæ.

Quinta Proprietas. Relatiua, posita se ponunt, & perempta se perimunt. Vt si Pater est, filius est, & è conuerso. Si autem, Pater non est, nec filius est, & è conuerso. Et ratio est; quia vnum ita necessario pendet ab alio, quoad confirmationem, quemadmo-

dum ad sui esse; at impossibile est, vt vnum sit sine alio, ita pariter impossibile est, vt vnum sine alio conseruetur. Et hæc de Prædicamento Relationis.

De Qualitate, & eius modis.

CAPVT VII.

Qualitas in communi, seu prout est genus generalissimum, describitur eodem modo, quo quantitas. Qualitas est, secundum quam quales esse dicimur. Nam secundum albedinem dicimur albi; secundum nigredinem nigri; secundum scientiam scientes &c. Quæ diffinitio est sic intelligenda. Qualitas est forma accidentalis, secundum quam, substantiæ denominantur quales.

Qualitatis autem quatuor sunt modi afficiendi substantiam, scilicet Habitus, & Dispositio; Naturalis potentia, vel impotentia; Passio, & Passibilis qualitas; & Forma, ac Figura.

Habitus est qualitas de difficili mobilis à subiecto, reddens habentem promptum, & habilem ad perfectè operandum. Vt scientia, quæ est in aliquo Doctore, seu Magistro, dicitur habitus; quia difficulter ab ipso mouetur, & per ipsam perfectè intelligit, ac operatur; docendo, discurrendo, sicut sibi placet.

Dispositio verò, est qualitas de facili mobilis à subiecto, reddens habentem imperfectè dispositum ad operandum. Vt scientia, & virtus, quæ est in tyro; similiter parua caliditas alicuius. Sub hoc modo continentur omnes scientiæ, siue practicæ, siue speculatiuæ; omnes artes, siue liberales, siue mechanicæ; omnes virtutes, tam Morales, quam Theologicæ; omnes actus intellectus, & voluntatis; omnes species tum sensibiles, tum intelligibiles; quia his omnibus competit disponere, vel qualificare subiectum ad operandum: aut perfectè, & sic erunt habitus; aut imperfectè, & sic dicentur dispositiones.

Naturalis potentia, est quedam qualitas inexistens rei à natura, quæ ipsa sit potens ad exercendum suas

suas operationes, & resistendum contrarijs. Vt sanitas inexistens Francisco, dicitur eius naturalis potetia; quia per ipsam fit potens ad laborandum, pugnandum, studendum, & resistendum ægritudini. Similiter durities in ferro, vocatur eius naturalis potentia, secundum quam dicitur resistere sectioni.

Naturalis impotentia, ex opposito, est qualitas inexistens rei à natura, qua redditur impotens ad exercendum suas operationes, & resistendum contrarijs. Vt ægritudo in aliquo, reddit ipsum impotentem ad laborandum, pugnandum, studendum, &c. & ad resistendum tribulationibus, &c. Ad hunc modum reducuntur, omnes habilitates, & inhabilitates.

Passio, vt est species, seu modus qualitatis, est qualitas inferens passionem in sensibus, citò transiens à subiecto. Vt rubedo proveniens ex verecundia; vel pallido adueniens vultui ex timore.

Passibilis qualitas, est qualitas inferens passionem in sensibus, habens esse permanentem in subiecto. Vt rubedo, albedo, vel nigredo proveniens à natura, & diù perseverans in subiecto. Ad hunc modum reducuntur, omnes sensibiles qualitates, scilicet dulcedines, amaritudines, omnes sapores, odores, soni, & primæ quatuor qualitates, scilicet caliditas, frigiditas, humiditas, & siccitas; quæ si diù perseverant in subiecto, dicuntur passibiles qualitates; si verò citò transcunt, dicuntur passiones.

Forma autem dupliciter potest accipi; vno modo pro forma physica, seu naturali, siue substantiali, siue accidentali, quæ cum materia facit compositum, aut per se, aut per accidens: de quibus erit sermo in Philosophia. Alio modo pro forma artificiali, qua distinguitur res artificialis à rebus naturalibus; vt est forma scamni, ensis, &c. & de hac est sermo, & sic diffinitur.

Forma est ordo partium ad inuicem, & ad totam rem artificiatam. Id est quædam continuïtas huius partis ad hanc, & non ad illam; vt nimirum caput sit super collo; collum iunctum spatulis; brachia humeris, & sic de cæteris.

Figura etiam dupliciter accipitur, sci-

licet fundamentaliter, & formaliter. Priori modo sumpta figura, est res figurata; & sic potest esse substantia, vel quantitas; diffiniturque sic. Figura est, quæ terminò, vel terminis clauditur. Et hæc diffinitio convenit potissimum figuris Mathematicis, vt sunt triangulus, quadrangulus, & similes. Posteriori modo distinguitur realiter à re figurata, non tamen à forma artificiali: quia diffinitur eodem modo, quo forma artificialis.

Figura est ordo partium ad inuicem, & ad totum, & ad locum. Et sic ordo, quem tenent partes corporis ad inuicem, & ad totum corpus, seu ad locum in quo sunt, dicitur figura; quæ tamen propriè loquendo, non est qualitas, sed relatio; cum ordo, in quo ratio figuræ sita est, sit pura relatio. Dicitur tamen modus qualitatis, pro quanto disponit partes subiecti ad inuicem, & in toto: et disporre subiectum convenit solum qualitati; propriè loquendo.

De Proprietatibus qualitatis.

C A P V T V I I I.

Prima proprietas, seu communitas, conveniens omnibus qualitatibus est, vt qualitas suscipiat magis, & minus. Quia aliquis dicitur magis, vel minus iustus; magis, vel minus calidus, frigidus &c. Hæc tamen convenit qualitatibus quarti modi; quia non sunt propriè qualitates, sed relationes, quæ non suscipiunt magis, & minus; vt dictum est in præcedenti prædicamento.

Secunda proprietas. Qualitatibus inest contrarietas. Quia frigiditas contrariatur caliditati; humiditas siccitati; albedo nigredini. At hæc proprietates non conveniunt omnibus qualitatibus; quia medijs coloribus, vt sunt rubedo, viredo, flavedo, & similes, non contrariantur ad inuicem, propriè loquendo; quia vnus non expellit alium formaliter; & tamen sunt verè qualitates.

Tertia proprietas. Proprium est qualitati secundum eam simile, vel dissimile dici. Id est similitudo, & dissimilitudo fundantur immediate in qualitatibus. Patet; quia similitudo, est rerum diffe-

ren-

rentium eadem qualitas specie: vt album albo, iustum iusto, calidum calido assimilantur. Dissimilitudo verò, est rerum differentium diuersa qualitas specie. Et sic albedo est dissimilis nigredini, caliditas frigiditati, &c. ex quibus sequitur, quodd si vnum contrariorum est qualitas, vel quale, & reliquum erit qualitas, vel quale; siquidem contraria, vt videbimus in Postprædicamentis, habent fieri sub eodem genere proximo; vt patet de albedine, & nigredine, albo, & nigro; quæ continentur sub eodem genere coloris.

De Actione, & eius Proprietatibus.

C A P V T I X.

DE sex vltimis Prædicamentis sermonem facientes, prius de actione, quam de Passione nobis agendum erit; quia sicut Agens est prestantius Passio, ita Actio Passione; idèò à nobiliori incipiendum est.

Actio igitur sic diffinitur à Gilberto Porretano. Actio est, secundum quam, in id quod subijcitur agere dicimur. Id est, est respectus extrinsecus adueniens, quo Agens denominatur formaliter agere in passum. Vt sectio, calefactio. Nam sectio dicit respectum secantis ad sectum; calefactio verò respectum ignis calefacientis, ad aquam calefactam.

Differunt autem Actio, & Factio; quia effectus actionis non remanet post ipsam: vt cantatio, sonatio, &c. effectus verò factionis remanet post ipsam: vt ædificatio, calefactio. Nam post ædificationem remanet domus, & post calefactionem calor; non tamen cantus, vel sonus post cantationem, & sonationem.

Actionis tres sunt proprietates. Prima est; quod Actioni inest contrarietas; non ratione sui, sed ratione qualitatis super qua fundatur. Patet, quia calefactio est contraria frigectioni, ratione caliditatis, & frigiditatis, quæ ad inuicem contrariantur.

Secunda Proprietas. Actio suscipit magis, & minus: ratione qualitatis, quæ suscipit magis, & minus. Quia vnus

ignis dicitur magis, vel minus calefacere, ratione maioris, vel minoris caliditatis.

Tertia Proprietas. Actio est in Agente, & terminatur in Passum. Id est, est respectus fundatus in agente, & terminatus ad passum; secundum quem, Agens denominatur agere in passum.

De Passione, & eius Proprietatibus.

C A P V T X.

PAssio, est effectus, illatioque actionis. Id est, est respectus extrinsecus adueniens passui ad agens, quo passum dicitur formaliter pati ab Agente. Vt calefieri, inferitur ex calefacere; denominaturque aquam, exempli gratia calefactam, ab igne calefaciente.

Passionistres sunt proprietates, sicut, & Actionis. Prima est; quod Passioni inest contrarietas ratione fundamenti, si fundetur in qualitate; quia calefieri, contrariatur ei, quod est frigeferi; & albefieri, ei, quod nigrefieri; ratione caliditatis, & frigiditatis, albedinis, & nigredinis, quæ ad inuicem opponuntur contrariè.

Secunda Proprietas. Passio suscipit magis, & minus: ratione fundamenti. Quia aliquid dicitur magis, vel minus calefieri, vel frigeferi, ratione caliditatis, & frigiditatis, quæ suscipiunt magis, & minus.

Tertia Proprietas. Passio est in passu, & terminatur ad agens, à quo patitur. Id est respectus denominans, passum pati ab Agente, fundatur in passu, & terminatur ad Agens.

De Quando, & eius Proprietatibus.

C A P V T XI.

QUando tripliciter accipi potest, scilicet interrogatiue: vt cum dicitur.

Quando hæc erunt? Relatiue; vt Franciscus veniet, quando Antonius abibit; & prout tantum valet sicut esse in tempore, scilicet habere respectum ad tempus. Et hoc modo sumptum, est duplex, scilicet Actiuum, & Passiuum.

Quan-

Quando Actiuum, est respectus extrinsecus adueniens temporis ad rem temporalem. Vt esse in hora, in die, in anno, &c.

Quando Passiuum, est respectus extrinsecus adueniens rei temporalis ad tempus. Vt esse hodie, cras, fore, esse in anno, &c. Ex his sequitur quid nec quando actiuum, nec quando passiuum constituunt prædicamentum. Quando, sed quoddam commune ad illa, quod sic describi potest. Quando, est respectus extrinsecus adueniens temporis ad rem temporalem; vel rei temporalis ad tempus.

Quando, sunt tria genera subalterna, quæ suppleuntur per esse, fuisse, & fore. Species verò sunt, esse in die, in mense, fore in anno, fuisse in lustro, in sæculo. Indiuidua; in hac hora, in hoc die, mense anno, &c.

Proprietates Quando, sunt tres. Prima. Quando nihil est contrarium. Quia hodie, cras, &c. nihil est contrarium.

Secunda. Quando, non suscipit magis, & minus. Nam hodie, non est magis quando, quam cras.

Tertia. Quando, suscipit maius, & minus. Quia dies, est maior hora; septimana maior die; mensis maior septimana, &c. Ratio verò harum omnium proprietatum est; quia Quando, fundatur in tempore, quod est quantitas; modò quantitas non habet contrarium, nec suscipit magis, & minus, sed tantum maius, & minus; ita nec quando, suscipit magis, & minus, sed tantum maius, & minus; & non habet contrarium.

De Vbi, eius Generibus, Speciebus, Indiuiduis, ac Proprietatibus.

CAPVT XII.

VBI, prout constituit octauum Prædicamentum, est respectus extrinsecus adueniens loci ad rem locatam, vel rei locatæ ad locum. Vt dùm Franciscus est in domo, dicit respectum ad domum, vt locatum ad locum; & domus importat respectum loci ad ipsum, vt locatum. Et hoc est duplex, scilicet actiuum, & passiuum. Vbi actiuum, est

respectus loci ad rem locatam. Vbi verò passiuum, dicit respectum rei locatæ ad locum; si quidem vbi actiuum fundatur in loco, & terminatur ad locum: vbi verò passiuum, è conuersò, fundatur in locato, & terminatur ad locum. Ex quo sequitur, quòd vbi, prout est octauum Prædicamentum, non est vbi actiuum, aut passiuum, sed vbi commune ad vtrumque; & suppletur per diffinitionem datam in principio; quia comprehendit vtrumque sub diffinitione.

Genera subalterna huius Prædicamenti sunt, sursum, deorsum. Species verò: in camera, in domo, in platea, in theatro, &c. Indiuidua; in hac domo, in hac camera, in hac platea, in hoc theatro, &c.

Proprietates vbi, sunt tres. Prima. Vbi nihil est contrarium. Nam domus, non contrariatur domui, nec aer aeri, aut theatrum theatro &c.

Secunda. Vbi, non suscipit magis, & minus. Quia vna domus non est magis locus, quam alia; nec vnus aer altero.

Tertia. Vbi tamen suscipit maius, & minus. Quia vnus locus est maior alio; nam domus est maior camera, theatrum domo, & Platea theatro, &c.

De Situ, seu Positione, ac eius Proprietatibus.

CAPVT XIII.

SITUS, seu positio, est respectus extrinsecus adueniens partium totius locati ad partes loci. Vt sessio, statio, iacentia in lecto. Nam cùm Franciscus iacet, dicit correspondentiam capitis, ad locum capitis; dorsi ad suum locum; crurium, & pedum ad propria loca sibi correspondentia. Et in tali ordine partium totius locati ad partes loci sibi respondentes, consistit situs, seu positio, constituens nonum Prædicamentum ab alijs distinctum.

Genera subalterna sunt, situs sursum, & situs deorsum. Species sunt, sedere, stare, iacere. Indiuidua verò sunt, stare Francisci, sedere Antonij, iacere Petri.

Pro-

Proprietates Situs sunt tres. Prima Situs non habet contraria. Quia sicut loca, & substantiæ, in quibus fundatur situs, carent contrariis; sic, & situs, seu positio.

Secunda. Situs non suscipit magis, & minus. Quia una sessio non est magis situs, quam alia. Bene tamen situs suscipit maius, & minus; quia una statio est maior alia.

Tertia. Proprium est situs fundari in substantia. Quia tantum substantiæ convenit locari; scilicet sedere, stare, iacere.

De Habitu, ac eiusdem Proprietatibus.

CAPVT XIV.

HAbitus tandem, qui constituit ultimum in prædicamentum; est respectus extrinsecus adueniens eorum, quæ sunt circa corpus, ad ipsum corpus. Ut respectus, quem dicit tunica ad corpus tunicatum, dicitur habitus.

Genera subalterna sunt. Habitus partitis; ut capitis, manus, pedis: & Habitus totius corporis. Species verò sunt; armatum esse, loricaum esse, tunicatum esse, & similia. Individua denique: ut tunica Petri, armatio Pauli, loricaio Antonij, & cætera huiusmodi.

Proprietates eiusdem, sunt tantum duæ; & prima est. Quod Habitus suscipit maius, & minus. Quia Eques, est armatior pedite.

Secunda. Habitus non habet contrarium. Ut loricaum esse, non contrariatur ei, quod est tunicatum esse. Et hæc de decem Prædicamentis dicta sint satis.

De Postprædicamentis.

SECTIO V.

Postprædicamentum, ex communi omnium sententia, est quoddam documentum, valens a posteriori (sicut antepædicamentum a priori) ad cognitionem Prædicamentorum habendam. Quandoquidem, cum in superioribus dictum fuerit, Prædicamenta repugnare ad invicem; unum esse prius alio; Relativa esse simul natura; non habere contraria, & cætera huiusmodi; consequenter viden-

dum est, in quo consistat repugnantia, oppositio, prioritas, simultas, & alia; ut ex his totaliter innoscat nobis doctrina Prædicamentorum superius recensita. Postprædicamenta autem sunt numero quinque, scilicet Oppositio, Prius, Simul, Motus, & Habere; de quibus, in sequentibus per ordinem erit sermo.

De Oppositione, ac eius Speciebus.

CAPVT I.

Oppositionem esse duplicem, scire necessarium esse duximus, scilicet complexam, quæ est propositionum; & de qua in sequenti tractatu; & incomplexam, quæ videlicet reperitur inter terminos; de qua est sermo in præfati; & potest sic definiri.

Oppositio incomplexa, est repugnantia duorum extremorum non se permittentium in eodem simul, & semel, & respectu eiusdem. Ut album, & nigrum; videns, & cæcus; Pater, & Filius. Et hæc continet sub se quatuor species: oppositionem relativam, privativam, contrariam, & contradictoriam.

Oppositio relativæ est repugnantia duorum relativorum; vel relativi ad correlative, quæ non possunt verificari de eodem simul, & semel, & respectu eiusdem. Ut Pater, & Filius; duplum, & dimidium. Licet enim idem homo possit vocari Pater respectu Francisci, & Filius respectu Petri, tamen nequit dici Pater, & Filius respectu Francisci, vel Petri solum.

Oppositio privativa, est repugnantia duorum extremorum, quæ habent fieri circa idem subiectum, ordine irrefragabili, & tempore determinato à natura. Ut visus, & cæcitas circa oculum; auditus, & surditas circa aurem. Ex quo sequitur, quod visus, & surditas, auditus, & cæcitas non opponuntur privativæ; quia non habent fieri circa idem subiectum. Dicitur etiam, ordine irrefragabili: quia à privatione perfecta ad habitum non datur naturaliter regressus; impossibile est enim, ut cæcus perfectus naturaliter videat. Dicitur insuper, tempore determinato à natura: propter catulos, quibus novem dierum spatium à natura conceditur, ut possint videre: quos si transierint, & non videntur.

derint, tunc possunt dici cæci à natiuitate

Oppositio contraria, est repugnantia duorum extremorum, quæ sub eodem genere posita, maximè à se inuicem distant; mutuo se expellunt ab eodem susceptibili, cui nata sunt successiue inesse; nisi alterum illorum insit à natura. Vt calidum, & frigidum; album, & nigrum &c. Dicitur notanter; nisi alterum illorum insit à natura: propter albedinem cygni, & nigredinem corui, quæ naturaliter nequeunt ab eis auferri.

Contraria tamen sunt duplicia, scilicet mediata; inter quæ cadit aliquod medium: vt album, & nigrum; inter quæ cadunt medij colores; vt rubeus, viridis, flauus &c. qui non opponuntur contrariè, sed tantum disparatè: & immediata, inter quæ nullum cadit medium. Vt sanum, & ægrum: aut enim animal est sanum, aut ægrum.

Oppositio tandem contradictoria, est repugnantia duorum extremorum secundum affirmationem, & negationem de eodem, simul, & semel, ac respectu eiusdem non verificabilium. Vt album, & non album; nigrum, & non nigrum; homo, & non homo; doctus, & non doctus. Aut enim homo est doctus, aut non doctus; cum inter contradictoria nō sit dare medium. Hoc postprædicamentum valet ad cognoscendum illa, quæ ponuntur in prædicamentis. Quia aliqua opponuntur relatiue; vt Pater, & Filius; alia priuatiue; vt visus, & cæcitas; alia contrariè; vt album, & nigrum; alia demum contradictoriè; vt album, & non album.

De Priori.

C A P V T II.

PRIUS, quod est secundum Postprædicamentū, dicitur quadrupliciter, scilicet prius tempore, natura, ordine, & honore. Quæ continentur in sequentibus versibus. *Tempore, natura, prius ordine, dic, & honore.*

Causam causato, dicimus esse prius.

Prius tempore, est inter illa, quorum duratio vnius, præcedit durationem alterius. Vt Petrus triginta annorum, præcedit Anonium habentem tantum viginti annos.

Prius natura, est inter illa, quæ se habent, vt causa, & effectus. Vt inter partes, & totum. Nam, partes, scilicet anima, & corpus sunt causa totius hominis. Vel illud dicitur prius natura alio, à quo non conuertitur subsistendi consequentia. Vt si homo est, animal est: valere consequentia: at non sequitur. Si animal est, ergo homo est. Igitur animal est prius natura homine; quia ab esse animalis ad esse hominis, non conuertitur consequentia.

Prius Honore, est inter illa, quorum vnum est dignius, & honorabilius altero. Et sic dicimus, Summum Pontificem esse priorem Imperatore, Imperatorem Rege, Regem Duce, Ducem Principe, Principem Marchione, & hunc Comite &c. quia se præcedunt secundum honorem, ac dignitatem.

Prius ordine, est inter illa, à quorum vno, secundum debitum ordinem, sit inceptio. Et sic in disciplinis, Gramatica est prior Rethorica; hæc Logica; Logica, Philosophica, & sic de alijs. In Gramatica verò, litteræ sunt priores syllabis; syllabæ dictionibus. Similiter in Rethorica, exordium dicitur esse prius ordine narratione, quia ab his omnibus, secundum debitum ordinem fieri debet inceptio.

Hoc Postprædicamentum valet ad cognoscendum ordinem, quem seruant prædicamenta inter se. Substantia enim est prior accidentibus, tempore, natura, & honore. Quantitas qualitate; Qualitas relatione; & sic de alijs per ordinem.

De Simul.

C A P V T III.

SIMUL, tertium Postprædicamentum, dicitur tribus modis, scilicet tempore, natura, & diuisione; vt patet in his versibus.

Tempore dico simul, quorum generatio nunc est.

Quæ conuertuntur, dicimus esse simul.

Suntq; simul, species, genus, vnum condinidentes.

Simultas temporis, repetitur inter illa, quorum vnius generatio non præcedit generationem alterius. Vt Petrus, & Paulus nati eodem tempore, dicuntur simul tempore.

Simultas natura, est inter illa, quæ ad inuicem

inuicem conuertuntur secundum essendi consequentiam: vt Pater, & Filius; valet enim dicere. Si Pater est, filius est, & e conuerso.

Simul diuisione, sunt illa, quæ diuidunt idem genus. Et sic species specialissimæ; vt Homo, Leo, Equus; & differentie constitutiue earum; vt rationale, & irrationale, dicuntur simul diuisione, quandoquidem æqualiter diuidunt animal.

Hoc Postprædicamentum valet ad cognoscendum ordinem eorum, quæ ponuntur in eodem Prædicamento. Nam subiectum, & passio, sunt simul tempore, non natura: relatiuum verò, & corelatiui sunt etiam simul natura: species verò, ac differentie eiusdem generis, sunt simul diuisione; quia æqualiter condiuidunt illud.

De Motu.

C A P V T I V.

MOTUS dupliciter consideratur: vno modo propriè, quatenus intrinsecè includit successionem vnius partis post aliam partem, & earumdem continuitatem ad inuicem; & sic non facit quantum post prædicamentum; cum, vt sic, directè ponatur in Prædicamento quantitatis, vt visum est. Alio modo impropriè, & communiter, prout se extendit etiam ad mutationes instantaneas, scilicet generationem, & corruptionem; & sic facit, quantum Postprædicamentum. Et diuiditur in sex species, seu modos, scilicet in Generationem, Corruptionem, Augmentationem, Diminutionem, Alterationem, & secundum locum mutationem; quæ in his verbis continentur.

Augēt, Diminuit, Corruptit, vel Generatur.

Alterat, & Mutat, per multa loca vagatur.

Generatio, est mutatio de non esse ad esse. Vt enim Antonius generatur, mutatur de non esse, ad esse eiusdem.

Corruptio, est mutatio de esse ad non esse. Vt quando Franciscus moritur, mutatur de esse hominis, ad nō esse eiusdem.

Augmentatio, est præexistētis quantitatis maioraumentum. Vt si Antonius,

qui duorum cubitorum longitudinis, fieret trium cubitorum, diceretur mutari secundum augmentationem; quia quantitas vnius cubiti, addita quantitati præexistenti duorum cubitorum, maioraret illam.

Diminutio, est præexistētis quantitatis minoraumentum. Vt si quantitas tricubitalis rediret ad bicubitalem, diceretur minui; quia minoraretur.

Alteratio, est mutatio ab vna qualitate contraria, in contrariam, seu mediam. Vt quādo paries albus mutatur de albedine in nigredinem, vel rubedinem; aut aqua, de frigiditate in caliditate.

Secundum locum mutatio, est progressio de vno loco ad alium locum. Vt si Franciscus hinc discendens iret ad plateam, diceretur mutari, secundum locum. Hæc autem mutatio habet sex species, iuxta sex modos, quibus potest aliquis mutare locum, scilicet ante, retro, sursum, deorsum, dextrorsum, & sinistrorsum.

Hoc postprædicamentum valet ad cognoscendam illam proprietatem substantiæ, in qua dicitur. Proprium est substantiæ secundum sui mutationem, suscipere contraria: quia hoc potest fieri, vel per alterationem, vel per aliam speciem mutationis.

De Habere.

C A P V T V.

HABERE dicitur septem modis, in his verbis contentis.

Affectum, quantum, vestimentum, dic velut autum.

Membrum, contentum, possessio, vir mulierem.

Primo modo aliquis dicitur habere affectum, id est qualitatem, qua afficiatur, scilicet Amorem, Odium, Logicam, Grammaticam. Secundo modo dicitur quis habere quantum, id est quantitatem, scilicet longitudinem, latitudinem, profunditatem. Tertio modo dicitur quis habere vestimentum; vt tunicam, calceos &c. Quarto modo dicitur quis habere membrum; vt manū, pedes &c. Quinto modo dicitur habere contentū; vt puteus aquā, vas vinum. Sexto modo quis dicitur habere possessionem

nem, vt domum, agrum, castrum &c. Septimo modo dicitur vir habere mulierem, & e conuerso, mulier virum; & iste modus, non est proprius modus habendi; quia sicut vir habet uxorem; ita habetur ab ea.

Hoc Postprædicamentum valet ad cognoscendum quando habitus est species qualitatis; quomodo est Prædicamentum, & quomodo est postprædicamentum. Nam, quatenus est qualitas de difficili mobilis à subiectio, esse species, seu modus qualitatis; prout verò comprehendit sub se vnum modum habendi, scilicet vestimentum, constituit vltimum prædicamentum; & quatenus continet omnes modos iam enumeratos, est Postprædicamentum. Et hæc de primo Tractatu dicta sufficiant.

TRACTATUS SECUNDVS.

De Propositionibus, & earum Passionibus differens.

De partibus Materialibus, & Formalibus Propositionis.

SECTIO I.

Propositionis partes, alia dicuntur materiales, formales alia. Materiales illa dicuntur, ex quibus, vti ex materia, constat propositio. Et hæc sunt duæ, scilicet Nomen, & Verbum. Formales vero censentur illa, quæ cum his materialibus partibus formant propositionem; cuiusmodi sunt, subiectum, & prædicatum, & copula. De quibus omnibus agendum est in presenti Sectione hoc ordine; vt prius de materialibus, & postea de formalibus pertractemus; Siquidem illa præcedunt, sicut materia formam.

De Nominis Diffinitione.

CAPVT I.

Nomen est terminus significatiuus ad placitum, finitus, ac rectus; cuius nulla pars separata aliquid significat, sine tempore; vt Homo, Leo, Animal. In hac diffinitione ponitur, terminus, loco generis, cum sit quodam commune ad terminos significatiuos, & non significatiuos; ly significatiuus; ponitur ad differentiam termini non significatiui, qui nequit vocari nomen. Ad placitum; ponitur ad differentiam termini significantis naturaliter. Finitus; ad differentiam termini infiniti. Rectus; ad differentiam termini obliqui. Cuius nulla pars separata per se aliquid significat; ponitur ad differentiam orationis; cuius partes separatæ, per se aliquid significant. Nam partes huius orationis, homo est animal; si separantur ab inuicem, significant aliquid; quia homo hominem; & animal naturam animalis important: vt partes huius nominis, homo, separatæ, scilicet ho, & mo; nihil significant. Sine tempore; ponitur ad differentiam verbi; quod significat cum tempore, præfenti, præterito, vel futuro.

Notandum est primo, pro intelligentia diffinitionis; terminum significatiuum ad placitum esse duplicem, scilicet rectum, & obliquum. Rectus, qui ponitur in casu nominatiuo; vt Homo, Leo, Animal. Obliquus, qui ponitur in alijs casibus, scilicet genitiuo, vt Hominis, Leonis, Animalis; datiuo, vt Animali, Homini, Leoni; & sic de cæteris. Rectus duntaxat, est nomen, secundum Logicum; obliqui verò non sunt nomina, sed casus nominum.

Notandum secundo. Terminum significatiuum ad placitum rectum, esse adhuc duplicem, scilicet finitum, & infinitum. Finitus est, cui nulla præponitur negatio infinitas, scilicet negatio, non vt Homo, Leo, Animal. Infinitus dicitur ille, cui præponitur huiusmodi negatio; vt non Homo, non Leo, non Animal. Dicitur autem ille finitus, quia determinatè aliquem significat; vt Homo Hominem, Leo Leonem tantum. Dicitur verò ille infinitus, quasi indeterminatus; quia indeterminatè aliquid significat, vel aliqua, principali significato

significato prius abnegato ; vt dicendo, non homo : ly non, negat hominem, & indeterminatè significat, quodcumquẽ non est homo, scilicet Leonem, Asinum, Equum &c. De termino finito hic est sermo, quia ille duntaxat constituit nominis rationem, secundum logicum.

Notandum tertio. Terminum rectum, & finitum posse dupliciter accipi, scilicet pro prima, & pro secunda intentione. Terminus primo modo acceptus, est obiectum cognitum ab intellectu actu recto, vel reflexo, quatenus potest esse subiectum, vel prædicatum in propositione: vt homo cognitus, animal cognitum. Terminus secundo modo sumptus, est secunda intentio subiecti, vel prædicati, applicata ab intellectu huic termino, homo, vel animali; prout homo in propositione ponitur à parte subiecti, & animal à parte prædicati. Hic est sermo de termino sumpto pro secunda intentione, quia logicus per se considerat secundas intentiones, primas verò solum per accidens.

Notandum quarto. Quod aliud est significare tempus, & aliud cum tempore. Illud significat tempus, quod de principali significato importat tempus; & sic etiam nomen significat tempus; quia dies, mensis, annus, sunt nomina, & significant tempus. Illud verò significat cum tempore, quod aliquid importat sub aliqua differentia temporis, scilicet præteriti, præsentis, vel futuri. Et sic nomen significat sine tempore, verbum verò cum tempore. Nam, amo, significat cum tempore præsentis; amaui cum præterito; & amabo cum futuro.

Ex his habetur clara intelligentia diffinitionis nominalis. Nomen est terminus significatiuus ad placitum &c. id est, est vna secunda intentio subiecti, vel prædicati, attributa termino significatiuo ad placitum sine tempore, finito, & recto, cuius nulla pars separata per se aliquid significat.

De Diffinitione Verbi.

C A P V T II.

Verbum, est terminus significatiuus ad plerumque, cum tempore, finitus, &

rectus; cuius nulla pars separata aliquid per se significat: vt amat, legit, currit. In qua diffinitione ponuntur omnes particulae, & loco generis, & loco differentiae, sicut ponebantur in diffinitione nominis; præter illam particulam, cum tempore, quæ ponitur ad differentiam nominis, quod significat sine tempore; vt dictum est in præcedenti.

Notandū primo. Verbum esse duplex, scilicet substantiuum, & adiectiuum. Substantiuum, est illud, quod significat per modum per se stantis, & nulli inhaerentis; & huiusmodi verbum, est solum, sum, es, est. Adiectiuum verò est illud, quod significat aliquid per modum adiacentis alteri; & huiusmodi sunt omnia verba, præter sum, es, est; & omnia ab ipso composita, aut dependentia; nam, amo, significat actum amoris à ineptecedente, & alteri adhaerentem; ita lego, doceo, & similia. Hic est sermo de vtroque, & præsertim de substantiuo; quia in tantum alia considerantur à logico, in quantum ei adherent, & in illud reducuntur. Siquidem in hac propositione, homo currit; ly currit, resoluuntur per, est, & participium currens, id est homo est currens; quia ipsi adheret, vt adiectiuum suo substantiuo.

Notandū secundo. Vtrūque verbum esse duplex, scilicet finitum, cui nulla præponitur negatio, vt est, currit, legit, docet; & infinitum, cui nimirum præponitur negatio infinitans, scilicet non; negans ab ipso significatum principale, & relinquens indeterminatum in significando: vt non est, non amat, non currit: Vtrumque spectat ad logicum; sed finitum constituit veram rationem verbi; infinitum verò tantum per æquivalentiam; vt inferius dicemus.

Notandū tertio. Verbum finitum esse duplex, scilicet rectum, & obliquum. Rectum, est verbum præsentis temporis, indicatiui modi; & tertiae personæ; vt currit, legit, amat. Obliquum verò verbum, sunt omnia alia; præter verbum præsentis temporis, indicatiui modi, & personæ tertiae: vt amauit, amabat, legabat, docebat; & cætera aliorum modorum; licet etiam sint indicatiui modi, sed temporis præteriti, aut futuri, vel primæ aut secundæ personæ; quia nullum

spectat ad logicum, nisi in quantum habent omnia reduci ad verbum rectum, scilicet presentis temporis, tertiæ personæ, & indicatiui modi.

Notandum quarto. Verbum rectum, & finitum, tam substantivum, quam adiectivum dupliciter considerari posse, scilicet pro prima, & pro secunda intentione. Primo modo est obiectum cognitum ab intellectu, in quantum est aptum natum copulare subiectum, & prædicatum in propositione syllogistica: ut hoc verbum est; quatenus coniungere potest animal cum homine, dicendo: homo est animal. Secundo modo, est secunda intentio copulæ huic verbo, est; cognito ab intellectu attributa, quatenus actu coniungit prædicatum cum subiecto in propositione logica; & hoc modo consideratur à logico.

Ex his, diffinitio verbi sic explicatur. Verbum est terminus significativus ad placitum, id est una secunda intentio copulæ, applicata ab intellectu verbo significativus ad placitum, cum tempore præsentis, modi indicatiui, & personæ tertiæ, cuius nulla pars separata, aliquid per se significat. Et quia ex nomine, & verbo conficitur oratio, quæ est quoddam commune ad propositionem logicalem, seu enuntiativam; idem videndum est, quid, & quotuplex sit oratio.

De Oratione, eiusque Divisione.

C A P V T III.

Oratio, est terminus complexus, significativus, ad placitum, cuius partes separatae, aliquid per se significant. Ut homo albus; Leo est Animal. In qua diffinitione ponitur terminus, loco generis; cum sit communis ad terminos incomplexos, & complexos: ly complexus, ponitur ad differentiam nominis, & verbi, quæ sunt termini incomplexi. Cuius partes separatae aliquid per se significant; ponitur pariter ad differentiam nominis, & verbi, quorum partes separatae, per se nihil significant, ut dictum est.

Oratio autem est duplex, scilicet perfecta, & imperfecta. Perfecta est illa, quæ perfectam cognitionem generat in intellectu auditoris, remota quacunque in-

terrogatione, aut dubitatione. Ut homo est albus: Petrus currit. Imperfecta verò est, quæ imperfectam cognitionem generat in animo auditoris, ansam interrogationis relinquens. Ut homo albus. Hæc enim ita imperfectam cognitionem generat, ut statim debeamus querere, an homo albus currat, legat, vel doceat, aut quid simile operetur. De perfecta hic est tantum sermo. Quæ aduc est quintuplex, scilicet indicativa, imperativa, optativa, coniunctiva, & depræcativa.

Oratio indicativa est, in qua ponitur verbum indicatiui modi; ut homo est animal. Imperativam dicimus, quæ constructur cum verbo imperativi modi: ut Petre fac ignem. Paule disputa. Optativa est, quæ fit cum verbo optativi modi: ut utinam essem doctus. Coniunctiva, quæ constat ex verbo coniunctivi modi; ut si veneris ad me, dabo tibi Equum, vel pecuniam. Depræcativa tandem, in qua ponitur verbum depræcationem importans: ut miserere mei bone Deus. Adiuva me misericors Dominus. Quæ cum fiat per verbum imperativi modi, materialiter non differt ab imperativa, licet formaliter sit diversa; ut potè non imperium, sed depræcationem importans. Logicus considerat tantum indicativam; quia tantum hæc constat ex nomine, & verbo finito, ac recto, quæ duntaxat spectant ad logicum.

Oratio autem indicativa dupliciter accipitur; pro prima, & pro secunda intentione, ut dictum est de nomine, & verbo. Ex his habetur clara intelligentia diffinitionis orationis indicativæ. Oratio indicativa, est terminus complexus &c. id est secunda intentio attributa ab intellectu termino complexo, significativus ad placitum; cuius partes separatae, aliquid per se significant.

De Subiecto, Prædicato, & Copula.

C A P V T IV.

Subiectum est illud, de quo aliud dicitur, scilicet prædicatum: vel affirmativè mediante copula affirmativa; vel negativè, mediante copula negativa.

Præ-

Prædicatum est, quod implicite, vel explicite, affirmatiue, vel negatiue, dicitur de alio, scilicet de subiecto.

Copula verò est illa, quæ affirmatiue, vel negatiue, mediante negatione negante, coniungit prædicatum cum subiecto: vt in hac propositione: homo est animal: homo est subiectum, animal prædicatum; quia prædicatur de homine: & illud verbum, est, dicitur copula; quia copulat, & coniungit animal cum homine. Ex quo sequitur differentia inter negationem negantem, & negationem infinitantem; nam negatio negans cadit immediate super copulam: vt Homo non est Asinus. Negatio verò infinitans, immediate fertur super subiectum, vel prædicatum, scilicet, non Homo est Asinus; vel Homo est non Asinus.

De Propositionibus, ac earum Passionibus intrinsecis.

SECTIO II.

Propositionum, alie dicuntur *Categorice*, & alie *Hypotheticæ*. *Categoricarum* autem, alie vocantur de *in esse*, & alie *Modales*; de quibus omnibus agendum nobis est in præsentis Sectione secunda. Prius tamen de *Categoricis*, quam de *Hypotheticis*; & inter *Categoricas*, primo dicemus de illis de *in esse*, & postea de *Modalibus*.

De Diffinitione Propositionis, eiusque Diuisione.

CAPVT I.

Propositio est oratio indicatiua, verum, vel falsum significans. Vt Homo est Animal. In qua diffinitione ponitur, oratio, loco generis; est enim communis ad orationem perfectam, quæ est propositio, & imperfectam, quæ non est propositio. Ly indicatiua: ad differentiam orationum imperatiuarum, operatiuarum, coniunctiuarum, & deprecatiuarum; quæ secundum se, non sunt propositiones, sed solum prout reducuntur ad indicatiuam. Verum, vel falsum significans. Ponuntur ad differentiam nominis, & verbi, quæ

secundum se, nec veritatem, nec falsitatem ostendunt. Ex quo sequitur, veritatem, & falsitatem reperiri duntaxat in complexis, non autem in incomplexis, vt sunt nomen, & verbum.

Propositio autem, hoc modo accepta, dupliciter consideratur; & pro prima; & pro secunda intentione. Propositio primo modo considerata, est oratio vocalis, mentalis, vel scripta, quatenus cognita ab intellectu, actu recto, vel reflexo, vt representatiua veritatis, vel falsitatis. Secundo modo, est secunda intentio applicata ab intellectu orationi vocali, mentali, & scriptæ; prout comparantur ad suum significatum. Et sic sumitur in hac diffinitione: est quæ sensus.

Propositio, est oratio indicatiua, id est vna secunda intentio attributa ab intellectu orationi indicatiuæ, veritatem, vel falsitatem significanti. Et sic supplendæ sunt omnes diffinitiones, quæ inferius dabuntur, de Propositionibus *Categoricis*, & *Hypotheticis*.

Propositio hoc modo diffinita, diuiditur in *Categoricam*, & *Hypotheticam*; de qua inferius erit sermo. *Categorica* propositio, secundum nominis ethimologiam, derivatur à verbo græco, *categorizo*, as; quod in latinum vortum, significat idem, quod prædico as. Vnde propositio categorica, secundum interpretationem nominis, dicitur propositio prædicatiua; quia in ipsa prædicatum enunciatur de subiecto.

Propositio autem *Categorica*, secundum diffinitionem quid rei, est illa, in qua ponuntur prædicatum, subiectum, & copula, tamquam principales partes sui. Vt homo est animal. Homo, est subiectum, animal, prædicatum: est verò, copula coniungens animal cum homine. Dicitur notanter; tamquam principales partes sui; quia licet præter subiectum, prædicatum, & copulam, ponantur alij termini se tenentes, vel ex parte subiecti, vel prædicati; tales non pertinent ad essentiam propositionis *Categoricæ*, sed potius, vt modificent subiectum, vel prædicatum: vt patet in hac propositione. Franciscus Antonij filius legit. Vel Franciscus ambulat, simul cum Antonio.

Propositione autem categoricam, habere

bere subiectum, predicatum, & copulam, amquam partes principales sui, potest tripliciter intelligi, scilicet explicitè, implicitè, & æquiualeuter. Tunc habet explicitè, cū omnia manifestè ponuntur: vt homo est animal. Tunc verò dicitur habere implicitè, quando predicatum implicatur in copula: vt homo currit. Nam illud verbum, currit, cum sit verbum adiectiuum, resoluitur per substantiuū, est, & participium presentis temporis indicatiui modi, scilicet currens, currentis; hoc modo: homo est currens. Tunc demū habet æquiualeuter, quando ex aliqua impositione facta alicui voci, vel syllabæ, talia dignoscuntur. Vt si aliquis imponeret huic litteræ, A. vt tantum valeret, quantū hæc propositio. Homo est animal. Tunc talis littera, A. esset propositio categorica æquiualeuter; quia ex tali impositione, haberet subiectum, predicatum, & copulam, tamquam principales partes sui, æquiualeuter.

Propositio Categorica est duplex, scilicet de est secundo adiacente, & de est tertio adiacente. Propositio de est secundo adiacente est illa, in qua præter copulam, est, non ponitur aliud predicatum explicitem, sed tantum implicitè. Vt homo est, id est, homo est ens. Propositio verò de est tertio adiacente est illa, in qua præter copulam, est, ponitur aliud predicatum materiale explicitem. Vt homo est animal; vel Franciscus est risibilis.

Ex his habetur clara definitio Propositionis Categoricæ, scilicet. Propositio Categorica est illa, quæ explicitè, vel implicitè, formaliter, vel æquiualeuter, habet subiectum, predicatum, & copulam, tamquam partes principales sui. Vt homo est risibilis; vel Franciscus currit.

De prima Subdiuisione Propositionis Categoricæ.

CAPVT II.

Propositionum Categoricarum, alia est vniuersalis, alia particularis, alia indefinita, & alia singularis.

Propositio vniuersalis est illa, in qua explicitè, vel implicitè, formaliter, vel æquiualeuter, subiicitur terminus communis, signo vniuersali determinatus. Vt omnis homo currit.

Propositio particularis est illa, in qua implicitè, vel explicitè, formaliter, vel æquiualeuter subiicitur terminus communis, signo particulari determinatus. Vt quidam homo currit.

Propositio indefinita est illa, in qua implicitè, vel explicitè, formaliter, vel æquiualeuter subiicitur terminus communis, nullo signo determinatus. Vt homo est animal.

Propositio tandem singularis est illa, in qua explicitè, vel implicitè, formaliter, vel æquiualeuter subiicitur terminus discretus, vel terminus communis, cum pronomine demonstratiuo determinatus. Vt Petrus est homo; vel hic homo currit.

Signa autem determinatiua terminorū in propositione, alia sunt vniuersalia: vt omnis, nullus, quilibet, & similia: alia sunt particularia: vt quidam, aliquis, alter &c. alia tandem sunt demonstratiua: vt sunt omnia pronomina demonstratiua; hic, iste, ille, ipse, & similia; quæ omnia dicuntur signa, quia præter illam paruum significationem, quam de se præferunt, indicant etiam quantitatem propositionis, scilicet, quæ sit vniuersalis, quæ particularis, quæ indefinita, & quæ singularis.

Quid autem sit terminus communis, & discretus, visum est in primo tractatu. Sect. prima cap. 2. Pro nunc aduertendum est, vtrumque posse poni in propositionibus quadrupliciter, scilicet implicitè: vt nihil est in aula; id est, nulla res est in aula: vel quilibet currit. In qua ponitur implicitè, scilicet homo, qui est terminus communis; vt sit sensus. Quilibet homo currit. Secundo modo explicitè, & formaliter; vt homo est animal. Tertio modo æquiualeuter: vt si. A. esset imposita ad significandum hunc terminum communem vniuersalē, scilicet omnis homo; dicendo. A. currit. Æquiualeuter significaret, omnem hominem currere. Quarto modo potest poni terminus impeditus per negationem præpositam signo vniuersali, vel particulari: vt, non omnis homo currit. Nam ly omnis

omnishomo, sine negatione, facit propositionem vniuersalem; cum negatione verò, facit propositionem particularem; vt videbimus inferius, de æquipolentis propositionum.

De secunda Subdiuisione Propositionis Cathegorica.

C A P V T III.

Propositionum Cathegoricarum, alia est affirmatiua, alia negatiua, & alia mixta.

Propositio affirmatiua est, in qua prædicatum, siue explicitum, siue implicitum, affirmatur de subiecto, mediante copula non negata. Vt homo est animal; vel Petrus currit.

Propositio negatiua est illa, in qua prædicatum, siue implicitum, siue explicitum, mediante copula negata, de subiecto negatur. Vt Petrus non currit; vel lapis non est animal.

Propositio mixta est illa, in qua ponuntur duæ copulæ disiunctæ, quarum vna sit affirmata, & altera negata. Vt quodlibet est, vel non est. Chymera est, vel non est.

Ex his diuisionibus, ac subdiuisionibus propositionis in communi in Cathegoricam, & Hypotheticam; Cathegoricæ, in vniuersalem, particularem, indefinitam, & singularem; insuper, in affirmatiuam, negatiuam, & mixtam; elicitur substantia, quantitas, & qualitas propositionis. Nam substantia, seu quidditas propositionis, consistit in hoc, vt sit cathegorica, vel hypothetica. Quantitas, vt sit vniuersalis, particularis, indefinita, & singularis. Qualitas denique, vt sit affirmatiua, negatiua, vel mixta. Vnde huic triplici considerationi propositionis, respondent tria quæstiuia, scilicet quæ, quanta, & qualis.

Quæstiuum, quæ; quærit de substantia, & quidditate propositionis; & idè ad interrogationem factam per, quæ, de propositione. Respondetur per Cathegoricam, vel Hypotheticam.

Quæstiuum, quanta; quærit de quantitate; & idè quærenti; quanta sit propositio? Respondetur, vniuersalis, vel

particularis, indefinita; aut singularis.

Quæstiuum, qualis; quærit de qualitate propositionis; vnde quærenti, qualis est hæc propositio? Respondetur affirmatiua, vel negatiua, aut mixta. Vt autem huiusmodi quæstiuia facilius memorie mandare valeatis, sequentem versum, in quo continentur, mente retinere necesse est.

Quæ, cæ, vel hyp, qualis ne, vel aff. v. Quanta, par, in, fin.

Detortia, & quarta Subdiuisione Propositionis Cathegorica.

C A P V T IV.

Propositionum Cathegoricarum; alia est de simplici extremo, alia verò de extremo coniuncto.

Propositio de extremo simplici est illa, in qua tantum vnus terminus est subiectum, vel prædicatum; siue determinetur aliquo signo, siue non; vt omnis homo est animal; quidam homo est substantia.

Propositio verò de extremo coniuncto est triplex, iuxta triplicem coniunctionem, scilicet de coniuncto copulato, conditionali, & disiunctiuo.

Propositio de extremo coniuncto copulato est illa, in qua, siue à parte subiecti, siue à parte prædicati, ponuntur plures termini coniuncti per hanc coniunctionem copulatiuam, & vel relatiuam, qui, quæ, quod, vel quid. Vt Deus est iustus, & misericors. Vel Antonius, qui non currit, disputat.

Propositio de extremo conditionaliter coniuncto est illa, in qua, siue à parte subiecti, siue à parte prædicati, ponuntur plures termini coniuncti per hanc coniunctionem conditionalem, si. Vt Ioannes mouetur, si currit.

Propositio tandem de extremo coniuncto disiunctiue est illa, in qua, siue à parte subiecti, siue à parte prædicati coniunguntur plures termini, per hanc coniunctionem disiunctiuam, vel; Vt Deus prædestinat, vel damnat. Petrus est doctus, vel indoctus. Ex quo sequitur, quod totum id, quod ponitur à parte subiecti, vel prædicati, tenet locum subiecti, vel prædicati.

Item Propositionum cathegoricarum,

alæ

alię participant vtroque termino; alię vno tantum; alię verò neutro.

Propositiones participantes vtroque termino, sunt illę, quę habent idem subiectum, & idem prædicatum; cum hoc, vt vna sit affirmatiua, altera negatiua: vel vna vniuersalis, & alia particularis: vt omnis homo est animal: nullus homo est animal: vel omnis homo currit: quidam homo currit.

Propositiones autē participantes altero tantum termino, sunt, quę habent idem subiectum, vel idem prædicatum tantum. Vt homo currit; & homo disputat. Vel Petrus est animal; Franciscus est animal.

Propositiones verò neutro termino participantes, sunt quę differunt, tam subiecto, quam prædicato. Vt homo est animal; & lapis est corpus inanimatum.

Propositiones participantes vtroque termino, subiuduntur; quia alię participant ordine eodem; alię ordine è conuerso.

Propositiones participantes vtroque termino, ordine eodem, sunt illę, quę habent eosdem terminos à parte subiecti, & à parte prædicati. Vt omnis homo est animal; nullus homo est animal.

Propositiones demum participantes vtroque termino, ordine è conuerso, sunt illę, quę habent eosdem terminos ordine conuerso, id est, quod est subiectum in vna, est prædicatum in alia; & quod est prædicatum in vna, in alia est subiectum. Vt homo est risibilis; & risibile est homo. Vel lapis est corpus; & quoddam corpus est lapis.

De Oppositionibus Propositionum participantium vtroque termino ordine eodem.

CAPVT V.

Duplicem oppositionem agnouimus in fine præcedentis tractatus; incom-

plexam, scilicet, & complexam; de priori quę est terminorum, egimus loco præcitato: de complexa verò, quę est propositionum, est sermo in præsentī; & sic potest describi. Propositio complexa, est repugnantia duarum propositionum, secundum quantitatem, & qualitatem. Priori modo oppōhūntur propositiones vniuersales, & particulares. Posteriori verò modo, affirmatiuę, & negatiuę. Et hæc oppositio est quadruplex, scilicet contraria, subcontraria, contradictoria, & subalterna.

Oppositio contraria, est repugnantia duarum propositionum, vtroque termino participantium, ordine eodem; quarum vna est vniuersalis affirmatiua, & altera vniuersalis negatiua. Vt omnis homo currit; & nullus homo currit.

Oppositio subcontraria, est repugnantia duarum propositionum participantium vtroque termino, ordine eodem; quarum vna est particularis affirmatiua, altera particularis negatiua. Vt quidam homo currit; & quidam homo non currit.

Oppositio contradictoria, est repugnantia duarum propositionum participantium vtroque termino, ordine eodem; quarum vna est vniuersalis affirmatiua, & alia particularis negatiua: vel vna, vniuersalis negatiua, & altera particularis affirmatiua. Vt omnis homo currit; & quidam homo non currit. Vel nullus homo currit; & quidam homo currit.

Oppositio denique subalterna, est repugnantia duarum propositionum participantium vtroque termino, ordine eodem; quarum vna est vniuersalis affirmatiua, & alia particularis affirmatiua; vel vna vniuersalis negatiua, & alia particularis negatiua. Vt omnis homo currit; & quidam homo currit. Vel nullus homo currit; & quidam homo non currit; vt melius videre est in sequenti figura.

Omnis ho-
mo currit.

CONTRARIÆ

Nullus ho-
mo currit.

SVBALTERNÆ

CONTRA
DICTORIÆCONTRA
DICTORIÆ

SVBALTERNÆ

Quia homo currit.

SVBCONTRARIÆ

Quidam ho-
mo non cur-
rit.

De Materia Propositionum Cathgoricarum.

CAPVT VI.

Materia propositionis dupliciter potest accipi, scilicet materialiter, & formaliter. Materia primo modo, nihil aliud est, quam subiectum, & prædicatum propositionis, ex quibus constat. Materia vero secundo modo, est habitudo subiecti ad prædicatum: exempli gratia in hac propositione. Homo est animal. Tamen homo, quam animal, sunt materia eiusdem primo modo; quia ex illis conficitur: at habitudo hominis ad animal, in quantum homo, continet essentialiter animal, dicitur materia secundo modo: & de hac loquimur; quæ est triplex, scilicet naturalis, contingens, & remota.

Propositio de materia naturali est illa, in qua prædicatum est de essentia subiecti; vel proprium eius. Ut homo est animal; vel homo est risibilis.

Propositio de materia contingenti est illa, in qua prædicatum potest adesse, & abesse à subiecto, præter subiecti corruptionem. Ut homo est albus; vel Petrus est doctus.

Propositio de materia remota est illa, in qua prædicatum nequit convenire subiecto, immò eidem repugnat. Ut homo est asinus; vel Petrus est lapis. Ex his sequitur, quod omnes illæ propositiones, in

quibus prædicata sunt de essentia, vel propriæ passionis subiectorum, sunt de materia naturali: si verò prædicata repugnant, dicuntur de materia remota: si autem prædicata possint continere, & non conuenire, dicuntur contingentes. Ut autem magis harum propositionum conuenientia, vel oppositio, fiat manifesta, obseruandæ sunt sequentes Regulæ.

De Regulis Oppositionum Propositionum in qualibet materia.

CAPVT VII.

Prima Regula Contrariarum, talis est. Propositionum contrariarum de materia naturali, vel remota, si vna est vera, altera necessarîo est falsa; vt ista. Omnis homo est animal. Est vera in materia naturali: sua contraria, scilicet nullus homo est animal; est falsa: vel ista. Omnis homo est asinus. Est falsa in materia remota; & sic eius opposita: nullus homo est asinus; erit vera. Probat hanc regulam: quia impossibile est, idem esse de essentia, & non esse de essentia; proprium, non proprium alicuius; vel repugnare, & non repugnare: sed prædicatum de materia naturali est de essentia subiecti, vel proprium eius. In materia verò remota repugnat subiecto; vt patet ex definitionibus suprappositis: ergo si vna contraria de talibus materiis est vera, altera necessarîo est falsa.

Se-

Secunda Regula. Propositionum contrariorum de materia contingenti, non semper est necesse alteram esse veram, reliqua existente falsa; immo ambæ possunt esse falsæ. Vt omnis homo currit; nullus homo currit. Probatur: quia in hac materia, prædicatum potest conuenire, & non conuenire subiecto, scilicet omni sub subiecto contento: & etiam non conuenire omnibus, sed tantum aliquibus: atqui inquantum non conuenit omnibus, falsificatur vniuersalis; ergo in hac materia contingenti, propositiones contrariæ possunt esse ambæ falsæ.

Tertia Regula. Subcontrariarum, si vna est vera, altera necessarîo est falsa, in materia naturali, & remota. Vt quidam homo est animal; & quidam homo non est animal. Vel quidam homo est asinus; & quidam homo non est asinus. Probatur hæc regula, sicut prima contrariorum. Quia prædicatum conuenit essentialiter, vel repugnat essentialiter subiecto; at impossibile est, idem essentialiter conuenire, vel non conuenire; repugnare, & non repugnare; ergo si vna est vera, altera necessarîo est falsa.

Quarta Regula. Subcontrariæ de materia contingenti, possunt esse ambæ veræ, sed non ambæ falsæ. Probatur prima pars. Quia potest esse, vt de facto est, vt quidam homo sit albus, & quidam non sit albus. Secunda pars probatur. Quia contradictoriæ nequeunt esse ambæ falsæ; igitur nec duæ subcontrariæ. Consequentia probatur. Quia ad falsitatem particularis, sequitur falsitas vniuersalis: sed vna particularis, & altera vniuersalis contradicunt; ergo si subcontrariæ possunt esse ambæ falsæ, etiam contradictoriæ possent esse ambæ falsæ; quod est impossibile.

Quinta Regula. Contradictoriarum in qualibet materia, si vna est vera, reliqua necessario est falsa. Probatur: quia particularis falsificat vniuersalem, & e contra, vniuersalis falsificat etiam particularem. Sed contradictoriæ sic se habent, vt vna sit vniuersalis affirmatiua, & alia particularis negatiua; vel vna particularis affirmatiua, & alia vniuersalis negatiua; igitur si vna est vera, reliqua necessarîo est falsa.

Sexta Regula. Subalternæ de mate-

ria naturali, & remota, sunt ambæ veræ, vel ambæ falsæ. Non enim vniuersalis erit vera, particulari existente falsa; nec e conuerso. Probatur: quia vniuersalis includit particularem, & particularis de tali materia naturali, necessarîo includit prædicatum vniuersalis, vel ei repugnat, si sit de materia remota; ergo vel sunt ambæ veræ, vel ambæ falsæ.

Septima Regula. Propositionum subalternarum, si vniuersalis est vera, vel falsa, etiam particularis erit vera, vel falsa, de materia contingenti; tamen ad veritatem particularis non esse, nec inferre veritatem vniuersalis. Probatur prima pars. Quia vniuersalis includit omnes particulares. Secunda pars suadetur. Quia prædicatum de materia contingenti potest conuenire vni supposito, & non alteri; sed quatenus non conueniat omnibus, falsificatur vniuersalis; ergo si particularis de materia contingenti est vera, non est necesse inferre veritatem, etiam vniuersalis.

De Conuersionibus Propositionum Calbergianarum.

C A P V T VIII.

Conuersio propositionis in aliam propositionem, dupliciter accipitur: vno modo largè, prout dicit mutationem prædicati in subiectum, & subiecti in prædicatum; siue vna propositio sequatur ad aliam, siue non; siue verè, siue falsè. Et sic hæc duæ propositiones possunt conuerti. Omnis homo est animal, & omne animal est homo; cum tamen prior sit vera, & posterior falsa.

Alio modo strictè; & sic est mutatio prædicati in subiectum, & subiecti in prædicatum cum bona consequentia. Vt quidam homo est animal; & quoddam animal est homo; & de hac conuersione loquimur. Quæ est triplex, scilicet simplex, per accidens, & per contrapositionem.

Conuersio simplex, est subiecti in prædicatum, et prædicati in subiectum mutatio, cum

cum bona consequentia, manente eadem qualitate, & quantitate. Et sic conuertuntur duo genera propositionum, scilicet vniuersalis negatiua in seipsam, & affirmatiua in seipsam. Vt nullus homo est lapis; & nullus lapis est homo. Vel quidam homo est animal; & quoddam animal est homo. Aduertendum tamen, quod secundum hanc conuersionem, conuerri possunt omnes propositiones particulares, indefinitæ, & singulares, in quibus non mutatur qualitas, vel quantitas.

Conuersio per accidens, est mutatio subiecti in prædicatum, & prædicati in subiectum cum bona cōsequentiā, manente eadem qualitate, sed mutata quantitate. Et sic conuertuntur duo genera propositionū, scilicet vniuersalis negatiua in particulare negatiuā, & vniuersalis affirmatiua in particulare affirmatiuā. Vt nullus homo est lapis; ergo quidam lapis non est homo: vel omnis homo est animal; ergo quoddam animal est homo.

Conuersio per contrapositionem, est mutatio subiecti in prædicatum, & prædicati in subiectū cum bona cōsequentiā, manente eadē qualitate, & quantitate, sed mutatis terminis finitis in terminos infinitos. Et sic conuertuntur duo genera propositionū, scilicet vniuersalis affirmatiua in seipsam, & particularis negatiua in seipsā. Vt omnis homo est animal; ergo omne non animal est non homo. Vel quidam homo non est lapis; ergo quidam non lapis non est non homo. At, vt facilius mente retineantur hæ conuersiones, quæ multum valent in probandis consequentijs, norandi sunt verius sequentes, in quibus continentur.

Simpliciter FECI, conuertitur EVA per acci.

ASTO per contra, sic fit conuersio tota.

Qui, vt intelligantur, norandum est. Propositionens cōuertibiles in vnaquaque conuersione infinuari per vocales contentas in his tribus dictionibus, scilicet FECI, EVA, ASTO, cum hac aduertentiā; vt, E, iudicet vniuersalem negatiuā, A, vniuersalem affirmatiuam, I, particularem affirmatiuam, & O, particularem negatiuam, vt patet in sequentibus versibus.

Afferit A, negat E, sunt vniuersaliter amba.
Afferit I, negat O, sunt particulariter amba

De propositione Hypothetica, eiusque diuisione.

CAP V T IX.

Propositio Hypothetica, secundum ætymologiam nominis, est suppositiua locutio; quasi vna pars propositionis hypotheticæ supponatur alteri in eadē locutione, mediante aliqua cōiunctione. Deriuatur enim ab, Hipo, dictione græca, quæ in latinum versā, sonat sub; & thesis, positio, quasi suppositio, seu suppositiua locutio.

Propositio verò hypothetica, secundum rem, est illa, quæ explicite, vel implicite, formaliter, vel æquiualeuter, habet duas propositiones categoricas, tamquam partes principales sui; cōiunctas per aliquam cōiunctionem. Vt si homo currit, homo mouetur. In quā diffinitione ponuntur illæ particule, explicite, vel implicite, formaliter, vel æquiualeuter. Quia ad hypotheticam sufficit habere duas categoricas aliquo horum modorum, vt dictum est de prædicato, subiecto, & copula, in propositione Categorica. Ex quibus colligitur, quod sicut essentia propositionis categoricæ consistit in habere subiectum, prædicatum, & copulam, tanquam principales partes sui, sic essentia hypotheticæ constat ex duabus categoricis, aliquo prædictorum modorum, in eadem contentis.

Propositio hypothetica, sic definita, diuiditur in conditionalem, copulatiuam, disiunctiuam, causalem, temporalem, & localem: quia rationalis, à multis appositā, non distinguitur à conditionali, vel copulatiua. Huius autem diuisionis sufficientiam, desumitur ex diuersitate cōiunctionum, quæ sunt sex, scilicet, si, & vel, quia, quando, & ubi; inter se essentialiter distinctæ, sex pariter propositiones hypotheticas, inter se specificè distinctas, constituentes. Et licet aliquæ inueniantur cōiunctiones, quæ videntur ab his distingui, tamen hoc tantū materialiter accidit, cū formaliter, ad has reducuntur. Nam, illa cōiunctio, igitur, reducitur ad conditionalem, si. Hæ verò, tam, quā, ad copulatiuā, &c. Hæ autem, nē, vt; ad causalem, quia. Illa tandem, dum; ad temporalem, quando. Vnde infertur, cum sint tantum sex cōiunctiones inter se distinctæ, sex pariter, & non plures fore propositiones hypotheticas, iā enumeratas.

Ad-

Aduertendum tamen, prædictas conjunctiones posse dupliciter sumi, scilicet coniunctiue, & coniunctim. Priori modo, coniungunt propositiones categoricas, quæ faciunt vnā hypotheticam. Vt Petrus currit, vel Antonius disputat. Posteriori modo, coniungunt terminos, vel à parte subiecti, vel à parte prædicati; & sic faciunt propositiones categoricas de extremo coniuncto; vt superius vidimus in hac eadem Sect. cap. 4. Vt homo est animal, & rationale: aut Petrus, vel Antonius sedet. Hic accipiuntur coniunctiue, & non coniunctim.

De Conditionalis.

C A P V T X.

Propositio conditionalis est illa, in qua explicite, vel implicite, formaliter, vel æquialenter, coniunguntur duæ categoricæ, vel duo complexa, reducibilia ad duas categoricas per hanc conjunctionem, si, vel ei æquialentem. Vt si Petrus currit, Petrus mouetur. Vel, nullus potest esse homo, nisi sit animal. Quæ æquualet isti. Si aliquis non est animal, non est homo. Dixi notanter, duo complexa ad duas &c. Propter has, & similes propositiones de verbis, & nominibus obliquis. Si Alinus volaret, Alinus haberet alas. Quæ conficiunt vnā hypotheticam conditionalem; & tamen non sunt categoricæ; immò nec propositiones logicæ; cum nec veritatem, nec falsitatem significant; non enim sunt propositiones indicatiuæ, quod necessario requiritur, vt oratio sit propositio, vt supra dictum est, capitulo primo huius Sectionis.

Propositio Rationalis, quæ ad conditionalem reducitur, debet coniungere duas categoricas, vel saltem duo complexa ad eas reducibilia per hanc conjunctionem, igitur, vel ergo. Vt Franciscus est homo, ergo est animal. Quæ reducitur ad istam conditionalem. Si Franciscus est est homo, Franciscus est animal. Dicitur autem rationalis; quia supponit iudicium de bonitate consequentiæ vnus categoricæ ad aliam, mediante conjunctione, igitur, vel ergo.

Aduertendum tamen, quod cum in

qualibet propositione hypothetica sint duæ categoricæ coniunctæ per aliquam conjunctionem, prior cui immediatè præponitur coniunctio, vocatur antecedens; posterior verò consequens; quia ad illam sequitur.

Hoc notato, ponuntur duæ regulæ, ex quibus patebit veritas, & falsitas propositionis conditionalis: quæ non consistit in hoc, vt antecedens, vel consequens sit verum, aut falsum, sed quod consequens in bona consequentia sequatur ad antecedens, ad veritatem; & quod antecedens possit esse verum, consequente existente falso, ad eius falsitatem: ista est conditionalis. Si Franciscus est Alinus, Franciscus est rudibilis. Et tamen, tam antecedens, quam consequens, est falsum, & impossibile.

Prima Regula. Ad veritatem conditionalis necessariò requiritur, vt consequens sequatur ad antecedens. Vt si Franciscus est homo, Franciscus est animal.

Secunda Regula. Ad falsitatem conditionalis, sufficit, vt antecedens possit esse verum, consequente existente falso. Vt si Franciscus est homo, Franciscus est albus. Potest enim esse, quod sit homo, absque eo, quod sit albus; cum albedo non sit de essentia hominis, neque ad eius esse necessariò sequatur.

De Copulatiua.

C A P V T X I.

Propositio copulatiua est illa, in qua explicite, vel implicite, formaliter, vel æquialenter, coniunguntur duæ categoricæ, vel duo complexa reducibilia ad duas categoricas, per hanc conjunctionem copulatiuam, &, vel ei æquialentem. Vt Franciscus currit, & Antonius disputat. Vel Antonius est tam bonus, quam Petrus malus. Quæ æquualet huic. Petrus est malus, & Antonius bonus.

Prima Regula pro veritate copulatiuæ. Ad eius veritatem requiritur, ambas partes esse veras. Vt omnis homo est animal; & nullus homo est lapis.

Secunda Regula. Ad falsitatem copulatiuæ, sufficit alteram partem esse falsam. Vt homo est animal, & Petrus est lapis.

Tertia

Tertia Regula. Ad necessitatem eiusdem requiritur, ut ambæ categoricæ sint de materia naturali. Vt homo est animal, & homo est rationalis.

Quarta Regula. Ad possibilitatem copulatiuæ requiritur, ambas partes esse de materia contingenti. Vt Franciscus studet, & Antonius disputat.

Quinta Regula. Ad impossibilitatem copulatiuæ requiritur, ambas partes esse de materia remota. Vt Petrus est lapis, & homo est irrationalis.

Sexta Regula. Ad contingentiam copulatiuæ sufficit, alteram partem esse de materia contingenti, & alteram de naturali. Vt Petrus est homo, & Petrus disputat. Nam, quod Petrus, quatenus homo, disputet, hoc sibi accidit; cum multi sint homines, & non dispuent, licet disputare possint.

De copulatiua negatiua, sicut, & de alijs, sunt ferè oppositæ regulæ, quâs pro nimia difficultate, & quia non sunt in vû, consultò omittimus.

De Disiunctiua.

C A P V T XII.

Propositio disiunctiua est illa, in qua implicite, vel explicitè, formaliter, vel æquiualeuter, coniunguntur duæ categoricæ, vel duo complexa reducibilia ad duas categoricas, per hanc coniunctionem disiunctiuam, vel; aut ei æquiualem. Vt Franciscus currit, vel Paulus sedet. Vel Petrus dormit, aut vigilat.

Prima Regula. Ad veritatem disiunctiuæ sufficit, alteram partem esse de materia naturali; etiam si altera sit de contingenti, vel remota. Vt Petrus est homo, vel Franciscus est Asinus. Aut ambæ possunt esse veræ. Vt homo est Animal, vel Leo est rugibilis.

Secunda Regula. Ad falsitatem disiunctiuæ requiritur, ambas partes esse falsas, & de materia remota. Vt homo est Asinus, vel Leo est rudibilis.

Tertia Regula. Vt disiunctiua sit necessaria requiritur, vel altera pars sit de materia naturali; vel ut ambæ sint de materia remota, & contradictoriæ. Vt Petrus currit, vel homo est animal. Nam prior est contingens; posterior necessaria. Vel Franciscus est Asinus, aut non est Asinus. Nam, alterum contradictorium necessarium inest ei, à quo aliud remouetur.

Quarta Regula. Vt disiunctiua sit possibilis, sufficit alteram partem esse possibilem, & de materia contingenti. Vt homo est lapis, vel homo est albus.

Quinta Regula. Vt disiunctiua sit impossibilis, requiritur ambas partes esse impossibiles, & de materia remota. Vt homo est Asinus, vel homo est irrationalis.

Sexta Regula. Vt disiunctiua sit contingens, requiritur ambas partes esse de materia contingenti. Vt Petrus studet, vel Petrus ambulat.

De Causali.

C A P V T XIII.

Propositio causalis est illa, in qua explicitè, vel implicite, formaliter, vel æquiualeuter coniunguntur duæ categoricæ, vel duo complexa reducibilia ad duas categoricas, per hanc coniunctionem causalem, quia, aut eadem æquiualem. Vt quia Petrus est homo, est animal. Vel Petrus benefacit, ut effugiat mortem.

Prima Regula. Ad veritatem causalis requiritur, ut ambæ partes sint necessario veræ; & ut antecedens sit causa consequentis. Vt quia Petrus est animal rationale, Petrus est risibilis. Nam utraq; est vera; & prior est causa posterioris; quia esse animal rationale, est causa, ut Petrus sit risibilis.

Secunda Regula. Ad falsitatem causalis, sufficit alteram partem esse falsam; vel quod antecedens non sit causa consequentis. Exemplum primæ. Vt Antonius est Theologus, quia est Astrologus. Vel homo est rationalis, quia est lapis. Exemplum secundæ. Petrus currit, quia est albus. Nam esse album, non est causa, ut Petrus

Petrus currat; sed quia habet instrumenta apta, & non impedita ad motum progressum.

Tertia Regula. Ad necessitatem causalis requiritur, ambas partes esse necessarias; & ut antecedens sit causa necessaria consequentis. Ut quia Franciscus est animal rationale, Franciscus est homo.

Quarta Regula. Ad impossibilitatem causalis sufficit, antecedens non esse causam consequentis. Ut quia homo est rationalis, homo est rudibilis. Nam licet ista sit impossibilis: homo est rudibilis; attamen nequit causare impossibilitatem causalis; sed solum, quia esse rationale, non est causa rudibilitatis.

De Temporalis.

C A P V T XIV.

Propositio Temporalis est illa, in qua implicite, vel explicitè, formaliter, vel æquivalenter, coniunguntur duæ categoricæ, vel duo complexa reducibilia ad duas categoricas, per hanc conjunctionem temporalem, quando; vel ei æquivalentem. Cuiusmodi sunt omnia aduerbia temporis. Ut Petrus dormit, quando Paulus vigilat. Vel Franciscus studet, dum Antonius ambulat.

Prima Regula. Ad veritatem temporalis exigitur, ut ambæ partes sint veræ, pro eodem, vel diuerso tempore. Ut Petrus est subditus pænæ, quando non obseruat legem. Vel Franciscus est homo, quando est albus.

Secunda Regula. Ad falsitatem temporalis, sufficit alteram partem esse falsam. Ut Petrus dormit, dum vigilat.

Tertia Regula. Ut temporalis sit necessaria, exigitur necessitas vtriusque, antecedentis scilicet, & consequentis. Ut Petrus est, dum homo est.

Quarta Regula. Ad possibilitatem temporalis requiritur, ut ambæ partes sint possibiles. Ut Franciscus legit, quando Antonius currit.

Quinta Regula. Ut temporalis sit impossibilis, sufficit impossibilitas alterius partis; licet possint esse ambæ impossibiles. Ut Paulus est Agnus, dum est homo. Vel Petrus est Leo, quando est lapis.

De Locali.

C A P V T XV.

Propositio localis est illa, in qua explicitè, vel implicite, formaliter, vel æquivalenter coniunguntur duæ categoricæ, vel duo complexa reducibilia ad duas categoricas, per hanc conjunctionem localem, vbi; vel ei æquivalentem. Ut Franciscus legit, vbi Antonius bibit.

Prima Regula. Ad veritatem propositionis localis exigitur, ut ambæ partes sint veræ, pro eodem vel diuersis locis. Ut Franciscus legit, vbi dormit.

Secunda Regula. Ad falsitatem localis, sufficit alteram partem esse falsam. Ut Paulus dormit, vbi Antonius canit.

Tertia Regula. Ad impossibilitatem, sufficit alteram partem esse impossibilem. Ut Petrus ambulat, vbi non est spatium locale.

De his omnibus propositionibus hypotheticis formantur vtriusque modi arguendi, quos ad præsens omitimus, cum spectent ad sequentem tractatum, in quo erit sermo etiam de syllogismo hypothetico, sicut de cæteris arguendi modis.

De Equipollentijs Propositionū de inesse, tum Categoricarum, tum Hypotheticarum.

C A P V T XVI.

Equipollentiam esse duplicem, terminorum scilicet, & propositionum, non est ignorandum; ut de qua adpropositum spectet, commodius, & clarius agere valeamus. Prior, est duorum terminorum in significando æquivalentia; cuiusmodi sunt termini synonymi. Posterior verò est duplex: altera in significando tantum; vel ratione materie, ex qua componuntur; cum videlicet duæ propositiones idem significant: ut sunt istæ. Omnis homo est risibilis; & omne animal rationale est risibile: quæ omnino idem important. Altera in significando, & in inferendo simul ratione forme; cum videlicet vna propositio de eadem forma, ratione negationis sibi additæ, inferat aliam.

Et.

Et de hac æquipollentia est sermo in præfentiarum, quæ sic describitur.

Æquipollentia, est duarum propositionum vtroque termino participantium, ordine eodem, formalis æquialentia in significando, & inferendo simul; ob negationem præpositam tantum, postpositam tantum, vel præpositam, & postpositam simul, signo vniuersali, vel particulari. Vnde cum sint quatuor genera propositionum participantium vtroque termino ordine eodem, scilicet contrariæ, subcontrariæ, contradictoriæ, & subalternæ, totidem Regula pro earumdem æquipollentijs, subiiciendæ sunt.

Prima Regula pro Contradictorijs est ista. Si alicui signo vniuersali, vel particulari præponatur negatio, æquipollet suo contradictorio: vt istæ sunt contradictoriæ. Omnis homo currit; & quidam homo non currit. Præponendo negationem illi signo, omnis, hæc propositio vniuersalis. Omnis homo currit: æquipollet huic particulari. Quidam homo non currit. Vel è conuerso sic dicendo. Non omnis homo currit. Igitur quidam homo non currit: vel è contra. Non quidam homo non currit; inferitur ergo omnis homo currit. Idemdicendum est de cæteris contradictorijs.

Secunda Regula pro Contrarijs. Si alicui signo vniuersali postponatur negatio, æquipollet suo contradictorio. Exempli gratia, hæ sunt contrariæ. Omnis homo currit, & nullus homo currit. Si ergo postponatur negatio illi signo vniuersali, omnis, dicendo. Omnis homo non currit: æquipollet isti; Nullus homo currit. Vel è conuerso. Nullus homo non currit; æquipollet isti; ergo omnis homo currit.

De subcontrarijs potest poni eadem regula, sed valde impropiè; cum nec propriè æquipollegant, vt clarè ostendemus in explicatione.

Tertia Regula pro subalternis. Si alicui signo vniuersali, vel particulari præponatur, & postponatur negatio, æquipollet suo subalterno; Vt omnis homo currit, & quidam homo currit; sicut subalternæ; vel istæ. Nullus homo currit, & quidam homo non currit; præponendo, & postponendo negationem illi signo vniuersali, omnis, vel particulari, quidam; adinu-

cem æquipollet: vt hæc. Non omnis homo non currit; æquipollet huic. Quidam homo currit: vel è conuerso. Non quidam homo non currit; æquipollet isti. Omnis homo currit. Idem dicendum est de subalternis negatiuis. Et istæ regulæ continentur in sequenti versu.

Præcontradic. post contra: præ postque subalter.

Quarta Regula. Si duo signa vniuersalia negatiua ponantur in eadem locutione, itaut vnum se teneat à parte subiecti, aliud verò à parte prædicati; cum hoc tamen, vt vtrumque ponatur ante copulā, primum æquipollet suo contrario, secundum suo contradictorio. Vt Nihil, nihil est; æquipollet isti. Quodlibet aliquid est. Quia primum signum, vt æquipollet suo contrario, includit implicite terminum commune, scilicet ens; vt sit sensus. Nullum ens, nihil est: ergo quodlibet, aliquid est. Quod est contrarium affirmatiuum. Vt verò secundum æquipollet suo contradictorio, debet includere implicite terminum commune, ens; & primum nihil esse, pura negatio; vt faciat sensum. Nonnullum ens est: ergo aliquid, quodlibet est.

De Propositione Modali.

C A P V T XVII.

DVplicem esse propositionem Catholicam, scilicet de inesse, & modalem, diximus superius in principio Sectionis. Propositio de inesse est illa, cuius copula non est modificata aliquo termino, seu modo, denotante compositionem prædicati cum subiecto: vt hæc, homo est animal. Quæ dicitur de inesse; quia prædicatum dicitur conuenire simpliciter, & absolute subiecto, non determinando possibilitatem, vel impossibilitatem, necessitatem, aut contingentiam eius ad subiectum, sicut accidit in modalibus. Propositio verò modalis est illa, cuius copula est modificata aliquo modo denotante compositionem possibilem, vel impossibilem, necessariam, vel contingentem prædicati cum subiecto. Vt Franciscum currere, est possibile. Quæ dicitur modalis ab illo modo, possibile;

D

vir-

venire entis indicant, cursus esse possibilem Francisco.

Modus autem est determinatio adiacens rei determinabili: ut cum dico. Homo albus currit. Ly albus, est modus, seu determinatio; non cuiuscumque hominis ad cursum, sed talis, qui sit albus: similiter. Petrus velociter currit. Ly velociter, est modus, seu determinatio cursus, significans non qualemcumque cursum incurrere Petro, sed velocem tantum.

Modus verò, secundum logicum, cum sit idem, quod adiectivum, secundum Grammaticum; est duplex sicut adiectivum, scilicet nominis: ut vi album, nigrum, pulchrum; et verbi, scilicet velociter, possibiliter, & similia verba: siquidem adverbium, secundum Priscianum, est vi verbi adiectivum; ita etiam duplex est modus, scilicet nominalis, & verbalis. Modus nominalis est, qui nomen modificat; & verbalis, qui verbum determinat. Hic est sermo de verbalis; quia hic solum compositionem predicati cum subiecto determinat, secundum quam, sit propositio modalis.

Modi autem verbales, quibus propositiones modales constare videntur, sunt quatuor magis visitati (licet plures possint esse) scilicet possibile, impossibile, necesse, & contingens. Qui dupliciter sumi possunt, scilicet secundo intentionaliter; & sic sunt differentie propositionis; significantque possibilitatem, impossibilitatem, necessitatem, & contingentiam propositionis; & sic constituunt propositionem modalem compositam; denotant enim propositionem, quam modificant, esse possibilem, impossibilem, necessariam, vel contingentem. Alio modo iungi possunt primo intentionaliter; & hoc dupliciter, scilicet cathegorematicè; & sic sunt differentie entis: nam possibile, idem est, ac res possibilis; impossibile, res impossibilis; necesse, res necessaria; & contingens, res contingens: & sic cathegorematicè; & ita sunt signa, quedam denotantia possibilitatem, impossibilitatem, necessitatem, vel contingentiam predicati cum subiecto; & sic conficiunt propositionem modalem divisa. Ad propositum, accipiuntur primo intentionaliter sincathegorematicè, pro divisa; & secun-

do intentionaliter, pro composita modalis.

Propositio modalis composita est illa, in qua modus subicitur, vel predicatur; id est ponitur, ut subiectum, vel predicatum, aut saltem tamquam pars subiecti, vel predicati. Ut, Antonium currere est possibile; vel necesse est, hominem esse animal.

Propositio modalis divisa est illa, cuius copula modificata est aliquo prædictorum modorum, determinante compositionem predicati cum subiecto. Ut, hominem necesse est esse animal: vel, Franciscum possibile est esse album: aut Petrus contingenter currit.

Ex his sequitur quadruplex differentia inter propositionem compositam, & divisa, ex quibus facile dignosci potest, quænam sit modalis composita, & quæ divisa.

Primo igitur differunt. Quia in compositis, illud verbum, est, duntaxat est copula; in divisis verò nedum illud verbū, est, sed etiam infinitum, quod sequitur, si modus teneatur nominaliter; vel illud, est, determinatum aliquo modo, si modus accipiat ad verbaliter.

Secundo Differunt. Quia in compositis, modus semper est subiectum, vel predicatum; in divisis verò, nec subiectum, aut predicatum, sed solum determinatio copulæ.

Tertio differunt. Quia in compositis, modi tenentur secundo intentionaliter, & cathegorematicè; in divisis verò, primo intentionaliter, & sincathegorematicè.

Quarto Differunt. Quia in compositis, totum dictum, est subiectum, vel predicatum; in divisis verò, una pars eiusdem, est subiectum, reliqua autem predicatum: ista enim est composita. Hominem esse animal est necesse. Quia in ea subicitur totum dictum, quod aggregatur ex illis accusatiuis, hominem, & animal; ac ex infinito esse. Et vocatur dictum; quia de ipso totaliter, & de qualibet eius parte, enunciatur modus; hæc enim, homo est animal, quæ ex dicto resoluitur, est necessaria; & similiter. Hominem esse animal, est necessarium. Ista autem est divisa. Hominem necesse est esse animal. Quia in ea hæc dictio, hominem, est subiectum; animal predicatum; hoc totum, est

est esse, copula; & ly necesse, est modus, seu determinatio copulae; determinat enim compositionem animalis cum homine, esse necessariam.

De Quidditate, & Qualitate Propositionum Modalium.

C A P V T XVIII.

Supponendum est, ex dictis superius cap. 3. huius Sect. quidditatem propositionis in eo sitam esse, vt sit categorica, vel hypothetica. Aut enim propositio habet subiectum, praedicatum, & copulam tamquam partes principales sui: & sic est categorica. Aut habet duas categoricas, vel saltem duo complexa reducibilia ad duas categoricas: & sic est hypothetica. Qualitatem vero in hoc consistere, vt propositio sit affirmatiua, vel negatiua.

Hoc suppositio, dicendum est primo. Propositiones modales secundum quidditatem, esse categoricas; habent enim subiectum, praedicatum, & copulam, veluti partes principales sui; vt in hac propositione. Hominem necesse est esse animal. Ly hominem, est subiectum; ly animal, praedicatum; ly est esse, copula; & ly necesse, modus se tenens ex parte copulae; non quod sit eius pars, sed tantum eiusdem determinatio; & hoc, quoad modales diuisas. In compositis vero, aliter ponitur, vt in hac. Totum hominem esse animal, est necesse. Ly totum hominem esse animal est subiectum; ly est, copula; & ly necesse, praedicatum. Ex quo sequitur, copulam totalem in modalibus compositis esse solum illud verbum, est; in diuisis etiam, cum modus tenetur aduerbialiter, copula est tantum, illud est. Cum vero accipitur nominaliter, praeter ly est, requiritur illud infinitum esse; quia ex his integratur copula totalis: Vt iterum sciendum, cum in diuisis integratur copula ex infinito esse, & est; ly esse, censetur copulae pars principalior; quia ipsa affirmata, propositio est affirmatiua; & ipsa negata, simpliciter erit negatiua, vt mox dicemus.

Dicendum secundo. Propositionum modalium, secundum qualitatem, alias esse affirmatiuas, & alias negatiuas, vt dictum est superius in illis de inesse. Propositio

modalis affirmatiua est illa, cuius copula totalis, aut saltem pars principalior, non est negata formaliter, aut virtualiter (quod dico propter modalem de modo impossibile, in qua licet non ponatur negatio ad copulam formaliter, ponitur tamen virtualiter: quia, ly impossibile, includit negationem, sicut signum, nullus) vt hominem necesse est esse animal. Illa vero est negatiua, cuius copula totalis, vel principalior pars, est negata formaliter, vel virtualiter. Vt hominem currere non est possibile. Vel hominem currere est impossibile. Quae virtualiter est negatiua, ob negationem inclusam in illo modo, impossibile. Dicitur notanter, vel principalior pars copulae; ob propositiones diuisas negatiuas, in quibus, vt plurimum, non negatur illud verbum, est; sed infinitum esse, quod est principalior copulae pars, cum modus tenetur nominaliter: Vt, omne animal necesse est non esse hominem. Idem dicendum est de alijs propositionibus de possibili, & contingenti.

De Quantitate Propositionum Modalium

C A P V T XIX.

Propositiones Modales secundum quantitatem, aut sunt vniuersales, aut particulares, aut indefinitae, aut singulares; sicut dictum fuit superius de illis de inesse. Quantitas autem earumdem, tripliciter potest attendi; aut ex parte modi tantum, aut subiecti solum, aut ex parte vtriusque simul. Illae propositiones sunt quae prae primo modo, quae sunt de modis vniuersalibus, aut particularibus: vnde, modi vniuersales sunt duo; quorum prior, scilicet necesse, est affirmatiuus; posterior vero, nempe impossibile, est negatiuus: modi vero particulares, sunt pariter duo, scilicet possibile, & contingens, qui sunt affirmatiui; sed possunt fieri negatiui, mediante negatione illis praeposita. Vnde istae sunt vniuersales de modo. Hominem necesse est esse animal. Hominem impossibile est esse lapidem. Haec vero sunt particulares de modo. Hominem possibile est esse album. Hominem contingens est esse doctum, vel indoctum. Illae autem propositiones dicuntur

euntur secundo modo quantæ, quæ sunt de subiectis determinatis cum signis vniuersalibus, vel particularibus, aut demonstratiuis; aut sunt de terminis discretis; aut tandem, de terminis communibus, nullo signo determinatis; vt sunt istæ. Omnem hominem currere, est possibile. Nullum hominem currere, est contingens. Aliquem hominem volare, est impossibile. Hunc hominem esse doctum, est contingens. Franciscum studere, est possibile. Hominem esse animal, est necesse. Illæ tandem sunt quantæ tertio modo, quæ sunt de subiectis determinatis signis vniuersalibus, vel particularibus; & quæ sunt de modis vniuersalibus, aut particularibus. Vt, omnem hominem necesse est, esse animal. Nullum hominem impossibile est currere. Quarum duæ priores, sunt vniuersales de signo, & de modo simul; tertia vero est tota particularis ex parte vtriusque.

Ex dictis ponuntur definitiones propositionum modalium, secundum quantitatem, tum ex parte modi, tum ex parte signi, tum etiam ex parte vtriusque.

Propositio modalis vniuersalis est illa, in qua, vel subiectum est determinatum. Signo vniuersali; vel modus est vniuersalis, vel vtrumque. Vt, omnem hominem possibile est currere. Aliquem hominem impossibile est esse irrationalem. Omnem hominem necesse est esse animal.

Propositio modalis particularis est illa, in qua vel subiectum est determinatum signo particulari, vel modus est particularis, vel vtrumque. Vt, aliquem hominem impossibile est esse asinum. Hominem possibile est esse album. Vel, aliquem hominem contingens est esse nigrum.

Propositio modalis indefinita est illa, in qua subiectum est terminus communis, nullo signo determinatus. Vt, hominem contingens est esse doctum. Hæc enim est indefinita, tantum ratione subiecti; quia ratione modi, nequit dari indefinita, sicut nec singularis; cum modi sint tantum vniuersales, vel particulares, vt superius notatum est.

Propositio tandem modalis singularis est illa, in qua subiectum est terminus discretus, vel communis, signo demonstra-

tiuo determinatum. Vt, Petrum currere est possibile. Vel contingens est hunc hominem esse doctum.

De Oppositionibus Propositionum Modalium.

C A P V T XX.

Propositionum Modalium, alie sunt oppositæ contrariæ, alie subcontrariæ, alie contradictoriæ, & alie subalternæ, vt sunt illæ de inesse. Hæc autem oppositio potest attendi, vel ex parte formæ, vel secundum legem. Tunc dicuntur propositiones modales opponi secundum formam, quæ ad inuicem repugnant, & ratione subiectorum, & ratione modorum simul; vt hæc opponuntur contrariæ. Omnem hominem necesse est esse animal. Nullum hominem impossibile est esse animal. Tunc vero opponuntur secundum legem, quæ participant legem alicuius oppositionis, vel ratione modi tantum, vel subiecti tantum, vel ratione vtriusque. Exemplum modalium contrariarum, tantum de modo. Necesse est, hominem esse risibilem. Impossibile est, hominem esse risibilem. Quia modi, necesse, & impossibile, sunt contrarij. Exemplum contrariarum, de subiecto tantum. Omnem hominem possibile est currere. Nullum hominem possibile est currere. Exemplum tandem contrariarum ratione vtriusque. Omnem hominem necesse est esse animal, Et, nullum hominem impossibile est esse animal. In quibus apparet contrarietas, tam ex parte subiectorum, quæ sunt determinata signis vniuersalibus contrarijs, quam ex parte modorum, qui sunt oppositi contrariæ. Vt autem percipere possitis harum oppositionum valorem, tam secundum formam, quam secundum legem, subiiciemus statim earum definitiones singularem, cum sua figura.

De Oppositionibus Modalium de forma.

CAPVT XXI

Oppositio contraria propositionum modalium de forma, est repugnantia duarum propositionum utroque termino participantium, ordine eodem; quarum una est tota vniuersalis affirmatiua, & altera tota vniuersalis negatiua. Vt, omnem hominem necesse est currere. Omnem hominem impossibile est currere.


Oppositio sub contraria, est repugnantia duarum propositionum modalium, utroque termino participantium, ordine eodem; quarum una est tota particularis affirmatiua, & altera tota particularis negatiua. Vt, aliquem hominem possibile est currere. Et, aliquem hominem possibile est non currere.

Oppositio contradictoria, est repugnantia duarum propositionum modalium, participantium utroque termino, ordine

eodem; quarum una est tota vniuersalis affirmatiua, & altera tota particularis negatiua; vel una, tota vniuersalis negatiua, & altera, tota particularis affirmatiua. Vt omnem hominem necesse est currere. Aliquem hominem possibile est non currere. Vel omnem hominem impossibile est currere. Et, aliquem hominem possibile est currere.

Oppositio tandem subalterna, (quæ non est propriè oppositio, vt dictum fuit etiã in illis de inesse) est repugnantia duarum propositionum participantium utroque termino, ordine eodem; quarum una est tota vniuersalis affirmatiua, & altera tota particularis negatiua, vel una, tota vniuersalis negatiua, & altera tota particularis negatiua. Vt, omnem hominem necesse est currere / Et, aliquem hominem possibile est currere. Vel, omnem hominem impossibile est currere. Et, aliquem hominem possibile est non currere. Vt patet in sequenti figura.

Omnem hominem necesse est currere.



Omnem hominem impossibile est currere.

Aliquem hominem possibile est currere.

Aliquem hominem possibile est non currere.

De Oppositionibus Modalium de Lege.

CAPVT XXII

Oppositio Modalium contrariarum de lege, est repugnantia duarum propositionum, utroque termino participantium, ordine eodem; quarum una est tota vniuersalis affirmatiua, & altera partim vniuersalis de subiecto, particularis tantum de modo: vel e conuerso; vniuersalis de modo, & particularis de subiecto. Ut omnem hominem necesse est currere. omnem hominem possibile est non currere. Vel, aliquem hominem impossibile est currere.

Oppositio subcontraria, est repugnantia duarum propositionum modalium, participantium utroque termino, ordine eodem; quarum una est tota particularis affirmatiua; altera partim particularis, vel de subiecto est negatiua. Ut, aliquem hominem possibile est currere. Aliquem hominem impossibile est currere; aut, omnem hominem possibile est non currere.


Oppositio aurem contradictoria, est repugnantia duarum propositionum participantium utroque termino, ordine eodem; quarum una est vniuersalis de modo,

& particularis de subiecto, affirmatiua; altera particularis de modo, & vniuersalis de subiecto, negatiua. Ut, aliquem hominem necesse est currere. Omnem hominem possibile est non currere. Vel e conuerso. una est vniuersalis de subiecto, particularisque de modo, affirmatiua; & altera particularis de subiecto, & vniuersalis de modo, negatiua. Ut, omnem hominem possibile est currere. Et, aliquem hominem impossibile est currere. Oppositio tandem subalterna, est repugnantia duarum propositionum participantium utroque termino, ordine eodem, quarum una est tota vniuersalis affirmatiua, altera partim particularis, vel de subiecto, vel modo affirmatiua. Ut, omnem hominem necesse est currere. Et, omnem hominem possibile est currere. Vel aliquem hominem necesse est currere. Vel una tota vniuersalis negatiua, & altera partim particularis de subiecto, vel de modo, negatiua. Ut, nullum hominem impossibile est currere. Et, aliquem hominem impossibile est currere. Aut, omnem hominem possibile est non currere.

Propositiones modales de subiectis singularibus, opponuntur aliqua istarum oppositionum, ratione modorum tantum. Sequitur figura harum oppositionum.

Omnem hominem necesse est currere.

Aliquem hominem possibile est currere.



Omnem hominem possibile est non currere

Aliquem hominem impossibile est currere.

*De Equipollentijs Propositionum
Modalium.*

CAPUT XXIII.

Petrus Hispanus tandem peruentus ad æquipollentias Modalium, considerans earum difficultatem. & sui finis obliuio, (qui erat Tyronibus, obstrusa Aristotelica dilucidare) tradidit regulas difficultatibus plenas, omni carentes particulas: & præterquamquod sunt superflue, magis conducunt iuuenes ad desperationem, quam ad cognitionem æquipollentiarum: vnde exiuit illud commune proloquium. De modalibus non capit Asinus. Idcirco iniquorumdam expositorum auctoritati, & præcipue A. R. P. Francisci de Catharo Magistri mei Doctissimi, ac amantissimi, relinquendo tot ambages, eodem modo ponemus æquipollentias, sicut in illis de inesse, easdem omnino regulas repetendo; cum hac tamen differentia, vt præpositio, & postpositio negationis, quæ in illis ponebatur, ad signum vniuersale, vel particulare, hic ad modum vniuersalem, vel particularem transferat. Et ratio est; quia quantitas propositionis modalis, ex parte modi, præsertim attendenda est; sicut in illis de inesse, ex parte signi solum consideratur. Quo prænotato, sequuntur quatuor Regule pro æquipollentijs Modalium.

Prima Regula. Si alicui modo vniuersali, vel particulari præponatur negatio, æquipollet suo contradictorio. Vt, aliquem hominem non necesse est currere; ergo aliquem hominem possibile est non currere: Vel è conuerso, aliquem hominem non possibile est non currere, ergo aliquem hominem necesse est currere. Idem dicendum est de reliquis contradictorijs.

Secunda Regula. Si alicui modo vniuersali postponatur negatio, æquipollet suo contrario. Vt, aliquem hominem necesse est non currere, ergo aliquem hominem impossibile est currere. Notandum tamen, quod quando postponitur negatio, modo, debet immediatè proponi infinito, si modus teneatur nominaliter; vel

verbo, si teneatur adverbialiter. Vt, aliquis homo necessariò non currit, ergò aliquis homo impossibiliter currit: vel è conuerso. Aliquis homo impossibiliter non currit, ergo aliquis homo necessariò currit.

Tertia Regula. Si alicui modo vniuersali, vel particulari præponatur, & postponatur negatio, æquipollet suo subalterno. Vt, aliquem hominem non necesse est non currere, ergo aliquem hominem possibile est currere: vel è conuerso. Aliquem hominem non possibile est non currere, ergo aliquem hominem necesse est currere. Idem dicatur de negatiuis.

Quarta Regula. Si in propositionibus modalibus attendatur quantitas, non tantum ex parte modi, sed etiam ex parte subiecti, determinati signo vniuersali, vel particulari, debet fieri præpositio, & postpositio negationis, nedum modo, vt dictum est, sed etiam subiecto, iuxta regulas traditas superius cap. 15. Vt, aliquem hominem possibile est non currere; contradicit isti. Omnem hominem necesse est currere. Nedum, quoad subiectum, sed etiam quoad modum; quæ sic æquipollent. Non aliquem hominem non possibile est non currere, ergo omnem hominem necesse est currere; vel è conuerso. Non omnem hominem non necesse est currere, ergo aliquem hominem possibile est non currere. Et idem dicatur de reliquis secundum regulas præfixas contrarijs, & subalternis.

Pro tota tamen intelligentia propositionum modalium, & equipollentiarum earundem; aduertendum est. Quod ex quolibet prædictorum modorum, possunt fieri quatuor propositiones, præponendo subiecto signum vniuersale, & particulare. Vt, omnem hominem necesse est currere. Nullum hominem necesse est currere. Aliquem hominem necesse est currere. Aliquem hominem necesse est non currere. Idem dicendum de impossibili, possibili, & contingenti, quæ opponuntur, & æquipollent sicut ille de inesse, præponendo, & postponendo negationem signo vniuersali, vel particulari tantum; siquidem, quantitas illarum attenditur ex parte subiecti tantum; at; cum hac tamen, aduertentia,

vt quando debeat postponi negatio, præponenda est immediatè copulæ principaliori, scilicet infinito, si modus teneatur nominaliter; vel minus principali, si teneatur aduerbialiter, vt superius diximus, loquendo de qualitate proportionum modalium, de quibus hæc parua dicta sufficiant.

De Proprietatibus Terminorum, ac Propositionum extrinsecis simul.

SECTIO III.

Post tractatum de terminis, ac propositionibus, quo ad quidditatem, qualitatem, & quantitatem, nec non de passionibus eorumdem intrinsecis, in presentiarum videnda sunt proprietates, cum terminis, tum propositiones ab extrinseco committantes; quæ sunt sex, scilicet suppositio, ampliatio, restrictio, appellatio, distributio, & exponibilitas; de quibus per ordinem erit sermo, vt magis, ac magis elucescat veritas propositionum, quæ deferuire debeant pro confessione syllogismorum; cum sint illorum partes propinque.

De Quibusdam acceptionibus Terminorum.

CAPVT I.

Pro intelligentia eorum, quæ dicturi sumus, prius recolenda sunt, memorizque reuocanda ea omnia, quæ hactenus diximus de terminis, ac propositionibus; quippè quæ inferuiunt dicendorum cognitioni. Deinde notandum est, terminum categorematicum, & absolutum, diuidi in substantium, & adiectiuum. Prior dicitur ille, qui importat entitatem per modum per se stantis; cuiusmodi sunt omnia nomina substantiua grammaticalia, siue substantias, siue accidentia significans: vt homo, lapis, albedo, & similia. Posterior verò est ille, qui rem importat per modum adiacentis alteri; vt sunt omnia nomina adiectiua grammaticalia, scilicet album, nigrum, dulce, bonum, quantum, do-

ctum, & similia.

Secundo Notandum est, hæc tria, scilicet significare, supponere, & copulare, differre inter se; nam significare, est rem per vocem exprimere, seu representare; vt homo, hominem; albedo, albedinem representat. Supponere verò, est terminum iam significantem, pro aliquo, vel aliquibus accipere. Vt homo, supponit, vel pro hominem incommuni, vel pro suis inferioribus. Copulare autem, est accedens subiecto coniungere. Vt homo albus. Nam ly albus, copular, seu coniungit albedinem cum homine. Ex quibus sequitur quod significare, conuenit omnibus terminis, siue substantiis, siue adiectiuis; supponere tantum substantiis; & copulare, adiectiuis duntaxat.

Tertio Notandum; aliquem terminum posse dici substantium dupliciter, scilicet formaliter, & materialiter, seu æquiuocenter. Primo modo dicitur substantiuus; cum secundum propriam significationem, importet rem per se stantem, seu per modum per se stantis, à se distinctam: vt Homo, Leo, Lapis, Albedo, Nigredo &c. Secundo modo, cum gerit vicem substantiui in propositione categorica. Vt homo est bisyllabus. Album, est bisyllabus. Nam, ly homo, & ly album, gerunt vicem nominis substantiui. Terminus substantiuus primo modo deferuit suppositioni formali; secundo modo suppositioni materiali.

De Suppositione, & eius Diuisione.

CAPVT II.

Suppositio, est acceptio termini substantiui in propositione pro aliquo, vel aliquibus; de quo, vel de quibus, huiusmodi terminus verificatur, mediante copula suæ propositionis: vt in hac propositione. Homo currit. Ly homo, supponit pro omnibus hominibus; quia verum est dicere. Petrus est homo. Paulus est homo; & sic de alijs. In qua diuisione, ly acceptio, ponitur loco generis; est enim

enim communis ad significationem, suppositionem, & copulationem. Ly termini substantiui, ponitur ad differentiam, termini adiectiui; qui propriè, & formaliter non supponit, sed tantum significat, & copulat. Dicitur in propositione, ad differentiam significationis, quæ est termini extra propositionem representatio. Dicitur pro aliquo, vel aliquibus; ad denotandum diuersas species suppositionis vnius termini substantiui: Siquidem in hac propositione. Homo est species. Ly homo, supponit simpliciter in hac verò. Homo est animal. Supponit personaliter; vt inferiùs videndum est. Dicitur tandem; de quo, vel de quibus verificatur terminus supponens, mediante copula sue propositionis. Ad inuendum, quod suppositio nequit fieri sine propositione; quidquid dicant aliqui Moderni. Siquidem, logicus considerat proprietates terminorum secundo intentionaliter; quæ dicunt respectum rationis in ordine ad aliud subiectum, & aliud prædicatum; vt docet Scotus in primo sent. dist. 21. quæst. vnica.

Suppositio autem prima sui diuisione, partitur in materialem, & formalem. Suppositio materialis, est acceptio termini substantiui, suæ formaliter, suæ æquiualeuter, pro suo significato materiali, scd non ultimato. Vt, homo est vox. Homo est dictio bisyllaba. Amo est verbum. Nam homo, de suo primario significato, importat humanitatem; de secundario verò, importat illam vocem compositam ex quatuor litteris, & duabus syllabis, quæ eiusdem materia dicuntur. Dicitur notanter, formaliter, vel æquiualeuter. Quia etiam termini syncategorematici, & adiectiui, possunt supponere materialiter, & gerere vicem terminorum substantiuorum: vt omnis, est signum vniuersale; quidam particulare: albus, est nomen adiectiuum, vel dictio bisyllaba.

Suppositio materialis, est duplex, scilicet communis, & discreta. Communis, est acceptio termini communis pro suo significato materiali. Vt, animal est trisyllabum. Et hæc duplex, scilicet confusa, & distincta; vt infra dicemus. Discreta verò, est acceptio termini discreti

pro suo significato materiali. Vt, Petrus est bisyllabum; vel Paulus est nomen proprium.

Suppositio formalis, est acceptio termini pro suo significato formali, scd ex impositione sibi attributo. Et sic, homo supponit pro humanitate. Et hæc est duplex, scilicet simplex, & personalis. Suppositio simplex, est acceptio termini in propositione pro suo significato formali, primario, & adæquato tantum, respectu prædicati, vel subiecti, ponentis differentiam inter superiùs, & inferiùs. Vt animal est genus: homo est species. Petrus est indiuiduum. Nam genus, quod est prædicatum, conuenit tantum animali in communi, & non in particulari. Sic species, tantum homini, vt sic, & non huic, & illi homini. Et indiuiduum competit huic, & illi homini, & non homini in communi. Ex quo sequitur, duplex esse significatum hominis, scilicet primarium, quod nimirum ex impositione importatur ab eo; & secundarium, quod secundariò, & ex impositione ab eo exprimitur. Et sic, significat Petrum, Paulum, Franciscum, & ceteros homines. Dicitur notanter, respectu subiecti, vel prædicati ponentis differentiam inter superiùs, & inferiùs. Quia non tantum subiectum respectu prædicati potest supponere simpliciter, verum etiam prædicatum respectu subiecti.

Suppositio simplex est duplex, scilicet communis, & discreta. Communis, est acceptio termini communis pro suo significato primario. Vt homo est species. Nam homo est terminus communis, cui solum, secundum significatum primarium, conuenit ratio speciei. Discreta verò, est acceptio termini discreti pro suo significato primario. Vt Petrus est indiuiduum. Siquidem ratio indiuidui conuenit Petro, prout dicitur de se solo, quoad eius significatum primarium, & adæquatum.

Suppositio personalis, est acceptio termini pro suo significato secundario, respectu prædicati non ponentis differentiam inter superiùs, & inferiùs; vt homo currit; homo est animal. Nam, illa prædicata, currit, & animal, non tantum conueniunt homini in communi,

etiam

etiam cuilibet homini inferiori. Et hæc est duplex, communis, scilicet, & discreta. Communis, est acceptio termini communis pro suo significato non adæquato, respectu prædicati non ponentis differentiam inter superius, & inferius. Vt homo est animal. Discreta, est acceptio termini discreti, vel communis, singulariter teni, cum pronomine demonstrativo: vt Petrus currit: vel hic homo est doctus.

Suppositio personalis communis est duplex, scilicet respectiva, & abstracta. Prior, est acceptio relatiui grammatialis. Vt Petrus, qui mouetur, currit. Dicitur notanter, & relatiui grammatialis; quia relatiua logicalia supponuntur absolute: vt terius obedit: Dominus præcipit. Posterior verò, scilicet absoluta, est acceptio termini absoluti pro suo significato secundario. Et hac suppositione supponunt omnes termini substantiui, siue substantiam, siue accidens significant; exceptis relatiuis grammatilibus. Et hæc est duplex, scilicet naturalis, & accidentalis.

Suppositio naturalis, est acceptio termini in propositione, cuius copula absoluitur, seu abstractit ab omni temporis differentia: vt homo est animal, Leo est rugibilis. Nam, hæc propositiones sunt veræ, etiam si nullum adesset tempus; Si quidem ly est, non importat aliquam temporis differentiam, sed tantum connotat prædicatum cum subiecto, secundum exigentiam suæ naturæ. Accidentaliter verò, est acceptio termini cum copula importante aliquam differentiam temporis. Vt homo currit; vel eucurrit, aut curret.

Suppositio naturalis est duplex, scilicet determinata, & confusa. Determinata, est acceptio termini communis, sub quo per aliquam propositionem disiunctiuam ad sua singularia potest fieri descensus. Vt homo currit; ergo hic homo currit, vel hic homo ecurrit; & sic de alijs. Confusa verò, est acceptio termini communis pro suis significatis primarijs, & secundarijs determinatè. Et hæc est duplex, scilicet confusa tantum, & confusa, ac distributiva simul.

Suppositio confusa tantum, est acceptio termini communis, sub quo potest fieri descensus disiunctus, vel copulatus. Vt

omnis homo est animal. Ly animal, supponit confusè tantum; quia sub eo potest fieri descensus disiunctus; ergo omnis homo est hoc animal, vel illud animal; demonstratis speciebus diuersis animalis per illam coniunctionem disiunctiuam, vel: aut copulatus. Vt, nullum caput habet omnis homo; ergo nullum caput habet hic homo, & hic homo; & sic de alijs.

Suppositio confusa, & distributiva simul, est acceptio termini communis cum signo vniuersali à parte subiecti, vel à parte prædicati, cum æquivalenti; sub quibus, potest fieri descensus copulatus. Vt omnis homo est animal, ergo hic homo, & hic, & hic homo est animal. A parte prædicati. Vt homo non est lapis; ergo homo non est hic lapis, nec hic, nec ille; & sic de alijs.

Pro maiori intelligentia, ramen huius suppositionis, est aduertendū primò; descensum esse duplicem, scilicet diuisiuium, & arguitiuum. Prior fit per diuisionem termini communis per differentias oppositas. Vt animalium, aliud rationale, & aliud irrationale. Posterior autem fit per consequentiam necessariam, & formalem. Et hic est quadroxplex, scilicet disiunctiuus, & disiunctus; copulatiuus, & copulatus.

Descensus disiunctiuus est, qui fit per vnā hypotheticam disiunctiuam, habentem tot partes, quot inferiora, saltem implicite. Vt omnis homo currit; ergo ille homo currit, vel hic homo currit, vel ille homo currit; & sic de alijs. Et hic descensus deditur suppositioni confusæ determinatæ.

Descensus disiunctus est, qui fit per vnā categoricam de pluribus extremis, scilicet subiectis, vel prædicatis disiunctis, per hanc coniunctionem disiunctiuam, vel; aut æquivalentem. Vt omnis homo est animal; ergo omnis homo est hoc, vel illud, aut illud animal; demonstratis singulis speciebus animalis. Et per huiusmodi, descenditur in suppositione confusa tantum.

Descensus copulatiuus est, qui fit per vnā hypotheticam copulatiuam de tot categoricis, quot sunt inferiora, sub termino communi, sub quo descenditur.

Vt

Vt omnis homo est animal; ergo hic homo est animal, & ille homo est animal; & sic de alijs. Et hic deseruit suppositioni confusæ, & distributiue simul.

Descensus copulatus, fit per vnam categoricam de pluribus extremis copulatis, idest coniunctis per illam conjunctionem copulatiuam, & vel ei æquivalente. Vt nullum caput habet omnis homo; ergo nullum caput habet hic, & hic, & hic homo, & sic de alijs. Et per hunc descenditur in suppositione confusa tantum.

Secundo Aduertendum: non posse fieri descensum in suppositione simplici, vel discreta; tum quia in illa prædicatum ponit differentiam inter superius, & inferius, idest conuenit soli superiori, & non inferiori: non enim valet. Homo est species; ergo hic homo est species. Quia hoc prædicatum, simpliciter conuenit homini: tum quia in discreta, siue personali, siue materiali, sub subiecto nequit descendere, cum careat inferioribus; Siquidem terminus discretus, de vno solo enuntiatur.

Tertio Aduertendum, quod subiecta propositionum indefinitarum, & particularium, supponunt suppositione determinata; prædicata verò, si sint propositiones affirmatiue, confusa tantum; siquidem sub eis potest fieri descensus diiunctus. Vt homo est animal; ergo homo est hoc, vel illud animal. Similiter in singularibus, eodem modo supponunt: vnde bene sequitur. Petrus est homo; ergo est hic, vel hic homo. Item, prædicata propositionum indefinitarum, particularium, & singularium negatiuarum, supponunt confusæ distributiue; quandoquidem illa negatio, non; & confundit, & distribuit terminum communem pro sua inferiora; vnde valet. Homo non est lapis; ergo non est hic lapis, nec hic, nec ille lapis. Similiter; Petrus non est lignum; ergo non hoc, ne illud lignum.

Quarto Aduertendum: in propositionibus vniuersalibus quibuscumque, subiecta supponere confusæ distributiue; na illud signum vniuersale, omnis, distribuit terminum communem suis inferioribus,

vt visum est. Similiter prædicata earumdem in negatiuis, supponunt distributiue; quia, ly non; æquiualeat signo vniuersali negatiuo. In affirmatiuis vero, prædicata supponunt confusæ tantum, vt dictum est. Et hæc de suppositionibus, ac regulis earumdem dicta sint satis. Si plura desideratis, consulite Petrum Hispanum, ac cæteros Summulistas, & habebitis vsque ad satieta-tem, & ultra; necessaria enim duntaxat dedimus.

De Ampliatione, & Restrictione Terminorum in Propositione.

C A P V T III.

Ampliatio, est extensio termini communis in propositione, a minori ad maiorem suppositionem proportionaliter. Vel, est acceptio termini communis pro aliquo, vel aliquibus, respectu diuerforum temporum. Vt homo potest esse Antichristus. Ly, homo, non solum supponit pro his, qui sunt, sed etiam, qui erunt; & ideo coniunctus cum illo verbo, potest esse; ampliatur ad homines præsentis, & futuros.

Ampliatio autem potest fieri multipliciter, scilicet per verbum. Vt homo potest esse Imperator. Per aduerbium. Vt homo necessarius est animal. Et per nomen. Vt homo potens est, esse Cardinalis. Ex quibus inferatur, posse fieri ampliacionem tripliciter, scilicet respectu suppositorum; & fit per verbum: respectu temporis; & fit per aduerbium: & respectu loci; & fit per nomen.

Ampliatio respectu suppositorum, est extensio termini communis in suppositione personali ad omne suppositum. Vt homo potest esse albus. In qua, ly homo, extenditur ad omnes homines; est enim sensus. Quilibet homo, seu quodlibet humanum suppositum, potest esse albus.

Ampliatio respectu temporis, est extensio

tenſio termini communis ad omnem differentiam temporis. Vt homo neceſſario eſt animal. Vbi; ly neceſſario, ampliatur ad omnem tempus; eſt enim ſenſus. Homo pro omni differentia temporis præſentis, ſcilicet præteriti; & futuri, eſt animal.

Ampliatio reſpectu loci, eſt extenſio termini ad omnem locum. Vt homo, ubique eſt riſibilis; ideſt, in quolibet loco exiſtat homo, eſt riſibilis.

Reſtriſtio, ex oppoſito, eſt conſtriſtio termini à maiore, ad minorem ſuppoſitionem. Scilicet eſt acceptio termini reſtriſti in propoſitione, ratione alicuius determinationis determinantis illum pro paucioribus, quam ante ſupponebat. Vt homo albus currit. Nam, ly albus, reſtriſgit hominem, qui abſolute ſupponit, ad ſtandum tantum pro hominibus albis.

Reſtriſtio pariter, ſicut, & ampliatio, fit pluribus modis, ſcilicet per vocem: vt homo albus. Per participium: vt homo currens diſputat. Per implicationem relatiui: vt homo, qui ambulat, loquitur. Et tandem per nomen locale: vt Paulus Romæ militat. Ex quibus ſequitur triplicem eſſe reſtriſtionem, ſcilicet reſpectu ſuppoſitorum, temporis, & loci.

Reſtriſtio reſpectu ſuppoſitorum, reſtriſgit terminum communem ad ſtandum pro paucioribus, quam ſi ſibi non adderetur. Vt homo albus currit.

Reſtriſtio reſpectu temporis, coarctat terminum ad aliquam temporis differentiam. Vt quidam homo nunc eſt doctus.

Reſtriſtio reſpectu loci, coarctat terminum ad aliquem locum. Vt Petrus Romæ, eſt dignus honore. Nam, ly Romæ, reſtriſgit dignitatem Petri ad illam Urbem tantum.

Aduertendum tamen, ampliationem, & reſtriſtionem dupliciter ſumi poſſe, ſcilicet pro prima intentione, & pro ſecunda. Priori modo, ſunt termini vocales, vel ſcripti, cogniti actu recto, vel reſlexo; extenſio, vel coarctatio. Poſteriori verò modo, ſunt reſpectus rationis cauſati ab intellectu in talibus terminis

cognitis, & comparatis; ad quæ, vel pro quibus ampliatur, vel reſtringuntur.

De Appellatione Terminorum in Propoſitione.

C A P V T III.

Appellatio, ſecundum Petrum Hiſpanum, eſt acceptio termini pro re exiſtente. Vt Petrus eſt animal. Vbi, ly Petrus, ſi exiſtat, appellat ad ſe animal; ſin autem, ſolum ſupponit perſonaliter. Ex quo ſequitur, acceptionem termini abſtrahendo ab exiſtencia, conuenire ſuppoſitioni, ampliacioni, & reſtriſtioni, non autem appellationi; quæ ſecundum hunc Doctorem, neceſſario requirit exiſtentiã termini in rerum natura. Vnde, Antechriſtus eſt homo. Cæſar eſt Imperator. In his propoſitionibus, ſubiecta non appellant ad ſe prædicata, ſed tantum ſupponunt; cum reuera non exiſtant.

Appellatio verò, ſecundum Tartaretum, & alios, diſtinguitur aliter, per hoc nimirum. Quod fit acceptio termini connotatiui in propoſitione pro ſuo ſignificato formali, quod principaliter ſignificat. Vt album, pro albedine; nigrum, pro nigredine, formaliter appellant; ſupponunt verò pro ſubiectis, quibus inſunt albedo, & nigredo.

Appellatio, ſecundum priorem diſſinitionem, poteſt diuidi, ſecundum ſuppoſitionem termini appellantis, in communem, & particularem, in determinatam, & conſulam; non autem in ſimplicem, & perſonalem; quia terminus ſupponens ſimpliciter, cum abſtrahat ab exiſtencia, nequit appellare.

Appellatio tandè poteſt dupliciter accipi, ſcilicet pro prima, & pro ſecunda intentione; vt dictum eſt de ſuppoſitione, ampliacione, & reſtriſtione.

De Diſtributiuis, ſeu Diſtributione Terminorum in Propoſitione.

C A P V T V.

Diſtributio, eſt acceptio termini com-
mu-

munis pro suis significatis secundarijs; seu, est multiplicatio termini communis, virtute alicuius signi vniuersalis facta. Vt omnis homo currit. Ly homo, distribuitur in omnes homines inferiores, virtute illius signi vniuersalis, omnis; quod distributum appellatur. In qua distinctione, ponitur acceptio, loco generis, sicut dictum est in alijs. Dicitur terminus communis: ad differentiam termini discreti, vel particularis, qui proprie non distribuitur, vel multiplicatur. Dicitur virtute signi vniuersalis: ad differentiam signorum particularium, quæ non sunt signa distributiva, sed potius coarctativa; vt quidam, aliquis, & similia. Et licet, quidam, videatur aliquo modo distribuere terminum communem; quia sub eo potest fieri descensus, saltem diuini: vt quidam homo currit; ergo, vel hic, vel ille, vel ille homo currit; tamen non est propria distributio; quia illæ terminus, homo, determinatus per ly quidam, non multiplicatur in plures, sed tantum indeterminatè se habet ad hunc, vel illum hominem.

Signum autem est duplex, scilicet representatiuum, & dispositiuum. Representatiuum adhuc est duplex, scilicet naturale, & ad placitum. Exemplum prioris. Vt gemitus infirmorum, & latratus canum. Exemplum posterioris. Vt Homo, Leo &c. dicuntur signa ad placitum; quia representant illas entitates, quæ per huiusmodi voces exprimuntur: & de his signis, ad presens, non loquimur. Dispositiuum verò est duplex, scilicet dispositiuum rei, seu vocis, prout rem, vel entitatem significat; cuius modi est adiectiuum respectu substantiui: vt album, nigrum &c. Et aliud est dispositiuum termini, prout est subiectum, vel prædicatū: vt omnis, nullus, quidam, aliquis &c. & de talibus est sermo in proposito. Quæ tamen adhuc sunt duplicia, scilicet particularia, & vniuersalia, seu non particularia. Priora, disponunt terminos particulares: vt quidam, alter &c. Posteriora verò, res in communi pro suis inferioribus, disponunt.

Signa vniuersalia adhuc sunt duplicia, scilicet substantiaalia, & accidentalia substantiaalia; vt omnis, nullus &c., quæ dicuntur substantiaalia, non quia sunt tantum

dispositiua substantiarum, sed quia disponunt subiecta se habentia ad modum substantiarum. Accidentalia; vt qualiscunque, quantuscunque, & huiusmodi. Quæ dicuntur accidentalia, quia non disponunt entitates subiectorum, suæ talia sint substantiæ, suæ accidentia, sed quantitates, vel qualitates eorundem.

Signa distributiva substantiarum, sunt in duplici differentia; quædam enim distribuunt partes subiectiuas. Vt omnis homo currit. Nullus homo ambulat. Id est nec Petrus, nec Paulus; & sic de cæteris. Quædam verò sunt distributiva partium integralium. Vt totus Petrus est albus. Id est quelibet pars integralis eiusdem, est alba. Vnde, ly totum, non accipitur cathegorematicè, prout dicit compositum ex partibus, sed sine cathegorematicè, vt dicit distributionem totius in partes.

Signa distributiva partium subiectiuarum, adhuc sunt duplicia; quædam enim sunt distributiva duorum tantum: vt vterque, neuter. Vt vterque homo currit, scilicet hic, & ille homo currit. Quædam verò plurium; & hæc sunt adhuc duplicia, scilicet distributiva omnium, & non omnium.

Signa distributiva omnium, sunt duo, scilicet omnis, nullus: non omnium; vt plures, multi; & cætera huiusmodi.

Signa distributiva plurium, sunt in duplici differentia quædam enim sunt distributiva determinatæ: vt omnis, nullus; quædam verò indeterminatæ, & infinitæ. Vt plures homines currunt. Id est, non tot quin plures homines currunt. Vel infiniti homines currunt. Id est innumerabiles homines currunt.

Ex quo sequitur infinitum dupliciter accipi, scilicet cathegorematicè; & significat entitatem infinitam, vel secundum multitudinem, vel secundum magnitudinem, vel secundum intentionem; & hoc suæ in actu, suæ in potentia & sine cathegorematicè; & sic est signum distributiuum rerum, quasi innumerabilem, vel ecedentium captum intellectus creati; quemadmodum dicimus; infinitas esse stellas, vel arenas natis, id est à nobis sunt innumerabiles: & tunc accipitur infinitum in proposito;

nam de priori erit sermo in philosophia
Distributio tandem potest dupliciter
accipi, scilicet pro prima, & pro secunda
intentione. Priori modo, importat accep-
tionem signorum distributiuorum, prout
cognoscuntur à nobis actu recto intelle-
ctus nostri. Posteriori verò modo, dicit
respectum rationis, causatum ab intelle-
ctu in talibus signis cognitis ad sua signa-
ta, seu distributa, per ea, de quibus aliis
erit sermo; pro nunc sufficiat, nè proli-
xitate offendamus.

De Exponibilitate Propositionum.

C A P V T VI.

EXponibilitas, est proprietas, seu pas-
sio propositioni congruens, siue se-
cundum se siue ratione termini; facitque
propositionem claram, quæ prius erat ob-
scura, vel dubia; & sic potest describi.

Exponibilitas, est declaratio propositio-
nis obscuræ propter syncategorema po-
situm in ea, circa aliquem terminum, vel
à parte subiecti, vel à parte prædicati. Vt
homo, in quantum rationalis, discurret.
Vel homo, in quantum homo, est ratio-
nalis. Nam ly in quantum, in utraque
propositione reddit sensum obscurum; si-
quidem potest esse sensus. Homo rationalis
discurret; & homo discurret per rationali-
tatem. Propositio autem exponibilis, mul-
tiplicari potest iuxta numerum syncathe-
gorematum, quæ illam, vel illas obscura-
re possunt: at, regulariter loquendo, se-
cundum logicos, est octuplex, scilicet ex-
clusiua, exceptiua, reduplicatiua, incex-
ptiua, definitiua, infinitiua, excessiua, &
distributiua; de quibus per ordinem erit
sermo.

De Propositione Exclusiua.

C A P V T VII.

Propositio exclusiua est illa, in qua
ponitur dictio exclusiua. Vt tantum
homo est risibilis: vel solus homo est risi-
bilis. In quibus illæ dictiones, seu syncat-
horemata, tantum, & solum, faciunt
sensum exclusiuum, scilicet hominem, &
nullum aliud animal præter hominem,
esse risibilem.

Dictio autem exclusiua (solum) potest
dupliciter accipi, scilicet categorematicè,
& syncategorematicè. Primo modo, so-
lum, significat solitarium esse, seu non cū
alio. Vt solus Petrus est in domo. Idest;
nullus cum illo est in domo. Et sic non
facit propositionem exclusiuam. Secundo
modo, solum, denotat aliqui conuenire
illi, cui additur, & nulli alij; idest ab om-
nibus remoueri, præterquam ab illo. Vt
solus Deus est infinitè sapiens, idest nul-
lus alijs à Deo est infinitè sapiens. Et sic
accipitur in proposito.

Propositionum autem exclusiuarum,
quædam sunt affirmatiuæ. Vt tantum ho-
mo currit: quædam negatiuæ. Vt non
tantum homo currit: quædam sunt de sub-
iecto exclusiue; idest in quibus signa exclu-
siua ponuntur circa subiecta illarum. Vt
solus Petrus vigilat: quædam de præ-
dicato exclusiue. Vt Petrus est tantum ho-
mo; quædam verò de copula exclusiue. Vt
Petrus est non albus. Et in his, dictio
exclusiua afficit totam propositionem.
Omnes autem hæ propositiones possunt
tripliciter exponi scilicet gratia aletatis,
pluralitatis, & infinitatis.

Gratia aletatis propositio exponitur
per duas categoricas, conscientes vnā
copulatiuam; quarum prior est affirma-
tiua, posterior negatiua: vt hæc. Tan-
tum Petrus currit: sic exponitur. Petrus
currit, & nihil aliud à Petro currit.

Si verò propositio exponibilis sit nega-
tiua de subiecto exclusiue, exponitur per
duas categoricas affirmatiuas. Vt non
tantum Petrus currit; idest. Petrus currit,
& aliquis alius à Petro currit.

Si verò est negatiua de prædicato ex-
clusiue, exponitur per duas categoricas;
quarum prior est negatiua, & prædicans,
posterior autem affirmatiua. Vt tantum
Petrus non dormit; idest Petrus non dor-
mit, & omnes alij à Petro dormiunt.

Si tandem sit cum duplici negatione,
& à parte subiecti, & à parte prædicati,
exponitur per duas categoricas negati-
uas; vt ista. Non tantum Petrus non vi-
gilat; idest. Non tantum Petrus non vi-
gilat, & aliquis alius à Petro non vigilat.

Gratia pluralitatis propositio vniuersa-
lis exponitur per duas categoricas co-
pulas; quarum prior est affirmatiua,
posterior negatiua; vt hæc. Duo propositiones.

Vniuersalia sunt tantum quinque; & Prædicamenta sunt tantum decem: sic exponuntur. Vniuersalia sunt quinque, & non sunt plura; ergo sunt tantum quinque. Vel, Prædicamenta sunt decem, & non sunt plura decem; ergo sunt tantum decem.

Si verò propositio exponibilis, sit negatiua, exponitur per duas categoricas; quarum prior sit negatiua, & posterior affirmatiua. Vt, non tantum quinque sunt prædicamenta; idest. Prædicamenta non sunt quinque, & sunt plura quam quinque; ergo non tantum quinque sunt prædicamenta.

Gratia infinitatis propositio exponitur sicut gratia aietatis; sed infinitatur subiectum, si dictio exclusiua cadat super ipsum; vel prædicatum, si fuerit de prædicato exclusio; vt ista. Tantummodò Alexander est Dux strenuus: sic exponitur. Alexander est Dux strenuus, & omnis non Alexander, non est Dux strenuus.

De Propositione Exceptiua.

C A P V T VIII.

Propositio exceptiua dicitur illa, in qua ponitur signum, seu dictio exceptiua, exceptiue sumpta. Vt omne animal, præter hominem, est irrationale. Signa exceptiua sunt illa, quæ excipiunt aliquod contentum sub termino distributo, respectu alicuius prædicati; cuiusmodi sunt, præter, præterquam, excepto, nisi, & similia; vt in hac propositione. Omne animal, præter hominem, est irrationale. Ly præter, excipit hominem, contentum sub animali, distributo in omnia animalia, ab illo prædicato, irrationale.

Propositio exceptiua, si est vniuersalis affirmatiua, exponitur per vnā hipoteticā copulatiuā, habentem tres categoricas; quarum prima est vniuersalis affirmatiua præiacens, sumpta cum addito, quod sit aliud ab illo termino excepto. Secunda, est affirmatiua subiecti de termino excepto; & tertia negatiua prædicati à termino excepto. Vt omne animal, præter hominem, est irrationale: sic exponitur. Omne animal, aliud ab homine, est irrationale; homo est animal, & homo non est irrationalis; ergo omne animal, præter hominem, est irrationale.

Si verò exceptiua exponibilis sit negatiua, exponitur per vnā copulatiuā, habentem tres categoricas; quarum prima est vniuersalis negatiua præiacens, cū ly aliud, à termino excepto: secunda vt affirmatiua subiecti de termino excepto: tertia, affirmatiua prædicati de eodem. Vt nullum animal præter hominem est rationale: sic exponitur. Nullum animal, aliud ab homine, est rationale; homo est animal, & homo est rationalis; ergo nullum animal, præter hominem, est rationale: Huiusmodi propositiones non videntur differre ab exclusiuis; idco sufficit innuisse.

De Propositione Reduplicatiua.

C A P V T IX.

Propositio reduplicatiua est illa, in qua ponitur signum, siue dictio reduplicatiua, reduplicatiue sumpta. Vt homo, in quantum rationalis, est discursus. Signa autem reduplicatiua, quæ denotant, prædicatum conuenire subiecto sub tali ratione formali, sunt; in quantum, quatenus, secundum quod, sub ratione quā; & huiusmodi. Quæ dupliciter accipi possunt, scilicet relatiue, & coniunctiue. Primo modo, non faciunt propositionem reduplicatiuā. Vt Petrus, in tantum viuuit, in quantum potest. Siquidem ly in quantum, dicit relationem ad ly in tantum; & sic facit propositionem specificatiuā. Secundo modo constituunt reduplicatiuā. Vt homo, in quantum rationalis, intelligit; & est sensus. Ratio quare homo intelligat, est quia est rationalis.

Signa autem coniunctiue sumpta, ex Doctore subtili, quest. 3. quod art. 2. §. Quantum ad logicā & coposunt dupliciter accipi, scilicet specificatiue, & reduplicatiue. Primo modo, dicunt concomitantiam, sed non repugnantiam prædicati cum termino reduplicato respectu subiecti. Vt homo, in quantum albus, est risibilis. Vbi ly in quantum, specificat, album non habere repugnantiam cum risibili, vt simul possit verificari de homine; & est sensus. Homo, qui est albus, est risibilis. Secundo modo, dicunt rationem formalem inhærentiæ prædicati cum subiecto

hieco, si propositio est affirmatiua; vel repugnantia eiusdem prædicati cum eodem subiecto, si est negatiua. Vt homo, in quantum rationalis, est risibilis. Vel homo, in quantum rationalis, non est rudibilis. Nam ly in quantum, indicat rationalitatem dicere causam, scilicet formalem rationem, propter quam risibile inest, & rudibile repugnat homini. Et de signis hoc secundo modo sumptis, loquimur in proposito; quia hæc solum faciunt propositiones reduplicatiuas exponibiles.

Aduertendum tamen, quatuor requiri in propositione qualibet reduplicatiua, scilicet subiectum, prædicatum, terminum reduplicatum, & signum reduplicatiuum; vt patet in hoc exemplo. Homo, in quantum rationalis, est risibilis. Vbi ly homo, est subiectum; risibilis prædicatum; rationalis, terminus reduplicatus; & ly in quantum, est signum reduplicatiuum.

His prænotatis, dico primo, propositionem reduplicatiuam, si est affirmatiua, communiter exponi per quatuor categoricas affirmatiuas; quarum prima affirmat prædicatum de subiecto; secunda affirmat terminum reduplicatum de subiecto; tertia affirmat de reduplicato prædicatum; & quarta reddit rationem, quare in prima prædicatum inest subiecto; vt patet in sequenti exemplo. Homo, in quantum rationalis, est risibilis: quæ sic exponitur. Homo est risibilis; omnis homo est rationalis; omne rationale est risibile; & quia homo est rationalis, est risibilis.

Dico secundo si propositio reduplicatiua sit negatiua, exponitur per quatuor categoricas; quarum prima negat prædicatum de subiecto; secunda affirmat terminum reduplicatum de subiecto; tertia negat prædicatum de reduplicato, & quarta affirmat causam repugnantie prædicati cum subiecto; vt patet in sequenti exemplo. Homo in quantum rationalis, non est rudibilis: quæ sic exponitur. Homo non est rudibilis; omnis homo est rationalis; nullum rationale est rudibile; & quia homo est rationalis, ideo homo non est rudibilis.

Breuitè tamen, huiusmodi propositiones possent exponi per vnā hypotheticā causalem, sic dicendo. Homo, in quantum rationalis, est risibilis; scilicet homo

est risibilis, quia homo est rationalis. Quandoquidem reduplicatio, cum dicat rationem formalem in termino reduplicato, quare prædicatum inest, vel repugnet subiecto; & ipsa sufficienter explicetur per vnā causalem, restat, vt categoricæ, quæ præmittuntur antè dictam causalem, sint superflue.

De Propositione Inceptiua, & Desitiua.

C A P V T X.

Propositio Inceptiua dicitur illa, in qua ponitur verbum Incipit, & Desitiua, in qua ponitur verbum Desinit. Vt Petrus incipit esse albus. Antonius desinit esse doctus. Et licet alie sint affirmatiue, & alie negatiue, quia tamen æquivalent ad inuicem, si negatio ponatur post ly incipit, vel desinit, non videntur propriè posse distingui: exemplo comprobatur. Quia ista de incipit negatiua. Homo incipit non esse. Equiualeat isti affirmatiue de desinit; scilicet homo desinit esse. Et è conuerso, hæc. Homo desinit non esse: æquiualeat huic: ergo homo incipit esse.

Res autem, quæ possunt incipere esse, vel desinere, sunt omnia creata; cuiusmodi sunt omnes res, quæ directè ponuntur in decem prædicamentis; præsertim tamen in tribus prioribus, scilicet substantia, in quantitate, & qualitate. Et istæ sunt in triplici differentia; quia quædam sunt permanentes, quædam successiue, & quædam instantaneæ.

Permanentès sunt, quæ possunt acquiri totæ simul: vt homo, Angelus &c. Et hæc sunt duplices, quia alie sunt spirituales; vt Angeli, & Animæ rationales; & hæc acquirunt esse necessariò per creationem, & desinunt per annihilationem. Quædam verò acquiruntur, & deperduntur per motum, & mutationem; vt sunt omnes substantiæ corporeæ, quæ generantur, & corrumpuntur.

Successiue autem sunt, quarum partes nequeunt acquiri, totæ simul; vt sunt motus, & tempus. Et istæ sunt in duplici differentia; quædam enim sunt successiue tantum in fieri; idest dum sunt, non acquiruntur simul, secundum omnes partes, licet postea maneant totæ simul: vt albedo,

albedo ; nigredo , & cæteræ qualitates sensibiles . Aliæ verò dicuntur successiuæ in fieri , & in facto esse ; quia earum partes nequeunt esse totæ simul ; cuiusmodi sunt motus , & tempus ; nam cum adest præsens , præteritum transijt , & futurum nondum venit .

Instantaneæ verò sunt , quæ durant tantum per instanti ; vt sunt instantia continuatiua partium temporis , & mutata esse , quæ copulant partes motus ad inuicem .

Instantia autem , in quibus res incipiunt , vel desinunt esse , sunt quatuor , scilicet primum instans esse rei ; primum instans non esse rei ; vltimum instans esse rei ; & vltimum instans non esse rei .

Primum instans esse rei dicitur illud , in quo verum est dicere . Hæc res nunc est , & immediatè ante non fuit .

Primum instans non esse rei dicitur illud , in quo verum est dicere . Hæc res nunc non est , & immediatè ante hoc fuit . Vltimum instans esse rei dicitur illud , in quo verum est dicere . Hæc res modo est , & immediatè post , non erit .

Vltimum instans non esse rei dicitur illud , in quo verum est dicere . Hæc res modo non est , & immediatè post hoc erit .

Ex his , dico primo . Res permanentes incipere per primum instans sui esse , & desinere per primum sui non esse ; propositione quæ connectas de rebus permanentibus , exponi per primum sui esse , & per primum sui non esse : Exemplum ; Hæc . Petrus incipit esse : sic exponitur . Petrus nunc est , & immediatè ante hoc non fuit . Exemplum secundi . Petrus desinit esse : sic exponitur . Petrus nunc non est , & immediatè ante hoc fuit .

Dico secundo Res instantaneas incipere per primum sui esse , & desinere per vltimum sui esse : vnde propositiones sic exponuntur . Mutatio incipit esse ; idest , mutatio nunc est , & immediatè ante non fuit . Vel mutatio desinit esse ; sic exponitur . Mutatio nunc est , & immediatè post hoc erit .

Dico tertio Res successiuas incipere per vltimum non esse rei , & desinere per primum non esse rei : vnde propositiones sic exponuntur . Vt motus incipit esse ; idest , motus nunc non est , & immediatè post hoc erit . Vel motus desinit esse : sic expo-

nitur . Motus nunc non est , & immediatè ante hoc fuit . Pro nunc de his satis ; quia adhuc in phisicis redibit sermo .

De Propositione Infinita , Distributiva , & Excessiua .

C A P V T XI.

Quid sit infinitum , & quod dupliciter consideretur , scilicet cathegorematicè , & sincathegorematicè , visum est superius , in cap. de Distributione . Modò videndum est , quomodo consiciantur , & exponantur propositiones de infinito .

Dico igitur primo propositionem de infinito in virtute , vel in quantitate , exponi debere per vnā copulatiuā continentem duas cathegoricas ; quarum prior sit affirmatiua , posterior negatiua : vt ista . Deus est infinitus : exponitur sic . Deus est magnus secundum virtutem , & magnitudinis eius non est finis ; ergo est infinitus . Vel ista . Linea est infinita : sic exponitur . Linea est longa , & longitudo huius eius non est terminus ; ergo est infinita . Vel ista . Numerus est infinitus : sic exponitur . Numerus est multus , & multitudinis eius non est terminus ; ergo est infinitus .

Dico secundo Propositiones de infinito sincathegorematico , exponi per vnā copulatiuā , in cuius priori parte affirmetur certa quantitas indeterminata , & in posteriori negetur prædicatum inesse subiecto , secundum talem quantitatem : vt ista . Infiniti homines currunt : sic exponitur . Multi homines currunt , & non tot , quin plures , & plures ; ergo infiniti homines currunt . Et hoc modo exponi possunt omnes propositiones de infinito sincathegorematico .

Propositio distributiva , non accipitur in tota sua latitudine , sed tantum prout restringitur ad illas , quæ consciuntur ex toto , & partibus , siue qualiatiuis , siue quantitatiuis .

Propositiones igitur huiusmodi , exponuntur per vnā cathegoricā de eodem subiecto , & prædicato , distribuendo totum pro qualibet parte integrali : vt ista . Totus Petrus est albus : sic exponitur Petrus

est

est albus, secundum quamlibet partem. Et sic de alijs; siue sint affirmatiue, siue negatiue.

Propositio excessiua est, in qua ponitur dictio importans excessum; cuiusmodi sunt dictiones comparatiue, & superlatiue, aut æquivalentes. Vt Petrus est sanctior alijs. Et Tullius est doctissimus omnium.

Comparatiua sunt in duplici differentia; quædam dicuntur comparatiua propriè; & sunt illa, quæ habent formam, in qua fit comparatio. Vt Petrus est sanctior Paulo. Datur enim forma sanctitatis, in qua comparantur Petrus, & Paulus. Quædam verò dicuntur comparatiua abusiue; quia nullam habent formam, secundum quam comparentur. Vt Angelus est sanctior Diabolo. Siquidem sanctitas, quæ reperitur in Angelo, repugnat Diabolo.

Propositio comparatiua propriè, exponitur per copulatiuam de tribus categoricis; quarum prima affirmat prædicatum de re excedente; secunda affirmat idem de re excessa; & tertia ponit excessum in excedente, super re excessa: vt ista. Petrus est sanctior Paulo: sic exponitur. Petrus est sanctus, & Paulus est sanctus; & Petrus est sanctior Paulo.

Propositio autem exponibilis superlatiua, exponitur pariter per tres categoricas; quarum prima affirmat formam positiuam de excedente; secunda affirmat de excessu; & tertia explicat excessum excedentis super re excessa. Vt Hæctor est fortissimus omnium Ducum: sic exponitur. Hæctor est fortis, & omnes Duces sunt fortes; sed Hæctor est fortissimus; idest, nullus Dux est fortis, sicut Hæctor.

Possent exponi etiam propositiones negatiue eodem modo, sed valde impropriè; quia negari videtur forma, in qua fit excessus, vel comparatio ab utroque, scilicet excedente, & excessu: quod fieri non debet; vt patet in hac. Rosa non est pulchrior Lilio; idest Rosa non est pulchra, & Lilium non est pulchrum. Quod videtur satis ineptè dictum; quia pulchritudo reperitur in utroque.

De Propositione Distinctiua.

C A P V T XII.

Propositio exponibilis distinctiua est illa, in qua ponitur aliquod verbum, vel sincathegorema denotans distinctionem prædicati à subiecto; cuiusmodi sunt; differt, aliud, ab illo, & æquiualentia. Vt Petrus differt ab æquo. Et substantia, est aliud ens ab accidente. Vnde.

Dico primo. Si propositio exponibilis distinctiua, sit affirmatiua, exponitur per vnā copulatiuam ex tribus categoricis consecutam; quarum prima affirmat esse de subiecto; secunda affirmat esse de prædicato; & tertia negat prædicatum à subiecto: vt ista. Homo differt ab æquo: sic exponitur Homo est, & Æquus est; & Homo non est Æquus; ergo differt ab æquo. Ex quo sequitur, quod ista distinctiua, differt, aliud ab, implicite importat negationem vnius ab alio; licet sint sincathegoremata affirmatiua: & ided ad expositionem, requiritur tertia exponens negatiua.

Dico secundo si talis distinctiua sit negatiua, exponitur per vnā disiunctiuam habentem tres categoricas contradicentes: vt ista Petrus non differt à Paulo: sic exponitur. Petrus non est, vel Paulus non est; vel Petrus est Paulus. Et hæc expositio est vera; quia ad veritatem disiunctiue, sufficit alteram partem esse veram. Et hæc de Propositionibus Exponibilibus, ac de secundo Tractu, dicta sufficiant. Qui plura cupit, consulat textum Petri Hispani, & ad satisfactionem, ni dicam nauseam, vsque habebit nostrum enim est, tantum necessaria præbere.

TRACTATVS TERTIVS.

De Syllogismis differens.

De Syllogismo simpliciter, &
reliquis Argumentationis
Speciebus.

SECTIO I.

D Eclaratis in duobus precedentibus
Tractatibus, syllogismi partibus; tum
propinquis, tum remotis; quæ sunt termini,
& propositiones; in presenti; de syllogismo
in communi, seu simpliciter, nobis dis-
serendum est; tradendo modum discernen-
di notum ab ignoto, & verum a falso,
mediante argumentatione. Ceterum, quia
argumentatio est quoddam commune ad
syllogismum. Inductionem, Enthimema,
& exemplum, idcirco primum de Argu-
mentatione, deinde de speciebus eiusdem,
erit nobis sermo.

De Argumento, & argumentatione.

CAPVT I.

ARGUMENTUM est ratio, rei dubiæ fa-
ciens fidem; idest medium inferens,
& probans conclusionem. Vnde ratio
sumitur sex modus. Primo modo accipit
pro definitione, vt dictum est in dis-
tinctione vniuocorum, scilicet vniuoca
dicuntur, quorum nomen est commune,
& ratio substantiæ, idest definitio, est eadem.
Secundo modo sumitur pro intellectu,
qui est potentia rationalis. Tercio pro
oratione, seu locutione aliquid ostenden-
te. Sicut in disputationibus solemus di-
cere: hæc est mea ratio. Quarto pro for-
ma alicuius rei. Sicut in cultello, ferrum
est materia; illa verò dispositio materiæ,
dicitur forma, seu ratio cultelli. Quinto
pro essentia communi, prædicabili de
pluribus: vt humanitas, de omnibus ho-

minibus. Sexto tandem, pro medio in-
ferente, & probante conclusionem. Et sic
sumitur in definitione argumenti, dum
dicitur. Argumentum est ratio, rei dubiæ
faciens fidem, idest medium certifiens
conclusionem, quæ prius erat dubia.

Medium verò est id, quod habet duo
extrema; vt exempli gratia, in hoc argu-
mento. Omnis homo est animal; Petrus
est homo; ergo Petrus est animal. Ly ho-
mo, est medium; quia mediat inter ani-
mal, & Petrum, eiusdem extrema.

Argumentatio autem, est argumenti
per orationem explicatio; vt inquit Boe-
tius in Thopicis. Ex quibus sequitur dif-
ferentiam inter argumentum, medium,
& argumentationem. Na in eadem ora-
tione, hæc tria reperiuntur; exempli gra-
tia Omne animal est substantia; omnis ho-
mo est animal; ergo omnis homo est sub-
stantia. Illæ duæ primæ propositiones, sci-
licet omne animal est substantia, & om-
nis homo est animal, dicuntur argumentū;
quia habent vim probandi, seu certifi-
candi illam conclusionem; omnis homo est
substantia. Ly animal verò, medians inter
hominem, & substantiam dicitur medium;
quia mediat inter duo extrema. Totā
autem oratio, composita ex illis duabus
propositionibus, & conclusione dicitur
argumentatio; in qua manifestatur vis ar-
gumenti, inferendo illam conclusionem.
Argumentationis verò species, sunt qua-
tuor, scilicet Syllogismus, Inductio, En-
thimema, & Exemplum; de quibus per
ordnem agemus; & primum de syllogis-
mo, utpote perfectiori; ad ipsum namquē,
cæteræ reducuntur, vt ad suam perfectio-
nem.

De Syllogismo, & eius partibus, tam ma-
terialibus, quam regulatiuis.

CAPVT II.

PARTES materiales syllogismi sunt duæ,
scilicet termini, & propositiones; hæ
propinquæ, & illi remotæ: de quibus sa-
tis egimus in superioribus. Partes etiam
regulatiuæ, seu formales, quæ dant esse
syllogismo perfectum, vt insiciari non pos-
sit Respondente, sunt duæ, scilicet Dici
de omni, & Dici de nullo.

Dici de omni est, quando nihil est sumere sub subiecto, de quo non dicatur prædicatum. Exempli gratia, hæc propositio. Omne animal est substantia. Regulatur per dici de omni; quia nihil est sumere sub animali, de quo non dicatur substantia: valet enim arguere. Omne animal est substantia; sed homo est animal; ergo Homo est substantia; sed Leo est animal; ergo Leo est substantia; sed equus est animal; ergo equus est substantia. Et sic discurrendo per cætera animalia, inferitur de quolibet, quod sit substantia; quia de quolibet dicitur animal.

Dici de nullo est, quando nihil est sumere sub subiecto, à quo non remouetur prædicatum: ut si hæc est vera. Nullus homo currit. Cum curius remouetur ab homine, ut prædicatum à subiecto, habet etiam remoueri à quocunque homine, sic dicendo. Nullus homo currit; sed Petrus est homo; ergo Petrus non currit: sed Antonius est homo; ergo Antonius non currit &c.

Dici autem de omni, sicut, & dici de nullo, est duplex, scilicet Priorititicum, & Posterioriticum. Dici de omni Priorititicum est, quando nihil est sumere sub subiecto, de quo non dicatur prædicatum, siue verè, siue falsè. Ut omnis homo est doctus. Ly doctus, non conuenit homini necessariò, ut inferendum sit de necessitate, omnem hominem esse doctum. Et per oppositum, Dici de nullo Priorititicum est, quando nihil est sumere sub subiecto, à quo non remouetur prædicatum, siue verè, siue falsè: ut dicen. Nullus homo est doctus. Tunc, doctrina remouetur ab omni homine, itant nullus inueniatur homo, qui sit doctus; cum tamen sit falsum; quia sunt multi homines docti.

Dici verò de omni Posterioriticum est, quando nihil est sumere sub subiecto, de quo non dicatur prædicatum verè. Ut omnis homo est animal. Regulatur per dici de omni Posterioritico; quia prædicatum, animal, necessariò conuenit homini, & consequenter omni homini. Dici verò de nullo Posterioriticum est, quando nihil est sumere sub subiecto, à quo non remouetur prædicatum verè: ut si ab homine remouetur esse lapidis; quia hæc est vera. Homo non est lapis; remouebi-

tur etiam ab omni homine; quia nullus homo est lapis. Vnde sequitur, quod omnes syllogismi constituti ex propositionibus de materia naturali, vel remota, regulantur per dici de omni, & dici de nullo Posterioritico. Omnes verò syllogismi confecti ex propositionibus de materia contingenti, habent regulari per dici de omni, & dici de nullo Prioritico.

Ex his subiungitur, quid sit syllogismus in communi sumptus. Syllogismus est oratio, in qua quibusdam positis, necesse est aliud accidere per ea, quæ posita sunt. Quæ definitio est sic intelligenda. Syllogismus est secunda intentio attributa orationi hypotheticæ rationali, vel conditionali; in qua positis duabus propositionibus categoricis, necesse est ex illis conclusionem sequi. Ut omne animal est substantia; omnis homo est animal, ergo omnis homo est substantia. Nam primæ propositiones dicuntur syllogismus; tertia verò ex illis illata, appellatur conclusio.

Omnis autem syllogismus constat ex tribus terminis, & duabus propositionibus, ex illis confectis; quarum prior dicitur maior, posterior minor. Termini verò sunt, maior extremitas; minor extremitas, & medium. Maior extremitas, est terminus sumptus in maiori propositione cum medio. Minor extremitas, est terminus sumptus in minori propositione cum medio. Medium verò, est terminus bis sumptus ante conclusionem, nec eam ingrediens. Quæ omnia, sunt clara in allato exemplo. Nam hæc: omne animal est substantia: est maior propositio: hæc verò: omnis homo est animal: dicitur minor propositio. Ille terminus, substantia, in maiori, dicitur maior extremitas; alter terminus, homo, in minori, dicitur minor extremitas; & ille terminus, animal, sumptus in maiori, & repetitus in minori, dicitur medium; quod nequit ingredi illam propositionem; ergo omnis homo est subiecto, quæ appellatur conclusio.

Conclusio autem, est argumentum, vel argumentis probata propositio. In qua definitione ponitur, ly argumentum, vel argumentis; ad denotandum quod vna, & eadem conclusio potest vnicuique, vel pluribus argumentis probari; ut in praxi videbitur, Deo danie.

Syllogismus

Syllogismus autem, est duplex, scilicet Categoricus, & Hipotheticus. Categoricus est ille, qui constat ex propositionibus categoricis. Vt omnis homo est animal; Petrus est homo; ergo Petrus est animal. Hipotheticus, qui constat ex propositionibus hipotheticis ambabus; vel saltem ex vna categorica, & altera hipothetica; vt hic. Si omnis homo currit, omnis homo mouetur; sed omnis homo currit; ergo omnis homo mouetur.

Syllogismus verò categoricus est duplex, scilicet communis, & expositorius. Communis est ille, cuius medium est terminus communis; vt hic omnis homo est animal; Petrus est homo; ergo Petrus est animal. Expositorius verò est ille, cuius medium est terminus singularis; vt iste. Petrus est Doctor; Petrus est homo; ergo homo est Doctor. De omnibus erit sermo, sed prius de categorico, quam de hipothetico; propositiones enim categoricæ, ex quibus ille coalescit, sunt priores hipotheticis, ex quibus formatur iste. Similiter, prius de communi, quam de expositorio agendum nobis est; commune enim præfertur particulari.

De Formatione Syllogismi in modo, & Figura.

C A P V T III.

AD bonum syllogismum conficiendū, nedum requiruntur tres termini, & duæ propositiones; verū etiam, vt huiusmodi disponantur in modo, & figura; quia ex his, sicut apparet diuersitas illationum, ita elucescit veritas, quæ attenditur ex discursu syllogistico.

Figura igitur, est ordinatio trium terminorum, secundum subiectionem, & prædicationem. Quia aliquando medium subijcitur in maiori, & prædicatur in minori; & sic habetur prima figura. Aliquando verò prædicatur in vtraque; & sic constituitur secunda figura. Et interdum subijcitur in vtraque; & sic conficitur tertia figura: nam ex diuersa habitudine mediæ ad extremitates, in surgit diuersitas figurarum. Cum igitur tantum tribus modis varietur huiusmodi habitudo, hinc sequitur dari duntaxat tres figuras, in quibus possit confici diuersitas syllogismorum.

Ex his habetur definitio vniuscuiusque figuræ, prout traduntur, ex Aristotele, ab Auctore, dicendo: Prima figura est, in qua medium subijcitur in maiori, & prædicatur in minori propositione. Vt omne animal est substantia; omnis homo est animal; ergo omnis homo est substantia.

Secunda Figura est, in qua mediū prædicatur in vtraque propositione. Vt omnis homo est animal; nullus lapis est animal; ergo nullus lapis est homo.

Tertia Figura est, in qua medium subijcitur in vtraque propositione. Vt omnis homo est animal; omnis homo est substantia; ergo quædam substantia est animal. Vnde ad maiorem expressionem, ponitur sequens versus, in quo omnes continentur. *Sub, præ, prima, secunda præbis: tertia, bis sub.*

Modus, est ordinatio duarum propositionum, scilicet maioris, & minoris, in debita quantitate, & qualitate. Vnde debita quantitas est, quod sint vel vniuersales, vel particulares; vel vna vniuersalis, vel altera particularis. Debita qualitas consistit, vt si vna sit affirmatiua, altera sit negatiua; vel ambæ affirmatiuæ. Et huiusmodi quantitas, & qualitas denotetur per quatuor vocales, A E I O, positas in dictionibus modorum, vt in sequenti videbimus. A enim denotat propositionem vniuersalem affirmatiuam, E, vniuersalem negatiuam, I, particularem affirmatiuam, & O, particularem negatiuam. Vnde modus Barbara, cum in ipso replicetur littera, A, habet confici ex tribus propositionibus vniuersalibus affirmatiuis. Celarent verò, ex duabus vniuersalibus negatiuis designatis in duplici, E, & vna vniuersali affirmatiua, denotata per A, Et sic potest exemplificari in reliquis modis trium figurarum. Ordo tamen disponendi tales propositiones, consistit in hoc, vt prima vocalis indicet maiorem; secunda minorem propositionem; & tertia conclusionem; cum hac aduertentia; quod si plures tribus inueniantur, tales erunt superfluentes, quoad propositum spectat.

Modi autem conficiendi syllogismum in his tribus Figuris, sunt decem, & nouem, scilicet *Barbara, Celarent, Darii, Ferio, Baralipon, (Celantes, Dabitis, Fapesmo, Friseronorum.) Cesare, Camestres, Festi-*

ma, Baroco, Darapti, Felapton, Disamis, Datifi, Brocardo, Ferison.) Quorum primi nouem, pertinent ad primam Figurā; reliqui quatuor sequentes, ad secundam; & ceteri sex, ad tertiam spectant; vt in proprijs locis videbimus. Ceterum, vt tales dispositiones, tū terminorum in Figuris, tū propositionum in predictis modis, recte ordinentur obseruandæ sunt quædam Regulæ generales.

De Regulis Generalibus, bonitatem syllogismorum concernentibus in communi.

C A P V T III.

Prima Regula. Ex puris particularibus, indefinitis, & singularibus nihil sequitur, in qualibet Figura; sed requiritur, vt altera propositionum dispositarum in modo, sit vniuersalis; alioquin ex veris, sequeretur falsum; vt patet in hoc exemplo. Quoddam animal est equus; sed homo est quoddam animal; ergo quidam homo est equus. Quod est omnino falsum.

Secunda Regula. Ex puris negatiuis, nihil sequitur in quauis Figura; sed oportet, alteram præmissarum esse affirmatiuam; aliter ex veris sequeretur falsum; vt patet in sequenti exemplo. Nullus homo est lapis; sed adamas non est homo; ergo adamas non est lapis. Quod est falsum. Vel sic in secunda. Nullus homo est lapis; sed Petrus non est lapis; ergo Petrus non est homo. Quod pariter est falsum. Vel sic in tertia. Nullus lapis est animal; quidam lapis non est homo; ergo quidam homo non est animal. Quod est omnino absurdum.

Tertia Regula. Si aliqua præmissarum fuerit particularis, vel negatiua, conclusio erit particularis, vel negatiua, & non e conuerso. Id est si conclusio fuerit particularis, quod altera præmissarum debeat esse particularis. Ratio primæ partis Regulæ est; quia conclusio semper sequitur debiliorem partem; atqui inter præmissas, particularis, aut negatiua, sunt debiliores vniuersali, & affirmatiua; igitur si vna fuerit particularis, vel negatiua, talis pariter euadet conclusio inferenda. Ratio secundæ partis Regulæ est; quia tertia figura habet duos modos, scilicet Darapti, & Felapton, in quibus maior, & minor

sunt vniuersales, conclusiones verò particulares, vt suo loco erit manifestum.

Quarta Regula. Medium nunquam debet poni in conclusione; tū quia medium debet vnire extremitates in præmissis; sed nequit sic vnire in conclusione; aliter tres termini ingrederentur conclusionem, quod est impossibile; siquidem propositio categorica, cuiusmodi est semper conclusio, est duobus contenta terminis, scilicet prædicato, & subiecto: tū etiam, quia cum medium sit ratio, seu causa inferendi conclusionem, idem causaret se ipsum; quod est contra naturam causæ, vt suo loco videbimus. Præter has regulas generales, quælibet figura habet proprias, de quibus suis in locis.

De Prima Figura, & eius modis.

C A P V T V.

Prima Figura, in qua medium subijciatur in maiori, & prædicatur in minori propositione, nouem habet modos, scilicet Barbara, Celarent, Darij, Ferio, Baralipon, Celantes, Dabitis, Fapesmo, & Fisekomorum. Quorum primi quatuor concludunt directè, & reliqui quinque, indirectè.

Concludere autem directè, est maiorem extremitatem prædicari de minori in conclusione. Vt omnis homo est animal; Petrus est homo; ergo Petrus est animal.

Concludere verò indirectè, est minorem extremitatem prædicari de maiori in conclusione. Vt omnis homo est animal; nullus lapis est homo; ergo nullum animal est lapis.

Uterius. Prima Figura habet duas regulas particulares, quarum prima est. Maiore existente particulari, nihil sequitur directè; licet bene indirectè. Vt quoddam animal est irrationale; omnis homo est animal; ergo quidam homo est irrationalis; quod est falsum: & ratio est, quia medium debet esse terminus communis distribubilis minori extremitati; at si propositio est particularis, etiam medium erit terminus particularis; sub quo non poterit fieri distributio; igitur dicendum est cum regula, vt maior in prima figura non debeat esse particularis, sed vniuersalis.

Secunda

Secunda Regula. Minore existente negatiua, nihil sequitur; vt patet in sequenti syllogismo. Omne animal est substantia; nullus lapis est animal; ergo nullus lapis est substantia; quod est absurdum.

His præmissis, sequuntur modi; quorum primus est Barbara, qui constat ex maiore vniuersali affirmatiua, minore pariter vniuersali affirmatiua, vniuersalem affirmatiuam directe concludentibus.

BAR Omne animal est substantia,

BA Omnis homo est animal; ergo

RA. Omnis homo est substantia.

Colarent secundus modus, constat ex maiore vniuersali negatiua, minore vniuersali affirmatiua, vniuersalem negatiuam directe concludentibus.

CE Nullum animal est lapis,

LA Omnis homo est animal; ergo

RENT. Nullus homo est lapis.

Darij tertius modus, constat ex maiore vniuersali affirmatiua, minore particulari affirmatiua, particularem affirmatiuam directe concludentibus: vt

DA Omne animal est substantia,

RI Quidam homo est animal; ergo

I. Quidam homo est substantia.

Ferio quartus modus, constat ex maiori vniuersali negatiua, minore particulari affirmatiua, particularem negatiuam directe concludentibus; vt

FE Nullum animal est lapis,

RI Quidam homo est animal; ergo

O. Quidam homo non est lapis.

Ad hos quatuor modos habent reduci omnes alij quindecim, cum sint cæteris perfectiores; qui præque regulantur per dici de omni, & dici de nullo; vt discurrenti patebit.

Baralipon quintus modus, constat ex maiore vniuersali affirmatiua, minore vniuersali affirmatiua, particularem affirmatiuam indirecte concludentibus.

BA Omne animal est substantia,

RA Omnis homo est animal, ergo

LI. Quidam substantia est homo.

Celantes sextus modus, constat ex maiore vniuersali negatiua, minore vniuersali affirmatiua, vniuersalem negatiuam indirecte concludentibus: vt

CE Nullum animal est lapis,

LAN Omnis homo est animal; ergo

TES. Nullus lapis est homo.

Dabit is septimus modus, constat ex maiore vniuersali affirmatiua, minore particulari affirmatiua, particularem affirmatiuam indirecte concludentibus: vt

DA Omne animal est substantia,

BI Quidam homo est animal; ergo

TIS. Quidam substantia est homo.

Fapesno octauus modus, constat ex maiore vniuersali affirmatiua, minore vniuersali negatiua, particularem negatiuam indirecte concludentibus: vt

FA Omne animal est substantia,

PES Nullus lapis est animal; ergo

MO. Quidam substantia non est lapis.

Frisemorum nonus modus, constat ex maiore particulari affirmatiua, minore vniuersali negatiua, particularem negatiuam indirecte concludentibus: vt

FRI. Quodam animal est substantia,

SE Nullus lapis est animal; ergo

SO. Quidam substantia non est lapis.

De Secunda Figura, & eius Modis.

C A P V T VI.

Iuxta ea, in qua medium prædicatur in vtraque propositione. Et in ipsa conficiuntur quatuor syllogismi, secundum quatuor modos in eadem enumerandos; scilicet Cesare, Camestres, Festino, & Baroco; qui tenent, virtute sequentium Regularum.

Prima Regula. In secunda Figura, maiore existente particulari, nihil sequitur. Quare, maior semper debet esse vniuersalis; non enim sequitur. Quoddam animal est homo; nullus Asinus est homo; ergo quiddam Asinus non est animal.

Secunda Regula. Ex puris affirmatiuis in secunda Figura, nihil sequitur; sed altera propositio debet esse negatiua: vnde nõ sequitur. Omne animal est substantia; omnis lapis est substantia; ergo omnis lapis est animal.

Tertia Regula. In secunda Figura, conclusio semper debet esse negatiua: quæ sequitur ex secunda. Si enim necessarium est in secunda figura alteram præmissarum esse negatiuam, & conclusio erit negatiua; cum sequatur debiliorem partem.

Verum, si tales Regule recte perpendantur, non minus videntur falsæ, quam

vergeat ex qualibet data, sequatur bona argumentatio. Prima siquidē valet; quia ista est bona argumentatio, maiore existente particulari. Quoddā animal est substantia; omnis homo est substantia; ergo quidā homo est animal. Secunda etiā non est bona; quia ex affirmatiuis sequitur verū in secunda figura; Vt omnis homo est animal: Petrus est animal: ergo Petrus est homo. Tertia verō falsificatur ex falsitate secundæ sicut esset vera, si illa veritatem haberet.

Dicendum tamen, has instantias esse nullas, quia Regulæ accipiuntur coniunctim, nō diuisim; itaut ad bonum syllogismum in secunda figura, obseruentur omnes. Instantiæ verō procedunt contra illas diuisim supra; vt patet. Vel dicendū, instantias factas teueret, ratione materiæ tantum; Regulas verō, respicere forinam duntaxat.

Cæsare primus modus, constat ex maiore vniuersali negatiua, minore vniuersali affirmatiua, vniuersalem negatiuam directē concludentibus; vt

CE Nullus lapis est animal,
SA Omnis homo est animal; ergo
RE Nullus homo est lapis.

Cameltes secundus modus constat ex maiore vniuersali affirmatiua, minore vniuersali negatiua, vniuersalem negatiuam directē concludentibus.

CA Omnis homo est animal,
MES Nullus lapis est animal; ergo
TRES Nullus lapis est homo.

Festino tertius modus, constat ex maiore vniuersali negatiua, minore particulari affirmatiua, particularem negatiuam directē concludentibus; vt

FE Nullus lapis est animal,
STI Quidam homo est animal; ergo
NO Quidam homo non est lapis.

Baroco quartus modus, constat ex maiore vniuersali affirmatiua, minore particulari negatiua, particularem negatiuam directē concludentibus; vt

BA Omnis homo est animal,
RO Quidam lapis non est animal; ergo
CO Quidam lapis non est homo.

De Tertia Figura, & eius Modis.

C A P V T VII.

TERTIAM figuram esse illam, in qua mediū subijcitur in vtraque propositione, superius capitulo tertio declaratum fuit. Nunc restat videre duas regulas sibi

peculiares, & sex modos conficiendi syllogismum in eadem; qui sunt. Darapti, Felapton, Disamis, Datifi, Brocardo, Ferison.

Prima Regula est talis. Minore existente negatiua, in tertia figura nihil sequitur; sed necessario exigitur, vt minor sit affirmatiua, vt patet inspicienti modos.

Secunda Regula. In tertia figura conclusio semper debet esse particularis; aliter ex veris sequeretur falsū; vt patet in hoc exemplo. Omnis homo est animal; sed omnis homo est substantia; ergo omnis substantia est animal: quod est falsū; quia lignum, lapis, arbor &c. sunt substantiæ; & tamen nō sūt animalia. His premisissis, sequitur modi

Darapti primus modus tertie figure, constat ex maiore vniuersali affirmatiua, minore vniuersali affirmatiua, particularem directē concludentibus; vt

DA Omnis homo est substantia,
RA Omnis homo est animal; ergo
PTI Quoddam animal est substantia.

Felapton secundus modus, constat ex maiore vniuersali negatiua, minore vniuersali affirmatiua, particularem negatiuam directē concludentibus; vt

FE Nullus homo est lapis,
LAP Omnis homo est substantia; ergo
TON Quædam substantia non est lapis.

Disamis tertius modus, constat ex maiore particulari affirmatiua, minore vniuersali affirmatiua, particularem affirmatiuam directē concludentibus; vt

DI Quidam homo est animal,
SA Omnis homo est substantia; ergo
MIS Quædam substantia est animal.

Datifi quartus modus, constat ex maiore vniuersali affirmatiua, minore particulari affirmatiua, particularem affirmatiuam directē concludentibus; vt

DA Omnis homo est substantia,
TI Quidam homo est animal; ergo
SI Quoddam animal est substantia.

Brocardo quintus modus, constat ex maiore particulari negatiua, minore vniuersali affirmatiua, particularem negatiuam directē concludentibus; vt

BRO Quidam homo non est lapis,
CAR Omnis homo est substantia; ergo
DO Quædam substantia non est lapis.

Ferison sextus modus, constat ex maiore vniuersali negatiua, minore particulari affirmatiua, particularem affirmatiuam directē concludentibus; vt

FE Nullus homo est lapis,

RI Quidam homo est animal; ergo
SON Quoddam animal non est lapis.

In omnibus his modis trium figurarum
possunt fieri syllogismi, ex quibuscunque
terminis, tam substantialibus, quam acci-
dentalibus; dummodò seruetur ordo figu-
rarum, & modorum suprapositis.

*De Reductione Modorum quindecim, ad
quatuor priores Modos primæ Figuræ.*

CAPVT VIII.

PRO intelligentia huiusmodi reductio-
nis, notandum est primo, ex Aristote-
le libro primo Priorum cap. 10. syllogis-
mum esse duplicem, scilicet perfectum, &
imperfectum. Syllogismus perfectus est,
qui nullius indiget, ut appareat necessarius.
Et sic, se extendit tantum ad quatuor mo-
dos primæ figuræ, scilicet Barbara, Cella-
rent, Darij, & Ferio. Quippe qui, cum re-
gulentur per dici de omni, & dici de nullo,
sunt ex se ita evidentes, ut nil dubij relin-
quatur, quin conclusio necessariò sequa-
tur ex præmissis; ut patebit discurrendo
per omnes. Syllogismus verò imperfectus
dicitur ille, qui indiget aliqua euidencia, ut
appareat necessarius; idest, ut conclusio se-
quatur euidenter ex præmissis. Et cõpræ-
hendit sub se reliquos modos, præter enu-
meratos. Talis autem euidencia habet redu-
cendo illos, ut imperfectos ad perfectos.

Secundo Notandum est; hanc reductio-
nem posse fieri quatuor, scilicet per con-
uersionem malicius propositionis, maioris,
scilicet vel minoris, aut conclusionis, sim-
pliciter, vel per accidens, vel per transpo-
sitionem præmissarum, aut per impossi-
bile. Huiusmodi, aut modi reducendi, in-
dicantur per quatuor consonantes, con-
sultò appositæ dictionibus Modorum re-
ducibilium, scilicet S, P, M, C.

S. indicat propositionem præcedentem,
conuertendam esse simpliciter P, per acci-
dens, C, per impossibile, & M, significat
fieri debere transpositionem præmissarum,
scilicet de maiore in minorem, & cõuer-
sio; ut patet ex sequentibus versibus.

*Simplicitèr vult S. veris P. verò per acci-
M. vult transponi C. per impossibile duci.
Seruat maiore, variatque secunda minorẽ.
Tertia maiorẽ variat, seruatque minorẽ.*

Tertio Notandum est; syllogismos perfe-
ctos, ad quos alij reducendi sunt, incipere
per has litteras B. C. D. F. ut denotetur,
quod modus reducibilis, per B. incipiens,

habetur reduci ad Barbara; & incipiens per
C. ad Celarent; per D. ad Darij, & per F.
ad Ferio; seruatò ordine præscripto in præ-
cedenti notabili.

His positis; Baralip-ton, quintus modus
primæ Figuræ, reducitur ad Barbara, cum
incipiat per B. conclusione conuersa per
accidens; idest, mutato subiecto in præ-
dicatum, & prædicato in subiectum, ma-
nente eadem qualitate, sed mutata quan-
titate; quia ei postponitur littera P. Vt
omne animal est substantia; omnis homo est
animal; ergò omnis homo est substantia;
quæ prius erat. Quædã substantia est homo.

Celantes, sextus modus primæ figuræ,
reducitur ad Celarent, cõclusionem cõuer-
sa simpliciter; quia immediatè ei postponitur
littera S. Vt nullum animal est lapis; omnis
homo est animal; ergò nullus homo est la-
pis; quæ prius erat. Nullus lapis est homo.

Dabitis septimus modus eiusdem Figu-
ræ, reducitur ad Darij, conclusione con-
uersa simpliciter, ob eandem rationem. Vt
omne animal est substantia; quidã homo est
animal; ergò quidã homo est substantia; quæ
prius erat. Quædam substantia est homo.

Fape sino, reducitur ad Ferio, maiore cõ-
uersa per accidens, & minore simpliciter,
& per transpositionem præmissarum; quia
vltima P. & S. ponitur M. Vt omnis homo
est animal; nullus lapis est homo; ergò
quoddam animal non est lapis; sic reducitur.
Nullus homo est lapis; quoddã animal
est homo; ergò quoddã animal nõ est lapis.

Frisemorum, nonus modus, reducitur ad
Ferio, maiore, & minore conuersis simpli-
citer, & per transpositionem præmissarum,
manente sola conclusione immutata. Vt
nullum animal est lapis; quædã est animal;
ergò quædam substantia non est lapis; cum
tamen prius diceret. Quoddam animal est
substantia; nullus lapis est animal; ergò
quædam substantia non est lapis.

Cesare, decimus modus secundæ Figuræ,
reducitur ad Celarent, maiore conuersa
simpliciter. Vt nullũ animal est lapis (quæ
tamẽ erat; nullus lapis est animal) omnis ho-
mo est animal; ergò nullus homo est lapis.

Camestres, reducitur ad Celarẽt, mino-
re, & conclusione conuersa simpliciter, &
per transpositionem præmissarum. Vt nul-
lum animal est lapis; omnis homo est ani-
mal; ergò nullus homo est lapis; qui prius
erat. Omnis homo est animal; nullus lapis
est animal; ergò nullus lapis est homo.

Festino,

Festino, reducitur ad Ferio, maiore conuersa simpliciter. Vt nullus animal est lapis (quæ prius dicebat; nullus lapis est animal) quidam homo est animal; ergo quidam homo non est lapis.

Baroco, reducitur ad Barbara, per impossibile. Reducere autem per impossibile, est accipere oppositum contradictoriū conclusionis cum altera præmissarum, scilicet maiore, ad inferendum oppositum contradictorium minoris. Exempli gratia; Si hæc fuerit conclusio. Quidam homo non est lapis. Debet fieri vniuersalis affirmatiua, scilicet: Omnis homo est lapis; quæ est sua contradictoria. Et similiter si hæc esset minor. Quidam lapis non est animal; deberet fieri vniuersalis affirmatiua, scilicet: Omnis lapis est animal; quæ est sua contradictoria. Vnde syllogismus in Baroco est huiusmodi. Omnis homo est animal; quidam lapis non est animal; ergo quidam lapis non est homo. Qui reducitur ad Barbara sic. Omnis homo est animal; omnis lapis est homo; ergo omnis lapis est animal.

Darapti, primus modus tertiæ Figuræ, reducitur ad Darii, minore conuersa per accidens. Vt omnis homo est substantia; quoddam animal est homo (quæ prius erat: omnis homo est animal) ergo quoddam animal est substantia.

Felapton, reducitur ad Ferio, minore conuersa per accidens. Vt nullum animal est lapis; quædam substantia est animal, (quæ prius erat: omne animal est substantia) ergo quædam substantia non est lapis.

Difamis, reducitur ad Darii, maiore, & conclusio ne conuersis simpliciter, & per transpositionem præmissarum. Vnde syllogismus in Difamis, est huiusmodi. Quidam homo est substantia; omnis homo est animal; ergo quoddam animal est substantia; quicquid reducitur. Omnis homo est animal; quædam substantia est homo; ergo quædam substantia est animal.

Datisi, reducitur ad Darii, minore conuersa simpliciter. Vt omne animal est substantia; quidam homo est animal (quæ prius erat: quoddam animal est homo) ergo quidam homo est substantia.

Brocario, reducitur ad Barbara per impossibile, iuueniendo oppositum contradictorium conclusionis pro maiori, seruata minore, ad inferendum oppositum con-

tradictorium maioris; vnde syllogismus est huiusmodi. Quidam homo non est lapis; omnis homo est animal; ergo quoddam animal non est lapis: qui sic reducitur. Omne animal est lapis; omnis homo est animal; ergo omnis homo est lapis.

Ferison, vltimus modus, reducitur ad Ferio, minore conuersa simpliciter. Vt nullus homo est lapis; quoddam animal est homo; ergo quoddam animal non est lapis: minor autem de Ferison prius erat. Quidam homo est animal; quæ per conuersionem simplicem fit hæc. Quoddam animal est homo. Et hæc de syllogismo communi, quo ad eius formationem, & reductionem, dicta sunt satis.

De Syllogismo Expositorio, seu particulari.

C A P V T IX.

DVPLICEM syllogismum categoricum agnouimus superius capitulo secundo, scilicet communem; de quo vsque modo egimus; & expositorium, de quo in prædicto dicendum est. Dicitur autem syllogismus expositorius, quia præmissæ singulares, ex quibus constat, sunt veluti quædam exponentes propositionum syllogismi communis: Nam, si dicatur. Omnis homo currit. Statim exponitur per has singulares; sed Petrus est homo, & Petrus currit; sed Paulus est homo, & Paulus currit &c.

Diffinitur autem sic, communiter ab omnibus. Syllogismus expositorius est ille, cuius medium est singulare, singulariter, & vniuocè tentum.

Pro cuius intelligentia, ad mentem reuocare debemus, quid sit terminus singularis, seu discretus; quia nimirum de vno solo dicitur. Hunc autem esse duplicem, scilicet limitatum, & illimitatum, aduertendum est. Limitatus est, qui significat vnā rem singularem; ita quod, sine noua impositione, nequit aliam significare. Vt Petrus, ita rapresentat rem, quæ est Petrus, vt nequeat sine noua impositione importare rem, quæ dicitur Paulus. Illimitatus verò dicitur ille, qui licet significet vnā rem singularem, non tamen vt in vno solo, sed vt in pluribus distinctis realem existentem. Vt essentia Diuina, licet sit vna numero, & singularis

tamen

tamen est illimitata ad Patrem, Filium, & Spiritum Sanctum. Syllogismus expository, exposcit singulare limitatum pro medio, excludit illimitatum, vt sit bonus.

Secundo Notandum, quod tres conditiones requiruntur ad bonum syllogismū expository. Prima, quod medium sit singulare, limitatum, singulariter, & vniuoce tentum: defectu cuius non sequitur. Hæc essentia diuina est Pater; hæc essentia diuina est Filius; ergo Filius est Pater. Secunda conditio, quod medium, vel in maiori, vel in minori, sit totale extremū: quare non sequitur. Iste homo, vel asinus, est asinus; iste homo, vel asinus, est homo; ergo homo est asinus. Quia est fallacia; vt videbimus suo loco. Tertia, quod à præmissa affirmatiua, in qua ponitur terminus singularis, sequatur vna de omni; & à negatiua, vna de nullo: defectu cuius non sequitur. Hæc essentia diuina est Pater; hæc essentia diuina est Filius; ergo Filius est Pater. Quia ab hac propositione affirmatiua: hæc essentia diuina est Pater: nõ sequitur vna de omni; cum hæc sit falsa: omnis essentia diuina est Pater: quia est, & Filius, & Spiritus Sanctus.

Tertio Notandum est, duplicem esse syllogismum expository, scilicet affirmatiuum; qui ex affirmatiuis propositionibus constat; & negatiuum; qui ex negatiuis conficitur: exemplū prioris. Franciscus est homo; & Franciscus est animal; ergo homo est animal; exemplum secundum. Nullus lapis est Petrus; quoddam animal est Petrus; ergo quoddam animal non est lapis.

Quarto Notandum est hunc syllogismū dupliciter considerari posse, scilicet propriè, & impropriè. Expository propriè dictus est, cui conueniunt tres conditiones assignatæ. Et sic, nequit fieri in prima, & secunda figura, sed solum in tertia; cū in ipsa tantum ambæ præmissæ possint fieri singulares. Expository autem impropriè acceptus est ille, cui deficit tertia conditio, scilicet, quod ambæ præmissæ sint singulares; & sufficit, vt medium sit singulare, singulariter, & vniuoce tentū. Et sic, potest fieri in omnibus figuris, sicut, & communis; cum hac tamen differentia, vt in expository non seruetur modus, sed tantum figura.

Ex his, ponuntur duo principia regula-

tiua syllogismi expository; alterum affirmatiuum pro affirmatiuo, & negatiuum alterum pro negatiuo.

Principium affirmatiuum. Quæcunque sunt eadem vni tertio, illa sunt eadem etiā inter se. Iuxta quod, fieri possunt syllogismi in prima, & tertia figura. Exemplum primum. Iste homo est substantia; quoddam animal est hic homo; ergo quoddam animal est substantia. Exemplum secundum. Antonius est animal; Antonius est homo; ergo homo est animal.

Principium negatiuum. Quæcunque repugnant vni tertio, repugnant etiam inter se. Ex quo, licet sic arguere in qualibet figura. Exemplum primæ. Hic lapis non est homo; & adamas non est hic lapis; ergo adamas non est homo. Exemplum secundæ. Quoddam arbor non est Petrus; & quiddam homo est Petrus; ergo quiddam homo non est quoddam arbor. Exemplum tertiæ. Petrus est homo; & Petrus non est lapis; ergo lapis non est homo. Et hæc de syllogismo expository; qui est necessarius tantum in Theologia, in materia de Trinitate.

De Syllogismo Hypothetico.

C A P V T X.

Syllogismum hypotheticum, diximus capite secundo huius sectionis, fieri ex ambabus propositionibus hypotheticis; vel saltem ex vna hypothetica, & altera categorica. Vt si homo currit, homo mouetur; sed homo non currit; ergo non mouetur. Vel Petrus est homo, & substantia; sed asinus non est homo; ergo non est Petrus. Et huiusmodi syllogismi fieri possunt in quauis figura, cum hac tamen differentia à categoricis; vt in hypotheticis maior, vel minor sint propositiones hypotheticæ; in categoricis verò, tantū categoricæ. Ceterum, quia huiusmodi syllogismi non sunt in vñ apud scholasticos, propter eā consulto illos omittimus, subijciendo ipsorum loco, modos arguendi in propositionibus hypotheticis, qui sint vñtiores, nè ab instituto aberrantes, impleamus paginas absque necessitate. Vnde quamuis sex sint propositiones hypotheticæ, & in qualibet possint sumi argumenta proportionabiliter ad alias; nihilominus tantum de tribus, vt potè præcipuis, erit nobis sermo.

De Modis arguendi in Conditionalibus.

CAPVT XI.

Quatuor modis possumus arguere in propositione conditionalis; sed in duobus primis duntaxat, est consequentia formalis.

Primo, In tota conditionalis, à positione antecedentis ad positionem consequentis, est bona consequentia. Vt si homo est, animal est; sed homo est; ergo animal est. Vnde ponere antecedens, vel consequens, est ipsum accipere pro maiori, vel minori, eodem modo, quo prius accipiebatur; vt patet in exemplo allato. Si homo est, animal est. Vbi, ly si homo est, quod est antecedens, sumitur in minori eodem modo, dicendo; sed homo est. Et similiter, ly animal est, quod est consequens ad illud, si homo est: eodem modo accipitur in conclusione, ergo animal est.

Secundo A, destructione consequentis, ad destructionem antecedentis, est bona consequentia. Vt si homo currit; animal currit: sed nullum animal currit; ergo nullus homo currit. Vnde destruere antecedens, vel consequens, est accipere eius contradictorium pro minori, vel conclusione: vt patet in exemplo allato: nam, contradictorium huius, animal currit: quod erat consequens, est illud: nullum animal currit: & contradictorium huius antecedentis: si homo currit; est hoc: nullus homo currit; quod est conclusio.

Secundo A, destructione antecedentis, ad destructionem consequentis, non valet consequentia. Vt si homo currit, animal currit; sed nullus homo currit: ergo nullum animal currit: non valet; quia Asinus, & Equus, qui sunt animalia, possunt currere, nullo homine corrente.

Quarto A, positione consequentis, ad positionem antecedentis, non valet consequentia. Vt si homo currit, animal currit; sed animal currit: ergo homo currit; non sequitur, quia potest esse Asinus, vel Equus; cum, & ipsi, sint animalia.

De Modis arguendi in Copulatiua.

CAPVT XII.

Dvo tantum sunt modi arguendi à copulatiua; in quorum primo, valet cō-

sequentia, sed non in secundo, vt sequitur.

Primo à tota copulatiua ad quamlibet eius partem, valet consequentia. Vt Petrus currit, & Antonius disputat; ergo Petrus currit, vel Antonius disputat.

Secundo ab altera parte copulatiue ad totam copulatiuam, non valet consequentia. Vt Petrus est homo; ergo Petrus est homo, & Paulus disputat. Et ratio vtriusque est in promptu; quia totum complectitur omnes eius partes; idè à tota copulatiua ad quamlibet eius partem, tenet consequentia. Ceterum, quia vna pars non continet totum, idè ab vna parte copulatiue, ad totam, non sequitur consequentia necessaria, licet bene possibilis in materia contingentis; vt patet in exemplo prædicto; quia potest esse, quod Paulus disputat, dum Petrus est homo.

De Modis arguendi in Disiunctiua.

CAPVT XIII.

In propositione Hypothesica disiunctiua, possunt sumi duo modi arguendi, & ambo veri.

Primo Arguendo ab vna parte disiunctiue, ad totam disiunctiuam, valet consequentia. Vt Franciscus est homo; ergo Franciscus est homo, vel Antonius studet. Et ratio est; quia ad veritatem disiunctiue, sufficit alteram partem esse veram.

Secundo à tota disiunctiua cum destructione vnius partis, ad positionem alterius, valet consequentia. Vt Petrus est homo, vel asinus; sed Petrus non est asinus; ergo est homo. Et hæc de syllogismo hypothetico.

De Inductione.

CAPVT XIV.

CVM in superioribus actum sit de prima specie argumentationis, scilicet de syllogismo, tam catholico, quam hypothetico; restat, vt aliquantulum tractemus de reliquis speciebus, quarum sunt tres, scilicet Inductio, Enthimema, & Exemplum.

Inductio igitur, est à singularibus sufficienter enumeratis ad vniuersale progressio. Vt Petrus currit, Paulus currit, Antonius currit, & sic de alijs; ergo omnis homo currit.

Pro

Pro cuius diffinitionis explicatione primo notandum est, inductionem, & descensum opposito modo se habere. Nam, inductio est processus ab omnibus singularibus sufficienter enumeratis, cum hac particula; & sic de alijs; vel non sunt plura, ad concludendum vniuersale. Vt Petrus est animal, Paulus est animal, & sic de alijs; ergo omnis homo est animal. Descensus verò, & processus ab vniuersali ad omnia singularia, cum hac particula; & sic de alijs; vel non sunt plura. Vt omnis homo est substantia; ergo Petrus est substantia; Ioannes est substantia; & sic de alijs. Et notanter ponitur illa particula, & sic de alijs; quia cum vniuersale comprehendat sub se omnia singularia, quæ cum sint ferè infinita, & singillatim enumerari non possint, supplentur per illam particulam, & sic de alijs, vel per aliam; & non sunt plura; in quibus omnia virtualiter continentur.

Secundo Notandum est, quòd in diffinitione Inductionis, & Descensus, non accipitur singulare propriè; nimirum pro illo, quod de vno solo dicitur: sed impropiè, scilicet pro minus communi, ad concludendum magis commune, & vniuersale: & sic accipitur pro indiuiduis, ad concludendam speciem: pro speciebus, ad concludendum genus subalternum; pro genere, & specie subalterna, ad inferendum genus generalissimum. Exemplum primi. Vt Petrus currit, Paulus currit, & sic de alijs; ergo omnis homo currit. Exemplum secundi. Vt Homo currit, Leo currit, & sic de alijs; ergo omne animal currit. Exemplum terti. Corpus animatum est ens, corpus est ens, & sic de alijs; ergo omnis substantia est ens.

Ex his, diffinitio Inductionis sic explicatur Inductio est argumentatio à singularibus, seu minus communibus sufficienter enumeratis, cum hac particula, & sic de alijs, vel non sunt plura; ad concludendum vniuersale, vel magis commune procedens. Vt Petrus currit, Paulus currit, & sic de alijs; ergo omnis homo currit. Vel, homo est corpus animatum, Leo est corpus animatum, Alinus est corpus animatum, & sic de alijs; ergo omne animal est corpus animatum.

De Enthimemate.

CAPVT XV.

ENthimema est argumentatio brevis, in qua ex vna sola propositione, inferitur festinata conclusio. Vt omnis homo est animal; ergo omnis homo est substantia.

Pro cuius intelligentia notandum est primo Enthimema esse syllogismum imperfectum; quia in ipso ponuntur tres termini, & vna tantum propositio illatiua conclusionis. Qui tamen potest fieri perfectus, reducendo ipsum ad syllogismum perfectum per additionem alterius præmissæ, quæ deficit.

Secundo Notandum est; quod ad cognoscendum, quænam propositio deficiat, maior, vel minor; obseruandum est, si subiectum antecedentis sit etiam subiectum consequentis; tunc deficit maior, debet confici ex prædicato antecedentis, & consequentis; vt patet in hoc exemplo. Omnis homo est animal; ergo omnis homo est substantia. Vbi ly homo, qui est subiectum antecedentis, est etiam subiectum consequentis; denotatquæ deficere hanc maiorem, scilicet omne animal est substantia; constat ex prædicato antecedentis, & consequentis. Si verò prædicatum antecedentis, sit etiam prædicatum consequentis, tunc deficit minor, quæ habet confici ex subiecto antecedentis, & consequentis; vt patet in hoc exemplo. Omnis homo est animal; ergo Petrus est animal; cui deficit hæc minor: Petrus est homo: constat ex subiecto antecedentis, & consequentis. Et hic ordo, est necessarius seruandus, ad cognoscendam euidentiæ Est:himematie argumentationis; quæ aded est in vsu apud scholasticos, vt in disputationibus ferè semper eadem vtantur, tum quia est cæteris pulchrior; tum etiam, quia magis vtget, ad constringit respondentem.

De Exemplo.

CAPVT XVI.

Exemplum est argumentis, in qua probatur vnū particulare per aliud, ob aliquam similitudinem in ipsis reperi. Vt
Parisiensis.

Parisienses pugnare cōtra Rothomagenses malum est; ergo, & Turonenses pugnare contra Pictauienses malum erit. Quia utriusque sunt affines; & affines pugnare contra affines, malum est.

Pro cuius explicatione notandum est primo particulare hic accipi improprie, prout se extendit ad singulare, & indefinitum; nām termini antecedentis, & consequentis, non semper sunt particulares, sed aliquando possunt esse indefiniti.

Secundo Notandum est; quod similitudo inter terminos antecedentis, & consequentis, itā necessariō requiritur, & vt sic ipsa fieri nequeat bona argumentatio ab exemplo; vt patet in hoc. Parisienses sunt diuites; ergo & Veneti. Consequentia non valeret, nisi ostenderetur similitudo, in qua fundatur causa diuitiarum; vt quia nimirum ambo habent Portum Maris, quo redduntur diuites. Vnde fit, vt talis similitudo sit exprimenda in terminis antecedentis, & consequentis, ad hoc vt valeat bona consequentia, sic dicendo. Parisienses sunt diuites ab Portum Maris; ergo & Veneti, cum & ipsi habeant Portum Maris.

Ex his diffinitio exempli; sic expenditur. Exemplum est argumentatio ab vno particulari, ad aliud particulare, vel singulare, aut indefinitum probandum prouidens, ob aliquam similitudinem in ipsis reperiendam. Vt Rex Hispaniæ est fortis, ac potens, propter pluralitatem Regnorum; ergo, & Imperator erit potens; cum & ipse possideat plura Regna.

De Reductione Inductionis, & Exempli ad Syllogismum.

C A P V T XVII.

Inductio reducitur ad syllogismum perfectum, accipiendo omnia singularia pro medio; prædicatum conclusionis pro maiori extremitate, & subiectum pro minori: vt exempli gratia Petrus est animal, Paulus est animal, Ioannes est animal, & sic de alijs; ergo omnis homo est animal. Sic reducitur ad Barbara. Omne quod est Petrus, Paulus, Ioannes, & sic de alijs, est animal; sed omnis homo est Petrus, Paulus, Ioannes, & sic de alijs;

ergo omnis homo est animal. Et hæc reductio fit, vt magis elucescat euidentia conclusionis, sequentis ad inductionem; cum reducat ad Barbara, in quo est summa euidentia.

Exemplum autem reducitur ferè semper ad Darij, si est affirmatiuum; vel ad Ferio, si sit negatiuum; accipiendo terminum importantem similitudinem, pro medio; prædicatum conclusionis pro maiori extremitate; & subiectum pro minori; vt patet in sequenti. Franciscus est virtuosus ob humilitatem; ergo, & Antonius, cum etiam sit humilis: quod sic reducitur. Omnis habens humilitatem est virtuosus; sed Antonius habet humilitatem, sicut Franciscus; ergo Antonius est virtuosus sicut Franciscus. Et hæc sufficiant, quoad modos arguendi pro vtilibus, vilitatis, ac necessarijs. An autem detur alius arguendi modus ab his distinctus, dicemus in sequenti capite.

An detur quarta Figura à tribus supradictis distincta? Et in quo consistat.

C A P V T XVIII.

Qui afferunt dari quartam figuram, dicunt illam conuenire partim cum prima, partimque ab ea differre. Conueniunt adinuicem; quia medium in utraque, subijcitur in vna, & prædicatur in alia. Differunt verò; quia in prima figura, medium subijcitur in maiori, & prædicatur in minori propositione: in quarta se habet ordinē e conuerso; prædicatur enim in maiori, & subijcitur in minori. Ex quo elicitur diffinitio quartæ figuræ, conformiter ad alias. Quarta figura est, in qua medium prædicatur in maiori, & subijcitur in minori. Vt omnis homo est animal; omne animal est substantia; ergo omnis homo est substantia.

Vnde pro declaratione huius sententiæ, supponendum est primo; non esse controuersiam de substantia huius modi arguendi, ex quo de sumitur quarta figura; quia hic aperte traditur ab Aristotele in Antepredicamentis, in illa Regula. Quando alterum de altero prædicatur, vt de subiecto, quæcumque de eo, quod prædicatur, dicuntur, omnia de subiecto dicuntur.

cuntur. Imò meo iudicio, tantum eo loci, & non alibi, hunc arguendi modum insinauit Philosophus. Sed est controuersia de distinctione quartæ figuræ à prima, siquidem cum in vtraque medium subiiciatur, & prædicetur in præmissis, non videntur ab inuicem essentialiter secerni posse.

Secundo supponendum est; multos Neotericos, qui censentur Peripatetici, defendere partem negatiuam; nimirum, inter primam, & quartam non dari distinctionem essentialem; quia eadem habitudo medij ad extremitates, per quam cæteræ figuræ distinguuntur, habetur in vtraque. Imò, modi arguendi in quarta Figura, per solam transpositionem præmissarum, reducuntur ad modos primæ Figuræ, vt in tuenti paret; atqui sola transpositio præmissarum non est sufficiens ratio diuersificandi figuras; aliter modi secundæ figuræ, Cæsare, & Camestres, non essent eiudem figuræ, sed aliam constituerent; cum vnus per solam transpositionem præmissarum, & alius per conuersionem minoris simpliciter, reducantur ad Celarent; quod tamen est falsum. Alij verò vt Galenistæ, & quidam ex antiquis, Aristotelis sectatoribus asserunt, partem affirmatiuam esse veriorem, scilicet dari quartam figuram à prima distinctam: quandoquidem, de ratione primæ est diutaxat, vt subiiciatur medium in maiori, & prædicetur in minori: de ratione autem quartæ, vt medium prædicetur in maiori, & subiiciatur in minori; quæ dicunt diuersam habitudinem; ac proinde constituunt diuersitatem figurarum; sequitur per optimè, quartam à prima figura distingui essentialiter.

Ex his, licet prima Conclusio responsua ad propositam difficultatem. **Quarta** Figura est à prima distincta essentialiter. Probat: quia diuersa habitudo medij ad extremitates, causat diuersitatem Figurarum; per hanc enim distinguuntur inter se tres figuræ supradictæ; atqui in quarta Figura est diuersa habitudo medij ad extremitates, ac sit in prima; ergò distinguuntur inter se. Minor simpliciter probatur. Quia in prima, medium dicitur habitudinem subiecti ad prædicatum in maiori, & prædicatum ad subiectum in mino-

ri; in quarta verò, ordine è conuerso medium dicitur habitudinem prædicati in maiori, & subiecti in minori; sed in tali subiectione, & prædicatione medij de extremitatibus, consistit diuersa habitudo, vt patet in alijs figuris; ergò.

Secunda Conclusio. Quarta Figura, est de mente Aristoteles. Probat: quia modi arguendi in quarta Figura, traduntur ab Aristotele, in illa Regula prædicationali. Quando alterum de altero prædicatur &c. vt notatum est in suppositione prima, & videbitur discurrendo per omnes modos quartæ figuræ; ergò ipsam dari, est de mente Aristotelis.

Constituta igitur quarta Figura ab alijs tribus distincta, sequuntur quatuor modi arguendi in eadem, scilicet Bamana, Camene, Dimari, & Fimeno; qui regulantur, tum ad confectionem syllogismorum, tum quoad eorum reductionem ad quatuor modos primæ figuræ, sicut cæteri modi trium figurarum.

Bamana prius modus; constat ex maiore vniuersali affirmatiua, minore vniuersali affirmatiua, vniuersalem confirmatiuam indirectè concludentibus; vt
BA. Omnis homo est animal;
MA. Omne animal est substantia; ergo
NA. Omnis homo est substantia.

Qui reducit ad Barbara per transpositionem præmissarum. Vt omne animal est substantia; omnis homo est animal: ergo omnis homo est substantia.

Camene secundus modus, constat ex maiore vniuersali affirmatiua, minore vniuersali negatiua, vniuersalem negatiuam indirectè concludentibus; vt

CA. Omne risibile est homo; sed
ME. Nullus Homo est Asinus; ergo
NE. Nullum risibile est Asinus.

Qui reducit ad Celarent, per transpositionem præmissarum, sic. Nullus Homo est Asinus; omne risibile est Homo; ergo nullum risibile est Asinus.

Dimari tertius modus, constat ex maiore particulari affirmatiua, minore vniuersali affirmatiua, particularem affirmatiuam indirectè concludentibus; vt
DL. Quædam Cædrus est arbor;
MA. Omnis arbor est planta; ergò
RI. Quædam Cædrus est planta.

Reducitur ad Darij, per transpositionem

nem præmissarum. Vt omnis arbor est planta; quædam Cædrus est arbor; ergo quædam Cædrus est planta.

Fimeno quartus modus, constat ex maiore particulari affirmatiua, minore vniuersali negatiua, particularem negatiuam in directè concludentibus.

FI. Quidam homo est animal;

ME. Nullum animal est lapis; ergo

NO. Quidam homo non est lapis.

Reducitur ad Ferio, per transpositionem præmissarum. Vt nullum animal est lapis; quidam homo est animal; ergo quidam homo non est lapis.

Obijcitur tamen contra primam conclusionem. Quatuor modi primæ figuræ, & modi. Quartæ, non distinguuntur, nisi per solam transpositionem præmissarum; sed hoc non sufficit ad diuersitatem figurarum constituendam; ergo prima, & quarta non differunt minor pater; quia aliter duo modi eiusdem figuræ essent diuersarum figurarum; cum vnus reducat ad alium, per solam transpositionem præmissarum; vt patet de Camestres, qui reducitur ad Cæsare; & ambo ad Celarent, per transpositionem præmissarum.

Respondetur negando minorem; siquidem non tantum per transpositionem præmissarum distinguuntur, sed etiam per diuersam habitudinem medij ad extremitates, vt prædictum est in probatione conclusionis; & hæc sufficit ad causandam diuersitatem figurarum; aliter, tres figuræ non forent distinctæ inter se, quod à nemine negatur. Ad probationem minoris dicendum; illos modos pertinere ad secundam figuram; quia dicunt diuersam habitudinem medij ad extremitatem maiorem, & minorem, à prima, & tertia, vt est notum; & propterea, non constituunt distinctam figuram per solam transpositionem, aut conuersionem præmissarum, sicut nec modi quartæ figuræ, sed quia dicunt habitudinem prædicati ad extremitates in utraque præmissa. Et hæc de præsentis difficultate, ac prima sectione, dicta sufficiant.

De Syllogismo Dialectico, seu de Locis Topicis.

SECTION II.

EXpeditis his, quæ necessariò pertinent ad modum arguendi, secundum quamlibet speciem argumentationis, in præsentia tractandum est de syllogismo Dialectico, ac de locis, seu regulis confirmantibus prædictas argumentationis species: quæ in tres classes, seu ordines diuiduntur, scilicet in loca intrinseca, extrinseca, & media. Caterum quia peculiari modo videntur confirmare syllogismum Dialecticum, necessario supponunt eiusdem cognitionem, de quo mox dicemus.

De Syllogismo Dialectico, seu Topico.

CAPVT I.

SYllogismus in communi, seu simpliciter, de quo egimus in præcedenti Sectione, diuiditur in Demonstratiuum, Dialecticum, & Sophisticum, tamquam Genus in suas species. De quorum primo, erit sermo in Logica Maiori, in libris Posteriorum; & aliquoties in sequenti Sectione: in præsentem verò, tantum de Dialectico videndum est.

Syllogismus igitur Dialecticus (qui, & Topicus appellatur, à verbo græco *Topos*, quod locum significat; eo quia in loco fundatur, ac residet) est ille, qui constat ex propositionibus probabilibus. Vt omnis Mater diligit filium suum; Helena est Mater; ergo diligit filium suum.

Propositio autem probabilis est, quæ omnibus, vel pluribus, vel maxime sapientibus videtur vera; licet non sit necessariò vera. Quod enim Mater diligit filium suum, est tantum probabile; cum apud omnes, vel saltem plures, hoc videatur verum; tantum non est necessariò; quia sunt inuentæ multæ Matres, nedum non diligentes, immò Occidentes proprios filios; vt legenti præscarum memorias patebit. Ex quo sequitur, triplicia esse probabilia, scilicet quædam videntur vera apud omnes, vt potè, quod ignis sit calidus; quædam videntur vera apud multos, sed non omnes: vt quod omnis Mater diligit

diligat filium suum; pluribus videtur notū, sed non omnibus; quia non callentibus historias: quædam tandem videntur vera apud maximè sapientes; vt quod sol sit maior tota terra, & quod ex aqua generetur ignis; & tantum manifestum Astronomis, & Philosophis. Syllogismus Dialecticus potest confici ex omnibus hiscè propositionibus probabilibus. Ceterum, quia Syllogismus Dialecticus confirmatur per locum; idè videndum, quid, & quotuplex sit locus Topicus, seu communis.

De Loco, & eius Diuisione.

CAPVT II

Locus est sedes argumenti; vel id, à quo ad propositam quæstionem conueniens trahitur argumentum. Vt autem melius percipiatur huiusmodi loci diffinitio.

Notandum est; locum non accipi hic pro loco reali, qui est vltima superficies corporis continens; sed pro loco intentionali; qui non est aliud, quam regula, seu propositio confirmatiua argumenti Dialectici; vt nimirum hæc propositio. De quocunque dicitur diffinitio, de eodem dicitur, & diffinitum: dicitur locus confirmatiuus huius argumenti. Petrus est animal rationale, ergo Petrus est homo. Quia si animal rationale, quod est diffinitio hominis, conuenit Petro; & homo, qui est diffinitum sibi conuenit. Dicitur tamen locus: quia habet quandam similitudinem cum loco reali; quia sicut locus realis continet, & conseruat locatum, nè corruptioni subdatur; ita hic, locus conseruat argumentum in suo robore, vt infringi non possit à Respondente.

Hoc prænotato, diffinitio loci est sic intelligenda. Locus est sedes, idest regula, seu propositio confirmatiua argumenti Dialectici. Vel est id, vnde sumitur ipsum argumentum Dialecticum.

Locus autem hoc modo acceptus, est secundus scilicet locus maxima, & locus differentia maximæ. Locus maxima, est idem quod ipsa maxima. Vnde maxima, est propositio per se nota, qua non est altera prior, neque notior, per quam ipsa possit probari. Vt omne totum est maius

sua parte. Vel quicquid conuenit diffinitioni, & diffinito. Locus verò differentia maximæ, est habitudo terminorum, ex quibus componitur maximæ; & secundum quam vna maxima differt ab alia. Vt de quocunque dicitur diffinitio, & diffinitum. Vel, de quocunque dicitur species, de eodem dicitur genus; habitudo enim terminorum primæ maximæ, scilicet diffinitionis, & diffiniti; & secundæ, scilicet speciei, & generis, dicuntur loca differentia maximæ; quia per tales habitudines, seu per huiusmodi terminos illæ duæ propositiones ab inuicem secernuntur.

Ex quibus sequitur differentia inter maximam, locum maximam, & locum maximæ differentiam. Nam maxima, est propositio, qua non est altera prior, aut notior, per quam possit propositio illa probari. Vt omne totum est maius sua parte. Locus maxima superaddit ipsi maximæ, vt insuper sit confirmatiuus argumenti dialectici. Locus verò differentia maximæ, est discrimen, seu differentia terminorum, ex quibus maximæ ponuntur: seu habitudo, quam dicunt termini vnus maximæ adinuicem, & disconuenientia terminorum cum terminis alterius maximæ. Vnde, quærere maximam, seu locum maximam, est quærere propositionem confirmatiuam argumenti dialectici: quærere verò locum differentiam maximæ est quærere habitudinem terminorum vnus maximæ ad inuicem, vel discrimen vnus maximæ ab alia.

Locus autem differentia maximæ; est triplex, scilicet intrinsecus, extrinsecus, & medius inter intrinsecum, & extrinsecum; de quibus in sequentibus.

De Loco intrinseco, eiusque Diuisione.

CAPVT III

Locus intrinsecus est, quando terminus inferens, & terminus illatus de se inuicem prædicantur convertibiliter; vt hoc argumentum. Animal rationale currit; ergo homo currit: dicitur desumptum à loco intrinseco; quia terminus inferens, positus in antecedente, scilicet animal rationale, couertitur cum termino illato, posito in còsequente, scilicet cum homine

hæ propositiones sunt vetæ. Animal rationale est homo; & homo est animal rationale. Hic autem locus est duplex, scilicet locus à substantia, & locus à concomitantibus substantiam.

Locus à substantia est, quando sumitur argumentum ab his, quæ sunt de substantia terminorum in questione positorum; idest quando terminus antecedentis, & terminus consequentis conuertuntur ad inuicem. Vt homo currit; ergo risibile currit. Homo enim, & risibile, conuertuntur ad inuicem, secundum prædicationem; quia valet: omnis homo est risibilis; & omne risibile est homo. Hic locus subdividitur, in locum à definitione, à definito, à descriptione, & descripto, & ab interpretatione, & interpretato.

De Loco à Definitione ad Definitum.

CAPVT IV.

Diffinitio, ex dictis in primo Antepredicamento, est oratio indicans esse rei per essentialia: vt animal rationale, est diffinitio hominis; quia quid sit homo, essentialiter demonstrat per genus, & differentiam.

Locus autem à definitione ad definitum, est habitudo diffinitionis ad definitum; & continet quatuor argumenta, & quatuor maximas affirmatiuæ, & negatiuæ.

Primo, Ponendo diffinitionem à parte subiecti affirmatiuæ. Vt animal rationale currit; ergo homo currit. Maxima. Quicquid prædicatur de diffinitione affirmatiuæ, prædicatur etiam de diffinito; sed cursus prædicatur de animali rationali, quod est diffinitio hominis; igitur, & de homine, qui est diffinitum, prædicabitur.

Secundo, Ponendo diffinitionem à parte prædicati affirmatiuæ. Vt Franciscus est animal rationale; ergo Franciscus est homo. Maxima. De quocunque prædicatur diffinitio, & diffinitum; sed animal rationale prædicatur da Francisco: ergo, & homo dicitur de illo.

Tertio, Ponendo diffinitionem à parte subiecti negatiuæ. Vt animal rationale non est alius; ergo Homo non est alius. Maxima quicquid remouetur à diffinitione, & à diffinito; sed ab animali rationali remouetur esse alius; igitur, & ab homine remouebitur.

Quarto, Ponendo diffinitionem à parte prædicati negatiuæ. Vt lapis non est animal rationale; ergo lapis non est homo. Maxima. A quocunque remouetur diffinitio, & diffinitum; sed animal rationale remouetur à lapide; igitur, & homo ab ipso remouebitur.

De Loco à Diffinito ad Diffinitionem.

CAPVT V.

Locus à diffinito, ad diffinitionem, est habitudo diffiniti ad suam diffinitionem. Et continet quatuor argumenta, & quatuor maximas, sicut locus à diffinitione; cum hac tamen differentia, vt loco diffinitionis ponatur diffinitum in antecedente, & diffinitio in consequente.

Primo, ponendo diffinitum à parte subiecti affirmatiuæ. Vt homo currit; ergo animal rationale currit. Maxima. Quicquid prædicatur de diffinito, & de diffinitione, sed cursus prædicatur affirmatiuæ de homine, qui est diffinitum; igitur, & de animali rationali, quod est diffinitio.

Secundo, Ponendo diffinitum à parte prædicati affirmatiuæ. Vt Petrus est homo; ergo Petrus est animal rationale. Maxima. De quocunque prædicatur diffinitum, & diffinitio, sed homo, qui est diffinitum, prædicatur de Petro; ergo, & animal rationale, quod est diffinitio.

Tertio, Ponendo diffinitum à parte subiecti negatiuæ. Vt homo non est lapis; ergo animal rationale non est lapis. Maxima. Quicquid remouetur à diffinito, & à diffinitione; sed lapis remouetur ab homine; igitur etiam ab animali rationali.

Quarto, Ponendo diffinitum à parte prædicati negatiuæ. Vt lapis non est homo; ergo lapis non est animal rationale. Maxima. A quocunque remouetur diffinitum, & diffinitio; sed homo remouetur à lapide; igitur, & animal rationale remouebitur ab eodem lapide.

De Locis à Descriptione, & Descripto, ab Interpretatione, & Interpretato.

CAPVT VI.

Descriptionem, esse orationem indicantem esse rei per accidentalia, diximus in primo Antepredicamento. Vel, descriptio est oratio constans

constans ex genere, & proprio: vt animal risibile, est descriptio hominis; quia animal est genus, & risibile eius proprium.

Locus à descriptione, est habitudo descriptionis ad descriptum; sicut est conuersio. Locus à descripto, est habitudo descripti ad descriptionem. Et continent tot argumenta, & totidem maximas, sicut loca à diffinitione ad diffinitum, & à diffinito ad diffinitionem: cum hac solum differentia, vt loco diffinitionis, ponatur descriptio; & loco diffiniti, subiiciatur descriptum.

Interpretatio autem, est duplex: quædam, quæ non conuertitur cum suo interpretato: vt lædens pedem; est interpretatio huius nominis, lapis; quæ tamen non conuertitur cum lapide; cum pedes, non tantum à lapide, sed à ferro, ligno, calceis, & similibus offendantur. Quædam verò conuertitur cum suo interpretato; & hæc propriè, interpretatio nominis appellatur: vt amator sapientiæ; est interpretatio huius nominis Philosophus; ita ut valeat dicere. Amator sapientiæ est bonus; ergò Philosophus est bonus; & è conuersò.

Locus ab interpretatione ad interpretatum, est habitudo interpretationis ad interpretatum; & è conuerso. Locus ab interpretato; est habitudo interpretati ad interpretationem: vt habitudo huius interpretationis. Amator sapientiæ ad Philosophum; & è conuersò, habitudo, quam dicit Philosophus ad amatorem sapientiæ. Et continet quatuor argumenta, & quatuor maximas, affirmatiuè, & negatiuè, vt dictum est de locis à diffinitione, & descriptione, & à diffinito, & descripto; mutatis his nominibus, in nomina interpretationis, & interpretati.

*De Loco à concomitantibus Substantiam,
& eius Diuisione.*

CAPVT VII.

Locus à concomitantibus substantiam est, quando sumitur argumentum ab his, quæ non consequuntur terminos in questione positos; quando terminus inferens, & terminus illatus non conuertuntur ad inuicem, neque verificantur de inuicem, secundum aliquem modum essentiali. Vt domus est; ergò paties est. Nam

posita domo, sequitur positio parietis; nõ tamen è conuerso; cum domus non tantum ex pariete, sed etiam ex tecto, & fundamento constet. Et diuiditur per locum à Toto, à Parte, à Causa, ab Effectu, à Generatione, à Corruptione, ab vñibus, & à Communiter accidentibus.

Locus autem à Toto diuiditur, sicut ipsum Totum, per locum à Toto vniuersali, à Toto integrali, à Toto in quantitate, à Toto in modo, à Toto in loco, & à Toto in tempore; de quibus per ordinem dicturi sumus.

*De Toto Vniuersali, eius parte Subiectiuæ,
& eorum Locis.*

CAPVT VIII.

Totum vniuersale, est quodlibet superius essentiale sumptum respectu inferioris; vt puta genus respectu speciei; & species respectu indiuidui: vt animal respectu hominis; & homo respectu Petri, dicuntur tota vniuersalia. Pars autem subiectiuæ huius totius, est quodlibet inferius respectu sui superioris: vt Petrus respectu hominis; & homo respectu animalis, dicuntur partes subiectiuæ. Et idem dicendum est de cæteris, ascendendo vsquè ad substantiam.

Locus verò à Toto vniuersali ad suam partem, est habitudo totius ad suam partem, vt generis ad speciem, vel speciei ad indiuiduum. Et continet vnicum argumentum, & vnam maximam, ponendo totum à parte prædicati in propositione negatiua semper. Vt lapis non est animal; ergò lapis non est homo. Vel, planta non est homo; ergò non est Petrus, vel Paulus. Maxima. A quocunque remouetur totum, vniuersale, ab eodem remouetur etiam eius pars subiectiuæ; vt species, vel indiuiduum; sed à lapide remouetur esse animalis, & à planta esse hominis, quæ sunt tota vniuersalia; ergò etiam ab illo remouebitur esse hominis, & à planta esse Petri, qui sunt partes subiectiuæ.

Locus à parte subiectiuæ, est habitudo eiusdem ad suum totum: vt habitudo indiuidui ad speciem, & speciei ad genus, ascendendo in arbore prædicamentali vsquè genus generalissimum.

Et continet duo argumenta affirmatiua, & duas maximas.

Primo ponendo partem subiectiuam à parte subiecti affirmatiuè. Vt Petrus currit; ergò homo currit. Vel homo est viuens; ergò animal est viuens. Maxima. Quicquid prædicatur de parte subiectiua, prædicatur etiam de toto vniuersali.

Secundo Ponendo partem subiectiuam à parte prædicati affirmatiuè. Vt quoddam animal est Petrus; ergò quoddam animal est homo. Vel Franciscus est homo; ergò est animal. Maxima. De quocunque prædicatur pars subiectiua, de eodem prædicatur totum vniuersale. Et ratio est, quia pars subiectiua continet essentialiter totum vniuersale, igitur, quicquid conuenit parti, & toti debet conuenire.

De Toto integrali, & eius parte, ac eorum locis.

C A P V T IX.

Totum integrale, est quod componitur ex partibus habentibus quantitatem; & partes eius, dicuntur partes integrales. Vt domus, dicitur totum integrale; quia componitur ex pariete, tecto, & fundamento, quæ sunt eius partes extensæ, & quantitatiuæ.

Pars autem integralis est illa, quæ cum alijs partibus componit totum. Vt paries, dicitur pars integralis domus; quia cum tecto, & fundamento componit domum.

Locus à toto integrali, est habitudo totius integralis ad suam partem; & tenet semper affirmatiuè: & continet tantum vnicum argumentum, & vnam maximam; ponendo totum à parte subiecti. Vt domus est; ergò paries est, videlicet tectum, vel fundamentum est. Maxima: Positio toto integrali, ponitur etiam qualibet eius pars.

Locus autem à parte integrali, est habitudo partis integralis ad suum totum integrale; & continet tantum vnicum argumentum, & vnam maximam negatiuè, subiiciendo partem. Vt Paries non est; ergò domus non est. Maxima destructa, vel remota parte integrali, destruitur, & remouetur etiam totum. Quia totum, requirit omnes partes in esse, simul vnitas.

De Toto in quantitate eius parte, ac eorum locis.

C A P V T X.

Totum in quantitate, est terminus communis vniuersaliter sumptus, scilicet cum signo vniuersali: vt omnis Homo, nullus homo, quilibet Leo &c. Pars autem in quantitate, est terminus communis, sumptus sine signo; vel quodlibet inferius ad illum terminum, vt homo, vel Franciscus, aut Leo, & hic Leo.

Locus à toto in quantitate, est habitudo totius in quantitate ad suam partem. Et continet duo argumenta, & duas maximas, còcludendo affirmatiuè, & negatiuè.

Primo, Ponendo totum in quantitate à parte subiecti affirmatiuè. Vt omnis homo currit; ergò Petrus currit. Maxima. Quicquid prædicatur de toto in quantitate, etiam prædicatur de qualibet eius parte. Vel si vniuersalis est vera, & quælibet particularis erit vera.

Secundo, Negatiuè, ponendo totum à parte subiecti. Vt nullus homo currit; ergò Franciscus non currit. Maxima. Quicquid remouetur à toto in quantitate, remouetur etiam à qualibet eius parte. Vel sic. Si vniuersalis est falsa, & quælibet particularis erit falsa.

Locus à partibus in quantitate, est habitudo omnium partium simul sumptarum ad suum totum. Et tenet affirmatiuè, & negatiuè.

Primo, Affirmatiuè, subiiciendo omnes partes, simul sumptas. Vt Petrus currit, Paulus currit, & sic de alijs; ergò omnis homo currit. Maxima. Quicquid prædicatur de omnibus partibus simul sumptis, prædicatur etiam de toto in quantitate.

Secundo, Negatiuè. Petrus non est lapis, Paulus non est lapis &c.; ergò nullus homo est lapis. Maxima. Quicquid remouetur à partibus in quantitate, simul sumptis, etiam remouetur ab eorum toto in quantitate.

*De Toto in Afodo, in Loco, & in Tempore,
ac eorum Locis, & Partibus.*

CAPVT XI.

TOtum in modo, est vniuerſale ſum-
prum ſine aliqua determinatione,
vt homo animal ſubſtantia, &c.

Pars autem in modo, eſt vniuerſale ſum-
ptum cum determinatione non diminuen-
te. Vt homo albus.

Vndè quintuplex eſt determinatio, ſci-
licet diſtrahens, reſtringens, ampliāns, alie-
nans, & diminuens.

Determinatio diſtrahens eſt illa, quæ di-
ſtrahit à ſignificato principali, & facit ter-
minum ſtare pro ſignificato minus princi-
pali; vt homo pictus; Nam illa determi-
natio pictus, diſtrahit hominem à princi-
pali ſignificato, quod eſt eſſe animal ratio-
nale viuens; & facit ipſum ſtare pro figura.

Determinatio reſtringens eſt, quæ re-
ſtringit ſignificatum ab illa vniuerſalitate,
determinando ipſum ad pauciora, quàm ſi
ſibi non adderetur: vt homo albus. Nam
ly albus, determinat hominem ad ſtan-
dum tantum pro hominibus albis; qui
prius, & albos, & nigros, & rubeos ſigni-
ficabat.

Determinatio alienans eſt illa, quæ facit
quod terminus pro nullo ſuorum ſignifica-
torum ſupponat; vt homo irrationalis.
Nam, ly irrationale, alienat totaliter ſi-
gnificatum hominis, diuertendo eſſe ra-
tionale ad irrationale.

Determinatio ampliāns eſt illa, quæ fa-
cit ſtare terminum vltra copulam de pre-
ſenti; vt Petrus eſt dignus honore.
Vndè, ly honore, ampliā dignitatem Pet-
ri ad quodcunque tempus ſcilicet præſens,
pateritum, & futurum.

Determinatio tandem diminuens eſt,
quæ facit terminum ſtare ſecundum par-
tem tantum; vt Ethiops eſt albus, ſecun-
dum dentes. Vbi, ly ſecundum den-
tes, diminuit ſignatum albi, & reſtringit
ipſum tantum ad dentes. Pars in modo
igitur, eſt terminus vniuerſalis, ſumptus
cum determinatione, reſtringente ipſum,
ad pauciora ſignificata, quàm ſi ſibi nō ad-
deretur. Vt homo albus; homo doctus,
& ſimiles.

Locus à toto in modo, eſt habitudo to-
tius in modo ad ſuam partem; ſicut eſt con-
uerſio; locus à parte in modo, eſt habitudo
partis in modo ad ſuum totum. Vt homo
non currit; ergo homo albus non currit.
Vel homo albus currit; ergo homo currit.
Et continet tot argumenta, & Maximas,
ſicut locus à toto vniuerſali ad ſuam par-
tem, & locus à parte ſubiectiua ad ſuum
totum vniuerſale.

Totum in loco, eſt dictio comprehen-
dens omnem locum aduerbialiter; Vt vbi-
que, nuſquam Pars verò in loco, eſt dictio
comprehendens aliquem locum aduerbia-
liter. Vt hic, ibi, in aliquo loco.

Locus à toto in loco ad ſuam partem, eſt
habitudo eius ad ſuam partem. Et continet
duo argumenta, & duas maximas.

Primo, Affirmatiuè, prædicando totum.
Vt Deus eſt vbiq; ergo eſt in hac aula.
Maxima: Cuiusq; competit totum in lo-
co, eidem competit etiam pars in loco.

Secundo, Negatiuè, prædicando totum.
Vt Chymera eſt nuſquam; ergo non eſt
Vicentiæ; Maxima. A quocunque remo-
uetur; totum in loco, ab eodem remouetur,
etiam quelibet eius pars.

Locus autem à parte in loco, eſt habitu-
do partis ad ſuum totum in loco. Et ab eo
ſumit, vnicum argumentum negatiuè præ-
dicando partem. Vt Petrus non eſt Vi-
centiæ; ergo non eſt vbiq;. Maxima:
Cui non competit pars in loco, nec eius
totum: quia de ratione totius eſt, quod
habeat omnes ſuas partes.

Totum in tempore, eſt dictio compre-
hendens omne tempus aduerbialiter.
Vt ſemper nunquam. Pars autem in
tempore, eſt dictio comprehendens ali-
quod tempus aduerbialiter. Vt hodie, cras,
heri, nudius tertius, & ſimiles.

Locus autem à toto in tempore, eſt habi-
tudo totius ad ſuam partem, & locus à
parte, eſt habitudo partis, ad ſuum totum.
Et habet tot argumenta, & maximas, af-
firmatiuè, & negatiuè, ſicut locus à toto, &
parte in loco; cum hac ſolum diffe-
rentia, vt vbi ponebantur aduer-
bia loci, hic ponantur
aduerbia tempo-
ris.
(?)

De Locis à Causa, & Effectu.

CAPVT XII.

CAUSA est, ad cuius esse sequitur aliud secundum naturam; scilicet aliud realiter distinctum ab ea; quod effectus appellatur. Vt Faber lignarius dicitur causa scamni; quia ad eius esse, ponitur scamnum in esse: & hoc dicitur effectus; quia sequitur ad esse Fabri lignarii. Et causa, hoc modo diffinita, est quadruplex, scilicet efficiens, finalis materialis, & formalis.

Causa efficiens. Sicut etiam tetigimus in Præludio secundo (Proximi harum summularum) est illa, à qua, seu per quam fit aliquid. Vt Domificator dicitur causa effectus domus; quia ab ipso, seu per ipsum, fit domus.

Locus à causa efficiēte, est habitudo causæ efficientis ad suum effectum. Et continet duo argumenta, & duas Maximas; quæ tenent ratione horum verborum, præsentis, vel futuri temporis, est vel erit.

Primo, Affirmatiuè, subiiciendo causam efficientem. Vt Domificator est bonus; ergo domus est, vel erit bona. Maxima. Si causa efficiens est bona, & eius effectus est, vel erit bonus.

Secundo, Negatiuè, subiiciendo pariter causam efficientem. Vt Domificator non est bonus; ergo domus non est, vel non erit bona. Maxima. Si causa, efficiens non est bona, ergo nec eius effectus est, aut erit bonus.

Locus autem ab effectu causæ efficientis est habitudo eius ad suam causam. Et continet duo argumenta, & duas Maximas, sicut locus à causa efficiente; ponendo loco causæ, effectum. Et argumenta, ac maximæ tenent, vigore horum verborum præsentis vel præteriti temporis, est, vel fuit. Vt domus est bona; ergo Domificator est, vel fuit bonus.

Causa Finalis est, quæ mouet efficiens ad operandum. Vt felicitas, & beatitudo, est causa finalis hominis; quia idè homo benè, & virtuosè operatur, vt sit felix, & beatus.

Locus à causa finali, est habitudo causæ finalis ad suum effectum; vt beatitudinis ad virtutem. Et continet duo argumenta, & duas Maximas, sicut locus ab efficiente.

Primo sufficiendo causam finalem affirmatiuè. Vt Beatitudo est bona; ergo virtus est bona. Maxima. Cuius finis bonus est, ipsum quoque ordinatum ad finem, bonum est; sed virtus ordinatur ad beatitudinem; ergo si hæc est bona, & virtus erit bona.

Secundo, Negatiuè. Vt damnatio æterna est mala; ergo peccatum mortale non est bonum. Maxima. Cuius finis malus est, ipsum quoque malum est; sed peccatum est ordinatum ad damnationem; ergo si hæc est mala, & ipsum est malum.

Locus ab effectu causæ finalis, est habitudo eius ad suum finem. Et continet totidem argumenta, & maximas, affirmatiuè, & negatiuè, sicut locus à causa finali; posito tamen effectu loco causæ finalis. Vt virtus est bona; ergo felicitas est bona.

Causa materialis est illa, ex qua cum alio, idest cum forma, aliquid fit, scilicet compositum. Vt ferrum, dicitur causa materialis ensis; quia cum eius forma, ex illo fit compositum ensis.

Locus à causa materiali, est habitudo causæ materialis ad suum effectum. Et continet duo argumenta, & duas maximas, quæ tenent ratione huius verbi, potest vel possibile est.

Primo, subiiciendo materiam affirmatiuè. Vt Ferrum est; ergo arma ferrea possunt esse. Maxima. Posita causa materiali, possibile est, eius effectus poni. Secundo, Negatiuè, subiiciendo causam materiale. Vt Ferrum non est; ergo arma ferrea non possunt esse. Maxima. Remota causa materiali, remouetur eius effectus.

Locus verò ab effectu causæ materialis, est habitudo eius ad suam causam. Et tenet affirmatiuè subiiciendo effectum. Vt arma ferrea sunt; ergo ferrum est. Maxima. Posito effectum causæ materialis, ponitur eius causa.

Causa formalis est, quæ dat esse rei, & conseruat eam in esse.

Locus

Locus à causa formali, est habitudo causæ formalis ad suum effectum. Et tenet affirmatiuè, & negatiuè.

Primo, Affirmatiuè, subiiciendo causam. Vt albedo est; ergò album est. Maxima. Posita causa formali, ponitur eius effectus.

Secundo, Negatiuè. Vt albedo non est; ergò album non est. Maxima. Remota causa formali, remouetur eius effectus.

Locus ab effectu causæ formalis, est habitudo eius ad causam. Et continet duo argumenta, & duas maximas, sicut locus à causa formali; ponendo tamen effectum loco causæ. Vt album est; ergò albedo est. Vel iustum non est; ergò iustitia non est.

De Locis à Generatione, & Corruptione.

CAPVT XIII.

Quod sit Generatio, & Corruptio, ac earum Effectus, dictum est in Post-prædicamentis. Quò circa, illum locum consulite, vt vobis sit occasio memorandi præterita, & mihi prolixitatem superfluam vitandi.

Locus à Generatione, est habitudo generationis ad genitum. Et continet duo argumenta, & duas maximas affirmatiuè, & negatiuè, quæ tenent ratione horum verborum, præteritis, vel futuri temporis, est, vel erit.

Primo, subiiciendo generationem affirmatiuè. Vt generatio domus est bona; ergò domus est, vel erit bona. Maxima. Cuius generatio est bona, & genitum est, vel erit bonum.

Secundo, subiiciendo generationem negatiuè. Vt generatio lapidis non est bona; ergò lapis non est, vel non erit bonus. Maxima. Cuius generatio non est bona, & genitum non est, vel non erit bonum.

Locus autem à Corruptione, est habitudo corruptionis ad corruptum. Et continet duo argumenta, & duas maximas, sicut locus à generatione; mutato nomine generationis, in corruptionem.

Primo, Affirmatiuè. Vt corruptio Petri fuit mala; ergò Petrus fuit bonus. Ma-

xima. Cuius corruptio est mala, & eius corruptum fuit bonum.

Secundo, Negatiuè. Vt corruptio Antonij non est bona; ergò Antonius non fuit malus. Maxima. Cuius corruptio non est bona, ipsum corruptum fuit bonum. E conuersò dicendum est de locis à Genito, & Corrupto, in quibus tenent duo argumenta. Et duæ Maximæ affirmatiuè, & negatiuè; mutatis nominibus Generationis, & Corruptionis, in Genitum, & Corruptum.

De Vñbus, & Communiter Accidentibus, ac eorum Locis.

CAPVT XIII.

Vsus, prout hic sumitur, est operatio, seu exercitium, ad quod aliquid ordinatur; vt equitare, & secare, dicuntur vsus equi, & securis. Nam, ad equitare, ordinatur equus, & ad secare, securis; quibus vitur homo in talibus operationibus. Ex quo sequitur, quod sicut illa operatio dicitur vsus, ita illud, quod ordinatur ad huiusmodi operationem, vocabitur Vñtatum.

Locus autem ab Vñbus, est habitudo Vñs ad Vñtatum. Et tenet affirmatiuè, & negatiuè.

Primo, Affirmatiuè sic. Equitare est bonum; ergò equus est bonus. Maxima. Cuius Vñs est bonus, ipsum quoque Vñtatum bonum est.

Secundo, Negatiuè. Vt peccare est malum, vel non est bonum; ergò Peccatum non est bonum. Maxima. Cuius Vñs non est bonus, ipsum quoque Vñtatum non est bonum.

Locus verò ab Vñtato ad Vñsum, est habitudo rei vñtatae ad vñsum. Et tenet affirmatiuè, & negatiuè, sicut locus ab Vñbus; mutato Vñu in Vñtatum.

Primo, affirmatiuè. Vt Vinum est bonum; ergò bibere est bonum. Maxima. Cuius vñtatum est bonum, & Vñs erit bonus.

Secundo, Negatiuè. Vt peccatum est malum; ergò peccare est malum. Maxima est eadem, sicut in antecedenti.

Communiter Accidentia, sunt in duplici differentia. Quædam sunt, quæ non semper, sed solum aliquando se consequuntur, vt cõptus, & adulter; magnus, & tortis.

Si quidem potest fieri, vt aliquis sit ornatus, & pudicus, magnus quantitate molis, & infirmus viribus, Quædam verò, quæ semper, vel saltem vt plurimum se consequuntur. Vt pænitere, sequitur ad peccare, & fructificare ad florere. Nam sequitur, istum pænitere, ergo peccauit, & cædrus fructificat; ergo prius floruit, Et de his loquimur.

Vodè aduertendum est, quod cum inter huiusmodi communiter accidentia sint duo, quæ se consequuntur: alterum prius, & alterum posterius; vt pænitere, est posterius ad peccare, & fructificare, ad florere, adhuc vt valeat consequentia à communiter accidentibus in affirmatiuis, semper posterius debet poni pro termino intere, in antecedenti, & prius, pro illato in consequenti: in negatiuis verò, è conuerso, prius in antecedenti, & posterius in consequenti. Exemplum in affirmatiuis: Petrus pænitet: ergo peccauit. Exemplum in negatiuis. Cædrus non floruit; ergo, non fructificabit.

Locus a Communiter accidentibus, est habitudo vnus ad aliud scilicet posterioris ad prius, vel prioris ad posterius. Et continet duo argumenta, & duas maximas, affirmatiuæ, & negatiuæ.

Primo, Affirmatiuæ. Vt Cædrus fructificat; ergo floruit. Maxima. Si communiter accidentium posterius inest, & prius insuit; sed fructificare, est posterius ad florere; ergo posito fructu in Cædro sequitur in illa prius insuisse flores.

Secundo, Negatiuæ, ponendo prius communiter accidentium ad inferendum posterius: Vt Ioannes non peccauit, ergo nec pænitet. Vel Cædrus non floruit; ergo nec fructificat. Maxima. Si communiter accidentium prius non inest, nec posterius inerit.

De Loco Extrinseco, & eius diuisione.

-CAPVT XV.

Locus extrinsecus est, quando sumitur argumentum ab his, quæ omnino separata sūt ab essentia terminorum in questione positorum; quando terminus inferens, & terminus illatus, non tantum non conuertuntur ad inuicem, sed etiam nullo

modo conueniunt. Vt Petrus est albus; ergo non est niger. Nam albedo, & nigrigo disconueniunt ab inuicem. Et diuiditur per octo loca, scilicet per locum ab oppositis, à repugnantibus, scilicet disparatis, à maiori, à minori, à simili, à transumptione, à transmutata proportionem, & ab autoritate; De quibus omnibus, agendum est in sequentibus capitibus.

De Locis ab Oppositis.

CAPVT XVI.

Loca ab oppositis multiplicantur secundum multiplicationem oppositorum; Cum igitur quattuor sint opposita, scilicet Relatiua, Priuatiua, Contraria, & Contradictoria, (Quorum distinctiones vidimus in primo, Post prædicamento) Quatuor similiter erunt loca ab oppositis, scilicet relatiuis, priuatiuis, contrariis, & contradictoriis.

Locus ab oppositis relatiuis, est habitudo vnus relatiui ad aliud: vt patet Patris, ad filium dupli ad dimidium. Et continet duo argumenta, & duas maximas; quorum primum est affirmatiuum, secundum negatiuum.

Affirmatiuum sic. Si Pater est: ergo filius est: & è conuerso. Maxima. Posito vno relatiuorum, necessariò ponitur, & reliquum.

Negatiuum sic. Duplum non est; ergo nec dimidium est. Vel Filius non est, ergo nec Pater est. Maxima. Remoto vno relatiuorum, necessariò remouetur, & reliquum: siquidem, posita se ponunt, & percepta se periciunt.

Locus à priuatiuè oppositis, est habitudo priuationis ad habitum: vel è conuerso, & terret serè semper affirmatiuè. Vt Petrus est cæcus; ergo non est videns. Maxima. Posito vno priuatiuè oppositorum circa aliquod subiectum, ab eodem necessariò remouetur reliquum.

Negatiuè etiam aliquando tenet, additis his conditionibus: Pro qualibet differentia temporis, & cum consistentia subiecti: Id est, quod subiectum sit aptum naturæ recipere opposita priuatiuè: vt est omne animal respectu visionis, ac cæcitatibus, & cum tempore determinato à natura. Quod dicitur

Citur propter catulos, qui nequeant dici cæci ante nouem dies, à natura præfixos. His obseruatis, benèsequitur. Petrus est aptus natus videre, & pro qualibet differentia temporis non est videns; ergo est cæcus. Maxima est eadem cum prima præcedentis argumenti. At non seruatis hisce conditionibus, non valet argumentum negatiuum à priuatiuè oppositis. Nam defectu primæ non sequitur. Petrus ab hinc decem diebus non videbat; ergo simpliciter est cæcus: quia non seruatur quelibet differentia temporis. Defectu secundæ, non valet. Lapis non videt; ergo est cæcus. Quia lapis, cum non sit aptus natus videre, nec potest dici cæcutiri. Defectu tertie non sequitur. Catulus secunda die natus, non videt, ergo est cæcus; cum nondum transierit tempus determinatum à natura pro eius visione, vel cæcitate.

Locus à contrarijs, est habitudo vnius contrariorum ad reliquum. Et tenet affirmatiuè, & negatiuè.

Affirmatiuè sic. Franciscus est sanus; ergo non est æger. Vel Petrus est albus; ergo non est niger. Maxima. Posito vno contrariorum in aliquo subiecto, remouetur reliquum.

Negatiuè tenet tantum incontrarijs immediatis, cum constantia subiecti. Ut Petrus est, & non est æger; ergo est sanus. Maxima. Remoto vno contrariorum immediatorum ab aliquo subiecto, ponitur reliquum.

Dicitur notanter, in contrarijs immediatis. Quia in mediatis non valet argumentum negatiuum; unde non sequitur Petrus non est albus; ergo est niger. Quia potest esse rubeus, vel flauus, aut alio colore in medio affectus.

Locus tamdem à contradictorijs, est habitudo vnius contradictoriorum ad reliquum; scilicet federe, & non federe; stare, & non stare &c. & continet vnicum argumentum, & vnam maximam. Ut Franciscum dormire est verum; ergo eundem non dormire est falsum. Maxima. Si alterum contradictorium est verum, reliquum necessario est falsum; cum inter contradictoria non sit dare medium.

De Loco à Repugnantibus, seu Disparatis.

CAPVT XVII

Disparata, seu repugnantia sunt illa, quæ non prædicantur de se inuicem verè, & essentialiter, vt homo, & asinus. Et talia sunt duplicia, scilicet substantialia, & accidentalia. Substantialia sunt genera, & species prædicamèti substantiæ; vt Homo, Leo, Asinus &c. animal, & planta, corpus, & spiritus; & huiusmodi. Accidentalialia verò sunt diuersa genera, & species aliarum nouem prædicamentorū: vt quantitas, & qualitas; relatio, & actio; superficies, & corpus; albedo, & nigredo; & cætera huiusmodi. Vtraque possunt considerari dupliciter, scilicet in concreto, scilicet vt concernunt suppositum: vt Homo, Leo, & Equus &c. vel subiectum: vt album, nigrum &c. Alio modo in abstracto, vt nimirum abstrahunt vel à supposito; vt humanitas, equinitas &c., vel à subiecto; vt albedo, nigredo &c. Sumendo disparata in concreto in accidentalibus, non potest sumi locus dialecticus à disparatis; cum possint de se inuicem prædicari verè: vt album est quantum, lineatum; superficiatum est coloratum; licet benè in substantialibus: hæc enim est falsa. Homo est Asinus; Leo est Equus. At accipiendo disparata in abstracto, ab eis sumi potest locus dialecticus, tamen in substantialibus, quam in accidentalibus: hæc enim est falsa. Humanitas est equinitas: sicut ista. Albedo est nigredo.

Locus à disparatis, seu repugnantibus, est habitudo vnius disparatorum ad reliquum. Et continet vnicum argumentum desumptum ab affirmatione vnius ad negationem alterius; ponendo semper disparata à parte prædicati. Ut Petrus est homo; ergo non est asinus. Vel ista. Qualitas est albedo; ergo non est nigredo. Maxima. Cuiuscunque conuenit vnum disparatorum, ab eodem necessario remouetur reliquum.

De Loco à Maiori, & à Minori.

CAPVT XVIII.

MAius, & minus in proposito dupliciter sumi possunt; vno modo prout maius sit idem, quod fortius; & minus, quod debilius; Alio modo, vt illud dicatur maius, quod habet maiorem apparentiam, vt alicui conueniat, & minus, quod habet minorem apparentiam. Vt debellare Ciuitatem, habet minorem apparentiam, vt conueniat Francisco, quā debellare Castrum; Similiter, quod Rex expugnet Prouinciā, maiorem apparentiam veritatis habet, quā quod simplex Dux hoc agat. Et de maiori, & minori hoc modo acceptis, est sermo in proposito; vnde.

Locus à maiori, est habitudo maioris ad minus. Et continet tantum vnicum argumentum, & vnicam maximam negatiuē. Quod tantum potest fieri tripliciter.

Primo, Comparando duo subiecta ad idem prædicatum. Vt Rex non potest debellare Castrum; ergo nec Miles.

Secundo, Comparando vnum subiectū ad duo prædicata. Vt Miles non potest debellare domum vnam; ergo nec decem.

Tertio, Comparando duo subiecta ad duo prædicata. Vt Gigas nequit ferre centum libras arene; ergo nec Pigmæus ducentas ferri. Maxima omnibus communis. Si id, quod magis videtur in esse, aut conuenire, non in est, vt conuenit; nec id, quod minus videtur in esse, in erit, aut conueniet. Locus autem à Minori, est habitudo Minoris ad Maius. Et continet vnicum argumentum, & vnam Maximam. Quod tantum potest formari tripliciter, sicut dictum est in precedenti.

Primo, Comparando vnum subiectum ad duo prædicata. Vt in ilis potest expugnare Castrum; ergo & pagum.

Secundo, Comparando duo subiecta ad vnum prædicatum. Vt Pigmæus potest portare decem pondera, ergo & Gigas.

Tertio, Comparando duo subiecta ad

duo prædicata. Vt puer potest currere per quatuor milliaria; ergo magis vir per duo tantum. Maxima communis omnibus. Si id, quod minus videtur in esse, seu conuenire in est, & conuenit, & id, quod magis videtur inesse, & conuenire in erit, & conueniet.

De Loco à Simili.

CAPVT XIX.

Similitudo potest dupliciter accipi; vno modo pro conuenientia duorum in aliqua qualitate; vt Franciscus, & Antonius dicuntur similes; quia habent albedinem, vel rubedinem in eodem gradu. Et de hac dictum fuit in primo Tractatu cap. de Relatione; quod sit ninimum, rerum differentium eadem qualitas specie. Alio modo pro totali conuenientia, vel apparentia verificationis duorum accidentium de suis subiectis: Et hoc modo dicimus, risibile, & hinnibile esse similia; quia sicut risibile inest homini, vt accidens proprium; ita hinnibile equo. Et de similibus hoc modo acceptis, est sermo in presenti; vnde.

Locus à simili, est habitudo vnus similiarum ad reliquum. Et continet duo argumenta affirmatiuē, & negatiuē.

Primo, Affirmatiuē sic. Sicut se habet risibile ad hominem, ita rugibile ad Leonem; sed risibile inest homini, vt proprium; ergo, & rugibile inest Leoni, vt proprium.

Secundo, Negatiuē sic. Sicut se habet rudibile ad alinum; ita mugibile ad bouem; sed rudibile non inest alino, vt genus, vel species; ergo, nec mugibile inest boui, vt genus, vel species. Maxima communis ambobus. De similibus, idem est iudicium.

Aduertendum tamen; et ambo argumenta posse adhuc dupliciter formari: primo modo, comparando duo subiecta ad vnum prædicatum, tantum. Vt, sicut se habet risibile ad hominem, ita flebile ad eundem; sed risibile inest homini, vt proprium; ergo, & flebile. Secundo modo, comparando duo prædicata vni subiecto, vt sicut risibile inest Francisco,

itā inest Antonio; sed risibile in est Francisco, vt proprium eius; ergo & Antonio. Maxima est eadem. De similibus, idem est iudicium ..

De Loco à Proportionē.

C A P V T XX.

Proportio, est rerum differentium eadem habitudo: vt exempli gratia, inter nautam, & Magistrum, quamuis inter se valdè differant, est talis habitudo, vt sicut nauta in naui regenda indiget experientia in sua arte nautica, itā Magister in Schola regenda, debet esse expertus in ea facultate, quā docet, & proficitur. Ex quo sequitur; quod duo differentia genere, vel specie, non dicuntur proportionari in omnibus, sed in ijs tantum, in quibus conueniunt, seu assimilantur; vt patet in exemplo allato; quoniam Nauta, & Rector Scholarium in hoc conueniunt, vt ambo in suo regimine debeant esse experti; idē dicuntur ad inuicem proportionari; tamen quia non conueniunt in modo regendi; Siquidem alter libris, remis alter indiget; idē in hoc non proportionantur, sed potius discriminantur ab inuicem.

Aduertendum tamen, maximam esse differentiam inter proportionem, & proportionabilitatem; siquidem illa dicit habitudinem vnus quantitatis ad aliam, eiusdem generis; vt duorum ad quatuor, vel vnus ad duo; hæc verò dicit habitudinem vnus proportionis ad aliam, quæ ad inuicem conueniunt, & assimilantur; vt est habitudo sex, comparati ad ternariū; & nouenarij ad fenariū. Quia sicut numerus fenarius excedit ternarium in tribus, itā nouenarius, fenarium in tribus excedit. Et talis proportionalitas multiplicatur ad proportionem multiplicationem. Proportiones autem, sunt multiplices; de quibus, Deo fauente in septimo libro Physicorum. Pro nunc autem sufficit scire, quod locus, seu argumentum a proportionē, fundatur in quadam similitudine duorum ad inuicem; siue talia sint

quanta, quantitate continua, siue discreta.

Locus à proportionē, est habitudo vnus proportionabilium ad reliquum; vel vnus proportionis ad aliam. Et continet duo argumenta, & vnica maximam communem amobus, sicut locus à simili, ad quam omnino reduci putamus; tū quia Aristoteles secundo Topicorum, hoc præsupponit; tū quia ambo fundantur in similitudine, seu habitudine similitum ad inuicem; sicut exemplificauī de Nauta, & Rectore Scholæ in diffinitione proportionis; quia ambo assimilantur in experientia, quā vnusquisquē debet habere in propria arte; similiter de risibili, & hinnibili, quæ assimilantur in eo, quod ambo sunt accidentia propria; hoc equi, & illud hominis. Vnde eadem argumenta possunt deferuire hic, & ibi.

De Transmutata Proportionē, & eius Loco.

C A P V T XXI.

Transmutata Proportio est, quando comparatio quatuor terminorum ad inuicem, scilicet primi ad secundum, & tertiū ad quartum, transmutatur de primo ad tertium, & de secundo ad quartum, ob aliquam similitudinem, seu proportionem in ipsis repperam. Vt sicut se habet risibile ad hominem, itā hinnibile ad equum; & transmutatū; sicut se habet risibile ad hinnibile, itā homo ad equum. Ex quibus infertur, quod sicut risibile non est hinnibile, nec homo est equus.

Locus à transmutata proportionē, est habitudo comparationis primi ad tertium, & secundi ad quartum, ob comparationem primi ad secundum, & tertiū ad quartum. Et continet duo argumenta, & vnā maximam communem amobus, affirmatiuē, & negatiuē, sicut loca à simili, & proportionē; à quibus non differt, nisi in illa secundā comparatione facta de primo ad tertium, & de secundo ad quartum. Et hic locus tenet tantum, in quantitate, siue continua, siue discreta; ac in terminis conuertibilibus, cuiusmodi

cuiusmodi sunt, subiectum, & passio; definitum, & definitio; descriptum, & descriptio; & interpretatum, ac interpretatio.

Primo, Affirmatiue sic. Sicut se habent sexdecim ad octo, ita quatuor ad duo; & permutatim; sicut se habent sexdecim ad quatuor, ita octo ad duo; sed sexdecim ad quatuor est proportio quadrupla; ergo & octo ad duo, est proportio quadrupla.

Secundo, Negatiue in terminis conuertibilibus. Sicut se habet animal risibile ad hominem, ita animal rudibile ad asinum; & permutatim; sicut se habet animal risibile ad animal rudibile, ita homo ad asinum; sed nullum animal risibile, est animal rudibile; ergo nullus homo est asinus. Maxima. Qualis est comparatio primi ad secundum; & tertij ad quartum; talis est comparatio primi ad tertium, & secundi ad quartum; ergo idem est iudicium de primo ad tertium, & de secundo ad quartum, quale est de primo ad secundum, & de tertio ad quartum.

De Loco à Transumptione, seu Methaphora.

C A P V T XXII.

TRansumptio potest dupliciter accipi, scilicet propriè, & impropriè. Tunc impropriè accipitur, cum nomen, vel oratio, à significato principali ad minus principale transfertur, ob aliquam similitudinem in ipsis repertam: sicut florere, transfertur ad ridere; eo quod ambo gaudium denotant. Et de tali erit sermo in sectione de syllogismo sophistico. Tunc verò accipitur propriè, cum per nomen magis notum, declaratur nomen minus notum. Vt amator sapientiæ: declarat, quid importet hoc nomen, Philosophus. Et sic accipitur transumptio in proposito; nec villo modo distinguitur ab interpretatione.

Locus à transumptione, est habitudo transumptionis, seu nominis magis noti; ad transumptum, seu nomen minus notum. Et continet tot argumenta, & ma-

ximas, sicut locus ab interpretatione, cum nullo modo distinguatur ab eo. Ex quo sequitur Petrum Hispanum, malè enumerasse hunc locum inter loca extrinseca; cum terminus inferens, non solum non repugnet termino illato, imò conuertatur cum ipso. Qua de causa, inter loca intrinseca numerandus est, sicut, & interpretationis locus.

Dices: ergo malè fecimus nos, connumerando ipsum inter loca extrinseca, dum diuisionem illorū dedimus supra, cap. XV.

Respondetur, Negando consequentiā; cum hoc fecerimus, ne deslectere videamur ab expositione Textus Petri Hispani.

De Loco à Auctoritate.

C A P V T XXIII.

Valdè latè patet differentia in ter Auctorem, Authorem, Commentatorem, Compilatorem, Expositorem, & Scriptorem: vt bene notant Paulus Scriptor, in primum Sent. Scoti; Franciscus Aretinus in Formalitatibus eiusdem Scoti; & ex modernis plerique.

Author enim cum aspirationis notam exaratus, vel probatus, dicitur ille, qui adinuenit aliquam facultatem, vel artem, cuiusque principia tradit, licet confusè, & indistinctè. Cuiusmodi fuit Adam, qui omnium facultatum principia tradidit filiis suis. (Licet ea supernaturaliter habuerit per species concreatas) potest tantum dici Author, quia fuit primus, qui cepit docere filios, naturales scientias, & facultates, seu artes liberales, scilicet Grammaticam, Rethoricam, Logicam, & ceteras, à quibus posterius, eruditi postmodum fuerunt.

Auctor verò, ab augendo dictus; est ille, qui de suo adinueniens addit; & illa, quæ confusè, vel ab Authore, vel ab alijs accepit, distincta, & ordinata reddit. Cuiusmodi fuit Aristoteles, Plato, & fere omnes Greci, qui cum facultates, prius à posteris Adami acceptas, auxissent, eisque ordinem, ac methodum dedissent, sibi

sibi Auctorum nomina arrogarunt, vt forte aliàs de Aristotele præsertim dicturi sumus.

Commentator autem dicitur is, qui mentem alicuius Auctoris aperiendo, aliqua etiam de suo ponit. Talis fuit Auerroes Arabum doctissimus Philosophus; cuius corpus, in ingressam fuisse Aristotelis animam, post eius obitum, quamplures ex antiquis autumabant; eo quia in philosophicis, eiusdem mentem, tam luculenter explicarit, recteque expoluerit.

Compiler dicitur ille, qui dicta alicuius Auctoris hinc inde sparsa colligit, collectaque ordinatè disponit. Talis fuit noster Antonius Siretus, qui formalitates Scoti, ex quatuor sententiarum libris, ac alijs eiusdè operibus colligit, in vnumque redegit volumen, quod de formalitatibus Scoti inscribitur.

Expositor verò censetur ille, qui per doctrinam alicuius Doctoris in vno loco traditam, aliam eiusdem Doctoris alibi positam, exponit, nihil addendo de suo; licet bene de alieno. Tales fuerunt in nostra Schola præclari Scotticæ, scilicet Lichetus, Tacetius, Paulus Scriptor, Bargius, Rada, Fauentinus, ac alij non pauci. In Schola verò D. Thomæ Caietanus, Bannes, Zumel, Capreolus Nazarius, alijque per multi, qui tanti Magistri Doctrinam illustrarunt.

Scriptor tandem appellatur ille, qui traducit eam in papyrum, nil de suo, aut de alieno addendo.

Ex quibus sequitur; quod à tribus prioribus, ab Authore, Auctore, & Commentatore, potest sumi locus Dialecticus ab Auctoritate; cum quilibet, aliquid de suo ponat, ac doceat; minimè verò à reliquis, cum tantum alienum referant.

Auctoritas verò, est Auctoris dictum, bene, ac verè assertum in ea facultate, quam proficitur. Vnde dicta Aristotelis Physica, in his, quæ pertinent ad Philosophiam naturalem, ac Methaphysicam, ac Logicam, & non sunt contraria nostræ fidei Catholicæ Romanæ; Similiter Auerrois, Boetij, & aliorum, faciunt auctoritatem, quæ negari nequit. Insuper, dicta D. Thomæ in sua Schola, Scoti in propria, D. Bonauenture pariter in sua Schola, habent locum auctoritatis; siue sint Philo-

phica, siue Theologica. Theologica verò & in quacunque Schola, dicta Sanctorum S. Ambrosij, Augustini, Gregorij, Chrysostomi, Cypriani, Basilij, Hilarij, Auselini, Fulgentij, ac cæterorum, à Petro Lombardo collecta, & in quatuor sententiarum libris distributa, sunt auctoritates, quæ infringi nequeunt, sed tantum explicari possunt.

Dictum est notanter in diffinitione auctoritatis, debere esse proloquium bene, & verè assertum ab Auctore. Quia non omnia pronuntiata, faciunt auctoritatem; siquidem aliqua dicuntur referendo, aliqua resellendo; alia disputatiuè, & alia assertiuè. Ex quibus, assertiuè dicta, duntaxat faciunt auctoritatem; quia sunt munica rationibus, & auctoritatibus, aut Sacræ Scripturæ, aut Conciliorum, aut Sanctorum firmiter vallata.

Auctoritas autem est duplex. Quædam est creata, à simpliciter creatura procedens; & talis potest esse falsa; cum huiusmodi Auctores, à quibus dimanat, possint falli, & fallere. Alia verò est Diuina, & increata, quæ est infallibilis, cum procedat ab Authore veritatis infallibilis; cuiusmodi est Deus Benedictus, & Ecclesia Catholica Romana, in his, quæ ad fidem, & mores Ecclesiasticos pertinent; quippe sint dicta cum assentientia Spiritus Sancti. Erhuiusmodi auctoritas, comprehendit rotam Sacram Scripturam Canonicam, Traditiones Apostolorum, omnia principia Theologica, omnia Concilia, tam Generalia, quam Prouincialia per Romanum Pontificem approbata; omnia tandem dicta, & scripta ab Ecclesia Romana, cum assentientia Spiritus Sancti. Vnde sequitur, quod tam ab Auctoritate creata, quam ab increata potest sumi locus iste. Dialecticus, seruatis tamen duabus conditionibus.

Prima: vt procedat ab Auctore, experto in sua facultate.

Secunda: vt sit auctoritas pertinet ad illam facultatem, quam proficitur; nimirum, quod Aristoteles tantum in Philosophia, & non in Theologia citetur. Similiter Sancti Patres in Theologia, & nō in Philosophia adferantur; dummodò ex professō, etiam de illa non tractauerint; quia in tali casu, vt Philosophi, &

ipsi nominari poterunt: & facient auctoritatem, sicut ceterorum Philosophorum dicta, bene, ac recte asserta.

Locus ab auctoritate, est habitudo auctoritatis ad id, quod probatur per eam. Et tenet semper affirmatiue. Vt Aristoteles dicit, decem esse predicamenta; ergo decem sunt predicamenta. Maxima vnicuique experto in sua scientia credendum est.

Negatiue autem non tenet: vnde non sequitur. Aristoteles non posuit vndecimum predicamentum, quod pro secundis intentionibus assignari solet; ergo non datur. Siquidem Scotus in quarto dist. prima q. 2. probauit esse ponendum; cum etiam in secundis intentionibus dentur predicamenta ordinabilia secundum sub, & supra, vt accidit in entibus realibus; & vt suo loco videbimus: quandoquidem Aristoteles, vel non omnia sciuit, vel non omnia explicite tradidit; quod vtrique dicendum est de vndecimo predicamento.

Ex quo inferitur; quod si inueniretur aliquis Auctor, qui omnia noscet, & illa explicite traderet, ab illo posset sumi argumentum ab auctoritate, etiam negatiue.

Locus Medius est, quando sumitur argumentum ab his, quae partim conueniunt, & partim differunt ab terminis in questione positus. Id est, quando terminus inferens; & terminus illatus, partim conueniunt, scilicet in principio dictionis, & in significatione principali, & partim differunt, in fine nimirum dictionis, & in modo significandi. Vt album, & albedo; iustum, & iustitia. Ex quibus inferitur; si album est coloratum, quod etiam albedo sit color: vel si iustum est bonum; etiam iustitia sit bona. Nam album, & albedo, conueniunt in principio dictionis, & differunt in fine: conueniunt etiam in significato principali; quia album principaliter importat illam formam, quam significat etiam albedo; differunt postea in modo significandi; quia album significat illam qualitatem, vt sufficientem, seu concernentem subiectum; & albedo eandem importat, vt abstractentem ab illo: vt dictum est de Denominatiuis in primo Tractatu. Hic locus diuiditur, per locum a Coniugatis, a Casibus, & a Diuisione.

Coniugata sunt, concretum, & eius

abstractum; seu Denominatiuum, & Denominans. Vt iustum, & iustitia; quae dicuntur Coniugata, quasi coniuncta; vel sub vno iugo eiusdem significationis posita. Nam iustum, & iustitia, eandem omnino formam important, licet diuersimodè; vt dictum est de Denominatiuis.

Locus à Coniugatis, est habitudo vnius coniugatorum ad reliquum. Et continet duo argumenta, & duas maximas, affirmatiue, & negatiue.

Primo, Affirmatiue sic. Vt iustum est bonum; ergo iustitia est bona. Maxima. Quicquid praedicatur de vno coniugatorum essentialiter, praedicatur etiam de reliquo.

Secundo, Negatiue sic. Vt album non est logicum; ergo albedo non est logica. Maxima. Quicquid remouetur essentialiter ab vno coniugatorum, remouetur etiam ab alio; sed esse logicum remouetur ab albo; ergo & logica ab albedine.

Casus in proposito, sunt adiectiui nominis, & aduerbium formatum ab ipso. Vt iustum, & iuste; sapiens, & sapienter; Doctum, & doctè, & cetera. Et dicuntur casus; non quia alterum cadat ab altero, sed quia ambo cadunt ab vno tercio, scilicet ab abstracto. Vt iustum, & iuste à iustitia; sapiens, & sapienter, à sapientia.

Locus à Casibus, est habitudo vnius casuum ad reliquum; & est conuersus. Et continet duo argumenta affirmatiue, & negatiue, cum duabus maximis.

Primo, Affirmatiue. Vt iustum est bonum; ergo quod iuste fit, bene fit. Maxima. Quod vni casuum conuenit, idem conuenit, & alteri.

Secundo, Negatiue. Vt vitium non est bonum; ergo quod vitiosè fit, non bene fit. Maxima. Quicquid remouetur ab vno casuum, remouetur etiam à reliquo.

Aduertendum tamen; quod arguendo affirmatiue, tenet solum in praedicationibus essentialibus, & non in accidentalibus; vnde non sequitur Album est dulce; ergo quod albè fit, dulciter fit: quia dulcedo, non est de essentialibus albedinis.

Quid autem, & quoruplex sit diuisione,

fio, dictum fuit in primo Traçt. Seçt. ter-
tia idè illò vos remittimus, vt memoran-
di præterita occasionem indè sumatis.
Pro nunc tantum sufficit scire, hic nos nõ
loqui de reali diuisione, sed de rationali;
quæ est manifestatio communitalis ali-
cuius superioris per sua inferiora, vel per
differentias, essentialiter illud condiu-
dentes; vt verbi gratia, cum animal diui-
ditur per rationale, & irrationale; vel per
Hominem, Leonem, Equum, & cætera
animalia: tunc manifestatur eius commu-
nitas, vt se extendat ad talia inferiora;
quia sunt taliter subiecta, vt sint vel ra-
tionalia, vel irrationalia.

Locus à diuisione, est habitudo vnus
membrorum condiuidentium ad reli-
quum. Vt animalium, aliud rationale,
& aliud irrationale; sed homo non est
animal irrationale; ergò est animal ra-
tionale. Maxima. Posito altero mem-
brorum diuidentium in aliquo subiecto,
ab eodem remouetur reliquum; sed ra-
tionale verificatur essentialiter de ho-
mine; ergò ab illo necessario remouetur

Vel sic. Si Franciscus est animal,
aut est sanus, aut æger; sed non est
æger; ergò est sanus. maxima, est ead-
em cum priori.

Aduertendum, quòd hic arguendi mo-
dus, valet in omni diuisione data, vel
per affirmationem, vel per negationem;
dummodò non sit bimenbris; & cum
omnis diuisio possit reduci ad, bimen-
brum valet in omnibus. Et hæc de secun-
da seccionè, dicta sufficiant.

*De Syllogismo Sophistico, seu
de Fallacy.*

SECTIO III.

CUM, ex Philosopho, opposita iuxta
seposita magis elucescant; idè solu-
ris in superioribus seccionibus regulis, seu
modis consiendi, ac confirmandi Syllo-
gismum verum, necessarium duxi subin-
ferre statim regulas, ac modos tradendi
Syllogismum Falsigraphum, seu Sophisti-
cum, vt comperta eius falsitate, magis,

ac magis deueniamus in cognitionem syl-
logismi veri. Ex quibus, habetur neces-
sitas, ac utilitas huius seccionis de Falla-
cijs, seu de Syllogismo Sophistico; nimirum,
vt possimus flores catholicos, à spinis He-
reticorum, vindicare, & verum à falso
discernere.

De Syllogismo Sophistico, seu Falsigrapho.

C A P V T I.

SYllogismus Sophisticus, seu falsigra-
phus est, qui apparet esse bonus Syllo-
gismus, & non est. Vel est ille, qui
constat ex propositionibus apparenter ver-
is, & non sunt veræ. Vt omnis canis
currit; sydus cælestè est canis, ergò
sydus cælestè currit. In qua definitione
tanguntur duæ causæ, quæ reperiuntur in
omni Syllogismo Sophistico, scilicet causa
apparentiæ, qua videtur esse bonus; &
causa defectus, qua demonstratur esse
falsus.

Causa autem apparentiæ, est obseruatio
aliquarum conditionum requisitarum ad
Syllogismum verum; videlicet, quod præ-
missæ disponantur in modo, & figura, licet
sint de materia falsa. Causa autem defe-
ctus, est omisso alicuius conditionis, ne-
cessariò requisitæ ad verum Syllogismum;
vel quod præmissæ non sint de materia ver-
a; vel quod non sint dispositæ in aliquo
modo trium Figurarum. Ex quo sequitur,
triplicem esse Syllogismum Sophisticum,
scilicet peccantem in materia tantum, in
forma tantum, & in materia, ac forma
simul.

Tunc Syllogismus peccat in materia tan-
tum, quando ambæ, vel saltem altera præ-
missarum est falsa, licet ambæ sint bene
dispositæ in modo, & figura, vt omnis
homo est animal; omnis asinus est homo;
ergò omnis asinus est animal. In quo,
minor est falsa; quia est composita ex ter-
minis disparatis; seu repugnantibus.

Tunc verò Syllogismus peccat in for-
ma tantum, cum præmissæ veræ, sunt malè
dispositæ in modo, & Figura. Vt omnis
asinus est animal: omnis homo est ani-
mal; ergò omnis homo est asinus.

In

In quo, præmissæ sunt veræ; tamen sunt male dispositæ in figura; quia in secunda figura, ex puris affirmatiuis nihil sequitur: siquidem, altera præmissarum saltem debet esse negatiua, vt patet intuitu eius modos.

Tunc tandem syllogismus peccat in vtraque, cum præmissæ sunt falsæ, & non sunt benè dispositæ in modo, & figura; vt patet in hoc syllogismo. Quicquid currit habet pedes; sed Bachilio noster currit. Vel sic. Nullus canis currit: sed sydus cæleste non est canis; ergo sydus cæleste non currit. In quibus, & præmissæ sunt falsæ, & etiam sunt male dispositæ in modo, & figura. At quia omnis syllogismus sophisticus ordinatur ad disputationem, propterea videndum est, quid, & quotuplex sit disputatio.

De Disputatione, & eius speciebus.

C A P V T II

Disputatio, est actus syllogisticus, seu argumentatiuus vnius ad alterum, ad aliquod propositum ostendendum. Et diuiditur in quatuor species, scilicet in Doctrinalem, Dialecticam, Tentatiuam, & Sophisticam.

Disputatio Doctrinalis est, quæ syllogizatur ex veris, & necessarijs, seu ex principijs cuiuscunque scientiæ, ac facultatis: vt ista. Omne compositum ex materia, & forma, est corruptibile; sed omne corpus physicum est compositum ex materia, & forma; ergo omne corpus physicum est corruptibile. Est disputatio doctrinalis; quia procedit ex principijs intrinsicis Philosophiæ naturalis: & huius disputationis instrumentum, est syllogismus demonstratiuus.

Disputatio Dialectica est, quæ procedit ex propositionibus probabilibus; & est quæ collectiua contradictionum. Vt argumentationes, quibus probatur, syllogismus esse substantiam logicæ, dicuntur dialecticæ, quia sunt tantum probabiles apud Scotistas; cum Thomistæ probent oppositum, nitunturque eas soluere. Et huius disputationis instrumentum, est Syllogismus Dialecticus.

Disputatio Tentatiua est, quæ syllogizatur ex his, quæ Respondenti videntur probabilia; nam per hanc, opponens nititur habere experientiam de scientia Respondentis; & idè præsupponit in opponente notitiam illarum propositionum, quæ à Respondente debent concedi, vel vt necessariò veræ, vel vt probabiliter veræ. Et huius disputationis instrumentum, est Syllogismus Dialecticus.

Disputatio tandem Sophistica est, quæ procedit ex his, quæ videntur probabilia, & non sunt, sed tantum apparent esse. Et finis huius disputationis est gignere apparentem scientiam in opponente, & deceptionem in Respondente. Huius autem disputationis instrumentum, est Syllogismus Sophisticus, de quo erit sermo in sequentibus. At quia Syllogismus Sophisticus nequit immediatè causare apparentem scientiam in opponente, & deceptionem in Respondente, nisi ducatur ad metam vi disputationis Sophisticæ; idcirco, quid, & quotuplex sit meta, inuestigandum est.

De Meta, & eius Speciebus.

C A P V T III

Meta à Sophista intentata, qua conatur decipere Respondentem, est inconueniens quoddam, ad quod Opponents intendit ducere Respondentem medio Syllogismo Sophistico. Et diuiditur in quinque species, scilicet in Redargutionem, Fallum, Innopinaabile, Solecismum, & nugationem.

Redargutionis meta, est prænegati concessio; vel præconcessi negatio in eadem disputatione, vi argumentorum facta: vt si quis negaret hanc propositionem. Franciscus est risibilis: & postea vi huius argumenti. Omnis homo est risibilis; Franciscus est homo; ergo Franciscus est risibilis: eandem concederet; tunc diceretur redargutus. Dicitur tamen in eadem disputatione; & vi argumentorum facta. Quia si illam concederet in alia disputatione, & ob timorem, vel alium finem, non diceretur ad hanc metam reductus.

Falsi meta, est concessio alienius manifestè falsi, vi argumentorum facta: vt si

quis

quis negare aquam esse humidam, vi huius argumenti. Nullum calidum est humidum; sed ista aqua est calida; ergo non est humida: diceretur reductus ad hanc metam, siquidem concederet aliquod manifeste falsum, & negaret experientiam.

Inopinabilis meta, est concessio alicuius rei, vel propositionis, contra opinionem cuiuscunque experti in sua scientia, vel arte, ad quam Respondens teneatur non contradicere: ut si quis concederet, nullam Matrem diligere proprios filios, vi alicuius disputationis esset reductus ad hanc metam inopinabilis; quia concederet aliquid contra opinionem ferè omnium sapientum. Dicitur notanter: ad quam teneatur respondens non contradicere: quia si Thomista argueret Scotistam ex principiis D. Thomæ, quorum veritas non ita facile conceditur à Scotista, non esset ad hanc metam reductus, cum solum teneatur ad principia Scoti, & non D. Thomæ.

Solecismi meta, est concessio alicuius orationis, seu constructionis contra regulas Grammaticæ, vi argumentorum exorta: ut putà, quod hæc esset optima constructio. Hoc est corpus meum: vel quod musa esset generis masculini, sicut & poeta; quia similiter terminantur.

Nugationis tandem meta, est ex eadem parte inutilis repetitionis concessio vi argumentorum obiecta in eadem disputatione, ut Homo Homo currit; Leo Leo rugit &c. Et dicitur, ex eadem parte; quia si ponerentur termini à parte subiecti unus, & alius à parte prædicati: ut Homo est Homo, Leo est Leo; non esset nugatio. Dicitur etiam inutilis repetitio: quia si ponerentur termini ad maiorem expressionem laudis, vel vituperij; ut Deus Deus meus &c. vel latro latro, quo vadis; non esset nugatio. Ex his omnibus, manifestè patet, quod Sophista aliquo horum modorum potest sibi acquirere gloriam, & apparentem scientiam; vel ducendo Respondentem, ut concedat aliquid, quod prius negauerat; aut neget, quod præconceperat; vel concedat aliquid manifestè falsum, aut saltem contra opinionem, quam tenetur defendere; aut tandem contra regulas Grammaticæ, vel Logicæ, quæ vetant sermones superfluos, & nugatorios.

Et quia hæc nequit obtinere sine fallacijs; ideo de illis erit nobis sermo in sequentibus.

De Diffinitione Fallaciae, eiusque Divisione.

C A P V T IV.

Fallacia, est habilis, seu promptitudo decipiendi, ex causa alicuius apparentis, & non existentis proniens. Et hæc est duplex, scilicet in Dictione, & extra Dictionem.

Fallacia in Dictione est, quæ sumit apparentiam ex parte vocis significantis: ut canis; qui significat animal latrabile, piscem marinum, & sydus cæleste. Et hæc diuiditur in sex species, scilicet in Fallaciam Equiuocationis, Amphibologiam, Compositionis, Diuisionis, Accentus, & Figuræ dictionis: cuius sufficientia sic habetur. Nam omnis fallacia in Dictione, aut sit in dictione incomplexa, aut complexa. Si fiat in incomplexa, tunc erit vel Equiuocatio, vel Accentus, aut Figura dictionis; si in complexa, sic sunt tres, scilicet Amphibologia, Compositio, & Diuisio.

Fallacia extradictionem est, quæ sumit causam apparentis ex parte rei significantis. Et hæc diuiditur in Fallacias Accidentis, secundum quid ad simpliciter, Ignorantiæ Elenchi, Petitionis principij, Consequentis, Non causæ, vt causæ, & secundum plures interrogationes, vt vnam. De quibus omnibus erit sermo in hac Sectione hoc ordine; ut prius dicamus de Fallacijs in Dictione, quàm extra Dictionem; quia cum hæc fiant in significatione, illæ verò in voce, seu dictione, voxque præcedat significationem; ideo illæ primum sibi locum vendicant ordine doctrinæ.

Est, quia Fallaciæ in dictione peccant secundum aliquod multiplex; quia vna, & eadem dictio, vel oratio habeat multiplicem significationem; ideo notandum est triplex esse multiplex, scilicet actuale, potentiale, & phantasticum.

Multiplex actuale, est dictio, vel oratio eadem secundum materiam, & formam, id est secundum literas, & syllabas in dictiones; vel secundum dictiones in oratione, & secundum modum profertendi, vel scribendi, diuersa significans.

G

Exemplum

Exemplum dictionis: vt canis; quæ vox, significat canem latrabilem, piscem Marinum, & sydus cæleste. Exemplum orationis: vt liber Aristotelis: quæ, significat librum ab Aristotele compositum, vel editum, & possessum ab eodem.

Multiplex potentiale, est dictio, vel oratio, eadem in materia, diuersa tamen in forma, scilicet in modo proferendi; diuersos habens sensus, & significationes. Exemplum dictionis: vt malum: cuius prima syllaba potest esse longa, & breuis; si sit breuis, significat prauum: si longa, pomum. Exemplum orationis. Quicquid viuut semper est; in qua, virgula potest poni ante illud, semper; & tunc facit vnum sensum: vel post ly semper; & sic facit alium sensum, vt dicam suo loco.

Multiplex phantasticum, est dictio, vel oratio vnum tantum significans; cui tantum ex plantasia, quia scilicet habet quandam convenientiam cum alia dictione, vel oratione, aliud attribuitur: vt musa, quæ est feminini generis, quia similiter terminatur, sicut & poeta, videretur esse masculini generis, vt poeta; vel è conuerso. Et quia multiplex actuale, est veriori modo multiplex, quam potentiale, & potentiale, quam plantasticum; idè prius dicendum est de Fallacijs secundum multiplex actuale: quæ sunt duæ, scilicet Equiuocationis, & Amphibologie; postea de Compositione, & Diuisione, ac Accentu, quæ sunt secundum multiplex potentiale; & tandem de fallacia Figure Dictionis, quæ fundatur in phantastico.

De Fallacia Equiuocationis.

C A P V T V.

Equiuocatio, est multiplicitas vnus, & eiusdem dictionis secundum materiam, & formam, diuersa significantis. Et hæc est triplex, scilicet à causa consilio, & secundum compositionem vnus vocis cum alia; de quibus, satis dictum fuit in Diffinitione Equiuocorum; quo circa, locum consule: non enim semper sunt omnia repetenda.

Fallacia æquiuocationis, est quedam habilitas; seu promptitudo decipiendi,

proueniens ex eo, quod vna dictio secundum materiam, & formam eadem, diuersa significat. In qua diffinitione tangitur duplex causa, scilicet apparentiæ, ex eo quod, vna dictio debet habere tantum vnum significatum. Causa verò defectus; quia dictio æquiuoca habet plura significata. Secundum causam apparentiæ, opponens nititur suadere Respondenti, vt credat, quod non est verum, mediante hac propositione, quæ se habet veluti Maxima, qua nulla est prior in falsitate. Omnis dictio actualiter vna, habet tantum vnum significatum. At secundum causam defectus, demonstratur falsitas illius propositionis; quia vna, & eadem dictio æquiuoca, potest habere plura significata.

Fallacia autem Equiuocationis potest fieri tribus modis, iuxta triplicem actionem æquiuocationis.

Primo Modo fit, ex eo quod, aliqua dictio est æquiuoca à casu idest principaliter plura significat, vel consignificat; ita quod in vna præmissa sumatur pro vno significato, & in alia, vel in conclusione, pro alio. Vt omne graue tendit deorsum; sed vox alicuius sapientis, est grauis; ergo tendit deorsum. Vel sic. Omnis equus est irrationalis; sed Index est equus; ergo est irrationalis.

Soluuntur hæc argumenta, sicut, & cætera similia, negando consequentiam; quia in eis committitur fallacia Equiuocationis, penes primum modum. Nam illa dictio, grauis, in primo argumento, in maiori sumitur pro principio effectiuo descendus lapidis, vel ferri; in minori verò pro potestate, seu grauitate in modo dicendi; & sic non sequitur conclusio; quia variatur æquiuocatio, & significatio. Similiter in secundo argumento, ly equus, in maiori, significat quoddam animal irrationale, quod dicitur equus; in minori verò sumitur pro effectu iustitiæ; & sic patet falsitas conclusionis.

Secundo Modo conficitur, ex eo, quod aliqua dictio est æquiuoca à consilio, idest quod principaliter significat vnum, & minus principaliter, seu per quandam similitudinem transferatur ad aliud significandum. Vt omne sanum est animal; sed vrina est sana; ergo vrina est animal.

Vel

Vel secundo sic. Quicquid ridet, habet os; sed prata rident; ergo prata habent os.

Respondetur negando consequentiam: quia fit fallacia æquiuocationis in secundo modo; siquidem ly sanum, in maiori, dicitur de subiecto sanitatis, in minori vero de signo sanitatis, cuiusmodi est vrina.

Similiter ad secundum, negatur consequentia: quia ridere, de significato principali, importat risum ab ore hominis emittere; & sic accipitur in maiori; at ex transumptione significat etiam florere propter quandam, similitudinem, quam habent adinuicem, cum ambo gaudium denotent; & sic sumitur in minori; ideo non sequitur, quod prata habeant os.

Terrio Modo, ex eo prouenit, quod aliqua dictio simplex, vnum tantum significat, composita verò plura importat: vt hæc dictio, mortale, significat tantum potens mori. Si verò componatur cum ly im, & fiat immortale; tunc duo significat, scilicet potens non mori, & non potens mori; que sunt valde diuersam in priori sensu negatur tantum actus moriendi, in posteriori verò, negatur etiam potentia ad moriendum: vnde ex hoc sic arguitur. Omne immortale est perpetuum; sed omne potens non mori, est immortale; ergo omne potens non mori est perpetuum. Quod est falsum; quia Adam in statu innocentie poterat non mori; nec tamen erat perpetuus; quia cum esset compositus ex materia, & forma, erat corruptibilis, saltem in potentia remora.

Respondetur negando consequentiam; quia ly immortale, potest significare potens non mori; & sic maior est falsa: quia tale non est perpetuum, cum habeat saltem potentiam ad moriendum, quæ aliquando posset reduci ad actum: & etiam potest significare non potens mori: & tunc maior est vera, & conclusio falsa; cum potens non mori, non sit perpetuum; siquidem in eo relinquitur potentia ad moriendum, quæ posset saltem per potentiam diuinam reduci ad actum. Et hæc de hac Fallacia; pro qua, & reliquis sequentibus, videndus est textus Petri Hispani; quia in eo ponuntur multa argumenta, quæ breuitati studendo, à nobis consulo omittuntur.

De Fallacia Amphibologia.

C A P V T VI.

Amphibologia, quoad nominis interpretationem, dicitur dubia sententia, vel dubia locutio; siquidem deriuatur ab Amphij, quod est dubium, & bole, sententia; & logia locutio. Secundum autem definitionem quid rei, Amphibologia est multiplicitas vnus, & eiusdem orationis secundum materiam, & formam, diuersa significantis. Vt liber Aristotelis: quæ significat librum ab Aristotele compositum, & ab eodem possessum.

Fallacia Amphibologica, est quedam, habitas, seu promptitudo decipiendi proueniens ex eo, quod vna, & eadem oratio, secundum materiam, & formam, diuersa significat. In qua tangitur causa apparentiæ, quæ fundatur in hac maxima falsa. Omnis oratio vna, habet tantum vnicum significatum. Tangitur etiã causa defectus, quæ fundatur in hac propositione. Omnis oratio amphibologica, seu æuiuoca, potest habere plures sensus, & plura significata.

Huius Fallaciæ tres sunt modi, sicut, & æquiuocationis: nam amphibologia, est quedam orationis æquiuocatio. Primus modus prouenit ex eo, quod vna, & eadem oratio secundum materiam, & formam, habet plura significata principaliter. Vt liber Aristotelis. Vel contingit cæcum videre. Quæ habet duplicem sensum. Primum, quod contingens est, vt aliquis videat cæcum secundum, quod contingens est, vt cæcus videat aliquem. Ex quibus sic arguitur. Quicquid est Aristotelis, possidetur ab Aristotele; sed hic liber est Aristotelis; ergo hic liber possidetur ab Aristotele; quod est falsum.

Vel secundo sic: Quemcumque contingit videre; contingit non esse cæcum, sed cæcum contingit videre; ergo cæcus non est cæcus; quod implicat contradictionem.

Respondetur negando ambas consequentias; quia committitur fallacia amphibologia; nam ly Aristotelis, potest significare possessionem; & sic maior est vera, & conclusio falsa; vel significat, quod

sit compositus ab Aristotele; & sic minor est vera, & maior, & conclusio falsa.

Similiter ad secundum dicendum, quod illa minor, cæcum contingit videre, significat vno modo, quod cæcus videri possit ab aliquo; & sic est vera; aliò modo, quod cæcus videat aliquem; & sic est falsa; & non sequitur conclusio, cæcum non esse cæcum.

Secundus Modus procedit ex eo, quod vna oratio de principali significato importat vnum, & aliud designato minus principali, seu ex usu, & communi modo loquendi. Ut lauare caput asini, proprie significat abstergere caput huiusmodi animalis; at transumptiue, & ex communi modo loquendi, significat operam perdere, seu in vanum laborare. Ex quo sic arguitur. Qui lauat caput asini, perdit operam, & insignia; sed qui indocilem docet, lauat caput asini, ergo, qui indocilem docet, perdit operam, & insignia.

Vel sic secundo, Quicquid aratur, aratro scinditur; sed litus aratur, cum stultus docetur; ergo cum stultus docetur, litus aratro scinditur.

Respondetur negando consequentiam vtriusque argumenti: quia committitur hæc fallacia; nam lauare caput asini, si accipiat proprie, significat abstergere caput illius animalis; & sic minor est falsa, & conclusio non sequitur: si verò sumatur transumptiue, ut idem sit, quod frustra laborare, minor est vera, & maior falsa.

Similiter dicitur ad secundum; quia litus arare, proprie significat litus aratro scindere; transumptiue verò, in vanum laborare, sicut facit ille, qui stultum erudire intendit.

Tertius modus provenit ex eo, quod vna oratio per se sola, vnum tantum significat; sumpta verò cum alia, importat diuersa: ut hæc oratio. Seculum scit. Habet tantum vnum sensum; scilicet quod seculum habeat scientiam. Si verò coniungatur cum alia dictione, vel oratione. Ut secula scit hoc. Habet duos sensus: primum, quod seculum habeat scientiam de hac re; secundum, quod hæc res habeat scientiam de seculo: similiter. Quicquid aliquis videt, hoc videt. In qua, ly hoc videt, habet duplicem sensum: primum, quod res hæc videtur quicquid aliquis vi-

deat. Secundum, quod quicumque rem videt aliquis, videt hanc rem: vnde sic arguitur. Quicquid aliquis videt, hoc videt; sed Petrus videt quicquid hoc videt: ergo videt hoc, demonstrando aliquid, quod non videat.

Respondetur negando vtramque consequentiam: quia ly hoc, potest esse nominatiui casus: & tunc maior est falsa; quia ly hoc, potest denotare aliquid in viribilibus carens potentia visu: vel potest denotare casum accusatiuum; & sic minor, & conclusio est falsa. Ad hunc modum reducuntur omnes orationes, seu locutiones dubie, quæ solent construi per infinitum, & casum accusatiuum. Ut vellem me vincere inimicos: & intellexi, Romanos viciisse Græcos. Quæ habent sensum amphibologicum, scilicet quod Romani vicerint Græcos, vel Græci Romanos: vel quod ego superavi inimicos: aut quod inimici vicerint me. Ex quibus possunt confici argumenta, & solui, sicut dictum est ad præcedens.

De Fallacijs Compositionis, & Diuisionis simul.

CAPVT VII.

Compositio hic non sumitur pro voce complexa, nec diuisio pro simplici, & incomplexa, sed. Compositio est ordinatio partium orationis falsæ, secundum situm magis debitum: & veræ secundum situm minus debitum. Et Diuisio est ordinatio partium orationis falsæ, secundum situm minus debitum: & veræ secundum situm magis debitum.

Situs magis debitus in oratione est, qui dictionibus, & intellectui videtur accommodatus: sicut ex opposito. Situs minus debitus est, qui nec dictionibus, nec intellectui est accommodatus: ut in hac propositione. Quicquid viuere semper est. Situs magis debitus est, ut illa determinatio semper, coniungatur potius cum hoc prædicato, est, quam cum subiecto, viuere. Si quidem intellectus iudicat magis accommodari debere prædicato, uti principali in propositione, quam subiecto, quod est minus principale in eadem. Situs verò minus debitus eiusdem erit, si ly semper, coniungatur cum ly viuere, quod est subiectum, &

Ex

Ex quo sequitur, situm magis debitum, facere propositionem compositam; & minus debitum, diuisam.

Propositio autem composita est illa, quæ habet sensum compositum hoc est; cuius partes ordinantur secundum situm magis debitum.

Propositio verò diuisa est, quæ habet sensum diuisum: id est, cuius partes ordinantur secundum situm minus debitum. Vtraque tamen est duplex, scilicet de intellectu, & modalis; de quibus satis dictum est in secundo tractatu.

Modalis composita est illa, cuius modus est subiectum, vel prædicatum. Vt hominē ambulare, est possibile: vel possibile est, hominem ambulare: & facit hunc sensum. Hæc propositio est possibilis. Homo ambulat.

Modalis verò diuisa est illa, cuius modus, nec est subiectum, vel prædicatum, sed tantum determinatio copulæ. Vt, hominem possibile est ambulare. Quæ resoluitur in duas categoricas de inesse: scilicet, homo est possibilis; & homo ambulat. In priori, adest sensus compositus; in posteriori verò, sensus diuisus.

Fallacia compositionis, est idoneitas decipiendi, ex eo proneniens, quod aliqua oratio eadem secundum materiam compositam est falsa, & diuisa, vera. Vel Fallacia compositionis est, quando arguitur à sensu diuiso vero, ad compositum falsum. Causa apparentiæ in hac fallacia, est identitas orationis compositæ in materia cum diuisa. Causa verò defectus, est diuersitas sensuum orationis compositæ à diuisa.

Fallacia autem Diuisionis, est idoneitas, seu promptitudo decipiendi, proueniens ex eo, quod eadem oratio secundum materiam, diuisa est falsa, & composita, vera. Vel fallacia diuisionis est, quando arguitur à sensu composito vero, ad diuisum falsum. Causa apparentiæ in hac fallacia, est identitas orationis diuise cum composita secundum materiam. Causa verò defectus, est diuersitas sensus compositi à diuiso.

Fallacia compositionis potest confici duobus modis.

Primo modo fit ex eo, quod aliqua propositio modalis est vera pro diuersis temporibus, & falsa pro eodem. Vt, quæcumque possibile est ambulare, possibile est, quod ipse ambulet; id est, possibile est

ambulare; ergo possibile est, quod sedens ambulet.

Respondetur negando consequentiam; quia committitur fallacia compositionis, arguendo à sensu diuiso vero ad compositum falsum: unde minor est vera pro diuerso tempore, & falsa pro eodem: sicut, & conclusio est falsa pro eodem, & vera pro diuerso tempore.

Secundo modo prouenit hæc deceptio, seu fallacia ex eo, quod aliqua determinatio potest referre diuersa; hoc est ordinari secundum situm magis, & minus debitum. Ex quo licet sic argumentari. Quicumque literas scit, nunc didicit eas; sed iste antiquus Gramaticus literas scit; ergo nunc didicit eas.

Respondetur negando consequentiam; quia arguitur à sensu diuiso vero ad compositum falsum; & sic committitur hæc fallacia compositionis, nam in maiori, illa determinatio, nunc, potest ordinari vel cū verbo, scit, vel cum verbo didicit: primo modo facit propositionem diuisam veram secundum modo compositam, & falsam. Unde conclusio sequitur si sit composita, est tamen falsa si diuisa, ut est in propositione.

Fallacia etiam diuisionis, habet duos modos decipiendi. Prior oritur ex eo, quod aliqua coniunctio potest copulare inter terminos, & inter propositiones. Ex quo sic arguitur. Quæcumque sunt duo, & tria sunt duo, & sunt tria; sed quinque sunt duo, & tria; ergo quinque sunt duo, & quinque sunt tria. Vel sic. Quæcumque sunt duo, & tria, sunt paria, & imparia; sed quinque sunt duo, & tria; ergo quinque sunt paria, & quinque sunt imparia.

Respondetur negando consequentiam; quia committitur fallacia diuisionis, arguendo à sensu composito vero, ad sensum diuisum falsum: unde solentur argumenta; quia in minori propositione, illa coniunctio, sunt, potest copulare terminos; & sic facit sensum compositum verum; cum sit vna categorica de prædicato copulator vel potest copulare inter propositiones: & sic erit vna hipotetica copulatiua, quæ facit sensum diuisum falsum. Unde conclusio sequitur secundo, non primo modo.

Posterior prouenit ex eo, quod aliqua determinatio potest referri ad diuersa, ut hic. Quia vidisti hunc percussum, percussus est; sed oculo vidisti hunc percussum

ergo oculo percussus est.

Soluitur negando consequentiam; quia ille ablatius, oculo, potest referri ad hoc participium, percussum; & sic est diuisa, etiam falsa; vel ad hoc verbum, vidisti; & sic est composita, & vera: vnde sensus est. Cum oculo vidisti hunc percussum, & sic non sequitur conclusio, quod in oculo sit percussus.

De Fallacia Accentus.

CAPVT VIII.

Accentus, est eleuatio, vel depressio syllabæ vniuscuiusque vocis incompleta; & accipitur dupliciter, scilicet propriè, & impropriè. Accentus propriè, est modulatio vocis penes eleuationem, & depressionem. Et hic est triplex, scilicet Acutus, Grauis, & Circumflexus.

Accentus acutus, est syllabæ extensio, & velleuementi spiritui prolatio. Grauis, est syllabæ remissio, remissionique spiritui prolatio. Circumflexus, est syllabæ inter extensionem, & remissionem moderata prolatio; vt patet in cantu, quæ firmè appellat.

Accentus autem impropriè dictus, est modus significatiui proferendi, vel scribendi dictionem incompleta secundum debitam vniuscuiusque syllabæ quantitatem, seu mensuram. Et hic est quintuplex, scilicet longus, brevis, indifferens, aspirans, seu asper; & non aspirans, seu lenis.

Accentus longus, est syllabæ longæ prolatio. Brevis, est syllabæ brevis prolatio. Indifferens, est syllabæ communis prolatio. Aspiratus, seu asper, est syllabæ aspiratæ prolatio; & accentus non aspiratus, seu lenis, est syllabæ non aspiratæ prolatio. Hic est sermo de accentibus impropriè dictis; quia cū isti sint modi significatiui grammaticales, ab his potest sumi fallacia accentus.

Fallacia Accentus, est idoneitas, seu promptitudo decipiendi ex multiplicitate dictionis, eiusdem secundum materiam, diuersæ tamen secundum modum proferendi, diuersa significantis. Ex quo apparet causâ apparentiæ, & defectus huius fallaciæ; nam prior fundatur in idoneitate materiali dictionis secundum substantiam; posterior verò, in diuersitate significatorum, ex diuerso modo eandem dictionem proferendi, procedente.

Huius Fallaciæ duo sunt modi. Prior prouenit ex eo, quod aliqua dictio potest proferri diuersis accentibus. Ex quo licet sic ar. guere. Omnis populus est arbor; gens est populus; ergo gens est arbor.

Vel sic. Quicquid amatur, hamo capitur; sed mulier amatur; ergo mulier hamo capitur.

Soluntur, negando consequentiam; quia fit fallacia accentus: siquidem in priori ly populus, potest proferri, vel cum prima syllaba longa; & tunc significat arborem quandam; vel cum prima breui; & tunc significat generationem: & sic non sequitur conclusio, ex maiori falsa, & vera secundum varios accentus prolata. Similiter in posteriori argumento, ly amatur, proferri potest cum aspiratione; & sic maior est vera, & minor falsa: vel sine aspiratione; & sic maior est falsa, & minor vera: ex qua postea non sequitur conclusio, quod mulier, dum amatur, capiatur hamo.

Posterior modus prouenit ex eo, quod aliqua vox potest proferri, vel vt dictio, vel vt oratio: ex quo, sic sumi potest argumentum Tû es, quies; sed quies est requies; ergo tû es requies. Vel quies. Quicquid fecit Deus inuitè, fecit coactè; sed Deus fecit vinum inuitè, ergo fecit vinum coactè. Quod tamen est falsum; quia Deus nullâ potest pati coactionem.

Respondetur negando consequentiâ; quia committitur hæc fallacia penes secundum modum: nam in primo argumento, ly quies, potest proferri, vt dictio; & sic maior est falsa, & minor vera: vel proferri potest, vt oratio; & sic minor est falsa, & maior vera; vnde non sequitur conclusio, te esse quietem. Similiter in secundo, ly inuitè, si proferatur, vt dictio, est aduerbium; & sic maior est vera, & minor falsa: vel vt oratio; & sic minor est vera, & maior falsa, fecit enim Deus vinum in arbore, quæ dicitur vitis, voluntariè, & nō coactè.

De Fallacia Figuræ Dictionis.

CAPVT IX.

Fallacia figuræ dictionis, est idoneitas decipiendi, proueniens ex aliquâ similitudine duarum dictionum in parte nō idem significantium; vt mûsa, & poeta; quia similiter terminantur, creditur etiam habere easdem proprietates, seu eandem modum.

modum significandi; hoc est, esse eiusdem generis, vel masculini, vel feminini. Ex quo sumitur causa apparentiæ, quæ fundatur in illa apparenti similitudine, seu convenientia duarum vocum in finali terminatione; & causa defectus, fundata in diuersitate modorum significandi illarum dictionum, quæ videntur assimilari. Et quia similitudo fit tribus modis, scilicet voce, significatione, & suppositione; idem tripliciter potest confici huiusmodi fallacia.

Primo Modo fieri potest ex similitudine vocis cum alia voce. Vt, qualiscunque est musa, talis est, & poeta; sed musa est feminini generis; ergo, & poeta. Vel sic. Omne animal est coloratum; homo est animal; ergo homo est coloratum.

Respondetur negando vtramque consequentiam; quia fit fallacia figuræ dictionis: nam ex eo, quod musa, & poeta similiter terminentur, non licet inferre easdem proprietates; quia hæc non fluunt à vocibus, sed à natura rerum per voces significatarum. Similiter dicitur ad secundum: quia licet homo, & animal assimilentur in colorato, non sequitur, coloratum prædicari de homine in genere neutro, quomodo dicitur de animali; siquidem modi significandi, sumuntur iuxta naturam rerum animalis, & hominis, & non solum iuxta vocem, coloratum.

Secundo Modo fieri potest, quando sub termino vnius prædicamenti sub sumitur terminus alterius prædicamenti. Vel quando fit transitus ab vna, ad aliam speciem eiusdem prædicamenti. Vt, quicquid heri emitti, hodie comedisti; sed carnem crudam heri emitti; ergo carnem crudam hodie comedisti.

Vel sic. Quicquid heri vidisti, hodie vides; sed album heri vidisti; ergo hodie album vides. Quod potest esse falsum, supposito nihil esse albi præteritis tunc potentie visus.

Respondetur negando consequentiam; quia fit transitus à re prædicamenti substantiæ, significata per ly quicquid, in vtroque argumento, ad res prædicamenti qualitatibus, significatas per ly modum, in priori, & per ly album, in posteriori syllogismo: unde committitur hæc fallacia penes secundum modum.

Tertio Modo fit huiusmodi fallacia, arguendo à suppositione simplici ad personalem, & è conuerso; vel à personali ad ma-

terialem, & è conuerso. Vt homo est species; sed Petrus est homo; ergo Petrus est species.

Vel sic. Homo est animal; sed animal est trifidum; ergo homo est trifidum; quod est falsum.

Respondetur negando vtramque consequentiam; quia committitur hæc fallacia; nam in primo argumento, homo in maiori supponit simpliciter, id est pro homine in communi, cui tantum est natum conuenire hoc prædicatum species; in minori vero supponit personaliter, id est pro hominibus in particulari; & sic fit transitus à suppositione simplici ad personalem, in quibus variatur significatum hominis. Similiter in secundo ly animal, in maiori supponit personaliter, id est pro speciebus, è quarum numero est etiam homo; in minori vero supponit materialiter, id est pro syllabis, ex quibus componitur hoc nomen animal; & sic fit transitus à suppositione personali ad materialem; ac proinde variatur significatio, ex qua sequitur hæc fallacia.

De Fallacia Accidentis.

CAPVT X.

Accidens non accipitur hic, prout distinguitur contra substantiam; quia sic est commune novem prædicamentis, scilicet quantitati, qualitati &c. neque prout diffinitur à Porphyrio, pro eo, quod potest adesse, & abesse à subiecto, præter subiecti corruptionem; quia sic constituit quantum vniuersale: sed sumitur hic accidens pro extraneo, scilicet pro eo, quod non est de essentia alicuius: & diffinitur ab Aristotele primo Topic. c. 4. & lib primo Elench. c. 4. sic. Accidens est, quod est extraneum, in parte idem, & in parte diuersum; vt dicendo. Homo est species; Petrus est homo: ergo Petrus est species. Ly homo, qui est medium, dicitur accidens, in parte idem cum specie, quatenus supponit simpliciter, & in parte diuersum ab ea, cum nimirum supponit personaliter, id est pro suis inferioribus.

Fallacia Accidentis, est idoneitas decipiendi. Vel est ipsa deceptio, proueniens ex eo, quod propter coniunctionem, vel diuisionem extremitatum cum medio in præmissis, creditur posse illas coniungi, vel diuidi, etiam in correlatione c.

In hac fallacia, tria reperiuntur, scilicet accidens, quod est medium; attributum, quod est maior extremitas; & res subiecta, quæ est minor extremitas.

Tribus modis potest confici huiusmodi fallacia. Primo modo, quia ex eo, quod attributum verè prædicatur de accidente in altera præmissarum, vel in ambabus, creditur posse re vera prædicari, etiam de re subiecta in conclusione. Vt animal est genus; sed homo est animal; ergo homo est genus.

Respondetur negando consequentiam; quia committitur hæc fallacia penes primū modum; non enim est necesse ex conuenientia duorum in aliquo tertio in præmissis, inferre conuenientiam eorundem in conclusione, quando illud tertium est accidens alteri illorum, hoc est, in parte idē, & in parte diuersum, sicut accidit in proposito; quia animal est accidens generi, cū sit idem illi in maiori, quia supponit simpliciter; & diuersum vt sumitur in minori; quia tunc supponit personaliter; ratione cuius nequit esse fundamentum illius secundæ intentionis generis.

Secundo Modo fit hæc fallacia, quando duo inferiora coniunguntur in aliquo cōmuni in præmissis; quia tunc creditur, illa posse vniri etiam inier se in conclusione. Vt Petrus est homo, Ioannes est homo; ergo Ioannes est Petrus. Vel Homo est animal, Leo est animal; ergo Leo est Homo.

Respondetur non valere similes consequentias; iamdō committi hanc fallaciam penes secundum modum, arguendo in secunda figura ex puris affirmatiuis; vel in syllogismo expositorio cum termino communi, quod fieri nequit, & vñum fuit Sect. prima.

Tertio Modo fit hæc fallacia, arguendo à diuisis ad cōiuncta, vt hic. Ille est albus, & est Monachus; ergo est albus Monachus.

Respondetur negando consequentiam; quia licet esse album, & Monachum non repugnent ad inuicem, tamen cum nulla sit conuenientia, quia non se habent, vt determinationis, & determinabile; idē nō licet ex illis diuisis sumptis inferre coniunctū, sine commissione huius fallaciæ.

Ex qua responsione inferuntur duo. Primum, posse argui etiā à diuisis ad coniunctū, seruatis quibusdam conditionibus.

Prima, quod diuisa se habeant, vt deter-

minatio, & determinabile. Vt Petrus est homo, & est albus; ergo est homo albus. Nām ly albus, est determinatio hominis, & Petri defectu cuius non sequitur Petrus est albus, & est musicus. Ergo Petrus est albus musicus. Nām ly musicus, nō est determinatio albi, cum nulla adsit conuenientia inter illa; & quia musicus est nomen substantium, & albus adiectiuum; modò substantiuum est benè determinabile ab adiectiuo, sed non ē conuersò.

Secunda, quod determinatio non capiat æq̃ uiuocē, seu quòd nō varietur appellatio: defectu cuius non sequitur. Ille canis est Pater, & est tuus; ergo est Pater tuus. Quia ly tuus, in antecedente dicit te possessionem canis, in consequente verò, appellat te genitum à cane; & sic est diuersa appellatio.

Tertia, quod non fiat negatio; vel alterum illorum non includatur in alio: quare non sequitur. Ille est homo, & est animal; ergo est homo animal. Nām cum animal includatur in homine, dicendo homo animal, est nugatio.

Secundum sequitur licere etiam argumentari à coniunctis ad diuisa, tribus alijs adhibitis conditionibus.

Prima, quod non sit repugnantia terminorum ad inuicem; idē quod alterum diuisentium non sit determinatio alienans: vnde non sequitur. Ille est homo mortuus; ergo est homo, & est mortuus. Quia illa determinatio, mortuus, alienat ab homine esse eius, quod est animal rationale.

Secunda, quod talis determinatio nō sit ampliatiua; idē non sequitur Chimera est imagiuabile; ergo Chimera est ens, & est imaginabile. Quia hæc determinatio, imaginabile, ampliatur ens, ad ens verum, & fictitiū, vt est Chimera.

Tertia, quod non varietur appellatio; idē non sequitur Petrus est bonus faber; ergo Petrus est bonus, & est faber. Quia determinatio, bonus, in antecedente, denotat bonitatem artis; in consequente verò, bonitatem subiecti, scilicet Petri.

De Fallacia à dicto secundum quid ad dictum simpliciter.

CAPVT XI.

Dictum secundum quid, & simpliciter possunt dupliciter sumi; vno modo largē; & sic. Dictum secundum quid, est termi-

terminus communis, sumptus cum determinatione restringente: vt homo albus. Dictum verò simpliciter, est terminus communis, sumptus sine aliqua determinatione: vt homo. Alio modo strictè; & sic. Dictum secundū quid, est terminus sumptus cum determinatione distrahente, ampliāte, alienante, vel diminuyente: quarū exempla, ponuntur inferius. Dictū verò simpliciter, est terminus sumptus sine aliqua determinatione; vt homo, animal &c. ex quo sequitur, dictum secundum quid, & simpliciter sumptum largè, nō differre à toto, & parte in modo. Et ab his non sumitur hæc fallacia, sed tantum à dicto secundum quid, & simpliciter, strictè acceptis.

Fallacia à dicto secundum quid ad simpliciter, est idoneitas decipiendi, proueniens ex apparenti inclusione dicti simpliciter, in dicto secundum quid; ex qua apparet causa apparentiæ eiusdem, sicut causa defectus ostenditur per exclusionem dicti simpliciter, à dicto secundum quid.

Huius fallaciæ duo sunt modi. Primo arguendo à dicto secundum quid, ad dictum simpliciter affirmatiuè. Et potest fieri quadrupliciter, secundū quatuor, determinationes constituentes dictum secundū quid.

Primo, arguendo cum determinatione ampliante ad dictum simpliciter. Vt Chimæra est ens imaginabile: ergo Chimæra est ens simpliciter.

Secundo, Arguendo cum determinatione distrahente. Vt hic est homo mortuus: ergo est homo simpliciter.

Tertio, Arguendo cum determinatione alienante. Vt hæc imago est homo pictus; ergo hæc imago est homo simpliciter.

Quarto, Arguendo cum determinatione diminuyente. Vt Petrus est albus secundum dentes; ergo est albus simpliciter.

Respondetur Ad hæc, & similia argumenta, negando consequentiam; quia arguitur à dicto secundum quid, ad dictum simpliciter, cum illis determinationibus: & sic committitur huiusmodi fallacia; siquidem dictum simpliciter non continetur in dicto secundum quid verè, & realiter; quia in primo argumento ampliatur, in secundo distrahitur, in tertio alienatur, & in quarto diminuitur significatum dicti simpliciter, ob annexas determinationes, scilicet ampliātem, distrahentē, alienantem, & diminuentem.

Secundo Modo fit hæc fallacia, arguendo à dicto simpliciter, ad dictum secundū quid negatiuè.

Primo, Cum determinatione ampliāte. Vt Franciscus simpliciter non est dignus; ergo non est dignus honore.

Secundo, Arguendo cum determinatione distrahente. Vt cadaver non est homo; ergo nec homo mortuus.

Tertio, Arguendo cum determinatione alienante. Vt hæc imago non est animal; ergo non est animal pictum.

Quarto, Arguendo cū determinatione diminuyente. Vt Petrus non est albus simpliciter, ergo non est albus secundū dentes.

Respondetur ad omnes has, & similes consequentias, negādo quod inferitur, quia committitur hæc fallacia penes secundum modum, arguendo à dicto simpliciter, ad secundum quid negatiuè, cum predictis determinationibus, in quibus non valet consequentia; siquidem à toto ad partem negatiuè cum determinatione ampliāte, distrahente, alienante, & diminuyente, non valet illatio; vt dictum fuit in præcedenti Sectione cap. de toto. At cum determinatione restringente est optima cōsequentia. Vt lapis non est homo; ergo nec homo albus. Nam, cum homo albus includat verè, & realiter hominem, quicquid negatur ab homine, de necessitate remouetur etiam ab homine albo.

De Fallacia ignorantie Elenchi.

CAPVT XII.

Elenchus est syllogismus cōtradictorius vnus, & eisdem; non paucis tantum, nec re tantum, sed nominis, & rei simul; non sinonimi; sed eiusdem, & ex his, quæ data sunt de necessitate, non connumerato eo, quod erat in principio, ad idē, secundum idem, similiter, & in eodem tempore. In qua definitione ponuntur aliquæ particule se tenentes ex parte Syllogismi, & aliæ ex parte contradictionis. Ex parte Syllogismi dicitur. Ex his, quæ data sunt de necessitate, & non connumerato eo, quod erat in principio. Cæteræ verò omnes, ponuntur ratione cōtradictionis. Vnde prædicta definitio sic explicatur.

Elenchus est Syllogismus cōtradictorius, id est conclusens contradictoriam conclusionem responsionis datæ à Respondente; cuius, & eiusdem, scilicet subiecti,

&

& prædicati, non nominis tantum, nec rei tantum, sed nominis, & rei simul, idest eiusdem nominis, & significationis simul: siquidem, nisi adesset idem subiectum, & idem prædicatum, nulla esset contradictio, ut patet in his contradictionibus. Ethiops est niger, & Ethiops non est niger secundum dentes. Quia prædicatum prioris, est dictum simpliciter, & posterioris dictum secundum quid, quæ non contradicunt. Nō sinonimi. Ponitur, ut sit perfecta contradictio; Nam hæc non contradicunt. Marcus currit, Tullius non currit. Quia Marcus, & Tullius in Cicerone, erant sinonimi. Sed ex his, quæ data sunt de necessitate. Ponitur, quia Elenchus debet constare ex propositionibus necessariò inferentibus conclusionem: ad differentiam fallaciæ accidentis, & consequentis, in quibus conclusiones nō necessario sequuntur ex præmissis. Non connumerato eo, quod erat in principio, idest in antecedente. Ad differentiam fallaciæ petitionis principij, in qua consequens probatur per seipsum positum in antecedente; ut videbimus infra. Ad idem, secundum idem, similiter, & in eodē tempore. Ad idem, scilicet comparabile, secundum idem, idest genus cōparationis; similiter, idest eodem modo accipiuntur termini contradictionis; hoc est, si vnus supponit simpliciter, vel personaliter, ita, & alter; & in eodem tempore; ut possit fieri verificatio prædicati de subiecto; aliter non posset affirmari, vel negari. Et in his quatuor vltimis conditionibus consistit vera contradictio, si coniunctim sumantur: alioquin si vna deficiat, erit fallacia ignorantie Elenchi; ut patebit ex modis arguendi eiusdem.

Fallacia ignorantie Elenchi, est idoneitas decipiendi, proueniens ex apparēti obseruatione cōditionum definitionis Elenchi, quæ requiruntur ad veram contradictionem, scilicet ad idem, secundum idem, similiter, & in eodem tempore. Ex qua apparet causa apparentie huius fallaciæ. Causa verò defectus ostenditur in omissione vnus, vel plurium dictarum cōditionum.

Modi conficiendi hanc fallaciam, sunt quatuor iuxta quatuor particulas seu conditiones, quæ singillatim possunt omitti.

Primo, Quando non arguitur ad idem. Ut duo, sunt duplum vnus, & non sunt duplum trium; ergo sunt duplum, & non

duplum. Vel Petrus est Filius Antonij, & non est filius Ioannis; ergo est filius, & non filius.

Soluitur vtraque ratio, negando consequentiam; quia committitur hæc fallacia per omissionem conditionis, ad idem.

Secundus, Quando non arguitur secundum idem genus cōparationis. Ut hoc est duplum secundum longitudinem, & nō est duplum secundum latitudinem; ergo est duplum, & non duplum. Vel Petrus est Pater Antonij secundum Paternitatem, & non est Pater secundum filiationem; ergo est Pater, & non Pater.

Soluitur eodem modo, negando consequentiam; quia non fit cōparatio secundum idem genus; nam in priori, fit in Paternitate, & in posteriori in filiatione, quæ sunt diuersæ.

Tertius, Quando non seruatur illa conditio, similiter. Ut homo est species, & nullus homo est species; ergo est species, & nō species.

Soluitur, negando consequentiam; quia homo in priori supponit simpliciter, & in posteriori personaliter: vnde, cum non sit similis suppositio, committitur hæc fallacia penes tertium modum.

Quartus, Quando non obseruatur idem tempus. Ut mea manus est clausa in hac hora, & non est clausa in sequenti; ergo est clausa, & non clausa.

Soluitur, negando consequentiam; quia deberet fieri cōparatio ad idem, & non diuisum tempus, ad hoc, ut esset bona consequentia contradictoria. Et hæc, de Ignorantia Elenchi, sufficiant.

De Fallacia Petitionis principij.

C A P V T XIII.

P Etere principium est, quando conclusio, quæ debet probari, sumitur pro præmissis. Hoc autem potest dupliciter contingere: vno modo, quando identificatur sub eodem nomine. Ut Petrus currit; ergo Petrus currit. Alio modo, quando idem petitur sub diuerso nomine. Ut animal rationale currit; ergo homo currit. Prior argumentatio, est ridiculosa, nec differentes a nugatione. Posterior verò, est accommodatio deceptioni, cum contineat apparentiam diuersorum terminorum. Et secundum hanc, fit hæc fallacia.

Fallacia petitionis principij, est idoneitas

tas decipiendi, proueniens ex apparenti probatione consequentis ex antecedenti; in quo consistit causa apparentiæ eiusdem. Causa verò defectus, est identitas significationis, conclusionis cum præmissis: vel consequentis cum antecedente, ratione quorum non probatur conclusio, vel consequens, sed petitur principium.

Huius fallaciæ duo sunt modi. Primus prouenit ex eo, quod maior, vel antecedens non est notius conclusione, vel consequente. Et potest fieri quadrupliciter.

Primo, Quando antecedens non est notius consequente; vel præmissæ non sunt notiores conclusione. Vt omne habens materiam, est corruptibile; sed Asinus habet materiam; ergo est corruptibilis.

Secundo, quando vnum relatiuorum petitur in alio. Vt si quis vellet probare, Petrum esse Patrem Antonij, & dicat. Antonius est filius Petri; ergo Petrus est Pater Antonij.

Tertio, Petendo vniuersale in singularibus; vt si debeat quis probare hanc vniuersalem: omnis homo currit: & accipiat omnes singulares pro antecedente: vt Petrus currit, Antonius currit, Ioannes currit, & sic de alijs; ergo omnis homo currit.

Quarto, Petendo particulare, vel singulare in suum vniuersale vt si quis velit probare, Petrum currere, dicat. Omnis homo currit; ergo Petrus currit; vel negatiue. Nullus homo currit; ergo Petrus nō currit.

Respondetur ad omnes, & similes argumentationes, negando consequentiam. Non quia sint falsæ sed quia petitur in illis principium; hoc est, præmissæ non sunt probatiue conclusionis, vel antecedens, consequentis: siquidem maior, & minor, vt probent conclusionem, vel antecedens, vt probet consequens, debent esse notiora conclusione, vel consequente. Modò maior in prima argumentatione nō est notior conclusione, quia etiam cælum habet materiam, & tamen, secundum plures, non est corruptibile. Similiter in secunda, est æquè notum, vel ignotum: Antonium esse filium Petri, ac Petrum esse Patrem Antonij. Et pariter in tertia, & quarta antecedens non est notius consequente: idē censetur argumentationes fatuæ: ac propterea committitur hæc fallacia, penes primum modum.

Secundus Modus prouenit ex eo, quod

minor non est notior consequente. Vt quicquid multiplicat suas species, est visibile: sed lux multiplicat species: ergo lux est visibilis.

Respondetur negando consequentiā: quia petitur principium: quandoquidem ita mihi est notū, lucem multiplicare suas species, ac lucem esse visibilem: idē minor illa. Lux multiplicat suas species. Non est notior conclusione: ergo lux est visibilis: quæ videtur per eam probari; quod tamen est necessarium, tū in præmissis respectu conclusionis, tū in antecedente respectu consequentis; aliter semper erit fallacia Petitionis principij.

Potest etiam committi hæc fallacia in respondendo; quando nimirum ratio, quæ assignatur in responsione, non est notior conclusione, quæ defenditur. Et tunc potissimum accidit in disputationibus, cum responsiones non adæquant difficultatem propositam, nec imponitur silentium arguenti. At, dicta pro sufficienti intelligentia huius deceptionis, sint satis, ne breuitatem inuentam omittamus.

De Fallacia Consequentis.

C A P V T XIV.

Consequens, est propositio, quæ denotatur sequi ex alia, mediante nota illationis. Vt si Franciscus est homo, Franciscus est animal. Et dupliciter sumitur, scilicet propriè, & impropriè.

Consequens impropriè sumptum, dicitur quolibet propositio, quæ ex alia infertur, mediante nota illationis, ergo, vel igitur, siue verè, siue falsè vt si homo est; ergo animal est. Vel, si animal est; ergo homo est. Quia prior est vera, posterior falsæ; cum ex positione animalis, non necessario sequatur homo; siquidem, & leo, & equus sunt animalia.

Consequens propriè sumptum, est propositio, quæ verò, & conuenienter sequi denotatur ex alia, mediante illationis nota. Vt si Petrus est homo; igitur Petrus est animal. Quandoquidem nequit esse homo, quin sit animal; cum essentialiter includatur in eo, tamquam pars distinctionis eiusdem hominis.

Fallacia consequentis, est idoneitas decipien-
decipien-
li

ciendi, proueniens ex apparenti conuertibilitate secundæ consequentiæ cum prima. Causa defectus, est non conuertibilitas illarum. Ex his sequitur, ad hanc fallaciam semper requiri duas consequentias, quarum una sit vera, & altera falsa. Vt si homo est, animal est; ergo si animal est, homo est. Nam prior consequentia, est vera; posterior falsa.

Huius fallaciæ, duo sunt arguendi modi. Primus arguendo à destructione antecedentis ad destructionem consequentis. Vt si homo currit, animal currit; sed nullus homo currit; ergo nullum animal currit.

Soluitur, negando consequentiam; quia committitur illa fallacia, arguendo à destructione inferioris, ad destructionem superioris. Ex quo sequitur, quod omnes argumentationes ab inferiori ad superius, cum distributione inferioris, peccant secundum primum modum huius fallaciæ.

Secundus modus est, arguendo à positione consequentis, ad positionem antecedentis. Vt si homo currit, animal currit; sed animal currit; ergo homo currit.

Soluitur, negando consequentiam; quia committitur hæc fallacia, arguendo à superiori ad inferius affirmatiue, cum positione superioris ad inferendum: quod non valet, vt supra dictum est, tract. 3. Sect. prima cap. 10. cum egius de modis arguendi à propositione Hypothetica conditionalis.

De Fallacia secundum non causam, vt causam.

CAPVT XV

CAUSA, vt ad propositum spectat, est propositio probans, seu inferens conclusionem. Non causa verò, est præmissa, nihil verò, sed tantum apparenter faciens ad inferendam conclusionem; vt in hoc exemplo. Omnis homo est risibilis; omne animal est homo, & Asinus est animal; ergo Asinus est homo. Præmissa causa est illa: omne animal est homo; quia facit ad illationem huius conclusionis, ergo Asinus est homo. Præmissa verò non causa, est hæc: omnis homo est risibilis, quæ re vera nihil facit ad inferendam hanc conclusionem: Asinus est homo; apparet tamen facere,

quia risibile, & homo continetur sub animali, sicut rudibile, & Asinus.

Fallacia secundum non causam, vt causam, est idoneitas decipiendi, proueniens ex apparenti concursu præmissæ non causæ, ad illationem conclusionis: propter quod creditur, quod sicut conclusio est falsa, ita etiam non causa, sit falsa. Causa defectus, est non concursus præmissæ non causæ, ad illationem conclusionis.

Ad hanc fallaciam, semper requiruntur duo processus, quorum prior, est Syllogisticus, id est dispositus in modo, & figura, siue verè, siue apparenter; posterior verò sit, inferendo falsitatem præmissæ non causæ, ex falsitate conclusionis. Vt omnis Asinus est rudibilis; omne animal est Asinus: Homo est animal; ergo Homo est Asinus. Ecce prior processus, in quo argumentum est in Barbara. Deinde inferitur falsitas præmissæ non causæ, ex falsitate conclusionis, ita procedendo. Conclusio est falsa; ergo aliqua præmissarum, scilicet ista. Omnis Asinus est rudibilis. Quæ tamen cum sit vera, sequitur, quod prior processus peccet secundum hanc fallaciam, non causam, vt causam.

Huius fallaciæ tres sunt modi, secundum quos præmissa non causa, conuenit cum conclusione.

Primus modus sit, quando præmissa non causa, conuenit in subiecto cum conclusione. Vt omnis Asinus est rudibilis; omne animal est equus, & omnis Asinus est animal; ergo omnis Asinus est Equus. Conclusio est falsa; ergo aliqua præmissarum, & non nisi ista: omnis Asinus est rudibilis.

Secundus modus sit, cum præmissa non causa, conuenit in prædicato cum conclusione. Vt omne animal rationale est homo; aliquis Asinus est rationale, & aliquid rationale est homo; ergo aliquis Asinus est homo. Conclusio est falsa; ergo aliqua præmissarum, & non nisi ista: omne rationale est homo.

Tertius modus sit, quando præmissa non causa, conuenit in utroque, scilicet prædicato, & subiecto cum conclusione. Vt nullum insensibile est animal; aliquis Asinus est insensibilis, aliquid animal non est Asinus; ergo aliquid insensibile est animal. Conclusio est falsa; ergo aliqua præmissarum, & non nisi ista nullum insensibile est animal.

Soluuntur

Soluitur omnia ista, & similia argumenta, negando consequentiam; quia committitur hæc fallacia, inferendo ex falsitate conclusionis, falsitatem præmissæ non causæ, illam inferendo; cum tamen nullo modo influat in conclusionem.

Committitur etiam hæc fallacia, ut docet Scotus in primo dist. 3. q. 7. E inferendo conclusionem falsam ex vna sola propositione, quæ non sit causa illius illationis. Ut Asinus est animal; ergo homo est irrationalis. Nam esse irrationale in homine, non repugnat sibi ex eo, quod Asinus sit animal, sed quia rationale, quod est differentia constitutiva hominis, pugnat formaliter cum irrationali, per quod constituitur Asinus; vnde sequitur non causa, ut causa; de qua sufficit, quod dictum est.

De Fallacia secundum plures interrogationes, ut vnam.

CAPVT XVI.

Propositionum, alia dicitur propositio vna, alia propositio plures. Propositio vna est illa, in qua vnum prædicatum dicitur de vno subiecto. Et hæc potest fieri quadrupliciter primo cum prædicatur vnum numero de seipso. Ut Petrus, est Petrus. Secundo, cum prædicatur vnum specie de vno numero. Ut Petrus est homo. Tercio, cum prædicatur vnum genere de vno specie. Ut homo est animal. Quarto tandem, quando prædicatur vnum analogum de suo analogato. Ut animal est sanum, vel ægrum.

Propositio plures est illa, in qua plura prædicantur de pluribus. Ut Petrus, & Paulus currunt: vel plures de vno. Ut Petrus legit, & disputat: vel vnum de pluribus; & hæc fit interrogando. Ut est nê Petrus, & Paulus cæcus? In hac vltima propositione plures, committitur hæc fallacia, quia pluribus interrogationibus, datur vna tantum responsio.

Fallacia secundum plures interrogationes, ut vnam, est idoneitas decipiendi, proueniens ex similitudine interrogationis plures, cum interrogatione vna; ex qua creditur posse dare vnam responsionem ad vnam propositionem plures, sicut ad propositionem vnam.

Causa defectus, est diuersitas earumdem

interrogationum, scilicet vnius, & plures.

Hæc fallacia potest fieri duobus modis. Primo modo, quando plura, eidem interrogationi subiunguntur, vel plura prædicantur coniunctim. Ut est nê Petrus, vel hîc Asinus homo? Si dicatur affirmatiue, quod sunt homo; statim inferitur; ergo hîc Asinus est homo. Si autem detur responsio negatiua, statim concluditur negatiue de Petro: ergo Petrus non est homo.

Soluitur respondendo duabus responsionibus; quarum altera sit affirmatiua dicendo. Petrus est homo: & altera negatiua; & hîc Asinus non est homo: aliter committitur hæc fallacia, applicando pluribus interrogationibus, vnam tantum responsionem.

Secundo Modo fit, quando plura in numero plurali subiunguntur, vel prædicantur: ut si queratur, demonstrando cæcum, & videntem. Sunt nê isti cæci, aut videntes? Si dicatur, sunt videntes: statim inferitur ergo cæcus est videns. Si verò dicatur: sunt cæci; ergo concluditur, videns est cæcus; quod vtrique est absurdum.

Soluitur eodem modo per duas responsiones. Hic est cæcus; demonstrando cæcum; & hîc est videns; additando videntem; & hæc de Fallacijs.

De Reductione omnium Fallaciarum, ad Fallaciam Ignorantia Elenchi.

CAPVT XVII.

Reducere Fallacias ad ignorantiam Elenchi, est demonstratio, qualiter peccent contra aliquam particulam, seu conditionem positam in definitione Syllogismi Elenchi; vel se habentem ex parte Syllogismi, vel ex parte contradictionis; siquidem, quemadmodum differentia adueniens generi constituit speciem, ita ratio contradictionis adueniens Syllogismo, constituit Elenchum.

Fallacie igitur Equiuocationis, & Amphibologiz, reducuntur ad ignorantiam Elenchi; quia fiunt secundum multiplicatam dictionis, vel orationis, quæ impediunt Syllogismum, & contradictionem, ut patet in definitione Elenchi.

Fallacie compositionis, & Diuisionis, ac Accensus, reducuntur ad Elenchum, quia nō fiunt in vnitatem rationis, vel orationis eiusdem, secundum vocem, & significationem simul.

Fal-

Fallaciæ Antecedentis, & Consequentis, reducuntur; quia peccant contra illam particulam, de necessitate accidere; positam in definitione Elenchina in his duabus Fallacijs conclusio non sequitur de necessitate, ex præmissis.

Fallacia à secundum quid ad simpliciter, reducitur ad ignorantiam Elenchi; quia de eadem re non est affirmatio, & negatio; ut patet in hoc exemplo. Ethiops est albus secundum dentes; ergo est albus, & non albus.

Fallacia Petitionis principij, & non causæ, ut causæ reducuntur; quia præmissæ non probant conclusionem; & ideo peccant contra illam particulam. Non connumerato eo, quod erat in principio.

Fallacia tandem, secundum plures interrogaciones, ut vnam, reducitur; quia

peccat contra vnitatem propositionis, Syllogismus enim Elenchus si non habeat propositionem vnam; hoc est carentem multiplicitate; sed propositionem plures, non erit bonus Elenchus; quia non poterit concludere perfectam contradictionem.

Ex his, sequuntur duo Corollaria. Primum, quod omnes fallaciæ in dictione, & secundum quid ad simpliciter reducuntur; quia peccant contra aliquam particulam requisitam ad perfectam contradictionem. Secundum Corollarium; quod omnes fallaciæ extra dictionem, reducuntur; quia peccant contra condiciones necessario requisitas ad syllogismum Elenchi. Et hæc de Syllogismo Sophistico, & de hac Sectione tertia, dicta sufficiant.





TRACTATVS PER V T I L I S

DE

PRIMIS, AC SECVNDIS
I N T E N T I O N I B V S,

AD MENTEM DOCTORIS SVBTILIS IOANNIS
DVNS SCOTI ORD. MIN.

Per A.R.P.F. Liuium de Monturfio Vicentinum, Ord. Min.
Reg. Obs. Lect. Gener. olim exaratus, & denuò
maiori cum studio, ac diligentia reuifus,
fæliciter incipit.



*Q*uoniam, inquit Boetius in Porphyrium, tempus ad studia vacat, & hoc otium, in negotium honestum conuerti licet, Tractatum de primis, ac secundis Intentionibus necessarium, post Summulas Petri Hispani, tradere decreuimus; vt ex earum notitia, Aristotelis logicam ad mentem Doctoris subtilis aggredientes, captu faciliorem reddamus. Nam, cum ex eodem Boetio, ipsa

fit de secundis Intentionibus applicatis primis, non aliter intelligi potest, quam res, de quibus acturi sumus, ad intelligentiam præparemus. Et nè confuso modo procedamus, talem ordinem nobis præscribendum censuimus; vt primò Diuisionem Entis in reale, & rationis, à quibus originatur secunda Intentio: secundo, quid sit prima, ac secunda Intentio; & tertio quomodo de se inuicem prædicari possint breuiter videamus.

De Divisione Entis in Reale; & Rationis.

SECTION I.

Quid sit Ens Reale, & quatuorplex.

CAPVT I.

ENS transcendentissimè sumptum, secundum Doctorem Subtilem in Quolibet. 3. art. primo, & Auctorem Formalitatum Scoti, tract. primo, in principio, diuiditur in ens reale, & rationis. Quam diuisionem Scotistæ ferè omnes, dicunt esse æquiuocæ in consilio in sua æquiuocata; quia diuerso conceptu dicitur de ente reali, ac rationis; similiter, per prius de reali, quàm de ente rationis, cum sit perfectius, prædicatur: quod an sit verum, aliàs dicam.

Ens reale est illud, quod seclusa operatione intellectus, & voluntatis, habet esse in rerum natura. Et sic, comprehendit sub se Deum, Angelos, & decem Prædicamenta, scilicet Substantiam, Quantitatem, Qualitatem, Relationem, Actionem, Passionem, Situm, Habitum, Vbi, & quando. Dicitur notanter in definitione, seclusa operatione intellectus, vel voluntatis. Vt includat multa entia realia spiritalia, scilicet scientiã, sapientiam, habitus virtutum, species intelligibiles, intellectiões, volitiones, & cætera huiusmodi, quæ sunt vera entia realia, & tamen habent esse in intellectu, ac voluntate, obiectiue, vel subiectiue. Et excludat entia rationis propriè dicta, quæ necessariò dependent in esse ab operatione, seu ab actu intellectus, vel voluntatis, cuiusmodi sunt, prima, ac secunda Intentio, vt suo loco inferius videbimus.

Ens reale diuiditur, in absolutum, & respectuum. Ens reale absolutum est illud, cuius esse, est ad se, idest non dicit respectum ad aliud, vt ad suum terminum. Et sic, comprehendit tria prima prædicamenta, scilicet Substantiam, Quantitatem, & qualitatem, cum omnibus, quæ in ipsis reponuntur, siue directè, siue indirectè. Et licet esse quantitatis, & qualitatis, sit in alio, vt in subiecto, quod afficit, non tamen est ad aliud, vt ad terminum. Et per hoc, distinguitur ab ente Respectiuo.

Ens respectuum est illud, cuius totum esse, est ad aliud se habere; idest referri ad terminum. Pater N. refertur ad filium, & è conuerso. Et hoc ens, comprehendit septem rei qua Prædicamenta, scilicet Relationem, Passionem, Actionem, Situm, Habitum, Vbi, & Quando. De quibus, egimus in Summulis, & denuò acturi sumus in Logica Maiori, in libro Prædicamentorum Aristotelis.

Quid, & Quatuorplex sit Ens Rationis.

CAPVT II.

ENS Rationis, ex Scoto in 4. dist. p. q. 2. lit. P. est triplex, scilicet obiectiuum, subiectiuum, & habens esse in considerato, vt considerato. Ens rationis obiectiuum, quod est verum ens reale, est illud, quod est obiectum Intellectus, & Voluntatis, quæ ratio vocatur. Vt Angelus, animal, homo; & sic de alijs vniuersalibus, quæ in tantum dicuntur entia rationis, in quantum sunt cognoscibilia, & volibilia à ratione, scilicet ab Intellectu, & Voluntate; quæ sunt potentie rationales.

Ens rationis subiectiuum est illud, quod est in Intellectu, vel Voluntate, vt in suo connaturali subiecto. Vt scientiæ, species intelligibiles, intellectiões, volitiones &c. quæ in tantum dicuntur entia rationis, in quantum sunt in ratione, scilicet in Intellectu, & voluntate: cum hoc, tamen stat, vt sint vera entia realia, & qualitates spirituales. Ex quo sequitur, quod ens rationis primo, & secundo modo, dicuntur entia rationis tantum extrinsecè, & denominatiue, cum intrinsecè sint vera entia realia; non enim pendent in esse ab opere intellectus, vel voluntatis, quamuis ab Intellectu, vel Voluntate producantur, vel saltem in eis subijciantur.

Ens rationis, quod habet esse præcisè in considerato, vt considerato, est illud, quod in suo esse, & conseruari pendet ab opere Intellectus, & Voluntatis: & hoc comprehendit primas, & secundas Intentiones; vt sunt homo cognitus, Leo cognitus, genus, species, differentia, proprium, & accidens, ac cætera huiusmodi.

Ens hoc tertio modo (quod ultimo modo est ens reale, si formaliter accipiatur) diuiditur

diuiditur in absolutum, & respectuum, sicut ens reale.

Ens rationis absolutum est illud, cuius esse est ad se, & non refertur ad aliud. Vt chimera, & prima intentio, scilicet homo cognitus absolute; non comparando ipsum, nec ad superiora, nec ad inferiora.

Ens rationis respectum est illud, cuius esse est ad aliud se habere, & nullo modo cognosci potest, nisi referatur ad aliud, vt ad suum terminum: & hoc est secunda intentio: veluti genus, species, subiectum, predicatum; quæ in tantum habent suum esse, in quantum cognoscitur animal in ordine ad hominem; & homo, in ordine ad animal; vt infra videbimus.

Ens rationis, tam absolutum, quam respectum adhuc est duplex, scilicet intellectum, & volitum.

Ens rationis intellectum est illud, quod pendet ab opere intellectus: cuiusmodi est prima, & secunda intentio, fabricata per opus intellectus. Vt homo cognitus, animal cognitum, genus, species &c.

Ens rationis volitum est illud, quod pendet ab opere voluntatis; vt sunt prima, & secunda intentiones, fabricata ab opere voluntatis. Vt homo volutus, Franciscus volutus, Cardinalatus, Episcopatus, Generalatus, & huiusmodi. De his omnibus erit sermo, sed præcipue de intellectu; quia de hoc tractant Philosophi speculativi, & de illo Morales.

De duplici intellectu, ac eorum operationibus.

CAPVT III.

DViplicem esse intellectum, scilicet Agentem, & Possibilem, habemus ex Aristotele tertio de Anima tex. com. 18 & 9. Metaph. tex. com. 10 Intellectus Agens, secundum Aristotelem loco citato, est ille, cuius est omnia facere; scilicet, qui transfert obiecta de ordine materialium ad ordinem immaterialium, abstrahendo, sed cauendo species intelligibiles, per quas obiecta, potentia intelligibilia, sunt actu intelligibilia; & in hoc consistit munus intellectus Agentis. Quod declaratur, & manifestatur in sequenti ordine.

Accipio, verbi gratia albedinem, quæ

cum sit ens reale existens extra intellectum est obiectum tantum potentia intelligibile; Et ad hoc, vt fiat actu intelligibile, debet prius depurari à conditionibus materialibus: hoc autem fit, dum primo sensus communis recipit speciem ipsius albedinis, mediante potentia visiva. Secundo illa species concurret partialiter cum sensu communi, & producit aliam speciem puriorem, quæ recipitur in æstimatione; cum qua tertio producit aliam speciem puriorem, quæ recipitur in phantasia.

Quarto, Phantasia simul cum illa, producit aliam speciem, quæ vsque modo representat albedinem subconiunctionibus materialibus, scilicet in quantum informat talem parietem, tali modo situatum, in hac Schola, & hoc tempore præsentem. Quinto Intellectus Agens depurat hanc eandem speciem à conditionibus materialibus. Quæ depuratio consistit in hoc, vt producat (siue se solo, habita tamen prius occasione speciei, seu phantasmatis, siue species phantasiabilis concurret cum eo, vt causa partialis) speciem intelligibilem albedinis, quæ ipsam representat tantum se eundem suam essentiam, & quiditatem videlicet, secundum rationem speciei specialissimæ. Sexto, talis species intelligibilis recipitur in intellectu possibili. Et tunc albedo, quæ erat tantum potentia intelligibilis, dicitur esse actu intelligibilis; quia potest semper mouere intellectum ad cauendam noticiam, seu cognitionem ipsius albedinis. Et hæc de intellectu agente, vt spectat ad præsens negotium.

Intellectus autem possibilis, ex Aristotele ibidem, est ille, cuius est omnia fieri, id est recipere species intelligibiles, causatas ab intellectu Agente, & cum illis concurrere ad cauendam illarum rerum, quas repræsentat, noticiam; quod fit per sequentem ordinem continuationum prioris, manifestus.

Primo intellectus possibilis recipit speciem intelligibilem albedinis, causatam ab intellectu Agente. Secundo concurret cum illa specie, quæ representat illam albedinem, & producit noticiam ipsius. Tertio tandem, recipit in se illam intellectionem a se productam; & tunc dicitur, formaliter albedinem cognoscere. Ex quo sequitur primo, quod Intellectus possibilis,

H
lis,

lis, est actiuus, & passiuus. Est actiuus, dum in secundo signo producit intellectiōnem; & in hoc conuenit cum Intellectu Agente. Est postea passiuus, dum in primo signo recipit intelligibilem speciem, & in tertio, intellectiōnem: recipere enim est quoddam pati, ex Aristotele pluribus in locis, sed præcipue loco citato. Et per hoc differt ab Agente, qui nullo modo est receptiuus; & consequenter nullo modo passiuus.

De triplici Actu Intellectus Possibilis.

C A P V T IV.

TRes Actus intellectus ponunt omnes differentes de hac materia, scilicet reflexum, rectum, & collatiuum; & quemlibet istorum, actiuum, & passiuum. Quia sicut in corporalibus, numquam datur aliquod agens, nisi detur id, in quod agat, scilicet passum; sic in spiritualibus, numquam potest intellectus denominari intelligens, aut voluntas amans, nisi detur aliquod obiectum intellectui, & amatum. Ex quo sequitur, quod sicut ponitur aliquis actus in intellectu, quo dicitur intelligens, ita debet poni alius actus in obiecto, quo denominetur intellectus: prior dicitur actiuus, posterior passiuus.

Actus rectus actiuus, est notitia, qua intellectus dicitur intelligens aliquod obiectum directe, & absolute; id est non comparando illud ad aliud obiectum: ut verbi gratia, notitia, qua meus intellectus denominatur intelligens, seu cognoscens hominem, non comparando illum, nec ad superius, nec ad inferius, dicitur actus rectus actiuus.

Actus rectus passiuus, est illa notitia, seu cognitio actiua, qua intellectus se supra se, vel supra actum rectum actiuum reflectens, dicitur cognoscens se ipsum, vel actum rectum actiuum præcedentem.

Actus reflexus passiuus, est cognitio passiuua, qua intellectus, vel actus rectus, dicitur cognitus à se ipso.

Actus collatiuus, seu comparatiuus actiuus, est quædam notitia, qua intel-

lectus dicitur cognoscens comparatiue duo obiecta cognita actu recto ad inuicem: ut verbi gratia notitia, qua intellectus dicitur cognoscere animal cognitum actu recto, in ordine ad hominem cognitum, pariter actu recto, sub aliqua proprietate illis conueniente; id est quatenus est illi communicabile, ac cæteris animalibus.

Actus comparatiuus passiuus, est quædam cognitio passiuua, qua vniui obiectum dicitur cognitum sub aliqua proprietate, in ordine ad aliud.

Ex his sequuntur tria Corollaria, seu conclusiones; & . Primum, quod omnes actus actiui, scilicet rectus, reflexus, & comparatiuus, sunt vera entia realia, que habent esse subiectiue in intellectu; cum in suo esse pendeant immediate ab intellectu, qui est causa realis, & non ab eius opere, sicut facit actus passiuus.

Secundum Corollarium. Omnes actus passiuui, scilicet rectus, reflexus, & comparatiuus, sunt entia rationis, prout ens rationis distinguitur ab ente reali; cum pendeant in suo esse ab opere intellectus actiuo; scilicet rectus, ab actiuo recto; reflexus, à passiuo reflexo; & comparatiuus, à comparatiuo actiuo.

Tertium Corollarium. Actus rectus, & reflexus passiuui, sunt entia rationis absoluta. Actus autem passiuus comparatiuus; est ens rationis respectiuum. Prima pars patet; quia denominant obiecta cognita absolute, & sine comparatione ad aliud; quod non conuenit, nisi enti absoluto, cuius esse, est ad se. Secunda pars patet etiam; quia actus comparatiuus denominat obiectum cognitum in ordine ad aliud; conuenitque tantum relatiuis.

De Voluntate, & eius Actibus.

Voluntas, secundum Doctorem Subtilem in tertio dist. 17. q. vñica, lit. A, est appetitus cum ratione liber. Quæ definitio sic intelligitur. Voluntas est potentia appetitiua, quæ præsupposita cognitione finis, seu alicuius alterius obiecti per intellectum, potest illud

illud velle; aut nolle, vel saltem non velle, sicut sibi placet. In qua definitione ponitur potentia loco generis; est enim communis potentis sensitivis, & rationalibus: ly appetitiva, ponitur ad differentiam intellectus, qui est potentia cognoscitiva: ly præsupposita cognitione &c. ponitur etiam ad differentiam intellectus, qui in sui operatione non supponit aliam cognitionem, saltem intellectivam. Dicitur tandem; potest velle, & nolle, aut non velle: ad differentiam eiusdem intellectus, qui, si sibi præsentetur obiectum, nequit non cognoscere illud.

Voluntas autem habet tres actus, scilicet velle, nolle, & non velle. Velle est, quo amat; nolle, quo odit; & non velle, quo nec amat, nec odit, sed suspendit utrumque. Velle autem, & nolle, est triplex, scilicet rectum, reflexum, & comparativum. Ex quo inferretur, voluntatem habere hunc triplicem actum, scilicet rectum, reflexum, & comparativum; & quemlibet actum, & passivum.

Actus rectus actus voluntatis, est quædam volitio, vel nolitio, qua dicitur amans, vel odio habens aliquod obiectum per se, & absolute, non referendo illud ad aliud: & sic volitio illa, qua voluntas dicitur amans Petrum, vel Franciscum per se, non respectu Dei, vel intuitu suarum virtutum; aut nolitio, qua dicitur odire peccatum per se quia est ex se malum, dicuntur actus recti actui voluntatis.

Actus rectus passivus voluntatis, qui ab activo derelinquitur, est illa volitio, vel nolitio passiva, qua verbi gratia Franciscus dicitur per se amatus; aut peccatum odio habitum, non in comparatione, vel referencia ad aliud.

Actus reflexus actus voluntatis, est quædam volitio, vel nolitio, qua voluntas dicitur amans se ipsam, vel odio habens suum actum rectum, scilicet volitionem, vel nolitioem rectam.

Actus reflexus passivus voluntatis, est quædam volitio, aut nolitio passiva, qua voluntas dicitur amata a se ipsa; vel eius actus dicitur a se odio habitus.

Actus tandem comparativus actus

voluntatis, est volitio, aut nolitio, qua voluntas dicitur volens verbi gratia Franciscum in ordine ad Deum; vel odio habens peccatum; ut causatum damnationis æternæ; aut nolitio, qua voluntas dicitur verbi gratia nolens Antonium superare Petro, propter suam insufficientiam in gubernio.

Actus verò comparativus passivus, est volitio, vel nolitio passiva, qua verbi gratia Franciscus dicitur volutus in ordine ad Petrum, cum illis proprietatibus, quibus redditur amabilis, vel nolitio in ordine ad Paulum, ob suam insufficientiam in regimine.

Ex his sequuntur tria Corollaria. Primum. Omnes actus activi, tam recti, quam reflexi, & comparativi voluntatis, sunt vera entia realia; cum sint veræ qualitates spirituales, dependentes à voluntate immediate, ut à causa reali.

Secundum Corollarium. Omnes actus passivi, siue recti, siue reflexi eiusdem voluntatis, sunt entia rationis absoluta; prout ens rationis distinguitur ab ente reali: patet; quia dependent ab actibus activis voluntatis absolute, & per se, sine comparatione ad aliud.

Tertium Corollarium. Actus passivus comparativus, est ens rationis respectivum: patet; quia de nominat obiectum volitum, vel nolitum in ordine ad aliud; ut patet de Magisterio, quod dicitur ordinem ad Discipulatum, &c. & converso. Quinam actus dicantur primæ vel secundæ intentiones, videbimus in sequenti capite.

Quid sit Intentio, & Conceptus, & quomodo differant inter se.

CAPUT V.

Intentio derivatur ab hoc verbo, Intendo intendis; unde intendere, ex Scoto in secundo distin. 38. quæst. vñca, est in aliud tendere. Cum autem tendere in aliud competat potentis actui, & obiecto, etiã intentio dicitur de potentia, actu, & obiecto eius. Potentia tunc dicitur tendere in aliud, scilicet in obiectum,

H 2 cum

cum per suum actum, illud attingit: verbi gratia intellectus dicitur tendere in hominem, dum per intellectionem à se productam, dicitur illum cognoscere. Vel voluntas dicitur intendere Antonium, dum mediante sua volitione, aut nolitione dicitur ipsum amare, vel odire. Obiectum autem dicitur tendere in aliud, scilicet in potentiam, dum mediante actu potentiae, dicitur attingi à potentia: ut homo, dicitur tendere in intellectum, vel voluntatem, in quantum est cognitus, vel volitus ab intellectu, vel voluntate. Actus tandem dicitur tendere in aliud, dum intellectus, vel voluntas, mediante ipso, dicuntur tendere in obiectum, illud cognoscendo, aut volendo.

Ex quo, sequuntur duo Corollaria. Primum. Quod intentio dicitur de tribus, scilicet de potentia, ut de intellectu, & voluntate. Secundo, De eorum actibus, scilicet de intellectione, volitione, aut nolitione: & tertio de eorum obiectis terminativis; ut nimirum sunt cognita, aut volita, vel nolita.

Secundum, Corollarium. Quod cum obiectum sit cognitum ab intellectu, & volitum à voluntate triplici actu, scilicet recto, reflexo, & comparativo; intentio pariter dicitur de obiecto cognito, vel volito actu recto, vel reflexo, aut comparativo: & sic, homo cognitus actu recto, vel comparativo, vel intellectus cognitus à se actu reflexo, dicuntur intentio.

Intentio autem, prout dicitur de obiecto cognito, vel volito, potest accipi dupliciter, id est in abstracto, & in concreto. Intentio in concreto, est obiectum cognitum, vel volitum actu recto, vel reflexo, aut comparativo. Intentio verò in abstracto, est illa cognitio, vel volitio passiva, qua obiectum denominatur cognitum, vel volitum. Unde intentio in abstracto, & actus passivus intellectus, vel voluntatis, tam rectus, quam reflexus, aut comparativus, sunt idem.

CONCEPTVS, venit à verbo concipio, concipis. Unde concipere, est intra se accipere: quod convenit potentiae cognitivae, scilicet intellectui, qui intra se accipit obiectum, mediante specie intelligibili, quae est imago ipsum representans, si est motuum; vel mediante actu intel-

lectionis, si est terminativum eius.

Ex quo sequuntur duo. Primum quod conceptus dicitur de tribus, scilicet de intellectu, in quantum concipit obiectum; de actu, in quantum est ratio illud concipiendi; & de obiecto terminativo, in quantum est conceptum, & receptum intra intellectum.

Secundum, Quod concipere, nequit convenire voluntati, nec conceptus, eius actui, aut obiecto; quia non potest accipere intra se obiectum; siquidem, in tantum acciperet intra se, in quantum acciperet similitudinem eiusdem; sed actus voluntatis nequit esse imago, & similitudo obiecti; igitur voluntas nequit concipere, nec eius actus potest dici conceptus.

Cōceptus verò dupliciter, accipitur vno modo adiectivè, obiectivè, & in concreto; alio modo substantivè, formaliter, & in abstracto.

Conceptus primo modo, significat obiectum conceptum, mediante actu intellectus: ut homo cognitus, Leo cognitus &c. Secundo modo, significat actum intellectus, quem habet de illo homine sic cognito. Cum autem intellectus sit duplex, scilicet activus, & passivus; ita conceptus secundo modo sumptus, erit duplex, scilicet activus, & passivus.

Conceptus activus, est illa notitia, qua intellectus dicitur concipere, seu intra se accipere obiectum: ut cognitio, qua intellectus meus dicitur accipere intra se hominem.

Conceptus passivus, est illa passiva cognitio, qua obiectum dicitur conceptum, scilicet acceptum in intellectu; & tale vocatur concipi passivum.

Ex his sequuntur tria Corollaria. Primum. Conceptus, & intentio obiectiva, scilicet ut dicitur de obiecto cognito, sunt idem: probatur. Quia, ex Scoto in Theorematis, conclusionem. 9. Theor. 6. conceptus est obiectum, prout est in intellectu, non ut forma, id est ut species intelligibilis, sed ut actu cognitum; atqui intentio obiectiva est huius modi, ut patet ex dictis in hoc eodem capite; igitur intentio, & conceptus, sumpti pro obiecto cognito, sunt idem.

Secun-

Secundum Corollarium. Intentio est communior conceptus. Patet; quia intentio competit tam intellectui, quam voluntati; cum utraque potentia tendat in suum per se obiectum; conceptus verò, tantum intellectui; eum ipse solus possit intra se accipere obiectum, mediante actu intelligendi à se producto, & in se recepto; vt superius dictum est.

Tertium Corollarium. Conceptus sumptus adiectiue, & intentio obiectiua in concreto, sunt idem. Conceptus similiter passius substantiue acceptus, & intentio obiectiua in abstracto, sunt idem re, differunt tamen ratione, scilicet per diuersas relationes rationis; vt melius vobis intelligentibus erit manifestum; pro nunc sufficiat.

De Intentione Prima, & Secunda.

SECTIO II.

Quid sit prima, & secunda Intentio.

CAPVT I.

Inuestigata in præcedenti capite natura intentionis, in præsentī videntum est, vnde dicatur tam prima, quam secunda intentio.

Pro quo, notandum est primo, ex Scoto in Gramatica speculatiua, De Constructione §. Vbi natura constructionis &c. quod primum, & secundum, sunt differentie ordinis; idē infert, quod vbi est dare primum, ibi etiam est dare secundum. Primeitas autem, & secundeitas intentionum, à quibus dicuntur prima, & secunda intentio, debet attendi ex ordine actuum intellectus, & voluntatis; nimirum, vt primo datur actus rectus, vel reflexus (qui in proposito sumuntur pro vno actu) & secundo sequatur actus comparatiuus; ita ut nullo modo datur actus comparatiuus, nisi præcedat actus, rectus, vel reflexus. Ex quo sequitur, quod intentio,

quæ derelinquitur per actum rectum, vel reflexum, dicatur prima; quia derelinquitur à primo actu, qui est rectus, vel reflexus; & illa quæ habetur per actum comparatiuum, dicatur secunda intentio; quia derelinquitur à secundo actu intellectus, qui est comparatiuus.

Secundo Notandum, Quod cum secunda intentio sit ens respectuum, seu relatio rationis, requirit necessariò, duo extrema; quorum alterum dicatur fundamentum, & terminus alterum. Quæ extrema, sunt duæ primæ intentiones, seu duo obiecta cognita actu recto, vel reflexo, sub aliqua proprietate sibi conuenienti. Vt animal cognitum actu recto, vt communicabile pluribus naturis, iterum communicari valentibus est fundamentum huius secundæ intentionis, genus. Similiter, homo cognitus, sub hac proprietate, scilicet, vt communicabilis pluribus, qui non possint alijs communicari, est terminus de ly genus, & fundamentum huius secundæ, intentionis species. Ex quo sequitur, quodd cognitio obiecti cum proprietatibus, est ita necessaria ad secundam intentionem, vt sine ipsa habere esse non possit; quod patet. Quia secunda intentio causatur per actum comparatiuum actuum, seu derelinquitur ab actu comparatiuo actiuo; sed actus comparatiuus præsupponit id, in quo fit comparatio, quod in proposito explicatur per proprietatem rei cognitæ; igitur cognitio obiecti cum huiusmodi proprietate, est necessaria ad secundam intentionem causandam.

His prænotatis, ponuntur duæ definitiones primæ, & secundæ intentionis, tam in concreto, quam in abstracto, ex eo, quod superius diximus, intentionem posse accipi in concreto, & in abstracto.

Prima Intentio in concreto, ex Doct. Subt. in primo distinctione 23. q. vn. lit. G. est res cognita, seu obiectum cognitum, vel volitum passiuè per actum rectum, vel reflexum intellectus, aut voluntatis. Vt homo cognitus, vel animal cognitum. Petrus volitus à voluntate, & huiusmodi.

Prima Intentio in abstracto, est cognitio, vel volitio passiuè, recta, vel

reflexa, qua obiectum denominatur cognitum, vel volitū actu recto, vel reflexo. Ut cognitio, qua homo dicitur cognitus; vel volitio passiva, qua dicitur volitus actu recto; vel cognitio passiva, qua intellectus dicitur à se cognitus; & volitio, qua voluntas dicitur à se volita actu reflexo. In qua diffinitione ponitur cognitio, vel volitio, loco generis; cum sit communis ad cognitionem, vel volitionem actiuam, & passiuam. Ly passiva; ponitur ad differentiam cognitionis, vel volitionis actiue, quæ non sunt primæ intentiones, sed entia realia. Recta, vel reflexa; ponitur ad differentiam cognitionis passiuæ comparatiuæ, respectu intellectus, & volitionis passiuæ comparatiuæ respectu voluntatis; quia non sunt primæ, sed secundæ intentiones, ut statim dicemus.

Secunda intentio in concreto, est res cognita, vel volita actu comparatiuo passiuo intellectus, vel voluntatis. Ut genus, prout concernit animal cognitum, ut communicabile, pluribus differentibus specie; & species in ordine ad hominem cognitum, ut participatium naturæ animalis, velut communicatium suis pluribus differentibus numero tantum, dicitur secunda intentio in concreto. In qua diffinitione, ponitur res cognita, vel volita; loco generis; cum sit communis, tam primæ, quam secundæ intentioni, concretivè sumptæ. Actu comparatiuo passiuo; ad differentiam rei cognitæ, vel volitæ actu recto, vel reflexo, quæ est prima intentio concretivè sumpta, ut dictum fuit.

Secunda intentio in abstracto, est relatio relationis, vel volitio, aut cognitio comparatiua passiva intellectus, vel voluntatis, fundata super primam intentionem, in eadem derelicta ab actu comparatiuo actiuo intellectus, & voluntatis, qua una res dicitur cognita, vel volita in ordine ad aliam, secundum exigentiam suæ naturæ. Ut genus, vel species, prout respectivè abstrahit ab animali, vel homine cognitivè in ordine ad se in universale. In qua

diffinitione ponitur relatio rationis, quæ est genus ad secundas intentiones: ad denotandum, quod secunda intentio non est ens rationis absolutum, ut prima, sed ens rationis respectivum. Vel cognitio, aut volitio ponitur loco generis, cum sit communis actiue, & passiuæ. Passiva; ponitur ad differentiam actiue, quæ non est ens rationis, sed reale. Comparatiua; additur ad differentiam cognitionis, aut volitionis passiuæ rectæ, vel reflexæ, quæ non sunt secundæ, sed primæ intentiones. Fundata super primam intentionem: ponitur ad differentiam primæ intentionis, quæ non fundatur super aliam primam intentionem, sed immediate in ente reali. Derelicta; ponitur ad denotandum, quod secunda intentio non propriè causatur ab actu recto, vel comparatiuo, sed tantum detelinquitur ab actu actiuo in actu passiuo. Ab actu comparatiuo actiuo &c. ponitur ad differentiam primæ intentionis, derelinquitur in objecto cognito ab actu actiuo recto, vel reflexo. Quæ, una res dicitur cognita in ordine ad aliam, &c. ponitur ad differentiam cognitionis, vel volitionis passiuæ rectæ, vel reflexæ, quibus res dicuntur cognitæ, vel volitæ absolute. Addimus etiam, quod per hanc particulam ostenditur, secundam intentionem non esse quid absolutum, sed relatum; cum denominet rem cognitam vel volitam modo relatiuo, & non absoluto. Secundum exigentiam suæ naturæ: ponitur ad denotandum, quod non omnis secunda intentio potest fundari super qualibet primam intentionem, sed tantum super ea, quæ est conveniens suæ naturæ. Ut genus, fundatur super animali cognito; & species super homine, & Leone cognitivè; quia in animali cognito reperitur hæc proprietas, nimirum esse communicabile pluribus differentibus specie, quæ est solum fundamentum generis, & non speciei. Similiter in homine cognito, inuenitur alia, scilicet communicari tantum pluribus differentibus numero, quæ tantum potest fundare secundam intentionem speciei,

& non generis. Insuper, ponitur huiusmodi particula, ad ostendendum secundam intentionem non esse merum figmentum, ut alij fingunt, sed fundari in re, iuxta suam proprietatem, idest naturam cuiuslibet secundae intentionis; ut suo loco dicemus.

Quomodo Secunda Intentio Sumatur in concreto, & in abstracto.

C A P V T II.

PRIMO Notandum est, quod concretum est idem, quod coniunctum; quia duo in vnum coniunguntur, scilicet accidens, & subiectum, cui inhæret. Ut album, simul concernit parietem, & albedinem: diffinitur sic. Concretum est illud, quod significat formam inherentem alteri, ut subiectum. Exemplum de albo, quod significat albedinem, non per se existentem, sed inherentem parieti. Unde sequitur, quod concretum duo importat, vnum principaliter, scilicet formam; & aliud minus principaliter, scilicet subiectum. Ut album, de principali significato importat albedinem; & secundario, ac minus principaliter, significat subiectum; ut nimirum, lignum, vel parietem, cui inest albedo. Abstractum verò, est idem, quod separatum, seu segregatum à suo subiecto; quia nihil concernit, sed per se separatum manet in intellectu; ut albedo; & sic diffinitur. Abstractum est illud, quod significat formam non inherentem alteri, ut subiecto, sed per se existentem. Ut albedo, quæ significat illam qualitatem, non ut concernit lignum, vel parietem, sed per se existentem, & separatam à quocunque subiecto inhesionis; & solum manet obiectiue in intellectu.

Secundo Notandum est, quod sicut

in accidentibus realibus, tam absolutis, quam respectiuis, inuenitur concretum, & abstractum (albedo enim est abstractum, album concretum similiter patet est concretum, & paternitas abstractum) ita in accidentibus rationis debet reperiri concretum, & abstractum, cum non sit maior ratio de illis, quam de his; siquidem omnia habent vnam, & eandem rationem vniuersalem, & absolutam, & respectiui; cum hac tamen differentia, quod in accidentibus realibus, concretum, & abstractum diuersis nominibus denotentur; quia inibi adest copia verborum: ut patet de albo, & albedine; patre, & paternitate; & in accidentibus rationis, cum adsit penuria terminorum, per vnum, & idem nomen importetur concretum, & abstractum. Ut verbi gratia Gepus, potest sumi in concreto, & in abstracto; si priori modo sumatur, significat secundam intentionem, scilicet prædicari de pluribus differentibus specie, in quid, concernentem primam intentionem, scilicet animal cognitum, ut communicabile pluribus differentibus specie in quid, tamquam suum fundamentum. Si verò posteriori modo accipiatur, importat illam eandem intentionem secundam, prout abstrahit ab animali cognito &c. similiter species in concreto, significat hominem cognitum, comparatiue passiuè in ordine ad animal, vel in ordine ad sua inferiora; quæ intentio, exprimitur per prædicari de pluribus differentibus numero ita quid. In abstracto verò, significat illam eandem cognitionem passiuam, qua homo dicitur cognitus in ordine ad animal, vel ad sua inferiora; separatam tamen per intellectum à suo fundamento. Individuum etiam in concreto importat Franciscum cognitum, in ordine ad hominem, quatenus participat naturam eiusdem hominis incommunicabiliter respectu inferiorum, quibus caret. In abstracto verò, significat illam cognitionem passiuam, qua denominatur cognitus comparatiue, in ordine ad hominem, segregatam tamen ab ipso per intellectum.

Ex his fit conclusio. Quodlibet nomen secundæ intentionis, potest dupliciter considerari, scilicet in concreto, & in abstracto. Probatur primo. Quia quodlibet tale, aut significat secundam intentionem concernentem primam; & sic sumitur in concreto: aut ab ea segregatam; & sic accipitur in abstracto. Secundo; quia in accidentibus realibus datur concretum, &

abstractum; ergo, & in accidentibus rationis, cum non sit maior ratio de prioribus, quam de posterioribus; siquidem participant eandem rationem accidentium relatiuorum, sicut, & accidentia relatiua realia. Et ut supradicta doctrina possit omnibus secundis intentionibus aptari, ponamus sequentem arborum, seu categoriam secundarum intentionum.

ARBOR SECVNDARVM INTENTIONVM.

Intellectiuum.	Ens Rationis.	Volituum.
Fundatum.	Intellectiuum.	Non Fundatum.
Relatiuum.	Fundatum.	Absolutum.
Limitatum.	Relatiuum.	Transcendens.
Prædicabile.	Limitatum.	Subijcibile.
Prædicabilis.	2. ^a Intentio.	Subijcibilis.
In Quid.	Prædicabilis.	In Quale.
Partem Essentiæ.	Præd. in Quid.	Totam Essentiam.

Genus.

Gⁿalifs^m | Subalt.^{um}

¹Hoc Gen. ¹Hoc Gen.

Essentiale.

Differentia.

Proprium.

Hoc, Illud.

Hæc, Ista.

Præd. in quale.

P. Essentiale.

P. Accidentale.

Differentia.

Species.

Spealifs. | Subalt.

¹Hæc spes. ¹Illa spes.

Accidentale.

Diffinitio essent.

Accidens cōmune.

Hoc, Illud, Istud.

Hæc, & Illa.

Ex

Ex hac Arbore, facillimo negotio deducitur vndecima Cathgoria entium rationis admodum entium realium; quam dari debere, in proprio loco demonstrabimus; siquidem, & hæc ordinantur adinuicem, secundum sub, & supra, idest secundum subiectionem, & prædicationem. Et ad hanc reducuntur omnia entia rationis fundata, & limitata, ac simplicia; vt superius visum est.

Notandum tamen, quod sicut ordinauimus entia rationis, quæ sunt ab intellectu, ita possunt ordinari illa, quæ causantur à voluntate; & nedum fundata, sed etiam non fundata; quandoquidem omnia habent sua genera, species, & indiuidua, de quibus possunt prædicari.

Quomodo conscribantur Secunda Intentiones.

CAPVT III.

Habita natura primarum, ac secundarum intentionum ex diffinitionibus superius traditis, possemus etiam investigare ex dictis, modum conscribendi quamlibet secundam intentionem; at, quia studentium, & tyronum præcipue, vtilitati, ac facilitati consulere promissimus, ad maiorem eiusdem doctrinæ intelligentiam, aliquot exempla proponere decreuimus, vt ex eorum cognitione, totum hunc tractatum vnusquisque ad praxim ipsam, reducere possit.

Primo Queritur. Quomodo causentur hæc secundæ intentiones, nomen, & eius significatum? Respondetur, quod primo Intellectus cognoscit hanc vocem, Leo, actu recto; quæ cognita, est vna prima intentio. Secundo, cognoscit idem actu recto, naturam Leonis; quæ pariter cognita, est alia prima intentio. Tertio, cognoscit comparatiue hanc vocem, Leo, in ordine ad naturam Leonis, quatenus importat illam ad placitum, sine tempore, & ex tali cognitione comparatiua actiua, derelinquitur in illa voce, Leo, quædam cognitio comparatiua passiuæ, quæ dicitur nomen pro secunda intentione. Quarto demum, cognoscit comparatiue illam

naturam in ordine ad illam vocem, Leo, in quantum sit importata ab ea, seu significata ad placitum, sine tempore, ab illa voce, Leo; & ex tali cognitione comparatiua actiua, derelinquitur in illa natura quædam cognitio comparatiua passiuæ, quæ dicitur sic cognita, quæ vocatur significatum Nominis pro secunda intentione.

Secundo Queritur. Quomodo causentur hæc secundæ intentiones, oratio, & eius significatum? Respondetur primo intellectum cognoscere actu recto hanc vocem complexam, verbi gratia homo est animal; quæ cognita, est vna prima intentio. Secundo cognoscere actu recto hoc, quod est hominem esse animal in re; quod pariter cognitum, est alia secunda intentio. Tertio Intellectus cognoscit comparatiue hanc vocem complexam; homo est animal; in ordine ad hoc, quod homo est animal in re, in quantum significat ad placitum, hominem realiter esse animal; & ex tali cognitione comparatiua actiua; derelinquitur in illa voce quædam cognitio comparatiua passiuæ, quæ dicitur oratio pro secunda intentione. Quarto cognoscit comparatiue hoc, quod homo est animal in re, in ordine ad hanc vocem; homo est animal; in quantum verè, & realiter importatur, seu significatur ab illa ad placitum; & ex tali cognitione comparatiua actiua, derelinquitur in hoc, quod homo est animal in re cognita comparatiua passiuæ; quæ vocatur significatum orationis pro secunda intentione.

Tertio Queritur. Quomodo causentur hæc intentiones secundæ, subiectum, prædicatum, & copula in propositione cathgorica? Respondetur primo, intellectum cognoscere in hoc complexo, homo est animal, hominem esse, & animal, actu recto; quæ cognita, sunt tres primæ intentiones. Secundo, cognoscit hominem in ordine ad animal, in quantum homo est, de quo dicitur quiditatem animal, & ex tali cognitione comparatiua actiua, derelinquitur in homine cognitio comparatiua passiuæ, quæ vocatur subiectum pro secunda intentione. Tertio

tio cognoscit comparatiue animal in ordine ad hominem, in quantum dicitur, seu enunciatum verè de illo; & sic ex tali cognitione comparatiua actiua, derelinquitur in animali sic cognito, quædam cognitio comparatiua passiua, quæ appellatur prædicatum pro secunda intentione. Quarto tandem, cognoscit comparatiue illud verbum est, quatenus coniungit, seu copulat animal cum homine in illo complexo, homo est animal; & ex tali cognitione comparatiua actiua, derelinquitur in illo verbo, est, cognitio comparatiua passiua, quæ dicitur copula pro secunda intentione.

Quarto quaeritur. Quomodo causentur hæc duæ secundæ intentiones, species specialissima, & indiuiduum? Respondetur primo intellectum cognoscere actu recto hominem; qui cognitus, est vna prima intentio. Secundo, cognoscere Petrum, Paulum, Franciscum, & sic de alijs, pariter actu recto; qui cogniti, sunt tot primæ intentiones. Tertio, cognoscere hominem comparatiue in ordine ad Petrum, Paulum, Franciscum, & sic de alijs, in quantum est quædam natura communicabilis illis, qui non possunt alijs communicari; & ex tali cognitione comparatiua actiua, derelinquitur in homine sic cognito, quædam cognitio comparatiua passiua, quæ dicitur species specialissima pro secunda intentione. Quarto, iterum cognoscere Petrum, Paulum, Franciscum, & ceteros comparatiue in ordine ad hominem, in quantum participant naturam eius, quæ ut in ipsis, nequit alijs communicari; & ex tali cognitione comparatiua actiua, derelinquitur in illis cognitio comparatiua passiua quæ dicitur indiuiduum pro secunda intentione.

Quinto quaeritur. Quomodo causentur hæc duæ intentiones, genus, & species? Respondetur primo intellectum cognoscere verbi gratia animal, & hominem actu recto; quæ duo cognita, sunt duæ primæ intentiones. Secundo, cognoscere animal comparatiue in ordine ad hominem, in quantum est communicabile, nedum homini, sed etiam Leoni, equo, & ceteris animalibus, quæ adhuc possunt alijs inferioribus communicari;

& ex tali cognitione comparatiua actiua, derelinquitur in animali cognitio comparatiua passiua, quæ dicitur genus pro secunda intentione. Tertio iterum cognoscere hominem comparatiue in ordine ad animal, in quantum participat cum ceteris animalibus naturam animalis, & adhuc potest illam communicare Petro, Paulo, & ceteris, & immediatè confinetur sub animali; & ex tali cognitione comparatiua actiua, derelinquitur in homine cognitio comparatiua passiua, quæ dicitur species subijcibilis, seu relationum generis.

Sexto Queritur. Quomodo causentur hæc intentiones secundæ genus generalissimum, & genus subalternum? Respondetur intellectus primo cognoscit actu recto, verbi gratia substantiam, & animal, quæ sic cognita, sunt duæ primæ intentiones. Secundo cognoscit comparatiue substantiam in ordine ad animal, in quantum communicatur illi, & alijs naturis, adhuc communicari valentibus suis inferioribus, & ad superiora, quatenus supra se non habet aliam naturam limitatam, quæ sibi possit communicari; & ex tali cognitione comparatiua actiua, derelinquitur in substantia, cognitio comparatiua passiua, quæ dicitur genus generalissimum. Tertio, cognoscit comparatiue animal in ordine ad inferiora, in quantum est natura communicabilis alijs naturis communicabilibus; & ad superiora, in quantum cum alijs participat naturam substantiæ; & ex tali cognitione comparatiua actiua, derelinquitur in animali cognitio comparatiua passiua, quæ dicitur genus subalternum.

Septimo Queritur. Quomodo causentur hæc secundæ intentiones, syllogismus, & conclusio? Respondetur primo intellectus cognoscit has duas propositiones: homo est animal, & Franciscus est homo: sic dispositas in tertio modo primæ figuræ; quæ cognitæ, sunt duæ primæ intentiones. Secundo cognoscit hanc aliam. Franciscus est animal, quæ pariter cognita actu recto, est alia prima intentio. Tertio cognoscit comparatiue illas duas propositiones in ordine ad illam tertiam, in quantum

ille

illę duę possunt inferre, sic ordinatę in modo, & figura, illam tertiam; & ex tali cognitione comparatiua actiua, derelinquitur in illis cognitio comparatiua passiuā, quę dicitur syllogismus pro secunda intentione. Quarto, iterum cognoscit illam tertiam propositionem, in ordine ad illas duas sic dispositas in modo, & figura, in quantum est nata inferri ab illis; & ex tali cognitione comparatiua actiua, derelinquitur in ea, comparatiua cognitio passiuā, quę dicitur conclusio pro secunda intentione.

Ex hoc ordine, eliciuntur octo signa, quę concurrunt in formatione cuiuslibet secunde intentionis. Si quidem, in primo signo cognoscit intellectus obiectum actu recto, vel reflexo. In secundo signo, derelinquitur in obiecto cognito actu recto, vel reflexo, cognitio passiuā recta, vel reflexa, quę est prima intentio. In tertio signo, cognoscit aliud obiectum actu recto, vel reflexo. In quarto signo, derelinquitur cognitio passiuā recta, vel reflexa, quę est alia prima intentio. In quinto signo, cognoscit intellectus primum obiectum comparatiue in ordine ad secundum, sub aliqua proprietate conuenienti. In sexto, in tali obiecto sic cognito, derelinquitur cognitio comparatiua passiuā, quę est vna secunda intentio. In septimo signo, cognoscitur aliud obiectum in ordine ad primum, sub aliqua proprietate. Et in octauo, derelinquitur alia cognitio comparatiua passiuā, quę est alia secunda intentio correlatiua ad primam secundam intentionem derelictam in primo obiecto comparatiue cognito. Et hæc

de formatione secundarum Intentionum, dicta sunt satis; ab

his enim poterit vnusquisquę sumere

exempla in
ceteris,

tum intellectus, tum voluntatis; quę idem omittuntur,

vt breuitati sit consulum.

De Predicatione Secundarum Intentionum inter se, & de Primis.

SECTIO III.

PRO cuius intelligentia. Primo notandum est, duplicem esse predicationem, scilicet exercitam, & signatam. Predicatio exercita est, in qua inter subiectum, & predicatum, mediat hoc verbum, est; vt homo est animal. Predicatio autem signata est illa, in qua inter subiectum, & predicatum, mediat hoc verbum, predicatur, vel aliud equiualeans; vt dicitur enunciatur, verificatur &c. vt animal predicatur de homine; homo dicitur de Petro. Et hæc dicitur signata, & illa exercita, quia, quod signatur in prima exercetur in secunda; nam, in hac signata. Homo predicatur de Petro: Signatur, hominem conuenire Petro; quę postea exercetur per hanc; ergo Petrus est homo. Vtręque predicatio reperitur in terminis, tam primarum, quam secundarum intentionum, vt inferius patebit.

Secundo notandum est, quamlibet secundam intentionem posse dupliciter accipi; vno modo vt quid, alio modo, vt modus. Tunc accipitur, vt quid, quando accipitur in abstracto, & inteligitur segregata à prima intentione, in qua fundatur. Verbi gratia genus accipitur, vt quid, quando significat tantum se, & non animal, in quo fundatur. Tunc verò accipitur, vt modus, quando sumitur in concreto, prout videlicet concernit primam intentionem, in qua fundatur verbi gratia genus, sumitur vt modus, quando concernit animal cognitum, in quo est tamquam accidens denominans in suo denominato. Ex quo sequitur, quod secunda intentio, vt quid in abstracto, propter se significato, sunt idem. Similiter secunda intentio, vt modus, incon-

inconcreto, & pro denominato, sunt idem.

Tertio Notandum. Quod sicut accidens reale comparatur ad inferiora, ad disparatum, & ad suum subiectum, in quo est, ut patet de albedine, quæ comparatur ad hanc, vel illam albedinem, ad nigredinem, ut ad disparatum, & ad parietem, ut ad subiectum, ita secunda intentio, quæ est accidens rationis potest comparari ad tria; scilicet ad sua inferiora, ut species, ad hanc, vel illam speciem; ad suum disparatum, ut species ad genus, quatenus ambo sunt species vniuersales in communi; & tandem ad primam intentionem, species ad hominem cognitum, & genus ad animal cognitum, in quibus fundantur.

Ex his, prima Conclusio fit ista. Omnis secunda intentio, ut quid, seu in abstracto, superior potest prædicari de inferiori, ut quid, tam prædicatione signata, quam exercita. Ut species, ut quid, prædicatur de hac, & illa specie signatè, & exercitè; quia sicut hæc est vera: species prædicatur de hac, & illa specie: ita hæ sunt veræ: hæc species, est species; & illa species, est species. Probat. Quia omne superius prædicatur essentialiter de suis inferioribus, cum includatur in illis; ergo, & secunda intentio, ut quid superius prædicatur, ut quid, de inferioribus, cum includatur in illis essentialiter. Antecedens patet; quia hæ sunt veræ: animal prædicatur de homine; ergo homo est animal; sed hæc se habent, ut superius, & inferius, ergo &c.

Secunda Conclusio. Si vna secunda intentio, ut quid, comparetur ad suum disparatum, ut quid, non potest prædicari de illa, nec prædicatione signata nec exercita. Probat. Quia nullum disparatum prædicatur verè de alio disparato; sed duæ secundæ intentiones, ut quid sumptæ, sunt disparatè oppositæ; ergo vna nequit prædicari de alia. Maior patet per locum à disparatis. Minor patet similiter; quia genus, & species, ut quid sumptæ, sunt duo disparata, cum sint duæ species contentæ sub vniuersali in communi, quod est Genus, ut modus.

Tertia Conclusio. Nulla secunda in-

tentio, ut quid, potest prædicari de prima intentione, aut prædicatione signata, aut exercita, ut verbi gratia genus, ut quid, nequit prædicari de animali cognito. Probat. Quia genus, ut quid, & animal cognitum, se habent sicut albedo, & lignum in quo potest subiectari; sed albedo nullo modo potest prædicari de ligno; ergo nec genus de animali cognito. Maior patet; quia sicut albedo abstrahit à ligno, in quo subiectari potest ita genus ab animali cognito, in quo fundari potest. Minor similiter patet; quia hæc est falsa: lignum est albedo: & ratio est; quia in tantum albedo potest prædicari de ligno, in quantum concernit ipsum; sed si sumatur, ut quid, non concernit illud; igitur nequit illud denominare.

Quarta Conclusio. Omnis secunda intentio superior, ut modus, seu in concreto sumpta, prædicatur de inferiori, sumpta pariter ut modus, tam prædicatione signata, quam exercita: istæ enim sunt veræ. Genus prædicatur de hoc, vel illo genere; ergo hoc genus est genus, & illud genus est genus. Similiter vniuersale prædicatur de specie, genere differentia proprio, & accidente; ergo genus, species, differentia proprium, & accidens, sunt vniuersalia. Probat. Quia secunda intentio, ut modus, sumitur prout concernit primam intentionem; sed prima intentio prædicatur, tam signatè, quam exercitè de inferiori; ergo, & secunda, ut modus sumpta, sic prædicatur. Maior patet ex secundo Notabili. Minor patet; quia Animal cognitum, quod est fundamentum huius secundæ intentionis, genus, prædicatur de homine cognito, qui est fundamentum huius secundæ intentionis, species.

Quinta Conclusio. Secunda intentio, ut modus, prædicatur de sua disparata, ut modus tantum prædicatione signata; quæ postea exercetur in primis intentionibus. Istæ enim sunt veræ. Genus prædicatur de specie; ergo homo est animal; sed genus, & species sunt duæ secundæ intentiones disparate, ut dictum superius, ergo

ergo secunda intentio, vt modus, prædicatur de sua disparata, vt modus, prædicatione signata. Vniuersaliter enim hæc sunt veræ. Genus prædicatur de specie; ergo Leo est animal; species prædicatur de individuo; ergo Franciscus est homo; definitio prædicatur de definito; ergo homo est animal rationale.

Sexta Conclusio. Omnis secunda intentio, vt modus, prædicatur de prima intentione, quam concernit, tam prædicatione signata, quam exercita. Patet; quia illæ sunt veræ. Genus prædicatur de animali cognito; ergo animal cognitum est genus. Species prædicatur de homine cognito; ergo homo cognitus est species. Et ratio est; quia omne accidens prædicatur denominatiue de suo subiecto. Vt album prædicatur de ligno; ergo lignum est albu; sed secunda intentio, est accidens fundatum super prima intentione; ergo prædicatur de illa, vt modus sumpta.

Septima Conclusio. Vna secunda intentio disparata, vt modus, potest prædicari de alia disparata, etiam prædicatione exercita, dummodo sit fundata super ipsa. Hæc conclusio declaratur sic. Hæc secunda intentio species, quæ est disparata opposita generi, potest fundari supra genus, & ita prædicari de genere, nedum signatè, sed etiam exercitè; hæc enim est vera: genus est species supple vniuersalis in communi Vt autem hoc manifestius pateat, ponamus ordinem causandi talem secundam intentionem fundatam supra genus. Primo

Intellectus cognoscit vniuersale in communi actu reflexo (nam intentiones secundæ, tantu actu reflexo cognoscuntur quod cognitum, est vna prima intentio. Secundo, cognoscit genus actu reflexo; quod cognitum, est alia prima intentio. Tertio, cognoscit actu comparatiuo vniuersale in ordine ad genus, in quantum communicatur illi sua natura, quæ est prædicari de pluribus; & nedum ipsi, sed etiam speciei, differentiæ, proprio, & accidenti; & ex tali cognitione comparatiua actiua, derelinquitur in vniuersali cognitione comparatiua passiuæ, quæ dicitur genus, vt modus. Quarto, cognoscit comparatiue genus in ordine ad vniuersale, in quantum participat eius naturam, scilicet prædicari de pluribus, & continetur immediate sub eo; & ex tali cognitione comparatiua actiua, de relinquitur in genere sic cognito, comparatiua cognitio passiuæ, quæ dicitur species, vt modus. Ex quo patet probatio conclusionis. Quia species illa, vt modus, fundata super genus eodem se habet ad illud, sicut genus ad animal cognitum; sed genus, vt modus, prædicatur de animali cognito, vt manifestè patet ex præcedenti conclusione; ergo & species, vt modus, prædicatur de genere. Et sic illæ erunt veræ in prædicatione exercita. Genus est species: differentia est species: proprium est species; supple vniuersalis: & vniuersale est genus: supple, ad quinque vniuersalia. Et hæc de Tractatu secundarum Intentionum, dicta sufficiant.





COMMENTARIA:

VNA CVM QVÆSTIONIBVS

SVPER LOGICAM ARISTOTELIS,

AD MENTEM DOCTORIS SVBTILIS IOANNIS DVNS SCOTI,
 auxilio Dei, Virginis Deiparæ, Seraphici P.N.S. Francisci,
 DD. Bonaventuræ, ac Antonij de Padua
 Minoritanæ Familiæ Patronorum.

Per A.R.P.F. Liuium de Montursio eiusdem Ord. Reg. Obs.
 S. Theol. Lectorem Gener. olim exarata, ac denuò
 maiori cum studio, & diligentia reuifa,
 fæliciter incipiunt.



*Veritatem sine veritatis
 principio inuestigare,
 finem sine modis qua-
 rere, ac scientiam abs-
 que scientiarum paren-
 te, ac progenitrice tan-
 dem affectare, parum
 rationi consentaneum,*

*omnes unanimi consensu acclamabunt sa-
 pientes: quandoquidem, talem ordinem
 inuiolabiliter custodiendum, toti humano
 generi interris præscripsit Altissimus, nè
 unumquodque cognoscere pertinet, si pri-
 us rerum causas principia, & elementa
 non fuerit perscrutatus. Ità docet Ari-
 stoteles, huic subscribens decreto, ex Anir-
 quorum traditionibus, libro primo Post.
 Analuicorum cap. 1. & 2. diuine dicit.*

*Omniem doctrinam, & omnem discipli-
 nam, ex præexistenti fieri cognitione. Quam
 perfectè tunc assequi valebimus, si rerum
 causas, & propter quas res sunt, distin-
 ctè agnouerimus. Quapropter, non erit
 absre, nobis ad veritatis, scientiæque, cul-
 mita pertingere quarantibus, Logicæ co-
 gnitionem antepone; ut commodius ad
 ea, quæ cupimus, faciliorem aditum præ-
 paremus. Siquidem, ipsa est via, & me-
 thodus ad omnium facultatum veritatem
 ostendendam. Est enim teste Petro Hispa-
 no, & Alberto Magno, arsarium, scienti-
 a scientiarum, quæ à phantasijs, quæ vi-
 dentur, & non sunt, nos liberat, errores
 damnat, falsitates offendit, & in omni
 genere contemplationis, lumen rectum
 præbet; cum etiam sit ianua ipsarum,
 quæ*

qua aperta omnes alia aperiuntur, & qua clausa, ceteræ pariter clauduntur. Et quia ordo, in quo non modo minimarum rerum, verum totius orbis plenitudo consistit, ex Philosopho 12. Metaph. text. com. 32. est ubique seruandus: talis in presentiarum à nobis custodiendus proponitur, tum in expositione Textus, tum in questionibus dilucidandis, ut ex his expositio non sit, tam accurata, quæ omnes eiusdem particulas percurrat (siquidem, pro maiori parte, illum dedimus in summis) sed tantum necessaria tangemus, mentem Philosophi summam aperiendo. In questionibus autem, sic procedemus. Primo loco opiniones aliorum, si quæ fuerint, adducuntur: secundo, fundamenta verioris sententia expenduntur: tertio, conclusiones resolutionis questionum probabimus: & quarto, rationes oppositas examinando, finem imponemus disputationibus. Antequam tamen ad libri Porphyrii expositionem, nec non Doctores Subtilis questionum super eodem, dilucidationem accedamus, opere pretium duximus, aliquas questiones præambulas, uniuersam logicam concernentes, examinare: ut facilius præeat aduersus ad difficilissima pertransire.

De Natura Logica, & eius Subiecto.

DISPUTATIO PRIMA.

Verum Aristoteles fuerit inuentor
Logicæ.

QVÆSTIO I.

NON sine ratione, huiusmodi quaestio à nobis exagitanda proponitur; cum non desint Auctores, in dubium reuocantes. At Græci, inter quos, principem locum videtur obtinuisse Aristoteles, fuerint primi, ac veri artium, & scientiarum inuentores. Quandoquidem Caldæi primum à multis seculis, ante Græcorum gloriam, se scientiarum, & artium progenitores prædicabant; ut licet videre apud Eusebium de Præparat. Euang. lib. 9. & 10. Cyrillum, lib. p. contra Iulianum; & alios grauissimos Auctores.

Verum, verior sententia, quæ ab omnibus fere Philosophis latinis descenditur, nec Caldæis, nec Græcis, scientiarum in-

uentionem tribuit, sed omnes ab Altissimo promouasse in rerum omnium primordio, asserit. Ità Franciscus Toletus in Logica, cap. p. Colleg. Conimbric. In Proœmio Log. c. primo, & alij.

Pro totius quæst resolutione, primo notandum est, aliquem posse dici auctorem, & inuentorem alicuius rei in duplici sensu. In priori, ut illam adiunxerit totaliter; ita quod ante ipsum, nihil eius in rerum natura præfuerit. In posteriori, ut rem ipsam, aliquammodo adiunxerit, aucterit, perpolieritque, addendo multa de nouo; & illa disponendo, ac dilucidando. Si priori modo sit sermo de primo inuentore; dicendum est, nec Aristotelem, nec ullam creaturam, posse dici inuentorem Logicæ, alteriusque facultatis; cum omni cognitio ab ipso Deo infusa fuerit Proto- parenti Adamo, & ab eodem in posteris deriuata per filios; siquidem hi docuerunt Hebræos; deinde in Caldæos, Ægyptios, Græcos, Latinos, & denique in omnes mundi partes transfusa, & deriuata fuit. Si verò de posteriori inuentionis modo loquamur, Aristoteles potest per optimè appellari Auctor, & Inuentor Logicæ, Philosophiæ, ac multarum aliarum facultatum; cum ipsas ferme collapsas, natiuè quæ splendore destitutas, ad pristinum reduxerit statum; insuper, addendo multa de nouo, antiqua, ordine mirifico, decorando, diuisionibus, diffinitionibus, & argumentationibus. Siquidem, loquendo de facultate Logica, diuisit illam in tres partes; in quarum prima egit de terminis, in secunda de propositionibus, & in tertia de Syllogismis, & reliquis Argumentandi modis, quorum, & diffinitiones tradidit, & terminos in propositiones, ac propositiones in argumentationes ordinauit, ac disposuit, deducendo conclusiones demonstratiuæ, probabiliter, & sophysticè ex præmissis; in modo, & figura distributis; ut visum est in Summis.

Secundo Notandum est, adhuc dupliciter posse intelligi, ut Aristoteles dicatur Logicæ inuentor. Vno modo, quia primus ordinauerit, siue perfectè, siue imperfectè arguendi, siue discurrendi modum, ac formam; & sic nequit appellari primus Logicæ inuentor; cum constet, ante ipsum fuisse Zenonem Eleatem,

Architam

Architam Tarentinum, Gorgiam Leontinum, & alios, quos in quibusdam Dialogis memorat Plato; quibusque adscribi videtur aliquis inuentio logicæ. Alio modo, quia primus perfectè, collapsam penitus logicam restituit, restitutamque, perfectissimam ordinavit methodo; & sic Aristoteles fuit omnium primus auctor, & Inuentor Logicæ; cum ipsam, nedum illustraverit, addendo multa præcepta, & necessarias regulas antiquis ignoratas, verum etiam tali, tantoque ordine omnia disposuerit, ut postmodum Sancta Mater Ecclesia Catholica, præsertim à mille annis, cæteris omnis Philosophis, ipsum pro Doctore in omnibus Gymnasiis orbis Christiani merito habendum suscepit, ac decreuerit; exclusis excludendis, ut alias dicturi sumus.

Ex his, sit prima Conclusio. Si loquamur de primo Inuentore secundo primam acceptionem in primo Notabili positam, Deus dumtaxat potest dici Inuentor, nedum logicæ, sed etiam omnium aliarum facultatum, & scientiarum. Probatur Quia Adam in sui conditione habuit cognitionem infusam omnium rerum naturalium; quicquid sit de supernaturalibus, sed talis cognitio solum pendebat à Deo; ergo solus Deus fuit Inuentor illius. Maior patet; quia ipse imposuit nomina omnibus animalibus, ut habetur Genes. cap. 2. ergo illa cognovit, cum eorumdem proprietatibus. Tum etiam, quia aliter potuisset decipi, & aliquod verum, approbare pro falso, credendo ex ignorantia, verum esse falsum, & falsum verum; quod est contra D. Augustinum lib. 3. de libero Arbitrio. Minor similiter patet communiter per omnes.

Secunda Conclusio. Si verò loquamur de Inuentore secundo modo, dicto in primo notabili, & de prioritate generationis, licet non perfectionis, Aristoteles non fuit primus inuentor Logicæ. Probatur ex secundo Notabili. Quia Zeno Eleates, Archita Tarentinus, & alij calluerunt Logicam, & Modum arguendi; sed tales præcesserunt Aristotelem, ut inquit Plato in quibusdam Dialogis; ergo ipse non fuit primus Inuentor Logicæ. Minor patet ex Cicerone, & Seneca, varijs in locis testantibus, Aristotelem, ob id solum

consecisse libros Priorum Analyticorum, ut illorum cauillationes sophysticas solueret, & fastus, quos, ob miram dexteritatem in disputando præferebant, penitus reprimeret.

Tertia Conclusio. Si tandem loquamur de primo Inuentore, primatate perfectionis, modum explicato in secundo Notabili, Aristoteles fuit primus Inuentor, nedum Logicæ, sed etiam aliarum multarum facultatum. Probatur primo; ex Platone suo Magistro, à quo veritatis Philosophus, & vniuersæ Academicæ appellatur. Secundo, experientia constat eius peritia, ex scriptis, quæ reliquit. Tertio, quia Ecclesia Catholica nullum alium Philosophum pro Magistro, ac Doctore accepit, præter vnum Aristotelem; ergo præsumendum est, ipsum fuisse cæteris peritiorem, & in docendo perfectiorem omnibus.

Obijces tamen primo, contra hanc Conclusionem tertiam. Quia ante Aristotelem fuerunt multi, qui non erant modum arguendi, ac disputandi Logicaliter; ergo ipse non fuit primus Logicæ Inuentor.

Respondetur consequens esse verum de primo Inuentore, primatate generationis, & imperfecto, non tamen de primo, primatate perfectionis, & perfecto; quia sic fuit tantum Aristoteles, ut liquet videre in suis scriptis, & ex auctoritate Platonis, Quintiliani, Ciceronis, & aliorum, quos referunt Conimbricenses, in Proœmio ad Logicam cap. 4.

Obijces secundo. Omnes facultates fuisse Adamo ab altissimo inspiratas, quas postea traxit temporis; emanasse in posteros, contactu ex Antiquorum monumentis, ac traditionibus, tum Hebræorum, tum Caldeorum, & aliarum Nationum, quas præcessisse Aristoteli, manifestum est; ergo ipse nequit dici primus illarum Inuentor.

Respondetur, consequens esse verum de primo Inuentore, primatate generationis, in prima cuiuslibet facultatis conditione, quæcumque fuerit illa; siquidem, talis fuit solus Deus, & non Aristoteles. At loquendo de primatate perfectionis, post facultates collapsas, non est derogandum Aristoteli, cum ipse primus fuerit illarum

illarum restitutor, & perfectus Inuentor, ac Auctor, vt patet ex dictis.

Virum Logica sit necessaria ad alias facultates acquirendas.

QVÆSTIO II.

HÆC difficultas mouetur, & discutitur à nobis, non tantum ob diuersitatem opinionum, sed etiam, vt apprehensa necessitate Logices, maiori studio, ac diligentia, accendatur animus ad eam capeffendam, in gratiam aliarum scientiarum, & facultatum.

Circa hanc questionem duæ vertuntur oppositæ sententiæ; quarum prima est Ioannis de Landuno, primo Meth.q.4. & secundo Meth. q. 12. Iuelli, in Compendio Logice, tract. primo cap. 4. Qui dicunt, Logicam esse vtiq; vtilem, non tamen simpliciter necessariam ad alias scientias acquirendas.

Secunda huic opposita, est aliorum, quos sine nomine citat Iuellus; asserentium, Logicam esse simpliciter necessariam ad omnes alias scientias, & facultates acquirendas; itaut nulla sine ipsa haberi possit. Quia, cum omnis scientia acquiratur per demonstrationem, & sola Logica doceat demonstrare, nulla poterit haberi scientia logica.

Tertia tandem sententia, quam sequuntur Sotus, Toletusq. r. Præmiali, Taretus, Ioannes de Magistris super tex. p. Tract. primi summul. Petri Hispani; & communiter moderni; inter quos Ruuius quæst. 1. Præmiali ad Logicam, Complut. disput. p. q. 7. Sanchez, lib. p. q. 2. Rochus q. 4. Proxat. & alij relati à Mallrio de Nat. Logice, art. 6. nu. 60. mediat inter primam, & secundam; dum docet, Logicam esse vtiq; necessariam ad ad alias scientias perfectè acquirendas, non tamen ad illarum acquisitionem imperfectam.

Pro litis diremptione, veriotiq; sententiæ fundamento, primo notandum est hic sumi logicam secundum omnem sui patrem, & totaliter; quæ sic posset describi. Logica est facultas intellectualis, quæ docet, notum ab ignoto, & verum à falso discernere, mediante diuisio-

ne, diffinitione, & argumentatione, seu syllogismo. Ità Boetius, libro primo Topicorum. Et sic, comprehendit sub se omnes logicæ partes, scilicet libros Perihermenias; in quibus agitur de terminis, & propositionibus; Prædicabilem, & Prædicamentorum; ex quibus cognoscimus prædicationem terminorum vniuersalium de particularibus, ac ordinem eorum ad inuicem: libros Priorum, Posteriorum, Topicorum, & Elenchorum; in quibus pertractatur de syllogismis. Et per hos cognoscimus modum inferendi vnam propositionem ex alia, mediante earumdem dispositione in modo, & figura; vt visum est in summulis.

Secundo Notandum est, duplex esse necessarium, scilicet simpliciter, & secundum quid, seu ex suppositione. Necessarium primo modo, est illud, quod ex sua natura includit necessitatem essendi, & non per ordinem ad aliud Et sic tantum, Deus dicitur ens necessarium; quia sibi repugnat non esse. Necessarium secundo modo, est illud, quod secundum se non dicit repugnantiam ad non esse; attamen facta suppositione, dicitur simpliciter necessarium, quomodo respiratio dicitur necessaria homini; non simpliciter, quia quantum est ex se potest non esse; supposita tamen vita hominis, est simpliciter necessaria; quia sine ipsa vivere non posset. Et hoc modo, etiam cibus dicitur necessarius animali, quia sine ipso diu vivere nequit.

Tertio notandum. Cum necessarium ex suppositione dicatur tale, tantum per ordinem ad aliud, hoc potest adhuc esse duplex, absolutum, & ad bene esse. Necessarium primo modo dicitur illud, sine quo finis intentus absolute nequit obtineri. Exemplum de cibo respectu hominis viuents, qui sine ipso vivere nō potest. Necessarium secundo modo, quod potius vile, & commodum dici debet, est illud, sine quo finis absolute, & simpliciter haberi potest, non tamen ita facilliter, & commodè, ac delectabiliter. Et hoc modo equus dicitur necessarius Petro, iter facere volenti; quia sine ipso difficulter, & maximo cum labore posset iter cepium perficere. Logica, in proposito, dicitur necessaria primo modo, ad alias scientias

capescendas; quia supposito, quod alie scientiæ acquiri debeant, hoc nequit obtineri absque Logica; quia ea sola docet demonstratæ acquiri, quæ est syllogismus faciens scire; ex primo Post. cap. 2.

Quarto Notandum. Alias scientias posse acquiri sine Logica, posse dupliciter intelligi; vno modo perfectè; alio modo imperfectè. Tunc aliquam scientiam acquirimus perfectè, cum scimus deducere conclusiones ex principiis, vt principia sunt; id est, vt disposita in modo, & figura, cognoscendo illarum evidentem consequentiam ex illis; quomodo diceremus, perfectè obtinere notitiam huius conclusionis: omnis homo est substantia; quia euidenter cognoscimus, esse deductam ex hac demonstratione: omne animal est substantia; & omnis homo est animal. Tunc verò aliqua scientia dicitur obtineri imperfectè, quando sciuntur aliqua præcepta, principia, & conclusiones; non tantum quatenus principia sunt illat iua conclusionum, & conclusiones deducuntur ex præmissis dispositis in modo, & figura; per quam solum habetur evidens illatio; sed tantum sub ratione quarundam regularum, & præceptorum, ex quibus deducantur huiusmodi notitiæ, ignorando tamen, quenam sint principia, & conclusiones, & euidentem illationem earundem ex illis dispositis in modo, & figura. Primo modo, nulla scientia potest acquiri sine Logica, siue secundum se totam, siue secundum partem; quia omnis talis habetur per demonstrationem, quæ per logicam duntaxat administratur, ex Philosopho, primo Poster. cap. 2. At secundo modo, quælibet facultas, & scientia potest acquiri sine Logica, cum non in ratione scientiæ, sed solum in ratione artis liberalis obineatur. Et sic Iurista dicuntur possidere Ius Canonicum, & Civile; Medici, attem, scû scientiam Medicinæ; Rethores, Rethoricam; & alij, cæteras scientias, & facultates absque Logica; quia deducunt illarum notitias ex suis regulis, ac præceptis, ignorando rationem conclusionum, & principiorum, vt conclusiones, & principia sunt.

Ex his, sit prima Conclusio. Logica est simpliciter necessaria, ex suppositione, a qua quilibet scientiam, siue secundum se

totam, siue secundum partem perfectè acquirendam. Probatur primo, ex Philosopho, primo Post. Quia omnis scientia est effectus demonstrationis; cum demonstratio sit syllogismus faciens scire; vt dicitur ibidem, cap. 2. Sed sola Logica docet demonstrationem, vt est per se notum apud omnes; ergo. Secundo sic. Ad scientiam obtinendam, requiritur, vt conclusiones deducantur in principia, & ex eis deducantur per euidentem consequentiam; sed hoc nequit haberi sine Logica, ex Philosopho secundo meth. cap. 3. & primo Post. cap. 2. ergo. Maior est Aristotelis primo Post. cap. 2. vbi dicit, quod tunc arbitramur vnumquodque cognoscere scientiæ, cû cognoscimus causam, & rem per causam, propter quam res est, id est, conclusiones per principia; & quoniam illius est causa; id est, rationem, ob quam huiusmodi conclusiones deducantur ex talibus principiis, & non ex alijs.

Secunda Conclusio. Ferè omnes facultates, & scientiæ acquiri possunt modo imperfecto, vel non scientifico, absque Logica. Probatur primo. Quia plurimi Iuriste, & Medici addiscunt Ius Canonicum, & Civile, & medicinam absque cognitione Logicæ; vt experientia comperimus; ergo Logica, vt sic, non est necessaria simpliciter; aliter non possent acquiri huiusmodi facultates sine illa. Secundo probatur. Quia ad cognitionem talium facultatum sufficit, vt cognoscantur præcepta, & regulæ, absque hoc, quod disponantur, vt principia, in modo, & figura, & ex illis deducantur conclusiones scibiles; sed hoc obtineri potest solo lumine naturali, vt experientia constat; ergo omnes facultates, & scientiæ, possunt acquiri modo imperfecto, & non scientifico; absque Logica.

Obijcies tamen primo, contra primam Conclusionem. Logica non est necessaria, nec propter se, nec propter alias scientias acquirendas; ergo nullo modo est necessaria: consequentia patet à sufficienti diuisione. Antecedens probatur. Non propter se; quia tunc possemus simul acquirere scientiam, & modum sciendi; sed hoc est contra Philosophum secundo Meth. t. c. p. dicentem; absurdum esse simul querere scientiam, & modum sciendi; per quem, intelligitur Logica. Nec propter alias,

alias; quia in tantum asseritur necessaria propter alias, in quantum illis subministrat demonstrationem, quæ est syllogismus faciendus scire; sed hoc est falsum; ergo. Maior patet ex probatione nostre conclusionis primæ. Minor probatur, quia aliæ scientiæ habent proprias demonstrationes; siquidem in Physica habetur hæc. Omne compositum ex materia, & forma, est corruptibile; sed omne corpus naturale est compositum ex materia, & forma; ergo est corruptibile. Similiter in Medicina habetur hæc alia. Omne vulnus rotundum tardius sanatur quam oblongum; sed hoc est rotundum; & illud oblongum; ergo hoc tardius sanatur, quam illud. Et sic possumus discurre in omni facultate; ergo Logica non præbet demonstrationem alijs scientijs; ac proinde non est necessaria ad acquisitionem aliarum scientiarum.

Respondetur Negando antecedens. Ad primam probationem dico, Philosophum solum velle in illis verbis, esse absurdum simul querere Metaphysicam, quæ antonomastice dicitur scientia, & Dialecticam, quæ est modus sciendi, saltem obiectus; ac si dicat. Debemus addiscere prius Logicam, quam Metaphysicam. Ad secundam probationem, negamus minorem: ad probationem eiusdem dictionis, antecedens esse verum materialiter, non tamen formaliter; hoc est dictum. Demonstrationes aliarum scientiarum, sunt constitutæ ex terminis proprijs illarum; formam vero habent à Logica, cum cognitione evidentis conclusionis ex præmissis; quod est potissimum in quacunque demonstratione scientifica.

Obijcies secundo. Experientia constat, multos didicisse, & modo addiscere Mathematicas scientias sine Logica. Similiter Hippocratem obtinuisse perfectæ Medicinam, & tamen caruisse Logica. Et idem dicitur de Iure Civili, Canonico, & Pontificio; ergo Logica non est simpliciter necessaria ad omnes scientias acquirendas.

Respondetur, totum antecedens esse verum imperfectè, & non perfectè; & si quæ acquirantur perfectè, hoc est intelligendum si ratione artis liberalis, non tamen in ratione scientiæ; quia hæc nequit haberi absque demonstratione; & nemo potest demonstrare sine Logica.

Obijcies tertio. Si Logica esset necessaria ad acquisitionem aliarum scientiarum, sequeretur nos teneri prius addiscere Logicam ante cæteras facultates; sed hoc est falsum; ergo. Sequela maioris patet; quia medium semper debet præcedere finem in executione. Minor probatur; quia Logica, ex Aulicæ primo Meth. & Scoto, q. 9. Vniuersalius, est de secundis Intentionibus fundatis super rebus; ergo nequeunt cognosci, nisi prius res ipsæ cognoscantur: atres non cognoscuntur per Logicam, sed per alias scientias reales, scilicet per Metaphysicam, vel Physicam; ergo cognitio Logicæ, non debet præcedere, sed potius sequi cognitionem aliarum scientiarum. Consequentia patet; quia secundæ intentiones nequeunt cognosci antequam sint, sed tunc duntaxat habent esse, dum res cognoscuntur comparatiuè ab intellectu; ut docet Doct. subtilis pluribus in locis super Logicæ; & nos tradidimus in Tract. secundarum Intentionum; ergo prius non est addiscenda Logica, quam aliæ scientiæ.

Respondetur negando minorem. Ad probationem nego minorem: immò res super quibus fundatur secundæ intentiones, cognoscuntur saltem per accedens à Logica; quatenus nimirum sunt fundamenta secundarum intentionum; perse verò sciuntur ab alijs scientijs: unde non sequitur, alias scientias debere præcedere Logicam; immò è conuerso, cum se habeat sicut medium acquirendi cognitionem scientificam omnium rerum realium.

Obijcies quarto, probando, aliquam scientiam, saltem secundum aliquam sui partem, posse haberi sine Logica. Quia cognita maiori, & minori; cognoscitur conclusio, ex Aristotele primo Post. cap. primo: sed lumine naturali, absque Logica artificiali, potest cognosci maior, & minor; ergo, & conclusio ex illis deducenda; & sic haberetur scientia patriæ sine Logica. Minor probatur. Quia principia cognoscimus, in quantum terminos cognoscimus, ex eodem Aristotele primo Post. t. c. 6. Sed lumine naturali cognoscimus terminos; ex eodem ibidem t. c. 34. & 35. Ergo potest haberi scientia alicuius conclusionis absque Logica.

Respondetur primo, negando minorem. Ad probationem dico, minorem esse veram, si ly naturaliter, excludat cognitionem super naturalem, non tamen si logicalem; quia hæc necessaria requiritur ad hoc, ut cognoscantur termini, prout conficiunt propositiones, quæ debent deferuire pro principijs illatiuis conclusionis.

Secundo dico. Ultra cognitionem principiorum, exigat scientiam habendam, etiam euidentem illationem conclusionis ex principijs dispositis in modo, & figura; quæ nequit haberi sine logica.

Tertio dico. Non posse cognosci solo lumine naturali maiorem, & minorem dispositas in modo, & figura. Ad probationem dico, Philosophum loqui de principijs materialiter, non formaliter; hoc est dictum, quatenus sunt disposita in demonstratione, tamquam causæ conclusionis; quia sic necessario exigitur cognitio Logicalis, per quam fit talis dispositio.

Obijcies quinto. Si Logica esset necessaria ad scientias acquirendas; ergo etiam ad acquisitionem sui ipsius, quod est falsum; quia ante Logicam, daretur Logica; & sic processus in infinitum.

Respondetur primo, negando sequelam maioris: quia conclusio intelligitur de alijs scientijs ab ipsa, non de se; quia nihil potest esse medium ad acquisitionem sui ipsius.

Secundo dico, concessa sequela maioris; Logicam, secundum vnam partem esse medium ad acquisitionem alterius partis; siquidem pars, quæ tractat de terminis, iuuat ad cognitionem propositionum; & hæc, ad cognitionem syllogismorum; quoniam tota imperfecte acquisita in ratione artis liberalis, est medium ad acquisitionem sui, in ratione scientiæ; imò de facto fuisse talis in primo Inuentore, si fuisset naturaliter acquisita, secundum se totam.

Verum Logica sit verè, & propriè scientia.

Q V Æ S T I O III.

Circa hanc celeberrimam Controversiam, extat duplex opposita sententia, scilicet Græcorum, & Latinorum. Græci enim communiter asserunt, Logi-

cam non esse scientiam, sed artem, sive instrumentum sciendi. Ita Amonius in prologo Predicam. Alexander in principio Topicorum. Themistius primo Poster. cap. 24. Philipponus, & alij etiam ex Latinis, scilicet Zabarella lib. primo de Nat. Logicæ. cap. 3. Balduinus, quæsto prime, cap. 2. Mognesius, lib. pr. de Interpret. in principio. Petrus Niger in Clypeo Thomist. qu. 11. Villapand. q. 26. Proæm. Zimara in Tabula. Verb. Absurdum est &c.

Latini, ex opposito, docent, Logicam docentem esse veram scientiam, cum habeat omnes condiciones requisitas ad veram scientiam, positas ab Aristotele, primo Poster. cap. 2. Ita D. Tho. secundo Meth. lect. 4. Doct. Subt. q. 1. Vnivers. & lib. pr. Elench. q. 3. Augult. Niphus, lib. 4. Meth. 1. quinto in fine. Tolet. q. 2. Proæm. Fonseca 3. Meth. q. 1. Sect. 9. Anton. Ruuius q. 2. Proæm. Colleg. Conimbr. q. 4. Proæm. art. 3. & alij, quos citat, & sequitur Maffrius de Nat. log. art. 4. nu. 39. D. Tho. sequuntur omnes Thomistæ; & Scotum, eius Discipuli.

Alij distinguentes inter docentem, & vtem Logicam, dicunt Logicam docentem non esse scientiam, sed vtem; non quidem ab alijs distinctam, sed multiplicari ad multiplicationem scientiarum, quibus applicatur. Ita communiter Zabarella, Balduinus, & alij cum Grecis. Alij tandem asserunt, vtramque esse scientiam, tam docentem scilicet, quam vtem; quia sunt vnus, & idem habitus realiter, & formaliter indistinctus, ut videbimus in sequenti. Ita Murcia, Didacus à Iosu, & Cauero, apud Maffr. loco citato.

Pro declaratione totius Controuersie, & fundamento verioris opinionis. Primo notandum est, ex Philosopho lib. p. Elench. cap. 8. & 10. Auerroe, lib. p. Priorum, à capite quinto, vsque ad duodecesimum duplicem esse Logicam, scilicet naturalem, & artificialem; seu acquisitam, ut alijs placet, & innatam. Logica naturalis, seu innata est habitus, seu promptitudo inexistens à natura, qua vnusquisque fit potens, & habilis ad discurrendum de noto ad ignotum, & de vero ad falsum; seu de principijs ad conclusionem, sine cognitione tamen principiorum, & conclusionum, ut principia, & conclusiones sunt: & hanc

Lo-

logicam possident etiam rustici, dum discunt de rebus vilicis, deducendo vnam notitiam ex alia; nimirum, quod sit bonū feterē, & seminare tali, vel tali tempore, nociuum alio tempore; ligna esse cædenda luna decrecente, & huiusmodi. Et de hac non queritur, an sit, vel non sit scientia; quia clarum est, non esse habitum, vel dispositionem, sed naturalem potentiam, vel impotentiam ad magis, vel minus discendum circa particularia: Logica verò artificialis, seu acquisita, est illa, quam studio, & arte acquirimus; & per quam docemur discurre de præmissis ad conclusionem, cum aduertentia præmissarum, & conclusionum, vt tales sunt. Et de hac procedit questio proposita.

Secundo Notandum, ex Doct. Subtili, q. 1. Vniuersal. & primo Elench. q. p. Logicam artificialem dupliciter posse considerari; vno modo, vt illa vtitur in alijs scientijs, applicando regulas, & præcepta diffiniendi, diuidendi, componendi, & syllogizandi ex terminis, & propositionibus proprijs earumdem: alio modo, vt docet nos cognoscere naturam syllogismi, demonstrando de ipso eius passiones, & reducendo ad eundem cætera in logica contenta. Priori modo dicitur logica vtens; vel potius, si fas est dicere, logica vsa: & sic non est scientia; quia procedit ex communibus omnibus scijs; scientia verò debet esse ex proprijs; vt docet Aristoteles, primo Posteriorum. Posteriori modo dicitur docens; & sic est vera scientia; quia procedit ex proprijs principijs, ad proprias, & necessarias conclusiones, vt inferius probabimus.

Tertio Notandum. Logicam vtentem in ordine ad alias scientias posse dupliciter dici talem; vno modo, vt administrat illis regulas, seu præcepta communia, quæ loca topica appellantur. Ethoc modo, solum illa pars, quæ topica, & dialectica appellatur, dicitur vtens. Altero modo, quia applicatur illis secundum se totam, tradendo regulas terminorum, propositionum, diuisionum, diffinitionum, argumentationū, & syllogismorum; siue sint syllogismi probabiles, siue demonstratiui, siue sophistici. Et sic, tota logica artificialis dicitur vtens; quia tota est applicabilis alijs scientijs; & sic potest diffiniri. Logica vtens, est

habitus intellectus, dirigens intellectum in actus diuidendi, diffiniendi, & verum à falso discernendi in vnaquaque scientia, & facultate. Logica verò docens, est idem habitus intellectus, docens nos diffinire, diuidere, & argumentari; procedens ex proprijs principijs ad proprias, & necessarias conclusiones.

Quarto Notandum est; scientiam dupliciter accipi: vno modo largè, pro cognitione cuiuscumque rei; siue vera, siue falsa; siue euidenti, siue ineuidenti; siue acquisita per demonstrationem, siue per experientiam: & hoc modo etiam suspicio, opinio, fides, & denique omnes artes, tum liberales, tum mechanice, possunt dici scientiæ. Alio modo stricte, & propriè; & sic est notitia certa, & euidens de obiecto necessario, causata à causa euidente intellectui, & applicata ad scitum per discursum syllogisticum. Ex qua diffinitione, quæ sub alijs verbis tradit Aristoteles, primo Poster. t. c. 5. eliciuntur quatuor conditiones necessariæ requiritæ ad veram scientiam. Prima est, quod sit notitia certa. Per quam excluditur suspicio, & opinio à ratione scientiæ, quia tales admittunt dubium, vel saltem formidinem de opposito. Secunda, quod sit notitia euidens. Ratione cuius, fides non est scientia; cum sit obscura, & ineuidens intellectui. Tertia, quod sit de obiecto necessario. Defectu cuius, notitia huius propositionis: Petrus dormit: non est scientia; quia contingit, ipsum dormire, aut vigilare. Quarta tandem, vt talis notitia sit applicata ad scitum, id est conclusionem scibilem per discursum syllogisticum. Defectu cuius, notitia principiorum, seu præmissarum, non dicitur scientia, sed intellectus; quia de illis non habetur, mediante alio discursu syllogistico; aliter daretur processus in infinitum; sed per solam intuitionem terminorum, facta ab intellectu, apprehendente necessariam connexionem prædicati cum subiecto: qua ratione dicitur intellectus, & non scientia; quæ est sola notitia conclusionis deductæ euidenter ex præmissis dispositis in modo, & figura. Has condiciones, ex Aristotele acceptas, assignat, & expendit Doct. Subtilis, in Prologo primi sent. q. 3. & in 3. sentent. dist. 24.

Ex his, sit prima Conclusio. Logica vtens,

utens, siue primo, siue secundo modo considerata in tertio notabili, non est scientia. Probatur primo; quia quælibet scientia proprie dicta, procedit ex propriis principiis ad proprias, & necessarias conclusiones, ex Philosopho, primo Post. t. 5. siquidem est effectus demonstrationis, quæ constat ex propriis, ut docet Aristoteles ibidem; sed Logica utens non procedit ex propriis, sed ex communibus ad omnes scientias, ut dictum est; ergo non est scientia. Secundo: quia scientia est de vniuersalibus, ex Aristotele, primo Post. cap. 7. sed Logica non est huiusmodi, cum versetur circa actus particulares sciendi propositiones, & syllogismos ex terminis propriis cuiuslibet scientiæ, vel facultatis; ergo. Tertio: scientia est effectus demonstrationis; ut docet Aristoteles primo post. cap. 2. sed Logica utens non est effectus, sed ipse actus demonstrandi in qualibet scientia, & facultate; ergo non est scientia.

Secunda Logica docens est vera scientia; prout scientia definitur ab Aristotele primo Post. t. 5. Probatur; quia Logica est effectus demonstrationis; ergo est scientia. Consequentia est nota; quia demonstratio, ex Aristotele loco citato, est syllogismus faciens scire. Antecedens probatur; quia in libris Priorum demonstratur syllogismus, habere tres terminos, & duas propositiones, per suam diffinitionem, sic dicendo. Omnis oratio, in qua quibusdam positis, necesse est aliud ex his accidere, habet tres terminos, & duas propositiones; sed syllogismus est huiusmodi; ergo syllogismus habet tres terminos, & duas propositiones. Secundo probatur. Quia Logica habet omnes conditiones requisitas ad veram scientiam, ergo Logica est vera scientia. Antecedens probatur; quia per primam, certò scitur syllogismus, de quo est Logica, ut de subiecto, ut probabimus inferius, constare ex tribus terminis, scilicet maiori extremitate, minori extremitate, & medio; ex quibus constituuntur duæ propositiones, quæ maior, & minor appellantur. Secundo, est notitia evidens; quia per dispositionem eandem in modo, & figura evidenter concluditur, syllogismus habere tres terminos & duas propositiones; in quo consistit passio demonstrabilis de ipso. Tertio, est de syllogismo,

tamquam de obiecto necessario, quoad suam essentiam, cum habeat propriam definitionem, & passiones de ipso demonstrabiles per eandem. Quarto tandem, est notum de conclusionibus habitis per discursum syllogisticum; ut patet ibi discurrenti per omnes conclusiones logicales, ex quibus coalescit habitus scientialis logicæ. Tertio probatur conclusio, ex Scoto q. p. Vniuersalium sic. Logica est sciens; ergo Logica est scientia. Antecedens probatur; quia omnis demonstratiue cognoscens, est sciens; sed Logica est demonstratiue cognoscens; ergo Logica est sciens. Maior patet; quia scientia est effectus demonstrationis, ut sæpius dictum, fuit ex Philosopho primo Post. cap. 2. Minor probatur; quia Logica non minus concludit demonstratiue probabilitatem de syllogismo dialectico, & apparentibus de sophistico, ex eo quod ille est apparentibus, & ille ex probabilibus propositionibus constet, quam necessitatem de demonstratiuo, & euidentiali illationis de syllogismo simpliciter; quia ille ex necessarijs procedit, hic verò ex dispositione præmissarum in modo, & figura, ut innuit Scotus, primo Elench. q. 3. ergo logica est demonstratiue cognoscens, & consequenter est sciens; ergo, & logica est scientia. Consequentia probatur, supponendo veritatem illius maximæ Topicæ. A concretis per se, ad abstracta per se, valet consequentia. Sed Logica, & sciens sunt per se concreta, & logica, & scientia per se abstracta; ergo si hæc est vera. Logica est sciens. Etiam hæc erit vera. Logica est scientia. Minor probatur, supponendo duo, scilicet triplicia esse abstracta, & concreta, scilicet à fundamento, à subiecto, & à supposito. Secundum prædicationem esse duplicem, scilicet per se, & per accidens.

Abstracta à fundamento sunt, quæ habent fundamentum, & tamen non concernunt illud. Ut paternitas, quæ fundatur in potentia generatiua patris, & tamen non dicitur de illa; quia hæc est falsa. Paternitas est potentia generatiua patris, vel è conuerso. Et per oppositum, concreta à fundamento sunt, quæ concernunt fundamentum, & dicuntur de illo; ut pater; hæc enim est vera. Petrus est Pater.

Ab-

Abstracta à subiecto sunt illa, quæ habent subiectum, & non concernunt illud: ut nigredo, quæ subiectionatur in pariete: & tamen hæc est falsa. Parietis est albedo. Concreta verò concernunt subiectum; hæc enim est vera. Parietis est albus.

Abstracta à supposito sunt, quæ habent supposita, & non concernunt illa. Ut humanitas, dicitur abstracta ab hoc, vel illo homine: & hæc sunt falsæ. Hic homo est humanitas: ille homo est humanitas. Concreta verò correspondentia sunt, quæ sunt in suppositis, & concernunt illa: ut homo Leo; hæc enim est vera. Hic homo est homo; & ille Leo est Leo.

Ab Abstractis à fundamento, & subiecto, potest fieri alia abstractio, scilicet à suppositis, seu indiuiduis. Nam paternitas, abstrahitur ab hac, vel illa paternitate; albedo, ab hac, & illa albedine: & idem hæc dicuntur abstracta non ultimata, scilicet à fundamento, & subiecto. Abstracta vero tertio modo, dicuntur ultimata abstracta; quia ab illis nequit fieri alia abstractio; siquidem ultra supposita, nil aliud datur. Ex his habetur, quod de abstractis primo, & secundo modo, potest aliquid verè prædicari; quia hæc sunt veræ. Albedo est color: paternitas est relatio; & huiusmodi. At de abstractis tertio modo nil potest verè prædicari; idem ista est falsa. Humanitas est animalitas &c. Idem dicendum de concretis primo, & secundo modo, sicut de abstractis. Cum igitur logicus, & sciens, sint concreta, secundo modo, & logica, & scientia abstracta pariter secundo modo, sequitur, quod possunt de se inuicem verè per se prædicari.

Secundo supponendum est. Prædicationem esse duplicem, scilicet per se, & per accidens. Prior reperitur inter genus, & speciem. Ut homo est animal. Inter speciem, & indiuiduum. Ut Petrus est homo. Inter speciem, & differentiam. Ut homo est rationalis. Et inter diffinitum, & diffinitionem. Ut homo est animal rationale. Posterior vero reperitur inter subiectum, & accidens commune. Ut homo est albus &c. Ad propositum: cum hæc prædicationes: Logicus est sciens; & Logica est scientia: sint generis de specie, siue in concreto, siue in abstracto (sciens enim est genus ad Logicum, Physicum, Metaphy-

sicum, Mathematicum &c. & scientia pariter est genus ad Logicam, Metaphysicam, Physicam &c.) Idem erunt prædicationes per se primo modo. Et his suppositis, probatur illa minur. Illa sunt concreta, & abstracta per se, quæ possunt de se inuicem prædicari per se; sed Logicus, & sciens, logica, & scientia sunt huiusmodi; ergo Logicus, & sciens sunt concreta per se, & logica, & scientia sunt abstracta per se; & consequenter, si hæc est essentialis: Logicus est sciens: ita hæc: Logica est scientia.

Obijcies primo, contra primam conclusionem. Logica vtens causat scientiam; ergo ipsa est scientia. Antecedens patet; quia Philosophia, quæ est vera scientia, habetur per logicam vtentem; quia hæc, & non docens, applicatur aliis scientiis. Consequentia patet, ex Philosopho, primo post. cap. 2. Propter quod vnumquodque tale, & illud magis. Sed per logicam vtentem Philosophia est scientia; ergo Logica vtens ipsa est magis scientia.

Respondetur. Antecedens esse verum instrumentali, non formaliter, & effectiue; quia sic scientia causatur à propriis principiis, ex terminis propriis vniuersitatis, quæ scientie confectis, mediante instrumento logicæ vtentis. Vnde non sequitur, Philosophiam causari à Logica vtente, sed à propriis principiis Philosophicis. Ad auctoritatem Aristotelis dico, ibi solum velle, principia causaria conclusionis esse magis cognita, quam sit ipsa conclusio; non cognitione, aut notitia, quæ sit scientia, sed illi, quæ intellectus vocatur. Vnde nequit inferri, logicam vtentem, ex eo, quod præbeat instrumenta demonstratiua Philosophiæ, esse magis scientiam, quam Philosophia.

Obijcies secundo Logica vtens non facit distinctum habitum à docente; ergo si docens est scientia, & vtens pariter debet esse scientia. Antecedens patebit ex dicendis inferius, & gratis à nobis conceditur; ergo si docentis habitus est scientia, & vtentis.

Respondetur. Antecedens esse verum formaliter, & realiter, falsum verò connotatiue, prout nimirum connotat relationes vsus, & doctrinæ: quia sic distinguuntur ab inuicem, docentis, & vtentis habitus. Ex quo tamen non licet inferre; ergo si docens est scientia, & vtens erit scientia.

quia docens fundatur in cognitione syllogismi, quatenus ex ipso inferuntur conclusiones, siue necessariæ, siue probabiles, siue apparentes, ex quibus coalescit habitus scientialis logicæ: vtens verò fundatur in eadem, vt applicata ad exercitium, & vsum, siue logicæ docentis, siue aliarum scientiarum; qua ratione, quia non procedit ex propriis, sed ex communibus ad omnes scientias, nequit dici scientia, sed tantum instrumentum sciendi; vt clariùs demonstrabitur in sequenti quæstione.

Obiicies tertio: contra secundam conclusionem. Nullus modus sciendi est scientia; sed logica est modus sciendi, ex Philosopho, secundo Meth. l. 1. §. dicente. Absurdum est simul querere scientiam, & modum sciendi. Vbi per modum sciendi, Cômmentator intelligit logicam; ergo logica non est scientia. Maior patet à simili; quia nullus modus videndi est visus; ergo nullus modus sciendi est scientia.

Respondetur, logicam esse modum sciendi, potest tripliciter intelligi. Primo modo formaliter; ita ut secundum suam entitatem sit modus, seu instrumentum sciendi. Secundo modo materialiter, seu obiectiue, & in obliquo; ita quod sit de obiecto, quod sit modus sciendi. Tertio modo fundametaliter, seu cõcomitanter; quatenus in logica fundatur respectus applicabilitatis ad alias scientias, qui dicitur modus sciendi. Ad propositum dico, minorem esse veram secundo, & tertio modo, non tamen primo modo, scilicet formaliter; & sic non sequitur conclusio. Ad intentum Philosophi dico cum Sarnano, Ruuiio, & alijs, non velle ibi inferre, logicam non esse scientiam, sed tantum, quod absurdum sit simul querere scientiam, idest Methaphysicam, quæ dicitur scientia per excellentiam, & logicam, quæ appellatur modus sciendi obiectiui; siquidem prius est addiscenda Logica, quàm Methaphysica. Secundo Dico, minorem esse veram de logica vtente, non de docente; quia hæc non est modus sciendi, sed vera scientia, vt probatum est.

Obiicies quarto. Scientia est æternorū, & impossibile aliter se habere; ex Aristotele primo post. cap. 2. c. 5. Sed logica non est huiusmodi; ergo non est scientia. Minor probatur; quia logica est de secun-

dis intentionibus, quæ tamdiū habent esse, quamdiū fabricantur ab intellectu.

Respondetur negando minorem; ad probationem dico, secundas intentiones esse corruptibiles, quoad esse existentie illarum; & sic de eis non est scientia; esse verò æternas, quoad esse essentie earundem; quia habent propriam quiditatem, per quam de illis demonstrantur propriæ passionēs; & sic de eis est scientia logicalis.

Obiicies quinto. Illa facultas, quæ considerat instrumenta, vt instrumenta sunt, non est scientia; sed logica docens est huiusmodi; ergo non est scientia. Minor probatur; quia considerat secundas intentiones, vt applicabiles alijs scientiis; sed applicabilitas est instrumentum sciendi; ergo &c. maior ista probatur. Modus considerandi, sumitur à modo diffiniendi; sed logica docens diffinit secundas intentiones, vt applicabiles primis intentionibus, de quibus sunt aliæ scientiæ; ergo considerat illas, vt illis applicabiles.

Respondetur, secundas intentiones dupliciter considerari posse; vno modo in quantum habent proprias diffinitiones, & passiones de ipsis demonstrabiles; & vt sic, considerantur à logica docente, nec sunt alijs scientiis applicabiles, nisi remotè, & aptitudinaliter; alio modo, in quantum sunt applicabiles propinquè, & in actu alijs scientiis; & sic de ipsis est logica vtens; & vt sic, sunt mera instrumenta acquirendi cæteras scientias.

Vndè ad argumentum, in forma nego minorem; ad probationem dico, minorem esse verā de applicabilitate remota, & in aptitudine; & vt sic, secundæ intentiones non sunt instrumenta, sed tantum, vt applicabiles sunt actualiter, & propinquè; & de ipsis non est logica docens, sed tantum vtens, quæ non est scientia.

Obiicies sexto: Ex Philosopho, primo Topic. cap. 9. vbi distinguit scientiam à fine; finem scientiæ esse scire, sed finis logicæ non est scire, sed operari, ex eodem Philosopho ibidem; ergo logica non est scientia. Secundo. Aristoteles primo Rethoricorum ad Theodestem, c. 2. docet, Rethoricam esse partem Dialecticæ; neutram tamen esse scientiam, sed solum facultatem inueniendarū rationum. Tertio. Primo Topic. c. p. inquit, officium Dialecticæ

dicæ esse differere ex probabilijs; sed scientia, cum sit effectus demonstrationis, est ex necessarijs; ergo non est scientia.

Respondetur ad primum, finem intrinsecum logicæ esse cognoscere quiditatem syllogismi, & omnium reducibilium ad ipsū; extrinsecum vero, & priori subordinatum, esse usum eiusdem syllogismi, & cæterorum contentorum in logica in alijs scientijs: hic finis est vtenſis; ille verò docentis. Vnde sequitur, logicam vtenſem non esse scientiam, sed tantum docentem.

Ad secundum, & tertium locum Philosophi dico, per Dialecticam intelligere illam partem, quæ agit de syllogismo Dialectico; & hanc non esse scientiam in quantum illa vtimur in alijs scientijs, applicando illis loca topica: esse verò, & ipsam propriè scientiam, in quantum ex proprijs principijs demonstrat probabilitatem de syllogismo dialectico; quia sic procedit ex proprijs, & non ex communibus ad omnes scientias.

Obiicies septimo Philosophum 6. Meth. c. 2. diuidentem scientiam in Mathematicam, naturalem, & diuinam; sed logica non est aliqua istarum; ergo.

Respondetur, Diuisionem esse traditam de scientia reali, non rationali, cuiusmodi est logica; vt videbimus inferius.

Virum Logicæ vtenſem, faciat distinctum habitum a Docente?

QVÆSTIO III.

Hanc questionem conati sumus mouere, nedum propter dicta Scoti q. 1. Vniuers. & q. 1. & 3. lib. p. Elenchorum, sed etiam ob quorundam Modernorum sententiam, quos sine nomine recensent Runtius q. 3. Proem. & Sarnensis in Annot. super Logicam Balduini, quæſito p. dicentium, logicam vtenſem facere distinctum habitum a docente. Hanc videntur sequi ex nostris, Petrus Tatar. q. p. Præambul. sciendum primo. Mauritius Hibern. in q. p. Vniuersalium Scoti, dub. 6. & nouissimè disertis verbis eam docet Maffrius, de Natura logicæ, art. p. nu. 5. & 6. ac sequentibus.

Oppositam sententiam, vti veriorem, & Doctore subtili cõformem, defendunt Braſauolus super q. 1. Vniuers. Scoti, dub. 1. Faber, Theor. p. c. 5. Pontius disp. 2. logic. q. 6. Fuentes q. 4. diff. 2. art. p. Toletus q. 2. log. Proem. fund. 2. Conimbr. q. 4. art. 2. &

alii multi relati à Maffrio loco citato, sub nu. 4. quibus accedit Runtius loco cit. q. 3. proæmiali: afferentes, logicam vtenſem non facere habitum distinctum realiter à docente, sed esse eundem vsui applicatum.

Pro declaratione huius posterioris sententiæ, eiusdemquè fundamento, primo notandum est, ex Scoto in Prologo p. Post. & in tertio d. 24. q. vn. quod sicut in vnaquaque facultate est dare notitiam actualem, & habitualem; vt verbi gratia in arte pingendi est actus, qui est quædam notitia actualis dirigens intellectum pictoris in actuali pictura hic, & nunc; & habitus, qui est aggregatio illorum actuum, seu notitiarum actualium, quo intellectus pictoris redditur promptus in subministrando modum pingendi in vnaquaque re, & ex quaquæ materia; ita similiter in logica, tam docente, quàm vtenſe, est assignare actum, & habitum. Vnde actus logicæ docentis, est notitia, seu cognitio actualis terminorum, propositionum, syllogismorum, & aliorum, quæ traduntur in logica; quæ in hoc consistit, vt intellectus sciat, propositionem constare ex subiecto, prædicato, & copula: syllogismum dialecticum habere tres terminos, & duas propositiones probabiles, demonstratiuæ, necessarias; & sophisticæ, apparentes: in super, quod ad consiciendum syllogismum in Barbara, debeant sumi tres propositiones vniuersales affirmatiuæ, & cætera huiusmodi. Habitus verò logicæ docentis, est aggregatum quoddam ex illis actibus frequenter iteratis, quo mediante, intellectus redditur promptus in docendū syllogismum, & reliqua in logica cõtenta, secundum vniuscuiusquè naturam, & proprietatem. Actus autem vtenſis, nõ est nisi actualis applicatio actus docentis; quod enim proponitur per actus docētis, scilicet, quod syllogismus debeat cõtare ex tribus terminis, & duabus propositionibus vniuersalibus affirmatiuis, si fuerit in Barbara, exercetur per actum vtenſis, dicendo. Omne animal est substantia, & omnis homo est animal. Habitus verò logicæ vtenſis, est aggregatum ex illis actibus logicæ docentis, in quantum est actus applicabilis alijs scientijs, facilitans intellectui in actibus diuidendi, distinguendi, & syllogizandi ex terminis, & principijs proprijs vniuscuiusquè. Et de hoc queritur, an sit distinctus realiter ab habitu docentis Logicæ.

Secun-

Secundo Notandum est. Habitus Logicæ dupliciter considerari posse; vno modo formaliter, & essentialiter, seu secundum suam essentiam, & entitatem; alio modo connotatiue, & prout refertur ad aliud. Primo modo, est notitia habitualis ex omnibus conclusionibus, seu notitiis actualibus generata. Secundo modo dicitur duplicem relationem, scilicet doctrinæ, in quantum docet modum cognoscendi propositiones, syllogismos, diuisiones, diffinitiones, & cætera in logica contenta, & applicabilitatis illius modi, seu doctrinæ, & omnium præceptorum, seu regularum, ad alias scientias. Si priori modo sumatur, habitus logicæ idem indistinctus omnino est vtriusque logicæ, docentis, scilicet, & vrentis; cum eadem præcepta, regulæ, & demonstrationes, quæ in illa cognoscuntur, & docentur, veluti instrumenta applicentur per istam alijs scientijs. Si verò secundo modo consideretur habitus, vrentis habitus distinguitur realiter à docente; quia relationes doctrinæ, & vñs, seu applicationis, sunt realiter distinctæ; siquidem prior terminatur ad doctrinam, seu modum cognoscendi syllogismum; secunda verò ad exercitiū, seu vñm illius modi cognoscendi, & construendi, tum syllogismos, tum cætera omnia in logica contenta.

Tertio notandum est, habere habitum in sui ratione, vt inclinet potentiam, reddatque eam facilem, promptam, & expeditam ad operandum, & exeundum in actum secundum; & licet idem habitus non possit inclinare potentiam ad actus contrarios, vt habitus scientiæ nequeat inclinare intellectum ad sciendū, & ignorare; potest tamen ipsam inclinare ad actus subordinatos, dummodo contineatur sub eodem obiecto, vt patet de habitu artis, seu facultatis Medicæ, qui inclinat intellectum in hoc præceptum, nimirum, quod vulnus rotundum non debeat citò sanari, ob eius difficultosamfigurationem; & in vñm huius præcepti, qui consistit in executione, & applicatione vnguentorum, secundum debitam proportionem, quæ sunt duo actus subordinati; ita in proposito, quamuis habitus logicæ docentis non possit inclinare intellectum in cognitionem syllogismi, modū ipsum continen-

di, & in eorundem ignorantiam, potest tamen inclinare in actum cognoscendi syllogismum, & eius constructionem, necnon in vñm illius cognitionis, & modū ipsum cognoscendi in vtraque facultate, & ex quibuscunque terminis. Ratio autem totius discursus est; quia vñitas habitus attenditur ex vñitate obiecti, vel subiecti; cum ergo idem sit obiectum, vel subiectum logicæ docentis, & vrentis, licet diuersimodè consideratum, erit etiam idem habitus secundum suam entitatem vtriusque, diuersus tamen secundum considerationem.

Ex his, fit prima Conclusio. Si habitus logicæ consideretur formaliter, & secundum suam substantiam, vel entitatem; vnus, & idem est habitus logicæ docentis, & vrentis. Hæc conclusio est Scoti locis citatis, vbi dicit, logicam posse considerari, vt docentem, & vntem; ergo supponit vñitatem habitus diuersimodè consideratum. Secundum Elenchis loco citato inquit; totam logicam, secundum omnes sui partes, esse docentem, & vntem; sed habitus totalis coalescit ex omnibus partibus; ergo vnus, & idem erit habitus vtriusque. Tercio probatur; quia vñitas habitus scientialis attenditur ex vñitate obiecti, ex Aristotele, primo Post. cap. 23. sed idem est obiectum vtriusque logicæ docentis, scilicet, & vrentis, scilicet syllogismus, licet diuersimodè consideratus; ergo erit idem habitus vtriusque. Quarto: habitus logicæ est cui attribuitur forma syllogizandi, diffiniendi, & diuidendi; sed hæc tribuitur logicæ docenti; ergo &c. Maior patet; quia vñs differendi; mediante aliquo instrumento. logicali, puta syllogismo, diffinitione, aut diuisione, non reducitur ad actum, nisi mediante forma syllogismi, diffinitionis, & diuisionis; ergo habitus logicæ vrentis est cui attribuitur forma differendi. Consequentia probatur, quia vñs, cum sit actus vrentis, non reducitur ad actum nisi per inclinationem sui habitus; sed vñs reducitur ad actum, mediante forma; ergo forma differendi est attribuenda habitui logicæ vrentis. Minor primi syllogismi patet; quia forma differendi præscribitur ab habitu scientifico, cum demonstratio sit syllogismus faciens scire; sed talis est habitus logicæ docentis, vt probatum est
super.

superius; ergo &c. Quinto: quia sicut se habet differentia respectu actus diuini, & constitutus, ita habitus logicæ respectu doctrinæ, & usus; sed vna, & eadem differentia secundum substantiam, & entitatem, est diuina, & constitutiva. vt patet; ergo idem habitus logicæ, secundum substantiam, & entitatem erit docens, & vrens. Maior patet à simili; quia sicut diuidere genus, & constituere speciem sunt diuersa officia differentia, ita docere, & vti, sunt diuersa officia, seu munia logicæ, ergo vnus, & idem erit habitus docentis, & vrentis; diuersus tamen secundum considerationem, sicut vna est differentia secundum rem, diuersa secundum considerationem.

Secunda Conclusio. Si verò habitus logicæ seimatur connotatiue, scilicet pro illa duplici relatione, scilicet doctrinæ, & usus; alius realiter est habitus docentis ab vrente. Probatnr primo. Quia idem nequit dici scientificus, & non scientificus, seu scientia, & ars; sed logica, prout docens, est habitus scientificus, & prout vrens, non scientificus; ergo alius est habitus docentis, & vrentis. Maior patet; aliter duo contradictoria verificari possent simul de eodem, quod est falsum, & contra naturam eorum. Secundo probatur. Quia relationes diuersificantur per suos terminos, ex Philosopho in Prædicam. c. de Ad aliquid; & Doct. Subt. pluribus in locis sue doctrinæ, sed precipue in tertio d. 8. vbi dicit, quod sicut relatio habet vnitatem à termino, ita distinctionem ab eo; sed termini doctrinæ, & usus, in quibus consistit habitus connotatiue sumptus, sunt diuersi, vt patet; quia doctrina terminatur ad cognitionem, seu modum consiendi syllogismum, & cetera logicalia; usus verò, ad executionem, seu exercitium illius cognitionis, seu modi consiendi, quæ sunt diuersa; ergo relationes in quibus consistit habitus connotatiue sumptus, erunt diuersæ, & consequenter alius habitus vrentis à docente.

Obijcies tamen primo contra primam conclusionem. Idem habitus nequit esse simul scientificus, & non scientificus; scientia, & ars; speculatiuus, & practicus; sed habitus docentis est scientificus, speculatiuus, & scientia; vrentis verò non scientificus, practicus, & ars, ergo nequit esse idem habitus logicæ vrentis, & docentis.

Respondetur. Maiorem esse veram de habitu formaliter accepto, et secundum suam substantiam, & entitatem; falsam loquendo de habitu connotatiue sumpto; quia cum idem habitus dicat respectum ad actum scientificum, & non scientificum, cuiusmodi est usus, idem respectu diuersorum potest recipere prædicata contradictoria; vt dicatur scientificus, quatenus dicit ordinem ad doctrinam; & non scientificus, prout respicit usum, & exercitium doctrinæ.

Obijcies secundo. Actus diuersi, non possunt provenire ab eodem habitu; sed actus docentis, & vrentis logicæ sunt diuersi; siquidem illi respiciunt cognitionem obiecti, hi verò exercitium, & usum illius cognitionis: ergo. Maior probatur, quia Actus, & habitus distinguuntur per obiecta, ex Philosopho, secundo de Anima t. c. 131. Sed eiusdem habitus non possunt esse duo obiecta, ex Scoto in Prologo q. 4. ad secundum principale, sub lit. B. b. & in primo, d. 3. q. 3. sub A. ergo &c.

Respondetur primo. Maiorem, & probationem esse veram de actibus disparatè oppositis, & non subordinatis, vt sunt in proposito: nam cognitio modi operandi, & ipsa operatio subordinantur in vnaquaque facultate: modò actus docentis, est cognitio modi syllogizandi, vrentis verò est ipsa syllogizatio, seu executio illius modi cogniri.

Secundo Dico. Minorem esse falsam: siquidem actus vrentis sunt iidem actus docentis in usu positi secundum substantiam, & entitatem, & differunt solum connotatiue, vt dictum fuit de habitu docentis, et vrentis.

Obijcies tertio Alia, et alia facilitas in potentia, arguit alium, et alium habitum: sed intellectus habet aliam facilitatem in docendo syllogismum in docente, et aliam in eundem consiendi in Logica vrente: ergo alius habitus est vrentis, ac docentis.

Respondetur negando minorem. Quia intellectus eadem facilitate fertur in cognitionem modi operandi, et in ipsum opus, quando ambo immediate proveniunt ab ipso, vt est in proposito. Vnde ex hoc non potest inferri alius habitus inclinans ad cognitionem modi operandi, quod est actus docentis, & ad ipsum opus, quod est actus vrentis.

Obijcies quarto ex Maestro. Quia Tyrones ex auditu Magistri, vel ex lectione librorum, habent exactissimam cognitionem præceptorum logicalium, & tamen manet in eis difficultas ad vtendum illis; ergo hæc habet tolli per facilitatem ex frequenti vfu genitæ; & sic per habitum vtentis distinctum à docente. Antecedens probatur. Quia etsi Tyrones optimè sciunt, diffinitionem debere constare ex genere, & differentia; & quoddam syllogismus in prima figura requirat medium terminum pro subiecto in maiori, & pro prædicato in minori, tamen antequam se exercuerint, difficultatem sentiunt in cōficiendis syllogismis in hac, vel illa figura; sed hæc difficultas nequit tolli per habitum docentis; ergo requiritur habitus vtentis, ex frequentatis actibus genitus.

Respondetur Huiusmodi difficultatem, quam patiuntur Tyrones in cōficiendis syllogismis, & in vfu aliorum præceptorum logicalium, non prouenire ex defectu habitus vtentis distincti à docente, sed quia nondum habent logicam docentem in habitu à Magistro, vel lectione librorum, sed solum in dispositione; atque aded imperfectè operantur ex defectu habitus Logicæ docentis.

Dices. Ex frequenti vfu cōficiendi. Syllogismus, & argumentationes, generatur aliquis habitus in intellectu Tyronis, non docentis Logicæ, sed vtentis; ergo habitus vtentis erit distinctus à docente. Antecedens probatur, ex Saoto in tertio d. 33. vbi docet, ex frequentibus actibus, tum voluntatis, tum intellectus generari habitus regulantes, & habilitantes huiusmodi potentias: ergo etiam ex frequentatis actibus cōficiendi syllogismos, & argumentationes habet gigni habitus Logicalis; non docentis, quia hic acquiritur ex auditu Magistri, et lectione librorum; ergo vtentis Logicæ, distinctus à docente.

Respondetur. Ex frequenti vfu cōficiendi syllogismos non generari nouum habitum distinctum à docente, sed perfici habitum docentis prius habitum ex auditu Magistri in ratione dispositionis: et ratio est; quia cum actus vtentis, sint actus docentis, secundum substantiam, in vfu possit, nequeunt generare nouum habitum, sed perficere priorem, reducendo ipsum de dispositione ad rationem habitus, in

eodem tamen genere docentis.

Obijcies quinto Vbi cognitio aliquorū non est propter speculari simpliciter, sed etiam aliquo modo propter operari, tunc respectu eorum ponendus est in intellectu duplex habitus; alter respectu vniuersaliū, et alter respectu particularium, ex actibus particularibus genitus: ergo cum cognitio instrumentorum logicalium non sit simpliciter propter ipsam logicam, sed ad dirigendas operationes intellectus in quacunque materia scibili, in ea ponendus est vnus habitus respectu vniuersalium regularum diffiniendi, diuidendi, et arguendi; et alter respectu particularium, ex frequenti applicatione dictarum regularum ad diuersas materias genitus, vnde intellectus reddatur promptus ad diuidendum, diffiniendum, & arguendum. Antecedens est Scoti, in Prologo primi sent. q. 4. ad secundum, & tertium principale, sub. lit. Bb. vbi docet ponendum esse necessariū habitum prudentiæ respectu particularium actionum, hic, & nunc eligendarum; nec sufficere scientiam moralem respectu vniuersalium in communi, cum intellectus nequeat inclinari per hanc, nisi remore, ergo à simili de intellectu respectu syllogismorū in cōmuni, & in particulari; siquidē ad cōficiendos syllogismos in quacunque scientia, nequit inclinari per habitum docentis de proximo, sed tantum remore; & sic indiget habitu vtentis logicæ.

Respondetur, Antecedens esse verum, quando operabile habet fieri per aliam, & aliam potentiam, sicut accidit in artibus mæchanicis, in quibus sunt necessarij duo habitus, alter regulatiuus intellectus, & alter potentie operatiue externæ; salum verò, quando operabile, & scibile habent fieri ab eadem potentia; vt est in proposito de actibus vtentis, & docentis, cum ambo pendeant immediatè ab intellectu cognoscente, & cōficiēte diuisionem, diffinitionem, & argumentationem. Ad probationem desumptam ex Saoto, dico potius esse ad oppositum, quàm ad propositum; siquidem cum actus contingentes, qui possunt fieri, & non fieri, rectè, vel non rectè, hic, & nunc, nequeant sufficienter regulari per habitum scientiæ moralis in communi; idē infero Doctorem Subtilis esse necessariū habitum

habitu prudentiæ distinctum à Sinesi, & Eubulia, quæ respiciunt vniuersalia tantum, at cum actus cognoscendi syllogismum, modi ipsum conficiendi, & vsus eorundem, sufficienter regulentur per vnum, & eundem habitum Logicæ, qui est docentis, non est cur sit ponendus alius habitus secundum substantiam, distinctus ab habitu logicæ docentis. Per idem satis fit priori confirmationi, desumptæ ex facultatibus organicis, in quibus Mastrius videtur vim facere, & tamen non concludunt ad propositum.

Utrum Logica sit scientia Communis, vel particularis.

QVÆSTIO V.

Cum ista quæstio citrà controuersiam moueatur à Doct. Subt. q. 2. Vniuersaliū, & lib. p. Elench. quæstione prima, non est nobis immorandum circa eius intelligentiam, & explicationem; vnde.

Primo Notandum est, vt colligitur ex Scoto locis citatis, aliquid posse dici commune dupliciter, scilicet intrinsecè, & extrinsecè. I. Iud dicitur commune primo, modo, quod secundum suam naturam de pluribus prædicari potest, vel pluribus applicari. Et hoc modo Logica nequit dici scientia communis, quia nequè prædicatur de alijs scientijs, nec illis applicatur, quia hæc sunt falsæ. Physica est Logica; Methaphysica est Logica. Illud verò dicitur commune secundo modo, quod licet secundum se non sit commune pluribus, tamen ratione alicuius extrinseci sit pluribus commune; vt scientia ratione obiecti, vel subiecti. Et hoc modo, aliquam scientiam dici posse communem; contingit tripliciter, vel quia subiectum prædicatur de subiectis aliarum scientiarum, vel quia applicatur subiectis aliarum scientiarum, vel quia considerat aliquo modo, ita item per accidens, ea, quæ considerantur in alijs scientijs. Primo modo, Methaphysica dicitur scientia communis ad omnes scientias reales; quia ens reale, quod est eius subiectum prædicatur de subiectis omnium scientiarum realium; quia hæc sunt veræ. Corpus naturale, est ens; quantitas est ens; corpus animatum est

ens &c. secundo modo, logica dicitur scientia communis, quia syllogismus circa quem versatur Logica, applicatur subiectis aliarum scientiarum. Tercio modo pariter Logica dicitur scientia communis, quia cum per se consideret secundas intentiones, & hæc fundentur super primis, de quibus sunt aliæ scientiæ, consequenter saltem per accidens habet considerare ea omnia, quæ in alijs scientijs considerantur. Siquidem aliæ scientiæ habent genera, & species, indiuidua, differentias, propria, & accidentia, quæ tamen per se considerantur à Logica.

Secundo Notandum est, Logicam posse dici communem per applicationem ad alias scientias dupliciter, vno modo per applicationem quorundam preceptoſi, seu regularum communium, quæ dicuntur loca Topica, & sic dicitur tantum communis secundum partem; alio modo per applicationem etiam syllogismi simpliciter, demonstratiui, sophistici, & omnium reducibilium ad illos; & sic dicitur applicari secundum se totam. Logica dicitur communis non tantum primo modo, vt quibusdam ex nostris placet, sed etiā secundo modo; quia re vera in alijs syllogismis sunt syllogismi in modo, & figuræ demonstrationes, & fallaciæ ex terminis, & propositionibus eorundem; quod non posset accidere, nisi applicaretur illis secundum se totam.

Ex his sit prima Conclusio. Logica non est scientia communis intrinsecè; siue per prædicationem, siue per applicationem. Probatur. Quia nec de illis prædicatur, nec illis intrinsecè applicatur, sed tantum extrinsecè ratione subiecti, scilicet syllogismi hæc enim est falsa. Physica, vel Methaphysica, est Logica.

Secunda Conclusio. Logica non est scientia communis per prædicationem sui subiecti. Probatur. Quia syllogismus, cum sit ens rationis respectum, non prædicatur essentialiter de subiectis aliarum scientiarum, quæ sunt entia realia; siquidem ens reale, & ens rationis, sunt disparatè opposita; ergo Logica non est scientia communis per prædicationem sui subiecti.

Tertia Conclusio. Logica tamen est scientia communis per applicationem extrinsecam.

trinfecam sui subiecti. Probatur. Quia syllogismus, & omnia reducibilia ad ipsum, applicantur alijs scientijs. Siquidem in illis fiunt demonstrationes, argumentationes dialecticæ, & sophisticæ, diffinitiones, diuisiones, & cætera huiusmodi, quæ traduntur in Logica propter syllogismum.

Quarta Conclusio. Logica etiam est scientia communis per considerationem. Probatur. Quia Logica, saltem per accedens considerat ea omnia, quæ per se considerantur in alijs scientijs; ergo est scientia communis per considerationem. Consequentia patet; quia idem Metaphysica est scientia communis per considerationem, quia in ipsa considerantur omnia entia realia, quæ considerantur in alijs scientijs sub ratione propria, & particulari; ergo cum Logica consideret omnia, quæ considerantur in alijs scientijs, erit scientia communis per considerationem. Antecedens patet; quia Logica per se considerat secundas intentiones fundatas super primis, ex Boetio, & Auicena; ergo saltem per accedens considerat primas, prout scilicet fundamenta sunt secundarum Intentionum. Consequentia probatur. Cuius est considerare per se relationem, eiusdem est considerare aliquo modo fundamentum, & terminum, ex quibus resultat relatio; sed secundæ intentiones sunt relationes rationis, fundatæ, & terminatæ ad primas intentiones, ut probatum est in nostro Tractatu secundarum Intentionum, & Logica per se considerat secundas Intentiones; ergo aliquo modo, saltem per accedens, considerat etiam primas Intentiones, de quibus sunt aliæ scientiæ; & sic Logica dicitur scientia communis per considerationem.

Obijcies primo. Illa scientia dicitur communis, cuius subiectum est commune; sed subiectum Logicæ non est commune subiectis aliarum scientiarum; ergo Logica non est scientia communis. Maior patet; quia communitas scientiæ desumitur a communitate subiecti, ut docet Aristoteles in prædicamentis c. de Relatione; & quinto Meth. t. c. 20. Minor similiter; quia hæc sunt falsæ. Corpus naturale est syllogismus. Ens reale est syllogismus, qui est subiectum Logicæ &c.

Respondetur. Minorem, & eius proba-

tionem esse veras de communitate per prædicationem, & intrinsecè; falsas per applicationem extrinsecam; quia sic re vera subiectum logicæ applicatur subiectis aliarum scientiarum, ut dictum est in primo Notabili.

Obijcies secundo. Si Logica aliquo modo esset communis, etiam per applicationem, non esset scientia; sed hoc est contra ea, quæ conclusimus superius quæstione tertia; ergo Logica non potest dici scientia communis. Sequela maioris probatur. Quia idem Logica viens non est scientia, quia est communis per applicationem ad alias scientias, siquidem scientia procedit ex propriis, & non ex communibus, ut probat Aristoteles primo Post. c. 2 & sequentibus.

Respondetur; has duas propositiones. Logica est scientia communis: & Logica est scientia, prout est communis: esse valde diuerfas. Nam prior habet hunc sensum; quod ille habitus Logicæ, qui est scientia, sit etiam communis per applicationem alijs scientijs; & hic sensus est verus: quandoquidem superius diximus, eundem esse habitum secundum entitatem, licet diuersimodè consideratum, Logica docentis, & videntis. Posterior verò facit hunc sensum: habitus Logicæ, qui est scientia, idem est scientia, quia est communis per applicationem alijs scientijs: & hic sensus est falsus; quia Logica non est scientia, quatenus applicabilis reduplicatiuè, sed in quantum procedit ex propriis principiis ad proprias conclusiones, quæ postea applicari possunt alijs scientijs.

Formaliter ad argumentum, nego sequelam maioris: ad probationem dico, idem Logicam videntem non esse scientiam, quia procedit ex communibus ad alias scientias, & quia est communis per applicationem actualem syllogismi, & omnium reducibilium ad ipsum; Logicam vero docentem esse scientiam, quia procedit ex propriis; quæ postea per videntem fiunt communia, quatenus illis vtimur in acquisitione aliarum scientiarum: & idem Logica, prout est scientia, si ly prout, accipitur specificatiuè, non reduplicatiuè.

Obijcies tertio Grammatica magis applicatur alijs scientijs, quam Logica; quia non

non tantum illis, sed etiam Logicæ; atqui ob hoc non dicitur scientia communis; ergo nec Logica propter hoc habet dici scientia communis.

Respondetur primo, negando consequentiam. Nam licet grāmatica possit dici ars communis, & magis communis Logica, quia pluribus applicabilis in ratione artis liberalis, tamen nequit dici scientia communis, cum non sit scientia, at Logica cum sit scientia, & etiam applicabilis aliis, rectè potest appellari scientia communis per applicationem sui subiecti.

Vel dicendum cum meo Magistro, non esse partem rationem de Grāmatica, & de Logica; quia alie scientie vtuntur Grāmatica, tantum per accidens, cum sine illis possint perfectè haberi; at Logica vtuntur per se; quia cum sola doceat demonstrationem, & scientia sui effectus demonstrationis, nequeunt perfectè haberi sine Logica; qua ratione dicuntur magis communis, quàm Grammatica.

*Primum Logica Docens, sit pars
Philosophia.*

QVÆSTIO VI.

Hanc difficultatem à multis variè exagitari, referunt Conimbric. q. 4. Proxm. art. 4. & Pererius, lib. p. Philosophiæ, cap. 2. Siquidem in debium reuocant, nedum veritatem questionis, sed etiam ipsam partem fore Aristoteli consentaneam, si parti affirmatiuæ adiudicetur. Cæterum, vt ostendamus, quàm fuerint falso innixi iudicio, duas referemus opiniones de hac re litigantes.

Prima est Ammonii, in principio Prædicam. Alexandri, & Philopponi, initio Priorum. Pererii, loco citato. Laertii in Vita Aristotelis, asserentium, partem ailiamariam questionis repugnare Aristoteli, & omnibus Peripateticis. Et hanc confirmant multis auctoritatibus, quas in fine examinabimus, an intentum concludant.

Secunda opinio (quam à Stoicis, &

Platone traditam, defendunt alij, cum Alberto Magno in log. q. 2.) est Eusebii de Præpar. Euangel. lib. 11. cap. p. Tullij, primo de Oratore de Finibus; & primo Acadam. questionum. Simplicij in principio lib. Prædicam. Boetij in prolog. Porphyrii à se translato. Alberti Magni, loco cit. in Porphy. cap. primo, Tract. 2. & aliorum, quos referunt, & sequuntur Conimbric. loco cit. dicentium, Logicam esse partem Philosophiæ, & esse de mente Aristotelis. Hanc videtur sequi Doct. Subr. primo Elench. q. 1. & Suarez, primo Meth. disp. prima, Sect. 4. cum asserant, ad Methaphysicum spectare considerationem etiam secundarum Intentionum; imò eius cognitione perfici Methaphysicam, & è conuerso.

Pro huius opinionis dilucidatione, ac fundamento, primo Notandum est, Philosophiam dupliciter nobis innouescere, scilicet ex diffinitione quid nominis, & quid rei. Vnde Philosophia, quo ad quid nominis idem est, ac amor sapientiæ; cōponitur enim ex duabus vocibus græcis, scilicet Philos, quod in latinum vertitur, amor, & Sophia, quod idem est, ac sapientia. Quo ad quid rei autem, à multis multifariam diffinitur; pro nunc tamen sufficiat recensere illam diffinitionem, Platonis in Theætero, & Phædone. Philosophia est humanarum, diuinarumque rerum cognitio perfecta. Seu illam, quam ponit Aristoteles secundo Meth. t. c. 3. Philosophia est cognitio, seu contemplatio veritatis. Quæ si accipiat secundum has diffinitiones, comprehendit sub se omnes scientias, sūt reales, siue rationales, siue speculatiuas, siue practicas, vt patebit statim tradendo eius diuisionem.

Secundo Notandum est, quod multi diuersimodè Philosophiam in suas partes distribuunt, vt videre est apud modernos, & præsertim apud Malstrum de Natura Logicæ, in proximo. Nos autem secuti Philosophum, secundo Meth. t. c. 3. sic diuidendam putamus; vt primo in speculatiuam, seu contemplatiuam, & practicam partiatur. Practica verò, in actiuam, & factiuam. Actiua, in Ethicam, Economicam, & Politicam; quæ postea

postea in Civilem, & Canonicam secatur. Factiua verò, in septem artes mechanicas diuiditur. Speculatiua autem, prima sui diuisione, in realem, & rationalem partitur. Realis, in Methaphysicam, Physicam, & Mathematicam. Mathematica, in Astrologiam, Geometriam, Musicam, & Arithmetica. Rationalis denique diuiditur in Grammaticam, Rethoricam, & Logicam, seu Dialecticam. Ex qua diuisione Philosophiæ in sua communitate, sumptæ, colligitur, nedum Logicam, sed etiam Grammaticam, & Rethoricam esse eiusdem partes.

Tertio Notandum est, Philosophiam, seu cognitionem veritatis posse dupliciter accipi, vno modo strictè, & pressò vocabulo; & sic comprehendit sub se tantum scientias reales speculatiuas, scilicet Methaphysicam, Physicam, & Mathematicam, vt docet Aristoteles, sexto meth. cap. p. t. c. 3. vbi per illam diuisionem noliit excludere Logicam à Philosophiæ partibus, cum tantum loquatur de Philosophia speculatiua reali, & non de speculatiua in communi. Alio modo largè, & sic comprehendit sub se nedum scientias reales, sed etiam rationales; non tantum speculatiuas, verum etiam practicas: Siquidem, cum vt sic accepta, sit cognitio veritatis, tam in rebus humanis, quam diuinis; & veritas manifestetur, nedum in scientijs realibus, sed etiam in rationalibus; non tantum in speculatiuis, vt inquit Aristoteles, secundo meth. t. c. 3., & sexto meth. cap. 1. t. c. 2. & 3. verum etiam in practicis (suo modo, vt alibi dicturi sumus, idè rectè diuiditur Philosophia, in sua communitate sumptas, & largè acceptas, in scientias reales, & rationales, practicas, & speculatiuas. Ex quo inferitur, Logicam esse partem Philosophiæ; quia non solum cognoscit veritatem sui subiecti, & omnium reducibilium ad ipsum, quæ sub rebus humanis continentur, verum etiam, quia docet modum cognoscendi veritatem à falsitate in qualibet scientia, & facultate; qua ratione, quasi appropriatè, potest appellari cognitio veritatis, seu Philosophia rationalis.

Quarto Notandum est, Logicam esse, & appellari posse partem Philosophiæ, etià de mente Aristotelis, potest dupliciter in-

telligi, scilicet implicite, & explicitè. Secundo modo dici nequit; quia nullibi reperitur, vbi illam sub partibus Philosophiæ collocet Aristoteles; imò oppositum potest deduci ex sexto meth. t. c. 3. At si primo sumatur modo, non est neganda Logica à Philosophiæ partibus, etià secundum Aristotelem; siquidem cum lib. 8. Topic. in principio, cap. 2. diuideret scientiam in contemplatiuam, seu speculatiuam, actiuam, & effectiuam; & Logica sit scientia, vt superius de eius mente probauimus; & speculatiua, vt inferius demonstrabimus, restat, vt sub scientia contemplatiua, quæ secundum ipsum, est vna pars Philosophiæ, intellexerit fore collocandam etiam Logicam; aliter insufficienter dedisset omnium scientiarum diuisionem, cum Logica, quæ est vera scientia, sub aliqua illarum partium non comprehenderet.

Ex his, sit prima Conclusio. Si Philosophiæ nomen strictè accipiat, Logica non est pars Philosophiæ. Probatur. Quia Philosophia hoc modo sumpta, est cognitio tantum rerum realium; sed Logica non est cognitio rerum realium, sed rationalium, vt sunt secundæ intentiones; ergò Logica non est pars Philosophiæ hoc modo acceptæ. Maior patet ex sexto Meth. c. 3. vbi ex diuersa cognitione rerum arguit tres tantum esse pars Philosophiæ contemplatiuæ, sub quarum nulla comprehenditur Logica. Secundo, quia Philosophus 4. Meth. cap. 2. t. c. 8. & primo Topic. c. 2. separat Logicam à Philosophia; sed nulla pars separari potest à suo toto, cum totum ex omnibus constet partibus, ergò Logica non est pars Philosophiæ hoc modo acceptæ.

Secunda Conclusio, Si autem Philosophia accipiat largè, nimirum prout est cognitio veritatis in rebus diuinis, & humanis, Logica est pars Philosophiæ. Probatur primo, & per illam vulgatam diuisionem Philosophiæ secundo notab. recensitam, ex Platoniorum, Stoicorum, & Peripateticorum scolis; vbi sub contemplatiua annumeranda venit etiam Logica. Secundo probatur ratione: quia omnis cognitio rei per causam est Philosophia, ex Aristotele, primo Meth. c. 2. vbi inquit. Homines ex cognitione
aff-

effectuum, quorum causæ ignotæ erant, inceptisse philosophari, idest causas illorum cognoscere. Et secundo Meth. c. p. t. c. 3. & 4. ubi appellatur Philosophiam, cognitionem veritatis per causam. Sed logica est huiusmodi; quia nedum cognoscit, quæ demonstratiuè tractat, vt verbi gratia syllogismum habere tres terminos, & duas propositiones: propositionem categoricam constare ex subiecto, prædicato, & copula &c. ex eorum definitionibus; sed hunc cognoscendi modum tradit alijs scientijs; ergo Logica est cognitio veritatis; & sic philosophiæ pars.

Tertia Conclusio Logicam esse partem Philosophiæ largè acceptæ, est consentaneum Aristoteli, saltem implicite. Probatur. Quia illud est de mente alicuius Doctoris implicite, quod ex eius dictis elicitur, vel elici potest; sed ex dictis Aristotelis habetur, Logicam esse partem Philosophiæ; ergo. Maior patet ex quarto notabili. Minor probatur. Quia superius probauimus secundum Aristotelis principia, logicam esse veram scientiam; sed non posset esse vera scientia, nisi esset pars Philosophiæ; ergo Logica esse partem Philosophiæ, est de mente Aristotelis. Minor probatur. Quia scientia, & philosophia sunt ideæ; ergo si logica non esset Philosophia, non esset scientia; cum igitur sit scientia, sequitur, quod sit Philosophia. Antecedens probatur. Quia cognitio rerum per causas, est scientia, ex Aristotele p. Post. c. 2. sed etiam Philosophia est cognitio rerum per causas, ex eodem p. Meth. c. p. & 2. Meth. c. p. ergo Philosophia est scientia, ergo per conuersionem simplicem, scientia est philosophia, de mente Aristotelis; & sic de primo ad vltimum, logica cum sit scientia, erit Philosophia, de mente Philosophi. Tercio. Nulla facultas potest terminare quæstiones pertinentes ad facultatem sibi extraneam; sed ex Aristotele, Philosophia potest determinare quæstiones Logicales; ergo facultas logica non est extranea Philosophiæ. Minor patet; quia Philosophus primo Topicorum cap. 12. in fine, enumerat quasdam quæstiones Dialecticas, quarum terminationem, inquit, spectare, nedum ad logicam, sed etiam ad Philosophiam; licet diuerso modo. Ad Philosophiam igitur, secundum veritatem, de his negotiandum, dialectico autem

modo ad opinionem. Ergo secundum Aristotelis mentem, saltem implicite, Philosophia continet sub se logicam; & sic rectè appellari potest pars Philosophiæ, etiam secundum eundem Philosophum.

Obijcies tamen primo, contra primam, & secundam conclusionem. Cognitio rei leuissimè non est Philosophia; siquidè hæc dicitur diuinarum, humanarumque rerum cognitio, quæ sunt maximi momenti; sed logica est cognitio rei leuissimæ, scilicet secundæ intentionis, quæ est minimè ens rationis; ergo non potest appellari vlllo modo Philosophia.

Respondetur negando maiorem: ad probationem dico, non omnes res humanas, quas Philosophia speculatur, esse magni momenti; siquidem entia rationis continentur sub humanis rebus, cum sint operationes passiuæ intellectus humani, & tamen non sunt magni momenti.

Secundo dico: maiorem esse veram de Philosophia strictè accepta, non largè sumpta, sub qua duntaxat logica collocamus.

Obijcies secundo. Nihil potest esse instrumentum, & pars alicuius rei, vt patet per experientiam in rebus etiam materialibus; malleus enim cum sit instrumentum fabricandi cultellum, non est pars eius; sed logica est instrumentum acquirendæ Philosophiæ, ex Philosopho, p. Top. c. 2. 9. & 12. ergo nequit esse eius pars.

Respondetur. Admissa maiore pro nunc, minorem, & probationem esse veram de Logica viente, quæ re vera est instrumentum acquirendæ Philosophiæ; & hæc gratis excludimus à partibus philosophiæ; ipsam tamè de logicâ docet, quæ cum sit vera scientia contemplatiua, locum obtinere debet sub philosophia saltè largè accepta, vt probatū est. Hæc auctoritas Aristotelis cogit; quia cum in citatis locis loquatur de Dialectica, seu Topica, prout alijs scientijs applicatur, etiam nos concedimus, logicam, vt sic acceptam, siue secundum se totâ, siue secundum partem, non cōtineri sub Philosophia; quia nec sub aliqua determinata scientia.

Obijcies tertio, contra tertiam conclusionem, Aristot. p. Top. c. 12. 4. Meth. c. p. & 2. & alibi, remouentè logicâ à partibus Philosophiæ; cum ea, quæ cōsiderantur à Philosopho, aut nullo modo cadant in consideratione logica, aut saltem diuersimodè, vt patet; ergo signum est, logicam non esse partem philosophiæ de eius mente.

Respondetur. Negando consequentiam; cum Aristoteles loquatur de Philosophia strictè sumpta, prout nimirum comprehendit tantum scientias reales; ad quam reduci logicam, & nos negamus. Ex quo non licet inferre, ut simpliciter excludat eam à partibus philosophiæ largè acceptæ, ut supra probatum fuit.

Secundo dico. Ex citatis locis non posse colligi, fuisse mentem Aristotelis excludere logicam à philosophiæ partibus; tùm quia loquitur semper de logica viente, ut patet ex contextu; tùm etiam, quia aliter nec physica esset pars philosophiæ, cum ea, quæ ibi tractantur, aliter à metaphysico, & aliter à physico considerentur, & tamen non ambigitur, quin physica, & metaphysica sint philosophiæ partes.

Utrum Logica sit scientia realis, vel rationalis?

QVÆSTIO VII.

Mouetur hæc quæstio, propter supradictam diuisionem philosophiæ, in qua diximus, logicam contineri sub illa parte, quæ rationalis nuncupatur. Quod, ut manifestius fieret, necessarium duximus, quomodo logica dicatur scientia realis, & quomodo rationalis, dicere.

Pro cuius declaratione notandum est primo, quælibet scientiam dupliciter considerari posse; vno modo intrinsecè, & secundum suam entitatem; alio modo extrinsecè, & per respectum ad suum obiectum, vel subiectum; scientia enim, ex Philosopho in Prædicam. c. de Ad aliquid, refertur ad scibile, id est ad subiectum, sicut mensurabile ad mensuram. Si priori modo consideretur, quælibet scientia est realis, cum sit qualitas spiritualis, subiecti in intellectu existens; & sic etiam logica est scientia realis. Si posteriori modo accipiat, illa scientia dicitur realis, quæ est de subiecto, reali; illa verò dicitur rationalis, quæ est de subiecto, quod sit ens rationis. Et sic physica est scientia realis, quia est de corpore naturali, quod est ens reale; logica verò est scientia rationalis, quia habet pro subiecto aliquod ens rationis, scilicet syllogismum, ut inferius demonstrabimus.

Secundo notandum est. Aliquam

scientiâ posse dici rationalem quadrupliciter; primo modo, quia est inuenta à ratione; & sic omnis scientia dicitur rationis, quia omnis scientia est inuenta ab intellectu, qui dicitur potentia rationalis. Secundo modo, quia subieciatur in ratione; & sic etiam omnis scientia dicitur rationalis, quia subieciatur in intellectu: tertio modo, quia est directiua rationis, scilicet actus intellectus: & hoc modo scientiæ speculatiue dicuntur rationales, quia omnes dirigunt operationes intellectus, qui est potentia rationalis: quarto modo obiectiue, quia videlicet tendit in obiectum, quod sit ens rationis; & hoc modo sola logica dicitur rationalis; quia ipsa sola considerat ens rationis, scilicet syllogismum, qui est eius obiectum, ut suo loco demonstrabimus. Et hoc modo logica dicitur rationalis, prout rationale distinguitur contra reale.

Tertio notandum est. Aliquam scientiam dici rationalem hoc quarto modo, adhuc tripliciter contingit; vel quia tendit circa ens rationis subiectiue, vel obiectiue, vel habens esse in considerato, ut considerato, per actum collatiuum intellectus. Primo, & secundo modo logica non dicitur scientia rationalis; quia cum ens rationis subiectiue, & obiectiue sint vera entia realia, & ipsa est scientia realis: at tertio modo, dicitur rationalis; quia tendit circa ens rationis collatiuum, quod totaliter distinguitur ab ente reali; ut alibi diximus, & dicturi sumus.

Ex his, sit prima Conclusio. Logica intrinsecè considerata, est scientia realis. Probat. Quia qualitas spiritualis intrinsecè est realis, cum sit de prædicamento qualitatis; sed Logica intrinsecè considerata, est qualitas spiritualis, cum reponatur sub specie qualitatis, qui dicitur habitus, vel dispositio; ergo &c.

Secunda Conclusio. Logica extrinsecè considerata, id est ratione sui subiecti, est scientia rationalis. Est contra Poncium, disp. 2. q. 5. Quia cum putet, secundas intentiones esse entia realia, consequenter habet dicere, logicam extrinsecè consideratam, esse realem. Probat. tamen ex Doct. Subt. in 4. d. p. q. 2. Quia syllogismus, in quem tendit logica, ut in subiectum.

Etiam, est secunda intentio, & ens rationis, prout ens rationis distinguitur contra ens reale; ergo logica ab eo denominatur rationalis. Consequentia patet; quia scientia, quæ habet pro subiecto ens reale, dicitur realis extrinsecè; ergo illa, quæ est de subiecto, quod fit ens rationis, debet dici rationalis extrinsecè. Antecedens est uerum; quia secunda intentio est ens rationis collatiuum, ut dictum fuit in tractatu secundarum intentionum; & hoc distinguitur ab ente reali; quia non habet esse extra, sed per opus collatiuum intellectus nostri &c.

Tertia conclusio. Logica non dicitur scientia rationalis extrinsecè, si rationale accipitur subiectiue, & directiue, aut obiectiue. Probatur. Quia per id logica debet dici rationalis scientia, per quod distinguitur à scientia reali; sed per esse subiectiuum, obiectiuum, & directiuum rationis, non distinguitur ab alijs scientijs realibus; ergo per hoc non potest dici scientia rationalis extrinsecè. Maior patet; quia rationale facit distinguere logicam à scientia reali, sicut ens rationis distinguitur ab ente reali. Minor probatur; quia per illud non distinguitur logica ab alijs scientijs, per quod conuenit cum illis; sed per esse subiectiui in ratione, vel obiectiui, & directiui rationis concurrat logica cum alijs scientijs, saltem speculatiuis realibus; quia sicut illæ, subiectatur in intellectu, est obiectum intellectus, & dirigit actus intellectus, qui dicitur ratio, sed potentia rationalis; ergo cum logica non distinguatur, sed potius conueniat cum alijs scientijs realibus per esse subiectiui, obiectiui, & directiui rationis, per nullum horum potest dici scientia rationalis extrinsecè.

Obiicies primo, contra secundam conclusionem. Quia considerat entia realia; ergo nequit dici rationalis obiectiue, & extrinsecè. Consequentia patet. Antecedens probatur. Quia considerat decem prædicamenta, scilicet Substantiam, Quantitatem, Qualitatem &c. quæ sunt entia realia.

Respondetur, antecedens esse verum, si illa consideret per se, ut faciunt physica, & metaphysica; salum tamen si consideret entia realia per accidens; modo

logica considerat decem prædicamenta, quæ sunt realia per accidens, scilicet prout sunt fundamenta generis generalissimi, subalterni, speciei, & indiuidui, quæ per se considerantur à Logico.

Obiicies secundo. Obiectum Logicæ est Syllogismus, ex Doctore Subt. quæst. 3. Vniuersi. Sed syllogismus est ens reale, cum sit oratio constans ex duabus præmissis, & conclusione, ex lib. p. Priorum cap. primo: & omnis oratio est vox significatiua ad placitum, quæ est ens reale; ergo logica est de obiecto, quod ens reale est, & non rationis.

Respondetur, Minorem, & probationem habere veritatem de syllogismo, & oratione reali, non tamen de syllogismo, & oratione profecunda intentione acceptis; quia vtrique sunt entia rationis, & per se considerantur à logica.

Obiicies tertio contra responsionem. Quia oratio est vox; sed vox est ens reale, ut patet; ergo &c.

Respondetur, diffinitionem orationis datam à logico per vocem, non esse benè datam, nisi suppleatur hoc modo. Oratio est vox, id est, est vana secunda intentio attributa voci significatiue ad placitum &c. Ex quo sequitur, orationem in diffinitione syllogismi accipi pro secunda intentione, & non quatenus est ens reale.

Obiicies quarto ex Poncio. Secunda intentio, est ens reale; sed logica extrinsecè est de secundis intentionibus; ergo extrinsecè est scientia realis, & non rationalis. Maior probatur. Quia secundæ intentiones sunt denominationes extrinsecæ, derelictæ in obiectis cognitis ab opere intellectus collatiuo; sed denominatio extrinseca est ens reale, ut omnes fatentur; ergo logica considerat extrinsece entia realia. Maior patet; quia secundæ intentiones habent esse cognitum; sed esse cognitum, est denominatio extrinseca, sicut esse visum; ergo &c.

Respondetur. Negando maiorem: ad probationem negamus itidem maiorem: ad cuius probationem dico cum Scoto, in 4. sent. dist. p. q. 2. & q. p. Vniuersalium; esse cognitum passiuè, non esse denominationem extrinsecam, sed intrinsecam, secundum quam obiectum dicitur intrinsecè cognitum; quia habet esse subiectiue

in te considerata, & cognita, vt cognita, & considerata; & ratione huius, dicitur ens rationis, prout distinguitur ab ente reali. Videat Poncius doctrinam Scoti, & non aberrabit à Magistro, in conclusione tam manifesta omnibus Scotistis.

Verum logica sit scientia speculativa. An practica. Vel utraq; simul?

QVÆSTIO VIII.

Logicam esse scientiam practicam, non pauci, tum Antiqui, tum Moderni, amplexi sunt; eò quod dirigat opus intellectus, & erret circa constitutionem argumentationum, propositionum, diffinitionum, diuisionum, & cæterorum instrumentorum logicalium; quod scientiæ practicæ, vt distinguitur à speculatiua, conuenit, ex Philosopho, secundo Meth. cap. primo. Ità Gulielmus Ochamus, in primo sent. dist. 39. quæst. 6. Gabriel in Prologo quæst. 11. cum cæteris Nominalibus. Albertus Magn. 2. de Anima, cap. 12. Paulus Venetus, in principio logicæ. Iandunus, sexto Meth. quæst. 3. & 5. Fonsæca, secundo Meth. cap. 3. quæst. 2. sect. 4. Matthæius in logica, cap. 5. Suarius in Meth. tom. 2. disputat. 39. in principio. Sed immeritò citatur pro hac sententia; cum ibi solum habeat, logicam esse quandam artem directiuam actuum intellectus: qua ratione, practica esse nequit, vt probabimus; imò disputat. 44. in fine inquit. Logicam esse simpliciter speculatiuam, quamvis ex aliqua parte, etiam practica possit esse. Conimbricenses verò, qui errauerunt incitando ipsum pro hac sententia, non fallunt tamen semetipsos; cum quæst. 4. Præm. artic. 5. ita hanc affectum opinionem, vt non vereantur faceri, etiam Scotum fuisse huius opinionis; quia admittit logicam dirigere operationes intellectus, ne erret in consciendis syllogismis; quod competit scientiæ dumtaxat practicæ.

Oppositam tamen huic sententiam defendit verè Scotus, quæst. 4. Prologi primi sent. sub lit. A. quam sequuntur omnes Scotistæ; vt Antonius Andreas, sexto Me-

th. quæst. 3. Faber in prologo primi sent. disput. 9. cap. primo. Theorem. primo, capit. 6. Tatar. in logic. Maiori, quæst. 2. Præambul. Mauritius, & Brasauolus sup. prima quæst. Vniuersal. Scoti. Et nouissimè Mastrius, de Nat. logicæ, Artic. 5. sub numero 56. cum alijs ab ipso citatis. D. Thom. opusc. 70. quæst. 3. artic. primo. Et prima secundæ, quæst. 57. artic. 3. Capreol. quæst. 2. Prologi primi sentent. artic. primo. Sueslan. primo Meth. quæst. 1. Canar. sup. p. p. D. Thomæ, quæst. 1. artic. 4. Complut. in logic. disputat. prima quæst. 6. & alij communiter ex Thomist. ab ipsis citati. Hi omnes asserunt, logicam esse simpliciter speculatiuam, & nullo modo practicam, propriè loquendo de scientia practica.

Alij verò, media incedentes via, dixerunt, logicam esse scientiam partim practicam, & partim speculatiuam. Ita Vasquez, disputat. 8. in p. p. D. Thom. capit. 2. num. primo. Suarius loco vltimo supra citato. Ruuius in logic. quæst. 5. Quibus posset adiungi ex nostris Poncius, disput. 2. logic. quæst. 8. num; 91. dum putat, practicam, & speculatiuam non diuidere essentialiter scientiam, sed ambo posse in eadem consistere; quod an sit verum, videbimus conclusione secunda.

Pro declaratione, & fundamento Scoticæ sententiæ, quam profiteri, & sequi debemus, primo Notandum est, ex Philosopho, 2. Meth. cap. p. Et 6. Meth. sum. p. cap. p. scientiam diuidi in practicam, & speculatiuam. Scientia speculatiua est illa, quæ ad nil aliud extra genus contemplationis ordinatur. Vt Methaphysica, Physica, & Mathematica, quæ tendunt dumtaxat ad cognitionem suorum subiectorum. Scientia verò practica est illa, quæ dirigit in praxim, idest operationem aliarum potentialium ab intellectu por se. Vt prudentia, quæ dirigit actus nostræ voluntatis, scilicet nolle, & velle, vt sciamus, quid debeamus fugere nolendo, aut persequi volendo.

Secundo Notandum est, praxim, ad quam se extendit scientia practica, secundum Eustrathium, primo Ethicorum, idem esse, ac operationem; quæ duplex est, scilicet intellectuæ, & volitiua.

Op-

Operationes intellectiue, sunt intellecti-
ones, seu actus intellectus. Volitiue ve-
rò, sunt actus voluntatis, scilicet velle,
& nolle. Vtræque verò sunt duplices,
scilicet elicite, & imperate. Elicite,
sunt actus intellectus, vel voluntatis, ab
eis immediatè procedentes. Imperate ve-
rò, sunt actus intellectus, & voluntatis, vel
potentiarum sensitiuarum, in quantum
subsunt voluntatis imperio; vt intel-
ligere, velle, videre, audire, & huius-
modi, vt præcipiuntur à volunta-
te.

Tertio notandum est, ex Doct. sub-
tili, quæst. 4. Prologi, sub litt. A. Pra-
xim dupliciter accipi posse, scilicet im-
propriè, & propriè. Praxis primo
modo, se extendit ad quamcumque o-
perationem cuiuscumque potentie cog-
nitivæ, & appetitivæ; siue sit naturalis, si-
ue libera; siue huiusmodi operatio præ-
cedat actum intellectus, siue sequatur;
siue sit in nostra potestate, siue non;
siue sit bona, siue mala: & hoc modo,
speculari, intelligere, adulterari, fura-
ri, & ceteri actus cuiuscumque poten-
tiæ possunt dici praxis, sed valde improp-
riè; & de hac non est ad propositum;
quia tunc omnis scientia esset practica, &
nulla speculatiua, cum omnis dirigat in
praxim, hoc acceptam modo. Praxis ve-
rò propriè, ex Scoto loco citato, est
operatio alterius potentie ab intellectu,
naturaliter posteriori intellectu, na-
ta conformiter elici rationi rectæ, ad
hoc vt sit recta. Ex qua diffinitione eli-
cuntur quatuor conditiones requisitæ
ad veram praxim. Prima, quod huius-
modi operatio sit alterius potentie
ab intellectu. Per quam, datur nobis
intelligi, quod nullus actus intel-
lectus, siue elicitus, siue imperatus,
potest dici praxis. Secunda, quod sit
naturaliter posterior intellectu. Per
quam, excluduntur operationes sen-
suum, siue internorum, siue exter-
norum, elicite ante impetium volun-
tatis: vt dormire, vigilare, videre,
&c. quæ non sunt praxes, cum non
sint in nostra potestate. Tertia, quod
sit conformis rationi rectæ. Id est,
quod sit operatio bona, & non ma-

la. Et sic furari, adulterari, odi-
re, & cetera huiusmodi vitia, quam-
uis sint actus alterius potentie,
quam intellectus, & posteriores natu-
raliter intellectu ipsa, non sunt
praxes; quia sunt actus mali. Ex
his inferitur quarta conditio; quod
praxis propriè dicta, sit actus solius vo-
luntatis elicitus, vel imperatus, bo-
nus, & non malus. Et in tales ac-
tus, seu operationes, dirigit scientia
practica. Vnde cum logica, ver-
setur tantum circa actus intelle-
ctus, quas dirigit, & non circa ac-
tus voluntatis, ipsa nullo modo erit
scientia practica, sed solum specula-
tiua.

Quarto notandum, ex eodem
Doctor. subtili loco citato, sub litt.
D. Quod quamquam practicum,
& speculatiuum non sint propriè dif-
ferentiæ essentiales scientiæ in com-
muni sumptæ, quia practicum di-
cit solum duplicem respectum aptitu-
dinalem, scilicet, prioritatis, & con-
formitatis ad praxim, speculatiuum
verò, carentiam illorum respectuum;
modò nullus respectus, multò minus
priuatio, est de essentia absoluti,
cuiusmodi est scientia, quæ est ve-
ra qualitas; sunt tamen propriæ
passiones illius, à differentiis essentia-
libus nobis ignotis progredientes, &
gerentes vicem differentiarum essen-
tialium. Cum autem vna differen-
tia essentialis, siue formaliter, si-
ue æquiuocenter accepta, cuiusmo-
di est propria passio vnus, non
possit alteri competere, vt pater de
risibilitate respectu hominis, quæ
non potest competere asino; & pra-
cticum sit passio scientiæ practicæ,
sicut speculatiue speculatiuum, vtri-
que realiter identificata, sequitur,
quod non poterunt inueniri in eo-
dem habitu, ita vt vnus, & i-
dem dicatur simul practicus, & spe-
culatiuus; aliter duo opposita veri-
ficarentur simul de eodem, quod est
oppositum primi principij Methaphysi-
ci; non contingit idem esse, & non
esse.

Quinto Notandum, ex eodem Doct. Subt. ibidem, sub O, & Y. Duae conditiones requiri ad scientiam practicam, & alias duas ad scientiam speculatiuam. Prima conditio scientiæ practicæ est, quod sit prior praxi; id est operatione voluntatis bona, elicitæ, vel imperata. Secunda, quod sit regulatiua eiusdem praxis. Prima conditio scientiæ speculatiuæ, quod sit operatio intellectus tantum. Secunda, quod non sit regulatiua alicuius operationis alterius potentie, quam intellectus. Ex quibus habetur, quod cum logica non sit regulatiua praxis, id est operationum alterius potentie ab intellectu, sed tantum operationum intellectus, non sit scientia practica, sed merè speculatiua.

Ex his, ut prima Conclusio. Logica non est scientia practica. Est Scoti in terminis, sexto Methaph. q. 1. ad primum princip. Et omnium Scotistarum. Probat. Illa est scientia practica, quæ est directiua praxis; sed logica non est directiua praxis; ergo &c. Maior patet ex definitione scientiæ practicæ. Minor probatur. Quia Logica est directiua tantum syllogismorum, definitionum, diuisionum &c. quæ non sunt praxes, cum non sint operationes alterius potentie ab intellectu, sed tantum actus intellectus. Secundo. Scientiam practicam, vel facultatem practicam diuiditur ab Aristotele, sexto Methaph. capit. primo; sed logica non est aliqua ex illis; ergo non est practica. Minor probatur. Tum quia non numeratur ab Aristotele inter facultates practicas, ut patet ex contextu citato; ubi enumerat omnes facultates practicas: tum etiam, quia secundæ intentiones, quas considerat, non transiunt in materiam ad extra, quod conuenit practicæ factiue; nec sunt operationes voluntatis elicitæ, vel imperatæ, quæ diriguntur ab actiua; ergo logica non est facultas actiua, vel factiua; atque adeo nec practica. Tercio. Quia per hoc distinguuntur scientia practica à speculatiua, quia hæc est directiua operationum intellectus, illa verò operationum voluntatis, & potentiarum sensitiuarum, ut imperantur à voluntate; sed logica est tantum directiua actuum intellectus, ut sæpius dictum est; ergo logica non est scientia practica.

Secunda Conclusio. Logica non est simul practica, & speculatiua, ut dicunt Auctores tertie sententiæ. Probat. Quia licet practicum, & speculatiuum non sint formaliter differentiæ essentiales constitutiue scientiæ, practicæ, & speculatiuæ, sunt tamen æquialenter; quia sunt passionibus ab eis, nobis ignotis, intrinsecè progredientes; sed duæ propriæ passionibus disparatæ non possunt eidem competere; ergo idem habitus scientiæ non potest esse simul practicus, & speculatiuus. Maior patet ex quarto notabili. Minor probatur. Tum quia propria passio est realiter identificata illi, cuius est passio, ut nequeat alteri conuenire: tum etiâ, quia propria passio oritur à principiis intrinsecis constitutiuis subiecti; ut risibilitas ab animali, & rationali; sed diuersa principia constitutiua, essentialiter nequeant eidem competere; ergo &c. Secundo. Quia duo contradictoria non possunt simul, & semel verificari de eodem, ex Aristotele, quarto Meth. cap. 3. 4. 6 & 7. sed si logica esset simul practica, & speculatiua, duo contradictoria verificarentur de eodem simul, & semel; ergo &c. Minor probatur. Quia practicum dicit duplicem respectum aptitudinalem, scilicet prioritatis, & conformitatis ad praxim; speculatiuum verò dicit negationem illorum respectuum, quæ sunt contradictoria; ergo si logica esset simul practica, & speculatiua, duo contradictoria verificarentur simul de eodem, quod est absurdum.

Tertia Conclusio. Logica est scientia purè speculatiua. Probat. Quia illa est scientia purè speculatiua, quæ ad nil aliud extra genus contemplationis ordinatur, ut dictum est in primo Notab. de mente Aristotelis, secundo, Meth. c. primo. Sed Logica est huiusmodi; ergo &c. Minor probatur. Quia Logica versatur circa secundas intentiones, quæ sunt tantum speculabiles, cum sint actus duntaxat intellectus, ergo &c. Secundo probatur. Quia Logica est vna scientia, ut probatum est quæst. tertia; sed non est practica, ut probauimus conclusione prima huius quæst. ergo restat, quod sit speculatiua. Tercio Finis speculatiuæ est veritas, practicæ verò opus, ex Aristotele, secundo Methaphis. cap. primo,

mo; sed finis Logicæ est tantum veritas syllogismi, diffinitionis, diuisionis, &c. & non opus; Ergo Logica est tantum speculatiua, & non practica.

Dices. Immo finem Logicæ esse opus, scilicet confectionem syllogismi, diffinitionis, diuisionis &c., & non tantum veritas eorumdem; ergo logica est etiam practica.

Contra. Quia opus Logicæ non est operatio alterius potentie, quam intellectus, sed solius potentie intellectiue; sed hoc non sufficit ad constituendum habitum practicum distinctum à speculatiuo; ergo &c. Maior est clara. Minor probatur. Quia scientiæ Mathematicæ versantur, & ipsæ circa opus: vt Astrologica, docet conficere spheram materialem ad modum cæli, quod speculatur; Geometria, triangulum, quadrangulum &c. Arithmetica, numerationem, supputationem; Musica, notas, seu numeros proportionales, & cætera huiusmodi; nec tamen propter huiusmodi opera, quæ solum tendunt ad maiorem cognitionem veritatis, extrahuntur à ratione scientiarum purè speculatiuarum; ergo quamuis logica doceat conficere syllogismos, diffinitiones, diuisiones, & huiusmodi opera intellectus, non debet exire limites scientie purè speculatiue; siquidè huiusmodi opera tendunt ad clariorem notitiam veritatis de syllogismo, & omnium reducibilium ad ipsum.

Obijcies tamen primo cum Collegio Conimbricæ. contra primam, ac tertiam conclusionem. Quia per hoc distinguitur speculatiua scientia à practica; quia illa habet pro fine tantum contemplari, & speculari obiectum; practica verò operari; sed finis Dialecticæ est operatio, nimirum constructio syllogismi &c. ergo logica est practica, & non speculatiua. Maior est Aristotelis, secundo Methaph. capit. primo. Et tertio de anima, capit. 10.

Respondetur, maiorem esse veram de fine intrinseco, & primario respectiue ad scientiam practicam, & speculatiuam, non tamen de extrinseco, & secundario; quia talis finis secundarius, cum solum per accidens intendatur, &

vt medium ad perfectius habendum, finem intrinsecum, principaliter intenditur; sicut non habet constituere rationem scientie speculatiue, vel practice, ita nec potest facere differre essentialiter vnā scientiam ab alia; Modo logica cum principaliter intendat cognitionem, speculationem, & contemplationem syllogismi &c. & solum per accidens tendat ad eius constructionem (siquidem si nullus conficeretur syllogismus, tamen esset logica in intellectu) non est cur eam à limine scientie purè speculatiue extrahere debeamus; aliter scientie Mathematicæ non essent speculatiue, sed practice, vt dictum est; quod tamen est contra Philosophum, sexto Methaph. vbi illas recenset inter scientias speculatiuas tantum.

Obijcies secundo. Scientia, quæ non est tantum cognitiua, sed etiam factiua sui subiecti, est practica, ex Aristotele sexto Methaph. capit. primo. Sed logica est huiusmodi; quia in libris Priorum traditur modus conficiendi syllogismos; in libris Poster. demonstrationes, ergo logica est scientia practica; & non speculatiua.

Respondetur. Maiorem esse veram, si faciat illud per opus alterius potentie ab intellectu, non tamen si per operationem solius potentie intellectiue; quia sic non est practica, sed speculatiua; modò logica operatur suum subiectum secundo, non primo modo, cum dirigat operationes tantum intellectus, & non voluntatis, aut aliarum potentialium sensitiuarum.

Obijcies tertio. Scientia, quæ dirigit operationes intellectus, est practica, non minus, quam quæ dirigit operationes voluntatis; ergo si logica dirigit operationes intellectus in opus conficiendi syllogismos, Diffinitiones &c., non etiam minus practica, quam Ethica, quæ dirigit operationes voluntatis. Antecedens probatur. Quia prudentia, est scientia practica, non minus, quam Ethica, seu alia moralis, vt conceditur ab omnibus; & tamen est directiua quarundam operationum intellectus, quæ ad virtutes pertinent; ergo etiam logica, quamuis dirigit operationes intellectus, &

non voluntatis, poterit dici scientia practica.

Respondetur, negando antecedens. Ad probationem dico, prudentiam dirigere actus intellectus tantum per accidens, in quantum possunt imperari à voluntate, per se verò est directiva actuum voluntatis ab electione pendendum: & ob hoc duntaxat dicitur scientia practica; modò cum logica per se consideret secundas intentiones, & per accidens dirigat intellectum in confectionem earumdem, erit simpliciter speculativa, & non practica.

Dices: huiusmodi confectionem posse imperari à voluntate; ergo dirigit in actus voluntatis, saltem imperatos; & sic erit practica.

Respondetur, concessu antecedenti, negando ultimam consequentiam; quia accidit logicæ, ut dirigat confectionem syllogismi, ut imperatam à voluntate; modo scientia practica debet dirigere in praxim pendentem per se à voluntate, quia hæc sola est capax erroris practici.

Obijcies quarto. Logica est de operationibus intellectus, quatenus possunt bene, vel malè fieri; ergo cum tradat modum, ut bene fiant, dicitur practica.

Respondetur, Antecedens, esse verum speculativè, non practicè. Vnde cum logica tradat regulas, ut bene fiant tantum speculativè, non potest dici practica.

Obijcies quinto. Habitus logicæ, non tantum est cognitivus, sed etiam operativus syllogismi; ergo non solum est speculativus, sed etiam practicus.

Respondetur, negando consequentiam. Quia huiusmodi operatio non est praxis; siquidem esset actus solius intellectus, tendens ad maiorem perfectionem veritatis syllogismi habendam, & non actus voluntatis per se elicitus, vel imperatus.

Vel dicendum secundo. Habitus logicæ esse cognitivum, ut docens est; operativum, ut utens. Et sic concedimus, logicam utentem esse practicam, docentem verò speculativam.

Obijcies sexto. Logica regulat syllogis-

mos, non solum speculativos, sed etiam practicos; ergo saltem respectu horum, erit practica.

Respondetur, Negando consequentiam: quia logica regulat syllogismos practicos, tantum in ratione veri; prudentia verò in ratione boni; & idè hæc, & non illa, est practica.

Obijcies septimo, contra secundam conclusionem. Logica procedit, nòdum modo speculabili, & resolutorio circa suum subiectum, sed etiam operabili, & compositorio; ergo est simul practica, & speculativa. Antecedens patet ex dictis. Consequentia est Aristotelis, sexto Methaph. c. primo.

Respondetur, consequens esse verum, si logica versaretur circa suum subiectum modo operabili, per operationem, quæ esset praxis, vel quæ esset per se intenta ab ea; falsum est tamen: quia modus operandi logicus, non est practicus, sed speculativus; quippè tendit ad cognitionem veritatis syllogismi, mediante sua constructione, sicut dictum est de Mathematicis scientijs; quia, & ipsæ operantur sua subiecta, & tamen sunt purè speculativæ: tum etiam, quia ipsa operatio syllogismi non est praxis, ut sæpius dictum est, cum non sit opus alterius potentie ab intellectu.

Obijcies octavo Aristotelem, primo Rethor. cap. primo, dicentem. Dialecticam esse inuentam ad dirigenda opera, quæ bene, vel malè fieri possunt. Et lib. p. Priorum, ubi ait. Logicum non solum considerare debere syllogismorum generationem, sed etiam faciendi potentiam. Sed hæc conveniunt scientiæ practicæ; ergo logica de mente Aristotelis, est scientia practica.

Respondetur, Has, & similes auctoritates Aristotelis, habere veritatem de directione speculativa, & non practica; at hæc non officit scientiæ merè speculativæ; quia tendit in finem veritatis, & non bonitatis operis, per quos constituuntur, & distinguuntur ab invicem scientia speculativa, & practica.

Virum logica sit vna, vel plures?

QVÆSTIO IX.

Circa vnitatem logicæ, duas reperimus oppositas sententias; quarum prima est D. Tho. lib. 1. Postter. cap. 22. & 1. 2. q. 34. art. 4. Capreoli, in Prologo primi sent. q. 3. Soti, in log. q. 3. Ruuij, ibid. q. 4. Caietan. in 1. 2. D. Thomæ. q. 54. art. 4. Conimbric. in log. q. 4. art. 4. & ferè omnium Modernorum assensentium, logicam esse vnum habitum simplicem, haberequè duntaxat vnitatem specificam.

Secunda est Scoti, in prologo p. sent. q. 3. sublit. D. in 3. dist. 25. q. 2. & 6. Meth. q. 1. quem, præter eius discipulos, sequuntur ex alienis Ocham in prologo, dub. 8. Marf. ibi. q. 2. art. 4. Greg. q. 3. art. 3. Gabriel q. 8. Suarius in Meth. disp. 44. sect. 11. Tolet. in logica q. 3. præm. Fonseca 5. Methaphy. c. 7. q. 5. sect. 2. Arriaga Disp. 1. logicæ sect. 3. subsect. 4. n. 31. Hi omnes cum Doct. subit. autumant, logicam esse quoddam ex partibus heterogeneis compositum, habereque vnitatem genericam ex obiecto, quod est vnum genere; & consequenter habere sub se plures habitus partiales, specie distinctos.

Pro cuius declaratione, ac fundamento. Primo notandum est, triplicem esse vnitatem, scilicet genericam, specificam, & numericam. Illa dicuntur esse vnum genere, quæ conueniunt in eodem genere proximo: vt homo, & æquus in animali. Illa verò sunt vnum specie, quæ conueniunt in vna specie: vt Petrus, & Paulus in natura humana, quæ habet vnitatem specificam ad omnes homines. Illa tandem sunt vnum numero, quæ non faciunt diuersum numerum: vt Petrus, vel Paulus. Et per oppositum, triplicia sunt plura, scilicet genere, specie; & numero. Illa sunt plura genere, quæ constituunt diuersa genera, vel sub diuersis generibus continentur: vt animal, & planta; vel homo, & cedrus; quia hæc sub genere plantæ, ille verò sub genere animalis, quæ sunt diuersa genera substantiæ. Illa verò sunt plura specie, quæ faciunt diuersas

species, vel sub pluribus speciebus continentur; vt homo, & æquus; vel Petrus, & Bucephalus; quia primus sub homine, secundus sub æquo continetur. Illa tandem sunt plura numero, quæ faciunt diuersum numerum: vt Petrus, & Paulus, Franciscus, & Antonius. In proposito, non queritur de vnitate numerica; quia certum est, logicam non esse vnam numero; immò tot sunt logicæ, quot sunt intellectus eam possidentes: sed est sermo de vnitare, & pluralitate specifica, aut generica.

Secundo Notandum est. Quamlibet scientiam, duplicem posse habere vnitatem, intrinsecam, scilicet, & extrinsecam. Vnitas intrinseca scientiæ defumitur à propria differentia constitutiuâ intrinseca, quæ pro statu isto, est nobis ignota; quæ differentia si est specifica, dat ei vnitatem specificam; si generica, genericam vnitatem tribuit; eo modo, quo rationalitas dat homini vnitatem specificam, & sensibilitas, animali genericam. Vnitas verò extrinseca scientiæ, defumitur ab obiecto; quod si sit vnum specie, & scientia erit vna specie; si verò obiectum est vnum genere, & scientia erit vna genere.

Tertio Notandum est. Triplicem esse scientiam, scilicet formalem, virtuales, & potentialem. Scientia formalis, est notitia vnius conclusionis demonstratæ, siue à priori, siue à posteriori: vt notitia huius conclusionis. Omnis syllogismus habet tres terminos, & duas propositiones; habita per hanc demonstrationem. Omnis oratio in qua quibusdā positis, &c. habet tres terminos, & duas propositiones; sed omnis syllogismus est oratio, in qua quibusdā positis, necesse est aliud ex his accidere; ergo omnis syllogismus habet tres terminos, & duas propositiones. Scientia verò virtualis, est simplex notitia subiecti, in qua virtualiter continentur multe aliæ notitiæ per definitionem, & quidditatem illius subiecti demonstrabiles de ipso: vt simplex notitia syllogismi, dicitur scientia virtualis; quia per ipsam possumus demonstrare de ipso, habere tres terminos, & duas propositiones; esse in modo, & figura; concludere directè, vel indirectè, &c. Scientia tandem potentialis, est notitia simplex, & quidditatu alicuius obiecti, mul-

multarum aliarum noticiarum contentiuarum, per quas possunt causari cognitiones de multis propositionibus ad illud primum obiectum reducibilibus; vt notitia syllogismi in communi, potest dici notitia potentialis; quia sub se continet notitias quiditatuas specierum syllogismi, per quas quiditates possunt demonstrari conclusiones de syllogismo dialectico; nimirum, quod concludat probabiliter, & patriat opinionem: de demonstratio, quod concludat necessarium, & generet scientiam; & de Sophistico, quod concludat apparenter, & causet deceptionem. Ad propositum, cum queritur de aliqua scientia, an sit vna, vel plures; distinguendum est de hac triplici scientia, scilicet formali, virtuali, & potenciali.

Ex his, sit prima Conclusio. Logica intrinsecè considerata, est vna specie, contenta sub scientia in communi, quæ est genus ad Methaphysicam, Physicam, Mathematicam, & cæteras. Probat. Quia ponitur immediatè sub assignato genere, & prædicatur de pluribus differentiis numero in quid; ergo est species, & habet entitatem specificam. Consequentia patet ex definitione prima, & secunda speciei, assignatis à Porphyrio, caput. de specie. Antecedens Probat. Quia logica ponitur immediatè sub scientia in communi essentialiter; quia hæc est vera: logica est scientia: vt probauimus supra; & prædicatur de hac, & illa logica, quæ solo numero differunt; hæc enim sunt veræ, & quiditatiuæ prædicationes: hæc logica, est logica; & illa logica, est logica, &c.

Secunda Conclusio. Logica extrinsecè considerata, ratione subiecti, est vna genere. Hæc est contra D. Thom. citatum, & alios; & conformis Scoto, locis citatis. Probat. Quia vnitas extrinseca scientiæ, desumitur ab vnitate subiecti, vel obiecti, ex Aristotele, primo Post. caput. 23. vbi dicit, scientiam vnã, esse vnus generis subiecti; sed obiectum logicæ, est vnum genere; ergo logica extrinsecè est vna genere. Minor probatur. Quia obiectum, vel subiectum logicæ, est syllogismus, vt de-

monstrabitur in sequenti quæstione; sed syllogismus est vnus genere, cum contineat sub se syllogismum Demonstratiuum, Dialecticum, & Sophisticum, tamquam diuersas species; quia, & hi prædicantur de suis inferioribus, tamquam de differentiis numero; ergo syllogismus est vnus genere; & consequenter tribuit scientiæ logicali vnitatem genericam.

Tertia Conclusio. Logica formaliter non est vna, sed plures. Probat. Quia scientia formaliter est notitia vnus conclusionis demonstratæ; sed in logica non est tantum vna conclusio demonstrata, sed plures demonstrabiles; ergo logica non est vna scientia, sed plures scientiæ formaliter. Maior patet ex tertio Notabili. Minor probatur. Quia licet de omnibus in logica traditis non possit haberi demonstrationes, tamen multa possunt demonstrari, scilicet de syllogismo in communi, habere tres terminos, & duas propositiones; esse in motu, & figura, &c. concludere probabiliter; & generare opinionem de Dialectico; parere scientiam de Demonstratiuo; deceptionem, & apparentem scientiam de Sophistico; Diffinitionem constare ex genere, & differentia; diuisionem debere dari per opposita, & similia, ergo multa demonstrantur in logica; & sic nequit esse vna notitia formaliter, sed plures.

Quarta Conclusio. Logica non est vna scientia virtualiter. Probat. Quia scientia virtualis, est notitia quiditatiua, per quam multa demonstrantur; sed multe sunt quiditates in logica, quibus habere possumus diuersas notitias partiales; ergo logica non est vna scientia virtualiter. Maior est nota ex tertio Notabili. Minor probatur. Quia in logica est quiditas syllogismi in communi, syllogismi Demonstratiui, Dialectici, Sophistici; subiecti, prædicati, propositionis, &c. siquidem omnia diffiniuntur quiditatiuè, saltem per additamentum; ergo, cum in logica sint plures quiditates, per quas multa possunt demonstrari, non erit vna, sed plures virtualiter.

Quin-

Quinta Conclusio . Logica est vna scientia potentialiter . Probat . Quia scientia potentialis ; est notitia alicuius superioris , seu communis obiecti , habentis sub se multa inferiora , per quarum quiditates possunt multa demonstrari ; sed logica est de syllogismo in communi , vt de subiecto adequato , vt probabitur in sequenti ; & syllogismus habet sub se syllogismum Demonstratiuum , Dialecticum , & Sophisticum , ex quorum quiditatibus , & diffinitionibus possunt multa demonstrari , vt dictum est in præcedentibus ; ergo logica est scientia vna potentialis .

Obijcies primo , contra secundam conclusionem . Illa scientia est vna specie , cuius subiectum , vel obiectum est vnum specie , saltem loquendo de subiecto , vel obiecto formali ; sed obiectum formale logicæ est vnum specie , ergo &c. Maior patet ex Philosopho , primo Posteriorum . Minor probatur . Quia obiectum formale logicæ est ratio assentiendi omnibus conclusionibus logicalibus ; sed talis est vna specie tantum ; ergo &c. Maior patet . Quia ratio assentiendi , est diffinitio obiecti , cum sit medium in demonstratione potissima , etiam secundum Scotum secundo posteriorum ; sed hæc est ratio formalis obiectiua , quæ est vna in omnibus ; ergo &c. minor probatur per necessariam connexionem omnium eorum , quæ sunt in logica .

Respondetur . Negando minorem ; Ad probationem , nego minorem : ad cuius probationem dico , rationem assentiendi , sicut , & connexionem eorum , quæ sunt in logica ; non fieri in vnitate specifica , sed generica . Et ratio est euidentissima , quia alia est ratio assentiendi , sicut est alia diffinitio in syllogismo Demonstratiuo , Dialectico , & Sophistico . Cum igitur hi conueniant in vno genere , consequenter etiam rationes assentiendi conueniunt in vna ratione generica , & non specifica .

Obijcies secundo . Sicut se habet potentia ad suum obiectum , ita habitus scientiæ ad suum ; sed per vnicam simplicem potentiam cognoscimus multa obiecta , vt per visum cognoscimus omnes colores ; ergo

per vnum habitum simplicem debemus assentire omnibus conclusionibus logicalibus . Maior patet . Quia tam habitus , quam potentia , habent vnitatem ab obiecto .

Respondetur . Argumentum nihil aliud concludere quàm , quod habitus habeat vnitatem extrinsecam ab obiecto , sicut potentia ; non tamen similem vnitatem ; quia potentia ab omnibus exigit vnitatem numericam , vel similem distinctionem ; habitus vero , vltra numericam , admittit , & specificam , & genericam . Cum igitur obiectum logicæ sit vnum genere , & logica erit vna genere . Exemplum de potentia visua est contra Thomist . Quia licet potentia visua vna numero videat omnes colores specie distinctos , hoc idem obtinet , quia respicit illos sub ratione generica coloris , qui est genus ad omnes ; quocirca , potentia visua , saltem extrinsecè , redditur vna genere .

Obijcies tertio , contra quintam conclusionem . Quia notitia potentialis est cognitio quiditatiua alicuius superioris obiecti , multa sub se continentis , quæ adhuc potest causare alias notitias quiditatiuas , vt dictum est notabili tertio . Sed logica non est huiusmodi ; ergo &c. Minor probatur ; Quia inferiora ad syllogismum sunt syllogismus Demonstratiuus , Dialecticus , & Sophisticus , de quibus potissimum est logica ; sed tales syllogismi nequeunt causare scientiam logicalem ; ergo . Minor probatur . Quia entia rationis non possunt causare scientiam , quæ est ens reale ; sed tales syllogismi sunt entia rationis , cum sint secundæ intentiones ; ergo de illis nequit esse logica , quæ in ratione scientiæ est realis .

Respondetur , negando minorem . Ad probationem , iterum nego minorem . Ad cuius probationem dico , entia rationis posse causare scientiam realem in virtute suorum fundamentorum , quæ sunt entia realia . Vnde , quamuis logica intrinsecè sit realis , potest habere esse à syllogismo Demonstratiuo , Dialectico , & Sophistico , virtute suorum fundamentorum .

Dices : ergo syllogismus pro secunda intentione non erit obiectum logicæ, cum vt sic, nequeat causare scientiam logicalem.

Respondetur, concedendo illatum de obiecto motiuo, quia tale est syllogismus pro prima intentione, siue in esse reali; negando tamen illud de obiecto terminariuo : quia scientia logicalis potest terminari ad syllogismum pro secunda intentione, & ab illo sic denominari scientia rationalis, vt diximus superius; vnde inferitur, quod obiectum scientiæ non est semper causa eiusdem, sufficereque, vt sit terminus illius.

Obicies quarto, contra eandem conclusionem. Quia notitia multarum rerum logicalium non continetur in syllogismo, nec in inferioribus ad ipsum; ergo notitia logicalis non est vna potentialiter. Consequentia patet. Antecedens probatur Quia termini, & alia species argumentationis, scilicet Inductio, Enthimema, & Exemplum. Item definitio, & diuisio, non continentur in syllogismo, nec in demonstratiuo Topico, aut Sophistico, vt patet ex eorum definitionibus, ergo &c.

Respondetur, negando antecedens. Ad probationem dico sufficere, vt talia contineantur, vel vt partes subiectiue, vel vt integrales; modo illæ species argumentationis, scilicet Enthimema, Inductio, & Exemplum continentur in syllogismo, tamquam partes integrales; quia ex illis potest fieri syllogismus, vt patet reducendo ad illud : termini verò sunt partes syllogismi remotæ, quia cum syllogismus constet ex propositionibus, quæ sine terminis fieri nequeunt, sequitur etiam fieri ex terminis, saltem remotè, vt

patet resoluendo syllogismum in propositionibus, & has, in terminos. Sed de

his suis
in sequenti-

bus.

Virum Syllogismus sit subiectum adæquatum totius logicæ?

QVÆSTIO X.

DE subiecto logicæ, sunt tam multæ, tamque discrepantes sententiæ, vt haud facile nobis sit omnes numerare, nè impossibile dixerimus, nouam aliquam inuenire. Quinquè præcipue referuntur à Doctore subtili, quæstione tertia vniuersalium, quarum prima, est quorundam Antiquorum, quos nonnulli Moderni sequuntur, asserentium, tres operationes intellectus esse adæquatum subiectum, cum de illis agatur in tota logica.

Secundam ponit Boetius dicens, secundam Inventionem in communi, esse logicæ subiectum.

Tertiam recensent de mente propria aliqui, quam etiam putant consentaneam Aristoteli; quarto Metaphisices, textu 15. qui dicunt, ens reale in communi esse hic subiectum.

Quartam ponit Sanctus Thom. 4. Meth. lect. 4. & Opusc. 42 de Natura Genetis, cap. 4. Calet. super cap. de genere. Flandria, 4. Meth. q. 5. art. 2. Sotus in Præm. logicæ q. 5. Tolerius ibidem: dicentes, ens rationis in communi, esse subiectum logicæ.

Quintam docent Nominales, existimantes orationem in communi, prout comprehendit syllogismum, Enthimema, Inductionem Exemplum, & Enunciationem, esse adæquatum subiectum logicæ.

Sextam, adducunt in medium Auicennam, cap. 3. logicæ. Algazelis, c. 2. Albertum Magnum libro Prædicabil. c. 4. & alios, autumantes, Argumentationem in communi esse subiectum.

Septimam tradunt Græci omnes, vt Ammonius, Simplicius, Philoponus, asserentes, Demonstrationem esse subiectum.

Octauam asserunt Tartaretus noster, quæst. 3. Præambulari. Ruuius, quæst. 6. Pro-

Præmialium. Conimbricenses, quæst. 5. artic. 3. pro qua citant Scotum primo Priorum, quæst. 2. Aegidium Romanum ibidem Fonsecam, secundo Methaphisices cap. 3. quæst. prima, section. quinta. Mirandulanus in Præmialibus logicæ, & lib. 2. Apologiæ sect. 5. opinantes, modum differendi, seu modum sciendi, esse totius logicæ æquatum subiectum.

Mastrius tamen de Natura logicæ Art. 3. & Poncius Disput. 2. q. 3. distinguunt logicam in se, & secundum propriam eius naturam ab ea, quam tradidit nobis Aristoteles in libris Perihermenias, Prædicamentorum, Priorum, Posteriorum, Topicorum, & Elenchorum, & resoluunt, subiectum logicæ in se, esse modum sciendi, prout comprehendit D. finitionem, diuisionem, & argumentationem; logicæ verò Aristotelicæ subiectum esse syllogismum, in communi, prout sub ipso continentur syllogismus Demonstratiuus, Dialecticus, & Sophisticus. Pro utraque citant Doct. subtil. in lib. p. Priorum q. 2. pro priori, & q. 3. Vniuersalium pro posteriori; arque ita resoluunt contradictionem, quam Aduersarij afferebant in opinione Scoti. Quid autem sit dicendum in tanta varietate opinionum, quibusdam notatis, aperienus in Conclusionibus responsiuis ad questionem.

Pro declaratione igitur sententiæ Scoticæ, & confutatione aliarum, primo Notandum est, circa diuisionem logicæ multos inulta dixisse, ut licet videre apud Collegium Conimbricense q. 5. Præmial, art. 2. Nos tamen omisiss aliorum opinionibus, in Nouam, & Veterem secabimus: vnde logica Vetus illa dicitur, quæ tractat de terminis, & propositionibus, comprehenditque sub se libros Predicabilium Porphyrij, Prædicamentorum, Perihermenias, ac partuorum logicalium Aristotelis: Noua verò appellatur illa pars, quæ de Syllogismis tractat, & complectitur libros Priorum, Posteriorum, Topicorum, & Elenchorum Aristotelis. Quæ tamen dicitur noua, & illa vetus, non quia altera præcesserit alteram tempore, sed quia vetus nouam præcedit ordine naturæ; liquidem cum in noua agatur de tota argumentatione, in veteri verò de partibus, scilicet de terminis, & propositionibus, & partes tantum ordine naturæ

habeant præcedere totum, id est illa, quæ de syllogismo noua, & quæ de terminis, & propositionibus vetus logica appellanda est. In proposito queritur. An syllogismus sit vtriusque partis subiectum æquatum, vel potius modus sciendi, cum uterque ponatur a Doctore subtili subiectum logicæ.

Secundò Notandum est, ex Aristotele, libro primo Priorum, capit. primo, syllogismum dupliciter accipi posse, scilicet propriè, & impropiè, syllogismus impropiè, extenditur ad omnes consequentias argumentatiuas, siuè habeant plures præmissas, siuè non; siuè disponantur in modo, & figura siuè in antecedenti, & consequenti: & hoc modo Inductio, Enthimema, & Exemplum dicuntur syllogismi, licet modo imperfecto. Syllogismus verò propriè, est oratio, in qua quibusdam positis, necesse est ab his aliud accidere per ea, quæ posita sunt. Id est, est oratio hypothetica rationalis, vel copulatiua, in qua ponuntur duæ propositiones dispositæ in modo, & figura, ex quibus sic dispositis resultat tertia, quæ dicitur conclusio. Ut omne animal est substantia, omnis homo est animal; ergo omnis homo est substantia. Et syllogismus hoc modo sumptus diuiditur tamquam genus in suas species in Demonstratiuum, Dialecticum, seu Topicum, & Sophisticum. Qui inter se differunt; quia Demonstratiuus constat ex præmissis necessarijs, Topicus ex probabilijs, & Sophisticus ex apparentibus, sicut dictum fuit in Summulis, suis in locis.

Tertio Notandum est, ex Doct. subtil. in Præambulo ad lib. Porphyrij, ante quæst. 4. Vniuersalium; posito, quod sicut vniuersale accipitur tripliciter, scilicet pro re primæ intentionis, pro forma, id est pro secunda intentione sibi ab intellectu applicata, & pro aggregato ex vtriusque: ita syllogismus in communi potest tripliciter accipi, scilicet pro re primæ intentionis, scilicet pro syllogismo vocali; mentali, vel scripto cognitis ab intellectu actu recto, vel reflexo, pro secunda intentione applicata vnicuique illorum trium syllogismorum ab actu comparatiuo intellectus comparantis duas præmissas dispo-

dispositas in modo, & figura in ordine ad tertium, ut diximus in Tractatu secundarum Intentionum, & pro aggregato ex syllogismo pro prima, & secunda intentione, quod est per accidens, quia inuoluit res diuersorum generum, siquidem syllogismus pro prima intentione est res realis, vel ens rationis absolutum, & pro secunda est ens rationis respectuum; modo ex ente reali, & rationis, vel ex absoluto, & respectu non potest fieri vnum per se: hic est sermo de syllogismo secundo intentionaliter accepto, & non de primo, vel tertio, quia neuter potest esse subiectum in scientia rationali, cuiusmodi est logica, tunc quia de ente per accidens non datur scientia, ex Aristotele sexto Meth. tunc quia de re reali datur scientia realis, & non rationalis.

Quarto Notandum, ex eodem Doct. Subt. q. 3. Vniuers. & lib. p. Priorum q. 2. subiectum accipi posse octo modis. Primo modo pro obiecto alicuius potentie, ut est sonus respectu potentie auditivæ. Secundo modo pro seruo respectu Domini, de quo loquitur Philosophus primo Politic. dicēs, secundam combinationem principalem pro salute tuenda esse inter principans, & subiectum, id est inter Dominum, & Seruum. Tertio modo, pro fundamento domus, quia subiaceret parietibus, & tecto. Quarto modo pro subiecto in hærentis, sicut paries est subiectum albedinis sibi in hærentis. Quinto modo pro subiecto passionis, sicut homo dicitur subiectum risibilitatis. Sexto modo pro subiecto propositionis, ut in hac, homo est animal: homo dicitur subiectum, quia de ipso dicitur animal. Septimo modo pro inferiori respectu superioris, ut inquit Aristoteles in illa Regula Antepredicamentali: Quando alterum de altero prædicatur, ut de subiecto, id est de inferiori. Et sic Petrus dicitur subiectum hominis, & sic animalis, animal corporis animati; & sic ascendendo usque ad subiectum, & ens. Octauo tandem modo pro subiecto alicuius scientie: & hoc est duplex, scilicet prædicationis, & attributionis. Subiectum prædicationis est illud, quod prædicatur directe prædicatione dicente, hoc est hoc, de omnibus contentis in scientia, cuius est subiectum; & sic ens reale dicitur su-

biectum in methaphysica, quia prædicatur de illis contentis directe, siquidem omnia sunt entia. Subiectum verò attributionis est illud, quod est principaliter consideratum in scientia, & ad quod omnia considerata habent attributionem aliquo modo; hic est sermo de subiecto attributionis, & non prædicationis, quia sic ens rationis, vel secunda intentio, vel modus sciendi esset subiectum in logica, cum prædicetur directe de omnibus in illa consideratis.

Quinto Notandum, ex eodem Doct. Subt. in citatis locis, quod ad hoc ut aliquid dicatur subiectum attributionis in aliqua scientia, tres condiciones requiruntur. Prima, quod habeat quid est, & quia est, id est diffinitionem, sed conceptum quiditativum, & existentiam aptitudinalem, vel in se, vel in alio: in se, si fuerit ens reale; vel in alio, si sit ens rationis. Secunda, quod habeat passiones de ipso demonstrabiles per suam diffinitionem, vel conceptum quiditativum; siquidem diffinitio est modum in demonstratione potissima, ut videbimus in lib. Posteriorū. Tertia, quod omnia considerata in scientia habeant attributionem ad ipsum, vel ut partes subiectivæ, vel ut partes integrales, siue remotæ, siue propinquæ, vel aliquo alio modo in gratiam ipsius sint considerata in scientia: Modo ad propositum applicando, syllogismus in communi acceptus pro secunda intentione, habet omnes has condiciones; quia diffinitur primo Priorum cap. p. & habet existentiam aptitudinalem in syllogismo vocali, vel mentali, aut scripto cognitis ab intellectu actu comparatio. Insuper, in primo Priorum demonstrantur multe passiones de eo, scilicet habere tres terminos, & duas propositiones, esse in modo, & figura mediante sua diffinitione, & de omnia considerata in logica sibi attribuntur, vel ut partes subiectivæ, de quibus sunt libri Topicorum, Posteriorū, & Elenchorum; vel ut partes imperfectæ, sicut Inductio, Enthimema, & Exemplum, quæ ad ipsum reducuntur, ut imperfecti syllogismi ad perfectum ad illos quatuor modos primæ figuræ; vel ut partes integrales propinquæ, de quibus tractantur in libro Perihæmenias; vel ut remotæ, ut

sunt termini, de quibus dantur libri Prædicabiliū, & Prædicamentorum. Suppositio, significatio, conuersio, æquipollentia, affirmatio, negatio, oppositio, & cætera huiusmodi, ordinantur ad ipsum, vt passionēs suarum partium integralium. Diffinitio tandem, & diuisio, de quibus videtur maior difficultas, ordinantur per optimè ad ipsum; nam diffinitio est medium in demonstratione. Et hæc, scilicet diffinitio, nequit rectè fieri sine diuisione; siquidem est medium venandi bonam diffinitionem, ex Philosopho in pluribus locis suæ doctrinæ. Sequitur, ergo ex dictis, quod syllogismus, cum habeat omnes conditiones requisitas ad esse subiectum attributionis, sit subiectum attributionis adequatum totius logicæ, siue in se, siue traditæ ab Aristotele, vt Recentiores loquuntur.

Ex his sit prima Conclusio. Tres operationes intellectus, vt dicit prima opinio; argumentatio, vt asserit sexta, & modus sciendi, seu differendi, vt tenet octaua, non sunt subiectum in logica. Probatur. Quia quodlibet subiectum scientiæ habet diffiniri, ex Aristotele primo post. c. p. & 2. sed tres operationes intellectus, argumentatio, & modus differendi, seu sciendi, non diffiniuntur ergo &c. Minor probatur primo de tribus operationibus intellectus. Quia nullum complexum diffinitur, ex Aristotele septimo Meth. cap. 2. & 3. Sed secunda, & tertia operatio intellectus saltem sunt quid complexum, scilicet opo. sitio diuisio, & discursus; ergo non diffiniuntur. Confirmatur. Quia diffinitio constat ex genere, & differentia, ex Aristotele septimo Meth. loco citato; sed complexum caret genere, & differentia, cum excludatur à prædicamentis; ergo non diffinitur. De Argumentatione, & modo sciendi probatur eadem minor. Quia nullum æquiuocum diffinitur ex Aristotele septimo Meth. cap. 2. & 8. Meth. cap. 10. sed tam argumentatio, quam modus sciendi, vel differendi sunt æquiuoca; ergo &c. Minor hæc probatur. Quia modus sciendi comprehendit diffinitionem; diuisionem, & argumentationem, argumentationem, syllogismum, inductionem exemplum, & enumerationem; sed de his omnibus dicuntur æquiuocè, vt patet ex eorum diffini-

tionibus; ergo sunt æquiuoca.

Secunda Conclusio. Ens reale, vt dicitur tertia sententia, nequit esse subiectum in logica. Probatur. Quia scientia rationalis nequit esse de subiecto reali, ex Aristotele tertio de Anima t. e. 38. vbi dicit, scientias secari quemadmodum, & res, id est subiecta; sed logica est scientia rationalis, quia de syllogismo, qui est ens rationis, vt probatur est superius, & clarius demonstrabitur inferius in hac quæstione; ergo logica nequit esse de ente reali, vt de subiecto.

Tertia Conclusio. Ens rationis, siue in tota sua latitudine, siue vt restringitur ad logicalia tantum, nequit esse subiectum adequatum logicæ. Est contra D. Thom. & Sectatores. Probatur prima pars. Quia subiectum debet esse adequatum scientiæ, ex tertia conditione posita notab. quinto, sed ens rationis in tota sua latitudine non est adequatum logicæ, cum comprehendat Grammaticam, & Rethoricam, in quibus agit de sermone, qui est ens rationis, ergo &c. Secunda Pars probatur. Quia subiectum debet diffiniri in scientia, cuius est subiectum, ex Philosopho primo Post. c. p. & ex prima conditione subiecti; sed ens rationis logicum nullibi reperitur diffinitum in logica Aristotelis; ergo nequit esse subiectum.

Quarta Conclusio. Secunda intentio in communi sumpta, non potest esse subiectum in logica, vt inquit Boetius; nec Demonstratio, contra Ammonium, & alios Græcos. Probatur prima Pars. Quia nullibi reperitur in logica Aristotelis diffinita secunda intentio; ergo nequit esse subiectum eiusdem. Consequentia patet, quia subiectum debet diffiniri in scientia, cuius est subiectum, vt dictum est. Secunda pars probatur. Quia subiectum debet esse adequatum scientiæ, vt omnia possint ad ipsum habere attributionem; sed demonstratio non est adequata toti logicæ; ergo &c. Minor probatur, quia Syllogismus Dialecticus, & Sophisticus, cum sint disparati ad demonstratum, non possunt reduci ad ipsum, vt patet per legem disparatè oppositorum; ergo. Præterea, syllogismus simpliciter, de quo agitur in libro Priorum, non potest reduci ad demonstrationem, siquidem nullum superius habet ordinari ad inferius, sed bene c. con-

uerso;

uerso, ergo Demonstratio nequit esse subiectum attributionis in Logica.

Quinta Conclusio. Oratio non potest esse subiectum in Logica. Contra Nominales. Probatur primo. Quia nimis latè patet; siquidem est communis ad orationem Gramaticam, & Rethoricam, de quibus non agitur in Logica. Secundo. Quia subiectum scientiæ debet diffiniri. sed oratio, vt sic non diffinitur; ergo &c. Minor probatur. Quia nullum æquiuocum potest diffiniri, cum non dicar conceptum per se vnum, sed tantum vocem communem ad æquiuocara, ex Aristotele in Antepædæmaticis; sed oratio, vt sic, est æquiuoca in logica, nam aliter significat, vt ponitur in diffinitione propositionis, & aliter, vt ponitur in diffinitione syllogismi; ergo &c. Minor declaratur. Quia in diffinitione propositionis sumitur pro enunciatione, in diffinitione verò syllogismi pro positione, seu præmissis illatiuis conclusionis, quæ sunt valde diuersæ, vt patet. Tercio. Subiectum attributionis debet esse principaliter consideratum in scientia, cuius est subiectum; sed oratio non est huiusmodi in logica, siquidem ipsa ordinatur ad syllogismum, & non è conuerso, ex Aristotele lib. primo Priorum cap. primo; ergo oratio nequit esse subiectum attributionis.

Sexta Conclusio. Syllogismus in comuni sumptus pro secunda intentione, est subiectum attributionis ad æquatum totius logicæ, siue ab Aristotele traditæ, siue in se consideratæ. Contra Maftrium, Pontium, & alios ab ipsis citatos: & est aperit Doct. Subr. quæst. 3. Vniuersalium. Probatur primo prima pars. Quia syllogismus in comuni sumptus, secundo intentionaliter acceptus, habet omnes conditiones requisitas, scilicet quid est, & quia est, passionem demonstrabiles de ipso, & partes, siue integrales, siue subiectiuas reducibiles ad ipsum, vt probatur est Notab. 5. ergo est subiectum attributionis in tota logica. Secundo. Quia syllogismus est principaliter consideratus in logica; quia omnes addiscunt logicam, vt sciant syllogizare, & argumentari; ergo syllogismus est subiectum in logica.

Dices cum Maftrio, & Poncio, totum procedere, & esse verum de logica ab

Aristotele tradita, non tamen de Logica in se; quia multa, quæ considerantur in logica, quamuis aliquo modo possint ordinari ad syllogismum, vt probatur est, tamen cum habeant, & possint considerari propter se absque relatione ad syllogismum, vt patet de diffinitione, quæ potest esse medium generandi scientiam independentem à demonstratione, & de diffinitione independentem à diffinitione; siquidem per priorem scimus, hominem esse animal rationale; & per posteriorem, non esse irrationalem, vel brutum, concludendū est necessario dari logicam de his, & alijs, distinctam à Logica syllogismi, & consequenter requirere subiectum latius patens, quam syllogismus; quod non poterit esse, nisi modus sciendi, vel differendi, vt probatur etiam Doct. Subr. in libro primo Priorum q. 2.

Contra, & erit probatio secundæ partis conclusionis. Quia definitio, & diuisio non sunt modi sciendi, nisi in ordine ad demonstrationem; ergo quamuis seiunctæ à demonstratione possint generare aliqualem notitiam, non tamen talem, quæ sit logica, vt est scientia. Antecedens probatur. Quia omnis scientia est effectus demonstrationis, ex Philosopho, primo lib. Poster. cap. 2. ergo omnis modus sciendi erit in ordine ad demonstrationem; igitur si diffinitio, & diuisio independentem se habeant à demonstratione, non erunt modi sciendi.

Dicens cū Maftrio, disput. 1. de instrum. sciendi, sub nu. 1. q. 1. antecedens esse verum de modo sciendi strictissime accepto, quia sic coarctatur duntaxat ad demonstrationem; falsum tamen si sumatur secundum communem modum loquendi Summulistarum, nimirum pro oratione manifestatiua alicuius ignoti, quia sic diffinitio, & diuisio independentem à demonstratione, sunt modi sciendi.

Contra. Quia quæro de illa notitia habita per diffinitionem, & diuisionem independentem à demonstratione, vel est logica, quæ sit scientia formaliter, vel saltem ordinata ad scientiam formaliter, aut non, sed tantum ars liberalis; Atqui neutrum dici potest; ergo dicendum est esse instrumenta sciendi tantum in ordine ad discursum. Maior patet à sufficienti diuisione

diuisione. Minor probatur. Non primum. Quia scientia formaliter, est effectus solius demonstrationis, & quæcumque notitia præcedens, non est scientia, sed intellectus. Si detur secundum, non est ad propositum; quia debemus loqui de logica notitia, quæ sit scientia, vel ordinata ad scientiam; quia huiusmodi duntaxat assignatur obiectum, seu subiectum scibile, ex Aristotele, lib. p. poster. cap. 23. Superest ergo concludere, diffinitionem, & diuisionem esse tantum modos sciendi in ordine ad discursum; ac proinde non dari logicam, quæ non sit de syllogismo, vt de subiecto.

Confirmatur. Quia fingere aliam logicam distinctam ab ea, quam tradidit nobis Aristoteles, est fingere, huiusmodi logicam non esse scientiam, & consequenter modum sciendi, qui assignatur pro eius subiecto, non esse scibilem; sed vtrumque est maximum inconueniens; ergo dicendum est, omnem, & totam logicam esse ab Aristotele sufficienter traditam. Maioris prima sequela patet; quia omnis logica docens, ab Aristotele tradita, est scientia; quia habita per demonstrationem; at huiusmodi logica esse habita independenter à demonstratione; quia de diffinitione, & diuisione independenter à discursu; ergo huiusmodi logica non esset scientia. Secunda pars sequelæ maioris inferitur ex prima. Quia tunc de illo non haberetur notitia, quæ esset scientia: unde sequitur, non esse scibile, & esse subiectum, quod inuoluit contradictionem. Minor probatur. Quia frustra assignaretur sibi pro subiecto scibili, modus sciendi; potius, quam syllogismus, cum non scientia non habeat subiectum, sed contenta sit quibusdam regulis conducentibus artificem ad optatum finem. Vt igitur euitemus hæc, & similia inconuenientia, dicendum est sufficere logicam Aristotelis de syllogismo, vt de subiecto eius attributionis, & adæquato.

Obijcies tamen primo, contra hanc conclusionem, ex Doct. subr. q. 3. Vniuersal. De quolibet obiecto scientiæ, habetur scientia per syllogismum; cum omnis scientia sit effectus demonstrationis; sed de syllogismo non habetur scientia per syllogismum; ergo syllogismus nequit esse subiectum, vel obiectum logicæ. Minor probatur. Quia per ignotum nihil scitur; sed syl-

logismus per quem habetur scientia est ignotus; ergo per syllogismum non potest haberi scientia de syllogismo. Maior est Aristoteli, p. Poster. Minor probatur. Quia, syllogismus, per quem habetur scientia de syllogismo in communi, non est ignotus sed notus, tunc erit notus per alium syllogismum; consequens est falsum, quia & ille esset notus per alium, & alius per alium, & sic esset processus in infinitum, quod non est concedendum in scientiis.

Respondetur, supponendo duo ex litera Doctoris; & primum, quod tam de syllogismo in communi, quam de particulari habetur scientia, sed aliter, & aliter; nam de syllogismo in communi habetur scientia per se primo, de particulari verò per se non primo & secundo; sicut de passione, quæ per se primo inest communi, per se non primo, & secundo particulari. Vtriuslibet, per se primo inest homini, & secundo Petro, vel Paulo. Et habere tres terminos, & duas propositiones, primo inest syllogismo in communi, et secundo syllogismo in particulari, scilicet Bar. Celarent &c. ita scientia de passione, per se primo inest syllogismo in communi, & per se non primo syllogismo in particulari, scilicet Barbara, & Celarent.

Secundum Suppositum. Aliquid potest esse notum tripliciter. Primo ex terminis; vt hæc propositio. Omne totum est maius sua parte. Quia statim ac percipio rationem partis, & totius, illico cognosco totam propositionem. Omne totum est maius sua parte. Secundo per experientiam. Qua ratione cognoscitur ignis esse calidus, aqua frigida &c. Tercio verò per demonstrationem. Vt hominem esse risibilem, notificatur per hæc demonstrationem. Omne animal rationale est risibile; sed omnis homo est animal rationale; ergo omnis homo est risibilis. Ad propositum applicando doctrinam: syllogismus particularis, per quem habetur scientia de syllogismo in communi, est notus ex terminis, quantum ad veritatem premissarum per experientiam, quo ad passiones, scilicet habere tres terminos, & duas passiones; & per demonstrationem verò non scitur ante demonstrationem de syllogismo in communi, imò per ipsum tantum scitur, cum per demonstrationem primo demonstraretur passio de communi; & secundo de particulari, vt dictum est suppositione prima.

Formaliter igitur ad argumentum dico, negando minorem; quia de syllogismo in communi habetur scientia per syllogismum particularem. Ad probationem dico, illum syllogismum particularem, non esse notum per alium syllogismum, sed quoad veritatem præmissarum, esse notum ex terminis, quoad passiones per experientiam; & postea per demonstrationem de communi esse notum per se non primo, & reflexiue, etiam demonstratiue.

Obijcies secundo, ex eodem ibidem. Nihil potest esse subiectum totius, & partis; sed syllogismus in communi, seu simpliciter, est subiectum in libris priorum, in quibus traditur tantum vna pars logicæ; ergo nequit esse subiectum in tota logica. Maior patet. Quia subiectum debet æquari scientiæ; sed pars non æquatur toti; ergo nihil potest esse subiectum totius, & partis.

Respondetur, syllogismus in communi dupliciter considerari. Vno modo secundum passiones ipsum in communi formaliter consequentes; vt puta habere tres terminos, & duas propositiones, modum, & figuram. Alio modo, nedom secundum illas, sed etiam secundum alias, quæ sibi conueniunt ratione suarum partium, tum integralium, tum subiectuarum; hoc est, secundum necessitatem, quæ sibi conuenit ratione demonstrationis; probabilitatem, quam obtinet ratione syllogismi Dialectici; & apparentiam, quæ ad ipsum ordinatur ratione syllogismi Sophistici. Similiter ratione suppositionis, significationis, cōuersionis, & æquipollentia, quascōtinet ratione terminorum, & propositionum. Primo modo, est subiectum tantum in libris Priorum. Secundo modo, in tota logica. Ex quo patet, idem diuersimodè consideratum posse esse subiectum totius, & partis logicæ.

Obijcies tertio. Omne subiectum debet esse intelligibile; sed syllogismus non est intelligibilis; ergo &c. Minor probatur. Quia omne intelligibile pro statu isto debet esse sensibile, ex Philosopho de sensu, & sensato; & p. Post. cap. p. Sed syllogismus, cum sit secunda intentio, non est sensibilis; ergo nec intelligibilis.

Respondetur negando minorem. Ad probationem dico, auctoritatem Philo-

phi habere veritatem de intelligibili motiue pro hoc statu, non verò de intelligibili tantum terminatiue. Modò syllogismus est intelligibilis tantum terminatiue. Vnde non sequitur, quod prius debeat esse sensibilis.

Vel dico secundo. Syllogismus pro secunda intentione esse sensibilem in tuo fundamento, hoc est, in syllogismo vocali, vel scripto; & sic potest intelligi etiā motiue ratione suorum fundamentorum. Ex quo sequitur, non esse necesse, vt intelligibile semper sit sensibile in se, cum sufficiat illud sentiri posse, vel in se, vel in suo effectu: vt Deus, & subiectum; vel in suo simile: vt Antichristus, & homines futuri; vel in suis partibus: vt chimera; vel tandem in suis fundamentis; vt secundæ intentiones.

Obijcies quarto. Auctoritatem Doct. subtil. lib. p. Priorum q. 2. conclusione prima dicentis, modum sciendi esse subiectum totius logicæ, & non syllogismus; ergo vel sibi contradicit, vel syllogismus non erit subiectum logicæ ædæquatum; quod neutrum adpiti debet.

Respondent communiter Scotistæ, vt Brasauolus, & Sarnanus in quæstione, tertiam Vniuersalem, Scotum in primo Priorum, conclusione prima & secundæ, scilicet locutum de subiecto prædicationis; in quæstione tertia Vniuersali de subiecto attributionis. Et sic nulla est contradictio; quia reuera modus sciendi est subiectum prædicationis, & non syllogismus; & syllogismus est subiectum attributionis, & non modus sciendi.

Contra. Hæc responsio est mera euasio, & demonstrant, se non benè vidisse textum Scoti; siquidem p. ot. 2. enumeratis diuersis acceptionibus subiecti, restringit se ad subiectum attributionis, excludendo cōmunitatem prædicationis; igitur cum iuxta cōditiones positas ibidem, dicat, syllogismus non esse subiectum, & asserat, modum sciendi esse subiectum, intelligi debet de subiecto attributionis, & non prædicationis.

Respondetur ergo aliter, dicendo cum D. Bonauentura in Prologo primi sent. q. p. triplex esse subiectum attributionis alicuius scientiæ, scilicet radicale; vt punctum in Geometria; integrale; vt corpus continens omnes dimensiones, scilicet longitudinem, latitudinem, & profunditatem; Ex

vnuerſale; vt quantitas continua in eadem. Similiter dicendum eſt in logica, ſubiectum radicale eſſe terminum; integrale totale ſyllogiſmum; totale verò vnuerſale, eſſe modum ſciendi. Et ſic, nulla eſt contradicção in verbis Doctōris, cum loquatur in lib. Priorum de ſubiecto attributionis vnuerſali; & in q. 3. Vnuerſe de totali integrali attributionis.

Obijcies quinto Philoſophum 4. Meth. t. c. 5. dicentem, circa idem laborare Methaphyſicum, Dialecticum, & Sophiſtam; ſed Methaphyſicus laborat circa ens reale; ergo, & Dialecticus, & Sophiſta; & ſic logica eſt de obiecto reali.

Reſpondetur primo, concedendo axiomam Ariſtotelis, ſed diuerſimodè, nam Methaphyſicus conſiderat ens reale per ſe, Dialecticus, & Sophiſta per acciðens, id eſt in quantum ſuper quolibet ente reali poteſt fundare ſecundas intentiones, quas per ſe conſiderat. Vnde ſequitur, aliquid ens rationis, cuius modi eſt ſyllogiſmus, eſſe ſubiectum logicæ, & non ens reale.

Vel dicendum ſecundo cum Scoto, in Epiloſitione illius textus; quod per Dialecticum, & Sophiſtam, non intelligitur, quod ſit talis per logicam docentem, ſed per vtentem; vt ſi ſenſus. Circa idem, id eſt circa totum ens laborant, Methaphyſicus, conſiderando quidiãtatem eius. Dialecticus, & Sophiſta, applicando inſtrumenta logicalia, id eſt Maximas Dialecticas, & Sophiſticas, per quas tibi conuenit circa omnia laborare, id eſt circa totam latitudinem entis.

Obijcies ſexto, ex Poncio diſp. 2. q. 3. de Natura logicæ, probando, modum ſciendi potius, quam ſyllogiſmum, eſſe ſubiectum logicæ totius, in ſe conſideratæ. Quia habet omnes condiçiones requiſitas ad ſubiectum attributionis; ergo cum ſit quid communius ſyllogiſmo, modus ſciendi potius, quam ſyllogiſmus, debet eſſe ſubiectum adæquatum totius logicæ. Conſequentia patet; quia ſubiectum attributionis debet eſſe maximè commune principaliter conſideratum in ſcientia, & ad quod omnia conſiderata habeant attributionem, vt patet in methaphyſica, in qua assignatur ens corpus naturale in phyſica, & in Arithmetica numerus, quæ ſunt maximè communia in illis. Antecedens probatur; quia diſtinitur

per hoc, quod doceat diſſinire, diuidere, & argumentari; habet ſpecies, ſeu partes ſubiectiuas, ſcilicet diſſinitionem, diuiſionem, & argumentationem, quæ comprehenduntur ſub ipſo, & non ſub ſyllogiſmo; habet etiam tertiam condiçionem; quod omnia referantur ad ipſum, melius, quam ad ſyllogiſmum; ſiquidem ſyllogiſmus, vt ſic, continetur ſub modo ſciendi, & non e conuerſo, cum ſit inferior modo ſciendi.

Reſpondetur primo, negando antecedens, loquendo de ſubiecto attributionis; quia modus ſciendi non diſtinitur, vt diximus in probatione primæ conſiſionis; ſiquidem alium conceptum importat argumentatio à diſſinitione, & diuiſione. Nec illa, quæ aſſertur, eſt diſſinitio, ſed potius notificatio quædam per ſua æquiucata. At quia hæc reſponſio videtur contraria doctrinæ Doct. ſubilis, in primo priorum q. ſecunda ubi probat, modum ſciendi habere omnes condiçiones requiſitas ad ſubiectum, id eſt.

Reſpondetur ſecundo, argumentum concludere, modum ſciendi eſſe ſubiectum communius ſyllogiſmo per prædicationem, non per attributionem. Vel eſſe ſubiectum attributionis, vt inquit D. Bonauentura, totalitate vnuerſalitatis, non totalitate integritatis; quia ſic eſt ſyllogiſmus, qui eſt quoddam totum integratum ex partibus integralibus, & ſubiectiuis, in cuius gratiam omnia traduntur in logica, vt ad ipſum referantur.

Obijcies ſeptimo pro D. Tho. & ſequacibus. Quia in methaphyſica, etſi principalis conſideratum ſit ſubſtantia, ad quam cætera in illa tradita reſeruntur, tamen hoc non obſtante, ſibi assignatur communiter pro ſubiecto ens reale, vt ſic; ergo à ſimili, quoniam ſyllogiſmus ſit principaliter conſideratus in logica; & ad ipſum cætera reſerantur, vel vt partes integrales, vel vt ſubiectiuæ, vel vt principia, vel vt paſſiones; nihilominus, cum ens rationis logicum ſit communius ſyllogiſmo, & ſub ipſo contineantur omnia in logica conſiderata, ipſum debet poni pro ſubiecto adæquato logicæ, & non ſyllogiſmus.

Reſpondetur, totum argumentum concludere de ſubiecto prædicationis, & non attributionis; ſiquidem hoc diſcrimen intercedit inter ſubiectum prædicationis, &

attributionis, quod istud debet esse quoddam totum coalescens ex principijs, partibus, & passionibus, ut inquit Aristotele, p. Poster. i. c. 23. & ab ipso solo scientia habet unitatem; illud verò est quoddam simplex carens partibus integralibus; quia eo ipso, quod est communius, infertur debere esse simplicius omnibus in scientia contentis, & ab ipso scientia nequit habere unitatem virtualitatis, cum per eiusdem definitionem, seu conceptum quiditativum, nequeant demonstrari de ipso passiones suorum inferiorum, quod est necessarium in subiecto attributionis; quandoquidem, ut docet Scotus in prologo primi sent. q. 3. F. subiectum attributionis debet continere

virtualiter omnes passiones de ipso in scientia demonstrabiles: cum igitur ens rationis logicum, per eius definitionem non contineat virtualiter, sed tantum potentialiter passiones demonstrabiles de subiecto logicæ, & syllogismus illas contineat, ut potè quoddam totum coalescens ex omnibus partibus entis rationis ad ipsum ordinatis, sequitur hunc esse subiectum attributionis, illud verò communis, & prædicationis. Plura alia argumenta possent afferri contra nostram conclusionem, ut videre est apud Mastrium, & Poncium de Natura logicæ; sed quia ex dictis, facillimo negotio diluuntur, idè omittuntur.





COMMENTARIA VNA CVM QVÆSTIONIBVS.

Hiscē temporibus agitari solitis, in Vniuersalia Porphyrij, incipiunt.

P R O E M I V M.

Expediis quæstionibus Proemialibus ad vniuersam logicam pertinentibus, singulas eiusdem partes in particulari aggredi volentes, Vniuersaliū liber explanandus, primum nobis occurrat. Ac nē casu factum hoc quisquam putet, vt huic inter ceteros priorem tribuamus locum, optima ratio demonstrat, cum Isagogicus, idest Introductorius ad totam logicam, vt multis placet, vel saltem ad librum Prædicamentorum, vt magis Auctori consonat, meritò inscribatur. Quare, neminem ignorare putamus, in qualibet facultate, ab introductorij, vt ab elementis primis exordiri debeat. Malchus enim cognomento Porphyrius, vt aduertit Baron. tom. 2. suorum Annaliū, natione Iudeus, vir, tum in Peripatetica, tum in Platonica Doctrina valdè eruditus, cum inter ceteros Auditores, Chrysaorium Romanum Patritium haberet, eius precibus hoc opus adidit, vt esset introductorium ad Prædicamentorum Aristotelis assequendam Doctrinam, vt patet ex contextu, vbi dicit. Cū sit necessarium Chrysaori, & ad eam, quæ est apud Aristotelem Prædicamentorum Doctrinam, nosse quid sit genus, quid species, quid differentia &c. Et quāquam eiusdem textus explicationem satis luculenter dederimus in Summulari Petri Hispani, nihilominus, vt quæstionibus pertractari solitis fundamenta præponamus, etiam hic aliquāliter, & summatim percurreremus, illi maiori breuitati, quoad fieri poterit, inuitentes, nē numerosa institutionis difficultate, tyronum ingenia, quæ indulgentia quadam nutriendi sunt, obterrantur, nē nē nimia parcitate obtenebrentur. Diuiditur autem hic liber in duos tractatus, in quorum primo agit Porphyrius de quinque Vniuersalibus in particulari, tradendo eorum diffinitiones, & diuisiones: in secundo verò, de eisdem in generali, demonstrando eorum conuenientiam, & differentiam ab inuen-

TRACTATUS

PRIMVS.

Vniuersalium Porphyrij.

De Necessitate quinque Vniuersalium, & ordine eorundem ad inuicem.

CAPVT I.

Cum sit necessarium Chrysaori, & ad eam, quæ est apud Aristotelem, Prædicamentorum doctrinam, nosse quid sit genus, quid species quid differentia, &c.

Hoc primum capitulum, quod est quasi primum, seu præludium ad reliqua, diuiditur in tres partes. In quarum prima ostenditur utilitatem, & necessitatem horum quinque Vniuersalium. In secunda, ponit ordinem, quem vult tenere in hoc libro. In tertia tandem, recenset Doctores, quos sequi intendit in hac Doctrina.

Pro notitia primæ partis supponendum est, necessarium ex suppositione, de quo tantum est sermo, quadrupliciter dicibile, scilicet ex suppositione causæ efficientis, finalis, formalis, & materialis. Ex suppositione causæ efficientis dicitur necessario lignum ab igne comburi, quia supposita debita approximatione ignis ad lignum, bene dispositum, necessario sequitur combustio. Ex suppositione causæ finalis, cibis dicitur, necessarius, homini vivere volenti, cum absque eo naturaliter vivere non possit. Ex suppositione causæ formalis, dicitur paries necessario albus; quia supposita forma albedinis in pariete, non potest non esse albus. Ex suppositione causæ materialis, menu corpus dicitur esse necessario in aliquo loco, quia non potest reperiri corpus naturale, quin sit in aliquo loco. Hic est sermo de necessario ex suppositione causæ finalis: quod

adhuc est duplex, scilicet simpliciter, sine quo finis obiri non potest; ut patet de cibo homini vivere volenti; & secundum quid: & dicitur illud, sine quo finis commode, ac facile haberi non potest: & huiusmodi necessarium conuertitur cum utili. Sic equus dicitur necessarius, id est utilis, ut facere volenti.

Ex his, fit prima Conclusio. Cognitio horum Vniuersalium, sine sumatur a libro Porphyrij, sine aliunde, est simpliciter necessaria ad intelligentiam Prædicamentorum, diffinitionum, diuisionum, & demonstrationum. Probatur primo de Prædicamentis. Quia in quolibet prædicamento reperiuntur genera, species, differentia, & propria, ac in accidentibus, etiam accedens; ergo ad cognitionem prædicamentorum necesse est simpliciter cognoscere quid sit genus, species, differentia, proprium, & accedens. Secundo probatur de Diffinitione. Quia omnis diffinitio, vel constat ex genere, & differentia, si sit essentialis; vel ex genere, & proprio, si sit diffinitio descriptiva; vel ex genere, & accidente, si sit descriptiva per accidentia communia; igitur ad faciendam diffinitionem, oportet cognoscere quid sit genus, species, &c. Tercio probatur de Diuisione. Quia omnis diuisio vniuoca, est vel generis in species, vel speciei in indiuidua, vel generis in differentias: similiter omnis diuisio æquiuoca, vel est accidentis in subiecta, vel accidentis in accidentia; ergo ad cognoscendam naturam diuisionis oportet prius nosse quid genus, quid species &c. Quarto probatur de demonstratione. Quia ex Philosopho, secundo Poster. Diffinitio est medium in demonstratione; sed ut probatum est, omnis diffinitio constat ex genere, & differentia, vel ex genere, & proprio, vel ex genere, & accidente; ergo ad cognitionem demonstrationis est necessaria cognitio horum quinque Vniuersalium.

Secunda Conclusio. Cognitio horum Vniuersalium per modum introductionis a Porphyrio dispositorum, non est simpliciter necessaria, sed utilis. Probatur. Quia cognitio prædicamentorum, diffinitionum, diuisionum, & demonstrationum, potest haberi sine horum præuia notitia, ut sic isagogicè dispositorum; ergo non est simpliciter necessaria. Consequentia patet. Antecedens

dens probatur. Quia aliundè potest et alium haberi notitia; ex libris nimirum Prædicamentorum, & Posteriorum, in quibus agitur de diffinitionibus, diuisionibus, & demonstrationibus, ut inueniri patet; ergo &c. Secunda Pars probatur. Quia facilius possunt intelligi prædicamenta, diffinitiones, diuisiones, & demonstrationes ex præuia horum notitia, quam sine illa; ergo dispositio isagogica horum quinque Vniuersalium Porphyrii est utilis ad cognitionem prædicamentorum, diffinitionum, diuisionum, & demonstrationum habendam.

In secunda parte, quæ incipit ibi. *Compendiosam tibi traditionem faciens &c.* proponit ordinem doctrinæ seruandum: qui consistit in processu introductorio, narrando naturam generis, speciei, differentia, proprii, & accidentis: quod demonstrat, dum dicit. *Primò tentabo breuiter, velut introductionis modo, ea quæ dicta sunt ab Antiquis aggredi, mox de generibus coniectans, & speciebus &c.* Secundo idem aperit, cum promittit se abstinere velle ab his questionibus, nimirum. *An genera, & species habeant esse reale; id est existant extra intellectum.* Secundo. *An sint corporea, vel incorporea.* Terrio. *An sint separata à singularibus, sicut dicebat Plato, vel sicut in eis posita.* Et à difficultatibus circa huiusmodi vniuersalia existentibus. Et ratio est. Quia hoc negotium est altissimum, & maioris egi inquisitionis modo. Facilitas, consistit in breuitate sermonis, & in simplicitate rerum agendarum.

In tertia parte, quæ incipit ibi. *Illud vero quemadmodum de his &c.* demonstrat se velle imitari illos Philosophos, qui magis probabiliter traxerunt de naturalium Vniuersalium, ac inter ceteros, Peripateticos, quorum princeps fuit Aristoteles, quod prætermittere, non minimi momenti foret à prudentibus iudicandus error. Ratio autem, & conuenientia suadet intentionem, quippe cum hanc doctrinam ad assecutionem doctrinæ Aristotelicæ intendat dirigere, nulli dubium erit, quod facere minimè posset, si alienam, à Peripatetica, doctrinam sequeretur. Et hac de re textus expositio sufficit, cum ad Dispu-

tationes, & Quaestiones super ipso emergentes, sermonem, & calamus conuertere sit necesse.

De Naturâ Vniuersalis in communi.

DISPUTATIO II.

Utrum Vniuersale logicum, seu pro secunda intentione sumptum, sit ens?

QVÆSTIO I.

Hic esset pertractandum prius de Vniuersali Methaphysici natura, & existentia si ordinem naturæ sequi vellemus; siquidem se habet, ut fundamentum Vniuersalis logici. Ceterum, quia Porphyrius protestatus fuit in textu, se velle abstinere ab eiusdem discussione, nè videretur in principio difficultia tradere, idcirco, & nos sequendo eius ordinem, supersedendum duximus necessarium; remittendo eiusdem tractatum ad librum Prædicamentorum, in quo potius methaphysicæ, quam logicæ datur sumus.

Circa igitur propositam questionem de Vniuersali logici natura, & essentia reperitur duplex opposita sententia; quarum prior est Vallesij, controuersia 9. ad Tyrones, & aliorum: qui cum de medio tollant ens rationis ab intellectu operatione comparatiua fabricatum, consequenter etiam negant, vniuersale pro secunda intentione, quod in latitudine talis entis rationis collocatur, esse ens.

Posterior verò sententia, est Doct. Subr. Scoti hic, quæst. 4 & in quarto sent. dist. prima q. 2 ac alibi quem sequuntur, non tantum eiusdem Discipuli, sed etiam communiter Thomistæ. Quibus accedunt Conimbricenses, Toletus, Ruuius, in Tract. de Ente rationis, & ceteri melioris notæ Auctores, asserentes cum Sco. o, dari ens rationis collatiuum; ac proinde sub illo collocandum fore vniuersale logicum, seu pro secunda intentione acceptum.

Pro cuius declaratione, & fundamen-

to. Primo Notandum est, ex Scoto, primo loco citato, quod omne quod est in mundo, vel est vniuersale, vel particulare. Si sit commune multis, vt homo, qui est communis omnibus hominibus, est vniuersale. Si verò non sit commune multis, sed tantum vni competat, tunc est particulare: vt Petrus, vel Paulus. Vniuersale autem est duplex, scilicet complexum, & incomplexum. Vniuersale complexum, est propositio vniuersalis, in qua subiicitur terminus communis signo vniuersali determinatus; vt omne animal est substantia. Vniuersale incomplexum, est terminus, seu vox incomplexa pluribus communis, vt animal, homo, leo &c. De vniuersali priori modo sumpto, non est hic sermo, sed solum in libris Perihermenias, Priorum, & Posteriorum. Vniuersale autem incomplexum est multiplex, scilicet in causando, quod plura causare potest, vt Deus, & Sol: in representando, quod plura representare potest; vt species intelligibilis animalis, quæ ne dum animal, sed etiam corpus animatum, & cetera prædicata representare valet: in essendo, quod potest esse in multis; vt essentia diuina, quæ reperitur in tribus personis sine sui partitione; vel homo, qui existit in omnibus hominibus cum sui diuisione: & tandem in prædicando; quod nimirum aptum est prædicari de pluribus; vt animal de homine, leone, equo &c.

Secundo Notandum, ex eodem ibidem, quod vniuersale in prædicando, de quo tantum est sermo, dupliciter accipitur, scilicet pro prima, & pro secunda intentione. Vniuersale pro prima intentione est natura communis cognita ab intellectu, actu recto, vel reflexo, vt pluribus communicabilis: vt natura humana cognita, vt communicabilis Petro, Paulo; & ceteris hominibus. Vniuersale verò pro secunda intentione, est quædam secunda intentio, seu quidam respectus rationis causatus ab opere collatiuo intellectus, comparantis naturam humanam prius cognitam actu recto, ad sua inferiora, vt vidimus in Tract. secund. Intentionum, & eidem applicatus, denominans illam prædicabilem de omnibus hominibus: & de tali quæritur, an sit ens, & quodnam tale sit.

Tertio Notandum, ex Scoto in quot. q. 3. & ex nostro Tractatu de secundis Intentionibus cap. primo. sect. prima; ens esse duplex, scilicet reale, & rationis. Ens reale est illud, quod habet esse præter operationem intellectus, vel voluntatis: vt homo, animal &c. prout antecedit quodcumque opus intellectus, vel voluntatis. Ens verò rationis, est illud, quod habet esse per operationem intellectus, vel voluntatis. Et hoc est duplex, scilicet absolutum, & respectiuium. Absolutum est illud, quod habet esse per operationem rectam, vel reflexam intellectus, vel voluntatis: vt homo cognitus, vel volutus actu recto, vel reflexo. Respectiuium dicitur illud, quod habet esse ab opere collatiuo intellectus, vel voluntatis: vt genus, species, differentia &c. subiectum, prædicatum, & ceteræ secundæ intentiones. In proposito quæritur An vniuersale sit ens reale, vel rationis; absolutum, vel respectiuium.

Ex his sit Conclusio. Vniuersale pro secunda intentione sumptum, seu vt alij dicunt, logicum, est ens rationis collatiuum intellectus: & probatur a Scoto tripliciter. Primò sic. Illud, quod diffinitur est ens; quia non entis, non est diffinitio, neque scientia, ex Aristotele primo Poster. & primo Topic. c. 4. sed vniuersale pro secunda intentione, seu logicum, diffinitur ab Aristotele, lib. primo Periherm. cap. 5. & primo Post. c. 8. t. 25. & secundo Post. in fine; ergo vniuersale est ens. Secundo sic. Vniuersale applicatur enti, ex Boetio dicente, secundas intentiones applicari primis; sed non ens non applicatur enti; siquidem, quod non est, nulli applicari potest; ergo &c. Tertio sic. Sub ratione non entis, nihil intelligitur; sed quicquid intelligitur, sub ratione vniuersalis intelligitur; ergo vniuersale est ens. Maior patet: quia intelligibile mouet intellectum, ex Philosopho, tertio de anima t. c. quioro vbi dicit, intellectum esse virtutem passiuam, qui in tantum intelligit, in quantum mouetur ab obiecto; ergo sub ratione non entis, nihil intelligitur; quia non ens, nequit mouere intellectum. Minor probatur. Quia pro statu isto, singulare non potest intelligi; ergo quicquid intelligitur, sub ratione vniuersalis intelligitur, cum inter illa non de-

ætur medium: Antecedens probatur. Quia potentia cognoscens aliqua, potest ponere differentiam inter illa, ex Aristotele secundo de Anima, t. c. 146. Sed intellectus noster, pro statu isto, nequit ponere differentiam inter duo singularia; ergo non potest illa cognoscere pro statu isto. Minor declaratur. Quia si sumantur duo oia omnino similia, intellectus non poterit ponere differentiam inter illa; quia potentia visiva, aut alia quæcumque, non poterit discernere vnum ab alio; sed omnis nostra cognitio, pro statu isto, ortum habet à sensu, ex Philosopho, primo post. cap. primo & lib. de sensu, & sensato; ergo nec intellectus poterit ponere differentiam inter illa; & consequenter nec illa cognoscere: restat igitur, vt omnia cognoscantur pro hoc statu sub ratione alicuius vniuersalis.

Obijces primo ex litera Scoti hic, q. 4. Quia omne quod est, id est est, quia vnum numero est; sed vniuersale non est vnum numero; ergo vniuersale non est ens. Maior est Boetij lib. de Vnitate, & vno. Minor probatur. Quia vniuersale prædicatur de pluribus, & vnum numero, tantum de vno solo, vt patet ex diffinitione vtriusque; ergo vniuersale non est vnum numero.

Respondetur primo Auctoritatem Boetij esse veram de eo, quod habet esse actuale, præter operationem intellectus; quia omne tale, est individuum, & vnum numero; non tamen de eo, quod solum habet esse per operationem collatiuam intellectus, cuiusmodi est vniuersale pro secunda intentione; quia sicut ei repugnat existere extra intellectum, concludendum est, non debere esse vnum numero, sed posse esse vniuersale, vt est in proposito.

Vel dicendum secundo, cum Doct. Subt. in 2. sent. dist. 3. q. 6. sub E. aliquid posse dici vñ numero tripliciter, scilicet per se primo: & sic differentia indiuidualis, qua contrahitur v. g. natura humana ad Petrum, dicitur esse vna numero; quia sibi repugnat diuidi in plura. Secundo modo per se non primo: & sic Petrus dicitur vnus numero; quia sibi repugnat pluribus communicari, ratione suæ differentie indiuidualis. Tertiò modo per accidens, scilicet denominatiue: & sic natura communis dicitur hoc modo vna numero; quia licet de se sit pluribus com-

municabilis, & per hoc non sit vna numero, tamen in quantum est contracta per differentiam indiuidualem, dicitur vna numero; quia, vt sic, non est communicabilis pluribus: hoc tamen sibi accidit; quia secundum se, etiam vt est singularizata, non sibi repugnat communicari, & denominari vniuersalis per secundam intentionem, sibi applicata ab intellectu illam comparare ad Petrum, Paulum, & ceteros homines.

Formaliter ad argumentum dico, maiorem esse veram de vno numero, secundum aliquem horum trium modorum; modo quamuis vniuersale non sit vnum numero per se primo, vel per se non primo, est tamen per se vnum numero per accidens; quod sufficit, vt sit ens.

Obijces secundo. Omne ens, aliud à prima substantia, vel dicitur de illa, aut est in illa; sed vniuersale est aliud à prima substantia; & non dicitur de illa, nec est in illa; ergo vniuersale non est ens. Maior est Aristotelis, c. de substantia, vbi habet hæc formalia verba. Quare alia omnia, aut de subiectis primis dicuntur substantijs, aut in subiectis eis sunt. Minoris vtraque pars probatur, & primo prima pars. Quia solum secundæ substantiæ dicuntur de primis, per Aristotelem loco citato; sed vniuersale, cum sit accidens intentionale, non est secunda substantia; ergo vniuersale non dicitur de primis substantijs. Secunda pars minoris probatur. Quia si vniuersale esset in prima substantia, esset vniuersalis; sed hoc est falsum; quia tunc prima substantia esset communis, quod est contra suam naturam; ergo &c. Hoc assumptum vltimum probatur. Quia accidens denominat subiectum in quo est; ergo cum vniuersale sit accidens, & esset in prima substantia denominaret primam substantiam vniuersalem, quod nullo modo est admittendum.

Respondet aliqui, quos sine nomine citat Doctor Subt. Maiorem, quæ est Aristotelis, esse veram de omni ente, quod est præter operationem intellectus: modo, cum vniuersale habeat esse tantum per operationem intellectus collatiuam, licet non dicatur de primis substantijs, non propterea sequitur esse non ens.

Contra hanc responsionem arguit Doctor. Quia si loqueretur ibi Philosophus de omni ente, quod habet esse præter operationem intellectus, idem dicere etiam

etiam de secundis substantijs ; sed hoc est falsum ; ergo ibi non loquitur de omni ente habente esse præter operationem intellectus . Sequela maioris patet : quia per hoc probat illam maiorem ; nimirum quia secundæ substantiæ dicuntur de primis , & accidentia sunt in primis ; ergo eodem modo loqueretur de secundis substantijs , & alijs accidentibus . Minor probatur . Quia in principio diuidit substantiam in primā , & secundā ; sed si secunda substantia esset præter operationem intellectus , diuisio non esset bona , quia non esset per membra diuisoria opposita ; siquidem prima , ac secunda substantia , præter operationem intellectus , sunt simul in eodem Petro , vel Paulo , ex eodem Aristotele loco citato ; ergo dicendum est , ipsum non loqui de secunda substantia præter , sed per operationem intellectus . & sic de vniuersali pro secunda intentione .

Respondet igitur Doct. de mente propria ad argumentum , supponendo vnum , nimirum , secundas substantias dupliciter accipi . & pro prima , & pro secunda intentione . Primo modo sunt nature communicabiles de Prædicamento substantiæ : vt animal , corpus animatum , homo , leo &c . Secundo modo , sunt genera , & species , applicata talibus naturis communicabilibus ; & sic vniuersale est secunda substantia , secundum non primo modo .

Formaliter ad argumentum , negatur minor . Ad probationem dico , minorem esse veram de secunda substantia pro prima intentione , non pro secunda ; quia sic est vniuersale secunda substantia ; & non solum hoc , sed etiam secunda substantia pro prima intentione potest dici vniuersalis denominatiue .

Obijciens tertio . Si vniuersale est ens , aut est a natura , aut ab intellectu ; sed neutrum est dicendum ; ergo vniuersale non est ens . Maior patet a sufficienti diuisione . Minor probatur . Non a natura ; quia tunc esset ens reale ; nec ab intellectu , quia esset merum figmentum , & nihil .

Respondetur , negando minorem ; ad probationem dico , aliquid posse esse ab intellectu dupliciter potest intelligi , vel cum fundamento in re , vel sine fundamento in re . Primo modo , secundæ intentiones habent esse ab intellectu ; vt verbi gratia ,

species fundatur in homine , quia supponit in illo naturam communicabilem pluribus numero differentibus , in qua consistit eius fundamentum : similiter genus supponit communicabilitatem in animali verbi gratia , ad plura differentia specie , tamquam suum fundamentum . Secundo modo , chimæ habent esse ab intellectu tantum obiectiue , nullo supposito fundamento ; siquidem quod concipitur quoddam animal ex partibus incomponibilibus , vt exempli gratia , ex capite leonis , dorso asini , ventre equi , pedibus , & cruribus ceruinis , dicitur chimæra ; quia est quoddam figmentum , sine fundamento ab intellectu imaginatum . Ad propositum . Quod habet esse ab intellectu primo modo , scilicet cum fundamento , non est figmentum , sed ens rationis ; modo vniuersale cum habeat esse fundatum in primis intentionibus , sequitur esse ens rationis , & non merum figmentum .

Obijciens quarto Si vniuersale esset ens , esset intelligibile ; sed hoc est falsum ; ergo non est ens . Sequela maioris probatur . Quia intelligibilitas est passio entis . Minor probatur . Quia intelligibile est obiectum intellectus . sed vniuersale non est obiectum intellectus , quia cum sit secunda intentio ; non mouet intellectum , & tamen obiectum debet mouere intellectum , ex Aristotele , & Scotio hic ; ergo vniuersale non est intelligibile .

Respondetur negando minorem . Ad probationem dico , vniuersale esse obiectum terminatum intellectus , non tamen motuum , cum sit secunda intentio , quæ in tantum habet esse , in quantum ab intellectu cognoscitur .

Vel dicendum secundo . Vniuersale esse etiam obiectum motuum intellectus , ratione sui fundamenti , quod est ens reale , vel saltem ens rationis absolutum .

Verum Vniuersale sit per se intelligibile ?

QVÆSTIO II.

Hanc quæstionem debebar necessario præire illa . An vniuersale sit ens .

ens. Quia cum intelligibilitas sit passio entis, subiectum saltem uatura, præcedit suam passionem; ideo supposito, quod vniuersale sit ens rationis, querendum est. An sit intelligibile per se, vel solum ratione fundamenti.

Pro cuius declaratione, primò est notandum. Non exagitari quæstionem de Vniuersali pro prima intentione, nec de intelligibilitate entis reali conueniente, sed de vniuersali pro secunda intentione, & de intelligibilitate sibi correspondente, vt sit sensus. Vtrum vniuersale pro secunda intentione, sit per se intelligibile, intelligibilitate sibi competenti.

Secundo Notandum est, ex Philosopho, primo Post. cap. 4. Quod per se, accipitur quatuor modis, iuxta modos percipiendi; quorum duo primi, dicuntur modi dicendi per se; tertius dicitur modus per se essendi; & quartus, modus per se inherendi. Vnde primus modus dicendi per se est, in quo prædicatum est de essentia subiecti: vt hæc propositio. Homo est animal. Et continet quatuor gradus. Primum, quando superius prædicatur essentialiter de inferiori; vt homo est animal. Secundum, quando differentia essentialis prædicatur de eo cuius est differentia: vt homo est rationalis. Tertium, cum diffinitio quidditatiua dicitur de suo diffinito; vt homo est animal rationale. Et quartum, quando ideum prædicatur de seipso: vt homo est homo. Secundus modus dicendi per se est, quando passio prædicatur de suo subiecto. Vt homo est risibilis. Et continet duos gradus. Primum, cum passio prædicatur de suo subiecto adæquato: vt homo est risibilis. Secundum, cum dicitur de subiecto inadæquato, id est de inferioribus ad subiectum adæquatum: vt Petrus est risibilis. Paulus est risibilis. Tertius modus per se, qui est per se essendi, est cum excluditur societas cum alio. Vt Petrus est per se in cubiculo, id est non cum socio. Quartus modus, qui est per se inherendi, est quando subiectum est causa, vt prædicatum sibi insit; vt hæc propositio. Paries albedine est albus. Est in quarto modo; quia in subiecto ponitur albedo, quæ est causa, quare, ly prædicatum albus, insit

parieti, vt suo subiecto. Et hic modus habet tres gradus; quos breuitatis causa omittimus vsque ad expositionem primi lib. Posteriorum. In proposito, ly per se, accipitur secundo modo; & est sensus. Vtrum intelligibilitas insit per se secundo modo, vniuersali pro secunda intentione.

Tertio Notandum est, quod intelligibilitas, cum sit passio entis, quod est obiectum intellectus, & obiectum intellectus ex Doct. Subt. in primo sent. d. 3. q. 3. & in quarto d. prima q. prima, lit. S. sit duplex, scilicet motiuum, & terminatiuum; & ipsa pariter erit duplex, scilicet motiua, & terminatiua. Intelligibilitas motiua est in illis obiectis, quæ possunt mouere per se, vel mediante specie intelligibili, intellectum ad producendam intellectionem: huiusmodi sunt omnia entia realia absoluta, vt substantiæ, quantitates, & qualitates. Intelligibilitas vero terminatiua est in illis entibus, quæ possunt terminare intellectionem: cuiusmodi sunt omnia entia, tum realia, tum rationis, tam absoluta, quam respectiua. Modò, cum vniuersale sit ens rationis, quàmuis intelligi non possit motiue per se, hoc est per se causare intellectionem sui, vel in se, vel mediante specie intelligibili, nihilominus dicitur per se intelligi terminatiue, hoc est, terminare intellectionem de se ab intellectu productam, virtute sui fundamenti, à quo fuit motus.

Ex his, sit prima Conclusio. Vniuersale pro secunda intentione, non est per se intelligibile, intelligibilitate motiua. Probat. Quia illud est per se intelligibile motiue, quod potest mouere intellectum, vel in se, vel in specie intelligibili de ipso causata ab intellectu agente; sed vniuersale non potest per se mouere intellectum; ergo non est per se intelligibile motiue. Maior patet, ex tertio, notabili. Minor probatur. Quia mouere intellectum, est causare, vel intellectionem, vel speciem intelligibilem in intellectu; sed vniuersale pro secunda intentione, cum sit ens rationis, nequit causare intellectionem, vel speciem intelligibilem sui; ergo non potest mouere intellectum. Minor hæc probatur. Quia

cos

ens rationis non potest causare ens reale ; causa enim semper est effectū nobilior ; sed vniuersale est ens rationis , & intellectio, sicut species intelligibilis, est ens reale ; ergo .

Secunda Conclusio . Vniuersale est tamen intelligibile per accidens, etiam motiue . Probat̃ur . Quia id, quod potest mouere intellectum, mediante alio, dicitur intelligibile motiue per accidens ; sed vniuersale potest mouere intellectum mediante suo fundamento, vt dictum est superius ; ergo est intelligibile motiue per accidens .

Tertia Conclusio . Vniuersale pro secunda intentione, est per se intelligibile, intelligibilitate terminatiua . Probat̃ur a Scoto tripliciter : primò sic . Quicquid diffinitur, est per se intelligibile ; siquidem diffinitio est medium sciendi , & intelligendi ; ex Aristotele , secundo Posteriorum ; sed vniuersale pro secunda intentione diffinitur ab Aristotele, primo Perihermenias, cap. quinto & libro primo Post. t. c. 25. Ergo est per se intelligibile . Secundo . Omnis potentia ponens differentiā inter aliqua duo, debet cognoscere vtrumque sub propria ratione, ex Philosopho , secundo de anima , t. c. 146. & circiter ; sed intellectus ponit differentiam inter vniuersale pro prima intentione, & pro secunda ; ergo &c. minor probatur . Quia intellectus ponit differentiam inter illa, quæ non sunt essentialiter eadem ; sed vniuersale pro prima , & vniuersale pro secunda intentione non sunt essentialiter eadem ; tūm quia vniuersale pro secunda intentione est modus cognoscendi vniuersale pro prima intentione ; tūm etiam, quia hoc est ens reale, vel saltem rationis abstractum, & illud ens rationis collatum ; ergo non sunt essentialiter eadem ; & sic potest intellectus ponere differentiam inter illa ; ac proinde vtrumque cognoscere sub propria ratione . Tertio sic . Quia quodlibet ens rationis est per se intelligibile terminatiue ; sed vniuersale est ens rationis ; ergo est per se intelligibile terminatiue . Maior probatur . Quia intelligibilitas terminatiua, est passio adæquata entis sumpti communissime, prout comprehendit ens reale, & rationis ; ergo conueniet

omni enti reali, & rationis ; aliter non esset adæquate eadem sibi realiter .

Obijcies primo, contra tertiam conclusionem . Quod est aliquo modo intelligibile, debet esse in intellectu ; sed vniuersale non est in intellectu ; ergo non est aliquo modo intelligibile . Maior patet . Quia obiectum, vt intelligatur, debet esse præsens potentie intelligenti . Minor probatur . Quia nihil est in intellectu, quin prius fuerit in sensu, ex Aristotele de sensu, & sensato ; sed vniuersale nunquam fuit in sensu, quia sensus est singularium, intellectus verò vniuersalium, mediante sensu ; tūm etiam, quia sensibile habet esse extra opus intellectus, vniuersale verò tantum per opus intellectus ; ergo vniuersale non fuit in sensu .

Respondetur primo, negando minorem . Ad probationem dico, Aristotelem locutum fuisse de intelligibilibus corporeis, & sensibilibus, non tamen de spiritualibus, & insensibilibus, cuiusmodi sunt secundæ intentiones ; & consequenter vniuersale, cum sit vna secunda intentio .

Vel dicendum secundo . Vniuersale esse sensibile ratione suorum fundamentorum ; & sic esse in intellectu, mediantebus speciebus intelligibilibus eorumdem .

Vel dicendum tertio . Maiorem esse veram de intelligibili motiue, non terminatiue . Quia ad hoc sufficit, vt possit terminare intellectionem aliunde, ratione fundamenti productam ab intellectu .

Obijcies secundo . Obiectum intelligibile præsupponitur ab intellectu ante sui operationem ; sed vniuersale non præsupponitur ab intellectu, cum fiat ab ipso, per Comm. primo de anima c. 8. ergo vniuersale non est per se intelligibile . Maior probatur . Quia omnis virtus passiva præsupponit suum obiectum in actu ; sed intellectus est virtus passiva, tertio de Anima t. c. 5. ergo &c. Maior probatur . Quia virtus passiva capit ab obiecto suum actum, per quem potest operari ; ergo ipsum præsupponit ante eius operationem .

Respondetur, Maiorem, & probationem esse veram de intelligibili motiue intellectus, non tamen de obiecto terminatiue eius ; modo, vniuersale est tantum intelligibile per se terminatiue, & ideo non debet

præ-

præsupponi ante operationem intellectus, sed sufficit, ut sit eiusdem terminus.

Obijcies tertio. Quod per se conuenit subiecto alicuius accidentis, per accidens conuenit illi accidenti; sed intelligibilitas per se conuenit fundamento vniuersalis, quod est subiectum eius; ergo per accidens conuenit vniuersali, & non per se. Maior patet à simili. Quia si ædificatio per se competit ædificatori, (supposito quod sit musicus) eius musicæ competer per accidens. Minor patet. Quia intelligibilitas, cum sit passio entis realis, per se illi conuenit; igitur tantum per accidens conuenire debet vniuersali; quod est accidens eiusdem entis realis.

Respondetur. Minorem, & probationem esse veram de intelligibilitate motiua, non terminatiua; quia hæc est passio adæquata entis, communis enti reali, & rationis. Modo vniuersale est per se intelligibile terminatiuè; & motiuè, tantum per accidens, ratione fundamenti, ut diximus in conclusione secunda.

Utrum Vniuersale habeat aliquas proprietates?

QVÆSTIO III.

Connektitur ista quæstio cum præcedenti; quia viso de vniuersali, quod sibi conuenit passio communis omnibus entibus rationis, scilicet intelligibilitas terminatiua; idè in presenti inuestigare intendit Scotus, an sibi conueniat aliqua proprietas, quæ tale ens rationis; siquidem, passio communis præcedere debet passiones particulares. Cum sequenti verò habet connexionem, quia cum illa quærat Doctor, an Vniuersale sit subiectum; & ad subiectum requiratur, ut habeat proprietates, ex Philosopho, primo Post. t. com. 43. Igitur prius debuit quærere, si habeat condiciones requisitas ad subiectum; & sic, an habeat proprietates; cum hæc sit con-

ditio secunda, requisita ad esse subiecti.

Pro resolutione huius difficultatis, primo notandum est; cum proprium, & proprietates sint idem re, differantque sola ratione, sicut concretum, & abstractum; tot modis dici proprietatem, quot modis dicitur proprium. Vnde proprium, ex lib. Vniuers. Porphyrij, tractat. primo, capit. 5. dicitur quadrupliciter. Primo, quod conuenit soli speciei, sed non omni indiuiduo illius: ut esse grammaticum, vel rethoricum. Secundo, quod conuenit omni indiuiduo alicuius speciei, sed non soli speciei: ut esse bipedem; conuenit omni homini; at non solum hominibus, quia etiam auibus. Tertio, quod soli speciei, & omni contento sub illa conuenit, sed non semper: ut canescere in homine. Quarto tandem, quod conuenit omni, soli, & semper, & conuertitur cum eo, cuius est proprium; ut esse risibile; conuenit homini; & hinnibile equo; quia sicut homo est risibilis, & è conuerso, & risibile est homo: idem dicendum est de hinnibili, & æquo.

Secundo, notandum est; proprium quarto modo posse dupliciter accipi; vno modo largè, pro eo nimirum, quod consequitur aliquod subiectum conuertibiliter, siue essentialiter, siue accidentaliter; siue tale sit complexum, siue incomplexum: & hoc modo, simitas nati potest dici eius proprietas. Similiter, interpretatio nominis, diffinitio, siue quiditativa, siue descriptiua, possunt dici proprietates illorum, quorum sunt, cum illis conueniant semper, & conuertibiliter. Alio modo sumitur strictè, pro omni eo, quod consequitur aliquod subiectum accidentaliter conuertibiliter, & de eo prædicatur in secundo modo dicendi per se, siue sit complexum, siue incomplexum. Et sic tantum passiones demonstrabiles de suis subiectis per eorum diffinitiones, dicuntur propria, sed proprietates. De proprio hoc secundo modo, est sermo in præsentia, & quæritur. An vniuersale habeat aliquod proprium, scilicet aliquam proprietatem de ipso demonstrabilem.

Tertio notandum est, quod Aristoteles, variè locutus est de vniuersali: siquidem, pri-

primo Periherm. cap. 5. dedit diffinitionem eius in his terminis. Dico autem vniuersale, quod de pluribus prædicari aptum est. Et p. lib. post. c. 8. subiunxit. Vniuersale est vnum de multis, non æquiuocum. Et cap. 24. addidit. Vniuersale autem, quod est in omnibus, impossibile est sentire. Et idem repetit secundo lib. post. cap. 18. Ex quibus, Expōitores constituerunt aliam diffinitionem distinctam ab illa, quam disertis verbis tradidit in lib. p. Periherm. cap. 5. dicentes. Vniuersale est vnum in multis, & de multis. Ceterum, quia eiusdem rei non possunt esse duæ diffinitiones quiditativæ, sicut nec duæ quiditates totales, & adæquatæ, dicendum est, alteram esse diffinitionem quiditativam, & alteram descriptivam. Quæ nam autem sit vera diffinitio, an illa Perihermenias, an verò illa lib. Posteriorum, non est vna, & eadem sententia inter Scottistas; siquidem Mastrius in log. disp. 4. q. 2. art. 2. mordicus defendit cum Scoto, in 2. d. 3. q. 1. sub H. vniuersale logicum constitui per relationem essendi in multis; ac propterea concludit, diffinitionem traditam in libris Posteriorum per esse in multis, fore quiditativam; alteram verò de lib. Periherm. esse descriptivam; & per priorem, vri proprietatem, esse demonstrabilem de vniuersali logico. Quod an sit verum, Doctoresque subtili consensum, dicam inferius, etiam de mente Scoti, ac Scottistarum. Pro quo.

Quarto Notandum est. Vniuersale, & singulare, logicè loquendo, in aliquo convenire, & in aliquo differre. Conveniunt in hoc; quod sicut vniuersale est quoddam prædicabile, ita pariter singulare, seu individuum. Differunt verò; quia vniuersale est de pluribus prædicabile; individuum verò, & singulare, tantum de vno solo. Cum igitur convenientia subiectiva, seu limitata, sit semper in genere, si fuerit essentia. i. s. & distinctio essentialis fiat per differentiam essentialem, sequitur, quod ly prædicari, in diffinitione vniuersalis, & singularis, si genus ad illa; & ly de pluribus, sit differentia constitutiva vniuersalis in ratione vniuersalis, sicut per ly de vno; constituitur singulare, saltem circumlocutiue in ratione individui. Atqui cum diffinitio quiditativa sit per genus, & differentiam, concludendum est, illam diffinitionem traditam

in lib. Periherm. c. 5. scilicet per esse aptum prædicari de pluribus, esse sibi essentialem, & quiditativam; alteram verò traditam in libris Posteriorum, per esse in, esse tantum descriptivam, & veluti proprietatem demonstrabilem de vniuersali logico, seu pro secunda intentione.

Quinto Notandum est, ex Doct. subt. q. 14. Vniuersale, quod prædicari, cum sit intentio, sicut, & dici de, convenit per se secundis intentionibus; per accidens verò primis intentionibus, seu rebus substractis secundis intentionibus. Esse in verò, cum sit res realis, habens esse ante operationem intellectus, per accidens convenit secundis intentionibus, per se verò primis, siue rebus secundum esse reale. Ex quibus inferitur, quod vniuersale logicum, cum sit vna secunda intentio, habet per se, & essentialiter constitui in esse vniuersalis per dici, & prædicari de pluribus; vniuersale verò metaphysicum, cum sit quid reale, ponitur in esse per esse in multis, cum indifferentia ad illa. Et hoc est totum illud, quod deduci potest ex eodem Doct. subt. in secundo sent. d. 3. q. 1. sub H. & I. Nec Mastrius ipse, si apertis luminaribus in specillum attentè textum, alium sensum pro sua opinione haurire potuisset, nisi quod vnitas indifferentiæ, in qua consistit ratio vniuersalis metaphysici, sit proprietas, seu ratio fundandi super illo ratio prædicandi de pluribus, seu vniuersale logicum; quod, & nos cum præclaris Scottistis gratis concedimus.

Ex his, sic prima Conclusio. Vniuersale logicum, seu pro secunda intentione acceptum, constituitur in esse, per esse naturæ ad prædicandum de pluribus. Esse verò in multis, in quo consistit vniuersale metaphysicum, est proprietas, seu ratio fundandi secundam intentionem vniuersalis logici. Est Scoti q. 6. 14. & 15. Vniuersalium. Maurij, Anglici, Brasau. in expositionibus dictarum questionum. Contra Mastrium, & alios ab ipso relatos, loco citat. notab. 4. Probari: prima pars primo auctoritate Aristotelis, in primo lib. Periherm. capit. 5. ubi diffinit vniuersale logicum per esse naturæ prædicari de pluribus. Sed diffinitio est ratio constitutiva rei in tali esse; ergo vniuersale logicum constituitur in esse per prædicari de pluribus. Secundo. Per illud constituitur in esse vniuersale logicum, per quod

quod differt, & conuenit cum indiuiduo, seu singulari logico; sed vniuersale, & singulare conueniunt in prædicari, & differunt per ly de pluribus, & ly de vno, ex Porphyrio cap. de species; ergo &c. Tertio sic. Quia per illud constituitur in esse vniuersale logicum, per quod differt à methaphysico, seu reali; sed per prædicari, seu dici de pluribus differt vniuersale logicum à reali; & methaphysico, ex Scoto q. 14. Vniuers. ergo &c. Maior probatur. Quia ambo dicunt vnitatem indifferentiæ respectu inferiorum; differunt verò per respectus existentie pluribus, & prædicandi de pluribus; ergo per illud constituitur vniuersale logicum, per quod differt à Methaphysico, seu reali. Secunda pars probatur. Quia vniuersale pro secunda intentione fundatur super vniuersali pro prima intentione, sicut omnis secunda intentio fundatur in prima. Sed hoc nequit esse, nisi ratione essentia pluribus; ergo esse vnum in multis, est proprietas, seu ratio fundandi vniuersale logicum. Maior est Boetij; & Auicennæ dicentium, logicam esse de secundis intentionibus applicatis primis; ergo vniuersale, cum sit vna secunda intentio, debuit fundari super vniuersali pro prima intentione. Minor patet. Quia in vniuersali, vt inquit Aristoteles, primo Post. cap. 24. & 2. post. cap. ult. in fine, non reperitur nisi vnitas indifferentiæ, & existentie pluribus; sed vnitas indifferentiæ, absque relatione ad inferiora, nequit esse fundamentum prædicabilitatis de pluribus; quia se sola considerata, est quid absolutum, & prædicari de pluribus est quid relatum; ergo ratio vniuersalis logici habet pro fundamento in existentiam pluribus, per quam fundamentaliter constituitur in esse vniuersalis. Confirmatur, ex Scoto, in 2. d. 3. q. 1. H. & L. Quia vniuersale per esse vnum in multis, constituitur in potentia proxima, vt possit prædicari de illis, prædicatione dicente, hoc est hoc; ergo cum ratio prædicandi de pluribus, prædicatione dicente, hoc est hoc, sit quiditas vniuersalis logici, vt probatum est; esse vnum in multis, erit proprietas, seu ratio fundandi ipsum vniuersale logicum.

Secunda Conclusio. Vniuersale logicum, seu pro secunda intentione, habet aliquam proprietatem. Probatur. Quicquid

conuenit alicui conuertibiliter, non tamen quidditatiuè, est eius proprietas; sed esse vnum in multis, conuenit vniuersali logico conuertibiliter, non tamen quidditatiuè ergo est eius proprietas. Maior patet ex definitione proprii, data a Porphyrio, capit. 5. Minor probatur. Quia valet dicere. Omne vniuersale, est vnum in multis; & omne vnum in multis, est vniuersale. Non tamen quidditatiuè; quia eiusdem rei non possunt esse plures quidditates totales, & adæquatæ; sed vniuersale constituitur in esse quidditatiuè per prædicari de multis, vt probatum est in præcedenti conclusione; ergo esse vnum in multis, conuenit sibi non quidditatiuè, & sic vt proprium. Secundo probatur. Quia, ex Porphyrio, tractat. 2. cap. p. aliqua proprietas conuenit omnibus quinque vniuersalibus vniocè; ergo primo conuenit vniuersali in communi; & sic, hæc erit vera. Vniuersale habet aliquam proprietatem. Consequentia probatur. Quia proprietas, quæ vniocè conuenit aliquibus, conuenit illis ratione alicuius communis, ex Aristotele, secundo post. c. 22. vbi dicit. Si passio est communis vniocè, & subiectum debet esse commune vniocum. Sed huiusmodi commune, est vniuersale, vt videbimus in sequenti quæstione; ergo &c.

Obijce primo, ex Mastro loco citato, n. 37. contra primam conclusionem. Quia quod primo intelligimus de aliquo, illud dicimus essentiam eius. Sed primo, quod intelligitur de vniuersali logico est esse in multis; ergo hoc spectabit ad essentiam eius. Maior patet. Minor probatur. Tum primo ex Aristotele, primo Post. c. 24. t. 25. vbi dicit. Vniuersale esse vnum in multis, & de multis. At ly vnum in multis, primo ponitur, quam de multis; ergo &c. Tum secundo, ex Scoto, in 2. d. 3. q. 1. H. vbi ex conceptione vniuersalis, quod sit vnum in multis, arguit, quod sit in potentia proxima, vt dicatur de multis; ergo primo intelligitur de vniuersali, quod sit vnum inexistens multis, quam de illis dicibile. Tum tertio. Quia esse in, est causa dici de, cum super illo fundetur; sed causa præintelligitur effectui; ergo de vniuersali logico prius intelligitur esse in multis, quam dici de multis; ac proinde per illud manifestari eius essentiam.

Respondetur, negando minorem. Ad pro-

probationem dico, nihil aliud concludere, nisi quod per esse in multis, intelligitur vniuersale fundamentaliter, seu in esse reali, tamquam proxima ratio fundandi vniuersale logicum; non tamen formale: quia, ut probatum est, tale consistit in prædicabilitate de pluribus. Vnde Aristoteles vtrumque innuit dicendo. *Esse vnum in multis, & de multis.* Per prius indicans fundamentum vniuersalis, & per posterius formam, & quiditatem eiusdem. Quod manifestè conuincitur ex eo, quod primo Periherm. cap. 5. diffiniens vniuersale logicum formaliter, abstinuit à fundamento; ostendendo illud per prædicari dumtaxat de pluribus. Nec Scotus loco citato aliter intendit, quam per illam vnitatem indifferentiæ ad supposita tradere naturam vniuersalis fundamentaliter, suæ in esse reali; & essentiam vniuersalis logici, per prædicabilitatem de illis. Vnde sequitur per optimè, quod multis probat Mästius, scilicet dici de, præsupponere esse in; quippe realiter supponit suum fundamentum, & rationem fundandi; quæ nil aliud est, quam inexistētia in multis, cum indifferentia communicabilitatis ad ipsa.

Dices. Ergo esse in multis, non poterit esse proprietas vniuersalis in communi pro secunda intentione accepti; siquidem esse reale, quod dicit esse in fundamentaliter, nequit identificari realiter cum vniuersali logico, quod est vna secunda intentio, & ens rationis.

Respondetur, concedendo subsumptum, & eius probationem, de esse in reali, seu pro prima intentione; quia re vera, tale non est proprietas vniuersalis, seu passio eius, cum præsupponatur semper, tamquam fundamentum prædicabilitatis de pluribus. Negando tamen illud de esse in rationis; quia hoc pullulat à predicari de pluribus: ex eo enim, quod aliquid est prædicabile de multis, sequitur, quod sit in illis per identitatem realem; aliter non posset formaliter dici de illis. Et confirmatur responsio per ea, quæ habet Doctor Subt. in 4. d. 43. q. 2. F. vbi dicit. *Actu vniuersale cognoscitur sub tanta indifferentia sub quantâ ipsum sic cognitum, est simul dicibile; est autem simul dicibile de omnibus singularibus, in quibus saluatur.* Ex quibus appa-

ret, quod vnitatis indifferentiæ cognita, est fundamentum; dicibilitas, formale, à qua pullulat inexistētia communis in singularibus cognita ab intellectu, qui se habet, tamquam passio, identificata realiter dicibilitati de singularibus.

Multa alia dicit Mästius, ut probet suam sententiam; sed meo videri, non concludit nisi de esse in reali, & de vniuersali Metaphysico; modo nos loquimur de logico.

Obijcies secundo cum Scoto, contra secundam Conclusionem. Si vniuersale habet aliquam proprietatem, vel est vniuersalis, vel singularis, à sufficienti diuisione; sed neutrum est dicendum; ergo non habet aliquam proprietatem. Minor probatur, quoad vtramque partem; & primo quod non sit singularis. Quia non esset conuertibilis cum vniuersali; quod esset contra Porphyrium, & contra naturam ipsam propriæ, seu proprietatis. Secundo, quod non sit vniuersalis; quia sequeretur, idè esse proprium sui ipsius, quod est falsum; cum inter illa intercedat saltem distinctio formalis. Sequela probatur. Quia vniuersale est subiectum; ergo si proprietatis est vniuersalis, idem esset subiectum, & passio; quod est omnino falsum.

Respondetur, negando minorem, quoad secundam partem: imò illa proprietas esset vniuersalis denominatiuè, licet non quiditatiuè; hoc est dictum; quia est proprietas vniuersalis, tamquam subiecti, idè denominatur vniuersalis, sicut si esset proprietas alicuius singularis subiecti, & ipsa diceretur singularis. Ad probationem, nego sequelam maioris; siquidem illud sequeretur, si illa proprietas esset vniuersale, vel vniuersalis quiditatiuè; quia tunc esset signum, quod esset de essentia vniuersalis, quod tamen est falsum; cum sit tantum vniuersale, vel vniuersalis denominatiuè.

Dices. Subiectum non habet denominare accedens, sed è conuerso, accedens subiectum; sed vniuersale est subiectum sue proprietatis; ergo nequit denominare suam proprietatem, vniuersale, vel vniuersalem.

Respondetur, Maiore esse veram in entibus realibus, vbi subiectum non potest inherere accidenti, ut ipsum denominet; falsam

nam tamen in secundis intentionibus, in quibus una potest fundari super aliam, & ipsam denominare, sicut diximus in Tract. secundarum intentionum, & declarabimus inferius; modò, vniuersale, & sua proprietates, cum sint secundæ intentiones, non inveniunt vniuersale, quod est subiectum, fundari super proprietatem, & ipsam denominare, ut modus, vniuersale, vel vniuersale.

Obijciens tertio. Si Vniuersale habet aliquam proprietatem, talis erit proprium, cum proprium, & proprietates non differant; sed hoc est falsum; ergo &c. minor probatur. Quia omne proprium conuertitur cum eo, cuius est proprium; sed proprium vniuersalis non est huiusmodi; ergo &c. Maior patet. Minor probatur. Quia nulla species conuertitur cum suo genere; hæc, enim est falsa: omne animal est homo: licet sit verum: omnis homo est animal. Sed proprium est species vniuersalis; ergo non conuertitur cum vniuersali.

Respondetur, sequentiam maioris esse veram de proprio denominatiue, non quiditatiue. Quia cum huiusmodi proprietates pullulare ab essentia vniuersalis in communi, & non fieret per actum intellectus collatiuum, sicut sit secunda intentio proprii quiditatiue accepti, denominaretur proprium vniuersalis; quia denominatiue sibi competeret distinctio proprii quarto modo. Ad minorem: nego, huiusmodi proprietatem non posse conueniri cum vniuersali; & cum probatur, nullam speciem conueniri cum suo genere, ac proinde nec proprium cum suo vniuersali, quod est genus; dico, veram esse minorem de proprio quiditatiue, non verò denominatiue; quia hoc, cum non sit species vniuersalis in communi, sed eius passio, bene potest conueniri cum illo, sicut quælibet passio cum suo subiecto.

Obijciens quarto. Accidens non est subiectum accidentis, ex Philosopho, quarto Meth. 1. c. 14. sed vniuersale est accidens intentionale, & similiter eius passio; ergo vniuersale nequit esse eius subiectum.

Respondetur, maiorem esse veram de subiecto vniuersali; quia sic omne accidens vniuersale subiectatur in substantia; falsum verò de subiecto non vniuersali; quia vniuersale ab ordine subiecti in immediatè in superficie, quæ est accidens de predicamen-

to quantitatis; modò vniuersale, quæuis sit accidens intentionale, bene poterit esse subiectum immediatum, licet non vltimum, suæ passionis.

Obijciens quinto. Quod est nihil, nequit esse passio alicuius; cum nihil, non possit alicui identificari realiter, quod est tantæ essentialis passionis; sed si vniuersale haberet proprietatem, talis esset nihil; ergo &c. Minor probatur. Quod est minus ens ente rationis, est nihil; quia ens rationis, est minimum ens; sed passio vniuersalis est minus ens ipso vniuersali; ergo esset nihil.

Respondetur, negando Minorem. Ad probationem dico, esse veram de eo, quod est minus ente rationis in vltimo gradu; modò vniuersale non est ens rationis in vltimo gradu; & sic potest habere passiones, quæ non erunt nihil, licet minoris entitatis, quam sit vniuersale. Ex quo sequitur, quod sicut in entibus realibus dantur gradus entitatis, ut nimirum primo sit homo, secundo risibile; ita in entibus rationis philosophandum venit, ut primo intelligatur entitas vniuersalis, secundò entitas passionis, scilicet esse vnum in multis. Unde sicut non sequitur, risibile est minus ens reale, quam sit homo, qui est eius subiectum; ergo est ens rationis; ita similiter non debet sequi, esse vnum in multis, est minus ens rationis, quam sit vniuersale; igitur est nihil.

*Verum Vniuersale logicum, sit vniuersale
& genus ad quinque
vniuersalia?*

QVÆSTIO IV.

Hanc questionem pertractat Doctor post illam de subiecto; quæuis prius illam, quam illam soluat. Et ratio est; quia cum intendat assignare vniuersale pro subiecto huius libri, & ad subiectum requiratur vnitas, ex Aristotele, primo Post. cap. 23. idèd prius videndum erat an vniuersale sit vniuersum ad quinque vniuersalia: antequam queratur, vtrum vnus subiecti huius libri obire valeat.

Circa hanc questionem est duplex opposita sententia.

Prima est Alberti Magni hic, tractat. 2. cap. 9. & multorum Aucto-
ristarum

afferentium, vniuersale esse analogum, & non vniuocum ad quinque vniuersalia, cum dicatur prius de genere, quam de specie, & quasi de per accidens sit commune ad proprium, & accidens.

Secunda est D. Thomæ hic, q. 2. Scoti, quæst. 8. Iauelli, tractat. 4. capit. 1. 5. 6. Soti, quæst. 4. Toleti, quæst. 2. de subiecto horum Vniuers. Ruuij, q. 7. Proem. & communiter Thomist. & Scotistarum dicentium, vniuersale esse vniuocum ad quinque Vniuersalia, scilicet ad Genus, Speciem, Differentiam, Proprium, & Accidens.

Pro declaratione, & fundamento huius posterioris opinionis, primo notandum est, ex Aristotele in Antepredicamentis, cap. primo, differentiam esse inter vniuocum, & æquiuocum; nam æquiuocum plura importat secundum idem nomen, & diuersos conceptus: vt canis, respectu canis latrabilis, marini, & cælestis. Vniuocum verò importat plura secundum idem nomen, & eundem conceptum ab eodem nomine sumptum: vt homo, respectu omnium hominum; animal, respectu animalium; vt dictum est in Summulis, ac alibi sæpius repperitum.

Secundo Notandum est. Tam æquiuocum, quam vniuocum esse duplex, scilicet purum, seu à casu, & analogum, seu à consilio. Equiuocum purum, seu à casu est illud, quod plura secundum idem nomen, diuersis tamen conceptibus significat aequaliter: ita quod, non vnum per prius, & reliquum per posterius. Vt hæc vox canis, importat æqualiter canem latrabilem, marinum, & cælestem; ac proinde dicitur vox æquiuoca pura, seu à casu. Equiuocum verò analogum, seu à consilio, est vna, & eadem vox, plura representans diuersis conceptibus aliquo ordine, scilicet vnum per prius, & reliquum per posterius. Vt sanum, respectu animalis, & vrina. Siquidem animal dicitur sanum, & vrina sana, sed prius significat animal, tamquam subiectum sanitatis; & posterius vrinam, vt signum sanitatis; & dicitur vox æquiuoca analogica, seu à consilio. Vniuocum verò purum dicitur illud, quod plura importat secundum idem nomen & eandem rationem æqualiter. Vt homo, respectu hominum. Quia non prius Petrum, quam Paulum, vel Antonium, sed omnes æqualiter significat. Vniu-

uocum analogum, seu à consilio est illud, quod plura significat secundum idem nomen, & eandem rationem; vnum tamen per prius, & reliquum per posterius. Vt animal respectu animalium, dicitur vniuocum analogum; quia prius hominem, quam leonem; & hunc, quam asinum importat; quia homo, ratione suæ differentiæ, scilicet rationalis, perfectius participat naturam animalis, quam leo; & leo, quam asinus. Similiter ens reale dicitur vniuocum analogum ad Deum, & creaturas; quia per prius importat Deum, vt infinitum, quam creaturas, quæ sunt finitæ, & imperfectæ respectu Dei. Ad propositum; vniuersale est vniuocum ad quinque vniuersalia; quia illa importat secundum idem nomen, & eandem rationem; quia omnia dicuntur vniuersalia, & prædicantur de pluribus, sicut vniuersale. Est tamen vniuocum analogum; quia genus perfectiori modo, quam species, participat naturam vniuersalis; siquidem illud de differentiis specie, hæc verò solum de differentiis numero prædicatur. Ex quo sequitur, quod licet vniuersale sit analogum ad quinque vniuersalia, non tollitur quin sit etiam vniuocum ad illa; quia analogia non mediet inter vniuocationem, & æquiuocationem, vt putat prior opinio; sed aliquando vni, & interdum alteri assignatur, vt visum est in exemplis allatis.

Tertio Notandum est, ex Doct. Subthic, q. 8. Vniuersalium; in Prædicam. q. 7. & in primo sent. d. 3. q. 3. Q. Vniuocationem, & æquiuocationem esse triplicem, scilicet logicam, physicam, & metaphysicam. Vniuocatio logica repperitur in eo, quod prædicatur de pluribus vniuocè sub ratione alicuius horum quinque vniuersalium. Et sic ens reale dicitur æquiuocum logicè ad Deum, & creaturas; quia nequit prædicari de illis sub ratione alicuius vniuersalis, scilicet generis, speciei, differentie, proprii, & accidentis, cum sit illimitata: vni ad omnia Prædicamenta. Vniuocatio physica inuenitur in eo, quod importat vnam naturam à parte rei pluribus communem; & sic sola species specialissima dicitur vniuoca physice; quia importat vnam, & eandem naturam in pluribus existentem: vt homo, leo, equus &c. & per oppositum, æquiuoca-

catio physica est in omni eo, quod non importat aliquam naturam pluribus inexistenter. Et sic animal respectu hominis, leonis, equi &c. dicitur æquiuocum physice; quia non importat unam naturam diuisi inexistenter illis, sed solum conceptum communem ad omnia animalia.

Vnde sequitur, quod cum Philosophus dicit, septimo Physicorum, in genere latere æquiuocationes, id est, genus esse æquiuocum; intelligendus est de æquiuocatione physica, non logica, vel methaphysica. Vniuocatio tandem Methaphysica est in omni illo, quod dicit unum conceptum pluribus communem, secundum idem nomen. Et sic animal, est vniuocum methaphysice; quia eius conceptus diffinitiuus, scilicet substantia animata sensibilis, est communis omnibus animalibus. Similiter ens reale, est vniuocum hoc modo Deo, & creaturis; quia importat illis nomen, & conceptum communem, ut videbimus in prædicamentis. Æquiuocatio verò methaphysica, est in omni eo, quod dicitur de pluribus, secundum idem nomen, & diuersos conceptus, ut dictum est de cane, & sic etiam dicitur, quod ens transcendenti similè sumptum, est æquiuocum methaphysice enti reali, & enti rationis; quia non dicit unum, & eundem conceptum illis communem, de quo alias dicemus. Ad propositum: vniuersale est vniuocum logicè ad genus, speciem, differentiam, proprium, & accidens; quia prædicatur de illis sub ratione generis, ut probabimus.

Quarto Notandum est. Genus esse duplex, scilicet generalissimum, & subalternum. Generalissimum dicitur esse illud, quod non habet aliud genus superueniens; seu, quod cum sit genus, non potest esse species. Et sic comprehendit sub se decem genera generalissima, scilicet substantiam, quantitatem, qualitatem, relationem, passionem, actionem, solum, habitum, vbi, & quando. Genus verò subalternum est, quod cum sit genus, potest esse species: ut corpus, corpus animatum, animal, in prædicamento substantiæ. Ex quo sequitur, vniuersale non esse genus generalissimum, sed tantum subalternum respectu quinque vniuersalium; quia supra se habet aliud genus, nimirum secundam intentionem, seu ens rationis logicum, quod est genus generalis-

simum respectu omnium secundarum. Intentionum, ut videbimus in prædicamentis; ac proinde, sicut respectu illius dicitur species subalterna, sic in ordine ad quinque vniuersalia, dicitur genus subalternum; quia dicitur de illis, ut de differentiis specie.

Ex his, fit prima Conclusio. Vniuersale pro secunda intentione, est vniuocum vniuocatione logica, ad quinque vniuersalia, scilicet genus, speciem, differentiam, proprium, & accidens. Probatur. Quia quod prædicatur de pluribus, secundum idem nomen, & eandem rationem, sub ratione alicuius vniuersalis istorum, est vniuocum logicè, ut dictum est notab. tertio; sed vniuersale est huiusmodi respectu horum quinque vniuersalium; ergo est vniuocum logicè ad illa. Minor probatur, quoad primam partem, inducendo in omnibus. Quia genus est vniuersale, & prædicatur de pluribus; species est vniuersale, & prædicatur de pluribus, & sic de alijs, ut videbimus suis in locis; ergo prædicatur de illis secundum idem nomen, & eandem rationem, & sic vniuocè. Secunda pars probabitur in conclusione sequenti, scilicet quod prædicatur de illis sub ratione generis. Secundo probatur conclusio, & simul impugnatur opposita sententia. Quia in tantum asseritur, vniuersale non esse vniuocum ad quinque vniuersalia, in quantum adstruitur esse analogum ad illa; sed hoc non tollit, quin etiam sit vniuocum; ergo &c. Minor probatur. Quia si analogia impediret vniuocationem, sequeretur nullum genus esse vniuocum respectu suarum specierum, logicè, vel methaphysicè saltem; sed hoc est contra Philosophum in Prædicamentis, c. primo; ergo &c. Maioris sequela probatur. Quia quodlibet genus, perfectiori modo ab una specie participatur, quam ab alia; ut patet per Philosophum, septimo Physicorum, t. c. 30. dicentem, in genere latere æquiuocationem physicam; ex eo, quod una species dicit conceptum perfectiorem alia; ergo dicendum est, analogiam non tollere vniuocationem logicam, vel methaphysicam; ac propterea concludendum, vniuersale esse vniuocum logicè ad quinque vniuersalia, esse etiam sic analogum ad illa.

Secunda Conclusio. Vniuersale est genus ad quinque vniuersalia, non ut quid, sed ut

medus. Probatur. Quia illud, quod prædicatur de pluribus differentiis specie in quid, est genus; patet per eius definitionem inferius dandam; sed vniuersale respectu horum quinque, est huiusmodi; ergo est genus. Minor probatur. Quia quodlibet illorum prædicatur prædicatione exercita de differentiis numero tantum; ergo sunt species differentes. Antecedens patet. Quia genus de hoc, & illo genere; species, de hac, & illa specie, & sic de alijs, prædicatur; valet enim dicere hoc genus, est genus; illud genus est genus; similiter, hæc species, est species; illa species, est species, &c. sed talia differunt tantum numero; ergo prædicatur prædicatione exercita tantum de differentiis. Secunda pars probatur. Quia secunda intentio generis, ut quid, cum sit quid inferius ad vniuersale, nequit prædicari de illo quiditatiue, ut genus; etgo si prædicatur de illis, ut genus, dicendum est, vniuersale esse genus, ut modus; hoc est, induit modum prædicandi generis, ratione secundæ intentionis generis super ipso fundatæ, à qua genus denominatur.

Obijcies primo, contra primam conclusionem. Vniuersale non prædicatur de his quinque sub ratione alicuius vniuersalis, scilicet generis, vel speciei, vel differentie, aut proprii, aut accidentis; ergo non est vniuocum logicè ad illa. Consequentia patet, ex definitione vniuoci logicè. Antecedens probatur. Quia nulla species prædicatur quiditatiue de alia specie, cum sint disparatè oppositæ; sed vniuersale prædicatur quiditatiue de his quinque vniuersalibus; ergo non prædicatur de illis sub ratione alicuius illorum quinque.

Respondetur, negando antecedens. Ad probationem dico, vnam speciem prædicari posse de alia specie, ut puta genus de specie, vel differentia, potest dupliciter intelligi; vno modo prædicatione exercita, quæ fit per hoc verbum est; & sic nequit vna species prædicari de alia; quia he sunt falsæ species est genus; differentia est genus; proprium est genus &c. alio modo prædicatione signata, quæ fit mediante hoc verbo prædicatur, vel dicitur, aut enunciat; & sic est verum, vnam speciem prædicari de alia; quia hæc est vera: genus prædicatur de speciebus. Modò vniuersale prædicatur de quinque vniuersalibus sub ratione generis; quia tunc, & cur il-

lud, induit rationem generis, sic illa quinque modum speciei; quia dicuntur species vniuersales.

Dices. Nullum oppositum prædicatur de opposito; sed genus, & species sunt opposita, ne dum relatiue, sed etiam disparatè; ergo si vniuersale est genus, non potest prædicari de specie in quid, sibi opposita.

Respondetur. Maior, scilicet antecedens habere veritatem vniuersaliter in entibus reallibus, quæ prædicantur de se inuicem prædicatione exercita; falsum tamè assumere in entibus rationis, ubi viget prædicatione signata; quia cum vna secunda intentio, etiã disparata possit fundari super alia disparata bene vnum oppositum de alio prædicari poterit, saltem denominatiue; ut patet de genere, quod prædicatur signatè de specie; & sic vniuersale, cum sit genus, ut modus, potest vtique prædicari de specie, prædicatione signata.

Obijcies secundo, contra secundam conclusionem. Nullum genus prædicatur de suis speciebus secundum magis, & minus, ex Porphyrio, cap. de differentiis; sed vniuersale prædicatur de his quinque vniuersalibus secundum magis, & minus; ergo &c. Minor probatur. Quia vniuersale magis participatur à genere, quam a specie, & cæteris; ergo prædicatur de illis secundum magis, & minus. Antecedens probatur. Quia vniuersale participatur ab his per prædicari de pluribus; ergo magis participatur ab eo, quod de pluribus, magis quàm, quod de paucioribus prædicatur; sed genus prædicatur de pluribus, quàm species, differentia, proprium, & accidens, ut patet per suas distinctiones; ergo prædicatur vniuersale de his quinque, secundum magis, & minus; ac profundè non est genus.

Respondetur, negando minorem. Ad probationem dico, antecedens, & eius probatione habere veritatem de participatione extensiuâ, & secundum maius, non tamen de intensiuâ, & secundum magis; quia sic participatur æqualiter ab his quinque vniuersalibus. Nec hoc est contra Porphyrium; quia loquitur de participatione intensiuâ, & secundum magis, non de extensiuâ, & secundum minus; quia sic non prohibetur, genus prædicari de pluribus, quàm species; quidèmodum species tantum de differentiis numero,

genus verò de differentibus specie, & numero etiam prædicatur; hæ enim sunt veræ: homo est animal, & Petrus est animal, & Paulus est animal; & sic de alijs.

Obijciens tertio. Si vniuersale est genus ad quinque vniuersalia, vel generalissimum, vel subalternum; sed neutrum est dicendum; ergo non est genus. Minoris prima pars probatur. Quia vel esset substantia, vel quantitas, vel qualitas &c. sed nullum horum est dicendum; quia sunt entia realia, & vniuersale est ens rationis. Secunda pars minoris etiam probatur. Quia genus subalternum continetur sub aliquo generalissimo; sed vniuersale sub nullo continetur; quia non sub illis decem, cum sint entia realia; nec sub alio aliquo ab illis, quia non datur; aliter essent plusquam decem, quod est contra Aristotelem; ergo vniuersale nequit esse genus subalternum.

Respondetur, Negando minorem, quoad secundam partem. Quia vniuersale est genus subalternum ad illa quinque. Ad probationem dico, vniuersale non contineri sub aliquo illorum decem, quia sunt realia, sed sub vndecimo genere generalissimo entis rationis logici; quod dari, non est contra Aristotelem, ut probabimus in lib. Prædicamentorum; siquidem non omnia Aristoteli consona, vel repugnantia, explicitè sunt tradita; aliequin destruerentur multe opiniones probabiles in eius Doctrina.

Utrum Vniuersale sit subiectum in hoc libello Porphyrij?

QVÆSTIO V.

AD hanc questionem, ordinauit Doct. Subt. quatuor præcedentes. Cum enim ad subiectum alicuius scientiæ requirantur tres conditiones, scilicet quod habeat quid est, & quia est; & idè primo quæsiuit. An vniuersale sit ens. Idè habet existentiam, & definitionem suo modo. Secundo, quod habeat passionem; vnde mouet illas duas quæstiones. An vniuersale sit per se intelligibile, & an habeat ali-

quam proprietatem. Tertia tamèlem, quod sit vniuersum ad omnia, quæ traduntur in scientia, per attributionem saltem: & idè absoluit præcedentem quæstionem de eius vniuocatione ad quinque vniuersalia. Quare in præsentem non immeritò quærit. An vniuersale sit subiectum in hoc libro. Ut sit sensus. Vtrum vniuersale sit talis naturæ, vt sibi conueniant conditiones requisitæ ad subiectum scientiæ, vel ex aliquo capite ei repugnent?

Albertus Magnus, & Auerroistæ citati in præcedenti, sustinent, quinque vniuersalia esse subiectum huius libri; à quibus tamen non habet vnitatem, sed à genere, tamquam à principaliori analogato sub vniuersali.

Scotus autem, ex opposito, cum probauerit in præcedenti quæstione, vniuersale esse vniuersum analogum ad illa quinque, consequenter defendit, esse hic subiectum attributionis. Ex quo apparet error Antonij Ruuij, q. 8. super primo cap. Porphyrij, citantis Scotum pro alia sententia, quæ tenet, prædicabile, & non vniuersale esse subiectum in hoc libro; cum disertis verbis asserat, vniuersale, & non prædicabile esse eiusdem subiectum; licet per prædicari de pluribus, diffiniat vniuersale. Hanc eandem sententiam tuerentur D. Thomas hic, q. 9. Scotus, q. 4. Toletus, q. prima de subiecto huius libri, Ruuius, & alij non pauci, iam ex Thomistis, quam ex Scotistis.

Pro declaratione huius posterioris sententiæ, recolenda sunt ea, quæ de subiecto totius logicæ diximus, & quæ de vniuersali conclusimus in præcedentibus quæstionibus; ac insuper, primo Notandum. Subiectum scientiæ esse duplex, scilicet totale, & parziale; sicut habitus itidem est duplex, totalis scilicet, & partialis. Subiectum totale alicuius scientiæ est illud, à quo habitus totalis habet vnitatem, & distinctionem; comprehenditque sub se omnia subiecta partialia, vel tamquam partes integrales, vel subiectiuas, propinquas, aut remotas; & huiusmodi subiectum est syllogismus in communi in tota logica. Subiectum verò parziale est illud, à quo aliqua pars scientiæ habet vnitatem, & distinctionem ab alijs partibus; & sic, quot sunt habitus par-

riales in logica, totidem pariter debent assignari subiecta partialia. Cum igitur sint sex, aut septem habitus partiales logicæ, ex quorum numero est liber Vniuersalium Porphyrij, idem in eodem assignandum est subiectum, à quo habeat unitatem, & distinctionem ab alijs.

Secundo Notandum est, subiectum scientiæ adhuc esse duplex, scilicet materiale, & formale. Subiectum materiale est illud, quod est primo, & principaliter consideratum in scientia: vt corpus naturale in physica, syllogismus in logica, ens reale in Methaphysica &c. subiectum verò formale est id, sub quo consideratur subiectum materiale in illa scientia, cuius est subiectum. Et sic naturalitas est subiectum in Philosophia, quia corpus naturale in ea consideratur sub ratione naturalitatis; entitas in methaphysica; quia omnia considerantur sub ratione entis, &c. Ad propositum igitur applicando, vniuersale est subiectum materiale huius libri; prædicabilitas verò de pluribus, est formale; quia vniuersale consideratur in eo sub ratione prædicabilis de pluribus. Vnde sequitur, quod tam vniuersale, quam prædicabile sit subiectum huius libri; sed vniuersale est materiale, prædicabile verò, formale.

Ex his, sit prima conclusio. Vniuersale pro secunda intentione acceptum, est subiectum adæquatum huius libri Porphyrij. Probatur. Quia habet omnes condiciones requisitas ad subiectum attributionis; ergo est subiectum. Antecedens probatur. Quia habet quid est, & quia est, cum diffiniatur in lib. Periherm. cap. 5 per prædicari aptitudinaliter de pluribus; habet proprietates demonstrabiles, scilicet intelligibilitatem terminatiuam, & inexistentiā in multis, per eius definitionem, sic dicendo. Omne prædicabile de pluribus, est vnum in multis & intelligibile; sed vniuersale est prædicabile de pluribus; ergo est vnum in multis, & intelligibile. Habet etiam unitatem attributionis. Quia probatum est in præcedenti, esse vniuocum ad quinque vniuersalia, & ad omnia in hoc libro contenta; ergo cum habeat omnes condiciones requisitas ad subiectum, vniuersale erit subiectum huius libri.

Secunda Conclusio. Prædicabile potest esse subiectum formale in hoc libro Por-

phyrij. Probatur. Quia vniuersale, & omnia tradita in hoc libro, considerantur sub ratione prædicabilis de pluribus; ergo erit subiectum formale. Antecedens patet. Quia genus, species, differentia, proprium, accidens, & indiuiduum, diffiniuntur per prædicari, hoc de vno, & illa de pluribus; ergo omnia considerata in hoc libro, sunt sub ratione prædicabilis.

Tertia Conclusio. Genus, aut quinque Vniuersalia, non sunt subiectum in hoc libro. Contra Albertum, & alios. Probatur prima pars. Quia si genus esset subiectum, tunc suffecisset Porphyrio determinare duntaxat de genere, & non de alijs; sed hoc est falsum; quia tunc fuisset superfluum determinando de alijs quatuor, ergo genus non potest esse subiectum. Sequela inaequibilibus probatur. Quia ad determinandum de multis dictis per attributionem ad aliquod primum, sufficit determinare de illo primo, ex Phylosopho, quarto Metaph. c. 2. & 7. Meth. c. 5. Sed per Albertum hic determinatur de ceteris quatuor per attributionem ad genus; ergo suffecisset Porphyrio determinare tantum de genere. Secunda pars probatur. Quia scientia habet unitatem ab obiecto, seu subiecto: idem Phylosophus, primo Post. cap. 23. docuit, subiectum scientiæ debere esse vnum; sed quinque vniuersalia non sunt vnum; ergo nequeunt esse subiectum in hoc libro Porphyrij.

Obijciens primo, contra primam conclusionem. Si vniuersale est subiectum, aut in quantum intentio, aut in quantum applicabile rei, est neutrum est dicendum; ergo non est subiectum. Maior patet à sufficienti diuisione. Minoris prima pars probatur. Quia vniuersale in quantum intentio, consideratur à Methaphysico; ergo non à logico. Antecedens probatur. Quia methaphysicus considerat quodlibet in quantum ens; sed vniuersale in quantum intentio, est idem, quod vniuersale in quantum ens; ergo methaphysicus considerat vniuersale in quantum intentio. Secunda pars minoris probatur. Quia ens per accidens, non potest esse subiectum in aliqua scientia; quia de ente per accidens non habetur scientia, nec definitio, ex Aristotele, primo post. c. 23. & secundo Post. c. 19. Sed vniuersale, vt applicabile rei, est ens per ac-

cidens, cum ex subiecto, & passione non fiat vnum per se; ergo &c.

Respondetur primo. Vniuersale esse subiectum in quantum intentio. Ad probationem, nego antecedens. Ad probationem dico, maiorem esse veram de ente reali, non tamen de ente rationis, cuiusmodi est vniuersale, & quolibet secunda intentio.

Vel dicendum secundo. Vniuersale esse subiectum, vt applicabile rei; hoc est, in concreto sumptum. Ad probationem in contrarium dico, minorem esse veram de vniuersali pro materiali, in quantum videlicet dicit aggregatum ex prima, & secunda intentione; falsam tamen, loquendo de vniuersali pro formali; quia sic non dicit nisi secundam intentionem concernentem primam, scilicet prædicari de pluribus, vt fundatur in natura cognita ad sua inferiora, comparatiue.

Obijcies secundo. Omnis scientia realis, est de vniuersali; sed hæc scientia cum sit logicalis, non est realis; ergo non est de vniuersali, vt de subiecto. Maior patet. Quia singularium non est scientia, ex Aristotele, primo post. c. 6. 7. Minor similiter, quia logica est scientia rationalis.

Respondetur, maiorem esse veram de vniuersali reali, non de intentionali; modò hæc scientia cum sit rationalis, est de vniuersali pro secunda intentione accepto.

Obijcies tertio. Subiectum scientiæ debet habere condiciones requisitas ad subiectum; sed vniuersale non est huiusmodi; ergo non est subiectum. Minor probatur. Sibi deficit prima; quia Porphyrius nullam fecit mentionem de vniuersali in communi. Similiter secunda, & tertia; quia tantum locutus est de passionibus horum quinque vniuersalium, & nihil de passionibus vniuersalis in communi, nec de ipso vniuersali; ergo non potuit sibi attribui omnia in hac scientia considerata.

Respondetur, negando minorem. Ad probationem dico, Porphyrium meminisse vniuersalis in communi implicite, dum in primo capite diuisit illud in quinque vniuersalia; quippe si membra diuisientia sunt vniuersalia, sicut patet ex eorum definitionibus, etiam diuisum debuit esse vniuersale. Cum verò subiungitur; ipsum non dif-

finiuisse, nihil refert; quia supponit, ipsum esse diffinitum ab Aristotele, primo Periherm. c. 5. quod sufficit ad esse subiecti. Ad dederim ergo tradidisse implicite diffinitionem vniuersalis, quæ est prædicari de pluribus, cum eam in singulis vniuersalibus retulerit; & sicut per eam de quolibet vniuersali aliquam passionem demonstraui, ipsam per se primo de vniuersali in communi demonstrasse dicendum est; siquidem passiones inferiorum, per se primo superioribus conueniunt, vt dictum est sup. q. 3. de vniuersali. Similiter de vniuersali in communi pertraxit Porphyrius, tract. 2. c. p. dicens. Commune quidem est omnibus, de pluribus prædicari. Quemadmodum dictum est etiam de genere, illis verbis. Eorum enim, quæ prædicantur, alia de vno dicuntur solo, & alia de pluribus. Cum igitur prædicari de pluribus sit differentia vniuersalis, quæ ibidem traditur à Porphyrio, etiam de vniuersali in communi mentionem fecit; cum diffinitio, absque diffinito esse nequeat.

Obijcies quarto. Subiectum debet esse commune omnibus in scientia consideratis; sed vniuersale non est huiusmodi; immò potius prædicabile; ergo prædicabile, & non vniuersale erit subiectum. Minor probatur. Quia in hoc libro tractatur de indiuiduo; sed indiuiduum non est vniuersale, sed bene prædicabile, quia de vno solo dicitur; ergo prædicabile est subiectum, &c.

Respondetur primo, maiorem esse veram de communitate per attributionem, non per prædicationem; modo licet indiuiduum non contineatur sub vniuersali per prædicationem, continetur tamen per attributionem, quatenus est ratio cognoscendi, ne dum speciem, tamquam suum correlatiuum, sed etiam ipsum vniuersale, quod refertur ad particularia, seu singularia, vt relatiuum ad sua correlatiua.

Vel dicendum secundo, maiorem esse veram de consideratis in scientia per se; & non per accidens; modò indiuiduum consideratur tantum per accidens in hoc libro, quatenus est terminus illius relationis speciei, vel vniuersali; modò terminus est extrinsecus relationi, vt alias dicturi sumus.

Obijcie quinto. Subiectum scientiæ debet esse adequatum illi; sed vniuersale non est adequatum huic libro, cum in libris Topicorum Aristoteles agat de quinque vniuersalibus; & lib. primo Post. cap. 7. 24. & 2 post. cap. vltimo, pertractet de vniuersali in communij; ergo vniuersale nequit esse subiectum huius libri.

Respondetur, maiorem esse veram eo modo, quo consideratur in illa scientia, non tamen diuersimodè; quia sic idem potest ad diuersas spectare scientias, vt patet de ente reali, quod est subiectum adequatum in metaphysica, consideratum sub ratione entis, & tamen spectat etiam ad Philosophiam, quatenus intelligitur immixtum materiæ; sic in proposito, vniuersale spectat ad libros Topicorum, quatenus de illis quinque vniuersalibus possunt formari diuersæ quæstiones probabiles, seu topicæ: ad libros Posteriorum, vt præstat materiam demonstrationibus, & diffinitionibus; siquidem hæc sunt tantum de vniuersalibus, quia de singularibus non est scientia, neque diffinitio, quæ est medium sciendi: ad hunc librum verò ordinatur per se, prout est predicabile de pluribus; & omnia, quæ tractantur in ipso, ad illud attribuentur. Ecce quomodo secundum diuersam considerationem, vniuersale potest esse subiectum adequatum huius libri, & inadæquate spectare etiam ad alias scientias.

Verum Vniuersale sit subiectiue in re cognita passiuè, vel in intellectu cognoscen-

QVÆSTIO VI.

Antonius Rurius, in Tract. de natura entis rationis, & secundam Intentionum, cap. prim. & secundo, diuersis verbis sustinet, entia rationis, cuiusmodi sunt omnes secundæ Intentiones, & consequenter vniuersale, nullibi esse, vt in subiecto, sed tantum existere obiectiue in Intellectu. Huius sententiæ prius fuit Suarez in Meth. disp. 54. sect. prima, & secunda; qui citat pro se Comment. sexto Meth. com. 3. D. Thom. opusc. 42. c. 1. & prima par. q. 16. art. 3. ad secundum. Caietan. de ente, & essentia, cap. primo. Durandum in primo sent.

dist. 19. q. 5. n. 6. & Soncinam, 10. Meth. q. 5. quamquam aliter explicent naturam entis rationis.

Toletus verò, q. prima, de primis, ac secundis Intentionibus asserit, vniuersale, & quamlibet secundam intentionem esse tantum subiectiue in intellectu, à quo efficiuntur; vnde negat, esse cognitum dicere aliquid passiuum inexistens, intrinsecè què denominans ipsam rem; ac proinde cogitur asserere, secundas intentiones dicere in rebus cognitis tantum denominationes extrinsecas, prouenientes à cognitione subiectiue inexistente intellectui. Hanc opinionem sequuntur multi, maxime moderni, inter quos noster Poncius cum alijs ab ipso citatis, disp. prima de ente rationis, q. 4. & 5. vbi conclusiones secunda, num. 38. refert pro se Doct. Subt. in primo d. 35. & ex Scotistis Fuentes, de ente rationis, q. 2. diff. 2. Merinerum ibi. Ex alienis verò Hurradum, in metaphys. disput. 19. sect. 2. & Auerfam in logica, quæst. 2. sect. 2. dicto. 4.

Scotus tamdem in suis Vniuersal. quæst. 9. & in 4. sent. dist. prima, q. 2. ac alibi docet contra primam sententiam, vniuersale, & quodlibet ens rationis habere esse, non tantum obiectiue, sed etiam subiectiue, non tamen in intellectu, vt dicit secunda opinio, sed in re cognita, vel considerata ab intellectu. Cum ipso sunt omnes Scotistæ antiqui, & ex recentioribus, Maffius, disput. 3. de ente rationis, quæst. 7. & 8. per totas; quibus possunt adiungi Conimbr. cum quæst. 6. artic. primo, & 3. in Præfat. Porphyrij dicant, ens rationis existere in conceptu comparatio intellectus, qui nil aliud est, quam res cognita actu comparatio. Et artic. 3. approbant tertiam sententiam, quæ dicit, speciem existere in natura, non vt sic, sed quatenus cognita in ordine ad sua inferiora. Quod est idem, quod explicat Doct. hic in corp. huius quæstionis.

Pro decisione huius controuersiæ, & fundamento prioris sententiæ, primo notandum est, ex Doct. in quarto, dist. prima, quæst. 2. B. & hic, quæst. 9. aliquammodo innouatur; aliquid esse in aliquo, posse tripliciter contingere: vno modo effectiue; & hoc modo dicimus, intellectiones, omnes

ba-

habitus scientificos, species intelligibiles, secundas intentiones, & consequenter etiam vniuersale esse in intellectu, cum ab ipso, vt à causa effectrico, in esse pendant: secundo modo obiectiue, scilicet vt obiectum cognitum in potentia cognoscente. Et sic secundæ intentiones, & vniuersale pariter, sunt in intellectu, quia ab ipso cognoscuntur: tertio modo subiectiue, videlicet, vt sit in ipso, veluti accidens in subiecto, & ipsum denominet intrinsecè. Et sic albedo dicitur esse subiectiue in pariete, scientia in intellectu, & vniuersale, sicut quælibet intentio secunda, in re cognita; quia intellectus non denominatur vniuersalis, nec genus, aut species, sed bene animal cognitum, dicitur vniuersale, & genus; homo cognitus, species; Petrus cognitus, indiuiduum.

Secundo Notandum est, ex Scoto hic in corpore quæstionis, rem realem posse tripliciter considerari: primo modo secundum esse, quod habet in suppositis, seu singularibus; & hoc esse dicitur materiale, & eidem insunt accidentia communia, scilicet albedo, nigredo; quia sic, homo dicitur albus, niger &c. secundo modo consideratur absolute, secundum esse quiditatum; vt homo, in quantum est animal rationale; & sic conueniunt prædicata quiditativa, scilicet animal, corpus animatum, substantia, ens; non tamen accidentalia; quia sic homo non denominatur albus, pulcher, doctus: tertio modo, quatenus res dicitur cognita ab intellectu, & ad aliud comparata; vt homo, quatenus est cognitus comparatiue in ordine ad sua inferiora, vel ad superiora, sub aliqua proprietate sibi conueniente id est, in quantum est communicabilis pluribus differentibus numero; & sic ei inest secunda intentio speciei specialissimæ, prædicabilis, & vniuersalis; vel in quantum participat naturam animalis, sub qua immediate ponitur, tamquam sub genere; & sic ei attribuitur secunda intentio speciei subijcibilis, à quibus secundum diuersam, comparationem, vel ad inferiora, vel ad superiora denominatur intrinsecè species subijcibilis animalis, vel prædicabilis in ratione vniuersalis de differentibus numero inquit.

Tertio Notandum est, ex Sco. 3. d. 8. q. vn. Aliquid esse in intellectu subiectiue, p-

test dupliciter intelligi; vno modo immediate, itaut informet intellectum, tamquam accidens suum subiectum. Et sic scientia, intellectiones, species intelligibiles, dicuntur esse subiectiue in eodem intellectu; quia ipsum informant, & intrinsecè ipsum denominant scientem, intelligentem &c. Alio modo mediatè, ita quod informet aliquid, quod aliquo modo, siue subiectiue, siue obiectiue habeat esse in intellectu. Et sic intentiones secundæ, (cuiusmodi est vniuersale) possunt dici habere esse subiectiue in intellectu; quia nimirum subiectantur in re cognita, quæ saltem obiectiue habet esse in intellectu. Ex quo sequitur, quod quando intellectus causat secundas intentiones in rebus cognitis, non emitit illas extra seipsum; quia res cognita, in quibus subiectantur, sunt etiam in intellectu, saltem obiectiue, vt dicit Doct. in 3. d. 8. quæst. vn. lit. H. ad quartum, vbi dicit. Ens rationis non est in aliquo, nisi vt tantum habet esse in intellectu, sicut cognitum in cognoscente.

Quarto Notandum, vt colligitur ex Doctore pluribus in locis, sed præcipue in primo, d. 3. quæst. prima H. & quæst. 2. ad vltimum principale; & intertio, d. 8. q. vn. sub H. denominationem esse duplicem, scilicet intrinsecam, & extrinsecam. Denominatio intrinseca est, quando forma denominans est inhæsiue in denominato; hoc est, subiectiue in illo, vt accidens in subiecto: vt cum dicitur. Parietis est albus albedine. Si quidem albedo est subiectiue, & inhæsiue in pariete denominato. Denominatio autem ista est duplex, scilicet realis, cum forma denominans est realis; & rationis, quando nimirum forma denominans est ens rationis; hoc est, dependenter ab opere intellectus. Exemplum prioris. Vt homo est albus, vel niger. Exemplum posterioris. Vt homo cognitus, vel species, vel vniuersale. Denominatio extrinseca est, cum forma denominans non est in denominato subiectiue, sed tantum terminatur ad illud per adhesionem, seu per relationem attingentia, vel tendentia. Vt parietis visus. Quia visio, quæ est forma denominans, non est in pariete viso, sed in oculo viden-

re, & terminatur ad parietem, ratione cuius extrinsecè dicitur visus. Et hæc denominatio semper est realis; tùm quia fit a forma realitum etiam, quia terminatur ad denominatum ante quodcumque opus intellectus. Ad propositum, cum dicitur, homo est species, animal est vniuersale, Petrus est indiuiduum, & similes, non sunt denominationes extrinsecæ, sed intrinsecæ; quia species, vniuersale, indiuiduum, & similes secundæ intentiones sunt in obiectis cognitis comparatiuè, per modum inhiætionis, & subiectiuè, & non tantum extrinsecè, hoc est à cognitione intellectus terminante ad illa obiecta; aliter non essent entia rationis, sed realia, vt potè dependentia à causâ reali, ante omnem operationem intellectus.

Ex his, sit prima Conclusio. Vniuersale, & quælibet secunda intentio, est in intellectu effectiuè, & obiectiuè. Est Doct. Subtr. hic, q. 3. & in 4. dist. prima q. 2. B. Probat per primam partem. Quia effectus est effectiuè in sua causâ efficienti, sed vniuersale, & quælibet secunda intentio est effectus intellectus, vt patet; ergo vniuersale, & quælibet secunda intentio est effectiuè in intellectu. Secunda pars probatur. Quia quod cognoscitur ab intellectu, est obiectiuè in illo; sed vniuersale, & quælibet secunda intentio cognoscitur ab intellectu, cum sint obiectum eius, ex secunda quæstione; ergo &c.

Secunda Conclusio. Vniuersale, & quælibet secunda intentio, est subiectiuè immediatè in re cognita, & non in intellectu. Est Doct. locis citatis. Probat per primo. Quia accidens est subiectiuè in eo, quod intrinsecè denominat, ex quarto notabili; sed vniuersale, & quælibet secunda intentio est accidens, & intrinsecè denominat rem cognitam, & non intellectum; ergo est subiectiuè in illa, & non in intellectu. Minor patet. Quia intellectus non dicitur vniuersalis, aut particularis, genus, vel species, sed bene homo cognitus, dicitur vniuersalis, species; similiter animal cognitum, genus; & Petrus cognitus, indiuiduum.

Si dicatur a Ruuio, maiorem esse veram de accidente reali, quod habet existentiam independentem ab opere intellectus, non tamen de accidente rationis, cuiusmodi est

vniuersale, & quælibet secunda intentio, quæ in tantum habent esse, in quantum fiunt ab intellectu, & non amplius, nec ante, nec post eiusdem actum.

Contra. Quia quodlibet ens, quod non habet per se existentiam, dum est, debet esse in aliquo, vt in subiecto; aliter non esset; sed secundæ intentiones, cum sint accidentia, non habent per se existentiam, & tamen habent esse per se, dum fiunt ab intellectu; ergo pro illo tunc, debent habere esse in aliquo subiecto, non in intellectu, vt probatur est in præcedenti conclusione; ergo in re cognita.

Secundo probatur Conclusio. Vniuersale fit per actum intellectus comparantis aliquam naturam communem in ordine cognitam ad sua inferiora; ita quod, dum actu comparat naturam sic cognitam ad illa, actu est vniuersale: pono igitur continuari huiusmodi actum, præcipiente voluntate, per quadrantem, quod est possibile; & tunc quæro, an vniuersale sit in aliquo subiectiuè nec nò? Si primum, habeo intentum; si verò dicitur secundum; ergo cum vniuersale sit accidens, & non substantia, non erit; quia impossibile est, naturaliter loquendo, dari accidens, quod non sit in subiecto, ex Aristotele dicente, 5. Meth. cap. 7. t. c. 13. Quæ secundum accidens esse dicuntur, ita dicuntur, aut quoniam eidem enti ambo insunt, aut quoniam illud cõpti inest: & alibi. Accidens non est ens, nisi quia taliter entis; igitur dicendum est, vniuersale esse in aliquo subiectiuè, & inhiæsiuè, non in intellectu, vt dictum est; ergo in re cognita, quod est propositum.

Tertia Conclusio. Vniuersale, & quælibet secunda intentio, est subiectiuè mediata in intellectu. Est Doct. in 3. sent. d. 8. q. vii. lit. H. Probat per primo. Quia id est subiectiuè mediata in intellectu, quod subiectatur in aliquo, quod aliquo modo habet esse in intellectu, vt patet ex tertio notabili; sed vniuersale, & quælibet secunda intentio habet esse immediatè in re cognita, quæ habet esse in intellectu obiectiuè, sicut cognitum in cognoscente; ergo saltem mediata, vniuersale, & quælibet secunda intentio, habet esse subiectiuè in intellectu.

Obijcies primo, contra primam Conclusionem.

clufionem. Omne accidens, quod est in re, vel est proprium, vel commune; sed neutrum est vniuersale; ergo vniuersale non est in re. Maior est Porphyrij, tract. 2. cap. 12. Minor probatur, & primo, quod non sit accidens proprium. Quia accidens proprium, licet per se primo inest speciei, tamen per se non primo inest etiam indiuiduis; vt patet de risibili, quod per se primo inest homini, secundario autem, Petro, Paulo, & ceteris hominibus; sed vniuersale non inest indiuiduis; quia hæc est falsa: indiuiduum est vniuersale; ergo non est accidens proprium. Secundo probatur de accidente communi. Quia accidens commune, primo inest indiuiduis; & postea speciei, & generi, ex Porphyrio loco citato; sed vniuersale nullo modo inest indiuiduis; ergo vniuersale non est accidens commune.

Respondetur, totum argumentum esse verum de accidente reali, quod inest naturæ, prout habet esse in suppositis, non tamen de accidente rationis, cuiusmodi est vniuersale; quia tale non inest rei; non prout est in suppositis, sed vt cognita est ab intellectu.

Obijcies secundo. Omnis virtus passiuæ, cuiusmodi est intellectus, non agit extramittendo, ex Philosopho, tertio de anima, t. 5. scilicet vniuersale, cum causetur ab intellectu, si esset subiectiuè in re, esset extramissum; ergo &c. Minor patet. Quia res est extra intellectum. Maioris secunda pars, posset etiam sic probari. Quod mittit extra se, est factinum; & non passiuum, sed intellectus, cum sit virtus passiuæ, non est factiuus; ergo nequit aliquid mittere extra se.

Respondetur, maiorem esse veram cum sua probatione de eo, quod agit extra se per realem transmutationem, non tamen per transmutationem intentionalem; quia sic, etiam intellectus, quāuis sit virtus passiuæ, potest aliquid mittere extra se, vt patet de secundis intentionibus, præsertim si accipiat a proprietate illius rei, sicut attribuit modos significandi vocibus, in quibus sunt subiectiuè, & tamen voces sunt extra intellectum.

Vel dicendum cum Scoto cit. in tertio, d. 8. q. vn. H. quod licet vniuersale sit subiectiuè in re per opus intellectus cognita,

non propterea intellectus diceretur agere extra se; quia etiam res subtracta vniuersali, esset in intellectu, saltem obiectiuè, quod sufficit.

Obijcies tertio. Ex intellectu, & intelligibili fit verius vnum, quàm ex materia, & forma; ex Comm. 2. de anima, com 5. sed forma est subiectiuè in materia, & non extra; ergo, & intelligibile debet esse subiectiuè in intellectu, & consequenter vniuersale, cum sit intelligibile, erit subiectiuè in intellectu, & non in re.

Respondetur, Maiorem posse habere duplicem sensum. Vno modo per compositionem; ita quod ex intellectu, & intelligibili fiat aliquod compositum verius, quàm ex materia, & forma: & sic non potest intelligi dictum Commentatoris; quia ex materia, & forma fit vnum per se; ex intellectu verò, & intelligibili, fieret vnum per accidens, quod non est verius vnum, quàm sit vnum per se. Alio modo per prædicationem intelligibilis de intellectu; & sic est vera maior; quia intelligibile potest prædicari verè de intellectu, dicendo: intellectus est intelligibilis; supple à se reflexè; at hæc est falsa; materia est forma, vel è conuerso: & sic debet intelligi dictum Auerrois, & non aliter. Vnde non sequitur, vniuersale, quod est intelligibile, esse in intellectu subiectiuè, sed tantum per prædicationem.

Obijcies quarto, ex Poncio, disp. prima de Ente rationis, q. 5. concl. secunda, n. 41. Non sunt multiplicanda entia sine necessitate; sed nulla est necessitas ponendi vniuersale, & alias secundas intentiones subiectiuè in re cognita; ergo &c. maior patet per omnes. Minor probatur. Quia esse cognitum, vt sic, & vt tale, vel tale, potest haberi per cognitionem actiuam terminatam extrinsecè ad obiectum, & subiectum in intellectu; sed vniuersale dicit esse cognitum in ordine ad inferiora; ergo potest sufficenter haberi ab intellectu cognoscente naturam communem in ordine ad inferiora, absque eo, quod detur in illa cognitio passiuæ, sed respectus rationis, a quo denominetur vniuersale. Minor est clara. Maior probatur. Quia esse cognitum nil aliud dicit, quàm aliquid habens ad se cognitionem terminatam; alioquin non posset per aliam cognitionem dici obiectum

cognitum. Quod probatur. Quia illa cognitio, quæ intrinseca poneretur in obiecto, terminaretur ad intellectum, & non ad obiectum; ergo potius intellectus diceretur cognitus per eam, quam obiectum.

Respondetur, negando minorem. Ad probationem, nego maiorem absolutè. Et cum dicitur, esse cognitum nil aliud importare, quam aliquid habens ad se cognitionem extrinsecè terminaram; est falsum. Quia dicit aliquod ens rationis absolutum, si est cognitum per actum rectum, vel reflexum; vel respectuum, sit fuerit cognitum per actum collatum intellectus: modò ens rationis nequit habere esse formaliter per denominationem extrinsecam, quæ est ens reale, habens esse ante quamcumque operationem intellectus, ut docet Doct. in primo, dist. 30. quæst. 1. & secunda.

Contra. Quia relatio creaturæ ad Deum, quæ non minus est forma passiva, quam quicumque respectus resultans in obiecto cognito, quia dat denominationem producti creaturæ, tribuit Deo formaliter denominationem actiua in producentis, ut manifestè asserit Scotus, in primo, d. 30. q. 2. ergo similiter cognitio, quæ tribuit intellectui denominationem cognoscentis actiue, potest tribuere obiecto denominationem cogniti passiuè.

Respondetur, negando consequentiam. Quia esse cognitum passiuè in obiecto, dicit aliquod ens rationis, quod nequit esse extrinsecè à cognitione actiua intellectus, quæ est ens reale. Esse verò creatorem in Deo, potest vtrique haberi extrinsecè à relatione passiuæ existente in creatura per solam denominationem extrinsecam, quæ pariter est realis: at, si creare in Deo dicat aliquid rationis, non poterit sic denominari extrinsecè à relatione reali existente in creatura, sed à relatione rationis nona, habita non per actum intellectus diuini aliqui mutaretur in eternitate, quod implicat; sed fabricata per actum intellectus creati, comparantis Deum, ut producentem in tempore, ad creaturam productam. Ex quo apparet, rationem similitudinis esse potius in oppositum opinionis Poncij; quam ad propositum.

Contra. Quia respectus quo denominatur obiectum cognitum, esset realis si pone-

retur subiectiue in obiecto cognito; sed hoc implicat; quia non potest fundari respectus realis in Deo. in priuationibus, negationibus, aut impossibilibus, ob eorum incapacitatem, & tamen realiter cognoscuntur de nouo; ergo ad hoc, ut obiectum dicatur de nouo cognitum, non est necesse, ut fundetur in eo vlla relatio. Sequela maioris probatur. Quia huiusmodi respectus produceretur ab intellectu, sumpta occasione ex proprietate rei comparatæ ad aliam, quæ sunt causæ reales; atqui causa realis nequit producere effectum rationis, sed realem; ergo huiusmodi respectus, si poneretur subiectiue in obiecto, esset realis, quod implicat.

Respondetur, negando sequelam maioris: inò esset respectus rationis. Ad probationem, nego iterum maiorem; siquidem huiusmodi respectus resultaret in obiecto cognito comparatiue, supposita proprietate itidem cognita ab intellectu; quæ non sunt entia realia, sed rationis, vel absoluta, vel relativa, de quo non curo; atque ita Deus, & cætera obiecta incapacia relationum realium, denominarentur cognita per relationes rationis fabricatas suo modo, dependenter ab opere intellectus creati.

Contra. Quia Deus realissimè potest de nouo cognosci ab intellectu creato sine noua relatione, siue reali, siue rationis in ipso fundata; ergo obiectum cognitum dicitur sic sine aliqua cognitione passiuæ, sed per solam denominationem extrinsecam. Consequentia patet. Quia non est maior ratio de vno obiecto cognito, quam de alio. Antecedens probatur de relatione rationis. Quia de reali non est dubium; siquidem denominaretur realiter cognitus per relationem rationis, quod est absurdum, & contra Doctorem, in secundo d. 4. numero 11. vbi habet pro inconuenient, denominationem realem dependere à forma rationis.

Respondetur, ex Doct. in primo, d. 30. q. 2. ad ult. princip. quod ly realissimè, potest determinare compositionem prædicati cum subiecto; & tunc nil aliud est, quam quod verissimè est; & facit sensum. Deus verissimè cognoscitur ab intellectu creato. Vel potest determinare illud prædicatum, cognoscitur; ut sit sensus. Deus dicitur cog-

gni-

gnitus ab intellectu creato per cognitionem realem in ipso fundatam. Prior sensus est verus; posterior falsus. Nec inde sequitur, non posse denominari cognitum per relationem rationis in ipso fundatam per opus intellectus creati; quia huiusmodi relatio non daret esse aliquid reale in Deo, sed tantum rationis, hoc est esse cognitum, quod sibi non repugnat.

Formaliter ad argumentum dico, antecedens esse verum, si ly realissimè, sit idem, quod verissimè; falsum si specificet cognitionem realem. Quia nulla talis fundatur in Deo, per quam denominetur cognitus, sed tantum per cognitionem passivam, que est relatio rationis derelicta in eodem opere intellectus creati.

Multa alia dicit Poncius, ut probet suam sententiam, quod esse cognitum, sit denominatio quædam extrinseca, sicut esse visum in pariete, & non aliquid rationis superadditum obiecto; ceterum, quia ex hucusque dictis facile solui possunt, idè consultò omittuntur, nè nimis in longum, & præter intentum nostrum, protrahamus questionem propositam.

Verum Propositiones, in quibus vniuersale, vel alia secunda intentio, prædicatur de re, sint vera, & per se?

QVÆSTIO VII.

Circa hanc duplicem difficultatem, quam pertractat Doctor. Subtilis, & soluit simul cum præcedenti questione 10. & vndecima suorum Vniuersalium, nulla reperiitur controuersia; idcirco non est immorandum in limine eiusdem; sed quibuscumque notatis, ad resolutionem deueniendum.

Primo igitur notanda sunt ea omnia, quæ de prædicatione secundarum intentionum de primis diximus in nostro Tract secundarum Intent. cap. vltim. siquidem illa optime faciunt ad præsentem solutionem.

Secundo Notandum est, ex Philosopho, & Commentatore, 9. Meth. cap. secundo, c. 21. & Scoto, in primo, dist. 48. in fine, Veritatem posse sic describi. Veritas est

adæquatio rei ad intellectum cognoscentem. Vel sic. Veritas est relatio conformitatis rei ad intellectum, insurgens necessarîo ex compositione, vel diuisione vera obiecti cum obiecto. Ita enim debet se habere obiectum in intellectu, sicut extra ipsum. Quapropter Philosophus hoc declarans, ibidem subiungit. Non enim propter nos existimare te verè esse album; tu albus es, sed propter te esse album, nos hoc dicentes, verum dicimus. Idest, non propter hoc, quia meus intellectus considerat Franciscum esse album, albus est; sed quia in re ita se habet; idè pronunciat, Franciscum esse verè album. Et Commentator, expendendo dictum Philosophi, subiungit. Manifestum est, quod qui opinatur, compositum esse compositum, vt hominem esse animal, affirmatio est vera; quia in re verum est, quod homo sit animal; & qui opinatur, diuisum esse diuisum, nimirum hominem non esse asinum, negatio eius est vera; quia ita se habet in re. Qui verò opinatur, compositum esse diuisum, idest hominem non esse animal, vel diuisum esse compositum, vt hominem esse asinum, fallitur in affirmatione, & negatione, cum ita non se habeant in re. Modò ad propositum nostrum. Si veritatem huius propositionis, verbi gratia, homo est vniuersale, adstruere debemus, inuestigandum est, an hæc secunda intentio vniuersale, conueniat homini, & qua ratio ne sibi competat.

Tertio Notandum est, ex Doct. hic, q. 9. hominem, exempli gratia, significantem veram naturam, posse tripliciter considerari, scilicet prout habet esse in indiuiduis, secundum quod abstractit ab illis, & secundum quod cognoscitur ab intellectu in ordine ad supposita, scilicet ad Petrum, Paulum, Franciscum &c. Si consideretur primo, & secundo modo, homo nequit recipere prædicationem huius prædicati vniuersale; quia cum homo, primis illis duobus modis, habeat esse reale extra intellectum, & vniuersale sit secunda intentio, quæ nequit fundari nisi super prima intentione, hoc est, super obiecto cognito ab intellectu actu recto, vel reflexo, non potest esse subiectum respectu illius prædicati vniuersale. Si autem accipiatur homo tertio modo,

In quantum est cognitus in ordine ad sua supposita, cum ut sic, sit prima intentio, bene poterit esse fundamentum illius intentionis vniuersale. & sic recipere predicationem veram denominatione, dicendo. Homo est vniuersale.

Quarto Notandum est, vniuersale, sicut quamlibet secundam intentionem posse dupliciter considerari, scilicet in concreto, & in abstracto. Vniuersale in concreto, significat illam secundam intentionem, scilicet predicari de pluribus in quid, concernentem primam, scilicet hominem cognitum, animal cognitum in ordine ad plura inferiora, quibus possunt communicari. In abstracto vero, importat illam eandem intentionem, in quantum abstrahit a prima intentione. Ex his habetur, quid sit accipere secundam intentionem ut quid, & ut modus: nam secunda intentio ut quid, est illa in abstracto accepta: ut modus vero, in concreto sumpta; siquidem, ut sic, importat modum sub quo intelligitur prima intentio, quam concernit. Modò in hac propositione, homo est vniuersale, & in consimilibus, in quibus secunda intentio predicatur de re, non accipitur vniuersale, vel alia secunda intentio in abstracto, seu ut quid, sed in concreto; quia in tantum accidens predicatur verè de suo subiecto, in quantum concernit illud; at vniuersale in abstracto non concernit hominem, quin potius abstrahit ab illo; idè, ut possit de illo verè enunciari, debet sumi in concreto.

Quinto Notandum, ex Philosopho, primo Post. cap. 4. Propositionum indicantium veritatem, vel falsitatem, aliam esse per accidens, & aliam per se. Propositio per accidens est illa, in qua predicatum accidet subiecto, hoc est, nõ necessario sibi conuenit, sed potest conuenire, & non conuenire: ut homo est albus, doctus, &c. quia doctrina, & albedo sunt accidentia, quæ accidunt homini, ut homo est. Per se verò propositio est illa, in qua predicatum sub aliquo modo perfectius conuenit subiecto. Et hæc est quadruplex, iuxta quatuor modos perfectiatis. Propositio per se primo modo est illa, in qua predicatum est de essentia subiecti, ut homo est animal, vel homo est rationalis; vel homo est animal rationale; vel homo est homo. Propositio secundo

modo est illa, in qua predicatum non est de essentia subiecti, sed eius propria passio: ut homo est risibilis. Propositio per se tertio modo est, in qua predicatum facit subiectum independentem à quocumque, quod non est ipsum: ut Franciscus est per se in camera; idè non cum alio. Vel accidens est ens per se, idè habet existentiam independentem ab existentia subiecti. Propositio quarto modo est illa, in qua subiectum est causa, quare predicatum sibi inest. Ut animal rationale est risibile. Siquidem animal rationale, quod est subiectum, est causa risibilitatis. Vel Franciscus albedine est albus. Dicitur per se quarto modo, quia albedo, quæ est pars subiecti, est causa, quare albus predicatum, inest Franciscus. Ex his inferitur quod cum vniuersale, vel quævis alia secunda intentio non sit de essentia rei cognite actu recto, nec propria passio eius, sed accidens ab ipsa separabile, tales propositiones, in quibus intentiones predicantur de rebus, non esse per se, sed per accidens, & denominationis.

Ex his, sit prima Conclusio. Hæc propositio; homo est vniuersale, animal est genus, & consimiles, in quibus intentio secunda predicatur de prima, sunt veræ. Probatur sic à Scoto hic, q. 10. Illa propositio est vera, in qua predicatum verè conuenit subiecto; sed vniuersale, in hac propositione, homo est vniuersale, verè conuenit homini; ergo &c. Maior patet ex secundo notabili. Minor probatur. Cuiusque conuenit diffinitio, eadem conuenit, & diffinitum; sed diffinitio vniuersalis, scilicet predicari de pluribus, verè conuenit homini, quia predicatur de Petro, Paulo, & ceteris hominibus; ergo etiam sibi competit vniuersale, quod est diffinitum. Maior patet per locum a diffinitione ad diffinitum. Eodem modo probatur conclusio de omnibus propositionibus, in quibus secunda intentiones predicantur de rebus cognitis.

Secunda Conclusio. Hæc propositio, homo est vniuersale, & consimiles, non sunt per se, primo, vel secundo modo. Probatur. Quia propositio per se primo modo est illa, in qua predicatum est de essentia subiecti, ex Philosopho, primo post. cap. 4. sed vniuersale, vel alia secunda intentio non sunt de essentia hominis, aut alterius

su-

subiecti; ergo &c. Minor probatur. Quia ens respectu nō est de essentia entis absolute; sed homo cognitus; & quælibet alia res cognita ab intellectu actu recto, sunt entia absoluta, & vniuersale, sicut quævis secunda intentio, sunt entia rationis respectiua; ergo vniuersale, & quælibet alia secunda intentio non sunt de essentia hominis, vel alterius rei cognite. Maior patet ex definitionibus entis relatiui, & absolute, quæ sunt impermixtæ formaliter, vt docet Aristoteles in Prædicamentis, & quinto meth. c. de Ad aliquid. Minor probatur. Quia vniuersale, & quælibet secunda intentio cognoscuntur in ordine ad aliud, quod est esse relationum; homo verò cognitus, & similes primæ intentiones ad se, quod est esse entis absolute. Secunda pars probatur. Quia propositio per se secundo modo est illa, in qua prædicatum est propria passio subiecti, vel saltem necessarij, & inseparabiliter sibi inest, ex Aristotele loco citato; sed vniuersale, vel alia secunda intentio non est passio hominis, vel alterius rei cognite; ergo &c. Minor probatur. Quia passio oritur ex principijs intrinsicis subiecti, qua ratione, identificatur realiter subiecto; sed vniuersale non oritur ex principijs hominis, vel alterius rei cognite, cum sint entia disparata, vt probatum est in præcedenti; siquidem se habent vt entia absoluta, & respectiua; ergo &c.

Tertia Conclusio. Huiusmodi propositiones, in quibus prædicantur intentiones secundæ de primis, non sunt per se tertio, vel quarto modo. Probatur prima pars. Quia propositio tertio modo est, in qua prædicatum excludit concomitantiam, & ponit solitudinem in subiecto; sed vniuersale, & quælibet secunda intentio non sunt huiusmodi respectu rerum cognitarum, seu primarum intentionum; ergo &c. maior patet ex vltimo notabili. Minor probatur. Quia tunc natura sola esset causa intentionis secundæ, puta homo solus, esset causa vniuersalis, sine alterius secundæ intentionis; sed consequens est falsum; ergo, & id ex quo sequitur. Sequela maioris probatur. Quia quod inest alicui per se tertio modo, inest sibi solitariè, excludendo ab ipso quod cumque aliud non est ipsum; ergo si vniuersale inest homini per se tertio modo, inest sibi, excludit quodcumque non est ip-

sum, & sic solitariè. Minor probatur. Quia tunc vniuersale inesset indiuiduis hominis; sed hoc est falsum; quia indiuiduum non est vniuersale, sicut nec prædicabile de pluribus. Sequela maioris probatur. Quicquid est ab homine, vt à causa sufficienti sui esse, inest cuiuscumque inest homo; patet deibili, quod in tantum inest omnibus hominibus, in quantum est ab homine, à causa sufficienti suæ entitatis; ergo si vniuersale inest homini, & esset ab eodem, vt à causa sufficiente suæ entitatis, deberet inesse cuiuscumque competit homo; & sic omnibus hominibus in particulari; quia hæc sunt veræ. Petrus est homo, Paulus est homo, & sic de alijs. Secunda pars probatur. Propositio per se quarto modo est illa, in qua subiectum est causa efficiens prædicati, vel saltem includit causam efficientem eiusdem, ex quiorum Notab. sed homo non est causa efficiens vniuersalis, vel alterius secundæ intentionis, sed intellectus, præsupposita tamen proprietate in re cognita, vt diximus in Tract. secundarum Intentionum; ergo hæc propositio, homo est vniuersalis, & consimiles, non sunt per se quarto modo.

Quarta Conclusio. Hæc propositio, homo est vniuersale, & consimiles, sunt propositiones denominatiuæ, & per accidens. Probatur primo. Quia omnis propositio indicatiua veritatis, vel falsitatis, aut est per se, aut per accidens; sed huiusmodi propositiones non sunt per se, vt probatum est secunda, & tertia conclusione; ergo &c. maior patet à sufficienti diuisione, quam tradit Aristoteles in primo Post. cap. 4. Secundo probatur. Quia illa propositio, in qua prædicatum accidit subiecto, & non est proprium eius, est propositio per accidens; sed tales propositiones, in quibus prædicantur intentiones de rebus, sunt huiusmodi, ex secunda conclusione; ergo &c. Tercio. Quia si ista esset per se, homo est vniuersale; ergo omnis homo esset vniuersale, quod est absurdum. Consequentia probatur, ex Aristotele, primo posteriorum, cap. 4. Per se, præsupponit, & infert de omni; ergo si homo est per se vniuersale, omnis homo erit per se vniuersale, quod non est dicendum.

Oscitur primo, contra primam conclusionem. Si hæc est vera; homo est ipse,

cies, vel vniuersale; aut effet prout homo est in indiuiduis, aut prout abstrahit ab illis; patet à sufficienti diuisione; sed neutrum est dicendum; ergo &c. Minoris prima pars probatur. Quia sic homo habet esse materiale, & non est capax alicuius secundæ intentionis; ergo &c. Secunda pars minoris probatur. Quia in tantum hæc est vera, homo est species, in quantum prædicatur de pluribus differentibus numero; sed homo, prout abstrahit ab indiuiduis, non prædicatur de pluribus differentibus numero; ergo species non conuenit homini, prout abstrahit ab indiuiduis.

Respondetur, negando minorem. Ad probationem dico, speciem conuenire homini, vt prædicatur de pluribus differentibus numero prædicatione signata, vt sit sensus; homo, qui est species, prædicatur de pluribus differentibus numero; non tamen prædicatione exercitia; quia tunc esset sensus, quod homo, secundum quod habet esse in indiuiduis, esset species, quod est falsum.

Vel dicendum cum Scoto, q. 9. Vniuersale hanc esse veram, homo est vniuersale, vel species, non prout homo habet esse in indiuiduis, vel prout abstrahit ab illis; quia sic habet esse reale independentem ab opere intellectus, sed vt est cognitus ab intellectu in comparatione ad indiuidua; & sic negatur maior, vt insufficientis; cum homo possit considerari, etiam hoc tertio modo, hoc est, secundum esse cognitum, & comparatum ad indiuidua.

Obijciunt secundo Non vera natura, nequit verè prædicari de vera natura, cum opponantur, scilicet disparatè; sed vniuersale, cum sit ens rationis, significat non veram naturam; & homo cum sit realis, veram naturam; ergo vniuersale nequit prædicari verè de homine.

Respondetur, maiorem esse veram quiditativè, & accipiendo hominem secundum esse materiale, vel quiditativum; talem denominativè, & sumendo hominem secundum esse cognitum ab intellectu: quia species, vel vniuersale, quæ significant non veram naturam, prædicantur verè denominativè de homine accepto secundum esse cognitum.

Obijciunt tertio. Si hæc est vera; homo est species, & species est intentio; ergo etiam

hæc erit vera; homo est intentio; quod tamen est omnino absurdum; quia intentio est ens rationis, & homo ens reale.

Respondetur primo, negando illam minorem; species est intentio; quia cum species accipiat in concreto in maiori, & intentio in abstracto, nequit verè prædicari se illo, propter diversos modos significandi; unde non sequitur, quod homo sit intentio; quia abstractum nequit prædicari de concreto; hæc enim est fallacia: homo est albedo; licet hæc sit vera; homo est albus.

Vel dicendum secundo, negando consequentiam. Quia in discurfu committitur fallacia figuræ dictionis penes secundum modum, commutatio modum in quid; ex eo enim quod illa dictio, species, sit eadem in maiori, & in minori, creditur etiam ibi adesse identitas in modo significandi, quod tamen est falsum; quia in maiori accipitur, vt modus, sub quo intelligitur homo, & in minori, vt quid, & est secundum propriam naturam; & sic de ea prædicatur quiditativè intentio secunda.

Vel dicendum tertio, minorem esse veram accipiendo speciem in concreto, & intentionem, pro intentione obiectivam; quia sic bene intentio potest prædicari denominativè de homine cognito, cum intentione obiectivè sumpta, non sit aliud quam obiectum cognitum, vt diximus in Tract. secundum intentionum; & tunc argumentum esset simile huic. Homo est albus; sed albus est coloratum; ergo homo est coloratum. Quod totum est verum denominativè, non formaliter.

Obijciunt quarto, contra secundam, & tertiam Conclusionem. Cuiusque inest per se distinctio, eidem inest per se, & distinctum; sed distinctio speciei, scilicet prædicari de pluribus differentibus numero, competit per se homini; ergo etiam distinctum, scilicet species, sibi competit, & consequenter hæc est per se. Homo est species &c.

Respondetur, Minorem esse veram, si ly per se, determinat inhzrens, scilicet prædicatum; quia tunc facit sensum, quod prædicari per se, vt distinguitur contra prædicari per accidens, competit homini non per se, sed distinctiui; sed per accidens. & denominativè; quia cum prædicari de differenti-

tus

bus numero sit secunda intentio, tantum per accidens competit homini cognito, & denominatiue falsam verò, si ly per se, determinat inhaerentiam, idest totam propositionem; quia tunc esset sensus, quod hæc propositio est per se aliquo quatuor modorum; homo prædicatur de pluribus differentibus numero: quod est omnino falsum, vt visum fuit in probatione conclusionis secundæ, & tertiæ; siquidem nulla secunda intentio prædicatur per se de prima.

Obijecitur quinto. Quod est per se intelligibile, est per se vniuersale; sed homo est per se intelligibilis; ergo est per se vniuersale; ergo per se species. Maior probatur. Quia singulare pro statu isto non est per se intelligibile, vt docet Scotus, in 2. dist. 3. quæst. 6. & 8. & in lib. de Anima quæst. 22. Minor patet. Quia intelligibilitas est passio entis, & consequenter cuiuslibet entis; modo homo est ens; ergo, &c.

Respondetur, maiorem esse veram, si ly per se, determinat inhaerens, idest prædicatum, vel subiectum; quia tunc facit sensum verum, scilicet quod vniuersale per se, idest ratione sui, intelligatur: falsam verò, si determinat inhaerentiam, idest totam propositionem; quia tunc esset sensus falsus, scilicet quod hæc esset per se: quodlibet intelligibile est vniuersale, vel per se vniuersale: quod est falsum; quia etiam singulare est intelligibile ab intellectu considerato ex natura potentie; deinde entia realia sunt intelligibilia, & tamen non sunt per se vniuersalia, sed tantum per accidens, vt dictum est de homine.

Obijecitur sexto, probando quod sit per se, saltem quarto modo. Quia quando subiectum est causa iuherentiae prædicati ad seipsum, propositio est in quarto modo; sed in hac propositione, homo est vniuersale, subiectum est huiusmodi; ergo est per se in quarto modo. Maior patet. Minor probatur. Quia homo dicit naturam communicabilem pluribus; sed huiusmodi communicabilitas est causa, quare prædicatum inest homini, scilicet vniuersale; ergo. Minor probatur. Quia secunda intentio nequit applicari primæ, nisi præsupposita proprietate sibi conuenienti in prima, cum hæc sit ratio fundandi relationem rationis, quam di-

cit secunda intentio; sed communicabilitas pluribus in natura humana est ratio fundandi in homine secundam intentionem vniuersalis, vt omnes fatentur; ergo.

Respondetur, maiorem, & probationem esse veram de causa motiua, seu occasionatiua, non de efficiente, quæ requiritur ad hoc, vt propositio sit in quarto modo; modo licet huiusmodi communicabilitas pluribus in natura humana, sit ratio fundandi hanc secundam intentionem vniuersalis, vel speciei in homine, cum sit ratio motiua, seu occasionatiua ad hoc, vt intellectus causet illam secundam intentionem, non est tamen causa efficiens eiusdem; quia talis est tantum intellectus, idem nequit conueniri, vt sit per se in quarto modo.

Obijecitur septimo, contra quartam conclusionem. Propositio per accidens est, in qua prædicatum accedit subiecto; sed vniuersale non accedit homini; ergo hæc propositio, homo est vniuersale, non est per accidens. Minor probatur. Quod accedit alicui, conuenit ei, vt accidens; sed vniuersale non conuenit homini, vt accidens, sed secundum quod abstrahitur ab omni accidente; ergo &c. Minor probatur. Quia vniuersale conuenit homini, vt non habet in indiuiduis esse, & existere, ex præcedenti; sed accidens inest subiecto, vt habet esse in indiuiduis; ergo vniuersale non conuenit homini, vt accidens.

Respondetur negando minorem. Ad probationem, nego iterum minorem. Ad probationem dico, minorem esse veram de accidente reali, non de intentionali, seu, quod est ens rationis, cuiusmodi est vniuersale. Quia tale non inest homini, nec vt habet esse in indiuiduis, nec vt abstrahit ab illis; hoc est, vt habet esse quidditatum, sed tantum prout est cognitus ab intellectu per actum comparatum in ordine ad indiuidua: vnde sequitur, inesse illi, vt accidens rationis, non reale.

(-.)

*Virum Vniuersalia sint tantum
quinque?*

QVÆSTIO VIII.

Circa hanc vltimam quæstionem de Vniuersali, vt sic, secundum se nulla reperitur controuersia; omnes enim secuti Porphyrium, cap. primo, & secundo huius primi Tractatus, docent, tantum quinque esse vniuersalia. In assignando tamen eorum sufficientiam, aliqui, quos sine nomine citat, & impugnat Doctor Subt. hic, q. 12. disconueniunt. Cæterum, quia his est parui momenti, nec adeo utilis existit, quin forsitan, ob eius prolixitatem, non parum affert detrimenti; ideo omittenda nobis videtur, & ad veram quæstionem, secundum mentem Doctoris, intelligentiam properandum; vnde pro eiusdem declaratione.

Primo notandum est, hic non agi de Vniuersalibus pro prima intentione, vt sunt animal cognitum, homo cognitus, rationale cognitum, risibile cognitum, & album cognitum, actu recto, vel reflexo intellectus, sed de eisdem pro secunda intentione, scilicet de genere, specie, differentia, proprio, & accidente; in quantum sunt quedam intentiones fabricatæ per opus collatum nostri intellectus, & ab eodem, vniuersalibus pro prima intentione, supposita in eisdem correspondente proprietate, attributæ, seu applicatæ; & quæritur. An sint tantum quinque, ita vt nec plura sint, aut pauciora quinque.

Secundo notandum est, quod ly tantum, cum sit dictio exponibilis gratia exceptionis, tripliciter potest exponi, scilicet gratia infinitatis, gratia alicuius, & gratia pluralitatis. Primo modo sic exponitur. Vniuersalia sunt tantum quinque, id est, vniuersalia sunt quinque, & nihil non quinque est vniuersale. Et hic sensus est falsus; quia genus, & species, sunt non quinque, & tamen sunt vniuersalia. Secundo modo sic exponitur. Vniuersalia sunt tantum quinque, id est, vniuersalia sunt quinque, & nihil aliud ab his quinque est vniuersale. Et hic sensus pariter est falsus; quia genus, & species, sunt alia à quinque, quia sunt duo, &

tamen sunt vniuersalia. Tercio modo tandem sic exponitur. Vniuersalia sunt tantum quinque, id est, vniuersalia sunt quinque, & non sunt plura quam quinque, vel pauciora; ergo sunt tantum quinque. Et hic sensus est verus, sicque intelligitur titulus quæstionis.

Tercio notandum est, sufficientiam horum quinque vniuersalium assignari a Doctore Subt. in litera, ratione de ly prædicari, quod diximus esse genus ad quinque vniuersalia; siquidem diuiditur per prædicari in quid, & in quale, tamquam per differentias per se disparatas, cum sint primi modi prædicandi. Vnde prædicati in quid, est prædicari essentiam per modum essentia, id est per modum per se stantis, & non alteri in hæcensis, vel aliud denominantis. Et hoc est duplex, scilicet prædicari totam essentiam subiecti, id est inferioris, & prædicari partem essentia eiusdem per modum per se stantis. Si accipiat primo modo, sic habetur secundum vniuersale, scilicet species, quæ dicit totam essentiam indiuiduorum: vt homo dicit totam Petri essentiam; quia in ipso nil aliud, præter hominem, essentialiter includitur. Si verò sumatur secundo modo, tunc datur genus primum vniuersale; quia genus dicit tantum vnā partem essentia speciei, vt patet de animali respectu hominis. Prædicari autem in quale, est prædicari per modum qualis, seu per modum denominantis. Et est duplex. Prædicari in quale essentialia, & accidentale. Prædicari in quale essentialia, est prædicari essentiam per modum qualis, seu per modum denominantis. Et sic habetur tertium vniuersale, scilicet differentia, quæ dicit essentiam speciei, non per modum per se stantis, sed alteri in hæcensis; quia inquit Porphyrius. Differentia adueniens generi, constituit speciem. Vt patet de rationali, respectu animalis, & hominis. Prædicari verò in quale accidentale, est duplex, scilicet conuertibile, & inseparabile a subiecto; & non conuertibile, ac separabile. Prædicari in quale accidentale primo modo, constituit proprium, quarum vniuersale, vt patet de risibili, quod per nullam potestatem potest separari ab homine. Prædicabile verò in quale accidentale secundo modo, constituit quantum prædicabile, seu vniuersale, quod dicitur accidens. Vt patet de albo, quod

quod prædicatur de pariete, & lapide, seu ligno accidentaliter, & non conuertibiliter; quia licet valeat dicere, paries est albus, non tamen sequitur, ergo omne album est paries; quia albedo posset concernere lignum, & illud denominare, & non parietem. Cum igitur multiplicatio, & diuersitas vniuersalium desumatur ex multiplicata, & diuersitate modorum prædicandi, & non inueniatur alius modus prædicandi, præter dictos quinque, consequenter nec aliud vniuersale supererit his quinque, & sic tantum erunt quinque vniuersalia; & non plura, vel pauciora.

Ex his, sit Conclusio. Vniuersalia pro secunda intentione, sunt tantum quinque, & non plura, nec pauciora; scilicet, genus, species, differentia, proprium, & accidens. Probatur primo auctoritate Porphyrij, c. 2. huius tractatus dicentis. Illa, quæ de pluribus prædicantur, ut sunt vniuersalia, esse genera, species, differentias, propria, & accidentia. Secundo probatur ratione Doctoris Subt. Tot sunt vniuersalia, quot sunt modi prædicandi diuersi; sed tales sunt tantum quinque; ergo vniuersalia sunt tantum quinque. Maior patet. Quia diuersitas vniuersalium desumitur ex diuersitate modi prædicandi, cum se habeant, ut differentie essentielles, diuidentes prædicari, ut genus, & constituentes vniuersalia, veluti species. Minor pariter est manifesta, ex his, quæ diximus in tercio notabili.

Obijcies tamen primo, contra conclusionem, ex litera Doctoris. Quot sunt prædicata, tot sunt prædicabilia; quia non videntur differe inter se, nisi per actum, & aptitudinem prædicandi; sed prædicata sunt tantum quatuor, ex Aristotele, primo Topicorum, cap. 3. & quarto; ergo totidem pariter erunt vniuersalia, seu prædicabilia.

Respondetur. Aliter assignari sufficientiam prædicatorum ab Aristotele, & aliter a Porphyrio hic. Nam Aristoteles distinguit prædicata per prædicari essentiam, & non prædicari essentiam, conuertibiliter, & non conuertibiliter. Prædicari autem essentiam, cum contingat dupliciter, scilicet conuertibiliter, ratione cuius datur secundum prædicatum, scilicet distinctio, quæ dicit essentiam speciei conuertibiliter; valet enim dicere: omnis homo est

animal rationale, & omne animal rationale est homo: & non conuertibiliter, ratione cuius datur primum prædicatum, scilicet genus; quod licet dicat essentiam speciei, non tamen conuertibiliter; quia licet valeat hæc propositio: omnis homo est animal: non tamen conuertitur; ergo omne animal est homo. Similiter prædicari non essentiam, sed accidens, cum dupliciter accidat, scilicet prædicari conuertibiliter, per quod denotatur proprium tertium prædicatum; & non conuertibiliter, per quod innuitur accidens; ideo concludit esse tantum quatuor prædicata, cum non inueniantur plures modi prædicandi essentiam, & non essentiam, conuertibiliter, & non conuertibiliter, quam quatuor prædicti. Cæterum Porphyrius, cum distinguit vniuersalia, seu prædicabilia, per prædicari in quid, & in quale, quæ in quinque modos prædicandi diuiduntur; ideo quinque erunt vniuersalia, & non plura, nec pauciora.

Formaliter ad argumentum, negò maiorem. Ad probationem, concedo illam; sed inde non sequitur, esse tantum quatuor prædicabilia, sicut quatuor sunt prædicata, cum aliter assignetur eorum sufficientia, ab Aristotele, & Porphyrio, ut demonstratum est.

Obijcies secundo. Quot modis dicitur vnum oppositorum, tot modis dicitur, & reliquum; sed vniuersale, & singulare sunt opposita; & singularia sunt fere infinita; ergo & vniuersalia. Maior est Aristotelis, primo Topicorum, cap. 13. Minor patet ad sensum.

Respondetur, duplicia esse opposita, scilicet secundum se, & secundum suam significationem: exemplum priorum. Ens reale, & ens rationis opponuntur tantum secundum se, id est secundum suas diffinitiones; quia vñ habet esse præter opus intellectus, & aliud dependenter ab opere eiusdem: non tamen secundum omnem suam significationem; quia tunc sicut ens reale diuiditur in substantiam, & accidens, & ens rationis deberet sic diuidi, quod est falsum. Exemplum posteriorum. Ut sanum, & ægnum; quæ necdum secundum se opponuntur, cum in eodem simul minime reperiri valeant, sed etiam secundum suas significationes; quia sicut sanū dicitur de tribus, scilicet de animali, ut de subiecto sanitatis; de diæta, ut de

causa sanitatis; & de vrina, vt de signo sanitatis; ita etiam ægrum dicitur de eisdem. Modò vniuersale, & singulare opponuntur tantum secundum se, & non secundum suas significaciones; idè non sequitur. Vniuersalia esse penè infinita. si singularia sint talia; quia auctoritas Aristotelis habet veritatem de oppositis secundo, non primo modo acceptis.

Respondetur ergo formaliter ad argumentum, maiorem esse veram de oppositis secundum se, & suam significationem simul; non tamen de oppositis tantum secundum se, vt sunt vniuersale, & singulare.

Obijcies tertio. Indiuiduum est vniuersale, quia prædicatur de hoc, & illo indiuiduo; sed non est aliquod istorum quinque; ergo vniuersalia sunt plura, quàm quinque.

Respondetur, maiorem esse veram, sumendo vniuersale, vt modus, seu denominatione; non tamen accipiendo illud, vt quid, & secundum esse quiditatum. Vnde sequitur, indiuiduum esse speciem, vt modus; quia induit modum prædicandi speciei, scilicet de pluribus differentibus numero, prædicatione signata, quæ sufficit, vt dicatur vniuersale pro secunda intentione.

Obijcies quarto. Ens est vniuersale; sed non est aliquod horum quinque; ergo sunt plura vniuersalia, quàm quinque. Maior patet. Quia ens prædicatur de pluribus. Minor probatur inductiue. Non est genus, per Philosophum, tertio Meth. c. 10. nec species; quia tunc haberet aliquid supra se, quod esset genus, quod est falsum: nec aliquod aliorum trium; quia illa prædicantur in quale, ens verò dicitur in quid de omnibus entibus, ex Aristotele, 8. Meth. t. c. vltimo; ergo non est aliquod istorum quinque.

Respondetur ens esse vniuersale illimitatum, non tamen limitatum, de quo procedit nostra Conclusio. Modo, loquendo de vniuersali limitato, sicut ens non est vniuersale, sic nec augere potest numerum vniuersalium, vt sunt plura, quàm quinque.

Obijcies quinto. Diffinitio est vniuersale cum prædicetur de pluribus; sed non est aliquod istorum quinque; ergo sunt plura quinque. Minor probatur inductiue. Non genus, vel species; quia hæc tantum in quid prædicantur, differentia vero in quale quid.

Nec aliquod aliorum trium; quia illa prædicantur tantum in quale, diffinitio verò prædicatur etiam in quid; ergo non est aliquod istorum quinque.

Respondetur, negando maiorem. Ad probationem dico, vt aliquid sit vniuersale, non tantum debet prædicari de pluribus, sed etiam debet habere vnum modum prædicandi tantum, scilicet vel in quid, vel in quale dumtaxat: modò cum diffinitio habeat plures modos prædicandi, scilicet in quid, ratione generis, & in quale, ratione differentie ex quibus constat, idè nequit constituere vniuersale distinctum ab his quinque. Addo, quod vniuersale debet esse aliquid incomplexum; modò cum diffinitio non sit quid incomplexum, constat enim ex genere, & differentia, & secundum Aristotelem, septimo meth. t. c. 42 est oratio longa, sequitur diffinitionem non posset dici vniuersale, & consequenter nec augere numerum Vniuersalium vltra quinque.

De Genere.

C A P V T I I.

*C*um in præcedenti capite Porphyrius, quasi exordiendo suum tractatum, proposuerit se velle pertractare de quinque Vniuersalibus, scilicet de genere, specie, differentia, proprio, & accidente; in hoc secundo, & sequentibus, intentum profectus, declarando vniuersitatem naturam. Cum autem Genus, inter cetera, participet perfectiori modo rationem Vniuersalis, scilicet prædicari de pluribus; idè primo loco declarat naturam Generis, premittendo tamen prius eiusdem variis acceptiones.

Hoc caput diuiditur in duas partes principales; in quarum prima agit de tribus acceptionibus Generis: & incipit ibi. Genus enim est aliquorum quodammodo &c. in secunda vero tradit diffinitionem Generis logici, qua incipit ibi. Tripliciter igitur cum genus dicatur, de tertio apud Philosophos est sermo, quod etiam describentes, &c.

Quoad primam partem. Genus tripliciter accipitur. Vno modo pro collectione aliquorum quodammodo se habentium ad inuicem, & ad vñ principium. Vt collectio Roma-

norum, dicitur genus Romanorum; quia omnes dicunt habitudinem ad Romanum, à quo traxerunt originem, ut ab uno principio. Similiter collectio multorum ex eadem familia, seu prosapia, dicitur genus hoc modo; quia dicunt habitudinem cognationis, seu parentela ad invicem. Secundo modo dicitur genus, de principio generationis, vel conservationis. Et sic pater habens plures filios, dicitur genus illorum; quomodo dicere possumus, Aristotelem esse ex genere Nicomachi, & Orestem, ex Tantalò habere genus. Similiter Vicentia, dicitur genus Vicentinorum ibi commorantium; quia hic conservantur. Et in hoc sensu locutus fuit Virgilius dum dicit. *Alantua me genuit, &c.* Tercio modo accipitur Genus pro eo, cui supponitur species, & sic animal dicitur genus; quia sub ipso collocantur species hominis, leonis, &c.

Deinde comparat Genus hoc modo sumptum, ad Genus primo modo acceptum, dicens, habere similitudinem cum eo; quia sicut illud est collectio aliquorum se habentium ad unum principium, sic Genus tertio modo dicit collectionem multarum specierum ordinatarum ad ipsum, ut ad unum primum. Comparat etiam illud cum Genere secundo modo sumptum; quia sicut illud est principium generationis quorundam, ita Genus tertio modo, dicitur esse principium multarum specierum, quæ sub ipso continentur.

Quoad secundam Partem, restat dicere de quo genere sit ad propositum; quod præstat Porphyrius dum dicit. Tripliciter igitur cum dicatur Genus, de tertio apud Philosophos sermo est, quod sic diffinitur. Genus est, quod de pluribus differentiibus specie in eo quod quid est prædicatur. *Ut animal de homine, leone, quo &c.* quæ diffinitionem declarat per comparationem ad reliqua Universalia.

Sed antequam incipiat huiusmodi declarationem, præmittit quædam divisionem Prædicabilis in communem, dicendo. Eorum, quæ prædicantur, quedam tantum de uno solo dicuntur, ut sunt individua, scilicet Socrates, Plato, Aristoteles &c. quedam vero

de pluribus prædicantur; ut genus, species, differentia, proprium, & accidens, & hæc dicuntur Universalia. Exemplificat de omnibus subiungendo. Est autem genus, ut animal; species vero, ut homo; differentia autem, ut rationale; proprium, ut risibile; & accidens, ut album, nigrum &c.

Tamdem declarat diffinitionem Generis, quoad omnes particulas, comparando ipsum ad omnia, quæ prædicantur, sine de pluribus, sine de uno solo. Primo Differt Genus ab individuis; quia in individuū, tantum de uno solo, Genus vero de pluribus prædicatur. Secundo Differt à specie; quia genus prædicatur de pluribus differentiibus specie; species vero de pluribus differentiibus numero tantum prædicatur. Tertio differt à proprio; quia proprium de una sola specie prædicatur, & de individuū ad ipsam; ut risibile de homine, & eius singularibus, Genus autem de pluribus speciebus prædicatur. Quarto differt à differentia, & accidente; quia hæc de pluribus in quale prædicantur, genus vero de pluribus, in quid dicitur.

Denique declarat, quid sit prædicari in quid, & in quale, dicens. Illud dicitur prædicari in quid, per quod convenienter respondetur ad interrogationem factam per quid; ut si quæatur, quid est homo? respondetur est animal; igitur animal prædicatur in quid de homine. Illud vero prædicatur in quale, per quod convenienter respondetur ad interrogationem factam per quale; ut si quæatur, qualis est homo? Respondetur, est rationalis, vel risibilis, aut doctus; igitur illa tria dicuntur prædicari in quale de homine.

Postea dicit, quod prædicari in quid, convenit tantum duobus Universalibus, scilicet generi, & speciei; prædicari vero in quale, reliquis tribus, scilicet differentiæ, proprio, & accidenti. Finaliter epilogat declarationem dicens. Cum igitur prædicari de pluribus differentiibus specie in quid, tantum competat ipsi generi, & faciat ipsum differre à quocumque non est genus, restat, ut diffinitio data sit bona; quia nihil superfluum, diminutumque continet.

De Naturâ Generis .

DISPUTATIO III.

Utrum per hanc Diffinitionem . Genus est , quod predicatur de pluribus differentiibus specie in quid . Diffiniatur Genus pro prima , an pro secunda intentione , vel utrumque ?

QVÆSTIO I.

ANte hanc quæstionem , quam tangit Scotus . q. 14. Vniuersalium , quæri solet . An locus sit principium generationis , quemadmodum , & pater . Quæ difficultas oritur ex litera Porphyrij dicentis . Patriam esse principium generationis , sicuti & pater . At quia quæstio supponit doctrinam logicalem , quam modò querimus inuestigare ; & procedit philosophicè ; idèò differenda est vsque ad quartum librum Physicorum , ubi peculiariter agendo de loco , commodius discuti licebit .

Ad propositam autem quæstionem respondent Tolet . q. 1. in cap. de Genere , Ruuius ibi , q. 2. hic diffiniri naturam Generis pro prima intentione , prout tamen substat secundæ . Quod idem est dicere , aggregatum ex prima , & secundâ intentione hic diffiniri . Pro hac sententiâ citantur à Ruuius , D. Tho. in opusc. de Ente , & Essentia , cap. 4. Iauellus in log. tit. 4. cap. 2. Paulus Venetus , cap. de Genere , & Sotus ibi ; quibus possunt addi Moris . disput. 2. art. 2. Amicus . tract. 5. q. 1. dub. 5. & Auerſa o. 10. sect. 2. relati à Mastrio , disputat. 5. q. 1. art. 1. n. 5.

Oppositum tamen , quod defenditur à Scoto , loco citato , est longè verius ; nimirum hic diffiniri Genus pro secundâ intentione , & non primâ , nec aggregatum ex illis ; cum logicus per se consideret tantum secundas intentiones . Scotum sequuntur omnes eius Discipuli , vt Mauritijs , Anglicus , Brasanolus , Sarnanus hic , q. 14. & alij , tum Scoultz , tum ex Thomistis , quos refert , & sequitur Mastrius loco citato ; à quibus non videtur esse alienus Caietanus , citatus à Ruuius , de Ente , & essentia ,

capit. 4. licet in modo explicandi veram sententiam , à veritate aberrare videatur .

Pro cuius intelligentia , & fundamento , primo notandum est , ex Doct. Subt. hic in corp. quæst. Genus tripliciter considerari , scilicet pro materiali , pro formali , & pro aggregato . Genus pro materiali , importat primam intentionem , prout est fundamentum secundæ intentionis : vt animal cognitum actu recto . Genus pro formali , dicit secundam intentionem concernentem primam : vt prædicari de pluribus differentiibus specie in quid , vt afficit animal cognitum in ordine ad hominem , leonem , equum , &c. Genus pro aggregato , dicitur illud , quod coalescit ex genere pro materiali , & pro formali acceptis . Genus primo modo , consideratur per se à metaphysico , & per accidens à logico , in quantum est fundamentum generis pro formali . Secundo modo consideratur per se à logico tantum , & per accidens à metaphysico . Tertio modo , à nullo consideratur ; quia cum sit ens per accidens , de eo nequit esse diffinitio , vel scientia .

Secundo notandum , ex eodem Doct. ibidem . Genus pro formali , dupliciter sumi posse , scilicet in abstracto , & in concreto . Primo modo significat secundam intentionem generis , abstractentem à primâ , scilicet prædicari de pluribus differentiibus specie in quid , abstractentem ab animali cognito comparatiuè in ordine ad sua inferiora . Secundo modo importat eandem secundam intentionem concernentem primam ; & de genere hoc modo accepto est sermo in proposito ; quia logicus considerat secundas intentiones , applicabiles primis intentionibus , idest concernentes primas .

Tertio notandum , ex eodem ibidem ; quod cum prædicati , prædicatum , & prædicabile veniant à verbo prædicor , prædicaris , quod est nomen entis rationis , per se competunt tantum secundis intentionibus , & per accidens primis ; ita esse , cum detrahetur à verbo sum , es , est , quod est nomen substantiale , per se conuenit primis intentionibus . per accidens verò secundis , prout nimirum gerunt vicem primarum intentionum . Itæ enim propositiones sunt per accidens : genus est vniuersale ; genus est

lpe-

species; hæc verò per se: genus prædicatur de pluribus: species prædicatur de pluribus. Similiter, hæc est per se: homo est animal; hæc verò per accidens: animal prædicatur de homine, leone, equo &c. ex quibus sequitur, prædicationem signatam, cum fiat per verbum prædicari, dici, vel aliud æquiualens, tantum per se competere secundis intentionibus, & per accidens primis: Prædicationem verò exercitam, cum fiat per verbum est, tantum conuenire per se primis intentionibus, per accidens, verò secundis.

Quarto notandum, ex eodem ibidem; quod cum secundæ intentiones concretivæ sumptæ, supponant pro primis; vt genus supponit pro animali cognito, sicut album pro pariete, licet principaliter significant secundam intentionem; sicut album, de principali significato importat albedinem, & secundariò subiectum eiusdem, à prædicatione in secundis intentionibus ad exercitam in primis, valet consequentia dicens: genus prædicatur de speciebus; ergo homo est animal, leo est animal, &c. licet à signata ad exercitam, non valet consequentia formalis in eisdem terminis, siue primæ, siue secundæ intentionis; vnde non sequitur: genus prædicatur de specie; ergo species est genus. Dicitur notanter, non valere consequentiam formalem; quia loquendo de consequentia materiali, tenet argumentatio, etiam in eisdem terminis; valet enim dicere: animal prædicatur de homine; ergo homo est animal. Hoc autem verificatur solum ratione identitatis, vel inclusionis essentialis prædicati in subiecto; animal enim includitur essentialiter in homine. Similiter etiam hoc argumentum. Omne risibile est animal; omnis homo est animal; ergo omnis homo est risibilis, vel omne risibile est homo. Quia valet tantum ratione identitatis risibilis cum homine, & ratione inclusionis animalis in utriusque, cum consequentia non sit formalis; nam in secunda figura, ex puris affirmatiuis nihil sequitur de forma, licet aliquid sequatur de materia, vt exemplificatum est.

Ex his, fit prima Conclusio. Per hanc diffinitionem. Genus est quod prædicatur de pluribus differentibus specie in quid. Non diffinitur genus pro prima intentione, sed

res substracta generi pro secunda intentione. Probatur sic à Doctore. Illud, quod diffinitur hic, debet conuenire vniocce rebus omnium generum; sed nulla res substracta, seu pro prima intentione, huiusmodi potest esse; ergo. Maior patet. Quia genera debent habere hanc diffinitionem. Minor probatur. Quia nulla res, communis rebus omnium generum datur, præter ens; sed hoc tale non est vniocum logicè decem prædicamentis, cum non sit limitatum, sed illimitatum ad illa; ergo &c.

Si dicatur, negando maiorem, & ad probationem dicendo, non requiri, vt illa res, quæ hic diffinitur, habeat vnitatem vniocationis logicæ, sed sufficit, vt habeat vnitatem proportionis rebus omnium generum.

Contra. Quia id, quod diffinitur hic, & alibi, debet habere vnum genus, & similiter vnam differentiam contrahentem tale genus; siquidem diffinitio constat ex genere, & differentia; sed illa quæ habent vnitatem proportionis, non habent aliquod vnum genus commune, nec vnam differentiam contrahentem; ergo &c. Minor probatur. Quia rebus diuersorum generum, non datur aliquod vnum genus commune proximum, & vna differentia; sed illa, quæ habent vnitatem proportionis sæpe sunt diuersorum generum, vt patet in his; sicut se habet animal ad hominem, & leonem, ita color ad album, & nigrum, quæ sunt diuersorum generum, & tamen proportionantur ad inuicem; ergo illa, quæ habent vnitatem proportionis, vt plurimum non habent aliquod genus commune, vt possint diffiniri. Secundo probatur conclusio. Nullum ens per accidens diffinitur, ex Philosopho, primo post. & 7. Meth. sed genus pro prima intentione, vt sublatum secundæ, est ens per accidens, cum dicat aggregatum ex prima & secunda intentione, & sic ex absoluto, & respectiuo; ergo &c.

Secunda Conclusio. Genus pro aggregato, hic non est diffinitum. Probatur. Quia ens per accidens non potest diffiniri, cum non habeat vnitatem vniocationis logicæ saltem; sed genus vt includit primam, & secundam intentionem simul, est ens per accidens, quia dicit aggregatum ex enterationis absoluto, cuiusmodi est prima intentio, & respectiuo, qualiter est secunda

intentio ; ergo vt sic , nequit diffiniri .

Tertia Conclusio. Diffinitum in hac diffinitione est Genus proformali, idest pro secunda intentione, non in abstracto, sed in concreto. Probatur. Quia illud hic diffinitur, cui per se primo inest hæc diffinitio ; sed generi pro secunda intentione concretum sumpto, tantum per se inest hæc diffinitio ; ergo &c. Minor probatur. Quia diffinitio datur per prædicari de pluribus ; sed ly prædicari, tantum per se conuenit secundis intentionibus, & per accidens primis, vt diximus not. 3. ergo tantum generi pro secunda intentione per se conuenit hæc diffinitio. Secunda pars probatur. Id solum diffinitur hic, quod per se consideratur à logico ; sed solum genus pro secunda intentione inconcreto, & non in abstracto, consideratur per se à logico ; ergo tale solum hic diffinitur. Maior patet. Quia modus considerandi, sumitur à modo diffiniendi, ex Philosopho, sexto Meth. t. c. 2. Minor patet ex Auicenna, & Boetio dicentibus, logicum considerare secundas intentiones applicatas primis ; ergo, & genus applicatum, verbi gratia animali cognito : sed vt sic, sumitur genus in concreto ; ergo &c. Confirmatur. Quia secundæ intentiones in abstracto considerantur à Methaphysico, qui considerat omnium entium quiditates ; sed secundæ intentiones in abstracto sumptæ, accipiuntur secundum suas quiditates ; ergo non considerantur à logico.

Obijcies tamen primo contra hanc conclusionem. Illud, quod diffinitur hic, prædicatur in quid de re ; sed nulla intentio prædicatur in quid de re ; ergo nulla intentio hic diffinitur, & per consequens nec genus pro secunda intentione accipitur. Maior patet ex diffinitione generis. Minor probatur. Quia nullum accidens prædicatur in quid de re ; sed omnis secunda intentio est accidens ; ergo nulla secunda intentio prædicatur in quid de re.

Respondetur, Maiorem, & eius probationem esse veram. si ly in quid, determinat in hærens, idest prædicatur ; quia tunc est sensus, quod prædicari in quid, competit intentioni, quæ hic diffinitur, per se, vt distinguitur contra per accidens, non tamen quiditativè de re, sed denominatiuè solum ; falsam verò ly in quid, determinat in hæ-

rentiam, idest totam propositionem ; quia tunc esset sensus, hic diffiniri intentionem, quæ esset de quiditate rei, quod est falsum ; quia nulla secunda intentio est de quiditate rei, seu primæ intentionis.

Vel dicendum secundo, maiorem esse veram de prædicatione signata, non de exercita ; minorem verò esse falsam de prædicatione signata, veram de exercita ; modo hic est sermo de prædicatione signata, & non de exercita.

Obijciunt secundo. Illud, quo l diffinitur hic, prædicatur de pluribus differentibus specie in quid ; sed genus pro secunda intentione non prædicatur de pluribus differentibus specie in quid, quia prædicatur tantum de hoc, & illo genere, vt applicatur, verbi gratia, animali cognito, & colori cognito, quæ differunt numero, & non specie ; ergo.

Respondetur ex Doctore Subtili, vt ad præcedens ; maiorem esse veram, prout ly in quid, determinat in hærens, non tamen prout determinat in hærentiam. Quia propositiones, in quibus prædicantur intentiones, non sunt quiditativæ, nisi respectu huius, & illius intentionis, quæ differunt tantum numero ; modo cum dicimus, genus prædicari de pluribus differentibus specie in quid ; debet intelligi, prout ly in quid, determinat in hærens, scilicet ly prædicari, vt li sensus, quod prædicari in quid, conuenit vni naturæ, quæ habet sub se plures species, quod est verum.

Vel dicendum secundo. Maiorem esse veram de prædicatione signata, falsam de exercita ; & minorem esse falsam de signata, veram de exercita ; modo prædicta diffinitio intelligenda est de prædicatione signata, non de exercita.

Obijcies tertio. Genus, quod hic diffinitur, prædicatur in quid de specie ; sed genus pro secunda intentione non prædicatur in quid de specie, cum sint duæ species disparatæ, contentæ sub vniuersali in communi ; ergo hic non diffinitur genus pro secunda intentione.

Respondetur, minorem esse veram, prout ly in quid, determinat in hærentiam, non tamen vt determinat in hærens ; quia sic genus, quævis secunda intentio disparata, cum specie potest prædicari de illa in quid de-

denominatiuè , vt dictum est in Tractat. secundarum Intentionum , cap. ultimo.

Vel dicendum secundo. Minorem esse veram de prædicatione exercita ; quia hæc est falsa : species est genus : falsam tamen de signata ; quia sic secunda intentio disparata , potest prædicari etiam in quid de sua disparata ; quia tunc ly in quid prædicari , accipitur , vt modus , non vt quid.

Obijcies quarto Porphyrium , cap. de Genere , exemplificantem de animali respectu generis , de homine respectu speciei ; ergo signum est hic diffiniti genus pro prima intentione , scilicet natura communis substracta generi ; aliter exempla non essent ad propositum.

Respondetur , negando consequentiam. Nam Porphyrius exemplificauit de genere , & specie pro prima intentione , non quod tradiderit de illis diffinitiones , sed vt cum illa sint nobis manifestiora , magis etiam conducant ad cognitionem secundarum intentionum ; siquidem exempla dantur , non quod ita sint , sed vt audientes addiscant .

Obijcies quinto. Concretum supponit pro supposito , si est substantiale ; vel pro subiecto , si est accidentale , vt patet de albo , quod supponit pro pariete , vel ligno ; ergo si genus hic diffinitur in concreto , dicendum est diffiniri naturam communem substractam generi pro secunda intentione , & non intentionem ipsam .

Respondetur , maiorem esse veram de concreto pro materiali sumpto , non tamen pro formali ; quia sic importat formam concernentem suppositum , vel subiectum ; modò hic diffinitur genus in concreto , pro formali accepto , vt dictum est notabili primo , & secundo : vt sic enim significat secundam intentionem , scilicet prædicari de pluribus differentibus specie in quid ;

concernentem naturam cognitam , verbi gratia animalis , in ordine ad suas species , scilicet hominem , leonem , equum , &c.

Vtrum Diffinitio Generis , per prædicari de pluribus differentibus specie in quid , sit conuenienter data à Porphyrio?

QVÆSTIO II.

Hanc diffinitionem esse descriptiuam defendunt multi , tum moderni , tum Antiqui ; vt Atmonius , Albertus Magn. tractat. 3. Prædicab. cap. 34. Sotus hic , quæst. vn. §. Vltimo. Toletus , quæst. 2. Rouius , quæst. 3. Conimbr. quæst. 1. art. 2. & omnes , qui docent , prædicari de pluribus esse passionem vniuersalis , & non quiditatem illius .

Oppositum tamen docent D. Thom. de ente , & essentia , c. 4. vbi Caietanus : & hic , q. prima de genere. Scotus , quæst. 15. Vniuersalium , quem sequuntur omnes Scotista ; licet Mastrius hic videatur dubitare ; si quidem cum superius docuerit , vniuersale constitui per esse vnum in multis , & prædicari de multis esse passionem eiusdem , habet dicere consequenter ad illa , hanc diffinitionem non esse quiditatuam , sed descriptiuam . Tamen , nè videatur aberrare à Magistro , facietur , & ipse verbis , esse quiditatuam , saltem per additamentum . Quod , vt fiat manifestius , & euerti possit opposita sententia .

Primo notandum est , seu potius memorie reuocandum id totum , quod de duplici diffinitione , scilicet quid nominis , & quid rei , tradidimus in primo Antepredicamento in generali , in Summul. tract. primo , sect. tertia . Siquidem hic loquimur de diffinitione quid rei , & non de quid nominis .

Secundo Notandum est , diffinitionem quid rei esse duplicem , scilicet quiditatuam , & descriptiuam . Prior datur per essentialia , quibus indicatur quiditas , & essentia rei diffinitæ , vt hæc . Homo est animal rationale . Indicat apertè naturam hominis per genus , & differentiam , scilicet per animal , & rationale . Posterior verò datur per aliquod , quod non est de essentia rei diffinitæ , sed vel eius passio , vel accidens commune . Vt homo est animal risibile . Nā licet animal explicet partē essentia hominis potentia , tamē risibile , cum sit passio , non

non pertinet ad eius quiditatem: similiter in hac. Homo est animal disciplinæ capax. Indicatur natura hominis per aliquid, quod sibi accidit, scilicet per esse capax disciplinæ.

Tertio notandum est, utramque diffinitionē esse duplicem, scilicet puram, & non puram. Diffinitio purē quiditativa est illa; in qua nihil ponitur impertinens ad essentiam rei diffinitæ; & ista datur per genus, & differentiam duntaxat. Vt homo est animal rationale. Diffinitio vērō non purē quiditativa est illa, in qua ponitur aliquid impertinens ad essentiam rei diffinitæ, vt ista. Albedo est color disgregatiuus visus. In qua ponitur ly visus, qui non pertinet ad essentiam albedinis. Siquidem perfectē manifestatur per esse colorem disgregatiuum. Additur tamen ly visus, tamquam terminus, ad quem tendit disgregatio, vt quietetur intellectus super relatione, quam dicit disgregatio. Diffinitio pure descriptiua, est oratio indicans esse rei per accidentia, omnibus, vel saltem pluribus communia. Vt homo est animal bipes, locutionis capax. Quia esse animal, & locutionis capax, non tantum homini, sed etiam auius competit, vt patet de pſittaco, pica, & alijs. Diffinitio descriptiua non purē, est oratio indicans esse rei per genus, & accidens proprium. Vt homo est animal risibile. In proposito nostro; cum in hac diffinitione nil ponatur impertinens ad explicandam naturam, & essentiam generis quia ly prædicari de pluribus, quod est diffinitio vniuersalis, ponitur tamquam genus, liquidam diffinitio, & diffinitum dicunt eandem omnino essentiam; & ly differentibus specie, & in quid, ponuntur loco differentiar; quia per illas particulas constituitur genus iuxta rationem generis, & distinguitur à quo cumque non est genus, vt videmus in sequentibus questionibus ideo dicendum est, huiusmodi diffinitionem esse quiditativam, & non descriptivam.

Quarto notandum est, requiri tres conditiones ad quamlibet bonam diffinitionem: & prima est, quod diffinitio constet ex genere, & differentia. Secunda, quod conueniat soli diffinito; & tertia quod conueniat omni contento sub diffinito. Modò diffinitio generis iam posita, est bona, quia habet omnes has conditiones. Primam ha-

bet: quia ly prædicari de pluribus, tenet locum generis, & ly de differentibus specie, & in quid, locum differentiar; quia per primam differt genus à specie; & per secundam, à cæteris vniuersalibus, quæ non prædicantur in quid, sed in quale. Habet secundam: quia conuenit soli generi, vt patet discurrendo per singula vniuersalia: Tertiam similiter habet; quia nullum reperitur genus, quod non prædicetur de pluribus differentibus specie in quid. Cum igitur in hac diffinitione data à Porphyrio, nihil diminutum, aut superfluum reperiatur, sed omnia generis naturæ consona sint posita, concludendum est, esse diffinitionem conuenienter assignatam.

Ex his, fit prima Conclusio. Hæc diffinitio. Genus est, quod prædicatur de pluribus differentibus specie in quid; non est descriptina, sed quiditativa. Probatur prima pars sic. Quia ratio, quam significat nomen, est diffinitio, & non descriptio, ex Aristotele, quarto Meth. c. 28. Sed hæc diffinitio est ratio, quam significat nomen generis; ergo non est descriptio. Minor est Porphyrij, cap. de specie dicentis. Necessè est in vtrorumque rationibus, scilicet generis, & speciei, vtriusque vti; ergo hæc diffinitio, scilicet prædicari de pluribus differentibus specie, est ratio eius, quod significat genus. Secundo sic. Descriptio est, quæ conuertitur cum eo cuius est, & tamquam accidens proprium, prædicatur de eius subiecto; sed hæc ratio generis conuertitur cum genere, & non tamquam accidens proprium, sed vt essentialiter sibi; ergo talis ratio non est descriptio. Maior patet. Minoris prima pars probatur. Quia valet dicere: omne quod prædicatur de pluribus differentibus specie in quid, est genus; & omne genus prædicatur de pluribus differentibus specie in quid. Minoris secunda pars etiā probatur. Quia superius conuertitur essentialiter cum inferiori, cum sit de eius essentia; sed ly prædicari de pluribus, & ly in quid, quæ ponuntur in hac diffinitione, sunt superiora ad genus; ergo &c. Minor probatur. Quia prædicari de pluribus est diffinitio vniuersalis, quod est superius ad omnia vniuersalia, & ly in quid, est differentia essentialis diuidentis simul cum in quale ly prædicari de pluribus; ergo sunt superiora ad genus; & sic conuertuntur, vt essentialia, & non vt

accidentia cum illo. Tercio sic. Ratio, quæ est ex prædicatis, in quorum diffinitione non cadit per se subiectum, & sit conuertibilis cum diffinito, non est descriptio, sed vera diffinitio, ex Aristotele, 7. Meth. r. c. 11. & 12. sed hæc ratio generis est huiusmodi; quia prædicata ex quibus constat, sunt prædicabile, & in quid, in quorum diffinitione non cadit genus, quod est diffinitum per talia prædicata, aliter idem esset diffinitio, & diffinitum, quod est contra Aristotelem loco citato, ergo. Secunda pars probatur. Quia quælibet ratio constans ex genere, & differentia, est diffinitio quiditativa, ex Aristotele, 7. Meth. t. c. 43. & sexto Topicorum, dicente; nihil aliud est in diffinitione, præter primum dictum genus, & differentia; sed hæc ratio generis est huiusmodi; quia ly prædicari de pluribus, est genus; & ly de differentibus specie, & in quid, sunt differentie, ut dictum est in not. 3. & 4; ergo est diffinitio quiditativa.

Secunda Conclusio. Hæc diffinitio Generis, est conuenienter data à Porphyrio. Probatur ex quarto notat. Quia habet omnes conditiones bonæ diffinitionis, quas recenset Aristoteles, septimo Meth. t. c. 43. per totum; ergo est bona, & conuenienter assignata; siquidem nihil aliud desideratur.

Obijcies primo. In omni bona diffinitione accidentis debet poni substantia, vel aliquid pertinens ad substantiam; sed in diffinitione generis, nec ponitur substantia, nec aliquid pertinens ad substantiam; ergo. Maior est Philosophi, septimo Meth. t. c. 4. Minor est manifesta.

Respondetur. Maiorem esse veram, cum sua probatione de accidente reali, quod dependet in fieri, & conservari à substantia, non tamen de accidente rationis, cuiusmodi est genus, quod in suo esse, & fieri, solum pendet ab intellectu, sumpta tamen occasione à re cognita.

Obijcies secundo. Nullum concretum diffinitur; sed genus, ex præcedenti questione, hic sumitur in concreto; ergo non diffinitur, sed describitur. Maior probatur dupliciter. Primo sic. Quia quæcumque verè diffiniuntur, habent quodquid est idem sibi, ex Aristotele, 7. Methaph. t. c. 20. & 21. Sed nullum concretum habet quodquid est idem sibi, ex eodem ibidem dicente. In

concretis accidentalibus, id est dictis secundum accidens, non est idem quodquid est, cum eo cuius est; quia illa non diffiniuntur. Secundo probatur illa maior. Quia quicquid diffinitur, est in genere; sed nullum concretum est in genere, ex Aristotele, tertio Topicorum, cap. primo, ubi dicit. Iustitiam magis eligendam esse, quam iustum; quia magis eligendum est, quod est in genere, quam quod non est in genere. Sed iustitia est abstractum, & iustum concretum; ergo concretum non est in genere.

Respondetur, negando maiorem. Ad primam probationem, nego minorem. Ad cuius probationem dico, Philosophum loqui de concretis aggregantibus in se diuersas naturas, id est res diuersorum generum; ut homo albus, vel album, prout significat subiectum, & accidens simul; non tamen de concretis pro formali sumptis; quia tunc non aggregant diuersas naturas, sed dicunt formam concernentem subiectum. Modò genus diffinitur in concreto, pro formali acceptum, non pro aggregato ex prima, & secunda intentione.

Ad secundam probationem, nego minorem. Ad probationem eiusdem dico, genus esse duplex, scilicet virtutis, & prædicabile. Primum dicitur id, quod facili habentem bonum, ut dicit Philosophus, tertio, Ethic. c. 6. & est idem, quod virtus. Secundum est, quod diffinitur à Porphyrio, cap. de Genere, per esse prædicabile de pluribus differentibus specie in quid. Modò iustitia, quæ est abstractum, dicitur esse in genere primo modo accepto, & non iustum, quod est concretum; dicuntur tamen ambo esse in genere secundo modo; & sic utrumque posse diffiniri.

Obijcies tertio. Omnis bona diffinitio debet dari per priora, & notiora diffinito, ex Aristotele, sexto Topic. cap. secundo, & quarto; ubi dicit dari diffinitionem, ut sit ratio innotescendi diffinitum, quod nequit fieri per ea, quæ sunt posteriora, & ignotiora diffinito; sed hæc diffinitio datur per speciem, quæ non est prior, nec notior ipso genere, imò posterior eo, ut patet, ergo.

Respondetur communiter, maiorem, & probationem esse veram de differentia entis absoluti, non tamen relatiui; quia hæc potest dari per posterius diffinito, scilicet per

per terminum; imò natura relatiui, ita expofcit, vt diffiniatur per fuum correlatiuum, dicente Porphyrio, cap. de fpecie, necesse eſſe in vtrorūque rationibus, vtriſque vti; modo genus, cum fit relatiuum rationis, bene poterit diffiniri per ſpeciem, tamquam per fuum correlatiuum.

Contra. Quia hæc reſponſio eſt mera euafio; ſiquidem cum quælibet diffinitio quiditativa ſit oratio indicans eſſe rei per eſſentialia, debet dari per priora, & notiora diffinito; aliter non indicaret naturam rei diffinitæ, ſed ignotum haberetur per ignotum, vel ſaltem per æquè notum; quod eſt contra Ariſtoelem, primo poſt. cap. primo, & ſecundo, dicentem; demonſtrationem, cuius altera præmiſſarum eſt diffinitio, ex eodem, ſecundo poſt. c. 17. debere conſtare ex prioribus, notioribus, cauſisque conſiſſionis; ergo cum diffinitio relatiui ſit vera diffinitio indicatiua naturæ eius, debet paſſiſſe dari per priora, & notiora diffinito.

Reſpondetur igitur ſecundo ad argumentum, ex doctrina Doct. Subt. in primo ſent. d. 30. quæſt. 1. & 2. ſit. G. Relatiuum diffiniri, non per correlatiuum; quia cum ſint ſimul natura, vnum non eſt notius alio; ſed per terminum ſui correlatiui, quod eſt ens abſolutum, ac proinde prius, ac notius relatiuo. Modò cum dicitur, genus, quod eſt relatiuum, diffiniri per ſpeciem; dicendum eſt, accipi ſpeciem ibi, non formaliter pro ſecunda intentione, quatenus eſt correlatiua generi, ſed pro fundamento ſecundæ intentionis, quæ cum neceſſariò habeat præcognoscei antequam ſibi applicetur intentio ſpeciei, bene poterit diffiniri genus, tamquam per prius, & notius illo.

Obijcies quarto. Illa diffinitio non eſt bona, in qua comittitur nugatio, ex Ariſtoele, ſexto Top. cap. primo, & primo Elenchorum cap. 13. ſed in diffinitione generis comittitur nugatio; ergo non eſt bona. Minor probatur. Quia tunc comittitur nugatio, cum præponitur ſuperius inferiori ex eadem parte, ex Philoſopho, ſexto Topic. cap. 3 & 7. Meth. c. 43. ſed in hac diffinitione præponitur ſuperius inferiori; ergo. Minor probatur. Quia in hac diffinitione præponitur ly pluribus, ad ly differentiis; ſed plura ſunt ſuperiora ad differentia, ex

Philopho, 5. & 10. methaphyſ. t. c. 10. 12. 17. vbi dicit, differentia includere multitudinem, ſeu pluralitatem, ſicut ſpecies ſuum genus; ergo plura, ſunt ſuperiora ad differentia.

Reſpondetur, nugationem eſſe ex eadem parte orationis inutilem repetitionem; vt cum dicitur, homo homo currit; hæc autem repetitio inutilis, poteſt fieri dupliciter, vno modo replicando idem ſecundum totum: vt homo homo currit; alio modo idem ſecundum partem, vt dicendo, animal homo currit. Siquidem hic replicatur tantum vna pars hominis, ſcilicet animal. Dicitur tamen inutilis repetitio in vtroque; quia ſi idem bis repeteretur ad maiorem expreſſionem laudis, vel vituperij, aut ad emphafiſm locutionis, non eſſet nugatio; quia non eſſet inutilis repetitio. Similiter, ſi idem repeteretur, vt eſſet expoſitio alterius, vel eandem, tunc non eſſet nugatio, vt dicendo, animal homo currit; quia tunc eſſet ſentus, quod non omne animal currit, ſed tantum illud, quod eſt in homine. In propoſito, quauis ly pluribus in quodam ſuperius ad ly differentiis, cum tamen ly differentiis, ponatur ad expoſitionem de ly pluribus, quia tunc denotatur genus prædicari quidem de pluribus, ſed non de omnibus, quæ ſub illis continentur, verùm de illis tantum, quæ differentia dicuntur; ideo nulla comittitur nugatio.

Formaliter ad argumentum dico, negando minorem. Ad probationem dico, maiorem eſſe veram, quando vnum non ponitur ad expoſitionem aliterius, ſed inutiliter repetitur; modo ly differentiis, ponitur in huiusmodi diffinitione ad expoſitionem de ly pluribus; ac proinde non ſequitur nugatio. Et reſtat, vt ſit bona diffinitio, & conuenienter assignata a Porphyrio.

Utrum hæc Propoſitio. Homo eſt animal, & conſimiles, ſint vera, & per ſe?

QVÆSTIO IIL

PRæſuppoſita veritate huius propoſitionis. Genus eſt, quod prædicatur de ſpeciebus, loquendo in actu ſignato; modo quæ-

quærit, an valeat consequentia à prædicatione signata generis de specie in terminis secundarum intentionum, ad exercitam in terminis primæ intentionis, id est. Vtrum sicut hæc est vera. Genus prædicatur de specie per se, ita hæc sit vera: homo est animal, & consimiles, an sint per se. Circa quas, cum nulla addit controuersia, statim ad decisionem quæstionis accedere debemus, ostendendo, paucis notatis, eius veritatem, ac perfectitatem.

Primo igitur notandum est, quod superius diximus, q. 7. & 8. de Vniuersali in communi, duplicem esse propositionem, scilicet veram, & falsam. Veram, adhuc duplicem, scilicet per se, & per accedens, restringendo propositionem per se ad primum, & secundum modum tantum dicendi per se; nam alij duo modi non sunt proprii modi prædicandi per se, sed tertius, est per se essendi, & quartus per se inherendi.

Secundo notandum, & memoriæ reuocandum, quod superius notauimus, scilicet quod homo potest tripliciter considerari, scilicet secundum esse materiale, quod habet in suis indiuiduis, secundum esse cognitum ab intellectu, & secundum esse quidditatum, hoc est, ut sibi conueniunt prædicata quidditativa, de quo solum est sermo in proposito.

Tertio notandum. Animal multipliciter diffiniri; communiter tamé acceptatur diffinitio Aristotelis, quæ tradit tertio de anima, t. c. 63. scilicet quod sit corpus animatum sensibile, seu ut alijs placet, substantia animata sensibilis. In qua diffinitione ponitur ly corpus, seu substantia animata, ut genus, cui in arbore prædicamentali immediate subest animal, tamquam species subalterna, & ly sensibile, est differentia, quæ contrahit corpus animatum; quod secundum se, omnia animata, siue sensibilia, ut sunt animalia, siue insensibilia, ut sunt plantæ, comprehendit; & ad sensibilia, scilicet ad animalia, ipsum coarctat, ac restringit.

Quarto notandum est, ista se habere per ordinem in arbore prædicamentali, scilicet indiuiduū, ut Petrus; species specialissima, ut homo; species subalterna, & genus subalternum, ut animal, corpus animatum, corpus; & tandem genus generalissimum,

ut substantia. Ethic ordo est essentialis; nam superius, semper includitur in inferiori, quia corpus includit essentialiter substantiam; corpus animatum, includit corpus, & substantiam; & tandem Petrus, includit hominem, animal, corpus animatum, corpus, & substantiam. Quia sicut hæc sunt veræ; corpus est substantia; corpus animatum est corpus; animal est corpus animatum, ita hæc est vera. Petrus est homo, animal, corpus animatum, corpus, & substantia. Cum igitur homo ponatur immediate sub animali in recta linea, & ipsum includat, etiam ista erit vera: homo est animal, corpus animatum, corpus, & substantia.

Ex his, fit prima conclusio. Hæc propositio: homo est animal; est vera, & consimiles pariter: ut animal est corpus animatum, corpus animatum est corpus, corpus est substantia, sunt veræ. Probatur. Quia illa propositio est vera, in qua significatur, prædicatum conuenire subiecto, sicut est in se, ex Aristotele, 9. Methaph. t. c. 21. dicente, veritatem propositionis sumi à veritate rei: Sed hæc propositio, homo est animal, & consimiles, sunt huiusmodi; quia, ut dictum est not. quarto, superius includitur essentialiter in inferiori; ergo cum prædicata ita se habeant in re, ita se habebunt in prædicatione, & sic erunt veræ: homo est animal, animal est corpus animatum, & consimiles.

Secunda Conclusio. Hæc propositio: homo est animal, & consimiles, sunt per se primo modo. Probatur. Quia illa propositio est per se primo modo, in qua prædicatur superius de inferiori: sed in hac propositione, & consimilibus, superius prædicatur de inferiori: ergo. Maior patet ex Aristotele, primo Post. c. 4. Minor est clara, ex quarto notabili.

Obijcies primo, contra primam conclusionem. Nulla pars prædicatur de toto in recto: sed genus est pars speciei, & homo est species, & animal est genus: ergo animal non prædicatur verè de homine. Maior est Philosophi, quarto Topic. cap. 2. Minor similiter est eiusdem, quinto Methaph. capit. de toto, t. c. 30. 33. & etiam probatur. Quia quod est pars diffinitionis, est etiam pars diffiniti: sed genus est pars diffi-

diffinitionis, ex Philosopho, 7. Meth. t. c. 43. ergo &c.

Respondetur, partem dupliciter accipi; vno modo per modum partis, & in abstracto; alio modo per modum totius, & in concreto. Vt animal, consideratur per modum partis, cum est pars diffinitionis hominis, & sumitur in abstracto, scilicet pro animalitate; consideratur verò per modum totius, quando accipitur, vt est superius inclusum in suo inferiori, & in concreto, prout significat animalitatem concernentem suppositum, scilicet hoc animal. Primo modo, pars nequit predicari de toto in recto, sed bene secundo modo. Et sic ad formam argumenti dico, maiorem esse veram de parte accepta per modum partis, & in abstracto, non tamen de parte accepta per modum totius, & in concreto; modo animal prædicatur de homine, & genus de specie secundo modo, non primo modo. Ità soluitur secundum argumentum Scoti in litera, cum dicitur. Materia non prædicatur de eo cuius est materia; sed genus est materia speciei &c. Siquidem ly materia, sumitur in concreto, & in abstracto; primo modo prædicatur de toto, secundo modo non prædicatur &c.

Contra Si animal in concreto de homine, & genus de specie prædicatur in concreto, sequitur, quod tantum denominatiue prædicantur; sed hoc est falsum, ex quarto notabili, & secunda conclusione; ergo. Sequela maioris probatur. Quia concretum, & denominatiuum sunt idem; siquidem ambo cadunt à recto, vt patet de albo, & albedine, iusto, & iustitia, quæ dicuntur concreta, & denominatiua.

Respondetur, negando sequelam maioris. Ad probationem dico, esse veram de concretis accidentalibus, non tamen de substantialibus; siquidem priora cum concernant subiecta, nequeunt prædicari plusquam accidentaliter, & denominatiue, at posteriora, quia concernunt supposita, in quibus essentialiter includuntur, bene prædicantur quiditatiue: quæ autem sint concreta substantialia, & accidentalia, à subiecto, & à supposito, diximus in quæst. An logica sit scientia; & in Summulis, in cap de Denominatiuis: modo cum animal, & genus sint concreta substantialia, & non accidentalia, respectum suorum inferiorum

benè prædicantur de illis verè, & quiditatiue.

Obijcies secundo. Si hæc est vera; homo est animal; etiam ista erit vera; humanitas est animalitas; sed hæc est falsa; ergo & illa. Sequela maioris probatur dupliciter. Primo. Quia à cōcretis per se, ad abstracta per se, valet consequentia, ex Doct. Subt. q. 1. Vniuers. sed homo, & animal sunt concreta per se, & humanitas, & animalitas sunt abstracta per se; ergo valet consequentia, &c. Secundo. Quia omnis prædicatio per se in concretis, tenet ratione essentiae significata; ergo perfectius tenet vbi verius significatur essentia; sed in abstractis verius significatur essentia, quam in concretis; ergo si est vera prædicatio in concretis, & per se, verior, & per se erit in abstractis; Maior patet. Quia idēd hæc est vera; homo est animal; quia natura animalis includitur in homine, & non quia animal concernit suppositum, scilicet hoc animal, hominem videlicet. Minor etiam patet. Quia essentia in abstractis, significatur sine concernentia, seu dependentia ad suppositum, vel subiectum. Minor primi syllogismi probatur. Quia si hæc est vera; humanitas est animalitas; ergo etiam ista erit per se vera; rationalitas est animalitas, quia humanitas, & rationalitas sunt idem per se; sed consequens est falsum; quia genus, siue in abstracto, siue in concreto, non prædicatur per se de differentia, ex Aristotele, sexto Topic. c. 8 & tertio Methaph. t. c. 10, ergo & antecedens.

Respondetur negando sequelam maioris. Ad probationem primam dico, maiorem esse veram de concretis, & abstractis à subiecto, non vltimatis, non tamen à suppositis, sicut sunt animal, & homo, humanitas, & animalitas, quæ sunt vltimate abstracta; siquidem in tantum animal prædicatur de homine, quia ipsum concernit; at quia humanitas, & animalitas sunt vltimate abstracta, & non se concernunt ad inuicem, idēd nequeunt de se prædicari verè, & per se. Ad secundam probationem, negatur antecedens cum sua probatione, quia prædicatio concreti de concreto est vera, quia vnum concernit aliud; si essentialiter, est per se; si accidentaliter, per accidens, & denominatiue; cum igitur animalitas non concernat humanitatem, sed vtraque
fit

sit abstracta à suppositis, sequitur non posse prædicari de se inuicem per se, & verè.

Obijcies tertio. Illa propositio est falsa. in qua prædicatum, & subiectum accipiuntur sub oppositis modis significandi, vt patet de hac; albedo est alba; quæ est falsa. Quia albedo significat in abstracto, & ly alba, in concreto, qui sunt modi oppositi; sed homo, & animal in hac propositione, sumuntur sub oppositis modis significandi; quia homo, sub modo speciei, & animal, sub modo generis, quæ sunt relatiuè opposita; ergo hæc est falsa; homo est animal.

Respondetur ex Doct. hic, & in Grammatica speculatiua, modos sub quibus vnaquæque res concipi valet, esse in duplici differentia; quidam enim dicuntur modi significandi; quidam verò intelligendi. Prioribus sunt grammaticales, & sunt quædam proprietates, attributæ vocibus ex impositione Grammaticorum; vt sunt concretum abstractum, numerus pluralis, singularis, casus, persona &c. sub quibus dictiones significant; & cum tales sint inseparabiles à suis vocibus, nequeunt voces significare sub oppositis modis significandi; vt si vox est concreta, nequit significare in abstracto, neque in concreto, si fuerit abstracta. Posteriores verò dicuntur modi logicales, & sunt intentiones secundæ attributæ ab intellectu rebus significatis, non in quantum per voces exprimiuntur, sed prout ab intellectu concipiuntur sub aliqua proprietate; vt sunt genus, species, differentia, subiectum, prædicatum, & similes; qui dant nobis intelligere, animal esse communicabile pluribus differentibus specie; hominem, pluribus differentibus numero; quia hic species, & sub modo speciei concipitur, & illud genus, & sub modo generis consideratur ab intellectu; & hi modi, cum sint separabiles per intellectum à rebus significatis per ipsos, bene subiectum, & prædicatum possunt intelligi sub opposito modo; quia sibi non repugnant; vt patet de animali cognito in ordine ad hominem, leonem, &c. quod intelligitur sub ratione generis, & sub ratione speciei, si comparetur ad corpus animatum; & tamen genus, & species, sunt oppositi modi intelligendi.

Formaliter ad argumentum dico. Maiorem esse veram, loquendo de modis significandi grammaticalibus, non de modis intelligendi logicalibus; modo generis, & speciei, sunt modi intelligendi logicales, qui competere possunt eidem respectu diuersorum; ac proinde, nec esse oppositi ad inuicem; & licet sint oppositi relatiuè, non officit, quin possint competere subiecto, & prædicato, iuxta diuersas conceptiones intellectus, vt dictum est.

Obijcies quarto. Sicut sequitur, homo est asinus; ergo homo est animal; ita sequitur; homo non est asinus; ergo homo non est animal; sed re vera, homo non est asinus; ergo re vera homo non est animal. Sequela maioris probatur. Sicut animal includitur in asino, data hypothese, quod homo includat in suo esse asinum, sequitur includere etiam animal; ergo sequitur, si non includit asinum, nec animal includere; quia inquit Aristoteles, primo post. r. 30. sicut affirmatio est causa affirmationis, & negatio est causa negationis; sed affirmatio asini de homine, est causa affirmationis animalis de eodem; ergo etiam negatio asini de homine, erit causa negationis animalis de homine. Secundo probatur eadem sequela maioris. Sicut se habet asinus ad non asinum, ita animal ad non animal; & permutatim. Sicut se habet asinus ad animal, ita non asinus ad non animal; sed sequitur, si homo est asinus, homo est animal; ergo etiam, si homo non est asinus, homo non est animal.

Respondetur, regulam illam Aristotelis, si affirmatio est causa affirmationis, & negatio est causa negationis, valere tantum in terminis conuertibilibus; quia valet dicere. Petrus est homo; ergo est risibilis; & Petrus non est homo; ergo non est risibilis. Non valet tamen in terminis non conuertibilibus, vt patet in argumento allato de asino, & animali; quia non conuertuntur; cum animal in plus se habeat, quam asinus. Ad quod formaliter dico, negando vltimam consequentiam sequelæ maioris, scilicet, si homo non est asinus, homo non est animal; quia regula illa, valet solum in terminis conuertibilibus; modo asinus, & animal non conuertuntur; quia licet valeat, omnis asinus est animal; non tamen conuertitur, omne animal est asinus; quia ho-

mo est animal, & tamen non est asinus.

Ad secundam probationem dico cum. Doct in primo. d. 36. lit. L. argumentum à commutata proportionem regulariter tenere tantum in quantitatibus; in alijs verò non tenet, nisi ratione oppositionis materialiter, & in terminis conuertibilibus. Ratione oppositionis valet, sic arguendo. Sicut se habet homo ad animal, ita non homo ad non animal; & permutatim. Sicut se habet homo ad non hominem, ita animal ad non animal; sed homo, & non homo opponuntur contradictoriè: ergo & animal, & non animal opponuntur contradictoriè. Ratione verò conuertibilitatis terminorum sic arguitur. Sicut se habet risibile ad hinnibile, ita homo ad equum; & permutatim. Sicut se habet risibile ad hominem, ita hinnibile ad equum: sed risibile conuertitur cum homine: ergo & hinnibile cum equo: modo cum homo, & asinus non conuertantur ad inuicem, nec cum animal, nec opponantur ad inuicem, non valet consequentia à negatione asini de homine, ad negationem animalis de homine.

Obijcies quinto. Si animal prædicatur verè de homine, aut est animal, quod est idem homini, aut animal, quod est aliud ab homine: sed neutrum est dicendum: ergo non prædicatur verè de homine. Maior patet. Quia non datur medium. Minor probatur. Non primum; quia tunc prædicatio generis de specie, esset eiusdem de se ipso, & ista: homo est animal, esset eadem ac ista: homo est homo: quod est falsum. Nec secundum. Quia prædicatum, quod est aliud à subiecto, non potest verè prædicari de subiecto, ut patet de ista: homo est asinus: quia prædicatum asinus, est aliud ab homine.

Respondetur, aliud esse prædicari de aliquo, & aliud verificari de aliquo. Illud enim quod prædicatur, nec est idem, nec aliud ab eo, de quo prædicatur, sed indifferens. Illud verò quod verificatur, debet esse aliquo modo idem illi, de quo verificatur: si essentialiter, essetialiter, si accidentaliter, accidentaliter debet esse idè illi modo animal in quantum prædicatur de homine, nec est idè, nec aliud ab homine, sed indifferens ad omnia animalia: quando verò verificatur de homine, debet esse idem illi essentialiter;

quia hæc, homo est animal, in tantum est vera, in quantum animal includitur essentialiter in homine.

Contra. Si animal prædicatur de homine, ut est indifferens ad omnia animalia; ergo quodlibet animal prædicatur de homine; & ita hæc erit vera, homo est asinus, sed consequens est falsum; quia oppositum non prædicatur de opposito; ergo, & antecedens. Sequela maioris probatur a simili. Si color prædicatur de superficie, prout indifferens ad omnes colores; ergo album, & nigrum prædicantur de superficie, aliter non diceret de superficie, ut indifferens ad omnes colores; & consequenter ad album, & nigrum; ita à simili arguitur de animali respectu hominis, si animal prædicatur de illo, ut indifferens ad omnia animalia: & sic sequitur, quod homo sit asinus, quod non est dicendum.

Respondetur, quod duplex est indifferentia, scilicet potentialis, & disiunctiva; & actualis, seu copulatiua. Prima dicitur illa, secundum quam indifferens respicit subiectum, non secundum omnia inferiora, sed secundum vnum tantum; & sic animal respicit tantum hominem; quia non omnia inferiora ad animal possunt prædicari de homine, sed idem de se ipso tantum; ut homo est homo. Secunda verò indifferentia est illa, secundum quam respicitur subiectum, non secundum se, sed etiam secundum sua inferiora; ut patet in exemplo alato de colore respectu superficie; quia non tantum color prædicatur de ea, sed etiam omnes colores inferiores, scilicet albus niger &c. Ex his.

Formaliter ad argumentum, nego sequelam maioris. Ad probationem dico, non esse paritatem; quia color est indifferens indifferentia copulatiua respectu superficie; animal verò tantum indifferentia potentiali, seu disiunctiva; atque adeò non sequitur, quodlibet animal prædicari de homine, sicut sequitur, quemlibet colorem dici de superficie.

Obijcies sexto. Si homo est animal; ergo tota natura animalis est in homine; sed consequens est falsum, ergo & antecedens. Sequela probatur. Quia si homo est animal, vel est animal secundum totum, vel secundum partem; si secundum partem: ergo homo est animal tantum secundum quid,

Quid, quod non est dicendum. Si verò secundum totum; ergo tota natura animalis est in homine, quod est intentum. Minor probatur. Quia tunc asinus non esset animal; siquidem totum, ex Philosopho, tertio physicorum, t. c. 63. est illud, extra quod nihil est; igitur si totum animal est in homine, nihil animalis erit extra hominem; & sic non erit in asino, ut possit dici; Asinus est animal, quod est omnino falsum.

Respondetur, negando minorem. Ad probationem, nego sequelam; ergo asinus non esset animal. Et cum probatur per auctoritatem Philosophi; dico, diffinitionem totius, sic esse intelligendum. Totum est, extra quod nihil est. Id est, quod requiratur ad perfectionem totius; non tamen quod sit ibi totum adæquatur, ut non possit esse in aliquo; modo totum animal est in homine; quia nihil, quod est de perfectione animalis, est extra hominem; non tamen est totum in homine, id est adæquatum homini, ita ut non sit etiam in alijs animalibus; quia cum eadem perfectione est in omnibus.

Obijciens septimo. Si hæc est vera; homo est animal; sequitur, quod etiam ista esset vera. Petrus est homo; sed hoc est falsum; ergo, & illud ex quo sequitur. Sequela maioris patet. Quia ita homo includitur essentialiter in Petro, sicut animal in homine. Minor probatur. Quia nullum incorruptibile prædicatur de corruptibili; sed homo est incorruptibilis, & Petrus est corruptibilis; ergo homo non prædicatur verè de Petro. Maior patet. Quia sunt opposita; tum etiam, quia idem esset corruptibile, & incorruptibile, quod est falsum. Minor probatur. Quia ex Philosopho, primo Post cap. species est incorruptibilis, & individuum est corruptibile, ex eodem, septimo Metaph. t. c. 53. sed homo est species, & Petrus est individuum; ergo homo non prædicatur verè de Petro; & sic est hæc falsa. Petrus est homo.

Respondetur primo. Individuum posse tripliciter accipi, ut v. g. Petrus; primo modo accipitur, ut includit tantum naturam humanam, & suam differentiam individua. Item; & sic individuum est vnum per se, constitutum ex natura communi, & differentia individuali, tamquam ex per se actu, & per se potentia; neque sic, est corruptibile, sicut nec natura humana specifica. Secundo modo sumitur, prout ultra hæc, includit etiam

accidentia communia, scilicet quatuor qualitates contrarias, scilicet humiditatem, siccitatem &c. Tertio modo, prout addit existentiam in terminis natura extra suas causas. Et his duobus modis ultimis, est ens per accidens, & corruptibile; & de illo non prædicatur homo essentialiter, dicendo. Petrus est homo.

Formaliter ad argumentum, nego minorem. Ad probationem dico, minorem, & eiusdem probationem esse veram de individuo secundo, & tertio modo accepto, non tamè de primo modo sumpto; quia sic est incorruptibile sicut species; modo homo prædicatur de Petro, accepto primo, non duobus modis ultimis.

Vel dicendum secundo Speciem, ut v. g. naturam, esse corruptibilem, & incorruptibilem; est corruptibilis, ut essentialiter in individuis, scilicet Petro, Paulo &c. est postea incorruptibilis secundum se considerata, ut abstrahit ab illis, & sibi competit tantum prædicta quiditativa; modo cum Philosophus dixit, speciem esse incorruptibilem, locutus est de specie secundum se, non tamen ut habet esse materialiter in individuis; quia sic est corruptibilis, sicut illa, in quibus est.

Obijciens octavo, contra secundam conclusionem. Si homo est per se animal; ergo homo est per se genus; sed consequens est falsum; ergo & antecedens. Consequentia probatur. Quia homo est per se animal; sed animal est per se genus; ergo homo est per se genus; ex illa Regula Antepredicamentali. Quando alterum de altero prædicatur, ut de subiecto, quæcumquè de eo, quod prædicatur, dicuntur, omnia de subiecto dicuntur. Sed per se animal prædicatur per se de homine, & genus prædicatur de animali; ergo debet prædicari de homine, quod tamen est falsum.

Respondetur, negando consequentiam. Quia committitur fallacia accidentis, arguendo a suppositione personali ad simplicem, ob diuersam variationem medij, nam ly animal, in maiori supponit personaliter; quia accipitur, ut habet esse in suppositis, seu inferioribus; in minori verò supponit simpliciter; quia accipitur, ut abstrahit ab illis, & cognoscitur comparative in ordine ad sua inferiora; quia sic tantum sibi conuenit hæc intentio generis,

Contra, & probat Doctor, quod animal accipiatur eodem modo in vtraque propositione, & sic responsionem datam, esse nullam. Quia omne, quod prædicatur, sub ratione alicuius vniuersalis prædicatur; sed animal in maiori prædicatur de homine, & non nisi sub ratione generis; ergo eodem modo accipitur in maiori, sicut in minori.

Respondetur, maiorem esse veram de prædicatione signata, non tamen de exercita; modo animal in maiori prædicatur de homine, prædicatione exercita, vt patet; quia fit per illud verbum est; igitur non sibi conuenit genus, sed extraneatur ab ipso, sicut omnes secundæ intentiones extraneantur à primis intentionibus.

Utrum illa particula, de differentiis specie, conuenienter ponatur in definitione Generis?

QVÆSTIO IV.

PRO declaratione huius difficultatis, circa quam nulla reperitur controverfia, primo notandum, ex Aristotele, quino Meth. c. 6. & 9. Meth. i. c. 10. 12. 17. ens in tota sua latitudine diuidi per vnum, & multa. Multa verò esse triplicia, scilicet eadem, differentia, & diuersa. Multa eadem, sunt duplicia, scilicet eadem accidentaliter, & quiditatiuè. Eadem accidentaliter sunt illa accidentia, quæ simul habent esse in eodem subiecto numero; vt si album, musicum, & pulchrum sunt in eodem homine, tunc dicuntur esse eadem accidentaliter inter se. Eadem verò quiditatiuè, sunt plura prædicata quiditatiua, inclusa in eodem inferiori; vt substantia, corpus, corpus animatum, animal, homo, & rationale in Francisco. Differentia verò sunt triplicia, scilicet genere, specie, & numero. Illa differunt genere, quæ in nullo genere conueniunt; vt substantia, & quantitas; quia non habent aliquod genus supra se, in quo conueniant. Illa differunt specie, quæ faciunt diuersas species, & conueniunt in aliquo genere; vt homo, & leo, Petrus, & hic leo, qui sunt diuersarum specierum; tamen omnes

conueniunt in animali, vt in suo genere. Illa tandem differunt numero, quæ faciunt diuersum numerum; vt Petrus, & Paulus, qui faciunt numerum binarium. Diuersa sunt illa, quæ nec in aliquo conueniunt, nec per aliquid differunt, sed se ipsis sunt alia; vt sunt vltimæ differentie indiuiduales, scilicet Petreitas, & Pauleitas, quibus differunt ab inuicem. Petrus, & Paulus: non differunt per alias differentias; aliter non essent vltimæ, & daretur processus in infinitum; quia esset querendum de illis differentiis, per quas alias differentias differrent; & sic daretur processus in infinitum in vltimis differentiis, quem, vt vitare possumus, quia ab ipso abhorret natura, dicendum est, vltimas differentias esse diuersas. Hic est sermo de multis, non de omnibus; sed de differentiis, non genere, vel numero, sed tantum specie.

Secundo Notandum est. Quod sicut ens absolutum est illud, quod habet suam entitatem a se, id est non in respectu ad aliud, ita differentiam quiditatiuam, quæ sit ens absolutum, & non respectuum habere debet; nam cum quiditas, saltem partialiter, habeatur à differentia quiditatiua, si fuerit absoluta quiditas non poterit constitui per relatiuum, sed solum per absolutum. Et per oppositum, sicut ens relatiuum habet suam essentiam in relatione ad aliud, id est ad suum terminum, ita differentiam quiditatiuam, per quam constituitur in esse relatiuo, respondentem de necessitate exposcit. Cum igitur Genus sit relatiuum rationis, optimè assignatur sibi differentia relatiua, scilicet de differentiis specie; quæ terminatur ad correlatiuum generis, scilicet ad speciem; per ipsam enim constituitur genus in esse generis, & differt à specie, quæ tantum de differentiis numero prædicatur.

Tertio notandum, ex Doct. Subr. in primo sent. d. 30. quæst. 1. & secunda, lit. G. & in tertio d. 8. quæst. vn. quod relatiuum non diffinitur per suum correlatiuum, sed per fundamentum sui correlatiui; nam pater non diffinitur per filium, sed per fundamentum filiationis, vt per suum terminum. Et ratio est; quia, sicut dicit Phil.

Philosophus, sexto Topicorum, capit. 2. & quarto, diffinitio debet dari per priora, & notiora diffinito; & correlatiuum non sit prius, nequē notius relatiuo; sunt enim simul natura, idest simul naturali intelligentia, ex Philosopho, in Prædicamentis, de Ad aliquid; idē non debet diffiniri per suum correlatiuum: at, cum fundamentum sui correlatiui sit prius relatiuo, quia absolutum filij, est prius patre, vt pater est; idē diffinitio relatiui debet dari per fundamentum sui correlatiui. In proposito. Cum Genus diffiniatur per speciem, non accipitur ibi species pro secunda intentione; quia ipsa non est prior, nequē notior genere, sed pro prima intentione; quæ cum non sit aliud, quam obiectum cognitum actu recto, vel reflexo, est prior, & notior ipso genere pro secunda intentione, quod per actum vltimum intellectus, scilicet per collatiuum, causatur.

Ex his, sit conclusio. Hæc particula, de differentibus specie, est bene posita in diffinitione Generis. Probat. Quia differentia est bene posita in aliqua diffinitione, ex Philosopho, septimo Methaph. t. c. 43. Sed hæc particula est posita tamquam differentia in diffinitione generis; ergo est bene posita. Minor probatur. Quia munus differentie, est diuidere genus, & constituere speciem; sed ly de differentibus specie, est diuisiuium vniuersalis in communi, & constitutiuium generis; ergo ponitur in hac diffinitione, vt differentia. Minor probatur. Quia prædicari de pluribus, quod est differentia vniuersalis, diuiditur per prædicari de differentibus specie, & de differentibus numero; sed per prædicari de differentibus numero descendit vniuersale in speciem; ergo per prædicari de differentibus specie deiecit vniuersale in genus; & sic genus constituitur in ratione vniuersalis per illam particulam de differentibus specie. Secundo sic. Genus per illam particulam differt à specie, quæ prædicatur tantum de differentibus, numero, vt patebit inferius; ergo illa particula est differentia generis. Consequentia patet per diffinitionem differentie, de qua suo loco.

Obijcies primo. Si hæc particula conuenienter ponitur in diffinitione Generis,

idē est, quia facit differre genus a specie; sed hoc est falsum; ergo. Sequela maioris patet, ex Porphyrio, eap. de Genere. Minor probatur. Quia Genus non tantum prædicatur de differentibus specie, sed etiam de differentibus numero, vt patet de animali, quod prædicatur non tantum de homine, leone equo, &c. sed etiam de hoc homine, hoc leone, &c. quia licet homo est animal, ille leo est animal, & sic de alijs; ergo Genus per illam particulam, non differt à specie, cum sibi conueniat diffinitio speciei.

Respondetur primo, negando minorem. Ad probationem dico, Genus prædicari de pluribus differentibus numero, non per se, sed ratione speciei; quia enim homo est animal, & hic homo est homo, sequitur hunc hominem, & illum esse animal; idē non sequitur generi conuenire diffinitionem speciei; quia species prædicatur immediate de differentibus numero, quod generi nequē conuenire.

Vel dicendum secundo. Quod prædicari de differentibus numero dupliciter contingit, scilicet præcisē, & non præcisē. Primum conuenit tantum speciei, & constituit speciem in esse, facitque ipsam differre à genere. Secundum etiam conuenit generi, per quod non differt à specie, sed tantum per prædicari de differentibus specie, quod nullo modo speciei competere potest.

Obijcies secundo. Si hæc particula ponitur conuenienter in diffinitione generis, idē est, quia facit ipsum differre à proprio; sed hoc nequit dici; quia proprium genericum, vt sensibile, vel quodlibet aliud conuertibile cum animali, prædicatur de pluribus differentibus specie; ergo non facit differre genus à proprio. Sequela maioris patet, ex Porphyrio dicente. Genus differt à proprio, quia Genus de pluribus speciebus prædicatur, proprium autem de vna sola specie.

Respondetur primo. Negando minorem. Ad probationem dico, proprium genericum non prædicari de differentibus specie, sed solum de differentibus numero; siquidem non conuenit generi, vt genus est, sed vt species subalterna, quæ in quantum species est, non prædicatur de differentibus specie, sed non tantum.

Vel dicendum secundo, negando sequentiam maioris; nam genus non differt à proprio per prædicari de differentibus specie; quia etiā proprium genericum sic prædicatur, vt probat argumentum; sed per prædicari in quid, quod proprio non conuenit. Ad Porphyrium dico, ibi locutum esse tantum de proprio specifico, quod de pluribus differentibus numero, & de vna sola specie prædicatur; non verò de generico; quia huiusmodi proprium, ad modum generis, de pluribus differentibus specie in quale dicitur.

Obijcies tertio. Si illa particula conuenienter ponitur in diffinitione generis; ergo competit per se primo generi; siquidem ponitur, vt differentia, & differentia prædicatur in primo modo dicendi per se de eo cuius est differentia, vt superius diximus; sed hoc non est dicendum; ergo. Minor probatur. Quia si genus prædicatur per se de differentibus specie; ergo differentia specie per se subiungitur generi; sed consequens est falsum; ergo & antecedens. Sequela probatur. Quia sicut se habet duplum ad dimidium, ita prædicari de pluribus differentibus specie ad subijci plura differentia specie; sed valet; duplum per se refertur ad dimidium; ergo dimidium per se refertur ad duplum; igitur à simili valebit; genus per se prædicatur de pluribus differentibus specie; ergo plura differentia specie subiunguntur per se generi; quandoquidem ita subijci, & prædicari se habent, vt relatiuum, & correlatiuum, sicut duplum, & dimidium, quæ dicuntur ad conuertentiam, ex Aristotele in Prædicam. cap. de Ad aliquid. Minor probatur. Quia quæ tantum differunt numero, non differunt specie; sed quæ per se subiunguntur generi, tantum differunt numero; ergo &c. Minor probatur. Quæ per se subiunguntur generi, sunt intentiones secundæ, scilicet hoc genus, & illud genus, quæ tantum numero differunt, ergo non differunt specie.

Respondetur, negando minorem. Ad probationem dico, diffinitionem generis sic esse intelligendam, scilicet, Genus est, quod prædicatur de pluribus differentibus specie, id est, de speciebus differentibus, non specie, sed numero tantum. Et hoc est verum; quia cum prædicetur per se de secundis intentionibus attributis verbi gratia homini,

& leoni cognitis, tales non differunt specie, sed numero tantum; idèd dicuntur prædicari quidem de speciebus differentibus, non specie, sed tantum numero.

Vel dicendum secundo. Differentia specie, esse differentia specie, & non numero tantum, posse dupliciter contingere. Vno modo accipiendo ly differentia specie, vt quid; alio modo sumendo illa, vt modus. Si accipiantur, vt quid; tunc est sensus, quod hæc secunda intentio, differentia specie, à parte prædicati, prædicatur de se ipsa à parte subiecti; sicut ista; genus est genus; species est species. Si verò accipiantur, vt modus, tunc est sensus, quod illa differentia, per quā differunt differentia specie, id est species differentes, sit differentia specifica. Et hic sensus est falsus; quia illæ intentiones specie, attributæ differentibus speciebus pro prima intentione, non differunt differentia specifica, sed numerica tantum, vt dicit Doctor Subtilis, in quol. 6. sub lit. X. in fine. Vnde.

Formaliter ad argumentum, nego minorem. Ad probationem, iterum nego minorem. Ad cuius probationem dico, maiorem esse veram accipiendo differentia numero, & differentia specie pariformiter, scilicet vel vt quid, vel vt modus; quia sic opponuntur, non tamen differentia numero, vt modus, & differentia specie, vt quid; quia sic se compatiuntur in eisdem: modo, quæ per se subiunguntur generi, licet differentia numerica differant, vt modus, tamen sunt differentia specie, vt quid; quia sunt intentiones specie, attributæ rebus differentibus specie, vt quid.

Vel dicendum tertio. Concedendo sequentiam maioris, & negando minorem. Ad probationem dico, maiorem esse veram in prædicatione signata; falsam in exercita. Et cum probatur, quod ea, quæ per se subiunguntur generi, non differunt specie, sed tantum numero; verum est in actu exercito, falsum in actu signato, de quo tantum loquimur; quia diffinitio generis est intelligenda in actu signato, & non exercito.

Obijcies quarto. Si genus prædicaretur de pluribus differentibus specie, sequeretur, vnum relatiuum posse referri ad plura correlatiua, vt ad plures terminos; sed hoc non est dicendum; ergo genus non prædicatur de pluribus differentibus specie.

specie. Sequela maioris patet. Quia prædicari, & subijci, sunt relatiua; ergo prædicari de pluribus differentiis specie supponit subijci plura differentia specie, ad quæ terminetur huiusmodi prædicatio. Minor probatur. Tum quia vnum relatiuum per se ad vnum correlatiuum duntaxat referri potest, ex Philosopho, quinto Meth. t. c. 20. Tum etiam, quia idem relatiuum posset habere plures quiditates totales; siquidem habitudo relatiui ad terminum, constituit relatiuum in esse quiditatio relatiui; ergo si plures sint habitudines, plures erunt quiditates. Tum denique, quia posset esse, & non esse: esset quidam, per habitudinem ad illos terminos: non esset, quia posset circumscribi vnus terminus, qui cum sit totalis, destrueret totum esse relatiui; & sic esset, & non esset, quod est oppositum primi principij Methaphysici. Non contingit idem esse, & non esse.

Respondetur, sequelam maioris esse veram de correlatiuis partialibus, falsam de totalibus. Ad improbationem. cum dicitur non posse idem relatiuum referri ad plura correlatiua: dico esse verum de correlatiuis totalibus; quia tunc sequerentur illa inconuenientia allata in secunda, & tertia probatione minoris; falsum tamen de correlatiuis partialibus; quia cum huiusmodi integrent vnum totale, non sequitur, idem referri ad plura, sed tantum ad vnum: modo genus, si prædicatur de pluribus differentiis specie, non refertur ad illa, vt ad terminos totales, sed partiales, integrantes vnum terminum totalem. Quod vt melius, ac manifestius appareat, mouetur sequens difficultas, de termino prædicationis generis.

*Virum Genus requirat multas species.
Et an actum, vel aptitudinem?*

Q V Æ S T I O V.

Mouet Doct. Subr. hanc difficultatem, q. 18. Vniuersalium. Circa quam, recenset tres opiniones, quas etiam proba-

biles putat; idè tamquam problematikus, primam impugnatur, & postea soluit argumenta, quæ militant contra ipsam.

Prima opinio asserit. Ad Genus non requiri actum, vel potentiam plures species necessarios, sed tantum aptitudinem. Vnde dicit, ipsum saluati posse in vnica specie, sicuti ratio speciei saluatur in vnico individuo, vt manifestum est de Sole, & de Phoenice.

Secunda opinio defendit, ad rationem generis non requiri quidem plures species actum, vel potentiam existentes; exigi tamen necessarios plures ab intellectu conceptas per species intelligibiles, ab indiuiduis plurius specierum, quæ aliquando extiterunt, abstractas.

Tertia opinio tandem, exigit ad rationem Generis species actum conceptas ab intellectu, vt dicit secunda opinio; non per species intelligibiles, ab indiuiduis earum aliquando existentibus, abstractas, sed sufficere, vt aliquo modo cognoscantur ab aliquo intellectu. Deo sibi speciem, seu notitiam earundem, immediatè inmittentem.

Pro declaratione harum opinionum; primo notandum est, ex Doctore, loco citato, in corp. quæstionis; hæc ab inuicem discerni, actum, potentiam, & aptitudinem. Nam illa dicuntur esse in actu, quæ habent esse actualiter extra suas causas. Et sic Petrus dicitur esse actum, quia existit extra suos parentes. Et etiam species animalis, scilicet homo, leo, equus, & similes, dicuntur esse in actu, quia habent esse actuale in suis indiuiduis. Illa verò dicuntur esse in potentia, quæ actualiter non sunt, tamen possunt esse extra suas causas. Et sic lapis existens deorsum, est in potentia ad esse sursum. Illa verò dicuntur esse in aptitudine, quæ sunt apta nata esse, siue possint esse naturaliter, siue supernaturaliter. Et sic cæcus dicitur habere aptitudinem ad videndum, cum sit animal aptum natum videre, licet naturaliter videre nequeat. Ex quo patet differentia inter illa; nam potentia potest esse sine aptitudine; quia lapis est in potentia ad esse sursum, non tamen habet aptitudinem; quia omne graue naturaliter appetit esse deorsum. Similiter aptitudo potest

esse sine potētia; quia cæcus habet aptitudinem ad videndum, caret tamē potentia, cū naturaliter videre non possit; siquidem, à priuatione ad habitum, naturaliter non datur regressus. Ad propositum. Quodlibet vniuersale, & consequenter etiam genus, aptitudinaliter dicitur de multis; quia nulli vniuersali, ex sua ratione formali repugnat prædicari de pluribus; non tamen quodlibet est in actu, vel in potentia, vt prædicetur, vel prædicari possit de pluribus; quia talis aptitudo impediri potest, quando non adsunt plura inferiora, de quibus possit enunciari, vt patet de Sole, & Phœnice.

Secundo notandum, ex eodem Doct hic. Genus dupliciter sumi posse, scilicet pro primo, & pro secunda intentione. Genus primo modo, est natura generica, verbi gratia animalis, cognita ab intellectu actu recto. Genus secundo modo, est illa secunda intentio generis, scilicet prædicari de pluribus differentibus specie in quid, attributa per intellectum generi pro prima intentione. Hic est sermo de genere vtroque modo sumpto.

Tertio notandum, pro intelligentia secundæ, & tertiæ opinionis; quod in quibusdam conueniunt, & in quibusdam differunt. Conueniunt primo, quia ambæ assentunt, ad rationem Generis non requiri plures species actualiter existentes in rerum natura. Secundo conueniunt; quia vtraque dicit, ad rationem generis requiri pluralitatem specierum ab intellectu cognitarum. Differunt verò dupliciter. Primo, quia secunda opinio exigit plures species cognitās ab intellectu, quæ aliquando extiterint realiter in suis indiuiduis. Secundo, quod cognitio talium specierum habeatur in intellectu per species intelligibiles abstractas ab indiuiduis, aliquando existentibus. At tertia opinio, ex opposito, dicit, non esse necessarium, quod illæ species aliquando extiterint in rerum natura, sed sufficere cognitionem illarum infusam immediatē a Deo, vel per species intelligibiles infusas, habitam in intellectu. Exemplo differentia ista manifestatur. Si Deus annihilaret omnes species animalis, sola specie humana relicta, tunc dicit secunda opinio, posset causari ab homine, hæc secunda intentio generis in natura animalis; quia actu co-

gnosceret species annihilatas, per species intelligibiles, abstractas ab indiuiduis cuiuslibet speciei, dum erant in rerum natura. At tertia opinio, inquit, non est necessarium, vt intellectus abstrahat huiusmodi species intelligibiles ad cognitionem cæterarum specierum animalis habendam; quia posset Deus immediatē per se infundere in illo huiusmodi cognitionem, vel mediantibus speciebus intelligibilibus infusis; atque ita fundare secundam intentionem Generis.

Ex his, sirpimi conclusio, pro prima opinione. Genus pro secunda intentione, nõ requirit plures species actu, vel potētia. Probat. Genus, & species pro secunda intentione, sunt correlatiua; ergo existente vna specie, erit genus. Antecedens patet. Quia dicitur, genus speciei genus; & species, alicuius generis species; ergo sunt correlatiua. Consequentia probatur. Quia relatiua, & correlatiua, sunt simul natura, quæ posita se ponunt, & perempta se perimunt, ex Philosopho in prædicamentis, cap. 3. de Ad aliquid; posita genus, & species sunt relatiua; ergo posita specie, ponitur genus; & posito genere, ponitur species.

Secunda conclusio eiusdem opinionis. Genus pro prima intentione, non requirit plures species actu, vel potentia. Probat. Quia genus, & species pro secunda intentione, fundantur super genere, & specie pro prima intentione, & nequeunt esse sine illis; sed genus pro secunda intentione, non requirit plures species actu, vel potentia, vt probatum est; ergo nec pro prima intentione. Maior patet ex dictis sæpius, quod secundæ intentiones applicantur primis. Secundo probatur vtraque conclusio simul. Quia non est maior ratio de specie, quam de genere; sed vna species potest saluari in vnico indiuiduo, vt patet de Phœnice, & Sole; ergo & genus potest saluari in vnica specie. Maior patet. Quia vtraque se habent vt relatiua, & correlatiua; ergo non est maior ratio de vno, quam de alio.

Si dicatur ad maiorem, negando paritatem; quia cum genus diuidatur per duas differentias oppositas, vt animal per rationale, & irrationale; ad minus debent esse duæ species; at species cum non diuidatur per differentias sic oppositas, bene poterit sal-

saluari in vnico indiuiduo.

Contra. Quia æquè essenziale est generi prædicari de pluribus differentiis specie, sicut speciei de pluribus differentiis numero; sed hoc non obstante, species saluari potest in vnico indiuiduo; ergo & genus in vnica specie. Maior patet. Quia vtrouque est differentia constitutiva, illa generis, & hæc speciei; ergo.

Tertia Conclusio pro eadem opinione. Genus, sine pro prima, siue pro secunda intentione acceptum, requirit plures species in aptitudine. Probatur. Quia quod est de quiditate superioris, est etiam de quiditate inferioris; quia superius includitur essentialiter in quolibet inferiori; sed exigere multa aptitudinaliter sub se, est de quiditate vniuersalis, quod est superius ad quinque vniuersalia, vt patet ex eius definitione; ergo hoc erit etiam de quiditate generis. Secundo. Quia in definitione Generis, ponuntur plures species; ergo necessario exigit plures species, non actu, vel potentia, vt probatum est conclusione prima, & secunda; ergo aptitudinaliter. Consequentia patet a sufficienti diuisione, posita in primo notabili.

Quarta Conclusio, pro tertia, & quarta opinione. Genus necessario requirit plures species in actu ab intellectu conceptas. Probatur primo. Quia in definitione Generis ponuntur plures species; sed hoc debet intelligi de pluralitate actu ab intellectu concepta; ergo genus requirit plures species in actu. Maior patet ex definitione Generis. Minor probatur. Quia impossibile est, aliquid esse aptum natum dici de pluribus speciebus, nisi illæ plures species ab intellectu apprehendantur; sed per te, genus est aptum natum prædicari de pluribus differentiis specie; ergo illæ plures species debent esse in actu. Consequentia ista probatur. Quia nulla natura potest dici species, nisi actu concipiatur ab intellectu cum proprietate correspondente quiditati speciei; ergo si plures species concipiuntur, debent esse in actu. Secundo sic. Genus refertur ad plures species; sed nequit referri ad plures aptitudinaliter, vel actualiter existentes; ergo ad plures actu cognitæ ab intellectu. Maior patet. Quia genus, & species sunt relatiua, ex Porphyrio, cap. de specie; sed plures species ponuntur in defini-

tione generis; ergo genus refertur in alia res species. Minor probatur, quoad p ad p. ut partem; quia de secunda, constat ex dictis, conclusione prima, & secunda. Quia relatiua rationis, non sunt relatiua aptitudinalia, sed actualia; quia relatio rationis nequit causari, nisi fundamentum, & terminus actu comparentur ad inuicem, & consequenter, nisi sint actu cognita; sed genus, & species sunt relatiua rationis, ex dictis sæpius, quia sunt secundæ intentiones, obiectiue, & concretive sumptæ; ergo sunt relatiua rationis; & sic actualia, & non aptitudinalia.

Obijciunt contra conclusiones primæ opinionis multipliciter, & primo sic. Quia id, quod ponitur in definitione generis, necessario exigitur ab eo; quia definitio dicit quiditatem, quæ necessario reperitur; sed plures species ponuntur in definitione generis, vt patet; ergo.

Respondetur, maiorem esse veram, vel in actu, vel in aptitudine; modo plures species tantum necessario aptitudinaliter ponuntur in definitione generis, & non actu, vel potentia.

Contra. Quia genus actu diuiditur per differentias oppositas, quarum quælibet est constitutiva speciei; ergo saltem duæ species exiguntur actu.

Respondetur, antecedens esse verum, aptitudinaliter, non actualiter, & potentialiter; & licet aliquod genus diuidatur actu per differentias oppositas, hoc non est de ratione generis, vt patet; quia non ingreditur eius definitionem, sed accedit sibi, actu diuidi per differentias oppositas.

Obijciunt secundo. Species non debet prædicari de æqualibus cum genere, ex Aristotele, quarto Topicæ, primo, vbi dicit, quod si species potest prædicari de æqualibus cum genere, interimitur genus; sed si genus haberet tantum vnam speciem, prædicaretur de æqualibus cum specie, & species de æqualibus cum genere, quia prædicaretur de indiuiduis contentis sub vna specie; ergo.

Respondetur, maiorem, & probationem habere veritatem in aptitudine, non tamen in actu; quia sic, non inconuenit, genus, & speciem posse prædicari de æqualibus, cum genus possit saluari in vnica specie.

Obijcitur tertio Philosophus, quarto Topic. cap. 3. & quarto, dicens. Omnis generis plures sunt species. Insuper, Boetius, lib. de Diuisione, inquit. Minus duarum specierum, sub vno genere esse non possunt, ergo.

Respondetur, has, & similes auctoritates, siue Philosophi, siue Boetij, aut alterius Doctoris classici habere veritatem in aptitudine, non tamen in actu, vel potentia, vt declaratum est in primo notabili.

Obijcitur quarto. Nihil est aptum natum dici de pluribus, nisi illa plura sint apta nata recipere prædicationem illius, sed secundum primam opinionem, aptitudo talis sufficit, vt possit dici genus in actu; ergo aptitudo participandi genus in speciebus sufficit, vt sint plures species in actu. Maior patet. Quia aptitudo dicit respectum ad aliud. Minor probatur. Quia æquale esse sufficit vtrique correlatiuo; sed genus, & species sunt correlatiua, & aptitudo in genere sufficit ad esse actuale illius; ergo & in specie sufficit.

Respondetur. Duplicem esse aptitudinem, scilicet propinquam, & remotam. Prior dicit ordinem ad actum; & ista semper est possibilis; vt est risibilitas in homine, quia aptitudo ad ridendum, potest reduci ad actum ridendi. Posterior vero non dicit ordinem ad actum possibilem naturaliter, sed tantum ad non repugnantem; & sic Sol dicit aptitudinem ad plures Soles; quia quantum est de se, haberet plures Soles; hoc autem naturaliter est impossibile; quia nullum agens creatum reperitur, quod habeat talem actiuitatem producendi plures Soles; propterea eius aptitudo ad plures, potius dicenda est non repugnantia, quam aptitudo.

Formaliter ad argumentum dico, maiorem esse veram de aptitudine propinquam, non de remota.

Vel dicendum, minorem esse falsam. Quia genus non constituitur in esse per talem aptitudinem, sicut nec homo per risibilitatem, sed tantum manifestatur per illam in esse constitutum.

Dices. Ergo aptitudo in speciebus ad recipiendum prædicationem generis, licet non constituat species in actu, saltem manifestabit eas in actu constitutas. Sicut

genus, non constituitur, sed tantum manifestatur in esse constitutum per eandem aptitudinem ad prædicandum de speciebus.

Respondetur, negando paritatem. Quia genus, cum sit superius, continet species tantum in potentia; idè aptitudo prædicandi de pluribus speciebus in genere, potest sequi genus in actu; at species continet genus in actu, vt patet de homine respectum animalis; idè aptitudo recipiendi prædicationem generis, non constituit, nec sequitur necessarid species in actu positas.

Vel dicendum, concedendo illatum de specie subijcibili, quæ constituitur in esse per comparisonem ad genus, vt dicemus inferius, cap. de specie; & idè manifestatur, & ipsa in esse posita per aptitudinem recipiendi prædicationem generis, non realiter, sed secundum esse cognitum ab intellectu, vt dictum est in probatione conclusionis quartæ.

Ad argumenta conclusionis quartæ, in quantum militant contra tertiam conclusionem primæ opinionis, in quam videtur potius inclinare Doctor, respondetur.

Ad primum dico, maiorem esse veram de aptitudine propinquam, quæ dicit ordinem ad actum, non tamen de remota, quæ tantum dicit non repugnantiam. Modò genus non dicit necessarid aptitudinem propinquam ad plures species, sed sufficit, vt dicat remotam.

Ad secundum dico, maiorem esse veram aptitudinaliter non actualiter, quia sic non necessarid refertur ad plures species, sed sufficit, vt referatur ad vnā, ad hoc vt dicantur relatiua actualia, genus, & species; vt dictum est in probatione primæ, & secundæ conclusionis.

Quia tamen Doctor videtur sustinere etiam quartam conclusionem problemariæ, idè respondetur ad argumenta, quibus probantur duæ primæ conclusiones pro prima opinione, dicendo, probare quidem non requiri plures species actu, vel potentia existentes in reum natura ad rationem generis; non tamen concludere, non esse necessarias plures species actu cognitias ab intellectu, vt dicit quarta opinio; & sic non militant contra ipsam, vnde.

Ad primum dico. Genus, & speciem esse relatiua, vt diffiniuntur ad inuicem, at certum est, genus non diffiniri posse per vnam speciem, cum plures ponantur in eius diffinitione data per Porphyrium; igitur plures requiruntur in actu non existentes, vt bene probatum est; ergo actu ab intellectu conceptæ.

Ad secundum, pro secunda conclusione, concedo paritatem de speciebus, vel indiuiduis actu, vel potentia existentibus; quia in his non requiritur pluralitas actualiter, vel potentialiter, sed sufficit aptitudinalis; at loquendo de eisdem, actu cognitis, nego minorem. Quia non potest concipi, genus, vel species aptitudinaliter referri per prædicationem ad plura, quin actu concipiantur illa plura; aliter non posset adæquatè intellectus conficere secundas intentiones generis, vel speciei, cum non essent cogniti termini, ad quos secundum aptitudinem se extendunt. Ad probationem de Sole, & de Phœnice, dico verum esse, speciem saluari in vnico indiuiduo secundum actualem existentiam, non tamen secundum aptitudinem, actu ab intellectu conceptam; quia sic requiruntur plura indiuidua, saltem actu ab intellectu cognita, & comparata ad speciem pro prima intentione.

Verum illa particula, in quid, conuenienter ponatur in Diffinitione Generis?

QVÆSTIO VI.

PRO declaratione huius difficultatis, primo notandum est; quod prædicari in communi diuiditur, tamquam per primos modos prædicandi, in quid, & in quale. Quod notanter dicitur; quia aliud est prædicari in quid, & aliud est prædicari quid; & similiter, aliud est prædicari quale, & aliud in quale. Nam prædicari quid de aliquo, est prædicari quiditatem, seu esse de essentia illius; vt in hac propositione; homo est animal; ly animal, prædicatur quid de homine; quia dicit partem essentiae, & quiditatis eius. Prædicari autem in quid, est modus prædicandi essentiam per modum quid; id est per se stantis. Et sic genus prædi-

catur in quid; quia cum sumatur a parte materiali, & materia habeat rationem substantis, seu per se stantis, idè genus prædicatur in quid. Prædicari autem quale de aliquo, est prædicari qualitatem, seu vniuersalius loquendo, est prædicari accidens de eo, de quo prædicatur. Vt homo est doctus, vel albus. Prædicari autem in quale, est modus prædicandi, siue accidens, siue essentiam per modum qualis, seu denominantis. Vt homo est rationalis, vel doctus. Ex quo sequitur, quod aliquid potest prædicari quid, sed non in quid. Vt rationale, prædicatur quidem quid, quia est de quiditate hominis, non tamen prædicatur in quid, sed in quale; quia prædicatur illam partem essentiae per modum qualis, seu denominantis, & non per modum per se stantis, vt alibi dictum est; siquidem, secundum Philosophum, differentia est quædam qualitas.

Secundo notandum est, tam quid, quam quale, dupliciter accipi posse, scilicet strictè, & largè. Primo modo, quid, cum dicat essentiam, quæ præsertim reperitur in prædicamento substantiæ, tam conuenienter substantiæ. Et sic accipiendo quid, accidentia non possunt prædicari; quid, de suis inferioribus, sed tantum substantiæ; vt animal, de homine, leone &c. Secundo modo, cum quid, dicat essentiam, quæ etiam secundariò reperitur in alijs prædicamentis a substantia, bene potest illis conuenire. Et sic color, quàmuis accidens, prædicatur quid de albedine, & nigredine, cum sit de earum essentia, tamquam genus de suis speciebus. Similiter etiam quale, strictè acceptum, cum significet qualitatem, nequit conuenire alijs rebus a prædicamento qualitatis: at secundo modo, cum se extendat ad omne illud, quod potest denominare subiectum accidentaliter, reperitur in omni prædicamento accidentium. Et sic etiam quantitas, & relatio prædicantur quale; quia denominant accidentaliter sua subiecta, in quibus sunt.

Tertio notandum est, quod omne, quod prædicatur quale, prædicatur etiam in quale. quia cum prædicari in quale, sit prædicari per modum denominantis, & omne accidens denominet substantiam, sequitur, omne accidens, quod præ-

prædicatur quale, etiam prædicari in quale. Cæterum non valet è conuerso, scilicet, omne, quod prædicatur in quale, prædicari etiam quale; quia differentia quidditatiua prædicatur in quale de specie per ipsam constituta, non tamen prædicatur quale, idest accidens; quia differentia, cum sit pars differentionis speciei, est de essentia eiusdem.

Ex his, sit prima Conclusio. Genus prædicatur in quid de suis speciebus. Probatur Quia id quod prædicatur essentiam per modum per se stantis, prædicatur in quid; vt patet ex not. primo; sed Genus prædicatur essentiam specierum per modum per se stantis; ergo prædicatur in quid de illis. Minor probatur. Quia Genus prædicatur essentiam ad modum substantiæ; ergo per modum per se stantis; siquidem per se stare, est modus intrinsecus substantiæ, per quem differt ab alijs prædicamentis, quæ habent esse in alio, vt in subiecto. Antecedens probatur. Quia Gêus prædicatur essentiam, quæ sumitur à parte materiali, ex Aristotele, quinto meth. t. c. 10. & Porphyrio, cap. de differentiâ; sed materia habet modum substantiæ, cum non sit in alio, nec tamquam accidens in subiecto, nec tamquam forma; aliter, vltra materiam primâ, daretur alia materia, quod est falsum, ergo prædicantur ad modum per se stantis, & sic in quid.

Secunda Conclusio. Hæc particula, in quid, conuenienter ponitur in definitione Generis. Probatur. Quia huiusmodi particula, in quid, ponitur in definitione, vt differentia quidditatiua; ergo conuenienter ponitur. Consequentiâ patet. Quia definitio constat ex genere & differentia, ex Aristotele, septimo Meth. t. c. 43. Antecedens probatur. Quia differentia est per quam genus descendit in speciem, ex Porphyrio, cap. de Differentia; sed per ly in quid, descendit vniuersale in genus, tamquam in suam speciem; ergo Minor probatur. Quia vniuersale diuiditur per prædicari in quid, & in quale, vt diximus superius sepius; sed per prædicari in quate descendit in differentiam, proprium, & accidens; ergo per ly in quid, descendit in genus, & in speciem. Secundo probatur primum antecedens. Quia Genus per ly in quid, differt à proprio, differentia, & accidente, quæ di-

cuntur in quale, ex Porphyrio, cap. de Genere; ergo ly in quid, est differentia in definitione Generis. Consequentiâ patet. Quia differentia est, quæ vnum differt ab alio, ex eodem Porphyrio, cap. de differentia.

Obijcies primo, contra primam conclusionem. Si idem genus prædicatur in quid, quia prædicatur essentiam per modum essentia; ergo & lapis prædicatur in quid de homine; sed consequens est falsum; quia hæc est falsa; homo est lapis; ergo & antecedens. Sequela maioris probatur. Quia lapis non prædicatur de homine per modum informantis, sed denominantis, cum sit substantia; ergo per modum quid, idest substantis; ergo in quid.

Respondetur negando sequelam maioris. Quia Genus est superius essentialiter inclusum in his inferioribus; vt animal, includitur in homine, leone, equo &c. at lapis, nec est superius quoddam ad hominem, nec essentialiter includitur in eo; ideo quamuis prædicet substantiam, & non accidens, non potest tamen prædicari de homine.

Obijcies Secundo. Si Genus prædicatur in quid, sequeretur, Genus non esse vniuocum logicè omnibus generibus; sed consequens est falsum, ex q. prima de Genere; ergo & antecedens. Sequela maioris probatur. Quia prædicari in quid, non est vniuocum logicè; ergo si genus prædicatur in quid, non esset vniuocum logicè omnibus generibus. Antecedens probatur. Quia prædicari in quid, est prædicari essentiam per modum essentia; sed nulla essentia est vniuoca logicè omnibus generibus, vt probauimus supra, quæstione prima huius disput. ergo, &c.

Respondetur, quod ly in quid, dupliciter consideratur, scilicet pro prima intentione, & pro secunda intentione. Primo modo dicit essentiam substantiæ, quantitatis, qualitatis, &c. Secundo vero modo, dicit modum prædicandi substantiæ, quantitatis, qualitatis, &c. de rebus inferioribus. Si ly in quid, accipitur pro prima intentione, non est vniuocum logicè; quia nequit prædicari, vt essentia communis de rebus omnium generum sub ratione alicuius horum quorum quæ vniuersalia sunt secundo intentione dicitur, est vniuocum logicè; quia attribuitur

rebus omnium generum, uti genus: sicut enim substantia prædicatur in quid de suis inferioribus, ita quantitas, qualitas, & relatio de suis.

Obijcies tertio. Illud prædicatur in quid, per quod convenienter respondetur ad interrogationem factam per quid, per Porphyrium hoc eodem cap. in fine; sed ad interrogationem per quid, factam de specie pro secunda intentione, non respondetur per genus pro formalis, de quo hic est sermo; ergo genus non prædicatur in quid. Minor probatur. Nam si quaeratur, quid est species; falso respondetur, esse genus; ergo, &c.

Respondetur, sicut duplex est prædicatio scilicet exercitiæ & signata, ita duplex est interrogatio, in actu exercitiæ, & signato. Prior fit per verbum est: ut quid est homo, vel species? Posterior verò, per verbum prædicatur, dicitur, vel aliud æquivalens; ut de quo, vel quibus dicitur genus pro secunda intentione? Si fiat interrogatio in actu exercitiæ, dicendo quid est homo, vel species? respondetur per genus pro prima intentione, scilicet est animal. Si fiat verò interrogatio in actu signato: ut de quibus dicitur Genus in quid? respondetur, de suis speciebus. Vel quid prædicatur de specie in quid? Respondetur, Genus Ex his, formaliter ad argumentum dico, minorem esse veram, loquendo de interrogatione exercitiæ; falsam designata. Ad probationem dico, illam propositionem idè esse falsam, quia non benè respondetur per genus pro prima intentione, sicut procedit interrogatio de specie pro prima intentione: at si fieret de specie pro secunda intentione, & in actu signato, dicendo. Quid prædicatur de specie in quid? statim daretur optima responsio, per genus. Undè sequitur, genus prædicari in quid, in actu signato de speciebus.

Obijcies quarto, contra secundam conclusionem. Illa particula in quid, frustra ponitur in diffinitione generis; ergo non est convenienter posita. Consequentia est nota. Antecedens probatur. Illa particula frustra ponitur in diffinitione, quæ non facit distinguere diffinitum à quocumque non est ipsum, ex Philosopho, quarto Physicorum, t. c. 62. Quia frustra dicitur illud, quod non fit illius gratia, cuius natum est

fieri; sed hæc particula in quid, ponitur ad distinguendum genus à differentia, à qua tamen non distinguitur, ergo frustra &c. Minor probatur. Quia differentia superior prædicatur per se primo de differentia inferiori, ut sensibile de rationali; sed non prædicatur in quale; igitur in quid; ergo per illam particulam non distinguitur genus à differentia, ut intendebat Porphyrius. Maior est Aristotelis, septimo Meth. t. c. 3. ubi vult, hinc esse per se primo. Ex quo pedis est pedalitas quædam. Et tamen sunt ambræ differentie distinguentes diversas species animalium. Minor probatur. Quia tunc differentia superior descenderet per se ipsam in differentiam inferiorem; sed hoc est falsum; quia tunc idem esset contrarius, & contractum, quod implicat. Sequela maioris probatur. Quia superius descendit in inferius per id, quod prædicatur in quale; ut animal, descendit in hominem per rationale, quod prædicatur in quale essentiale de homine; ergo si differentia superior descendit in inferiorem, & prædicatur in quale, tunc descenderet per se ipsam.

Respondetur, negando antecedens. Ad probationem, nego minorem. Ad cuius probationem dico, differentiam superiorem posse ad duo comparari, v. g. sensibile, vel ad speciem sub alterum, quam constituit, scilicet animal; & ad eius inferiora, nimirum hominem, leonem, equum &c. vel ad differentiam inferiorem, scilicet ad rationale, & irrationale, quæ sub ipsa continentur, ut inferiora. Primo modo, habet rationem differentie, & prædicatur in quale. Secundo modo, habet rationem generis, & prædicatur in quid de suis differentijs inferioribus. Undè sequitur, per ly in quid, distinguere genus à differentia comparata ad suam speciem; quia sic est differentia; non tamen ab eadem comparata ad differentias inferiores; quia sic, non est differentia, sed genus.

Contra. Quia tunc essent triginta genera generalissima, contra Aristotelem, quinto Meth. t. c. 14. & in Prædicamentis; ergo Sequela probatur. Quia in omni genere essent tres coordinationes, scilicet una generum, & specierum, & due differentiarum, quarum quælibet constitueret unum prædicamentum; & sic essent triginta genera

generalissima, quod est falsum. Tum quia, si differentia superior esset genus, & inferior species, essent infinitæ differentiæ; sed hoc est impossibile; quia tunc essent infinitæ species, quod non est admittendum; ergo, &c. Sequela maioris probatur. Quia quælibet species constituitur per suam differentiam; ergo differentia inferior haberet aliā differentiam se constituentem in ratione speciei; tunc quæro de illa differentia, vel est species, vel non: si non; ergo pari ratione nec prima differentia esset species: si verò esset species; ergo esset constituta per aliam differentiam, de qua quæram sicut prius; & sic daretur processus in infinitum in differentijs, & speciebus.

Respondetur, negando sequelam maioris. Ad probationem, nego consequentiam. Quia duæ coordinationes laterales reducuntur ad directam. Modo prædicamenta distincta, sunt ita impermixta, ut vnum nequeat reduci ad aliud.

Ad secundum. Dico cum Doctore, lib. primo Post. q. 24. ad argumenta principalia, negando sequelam maioris. Ad probationem dico, quod illa differentia, quæ est species, aliam differentiam habet, quæ tamen non est species; nec habet aliam differentiam, cum sit vltima, & dicat conceptum simpliciter simplicem, scilicet non resolubilem in alium conceptum, in quo conueniat, & per aliud differat. Et sic, vltra non proceditur in differentijs, sed datur status in illa differentia speciei.

Dices. Non est maior ratio de vna, quam de alia; igitur si vna differentia est species, & alia pariter debet esse species. Vnde, cum quælibet differentia constituat vnam speciem, sicut possunt multiplicari species in infinitum, ita, & differentia possunt esse infinitæ.

Respondetur, ex eodem Doct. ibidem: & in primo d. 3. q. 3. O. & in 2. d. 3. q. 6. G. Differentiam dupliciter considerari posse, scilicet pro connotato, & pro formali, seu pro illo, pro quo supponit, & pro illo, quod importat. Differentia pro connotato, seu pro quo supponit, non dicit nisi speciem, quam constituit; ut rationale hoc modo dicit ipsum hominem. Differentia verò pro formali, significat seipsam, ut rationale importat ipsam rationalitatem: quæ dupli-

citer sumitur; vno modo, prout sumitur à forma; alio modo, ut sumitur ab vltima realitate formæ, scilicet vltimo gradu animæ rationalis, qui est nobis incognitus. Differentia primo modo, includit superiorem quiditativè; quia rationale hoc modo non est aliud præter hominem; sed homo, includit quiditativè sensibile; igitur & rationale. Differentia verò secundo modo, similiter includit superiorem quiditativè; quia rationale, hoc secundo modo dicit animam intellectualem; sed anima includit sensibile; ergo & rationale includit sensibile. At differentia tertio modo, non includit quiditativè superiorem; quia est simpliciter simplex, non conueniens in aliquo, nec per aliquod differens. Et in hac datur status; quia est ita differentia, ut non possit esse species.

Obij. ies quinto. Si hæc particula, in quid, conuenienter poneretur in diffinitione Generis, hoc idem esset, quia facit distinguere genus ab accidente; sed consequens est falsum; ergo & id ex quo sequitur. Sequela maioris patet ex Porphyrio, cap. de Genere. Minor probatur. Quia accedens etiam prædicatur in quid; cum in omni genere sit reperire quid, ex Aristotele, primo Topicorum, cap. 7. & patet; quia color prædicatur in quid de colore albo, nigro, flavo, rubeo &c.

Respondetur, negando minorem. Ad probationem dico, maiorem esse veram in ordine ad sua inferiora; quia, ut sic, sunt genera, & species: falsam in ordine ad subiectum; quia sic accedens prædicatur in quale. Et hoc modo distinguitur à genere per prædicari in quid, ut aliàs dictum fuit.

Virum Genus sit principium speciei?

QVÆSTIO VII.

Ista quæstio, citrà controuersiam, mouetur, cum omnes sequantur Porphyrium dicentem, genus esse principium speciei. At cum non sit ita manifestum de quo genere loquatur, scilicet pro formali, vel pro materiali; idem quibusdam notatis, deuenimus ad resolutionem difficultatis.

Primo notandum est, vel potius ad me-

mo-

moriam reuocandum; quod sæpius diximus; nimirum genus, & speciem dupliciter accipi posse, scilicet pro prima, & pro secunda intentione. Hic est sermo de genere, & specie pro prima intentione, ut sit sensus. Vtrum Genus, id est animal, sit principium constitutivum speciei, scilicet hominis?

Secundo notandum, ex Philosopho, & Commentatore, quod in Meth. t. c. primo, 2. 3. & 4. principia esse multiplicia; tamen in proposito sunt tantum duplicia, scilicet realia, & rationis, seu physica, & metaphysica. Principia realia, seu physica sunt illa, quæ component compositum physicum, quod, & totum physicum nominatur; & principia, dicuntur eius partes physicae, ut sunt corpus, & anima rationalis respectu hominis. Principia verò rationis, seu metaphysica sunt illa, quæ component, seu constituunt compositum, seu totum metaphysicum, ut genus, & differentia, scilicet animal, & rationale respectu hominis. Modo cum quaeritur, An genus pro prima intentione sit principium speciei, non quaeritur de principio physico, sed de metaphysico.

Tertio notandum, ex Doctore, q. 19. & 20. Vniuers. & in primo, d. 8. q. 3. & in secundo, d. 3. q. 6. & 7. quod ista principia ordinantur ad inuicem. Nam principia metaphysica sumuntur à physicis; quia genus, cum à Porphyrio assimiletur materiæ, & differentia formæ, ideo genus debet sumi à principio materiali physico, differentia verò, à formali. Vnde animal in homine, sumitur à corpore, saltem cum anima sensitiva, quod est materia; & rationale, ab anima rationali, quæ est forma dans esse homini.

Quarto notandum, ex Doct. nedum in locis proximè citatis, sed etiam q. 16. Vniuers. principia physica, & metaphysica, in aliquibus conuenire, & in aliquibus differre. Conueniunt in hoc, quod sicut principia physica non prædicantur verè de se inuicem, & ratione sui, ita, & metaphysica; quia sicut hæc sunt falsa: corpus est anima, & anima est corpus; ita pariter hæc sunt falsa: animal est rationale, rationale est animal. Et licet concedatur illa: rationale est animal, accipiendo rationale pro homine, quem connotat; non tamen ratione sui,

& formaliter acceptum. Differunt verò dupliciter; & primo, quia principia physica nequeunt prædicare in recto de suo composito; nam hæc sunt falsa: homo est corpus, homo est anima; at metaphysica benè prædicantur in recto de suo toto; ut homo est animal, homo est rationalis. Secundo differunt; quia principia physica concurrunt in composito secundum esse existentia; metaphysica verò, secundum esse essentia, & quiditativum. Ut homo, prout habet esse existentia in rerum natura, dicitur compositus ex anima, & corpore; prout verò habet esse quiditativum, ex animali, & rationali. Cum igitur genus, puta animal, conueniat speciei, scilicet homini verè, & in esse quiditativo, sequitur genus esse principium metaphysicum, & non physicum, respectu speciei.

Ex his, sit prima Conclusio. Genus pro secunda intentione, non est principium speciei. Probat. Quia omne principium, vel est physicum, vel metaphysicum; sed neutrum istorum est genus pro secunda intentione; ergo, &c. Minor probatur. Quia principium, siue physicum, siue metaphysicum, est pars principiati; sed genus pro secunda intentione, non est pars speciei, quia nullum disparatum est pars sui disparati; at genus, & species pro secunda intentione, sunt disparata, cum sint duæ species vniuersalis in communi, ut visum est superius; ergo genus pro secunda intentione nequit esse pars speciei, & consequenter neque principium eiusdem.

Secunda Conclusio. Genus pro prima intentione, seu pro fundamento acceptum, est principium speciei eodem modo sumptæ; non physicum, sed metaphysicum. Probat. prima pars. Quod est essentiale principium cognoscendi speciem, est etiam essentiale principium essendi speciei, ex Philosopho, 2. Metaph. t. c. 4. ubi dicit, ita rem se habere ad cognosci, sicut ad esse; sed genus pro fundamento, est essentiale principium cognoscendi speciem pro prima intentione, cum diffiniatur species per genus, ut per partem diffinitionis essentialis, ex Aristotele primo Topic. cap.

cap. 4. & sexto Topic. cap. p. ergo genus est essentialia principium cognoscendi speciem; & sic etiam essendi. Secunda pars probatur. Quia principium physicum, non prædicatur in recto de principiato, sed bene methaphysicum; sed genus pro fundamento, prædicatur in recto de specie similiter sumpta; ergo est principium methaphysicum, & non physicum. Confirmatur. Quia principium physicum, competit principiato secundum esse existentie; & methaphysicum, secundum esse quiditatum; sed genus conuenit speciei in esse quiditatum consideratæ, vt dictum est in quarto, no. ergo genus est principium Methaphysicum, & physicum speciei.

Obijcies primo. Idem nequit esse principium, & principiatum; sed genus pro prima intentione est idem cum specie similiter accepta; ergo. Maior patet. Quia nihil gignit se ipsum, ex D. August. 7. de Trinit. cap. ultimo Minor probatur dupliciter. Primo. Quia Philosophus, septimo Meth. t. c. 43. inquit, genus nihil aliud esse, præter ea, quæ sunt generis species. Secundo. Quia quod prædicatur per se primo de aliquo, non est distinctum ab illo; sed genus prædicatur per se primo de specie; quia ista est per se primo: homo est animal; vt vidimus supra, quæst. 3. huius Disputat. ergo.

Respondetur primo. Maiorem esse veram de principiis physicis; quia talia distinguuntur realiter à suis principiatis: falsam de methaphysicis; quia sicut principium methaphysicum, vt puta animal respectu hominis, potest esse totum & pars; totum, prout prædicatur de eo; pars verò, prout ponitur in eius diffinitione; ita non inconuenit, idem esse principium methaphysicum, vt est pars diffinitionis; & principiatum, vt est pars diffiniti.

Vel dicendum secundo. Maiorem esse veram de illis, quæ sunt omnino eadem, & nullo modo distincta; non tamen si aliquo modo distinguantur, saltem ex natura rei, vt est in proposito; quia animal, vt est genus pro fundamento, distinguitur ex natura rei ab homine: & sic, quod est idè formaliter alicui, & distinctum ex natura rei, potest esse principium, & principiatum; vt exemplificatum est in præcedenti responsione.

Obijcies secundo. Genus est totum respectu speciei; ergo non est principium. Antecedens probatur, ex Porphyrio, cap. de specie, in fine; & ex Philosopho, primo Physicorum, t. c. 4. Consequentia patet. Quia principium est simplicius principiatos; sed totum non est simplicius; imò compositius eo, cuius est totum; ergo totum nequit esse principium respectu alicuius.

Respondetur, totum esse duplex, scilicet actuale, & potentiale. Totum actuale est, quod continet suas partes actualiter. Et sic, quodlibet inferius dicitur totum respectu superiorum; quia continet illa in actu; vt patet de homine respectu animalis, corporis animati, corporis, & substantiæ, quæ in se actu continet. Potentiale est, quod continet suas partes potentialiter. Et sic quodlibet superius dicitur totum respectu sui inferioris; vt animal respectu hominis, leonis &c. Totum actuale nequit esse pars respectu alterius totius actualis, sed bene totum potentiale potest esse pars respectu totius actualis; vt animal respectu hominis, & corpus animatum respectu animalis, & sic de alijs, ascendendo vsque ad substantiam.

Formaliter ad argumentum dico. Antecedens esse verum de toto potenciali, non actuali. Ad probationem consequentiæ dico, minorem esse veram de toto actuali, & non potenciali; quia tale est simplicius, eo cuius est totum potentiale.

De Specie.

C A P V T I I I.

Explicata natura Generis, sequitur Porphyrius intentum, declarando naturam species in hoc tertio capite. Quod diuiditur in quatuor partes; in quarum prima proponit duas acceptiones speciei, & incipit ibi. Species autem dicitur quidem, & de vniuersali quæ forma. In secunda, tradit duas diffinitiones speciei, quæ incipit ibi. Assignant ergo, & sic species, &c. In tertia vero, ponit ordinem prædicamentalem Generum, & specierum Prædicamentis substantiæ ibi. Fiat in vno quidem prædicamento manifestum &c. quod dicitur substantia. In quarta tandem, definit Individuum, ana-

bus diffinitionibus ibi. In diuidua autem dicuntur huiusmodi &c.

Quoad primam partem dicitur, speciem dupliciter accipi posse; uno modo pro speciositate, seu pulchritudine cuiuslibet rei; quo modo dicebant Prisci de formositate Priami. Specie Priami digna est imperio. Et Aristoteles primo Ethicorum. Non omnino felix, qui specie turpissimus est, aut sine prole. Alio modo pro eo, quod immediatè, & directe ponitur sub assignato genere: ut homo est species animalis; albedo coloris, & triangulus est species figura.

Deinde remouet unam tacitam obiectionem. Cum enim superius, genus sit diffinitum per speciem, ne commutatur circulus in diffinitionibus generis, & speciei, species non habet diffiniri per genus, dicendo; genus. & speciem esse relatiuum, quorum esse, est ad aliud se habere, scilicet ad terminum sui correlatiui; ideo necesse est in utrorumque rationibus, utriusque utriusque in diffinitione, ne generis poni speciem, & in diffinitione speciei poni genus. Quod enim dicitur genus, dicitur alicuius speciei genus; & quod species, alicuius generis species, necessario dici debet.

Quoad secundam partem, ponit duas diffinitiones speciei. Primam in ordine ad genus, cum sit correlatiuum generis. Secundam vero, in ordine ad indiuidua, ad qua pariter refertur.

Prima Diffinitio. Species est, qua ponitur sub assignato genere, & de qua genus in eo quod quid predicatur. Ut homo, est species animalis; animal corporis animati; corpus animatum; corporis; & corpus substantia. Quia unumquodque in Arbore predicamentali; immediatè ponitur sub altero; ut patet in sequenti figura. Et hac diffinitio competit tantum speciei subicibili, siue specialissima, siue subalterna; id est, in quantum dicit habitudinem inferioris ad superius, ut subiecti ad suum predicatum.

Secunda Diffinitio. Species est, qua predicatur de pluribus differentibus numero in eo quod quid. Ut homo, de Petro, Paulo, Francisco, Antonio &c. Et hac diffinitio conuenit speciei per habitudinem ad indiuidua, cuiusmodi est sola species specialissima, qua, quia predicatur de pluribus, idcirco species predicabilis nuncupatur.

Quoad tertiam partem. Subiungit ordinem Predicamentalem, qui maxime iuuat ad intelligentiam diffinitionum speciei. Et talis consistit in his quinque predicatis, scilicet substantia, corpus, corpus animatum, animal, & homo. Ex quibus, primum, scilicet substantia, dicitur genus generalissimum; ultimum verò, scilicet homo, dicitur species specialissima; reliqua autem tria, dicuntur genera, & species subalterna, ad aliud, & aliud comparata.

Vnde Genus generalissimum dupliciter diffinitur à Porphyrio. Genus generalissimum est illud, quod non habet aliud genus superueniens. Vi est substantia, quantitas, qualitas, relatio, actio, passio, situs, habitus, ubi, & quando. Et licet ens, sit superius ad ipsa, non tamen dicitur genus; quia non est uniuocum, sed equiuocum, logicè loquendo. Si quis enim omnia entia vocet, æquiuocè nuncupabit; cum tantum vocem omnibus communem, & non conceptum quiditatum predicabilem de illis, sub ratione alicuius horum quinque uniuersalium, præseferat.

Secundo Diffinitur Genus generalissimum per hoc. Quod ira est genus, ut non possit esse species. Quia diffinitio declaratur ex prima. Enim verò, cum de ratione speciei sit, quod habeat genus supra se, & genus generalissimum ex precedenti diffinitione, non habeat aliud genus supra se, sequitur irà esse genus, ut species esse nequeat.

Species verò specialissima est illa, qua cum sit species, non potest esse genus; ut homo leo &c. Quia diffinitio explicatur. Quod ad rationem generis requiratur, ut habeat species sub se. Cum igitur species specialissima, nullam speciem, sed tantum indiuidua sub se contineat, irà species dicenda est, ut genus dici non possit.

Genus verò subalternum, & species subalterna, dicuntur genera, & species, secundum diuersam habitudinem. Nam, si corpus ad substantiam comparatur, cum ponatur sub immediato genere, dicitur species subalterna. Si vero ad corpus animatum, animal, & cetera ordinetur, genus subalternum nuncupatur; quia de illis, ut de differentibus specie in quid, predicatur; ut clarius ostenditur in sequenti Arbore.

ARBOR PRÆDICAMENTI

SUBSTANTIÆ.

Genus,	Substantia	& non species.
Genus,	Corpus	& species.
Genus,	Corpus animatum	& species.
Genus,	Animal	& species.
Species,	Homo	& non Genus.

EX his, inferi duo corollaria, quorum primum est. Quod descendendo à generalissimis usque ad specialissima, subet nos Plato quiescere. Quod probat dupliciter. Primo. Quia talis descensus fit per differentias formales; ut patet de substantia, per corpoream, & incorpoream; de corpore, per animatum, & inanimatum; de corpore animato, per sensibile, & insensibile; de animali, per rationale, & irrationale. Cum igitur species specialissima non diuidatur per alias differentias formales, sed solum per indiuiduales, quæ materiales dicuntur, immediate descendat in indiuidua; ideo in specialissimis quiescendum est. Secundo. Quia indiuidua sub specie specialissima, tenentur in infinitum; sed infinitum est excludendum ab arte; quia de infinitis non potest haberi scientia; igitur in specie specialissima, quiescere debemus.

Secundum Corollarium. Descensus à Generalissimis ad specialissima, fit per diuisionem unius in plura: ascensus uero, quo à specialissimis ad generalissima ascendimus, fit per collectionem plurium in unum. Prima pars patet, ex dictis. Secunda probatur. Quia ascensus à specialissimis, procedit à collectione singularium in aliquod commune; quod patet in natura humana; quia participatione speciei humana, plures homines sunt unus homo: in natura animalis, plura animalia sunt unum animal; & sic de cæteris discurrendo, usque ad substantiam, quæ est genus generalissimum.

Quoad quartam partem. Notificat indiuiduum per duas diffinitiones, quarum

prior est talis. Indiuiduum est, quod prædicatur de uno solo. Ut Petrus, de seipso, dicendo. Petrus est Petrus. Posterior diffinitio. Indiuiduum est illud, cuius collectio proprietatum, quæ in uno est, in alio esse non potest. Et declaratur sic. Proprietates præcipue, in indiuiduo conuenientes, sunt forma, figura, locus, tempus, sanguis, patria, & nomen proprium; quæ licet diuisim, omnibus indiuiduis sint communes, tamen collectivè, quæ sunt unius, alterius esse non possunt. Non enim possunt reperiri duo indiuidua, quæ habeant eandem formam, scilicet temperiem in quatuor qualitatibus, eandem figuram, scilicet delineamentum, corporis staturam, quantitatem, & qualitatem, eandem patriam, & sanguinem, seu prosapiam, &c. collectiue sumpta: ergo distinguuntur.

Tandem epilogat totum, hoc ordine. Indiuiduum ponitur sub specie; species, sub genere subalterno; genus subalternum, sub genere generalissimo. Quia genus generalissimum, est totum, supple potentiale, seu uniuersale respectu generis, subalterni: genus subalternum, quod est pars generalissimæ, est totum respectu speciei specialissimæ: & hæc, est totum respectu indiuiduorum; indiuidua uero, sunt partes subiectiue, sicut quodlibet inferius respectu sui superioris. Et hæc de specie, quoad textum.

De Natura Speciei, & Individui.

DISPUTATIO IV.

Virtus Diffinitiones Speciei, sine conuenienter posita. Et an sint quidam?

QVÆSTIO I.

Circa primam partem, duas reperio oppositas sententias; quarum prior, est Caietani, & Canteri, in expositione textus. Toleti hic, q. prima. Ruuij ibidem, & aliorum, quos recēsent, dicentium, speciem esse diffinitam triplici diffinitione, quarum est prima dum dicitur. Species est, quæ ponitur sub assignato genere. Secunda. Species est, de qua genus in eo quod quid prædicatur. Tertia Species est, quæ prædicatur de pluribus differentiis numero, in quid.

Posterior, est Aniceanæ, cap. de specie. Doct. Subt. q. 21. Vniuers. Soti hic; & Colleg. Conimb. q. 1. art. primo, asserentium, duas dumtaxat diffinitiones esse assignatas à Porphyrio, esseque illas, quas in textu reulimus; cum prima, assignata à priori opinione, non distinguatur à secunda, ut probabimus infra.

Circa secundam partem, etiam eadem est controversia, sicut diximus de diffinitione Generis. Qui enim assererant, illam esse tantum descriptiuam, & nullo modo quiditatuam, similiter fatentur de his diffinitionibus speciei.

Veram tamen sententiam, quam asserit, & probat Scotus, q. 21. Vniuers. asserit, speciem diffiniri quiditatuè per illam diffinitionem secundam, in ordine ad indiuidua; per primam verò, diffiniri etiam quiditatuè in ordine ad genus; cui, & nos libenter subscribimus. Vnde.

Pro eius declaratione, & fundamento. Primo notandum est, speciem dupliciter considerari posse, scilicet pro prima, & pro secunda intentione. Species primo modo,

non dicit nisi naturam specificam, cognitam ab intellectu, ut communicabilè pluribus differentiis numero: ut homo cognitus, leo cognitus &c. Species verò secundum modo, dicit secundam intentionem fabricatam per opus collatum intellectus, fundatamque super tali natura cognita, in ordine ad sua indiuidua, vel in ordine ad genus proximum. Et hæc est duplex, scilicet prædicabilis, & subijcibilis. Prior importat respectum rationis, seu secundam intentionem, fundatam super tali natura cognita, in ordine ad indiuidua, de quibus prædicatur in quid. Et sic dicitur referri ad indiuidua, ut relatiuum ad sua correlatiua. Posterior verò, dicit respectum rationis, seu secundam intentionem fundatam super eadem natura cognita, in ordine ad suum superius, sub quo immediate ponitur. Ut species attributa naturæ hominis, cognita in ordine ad animal cognitum, in quantum participat quiditatuè naturam animalis. Et sic species, dicitur esse correlatiuum generis, diffiniturque per illam primam diffinitionem. Species est, quæ ponitur sub assignato genere, & de qua genus in eo quod quid prædicatur. Cum omne relatiuum, habeat diffiniri per fundamentum sui correlatiui.

Secundo notandum est, diffinitionem quiditatuam esse illam, quæ constat ex genere, & differentia. Cum igitur in secunda diffinitione speciei, ponatur ly prædicari de pluribus, loco generis, scilicet Vniuersalis, cum sit diffinitio eius, & ly de differentiis numero, & in quid, loco differentia; quæ per priorem particulam differt species à genere, quod prædicatur de differentiis specie; & per posteriorem differt à differentia, proprio, & accidente, quæ prædicantur in quale; sequitur, illam esse quiditatuam, in ordine ad indiuidua.

Tertio notandum, quod illa particula posita in prima diffinitione speciei, scilicet de qua genus in eo quod quid prædicatur, non facit distinctam diffinitionem ab illa, quæ dicit. Species est, quæ ponitur sub assignato genere. Sed fuit addita, ut notificatio huius, in qua consistit prima diffinitio speciei in ordine ad genus, ut sit sensus,

Species est, quæ ponitur sub assignato genere; scilicet illud, de quo immediatè prædicatur genus in quid, est species subijcibilis, scilicet prout est correlatiuum generis. Ex quo pater falsitas primæ opinionis, (quam tueretur etiam noster Tataretus hic) separantis primam particulam a secunda; adeo ut constituant distinctas diffinitiones speciei. Nam idem est dicere, hoc est subiectum respectu huius prædicati, & illud de quo hoc prædicatum enunciat; cum hoc sit diffinitio subiecti, quæ non distinguitur silem formaliter, & quiditatiuè, a suo diffinito.

Quanto notandum, & memoriæ reuocandum totum id, quod superius diximus, q. prima, & secunda de genere, scilicet duplicem esse diffinitionem, quiditatiuam, & descriptiuam; & utramque pariter duplicem, scilicet purè quiditatiuam, vel descriptiuam; vel non purè quiditatiuam, aut descriptiuam. Insuper, duplex esse ens rationis, scilicet absolutum, & respectuum; & quid sit utrumquè, & quomodo vnum ab alio secernatur. Et demum, speciem tripliciter considerari, pro formali, pro fundamento, & pro aggregato. Et quod species pro formali dupliciter sumi possit, scilicet in abstracto, & in concreto; quia eadem difficultas habetur hic de specie, quæ superius habebatur de Genere.

Ex his, sit prima Conclusio. Non sunt plures, quàm duæ, diffinitiones speciei, scilicet vna in ordine ad genus, per quam ostenditur in esse subijcibili, & alia in ordine ad indiuidua, quæ dicitur species prædicabilis. Probatur. Quia species tantum dupliciter consideratur, scilicet ut subijcibilis, & ut est prædicabilis; ergo tantum debet habere duas diffinitiones explicantes naturam speciei, in quantum est subijcibilis, & prædicabilis. Antecedens probatur. Quia tantum refertur ad genus, quo constituitur in esse subijcibilis; & ad indiuidua, quo constituitur in esse prædicabilis. Consequentia pater. Quia eiusdem rei non possunt esse plures diffinitiones; sed species est tantum vna in esse subijcibili, & vna in esse prædicabili; ergo tantum duas diffinitiones habere debet, quibus explicetur utrumque esse. Secundo sic. Quia

per hoc, quod dicitur. Species est, quæ subijcitur generi; dicitur etiam, species est de qua genus in quid prædicatur; ergo illæ particulæ non faciunt distinctas diffinitiones. Antecedens probatur. Quia per hoc, quod dico diffinitum, non dico distinctam essentiam, ab essentia importata per diffinitionem; quia homo, & animal rationale dicunt eandem essentiam; sed esse illud, de quo aliud prædicatur, est diffinitio illius, quod subijcitur; ergo per hoc, quod dico; species est, de qua genus prædicatur, dico etiam; species est quæ subijcitur generi. Minor est Philosophi, primo Perihermi ubi diffinit subiectum per hoc, quod de ipso dicitur prædicatum.

Secunda Conclusio. Diffinitio secunda speciei, scilicet species est, quæ prædicatur de pluribus differentibus numero in quid; est quiditatiua. Probatur. Quia ratio constans ex genere, & differentia, est diffinitio quiditatiua, ex Aristotele, 7. Methaph. t. c. 43. & sexto Topicorum; sed hæc diffinitio est huiusmodi; quia ly prædicari de pluribus, est genus ad quinque vniuersalia, cum sit diffinitio vniuersalis in communi; ly verò de differentibus numero, & inquit, tamquam differentia, quibus species differt à genere, & ab alijs tribus vniuersalibus, ut dictum est in secundo notab. ergo hæc diffinitio est ratio constans ex genere, & differentia; & consequenter quiditatiua.

Tertia Conclusio. Diffinitio prima speciei, quia refertur ad genus, est quiditatiua. Probatur. Quia diffinitio explicans naturam relatiui, est quiditatiua, aliter relatiuum non haberet suam quiditatem, quod est falsum; sed huiusmodi diffinitio explicat naturam speciei, ut refertur ad genus, quia datur per fundamentum sui correlatiui, quod est genus pro prima intentione; ergo explicat naturam speciei in ordine ad genus, tamquam suum correlatiuum.

Quarta Conclusio. Diffinitiones speciei, sunt conuenienter datæ à Porphyrio. Probatur. Quia habent conditiones requisitas ad bonam diffinitionem; ergo sunt conuenienter datæ. Consequentia patet. Quia nihil aliud requiritur. Antecedens probatur. Nam sicut secunda diffi-

nitio competit soli speciei prædicabili, ita prima soli speciei subijcibili. Similiter utraque conuenit omni speciei, siue prædicabili, siue subijcibili respectiue, & per secundam explicatur natura speciei prædicabilis per genus, & differentiam; & per primam expenditur natura speciei subijcibilis per fundamentum, & terminum sui correlatiui, vt dictum est notabili secundo, & tertio; ergo habent conditiones bonæ diffinitionis, & consequenter sunt conuenienter datæ à Porphyrio.

Obijcies primo, contra secundam conclusionem. Omne relatiuum debet diffiniri per suum correlatiuum, seu per terminum sui correlatiui, ex Porphyrio dicente. Necesse est in vitrorumque rationibus, utriusque uti, scilicet relatiui, & correlatiui vicissim, vt explicauimus in textu; sed in secunda diffinitione speciei, non ponitur genus, quod est eius correlatiuum, sed indiuidua, vt patet; ergo &c.

Respondetur negando minorem. Imò in diffinitione secunda, ponuntur indiuidua, quæ sunt correlatiua speciei, vt est prædicabilis. Ad probationem dico, genus esse correlatiuum speciei, vt est subijcibilis tantum; modo per secundam diffinitionem diffinitur species, vt est prædicabilis tantum; & sic debet dari per indiuidua, & non per genus.

Obijcies secundo. Idem nequit habere plures diffinitiones, ex Aristotele, sexto Topicorum; aliter idem posset habere plures quidditates, quod est falsum; sed species conuenienter diffinitur, per poni sub assignato genere, quod est prima diffinitio; ergo secunda, per prædicari de pluribus differentibus specie in quid, superfluit.

Respondetur, maiorem esse veram in entibus absolutis, quorum esse quidditatum est tantum ad se, non tamen in relatiuis, quorum esse est ad aliud, vt ad suum terminum; & quia vnum, & idem potest referri ad plures terminos, consequenter potest habere plures diffinitiones, & quidditates, iuxta diuersitatem terminorum diffinentium idem relatiuum; vt patet in proposito de specie, quæ cum referatur ad genus, & ad indiuidua, vt ad terminos

diuersos, consequenter habet diffinitum duabus diffinitionibus, quarum vna explicet naturam eius, in ordine ad genus, & altera in ordine ad indiuidua.

Obijcies tertio. Opposita non possunt in esse eadem simul, & semel, ex Aristotele in Postprædicamentis, cap. de oppositis; sed illæ duæ diffinitiones, si forent quidditates, & bonæ, opposita simul, & semel inessent eidem; ergo &c. Minor probatur. Quia prima datur secundum esse subijcibile; secunda, secundum esse prædicabile speciei; sed esse subijcibile, & prædicabile sunt opposita, vt patet; ergo opposita inessent eidem speciei simul, & semel.

Respondetur, maiorem, cum suis probationibus, habere veritatem in oppositis absolutis, vt sunt album, & nigrum; non tamen in relatiuis, vt patet, & filius; quia sic possunt eadem inesse simul respectu terminorum diuersorum, vt patet; quia Petrus potest esse Pater respectu Antonij, & filius respectu Francisci: modo subijcibile, & prædicabile sunt opposita relatiua; quare, species eadem potest esse subijcibilis, & prædicabilis; subijcibilis, respectu generis; & prædicabilis, respectu indiuiduorum.

Contra. Quia tunc idem posset bis referri, semel ad genus, & semel ad indiuidua; sed hoc est contra Aristotelem, quinto Meth. c. 20. ergo &c.

Respondetur concedendo sequelam maioris, & negando minorem. Ad probationem, ex Aristotele dico, ibi non velle, quod idem nequeat bis referri secundum diuersos terminos; quia alibi hoc concedit, & probat; sed tantum, quod actus intelligendi non referatur ad intellectum, & ad obiectum, vt ad duas mensuras; cum tantum ab obiecto, & non ab intellectu, mensurari queat, & habeat.

Vel dicendum. Idem non posse referri bis, id est ad plura per se primo, hoc est ratione sui; posse tamen per se non primo, & ratione alterius; modo species referatur ad genus per se primo; quia illud includit in sui essentia, & quidditate; per se non primo verò, referatur ad indiuidua; quia illa non respicit ratione sui, sed ratione superioris, scilicet vniuersalis, in quantum prædicari de pluribus, quod est diffinitio vniuersalis, includitur in ratione speciei, vt dicit ordi-

nem ad indiuidua, & non vt respicit genus.

Obijcies quarto, contra quartam conclusionem. Quia secunda diffinitio speciei conuenit alijs à specie; quia etiam diffinitio prædicatur de pluribus differentibus numero in quid; vt patet de animali rationali, quod prædicatur de hoc, & illo homine, qui differunt numero; ergo non est conuenienter data; deficit enim sibi prima conditio requisita ad bonam diffinitionem.

Respondetur negando antecedens. Ad probationem dico, diffinitionem non prædicari in quid tantum, sicut facit species, sed in quale quid; siquidem constat ex genere, & differentia; & ratione generis in quid, & ratione differentie in quale prædicatur; & sic in quale quid.

Primum eadem species, quæ est subijcibilis, sit etiam prædicabilis?

Q V Æ S T I O II.

A Vicenna, Alfarabius, Albertus Magnus, & Caleianus, cap. de specie, asserunt, speciem subijcibilem non esse vniuersalem, sed tantum prædicabilem. Vnde isti coguntur dicere, non esse eandem speciem subijcibilem, & prædicabilem; aliter, idem simul, & semel esset vniuersale, & non vniuersale, quod videtur implicare.

Toletus verò, q. vn. super cap. de specie, circa primam argumentum, oppositum putat; & idem reprehendit Auctores prioris sententie, dicens, tam subijcibilem, quam prædicabilem esse vniuersalem, quia vniuersale, est commune prædicabili, & subijcibili; sicut prædicari, ad prædicari de pluribus, & de vno tantum; & sicut hæc est vera. Indiuiduum est prædicabile; ita pariter ista. Subijcibile est vniuersale.

Alij distinguunt de specie in abstracto, & in concreto, dicentes, eandem esse speciem subijcibilem, & prædicabilem in concreto, diuersam in abstracto, cum fiant diuersis actibus comparatiuis, hæc, & illa, vt patet consideranti. Hanc videtur sequi Mastrius, disp. 5. de Vniu. in particulari, q. 2. art. 2. n. 78. cum asserat, hos duos respectus subijcibilitatis, & prædicabilitatis, esse connexos necessarios in specie; si quidem nulla species reperitur prædicabilis, quæ non sit etiam

subijcibilis: quia cum species essentialiter constituitur ex genere, & differentia, necessario subijcitur alicui generi.

Quid verò sentiat in hac difficultate Doctor Subt. non est ita clarum. Videtur tamen dicere, q. 21. Vniuersalium, respondendo ad quartum argumentum, speciem subijcibilem, quæ talem, non esse vniuersalem, cum constituitur in esse vniuersalis tantum per prædicari de inferioribus; ac propterea speciem subijcibilem, siue in concreto, siue in abstracto, esse diuersam à specie prædicabili. Hanc defendit ex nostris, Poncius, disp. 5. q. 2. quam etiam, esse Scotus, & Thomistis communem asserit sub num. 14. in fine; cui pariter, & nos subscribimus, cum Ruoto hic, q. 2. & alijs Recentioribus.

Pro cuius declaratione, & fundamento. Primo notandum est, ex dictis, quæst. prima de Genere. Speciem pro secunda intentione posse dupliciter accipi, scilicet in concreto, & in abstracto. Si in concreto sumatur, significat secundam intentionem, seu respectum rationis concernentem primam intentionem; vt puta, hominem cognitum. Si verò in abstracto accipiat, significat secundam intentionem, abstractuam à prima, scilicet ab homine cognito. Ex quo sequitur, quod cum species, seu secunda intentio speciei, possit concernere primam; & in ordine ad genus, quæ ratione dicitur subijcibilis; & in ordine ad indiuidua, quomodo dicitur prædicabilis. Similiter abstracte à prima, utroque modo considerato, tam species subijcibilis, quam prædicabilis, in concreto accipi valent, ac in abstracto, cum non sit maior ratio de vna, quam de alia.

Secundo notandum est, ex Doctore pluribus in locis suæ doctrinæ. Concretum, & abstractum esse idem re, differre tamen ratione, id est in modo significandi. Nam album, & albedo realiter sunt idem; cum ambo importent eandem formam albedinis; differunt tamen in modo; quia album importat albedinem in concernentia ad subiectum, albedo verò, vt ab illo abstractat. Modò species subijcibilis in concreto erit eadem re, quæ est in abstracto; & similiter prædicabilis in abstracto, est eadem re cum prædicabili in concreto: differunt

tamen in modo significandi; quia subijcibilis in concreto, importat secundam intentionem, concernentem primam in ordine ad genus, & prædicabilis in ordine ad indiuidua. Subijcibilis verò, & prædicabilis in abstracto, importat secundam intentionem non concernentem, imò abstractahentem à prima. Ex quo sequitur, quod licet subijcibilis in concreto, & in abstracto sint idem; & prædicabilis similiter in concreto, & in abstracto, non tamen subijcibilis in concreto, aut in abstracto, est eadem cum prædicabili pari modo considerata, imò valdè differunt, cum, & proprietates à quibus simuntur, sint valdè diuersæ, vt mox ostendimus.

Tertio notandum est, ex Doctore loco citato; quod aliud est considerare speciem, vt speciem, & speciem, vt vniuersalem; nam species, vt species, sit per comparisonem naturæ, verbi gratia hominis ad superius, scilicet ad animal, in quantum homo participat naturam animalis, & non è conuerso: species verò, vt vniuersale, sit per comparationem, verbi gratia, eiusdem naturæ ad inferiora, scilicet ad Petrum, Paulum &c. in quantum illis communicatur; ita vt nequeat per eosdem alijs comminuari. Qua ratione attribuitur sibi secunda intentio vniuersalis, scilicet prædicari de pluribus; quæ ratio non attribuitur sibi, si comparatur ad animal. Cum igitur species, vt species, sit subijcibilis, & species, vt vniuersale, sit prædicabilis, sequitur de mente Doctoris, speciem subijcibilem esse aliam à prædicabili, & è conuerso.

Ex his, sit prima Conclusio. Species subijcibilis, vt talis, non est vniuersale. Contra Toletum. Probatur. Quia subijcibile, vt tale, non est prædicabile; sed vniuersale est prædicabile; ergo subijcibile non est vniuersale. Maior patet. Quia licet opposita relatione possint verificari de aliquo tertio respectu diuersorum, vt Franciscus est pater, & filius, non tamen de se inuicem; vt Pater est filius; sed subijcibile, & prædicabile sunt opposita, saltem in actu exercito; ergo &c. Minor probatur. Quia prædicabile de pluribus est definitio vniuersalis; ergo vniuersale est prædicabile, & prædicabile, est vniuersale. Secundo probatur. Quia secundæ intentiones distinguuntur, saltem fundamentaliter, per diuersas proprietates, à quibus occasionantur; ex dictis, in Tractat. secund. Intentionum; sed species subijcibilis; & prædicabilis, seu vniuersalis, fundantur super diuersis proprietatibus; ergo distinguuntur saltem fundamentaliter. Minor patet. Nam subijcibilis, fundatur v. g. in homine cognito in ordine ad animal, prout ab eo recipit naturam communicabilem alijs inferioribus; & prædicabilis, prout communicat suam naturam inferioribus; sed communicare, & recipere, sunt diuersæ proprietates, vt patet; ergo &c.

Secunda Conclusio. Species subijcibilis, siue concretiuè, siue abstractiuè sumptæ, non est species prædicabilis. Probatur primo. Quæ habent diuersas rationes formales, non sunt idem saltem formaliter; sed species subijcibilis, & prædicabilis, vtcumque consideratæ, habent diuersas rationes formales; ergo non sunt idem formaliter. Maior patet. Quia ideo homo, & leo distinguuntur formaliter, quia habent diuersas rationes formales, licet ambo conueniant in animali. Minor probatur. Quia subijci, & prædicari dicunt diuersas rationes formales, sicut subiectum, & prædicatum à quibus deriuantur, vt patet per definitiones prædicati, & subiecti, allatas ab Aristotele, primo Periherm. ergo species subijcibilis, & prædicabilis dicunt diuersas rationes formales. Secundo probatur. Quia relationes habentes terminos diuersos essentialiter; scilicet alterius, & alterius rationis, sunt pariter diuersæ, & alterius rationis; sed subijcibilitas, & prædicabilitas sunt huiusmodi; ergo. Maior patet. Quia eadem sunt principia essentialia, & distinguendi; sed relationes habent suam entitatem à terminis, ex Philosoph. 5. Meth. & in Prædicam. cap. de Ad aliquid; quia totum esse relatiuorum, est ad aliud se habere; ergo. Minor probatur. Quia subijcibilitas habet pro termino superius, & prædicabilitas inferius, quæ sunt diuersa in ratione terminorum; ergo. Tertio probatur. Intentiones secundæ, habentes proprietates alterius rationis, sunt alterius rationis; sed species subijcibilis, & prædicabilis, siue concretiuè, siue abstractiuè sumptæ, sunt huiusmodi; ergo sunt alterius, & alterius rationis. Maior probatur. Quia secundæ intentiones originantur à primis, supposita proprietate; conuenienti; aliter quodlibet, fundaretur super quolibet, & non esset

maior ratio, cur animali attribueretur intentio generis potius, quam speciei specialissimæ; igitur cum hoc dici nequeat, latendum est distinguere per distinctas proprietates. Minor patet, ex probatione præcedentis conclusionis.

Obijcies primo, contra primam conclusionem. Genus, Species, Differentia, Proprium, & Accidens, sunt species Vniuersalis in communi subijcibiles; sed etiam sunt vniuersalia; ergo species subijcibilis est vniuersale. Maior patet. Quia vniuersale se habet ad illa quinque, vi genus. Minor est clara, ex dictis superius sepius.

Respondetur, minorem esse veram, in quantum sunt species prædicabiles, non in quantum subijcibiles sunt reduplicatiue, hoc est dictu; genus, species, differentia, proprium, & accidens, sunt vniuersalia, in quantum comparantur ad sua inferiora, non autem quatenus referuntur ad vniuersale in communi.

Obijces secundo. Species subijcibilis, non est singularis; ergo est vniuersalis. Antecedens patet. Tum quia fundatur in natura communi; tum etiam, quia non est contracta per differentiam indiuidualem, cum sit communis huic, & illi speciei subijcibili. Consequentia patet. Quia inter singulare, & vniuersale, non datur medium; si ergo non est singularis, sequitur, quod sit vniuersalis.

Respondetur, negando consequentiam. Quia inter singulare, & vniuersale datur medium, scilicet subiectum commune, quod nec est vniuersale, nec singulare. Sicut enim inter vniuersale, & singulare complexum datur medium, scilicet indefinitum, quod non est aliquod illorum, ita inter singulare, & vniuersale incomplexum, datur medium, scilicet indefinitum, seu subiectum commune, vt est species subijcibilis.

Vel dicendum secundo, negando consequentiam. Nam singularitas, & vniuersalitas, non diuidunt ens in ratione subiecti; sed in ratione prædicati; quia valet dicere. Omne quod est prædicatum, vel est vniuersale, vel singulare; non tamen omne subiectum, aut est vniuersale, aut singulare; cum subiecto, vt subiecto, accidat esse vniuersale, vel singulare. Modò cum species subijcibilis habeat rationem subiecti, non se-

quitur, si non est singularis, ipsam esse vniuersalem; cum vtrique ratio sibi accedat.

Obijcies tertio, Species subijcibilis prædicatur de hac, & illa specie subijcibili; ergo species subijcibilis est prædicabilis. Consequentia patet per locum à definitione ad diffinitum; sed diffinitio speciei prædicabilis, scilicet prædicari de pluribus differentibus numero, competit subijcibili; ergo & species, quæ est diffinitum, scilicet prædicabilis, sibi competit.

Respondetur, consequens esse verum, vt modus, non vt quid; hoc est dictu; species subijcibilis, est prædicabilis; quia induit modum prædicabilis, cum super ipsa fundati possit secunda intentio speciei prædicabilis, scilicet prædicari de pluribus differentibus numero in quid. At secunda opinio præterdit, eam esse prædicabilem, vt quid; cum asserat, eam esse vniuersalem, vt quid.

Obijcies quarto contra secundam conclusionem. Ad multiplicationem concretorum, non sufficit multiplicatio abstractorum, sed requiritur multiplicatio suppositorum, ex Doct. Subt. in 3. d. 8. q. viiica, ad primum argumentum; sed species subijcibilis, & prædicabilis fundantur in eodem; siquidem eadem natura, v.g. humana, fundat speciem subijcibilem, prout refertur ad animal, & prædicabilem, quatenus ordinatur ad indiuidua; ergo fundantur in eodem.

Respondetur, maiorem esse veram de subiectis propinquis, non de remotis; modo licet species subijcibilis, & prædicabilis fundantur in eodem fundamento, seu subiecto remoto, vt probatur, non tamen in propinquo, quinimò sic fundantur in diuersis, quia subijcibilis fundatur in proprietate, quam dicit v.g. homo, in ordine ad animal, quæ est participate naturam eius; prædicabilis verò, in proprietate, quam dicit homo, in ordine ad indiuidua, quæ est communicabilitas propriæ naturæ; atqui huiusmodi proprietates sunt alterius rationis, vt patet; igitur fundantur in subiectis alterius rationis.

Dices. Species pro secunda intentione, ex Scoto, & omnibus Scotistis, fundatur super natura v.g. hominis, vel leonis, cognita, aut in ordine ad animal, aut ad indiuidua; sed

sed hæc est semper eadem; ergo species subijcibilis, & prædicabilis fundantur in eodem subiecto; & sic, quamuis multiplicentur in abstracto, non tamen in concreto.

Respondetur eodem modo, maiorem esse veram de fundamento remoto, non tamen de propinquo; quia sic, quælibet secunda intentio fundatur in proprietate naturæ cognitæ. Nec hoc debet esse alienum à Scoto, cum ipse asserat, secundas intentiones fieri per actum collatiuum, seu comparatiuum intellectus, comparantis duo obiecta ad inuicem; atqui illa duo obiecta nequeunt comparari, nisi adsint proprietates, in quibus comparantur; igitur dicendum est, fundamenta propinqua secundarum intentionum esse proprietates rerum cognitarum; resque cognitæ, esse fundamenta remota, seu denominationis.

Dices cum Mastrio loco citato; hos respectus subijcibilitatis, & prædicabilitatis, esse connexos essentialiter in specie; ergo eadem species, quæ est subijcibilis, est etiam prædicabilis, & e converso. An ecedens probatur. Quia quælibet species essentialiter constat ex genere, & differentia; sed prout respicit genus, est subijcibilis, prout verò respicit differentiam, est prædicabilis: siquidem differentia coarctat naturam generis pro inferioribus ad speciem, ut patet de rationali, quod coarctat, & distribuit naturam animalis in omnes homines.

Respondetur, antecedens esse verum de specie accepta pro fundamento remoto, non tamen de eadem accepta pro fundamento propinquo; quia sic, cum non sit eadem ratio fundandi subijcibilitatem, & prædicabilitatem, ut dictum est, consequenter huiusmodi respectus non sunt essentialiter connexi, imò diuersi, & ad inuicem discreti. Ad probationem dico, esse veram de specie subijcibili; quia talis diffinitur per genus, & differentiam, non tamen de prædicabili; quia cum hæc constituatur in ordine ad interiora, accidit sibi, ut habeat genus supra se. Quod vel maxime comprobatur; quia genus generalissimum est species prædicabilis respectu omnium generalissimorum, & tamen non habet genus supra se, cui subijciatur; aliter non esset generalissimum. Et cum dicitur, quod diffe-

rentia coarctat genus ad speciem, & distribuit illud pro inferioribus ad speciem; concedo, primum præstari per differentiam, speciei subijcibili; siquidem differentia adueniens generi constituit speciem; sed nego secundum esse effectum differentiæ; imò hoc habet species, quatenus prædicabilis, ex sua natura, secundum quam, saltem aptitudinaliter, ordinatur ad plura individua, sicut dictum est de genere in ordine ad plures species.

Obijcies quinto. Quod immediatè subijcitur generi, est vniuersale; sed species, quatenus subijcibilis, immediatè subijcitur generi, ex sua diffinitione data à Porphyrio; ergo species subijcibilis est vniuersalis, & sic prædicabilis. Maior pater. Quia quod immediatè subijcitur generi prædicatur de multis; ergo est vniuersale.

Respondetur, negando maiorem. Quia illud, quod immediatè subijcitur generi, licet sit subiectum commune, super quo potest fundari ratio vniuersalis, non est tamen formaliter vniuersale; quia hoc constituitur in esse per prædicari de multis inferioribus, & non per subijci superioribus immediatè, vel mediatè.

Obijcies sexto. Quia genus subalternum non constituitur in esse per prædicabilitatem, sed per subijcibilitatem; ergo & species potest constitui in ratione vniuersalis vltimè per subijcibilitatem. Consequentia patet à simili. Antecedens probatur. Quia non constituitur in esse per prædicabilitatem de differentibus specie; quia hoc conuenit generi generalissimo; nec per prædicari de differentibus numero; quia hoc est proprium speciei specialissimæ; ergo genus subalternum non constituitur in esse per prædicabilitatem.

Respondetur, Aliud esse considerare genus, ut genus, & genus, ut subalternum. Primum ponitur in esse per prædicari de pluribus differentibus specie; & hæc ratio conuenit omni generi. Secundum constituitur in esse per subijci generi generalissimo; & tunc non dicitur genus formaliter, sed tantum materialiter. Dicitur tamen formaliter species subijcibilis, quia immediatè ponitur sub genere, & de ipsa, genus prædicatur inquit.

Formaliter ad argumentum dico, maiorem esse veram de genere materialiter

sumpto in ratione subalterni; quia sic, formaliter est species subijcibilis; falsam, loquendo de genere in ratione generis; quia sic ponitur in esse per prædicari de pluribus differentibus specie, siue sit supremum, siue infimum.

Dices. Genus generalissimum non constitui in esse per ordinem ad inferiora, sed tantum per negationem non habendi genus supra se; ergo genus subalternum constituitur in ratione generis vniuersalis, per habere aliud genus supra se. Antecedens patet, ex Porphyrio, cap. de genere; & ex Doct. in primo, d. 8. q. 3. O. ubi docet, de ratione generis generalissimi, non esse, quod habeat plures species sub se, sed tantum, quod non habeat genus supra se; aliter prædicamentum, quando, non esset genus generalissimum, cum vel nullas, vel saltem paruas species habeat sub se.

Respondetur similiter, genus generalissimum dupliciter considerari posse; vel ut genus; vel ut generalissimum. Priori modo, constituitur in esse per habere, & prædicari de pluribus speciebus, saltem in aptitudine; & sic, ratio generis est communis sibi, & subalterni. Posteriori modo, ponitur in esse per non habere genus supra se; per hoc distinguitur à subalterni, ut subalternum est. Nec inde sequitur, subalternum, ut tale, esse vniuersale; quia non habet esse per prædicari de pluribus, sed tantum per subijci generi superiori. Plura alia argumenta afferuntur à Poncio, & Aristotele ex Recentioribus; sed quia ex dictis facile diluuntur, ideo consulo omittuntur.

Vnum participatione speciei, hac sit vera. Plures homines sunt vnus homo?

QVÆSTIO III.

Hanc questionem mouet Doctor, q. 22. suorum Vniuersalium, occasione verborum Porphyrij, quibus probat, ascensum a specialissimis ad generalissima fieri debere per reollectionem

plurium indiuiduorum, sed inferiorum in vnum; & profert hanc propositionem. Participatione speciei, plures homines sunt vnus homo. Et quia huiusmodi propositio videtur ambigua, iuxta diuersam acceptionem vnius, & pluris; ideo queritur, quomodo habeat veritatem.

Pro cuius intelligentia, primo notandum est, hanc dictionem, plures, dupliciter accipi posse. Vno modo comparatiue; & sic regitur ab hoc aduerbio, quam; ut plures homines, quam decem currunt. Vel constituitur cum ablatiuo absoluto; ut ignorantes sunt plures sapientibus. Alio modo accipi potest positiue; & tunc significat absolute, constituiturque independentem ab alio; ut plures homines currunt. Et facit sensum. Multi homines currunt. Et sic accipitur in presenti; & est sensus. Vtrum multi homines in participando speciem, sint vnus homo?

Secundo notandum, ex Doctor Subtili hic in corpore questionis. Vnum, accipi posse dupliciter, scilicet categorematice, & syncategorematicè. Vnum categorematice, significat vnā entitatem, & est differentia entis; cum ens, secundum Aristotelem, 5. Methaph. t. c. 8. & quarto Methaph. t. c. 12. diuidatur per vnum, & multa, tamquam per differentias oppositas. Vnum verò syncategorematicè, est signum determinatiuum termini communis, faciens ipsum stare pro supposito indeterminatè. Ut cum dicitur; vnus homo currit. Ly vnus, facit stare hominem, pro quadam hominē particulari indeterminatè; quia non denotatur potius iste, vel ille, sed vterque indeterminatè.

Tertio notandum, quod vnum categorematice sumptum, est quadruplex, scilicet logicum, physicum, metaphysicum, & mathematicum. Vnum mathematicum, est principium numeri prædicamentalis. Vnum verò metaphysicum, est principium numeri transcendentis, de quibus in prædicamento quantitatis erit sermo. Vnum physicum, est in eis, quorum motus est vnus. Et est triplex, sci-

scilicet numericum, specificum, & genericum; de quibus in quinto physicorum tractabimus. Vnum tandem logicum est quadruplex, scilicet numero, specie, genere, & proportionione. Vnum numero illa dicuntur, quæ non faciunt diuersum numerum; vt Petrus, vel Paulus. Illa verò sunt vnum specie, quæ continentur sub eadem specie; vt Petrus, & Paulus sub homine. Illa sunt vnum genere, quæ continentur sub vno genere; vt homo, & leo sub animali. Illa tandem sunt vnum proportionione, quæ habent eandem habitudinem ad aliqua; vt homo, & albedo, sunt vnum proportionione; quia sicut homo est species respectu Petri, & Pauli, ita albedo est species huius, & illius albedinis. Vel Petrus, & albedo hæc, dicuntur vnum proportionione; quia qualem habitudinem dicit Petrus ad hominem, talem pariter dicit hæc albedo ad albedinem; se habent enim ad illa, vt indiuidua ad propriam speciem. In proposito; hæc propositio. Plures homines sunt vnus homo; habet veritatem, accipiendo ly vnus, pro vno specie, genere, & proportionione; quia plura indiuidua hominis, vniuntur in homine, tamquam in specie; in animali, vt in suo genere proximo; & qualem proportionem dicunt hæc, & illa albedo ad albedinem, & colorem, talem pariter dicunt multi homines ad hominem, & animal. Est tamen falsa, si accipiat ly vnus, numericè; quia plures homines faciunt diuersum numerum; igitur non sunt vnum numero.

Ex his, sit prima Conclusio. Si sumatur vnū cathegorematicè, pro vno specie, genere, & proportionione, hæc propositio est vera. Plures homines sunt vnus homo. Probat primo de vno specie. Quia plures homines continentur sub vna specie humana; ergo sunt vnus homo specie. Antecedens est notum. Consequentia tenet ex descriptione vnus specie. Secundo probatur de vno genere. Qui plures homines in participando speciem humanam, continentur sub vno genere proximo, scilicet sub animali; ergo plures homines sunt vnus homo, etiam in vniuitate generica. Antecedens, & consequentia sunt manifesta ex dictis, notabili tercio. Probat tercio de vniuitate proportionis. Plures homines

habent eandem habitudinem ad hominem in communi; quia sunt indiuidua sub eadem specie contenta; ergo sunt vnus homo, vniuitate proportionis. Consequentia tenet ex diffinitione vniuitatis proportionalis.

Secunda Conclusio. Accipiendo vnum sincathegorematicè, vel cathegorematicè pro vno numero, hæc propositio est falsa. Plures homines sunt vnus homo. Probat prima pars de vno sincathegorematicè. Quia hæc est falsa: quidam homo est plures homines, seu plures homines sunt quidam homo. Sed vnum sincathegorematicè idem est, ac quidam; ergo accipiendo vnum sincathegorematicè, hæc est falsa. Plures homines sunt vnus homo. Secunda pars probatur. Quia illa sunt vnum numero, quæ non faciunt diuersum numerum; sed plures homines faciunt diuersum numerum, quia si fuerint duo, faciunt numerum binarium; tres, ternarium; quatuor, quaternarium, &c. sic de cæteris.

Tertia Conclusio. Si hæc propositio. Plures homines sunt vnus homo. Coniungatur cum hac particula (participatione speciei) est simpliciter vera. Probat. Quia ly participatione speciei, facit stare ly vnum, pro vno specie tantum; sed plures homines sunt vnus homo specie; ergo &c. Maior patet. Quia facit hunc sensum, quod plures homines in participando speciem humanam, sunt vnus homo specie.

Obijcies primo, contra primā, & tertiā conclusionē. Quia si hæc est vera Plures homines sunt vnus homo; ergo per conuersionem simplicem erit ista vera. Vnus homo, est plures homines; sed consequens est falsum; ergo, & antecedens. Minor probatur. Quia si vna contradictoria est vera, reliqua erit falsa; sed contradictoria huius; vnus homo est plures homines; est vera, scilicet nullus homo est plures homines; ergo talis est falsa, scilicet vnus homo est plures homines.

Respondetur, maiorem esse veram de vniuitate specifica, non numerica. Ad inuicem dico, quod hæc; nullus homo est plures homines; non contradicit huic; vnus homo est plures homines; quia homo in priori, supponit personaliter pro quo.

quolibet homine in particulari; in possetio-
ri verò, supponit simpliciter, pro homine in
communi.

Obijcies secundo. Illa propositio est falsa
cuius subiectum, & prædicatum accipiuntur
sub oppositis modis significandi gram-
maticalibus, ex dictis de Genere, q. 3. sed
subiectum, & prædicatum huius proposi-
tionis; plures homines sunt vnus homo;
sunt huiusmodi; ergo. Minor probatur.
Quia ly homines, in subiecto, accipiuntur
in numero plurali; & ly homo in præ-
dicato, in numero singulari; sed sin-
gulare, & plurale sunt oppositi modi signifi-
candi grammaticales; ergo &c.

Respondetur, duplicem esse singularita-
tem, & pluralitatem, scilicet indiuiduorum,
& specierum. Singularitas, & pluralitas pri-
mo modo opponuntur, sicut singularitas,
& pluralitas secundo modo; non tamen
singularitas specifica, & pluralitas indiui-
duorum. Modo in hac propositione, plures
homines sunt vnus homo; ly homines, su-
muntur sub pluralitate indiuiduorum,
& ly homo a parte prædicati, sub singu-
laritate specifica, quæ non opponun-
tur.

Formaliter ad argumentum, nego mi-
norem. Ad probationem dico, minorem ef-
se veram de singulari, & plurali indiuiduo-
rum, vel specierum ad inuicem com-
paratorum, non tamen de plurali indi-
uiduorum, & singulari naturæ specifi-
cæ; quia sic non opponuntur, immò
vna continetur in alia, vt dictum
est.

*Virum Diffinitio indiuidui, scilicet, quod
prædicatur de vno solo, sit bona, &
conuenienter assignata a
Porphyrio?*

QVÆSTIO IV.

Circa hanc questionem, potest esse
multiplex difficultas, secundum quod
indiuiduum potest accipi pro prima, & pro
secunda intentione; siquidem queri potest.
An per hanc diffinitionem, diffiniatur ali-
quod commune positiuum, dicibile vniuer-
sè, & in quid de omnibus indiuiduis, vel
solum aliquod negatiuum, vel tandem, an
diffiniantur omnia indiuidua indetermi-

natè realiter, & conuenientia duntaxat in
similitudine, quam dicunt ad inuicem, &
in modo singularizandi naturam commu-
nem?

Mastrius, disput. 5. de Vniuers. in particu-
lari, q. 2. art. 4. putat, per hanc diffinitionem
diffiniri, seu explicari aliquod commune
positiuum dicibile in quid sub modo spe-
ciei de omnibus indiuiduis. Et dicit, hanc
sententiam esse Scoti, in primo, d. 23. in fi-
ne, & d. 26. q. vnica, sub Y. Quia ibi clarè as-
serit, ab vltimis differentijs, & constitutis
per eas, posse abstrahi ab intellectu aliquod
commune in quid, quod est dicibile de om-
nibus indiuiduis sub ratione speciei, vt do-
cet, q. 12. Vniuersalium, in sol. ad tertium,
& in 4. d. 13. q. 1. paulò ante V. quia hæc est
vera in prædicatione denominatiua: singu-
lare, est vniuersale; quod non esset, si ab in-
diuiduis non posset abstrahi aliqua ratio
communis, dicibilis de illis per prædicari
de vno solo in quid. Pro hac opinione ci-
tantur a Mastro ex nostris Lychetus, in
expositione ad textum Doctoris, in locis
citatis super primo sent. Badius, in primo,
d. 14. in fine §. Ad questionem; & alij.
Ex alienis verò, Ruvius hic, quest. 6.
& 7. Hurtad. disputat. 5. sect. 7. Arria-
ga; d. 1. q. 7. num. 53. & alij ab ipso re-
lati.

Pontius verò, ex opposito, disputat. 6. q. 1.
conclusionem prima & secunda, inquit, non
posse aliquam rationem communem sin-
gularibus, quæ sit singularis, prout singula-
re distinguitur ab vniuersali, abstrahi, nec
dari conceptum commune positiuum,
qui multiplicetur in illis. Vnde cogitur fa-
teri, hic diffiniri indiuiduum indetermina-
tè, prout omnia importat in vnitatem simili-
tudinis, & proportionis, quam ad inuicem
præseferunt & ad naturam, quam singula-
rizant. Etiam ipse præiendit habere pro se
Doctorem Sub. in secundo, d. 3. q. 6. B. vbi
clarè dicit, entitates indiuiduantes, & con-
stituta per eas, non habere aliquod commu-
ne, quod sit vnum numero. Insuper, hæc
opinio videtur esse Nominalium, & Rec-
tiorum communiter, vt refert etiam Ma-
strius citatus. Pro hac opinione possent ad-
duci Caiet. Soto, Toletus, & Louanientes,
cap. de Specie; cum, & ipsi negent, hic defi-
niri indiuiduum sub aliqua ratione com-
muni, siquidem nulla talis assignari potest,
cum

eum indiuidua formaliter accepta, sint primo diuersa, vt etiam frequenter docet Scotus, nedum in loco citato pro hac opinione, sed etiam in primo, d. 3. q. 3. sub lit. F.

Quid autem sit tenendum secundum veritatem, & de mente Doct. Subtilis, non est ita clarum; quia vtrique videtur saluare sententiam. Nihilominus quibuidam notatis, dicam, & ego quid sentiam cum eodem.

Circa secundam partem quæstionis, etiam potest esse controversia. An hic diffiniatur Indiuiduum pro fundamento, vel pro formali, vel prout importat vtrumque. Cæterum loquendo consequenter ad dicta de diffinitione Generis, dicendum est, hic diffiniri, vel describi Indiuiduum pro secunda inentione, concretiue sumptum; siquidem datur per prædicari de vno, quod per se duntaxat conuenire potest indiuiduo pro secunda intentione accepto, & in actu signato.

Pro harum omnium difficultatum intelligentia, ac solutione, primo notandum est Indiuiduum duo in se complecti, scilicet naturam communem, seu specificam, & differentiam indiuidualem, per quam singularizatur, & fit hæc natura; vnde denominatione, veluti ab effectu, appellatur à Doctore Subtili, in secundo, d. 3. q. 6. & 7. hæceiras. Exemplum sit de Petro, qui in se complectitur, & esse hominis, & huius hominis determinatè. Primum habet à natura humana, & dicitur esse quidditatum eius; siquidem species dicit totum esse quidditatum indiuiduorum, vt alibi diximus. Secundum possidet ab entitate indiuiduali, scilicet Petreitate, secundum quam consideratur in esse formali, seu proprio indiuidui, vt indiuiduum est; & dicitur hic homo, prout distinguitur ab alio homine.

Secundo notandum est, indiuiduum hoc modo acceptum, posse dupliciter accipi; vno modo determinatè; alio modo indeterminatè, seu secundum esse signatum, & in vago. Indiuiduum determinatè, & in esse signato acceptum, notatur per signum demonstratiuum; vt hic homo, ille leo, iste equus; vel per terminum discretum, seu singularem; vt Petrus, Paulus, Bucefalus, & similia; & sicut importat tantum

vnam rem determinatè, ita dicitur tantum de vno solo, scilicet de se ipso: vt Petrus est Petrus; Paulus est Paulus; & sic de cæteris. Indiuiduum indeterminatum, seu vagum, exprimitur per terminum communem, & signum particulare; vt aliquis homo, quidam leo, aliquod album; & hoc modo, cum rem singularem indeterminato modo, non signando hanc, vel illam importet, dicendum est potius commune, quam particulare, & potius vniuersale, quam singulare, & Indiuiduum; quia sic prædicatur de pluribus, imò de omnibus indiuiduis, licet indeterminatè. Hic est sermo de indiuiduo determinato, & signato; quia hoc distinguitur ab vniuersali per prædicari de vno tantum.

Tertio notandum est, indiuiduum signatum, seu determinatum, posse ab intellectu dupliciter concipi, scilicet adæquatè, & inadæquatè. Conceptus adæquatus indiuidui, inuoluit duo, scilicet naturam communem contractam, & singularizatam; & differentiam indiuidualem, per quam contrahitur ad vnum tantum, & ipsum differre facit à quocumque non est ipsum; vt patet de Petro, qui dicit naturam hominis, & petreitatem, per quam contrahitur natura humana ad ipsum, & differt à Paulo, & cæteris hominibus. Conceptus inadæquatus indiuidui, tantum terminatur ad differentiam indiuidualem, præcisingendo ab ipsa naturam indiuiduatam; vt Petreitas, Pauleitas, & sic de alijs. Hic non loquimur de indiuiduo adæquatè concepto, cum queritur. An ab Indiuiduis possit abstrahi aliquod commune. Quia certum est, posse abstrahi naturam communem in ipsis diuisam, in qua omnia conueniant, & ab ipsa prædicationem in quid recipiant, cum hæc sint veræ, & quiditativæ. Petrus est homo. Paulus est homo, & sic de alijs. Sed est sermo de indiuiduis inadæquatè conceptis, vt sit sensus. An ab illis possit abstrahi aliquod commune, cui conueniat illa diffinitio, scilicet prædicari de vno tantum; & prædicetur secundum illam, de omnibus indiuiduis.

Quar-

Quarto notandum est, diffinitionem, & diffinitum relatiuè se habere, seque essentialiter comitari; ita quod non detur diffinitio absque diffinito, neque è conuersò; & qualis sit diffinitio, tale pariter sit etiam diffinitum. Cum igitur prædicari de vno tantum, sit diffinitio indiuidui, prout secernitur ab vniuersali, & in ea conueniant omnia indiuidua, tum substantialia, tum accidentalia, quia hæc sunt veræ. Petrus prædicatur de vno tantum, Paulus prædicatur de vno tantum, & sic de cæteris; si quidem de necessitate dari debere indiuiduum commune diffinibile per eandem, & in quo omnia indiuidua particularia conueniant; ita vt sit verum dicere, non æquiuocè, sed vniuocè. Petrus est indiuiduum, Paulus est indiuiduum, hoc album est indiuiduum; & sic de alijs.

Quinto notandum est, indiuiduum hoc modo sumptum explicitè considerari posse, scilicet pro prima, & secunda intentione. Indiuiduum primo modo, est aliquod commune posituum, abstractum ab omnibus indiuiduis particularibus, vt est cognitum ab intellectu actu recto. Indiuiduum secundo modo, est secunda intentio fundata super indiuiduo pro prima intentione, cognito comparatiuè in ordine ad obiectum commune, & prout sibi repugnat diuidi in plura inferiora; qua ratione, dicitur prædicari tantum de vno solo, id est de seipso. Et hæc secunda intentio adhuc dupliciter accipitur, scilicet in concreto, & in abstracto, vt supra dictum est de secundis intentionibus generis, & speciei. Hic est sermo de indiuiduo vtroque modo considerato, sed præcipuè de ipso secundo intentionaliter accepto, & in concreto; quia tale diffinitur per prædicari de vno tantum.

Sexto notanda sunt omnia ad bonam differentiam requisita; sicut diximus superius, loquendo de diffinitione generis, & speciei; quia talia, mutatis mutandis, etiam hic possunt adaptari. Si quidem indiuiduum, quamuis diffiniri nequeat, diffinitio ne exprimente quod quid erat esse, seu quidditatiua; quia sic sola specie diffinitur, cum sola constet ex genere, & differentia, tamen quia indiuiduum est per se ens, addens aliquam entitatem entitati speciei, vt docet Scotus, in secundo, d. 3. q. 6. sub lit. M. poterit vtiq; diffiniri diffinitione exprimente

propriam eius naturam, prout distinguitur à natura speciei; & talis conuenienter assignatur à Porphyrio per prædicari de vno solo tantum, vt inferius probabitur.

Ex his, sit prima Conclusio. Ab indiuiduis formaliter sumptis, potest abstrahi aliqua ratio communis, quæ tamen sit singularis, prout singulare secernitur ab vniuersali, & positiua, in qua conueniant omnia indiuidua. Est Scoti, in primo sent. dist. 23. q. vn. in fine, vbi habet hæc verba. Potest dici, quod ab indiuiduis, non tantum potest abstrahi species, quæ dicit quidditatem indiuiduorum, sed etiam aliquid quasi proprium. Et in dist. 26. q. vn. sub lit. Y. clarius exponendo addit, quod à primo diuersis, cuiusmodi sunt indiuidua formaliter sumpta, potest abstrahi aliquis conceptus realis communis, in quo conueniant, non tamen vt in realitate quasi potenciali, & determinabili per proprias differentias; quia sic daretur processus in infinitum in primo diuersis, sed vt in ratione communi dicibili de illis, secundum diffinitionem indiuidui. Probatur prima pars. Quia diffinitio, & diffinitum se consequuntur relatiuè, vt patet; quia ad positionem, vel destructionem vnius, ponitur, & destruitur alterum; sed datur vna diffinitio communis vniuocè omnibus indiuiduis, scilicet prædicari de vno solo tantum; ergo etiam debet dari vnicum diffinitum commune ad omnia indiuidua. Minor est Porphyrij, cap. de specie; & patet etiam inducendo in omnibus indiuiduis. Quia Petrus dicitur de vno tantum, scilicet de se. Paulus dicitur de vno tantum, & sic de cæteris; ergo omnia indiuidua conueniunt in illa diffinitione, scilicet prædicari de vno tantum. Secundo probatur ex Rudio. Quia valet hic syllogismus in Darij. Omne indiuiduum est incommunicabile, saltem vt quod, id est pluribus inferioribus; sed Petrus est indiuiduum, Paulus est indiuiduum, & sic de alijs; ergo Petrus, Paulus, & sic de cæteris, sunt incommunicabiles vt quod; atqui non bene concluderet, si non daretur indiuiduum commune vniuocum omnibus indiuiduis, cum non posset fieri distributio medij termini ad extremitates; igitur dicendum est, dari indiuiduum, quod sit commune vniuocum omnibus indiuiduis. Secunda pars, quod talis

ratio sic abstracta, sit singularis, probatur. Quia quod dicitur de vno, vt vnum opponitur multis, seu pluribus, est singulare; sed talis ratio sic abstracta, est huiusmodi; ergo. Maior, & minor sunt clare ex dictis. Confirmatur. Quia talis ratio, vt sic abstracta, non est in illis, vt realitas potentialis contrahibilis per differentias contrahentes, sed vt realitas actualis, quæ si millies abstraheretur ab intellectu, non multiplicaretur in esse obiectiuo, sed tantum in præcissione formali; ergo dicendum est, ipsam sic abstractam, esse singularem, quamuis communem in quid indiuiduis.

Secunda Conclusio. Indiuiduum pro secunda intentione, in concreto sumptum, importat aliquid commune dicibile tantum de vno, vt quid; vt modus verò, est prædicabile de pluribus, siue in actu signato, siue in actu exercitio, ad modum speciei de omnibus indiuiduis. Est Scoti, q. 8. & 12. Suorum Vniuersalium, respondendo ad tertium principale; vbi Mauritius, Anglicus, & Brasuolus, & communiter Scotista. Probatur. Quia indiuiduum pro secunda intentione diffinitur à Porphyrio, cap. de specie, per prædicari de vno tantum, vt obseruant communiter expositores; sed vt sic, sumitur vt quid, cum per hoc opponatur vniuersali, quod prædicatur de pluribus; ergo indiuiduum pro secunda intentione acceptum, vt quid, dicitur tantum de vno solo. Secunda pars probatur. Quod prædicatur ad modum speciei, est species, vt modus; sed indiuiduum secundo intentionaliter acceptum, est huiusmodi; ergo. Maior patet per locum à diffinitione ad diffinitum. Minor probatur. Quia indiuiduum pro secunda intentione prædicatur de intentione secunda applicata Petro, & de alia applicata Paulo, & sic de cæteris; sed huiusmodi secundæ intentiones differunt numero; ergo prædicatur ad modum speciei. Confirmatur. Quia hæ sunt quiditativæ: hoc indiuiduum est indiuiduum; illud indiuiduum est indiuiduum; sed hoc, & illud indiuiduum significant diuersas secundas intentiones applicatas indiuiduis pro prima intentione; ergo indiuiduum prædicatur in quid de differentibus numero; & sic ad modum speciei.

Tertia Conclusio. Hæc diffinitio, scilicet prædicari de vno solo, data de indiuiduo, est bona, & conuenienter assignata à Porphyrio. Probatur. Quia hæc diffinitio exprimit naturam indiuidui, prout indiuiduum distinguitur ab vniuersali, & à quocumque non est ipsum; ergo est bona, & conuenienter assignata. Consequentia patet. Quia diffinitio est oratio indicans esse rei. Antecedens probatur. Quia indiuiduum, seu singulare, & vniuersale conueniunt in eo, quod ambo sunt prædicabilia: differunt verò, quia vniuersale prædicatur de pluribus, indiuiduum verò, seu singulare, tantum de vno; ergo hæc diffinitio explicat naturam indiuidui, prout distinguitur ab vniuersali, & à quocumque alio, quod non est ipsum. Secundo: Hæc diffinitio facit differre indiuiduum à specie specialissima, vt à suo correlative; ergo est bona, & conuenienter assignata. Consequentia patet. Quia indiuiduum, ad duo refertur, scilicet ad vniuersale, & ad speciem specialissimam; à priori differt per prædicari de vno tantum; à posteriori verò per non habere inferiora differentia numero; sed utrumque importatur per ly prædicari tantum de vno; ergo hæc diffinitio est bona, & conuenienter assignata; quia facit differre indiuiduum à specie specialissima. Antecedens patet. Quia species specialissima dicitur de differentibus numero in quid; indiuiduum verò, de non differentibus numero, sed tantum de vno, quod non facit diuersum numerum; ergo hæc differentia, facit differre indiuiduum à specie specialissima.

Quarta Conclusio. Hæc diffinitio competit per se indiuiduo pro secunda intentione, concretivè (sumpto; per accidens verò, & denominativè conuenit etiam indiuiduo pro prima intentione. Probatur. Quia hæc diffinitio datur per prædicari, & nõ per esse; sed prædicari competit per se secundis intentionibus, & per accidens primis; ergo &c. Maior patet in textu Porphyrij. Minor etiam est clara, ex his, quæ diximus de mente Scoti supra, disput. secunda q. 3. scilicet, quod prædicari est nomen secundæ intentionis, sicut esse, primæ intentionis; ergo prædicari conuenit per se secundis intentionibus, & denominativè pri-

primis. Secunda pars probatur. Quia Petrus predicatur de vno solo, hoc est de se; quia hæc est vera identitè saltem, si non formaliter. Petrus est Petrus; sed Petrus est indiuiduum pro prima intentione; ergo prædicari, sibi conuenit aliquo modo; non per se, sicut per accidens, & denominatiuè. Confirmatur. Quia secundæ intentiones dicuntur denominatiuè de primis, vt supra probatum est & conclusum in Tract de secundis intentionibus, cap. vltimo; sed prædicari, est vna secunda intentio; ergo denominatiuè conuenit indiuiduo pro prima intentione.

Obijcies primo, contra primam conclusionem, cum Poncio, disp. 6. de Indiuiduo, q. prima, conclusione prima. Quia si daretur aliqua ratio communis abstracta à singularibus, talis non esset singularis, & indiuidua, sed vniuersalis; atqui hoc pugnat cum natura indiuidui, quæ distinguitur essentialiter ab vniuersali; ergo &c. Maior probatur. Quia idè natura humana abstracta ab omnibus hominibus, est vniuersale metaphysicum, quia est communis illis, vt sit in potentia proxima prædicandi de illis, prædicatione dicente, hoc est hoc; ex Doct. Subt. in secundo, d. 3. q. 1. N. & idè Petrus, v. g. est singulare, & non vniuersale, quia non est communis pluribus, quorum quodlibet sit ipsum; ergo si illud abstractum à singularibus sit commune pluribus indiuiduis, quorum quodlibet sit ipsum, sequitur manifestè, quod non sit indiuiduum, & singulare, sed vniuersale, quod repugnat.

Respondetur, negando sequelam maioris. Ad probationem dico, maiorem esse veram, quia natura humana abstracta, importat realitatem, quasi potentialem, contrahibilem per differentias indiuiduales ad indiuidua adæquatè concepta, & diuisibilem in illis, secundum quam est in potentia proxima, vt possit prædicari de illis, prædicatione dicente, hoc est hoc; at ratio indiuidui, ab illis abstracta, non importat realitatem quasi potentialem, contrahibilem ad illa per differentias indiuiduales, & in illis diuisibilem; alioquin daretur processus in infinitum in differentiis vltimis; sed tantum præfert quendam entitatem, distinctam ab esse specifico, dicibilem de omnibus indiuiduis per prædicati de vno tan-

tum, quæ est ratio singularitatis; idè non sequitur, si huiusmodi ratio, vt sic abstracta, sit communis omnibus indiuiduis, ipsam non esse singularem, & indiuiduam, sed vniuersalem.

Contra. Imò sequitur, vt sit vniuersalis: quia huiusmodi ratio sic abstracta, esset communis, & in potentia proxima prædicandi de pluribus, prædicatione dicente, hoc est hoc; quia valeret dicere. Petrus est indiuiduum prædicabile de vno solo. Paulus est indiuiduum prædicabile de vno solo, & sic de cæteris; ergo huiusmodi ratio sic abstracta, non esset singularis sed vniuersalis. Consequentia patet ex Doct. Subt. in secundo, d. 3. q. 1. sub lit. H. vbi dicit, quod vniuersale in actu, est illud, quod habet vnitatem indifferentem, secundum quam ipsa idem est in potentia proxima, vt dicatur de quolibet supposito, prædicatione dicente, hoc est hoc; sed huiusmodi ratio sic abstracta ab indiuiduis, esset talis naturæ, vt probatum est, ergo &c.

Respondetur, negando sequelam. Ad probationem dico, consequens esse verum, accipiendo commune, & vniuersale, vt modus; falsum verò, si sumatur vt quid. Quia ratio sic abstracta, cum secundum esse obiectiuium, & præcisum, sit singularis, quia dicibilis tantum de vno incommunicabilitet, vt quod, sequitur tantum esse in potentia proxima prædicabili de pluribus, vt modus; quandoquidem indieret modum speciei specialissimæ, & consequenter esset vniuersale, vt modus; singulare verò, vt quid. Nec inconuenit, idem posse dici commune, & vniuersale, vt modus, & singulare vt quid; quia intentiones etiam disparatæ, possunt eidem competere secundum diuersas comparationes factas ab intellectu, vt optime demonstrat Doct. Subt. q. 6. 8. & 12. suorum Vniuers. à quo accipi hanc responsionem, soluendo tertium argumentum principale questionis duodecimæ.

Obijcies secundo, ex Scoto, in secundo, d. 3. q. 6. Quia à primò diuersis, non potest abstrahi aliqua ratio communis, in qua conueniant; sed indiuidua formaliter sumpta, sunt primo diuersa; ergo ab eis non potest abstrahi ratio indiuidui in communi. Maior est Scoti, nedum loco citato, sed etiam in primo, d. 3. q. 3. vbi probat, vltimas differe-

rentias non includere quiditativè rationē entis, quia sunt primo diuersæ. Minor probatur. Quia si differentię indiuiduales non essent primo diuersæ; ergo in aliquo conuenirent, & per aliquam differentiam tunc quæram de illis, an sint primo diuersæ, vel non; & sic daretur processus in infinitum, quod non est dicendum.

Respondetur ex Doct. Subt. in primo, d. 26. q. vn. sub Y §. Ad aliud dico &c. quod à primo diuersis, non potest abstrahi conceptus communis, importans realitatem, quia si potentialem, determinabilem per differentias proprias, vel quasi proprias, inclusum essentialiter in illis realitatibus, à quibus abstrahitur; quia sic non essent primo diuersæ, sed daretur processus in infinitum; cum non esset maior ratio de illis, quam de illis; potest tamen abstrahi ab intellectu aliqua ratio, seu conceptus communis actualis, in quo primo diuersa conuenire possint, & ab eo recipere prædicationē in quid, non vt quid, sed vt modus; nec hoc est inconueniens, vt dictum est in præcedenti responsione. Tum etiam; quia paternitas, & filio in diuinis, sunt primo diuersæ, & tamen, secundum Scotum ibidem, potest ab eis intellectus abstrahere aliquem conceptum communem reale positum, dicibilem de illis, vt modus in quid. Cum igitur vltimæ differentię indiuiduales sint primo diuersæ tantum primo modo, & non secundo, bene poterit ab illis abstrahi aliqua ratio communis, dicibilis de illis in quid, quæ tamen sit etiam, vt quid, singularis, & indiuidua, & non contrahibilis ad illas, per alias differentias indiuiduales.

Obijciens tertio. Quia si daretur aliqua ratio communis indiuiduis formaliter acceptis, quæ tamen esset indiuidua, daretur etiam aliqua natura, seu ratio vna communis omnibus naturis indiuiduatis; sed hoc est absurdum; ergo &c. Sequela maioris probatur. Quia indiuiduum dicit naturam communem materialiter, & differentiam indiuidualem formaliter; ergo indiuiduum, vt sic, dicit aliquam naturam materialiter; sed non dicit aliquam naturam determinatam, v.g. humanitatem, aut brutalitatem, vt patet; ergo aliquam naturam communem omnibus naturis indiuiduatis. Minor probatur. Quia non posset assignari

quænam esset illa natura communis, & quos effectus in rerum natura haberet, & in ordine ad quem finem deferiret, sed hæc omnia essent absurda, vt est euidens; ergo &c.

Respondetur, negando minorem. Ad probationem dico, indiuiduationem illam sic abstractam, quamuis singularem, non esse propriè naturam à parte rei, sed solum rationem communem per intellectum abstractam; ac proinde non sibi competere aliquod munus particulare physicum, vt præcendit Poncius; cum sufficiat, (nè videatur frustranea) esse fundamentum singularitatis, non enim est, aut debet esse deterioris conditionis, quam sit ratio fundandi vniuersalitatem, aut aliam intentionem secundam, quæ tamen, vt sic, nullum aliud munus exercet, aut exercere debet, cum non habeat esse singulare, aut commune à parte rei, sed solum virtute intellectus, vt sic abstrahens illam à singularitatibus in particulari.

Obijciens quarto. Si daretur ratio communis indiuidui, abstracta ab vltimis differentijs, & dicibilis in quid de illis; ergo etiam posset dari conceptus entis, qui dicatur in quid de vltimis differentijs; sed hoc est expressè contra Doctorem Subt. in primo, d. 3. q. 3. sub F. ergo & illud &c. Sequela maioris probatur. Quia in tantum Scotus negat, conceptum entis posse vniuocè prædicari in quid, de vltimis differentijs, quia sunt primo diuersæ, & non resolvable in conceptum quiditativum, & qualitativum; sed tales differentię indiuiduales sic se habent; aliter differrent per alias differentias, & sic daretur processus in infinitum; ergo &c.

Respondetur, negando sequelam maioris. Ad probationem dico, latam esse differentiam inter differentias vltimas comparatas ad ens, & ad illam rationem communem abstractam ab illis; nam in primo sensu, comparantur in ratione contrahentium ad contrahibile, quæ non possunt de se inuicem prædicari in quid, sed tantum in quale, & denominatiuè; vt patet de animalibus, & rationalibus; in secundo verò comparantur, vt inferiora ad iura superiora, in quibus includitur; modo superius semper prædicatur quiditativè de inferioribus. Et sic, indiuiduum commune potest prædicari de
vl-

vtimis differentijs in quid, & non ens.

Vel dicendum, concedendo sequelam maioris, & negando minorem cum Lyctio. Quia Doctor non negat, ens importare conceptum vniucum in quid, dicibilem etiam de vltimis differentijs, eo modo, quo dicitur predicari in quid de Deo, & creaturis; sed tantum negat predicari de illis, eo modo, quo dicitur vniucoc de decem predicamentis; quia sic importat realitatem potentialem contrahibilem ad decem predicamenta per modos intrinsecos, veluti per differentias; modò nulla realitas dicitur, vt sic, de vltimis differentijs; quia non essent primo diuersa, sed essent resolutibiles in conceptum quiditatum, & qualitatum; & sic daretur processus in infinitum in vltimis differentijs, quod implicat.

Obijcies quinto. Illud hic diffinitur, quod predicatur de vno solo tantum; sed si daretur indiuiduum commune abstractum ab indiuiduis, non predicaretur de vno solo, sed de pluribus; ergo &c. Maior est Porphyrij in textu, cap. de specie. Minor patet. Quia fundaret secundam intentionem, vniuersalis, & non indiuidui.

Respondetur, minorem esse veram cum sua probatione, accipiendo commune, & vniuersale, vt modus; falsam si sumatur, vt quid; quia tunc illud indiuiduum abstractum, cum esset singulare, predicaretur de vno tantum, & non de pluribus.

Obijcies sexto, contra tertiam conclusionem. Petrus est indiuiduum; sed Petrus non est predicabile de aliquo; ergo illa diffinitio non est bene data de indiuiduo. Minor probatur, ex Aristotele, cap. de substantia. A prima substantia, nulla est predicatio; sed Petrus est prima substantia; ergo nulla est ab ipso predicatio.

Respondetur, negando minorem. Ad probationem dico, Aristotelem ibi locum de predicatione formali, in qua predicatum aliquo modo debet esse distinctum à subiecto, sicut ex natura rei; non tamen de identica, in qua inter subiectum, & predicatum sufficit distinctio rationis. Modò Petrus de se ipso identice, non formaliter predicatur; & hanc duplicem predica-

tionem tradit Philosophus, quinto Meth. c. 23.

Obijcies septimo. Indiuiduum entis, & quoddamque indiuiduum genericum, est predicabile de multis; ergo huiusmodi diffinitio non conuenit omnibus indiuiduis. Antecedens probatur. Quia hoc ens, & hoc animal, sunt indiuidua; sed ita predicantur de Petro, & de Paulo; quia verum est dicere. Petrus est hoc ens, & hoc animal. Paulus est hoc ens, & hoc animal; ergo indiuiduum entis, & genericum, predicantur de multis.

Respondetur, negando antecedens, sumendo indiuiduum, vt quid. Ad probationem dico, hoc ens, & hoc animal, quod predicatur de Petro, non esse illud, quod predicatur de Paulo, sed aliud numero distinctum; ac proinde non sequi, indiuiduum predicari de multis, sed tantum de vno solo.

Obijcies octauo. Indiuiduum vagum, est indiuiduum; sed tale predicatur de pluribus, quia hec est vera. Petrus est aliquis homo, & pariter ita. Paulus est aliquis homo; ergo.

Respondetur, maiorem esse veram de indiuiduo indeterminato; falsam de signato, & determinato; modò definitio data, est tantum de indiuiduo signato, & determinato; quia re vera indiuiduum vagum predicatur de pluribus indeterminatè, & non de vno; vidè hæc propositio. Petrus est aliquis homo; exponenda est per disiunctiuam, vel, dicendo. Petrus est hic, vel ille homo signatè.

Obijcies nono. Essentia diuina est indiuidua; & singularis; sed talis predicatur de multis, scilicet de Patre, Filio, & Spiritu Sancto; ergo hæc diffinitio non conuenit omni indiuiduo.

Respondetur, essentiam diuinam esse indiuiduum illimitatum, quæ ob sui infinitatem reperitur in tribus personis diuinis absque sui diuisione; & idcò bene potest predicari de pluribus. Nec inde sequitur, diffinitione esse insufficientem; quia est data de indiuiduo finito, & limitato tantum; quod cum diuidi non possit in inferioribus, quibus caret, bene sequitur, tantum predicari de se solo.

Obijcies decimo. Diffinitiones oppositæ,
nr.

nequeunt eidem conuenire, nec per se, nec per accidens; sed indiuiduum pro secunda intentione potest prædicari de pluribus, vt dictum fuit in secunda conclusione; ergo non debet prædicari de vno solo tantum. Maior patet. Quia vnus rei, est vnica diffinitio, sicut vnica quidditas, & essentia.

Respondetur, Maiorem esse veram de diffinitionibus absolutorum, & vt quid; falsam de relatiuis, & vt modus. Siquidem relatiua, cum possint habere plures terminos, per quorum fundamenta habent diffiniri, vt docet Doctor, in primo, d. 30. quæst. 2. sub H. & G. consequenter eidem possunt competere plures diffinitiones relatiue oppositæ. Modò indiuiduum, cum sit relatiuum rationis, & possit formari ab intellectu per comparisonem ad omnia indiuidua particularia, & per ordinem ad seipsum, vt habet esse incommunicabile pluribus, poterit vti quæ, vt quid, esse prædicabile de vno solum, & de pluribus, vt modus.

De Differentia.

CAPVT IV.

Postquam Porphyrius se expediuit de Prædicabilibus, qua in quid prædicantur, se conuertit ad illa, qua in quale dicuntur. Et cum inter ea præcipuum, sibi vendicet locum Differentia, qua prædicatur in quale essenziale, in præsentis capite intendit de illa pertractare.

Diuiditur autem hoc capitulum in duas partes præcipuas; in quarum prima agit de Differentia diuine; in secunda verò de eadem diffinitiuè. Prima, in qua ponuntur tres eiusdem Diuisiones, incipit ibi. Differentia verò, & communiter &c. Secunda verò, in qua subiicit quinque diffinitiones Differentia, incipit ibi. Quas etiam demonstrantes &c.

Quoad primam partem, diuidit Differentiam tripliciter, vt ex eis eligat quam diffinire velit in ratione quartæ vniuersalis.

Prima Diuisio. Differentiarum, alia est communis, alia propria, & alia magis propria. Communis est, qua vnum differt ab alio accidente communi; vt Socrates albus, differt à Platone nigro; vel Socrates senex, differt à seipso puero. Propria est, qua aliqua differunt ab inuicem accidente inseparabili: vt Petrus cæcus, differt à seipso vidente; aut nasus curuus, differt à naso aquilino. Propriissima, seu magis propria dicitur illa, qua vnum differt ab alio specifica differentia: vt homo differt ab asino per rationale.

Secunda Diuisio. Differentiarum, alia faciunt aliud, id est differre essentialiter; & alia faciunt alteratum, id est differre accidentaliter. Et hac diuisio sub alijs terminis est eadem cum præcedenti; nam propriissima est, qua facit aliud, id est differre essentialiter; vt rationale, & irrationale. Differentia verò communis, & propria, coincidunt cum differentia, qua facit alteratum; quia faciunt differre accidentaliter, vt manifestè patet in exemplis ibidem adductis. Deinde ponit duas differentias inter hæc duo membra. Prima. Quia differentia facientes aliud, dicuntur specifica, quia constituunt aliquam speciem. Vt rationale adueniens animali, constituit speciem humanam. Differentia verò facientes alteratum, dicuntur differentia simpliciter, sine aliquo addito; quia tantum faciunt differre, non tamen aliquam constituunt speciem. Vt mouere, nihil constituit, sed solum facit differre Petrum currentem à Paulo quiescente. Secunda. Quia diuisiones generum, sunt tantum per differentias facientes aliud; vt patet in arbore prædicamentali.

Tertia Diuisio. Differentiarum, alia sunt separabiles: vt sanum esse, agrum esse, mouere, quiescere &c. alia sunt inseparabiles; vt simum esse, curuum esse, rationale, irrationale, sensibile, insensibile &c. Differentiarum verò inseparabilium, aliæ sunt per se, vt rationale respectu hominis; irrationale respectu leonis; aliæ verò sunt per accidens; vt aquilinum esse, simum esse.

Siquidem aquilitas, & simitas, non sunt de essentia nasi, sed accidentia inseparabilia. Discriminantur autem ha differentia; quia differentia per se ingrediuntur definitionem quiditativam eorum, quorum sunt constitutiva; ut homo est animal rationale, leo animal irrationalis; differentia verò per accidens, non ingrediuntur definitionem quiditativam, sed tantum descriptivam, cum ipsa deatur per genus, & accidens proprium, vel commune.

Deinde diuidit differentias per se. Quia alia diuidunt genus; ut corporeum, & incorporeum diuidunt substantiam; alia constituunt species; ut sensibile constituit animal, & insensibile plantam. Ex quo inferunt unum dictum; differentias nimirum easdem, qua diuidunt genus, constituere etiam species; nam animal, diuiditur per rationale, & irrationale; & rationale hominem; & irrationale brutum constituit, scilicet leonem, vel equum. Idem dicatur de ceteris differentijs positis in arbore predicamentali.

Quoad secundam partem, Porphyrius eligit differentiam propriissimam, de qua est sermo praeipue in hoc capite, & eam quinque definitionibus demonstrat, ac notificat.

Prima Diffinitio. Differentia est, qua species abundat à genere. Id est, plura actu continet quam genus. Nam homo, per rationale continet animal, corpus animatum, corpus, & substantiam actualiter. Animal verò, quod est genus, licet contineat actu superiora ad ipsum, non tamen continet hominem, & rationale actu, sed tantum potentia.

Deinde remouet unum dubium per inquisitionem. A quo nimirum species habeat differentiam. Non enim habet à se, cum nihil gignat seipsum, & differentia constituit speciem. Non à genere; quia tunc genus prae haberet illam ante speciem; & sic species non decerneret per eam abundare à genere. A quo igitur habet illam? Respondet, eam habere à genere, in quo continetur potentialiter, & non actualiter. Et licet prius sit in genere, quam in specie potentialiter, non impedit, quin species dica-

tur per eam abundare à genere; quia illam habet actu, genus vero potentia.

Secunda Diffinitio. Differentia est, qua praedicatur de pluribus differentiis specie in quales; suple, essentialiter; ut rationale, & mortale; nam rationale, praedicatur de hominibus, & Dijs, qui secundum ipsum, specie differunt; mortale verò, de hominibus, & brutis, qua differunt specie.

Quod verò praedicetur in quale, probat dupliciter, & primo à signo. Quia illud dicitur praedicari in quale, per quod conuenienter respondetur ad interrogationem factam per quale. Querenti enim, qualis est homo essentialiter: respondetur, rationalis; quod est differentia constitutiva eius. Secundo probat ab exemplo. Nam statua constat ex duobus, scilicet ex are, tamquam ex materia; & ex figura, veluti ex forma; ita species, constat ex genere, ut ex materia; & differentia, sicuti ex forma; sed figura praedicatur in quale de statua; ergo & differentia de specie.

Tertia Diffinitio. Differentia est vniuersale, quod aptum natum est diuidere ea, qua sub eodem genere sunt. Id est distinguere species sub eodem genere contentas; ut rationale, & irrationale, faciunt distinguere hominem, & equum ab inuisem, & cetera, qua sub animali continentur.

Quarta Diffinitio. Differentia est, qua differunt à se singula. Id est singula species. Nam homo, & leo, qui sunt dua species, in aliquo conueniunt, & per aliqua differunt. Conueniunt quidem in animali; quia ambo ipsum includunt essentialiter. Differunt verò per differentias; quia homo est animal rationale, leo verò animal irrationale. Haec diffinitio videtur omnino eadem cum praecedenti.

Quinta Diffinitio. Differentia est, qua conducit ad essentiam speciei, & est pars essentia, & diffinitionis eius. Non enim homo per hoc, quod aptus est ad nauigandum, constituitur in esse essentiali, & quiditativo, cum talis aptitudo sit tantum propria eius passio; sed per hoc, quod est rationalis, homo est homo; cum rationale additum animali, constituat hominem in esse quiditativo, & essentiali.

*ſentiali, ingrediturque diffinitionem
ſuis; quia homo diffinitur per animal
rationale. Ex quo inferuntur unum corollari-
um, quod per hanc vltimam diffinitio-
nem, non diffiniuntur niſi differentia ſpeci-
fica: quia huiusmodi tantum conſtituunt
ſpecies in eſſe quiditativo, & eſſentiali. Et
hac de textu.*

De Natura Differentiæ.

DISPUTATIO V.

*Utrum prima Diuiſio Differentia in Com-
munem, Propriam, & Propriſſimam,
ſit bona, & conuenienter assigna-
ta à Porphyrio?*

QVÆSTIO I.

Quidam Recentiores putant, hanc diuiſionem eſſe datam de Differentia pro ſecunda intentione accepta, eſſeque vniuocam, ſcilicet generis in ſpecies; itaut Differentia in communi pro ſecunda intentione diuidatur in Communem, Propriam, & Propriſſimam, veluti genus in ſuas ſpecies. Primam partem ſequutus eſt Caietanus, cap. de Differentia. Complutenſes, diſput. 7. quæſt. 1. & alij ex Thomiſtis. Siquidem, ad logicum ſpectat pertractare de differentia pro ſecunda intentione, & ad Methaphyſicum de eadem pro prima. Et affirmant, eſſe diuiſionem analogi in ſua analogata.

Antiqui verò communiter, vt Auicennas, Albertus Magnus hic, cenſent diuidi Differentiam pro prima intentione, & non prima ſecunda; eſſeque æquiuoci analogi in ſua æquiuocata analogata. Siquidem vox tantum, & non res importata, per nomen Differentiæ hic partitur, vt mox probabimus. Huic ſubſcribit Doctor Subt. quæſt. 23. Vniuerſ. quicquid dicat Maſtrius, diſput. 5. quæſt. 3. num. 116. & ſequitur Antonius Ruuius, cap. de Differentia, quæſt. 2. At Conimbric. cum Louaniienſibus, vi-

dentur vtrique fauere opinioni, cum quærant modum eas conciliandi. Diſcrepant tamen, maxime primi, ſi bene inſpiciantur, à noſtra ſententia, & aperte ſuſtinent, vt probabilioſiorem, oppoſitam.

Pro declaratione, & fundamento noſtræ ſententiæ, primo notanda ſunt ea omnia, quæ de Diuiſione diximus in Summulis, tract. primo, ſect. tertia c. 3. & poſſimus, diuiſionem per ſe eſſe duplicem, ſcilicet vniuoci in ſua vniuocata, & æquiuoci in ſua æquiuocata; & vtramque ſubdiuidi, in puram, & analogam. Quia de his omnibus eſt ſermo in præſenti quæſtione.

Secundo notandum, quod ad quamlibet bonam diuiſionem tres conditiones requiruntur, ſcilicet quod membra diuidentia ſint oppoſita, itaut nequeant de ſe inuicem verè enunciari; quod non excedant diuiſum, & non excedant ab eo; de quibus tatis egimus in Sum. loco citato.

Tertio notandum, Differentiam dupliciter accipi, ſcilicet in ratione tertij vniuerſalis ab alijs diſtincti, & vt ſic in communi, prout ſe extendit ad omnia, & quæ faciunt diſſerre aliqua ad inuicem, ſue ſubſtantialiter, ſue accidentaliter. Si primo modo accipiat, non diuiditur in communem, propriam, & propriſſimam, ſed eſt differentia propriſſima pro ſecunda intentione accepta; de qua in ſequentibus erit ſermo. Si verò ſecundo modo ſumatur, ſic differentia eſt quoddam æquiuocum, cum non importet niſi vocem communem, differentia communi, propriæ, & propriſſimæ; ſiquidem nullus conceptus assignari poteſt per illam importatus; quia nec ſubſtantia tantum, nec accidentia tantum: nam primus, excluderet differentias accidentales; ſecundus verò ſubſtantiales; igitur dicendum eſt præſerre ſolum nomen commune, differentia communi, propriſſimæ, & propriæ; & ſic diuidi æquiuocum in ſua æquiuocata. Cæterum, cum differentia propria magis faciat diſſerre, quam communis, & propriſſima magis quam propria, concludendum eſt, illam vocem eſſe analogam ad illas, & ſimul æquiuocam;

ac proinde hanc diuisionem esse æquiuoci analogi in sua æquiuocata, analogata, vt infra demonstrabimus.

Ex his, fit prima Conclusio. Differentia, quæ diuiditur in communem, propriam, & propriissimam, non est secunda intentio, sed vox realis æquiuoca. Probatur primo. Quia differentia, quæ hic diuiditur, facit differre vnum ab alio realiter, nullo intellectu considerante; sed nulla secunda intentio, cum sit ens rationis pendens ab opere collatiui intellectus, potest sic diuersificare, vt patet; ergo &c. Maior probatur ex Porphyrio in textu, vbi exemplificans de differentijs, in quas secatur differentia in communi, dicit, Socratem sedentem differre à Platone, qui mouetur, differentia communi; nasum curuum, à naso aquilino, differentia propria; & equum ab homine, per irrationale, differentia propriissima scilicet; sed certum est, huiusmodi differre ante quamcumque operationem intellectus; ergo &c. Secundo probatur. Si uero intellectus consideret de nigredine Pauli, & de albedine Petri, siue non, verum est, Paulum differre à Petro Differentia communi realiter; ergo Differentia, quæ hic diuiditur, præcedit opus intellectus, & sic non est secunda intentio.

Secunda Conclusio. Hæc diuisio non est vniuoci in sua vniuocata, sed æquiuoci analogi in sua æquiuocata analogata. Prima pars probatur sic primo. Quia omnis diuisio vniuoca, vel est generis in differentias, vel generis in species, vel speciei in indiuidua, ex diffinitione diuisionis vniuocæ, tradita in Summulis, loco citato; sed hæc diuisio differentiarum non est aliqua istarum; ergo. Minor probatur. Quia genus dicitur vniuocè de differentijs, & speciebus, sicut species de indiuiduis, vt patet; sed differentia, vt sic, non dicitur vniuocè de communi, propria, & propriissima; siquidem hæc facit differre specificè, & quiditatiuè; aliz verò accidentaliter, vel inseparabiliter, vt propria; vel probat Porphyrius in textu, ergo diuisio differentiarum in communem, propriam, & propriissimam, non est vniuoca. Secundo probatur. Quia si dicunt eundem conceptum communem,

vel est substantialis, vel accidentalis; sed neutrum est dicendum; ergo non habent conceptum communem vniuocè. Maior patet. Quia omnia, quæ differunt, vel differunt substantialiter, vel accidentaliter, ex Porphyrio, in secunda, & tertia Diuisione differentiarum; quia vel dicunt aliud; & sic differunt substantialiter; vel alteratum; & sic accidentaliter. Minor probatur. Conceptus substantialis, & accidentalis sunt omnino disparati; ergo vnus nequit contineri sub alio vniuocè. Secunda pars probatur. Quia diuisio æquiuoci analogi est, quando vna vox importat plura non æqualiter, sed vnum per prius, & reliquum per posterius, ex dictis in Summulis loco citato; sed hæc vox, differentia, est huiusmodi; quia prius significat differentiam propriissimam, vt potè facientem aliud, scilicet differre essentialiter, & quiditatiuè, quam propriam, & communem, quæ tantum faciunt alteratum, id est differre accidentaliter; & inter has, prius propriam, quam communem; quia accedens inseparabile, est perfectius, quam separabile; ergo hæc vox, differentia, significat æquiuocè analogicè, differentiam communem, propriam, & propriissimam.

Tertia Conclusio. Hæc Diuisio; est conuenienter data. Probatur primo, auctoritate Porphyrij in textu, & Aristotelis, primo Elenchorum, cap. 2. approbantis diuisionem æquiuoci analogi in sua æquiuocata analogata, pro bona, & conuenienti; sed hæc diuisio est huiusmodi, vt probatum est in præcedenti conclusione; ergo. Secundo probatur ratione fundamentali. Quia illa diuisio, cui conueniunt omnes conditiones requisite ad bonam diuisionem, est bona, & conuenienter assignata; sed hæc est huiusmodi; ergo. Minor probatur. Tum quia membra diuidentia sunt opposita disparata, non excedunt differentiam in communi, nec exceduntur ab ea; nam omnia illa, quæ faciunt differre, aut faciunt differre specificè, & quiditatiuè, & sic habetur differentia propriissima; aut inseparabiliter accidentaliter tamen, & sic est differentia propria; aut accidentaliter separabiliter, & sic est differentia communis. Cum igitur non inueniatur

nian-

niantur alij modi differendi, qui aut non contineantur sub his tribus membris, aut saltem non reducuntur ad illa, sequitur adæquatio inter diuisum, & membra diuidentia. Et licet Porphyrius multiplicauerit alia differentiarum membra, omnia tamen reducuntur ad ista tria membra, vt patet ex dictis in expositione textus.

Obijcies primo, contra primam conclusionem. Membra diuisionis non debent coincidere, sed esse opposita; sed si differentia non sumetur per secundam intentionem, in hac diuisione membra coinciderent; ergo. Maior patet ex prima conditione requisita ad bonam diuisionem. Minor probatur. Quia differentia albedinis respectu parietis est communis; respectu cygni propria; & respectu sui ipsius propriissima; ergo membra huius diuisionis si sumantur realiter, coincidunt.

Respondetur, maiorem esse veram de oppositione disparata, in qua vnum nequit prædicari de alio formaliter, non tamen de reali, & subiectiua; modo differentia communis, propriissima, & propria, & si coincident in eadem re subiectiue, non tamen formaliter; quia differentia albedinis respectu parietis, est accidens commune ab ipso separabile; respectu cygni, accidens proprium inseparabile; & respectu sui, specifica, & quiditatiua; Cæterum istæ rationes nequeunt de se inuicem enunciari formaliter, & quiditatiue; igitur huiusmodi membra formaliter non coincidunt, sed sunt opposita disparata; & hoc sufficit ad bonam diuisionem.

Obijcies secundo. Quia Diuisum hic est differentia in communi, formaliter sumpta; sed differentia formaliter accepta, est secunda intentio; ergo. Maior patet. Quia logicus considerat per se vniuersalia pro formalibus; Differentia est vnum ex quinque vniuersalibus; igitur &c.

Respondetur, maiorem esse veram, sumendo differentiam, quoad suum proprium munus, quod est facere differre, vnum ab alio; falsam accipiendo illam in ratione vniuersalis, vel prædicabilis; quia sic, est tantum differentia propriissima, & non in communi sumpta. Ad minorem dico, differentiam formaliter sumptam in

ratione prædicabilis, esse secundam intentionem, non tamen in ratione differendi; quia sic est ens reale. Et hoc modo, consideratur à logico per accedens, quatenus potest esse substractum alicuius secundæ intentionis, quæ super ipsa fundari posset virtute intellectus.

Obijcies tertio, contra secundam conclusionem. Quia Differentia communis, propria, & propriissima conueniunt in hoc, quod est facere differre, quamuis differant secundum esse simpliciter, & secundum quid; sed hæc non impediunt vniuocationem, saltem analogicam; ergo diuisio ista est vniuoci, & non æquiuoci analogi. Maior patet ex Porphyrio in textu. Minor probatur. Quia substantia, & accidens conueniunt vniuocè in conceptu entis, quamuis differant secundum esse simpliciter conueniens substantiæ, & secundum quid proprium accedens; ergo licet differentia propriissima faciat differre simpliciter, & propria, & communis secundum quid, cum tamen conueniant omnes in vnam rationem faciendi realiter differre, dicendum est, differentiam in communi præferre illis conceptum communem, vniuocum, non minus, quam ens ad substantiam, & accedens.

Respondetur, maiorem esse veram de conuenientia significatorum in voce significante, non tamen in conceptu ab illis abstracto; quia ab esse simpliciter, & secundum quid, nequit abstrahi vnus conceptus; modo differentia propriissima, dicitur simpliciter differentia; propria vero, & communis, tantum secundum analogiam proportionis, quam habent cum illa in faciendo differre: at certum est, quod ab analogis secundum proportionem, nequit abstrahi aliquis conceptus communis, aliter omnia essent vniuoca, cum omnia proportionentur vel ad inuicem, vel respectu suorum proportionabilium. Ad probationem de substantia, & accidente, nego paritatem in comparatione ad eus, & ad differentiam in communi; quia licet substantia, & accidens differant secundum esse perfectius, & minus perfectum; quia substantia est ens per se, accidens in alio, non tamen secundum simpliciter esse, & secundum quid; quia ambo sunt entia simpliciter in ratione entis, licet in modo essendi discriminentur;

at differentia propriissima, non differt à propria, & communis, secundum esse perfectius, & minus perfectum, sed secundum esse simpliciter, & secundum quid, vt dictum est; ideo licet à substantia, & accidente possit abstrahi conceptus vnicus analogus, non tamen à differentijs propria, propriissima, & communis.

Obijcies quarto, contra tertiam conclusionem. Omnis bona diuisio, aut est per se, aut per accidens, ex Boetio, lib. de Diuision. Sed hæc non est aliqua istarum; ergo non est bona. Minor probatur, quoad utramque partem; & primo quod non sit per se. Quia omnis talis, vel est generis in species, vel totius in partes, vel vocis in significationes, ex dictis in cap. de Diuision. sæpius citato; sed non est aliqua istarum; ergo &c. Minor probatur, quod non sit generis in species, ex conclusione secunda. Quod verò non sit totius in partes, patet. Quia nec totius vniuersalis, nec in modo, nec in quantitate, vt est manifestum ex suis definitionibus traditis loco citato; ergo &c. Nec vocis in significationes; quia hæc importat sua significata æqualiter, vt patet de hac voce canis, quæ æqualiter significat canem latrabilem, marinum, & cælestem; sed differentia prius importat differentiam propriissimam, quam propriam; & hanc prius, quam communem; ergo non est diuisio vocis in significationes. Confirmatur primo, Quia æquiuocum non sequitur in consequentia ad aliud, ex Aristotele, primo Elench. c. 3. sed differentia, quæ hic diuiditur, sequitur in consequentia; valet enim dicere, hæc differunt specificè; ergo differunt differentia propria; similiter, si differunt differentia propria; ergo, & communiter; ergo vnum sequitur ad aliud. Confirmatur secundo. Quia nullum æquiuocum diffinitur, ex Porphyrio, & Aristotele; sed differentia diffinitur, vt patet in textu, &c. ergo differentia non est vox æquiuoca.

Respondetur, negando minorem. Ad probationem dico, esse diuisionem vocis in significationes, seu æquiuoci in sua æquiuocata. Et cum probatur contra; dico esse verum de æquiuoco puro, non de analogo, cuiusmodi est hæc vox differentia in communi. Ad primam confirmationem dico, minorem esse veram, si accipiatur differentia pro differentia propriissima, non tamen

pro differentia in communi, vt sumitur hic; quia talis, ad nullum sequitur in consequentia bona. Ad secundam confirmationem dico, diffiniri in textu differentiam propriissimam, quia talis non est æquiuoca; non verò differentiam in communi sumptam, cum sit æquiuoca analogicè, vt dictum est.

Obijcies quinto, contra eandem. Quia omnis bona diuisio debet dari per opposita, vt patet ex prima conditione requisita ad bonam diuisionem; sed hæc diuisio non datur per opposita; ergo non est bona. Minor probatur. Quia diuisio per opposita, debet esse bimembris, cum vnum tantum, vni opponatur, ex Philosopho, primo de Celo t. c. 12. & 10. Met. t. c. 14. 17. & 19. sed hæc est trimembris, vt patet; ergo. Secundo probatur minor. Quia op. positum non sequitur ad oppositum, sed licet vnum membrum sequitur ad aliud; quia valet dicere; homo, & equus differunt differentia propriissima; ergo differunt differentia propria, & communiter; siquidem, accidentia consequuntur substantiam reijcend. differentia propria, & communiter, sunt accidentia, & differentia propriissima dicit substantiam, ergo si homo, & equus differunt differentia propriissima, sequitur differre differentia propria, & communiter.

Respondetur, negando minorem. Ad probationem primam dico, maiorem esse veram formaliter, vel reductiue; modo licet ista diuisio non sit bimembris, potest tamen reduci sic dicendo. Differentiarum, alia est propriissima, & alia non propriissima; vel alia propria, & communiter, & alia non propria, nec communiter. Ad secundam probationem dico, minorem esse veram, si sumantur sine præcisione, non verò si cum præcisione, vt de facto sumuntur; quia sic non valet dicere; homo, & equus præcisè differunt differentia propriissima, id est quiditatiue; ergo differunt accidentaliter, seu differentia propria, aut communiter; quia hæc non includuntur intra quiditatem illorum, vt patet.

Obijcies sexto. Differentia indiuidualis, est propria differentia; sed non est aliqua istarum; ergo membra diuidentia exceduntur à diuisione, & consequenter diuisio non est bona.

Respondetur, differentiam indiuidualem ad duo posse comparari; & ad naturam communem, quam contrahit, & ad indiuiduum, quod formaliter constituit. Primo modo, est differentia propria; quia inseparabilis ab ea, cum sit identificata realiter. Secundo modo, est differentia propriissima, quia facit vnum indiuiduum differre ab alio, quasi essentialiter, sumendo indiuiduum, vt sic, formaliter.

Utrum hæc sit vera. Socrates senex, differt à seipso puero?

QVÆSTIO II

PRO declaratione huius questionis, primo notandum est, quod à plerisque multipliciter diuiditur ætas; communiter tamen cum Clemente Alexand. Solone, Hippocrate, & alijs, septem constituuntur hominum ætates, scilicet infantia, pueritia, adolescentia, iuuentus, virilitas, senectus, & decrepitas. Infantia, quæ priores septem annos claudit, abundat calido, & humido copioso, ac affluenti. Pueritia, quæ à septimo anno, vsque ad quartumdecimum se extendit, poritur pariter maiori calido, & humido. Adolescentia, quæ à quartodecimo vsque ad vigesimum quintum protenditur, permanet in eadem caliditate, & humiditate. Iuuentus, quæ à vigesimo quinto vsque ad trigesium quintum protrahitur, gaudet calido, & humido temperato. Virilitas, quæ à trigesimo quinto vsque ad quinquagesimum tendit, incipit decrescere in caliditate, & humiditate. Senectus verò, quæ incipit à quinquagesimo, & terminat in sexagesimū quintū, habet calidū, & humidū iam diminutū, & appropinquat magis frigiditati, & siccitati, quàm ab eis recedat. Decrepitas tandem, quæ post sexagesimum quintum, diem mortis claudit, est frigiditati, ac siccitati propinquior, quàm senectus, licet neutra careat totaliter humido, & calido; cum in ijs communis animantium viuendi ratio consistat. Ex dictis colligitur, ætatem formaliter dicere relationem fundatam in eodem composito, comparato ad aliam, & aliam successionem temporis, quæ iuxta varietatem eiusdem, variari, & multiplicari dicitur.

Secundo notandum, triplicem esse differentiam, scilicet communem, propriam, & magis propriam, seu propriissimā, quarum distinctiones vidimus in textu. Ad propositum, cum queritur, An Socrates senex differat à seipso puero; non est sermo de differentia propriissima, vel propria; quia certum est, ætatem non esse differentiam specificam, vel accedens inseparabile hominis, vel animalis, cum de facto separaretur ab eo; sed tantum de differentia communi, & est sensus. Utrum Socrates per senectutem, differat accidente communi à seipso in pueritia existente?

Ex his, sit prima Conclusio. Socrates senex non differt à seipso puero, differentia propriissima, vel propria. Probatur prima pars. Quia differentia propriissima, est specifica, & quiditatiua; sed nihil differt à se specie, & quiditatiue; ergo &c. Secunda pars probatur. Quia differentia propria, est inseparabilis à subiecto, quod facit differre, ex Porphyrio in textu; sed senectus, & pueritia sunt separabiles ab eodem, vt experientia constat; ergo, &c.

Secunda Conclusio. Socrates senex, differt à seipso puero, differentia communi. Probatur. Quia Socrates senex, non est idem, ac puer; quia senectus, ac pueritia sunt diuersæ relationes. Sed non differt differentia magis propria, vel propria, vt probatum est; ergo differentia communi. Secundo. Illa, quæ differunt accidente separabili, differunt communiter, seu differentia communi; sed Socrates senex, & puer, differunt accidente separabili; quia senectus, & pueritia sunt accidentia separabilia à Socrate; ergo idem senex, differt à seipso puero differentia communi.

Obijcies primo, contra secundam conclusionem. Quia differentia realis, est relatio realis; sed inter Socratem senem, & seipsum puerum, non potest esse relatio realis; ergo nec differentia realis. Maior patet. Minor probatur. Quia relatio realis requirit extrema realiter distincta in actu; sed Socrates senex, & ipse puer, non sunt simul in actu, vt patet per experientiam; ergo &c.

Respondetur primo cum Doctore hic, negando minorem. Ad probationem dico, maiorem esse veram de relatione reali

quoad rationem referendi, non tamen quoad existentiam; quia etiam prius, refertur ad posterius, & tamen non simul existunt; modò quamuis Socrates senex non sit simul cum seipso puero, quia separantur ab inuicem senectus, & pueritia, est tamen simul cum seipso quoad rationem referendi; quia per vnā relationem refertur idem senex ad se puerum.

Vel dic cum Parisiensibus hic, duplicem esse differentiam, scilicet positiuam, & negatiuam. Prior est inter extrema realiter actu existentia; & est relatio realis, vt paternitas, filio &c. Posterior non requirit ambo extrema actu existentia, sed sufficit, quod alterum, in quo fundatur ratio differentie, actu existat; & talis non est relatio realis, sed rationis tantum.

Formaliter ad argumentum dico, maiorem cum sua probatione esse veram de differentia positua, non de negatiua; modò Socrates senex, differt à seipso puero tantum negatiuè, hoc est dictu. Socrates senex, non est ipse puer.

Obijcies secundo. Si Socrates senex differt à seipso puero, sequitur non esse idem sibi ipsi puero; ergo non est idem sibi; sed hoc est falsum; ergo & primum ex quo deducitur. Minor patet. Quia nihil differt à seipso. Sequela maioris prima probatur, per locum ab oppositis; sed differens, & idem sunt opposita; ergo si Socrates senex differt à seipso puero, sequitur non esse idem sibi ipsi puero; siquidem posito vno oppositorum, remouetur reliquum. Sequela secunda maioris probatur. Negatio identitatis particulariter, sequitur ad negationem identitatis eiusdem vniuersaliter; sed in antecedente negatur vniuersaliter identitas Socratis senis cum seipso puero, & in consequente negatur particulariter; ergo si valet dicere. Socrates senex non est idem sibi ipsi puero; valebit dicere etiam simpliciter. Socrates senex non est idem sibi. Maior patet. Quia sequitur; si nullus homo currit; ergo quidam homo non currit.

Respondetur, concedendo primam sequelam maioris de negatione identitatis accidentalis, non substantialis; quia reuera Socrates senex per insecutionem differt à seipso puero accidentali differen-

tia, & non substantiali. Nego tamen secundam sequelam; quia committitur fallacia consequentis, arguendo à negatione identitatis accidentalis, ad negationem identitatis substantialis; siquidem in primo antecedente, negatur tantum identitas accidentalis, in consequente verò etiam substantialis. Ad probationem, nego minorem; imò negatur identitas particulariter; quia negatur identitas accidentalis, & non substantialis.

Obijcies tertio. Si Socrates senex, differt à seipso puero; ergo Socrates senex, & ipse puer differunt; ergo Socrates senex, & Socrates puer sunt multa; ergo Socrates, & Socrates sunt multa; sed hoc vltimum consequens est falsum; ergo & primum antecedens vnde sequitur. Falsitas patet. Quia idem, & multa opponuntur, ex decimo Methaph. t. 12. atqui Socrates, & Socrates sunt idem; ergo non sunt multa. Prima consequentia probatur à simili in reatiuis æquiparantiz. Quia valet dicere. Socrates est similis Platoni; ergo Socrates, & Plato assimilantur; igitur à simili. Socrates senex, differt à seipso puero; ergo Socrates senex, & ipse puer, differunt. Secunda consequentia probatur. Quia differentia, est species multitudinis, ex Philosopho, quinto Methaph. textu non habente commentum; & 10 Methaph. t. c. 10. 12. & 17. ergo si valet dicere. Socrates senex, & ipse puer differunt; valebit etiam dicere, quod sint multa. Tertia consequentia probatur. Quia à parte in modo, ad suum totum, valet consequentia affirmatiuè; sed Socrates, & Socrates sunt quædam tota in modo, & Socrates senex, & Socrates puer, sunt partes in modo; ergo si sequitur, Socrates senex, & Socrates puer sunt multa, sequetur etiam, Socrates, & Socrates sunt multa.

Respondetur, negando vltimam consequentiam, scilicet hanc; ergo Socrates, & Socrates sunt multa; quia non sequitur ad illud antecedens, sed potius committitur fallacia, arguendo à secundum quid ad simpliciter. Cum enim conceditur, quod Socrates senex, & So-

crates puer sunt multa, intelligendum de multitudine accidentali, scilicet pueritiam, & senectutem in Socrate esse multa. Quando verò infertur; ergo Socrates, & Socrates sunt multa, neganda est consequentia; quia intelligitur de multitudine substantiali, ut sit sensus. Socrates, & Socrates, sunt multa accidentaliter, ratione senectutis, & pueritiæ; ergo sunt multa etiam substantialiter, quod est falsum; cum idem Socrates, qui puer erat, modò senex existat. Ad probationem tertiæ consequentiæ, neganda est minor; siquidem totum in modo, & etiam eius pars, sunt termini communes; modo Socrates non est terminus communis, sed discretus; idè non arguitur à parte in modo ad suum totum, sed bene à multitudine secundum quid, scilicet accidentalis, ad multitudinem simpliciter, scilicet substantialem, in quibus non valet consequentia, sed committitur fallacia, ut dictum est.

Virum prima Diffinitio Differentiæ, scilicet Differentiæ est, quæ species abundat à genere. Sic conuenienter data?

QVÆSTIO III.

Circa hanc quæstionem, quam mouet Scotus, quæst. 25. Vniuersaliū, nulla repetitur controuersia; idcirco ad eius declarationem properantes, primo notandum est, ex his, quæ diximus in expositione textus, hic non diffiniri differentiam communiter, vel propriè sumptam, sed tantum differentiam propriissimam, quæ facit differre quiditatem; quia illa sola constituit speciem, & facit ipsam abundare a suo genere. Nec est sermo de differentia vltima constitutiuā, speciei specialissimæ duntaxat, sed etiam de intermedia; quia, & ipsa constituit speciem subalternam; siquidem quælibet differentia propriissima adueniens generi, constituit suam speciem, ut patet discurrenti per Arborem prædicamentalem.

Secundo notandum est. Differentiam

magis propriam, seu propriissimam dupliciter sumi posse, scilicet primo, & secundo intentionaliter. Primo modo differentia dicitur quamdā realitatem diuisiuam generis cum alia, & constitutiuam speciei propria intentione acceptæ, ac pluribus communicabilem, cognitam tamen ab intellectu actu recto, vel reflexo, cuiusmodi est rationale. Quia cum irrationali, diuidit animal, & constituit hominem in esse specifico, communicaturque omnibus hominibus. Secundo modo dicitur respectum rationis, causatum per opus collatiuum intellectus cognoscentis comparatiuè, verbi gratia rationale, in ordine ad animal, quod cum irrationali diuidit, & ad hominem, quem constituit in esse specifico, ac ad inferiora, quibus est communicabile. Et de differentia hoc secundo modo accepta, erit sermo in sequentibus. In præsentī autem, agendum est de primo modo sumpta.

Tertio notandum est. Differentiam pro prima intentione acceptam, tripliciter considerari posse. Primo modo, quatenus cum sua opposita diuidit genus, & sic vocatur Differentia diuisiua. Secundo modo, prout constituit cum genere speciem; & sic appellatur constitutiuā. Tertio modo, quatenus communicatur inferioribus ad speciem per ipsam constitutam; & sic dicitur prædicabilis. In proposito, diffinitio data, intelligitur de Differentia constitutiuā tantum, ut sit sensus. Differentia constitutiuā, prout talis, est quæ species abundat à genere, idest, ratione cuius species plura, quam genus actu continet in se prædicata quiditativa.

Ex his, sit prima Conclusio. Hæc diffinitio, ut sic explicata, est conuenienter data de Differentia Constitutiuā. Probatur primo. Quia habet omnes conditiones bonæ diffinitionis; ergo est conuenienter data. Consequentia patet. Quia in his consistit bonitas cuiuslibet Diffinitionis, ut diximus supra de Diffinitione Generis, cum Aristotele. Antecedens probatur. Habet primam, & secundam. Quia omnis differentia constitutiuā, & specifica, facit abundare speciem a suo genere, &

a suo genere, & sola differentia constituitur, præstat hoc munus speciei, siue speciei huius, siue subalterne; & hoc loquendo de abundare essentialiter, quia accidentaliter, species potest abundare à genere per proprium, & accedens; quia homo est risibilis actu, non item animal. Tertia etiam sibi conuenit, scilicet quod consistet ex genere, & differentia. Nam cum hic sit sermo de differentia primo intentionaliter accepta, prima intentio ponitur loco generis, & ly abundare actu, loco differentie; nam per ipsum differentia differt à genere, quia per differentiam, & non per genus, species actu continet plura prædicata quidditatiua; ergo est bona &c.

Secunda Conclusio. Hæc diffinitio competit tantum differentie, pro prima intentione. Probat. Quia abundare ab alio actu, est habere actualiter aliquam realitatem essentialem, quam non habeat aliud; sed tantum differentia pro prima intentione dicit realitatem essentialem constitutiuam speciei, & non generis, ut patet; ergo hæc diffinitio competit tantum differentie pro prima intentione. Secundo probatur. Quia hic diffinitur differentia, quæ est de essentia speciei, ex Doctore, in solutione questionis; sed differentia pro secunda intentione, non est de essentia speciei pro secunda intentione, cum sint disparata quidditatiue; ergo hic diffinitur differentia pro prima, & non pro secunda intentione.

Obijcies tamen primo. Quod abundat ab alio, in plus se habet illo; sed genus in plus se habet, quam species, ex Aristotele in Prædicamentis, cap. de substantia, ubi dicit; animal in plus se habere, quam hominem; sed animal est genus, & homo species; ergo genus in plus se habet, quam species.

Respondetur, maiorem esse veram vel actualiter, vel potentialiter. Ad minorem dico, genus in plus se habere potentialiter, quam species; quia plura sub se continet, quam species; animal enim sub se continet omnia animalia; homo verò solum homines. Species verò actualiter in plus se habet, quam genus, quia plura in se continet actu, quam genus; homo enim continet in se omnia prædicata, quæ continentur in animali, scilicet corpus animatum, corpus,

& substantiam; & præter hæc, continet etiam ipsum animal, ratione suæ differentie constitutiue, scilicet rationalis; animal verò non continet actualiter hominem, nec rationale, sed tantum potentialiter; igitur species per differentiam abundat à genere actualiter.

Obijcies secundo. Si per differentiam, species abundaret à genere, vel haberet illam à se, vel ab aliquo, vel à nullo. sed nullum horum est dicendum; ergo. Minor probatur. Non est dicendum à nullo; quia ex nihilo nihil fit, ex Aristotele, primo Physicorum, c. 33. Nec à se; quia nihil facit se esse in actu; sed differentia facit speciem esse in actu; ergo non habet eam à se. Nec à genere; tum quia genus prius haberet in se differentiam, & sic species non abundaret à genere; tum etiam, quia opposita essent in eodem simul, & semel; quia quæ ratione rationale esset in animali, eadem ratione etiam irrationale oppositum ibi esset, quod non est admittendum; ergo &c.

Respondetur, speciem habere differentiam à genere, in qua erat potentialiter, & non actualiter; & sic dicitur abundare à genere actu, non potentia. Ad secundam probationem dico, differentias oppositas esse simul in genere potentialiter, nec hoc haberi pro inconuenienti; quia etiam formæ oppositæ, existunt in eadem materia potentialiter; esset solum absurdum, si ibi adessent actualiter simul; quia tunc opposita essent in eodem simul, & actualiter, quod non est admittendum.

Contra, & probo, differentias oppositas, esse actualiter in genere. Quia quod prædicatur verè de aliquo, actu est in illo; non enim albedo prædicaretur verè de pariete, nisi actu existeret in pariete; sed rationale, & irrationale verè prædicantur de animali; hæc siquidem sunt veræ; animal est rationale, & animal est irrationale; ergo &c.

Respondetur, maiorem esse veram, si prædicetur vniuersaliter, non tamen si tantum particulariter; modo licet hæc sit veræ: aliquod animal est rationale, & aliquod animal est irrationale; non tamen omne animal est rationale, vel omne animal est irrationale.

Contra. Quia omnis potentia reducenda est

est ad actum; aliter esset frustra; ergo si genus potest habere differentias oppositas potentialiter, etiam in actu habere poterit.

Respondetur, maiorem esse veram de potentia, quæ dicit ordinem ad actum, cuiusmodi est potentia materie ad recipiendas formas, etiam oppositas; non tamen de potentia, quæ dicit solum in determinacionem passiuam, cuiusmodi est potentia generis, respectu differentiarum, ac specierum per ipsas constitutarum; hæc non est reducibilis ad actum in se, scilicet in genere, sed solum in suis inferioribus; vt rationale in homine, & irrationale in brutis: & hoc sufficit; vt non dicatur frustra.

Primum Differentia pro secunda intentione, possit diffiniri?

QVÆSTIO IV.

PRO resolutione huius difficultatis, primo notandum, ac memorie reuocandum id, quod diximus de diffinitione in primo Antepredicamento; & quod hic est sermo de diffinitione non pure quiditativa, seu per additamentum data; talis namque conuenit secundis intentionibus. Deinde hic agi de differentia pro secunda intentione duntaxat; alioquin satue quæssisset Doct. in præcedenti, de bonitate, & conuenientia diffinitionis Differentiæ, antequam determinaret, si possit diffiniri; siquidem quæstio si est, debet precedere quætionem quid, & qualis est, ex Aristotele, secundo Post. c. primo.

Secundo notandum, ex Doct. Subr. in 4. d. prima, q. 2. sub lit. C. quod licet de ratione diffinitionis pure quiditativæ sit, vt per ipsam diffiniatur ens reale, per se, & vniuersale, tamen ad diffinitionem non pure quiditativam, seu per additamentum, sufficit, vt sit ens rationis, per se, vniuersale, & compositum ex genere, & differentia. Modo; cum differentia pro secunda intentione habeat has conditiones, quia est ens rationis collatum intellectus, per se, vniuersale, cum sit vnum è quinque vniuersalibus, & conset ex genere, & differentia; siquidem vniuersale in communi est genus, & in quale essentialiter, est differentia, per quam

differt à cæteris vniuersalibus, vt superius diximus; sequitur posse rectè diffiniri.

Ex his, sit vnica Conclusio. Differentia propriissima, pro secunda intentione sumpta, potest rectè diffiniri. Probatur. Quia ad diffinibile quodlibet, requiruntur tria. Primo, vt sit ens reale, vel rationis. Secundo, quod sit vniuersale. Tercio, quod sit per se compositum ex genere, & differentia, ex not. secundo; sed differentia pro secunda intentione est huiusmodi, vt ibidem probatū est; ergo potest diffiniri. Secundo. De quinque vniuersalibus datur scientia, nedum in communi, sed etiam in particulari, cum de vnoquoque possit demonstrari aliqua passio; ergo vnumquodque potest diffiniri. Consequentia probatur. Quia, ex Aristotele, secundo Post. c. 17. Diffinitio, est medium in demonstratione potissima, per quam habetur scientia.

Obijcies primo. Id, quod diffinitur, debet habere genus, & differentiam; sed differtia non est huiusmodi; ergo non diffinitur. Minor probatur. Quia si differentia haberet differentiam se diffinientem; ergo quælibet differentia haberet differentiam, cum non sit maior ratio de vna, quam de alia; sed hoc non est admitterendum; quia tunc daretur processus in infinitum; ergo dicendum est, differentiam carere differentia; & sic non diffiniri.

Respondetur, Differentiam pro secunda intentione, ad duo posse comparari, scilicet ad vniuersale in communi, scilicet ad prædicari de pluribus, & ad prædicari in quale essentialiter. Primo modo, habet rationem speciei, quæ constituitur in esse tali per prædicari in quale essentialiter. Secundo modo, habet rationem differentiæ, & non habet aliam differentiam se diffinientem, & constituentem; aliter, & ipsa esset species, & non differentia.

Formaliter ad argumentum, nego minorem. Ad probationem, nego sequelam maioris. Quia dum diffinitur, habet rationem speciei, & sic habet differentiam, quæ postea non diffinitur, sed est pars diffinitionis; & ibi datur status.

Obijcies secundo. Sola species diffinitur, ex Philosopho, septimo Metaph. r. c. 14. & 53. sed differentia non est species, cum

cum sit disparata ad ipsa; ergo.

Respondetur, maiorem esse veram de specie, vel ut quid, vel ut modus. At differentia, licet non sit species, ut quid accepta, est tamen species ut modus, cum contineatur sub vniuersali in communi, quod pariter est genus, ut modus; ut superius dictum fuit.

Virum secunda Diffinitio Differentia, scilicet predicari de pluribus differentiis specie in quale, sit conuenienter assignata?

QVÆSTIO V.

Circa hanc questionem, duæ extant Doctorum oppositæ sententiæ; quarum prima asserit, hanc diffinitionem conuenire nedum differentia intermedia, seu subalterna, sed etiam specialissimæ. Ità aliqui apud Auicennam, cap. de Differentia. Cui fauere videtur etiam Caietanus, dum ait, per hanc diffinitionem diffiniri differentiam, communem intermedia, & ultimæ.

Secunda sententia huic opposita, quam communiter sequuntur Doctores, tum antiqui, tum moderni, docet, per hanc diffinitionem diffiniri solum differentiam intermedia, seu subalternam, & non ultimam. Ità Commentator, Auicenna, Albertus Mag. tract. quinto de Differentia, c. 6. Scotus q. 27. Vniu. Parisiensis, Iauellus, Louanienfes: & alij; quos refert, & sequitur Anton. Ruuius hic, quæst. 7. §. Tertia opinio &c.

Pro cuius explicatione, & fundamento, primo notandum est, nos hic loqui de differentia propriissima pro secunda intentione accepta, non in quantum est diuisiua generis, & constitutiua speciei; quia ut sic, non prædicatur de pluribus; sed vt comparatur ad inferiora. Qua ratione, fortius vniuersalis, vel prædicabilis nomenclaturatur.

Secundo notandum est, ex Doct. loc. cit. in corpore questionis, differentiam pro secunda intentione, ut refertur ad inferiora, esse triplicem, scilicet intermedia, seu subalternam; ultimam, seu specialissimam; & eisdem communem. Differentia intermedia, seu subalterna est, quæ constituit

speciem subalternam, & prædicatur de pluribus differentiis specie, de quibus prædicatur species subalterna, in quale tamen essentiali. Ut sensibile de animalibus; corpus animatum de viuentibus, & non viuentibus animatis &c. Differentia vltima, seu specialissima est, quæ diuidit vltimum genus, & constituit speciem specialissimam, prædicaturquæ de pluribus differentiis numero in quale essentiali. Communis verò, quæ vtramque complectitur, sicut superiora sua inferiora, prædicatur de pluribus, abstrahendo à differentiis specie, & numero; & ista constituit tertium vniuersale ab alijs distinctum, diffiniturque sic. Differentia est vniuersale, quod prædicatur de pluribus in quale essentiali. In eo enim, quod de pluribus, conuenit cum cæteris vniuersalibus; per prædicari in quale, differt à genere, & specie, quæ prædicantur in quid; & per ly essentiali, distinguitur à proprio, & accidentali, quæ dicuntur in quale accidentale, ut videbimus.

Tertio notandum, ac memoriæ recollendum id, quod diximus disp. 2. q. vlt. nimirum vniuersalia distingui iuxta diuersos prædicandi modos, scilicet in quid, & in quale, & non per prædicari, de differentiis specie, vel numero tantum. Ex quo inferitur, quod licet differentia intermedia de pluribus differentiis specie, & vltima de pluribus differentiis numero prædicentur, non propterea constituunt duo vniuersalia distincta; quia ambæ conueniunt in eodem prædicandi modo, qui est prædicari de pluribus in quale essentiali.

Ex his, sit prima Conclusio. *Hæc diffinitio, scilicet prædicari de pluribus differentiis specie in quale essentiali, conuenit differentia intermedia, & est conuenienter assignata. Probatur prima pars. Quia huiusmodi diffinitio conuenit illis differentiis, quæ prædicantur de differentiis specie in quale essentiali; sed hæc sunt tantum differentia intermedia; ergo &c. Maior patet. Minor similiter. Quia differentia prædicatur de inferioribus ad speciem, quam constituit; sed differentia intermedia constituit species intermedias, seu subalternas, quæ de pluribus differentiis specie prædicantur; ergo &c. Secunda pars probatur*

batur. Quia diffinitio constans ex genere, & differentia, est optima, ex Philosopho, septimo Meth. t. c. 53. sed hæc diffinitio est huiusmodi; ergo. Minor probatur. Quia ly prædicari, ponitur loco generis, cum sit diffinitio vniuersalis, quod est genus ad quinque vniuersalia; ly de differentibus specie, ponitur ad differentiam vltimæ differentię, quæ de differentibus numero prædicatur: ly verò in quale, ponitur ad differentiam Generis, & Speciei, quæ prædicantur in quid; & tandem ly essentielle, facit distinguere differentiam à proprio, & accidente, quæ prædicantur accidentaliter.

Secunda Conclusio. Huiusmodi Diffinitio, non conuenit differentię vltimæ. Probatur. Quia differentia vltima prædicatur de inferioribus ad speciem vltimam, quam constituit; sed talia non differunt specie, sed numero tantum; ergo &c. Maior patet. Quia differentia in ratione vniuersalis, prædicatur de inferioribus ad speciem, quam constituit. Minor est nota. Quia species vltima, est species specialissima; sed hæc prædicatur tantum de differentibus numero, vt superius visum fuit; ergo.

Tertia Conclusio. Hæc Diffinitio, non competit differentię in communi, prout facit tertium vniuersale ab alijs distinctum, sed ista. Differentia est vniuersale, quod prædicatur de pluribus in quale essentielle. Probatur prima pars, contra Caietanum. Quia diffinitio superioris, & communis, debet competere cuilibet inferiori; sed hæc diffinitio non competit differentię vltimæ, quæ est inferius ad differentiam in communi, vt probatum est in præcedenti conclusione; ergo &c. Maior patet. Quia sicut superius includitur essentialiter in inferioribus, ita diffinitio superioris, habet includi in diffinitionibus inferiorum. Secunda pars probatur. Quia differentia communis continet sub se intermediam, & vltimam, vt superius sua inferiora; ergo habet diffiniri, diffinitione conueniente vtriusque; sed talis nequit esse per prædicari de differentibus specie, vel numero tantum, vt patet; ergo debet dari per prædicari de pluribus in quale essentialiter.

le, quod vtramque comprehendit.

Obijcies primo, contra secundam conclusionem. Quia si talis diffinitio non competet differentię vltimæ, sed alia, scilicet prædicari de differentibus numero, sequeretur aliud vniuersale constitutum per differentiam vltimam, & aliud per intermediam; sed hoc non est admittendum; ergo &c. Minor patet. Quia tunc essent sex vniuersalia, contra Porphyrium, & ea, quæ superius conclusimus. Sequela maioris probatur. Quia ita differt differentia vltima ab intermedia, sicut species à genere; sed species, & genus constituunt vniuersalia distincta per prædicari de differentibus specie, & de differentibus numero; ergo differentia vltima, si prædicatur de differentibus numero, facit distinctum prædicabile ab intermedia; & sic erunt sex prædicabilia.

Respondetur, negando sequelam maioris. Ad probationem dico, genus, & species non constituere diuersa prædicabilia per prædicari de differentibus specie, & de differentibus numero, sed per diuersos modos prædicandi; quia nimirum genus prædicatur parte essentialis, & species totam essentialiam. Cum igitur differentia vltima, & intermedia conueniant in eundem prædicandi modum, cui est prædicari de pluribus in quale essentielle, quamuis differant per prædicari de differentibus specie, & numero, non constituent distincta vniuersalia, seu prædicabilia, sed vnum duntaxat, scilicet prædicari de pluribus in quale essentielle.

Obijcies secundo, contra diffinitionem datam, quod non sit conuenienter assignata. Quia diffinitio, quæ competit alijs à diffinito, non est bona; sed diffinitio iam data de differentia intermedia, competit alijs à differentia intermedia; ergo. Maior patet. Minor probatur. Quia hæc diffinitio competit sensibili; sed sensibile non est differentia; ergo. Maior probatur. Quia sensibile prædicatur de homine, leone, equo &c. vt de differentibus specie in quale essentielle. Minor probatur. Quia abstractum pro secunda intentione, non potest verè prædicari de concreto pro prima intentione; sed sensibile est concretum pro prima intentione.

tionem, ut patet, & differentia est abstractum secundæ intentionis; ergo &c. Maior patet. Quia prædicatum debet semper concernere subiectum, ut possit prædicari de illo; sed abstractum non concernit, imò abstrahit à concreto; ergo &c. Minor probatur. Quia differens, venit à differentia; sed differens est concretum secundo intentionaliter acceptum; ergo differentia erit eius abstractum.

Respondetur, differentiam dupliciter sumi, scilicet pro prima, & pro secunda intentione. Differentia primo modo, est relatio realis resultans inter duo extrema realia, quæ vnum dicitur differre ab alio; ut est differentia inter Socratem Senem, & Platonem puerum. Et ab hac differentia, derivatur differens, veluti concretum a suo abstracto. Differentia verò secundo modo, est relatio rationis causata per opus collationum intellectus, comparantis, verbi gratia, rationale, in ordine ad animal, quod diuidit. Et sic, dicitur differentia diuisiua, ad hominem, quem constituit, & dicitur constitutiua, & ad Petrum, & Paulum, quibus communicatur; & sic dicitur vniuersale, seu prædicabile. Et talis differentia consideratur in concreto, dum concernit animal, hominem, & Petrum, ac Paulum, cognita ab intellectu: & in abstracto, dum consideratur ab intellectu secundum esse quidditatum, & à suis concretis pro prima intentione separata. Ad propositum: sensibile denominatur differentia, à differentia secundo intentionaliter accepta in concreto, & non in abstracto.

Formaliter ad argumentum, nego minorem. Ad probationem iterum negatur minor. Ad cuius probationem dico, sensibile denominari à differentia pro secunda intentione, concretivè sumpta, & non in abstracto; & sic bene potest prædicari de illo, dicendo; sensibile est differentia.

Obijcies tertio, contra tertiam conclusionem. Nulla diffinitio constans ex æquivocis est bona, ex Aristotele, septimo Methaph. c. 4.3. Sed illa diffinitio data de differentia communi ad intermediam, & ultimam, constat ex æquivocis; ergo &c. Minor probatur. Quia in ea ponitur ly de pluribus; sed tale est æquivocum; ergo. Minor probatur. Quot modis dicitur vnum oppo-

sitorum, tot modis dicitur, & reliquum, ex Philosopho, primo Top. cap. 12. sed vnum; & plura opponuntur, & vnum est æquivocum, secundum Aristotelem, 5. Meth. cap. de vno, t. c. 8. ergo & plura.

Respondetur negando minorem. Ad probationem negatur iterum minor. Ad cuius probationem dico, tam vnum, quam plura posse dupliciter accipi; vno modo prout dicuntur de vno, vel pluribus numero, specie, & genere; alio modo, ut dicuntur de vno, vel pluribus, communibus ad vnum, & plura per se, & per accidens. Primo modo, tam vnum, quam plura sunt vniuocæ analogæ; quia vnum dicitur per prius de vno numero, postea de vno specie, & vno genere; & plura prius dicuntur de pluribus genere, postea specie, & tandem numero; at secundo modo, tam plura, quam vnum, sunt æquivocæ; modo in hac diffinitione ponitur ly pluribus, ut est commune ad plura specie, & numero, quod est vniuocum; & sic diffinitio constat ex vniuocis, & non ex æquivocis, ut prætendebat argumentum.

Obijcies quarto. Eiusdem rei non possunt esse plures diffinitiones; sed differentia bene diffinitur per id, quo species abundat à genere, ut conclusimus superius, q. 3. tertiam; ergo non debet diffiniri per aliam diffinitionem. Maior est Philosophi, primo, & sexto Topicorum, cap. 4. Quia eiusdem rei nequeunt esse plures quidditates; ergo nec plures diffinitiones quidditativæ.

Respondetur, maiorem esse veram in entibus absolutis, vel respectivis, quæ referuntur ad vnum terminum tantum, non tamen de respectivis, quæ possunt referri ad plures terminos; quia cum quilibet terminus habeat diffinire suum relativum, poterit utique idem habere plures diffinitiones. Cum igitur differentia sit quoddam relativum, & referatur ad speciem, quam constituit, & ad inferiora specie, quibus communicatur per modum qualis essentialis, non inconuenit diffiniri posse in ordine ad speciem, per id, quo species abundat à genere, & per prædicari de pluribus in ordine ad inferiora.

Vel dicendum secundo, negando consequentiam. Quia per hanc diffinitionem diffinitur differentia in ratione vniuersalis, & pro secunda intentione; per illam verò, dif-

differentia pro prima intentione in ordine ad speciem, quam constituit; & sic non eadem.

Utrum Differentia prædicatur in quale?

QVÆSTIO VI.

PRO resolutione, & intelligentia huius questionis, primo notandum est, ex Philosopho in Prædication. cap. de qualitate: & quinto Meth. cap. de quali, t. c. 19. quale esse duplex, scilicet cathegorematicum, & sincathegorematicum. Quale hoc secundo modo, est quoddam quæsitium Prædicamenti qualitatibus; ut cum dicitur, qualis est paries; & responderetur per qualitatem, scilicet quod sit albus, vel rubens, aut vario colore repletus; & de hoc non est ad propositum in præsentis quæstione. Quale autem cathegorematicum dupliciter accipitur, scilicet pro prima, & pro secunda intentione. Quale cathegorematicum pro prima intentione, adhuc dupliciter sumitur, scilicet proprie; & sic se extendit tantum ad res Prædicamenti qualitatibus; & improprie; & hoc modo comprehendit sub se omnem formam, siue substantialem, siue accidentalem, siue naturalem, siue supernaturalem; reperiturque, nondum in omnibus decem Prædicamentis, sed etiam in Deo. Unde in hoc sensu intelligendus est Doct. Subt. in primo, d. 26. respondendo ad argumenta principalia, dum dicit, attributa, quæ in Deo reperiuntur, esse qualitates. Quale cathegorematicum pro secunda intentione, dupliciter accipi potest; vno modo pro secunda intentione applicabili rebus prædicamenti qualitatibus; & sic dicitur qualitas pro secunda intentione, sicut secunda intentio applicata rei prædicamenti substantiæ, dicitur substantia pro secunda intentione. Alio modo accipitur pro modo prædicandi, distincto à modo prædicandi in quid; qui modus prædicandi in quale, constituit tria vniuersalia distincta ab illis, quæ prædicantur in quid, scilicet Differentiam, Proprium, & Accidens. Et de quali, hoc modo accepto, est sermo in præsentis, ut sit sensus. Utrum Differentia prædicatur in quale. Id est, constituitur in esse prædicabilis, seu vniuersalis distincti ab alijs per modum

prædicandi qualitatem, substantialem, aut accidentalem?

Secundo notandum, ex Doct. hic, q. 28. Vniuersalium, in solutione quæst. duplicem esse actum, scilicet primum, & secundum. Actus primus est, qui constituit rem in esse simpliciter, & sine quo nequit esse. Vt anima rationalis, dicitur actus primus hominis; quia dat esse simpliciter illi, & homo nequit esse sine illa. Actus vero secundus est, qui dat esse secundum quid. & sine quo res in esse simpliciter potest esse. Et sic albedo potest dici actus secundus hominis; quia dat illi esse album; quod esse dicitur secundum quid; quia homo potest consistere sine illa; ita duplicem esse formam, seu qualitatem dicendum; alteram, quæ dat esse simpliciter rei; & sic differentia specifica, quia dat esse speciei quiditativum, & essentialē, potest vocari actus primus eiusdem; alteram vero, quæ dat esse secundum quid, & accidentale; & sic accidens proprium, & commune dicuntur actus secundus; quia quiditas specifica potest sine illis perfecte intelligi. Ab actu primo, seu à qualitate essentiali, sumitur modus prædicandi in quale essentialē, conueniens differentiæ. Ab actu vero secundo, seu à qualitate accidentali, sumitur modus prædicandi in quale accidentale, conueniens proprio, & accidenti, prout distinguuntur à differentia.

Tertio notandum, ex dictis superius, cum Doct. Subt. disp. secunda, q. 6. quod sicut aliud est prædicari quid, & aliud prædicari in quid; ita aliud est prædicari quale, & aliud prædicari in quale. Nam prædicari quale, est prædicari qualitate, vt dicendo; albedo est color; color est qualitas. Prædicari vero in quale, est prædicari qualitatem, siue substantialem, cuiusmodi est differentia; siue accidentalem, vt est proprium & accidens, per modum qualis, id est alteri inherens. Modò, quamuis differentia substantialis non prædicetur quale, accipiendo quale proprie pro re prædicamenti qualitatibus, prædicatur tamen in quale; quia dicit partem quiditatis specificæ, non per modum quid, seu per sestantis, sed per modum qualitatibus, hoc est, alteri inherens; quia differentia, antequam constituat speciem, intelligitur prius inherere generi, vel uti forma materiæ metaphysicæ; & ideo in-

inquit Porphyrius: differentia adueniens generi, constituit speciem.

Ex his, sit prima Conclusio. Differentia specifica, seu propriissima, non prædicatur in quale accidentale. Probat. Quia quale accidentale, sumitur ab actu secundo, seu à qualitate accidentali; sed differentia est actus primus, seu qualitas substantialis, aut essentialis; ergo differentia non prædicatur in quale accidentale. Maior, & minor patent ex secundo Notabili.

Secunda Conclusio. Differentia propriissima, seu specifica, prædicatur in quale essentielle. Probat. primo ex Porphyrio in textu, dicente. Illud prædicari in quale, per quod conuenienter responderetur ad interrogationem factam per quale; sed ad interrogationem factam per quale essentielle de homine verbi gratia, responderetur per differentias, scilicet per rationale; ergo differentia prædicatur in quale essentielle. Secundo probatur ratione. Quia id, quod prædicatur per modum qualis, prædicatur in quale, ex tertio Not. sed differentia est huiusmodi; ergo &c. Minor probatur. Quia quod prædicatur per modum formæ, seu actus, prædicatur per modum qualis; sed differentia prædicatur per modum formæ, seu actus; ergo prædicatur per modum qualis. Minor probatur. Sicut res se habet in composito reali, ita se habet in composito methaphysico, & logico; sed in composito reali, & physico, est aliquid habens modum materiæ, & aliquid modum formæ; ergo etiam in composito rationis, seu methaphysico, est aliquid, quod habet rationem materiæ, & aliud, quod habet rationem formæ; sed differentia, quæ est pars compositi methaphysici, non habet rationem materiæ; ergo habet rationem formæ, & sic prædicatur per modum formæ. Maior est Auerois, in libro Destruct. destr. septima, in solutione tertij Dubij: & Philosophi, secundo de Cælo, l. c. 49. Minor est eiusdem Philosophi, primo Physic. vbi asserit, compositum consistere ex materia, & forma: & etiam 8. Meth. l. c. 6. 9. & 15. Assumptum patet, ex Philosopho, 7. Meth. l. c. 43. & Auerois, secundo de anima, com. 8. vbi asserunt, genus demonstrare materiam, differentiam verò formam.

Obijcies primo. Quid, dicitur à quiditate; sed differentia dicit quiditatem speciei,

cum ponatur in eius diffinitione quiditatem; ergo. Maior patet. Quia quid, & quiditas, sunt concretum, & abstractum. Minor similiter patet, ex Philosopho, septimo Meth. l. c. 43.

Respondetur, concedendo minorem, quod differentia dicit quiditatem speciei; sed nego, illam prædicari in quid; siquidem non dicit illam per modum per se stantis, sicut facit genus; sed per modum alteri inherentis; & sic in quale, & non in quid prædicatur.

Obijcies secundo. Quod prædicatur in quale, est qualitas; quia modus prædicandi, sumitur à modo essendi; sed differentia non est qualitas; ergo &c. Minor probatur. Quia qualitas est posterior eo, cuius est qualitas, ex Philosopho, 7. Meth. l. c. 4. & 12. Meth. l. c. 43. sed differentia non est posterior eo, cuius est differentia, cum constitatur per illam; ergo differentia non est qualitas.

Respondetur, ex Philosopho, quinto Meth. cap. de quali; qualitatem posse sumi transcenderet; & sic est quid commune ad quodlibet, quod habet rationem formæ, siue substantialis, siue accidentalis; & sic differentia, cum sit forma, potest dici qualitas: alio modo limitatè; & sic differentia non est qualitas; quia vt sic, restringitur, & limitatur ad formas accidentales de prædicamento qualitatis.

Formaliter ad argumentum dico, maiorem esse veram, accipiendo qualitatem transcenderet; modo differentia vt sic, est qualitas; vnde in hoc sensu nego minorem. Ad probationem dico, esse veram de qualitate limitatam; & sic differentia non est qualitas. Vnde non sequitur, quod differentia non habeat prædicari in quale, cum sit qualitas primo modo.

Obijcies tertio. Quod prædicatur in quale, prædicatur denominatiue; sed differentia non prædicatur denominatiue; tum quia prædicat essentiam subiecti, scilicet speciei; tum quia prædicatur vniuocè; sed prædicatio vniuoca contradistinguitur à denominatiua, ex Philosopho, in Antepædicamentis, cap. primo; ergo &c. Maior etiam est Aristotelis, cap. de substantia, vbi dicit, genera, species, & differentias prædicari vniuocè; ergo differentia non prædicatur.

catur denominatiue ; & sic nec in quale .

Respondetur , maiorem esse vetam de quali accidentali , non tamen de quali essentiali ; modò differentia prædicatur in quale essentiali . Et sic , non prædicatur denominatiue , prout prædicari denominatiue , sumitur à quali accidentali ; potest tamen concedi , quod prædicatur denominatiue , prout sumitur à quali essentiali . Nec hoc est contra Philosophum dicentem , differentiam prædicari vniuocè ; quia huiusmodi prædicatio non excludit prædicationem denominatiuam essentiali , sed tantum accidentalem .

Obijcies quarto . Si differentia prædicatur in quale , sequeretur opposita inesse eidem simul , & semel ; sed hoc non est admittendum ; ergo &c. sequela maioris probatur . Quia quid , & quale opponuntur ; sed differentia dicit quid ; ergo si prædicatur in quale , opposita essent simul &c.

Respondetur . Ad hoc , vt aliqua sint opposita , requiritur , vt ambo sumantur vniormiter , scilicet vel vt quid tantum , vel vt modus tantum ; genus enim & species , si ambo sumantur , vt quid , opponuntur ; si verò genus sumatur , vt quid , & species vt modus , nequaquam opponuntur , imò stant simul ; quia hæc est vera : genus est species , supple vniuersalis . Ad propositum ; quid , & quale sumpta vt quid , vel vt modus tantum , opponuntur , non tamen si vnum accipitur , vt quid , & aliud vt modus . Modò ; licet differentia prædicetur quid , quia dicit quiditatem speciei , non tamen dicit illam per modum quid , hoc est per se stantis , sed per modum qualis , hoc est alteri inhaerentis .

Doctor subtilis imposito fine huic questionis vigesimæ octauæ , quatrit in vigesima nona . An mortale sit differentia diuina animalis rationalis , constitutiuæ quæ hominis , prout distinguitur à Dijs , secundum sensum Porphyrij , qui putabat , homines distingui specie à Dijs per mortale , & immortale ; ac proinde sequendo ordinem Doctoris , de eadem agendum nobis esset . Caterum quia procedit modo philosophico , & semper disputat de mente D. Thomæ , ideo omit-

tendum duximus , & ad alia properandum .

De Proprio .

CAPVT V.

In hoc quinto capite , Porphyrius tractat de Proprio , quod est quantum vniuersale , & ipsum diuidit in duas partes ; in quarum prima ponit quatuor acceptiones Proprij , & incipit ibi . *Proprium verò quadrifariam diuiditur &c.* In secunda determinat per quam acceptionem ex his quatuor constituatur proprium , vt est quantum vniuersale ab alijs distinctum , & incipit ibi . *Hæc autem , & proprie propria , &c.*

Quod ad primam partem huius capituli , Proprium quadrupliciter accipitur . Primo modo pro eo , quod accidit alicui soli speciei , sed non omni individuo illius speciei . Vt esse Medicum , vel Geometram , conuenit soli speciei humane , non tamen omni individuo eiusdem ; quia non omnis homo est Medicus , vel Geometra . Secundo , pro eo , quod conuenit cuilibet contento sub vna specie , sed non soli vni speciei . Vt esse bipedem , conuenit omnibus hominibus , & non tantum illis , sed etiam auibus . Tertio pro eo , quod conuenit omni individuo alicuius speciei , soli vni speciei , sed non semper . Vt canescere , est proprium hominis , & cuiuslibet hominis , non tamen semper , sed aliquando , hoc est in senectute . Quarto accipitur pro eo , quod conuenit omni soli , & semper . Vt risibile , conuenit omni homini , soli homini , & semper . Et licet homo non semper rideat , quia ride-re est accideri commune , quod potest adesse , & abesse ab eo , præter eiusdem corruptionem , est tamen semper risibilis , id est aptus ad ridendum . Et in tali aptitudine consistit proprium quarto modo , non autem in actu ridendi .

Quo ad secundam partem dicit , proprium quarto modo duntaxat facere ad propositum ; quia illud solam constituit quantum vniuersale ab alijs distinctum ; & potest sic describi , seu diffiniri . *Proprium est , quod conuenit omni , soli , & semper , & conuertibiliter prædicatur de illo , cuius est proprium , & non est de eius*

R

essentia. Vt risibile respectu hominis; rugibile respectu leonis; hirsibile respectu equi; & sic de ceteris. Nam risibile prædicatur conuertibiliter de homine, & è conuerſo; quia valet dicere. Omnis homo est risibilis, & omne risibile est homo. Et non est de eius essentia; quia homo potest intelligi, quod sit animal rationale, non intelligendo ipsum risibilem. Vnde sequitur, risibile esse extra hominis essentiam, & quiditatem. Et hac breuiter de textu.

De Natura Proprij.

DISPUTATIO VI.

Virum Proprium, sit Vniuersale?

QVÆSTIO I.

Albertus Magnus, tract. 6. de Proprio, cap. primo. Et tract. septimo de Accidente, cap. primo. Louanienſes, & Canteſus, cap. de Proprio, dicunt, non solum proprium quarto modo, facere quantum Vniuersale ab alijs distinctum, sed etiam tertio modo. Et hos secuti sunt aliqui ex Modernis.

D. Thomas autem, opusc. 48. cap. 7. Scotus, q. 30. Vniuersalium, & communiter Thomistæ, ac Scotistæ asserunt, proprium quarto modo tantum, facere vniuersale ab alijs distinctum. Nos sequuntur Toletus hic, & Rnuus, q. 1. de Proprio.

Pro declaratione huius sententiæ, quæ & mihi verior probatur, primo notandum est, propriij nomen derivari à propè, quod vicinitatem, seu intimitatem significat; unde proprium, iuxta Ethimologiam nominis, idem est, ac intimum; quia ita vicinitas sibi essentia, seu quiditati subiecti, ut non sit extra illam, sed identificetur ei realiter. Proprium autem, ex Aristotele, primo Topicorum, capit. 4. & 5. Topic. cap. 2. est multiplex. In proposito autem est duplex, sicut dictum est superius, disput. 2. de proprietate, q. 3. scilicet complexum, & incomplexum. Complexum

est illud, quod complexè conuertitur cum re, cuius est proprium. Et est duplex, scilicet essentialè, & accidentale. Proprium complexum essentialè, est diffinitio rei; ut animal rationale dicitur hoc modo proprium hominis. Proprium complexum accidentale, est descriptio rei; ut animal risibile respectu hominis; quia conuertitur cum illo, & non est de eius essentia. Proprium verò incomplexum est duplex, scilicet indiuiduale, quod conuenit vni soli indiuiduo, prout distinguitur ab alio; & sic albedo Petri, dicitur propria Petro; quia sibi soli, & non alteri inest; similiter dicimus, fortitudinem Herculis esse sibi propriam; quia nullas reperiebatur equalis fortitudinis; & proprium hoc modo acceptum distinguitur contra commune. Aliud est proprium specificum, quod conuenit speciei, & diuiditur in quatuor illos modos iam enumeratos in textu. Hic est sermo de proprio incomplexo, specifico, & quarto modo accepto, non de alijs.

Secundo notandum est, ex Doct. Subt. q. 30. Vniuers. in corpore, quod proprium specificum quarto modo acceptum, adhuc dupliciter accipi potest, scilicet pro prima, & pro secunda intentione. Proprium specificum primo modo acceptum, est quædam realitas emanans à principijs intrinsicis speciei, eique soli conueniens, de qua conuertibiliter prædicatur. Vt risibile respectu hominis, dicitur eius proprium; quia pullulat, seu emanat ab animali, & rationali, quæ sunt eius principia intrinseca; & competet soli homini, cum nec per potentiam diuinatam possit ab eo separari, & alteri vniri. Proprium verò secundo modo sumptum, est quidam respectus rationis, seu quædam secunda intentio fundata super proprio pro prima intentione, cognito ab intellectu comparatiuè in ordine ad speciem, à qua pullulat, & ad indiuidua eiusdem speciei, quibus communis; & potest sic diffiniri. Proprium est vniuersale, quod prædicatur de pluribus conuertibiliter, in quale accidentale, immutabiliter, seu inseparabiliter. Vt risibile de homine, & de omnibus indiuiduis eiusdem.

Ex his, sit prima Conclusio. Proprium incomplexum, specificum pro secunda intentione.

rentione, quarto modo sumptum, est vniuersale. Probatur primo auctoritate Aristotelis, primo Topic. cap. 4. & 5. Topic. cap. 2. necnon Porphyrij, cap. 5. dicentium, Proprium esse vniuersale ab alijs distinctum; sed hoc nequit intelligi de proprio, nisi quatto modo sumpto, ergo. Minor probatur. Non enim loquuntur de proprio complexo; quia clarum est, huiusmodi non constituere aliquod horum quinque vniuersalium, cum sint incompleta. Nec de indiuidualibus, quia cum tale dicatur tantum de vno, nequit facere vniuersale, quod prædicatur de pluribus. Nec pro prima intentione; quia logica considerat secundas intentiones per se, per accidens primas. Nec de proprio, primo, secundo vel tertio modo considerato, ut statim probabimus; ergo loquuntur de proprio incompleto, specifico, quarto modo sumpto. Secundo probatur. Quia subiectum vniuersale, debet habere proprium vniuersale; sed subiectum proprii est vniuersale; ergo & proprium debet esse vniuersale. Maior patet. Quia subiectum, & proprium prædicantur de se inuicem convertibiliter; ergo si subiectum est vniuersale, & proprium debet esse vniuersale. Minor probatur. Quia subiectum demonstrationis est vniuersale, ex Philosopho, primo Post. t. c. 14. ubi dicit, demonstratione, scientiam, & definitione debere esse de vniuersalibus; sed subiectum proprii, est subiectum demonstrationis, ex eodem Philosopho ibidem, t. 14. ergo. Tertio probatur. Omne prædicabile de pluribus, est vniuersale; sed proprium de quo est sermo, est prædicabile de pluribus; risibile enim prædicatur de omnibus hominibus; ergo proprium prædicatur de pluribus, & sic est vniuersale.

Secunda Conclusio. Proprium primo, secundo, vel tertio modo sumptum, non constituunt quantum vniuersale ab alijs distinctum. Hæc est contra Albertum, & alios citatos in prima sententia. Probatur primo. Quia ex Aristotele, primo Topicorum, c. 4. Illud solum appellatur proprium, secundum commune modum concipiendi, & loquendi, quod quibusdam ita conuenit, ut non sit alijs commune; & quod semper eis conuenit, ut nequeat ab illis seungi; sed proprium primo, ac secundo modo, non tantum vni speciei, sed pluribus conuenit, & si vni speciei, non tamen omni indiuiduo co-

tento sub illa; proprium verò tertio modo, non semper conuenit illis, quibus est proprium; ergo &c. Maior, & minor patent ex dictis in textu Porphyrij, & in primo Notabili. Secundo probatur. Quia proprium, quod facit quantum vniuersale, debet esse à cæteris distinctum essentialiter; sed proprium primis tribus modis acceptum, non est distinctum ab accidente communi, & separabili, ut patet in exemplis adductis à Porphyrio in textu, & inferius etiam probabimus; ergo illa non faciunt quantum vniuersale ab alijs distinctum.

Obijcies primo, contra primam conclusionem. Quia si proprium esset vniuersale, oppositum prædicaretur de opposito; sed hoc non debet concedi; ergo proprium non est vniuersale. Maior probatur. Quia proprium, & vniuersale opponuntur; ergo si vniuersale prædicatur de proprio, oppositum prædicatur de opposito. Antecedens probatur. Quia vniuersale est commune pluribus, sed proprium conuenit tantum vni; atqui vnum, & plura opponuntur, ex Philosopho, quinto Meth. ergo vniuersale, & proprium opponuntur.

Responder Doctör dupliciter ad argumentum, & primo negando sequelam maioris. Ad probationem dicit, antecedens esse verum de proprio pro prima intentione; quia cum tale conueniat tantum vni speciei, nequit esse vniuersale; falsum tamen de proprio pro secunda intentione; quia tale, cum sit prædicabile de pluribus, non opponitur communi, vel vniuersali, sed est vniuersale.

Respondet secundo, distinguendo de proprio; potest enim dupliciter considerari, vel in ordine ad speciem; v.g. risibile in ordine ad hominem, a quo fluit; vel in ordine ad sua inferiora de quibus prædicatur; ut risibile in respectu ad Petrum, Franciscum, Antonium &c. Primo modo opponitur vniuersali, non verò secundo modo; quia sic est commune, & vniuersale, cum prædicatur de inferioribus ad speciem.

Obijcies secundo. Quodlibet vniuersale pro secunda intentione, est intentio; siquidem superius prædicatur de inferiori quiditative; sed proprium non est intentio; ergo. Minor probatur. Quia nulla secunda intentio prædicatur in abstracto de re primæ intentionis, ut diximus in precedenti questione; sed proprium dicit rem primæ intentionis;

nis, & intentio abstractum secundæ; ergo &c. Minor probatur. Quia proprietas, est nomen secundæ intentionis, sed proprium est proprietas; ergo & proprium est nomen primæ intentionis. Maior patet. Quia risibilitas est proprietas; sed risibilitas est prima intentio &c. Minor patet. Quia proprietas est abstractum proprium; sed abstractum, & concretum, sunt idem realiter, & tantum differunt in modo significandi; ergo proprietas est proprium; & sic prima intentio.

Respondetur, negando minorem. Ad probationem dico, minorem esse veram, accipiendo intentionem in abstracto, falsam si sumatur in concreto; quia sic etiam secunda intentio prædicatur denominatiue de re primæ intentionis concretive sumpta. Modò dicendo, proprium est vniuersale, & proprium est intentio, non est prædicatio abstracti de concreto, sed intentionis secundæ concretive sumptæ, de concreto primæ intentionis.

Vel dicendum, minorem esse veram de proprio pro prima intentione, non pro secunda; quia sic proprium, est secunda intentio. Ad probationem, nego minorem. Ad probationem, nego maiorem; imò proprietas est nomen secundæ, & non primæ intentionis. Vnde cum dicitur, risibilitas est proprietas; ibi est prædicatio denominatiua, nimirum secundæ intentionis de prima.

Obijcies tertio. Si proprium est vniuersale, sequitur, proprium esse ad aliquid, seu relatiuum; sed hoc est falsum; ergo proprium non est vniuersale. Sequela maioris probatur. Quia Philosophus, primo Topic. c. 4. & 9. arguit. Si genus est ad aliquid, & species est ad aliquid; sed si proprium est vniuersale, vniuersale est genus, & proprium est species; & vniuersale est relatiuum, cum referatur ad singulare; ergo proprium, quod est species eius, esset ad aliquid. Minor probatur. Si proprium refertur, maxime ad subiectum cuius est proprium; sed ad tale non refertur; ergo. Maior est clara. Minor probatur. Quia nullum accidens refertur ad suum subiectum; aliter omne accidens esset relatiuum, & nullum absolutum, quod est falsum: sed proprium est accidens respectu sui subiecti; ergo non refertur ad illud. Confirmatur illa minor prima.

Quia relatiuum, & correllatiuum, sunt simul natura, ex cap. de Relatiuis, in Prædicam. sed proprium non est simul natura cum suo subiecto, vt patet; ergo proprium non est relatiuum.

Respondetur, negando minorem. Ad primam probationem dico, minorem esse veram de proprio pro prima intentione, falsam de proprio pro secunda intentione, de quo loquimur; quia tale refertur, nedum ad suum subiectum, sed etiam ad eiusdem inferiora. Ad Confirmationem dico, minorem esse veram de proprio pro prima intentione, & eius subiecto pro prima intentione accepto; quia hoc præcedit natura illud; non tamen de proprio, & eius subiecto pro secunda intentione consideratis; quia talia, cum sint relatiua rationis, sunt simul natura.

Obijcies quarto Vniuersale pro secunda intentione, est ens rationis; sed proprium non est ens rationis; ergo non est vniuersale. Minor probatur. Quia cessante operatione intellectus, manet proprium, vt patet; quia habere tres angulos æquales duobus rectis, est proprium trianguli, & tamen cessante operatione intellectus, manent res anguli æquales duobus rectis, vt patet per experientiam; ergo proprium non est ens rationis, sed verum ens reale.

Respondetur, minorem, & eius probationem habere veritatem de proprio reali, non tamen de proprio pro secunda intentione accepto; quia tale non manet, cessante operatione intellectus collatiua, cum dependeat in fieri, & conseruari ab ea. Modò proprium pro secunda intentione, & pro prima, est vniuersale.

Verum Diffinitio Proprii quarto modo, sic conuenienter assignata à Porphyrio in textu?

QVÆSTIO II.

Nonnulli, è quorum numero est etiam noster Petrus Tatarcius, cap. de Proprio, sciendum secundo, sub lit. C. putant, diffinitionem assignatam in textu conuenire tantum proprio in

in ratione proprij, non tamen in ratione vniuersalis, vel prædicabilis; quia vt sic, debet dari per prædicari de pluribus in quale accidentale intransmutabiliter.

Alij verò, ex opposito, asserunt, hanc diffinitionem comprehendere proprium, vtroque modo conseruatum & in ratione proprij, & in ratione vniuersalis. Ità Doctor Subt. q. 31. Vniuer. vbi Mauritius, Anglicus, & Brasauolus. Sequuntur Albertus Magnus, tractat. 5. cap. primo Caiet. cap. de proprio. Scotus, q. 2. Ruuius ibidem, & Toletus in fine huius capituli.

Pro huius sententiæ declaratione, primo notandum est, ex Doct. Subt. loco cit. in corp. q. quod Diffinitio proprij, scilicet proprium est quod accidit omni, soli, & semper &c. sic est intelligenda; vt per ly accidit, innoteat nobis ratio prædicati proprij. & modus prædicandi, scilicet in quale accidentale. Per ly verò omni; intelligatur ratio vniuersalis, quæ est prædicari de pluribus. Per ly autem soli; denotetur conuertibilitas cum suo subiecto. Et tandem per ly semper; demonstretur distinctio proprij ab accidente comuni, quod potest adesse, & abesse a subiecto, præter subiecti corruptionem. Vnde sensus diffinitionis erit iste. Proprium est vniuersale, quod prædicatur de pluribus conuertibiliter, in quale accidentale, intransmutabiliter, seu inseparabiliter. Vt risibile de homine, & omnibus hominibus; quia valet dicere. Omnis homo est risibilis, & omne risibile est homo. Et prædicatur in quale accidentale intransmutabiliter; quia ad interrogationem factam per quale accidentale intransmutabiliter de homine, responderetur per risibile.

Secundo Notandum est, quod proprium pro secunda intentione, ad duo potest comparari; & ad subiectum, & ad inferiora ad ipsum. Si primo modo comparetur, tunc habet rationem proprij, & non vniuersalis; quia sic, non prædicatur de pluribus, sed tantum conuenit vni, soli, & semper. Si verò comparetur ad sua inferiora, tunc habet rationem vniuersalis tantum; quia prædicatur de pluribus in quale accidentale intransmutabiliter, vt patet de risi-

bili, quod prædicatur de homine tantum in ratione proprij, & de omnibus hominibus in ratione vniuersalis. Ad propositum. Prior opinio dicit, per hanc diffinitionem diffiniri tantum proprium in ratione proprij, scilicet in ordine ad subiectum; at posterior sustinet, comprehendere vtramque rationem proprij; quia dum dicitur. Proprium est, quod accidit omni; idem est, ac si diceret. Proprium est, quod prædicatur accidentaliter de omnibus contentis sub subiecto. Dum verò subiungitur, soli, & semper; tantum valet, ac si diceretur. Proprium est, quod conuenit vni soli conuertibiliter; quod est ratio proprij, vt proprium est. Ex his etiam habetur bonitas huius diffinitionis, cum habeat genus, & differentiam. Nam per ly quod, intelligitur genus, scilicet vniuersale; cuius ratio est prædicari de pluribus. Per ly in quale accidentale; denotatur differentia, per quam proprium differt à differentia, quæ prædicatur in quale essentielle; & per ly intransmutabiliter; intelligitur alia differentia, faciens ipsum differe ab accidente, quod transmutabiliter, & separabiliter dicitur de pluribus.

Tertio notandum, ex Doctore Subt. loco citato; accidens esse duplex, scilicet reale, & rationis. Accidens reale, est quedam natura, seu quoddam ens distinctum contra substantiam; de quo loquitur Philosophus, quinto Meth. t. c. 13. diuidens ens reale huiusmodi, simul cum substantia; & hoc accidens se extendit ad nouem prædicamenta. Accidens secundo modo, adhuc est duplex. Alterum, prout idem est, quod prædicatum non essenziale; & tale vocatur accidens pro extraneo; quia extraneatur à quidditate subiecti, quam tamen conuenit; & in tantum dicitur accidens, quia non est de quidditate subiecti; cum hoc tamen stat, vt sit idem realiter illi. Et accidens hoc modo sumptum, ponitur in diffinitione proprij, vt sit sensus. Proprium est, quod accidit, id est est prædicatum accidentale extraneum, id est non ingrediens essentiam subiecti; vt risibile respectu hominis, hincibile respectum equi &c. Alterum verò est secunda intentio causata per opus collatiuum

intellectus, præsupposita proprietate rei separabilis à subiecto, sub qua, & sub eius opposito, potest subiectum intelligi. Vt intentio fundata in albedine respectu parietis, dicitur accidens rationis hoc modo sumptum; quia albedo potest separari a pariete, & sub ipsa, ac sine ipsa, & sub opposita nigredine potest intelligi; & hoc accidens, constituit quintum vniuersale, distinctum ab alijs quatuor, vt videbimus in sequenti capite. Hic agimus de accidente rationis, pro extraneo accepto tantum.

Ex his, sit prima Conclusio. Hæc definitio, conuenit proprio, vt proprio, & vt vniuersale est. Probatur. Quia hæc definitio comprehendit vtramque rationem; ergo conuenit proprio vtroque modo considerato. Consequentia patet per locum à definitione ad definitum subiectiue: quicquid dicitur de definitione, & de definito. Antecedens probatur. Quia ratio proprii, vt proprium est, conuenit subiecto conuertibiliter, & inseparabiliter; ratio verò eiusdem, vt vniuersale, est conuenire pluribus, seu omnibus contentis sub subiecto; sed per hanc definitionem explicatur vtrumque; ergo. Maior patet ex dictis, not. primo, & secundo. Minor similiter. Quia per ly proprium est quod accidit omni, intelligitur ratio vniuersalis, & modus predicandi eiusdem; quia idem est, ac si diceretur, est prædicatum accidentale pro extraneo de omnibus contentis sub subiecto. Per ly autem soli, denotatur ratio proprii, quia idem est, ac si diceretur. Proprium est, quod conuenit subiecto conuertibiliter, inseparabiliter; ergo hæc definitio comprehendit vtramque rationem proprii, & vt proprium, & vt vniuersale est.

Secunda Conclusio. Hæc definitio, est conuenienter data. Probatur primo auctoritate Porphyrij hic in textu, cap. 5 & Aristotelis, primo Topic. c. 4. vbi dicit, hanc esse definitionem veram proprii. Secundo probatur ratione; Quia habet omnes conditiones bonæ definitionis; ergo est conuenienter assignata. Antecedens probatur inductiue. Habet primam; quia constat ex genere, & differentia, vt explicatum est secundo Notab. Habet etiam secundam, & tertiam, quia conuenit soli, & omni proprio, quarto modo accepto, vt patet discurrendo; ergo habet omnes conditiones; ac

proinde est definitio bona, ac conuenienter assignata.

Obijciunt tamen primo, contra hanc conclusionem. In hac definitione non ponitur genus, & differentia; ergo non est bona. Consequentia patet, Antecedens probatur. Quia in hac definitione ponitur ly accidit, id est accidens; sed tale non potest esse genus, cum sit æquiuecum ad proprium, & accidens, vt dictum est notabili tertio; ergo &c.

Respondetur negando antecedens. Ad probationem dico, quod per ly accidit, non intelligitur accidens commune proprio, & accidenti, sed prædicatum accidentale in quale pro extraneo, quod est genus; cum sit vniuecum ad quinque vniuersalia.

Vel dicendum, & melius; quod in tali definitione, per ly quod, intelligitur vniuersale, quod est genus ad quinque vniuersalia; & per ly accidens, seu accidit omni, &c, intelligitur modus prædicandi accidentaliter; qui est differentia faciens distinguere proprium à differentia, quæ prædicatur in quale essentiale. Et sic patet, huiusmodi definitionem habere genus, & differentiam.

Obijciunt secundo. Hæc definitio competit alijs à definito; ergo non est bona. Consequentia est nota ex conditione secundæ, requisita ad bonam definitionem. Antecedens probatur. Quia etiam differentia conuertitur eum definito, scilicet cum specie, ex Aristotele, septimo Meth. t. c. 43. & patet de rationali, quod conuertitur cum homine; sed differentia est vniuersale, aliud à proprio; ergo competit alijs ab ipso.

Respondetur, negando antecedens. Ad probationem dico, differentiam conuenire cum specie essentialiter; proprium verò accidentaliiter, cum prædicetur in quale accidentale; differentia verò in quale essentialiter. Et sic patet, non esse eandem definitionem proprii, & differentie.

Obijciens tertio. Talis definitio conuenit proprietati; quia etiam ipsa inest omni, soli, & semper; sed proprietas non est proprium; quia concretum non prædicatur de abstracto; ergo.

Respondetur, negando maiorem, & probationem. Quia talis definitio, cum datur per secundas intentiones, vt patet in expositione

sitione eiusdem. not. secundò, & primo, nequit conuenire proprietati, quæ est res primæ intentionis. Et dato etiam, quod proprietates sit idem, quod est abstractum proprii pro secunda intentione, scilicet intentio proprii, adhuc sibi competere nequit huiusmodi diffinitio; quia in ea ponitur ly accidit, quod denotat esse actum prædicabile; quod non conuenit abstractis, sed tantum concretis, ut diximus in tract. secundarum Intent. in fine.

Vel dicendum, concessa maiori, negando minorem identicè. Quia abstractum, & concretum sunt idem realiter, licet differant in modo significandi grammaticaliter; ac proinde non inconuenit diffinitionem proprii competere etiam proprietati, quoad rem, non quoad modum.

Obijcitur quarto. Nihil potest diffiniri per suum disparatum; quia diffinitio, & diffinitum sunt idem formaliter, & quiditatiuè, non sic disparata; sed hæc diffinitio datur per accedens, quod est disparatum cum proprio; ergo &c. Minor patet. Quia dicitur. Proprium est, quod accidit &c.

Respondetur, negando minorem. Quia accedens, quod ponitur in diffinitione proprii, est accedens pro extraneo; accedens uero disparatum est illud, quod est separabile a subiecto.

Obijcitur quinto. Hæc diffinitio datur per copulationem, quia dicitur. Omni, & soli, & semper. Quæ sunt copulata per ly &; ergo non est bona. Consequentia patet, ex Aristotele, sexto Top. cap. 2. Diffinitionem datam per copulationem non esse bonam, docet idem, 8. Meth. t. c. 15.

Respondetur, negando consequentiam. Ad probationem dico, Philosophum ibi locutum de diffinitione formali; in qua ponuntur tantum genus, & differentia; non tamen de circumlocutiua, cuiusmodi est hæc diffinitio proprii, in qua ponuntur circumlocutiue omnia necessaria requisita ad bonam diffinitionem: modo licet diffinitio proprii non sit bona, & conuenienter assignata formaliter, quia in ea non ponuntur expresse genus, & differentia, est tamen bona circumlocutiue; quia per ly quod, circumloquimur vniuersale, quod est genus; & per ly accidit, modum prædicandi in quale accidentale, qui est vna differentia; & per ly semper, conuenientia-

tem, & inseparabilitatem, quæ sunt aliæ differentie partiales, explicantes naturam proprii, ut distinguitur à cæteris vniuersalibus.

Verum Proprium, sit distinctum Vniuersale ab Accidente?

Q V Æ S T I O I I I.

PRO declaratione huius quæstionis, primo notandum est, quod obseruat Doctor Subt. q. 32. suorum Vniuers. accedens nimirum esse multiplex, seu multipliciter dici; siquidem quedam insunt subiectis ab intrinseco, quedam uero ab extrinseco. Accidentia, quæ insunt ab intrinseco, quedam insunt ratione formæ specificæ, cuiusmodi sunt accidentia propria, seu propriæ passionis; ut risibile, quod inest homini, ratione differentie specificæ, scilicet rationalis. Quedam uero insunt ratione quantitatis, sicut sunt omnes qualitates, ut caliditas, frigiditas &c. albedo, nigredo &c. quæ insunt substantiæ, ratione quantitatis; prius, enim intelligitur substantia quanta, quam intelligatur calida, vel frigida &c. Quedam tandem insunt ratione primarum qualitatum; sicut sunt odores, sapores, & cæteræ qualitates secundæ, quæ insunt subiecto ratione caliditatis, frigiditatis, humiditatis, & siccitatis, quæ dicuntur quatuor primæ qualitates. Accidentia uero, quæ insunt ab extrinseco, quedam diu manent in subiecto, sicut nigredo causata ab æstu solis; siquidem, remoto etiam solis calore, diu manet in subiecto, ut experientia compertum est. Quedam autem non diu manent, imò semoto extrinseco, citò destruantur; ut calor aquæ causatus, vel à sole, vel ab igne, qui tamdiu manet, quamdiu manet approximatio aquæ ad solem, vel ignem; & remota approximatione, cessat, reducitque aqua ad pristinam frigiditatem. Hic est sermo de omnibus accidentibus; & est sensus. An proprium, quod est accedens inherens subiecto ab intrinseco, ratione formæ specificæ, faciat distinctum vniuersale ab accidente, quod inest ab extrinseco, vel ab intrinseco, ratione quantitatis, vel primarum qualitatum?

Secundo notandum est, ex eodem Doct. loco citato, quod tam proprium, quam ac-

cides possunt dupliciter accipi, scilicet pro prima, & pro secunda intentione; de quibus visum est in precedenti questione. Ceterum hic, cum questio procedat de vniuersali, an proprium faciat vniuersale distinctum ab accidente, queritur duntaxat de proprio, & accidente pro secunda intentione acceptis; hæc namque faciunt, seu constituunt vniuersalia pro secunda intentione.

Ex his, sit Conclusio affirmatiua. Proprium est vniuersale distinctum ab accidente. Probatur primo. Quia illæ intentiones secundæ sunt distinctæ, quæ applicantur rebus pro prima intentione distinctis; sed intentio proprii, & accidentis, sunt huiusmodi, ergo. Maior probatur. Tum quia secundæ intentiones sumunt suam entitatem à primis; ergo etiam distinctionem; quia eadem sunt principia constitutiua, & distinctiua. Tum etiam, quia idem genus, & species sunt distincta vniuersalia, quia fundantur in rebus habentibus proprietates alterius rationis; nam genus fundatur in proprietate communicabili pluribus differentiis specie; species verò, in communicabilitate pluribus differentiis numero tantum. Minor primi syllogismi probatur. Quia proprium pro secunda intentione fundatur in accidente, quod inest ab intrinseco ratione formæ specificæ; accidens verò, super cæteris accidentibus provenientibus, siue ab intrinseco, siue ab extrinseco; sed clarum est, huiusmodi accidentia esse re ipsa ab inuicem distincta; ergo proprium, & accidens pro secunda intentione, sunt vniuersalia distincta. Secundo probatur, conclusio. Illa vniuersalia sunt distincta, quæ habent distinctas definitiones; sed proprium, & accidens sunt huiusmodi; ergo sunt vniuersalia distincta. Maior patet. Quia definitio dicit essentiam, & quiditatem distincti; ergo distinctæ definitiones, dicunt distinctas quiditates; sed quodlibet vniuersale habet propriam quiditatem; ergo vniuersalia habentia distinctas definitiones, sunt distincta. Minor probatur. Quia proprium, ex Porphyrio in textu, cap. quinto, & Aristotele, primo Topic. cap. 4. sic diffinitur. Proprium est prædicatum non essentiale, quod inest rei conuertibiliter, & inseparabiliter. Accidens verò est, quod adest, & abest a subie-

cto, præter subiecti corruptionem. Id est, cuius subiectum potest intelligi sub vna forma, & sub eius opposita, hoc est, separabiliter; ergo proprium, & accidens, habent distinctas definitiones, ac proinde sunt distincta vniuersalia.

Obijciunt tamen primo in oppositum. Quia omne ens, vel est substantia, vel accidens, ex Philosopho, quinto meth. t. 15. sed proprium non est substantia; ergo est accidens. Minor probatur. Quia omnis substantia, vel est eadem, vel distincta essentialiter ab alia substantia; sed proprium, nec est essentialiter idem, nec essentialiter distinctum à subiecto; ergo proprium non est substantia. Maior patet. Quia inter idem, & diuersum non datur medium. Minor similiter. Quia risibile, quod est proprium hominis, non est idem essentialiter homini; quia non est de essentia eius, nec distinctum essentialiter, cum prædicetur verè, & conuertibiliter de suo subiecto; ergo &c.

Respondetur, maiorem esse veram de accidente reali distincto contra substantiam; non tamen de accidente rationis, sumpto pro extraneo; modo proprium, est accidens secundo modo, non primo modo sumptum. Vnde non sequitur, quod sit accidens separabile à subiecto, si non sit substantia; quia datur medium, quod est accidens sumptum pro extraneo.

Obijciunt secundo. Omne, quod est in composito, præter materiam, & formam, est accidens; sed proprium est in composito, saltem metaphysico, scilicet in specie, præter materiam, id est genus; & formam, hoc est differentiam; ergo proprium est accidens. Maior est Philosophi, primo Physic. & 7. Meth. t. c. 9. dicentis, essentiam rei consistere in materia, & forma tantum.

Respondetur, maiorem esse veram, accipiendo accidens, vel pro extraneo, vel pro re separabili à subiecto; modo proprium, est accidens pro extraneo sumptum, non prout distinguitur contra substantiam, ut prætenditur in argumento.

Obijciunt tertio. Probandum, omne accidens esse proprium. Quia quicquid diffinitur per subiectum, est proprium, & potest demonstrari de subiecto; sed omne accidens diffinitur per subiectum, ex Aristotele, septimo Meth. t. c. 4. 17. & 19. ergo omne accidens est proprium. Maior probatur.

Quia

Quia id, quod prædicatur per se secundo modo de subiecto, est proprium; sed quicquid diffinitur per subiectum, prædicatur per se secundo modo de subiecto; ergo quicquid diffinitur per subiectum, est proprium. Maior, & minor huius argumenti habetur à Philosopho, primo. Poster.

Respondetur, maiorem, & probationem esse veram, dummodo pullulet, seu emanet à principiis intrinsecis subiecti; modo quavis quodlibet accidens, saltem quietatiue, diffiniatur per subiectum, cum tamen non omne accidens egrediatur à principiis specificis subiecti, sed quædam ab intrinseco ratione quantitatis, vel qualitatæ, quædam verò ab extrinseco tantum, dicendum est, non omne accidens esse proprium, sed tantum illud, quod inest subiecto, ratione formæ specificæ.

Obijciunt quarto. Omne accidens, quod inest per se subiecto, est proprium; sed omne accidens est huiusmodi; ergo omne accidens est proprium. Maior patet. Minor probatur. Quia accipio aliquod accidens, & quæto, si inest per se subiecto, vel per accidens. Si per se; ergo omne accidens inest per se; quia non est maior ratio de vno, quam de alio. Si verò inest per accidens, quæram de illo, per quod illud inest subiecto, an inest per se, vel per accidens; & sic datur processus in infinitum, quod non est concedendum. Restat ergo, ut omne accidens inest per se subiecto, & ita sit proprium.

Respondetur, quod inesse per se alicui, potest dupliciter intelligi; vno modo, prout idem est, ac inesse sine medio: & sic, saltem quantitates insunt per se substantiæ, quia non præsupponunt aliquod accidens in illa: alio modo, ut idem est, ac per se primo, vel secundo modo, hoc est, quietatiue, vel identice; & sic nullum accidens inest quietatiue, cum nullum sit de essentia subiecti; licet aliqua accidentia insint per se identice, quia nequeunt separari à subiectis; huiusmodi sunt accidentia propria, & non communia.

Formaliter ad argumentum dico, maiorem esse veram de accidente, quod inest per se identice subiecto; quia omne tale est proprium; non tamen sic per se, dicat sine medio; quia nullum tale est proprium;

siquidem quantitates, quæ insunt subiectis sine præiuvio alio accidente, sunt accidentia communia, quæ ab illis possunt separari; hoc est, possunt intelligi subiecta sine illis, ut videbimus in libro Prædicamentorum, & primo Physicorum.

Verum Proprium, necessario semper inest.

QVÆSTIO IV.

Hæc difficultas est eadem cum illa, quam pertrahant Philosophi, primo Post. & primo Physic. & alij, primo Methaphysicorum. Vtrum propria passio, possit per aliquam potentiam separari a suo subiecto. Cæterum, quia ista potius methaphysicalis, quàm logicalis est; idem modum facientes questionem, prout spectat ad Methaphysicum, breuiter quid verum sit, logicaliter aperiemus.

Vnde, primo notandum est, necessarium esse duplex, scilicet simpliciter, & ex suppositione. Necessarium simpliciter est, cui repugnat simpliciter non esse. Et sic solus Deus est ens necessarium; quia cum existentia sit de eius quidditate, sibi repugnat simpliciter non esse, & existere. Necessarium ex suppositione, est illud, quod quantum est ex se, potest non esse; tamen, facta suppositione, sibi repugnat non esse. Ut compositum hominis physicum; quia licet possit non esse, cum sit corruptibile, & finitum, tamen facta suppositione, quod partes, scilicet corpus, & anima maneant vnitæ, implicat contradictionem tum non esse hominem. Ad rem applicando. Proprium, ut risibile, non est necessarium simpliciter, cum possit destrui; sicut, & animal, & rationale, à quibus pullulat, possunt non esse; facta tamen suppositione, quod maneat animal rationale vnitum, necessarium manet, & risibile. Et hoc modo, proprium dicitur necessarium.

Secundo notandum. Aliquid inesse alteri, potest dupliciter intelligi; vno modo quietatiue; alio modo identice, seu realiter. Priori modo, proprium non inest necessarium subiecto, cum non sit de quidditate eius, sed

sed tantum posteriori modo; quia necessarium identificatur sibi realiter. Quia ratione postea dicitur inseparabile à suo subiecto.

Tertio notandum, quod ly semper, potest dupliciter accipi; vno modo proprie; & sic est dictio temporalis, compræhendens omne tempus aduerbiallyter, scilicet præteritum, præsens, & futurum; & sic erit sensus questionis. Vtrum proprium, ita necessarium inest subiecto, vt nullo temporis spatio, vel differentia, absque eo, reperiri possit subiectum. Alio modo transumptiue, nedum prout significat omnes temporis partes diuisibiles, sed etiam instantia indiuisibilia; & sic est sensus questionis. Vtrum proprium, ita necessarium semper inest subiecto, vt nulum detur, vel dari possit instans temporis, in quo sit subiectum, & non sit eius proprium. Vtrum, nimirum, possit dari homo in aliquo instanti temporis, quin sit risibilis? Quæstio utroque modo determinabitur in præfenti.

Ex his, sit prima Conclusio. Proprium necessarium inest subiecto, loquendo de necessario ex suppositione. Probat. Quia posita causa necessaria, & immediata alicuius effectus, necessarium ponitur talis effectus; sed causa necessaria proprii, sunt principia constitutiva speciei, quæ necessarium ponuntur in subiecto, seu specie; ergo necessarium ponitur eius proprium. Maior patet. Quia oppositum prædicati, infert oppositum subiecti; si enim causa non est necessaria, nec effectus necessarium eueniet, aut inerit; ergo per oppositum, posita causa necessaria, & immediata alicuius effectus, necessarium poni ut talis effectus. Minor patet. Quia proprium emanat à principiis specificis subiecti; ergo &c.

Secunda Conclusio. Proprium inest semper subiecto, prout ly semper, nedum dicit tempus, sed etiam, vt extenditur ad instans eiusdem. Declaratur autem conclusio sic. Homo est subiectum, & risibile est proprium; atqui risibile ita semper inest homini, vt implicet contradictionem dari aliquam partem temporis, vel aliquod instans eiusdem, in quo sit homo, & non sit risibilis. Probat. primo, Quia si proprium non inesset semper subiecto, modo explicato, sequeretur posse pro aliquo saltem instanti temporis falsificari conclusionem demon-

strationis; sed hoc nullo modo concedi debet; ergo dicendum est, proprium semper inesse necessarium subiecto. Sequela maioris probatur. Quia pro aliquo instanti hæc posset esse falsa; homo est risibilis; sed ista est conclusio huius demonstrationis; omne animal rationale est risibile; omnis homo est animal rationale; ergo omnis homo est risibilis. Minor patet. Quia scientia est impossibile aliter se habere, ex Aristotele, primo Posteriorum; sed scientia est notitia conclusionis demonstratæ; ergo conclusio demonstrationis non potest aliter se habere, sed semper debet esse vera. Secundo probatur conclusio. Quæ sunt realiter identificata, pro nullo instanti possunt separari; sed proprium, & eius subiectum sunt huiusmodi; ergo &c. Maior patet ex diffinitione identitatis realis. Minor probatur. Tum quia proprium est accidens intrinsecum, egrediens à principiis specificis subiecti, & habet esse, & non esse eadem generatione, & corruptione qua subiectum. Tum etiam, quia est accidens inseparabile à subiecto; sed inseparabilitas in rebus logicis, & metaphysicis arguit identitatem realem; ergo proprium, & eius subiectum sunt idem realiter, ac proinde necessarium semper inest subiecto.

Obijcies primo, contra primam conclusionem. Nihil necessarium inest alicui, quod est in potentia contradictionis respectu illius; sed subiectum proprii est in potentia contradictionis respectu illius; ergo Maior patet. Quia potentia contradictionis est, qua res potest esse, & non esse, ex Aristotele, septimo Meth. & primo Physicorum. Minor probatur. Quia potentia passiuæ, est potentia contradictionis, ex Aristotele, 9. Meth. t. c. 17. sed subiectum est in potentia passiuæ ad ipsum proprium, quia recipitur in ipso; ergo &c.

Respondetur, negando minorem. Ad probationem dico, maiorem esse veram de potentia purè passiuæ, qualis est potentia materiæ primæ; non tamen de potentia passiuæ, & actiuæ simul, sicut est subiectum respectu proprii; quia ab ipso sinit in ratione causæ efficientis, & etiam recipitur postea in ipso, vt in sua materia.

Contra. Materia, & efficiens non coincidunt; ex secundo Physic. t. c. 70. ergo subie-

biectum nequit simul habere rationem materię, & efficientis respectu proprij.

Respondetur, materiam esse in duplici differentia; alia enim dicitur ex qua cum forma fit compositum. Et hæc non coincidit cum efficiente; quia efficere, præsupponit actum formalem, per quem agat; alia verò dicitur in qua recipitur forma accidentalis, cuiusmodi est omne subiectum respectu accidentis. Et ista coincidere potest cum efficiente; nam, cum sit in actu formali substantiali, bene potest agere, & efficere, & etiam recipere in se effectum; modo subiectum respectu proprij, est materia in qua; & sic non inconuenit esse simul causam efficientem, & materialem respectu eiusdem proprij.

Contra. Quia nihil potest esse simul in actu, & in potentia; alioquin posset simul agere, & pati, quod est oppositum. primi principij, non contingit simul esse, & non esse; sed ex concessis, subiectum proprij est in potentia, saltem ratione materię, in qua, respectu eiusdem; ergo nequit esse simul in actu illud efficiendo.

Respondetur, maiorem esse veram respectu eiusdem; falsam respectu diuersorū; siquidem contradictio, secundum Philosophum, in Elenchis, est ad idem, secundum idem, similiter, & eodem tempore; modo licet proprij subiectum sit in potentia ad ipsum ratione partis materialis, scilicet generis; ut homo respectu animalis dicitur esse in potentia ad risibilitatem; tamen ratione formę, seu differentię rationalis, dicitur esse in actu; quia per ipsum homo habet risibilitatem sibi inexistentem.

Obijcies secundo, contra secundam conclusionem. Substantia præcedit omne accidens, tempore, natura, & diffinitione, ex Philosopho, septimo Meth. c. 4. Sed subiectum proprię est substantia, & proprium est accidens; ergo subiectum præcedit proprium tempore; & in aliquo tempore est subiectum, in quo non sibi inest proprium. Hoc alium probatur, ex quinto Methaph. cap. de Priori; ubi dicitur, quod illud est prius tempore, quod potest esse in aliqua temporis differentia, in qua non sit illud aliud; ergo quod præcedit aliud tempore, potest

esse sine illo.

Respondetur, auctoritatem illam Aristotelis esse veram per se, non tamen per accidens; hoc est dictum; substantia est talis naturæ, quæ secundum se potest esse sine omni accidente, siue communi, siue proprio, cum a nullo dependeat in esse; cæterum per accidens non præcedit, id est ratio ne identitatis, ut puta passionis cum subiecto, nequit præcedere saltem tempore; quia in eodem instanti temporis, in quo generatur subiectum, sibi inest eius proprium; siquidem fiunt eadem generatione, & deperduntur simul per eandem corruptionem.

Obijcies tertio. Quia subiectum potest esse sine passione, ut puta homo sine risibilitate; non enim semper ridet; ergo proprium non necessariò semper inest subiecto.

Respondetur, negando antecedens. Ad probationem dico, quod ridere, est accidens commune; & risibile proprium; modo licet homo possit esse sine risu, non tamen sine risibilitate; quia semper est in aptitudine ad ridendum.

De Accidente.

C A P V T V I.

In hoc ultimo capite huius primi Tractatus, agit Porphyrius de Accidente, prout est quantum vniuersale ab alijs distinctum. Et diuiditur in tres partes: in quarum prima ponit tres diffinitiones Accidentis; & incipit ibi. Accidentis autem est, quod adest &c. In secunda subinfert quamdam diuisionem accidentis, quæ incipit ibi. Diuiditur autem in duo &c. In tertia tandem remouet quamdam tacitam obiectionem, incipitque ibi. Potest enim intelligi &c.

Quantum ad primam partem, ponit tres diffinitiones Accidentis, quarum prima est hæc. Accidentis est, quod adest, & abest, præter subiecti corruptionem. Et albedo, quæ inest uti parietis, ut possit etiam abesse ab illo, præter eius corruptionem; ut patet per experientiam.

Secunda Diffinitio, quæ est fere eadem cum præcedente, est ista. Accidentis est quod contingit eidem inesse, & non inesse. Iuxta illud.

Ind, quod inest alicui subiecto, non necessario inest illi, sed ita contingenter, ut possit non inesse. Ex quo patet, quod hac secunda diffinitio non est distincta a prima, sed est mera explicatio prioris.

Tertia Diffinitio, qua datur per negationem aliorum vniuersalium ab accidenti, talis est. Accidentis est, quod neque est species, neque genus, nec differentia, nec proprium, inest autem rei, idest subiecto. Ut nigredo, inest coruo, albedo cygno &c.

Quoad secundam partem, diuidit accidens in duo membra, dicens. Accidentium, aliud esse separabile, & aliud inseparabile. Accidentis separabile est, quod potest separari a suo subiecto; ut dormire, & vigilare respectu hominis. Accidentis vero inseparabile est, quod nequit naturaliter separari a suo subiecto; ut albedo cygni; & nigredo corui, vel aethiopis, quae licet per diuinam potentiam tolli possint, naturaliter tamen separari non possunt.

Quantum ad tertiam partem, remouet vnam obiectionem super hac diuisione exorientem. Posset enim quis dicere: aut per priorem diffinitionem diffinitur tantum accidens separabile; & sic esset diminuta; vel etiam inseparabile, & sic non est bona, cum non possit abesse a subiecto; aliter foret separabile. Respondet, dupliciter contingere posse, ut aliquod accidens dicatur separari a subiecto; vno modo secundum rem: & sic non omne accidens adest, & abest, ut patet de albedine cygni, & nigredine corui; alio modo secundum considerationem intellectus, quia intellectus posset considerare rem albedini subiectam, nigram, & e converso; sicut coruus potest intelligi albus, & cygnus niger, prae corui, vel cygni corruptionem; & sic omne accidens adest, & abest a suo subiecto, prae subiecti corruptionem. Vnde sequitur per priorem diffinitionem diffinitum omne accidens, tam separabile, quam inseparabile, licet

unum realiter & aliud intentionaliter.

Est haec
primo
tractatu, dicta
sufficiant.

De Natura Accidentis.

DISPUTATIO VII.

Virum Accidens, sit de numero Vniuersalium?

QVÆSTIO I.

Quamuis de Accidente multa dixerimus in superioribus, ex quibus posset facile fieri satis huic difficultati, tamen ne videamur aberrare a Doctoris litera, cum eodem sciendum illam petra stabimus, quibusdam adnotatis.

Primo ergo notandum est, ex eodem Doct. q. 34. Vniuersi, quod hoc nomen accidens, est equiuocum ad accedens reale, & rationis, seu pro prima, & pro secunda intentione consideratum. Si enim accipitur primo modo, est etiam equiuocum ad duos priores modos accidentis, quos assignat Aristoteles, quinto Meth. t. c. 35, quandoquidem dicit ibi, quod vno modo accidens dicitur de eo, quod in paucioribus euenit; sicut inuentio thesauri respectu fodientis terram; quia raro, vel nunquam accidit. Alio modo dicitur accidens, quod aduenit enti in actu completo, siue phylicè, siue metaphylicè. Et hoc modo, etiam propria pallio dicitur accidens, cum adueniat subiecto post esse completum quicquid animus eiusdem. Similiter omnia contenta in nouens prædicamentis, dicuntur accidentia substantiæ completæ, quia adueniunt illi post esse quiditatum eiusdem vltimatum. Si verò accipitur secundo modo, scilicet pro secunda intentione, adhuc subiungitur in quatuor modos. Enim verò, primo modo accipitur pro prædicato extraneo, quod est in parte idem, & in parte diuersum; de quo dictum est in præcedentibus. Secundo modo significat nomen secunde intentionis, seu secundam intentionem causatam per actum collatum intellectus. Et sic accidens, est quid commune ad quinque vniuersalia; genus enim, & species, sunt accidentia intentionalia. Tercio modo significat prædicatum non essentiale, idest non

quiditatum. Et sic comprehendit duo vltima prædicabilia, scilicet proprium, & accidens; quia sunt prædicata non quiditativa de suis subiectis. Quarto tandem accipitur pro prædicato non essentiali, nec per se, nec conuertibili cum eo, de quo prædicatur. Et sic significat quantum vniuersale ab alijs distinctum; de quo est tantum sermo in præsentī questione.

Secundo notandum, accidens, vt distinguitur contra substantiam, posse ad duo comparari, scilicet ad sua inferiora quiditativa, & ad subiecta, quæ afficere potest. Vt color, potest respicere albedinem, nigredinem, & cæteros colores; vel hominem, lapidem, lignum, & cætera subiecta, quæ potest denominare. Accidens primo modo, nequit esse fundamentum secundæ intentionis accidentis, prout facit quantum vniuersale, sed induit modum generis, vel speciei, cum prædicetur de inferioribus inquit, vel de differentibus specie, vel numero. At secundo modo, fundat accidens pro secunda intentione, quæ constituit quantum vniuersale; quia prædicatur de illis in quale accidentale, non conuertibiliter, sed transmutabiliter.

Ex his, sit prima Conclusio. Accidens pro secunda intentione, vltimo modo sumptū in primo Notab, est vniuersale. Probat per primo auctoritate Aristotelis, primo Topi-
corum, cap. 4. & Porphyrij in textu huius capituli, dicentium, accidens esse vniuersale; sed hæc auctoritas non potest intelligi de accidente pro prima intentione; quia vniuersale est secunda intentio; nec pro extraneo; quia vt sic, ingreditur definitionem proprij, nec pro secunda intentione vt sic; quia nunc est quoddam commune ad quinque vniuersalia; ergo loquuntur de accidente pro secunda intentione, prout significat prædicatum non essentialē, nec conuertibile cum subiecto, sed vt est separabile ab eo. Secundo probatur. Quia id, quod prædicatur de pluribus, est vniuersale; sed accidens prædicatur de pluribus; siquidem album, prædicatur de lacte, de niue, lapide, & alijs subiectis, ergo prædicatur de pluribus, ac proinde est vniuersale.

Secunda Conclusio. Accidens, est vniuersale distinctum à cæteris quatuor vniuersalibus. Probat. Quia distinctio vniuersalium, sumitur penes diuersos modos

prædicandi, vt diximus superius, disp. 2. q. vltima; sed accidens habet diuersum modum prædicandi à cæteris; ergo. Minor probatur. Quia accidens prædicatur in quale accidentale, transmutabiliter; sed hic modus prædicandi, est diuersus à cæteris; ergo. Maior patet ex sequenti questione. Minor probatur. Quia genus, & species prædicantur in quid; differentia in quale essentialē; proprium verò in quale accidentale conuertibiliter, & intransmutabiliter; ergo hic modus prædicandi accidentis, est diuersus à cæteris modis prædicandi aliorum vniuersalium, ac propterea constituit vniuersale distinctum ab alijs.

Obijcies primo, contra primam conclusionem. Intentio secunda, quæ fundatur in re singulari, est singularis; sed intentio accidentis est huiusmodi; ergo. Maior patet. Quia secunda intentio, sicut sumit entitatem à prima, ita & communitatem accipere debet ab ea. Minor probatur. Quia quod est in singulari, est singulare; siquidem omne receptum, est in recipiente per modum recipientis, ex Commentat. tertio de anima, comm. quinto. Et Boetio, primo de Consolat. Philosophiæ; sed accidens commune, est in singulari; ergo recipitur ad modum singularis; & sic est singulare, & non vniuersale. Minor probatur, ex Porphyrio tractat. 2. cap. primo. Et Aristotele, 5. Methaph. cap. de eodem; ubi ponentes differentiam inter accidens proprium, & commune, dicunt, accidens proprium prius inesse naturæ specificæ, accidens verò commune, prius singularibus; ergo &c.

Respondetur, accidens commune, vt puta album, posse tripliciter considerari. Primo modo, secundum esse materiale, sed vt supponit personaliter; & sic sibi conuenit esse in singularibus. Secundo modo, secundum esse quiditatum; & sic sibi competunt prædicata quiditativa, scilicet esse coloratum, figuratum, & esse quale. Tertio modo, secundum esse cognitum; & tunc sibi conueniunt intentiones secundæ. Modò accidens pro secunda intentione, non est in accidente pro prima intentione considerato, primo vel secundo modo, sed tantū hoc tertio modo.

Formaliter ad argumentum, nego minorem. Ad probationē dico, minorem, & eius probationē habere veritatem de accidente com-

Communi, secundum esse materiale accepto, non tamen secundum esse quiditatum, vel secundum esse cognitum considerato; quia sic abstrahit à singularibus.

Obijcies secundo. Quodlibet vniuersale est res secundæ intentionis; sed accidens non est huiusmodi; ergo accidens non est vniuersale. Maior patet. Quia secunda intentio est quid superius ad vniuersale. Minor probatur. Quia Aristoteles, quinto Meth. t. c. 13 diuidit ens in substantiam, & accidens; sed in hac diuisione ly accidens, non est res secundæ intentionis; quia tunc diuisio non esset per opposita; substantia enim, & accidens pro secunda intentione, non sunt opposita; ergo accidens non est res secundæ intentionis, & consequenter nec vniuersale.

Respondetur, negando minorem. Ad probationem dico, diuisionem illam esse datam de ente reali in substantiam, & accidens reale. Vnde non sequitur, quod si in eadem diuisione non comprehenditur accidens pro secunda intentione, non dari accidens pro secunda intentione; aliter nec substantia pro secunda intentione daretur, quod tamen esse falsum demonstrabimus in prædicamentis.

Obijcies tertio. Nulla secunda intentio prædicatur per se de re primæ intentionis, ex Doctore Subt. sup. q. 12. Sed accidens prædicatur per se de qualitate, quæ est re primæ intentionis, ergo Minor patet. Quia hæc est per se: qualitas est ens: sed non est substantia vt patet; ergo est per se accidens.

Respondetur, negando minorem de accidente pro secunda intentione accepto, & concedo illam de accidente reali. Ad probationem dico, pro nunc, esse veram de accidente reali, non tamen de accidente rationis; quia tale non prædicatur per se de qualitate, sed tantum per accidens, & denominatiue.

Obijcies quarto. Nulla species vniuersalis, verè inest rei singulari; istæ enim sunt falsæ: hoc animal est genus; hic homo est species; hoc rationale est differentia, & hoc risibile est proprium; sed accidens verè inest rei singulari; quia hæc est vera; ista albedo est accidens, & non substantia; ergo accidens non est species vniuersalis,

& consequenter nec vniuersale prædicatur de illo.

Respondetur, negando minorem. Ad probationem dico, esse veram de accidente pro prima, non pro secunda intentione, quale non inest huic albedini, sed albedini in communi; prout est cognita ab intellectu comparatiue.

Verum prima Diffinitio Accidentis, scilicet. Accidens est, quod adest, & abest, &c. Sit conuenienter assignata à Porphyrio?

Q V Æ S T I O I I

Nonnulli putant, Porphyrium per hanc primam diffinitionem demonstrasse tantum accidentia separabilia à suis subiectis, non autem inseparabilia, cuiusmodi sunt albedo cygni, & nigredo corui, vel æthiopis. Similiter non comprehendit sub hac diffinitione accidentia priuatiua, vt sunt morbus læthalis, mors, & similia; quia hæc destruant subiectum, & nequeunt adesse, & abesse à subiecto, præter subiecti corruptionem.

Alij verò asserunt, per hanc diffinitionem diffiniri solummodò accidens reale, seu pro prima intentione sumptum, non autem accidens intentionale; siquidem adesse, & abesse, sunt termini primæ, & non secundæ intentionis.

Cæterum, Doctor, q. 35. Vniuersalium docet, hanc diffinitionem conuenire accidenti pro secunda intentione concretiuè sumpto, & sub ipsa comprehendit omnia accidentia communia, siue separabilia, siue inseparabilia, siue positiua, siue priuatiua.

Pro cuius declaratione, primo notandū, ex eodem, loco citato, quod abesse, & adesse, sicut inesse, & non inesse, possunt dupliciter accipi, scilicet realiter, & pro prima intentione; & intentionaliter, seu pro secunda intentione. Adesse, & inesse primo modo, dicunt inherere actuali accidenti ad subiectum, vt verbi gratia albedinis patiet; abesse verò, & non inesse præseferunt actuali separationem eiusdem à subiecto. Et secundum hanc acceptionem locutus est Aristoteles, septimo meth. t. c. 2.

& 3. dum dixit. Accidentis esse, est inesse. Id est actualiter inherere, seu inesse subiecto. Et 8. Physicorum, c. 62. dum ait. Impossibile est, idem simul adesse, & abesse ab eodem subiecto. Hoc est. Implicat, idem accidens numero, simul, & semel inesse, seu actu inherere, ac separari ab eodem subiecto. Adesse autem, & inesse secundo intentionaliter, significat prædicationem, seu modum prædicandi eorum, quæ sunt extra essentiam, & quiditatem subiecti, & alterius generis à subiecto. Et hoc modo convenit omnibus accidentibus communibus respectu substantiæ; quia sunt alterius generis à substantia, & non prædicantur essentialiter, sed tantum accidentaliter de ipsa. Et per oppositum, abesse, & non inesse, negant quamlibet prædicationem, siue essentialem, siue accidentalem, accidentis de subiecto; unde sensus diffinitionis erit iste. Accidens est, quod adest, & abest, seu quod inest, & non inest subiecto. Id est, quod prædicatur, vel non prædicatur accidentaliter, & denominatiue de subiecto. Præter subiecti corruptionem. Id est, præter destructionem intellectus subiecti; quia subiectum potest intelligi sub oppositis, cum à neutro essentialiter dependat in esse, imò utrumque præcedat secundum esse quiditativum, tempore, natura, & diffinitione.

Secundo notandum, ex eodem ibidem; quod cum inesse, & dici de, opponantur; prius enim significat prædicationem accidentalem de subiecto propriè, & posterius essentialem propriè, tot modis dicitur unum, quot modis dicitur, & reliquum. Dicitur autem, accipitur tripliciter, scilicet propriè, & significat prædicationem essentialem superioris de inferiori; ut animalis de homine. Secundo modo communiter; & significat prædicationem superioris de inferiori, siue quiditativam, siue non; ut risibilis de Francisco. Tertio modo communissime; & significat quamcumque prædicationem, siue essentialem, siue accidentalem, siue directam, siue indirectam. Et hoc modo etiam accidentia dicuntur de subiectis, ut albedo de pariete, & ligno. Et per oppositum, etiam inesse tripliciter accipitur. Primo modo propriè; & significat prædicationem accidentalem superioris de inferiori; ut albi de pariete, & ligno &c. Secundo modo communiter; & significat prædica-

tionem accidentalem accidentis singularis de subiecto; ut huius albi, vel nigri, de hoc, vel illo pariete. Tertio modo communissime; & sic significat quamcumque prædicationem siue essentialem, siue accidentalem prædicati de subiecto in qualibet propositione; ut homo est rationalis; Petrus est albus: prædicatur enim dicitur inesse subiecto, cum affirmatur de illo; vel non inesse, cum negatur de illo; accipiendo inesse, & non inesse pro secunda, non pro prima intentione.

Tertio notandum, ex eodem ibidem; cum adesse, & inesse, similiter abesse, & non inesse sumantur secundo intentionaliter in hac diffinitione prima, & secunda accidentis; quod per ly adesse, & inesse, intelligitur prædicatum, & modus prædicandi accidentis, scilicet prædicari in quale accidentale de subiectis; per ly autem abesse, & non inesse, denotatur Differentia, per quam accidens à proprio secernitur, scilicet non convertibilitas, & transmutabilitas. Ex quibus elicitur sensus diffinitionis sic. Accidens est uniuersale, quod prædicatur de pluribus in quale accidentale, non convertibiliter, sed transmutabiliter. Ut album, prædicatur de lapide, ligno, niue, lacte, &c. quæ sunt plura subiecta; in quale accidentale: quia non est de eorum essentia, & quiditate: non convertibiliter: quia non valet dicere; omne quod est paries, lignum &c. est album, & omne album est paries, lignum, lapis &c. sed transmutabiliter; quia lapis, lignum &c. ut existunt sub albedine, possunt intelligi sub opposito eius, id est sub nigredine. Et hac ratione, accidens dicitur adesse, & abesse, inesse, & non inesse subiectis.

Ex his, sit prima Conclusio. Diffinitio accidentis hoc modo explicata, est bona, & conuenienter assignata ab Auctore in textu. Probatur primo auctoritate Aristotelis, primo Topic. c. 4. & Porphyrii hic dicentium, per hanc diffinitionem esse rectè diffinitum accidens; ergo diffinitio est bona. Secundo ratione. Quia hæc diffinitio habet omnes conditiones bonæ diffinitionis; ergo est bona. Antecedens probatur. Nam habet primam; quia per ly quod adest, intelligitur genus, scilicet uniuersale prædicabile de pluribus; per ly verò abest, denotatur differentia, per quam differt à proprio, quod nequit

quit abesse a subiecto, cum sit omnino inseparabile, & subiectum non possit intelligi sub opposito proprii. Secunda habet, & tertiam. Quia competit omni, & soli accidenti communi, siue separabili, siue inseparabili, cum subiecta possint intelligi sub illo, & sub eius opposito, ut dictum est in expositione textus, & in tertio notabili; ergo hæc definitio est bona, & conuenienter assignata.

Secunda Conclusio. Hic diffinitur accedens commune pro secunda intentione acceptum, & non pro prima, nisi per accedens. Probat. Quia illud accedens hic diffinitur, quod potest adesse, & abesse, inesse, & non inesse subiecto, præter eius corruptionem, ut patet, sed non omne accedens reale, seu pro prima intentione potest sic adesse, & abesse, inesse, & non inesse, quin destruat subiectum; ergo non diffinitur hic accedens commune reale, sed intentionale. Minor probatur de albedine cygni, de nigredine corui, & æthiopis, de morbo lethali, de morte, & similibus, quæ sunt accidentia communia realia, & tamen separari nequeunt à subiectis, quæ afficiunt, absque eorum destructione, ut experientia constat; bene tamen subiecta possunt intelligi sub oppositis accidentibus, absque falsificatione prædicationis accidentalis illorum accidentium de subiectis; ergo non omne accedens reale, sed bene omne accedens commune, secundo intentionaliter acceptum, potest adesse, & abesse, inesse, & non inesse, præter subiecti corruptionem; ac proinde hoc, & non illud diffinitur. Secundo probatur. Per hanc distinctionem diffinitur accedens, ut est quantum vniuersale ab alijs distinctum; sed ut sic, accedens est secunda intentio, quæ est species vniuersalis logici; ergo. Maior patet. Tum quia accedens est vnum vniuersale ab alijs distinctum, ut probatum est in præcedenti questione; sed distinguitur per hanc distinctionem; siquidem definitio, cum sit explicatiua quiditatis, & essentiae alicuius, distinguit ipsum quiditativè à quocumque non est illud; ergo. Tum etiam, quia hæc definitio, modo explicato in notabilibus, datur de accidente in ratione vniuersalis, sed Porphyrius fuisse diffinitus, cum nullam aliam dederit in ratione vniuersalis; ergo dicendum est, per hanc distinctionem diffiniri accedens com-

mune pro secunda, & non pro prima intentione acceptum.

Dices. Accidentia enumerata in probatione minoris primi syllogismi, vel non esse accidentia communia; ut albedo cygni, & nigredo corui; cum continentur sub accidente proprio, quod est inseparabile; vel non esse simpliciter accidentia, sed entia priuatiua substantialia; ut mors, combustio, & huiusmodi; ac propterea minor illa est absolute falsa; & consequenter conclusio, quæ per ipsam probatur.

Contra. Tum quia albedo cygni, & nigredo corui, & cætera huiusmodi accidentia naturaliter inseparabilia, collocantur sub diuisione accidentis communis à Porphyrio, ut patet in textu; ergo male negatur, esse accidentia communia. Tum etiam, quia mors, combustio, & cætera huiusmodi, dicuntur mutationes priuatiuæ de esse ad non esse; sed mutatio est accedens, quæ fit in subiecto communi utriusque termino oppositorum, ut docet Arist. primo, & quin to lib. Physicorum; ergo. Tum tandem, quia subiectum moris, & vitæ, seu esse, & non esse vltimatum, in quo fiunt mutationes, non est mixtum, sed materia prima; si quidem resolutio eius vltimæ sit vsque ad materiam primam; atqui hæc non est subiecta corruptioni; ergo mors, combustio, & cætera huiusmodi, sunt veræ mutationes accidentales, & dicuntur substantiales tantum terminatiuæ, quatenus terminantur à quo, & ad quem, ut puta homo, & domus, sunt substantiæ; ergo cum huiusmodi accidentia nequeant adesse subiectis absque eorum corruptione secundum esse reale, dicendum, posse utique adesse, & abesse secundum intellectum; quia possunt subiecta earum intelligi sub oppositis, absque falsificatione prædicationis accidentalis; siquidem homo mortuus, vel viuus, in ratione hominis, præcedit essentialiter, & mortem, & vitam; quemadmodum substantia præcedit omne accedens, tempore, natura, & distinctione, ex septimo Metaph. c. 4. quia quiditas substantiæ est omnino independens à quiditate accidentis.

Obijcies primo. Res secundæ intentionis, nequeunt diffiniri per rem primæ intentionis; sed in distinctione accidentis ponuntur

res primæ intentionis; ergo accidens non potest diffiniri hac diffinitione. Maior patet. Quia diffinitio est de essentia diffiniti; sed res primæ intentionis non sunt de essentia secundæ intentionis; ergo Minor probatur: Quia in hac diffinitione ponuntur ly adesse, & abesse, quæ sunt res extra animam; siquidem adesse, & abesse sunt, quorum nullum est esse; sed esse, est rei extra animam; ergo, & adesse, & abesse.

Respondetur, negando minorem. Ad probationem dico, esse veram si ly adesse, & abesse sumantur pro prima intentione, & non pro secunda; modo in diffinitione accidentis ly adesse, non sumitur pro prædicato non essentiali, sed accidentaliter; & ly abesse pro differentia, per quam accidens commune differt a proprio, quæ sunt res secundæ intentionis.

Obijcies secundo. Quod inest necessarium alicui, non contingit inesse, & non inesse; sed accidens pro secunda intentione inest necessarium cui inest, ergo non contingit inesse, & non inesse. Maior patet. Quia oppositum prædicati, infert oppositum subiecti. Minor probatur. Tum quia, quod inest alicui necessarium, & impermutabile, necessarium inest; sed accidens pro secunda intentione, inest accidenti, prout habet esse cognitum, quod est impermutabile, & necessarium; ergo. Tum etiam probatur inductivè. Quia homo necessarium est species, rationale necessarium est differentia; risibile necessarium est proprium; ergo & accidens pro prima intentione, ut puta album cognitum, necessarium est accidens.

Respondetur, quod ly necessarium, positum in minori propositione, potest determinare inhaerens, vel inhaerentiam. Si determinat inhaerentiam, facit hunc sensum. Accidens necessarium inest, &c. idest inesse, est de intrinseca ratione accidentis; & sic minor est vera. Si verò determinat inhaerens, facit hunc sensum. Accidens necessarium inest. Idest, accidens inest subiecto necessarium, & per se secundo modo, scilicet convertibiliter, & intransmutabiliter, sicut proprium; & sic minor est falsa.

Formaliter ergo ad argumentum dico, maiorem esse veram si ly necessarium, determinat inhaerens, non tamen si determinat

inhaerentiam; modo in proposito, in minori determinat inhaerentiam, & non inhaerens. Ad probationem primam dico, maiorem esse veram, si ly necessarium determinat inhaerentiam, non tamen si inhaerens. Ad secundam, negatur antecedens; nam secunda intentio non prædicatur per se de re primæ intentionis; & sic non necessarium, sed per accidens, & denominativè, ut supra dictum est.

Obijcies tertio. Illa diffinitio non est bona, quæ non competit cuilibet contento sub diffinito; sed hæc diffinitio non competit cuilibet accidenti communi; ergo non est bona. Minor probatur. Quia accidens inseparabile, ut caliditas in igne, nigredo in corvo, & similia, non possunt abesse a subiecto, præter subiecti corruptionem, & tamen sunt accidentia communia, ut dicit Porphyrius in textu, cap. 6. ergo non competit cuilibet accidenti communi.

Respondetur, negando minorem. Ad probationem dico, esse veram accipiendo ly adesse, & abesse secundum rem, non tamen secundum considerationem intellectus; quia sic omne accidens potest separari a suo subiecto; potest enim intellectus intelligere corvum, & æthiopem album, & cygnum nigrum, & ignem frigidum; & sic quodlibet subiectum sub opposito illius accidentis, quod inest; quia neutrum est de quiditate subiecti, sed utrumque accedit illi.

Contra. Quia tunc nulla esset differentia inter accidens commune, & proprium; quia etiam subiectum potest intelligi sine accidente proprio, idest homo sine risibilitate, cum non sit de eius essentia: ac proinde accidens proprium esset separabile per intellectum, sicut commune; quod est contra Porphyrium, & ea, quæ superius conclusimus de proprio.

Respondetur, negando consequentiam. Imò est maxima differentia inter accidens proprium, & commune. Quia licet subiectum proprii possit intelligi sine eo, non tamen potest intelligi sub opposito eius; hoc est, quamvis potest intelligi homo sine risibilitate, idest non intelligendo risibilitatem, non tamen potest intelligi sub irrissibilitate; at subiectum accidentis, nedum sine accidente intelligi valet, sed etiam sub opposito eius, quod habet.

Contra. Intellectus nequit intelligere
rem

rem aliter quam sit; alioquin falleretur, cum veritas sit adæquatio rei ad intellectum; vt cōdignit ex Aristotele, 9. Metaph. l. 2. c. 21. sed in re non est verum, accidens inseparabile, à subiecto separari; cum intellectus nequit intelligere subiectum sub opposito eius; aliter intelligeret, duo opposita esse simul in eodem subiecto.

Respondetur, quod intelligere vnum sine alio, potest dupliciter contingere; vno modo præcisivè; alio modo diuisivè. Tunc cognoscitur vnum sine alio præcisivè, quando ly sine, vel non cadit inter cognitionem, & cognitionem; vt cum intelligo hominem, non intelligendo risibilitatem. Tunc verò intelligitur vnum siue alio diuisivè, cum ly sine, vel non cadit inter esse, & esse duorum obiectorum; vt cum dico, intelligo hominem non esse album. Ad propositum: intellectus noster intelligendo rem aliter, quam sit primo modo, non fallitur; quia inquit Philosophus, secundo phys. l. 2. c. 20. quod abstrahentium non est mendacium; hoc est, circa ea, in quibus intellectus præcendit vnum ab alio, non contingit errare. Fallitur tamen, rem aliter, quàm sit intelligendo diuisivè; quia diuidit componibilia, & componit diuisibilia.

Respondetur formaliter ad argumentum, maiorem esse veram diuisivè, non tamen præcisivè; modo cum intellectus intelligit, vnum accidens separari à suo subiecto, non intelligit, subiectum esse sine accidente, suple inseparabili; sed intelligit subiectum non intelligendo accidens; & hoc potest verè facere; quia nec accidens separabile, nec inseparabile, est de essentia subiecti.

Obijcies quarto. Si accidens posset abesse à subiecto, præter subiecti corruptionem, sequeretur, quod subiectum esset, etiam remoto accidente; sed hoc est falsum; ergo. Maioris sequela patet. Minor probatur. Quia relatiua, posita se ponunt, & perempta se perimunt, ex Aristotele in prædicamentis, cap. de Ad aliquid; sed subiectum, & accidens sunt opposita relatiua; ergo.

Respondetur, subiectum posse dupliciter considerari; vno modo formaliter, alio modo fundamentaliter. Primo modo, dicit relationem substantificantis ad substantificatum. Ex hoc modo, accidens nequit abesse à

subiecto, absque deperditione eiusdem relationis; quandoquidem realiter nequit cōseruari sine fundamento, & termino. Secundo modo, importat aliquid absolutum substractum illi relationi; vt puta parietem. Ex hoc modo cum non dicat relationem ad accidens, non est necesse corrumpi ad remotionem accidentis. Vnde ad argumentum in forma dico, minorem esse veram de subiecto pro formali, non tamen pro fundamento, vt expositum fuit. Vltimum argumentum Doctoris omittitur; quia partim est solum in præcedenti questione secunda de Proprio, respondendo ad quintam obiectionem; & partim in præsentis, expendendo hanc diffinitionem, notab. primo, & tertio.

Virum Proprium, & Accidens, possint dici de aliquo eodem?

QVÆSTIO III.

Circa hanc questionem, quam pertractat Doctor, q. 36. & vltima suorum Vniuersalium, extant due oppositæ sententiæ; quarum prior asserit, quod licet proprium, & accidens respectu eiusdem, nequeant dici de eodem, hoc tamen præstare possunt respectu diuersorum; vt patet de caliditate ignis, quæ respectu eiusdem dicitur proprium, respectu verò mixti, vt ligni, vel lapidis, est accidens ab eis separabile.

Posterior tamen, cui assentit Scorus, & cum ipso omnes Scoti, oppositum docet; nimirum repugnare rationibus proprii, & accidentis, vt de eodem aliquo modo dicantur.

Pro cuius declaratione, ac fundamento, primo notandum, ex Doctore, loco citato, hic non agitari questionem de proprio, & accidente reali, sed pro prima intentione; quia certum est posse dici, sed prædicari de eodem; homo enim est risibilis; & potest dici albus, vel rubeus. Sed quæritur de proprio, & accidente pro secunda intentione, vt sit sensus. An intentiones proprii, & accidentis possint applicari rei, quæ respectu vnius dicatur proprium, & respectu alterius sit accidens? Vel, quæ respectu vnius insit necessario, & conuertibiliter, & alteri non necessario conuertibiliter, sed transmutabiliter.

Se-

Secundo notandum, ex dictis superius de proprio, & accidente; quod ad hoc, vt aliquid dicatur proprium, primo requiritur, quod insit necessariò suo subiecto; ita ut non possit non inesse, nec per potentiam diuinam. Secundo, quod egrediatur à principiis specificis, seu quiditatiuis subiecti. Tertio, quod sit realiter identificatum, vt per nullam potentiam possit separari; vt patet de risibili respectu hominis. Et proprio habenti has condiciones, potest duntaxat applicari intentio secunda proprii. Similiter etiam, vt accidenti possit applicari secunda intentio accidentis, primo requiritur, vt insit suo subiecto contingenter, ita ut possit non inesse. Secundo, vt insit ab intrinseco, vel ratione quantitatis, vel qualitatis, vel saltem ab extrinseco tribuatur subiecto, vt dictum fuit superius, q. 3. de proprio. Tertio, quod sit separabile à suo subiecto, vel actualiter, vel aptitudinaliter, vel secundum rem, vel secundum considerationem intellectus. Ex quibus infertur, quod cum secundæ intentiones applicentur rebus cognitæ sub aliqua proprietate, & non sint ædem proprietates in eo, quod dicitur proprium, & denominatur accidens, siue respectu eiusdem, siue in ordine ad diuersa, non possint intentiones proprii, & accidentis dici de eodem subiecto, siue respectu eiusdem, siue respectu diuersorum.

Ex his, sit prima Conclusio. Proprium, & Accidens pro secunda intentione, nequeunt applicari eidem respectu eiusdem. Hæc conclusio est communis utrique sententiæ. Probatur. Quod implicat contradictionem, est impossibile fieri; sed proprium, & accidens, vt sic accepta pro secunda intentione, vt possint eidem applicari, implicat contradictionem; ergo nequeunt dici de eodem respectu eiusdem. Maior patet. Minor probatur. Quia inesse necessariò, & conuertibiliter, & inesse non necessariò, nec conuertibiliter; similiter separari à subiecto, & non separari; & tandem egredi à principiis specificis subiecti, & non sic egredi, sunt contradictionem implicantiæ; sed id, quod dicitur proprium, necessariò conuer-

biliter inest subiecto, & à principiis eiusdem pullulat; id autem, cui applicatur intentio accidentis, inest non necessariò, sed contingenter, non conuertibiliter, & separabiliter subiecto; ergo intentiones proprii, & accidentis, eidem applicari posse implicat contradictionem. Minor est nota, ex secundo notabili; & maior, ex diffinitione contradictoria- rum.

Secunda Conclusio. Proprium, & Accidens pro secunda intentione, nequeunt applicari eidem, nec respectu diuersorum. Est Scoti loco citato. Probatur. Quia intentio proprii applicatur illi, quod inest soli, & habet cæteras condiciones positas in secundo notabili; intentio verò accidentis, attribuitur ei, quod non soli, sed pluribus inest speciebus, non necessariò, nec conuertibiliter, verum separabiliter, & transmutabiliter; atqui idem non potest inesse soli, & non soli, & utriusque rei habere cæteras condiciones, neque respectu diuersorum; ergo. Probatur secundo. Quia idem, non potest esse proprium, & non proprium respectu eiusdem; sed hoc sequeretur, data veritate oppositæ sententiæ; ergo. Maior patet. Quia implicat contradictionem. Minor probatur. Quia de ratione proprii est, quod insit omni, soli, & semper; sed data hypothese, non inesset soli, sed etiam alteri, respectu cuius esset accidens; ergo esset proprium, & non proprium, quod est oppositum primi principij.

Obijcies primo, contra secunda conclusionem. Caliditas respectu ignis, est proprium, sed respectu mixti, est accidens; ergo idem potest dici proprium, & accidens. Maior probatur. Quia accidens, quod inest ab intrinseco, ratione formæ specificæ, est proprium, ex dictis supra; sed caliditas respectu ignis, est huiusmodi; siquidem qualitates elementorum insunt elementis ratione formæ specificæ; ergo. Minor probatur. Quia est separabilis à mixto; vt patet de lapide calido, qui postea euadit frigidus.

Respondetur primo, negando maio-

rem . Ad probationem dico , qualitates elementorum , illis inesse ratione formæ individualis , & non specificæ . Quod vel maximè conijcitur , quia separantur ab eis post introductionem formæ contrariæ ; vt patet de frigiditate in aqua , à qua separatur per actionem ignis in ipsam ; & è conuerso de caliditate respectu ignis . Cæterum , proprium non separatur , nec separari potest ab eo , cuius est , neque per diuinam potentiam .

Vel dicendum secundo , negando maiorem . Ad probationem dico , esse veram , si conuertatur pæse , & vniuersaliter cum subiecto ; modo caliditas non conuertitur cum igne per se ; quia licet valeat : omnis ignis est calidus (quicquid sit de igne in sua sphaera , de quo dubitat Auerroes , primo Cæli , comm. 91. & quarto celi , comm. 32. an habeat calorem in actu ; & videtur potius oppositum asserere) non tamen sequitur , omne calidum est ignis ; cum Sol , & mixta sint calida ; & tamen non sunt ignis . Restat igitur , quod non sit proprium eius , sed accidens commune , inseparabile tamen , naturaliter loquendo , ab igne ; quia de facto diuinitus fuit separatus calor ab igne in fornace Babilonica , vt habetur Danielis tertio . Si quidem Angelus Domini descendit in fornacem cum Azaria , & socijs , & non tetigit eos omnino ignis , nequè contristauit .

Obijciens secundo . Lux dicitur vniuersè de corpore luminoso , & de medio , vt puta de Sole , qui est corpus luminosum , & de aere , qui est medium in quo recipitur lux ; sed respectu corporis luminosi est proprium , & respectu aeris est accidens ; ergo . Maior patet ex distinctione lucis , secundo de anima , t. c. 69. vbi dicitur . Lux est actus lucidi , scilicet diaphani , in quantum lucidum , & diaphanum est . Minoris prima pars patet . Quia lux consequitur naturam corporis luminosi . Secunda etiam . Quia lux adest , & abest ab aere ; ergo respectu illius est proprium , & respectu huius erit accidens .

Respondetur primo , negando lucem esse proprium corporis luminosi ; siqui-

dem proprium debet conuerti cum eo cuius est ; at lux non conuertitur cum corpore luminoso ; quia ignis est corpus luminosum , & tamen non omnis ignis lucet , vt patet de igne inferni , secundum D. Gregor. lib. 4. Dialogorum qui est sine luce . Similiter , ignis in propria sphaera , est expertus lucis , secundum Auerroem citatum .

Vel dicendum secundo , negando maiorem . Nam id , quod dicitur de medio , non est lux , sed species lucis , quæ dicitur lumen ; modo species , & id cuius est species , non vniocantur , cum sint alterius rationis . Hæc responsio , est Doctoris sub. in secundo d. 13. q. vn. art. secundo . Et prior , est eiusdem , quæst. 36. Vniuersalium .

Verum inherencia , sit de quiditate , & essentia Accidentis ?

QVÆSTIO IV.

NON defuerunt ex antiquis Philosophis , qui defenderent , inherenciam , nedum aptitudinalem , sed etiam actualem accidentis ad subiectum , esse de eiusdem quiditate , ac essentia : dicebant enim repugnare naturæ accidentis , existere absque subiecto . Ira refert Augustinus Niphus , 7. Methaph. disputat. prima , ex Aristotele ibidem , cap. 2. & primo physic. cap. 4. t. c. 39. Cæterum quam valde à veritate , nedum Philosophica , sed etiam Orthodoxa , deuiauerint , docet fides catholica , oppositum astruendo de accidentibus absolutis (de respectibus enim non est sermo) ea siquidem in Sacramento Eucharistiæ existunt sine subiecto ; quod fieri non posset , si inherencia actualis ad subiectum , esset de eius quiditate , ac essentia .

Catholici Philosophi , ac Theologi , prætermittâ priori sententia , disputant de inherencia aptitudinali .

accidentis ad subiectum, & secantur in duas classes. Aliqui enim putant, esse huiusmodi inhærentiam de essentia accidentis; imò esse completivum eius. Ita D. Thom. 3. p. q. 27. art. primo, ad secundum. Et in quarto sent. d. 12. q. 1. art. primo, ac alibi. Capreolus ibidem, d. 12. q. 1. ad primum contra quintam, & sextam conclusionem. Et in primo di. 42. q. 1. art. 3. Harueus, quol. 4. q. 9. laucil. 7. Meth. q. 1. Ægidius ibidem q. 2. Caiet. de Ente, & essentia, cap. 7. q. 15. Suarez in Meth. to. 2. disp. 37. sect. 2. numero 7. & 9. Ruuius in logicam, cap. de Accid. q. 5. & alij non pauci, tùm ex Antiquis, tùm ex Modernis.

Alij verò, indagantes verius accidentis naturam, aiunt, inhærentiam aptitudinalem esse quidem proprium, seu passionem identificatam realiter accidenti, non tamen de quiditate, & essentia eiusdem. Ità Doctor Subr. in quarto, d. 12. quæst. 1. Et septimo Methaph. q. 1. Antonius Andreas ibidem. Soncinas, q. 1. Flandria, q. 2. Zimara, theo. 3. qui secum trahit Coment. 4. Methaph. com. 2. Parisienses, primo Physicorum, tractatu 2. q. 1. partiali, corol. 4. vbi communiter Scotistæ omnes, & alij ex modernis multi.

Pro huius sententiæ declaratione, ac fundamento, notandum est primo, ex Doctor. Subrili in citatis locis. Accidens esse duplex, scilicet absolutum, cuius esse est ad se, & non refertur ad aliud, vt ad terminum; vt sunt quantitates, & qualitates; & respectuum, cuius esse est ad aliud se habere, vt ad suum terminum. Et hoc comprehendit sub se septem vltima prædicamenta, scilicet relationem, actionem, passionem, vbi, situm, habitum, & quando. Quæstio porriusimum intelligitur de accidente absoluto, cum hoc ordinetur ad subiectum; tamen soluenda est de vtroque.

Secundo notandum, ex eodem ibidem; inhærentiam nimirum accidentis ad subiectum esse duplicem, actualem, & aptitudinalem. Prior importat vnionem accidentis cum subiecto; & hæc dicit relationem actualem fundatam in accidente, verbi gratia, in albedine, & termina-

ram ad subiectum, idest ad patientem. Posterior verò dicit relationem aptitudinalem, seu inclinationem naturalem accidentis ad subiectum, quia sine illo naturaliter existere non potest. Differunt autem ab inuicem hæc, & illa. Nam prior, cum consequatur accidentis existentiam, excluditur à demonstratione, quæ abstrahit ab existentia. Posterior verò, cum abstrahat ab existentia, demonstratur de subiecto, mediante diffinitione eiusdem subiecti; vt dicitur in libris Posteriorum.

Tertio notandum est, ex eodem ibidem; aliud esse de essentia alicuius, & aliud esse idem essentialiter alicui. Nam prius dicit esse de diffinitione quiditativa, vel tamquam genus, vel vt diffinitio. Ex quo concluditur identitas formalis inter illa; diffinitio enim tota, est eadem formaliter diffinito, licet distinguantur ex natura rei, vt alibi dicturi sumus. Posterius verò, tantum dicit identitatem realem duorum ad inuicem; ita ut per nullam potentiam possint separari. Ità se habent subiectum, & propria passio; vt homo, & risibile. Ex his sequitur, quod omne illud, quod est de quiditate alicuius, est etiam idem realiter illi, non tamen è conuerso; quia risibilitas est eadem realiter homini, non verò de essentia; quia non ingreditur diffinitionem quiditativam hominis. Ad rem applicando; cum inhærentia aptitudinalis nequeat separari ab accidente, & tamen non ingreditur eius diffinitionem quiditativam, vt dictum est superius, exponendo diffinitionem datam à Porphyrio; hinc sequitur, quod non sit de essentia accidentis, sed tantum eadem realiter illi.

Ex his, sit prima Conclusio. Inhærentia, siue actualis, siue aptitudinalis, non est de essentia accidentis tam absoluti, quam respectui. Prima pars probatur de accidente absoluto. Quia nullus respectus est de essentia entis absoluti; sed inhærentia, tam actualis, quam aptitudinalis, sunt respectus; ergo non sunt de essentia accidentis absoluti. Maior patet.

Tum quia p^{re}dicamenta sunt impermixta, saltem formaliter; quia vnum non est de ratione formali alterius, ex Philosopho pluribus in locis, sed p^{re}cipue quinto Meth. Tum quia habent diuersas rationes formales, ex Aristotele in p^{re}dicamentis, cap. de substantia, & de ad aliquid. Minor est manifestata ex dictis notab. secundo. Secunda pars de accide^{re} respectiuo probatur. Quia fundamentum respectus, est aliquid p^{re}ter respectum, ex D. August. septimo de Trinitate, cap. primo, vel sexto, dicente. Omne, quod relatiue dicitur, est aliquid excepto relativo. Sed inherencia accidentis fundatur in ipso, tamquam respectus in suo fundamento, vt notauimus sup^{ra} in secundo notabili; ergo accidens est aliquid, p^{re}ter talem inherenciam.

Secunda Conclusio. Inherencia aptitudinalis, est eadem realiter accidenti. Probatur. Quia nulla aptitudo, seu inclinatio naturalis distinguitur realiter à suo fundamento, cum sequatur naturam eiusdem ab intrinseco, ratione formæ specificæ, eo modo, quo accidentia consequuntur subiecta; sed inherencia aptitudinalis importat aptitudinem, seu naturalem inclinationem accidentis ad esse in subiecto, ex dictis secundo notabili; ergo est eadem realiter accidenti.

Tertia Conclusio. Inherencia actualis, est distincta realiter ab accidente. Probatur. Quia illa, quæ ab inuicem separari possunt, distinguuntur realiter; sed inherencia actualis potest, & de facto separatur ab accidente, ergo. Minor patet. Quia fides docet, accidentia in Sacramento Altaris, esse ibi sine subiecto; ergo. Consequencia probatur. Quia inherencia actualis, est vnio accidentis ad subiectum; sed talia accidentia non sunt actu vnita subiecto; ergo &c.

Obijcies primo, contra primam conclusionem. Sicut se habet modus per se existendi respectu substantiæ, ita modus existendi in alio respectu accidentis; sed modus per se existendi aptitudinalis, est de essentia substantiæ; ergo & modus existendi aptitudinaliter in alio, est de essentia accidentis. Major patet. Quia ens diuiditur sufficienter per hos duos modos intrinsecos, scilicet per esse in se, & in alio. Minor probatur. Quia substantia constituitur in esse

per hoc esse apertum natum per se existere; ergo & accidens habet constitui per esse in alio; sed principium constitutum est de essentia constituti, vt patet de diffinitione; ergo &c.

Respondetur, negando minorem. Nam modus per se existendi, non est de essentia substantiæ; quia cum non dicat realitatem, aut formalitatem, vel potentialem, vel actualem, nequit habere rationem constituti, vt docet Scotus, in primo d. 5. q. 1. & Magister Formalitatum eiusdem Scoti, arr. de identitate, & distinctione ex natura rei; siquidem modus intrinsecus, non variat formaliter rem cuius est modus; igitur nec modus essendi in alio habebit constituere essentiam, & quiditatem accidentis.

Obijcies secundo Aristotelem, septimo Meth. t. c. 2. dicentem. Accidentia esse entia, eo quod sunt taliter entis; hoc est, quia inherant substantiæ; & t. c. 3. subiungit. Nichil enim ipsorum est, nec secundum se aptum natum, nec separari possibile a substantia; siquidem vadens, sedens, & sanans, apparent magis entia; quia est aliquid subiectum ipsis determinatum, scilicet substantia. Deinde subdit. Palam ergo, quia propter eam, & illorum singula sunt. Ex quibus verbis manifestè colligitur de mente Aristotelis, esse accidentia in tantum entia, in quantum inherant substantiæ; & consequenter inherenciam esse de quiditate, & essentia accidentium.

Respondetur, quod ly eo quod, possumus in prima auctoritate Aristotelis, secundum doctrinam eiusdem, quinto Meth. t. c. 23. aliter quatuor modis, iuxta quatuor causas, scilicet efficientem, finalem, materialem, & formalem. Si enim accipiat, vt denotat causam efficientem, facit sensum, quod accidentia pendunt à substantia, vt à causa efficiente. Si verò indicet causam finalem, sensus est, quod accidentium finis in substantia. Si materialem, denotat, accidentia pendere à substantia in ratione substantificationis, seu subsistentiæ à parte rei. Si tandem formalem, indicat, accidentia habere suum esse formale à substantia. Accipiendo ly eo quod, tribus modis prioribus, propositio est vera; quia reuera accidentia pendunt à substantia in ratione causæ efficientis, finalis, & materialis. Nec per hoc sequitur,

re-

respectum eorumdem ad substantiam in aliquo horum genere, esse de illorum essentia; alioquin non posset inueniri aliquid ens formaliter absolutum, cum omne tale dicat respectum transcendentem ad aliud, saltem in genere causæ efficientis, & finalis, quod nemo facile concessit. Si verò accipiatur ultimo modo, est falsa propositio, cum nullus respectus sit de essentia, sed de ratione formali constitutiva absoluti. Auctoritas Philosophi intelligitur tribus modis prioribus tantum.

Ad aliam auctoritatem, quæ videtur efficacior pro sententia opposita, dico, ibi Philosophum tantum velle, quod accidentia pendeant à substantia in genere causæ efficientis, finalis, & materialis, non autem in genere causæ formalis; & quod in apertudine nequeant separari à substantia, quod & nos fatemur; secus in actu, cum fides catholica oppositum nos doceat de accidentibus in Sacramento Eucharistiæ.

Obijcies tertio, contra tertiam conclusionem, Si in hærentia actualis non est eadè accidenti, ut puta albedini, cum tamen in hæreat sibi, sequitur in hære per aliam in hærentiam; sed hoc non est admittendum; ergo. Sequela maioris probatur. Quia inter aliud, & idem, non est medium; ergo si in hæret albedini, & non est idem sibi; ergo per aliam in hærentiam in hæret. Minor probatur. Quia querò de illa in hærentia secunda, per quam in hæret prima, si est eadem realiter, vel distincta? Si dicis eadem; ergo & prima erit eadem, cum non sit maior ratio de vna, quam de alia; si autem est distincta, cum, & ipsa in hæreat, sequitur in hære per aliam, & illa per aliam; & sic vel dabitur processus in infinitum, vel concedendum, quod prima in hærentia sit eadem accidenti.

Respondetur, negando minorem. Ad probationem dico cum Scoto loco citato sub lit. I. in hærentiam secundam, esse eandem realiter cum prima in hærentia, & ibi dari statum; & rationem reddit Doctor, in secundo, d. prima q. 5. lit. M. nimirum, quod illa relatio, cuius fundamentum nequit esse sine termino, est eadem realiter fundamento; ut patet de relatione creaturæ ad Deum; quia creatura nequit esse sine dependentia ad Deum; idè talis relatio dependentiæ identificatur sibi. Ità in proposito.

to. Cum prima in hærentia nequeat esse sine secunda; per ipsam enim dicitur in hære albedini; & tam sine prima, quam sine secunda queat esse accidens absolutum, nempe albedo; idè secunda in hærentia identificatur primæ realiter, & neutra albedini.

Obijcies quarto. Si iste respectus in hærentiæ esset distinctus realiter ab accidente; ergo esset posterior ipso; siquidem respectus semper esse debet posterior fundamentis; sed hoc nequit admitti in proposito; ergo. Minor probatur. Quia tunc non necessario penderet accidens à subiecto; sed hoc est contra Philosophum, 7. Meth. t. c. 12. ergo. Maior probatur. Quia nullum prius dependet essentialiter, & necessario à suo posteriori; sed per te accidens est prius illo respectu; ergo non pender necessario ab illo; ergo nec à subiecto: quod probatur. Quia accidens non requirit illud subiectum, nisi propter istum respectum; ergo si non necessario dependet à respectu, nec à subiecto necessario habebit dependere.

Respondetur, negando minorem. Ad probationem, negatur maior. Ad cuius probationem, concedo, accidens non dependere ab illo respectu, cum sit prius eo; sed nego, quod inferitur; quod non dependet à subiecto; quia potest aliquid dependere à termino respectus, sine dependentia à respectu; ut patet de substantia lapidis, quæ dependet à Deo, ut à causâ efficiente, non tamen à relatione dependentiæ, terminata ad Deum. Ad improbationem dico, maiorem esse veram, si ly propter, dicat consecutionem respectu accidentis, non tamen si prioritatem; hoc est dictum; accidens non dependet à subiecto propter ipsum respectum, ut propter causam dependentiæ, sed ut propter consecutionem; quia ad dependentiam accidentis ad subiectum, sequitur iste respectus in hærentiæ accidentis ad subiectum.

TRACTATUS SECVNDVS.

Prædicabilium Porphyrij.

Postquam enim Porphyrius egit in præcedenti Tractatu de Vniuersalibus, seu Prædicabilibus in particulari, tradendo illorum diffinitiones, diuisiones, ac discriminationes inter se, in præsentī, quasi recapitulando prædicta, agit de eisdem comparatiuè ad se inuicem, & ad vniuersale in communi. Et diuiditur in duodecima capita. In quorum primo demonstrat convenientiam quinque vniuersalium in vniuersali, in eo quod omnia participant eiusdem diffinitionem, scilicet prædicari de pluribus, dum dicit. Commune quidem omnibus, de pluribus prædicari, quemadmodum dictum est. Ex quibus innotescit nobis ratio, seu diffinitio vniuersalis in communi, & consequenter ipsum vniuersale; siquidem diffinitio ordinatur relatiuè ad suum diffinitum. Caterùm, quia non omnia aequaliter participant naturam vniuersalis, seu prædicabilis in communi, subiungit differentiam, dum dicit; genus, & differentiam aequaliter prædicari de pluribus speciebus, ac eorundem indiuiduis: animal enim dicitur de homine, leone, & equo, & de indiuiduis eorum, scilicet hoc homine, hoc leone, & hoc equo; similiter irrationale, quod est differentia, de leone, & equo, & eorum indiuiduis prædicatur. Species verò, tantum de indiuiduis; ut homo de Petro, & Paulo, ac ceteris. Proprium autem, de specie, & de eius indiuiduis; ut humilitas de equo, hoc, & illo equo; & tandem accidens, de pluribus speciebus, & eorum indiuiduis; ut cinis de coruo, & æthiope, hoc coruo, & hoc æthiope; similiter mori, & quiescere, de homine, leone, ac eorum-

dem indiuiduis; cum hac tamen differentia, quod accidentia prius de indiuiduis, & postea de speciebus prædicantur; proprium verò, prius de specie, & postea de indiuiduis dicitur.

In secundo capite, comparat genus cum differentia, & proponit ea in quibus conueniunt, & per quæ differunt. Siquidem conueniunt, quia differentia continet easdem species potestate, quæ sub genere continentur. Nam cum differentia diuidant adequatè genus, ut sit bona diuisio, nihil debet contineri sub genere, quin contineatur etiam sub differentiis, & è conuersò. Differunt verò multipliciter; quia genus continet differentias potestate: nam animal, vel est rationale, vel irrationale; at differentia non continet genus; hæc siquidem sunt falsæ formaliter: rationale est animal, irrationale est animal: licet identicè admittantur, propter identitatem realem differentiarum cum suo genere, quod diuidunt. Secundò. Quia genus est prius differentiis saltem naturali; nam si interimantur rationale, & irrationale per intellectum, non propterea interimuntur animal, cum remaneat substantia animata sensibilis. Tertiò differunt. Quia genus inquit, differentia verò in quale quid prædicatur. Quarto tandem differunt. Quia genus assimilatur materie, cum sit in potentia ad species; differentia verò formæ, quia constituit simul cum genere speciem, ut alibi dictum est.

In tertio Capitulo, ponit convenientiam, & generis, & speciei inter se. Et primo conueniunt, quia ambo prædicantur de pluribus in quid; & sunt priora his, de quibus prædicantur. Quia intellectus potest præscindere genus à suis speciebus, & quambet speciem à suis indiuiduis. Ex quo sequitur tertia conuenientia, quod ambo dicantur tota vniuersalia, & potentia respectu suorum inferiorum; & hæc dicuntur partes subiectiue, seu tota actualia; quia continent actum superiora. Differunt

verò primo, quia genus de pluribus speciebus, & in indiuiduis etiam predicatur; species verò tantum de indiuiduis. Secundo. Quia genus simul cum differentia, est prius natura specie; siquidem ad positionem hominis, necessariò ponitur animal, & rationale, sed non è conuerso; quia animal potest præscindere à quacunque specie. Tertio. Quia genus vniocè predicatur de speciebus, ut animal de homine; & leone, at non è conuerso; valet enim dicere: homo est animal, & substantia sensibilis; sed non è contra; substantia animata sensibilis, seu animal est homo; quia potest esse leo, à quo etiam participatur. Quarto. Quia genus dicitur abundare à specie per continentiam plurium specierum; species verò abundant à genere proprijs differentijs, quas actum continet; homo enim continet animal, & insuper rationale actum; animal autem, licet contineat genera superiora, & sensibile, quo constituitur in esse, non tamen continet actualiter rationale, sed tantum potentia. Quinto tandem; quia sicut genus numquam fiet species specialissima, sic nec species genus generalissimum; siquidem sicut de ratione speciei est habere genus supra se, & generalissimum caret genere supra se, sequitur species non posse fieri genus generalissimum; ità cum de ratione generis sit habere species sub se, & species specialissima caret speciebus, infertur necessariò, genus non posse euadere speciem specialissimam.

In quarto, recenset communitates, & differentias inter genus, & proprium. Et primo conueniunt; quia sicut ad positionem speciei, ponitur genus necessariò; ita ad positionem speciei, ponitur necessariò proprium; siquidem sicut valet; homo est; ergo animal est; ita sequitur, si homo est; ergo risibile est. Secundo conueniunt; quia sicut genus predicatur de specie, & eius indiuiduis, ità & proprium; animal enim predicatur de homine, & eius indiuiduis, quæ sub ipso sunt; ita priter risibile de illis dicitur. Differant autem primo. Quia genus est prius proprio; siqui-

dem animal diuiditur prius per rationale, & irrationale, & postea per risibile, & humibile. Secundo. Quia genus de pluribus speciebus predicatur; proprium verò de vna sola specie dicitur; animal enim est commune ad hominem, & leonem; risibile verò tantum ad homines. Tertio. Quia proprium conuertibiliter predicatur de specie cuius est, non autem genus de specie; valet enim. Omnis homo est risibilis, & omne risibile est homo; non autem sic de animali; quia hæc est falsa. Omne animal est homo, vel equus. Quarto. Quia proprium inest omni, soli, & semper; at genus licet insit omni speciei, & semper, cum sit in illis, non tamen vni soli speciei. Quinto. Quia ad negationem generis, remouentur species, & earum propria; quia genera dicunt partem essentia specierum, non tamen è conuerso; quia remoto risibili ab homine, non necessariò tollitur animal; quia conseruatur in leone, & equo.

In quinto, comparat genus ad accedens, ponendo conuenientiam, & differentiam eorumdem. Primo ponit conuenientiam. Quia sicut genus predicatur de pluribus speciebus, ut animal de leone, asino, & bone, ità accedens dicitur de pluribus subiectis specie differentiibus; ut nigrum, de specie coruorum, athiopum, & carbonum; vel moueri, de specie hominis, & leonis. Differunt autem. Quia genus est prius speciebus, de quibus predicatur; accidentia verò posteriora, siue sint separabilia, siue inseparabilia, ut patet. Quia accidentia consequuntur formam, si proueniant ab intrinseco ratione quantitatis, vel qualitatis. At certum est, causam præcedere effectum. Si verò sint in subiectis ab extrinseco, cum possint ab eis separari, semper sunt posteriora. Secundo differunt. Quia genus participatur æqualiter à speciebus; nam homo, non est magis animal, quam asinus; accidentia verò inæqualiter; quia vnum subiectum est magis album, vel nigrum alio; siquidem accidentia su-

sci-

sciunt magis, & minus, vel saltem maius, & minus, ut videbimus in sequenti libro *Prædicamentorum*. Tertio. Quia accidentia prius insunt individuis, & postea speciebus, & generibus; genus vero prius dicitur de speciebus, & his mediantibus, de individuis. Quarto. Quia genus prædicatur in quid de suis inferioribus; accidens in quale aliquid est; id est accidentaliter: interroganti enim quid est homo? respondetur, animal: at quærenti, qualis est coruus, vel æthiops? respondetur niger: igitur sicut illud prædicatur in quid de homine, ita hoc prædicatur in quale accidentale de coruo, & æthiope.

In sexto, enumerat differentias, quibus vnumquodque Vniuersalium differat ab alterutro. Et quamvis aliqui possent dicere, esse viginti differentias; quia sicut genus differt ab alijs quatuor, & sunt quatuor comparationes, seu differentia, cum vnumquodque possit habere easdem comparationes ad reliqua, dicendum erit, fore viginti; quia quater quinque, faciunt viginti; nihilominus, secundum veritatem, concludendum est, esse tantum decem; quandoquidem comparatio semper fit ad posterius. Cum igitur genus comparatur ad quatuor vniuersalia, scilicet differentiam speciem, proprium, & accidens, & sint quatuor; differentia autem ad tria; species ad duo; proprium ad vnum; & ad nullum accidens, sequitur esse tantum decem comparationes, tres differentia, duas species, & vnam proprii, quæ sunt sex; quibus si coniungantur aliæ quatuor generis, completur numerus decarius, secundum quem erunt tantum decem comparationes, seu differentia inter omnia, & non amplius.

In septimo, enumerat conuenientias, & differentias, quas habet differentia cum specie, dicens: conuenire in eo, quod æqualiter ambe participantur ab individuis, de quibus prædicantur; siquidem Petrus est æqualiter homo, & rationalis cum Paulo; quia vnus non est magis homo, aut rationalis altero. Deinde huiusmodi participatio, est sempiterna, ac necessaria; quandoquidem species, & differentia, dicunt totum esse in-

diuiduorum, & nulum consistere potest sine sua essentia. Differunt autem quadrupliciter. Et primo, quia differentia prædicatur in quale; species vero in quid de individuis. Secundo. Quia differentia sæpe reperitur in pluribus individuis diuersarum specierum; ut quadrupes in leonibus, & equis; species vero, in individuis vnus speciei tantum; ut rationale in hominibus. Tertio. Quia differentia est prior specie per ipsam constituta; quandoquidem ablato homine, non auferetur rationale; quia remanet in Deo, qui & ipse est rationalis, sicut homo. Quarto tandem. Quia vna differentia componitur cum alia differentia ad constituendam vnã, & eandem speciem; species autem nequit comparari cum alia, ut gignatur tertia species; & probat. Quia mortale, componitur cum rationali ad constituendum hominem; equa autem, ut sic, nequit coniungi cum asino, ut sic, ad gignendam speciem tertiam muli. Et licet talis coniunctio possit reperiri in aliquo individuo, ut in quadam equa cum aliquo asino; negatur tamen coniunctio duarum specierum ad tertiam procreandam.

In octauo capite, comparat differentiam cum proprio, recensendo conuenientias, & differentias inter se. Et primo indicat conuenire; quia ambo æqualiter, & semper participantur a suis inferioribus, de quibus prædicantur, sicut dictum est de specie, ac differentia; siquidem cum proprio sit identificatum realiter species; ut risibile homini, & differentia sit eadem formaliter cum specie; ut rationale cum homine, sequitur ambo æqualiter dici, de quibus dicitur homo, & semper, ratione identitatis realis ad inuicem, & cum specie. Differunt autem. Quia differentia prædicatur de pluribus differentibus specie; ut rationale de hominibus, & Dÿs; proprium vero de vna sola specie, ac eius individuis dicitur; ut risibile de homine, & particularibus sub ipso contentis.

In nono capitulo, comparat differentiam cum accidente. Et primo conueniunt; quia ambo de pluribus prædicantur; ut rationale de hominibus, & Dÿs; & nigrum de coruis, æthiope, & carbone. Insuper, differen-

cia semper inest illis, de quibus predicatur; quia homines semper sunt rationales; ita accidens inseparabile, ut nigrum, inest semper corvis, & ethiopi, ac carboni. Differunt autem tripliciter. Primo. Quia differentia, ut puta rationale, continet hominem, & non continetur ab eo; hoc est potentialiter, tamquam constitutum suum constitutum; quia rationale constituit hominem, & non constituitur ab eo; accidens vero continet; quia habet plura sub se subiecta, de quibus dicitur: & aliquo modo continetur; quia eiusdem accidentis, possunt esse plura susceptiva, ut plures homines albi, vel rubei. Secundo. Quia differentia non suscipit magis, & minus in illis, de quibus dicitur; non enim Petrus est magis rationalis, quam Paulus: accidens vero suscipit magis, & minus; quia unum dicitur magis, vel minus calidum, altero. Tertio. Quia in differentiis, non reperiuntur contrarietas proprie dicta, licet sint oppositae dispartae; nam rationale, de irrationali predicari nequit, & e contra; accidentia vero sunt contraria; ut calidum frigidum; humidum siccum; nigrum albo &c.

In decimo capitulo, recenset convenientias, ac differentias speciei, ac proprii ad invicem. Primo quidem conveniunt. Quia convertibiliter de se invicem predicantur; nam, omnis homo est risibilis, & omne risibile est homo. Secundo. Quia equaliter participantur ab individuis; quia risibile predicatur de omnibus illis, de quibus predicatur homo propter identitatem realem, & inseparabilitatem, quam habet cum homine. Differunt autem quadrupliciter. Quia species potest esse species, & genus aliorum; at proprium unius, impossibile est, ut sit proprium alterius speciei; patet. Quia animal, est species viventis, & genus hominis, ac leonis; at risibile, quod est proprium hominis nequit esse proprium leonis. Secundo. Quia species, est prior proprio; ut homo, est prior risibili; siquidem causa, est prior effectui: & Petrus non prius est risibilis, quam sit homo. Tertio. Quia species semper actu est in individuis, quia dat illis esse; at proprium non

est semper in actu; quia Socrates non semper actu ridet, quamvis sit aptus ridere. Quarto. Quia species predicatur de pluribus differentibus numero in quid; proprium vero de eisdem, sed in quale convertibiliter, & inseparabiliter.

In cap. undecimo, comparat speciem ad accidens. Et primo inquit convenire ad invicem. Quia ambo de pluribus predicantur; ut homo de hominibus; & calidum de diversis mixtis, scilicet de ligno, lapide, & ferro. Differunt vero quadrupliciter. Primo. Quia species predicatur in quid de individuis; ut homo de hominibus; accidens vero in quale accidentale de subiectis. Secundo. Quia unicum individuum, est unius speciei tantum; ut Petrus est unius speciei humanae: at unum subiectum potest esse plurimum accidentium. Tertio. Quia species, cum sit subiectum accidentium etiam inseparabilium, praetelligitur illis; accidentia vero, semper sunt posteriora. Quarto. Species non suscipit magis, & minus in individuis; quia equaliter participatur ab eis; accidens vero, etiam inseparabile, suscipit magis, & minus in subiectis; nam unus ethiops, potest esse nigrior altero.

In duodecimo, & ultimo capitulo, comparat proprium ad accidens. Et primo ait, ad invicem convenire; quia sicut proprium est inseparabile a suo subiecto, ut risibile ab homine, ita accidens inseparabile, ut albedo a cygno, & nigredo a corvo. Secundo. Quia sicut proprium inest semper, & omni contento sub specie, ita accidens inseparabile inest omni, & semper, contento sub subiecto. Differunt autem tripliciter. Quia proprium inest soli speciei, ut risibile homini; accidens vero inseparabile, pluribus speciebus; ut nigrum corvo, ethiopi, carboni, &c. Secundo. Quia proprium convertitur cum eo cuius est proprium, & equaliter participatur ab individuis; ut risibile convertitur cum homine, & omnes homines sunt aequè risibiles; accidens

dens verò , nec conuertitur cum subiecto , nec equaliter participatur ab illis de quibus dicitur ; non enim valet dicere . Omne nigrum est cornus , vel athiops , aut carbo : nec similiter participatur à subiectis ; quia cornus est nigrior athiope , & vnus athiops nigrior altero . Et hæc de secundo tractatu , & de toto libro Vniuersalium Porphyrij dixisse sufficiat . Possent moueri quæstiones exorientes su-

per diuersis textibus , & maxime . An differentia contineat genus formaliter ; & differentia inferior,superiorem ; similiter . An genus , & differentia constituant speciem ; & quomodo genus habeat rationem materie , & differentia forme . Caterum , quia partim solvuntur ex dictis , & partim habent pertraktari in sequenti libro Pradicamentorum ; ideo ad præsens consultò omittuntur , ad alia properantes .

F I N I S .



COMMENTARIA VNA CVM QVÆSTIONIBVS

Super Aristotelis Cathedrias, seu Prædicamentorum Librum.

Expedito libro Vniversalium Porphyrij, Aristotelis liber Cathedriarum, seu Prædicamentorum occurrit explicandus. Quandoquidem, cum prædicamentum nihil aliud sit, quam dispositio prædicatorum essentia-
lium, superiorum, atque inferiorum, sub vno quodam genere conten-
torum, secundum subiectionem, & prædicationem, fas est, vt post
tractatum Prædicabilem, horum dispositionem ad innicem statim
subiungamus. Qui, iuxta omnium Peripateticorum sententiam, diuiditur in tres par-
tes; quarum prima de Antepredicamentis, secunda de Prædicamentis; & ter-
tia de Postpredicamentis inscribitur. Antequam tamen textus expositionem aggredia-
mur, quasdam quæstiones præambulares, Prædicamentorum doctrinam concernen-
tes expediemus; quibus peractis, facilius erit aditus ad difficiliora tractan-
da.

*De Auctore, Fine, & Intentione huius
libri.*

QVÆSTIO I.

Non defuerunt ex Antiquis, vt refe-
runt Conimbricenses in Proemio
huius libri, asserentes, hoc opus Cathedriarum, seu Prædicamentorum, inuentum
fuisse ab Archita Tarentino Philosopho,
tunc temporis clarissimo, vt facilius re-
rum omnium posset inuestigare cognitio-
nem. Communiter Scholastici, ipsum Ari-
stoteli adscribunt. Tum quia in ordine, &
Stylo scribendi, consonat eiusdem ceteris

operibus. Tum etiam, quia, vt refert Miran-
dula, lib. 4. de Examine veritatis; inquit se
vidisse opus Architæ, illudque valde esse
ab hoc diuersum fateatur. Vnde cessante
dubitatione Iamblici, quod non sit Archi-
tæ, approbatur communis opinio, illud esse
Aristotelis; quippe qui videns difficultatem
omnium rerum inuestigandi cognitio-
nem, si tales per se, indiscriminatimque
considerentur; siquidem sunt ferè infinitæ,
eaeque de causa impenetrabiles cog-
nitione, ad decem ordines, quas Cathedrias
nominauit, eas reduxit, ordinando il-
las secundum subiectionem, & prædicationem;
vt ex conuenientibus veritas; ex re-
pugnantibus, vel saltem disconuenien-
tibus,

tibus, falsitas manifestaretur propositionum, seu enunciationum. Ex quo patet, finem huius operis ordinantem prædicabilia secundum sub, & supra, in eo situm esse, ut quivis sciat talia ad invicem componere in propositionibus, & ijs medijs concludere in syllogismis ordinare. Enim verò, cum iste liber sit de terminis simplicibus, ex quibus conficiuntur propositiones, & ex his syllogismi, opus erat tandem, & ipsos terminos in syllogismos ordinare. His paucis habitis, necessarijs tamen, ad meliorem intelligentiam dicendorum, discutiendæ sunt etiam aliæ quæstiones, totam hanc scientiam in communi concernentes; & primo.

Virum Prædicamentum, seu Generalissimum in communi, sit subiectum huius libri?

QVÆSTIO II.

CIta hanc quæstionem, sunt variæ opinioniones, ut referunt Doctores, & præcipue noster Scotus, quæst. 1. 2. & 3. Prædicamentorum. Toletus, & Collegium Conimbricense, in Proemio huius operis.

Prima opinio est Nominalium; qui secuti Alexandrum, Simplicium, & alios Antiques, dixerunt, voces, de quibus præcipue hic agit Aristoteles, esse huius libri subiectum.

Secunda, quæ habet pro se Eustratium, Averroem, & alios, opus itum omnino asserit, nimirum res, & non voces, esse hic subiectum. Vtrique citant pro se Aristotelem, cap. secundo huius operis.

Tertia verò sententia est Ammonij, Boetij, Toleti, Conimbricensium, Ruuij, & fere omnium Modernorum in Proemio libri Prædicamentorum, qui putant fas esse mediare inter primam, & secundam opinionem, dicens, nec voces tantum, nec res solum, sed res. ut per voces exprimuntur, esse hic subiectum.

Quarta tandem, & ultima, considerans quanc scientiam esse logicalem, & non realem, relicto prioribus, ut à veritate aberrantibus, asseruit, aliquid intentionale esse subiectum. Ita Porphyrius, Scotus, Tara-

retus, & communiter Scotistæ loco citato. In assignando autem quid sit illud intentionale, non conveniunt; quandoquidem Tarareus, quæstione Præambulari, secundo sciendum &c. putat, tale esse debere, vniuersale intentionale, cui competat illa passio, scilicet ordinabilitas in genere secundum sub, & supra; taleque non habere aliud nomen impositum. Doctor autem cum reliquis loco citato docet, huiusmodi intentionale, esse prædicamentum; seu generalissimum pro secunda intentione, ab omnibus abstractum; cui & nos libenter subseribimus.

Pro cuius clariori intelligentia, ac fundamento. Primo notandum est, ex eodem Doctore subtili, q. 2. §. Ad quæstionem &c. quod Prædicamentum, seu Categoria, dupliciter accipi potest, scilicet pro prima & pro secunda intentione. Prædicamentum primo modo, adhuc dupliciter consideratur. Vno modo pro quolibet supramodo in vno ordine, quo nil superius datur limitatum; & sic substantia, quantitas, qualitas, &c. dicuntur prædicamenta. Alio modo pro coordinatione, seu dispositione omnium rerum, quæ ponuntur in vno ordine, ut verbi gratia pro ordinatione omnium generum, specierum, dissensionum, & passionum, quæ ponuntur in prædicamento substantiæ, vel quantitatis, aut qualitatis. Et sic, prædicamentum est respectus, seu relatio ordinis generum ad species; specierum ad individua, & è conuerso. Prædicamentum secundo modo, scilicet pro secunda intentione, etiam dupliciter sumi potest; vno modo pro generalissimo attributo cuiuslibet prædicamento pro prima intentione. Et sic, tot sunt prædicamenta pro secunda intentione, quot sunt pro prima. Alio modo pro generalissimo communi illis decem, ab eisque abstracto per intellectus operationem; & tale dicitur esse hic subiectum.

Secundo notandum, triplex esse subiectum, scilicet prædicationis; ut ens reale in metaphysica; ens rationis in logica; principalitatis; ut substantia in metaphysica, & demonstratio in logica; ac attributionis; ut corpus naturale in physica, & syllogismus in logica. Sic est iterum de subiecto attributionis. Ad quod, requiruntur tres conditiones, ut habet Aristoteles, primo Post.

& Sco-

& Scotus q. 3. Vniuers. prima quod de ipso præsupponatur quid est, & quia est. Secunda, quod habeat passiones; & tertia quod omnia considerata in scientia, ad ipsum reducantur, vel tamquam principia, vel tamquam partes, vel ut passiones. Si primam conditionem spectemus, prædicamentum, seu generalissimum, est subiectum attributionis huius libri, cum de ipso præsupponatur definitio tradita à Porphyrio, tract. primo, cap. 2. & primo Perihermenias, cap. 5. & consequenter quia est, seu existentia suo modo; quia non entis, non est definitio, neque scientia. Si verò secundam consideremus, etiam ipsa sibi competit; quandoquidem, non habere genus supra diuidi in species, habere multas species subalternas &c. demonstrantur veluti passiones de quolibet prædicamento, in quantum est generalissimum; quare primo, & per se competit generalissimo, seu prædicamento in communi. Si tandem tertiam perspexerimus, manifestum est, generalissimum esse subiectum, cum omnia considerata in hac scientia, habeant attributionem ad ipsum, vel ut genera, vel ut species, vel ut differentias, vel ut passiones proprias, vel suorum inferiorum, ut clarius patebit ex infra dicendis.

Tertio notandum est, voces, & res prædicamentales posse dupliciter spectari. Vno modo, in quantum cognoscuntur ab intellectu actu recto, vel reflexo; & sic sunt entia realia, & spectant ad metaphysicam. Alio modo, prout cognoscuntur actu comparatiuo; & sic sunt secundæ intentionis attributæ rebus, vel vocibus cognitæ actu recto, vel reflexo. Et sic considerantur à logico; & possunt esse subiectum, non in quantum sunt plures, sed in quantum reducuntur ad vnum commune, saltem per attributionem; quod prædicamentum, seu generalissimum appellatur.

Ex his, sit prima Conclusio. Neque res, neque voces, siue diuisim, siue coniunctim sumptæ, possunt esse subiectum huius scientiæ. Est contra tres priores sententias. Probatur. Quia quodlibet subiectum debet esse vnum, ex Aristotele, primo Post. cap. 23. atqui voces, seu res non sunt vnum; ergo nequeunt esse subiectum. Minor probatur. Quia substantia, quantitas, qualitas,

&c. sunt res per easdem voces expressæ; sed tales sunt plures, ut patet; ergo.

Dices. Res, & voces non esse subiectum, si diuisim sumantur; esse tamen, ut vniuntur in vna voce, & in vna re, in communi accepta.

Contra. Quia ens reale nequire esse subiectum scientiæ rationalis, ut patet; sed res, & voces quomodocumque sumantur, vel diuisim, vel coniunctim, sunt entia realia, habentia esse præter opus intellectus, & ista scientia est rationalis, ut demonstrabitur in sequenti; ergo nullo modo possunt esse hic subiectum.

Secunda Conclusio. Vniuersale ordinabile in genere secundum sub, & supra, non est hic subiectum, sed tantum prædicamentum, seu generalissimum in communi, pro secunda intentione acceptum. Probatur prima pars, contra Tataretum. Quia per vniuersale ordinabile in genere, vel intelligitur aliquod communius, vel minus commune, vel æquè commune cum prædicamento; sed nullum istorum est dicendum; ergo vniuersale ordinabile in genere, non est subiectum. Maior patet à sufficienti diuisione. Minor probatur. Non potest dici primum, vel secundum; quia subiectum debet esse adequatum scientiæ, ex tertiæ conditione; sed quod est communius, vel minus commune prædicamento, non est adequatum; quia excederet, vel excederetur ab ipsa scientia prædicamentorum; ergo. Siquidem hæc scientia, est tantum scientia prædicamentorum, seu de prædicamentis, ut etiam fateatur ipse Tataretus; ergo si ordinabile in genere, esset communius, vel minus commune prædicamento, excederet, & excederetur; & sic non esset adequatum huic scientiæ. Nec est dicendum tertium. Quia cum vniuersale ordinabile in genere, esset æquè commune cum prædicamento, tunc non esset aliud ab ipso. Unde sequitur, male excludi prædicamentum à Tatareto, ab esse subiecti huius scientiæ. Secunda Pars probatur. Quia prædicamentum, seu generalissimum, pro secunda intentione sumptum, habet omnes conditiones requisitas ad esse subiecti, ut probatum est notab. secundo; ergo est hic subiectum. Consequenter patet. Quia nil aliud considerari potest, quam ut habeat omnes

nes condiciones requisitas ad esse subiecti ;

Obijcies primo , pro prima sententia , contra hanc conclusionem. Quia Aristoteles dicit, hunc librum esse de vocibus ; ergo voces sunt subiectum . Antecedens probatur . Quia , cap. 2. huius operis dicit. Eorum quæ dicuntur, quædam dicuntur cum complexione ; quædam sine complexione . Deinde ibidem enumerando prædicamenta dicit. Eorum, quæ secundum nullam complexionem dicuntur, singulum, aut significat substantiam, aut quantitatem, aut qualitatem, aut ad aliquid &c. sed significare cum complexione, aut sine complexione ; vel significare substantiam, quantitatem, qualitatem &c. tantum vocibus competit ; ergo Aristoteles hic præcipue agit de vocibus .

Respondetur , Aristotelem hic agere de vocibus, posse dupliciter intelligi. Vno modo per se, & principaliter ; alio modo per accedens, & minus principaliter, quatenus videlicet agit de quibusdam, quæ sine vocibus exterior nequeunt demonstrari. Primo modo, non agit hic de vocibus, sed tantum secundo modo ; siquidem agit de secundo intellectu, applicatis rebus cognitis actu recto, vel reflexo ; quæ cum nequeant exteriori ostendi sine vocibus , ideo & de illis agit per accedens , & minus principaliter .

Obijcies secundo. In hoc libro agitur de æquivocis, vniocis, & denominatiuis ; sed talia sunt differentie vocis ; siquidem vocum, alia est æquivoca, alia vnioca, & alia denominatiua ; ergo .

Respondetur ex Doctore hic, q. prima Vnioca, & denominatiua per se primo importare conceptus mentis ; ac propterea esse per se differentias conceptuum ; per accedens verò, & secundariò dicuntur differentie vocum, quæ necessariò requiruntur, vt exprimentur conceptus in mente latentes, vt docet Aristoteles, primo Perihermeneias, cap. primo. De Vniocis, & denominatiuis primo modo consideratis, agitur hic per se, & primariò ; secundariò verò, & per accedens pertractatur etiam de vocibus. Vnde non sequitur, voces, & non conceptus esse hic subiectum . Æquivoca verò sunt per se differentie vocis ; at de his non

agitur per se, sed tantum quatenus opponuntur vniocis ; eiusdem enim facultatis est considerare opposita, vt docet Philosophus, in lib. Topicorum . Ex quo inferitur, quod sicut æquivoca, quæ per se sunt differentie vocis, tamen hic per accidens considerantur, ita, & voces expressiue conceptum vniocorum, & denominatiuorum, habent tantum per accedens considerari in libro prædicamentorum .

Formaliter ad argumentum dico, maiorem esse veram diuersimodè ; hoc est, de æquivocis per accedens ; & de vniocis, & denominatiuis, vt dicunt conceptus mentis per se. Et tunc nego minorem de vniocis, & denominatiuis, & concedo de æquivocis. Modo cum ista hic tantum per accedens considerentur, sequitur etiam voces tantum per accedens considerari.

Obijcies tertio. Omne subiectum debet esse scibile ; sed prædicamentum non est scibile ; ergo nequit esse subiectum . Minor probatur . Omne quod scitur, vel per demonstrationem, vel per definitionem scitur, ex Aristotele, primo, & secundo lib. Posteriorum ; sed prædicamentum non habet definitionem, ergo non est scibile . Minor probatur. Quia definitio constat ex genere, & differentia, ex Aristotele, 7. Meth. t. c. 43. sed prædicamentum, cum sit generalissimum, non habet genus, & differentiam, per Porphyrium, cap. de genere ; dicentem non posse esse speciem ; quod non esset verum, si haberet aliud genus supra se .

Respondetur, negando minorem, quocumque modo sumatur prædicamentum, siue pro prima, siue pro secunda intentione. Ad probationem, nego iterum minorem ; imò prædicamentum diffinitur, per ens finitum, & modum intrinsecum . Et huiusmodi definitio est sufficiens ad demonstrandas passiones de prædicamento primo intentionaliter accepto ; & consequenter ad habendam scientiam de illo. Prædicamentum verò pro secunda intentione, habet diffinitionem propriè dictam, quæ constat ex genere, & differentia ; siquidem vniuersale pro secunda intentione est genus ; & ly de pluribus differentibus specie, tam subalterna, quam specialissima, & etiam numero, de quibus dicitur predicatione signata, est differentia contrahens vni-

uer-

versale ad genus generalissimum. Secus est, si sumatur in actu exercito; quia tunc prædicatur de decem generalissimis, ut species specialissima, tamquam de differentiis numero tantum.

Obijcies quarto. Subiectum debet convenire omni contento in scientia, cuius est subiectum; sed prædicamentum, scilicet generalissimum, non est huiusmodi; ergo. Maior patet. Quia aliquin non esset adæquatum scientiæ, sed excederetur ab ea. Minor probatur. Quia in hac scientia consideratur individuum, species, genus, differentiæ, passionis specierum; sed falsum est dicere, individuum est generalissimum; species est generalissimum, & sic de cæteris; ergo non convenit omni contento sub hac scientia.

Respondetur, maiorem esse veram de subiecto prædicationis, non attributionis; quia tale non debet competere cuilibet in scientia considerato, sed sufficit, quod omnia ad ipsum aliquo modo reducantur; modo prædicamentum, est subiectum attributionis huius libri prædicamentorum, non verò prædicationis.

Virum Scientia Prædicamentorum, pertineat ad Logicam, vel Mathematicam?

QVÆSTIO III.

Qui dixerunt in præcedenti quæstione, hic Philosophum præcipue pertractare de rebus, ut de materia, eius considerationi subiecta, habent pariter dicere in præsentia, considerationem huius scientiæ nullatenus ad logicum pertinere, sed ad Methaphysicum, cuius est considerare res reales. Id nonnulli ex Recentioribus, præter citatos in præcedenti.

Cæterum, cum visum, & conclusum sit in præcedenti, hic per se non fieri mentionem de rebus, sed de secundis intentionibus ipsis applicatis, consequenter dicendum est, considerationem huius scientiæ, per se spectare ad logicum; per accidens tantum ad Methaphysicum. Hanc communiter tradunt Doctores, quamvis diuer-

sis innitantur fundamentis.

Pro huius intelligentia, ac fundamento. Notandum est, scientiam alias esse reales, rationales alias. Quæ diuisio intelligentia est de scientia in ordine ad objecta; quandoquidem, teste Auerroe, tertio de Anima, com. 48 secantur scientiæ, quemadmodum, & res. Quare illa scientia dicitur hoc modo realis, quæ est de subiecto reali; & illa dicitur rationalis, quæ est de subiecto, quod ens rationis existit. Cum igitur hæc scientia consideret prædicamenta pro secunda intentione, quarum consideratio ad logicum spectat; dicendum est, hanc scientiam esse rationalem, non utique à Methaphysico, sed à logico duntaxat, per se considerandam.

Secundo notandum est. Prædicamentum, siue pro prima, siue pro secunda intentione acceptum, posse dupliciter considerari, scilicet per se, & per accidens. Tunc considerantur prædicamenta per se, cum considerantur secundum propriam entitatem naturalem; illa videlicet, prout sunt entia realia; hæc verò, ut sunt entia rationis. Tunc verò considerantur per accidens, quando hæc considerantur propter illa, & e converso. Primo modo, ad methaphysicum spectat considerare per se prædicamenta realia, seu pro prima intentione; & ad logicum illa eadem pro secunda intentione; quandoquidem illa circa ens reale, hæc verò circa ens rationis, tamquam circa propria objecta, versantur. At secundo modo, prædicamenta pro secunda intentione possunt considerari à Methaphysico, qui considerat quiditates rerum, quatenus, & ipsa habent proprias quiditates, & essentias: & hæc pro prima intentione possunt considerari à logico, quatenus sunt fundamenta generum, specierum, differentiarum, & individuatorum, ex quibus coalescunt, & ordinantur secundum subiectionem, & prædicationem. Unde sequitur, idem posse ad diuersos scientificos spectare, iuxta diversam considerationem, vel per se, vel per accidens factam ab intellectu. Quod non obscure innuitur à Philosopho, quarto Meth. c. 5. dum dixit, circa idem laborare Methaphysicum, Dialecticum, ac Sophysiam.

Ex his, sit prima conclusio. Si prædicamenta spectentur pro prima intentione.

tiones, pertinent per se ad Methaphysicum. Probat. Quia ad methaphysicum spectat considerare omnia entia realia per se; cum ens reale, ut sic, sit subiectum methaphysicæ; sed prædicamenta pro prima intentione sunt realia, saltem ut reale distinguuntur contra ens rationis collatum intellectus; ergo eorum consideratio spectat ad Methaphysicum.

Secunda Conclusio. Si verò attendantur pro secunda intentione, eorum consideratio spectat ad logicum. Probat. Quia ad logicam attinet considerare per se secundas intentiones, virtute sui primi obiecti, ad quod ordinantur; sed prædicamenta, ut sic, sunt secundæ intentiones, cum sint genera generalissima; ergo eorum consideratio, & scientia pertinet ad logicum. Maior est Boetij dicentis, logicam esse de secundis intentionibus applicatis primis.

Obijcies primo, contra secundam conclusionem. Sola methaphysica considerat ens, ut proportionatum obiectum; ergo etiam divisionem entis; sed talis divisio est in decem prædicamenta; ergo Methaphysica habet considerare decem prædicamenta.

Respondetur, totum argumentum concludere de ente reali, & de prædicamentis pro prima intentione acceptis; non tamen de ente rationis, & de prædicamentis pro secunda intentione sumptis; quia talia non à methaphysico, sed à logico per se considerantur.

Obijcies secundo. Modi prædicandi, cuiusmodi sunt prædicamenta pro secunda intentione, sumuntur à modis essendi prædicamentorum pro prima intentione; sed modi essendi prædicamentorum pro prima intentione pertinent ad methaphysicum, non ad logicum; ergo & modi prædicandi, seu prædicamenta pro secunda intentione, spectabunt ad Methaphysicum.

Respondetur, minorem esse veram per se, quoad Methaphysicum, per accidens quoad logicum; & e converso; modi prædicandi per se, pertinent ad logicum, per accidens verò ad methaphysicum; circa idem enim versantur Dialecticus, Methaphysicus, & Sophista; ut habet Philosophus, quarto Met. t. c. 5.

Obijcies tertio, contra utramque conclusionem simul. Nulla scientia datur, quæ omnium genera consideret; sed prædicamenta continent res omnium generum; ergo prædicamentorum consideratio, ad nullam scientiam determinatam spectat, sed ad quamlibet indifferenter. Maior patet. Alioquin frustra darentur tot divisiones scientiarum, cum una sufficeret. Minor etiam. Quia saltem omnia entia creata, finita, & limitata, continentur in prædicamentis.

Respondetur, res, quæ ponuntur in prædicamentis, posse considerari pro prima, & pro secunda intentione. Si considerentur secundo modo, clarum est ex dictis, earum considerationem pertinere ad logicam. Si verò attendantur primo modo, possunt adhuc dupliciter considerari. Vno modo secundum propriam cuiuslibet naturam, & quidditatem; ut substantia, prout substantia; quantitas in ratione quantitatis; & sic de cæteris; & sic, earum consideratio ad nullam scientiam determinatam pertinet, sed ad omnes indistincte. Alio modo sub ratione entis realis; ut entia sunt; & sic de illis est methaphysica, cuius est considerare omnia realia, ut entia sunt.

Formaliter ad argumentum dico, maiorem esse veram secundum propriam omnium rerum naturam; falsam si spectentur, ut entia sunt, vel realia, vel rationis. Quia priora ad methaphysicam, posteriora ad logicam pertinent, ut dictum est.

DE ANTEPRÆDICAMENTIS. PARS. I.

Ista est prima pars huius libri, in qua Philosophus agit de Antepredicamentis. Quæ sunt quedam documenta necessaria ad cognitionem prædicamentorum habendam à priori. Et sunt tria in generali, scilicet Diffinitio, Divisio, & Regula; & septem in speciali, scilicet tres diffinitiones, duæ divisiones, & totidem regulæ: quæ omnia comprehenduntur in primis tribus capitulis.

De Aequinociis, Vniocis, & Denominatiuis.

CAPVT I.

Hoc primum Caput, in quo Philosophus agit de primo Antepredicamento, dividitur in tres partes. In quarum prima tractat de Aequinociis; & incipit ibi. Aequiuoca dicuntur &c. In secunda ponit diffinitionem Vniocorum; & incipit ibi. Vniuoca verò dicuntur &c. In tertia tandem subinfert diffinitionem Denominatiuorum; & incipit ibi. Denominatiua verò dicuntur, &c.

Quoad primam partem, diffinit aequiuoca dicens. Aequiuoca dicuntur, quorum nomen solum commune est; secundum nomen verò, substantiæ ratio diuersa. Quæ diffinitio competit tantum æquinociis æquiuocatis, & non æquinociis æquiuocantibus. Quia æquiuoca æquiuocantia, vt diximus in Summis, tract. 1. sect. 3. & suprac. 1. Porphyry, disp. 2. q. 7. sunt quedam voces pluribus communes, secundum diuersas significationes. Vt canis, diuersimodè significat animal latrabile, piscem marinum, & sydus caeleste, quæ dicuntur canes. Aequiuoca verò æquiuocata, sunt res ipse diuersimodè per eandem vocem significatæ. Vt sunt canis latrabilis, marinus, & caelestis, quatenus per eandem vocem importantur.

Aduertendum tamen, quod per rationem substantiæ, positam in diffinitione æquiuocorum, & vniocorum, etiam intelligitur diffinitio quiditatiua, vel conceptus quiditatiuus. Quod additur, propter illa, quæ non habent genus, & differentiam, ex quibus coalescit diffinitio quidatiua. Vt sunt decem prædicamenta pro prima intentione, & ens reale; quæ licet non habeant propriè diffinitionem; quandoquidem carent genere, & differentia; habent tamen conceptum quiditatiuum, per quem sufficienter demonstrantur de eis passionēs. Ex quibus autem constat iste conceptus quiditatiuus, dicam inferius.

Ex his, habetur clara intelligentia diffinitionis æquiuocorum. Aequiuoca æquiuoca-

ta dicuntur illa, quorum solum nomen est commune. Id est, quæ habent eandem vocem communem sibi. Ratio verò substantiæ. Id est, diffinitio, vel conceptus quiditatiuus, sumptus ab illa voce communis, non est idem; sed omnino diuersus in illis. Vt animal viuum, & animal pictum, dicuntur æquiuoca æquiuocata; siquidem conueniant in eadem voce animalis; diffinitio tamen animalis, non est eadem in illis. Quia animal viuum, est substantia animata sensibilis; & animal pictum figura quadam, delineamentis, & coloribus adumbrata; quæ sunt res ad diuersa.

Quo ad secundam partem, diffinit Vniuoca dicens. Vniuoca dicuntur, quorum, & nomen commune est, & secundum nomen, eadem substantiæ ratio. Quæ diffinitio conuenit solum Vniocis vniocatis, non verò vniocantibus. Sūt autem Vniuoca Vniuocantia, res quedam communes pluribus, secundum idem nomen, & eandem diffinitionem. Vt animal, respectu hominis, & leonis; & quilibet horum, respectu suorum inferiorum. Vniuocata verò, sunt res ipse importatæ ab Vniocis vniocantibus, secundum idem nomen, & eandem diffinitionem. Vt homo, leo, & equus respectu animalis.

Vnde diffinitio Vniocorum sic est intelligenda. Vniuoca, suple vniuocata, dicuntur illa, quæ habent eandem vocem, & diffinitionem, vel conceptum quiditatiuum, ab illa voce sumptum communem. Vt homo, leo, bos &c. vniocantur in animali, cum omnia vocentur animalia, & substantiæ animatæ sensibiles.

Quo ad tertiam partem, ponit diffinitionem denominatiuorum dicens. Denominatiua verò dicuntur, quæcumque ab aliquo differentia casu secundum nomen habent appellationem; vt a grammatica grammaticus, a fortitudine sortis.

Vt autem intelligatur de quibus denominatiuis Aristoteles loquitur, aduertendum est, triplicia esse Denominatiua, scilicet secundum vocem, secundum rem, & secundum vocem, & rem simul; de quibus susius egimus in Summis, tractatu primo, sect. 3. Diffinitio ista intelligitur de denominatiuis se-

cundum vocem, & rem simul, quæ alio nomine dicuntur etiam concreta; quia important formam accidentalem cum concernentia ad subiectum; ut album, dulce, amarum &c.

Secundo sciendum est, in qualibet denominatione tria reperiri, scilicet denominatum, denominans, & denominatum; ut in hac denominatione. Petrus est albedine albus. Ly Petrus, est denominatum; albus denominativum; & albedo forma, secundum quam fit denominatio, seu denominans. Ex quo sequitur, quod album, & albedo, in duobus conveniunt, & in duobus differunt. Conveniunt primo in significato principali; quia tam album, quam albedo, significant eandem formam, quæ dicitur albedo. Secundo conveniunt in principio dictionum. Differunt autem primo, in modo significandi; quia album significat illam formam, quæ est albedo, cum concernentia ad Petrum, ut ad subiectum; albedo vero, eam tem, ut abstrahit à Petro. Secundo differunt in fine dictionis; quia albus terminatur in vs, & albedo, seu ab albedine, in o, vel e. Et hoc est, quod dicit Aristoteles in textu; differre solo differentia casu. Id est sola cadentia, seu terminatione finali.

Ex his, diffinitio sic intelligitur. Denominativus, id est, concreta suple secundum rem, & vocem simul; dicuntur illa, quæ conveniunt cum suis denominantibus, scilicet abstrahitis, in significato principali, & in principio dictionis, seu vocis; & differunt in fine vocis, & in modo significandi:

ut à fortitudine fortis; & ab albedine albus denominatur. Et hac de re in dicta sufficiant;

plura enim dedimus in Summulis, loco citato.

DISPUTATIO I.

Utrum Diffinitiones Aequiuocorum, Vniuocorum, & Denominativorum, sint sufficienter assignatae?

QVÆSTIO I.

Primo notandum est, duplex esse æquiuocum, & vniuocum, scilicet æquiuocum æquiuocans, & æquiuocum æquiuocatum; & vniuocum vniuocans, ac vniuocum vniuocatum; ut dictum est in textu: utraque tamè dupliciter accipi, scilicet prima, & pro secunda intentione. Aequiuocata pro prima intentione, sunt res importate per eandem vocem communem, quæ dicitur æquiuocum æquiuocans, diuersis conceptibus. Ut canis lattabilis, marinus, & celestis, significati ab hac voce canis, secundum diuersas diffinitiones, sumptas ab eadem. Pro secunda intentione vero, sunt diuersi respectus rationis, causati ab intellectu comparante illa tria significata ad eandem vocem canis, secundum diuersos conceptus. Aequiuocans vero hoc modo, dicit respectum rationis causatum ab opere collatiui intellectus, comparantis illam vocem canis, ad illa tria significata, quatenus illa importat diuersis conceptibus. Vniuocum vniuocans, est terminus communis pro prima intentione sumptus, plura importans, secundum idem nomen, & eandem diffinitionem, seu conceptum quiditativum; & illa sic importata, dicuntur vniuoca vniuocata pro prima intentione. Vniuocum vniuocans pro secunda intentione, est respectus rationis causatus per opus collatiui intellectus, comparantis terminum communem, ut puta animal cognitum, in ordine ad hominem, leonem, & bouem, quatenus illos importat secundum idem nomen, & eandem diffinitionem animalis. Vniuocata vero hoc modo sumpta, sunt diuersi respectus rationis, causati per opus collatiui intellectus comparantis, v.g. hominem, leonem, & cetera animalia, quatenus sunt importata ab eadem voce, & diffinitione animalis, s. substantia animata sensibilis. Diffinitiones datæ in textu ab Aristotele, intelliguntur de æquiuocis æquiuocatis; & Vniuocis vniuocatis, pro secunda, &

non

non pro prima intentione . Siquidem logicus considerat secundas intentiones applicabiles primis ; igitur , & diffinitiones habet tradere pro secunda , & non pro prima intentione .

Secundo notandum est , quod Denominatiua , vt tactum est In expositione textus , sunt triplicia , scilicet secundum nomen , tantum ; secundum rem , seu significationem tantum ; & secundum nomen , & rem , seu significationem simul . Denominatiua secundum vocem , seu nomen tantum , sunt quæ conueniunt in principio vocis , & differunt in fine ; diuersa tamen significant ; vt studiosus , & studium ; quandoquidem studiosus , significat hominem deditum literis , studium verò , exercitium , & laborem in studendo . Denominatiua secundum rem tantum , sunt quæ conueniunt in significato principali cū suis formis denominantibus , non tamen in voce , seu nomine ; vt studiosus , & virtus ; nā studiosus importat eandem formam , quā virtus ; ille tamen cum inherencia ad subiectum ; hæc vero abstrahendo ab eodem . Denominatiua tandem secundum vocem , & significationem , seu rem simul , sunt illa , quæ conueniunt in principio vocis , & in significato principali , & differunt in fine vocis , ac in modo significandi ; vt album , & albedo ; grammaticus , & grammatica . Et de his solum debet intelligi diffinitio data ab Aristotele in textu , vt ibi notauimus . Hæc autem dupliciter accipiuntur , scilicet pro prima , & pro secunda intentione . Denominatiua primo modo sunt illa , de quibus exemplificauimus . Denominatiua vero secundo modo , sunt respectus rationis cautati per opus collationum nostri intellectus , denominatiua , seu concreta ad suas formas , siue abstracta comparantis ; quatenus conueniunt in principio vocis ; & in significato principali , & differunt in fine , ac in modo significandi ; vt respectus albi ad albedinem ; fortis ad fortitudinem . Et sic debet intelligi diffinitio iam assignata , in quantum denominatiua considerantur a logico .

Tertio notandum , seu potius ad memoriam reuocandum , quod cuiuslibet bonæ diffinitionis , assignantur tres conditiones . Prima , quod constet ex genere , & differentia . Secunda , quod competat soli diffinito . Et tertia , quod competat omni

contento sub diffinito . Ex quibus licebit mensurare diffinitiones supradictas , an sint bonæ , ac conuenienter assignatæ , vel potius rei sciendæ , tamquam insufficientes , ac diminutæ . Omnes igitur habent primam conditionem , cum ibi diffiniuntur æquiuoca , vniuoca , & denominatiua , pro secunda intentione . Genus in eisdem , est secunda intentio , seu respectus rationis . Differentiæ verò in æquiuocis explicantur per habere eandem vocem communem , & conceptus diuersos . In vniuocis , conuenire in vnica voce , & conceptu eodem quiditatio . In denominatiuis tandem , per conuenire in significato principali , & in principio dictionis , ac differre in modo significandi , & in fine dictionis . Habent secundam , & tertiam . Quia per easdem diffinitiones diffiniuntur omnia , & sola æquiuoca æquiuocata , vniuoca vniuocata , & denominatiua secundum vocem , & significationem simul pro secunda intentione accepta ; vt melius patebit soluendo argumenta in oppositum .

Ex his , sit prima conclusio . Ab Aristotele in textu diffiniuntur æquiuoca æquiuocata , vniuoca vniuocata , & denominatiua secundum vocem , & significationem , pro secunda intentione sumpta dumtaxat . Probatur prima pars de æquiuocis , & vniuocis simul . Quia ibi diffiniuntur illa æquiuoca , quorum nomen est commune , & ratio substantiæ diuersa ; & illa vniuoca , quorum nomen est commune , & ratio substantiæ eadem ; sed talia sunt æquiuocata , & vniuocata respectiue accepta ; ergo . Minor probatur . Quia æquiuoca æquiuocantia , & vniuoca vniuocantia , in quantum talia sunt , non habent aliquid commune , sed ipsa sunt alijs communia ; ergo illa , quæ habent , & nomen , & diffinitionem communem , sunt æquiuoca æquiuocata , & vniuoca vniuocata . De denominatiuis probatur eadem prima pars . Quia ibi diffiniuntur denominatiua propriè sumpta ; alioquin insufficienter tractasset de denominatiuis ; sed talia sunt denominatiua secundum vocem , & significationem simul ; quia huiusmodi distinguuntur ab æquiuocis , & vniuocis , vt proba-

bitur inferius; ergo. Secunda pars probatur. Quia taliter diffiniuntur, qualiter considerantur à logico; sed talia considerantur à logico tantum pro secunda intentione per se; siquidem logica, ut sæpius diximus cum Boetio, est de secundis intentionibus applicatis primis. Maior patet. Quia modus diffiniendi, sumitur à modo considerandi, ex sexto Meth. t. c. 2. ergo taliter diffiniuntur, qualiter à logico considerantur.

Secunda Conclusio. Diffinitiones supradictæ, sunt conuenienter assignatæ ab Aristotele in textu. Probatur. Quia habent omnes conditiones requisitas ad bonam diffinitionem; ergo sunt conuenienter assignatæ. Minor patet ex not. tertio: habent enim genus, & differentiam; quia diffinita, sunt respectu rationis causati ab opere collationis intellectus, comparantis æquiuoca, ad eandem vocem, & diuersos conceptus; vniuoca, ad eandem vocem, & eandem rationem, seu conceptum quiditatum; & denominatiua, ad vnitatem vocis in principio, & differentiarum in fine, & ad vnitatem significationis, & diuersitatem in modo significandi. Similiter conueniunt omnibus vniuocis vniuocatis, æquiuocis æquiuocatis, & denominatiuis secundum rem, & vocem simul; & solis illis, vt patebit ex solutione argumentorum; ergo cum habeant omnes conditiones requisitas ad bonas diffinitiones, dicendum est, esse bonas, & conuenienter assignatas ab Aristotele.

Obijcies primo, contra primam conclusionem. Diffinitio est vnius, & non plurium; sed æquiuoca æquiuocata sunt plura; ergo non bene diffiniuntur.

Respondetur, res diffinibiles esse in duplici differentia; quædam enim sunt absolute, vt substantiæ, quantitates, & qualitates; aliæ verò sunt relatiuæ; & hæc sunt adhuc in duplici differentia; quia aliæ dicuntur æquiparantiæ, quæ eodem nomine nominantur; vt simile, dissimile, æquate, inæquale; aliæ verò disquiparantiæ, quæ diuerso nomine nominantur; & hæc sunt duplices. scilicet suppositionis; vt seruus respectu Domini; filius respectu patris; & superpositionis; vt pater respectu filij, & Dominus respectu serui. Res absolute, & relatiuæ disquipa-

rantia, cum conueniant in vnicâ ratione communi, bene possunt diffiniri in ratione vnius, & non possunt diffiniri in plurali; at res relatiuæ æquiparantiæ, cum conueniant solummodo in vnitatem vocis, & inter se habeant diuersos conceptus, quorum vnus ordinatur ad alium, & non omnes ad vnum communem, habent notificari in numero plurali, vt docet Aristotel. 5. Meth. r. non habente communem. Modò, cum æquiuoca æquiuocata, sint relatiua æquiparantiæ, quia omnia, diuersis conceptibus, æquè vocantur sub vna voce; ideo bene possunt diffiniri in plurali.

Formaliter à l'argumentum dico, maiorem esse veram de absolutis, & relatiuis disquiparantiæ, falsam de relatiuis æquiparantiæ; quia talia possunt diffiniri in plurali. Modò, æquiuocata, sunt relatiua æquiparantiæ; & ideo non inconuenientia diffiniri in plurali numero.

Obijcies secundo. Voces non diffiniuntur; sed æquiuoca sūt voces; quia dicitur in textu: æquiuoca dicuntur &c. sed dici, competit vocibus; ergo æquiuoca sunt voces; & consequenter, non possunt diffiniri.

Respondetur, negando minorem; siue sit sermo de æquiuocis æquiuocatis pro prima, siue pro secunda intentione. Quia hæc, sunt conceptus mentis, fabricati per opus collationis intellectus; illa verò sunt conceptus reales, & vtraque rectè diffiniuntur, vt dictum est. Ad probationem dico, quod per ly dicuntur, non intelligitur significantur, quod est proprium vocis, sed concipiuntur, seu sunt; quæ optime competunt rebus, & intentionibus.

Obijcies tertio. Entia per accides non diffiniuntur, ex Ph. 6. Meth. sed denominatiua, sunt entia per accides, si quidem sunt concreta ex subiecto, & accides; ergo, &c.

Respondetur, minorem, & probatione esse veram, si denominatiua sumantur pro aggregato; quia sic aggregant in se res diuersorum generum, scilicet substantiæ, & accidentium; falsam verò si accipiantur pro formali; quia sic significant formam cum concernentia ad subiectum; album enim significat albedinem, quæ est vnum per se, cum concernentia tamen ad subiectum, quod denominatur album. Primò modo non diffiniuntur, sed bene. Secundò modò, nempe à metaph. pro

— prima —

prima intentione, & pro secunda à lo-
gico.

Obijcies quardò. Si diffinitio vniuoco-
rum esset bona, sequeretur, omnia æqui-
uoca fore vniuoca; sed hoc est falsum, quia
opponuntur inter se saltem disparatè; ergo.
Sequela maioris probatur. Quia omnia
æquiuoca vniuocantur in nomine, & dif-
finitione æquiocantur; valet. n. dicere:
hoc æquiuocum est æquiuocum; istud
æquinocum est æquiuoctm; & ambo sunt
respectus, seu secundæ intentiones, at-
tributæ æquinocatis pro prima inten-
tione, cognitis in ordine ad vnam, & eam-
dem vocem communem; ergo æqui-
uoca forent vniuoca, quod est omnino fal-
sum.

Respondetur, negando sequelâ maioris.
Ad probationem dico, hanc propositionem:
æquiuocata, sunt vniuocata: posse habere
duplicem sensum, scilicet vt quid; & sic
est falsa; quia alia est diffinitio æqui-
uocorum, & alia vniuocorum, vt patet; &
aliud, vt modus; & sic est vera; quia æ-
quiuoca æquiuocata induunt modum
vniuocatorum respectu illius inten-
tionis communis, scilicet æquiuocum, in
qua conueniunt. Nec propter hoc tollitur
veritas vtriusque diffinitionis; quia vtra-
que sumitur, vt quid, non vt modus.

Obijcies quindò, contra diffinitionem de-
nominatiuorum. Si talis diffinitio esset bo-
na, sequeretur, quod homo, & animal es-
set denominatiua; sed hoc non est dicendum,
ergo. Sequela maioris probatur. Quia
conueniunt cum suis abstractis in signifi-
cato principali, & in principio vocis, &
differunt in fine, ac in modo significandi;
homo enim dicitur ab humanitate, &
animal ab animalitate. Minor probatur.
Quia denominatiua non sunt vniuoca;
sed homo, & animal, sunt vniuoca, ex Phy-
losopho in textu; ergo. Maior patet. Quia
sunt disparata &c.

Respondetur, sequelam maioris esse verâ
de denominatiuis improprie dictis, quæ
non important formam realiter distinctam
à re denominata; falsam de denominati-
uis proprie dictis, quæ ultra conuenien-
tiam in significato principali, & in princi-
pio vocis, necessariò requirunt formam
denominatiuam, realiter distinctam à re
denominata; modo homo, & humanitas

cum non distinguantur realiter inter se,
nec humanitas ab hoc, vel illo homine
denominato, non sunt proprie denomi-
natiua, sicut album, & albedo. Ad mi-
norem dico, denominatiua improprie
dicta, posse esse vniuoca, non verò illa,
quæ sunt proprie denominatiua. Modò
diffinitio intelligitur de denominatiuis
proprie dictis; & sic distinguitur à diffini-
tione vniuocorum.

*Virum Analogum mediet inter Aequi-
cum, & Vniuocum; vel ster. cum viro-
que simul?*

Q V Æ S T I O I I.

A Nalogum mediare inter vniuocum,
& æquiuocum, sustinet communis
opinio, cum D. Tho. prima par. q. 13. art.
6. Auerroe, 4. Meth. con. 2. Alberto
Magno, ac alijs antiquis. Ita Caiet. Opusc.
de Analogia Nomin. c. 1. 2. & 3. Toletus
hic, q. 1. Conimbric ibidem, q. 1. art. 1. & 2.
Suarius in Meth. diuersis in locis. Fonse-
ca, 4. Meth. cap. 2. q. 12. sectione prima.
Ruuius, Tract. de Analogia, quam libro
Prædicamentorum inseruit, cap. primo,
& cæteri Thomistarum, Alberti & A-
uerroistarum.

Oppositum tamen defendit Scotus, in
1. d. 3. q. 3. & dist. 8. q. 3. F. in Vniuersali.
q. 7. Et q. 8. Elench. vbi analogiam, par-
tim ad æquiocationem, & partim ad
vniuocationem reducit; sicque asserit,
Analogiam non mediare inter vniuocum,
& æquiuocum, tamquam membrum ab
illis distinctum, sed modò cum vno, in-
terdum cdm altero coherere: Ipsum se-
quuntur omnes Scotistæ, vt Ant. Andreas;
4. Meth. q. p. Antonius Tromb. ibidem, &
cæteri omnes.

Pro intelligentia, & resolutione totius
Controversiæ, primo notandum est; quod
præfati Doctores pro prima sententia, ita
describunt Analogum, videlicet. Anal-
ogum est, quod inportat nomen
commune analogatis, & conceptum ex
parte eundem, & ex parte diuersum ab il-
lis. Itaut analogata conueniant cum æ-
quiuocis, & vniuocis, prout habent idem
nomen commune; diuersificentur vero
ab vniuocis, quatenus habent conceptum

communem in parte diuersum; ab æquiuocis verò, in quantum ille conceptus non est omnino diuersus ab illis, sed aliquo modo vnus, vel idem. Et sic dicunt, sanum esse analogum animali, vrinæ, dietæ, seu medicinæ; quandoquidem omnia conueniunt in illa voce, sanum; conceptus verò sanitatis, est simpliciter diuersus in illis; quia, vt dicitur de animali, dicitur vt de subiecto sanitatis; de vrina, vt de signo sanitatis; & de dieta, seu medicina, vt de causa eiusdem sanitatis effertur. Cum hac tamen diuersitate fiat, talem conceptum esse aliquo modo vnum, scilicet per attributionem vrinæ, & medicinæ ad animal, vt ad illud, quod formaliter participat conceptum sanitatis, & est ratio quare vrina, & medicina eundem participant. Vnde, talis conceptus sanitatis, dicitur esse vnus, & idem in illis, in quantum omnia participant de illo, licet diuersimodè; quia in animali propriè, & formaliter; in illis verò tantum, prout habent attributionem ad animal. Et secundum hoc, distinguunt tres species, seu gradus Analogiæ, scilicet inæqualitatis, attributionis, & proportionis, seu proportionalitatis. Analogia inæqualitatis, reperitur in omnibus generibus respectu suarum specierum, quatenus vna species, ratione perfectioris differat, perfectius participat naturam generis; homo enim gratia rationalitatis, perfectiori modo participat de animali, quam leo, & equus. Et hæc analogia vocatur ab illis impropria, cum non distinguatur ab vniucatione. Analogia verò attributionis, est in illis, quorum est idem commune nomen, eademque ratio, seu conceptus; in vno tamen primariò, & principaliter; in cæteris verò per attributionem ad ipsum. Et hoc modo, sanum, est analogum respectum animalis, vrinæ, & medicinæ, vt dictum est. Analogia tandem proportionis reperitur in illis, quæ conueniunt in aliqua similitudine, suæ habent conceptionem communem intrinsecè, suæ extrinsecè. Et sic risus, est analogum ad risum hominis verum, & ad florere, seu floriditatem prati; quia conueniunt in similitudine quadam communi, importante conceptum communem, scilicet hilaritatem. Quia, sicut se habet risus hominis ad hilaritatem, ita florere prati; verumque enim indicat hi-

laritatem, & lætitiā in videntibus; ordine tamen quodam; quia ridere, ex se, & formaliter; florere verò, ex assimilatione, quam habet cum ridere, lætitiā, ac hilaritatem significat. Ex his tribus Analogijs, demptis prima, & tertia, tamquam improprie sumptis; quandoquidem prima cum vniucatione, tertia verò cum æquiuocatione coheret; secundā tantum approbant pro vera analogia, & hanc dicunt mediare inter vniucationem, & æquiuocationem.

Secundo notandum est, pro declaratione nostræ sententiæ, duplex esse æquiuocum, scilicet a casu, & a consilio; seu purum, & analogum. Equiuocum a casu, est vox plura importans æqualiter secundum idem nomen, & diuersam rationem: vt canis, respectu canis latrabilis, marini, & cælestis. Et dicitur tale æquiuocum purum, id est nulla analogia admixtum; quia æquiuocata æqualiter cadunt ab illa voce, canis. Equiuocum verò a consilio, seu analogum, est duplex, scilicet ex impositione primaria, & ex similitudine, seu metaphora. Equiuocum ex impositione primaria, est vox plura importans, vnum tamen per prius, & reliquum per posterius, diuersis conceptibus: vt sanum, respectu animalis, vrinæ, & medicinæ. Nam per prius de animali, & posterius de medicina, & tandem de vrina dicitur. Et hoc æquiuocum, est analogum attributionis. Equiuocum verò ex similitudine, seu metaphora, est vox plura importans secundum idem nomen, & diuersam significationem; vnum ex impositione primaria, aliud vero ex similitudine, seu metaphora in illo reperta cum primo. Et sic risus, seu ridere, æquiuocatur cum florere, propter similitudinem, quam habet cum illo. Nam, sicut ridere indicat lætitiā, ac hilaritatem cordis in ridente, ita florere in vidente. Et hoc æquiuocum, est idem cum analogo proportionis, seu proportionalitatis. Ex quo sequitur, quod, cum analogum attributionis stet cum æquiuoco a consilio, ex impositione primaria, & analogum proportionis cum æquiuoco ex similitudine, seu metaphora, nullo modo possit dici ipsum mediare inter vniucationem, & æquiuocum.

Tertio notandum est, ex Doct. Subt. in Prologo sent. q. 4. lit. G. & in primo sent. d. 3. q. 3. lit. Q. Vniucationis metaphysicæ quatuor esse gradus. Primus reperitur in eo, quod est in inferioribus, secundum eandem diffinitionem, seu conceptum quiditativum, secundum essendi modum, scilicet finitum, vel infinitum; limitatum, vel illimitatum; & secundum eundem ordinem essentiali; ita quod non per prius in vno, & per posterius in alio; & tandem secundum eundem perfectionis gradum; itaut, non sit perfectius in vno, quam in alio. Et hoc modo, vel gradu, sola species specialissima est vniuoca; quandoquidem homo importat eandem diffinitionem communem omnibus hominibus, modo finito, ac limitato, non per prius vni, quam alteri; neque secundum ipsam, perfectiori modo est in vno individuo, quam in alio. Secundus gradus reperitur in omni eo, quod habet quidem eandem rationem communem, eundem essendi modum, & eundem ordinem essentiali in suis inferioribus, non tamen obtinet veritatem gradus perfectionis, cum ratione alicuius adiuncti, perfectius reperiatur in vno, quam in alio. Et secundum istum gradum, quodlibet genus est vniuocum ad suas species; vt animal ad hominem, leonem, bouem &c. Nam diffinitio animalis, reperitur in omnibus modo finito, non per prius in vno quam in alio; cæterum, ratione vnius differentie, scilicet rationalis, quo descendit in hominem, dicitur perfectius esse in illo, quam in alijs; quia virtute rationalis, homo dicitur perfectissimus omnium animalium. Et hic gradus, est idem cum analogia inaequalitatis. Tertius reperitur in omni eo, quod habet veritatem diffinitionis, modum essendi, non tamen ordinis essentialis, nec gradus perfectionis; per prius enim descendit in vnum, quam in aliud, & perfectiori modo reperitur in illo, quam in isto, ratione alicuius adiuncti. Quo gradu dicimus, numerum esse vniuocum binario, ternario, quaternario, & cæteris; cum secundum eandem diffinitionem, & modum essendi finitum, reperiatur in illis; tamen per prius, est in binario, quam internario; sed in hoc, perfectiori modo, ratione illius tertie veritatis adiuncte. Quartus eandem gradus, reperitur in eo dumtaxat,

quod habet eandem diffinitionem communem suis inferioribus, non tamen eundem modum essendi, nec eundem ordinem essentiali, gradumque perfectionis eundem. Et sic ens reale, vt sic, est vniuocum Deo, & creaturis, substantie, & accidentibus. Quia quamvis importet eundem conceptum communem illis, non tamen eundem modum essendi; quia in Deo est modo infinito, in creaturis finito, & dependenter à Deo; similiter in substantia, est ens per se, in accidente verò ens in alio: & in Deo prius est, perfectiorque modo, quam in creaturis; non ex se, sed ratione infinitatis, per quam in ipsum descendit. Ex his colligitur, quod vniucatio vera, saluatur in quolibet gradu, non tamen perfectio eiuſdem; quandoquidem in quarto, saluatur tantum gradus, seu ratio vniucationis; in secundo, & tertio additur sibi ratio perfectionis, & ordinis essentialis; in primo verò, reperitur perfectissima ratio vniucationis; quia continet veritatem conceptus, modi esseudi, ordinis essentialis, & gradus perfectionis.

Quarto notandum est, inter vniuocum, & æquiuocum non dari medium. Quandoquidem nihil mediat inter contradictoria, vt docet Aristoteles, in Elenchi, cap. de fallacia syllogismi Elenchi. Et quarto Methaph. cap. 4. atqui æquiuocum, & vniuocum, sunt contradictoria; tum quia vnum, & multa sunt contradictoria; tum etiam, quia idem, & diuersum contradicunt; sed vniucatio dicit veritatem, & identitatem conceptus; æquiuocatio verò multipliciter. & diuersitatem conceptus, vt colligitur expressè ex suis diffinitionibus; igitur dicendum est, nihil mediare inter illa. Quare analogia, à Recentioribus ditata nimis; aut cum æquiuocis, si plura significauerint sub vno nomine, ac diuersis conceptibus; aut cum vniuocis, si plura importauerint secundum idem nomen, & eundem conceptum, licet vnum per prius, & reliquum per posterius, aut vnum perfectiori modo, quam reliquum; hærere possunt, absque hoc, quod multiplicetur tertium membrum absque necessitate.

Ex his, sit prima conclusio. Analoga inæqualitatis, non distinguuntur ab vniuocis in secundo gradu. Est Scoti, in primo, d. 3. quæst. 3. Q. Probatur primo. Quia analoga inæqualitatis, important plura secundum idem nomen, eundem conceptum, participatum tam perfectioni modo ab vno, quam ab alio; sed taliter se habent etiam vniuoca in secundo gradu vniuocationis, ut patet ex Not. 3. ergo &c. Maior patet ex descriptione analogæ inæqualitatis, posita primo Not. Set ubi probatur. Quia si talia analoga essent distincta ab vniuocis, nullum genus esset vniuocum ad suas species; sed hoc est falsum, & contra Aristotelem, 7. Phisicorum, t. 24. & 10. meth. t. 2. & sequentibus, in quibus locis ponit ordinem essentialem, & comparisonem inter species eiusdem generis; atque omnis comparatio fit in vniuoco, ex eodem Aristotele loco primo citato; ergo. Sequela maioris probatur. Quia in specie cuiuslibet generis, est inæqualitas in gradu perfectionis, ratione alicuius adiuncti; quandoquidem homo ratione suæ differentie, est perfectior Leone, equo, asino &c. quæ sunt irrationalia.

Secunda conclusio. Analoga attributionis, aliquando cum vniuocis in quarto gradu, aliquando cum æquiuocis à consilio ex impositione vocis coherere possunt. Prima pars est Scoti, in 1. d. 8. q. 3. F. & dist. 3. q. 2. & 3. Q. Secunda pars est eiusdem, primo loco citato; ubi vult, quod licet cum vnitatem vniuocationis possit stare vnitatem attributionis, non tamen hæc arguit illam. Ex quo habetur, quod possit reperiri distincta ab vnitatem vniuocationis; & sic consequenter iuncta æquiuocationi. Probatur prima pars. Quia ad vniuoca in quarto gradu, sufficit vnitatem conceptus in suis inferioribus, licet varietur modus essendi, ordo essentialis, & gradus perfectionis, ut dictum est not. 3. Sed talia requiruntur etiam ad analoga attributionis, ut patet ex diffinitione tradita primo Not. de mente aduersariorum; ergo &c. Secundo probatur. Attributio non tollit vniuocationem, in quarto gradu saltem; ergo analoga attributionis possunt stare cum vniuocis in quarto gradu. Antecedens probatur. Tum quia Aristoteles, 10. Meth. t. c. 1. ponit ordinem essentialem

inter species eiusdem generis, quod etiam secundum aduersarios est vniuocum. Tum etiam, quia de ratione vniuocationis est vnitatem nominis, & conceptus ab illo nomine sumpti, ex Aristotele in Antepredicamentis, cap. primo; sed in attributione saluatur idem nomen, & conceptus obiectiuus, etiam secundum Doctores oppositæ sententia; ergo attributio non tollit vniuocationem. Cōsequencia patet. Quia nihil aliud obstat, quo minus possint analoga coherere vniuocis, saltem in quarto gradu. Secunda pars probatur. Quia æquiuoca à consilio ex impositione sunt, quæ important plura secundum idem nomen, & diuersum conceptum, non æquæ primo, sed vnum per prius, & reliquum per posterius; at quædam analoga attributionis sunt huiusmodi; ergo. Minor probatur. Quia sanum dicitur analogice de animali, vrina, & medicina per attributionem duorum posteriorum ad primum, ex sententia aduersariorum; sed sanum dicitur de illis secundum idem nomen, & diuersos conceptus; ergo etiam æquiuocè. Minor probatur. De animali dicitur, ut de subiecto sanitatis; de vrina, ut de signo; & de medicina, ut de causa eiusdem sanitatis; sed clarum est, hos esse conceptus diuersos; ergo. Secundo probatur. Quæcumque cadunt sub eadem diffinitione, non distinguuntur; sed analoga attributionis cadunt sub diffinitione æquiuocorum à consilio ex impositione vocis; ergo non differunt, sed reducuntur ad illa. Minor est Boetij, in prima editione super prædicamenta, cap. primo dicentis: analoga attributionis, & secundum similitudinem, cadere sub diffinitione æquiuocorum à consilio; ergo &c.

Tertia conclusio. Analoga secundum proportionem, seu proportionalitatem, reducuntur ad æquiuoca secundum similitudinem. Ita Aristoteles, primo Elenchorum, cap. 2. Boetius loco proximè citato. Doctor sub t. q. 15. in lib. Elench. & etiam multi ex aduersariis. Probatur primo ex Ph. loco citato, qui numerans duos modos æquiuationis, dicit. Primum esse, quando idem terminus principaliter plura significat; & exemplificat de hac voce, discite, quæ est communis æquiuocè ad doctrinam dato, & recipere. Secundum

dum verò esse, quādo idem terminus principaliter vnum significat, & aliud per similitudinem, seu methaphoram: & ponit exemplum de ridere, quod principaliter significat risum ab ore emittere, & per trāslationem, seu methaphoram; importat flo-
rere pratis. Sed æqui-uocatio secundo modo, est eadem omnino, quod analogia proportionis, seu proportionalitatis, vt patet ex sua diffinitione posita in notab. primo; ergo. Confirmatur. Quia analogia proportionis conueniunt in diffinitione cum æqui-uocis à consilio, secundum similitudinem, seu methaphoram, teste Boetio in citato loco; ergo ab illis non differunt. Consequenter patet per locum à diffinitione ad diffinitum. Tum quia, diffinitio explicat quiditatem rei; sed quæ habent eandem diffinitionem, habent eandem quiditatem; ergo cum analogia, & æqui-uoca hoc modo accepta, habeant eandem diffinitionem, habebunt eandem quiditatem, & consequenter nec formaliter differunt inter se.

Quarta Conclusio. Analoga quæcumque, non mediant inter vniuoca, & æqui-uoca. Hæc conclusio est directè resolutiua quæstionis; & defenditur à Doctore subtili, & Boetio in citatis locis. Et quāuis satis probata sit ex præcedentibus, tamen adhuc probatur directè, & primo sic. Quia inter contradictoria non datur medium, ex Aristotele, primo Poster. l. c. 3. & quarto Meth. cap. 2. 3. & 4. Sed & æqui-uoca, & vniuoca sunt contradictoria; ergo. Minor probatur. Quia significare eandem rationem communem pluribus, & non eandem, sed diuersam, sunt contradictoria; sed vniuoca significant eandem rationem communem pluribus, & æqui-uoca diuersam rationem communem pluribus, ex diffinitionibus eorumdem; ergo. Confirmatur. Quia inter vnum, & multa; idem, & diuersum non cadit medium, cum sint contradictoria; sed vniuoca dicunt unitatem, & identitatem conceptus ad plura, æqui-uoca verò multipliciter, & diuersitatem conceptus, ex Aristotele hic, cap. primo; ergo inter illa non mediant analogia. Sed si habeant rationem communem analogatis, sunt vniuoca; si autem diuersam, erunt æqui-uoca; & sic nullo pacto dicuntur mediare inter illa, tamquam tertium membrum

ab ipsis distinctum.

Obijciens primo, contra secundam conclusionem. Sola attributio tollit vniuocationem; sed attributio facit nomen analogum; ergo analogum attributionis non stat cum vniuocatione. Maior probatur. Quia vniuoca dicuntur, quorum nomen est commune, & ratio substantiæ omnino eadem. Sed attributio facit, vt non sit omnino eadem, nec æqualiter participe. tur ab omnibus inferioribus, imò prius ab vno, & postea ab alijs, cum dependentia ad illud primum; ergo sola attributio tollit vniuocationem.

Respondetur primo, maiorem esse veram de vniuocatione in primo gradu, quæ excludit quemcumque ordinem essentialem inter vniuocata; non tamen de vniuocatione in tertio, & quarto gradu. Quia talis reperitur etiam in essentialiter ordinatis, & vbi est attributio vnius ad aliud. Ad probationem dico, in diffinitione vniuocorum non poni illam dictionem, omnino, sed tantum habetur. Ratio substantiæ est eadem. Ad denotandum, quòd illa diffinitio, non tantum comprehendit vniuoca in primo gradu, sed etiam in secundo, & tertio, in quibus reperitur eadem substantiæ ratio, licet diuersimodè, vt iam dictum est notab. tertio. Ex quo patet, minoris probationem esse falsam, cum attributio non semper tollat vniuocationem, sed eandem rationem communem inferioribus, sed tantum eundem ordinem essentialem, & eundem gradum perfectionis, quæ non impediunt vniuocationem in tertio, & quarto gradu; hoc est, methaphysicam; sed tantum in primo gradu, & physicam.

Vel dicendum secundò, negando maiorem. Ad probationem dico, minorem esse veram de attributione plurium ad vnum tertium, vt est attributio vinx, & medicinæ ad animal sanum; quia talis, cum importet diuersos conceptus, licet ordinatos ad inuicem secundum attributionem, opponitur vniuocationi, & stat cum æqui-uocatione à consilio; non tamen loquendo de attributione vnius ad aliud, vt posterioris ad prius; sicut est attributio creaturæ ad Deum, & accidentis ad substantiam, quandoquidem, cum à talibus abstrahatur vnus conceptus communis, attributio in illis

non tollit vniuocationem methaphysicam, sed stat cum illa, vt sepius dictum est.

Obijcies secundo. Quod importat diuersos conceptus, & non æquiuocè, mediâ inter æquiuoca, & vniuoca; sed analogum est huiusmodi; ergo. Maior patet. Quia vniuocum importat vnam conceptum communem pluribus. & æquiuocum diuersos conceptus; ergo si datur aliquod, quod importet diuersos conceptus, & non æquiuocè, necesse est huiusmodi mediâ inter vniuocum, & æquiuocum. Minor probatur. Nam Philosophus, quarto Meth. l. c. 2. volens ostendere modum prædicandi entis de omnibus entibus, dicit. Ens multipliciter dicitur, & non æquiuocè, sed attribuitur vni nature; hoc est dicere. Ens est analogum; igitur si analogum, ex sententia Philosophi, importat diuersos conceptus, & non æquiuocè, nec vniuocè; alioquin non diuersos, sed vnum conceptum diceret; sequitur non esse aliquod illorum, sed medium inter vtrumque.

Respondetur, negando minorem. Ad probationem dico cum Doctore subtili super eodem textu Aristotelis, 4. Methaphysicæ. Ens dici multipliciter multiplicitate suppositorum ordinatum ad inuicem secundum attributionem posterioris ad prius; quæ compatitur secum vniuocationem methaphysicam, sed in quarto gradu; non tamen multiplicitate significatorum, sed conceptuum formalium; quia talis opponitur vniuocationi, & analogiæ, secundum attributionem posterioris ad prius, & stat cum æquiuocatione quacumque; alioquin ens diceretur æquiuocè, quod esset contra intentionem Aristotelis ibidem. Hanc autem esse mentem Aristotelis, clariùs demonstrabimus in sequenti questione, in qua de vniuocatione Entis erit sermo.

Virum Ens reale sit Vniuocum Deo, & Creatura, & omnibus decem Prædicamentis?

QVÆSTIO III.

Circa hanc celeberrimam Controuersiam, quam ferè omnes Antiqui pertractant, in 4. Methaphysicæ, occurrit tri-

plex sententia; quandoquidem aliqui dicunt, ens reale esse æquiuocum ad Deum, & Creaturas, & decem Prædicamenta. Ita Porphyrius in Prædicab. cap. 3. de specie. Auteolus, in primo sent. d. 2. q. 1. & alij pauci.

Alij verò asserunt, ens reale nullo modo esse æquiuocum, vel vniuocum, sed analogum. Fundanturque in diuersis auctoritatibus Aristotelis, & præcipuè in quarto Methaphysicæ l. c. 2. citato in præcedenti, vbi inquit. Ens multipliciter dici, & non æquiuocè, sed ad vnum. Vbi satis liquet, per ly multipliciter, excludere vniuocationem; & æquiuocationem per ly non æquiuocè; per ly autem ad vnum, affirmare esse analogum. Ita Auerroes, quarto Methaphysicæ, com. 2. Quem secuti sunt Alexander, & D. Tho. ibidem, Albert. & Ammonius in cap. de specie: aut in Prædicam. cap. primo ceteri Antiqui. Ex Recentioribus verò Suarius, tomo primo in Methaph. disput. 2. sect. 1. & 2. & Tomo secundo pluribus in locis. Ruuius, Tractat. de Analogia. Fonseca, 4. Methaphysicæ, cap. q. 1. sect. 3. Conimbr. hic, q. 1. art. primo, & secundo, & alij multi.

Alij verò, rem subtilius indagantes, dicunt vtrique ens esse analogum; cum hoc etiam alitrum esse vniuocum Deo, & creaturæ, substantiæ, & accidentibus, cum ab illis abstrahi possit vnicus conceptus prædicabilis de illis vniuocè. Ita Auerroes, lib. primo super Methaphysicæ, cap. 2. & quinto. Scotus, in primo, dist. 3. q. 2. B. Et q. 3. F. & dist. 8. q. 3. §. contra istam positionem. Et q. 27. de Anima. Vbi, & Doctiss. Pater Hugo Cauellus Magister meus, annot. 2. Quamuis, quarto meth. q. 1. videatur tenere oppositum, cum soluat rationes Auerrois pro vniuocatione factas. Cæterum, quia in solutione tertij argumenti hæret in dubijs, impugnando responsionē à se datā, quam, & insolutam reliquit, concludendum est potius vniuocationis: quam analogiæ fauere velit. Doctorem Subtilem sequuntur omnes eius discipuli, tum Antiqui, tum moderni; vt Antonius Andreas, & Trombetta, quarto Meth. q. prima, & secunda. Tatar. in lib. Prædicab. cap. de specie, q. vn. Faber in Philosoph. Naturali, Theor. 88. 95. & 96. Et 4. Methaphysicæ, disput. 1. & alij plurimi, quos citat, & sequitur Martius.

Artius, tomo primo in Metaph. disput. 2. q. 5. art. primo, numero 112. non tantum ex Scotistis, sed etiam ex exteris, & potissimum Soc. Iesù.

Pro resolutione totius quæstionis, præter ea, quæ diximus in præcedenti primo notabili, memorie recolendum id, quod diximus in Tract. secund. Inrentionum, scilicet primæ, primo, nimirum. Ens transcendentiissime sumptum diuidi communiter in ens reale, & ens rationis, tamquam æquiuocum in sua æquiuocata. Ens verò reale, vt ad præsens attinet, diuiditur in finitum, & infinitum. Ens finitum, vt creaturæ omnes, tum spirituales, tum corporeæ, & cætera quæ in decem Prædicamentis continentur. Infinitum, vt Deus, & cætera, quæ de Deo dicuntur formaliter, scilicet Essentia, Existentia, Trinitas personarum. Attributa diuina, scilicet Bonitas, Misericordia, Iustitia, Potentia, Sapientia, &c. Ens finitum subdiuiditur, in absolutum, & respectiuum. Absolutum, continet sub se omnes substantias corporeas, & incorporeas, omnes quantitates continuas, & discretas, & omnes qualitates naturales, & supernaturales, tam spirituales, quam corporales. Respectiuum verò, comprehendit omnes relationes prædicamentales, tum intrinsecas, tum extrinsecas aduenientes; de quibus omnibus, suis in locis dicturi sumus. Et hæc diuisio, est vniuoci analogi in sua vniuocata analogata; siquidem hæc omnia importat secundum eundem conceptum entitatis, non æqualiter, sed vnum per prius, & reliquum per posterius; prius enim descendit in Deum, & postea in creaturas: similiter prius in substantias, quam in accidentia, vt diximus in præcedenti not. tertio.

Secundo notandum est, quod sicut genus descendit in species per differentias constitutiuas earum; vt animal per rationale in hominem, & per irrationale in brutum; ita ens descendit in omnia entia per quædam contrahentia, quæ appellantur modi intrinseci, gerentes vicem in hoc differentiarum; siquidem per infinitum descendit in Deum, & in omnia, quæ formaliter dicuntur de Deo: & per finitum, in omnes creaturas, tum spirituales, tum corporeas. Similiter ens finitum, descendit in absolutum per esse ad se, & in

respectum per esse ad aliud, tamquam per suos modos intrinsecos. Vel melius potest dici, nè multiplicentur tot diuisiones sine necessitate; ens finitum immediate descendere in decem prædicamenta per suos modos intrinsecos nobis innotatos; qui tamen suppleantur per hos duos, scilicet in se, & in alio; nam in se, contrahit ens ad substantiam; & in alio, ad reliqua nouem prædicamenta. Ex quibus sequitur primo, quod sicut in habentibus genus, & differentiam, conceptus illorum constant ex genere, & differentia; ita in non habentibus, coalescunt ex ente, & modo intrinseco: vt conceptus Dei, ex ente, & infinitate; creaturæ, ex eodem ente, & finitate; substantiæ, ex ente, & esse in se; & accidentis, ex ente, & esse in alio. Secundo sequitur, quod sicut in habentibus genus, & differentiam, demonstrantur passionibus de subiectis per eorum diffinitiones, ita in non habentibus, ostenduntur per conceptus quidditativos, suppletes vices diffinitionum, passionibus, seu quasi passionibus eorum; nam per ens infinitum, demonstrantur aliquo modo attributa diuina, quæ sunt, quasi passionibus Dei; & per ens finitum, demonstrantur passionibus de creatura; per esse in se, de substantia; & per esse in alio, de accidentibus.

Tertio notandum est, duplex esse vniuocum, scilicet essentialiale, & denominatiuum, seu quidditatiuum, & identicum. Vniuocum essentialiale, & quidditatiuum est illud, quod plura importat secundum vnum, & eundem conceptum in illis inclusum; vt est animal respectu omnium animalium. Vniuocum verò denominatiuum, seu identicum est, quod importat plura secundum vnum, & eundem conceptum, non tamen inclusum in suis vniuocatis. Et sic album, & quolibet denominatiuum, dicitur vniuocum respectu suorum depominatorum, cum dicatur de illis secundum eundem conceptum albedinis, non tamen inclusum in illis. Si sumatur vniuocum primo modo, ens reale est vniuocum ad Deum, eius attributa, & ad decem prædicamenta, scilicet genera, species, indiuidua, ad differentias essentia-

les

les non ultimas, & ad materiam, & formam; quia prædicatur de omnibus huiusmodi unitate conceptus inclusi essentialiter, & quiditativè in illis. Si verò accipitur univocum secundo modo, est univocum etiam ad suas passiones, & passiones suorum inferiorum; ad ultimas differentias, modos intrinsecos, & ad differentias individuales; quia non prædicatur de illis quiditativè, sed tantum denominativè, vel identicè, pro quantum identificantur realiter cum illis entibus, in quibus essentialiter includitur.

Quarto notandum est, univocationem, & æquivocationem esse duplicem, scilicet logicam, & metaphysicam. Illud est univocum logicè, quod prædicatur de pluribus secundum unitatem conceptus, sub ratione tamen alicuius quique univocalium, scilicet generis, speciei, differentie, proprii, & accidentis. Et sic ens non est univocum, sed æquivocum; quia cum sit illimitatum ad omnia, non prædicatur de illis sub ratione alicuius quique univocalium. Illud verò est univocum metaphysicè, quod prædicatur de pluribus secundum unitatem conceptus, non tamen sub ratione alicuius quique univocalium; & per oppositum, æquivocum metaphysicè, quod plura importat secundum diversos conceptus. Et hoc modo, ens reale est univocum, quia importat omnia entia secundum unitatem conceptus, vel essentialiter, vel identicè, aut denominativè, ut dictum est in præcedenti notabili.

Ex his, sit prima conclusio. Ens reale non est æquivocum metaphysicè, sed bene logicè. Prima pars probabitur in sequenti conclusione. Secunda pars in præfati probatur. Quia id, quod prædicatur de pluribus & non sub ratione alicuius univocalis, est æquivocum logicè, sed ens est huiusmodi, ergo. Maior patet ex quarto not. Minor similiter. Quia nec sub ratione generis, vel speciei, aut differentie, aut proprii, vel accidentis, cum talia sint limitata, ens verò illimitatum ad omnia entia.

Secunda Conclusio. Ens est univocum metaphysicè respectu Dei, & creature, substantiæ & accidentis. Probatur primo sic à Doctore. Omnis intellectus certus de uno, & dubius de duobus, habet conceptum de quo est certus, distinctum à conceptibus

de quibus est dubius; sed intellectus viatoris, est certus de aliquo, quod sit ens, dubitans an sit Deus, vel creatura, substantia, aut accidentis; ergo habet conceptum entis, præcisum à conceptibus Dei, & creature, substantiæ & accidentis; & consequenter univocum; alioquin non esset præcisus; quidem æquivocum, & analogum non dicunt conceptum præcisum ab æquivocatis, & analogis, sed in illis confusum. Maior probatur. Quia implicat, eundem conceptum esse certum, & dubium; ergo si intellectus est certus de aliquo, quod sit ens, & dubius an sit substantia, vel accidentis, sequitur necessarîo illum conceptum, de quo est certus, esse præcisum, ac distinctum à conceptibus de quibus est dubius. Minor probatur. Quia Antiqui Philosophi discordabant ab invicem, quodnam ex entibus esset primum principium; quandoquidem alij ponebant ignem, alij aquam, alij errant, &c. ut observat Aristoteles, primo Physicorum; sed quilibet istorum erat certus, quod primum principium esset ens, aliter insulsè quæsiissent, quodnam ex entibus esset primum, & tamen dubitabant, an illud esset ignis, vel aqua &c. ergo etiam aliquis viator posset esse certus de aliquo, quod sit ens, & dubius, an sit finitum, vel infinitum, Deus, vel creatura, substantia, vel accidentis. Confirmatur. Quia inter univocum, & æquivocum metaphysicè, non datur medium, ut probatum est in præcedenti conclusione quarta; sed ens non est æquivocum metaphysicè, ex Aristotele, quarto Metaph. t. 2. ubi dicit: ens dici multipliciter, non æquisocè, sed ad unum: hoc est, æquisocè analogicè; ergo ens est univocum ad Deum, & creaturas, substantiam, & accidentis.

Tertia Conclusio. Ens est analogum Deo, & creature, substantiæ, & accidenti: nec tamen per hoc tollitur, quin sit univocum, saltem in quarto gradu. Est conclusio Doctoris, in locis citatis. Probatur prima pars. Id est analogum, quod importat plura, non servata æqualitate modi essendi, nec ordine essentiali, aut gradu perfectionis; sed ens est huiusmodi ad omnia entia; ergo, est analogum. Maior patet ex definitione analogorum. Minor probatur. Quia prius dicitur de Deo, quam de creatura; similiter prius de substantia, quam de accidente, cum

sit

sit prior ipso, natura, diffinitione, & tempore, ex Phyl. sopho. 7. Meth. 1. 4. Secunda pars probatur. Quia, ut probatum est in precedenti questione, analogum non mediat inter vniocum, & æquiuocum, sed modò vni. Interdum aliter e-heret; ergo etiam si ens sit analogum, non tollitur quin possit esse vniocum. Secundo probatur. Quia sola analogia per attributionem plurium ad vnum, non tamen vnius ad vnum, tollit vniocationem; sed ens non est analogum priori modo, sed posteriori, ex Aristotele, quarto Meth. 1. 2. ergo quamuis sit analogum, non tollitur quin etiam sit vniocum. Confirmatur. Quia in eodem textu secundo dicitur, ens multipliciter dici, non tamen æquiuocè, sed ad vnum: vbi per illam exclusiuam; non tamen æquiuocè; datur intelligi, quod quamuis ens sit analogum per attributionem ad vnum, non est per attributionem plurium ad vnum (alioquin esset æquiuocum) sed tantum vnius ad vnum, quod compatitur secum vniocationem.

Quarta Conclusio. Ens est vniocum essentialiter tantum respectu Dei, omnium generum, specierum, indiuiduorum, & differentiarum genericarum, ac specificarum, saltem subalternarum. Est Scoti, in primo d. 3. q. 3. F. & sepe communis omnium Scholasticorum. Probatur. Quia importat conceptum essentialiter inclusum in entibus iam enumeratis; quia Deus essentialiter est ens; sic substantia, sic accedens, sic genus, species, & differentia, ac indiuiduum, cum diffiniuntur per ens, & modum intrinsecum proprium vniuscuiusque; ergo ens est vniocum essentialiter. Dicitur non ante ens esse vniocum essentialiter ad differentias non ultimas, cuiusmodi sunt genericæ, & specificæ subalterne; quia de specificis ultimis, est controuersia inter Scotistas, an includant ens quiditatiuè, & essentialiter; quandoquidem Scotus, in primo, d. 3. q. 3. l. 1. docet, omnes partes essentielles generum, includere ens quiditatiuè, ac essentialiter, ac proinde esse vniocum, etiam ad ultimas differentias específicas, cum & ipse sint partes essentielles diuisiue generum; ut patet de rationali, ac irrationali, diuisis in animal, quod est genus ad hominem, & brutum. Cæterum, in secundo, d. 3. q. 6. sub H. oppositum infirmat, dum aperte dicit,

differentias específicas ultimas, esse primo diuerfas, & per hoc non posse includere ens quiditatiuè, sed tantum denominatiuè, sed identicè. Ita Rada, prima parte, contr. 21. art. secundo, concl. prima. Cauellus in commentarijs super q. 21. de Anima Doct. Subtilis, annot. 2. numer. 1. 3. & alij. Omissis tamen omnibus his, & alijs rationibus, quæ pro vtraque parte possent afferri. Dicendum est, iuxta ea, quæ habet idem Doctor, in secundo loco citatus, ac distinguendum de differentia specifica. Quia vel sumitur à tota forma specifica, ut rationalitas à tota anima rationali; vel ab ultima realitate formæ, scilicet eiusdem animæ, scilicet ab intellectualitate. Si primo modo sumatur, differentia specifica includit ens quiditatiuè, sicut & ipsa anima rationalis. Sin autem secundo modo; tantum denominatiuè, ac identicè ipsum includit; quia sic sunt primo diuerse, & in nullo conuenientes essentialiter, ut infra probabitur. Iuxta primum sensum loquitur Scotus in primo loco; & iuxta secundum, in secundo loco citatus; atque adeo nulla erit contradictio in eius verbis, nec controuersia vlla inter Scotistas.

Quinta Conclusio. Ens non est vniocum essentialiter, sed tantum denominatiuè, & identicè respectu suarum passionum, vel passionum suorum inferiorum. Item, respectu modorum intrinsecorum, & differentiarum ultimarum. Ita Doct. Subt loco primo citatus, sub F. G. & H. & Scotistas omnes. Contra Caiet. de Ente, & essentia, q. 3. Sincidatem, 4. meth. q. 19. Iauell. ibidem, q. 5. Suarium in Meth. com. primo, disput. 2. lect. 5. & 6. ac alios Thomistas. Probatur prima pars de passionibus. Quia quod ingreditur diffinitionem alicuius tamquam additum, non est de essentia illius, ut patet ex differentia diffinitionis quiditatiuæ à non purè quiditatiua; siquidem in illa omnia pertinent ad quiditatem diffiniti, non item in ista. Sed est huiusmodi ens respectu passionum suarum, ac suorum inferiorum; ergo. Minor probatur. Quia subiectum cadit in diffinitione suarum passionum, tamquam ad litum, ex Aristotele, primo Post. 1. 35. Sed ens est subiectum suarum passionum, sicut quodlibet ens suarum; ergo non sunt de illarum essentia, & quiditate. Confirmatur. Quia prædicatio

essentialis, est per se primo modo, ex Philosopho, primo Post. loco citato; sed ex eodem ibidem, prædicatio subiecti de passione, &c. è conuerso, non est per se primo, sed tantum secundo modo, ergo non est essentialis, sed tantum denominatiua, ac identica. Probatur secunda, & tertia pars, de modis intrinsecis, ac ultimis differentiis. Quia de primo diuersis nihil prædicatur in quid, seu vniuocè; sed modo intrinseci, et ultimæ differentie sunt primo diuersa; ergo ens non prædicatur de illis in quid, seu vniuocè essentialiter. Maior probatur. Quia id, quod prædicatur in quid de aliquibus, contrahitur ad illa per quædam contrahentia, siue sint modi intrinseci, siue differentie, ex Philosopho, quinto, & 10. Methaph. t. c. 12. sed primo diuersa non habent contrahentia, quæ sint modi intrinseci, & ultimæ differentie, quibus contrahatur superius ad ipsa; ergo &c. Minor probatur ex Philosopho loco citato; ubi ponens differentiam inter ea, quæ sunt differentia, & diuersa, dicit, quod differentia in aliqua conueniunt quiditatiuè, & per aliqua differunt; diuersa verò, nec conueniunt, nec per aliqua differunt; alioquin non essent diuersa, sed differentia. Minor primi syllogismi probatur. Quia si modi intrinseci, & ultimæ differentie non essent primo diuersa, daretur processus in infinitum in illis; sed hoc non est dicendum; ergo sunt primo diuersa. Sequela maioris probatur. Quia si non sunt primo diuersa; ergo in aliquo conueniunt, & per aliqua differunt; de quibus queram, an sint primo diuersa, vel non; si dicas esse primo diuersa; ergo & priores modi, & differentie ultimæ erunt primo diuersæ, quia non est maior ratio de his, ac de illis. Si verò dicas non esse primo diuersa; igitur in aliquo conueniunt, & per alios modos, & differentias different; de quibus queram si eut prius; & sic vel dabitur processus in infinitum in modis intrinsecis, & ultimis differentiis, vel sistendum in aliquibus primo diuersis, quæ non includant essentialiter ens. Ultima pars probatur, scilicet quod dicat conceptum illis communem denominatiuè, & identicè. Quia ens dicit conceptum vniuocum illis, vt probatum est in præcedenti secunda conclusione; sed non dicit conceptum essentialem, vt pariter demonstratum est in quarta; ergo super

est, vt dicat conceptum denominatiuum; cum inier essentialem, & denominatiuum, seu identicum, non detur medium.

Obijcies primo, contra primam conclusionem, Porphyrium, cap. de specie dicentem. Si quis omnia entia vocet, æquiuaocè nuncupabit; ergo omnia entia æquiuaocantur in ente.

Respondetur, Porphyrium locutum fuisse de vniuatione logica, & æquiuatione sibi correspondente; quia cum ens non sit genus, non potest esse vniuocum logicè, sed æquiuocum; cum hoc tamen stat, vt sit vniuocum methaphysicè, vt probatum est. Si verò quis dicat, locutum fuisse de vniuatione, & æquiuatione methaphysica, in hoc non est tenendus, cum contradicat Aristoteli, dicenti quarto methaphysica, ens non esse æquiuocum, sed analogum, & vniuocum simul; vt probatum est superius; conclusio tertia de mente eiusdem.

Obijcies secundo. Doctorem Subt. q. 4. Prædicamentorum dicentem, ens non esse vniuocum, neque analogum, sed æquiuocum; ergo malè conclusimus de mente eius non esse æquiuocum.

Respondetur, negando consequentiam. Quia nos locuti sumus de vniuatione, & æquiuatione methaphysica, Scotus autem in Prædicamentis loco citato §. Propter hoc dicendum; loquitur de æquiuatione logica, non methaphysica; quia sic, & ipse dicit esse analogum, cum Aristotele, quarto Methaphysicæ, t. 12. Quia dicit vnum conceptum ad substantiam, & accidens secundum ordinem; sed apud logicum est simpliciter æquiuocum; quia in quantum substantia, & accidens, significantur per vocem entis, quæ primo significantur; quod est proprium æquiuaocæ vocis.

Obijcies tertio. Sicut se habet sanum ad animal, vrinam, & medicinam, ita se habet ens ad Deum, & creaturas, substantiam, & accidens, ex Philosopho, quarto meth. t. c. 2 sed sanum, est æquiuocum, a 1 animal, vrinam, & medicinam; ergo, & ens ad Deum, & creaturas, substantiam, & accidens.

Respondetur ad maiorem, quod sanum com-

comparatum ad omnia sana, & ens ad omnia entia, conueniunt, & differunt: conueniunt quidem; quia sicut sanum non dicitur de sanis æqualiter, sed quodam ordine essentiali per prius de animali, quam de vrina, & medicina, ita ens prius dicitur de Deo, quam de creatura; & prius de substantia, quam de accidente: differunt verò; quia sanum dicitur de illis secundum diuersos conceptus, ens vero de entibus secundum vnum, & eundem conceptum; & consequenter illud vniocè; & illud æquiuocè.

Formaliter ad argumentum dico, maiorem esse veram quo ad ordinem tantum, non tamen quoad significationem; quia sanum significat æquiuocè analogicè, ens verò vniocè analogicè.

Obijcies quarto, contra secundam conclusionem. Si ens reale esset vniocum ad Deū, & creaturas, sequeretur esse prius naturæ ipso Deo, sed hoc est falsum: tum quia Deus non esset primum ens: tum etiam, quia non esset primum subsistens, quod catholicè dici nequit; ergo dicendum est potius non esse vniocum ad Deum, & creaturas. Sequela maioris probatur. Quia ille conceptus entis esset prior naturæ ipso Deo, & esset aliquid reale; ergo ens reale prius naturæ Deo. Maior probatur. Quia valet dicere. Dens est; ergo ens est; non tamen, ens est; ergo Deus est. Quia etiam lapis est ens, & tamen non est Deus; ergo ens esset prius naturæ ipso Deo. Consequentia patet ex diffinitione prioritatis naturæ, quam tradit Philosophus in Posteriorum prædicamentis, capit. de Priori.

Respondetur, maiorem, & eius probationem esse veram secundum conceptum abstractum, non tamen secundum subsistentiam, seu existentiam à parte rei. Quia sic Deus dicitur primum ens, à quo cætera habent esse existentie, & subsistentie; & non ens reale commune ad omnia entia; ne hoc est inconueniens; quia cum ens prædicetur quiditatiuè, debet esse aliquo modo prius ipso Deo, hoc est, secundum naturam eius abstractam ab omnibus entibus, non tamen secun-

dum existentiam; quia sic, nil est prius Deo.

Obijcies quinto. Quia Aristoteles, quarto Meth. c. 2. dicit, ens dici multipliciter, non æquiuocè, sed ad vnum; sed hoc est dicere, ens esse analogum, & non vniocum, nec æquiuocum; ergo. Minor probatur. Quia per hoc, quod dicit, dicitur ens multipliciter, non æquiuocè; excludit æquiuocationem; ex eo autem, quod subiungit, sed ad vnum, & multipliciter; excludit vniocationem, & includit analogiam, quæ dicit vniuitatem conceptus in multis, quorum vnum attribuitur ad aliud; ergo.

Respondetur, negando minorem. Ad probationem dico, quod per ly multipliciter, non excluditur vniocatio; quia non loquitur de multiplicitate significatorum, sed suppositorum, non conceptuum, sed inferiorum, de quibus prædicatur secundum idem nomen, & eundem conceptum quiditatiuum. Vnde licet ens dicatur ad vnum, & sit analogum, non sequitur, vt non sit etiam vniocum; quia vniocatio in quarto gradu compatitur secundum analogiam attributionis, cuiusmodi est hæc entis ad omnia entia.

Obijcies sexto, contra quintam conclusionem. Illud, quod est ens reale, est quiditatiuè ens; sed passionem, modi intrinseci, & vltimæ differentie, sunt entia realia; ergo quiditatiuè sunt talia.

Respondetur, negando maiorem. Nam quod est album, & risibile, non est quiditatiuè album, & risibile; quia album, & risibile, non sunt de essentia suorum subiectorum. Et licet passionem, modi intrinseci, & vltimæ differentie constituant entia realia, non ob hoc dicuntur quiditatiuè talia, sed dumtaxat virtualiter, & realiter entia; quinimodò sequitur oppositum in bona Philosophia; quia albedo constituit aliquod subiectum album, non tamen ipsa est alba formaliter, sed tantum virtualiter, pro quanto formaliter causat esse album in aliquo subiecto.

Ex quo sequitur, Suarium in Methaph. disput. 2. sect. 5. & 6. Soncinatem, 4. Methaph. quest. 19. & Iauellum ibidem, quest. 5. malè impugnasse Doctorem Subtilem; quandoquidem ipse non negat, passionem, modos intrinsecos, & ultimas differentias esse aliquo modo entia realia, vt sibi imposituerunt, sed tantum dicit non esse entia realia quidditatiuè; cum quo tamen subsistit, vt sint vera entia realiter, vel virtualiter; vel pro quantum sunt identificata realiter, vel vt constituent entia, quæ recipiunt prædicationem essentialem ab ente in communi: & per hoc corruunt eorum fundamenta, & soluuntur argumenta facta contra Doctorem.

Multa alia argumenta contra hanc conclusionem congerit Mastrius ex Adversarijs, loco cit. quest. 7. artic. primo. Sed omnia ex dictis facillimo soluuntur negotio; & idem nè prolixam nimis faciamus questionem, consulò omituntur.

De Diuisione eorum, quæ dicuntur, & quæ sunt.

CAPVT II.

IN hoc secundo capite, intendit Aristoteles explicare secundum Antepredicamentum, quod consistit in diuisione eorum incomplexorum, quæ de alijs enunciantur, & quæ sunt. Primum præstat dicens, Eorum, quæ dicuntur, alia quidem &c. Secundum verò insinuat, dum ait, Eorum, quæ sunt, alia de subiecto aliquo &c.

Quo ad primum, diuidit complexa ab incomplexis, dum dicit, Eorum, quæ dicuntur. Id est prædicantur, seu de aliquo enunciantur. Quedam dicuntur cum complexione; vt homo currit, homo vincit; quædam verò sine complexione, vt homo, leo, currit, vincit &c.

Complexa autem sunt duplicia, scilicet distantia, & instantia. Distantia sunt pro-

positiones, inter quarum extrema cadit medium; scilicet copula, siue explicita. Vt homo est animal; siue implicita. Vt homo currit. Quæ resoluitur dicendo, Homo est currens. Instantia verò sunt, inter quorum extrema nullum intercedit medium, siue implicitè, siue explicitè, sed se habent vt determinatio, & determinabile. Vt homo albus. Nam ly albus, determinat hominem ad standum pro hominibus albis, cæteris exclusis.

Quoad secundum inquit, Eorum, quæ sunt. Id est rerum, quæ habent esse. Alia de subiecto aliquo dicuntur, in subiecto verò nullo sunt. Vt homo, leo, bos &c. Vnde dici de subiecto, est superius prædicari de inferiori. Et hoc conuenit omnibus rebus, siue substantialibus, vt sunt homo, leo, equus &c. quæ habent inferiora sub se; siue accidentalibus, vt color, albedo, superficies &c. Nam, homo de hominibus; equus de equis; & color de coloribus prædicantur. Esse autem in subiecto, est esse in aliquo, tamquam accidens in subiecto inhesionis. Et hoc conuenit tantum accidentibus; quia licet aliqua alia substantialia sint in aliquo, vt pes, manus in corpore, non sunt in illo; vt in subiecto inhesionis, sed sicut partes integrales in suo toto.

Hoc supposito, Diuisio sic intelligitur. Eorum, quæ habent esse, quedam dicuntur de subiecto. Id est enunciantur de suis inferioribus; quia sunt superiora, siue substantia, siue accidentium. In subiecto verò nullo sunt. Suple inhesionis; quia non sunt accidentia; vt homo, bos, equus, & cætera superiora prædicamenti substantia.

Alia verò in subiecto quidem sunt, de subiecto autem nullo dicuntur. Vt quedam grammatica est in subiecto, scilicet in anima, quia est accidens spirituale; non tamen dicitur de subiecto; quia non habet inferiora de quibus possit prædicari.

ri, cum sit quoddam indiuiduum grammaticum.

Alia verò de subiecto dicuntur, & in subiecto sunt. Ut scientia, in subiecto quidem est, scilicet in anima, cum sit accidens eius; de subiecto verò dicitur, scilicet de Logica, Philosophia, & ceteris, tamquam superius de inferioribus.

Alia tandem, neque in subiecto sunt, neque de subiecto dicuntur. Ut quidam homo, quidam equus &c. Non sunt in subiecto; cum non sint accidentia; nec dicuntur de subiecto; quia sunt indiuidua.

Ex his sequitur, quod illa, quae dicuntur de subiecto, & non sunt in subiecto, sicut omnia genera, & species predicamenti substantiae. Illa verò, quae sunt in subiecto, & de subiecto nullo dicuntur, sunt omnia indiuidua accidentium. Illa autem, quae dicuntur de subiecto, & sunt in subiecto, sunt genera, & species predicamentorum accidentium. Illa tandem, quae nec dicuntur de subiecto, nec sunt in subiecto, sunt omnia indiuidua predicamenti substantiae.

De Regulis Predicatorum Essentialium.

CAPVT III. & IV.

Ingentum Aristotelis in duobus his Capitulis, est declarare tertium Antepredicamentum, quod continet duas regulas, quarum prior ponitur in tertio capite; & incipit ibi. Quando alterum de altero &c. posterior autem inseritur in quarto capite; & incipit ibi. Diuersorum generum, & non subalternatum &c.

Prima Regula. Quando alterum de altero predicatur, ut de subiecto, quaecumque de eo, quod predicatur, dicuntur, omnia etiam de subiecto dicuntur. Quae sic explicatur. Quando alterum, idest superius predicatum de altero predicatur; ut de

subiecto, idest enunciatur de aliquo sibi inferiori; quaecumque enunciatur de illo superiori, dicuntur etiam de illo inferiori. Ut homo dicitur de Petro, ut superius de suo inferiori quiditatem; & animal dicitur de homine. Ex quo fit, ut animal dicatur etiam de Petro.

Ex hac regula habetur modus arguendi in quarta figura, in qua medium predicatur in maiori, & subicitur in minori. Ut homo est animal; sed animal est corpus animatum; ergo homo est corpus animatum. Ut vidimus in Summulis, tract. tertio, sect. prima, cap. ultimo. Et probauimus, dari quartam figuram, etiam de mente Aristotelis.

Secunda Regula. Diuersorum generum, & non subalternatum positorum, diuersae sunt species, & differentiae. Subalternorum verò generum, nihil prohibet esse eandem species, & differentias; superiorum enim de his, quae sub ipsis sunt generibus, predicantur &c. Pro cuius declaratione aduertendum est, genera posse dici diuersa tripliciter. Primo. Quia sunt diuersorum predicamentorum. Ut animal, & scientia; quia prius ad substantiam, posterius verò ad qualitatem ordinatur. Secundo. Quia sunt eiusdem predicamenti, & unum ponitur sub altero in recta linea predicamenti; ut animal, & corpus animatum. Tertio. Quia sunt eiusdem predicamenti, non tamen unum ponitur sub alio, sed ambo sub uno tertio; ut animal, & planta sub corpore animato. Similiter illa genera dicuntur subalternata, quae pertinent ad idem predicamentum, vel unum ponitur sub alio, vel ambo sub uno tertio. Exemplum primi: ut animal, & corpus animatum; secundi: ut animal, & planta sub corpore animato. Et per oppositum, illa genera non dicuntur subalternata posita, vel quorum unum non ponitur sub alio, vel quae non ponuntur sub uno tertio. Unde sequitur, talia genera non subalternata posita pertinere ad diuersa predicamenta; quia talia solummodo non habent easdem species, & differentias; ut patet de

animali, & scientia. Quia differentia animalis sunt, gressibile, bipes, volatile, & aquatile; quæ nullo modo conueniunt scientia. Similiter differentia scientia sunt, naturalis, diuina, moralis, & rationalis, quæ nullo modo animali competunt.

Ex his, habetur clara intelligentia huius regulæ. Diuersorum generum. Id est spectantium ad diuersa prædicamenta. Et non subalternatum positorum. Id est, quorum unum non est sub alio, nec ambo sub vno tertio. Diuersa sunt species, & differentia; ut exemplificatum est de animali, & scientia.

Subalternorum verò generum, id est quæ pertinent ad idem prædicamentum, & vnu ponitur sub alio, vel ambo sub vno tertio, nihil prohibet esse easdem species, & differentias. Et probat Aristoteles ratione desumpta ex regula præcedenti. Quia omnia superiora includuntur in suis inferioribus; sed genera subalterna se habent ut superiora, & inferiora; ergo differentia, quæ competunt superioribus, & inferioribus competere debent. Probari potest etiam exemplo. Nam corpus animatum, & animal, sunt genera subalterna primo modo; & animatum, quod est differentia constitutiva corporis animati, seu viuentis, ac sensibile, quod est differentia diuisiua viuentis, & constitutiva animalis, includuntur in animali, cum sit animatum sensibile. Item animal, & planta, quæ sunt duo genera subalterna secundo modo, habent animatum, & corpus pro differentiis communibus; quandoquidem tam animal, quam planta

sunt corporea, & animata; igitur
generum subalternorum,
nihil prohibet esse
easdem differen-
tias,
& species com-
munes.

Ad quid valeant ista Antepredicamenta?

DVBIVM VNICVM.

Antepredicamentum esse quoddam documentum, valens immediate, & à priori ad cognitionem prædicamentorum habendam, docent cõmuniter omnes logici; quippe qui videntes non ita faciliter posse percipi Prædicamentorum doctrinam, nisi aliqua alia præirent, & alia sequerentur documenta illa declaratiua à priori quorundam necessariorum, sine quibus intelligi non poterant prædicamenta, nec ipsorum principia; hæc à posteriori in cognitionem completam conducentia, quasi quodam confisso vocabulo, priora Antepredicamenta, posteriora verò, Postpredicamenta appellauerunt.

Vt autem horum munus, & natura percipi possit, singulas diffinitionis particulas explanare necessarium duximus. Dicitur primo, Antepredicamentum esse quoddam documentum. In quo, & Postpredicamenta conueniunt: ut intelligatur fuisse præcipuam intentionem Aristotelis declarare naturam prædicamentorum; postremum verò, quomodo Antepredicamenta iuuant à priori, Postpredicamenta autem à posteriori, veluti quædam accessoria documenta huic libro inscrere. Dicitur secundo, Valens immediate &c. ad differentiam libri Prædicabilium Porphyrii, quæ pariter iuuant ad assequendam Prædicamentorum doctrinam, ut ipse fatetur in suo proemio dicens. Cum sit necessarium, Chrysaori, & ad eam, quæ est apud Aristotelem prædicamentorum doctrinam, nosse quid sit genus, quid species, quid differentia, quid proprium, quid accidens &c. tum quia, sicut diximus in prima quæstione præambulari, cum prædicamentum sit dispositio generum, specierum, differentiarum, propriorum, & accidentium secundum sub, & supra, necesse fuit quid sit genus, quid species &c. prius præmittere: sed mediatè tamen, id est medys hisce Antepredicamentis. Dicitur tertio, à priori. Ad differentiam Postpredicamentorum, quæ tantum à posteriori, id est

Idest ad completam notitiam valent predicamentorum habendam. Antepredicamentum autem a priori inuunt; quia nisi hac præcederent, non possemus perfectè assequi, quid sit prædicamentum.

Antepredicamenta autem sunt tria in generali, scilicet Diffinitio, Diuisio, & Regula: septem verò in speciali, scilicet tres diffinitiones, nempe Acquiocorum, Vniocorum, & Denominativorum: duæ diuisiones, scilicet eorum, quæ dicuntur, & eorum quæ sunt; & tandem duæ regulæ, quarum prior est de prædicatis essentialibus, posterior verò de ordine, ac diuersitate eorum, quæ ponuntur in eodem, ac diuersis prædicamentis.

Ad intelligendum tamen, quomodo ista antepredicamenta, siue generaliter, siue specialiter accepta, inueniunt ad cognitionem Prædicamentorum; supponendum est, in quolibet prædicamento tria reperiri, & hæc attendenda. Primum, est modus prædicandi. Secundum, substantia eius. Tertium, ordo ipsius prædicamenti. Ad primum cognoscendum, valet diffinitio: ad secundum diuisio: & ad tertium regula. Modus namque prædicandi, consistit in prædicari vniocè, vel æquiocè, aut denominatiue; & idè ad cognitionem eius, necesse fuit permittere, quæ sint æquiuoca, vniocæ, & denominatiua. Substantia autem in eo sita est, vt ea, quæ ponuntur in prædicamento, sint incomplexa, & non complexa; substantia, vel accidentia; genera, species, & indiuidua. Idcirco oportuit tradere diuisionem incomplexorum à complexis; substantiarum ab accidentibus; generum, & specierum ab indiuiduis; quæ omnia præstantur in secundo Antepredicamento. Ordo tamen prædicamenti, consistit in dispositione prædicatorum, & eorum, quæ ponuntur in eodem, & diuersis prædicamentis; vt nimirum prius ponantur genera, deinde species, hinc inde differentia laterales, & demum indiuidua; similiter, vt genera, species, differentia, & indiuidua vnius prædicamenti non permisceantur generibus, speciebus, differentiis, ac indiuiduis alterius prædicamenti; quæ omnia transcendunt per tertium Antepredicamentum.

Ex his, sequuntur tria corollaria, seu tres

conclusiones. Prima est. Primum Antepredicamentum sufficienter demonstrat modum prædicandi cuiuslibet prædicamenti, nedum respectu suorum inferiorum, verum etiam aliorum nouem prædicamentorum de substantia, ad quam ordinantur. Declaratur sic. Quia primum Antepredicamentum continet tres diffinitiones, scilicet æquiuocorum, vniocorum, & denominativorum; modus autem prædicandi attenditur, vel per ordinem ad sua inferiora, vel per ordinem ad primam substantiam; atqui prior est modus prædicandi in quid, & vniocè; quia quodlibet in suo genere est quid; posterior est modus prædicandi in quale, & denominatiue; siquidem omne accidens prædicatur denominatiue de substantia, tamquam de subiecto ultimo; igitur primum Antepredicamentum sufficienter demonstrat modum prædicandi in quolibet prædicamento.

Secunda Conclusio. Antepredicamentum secundum, est sufficiens ratio cognoscendi substantiam cuiuslibet prædicamenti. Declaratur autem sic. Quia secundum Antepredicamentum continet diuisionem complexorum, & incomplexorum; insuper, diuisionem substantiæ ab accidentibus per hoc, quod illa dicitur de subiecto, & nullo modo est in subiecto; generum, & specierum ab indiuiduis; quia illa semper dicuntur de subiecto, hæc verò numquam: similiter indiuiduorum substantiæ ab indiuiduis accidentium; quia illa numquam sunt in subiecto, hæc verò semper; atqui substantia vniuscuiusque prædicamenti consistit in eo, vt illa, quæ ponuntur in prædicamentis sint incomplexa, & non complexa; in prædicamento substantiæ ponantur genera, & species, ac indiuidua rerum substantialium; in prædicamentis vero accidentium, ponantur accidentia, & non substantia; igitur secundum Antepredicamentum sufficienter inuunt ad cognoscendam substantiam cuiuslibet prædicamenti.

Tertia Conclusio. Antepredicamentum tertium, sufficienter notificat ordinem cuiuslibet prædicamenti. Declaratur sic. Quia ordo cuiuslibet prædicamenti consistit in dispositione prædicatorum essentialium secundum subie-

tionem, & prædicationem; insuper, quod res
vnius prædicamēti, ita afficiat tale prædica-
mentum, ut nullo pacto enunciari valeat per
se primo, vel secundo modo, hoc est vniocē,
de rebus alterius prædicamentis; sed primum,
præstat per priorem regulam; & per poste-
riorem habetur secundum, in quibus situm
est tertium Antepredicamentum; ergo ter-
tium Antepredicamentum sufficenter
notificat ordinem cuiuslibet prædicamen-
ti. Et hæc de Dubio dicta sint satis.

De Diuisione decem Prædicamen-
torum.

CAPVT V.

IN hoc quinto Capite, quod est vltimum
huius primæ Partis, Aristoteles duo fa-
cit. Primo diuidit incomplexa in decem
Prædicamenta, dicens. Eorum, quæ secun-
dum nullam complexionem dicuntur &c.
Secundo probat, in huiusmodi incomplexis,
si per se iungantur, non cadere affirma-
tionem, & negationem; dum dicit.
Singulari: igitur eorum, quæ dicta sunt, &c.

Quo ad primum, enumerando decem
prædicamenta ex diuisione incomplexorum
dicit. Eorum, quæ secundum nullam com-
plexionem dicuntur, vnumquodque aut sub-
stantiam significat, aut quantum, aut quale,
aut ad aliquid, aut vbi, aut quando, aut
situm esse, aut habere, aut agere, aut pati.
Quæ diuisio sic est intelligenda. Eorum, quæ
secundum nullam complexionem dicuntur.
Id est verum, quæ per voces incomplexas ex-
primuntur. Vnumquodque, aut substantiam
significat. Id est alia est substantia, alia est
quantitas, aliqua qualitas, alia ad aliquid,
alia vbi, alia quando, alia situm, alia habere,
alia actio, & alia passio. Exemplificatque de
omnibus dicens. Substantia, ut homo, equus;
leo: quantitas, ut bicubitum, tricubitum:
qualitas, ut albedo, gramatica: ad aliquid, ut
duplum dimidium: situm, ut iacere stare: vbi,
ut in foro, in lyceis: quando, ut heri cras: ha-
bitus, ut calceatum esse, armatum esse: actio,
ut sectio, visio, seu agere, id est secare, &
vrere: passio, ut secari, & vri, percuti &c.

Quod autem hæc interpretatio sit vera, &
de mente Aristotelis, manifestum est ex eo,
quod hic non diuidit voces incomplexas,
quibus conuenit significare, sed ipsas res, ut
per voces expressas, & significatas; dicit
enim; alia est substantia, & alia est quanti-
tas. Et exemplificat de rebus, & non de vo-
cibus.

Vel si manes dicere, hic fieri mentionem
de vocibus; dicendum est, Aristotelem diui-
dere vocem incomplexam in decem voces
incomplexas totidem res significantes; &
erit sensus. Eorum, quæ secundum nullam
complexionem dicuntur. Id est vocum in-
complexarum. Alia significat substantiam.
Id est importat rem, quæ substantia appella-
tur; alia quantitatem, alia qualitatem &c.
Sed hæc expositio videtur esse aliena à men-
te Philosophi; siquidem enumeratis decem
prædicamentis, de singulis exemplificat di-
cens. Est autem substantia quidem, ut homo,
equus: quantum, ut bicubitum. Et non dicit;
significat autem substantia hominem, vel
equum: quantum, bicubitum, & tricubitum
&c. quo loquendi modo per verbum est, &
non per verbum significat, innuitur fuisse
eius principalem intentum diuidere res ex-
pressas per voces, & non voces explicantes
res.

Quoad secundum, demonstrat ex talibus
complexis, si per se considerentur, non esse
affirmationem, aut negationem; quandoqui-
dem affirmatio, vel negatio consistit in com-
plexione prædicati cum subiecto, mediante
copula verbali; & probat sic. Quia omnis
affirmatio, vel negatio, est vera, vel falsa;
sed in incomplexis non est veritas, neque
falsitas; igitur in incomplexis non est affir-
matio, aut negatio. Minor autem potest sic
probari. Nam qui dicit substantiam tantum;
vel quantitatem, aut qualitatem tantum,
non dicit verum, aut falsum. Si vero his
aliquod verbum coniungatur dicendo; homo
est animal, corpus est grane, albedo non est
quantitas, Petrus non currit &c. & verita-
tem, & falsitatem dicit, cum talis consistat
in complexione duorum incomplexorum
per copulam verbalem; vel affirmatiuam; si

nulla ei præponatur negatio negans; vel negatiuam, si eidem præponatur, ut dictum est in Summulis, tract. secundo de propositionibus.

De Prædicamentis in Generali.

DISPUTATIO II.

*Virum Prædicamenta sint tantum decem,
ut nec plura sint, nec
pauciora?*

QVÆSTIO I.

Quamuis inter Philosophos, qui secuti sunt Aristotelem Peripateticorum Principem, nullum videatur repeteri dissidium de numero Prædicamentorum, tamen inter Antiquos non defuerunt, qui plura, & qui pauciora decem esse dixerunt. Si quidem Plato in Sophista, seu Parmenide, dicit, esse tantum vnum prædicamentum vniuersalissimum Entis realis, sub quo omnium rerum genera collocantur. Zenocrates, & Andronicus, quorum meminit Simplicius hic, duo posuerunt prædicamenta, scilicet substantiam, & accidens. Et ne deesset, qui ternarium numerum, veluti omnium perfectissimum assereret, repertus est Valla, qui tantum tria prædicamenta dari asserit, scilicet substantiam, qualitatem, & actionem. Stoici tandem, ut refert Plotinus, lib. primo Enead. 6. cap. 29. enumerant quatuor, scilicet substantiam, qualitatem, modum rei, & relationem. Hunc numerum prædicamentorum, & ipse approbavit, & quintum addidit.

Alij plura, quam decem, posuerunt prædicamenta; quandoquidem Pithagorici, ut refert Philosophus, primo Methaphysicæ c. 5. dixerunt esse viginti. Alij triginta; decem nimirum generum, & specierum, ac indiuisuorum, & viginti differentiarum. Alij vndecim tantum, nam illis decem ab Aristotele enumeratis, vndecimum entis rationis addiderunt; quod, an sit ponendum nec ne, dicam inferius in hac eadem Disputatione.

Alij tandem plura; vel pauciora posuerunt; non veritatem rei, sed vel phantasiam, vel vim argumentorum, secuti.

Veram tamen sententia est, quam post Archytam Tarentinum, docuit Aristoteles, decem nimirum, & non plura, aut pauciora esse prædicamenta, esseque illa, quæ enumerauit in textu. Hanc, præter Peripateticos, secutus est etiam Auicenas, lib. 3. suæ Methaphysicæ; cuius meminit Doct. Subt. in quarto sent. d. 13. q. 1. art. primo C. his verbis. Si ergo debet saluari illa diuisio famosa prædicamentorum; quia secundum Auicenam, tertio Methaphysicæ, cogimur obseruare illam diuisionem prædicamentorum famosam, qua dicuntur esse decem genera generalissima, cogimur, inquam, propter Philosophorum antiquam auctoritatem, cui non debet facile contradici, necesse est dicere, quod respectus habeat sufficientes rationes formales ad distinctionem generum, &c. Cæterum clarum est, Scotum loqui de prædicamentis rebus tantum, & non rationis, cum ipse, in quarto, d. prima, q. 1. addat vndecimum, quod vocat generalissimum entis rationis, de quo inferius erit sermo.

Pro intelligentia, & resolutione questionis, Notandum est primo, prædicamenta realia, (de quibus loquimur) dupliciter posse distingui, scilicet, priori, & a posteriori. Primo modo distinguuntur per suos modos intrinsecos, quibus in esse constituntur; hi autem, cum sint nobis innominati, suppleuntur per hos duos, nempe per se, & in alio; nam per priorem constituitur substantia in esse, & per posteriorem, reliqua nouem prædicamenta. Secundo modo distinguuntur per diuersos modos prædicandi de prima substantia; modus namque substantiæ, est prædicari in quid; modus quantitatis, in quantum, vel quotum; qualitatis, in quale, vel qualiter; relationis, seu ad aliquid, in ad aliud se habere, ut ad terminum; actionis, in quod, vel quid agit; passionis, a quo, seu quid patitur; ubi, in quo, vel in qua, vel ubi, aut vnde; quando, est prædicari in quando; situs, quomodo, vel qualiter prima substantia est situata; modus tandem habere, est prædicari de prima substantia, qualiter est habitura; si loricæ, vel clypeo, aut alia veste &c. Et hi

modi dicuntur à posteriori distinguere prædicamenta; quia ex modo se habendi erga primam substantiam, ad quam omnia ordinantur, huiusmodi esse distincta manifestant. Cum ergo decem his modis omnia ordinentur ad primam substantiam, & non pluribus, vel paucioribus, sequitur, decem esse prædicamenta, & non plura, aut pauciora.

Secundo notandum, ex dictis in Vniuersalibus, cap. primo, disp. 2. q. 9. quod tantum, cum sit dictio exponibilis, potest exponi gratia pleratis, infinitatis, & pluralitatis. Primo modo est sensus. Decem sunt prædicamenta, & alia à decem non sunt prædicamenta. Et hic sensus est falsus; quia substantia, & quantitas sunt alia à decem, cum sint duo, & tamen sunt prædicamenta. Secundo modo est sensus. Prædicamenta sunt decem, & non decem non sunt prædicamenta. Et hic pariter est falsus; quia qualitas, & relatio sunt non decem, quia tantum duo, & tamen sunt prædicamenta. Tertio modo sic exponitur. Tantum decem sunt prædicamenta. Id est prædicamenta sunt decem, & non plura, aut pauciora. Et hic sensus est verus, & sic capitur in proposito.

Tertio notandum est; ex dictis cap. de specie, disp. 4. q. 2. concretum, & abstractum non distinguui realiter, cum conueniant in significato principali, sed tantum differre in modo significandi; ut patet de albo, & albedine, quæ se conueniunt, cum ambo importent eandem qualitatis formam; differunt nihilominus in modo; quia album illam importat cum conuenientia ad subiectum, albedo verò ut ab eo abstractam. Ex quo sequitur, quod concretum, & abstractum, cum sint idem realiter, & tantum ratione differant, spectant ambo ad vnum, & idem prædicamentum, neque diuersa constituunt. Siquidem substantia in abstracto, & in concreto; similiter quantitas, & qualitas, in abstracto, & in concreto acceptæ, collocantur in eodem prædicamento sibi proprio. Ex quo fit, ut non sint viginti prædicamenta, scilicet decem concretorum, & decem abstractorum; sed tantum decem.

Quarto notandum est, quod licet in quolibet prædicamento dentur tres coordinationes, scilicet duæ differentiarum, quæ la-

terales appellantur; & tertia directa generum, & specierum, non ob hoc sunt multiplicanda triginta prædicamenta; siquidem differentiz, cum sint vna res realiter cum suis generibus, & speciebus, non habent constituere diuersa prædicamenta à prædicamentis generum, & specierum; quemadmodum nec concretum, & abstractum constituunt, propter eorum identitatem realem; nam ad multiplicationem prædicamentorum, requiritur & distinctio realis, & diuersus modus prædicandi de prima substantia. Cum ergo differentiz non distinguantur realiter à genere, nec formaliter a specie, & non habeant diuersos modos prædicandi de prima substantia; siquidem vel dicuntur essentialiter, sicut differentiz substantiarum; vel tantum denominatiue, ut sunt aliz nouem prædicamentorum, sequitur ut faciant vnum, & idem prædicamentum, cum suis generibus, & speciebus, ac indiuiduis.

Ex his, fit prima Conclusio. Omnes Philosophi ponentes pauciora, vel plura prædicamenta realia, quam decem, aberrarunt à veritate. Probatur primo. Quia Plato posuit vnum prædicamentum tantum, putans ens esse genus generalissimum; atqui errauit in hoc; quia genus debet esse finitum, ac limitatum, & ens est illimitatum, & infinitum saltem potentialiter, cum percurrat omnia entia, tum finita, tum infinita, ut dictum fuit in quaestione de vniucatione ergo. Vide Philosophum, 3. meth. t. 10. ens non esse genus. Secundo. Errauerunt Zenocrates, & Andronicus dicentes, prædicamenta esse tantum duo, scilicet substantiā, & accidens. Nam accidens, ut comprehendit omnia accidentia, tam absoluta, quam respectiua, est æquiuocum, ut probauimus inferius; sed de ratione generis est, ut sit vniucum, ut probauimus supra de Genere, q. 1. ergo. Tertio. Valla, maiorem omnibus commisit errorem, quippe videns substantiam maiorem, & minorari secundum quantitatem, & expertus fuerit corpus, dolorum, ac morborum cruciantis torqueri, nihilominus omisit quantitatem, & passionem, tantum tribus alijs enumeratis. Quarto. Eundem ferme errorem admiſerunt Stoici, cum Plotino, negando quantitatem; cum experientia constet admittendam fore. Quinto. Pythagorici admittentes viginti,

ri, scilicet decem concretorum, & decem abstractorum; ac alij enumerantes triginta, scilicet viginti differentiarum, & decem generum, & specierum, pariter decepti sunt. Siquidem, abstracta à concretis non distinguuntur plusquam ratione; similiter differentie, sunt eadem realiter generibus, & formaliter speciebus, quas constituunt; qua ratione, nequeunt facere prædicamentum distincta; quia ad multiplicationem prædicamentorum, requiritur distinctio realis, ut infra demonstrabimus; & diuersus modus prædicandi de prima substantia, ut supra notauimus, & docet Aristoteles, quarto Topicorum, & secundo, cap. 2. ergo. Sexto denique decepti sunt, qui posuerunt prædicamentum rationis in numero prædicamentorum realium; quandoquidem cum in ipso collocentur omnia entia rationis, ut inferius probabimus, est seorsum ponendum à realibus: nam quæ ponuntur in numerum debent esse eiusdem rationis, ut docuit Aristoteles in prædicam. c. de quantitate, & tertio Physicorum.

Secunda Conclusio. Prædicamenta realia, sunt tantum decem, nec plura, nec pauciora. Est communis omnium Peripateticorum; quamuis in assignanda ratione (sufficiens, inter se differant. Enim verò alij deducunt eorum sufficientiam ex diuerso modo in hærentie accidentium primæ substantiæ, ad quam ordinantur. Alij verò ex diuersis effectibus, & muneribus, quæ exercent accidentia circa primam substantiam. Cæterum his omnibus prætermis, quia non videntur concludere, cum multa implicant contra mentem Doctoris Subtilis, conclusio probatur. Primo auctoritate Aristotelis hic, cap. 5. Et quinto Metaphysic. cap. 7. i. c. 14. Auerrois ibidem, & Auicennæ tertio iuxta metaphysicæ dicentium, prædicamenta esse tantum decem, nec plura, nec pauciora. Secundo probatur ratione. Quia cum ens finitum descendat in prædicamenta, descendit prius in substantiam, & accedens, ex communi diuisione, quam approbat Boetius super Prædicam. cap. 5. & sic habetur primum prædicamentum substantię. Accidens autem, vel est absolutum, vel respectuum, ut communiter docent omnes Philosophi; si absolutum, tunc habentur alia duo prædicamenta, scilicet quantitas, & qualitas: si respectuum, aut intrinsecus

adueniens, aut extrinsecus adueniens. Si derur primum, habetur quartum prædicamentum, scilicet Ad aliquid, sed relatio. Si secundum, hoc potest esse tripliciter: aut. n. dicit respectum causalitatis, aut mensuræ extrinsecæ, aut ordinis: si dicit respectum causalitatis in prima substantia, aut dicit respectum causalitatis actionis; & sic est quintum prædicamentum actionis; aut passionis, & sic habetur sextum prædicamentum passionis. Si verò dicit respectum mensuræ, hoc potest esse dupliciter: aut dicit respectum mensuræ permanentis; & sic datur septimum prædicamentum Vbi: aut mensuræ successiue; & sic datur octauum prædicamentum Quando. Si denique dicit respectum ordinis; aut dicit respectum ordinis partium totius locati ad partes loci; & sic habetur nonum prædicamentum Situs: aut dicit ordinem totius ad totum; & sic habetur decimum prædicamentum Habitus. Atqui non potest excogitari alius modus diuidentis finitum in ea de quibus dicitur, præter decem enumerata prædicamenta; igitur tantum sunt decem prædicamenta. Tertio. Numerus prædicamentorum colligitur etiā à priori ex numero modorum intrinsecorum, seu modorum essendi, per quos descendit ens finitum in prædicamenta; sed tales modi sunt tantum decem, id est nec plures, nec pauciores; ergo & prædicamenta sunt tantum decem, nec plura, nec pauciora. Maior patet. Quia eadem sunt principia essendi, & distinguendi. Minor probatur. Tūm quia Aristoteles, & communiter Philosophi dicunt, esse decem. Tūm etiam, quia modi prædicandi prædicamentorum de prima substantia ad quam ordinantur, sunt tantum decem, ut probatum est notabil. primo; ergo, & modi essendi eorundem, sunt tantum decem, & non plura, nec pauciora.

Obijcies primo, contra primam conclusionem, probando esse tantum vnum prædicamentum, ut dicebat Plato. Quia quod super abundantiam dicitur, vni soli conuenit, ex Philosopho, quinto Topic. cap. 15. sed prædicamentum, seu generalissimum super abundantiam dicitur, cum sit superlatiuum, quo nihil maius datur; ergo vni soli conuenit; & sic prædicamentum est tantum vnum.

Respondetur, ex Doct. Subt. 5. Metaph. quæ-

e. 5. ad tertium principale, quod generalissimum potest exponi positivè, & negativè. Primo modo dicitur generalissimum, quod excedit omnia entia : & hoc modo datur vnum tantum generalissimum in tota latitudine entium, scilicet Deus, qui in infinitum excedit omnia. Secundo modo dicitur generalissimum, quod à nullo exceditur in suo genere : & sic plura sunt generalissima, quia decem; siquidem vnumquodque illorum in propria coordinatione à nullo exceditur.

Formaliter ad argumentum dico, maiorem esse veram de eo., quod dicit superabundantiam positivè, non negativè; modo generalissima dicunt superabundantiam negativè; & sic non inconuenit, esse decem.

Obijcies secundo, ex Maestro in Meth. disp. 2. q. 6. art. 2. Quia ens finitum contrahitur ad substantiam, & accidens per differentias constitutivas, quæ sunt *ly per se*, & in alio; ergo est vnum genus generalissimum commune ad omnia entia finita; & substantia, & accidens sunt duo genera subalterna. Consequentia patet Quia illud, quod contrahitur per differentias, est genus; ergo cum ens finitum non aliud genus habeat supra se, erit generalissimum. Antecedens probatur. Quia substantia, & accidens diuersificantur essentialiter; sed non possunt sic diuersificari per modos intrinsecos; quia secundum Doctorem Subt. in primo d. 8. q. 4. § Ad questionem, modus intrinsecus non variat rationem formalem cuius est modus; ergo dicendum est *ly per se*, & in alio, esse differentias essentielles constitutivas. Maior patet. Quia substantia, & accidens habent diuersas definitiones, scilicet conceptus quiditativos, quibus essentialiter diuersificantur.

Respondetur, negando antecedens: imò contrahitur ens finitum ad decem genera per modos intrinsecos, qui sunt *ly per se*, & in alio. Ad probationem, concessa maiori, nego minorem. Ad cuius probationem ex Doctore Subt. dico, modum intrinsecum non variare quidem rationem formalem; quia non est formalitas per se conceptibilis, cuiusmodi est differentia essentialis, & constitutiva; bene tamen variat rationem quiditativam, & essentialem; nam cum ex ens, & modo intrinseco constituitur con-

ceptus quiditativus, gerens vicem definitionis quiditativæ, (siquidem potest esse medium in demonstratione potissima, ad demonstrandas passionis de ente, & de decem generibus) sequitur, vt faciat differre rem cui additur, essentialiter à quacumque non est ipsa.

Contra. Quia modus intrinsecus non est de quiditate rei, cui additur, licet non distinguatur ab ipsa formaliter, ex Magistro Formaliarum Scoti, art. 2. de identitate, ac distinctione ex natura rei; ergo non potest facere differre illam quiditativè, quippe nemo dat, quod non habet.

Respondetur, antecedens esse verum sumendo quiditatem pro ratione formali; quia cum modus intrinsecus non dicat realitatem formalem, consequenter nequit dici esse de quiditate formali alicuius; falsum tamen est antecedens, accipiendo quiditatem pro conceptu quiditativo adequatè sumpto; quia huiusmodi quiditas non excludit, imò includit etiam modum intrinsecum; nam conceptus entis, vt præscindit à modo intrinseco, non est adequatus; sicut si concipiatur cum finitate, vel infinitate; at quis neget essentialiam diuinam esse diuersam quiditatem ab essentiali creature per infinitatem?

Obijcies tertio ex eodem. Omnis conceptus, inferior conceptu entis transcendens, & superior decem generibus, dictus in quid de ipsis, est conceptus genericus, ex Doct. Subt. 7. Meth. q. 1. sed talis est conceptus entis finiti respectu substantiæ, & accidentis; est enim inferior conceptu entis transcendens, cum diuidat ipsum; & superior decem generibus; quia diuiditur in illis, & est dictus in quid de illis, cum includatur essentialiter in eisdem; ergo conceptus entis finiti est genericus; & sic generalissimum ad substantiam, & accidens. Confirmatur hæc ratio Quia idem Doctor, in primo d. 8. q. 3. N. excludit rationem generis ab ente transcendenti, quia non est conceptus limitatus, sed indifferens ad infinitum, & finitum; cum ergo conceptus entis finiti sit limitatus, nihil ei deficit, quominus sit genus. Confirmatur secundo. Quia, ex eodem loco citato, quæcumque conueniunt enti, vt est indifferens ad finitum, & infinitum, vel vt est proprium enti

iuu-

infinito, conueniunt sibi, non vt determinatur ad genus, sed vt prius; & per consequens, vt est iranicendens, & exira omne genus; ergo infert Mastrius, eo ipso, quod est contractum ens ad finitum, statim determinatur ad genus, quod est ipsum ens finitum; inquit enim tunc determinari ad genus, non ad genera.

Respondetur, negando maiorem absolutè. Quia non est propositio Scoti, vt malè assertur à Mastrio; imò oppositum deducitur ex verbis Doctoris; siquidem volens ostendere inhxrentiam non esse de quiditate accidentis, sic arguit. Inhxrentia videtur eiusdem rationis in quantitate, & qualitate; ergo si est de essentia vtriusque, potest ab utroque abstrahi conceptus dictus in quid de ipsis, inferior conceptu entis, & superior eis; & ita non erunt generalissima. Ex quibus verbis non potest inferri; ergo quicumque conceptus inferior conceptu entis transcendentis, & superior decem generibus, dictus in quid de ipsis, est genericus. Quia Scotus non loquitur de ente transcendentis, sed de ente finito, quod est commune ad decem genera; vt docet etiam in primo, l. 8. q. 3. Neque de conceptu entis finiti, sed de conceptu, qui posset abstrahi à qualitate, & quantitate, qui esset conceptus accidentis inferior ente finito, vt concedit etiam ipse Mastrius; ergo cum talis esset inferior conceptu entis, & superior quantitate, & qualitate, sicut concludit fore genus generalissimum, excludit ita à ratione generis generalissimi conceptum entis finiti, vt potè superioris ad illum conceptum genericum.

Ad primam confirmationem, nego consequentiam. Siquidem ens finitum, licet possit dici limitatum respectu entis transcendentis, quod est illimitatum ad omnia, simpliciter tamen est illimitatum ad omnia entia creata, quæ reponuntur in diuersis prædicamentis; & ob hanc rationem excludendum a ratione generis; quia genus limitatur per duas differentias oppositas, quibus caret ens finitum, vt supra dictum est ad secundam objectionem.

Ad secundam confirmationem, nego in consequentia; illa finita determinata ad genus aliquod, determinari ad ens finitum, vt

ad genus; cum re vera tale non sit, imò est quoddam commune illimitatum ad decem genera, vt dicit Doctor loco citato; siquidem volens probare, sapientiam, bonitatem &c. non esse determinati generis, sed transcendentia, dicit illa competere enti transcendentis, vt est indifferens ad finitum, & infinitum; ac propterea non esse determinata ad genus aliquod. Non inde tamen sequitur; ergo quæcumque sunt contracta ad finitatem, esse genus finiti, quod sit ens finitum, commune ad decem genera; sed sufficit, vt sint necessariè determinata ad aliquod genus; quia re vera omnia entia finia, sunt determinata ad illa decem genera. Et hic est sensus germanus illius loci, malè intellectus à Mastrio.

Obijcies quarto, contra secundam conclusionem. Quor modis dicitur vnum oppositorum, tot modis dicitur, & reliquum, ex Aristotele, primo Topic. cap. 13. sed substantia, & accidens opponuntur; ergo si tantum est vnum prædicamentum substantiæ, ita erit tantum aliterum accidentium; & sic tantum duo; vel sicut ex accidente constituuntur nouem prædicamenta, ita pariter nouem sint ex substantia; & sic erunt decem, & octo, & non tantum decem. Minor probatur, Quia esse per se, & in alio, opponuntur; sed substantia est ens per se, & accidens ens in alio, scilicet in subiecto; ergo opponuntur.

Respondetur, opposita esse in duplici differentia; quædam enim opponuntur tantum secundum se, vt ens reale, & rationis; quia habent oppositas definitiones; quædam verò opponuntur secundum se, & etiam secundum sua significata, vt sanum, & ægrum; quia sicut sanum dicitur de tribus, scilicet de subiecto, de signo, & de causa sanitatis; ita pariter ægrum dicitur de illis tribus. Auctoritas Aristotelis intelligitur de oppositis secundo, non primo modo; & ideo non concludit argumentum; quia substantia, & accidens opponuntur tantum secundum se, & non secundum sua significata.

Vel dicendum secundo, substantiam, & accidens non esse opposita, nec disparata si in communi sumantur. Quia substantia est quid vniuersum ad omnes substantias; acci-

dens verò est æquiuocum ad omnia accidentia absoluta, & respectiua, vt docet Doct. in quarto dist. 12. q. 1. sub A. & sequentibus. Et 7. methaph. q. 1. ac alibi; modo oppositio fit in conceptibus, non in vocibus.

Obijcies quinto Prædicamentum esse co-ordinatio prædicatorum secundum sub, & supra, ex dictis supra in questione Proemiali secunda. Sed coordinationes sunt plures, quam decem; ergo. Minor probatur. Quia in priuationibus reperitur talis coordinatio, sicut in positiuis; vt in prædicamento substantiæ, priuatio substantiæ est superior ad priuationem corporis; priuatio corporis ad priuationem corporis animati, &c. & istæ se includunt, sicut eam positiua; ergo sicut decem sunt coordinationes positiuorum, decem pariter erunt priuationum; & sic viginti prædicamenta.

Respondetur, Prædicamentum esse coordinationem vtique, non quamcumque, sed entium realium positiuorum, vt dicam inferius, enumerando conditiones eorum, quæ sunt ponenda in prædicamentis; modo quamuis priuationes ordinari possint secundum sub, & supra, & vna inferat aliam, cum non sint entia positiua, non faciunt prædicamenta distincta ab illis positiuorum, sed reducuntur ad illa.

Virum Prædicamenta distinguantur realiter, vel tantum ratione?

QVÆSTIO II.

Circa hanc questionem tres inueniuntur discordes opiniones; quarum prima est D. Th. lib. 11. Methaph. lect. 9. q. 2. ad 18. Soti, cap. de Quant. q. 5. Tolen hic, q. 3. ex communibus. Ruuij in Antepædicamentis, cap. 4. q. 3. & multorum aliorum, assertum, prædicamenta non necessario realiter, vel ex natura rei distinguuntur, sed satis esse vt ratione distinguantur.

Secunda hinc opposita docet ponendam esse inter prædicamenta distinctionem realem. Ità Paulus Venerius, lib. 3. suæ Methaphysicæ c. 31. Suesan. 4. Meth. q. 4. & lib. 5. q. 12. Caiet. q. 28. art. primo, & alij, tum ex Thomistis, tum ex Scotistis, quos refert, & sequitur Mastrius hic, disput.

6. quæst. 2. in principio.

Tertia. Tandem mediat inter vtramque. Tum quia negat, omnia distinguere realiter, contra secundam & non sufficere distinctionem rationis, vt dicit prima. Tum quia asserit, aliqua prædicamenta distinguere realiter, omniaque formaliter ex natura rei. Ità Io. de Landino relatus a Fonseca, cap. 7. q. 6. qui licet aduersari sibi videatur, dum illum impugnat; tamen in fine sect. 3. in eandem (ignarus forsam) reincident sententiam, cum asserat, distinctionem prædicamentorum ponendam esse ante operationem intellectus; quod idem est, ac dicere, distinguere ex natura rei formaliter.

Quid autem sentiat Doct. Subtilis, non est adeò clarum, vt in alterutram possit referri sententiam; quandoquidem, lib. 5. Methaph. in Exposit. t. 14. Supponit cum comuni, prædicamenta distinguere realiter; & ibidem postea, q. 6. subtiliter probat eandem distinctionem realem, comparando omnia prædicamenta ad inuicem. Cæterum, lib. 8. Methaphysicæ q. 1. videtur dicere, quòd tantum formaliter distinguantur. Et in secundo sent. d. p. q. 5. ad secundum princip. videtur manere in ancepti, loquendo de relatione creaturæ ad Deum, si tantum realiter, vel formaliter distinguantur. Icd quibusdam notatis, & suam, & nostram pro viribus aperiemus opinionem.

Pro habenda perfecta notitia totius Controuersie, notandum est primo, ex Authore Formalit. Scoti, septem esse identitatum genera, & totidem distinctionum, scilicet rationis, ex natura rei, formalis, essentialis, realis, se totis subiectiue, & se totis obiectiue. Primo igitur illa dicuntur esse eadem ratione, quæ habent eundem conceptum omnino indistinctum à parte rei; & ex parte intellectus; vt homo est idem sibi. Et per oppositum, illa distinguuntur ratione, quæ concipiuntur ab intellectu sub diuersis secundis intentionibus, siue logicalibus, siue grammaticalibus. Et sic homo à parte subiecti, & à parte prædicati in hac propositione: homo est homo; distinguuntur a seipso, quia concipiuntur sub intentionibus subiecti, & prædicati, quæ sunt diuersæ. Similiter album, & albedo distinguuntur ratione, quia concipiuntur sub diuersis modis significandi grammaticalibus, scilicet con-

creti, & abstracti.

Secundo. Illa sunt eadem ex natura rei, de quibus, secluso opere intellectus collatio, nequeunt verificari duo prædicata contradictoria. Et hoc modo, homo à parte subiecti est idem sibi ex natura rei posito à parte prædicati; quia secluso opere intellectus, de ipso nequeunt verificari duo prædicata contradictoria. Et per oppositum; illa distinguuntur ex natura rei, de quibus, secluso opere intellectus collatio, verificari possunt duo prædicata contradictoria. Et sic diffinitio, & diffinitum distinguuntur; quia nullo considerante intellectu, diffinitio est constitutiva diffiniti, & non constituta per ipsum; & diffinitum est constitutum, & non constitutum diffinitionis. Similiter substantia, & accidens distinguuntur ex natura rei; quia substantia est ens per se, & non in alio, accidens verò est ens in alio, & non per se; quæ omnia sunt contradictoria.

Tertio. Illa sunt idem formaliter, quorum vnum est de quiditate alterius. Et sic homo est idem formaliter animaliquia includit ipsum in sua ratione formali: similiter diffinitio, & diffinitum, sunt idem formaliter; quia ad inuicem se includunt formaliter; valet enim, omne animal rationale est homo, & omnis homo est animal rationale. Et per oppositum, illa distinguuntur formaliter, quæ dicunt diuersas formalitates, quarum vna non est de essentia, & quiditate alterius. Et sic risibile, & homo, formaliter distinguuntur; quia risibile non est de quiditate hominis, nec e conuerso.

Quarto. Illa sunt eadem realiter, quæ se habent, quod vni repugnat esse sine alio; & quæ non se habent, vt causa, & effectus, nec vt produciens, & productum, nec sunt in rebus realiter distinctis. Et hæc conditiones debent accipi collectivè, seu coniunctim, vt vna non sufficiat sine alia; & sic homo, & risibile, sunt idem realiter; quia implicat risibile separari posse ab homine: similiter homo, non est eius propria causa physica, nec verè risibile produciatur, sed tantum pulsat, seu emanat ab ipso; nec sunt in rebus realiter distinctis. Hoc mo-

do etiam differentia, est eadem realiter generi, & modi intrinseci (suis subiectis, superius inferiori; vt substantia corpori; corpus corpori animato, &c. quia implicat contradictionem, ab inuicem separari; nec vnum verè causatur, aut produciatur ab alio, nec sunt in rebus realiter distinctis. Et per oppositum, illa distinguuntur realiter, quæ se habent, quod vnum potest ab alio separari, vt quæ se habent, vt causa, & effectus physici, vel vt produciens, & productum; vel quæ sunt in rebus realiter distinctis. Et hæc conditiones sumuntur distinctivè; quia vnaquæque sufficit per se ad distinctionem realem. Et sic, ratione primæ conditionis, albedo distinguitur realiter à pariete, cum possit separari ab eo. Ratione secundæ, totum physicum distinguitur realiter à suis partibus, quia verè causatur ab eis. Ratione tertiæ, Pater distinguitur realiter à Filio in diuinis; quia verè producit illum. Ratione quartæ, albedo Francisci, & albedo Petri distinguuntur realiter; quia sunt in subiectis realiter distinctis.

Quinto. Illa sunt idem essentialiter, quæ identificantur realiter vni essentia, vel naturæ singulari; vel quæ sunt de intrinseca essentia alienius. Ratione primæ conditionis, tres personæ diuinæ sunt idem essentialiter; quia sunt idem realiter vni essentia diuinæ, quæ est singularissima. Ratione secundæ, animal, & rationale, sunt idem essentialiter homini; quia constituent eius essentiam. Et per oppositum, illa distinguuntur essentialiter, vel quæ habent diuersas essentias, & naturas, vel quæ non concutunt ad constituendam alicuius essentiam. Iuxta primam conditionem, homo, & alius distinguuntur essentialiter; quia habent diuersas naturas: similiter, decem prædicamenta distinguuntur essentialiter, cum natura, & essentia vnus, non sit natura, & essentia alterius. Iuxta secundam conditionem, risibilitas distinguitur essentialiter ab homine; quia non est de eius essentia, & quiditate.

Sexto. Illa sunt eadem se totis subiectivè, quæ conveniunt in aliqua realitate, quæ sit genus ad illa. Et hoc modo omnia indiuidua, & species vnus predicamētū, sūt eadē, quia conveniunt in illa realitate generis

generalissimi, communi ad illa. Et per oppositum, illa distinguuntur se totis subiectiue, quæ non conueniunt in aliqua realitate communi, quæ sit genus ad illa. Et sic, decem prædicamenta dicuntur distinguere, quia etiam si conueniant in ente finito, non est tamen genus ad illa, cum sit illimitatum ad omnia entia creata, nec descendat in illa per differentias, sed tantum per modos intrinsecos, ut diximus in præcedenti questione. Et in hoc sensu locutus est Philosophus, lib. 10. Methaphys. r. c. 6. dum dixit, prædicamenta esse primo diuersa hoc est; quia non conueniunt in aliquo genere, cum ipsa sint generalissima.

Septimo, Illa tandem distinguuntur se totis obiectiue, quæ non conueniunt in aliquo conceptu vniuoco, dicto de illis in quid. Et sic ens reale, & ens rationis, ut communiter dicitur, distinguuntur; quia in nullo conueniunt vniuocè. Similiter passionis entis, & differentie ultimæ, hoc modo distinguuntur; quia licet conueniant in conceptu entis; non tamen prædicatur de illis in quid. Et per oppositum, illa sunt eadem se totis obiectiue, quæ conueniunt in aliquo conceptu obiectiui, vniuoco, & quiditatiui, siue talis conceptus sit limitatus, siue illimitatus. Et hoc modo Deus, & creatura, sunt idem; quia conueniunt quiditatiue in conceptu vniuoco entis transcendens. Similiter decem prædicamenta, sunt eadem se totis; quia conueniunt in conceptu vniuoco entis finiti, qui de illis prædicatur quiditatiue.

Ad propositum, applicando hanc doctrinam, quæ complectitur totum Tractatum Formalitarum Doctoris Subtilis. Prima sententia habet dicere, nullam dari distinctionem ex natura rei actualem ante operationem intellectus inter prædicamenta, sed tantum distinguere per diuersos modos prædicandi de prima substantia; quia substantia in communi prædicatur in quid de prima quantitas, in quantum, vel in quorum: qualitas in quale &c. qui modi, sunt secundæ intentiones dependentes ab opere collatiui intellectus. Secunda verò conatur dicere, prædicamenta ita esse distincta realiter, ut se habeant veluti diuersæ res, quarum una possit esse sine alia.

Tertia tandem, habet ponere distinctionem inter prædicamenta ante quamcumque operationem intellectus, contra primam; non tamen quod se habeant, ut res, & res, vniuersaliter loquendo de omnibus prædicamentis, sed sicut realitates, & realitates, de quibus possint verificari duo prædicata contradictoria, contra secundam opinionem.

Secundo notandum est, ex Doctore diuersis in locis. & ex eodem Auctore Formalitarum, distinctionem realem dupliciter sumi posse; vno modo, ut contradistinguitur à distinctione rationis. Et sic comprehendit sub se quamcunque distinctionem ante operationem intellectus. Vnde hoc modo etiam distinctio formalis, & ex natura rei, cum reliquis quatuor, dicuntur distinctiones reales; quia habent esse independentem ab opere collatiui intellectus. Alio modo sumitur, ut distinguitur contra distinctionem ex natura rei, & formalem. Et sic, est vnum genus distinctionis cadens inter rem, & res; sicut distinctiones ex natura rei & formales, ex opposito, cadunt inter realitates, & formalitates. An autem de mente Scoti, prædicamenta distinguantur realiter primo, vel secundo modo tantum, vel aliqua secundo modo, & omnia primo modo; diffidit est inter Scotistas, orium ex diuerso modo loquendi eiusdem. Siquidem aliqui tenent, vniuersaliter non distinguere realiter strictè omnia prædicamenta, quia dantur aliquæ relationes realiter identificatæ suis fundamentis, quæ tamen spectant ad aliquod prædicamentum relationum, cuiusmodi sunt relatio creature ad Deum, & relatio similitudinis inter duas similitudines, vel inharrentiæ inter duas inharrentias, & alie. Alij verò contendunt, vniuersaliter distinguere realiter strictè; quia omnia prædicamenta sunt secundum se tota realiter ad inuicem impermixta, & possunt ad inuicem separari, ut subtiliter probat Scotus, lib. 5. Methaphys. quæst. 6 & in secundo d. 3. q. 4. D. & E. Quid autem sit tenendum, dicam in sequentibus conclusionibus.

Ex his ergo sit prima conclusio, contra Thomistas, & sequaces. Prædicamenta non distinguuntur tantum ratione, siue ratiocinando, siue ratiocinata; hoc est, per distinctos modos prædicandi de prima substantia.

ria, sed etiam ex natura rei actualiter; idest per diuersos modos essendi, quibus constituuntur in esse. Est communis omnium. Scotistarum, & multorum aliorum, etiam ex Thomistis, quos refert Mastrius, disp. 6. log. 4. 2. Probatur prima Pars. Quia illa, quæ distinguuntur, seclusa operatione intellectus, non distinguuntur tantum ratione; sed prædicamenta sunt huiusmodi; ergo. Maior patet ex primo notabili. Minor probatur. Quia modi intrinseci essendi prædicamentorum distinguuntur propriè prædicamenta, ex Aristotele 5. Meth. t. c. 14. Tum quia eadem sunt principia essendi, & distinguendi; sed tales habent esse præter operationem intellectus; quia siue intellectus consideret substantiam, siue non, similiter quantitatem, & qualitatem, substantia est ens per se; quantitas, & qualitas sunt entia in alio; idest in subiecto; ergo. Confirmatur hæc ratio. Quia sicut se habent principia, & principia taliter se habent, ex Aristotele, primo Methaphysicæ, t. c. 43. Sed modi essendi prædicamentorum, quibus prædicamenta constituuntur in esse, sicut à principijs, distinguuntur ex natura rei; siquidem nullo considerante intellectu, modus per se, seu in se, non est modus in alio; ergo. Secundo probatur conclusio. Quia entia rationis distinguere nequeunt entia realia, sed solum eadem denominare sic distinguunt; sed modi prædicandi sunt entia rationis, cum sint secundæ intentiones fabricatæ per opus collatiuum intellectus, & prædicamenta sunt entia realia; ergo nequeunt illa distinguere. Maior patet. Quia entia rationis fundantur super entibus realibus, suppositis quibusdam proprietatibus in illis repositis; ergo nequeunt illa distinguere, sed tantum illa sic distincta denominare. Secunda Pars probatur. Quia modi constitutiuus prædicamentorum, sunt actualiter in illis; ergo prædicamenta per huiusmodi modos, non tantum distinguuntur virtualiter, sed etiam actualiter. Antecedens patet. Quia actu substantia constituitur per esse in se, & quantitas per esse in alio; ergo requirunt principia constitutiuia actualia. Consequencia est manifesta. Quia eadem sunt principia constitutiuia, & distinctiua; ergo si actu constituantur, etiam actu habent distinguere constituta admodum.

Secunda Conclusio. Omnia Prædicamenta, vniuersaliter loquendo, distinguuntur se totis subiectiue, non verò se totis obiectiue. Probatur. Quia illa, quæ non conueniunt in aliqua realitate potentiali, contrahibili ad illa per differentias oppositas, distinguuntur se totis subiectiue, vt patet ex definitione tradita not. primo; sed prædicamenta omnia sunt huiusmodi; ergo. Minor probatur. Quia omnia prædicamenta conueniunt in ente finito, quod diuiditur in illis; sed ens finitum non dicit realitatem potentialem, contrahibilem ad illa per differentias oppositas, cum non sit genus, vt probatum est in præcedenti cum Philosopho, & Doctore subtili; ergo. Tum quia prædicamenta sunt primo diuersa, ex Aristotele, 3. Meth. cap. 2. t. 10. & 11. Sed diuersa sunt, quæ in nulla realitate prædicabili de eis conueniunt, ex eodem, quinto Meth. cap. de eodem, diuerso, & differenti, ac simili, t. c. 16. ergo. Secunda Pars probatur. Quia illa sunt eadem se totis obiectiue, quæ conueniunt in aliquo conceptu vniuersali, qui dicatur de illis in quid, ex definitione posita in primo Not. sed omnia prædicamenta conueniunt vniuersali; & quiditativè in conceptu entis, vt probatum est superius, dispur. prima, q. 3. ergo non distinguuntur, sed sunt eadem se totis obiectiue.

Tertia Conclusio. Omnia prædicamenta distinguuntur inter se realiter, non tantum largè, hoc est, ex natura rei formaliter, sed etiam strictè, tamquam res à rebus. Est Scoti clarissimè, quinto Meth. q. 6. Et colligitur ex secundo, d. 1. q. 5. ad secundum princip. in secunda responsione. Et dist. 3. q. 4. sub lit. D. & E. Probatur primo. Quia omnia prædicamenta secundum se tota, sunt primo diuersa, ita ut prædicata, & subiecta vnius, non sint prædicata, & subiecta alterius, secundum Philosophum, primo Posterior. t. 34. ergo realiter distinguuntur inter se. Consequencia patet. Quia oppositum prædicari, inserti oppositum subiecti, si enim non essent sic impermixta, vnum posset esse, vel pars prædicati, vel pars subiecti alterius. Secundo. Nulla res potest esse in duobus prædicamentis; aliter haberet duas essentias, cum contineretur sub aliqua specie, & vna species dicit totam esse in illa diuiduorum; ergo reuocantur in prædicata.

camentorum sunt realiter impermixta. Tertiò. Diuersorum generum, & non subalternatiui positorum, diuersæ sunt species, & differentiæ, & consequenter indiuidua, ex Philosopho, in Antepredicamentis, Regula secunda. Sed omnia prædicamenta sunt diuersa genera, non subalternatiui posita; tùm quia vnum non ponitur sub alio, nec sub vno tertio genere omnia; quia sunt primo diuersa subiectiue, vtprobatur est in secunda Conclusionē; ergo habent diuersas species, & differentias, & indiuidua; atque addò distinguuntur realiter. Quarto. Quæ possunt ab inuicem separari, distinguuntur realiter, ex prima conditione distinctionis realis: sed omnia prædicamenta possunt ab inuicem separari; ergo. Minor probatur. Quia substantia est prior omni accidente, tam absoluto, quam respectiuo, natura, tempore, & distinctione, ex Aristotele, 7. Meth. cap. primo, t. c. 4. quantitas, qualitate; & hæc omnia sunt priora relationibus, cum sint illarum fundamenta, & termini; ergo saltem per Deipotentiam possunt ab inuicem separari.

Dices. Multas relationes identificari suis fundamentis, vt patet de relatione alicuius, similitudinis, proportionis, & inharrentiæ; vt subtiliter probat Doctor, in secundo, dist. prima, q. 4. & 5. In quarto, d. 12. q. 1. Et dist. 13. q. 1. In 3. d. 8. q. vn. Et quod 3. & quinto, ac alibi; igitur saltem prædicamentum relationis, non erit realiter distinctum ab alijs.

Contra. Quia est id verum, quod dicit Doctor, dari nimirum multas relationes, tum intrinsecas, tùm extrinsecas aduenientes, quæ nequeant separari à suis fundamentis, non propterea inferendum est, prædicamentum, seu prædicamenta relationum, non esse realiter distincta à suis fundamentis; siquidem huiusmodi relationes identificatæ realiter, non sunt prædicamentales, sed transcendentales; quod probatur. Quia, quæ conueniunt enti antequam diuidatur in decem genera, non sunt prædicamentalia, sed transcendentalia; sed tales relationes enumeratæ, sunt huiusmodi; ergo. Maior patet. Minor probatur. Quæ conueniunt vniuersaliter rebus omnium generum, conueniunt enti, vt est indifferens ad illa. Patet à simili. Quæ conueniunt omni-

bus animalibus indifferenter, conueniunt illis ratione animalis, vt est indifferens ad omnia animalia; ergo, quæ conueniunt rebus omnium generum, conueniunt enti, vt est indifferens; & sic transcendent; sed huiusmodi relationes conueniunt rebus omnium prædicamentorum: patet. Quia duæ substantiæ dicuntur similes, aliz, proportionales; similiter quantitates, qualitates; similiter omnia accidentia dicuntur inharrentia subiectis; similiter dicendum est de relationibus identitatis, & distinctionis; ergo cum competat rebus omnium generum, non sunt prædicamentales, sed transcendentales; ac proinde inferendum, omnia prædicamenta relationum, posse separari a suis fundamentis. Doctor probat conclusionem inductiue, discurrendo comparatiue per singula prædicamenta, lib. 5. Methaph. quest. 6. & 7. Quæ si non placet probationes iam factæ, desumptæ tamen ab eodem, in secundo, d. 3. q. 4. ex tertia via, lit. D. videantur aliz loco citato in Methaphysica.

Obijciens primo, contra primam conclusionem. Vbi sufficit distinctio per intellectum, non est ponenda distinctio ex natura rei; quia non sunt multiplicanda entia sine necessitate, ex Philosopho, primo Physic. t. c. 51. sed inter prædicamenta sufficit distinctio per intellectum; ergo sufficit distinctio rationis; & superfluit illa ex natura rei. Minor probatur. Quia actio, & passio, sunt duo prædicamenta; sed inter illa non est distinctio ex natura rei; ergo sufficit illa per intellectum. Minor probatur. Tum quia, secundum Aristotelem, tertio Physic. t. c. 19. sunt vnus motus realiter. Tum quia distinctio ex natura rei nequit reperiri, vbi non est compositio; sed actio, & passio reperiuntur in eodem motu sine compositione; ergo ad distinguendum illa duo prædicamenta, erit sufficiens distinctio rationis ratiocinata cum fundamento in re; quatenus nimirum concipit intellectus motum, vt procedentem ab agente, & sic dicitur actio; & prout recipitur in passio, dicitur passio.

Respondetur, negando minorem. Ad probationem, nego iterum minorem, imò inter illa cadit distinctio, non tantum realis largæ, seu ex natura rei, sed etiam realis strictæ. Quia sūt in rebus realiter distinctis;

actio

actio enim est in agente, & passio in passio, quæ ab ipsis denominantur intrinsicè, vt probabimus, tertio physicorum. Ad primam probationem dico, veram esse auctoritatem Philosophi concomitanter, non tamen formaliter; quia sic actio, & passio formaliter sumptæ, cum sint relationes, distinguunt realiter inter se, & à motu, qui est de genere quantitatis. Ad secundam probationem, nego maiorem absolute; quia repetitur in diuinis, & tamen ibi nulla est compositio, nec physica, nec methaphysica, vt pater.

Obijcies secundo. Quia inter gradus essentialis eiusdem rei, non est necessariò ponenda distinctio ex natura rei, sed sufficit per intellectum; at prædicamenta possunt in eadem entitate conuenire, & eorum rationes non distinguantur per diuersos gradus essentialis, sed solum per diuersos modos essendi, vt substantia ab accidentibus per modum per se; & accidentia inter se per diuersos modos inherendi; ergo non est necessariò illa distinguere ex natura rei, sed sufficit per intellectum. Consequentia probatur. Quia minus differunt modi, quam gradus essentialis.

Respondetur, Prædicamenta distinguere ab inuicem, & per gradus essentialis disparatos, essentialiter, & per modos diuersos essendi se totis subiectiue; & consequenter realiter; quia hæc distinctio, cum sit maior reali, infert realem, vt dicunt Formalizantes Scotistæ. Et idè negatur consequentia. Ad cuius probationem dico, magis distinguere prædicamenta per diuersos modos essendi, quam per gradus essentialiter diuersos; quia modi essendi sunt constitutiuus, & distinctiuus se totis subiectiue, & realiter; gradus autem essentialis disparati, tantum formaliter, & essentialiter.

Obijcies tertio, contra tertiam conclusionem. Quia Doctor Subt. 8. Methaphysicæ, q. 1. ad secundum per opinionem dicit, idem potentiale commune ad substantiam, posse esse in diuerso prædicamento, vt est commune ad accidentia; ergo idem realiter, & distinctum formaliter potest esse diuersorum prædicamentorum. Deinde, in secundo, l. 1. q. 3. ad secundum principale, putat probabile, relationem creaturæ ad Deum, quæ est identificata realiter creatu-

ræ, posse esse in prædicamento relationis, & si creatura spectet ad aliud prædicamentum; ergo prædicamenta, secundum Scotum, saltem aliqua, sunt tantum diuersa formaliter, & non necessariò realiter.

Respondetur primo cum P. Cauello doctissimo meo Magistro in Scholijs ad citata loca Doctoris, Scotum fuisse problematium in hac materia; quidem in locis adductis, est contentus diuersitate formali, seu ex natura rei, inter prædicamenta diuersa; sicut lib. 5. Methaphysicæ, q. 6. & in secundo d. 3. q. 4. D. & E. probat subtiliter, prædicamenta distinguere realiter, tamquam res à rebus. Ex quibus manifestè conuincitur eius varietas; ac propterea non potest adduci nec pro, nec contra conclusionem.

Vel dicendum secundo, negando vtramque consequentiam. Imò firmiter tenendum est cum Scoto, omnia prædicamenta esse diuersa realiter, & non tantum formaliter. Nec loca adducta quidquam facerunt negotij, vt propterea cogamur à priori sententia discedere; quippe qui, idè dixit in 8. Methaphysicæ, q. 1. idem potentiale, seu perfectibile in ordine ad formam substantialem, & accidentalem, esse posse in diuersis prædicamentis, quia putauit illud esse vniuocum, secundum communem sententiam; atqui cum hoc esse falsum conuincatur ex eo, quod enti substantiali, & accidentali, secundum ipsum, nihil detur commune vniuocum limitatum, consequenter dicendum est, non idem potentiale, & perfectibile, sed diuersa realiter, spectare ad diuersa prædicamenta.

Ad secundum locum de secundo sent. d. prima, q. 5. facilius est responsum. Quia non asserendo, sed referendo, dixit de mente aliorum, vt possent saluare, relationem creaturæ ad Deum esse prædicamentalem, prædicamenta esse diuersa tantum formaliter, loquendo de mente propria; cum alias probauerit huiusmodi relationes, identificatas suis fundamentis realiter, esse transcendentes, & non prædicamentales, confirmauit tacite propriam sententiam, quam lib. 5. Meth. q. 6. acriter probauerat, nimirum prædicamenta distinguere inter se realiter.

Obijcies quarto, Mobilias, risibiles, & huiusmodi relationes aptitudinales substantiarum, sunt illis realiter identificata, secundum

nostram sententiam, ac proinde in prædicamento substantiæ reductiue collocandæ; atqui adhuc sunt in prædicamento relationis, cum sint intrinsecus aduenientes; ergo res vnius prædicamenti non distinguitur realiter, sed tantum formaliter à re alterius prædicamenti. Confirmatur. Quia passio est in prædicamento qualitatibus; sed talis identificatur realiter cum subiecto, quod est in alio prædicamento; ergo eadem res realiter, & distincta formaliter, spectabit ad diuersa prædicamenta.

Respondetur, concessa maiori, negando minorem. Siquidem huiusmodi relationes aptitudinales, cum sint identificate realiter suis subiectis, sunt reductiue in prædicamenti suorum subiectorum, & non in prædicamento relationis; quia sunt transcendentes, & non prædicamentales. Ad probationem dico, non esse propriè relationes intrinsecus aduenientes; quia non resultant, positis fundamento, & termino, cum careant terminis in actu; aliter non dicerentur aptitudinales; sed pro tanto possunt dici intrinsecus aduenire, quia emanant à principijs intrinsecis subiecti, vel fundamenti; & sibi identificantur realiter.

Ad confirmationem dico, maiorem esse veram, sumendo passionem pro qualitate inferente passionem in sensibus; sed nego postea, hanc esse identificateam realiter suis subiectis, imò realiter separatur ab eis; falsam verò si sumatur passio pro inclinatione naturali, seu proprietate intrinseca; quia hæc cum sit identificatea realiter suo subiecto, est reductiue in illo prædicamento, in quo eius subiectum, colloca-

tur. Obijcies quinto, ex Doctore Subtili. Quia figura est in genere quantitatis, dum per se consideratur à Geometria, cuius est agere per se de quantitativis; sed etiam est in prædicamento qualitatibus, per Aristotelem, cap. de qualitate; ergo idem realiter spectabit ad duo prædicamenta.

Respondetur, ex eodem ibidem, figuram esse vocem æquivocam; siquidem significat superficiem terminatam lineis; & sic est in genere quantitatis; & ut sic, consideratur à Geometria; alio modo significat ipsam clausuram linearum, seu earumdem terminationem; & sic est in genere qualitatibus. Un-

de non sequitur, idem, sed diuersa realiter, spectare ad diuersa prædicamenta.

Obijcies sexto. Scientia est in genere qualitatibus; quia spectat ad primam speciem, seu modum qualitatis; sed scientia est per se relatiuum, ex Philosopho, cap. de Ad aliquid; & quinto Methaph. t. c. 20. ergo idem realiter spectat ad diuersa prædicamenta; & sic non distinguuntur realiter, sed formaliter.

Respondetur, ex Doctore loco citato, ad tertium principale, quod scientia est nomen æquivocum; aut enim significat habitum mentis, aggregatum ex frequentatis actibus sciendi, & sic est qualitas; aut dicit relationem ad obiectum scibile; & sic est relatiuum pertinens ad tertium modum relatiuorum. Ex quo non sequitur, vnum, & idem realiter, & diuersum formaliter, spectare ad diuersa genera. sed potius diuersa realiter, collocari in distinctis prædicamentis realiter. Plura alia asserit Doctor contra hanc conclusionem; sed quia soluuntur ex dictis, & dicendis, ideo modo omituntur.

Verum omnia entia realia, reponantur in Prædicamentis?

Q V Æ S T I O I I I.

IN hac questione, cum sit sermo de omnibus entibus realibus, siue finitis, siue infinitis, siue limitatis, siue illimitatis, siue completis, siue incompletis, siue tandem sint communia siue particularia, est multiplex opinio.

Prima sententia est eorum, qui collocant omnia entia in prædicamentis; nec ab ipsis excludunt Deum, & ea, quæ dicuntur de Deo. Ita Gregorius Arimin. Gabriel Biel, cum cæteris Nominalibus, in primo, d. 8. q. 3. Holbooth ibidem, q. 6. & Io. Bachonis, dist. 9. q. 1. ac alij pauci.

Secunda sententia est D. Th. lib. 7. contra Gentes, c. 24. & 25. Ferrariensis ibidem, Caiet. in primam par. D. Th. 3. art. 5. Alensis, 1. p. q. 48. membrum 5. art. 2. & 3. Scoti, in primo, d. 8. q. 3. Ricardi, Durandi, & Egidij bi. dem; & terè omnium, tum Theologorum, tum Philosophorum, asserentium, nec Deum, nec aliquid dictum de Deo fore collocandum in prædicamentis; siquidem

ms.,

ens, quod diuiditur in decem Genera, non ens transcendens est, sed contractum per finitatem, sub quo non collocatur Deus, cum sit infinitus.

Alij verò loquentes de rebus finitis, ac limitatis, dicunt partes, tum physicas, tum metaphysicas, per se pertinere ad prædicamentum. Ita Louanienses, & Villapandus, secuti ex Antiquis, Ammonium, cap. de substantia.

Oppositum tamen communiter docemur sustinere, cum D. Th. prima par. q. 29. art. 4. Scotus hic, q. 15. Caiet. & Soto, cap. de substantia. Toletus ibidem, q. 5. Ruuius de incomplexis, cap. 4. q. 1. part. 2. nimirum partes, tam physicas, quam metaphysicas reponendas esse in prædicamento, tantum indirectè, ac reductiue.

Alij insuper dicunt, indiuiduum non spectare per se, sed tantum ratione speciei, quam participat, ad prædicamentum. Ita Iauellus in logica, tract. 5. cap. 1. fundatus in Porphyrio, de specie, ubi inquit. Descendendo à supremo genere, usque ad speciem infimam, in eadem subebat Plato quiescere.

Oppositum tamen communiter tenetur ab Expositoribus, & præcipuè à Doctore Subtili in secundo dist. tertii, q. 4. sub D. & E. quem secuti sunt Ruuius loco citato, & Fonseca, 5. Meth. cap. 7. q. 7. sect. 2. & q. 8. sect. 3.

Alij denique, loquendo de accidentibus, excludunt concreta, & dumtaxat abstracta reponunt in prædicamentis. Ita D. Thomas de Ente, & essentia, cap. 7. in fine. Auicenna. 2. Methaphys. cap. 3. Paulus Venetus in Antepædicamentis, cap. 4. & nonnulli, alij Thomistarum, quos recenset Mastrius, disp. 6. q. 3. n. 18.

Cæterum Toletus, q. 2. Prædicamentorum ex communibus, Niphus, 5. Methaphys. quæst. 4. & 7. excludunt ex opposito abstracta, & reponunt tantum concreta in prædicamentis. Alij tandem dicunt, res ponendas esse in prædicamento utroque modo. Ita Auersa hic, quæst. 16. sect. 5. Ruuius cit. quæst. 2. & alij Recentiores.

An verò Doctor Subt. sequatur hanc, vel illam opinionem, non est ita manifestum; quandoquidem, quæst. 5. hic, in responsione ad illud de concretis &c. dicit,

concreta non esse per se in prædicamento, sed tantum reductiue, ratione suorum abstractorum. Ex quo videtur mediare inter duas priores sententias, dum affirmat contra primam, etiam concreta esse in genere; & dum negat contra secundam, esse in genere diuerso ab illo abstractorum.

Pro resolutione huius multiplicis quæstionis plura sunt notanda; & primo, quod res poni in prædicamento, est ipsas ordinari secundum sub, & supra; ut patet in Prædicamento substantiæ, in quo corpus ordinatur sub substantia; corpus animatum sub corpore; animal sub corpore animato, &c. Hæc autem ordinatio dupliciter potest fieri; & in propositione vocali, & in mentali. Primo modo ordinantur voces exprimentes res, sic dicendo. Petrus est homo; homo est animal; animal est corpus animatum; corpus animatum est corpus; & corpus est substantia. Secundo modo ordinantur res, utpotè concipiendo vnam in ratione inferioris in ordine ad aliam in rationem superioris, ascendendo usque ad supremum prædicatum, quod est substantia. Ex quo sequitur, tam voces, quam res esse possias in prædicamento, sed diuersimodè; nam res ponuntur principaliter; voces verò minus principaliter, pro quanto videlicet sunt expressiue rerum in propositionibus vocalibus.

Secundo notandum, ex dictis supra, disp. prima q. 3. & ex Doctore, in primo sent. d. 8. q. 4. N. ens reale transcendens, comprehendere sub se ens infinitum, quod est Deus, & omnia, quæ sunt in Deo formaliter. Vt essentia Divina, Trinitas Personarum, Potentia, Sapientia, Bonitas, Iustitia, Misericordia, Intellectus, Voluntas, & alia; ac finitum, quod immediate diuiditur in decem prædicamenta, & sub se continet omnes substantias, siue corporeas, siue incorporeas; omnes quantitates, tam continuas, quam discretas; omnes qualitates, tam corporales, quam spirituales; & omnes relationes, siue intrinsecas, siue extrinsecas aduenientes. Ex quo patet, ens diuisum in decem prædicamenta, non esse superius ad Deum, nec quo ad existentiam, nec quo ad conceptum obiectiuum prædicabilem de eo; sed esse ens finitum, excludens ipsum

Deum, & omnia, quæ dicuntur de ipso formaliter, vel identice. Et quia non quodlibet ens finitum est reponibile in prædicamento; ideo.

Tertio notandum est, quod octo sunt conditiones, quæ requiruntur, ut aliquid sit in aliquo decem prædicamentorum. Prima conditio est, quod sit ens. Et per hanc excluduntur non entia, ut sunt negationes, privationes, & chimæ. Secunda, quod sit ens reale. Et ideo ab his decem prædicamentis excluduntur entia rationis, cuiusmodi sunt secundæ intentiones, siue logicales, siue grammaticales; quia de eis datur proprium prædicamentum, ut videbimus in sequenti. Tertia, quod sit finitum. Et per hanc excluduntur entia infinita, quæ non sunt in prædicamentis, sed transcendunt. Quarta, quod sit limitatum. Et per hoc excluduntur entia finita illimitata; ut bonum, verum, res, aliquid, & huiusmodi, quatenus conveniunt enti finito. Quinta, quod sit incomplexum. Et ideo complexa, ut sunt propositiones, non sunt in genere. Sexta, quod sit univocum. Et per hoc excluduntur voces æquivocæ; ut canis, sanum &c. Septima, quod sit significatur principaliter. Et ideo excluditur subiectum in accidentibus concretivè sumptis; quia est minus principaliter significatum ab illis. Octava, quod non sit actu existens, sed habeat esse cognitum. Quod dicitur præcipue propter individua; siquidem talia non ponuntur in prædicamento secundum actualem existentiam, quam habent extra suas causas, sed ut cognoscuntur ab intellectu actu recto, & secundum rationem communem ab illis abstractam.

Quarto notandum est, quod illa, quæ reponuntur in prædicamento, tripliciter ordinari possunt, scilicet directe, indirecte, & reductivè. Illa, quæ ponuntur directe sunt, quæ ordinantur in recta linea; & sunt genera, species, & individua. Illa verò ponuntur indirecte, quæ ordinantur à latere hinc inde generum, & specierum; & sunt differentie genericæ, specificæ, & individuales, ut patet in arbore Porphyriana. Illa denique reductivè ponuntur, quæ neutro horum modorum ordinantur, sed tantum aliquo modo attribuuntur ad genera, species, & individua. Et hæc sunt in

quaduplici differentia; siquidem quedam reducuntur, ut passionis ad sua subiecta cum quibus identificantur; ut risibile ratione hominis; hinnibile causa æqui, &c. Alia tamquam partes, siue essentialia; ut materia, & forma ad corpus; anima, & corpus ad animal, seu ad vivens; siue integrales; ut caput, brachia, &c. sunt in eo prædicamento, in quo ponuntur eorum tota, tum essentialia, tum integralia. Alia reducuntur quasi per accidens, ut potest, quia habent modum principij, vel termini alicuius, quod per se reponitur in aliquo genere; ut punctum in linea; muratum esse in motu; & instans in tempore; quæ reponuntur in prædicamento quantitatis, in quo sunt linea, motus, & tempus. Alia tandem per accidens reducuntur; ut sunt privationes, & negationes, quæ sunt in illis prædicamentis, in quibus sunt earumdem positiva, vel habitus; ut negatio hominis, per accidens ponitur in prædicamento substantiæ; cæcitas, & surditas, in prædicamento visus, & auditus. Ex quibus patet, quod omnia entia creata, finita, & limitata aliquo horum modorum disponuntur in prædicamentis ab Aristotele enumeratis.

Quinto notandum est, partes alicuius totius esse in duplici differentia; alie enim dicuntur physice, & alie methaphysice. Physicæ adhuc duplices, scilicet essentielles, quæ componunt totum essenziale; ut materia, & forma respectu compositi; anima, & corpus respectu viventis; & integrales; ut caput, brachia, manus, pedes respectu corporis, quod est totum integrale. Methaphysicæ sunt, quæ componunt totum methaphysicum, scilicet speciem; ut sunt genus, & differentia, scilicet animal, & rationale, in ordine ad hominem. Partes omnes, siue physice, siue methaphysice, siue essentielles, siue integrales, reponuntur tantum indirecte in prædicamentis; siquidem de illis nequeunt prædicari directe earum tota, nec supremum illius coordinationis; illæ enim sunt falsæ. Materia est compositum, & substantia; forma est compositum, & substantia;

ria : caput ; & brachia sunt corpus, & substantia . Licet benè indirectè, & in obliquo, quia hæ sunt veræ . Materia, & forma sunt aliquid compositi, & substantiæ : caput, & brachia sunt aliquid corporis, & aliquid substantiæ . Similiter in Methaphysicis hæ sunt falsæ . Rationale est substantia : animal, quatenus pars hominis, est substantia . Quod dicitur notanter ; quia & si animal, vt est quoddam totum compositum ex corpore animato, & sensibili, ponatur directè in prædicamento, & recipiat prædicationem in recto à substantia in communi, tamen vt est pars hominis, nec directè ponitur in prædicamento substantiæ, nec in recto recipit prædicationem à supræmo genere, sed tantum in obliquo, scilicet animal est aliquid substantiæ .

Sexto notandum est, partes integrales esse adhuc duplices, scilicet homogeneæ, & etherogeneæ . Partes homogeneæ sunt, quæ sunt eiusdem rationis cum suo toto ; vt partes aquæ, terræ, ignis, & huiusmodi ; quia recipiunt prædicationem in recto ab ipsis quælibet pars aquæ, est aqua ; quælibet pars terræ, est terra ; & quælibet pars ignis, dicitur ignis . Partes verò Etherogeneæ sunt, quæ sunt alterius rationis a suis totis, & inter se, vt manus, pedes, brachia, caput &c. Omnes autem possunt adhuc dupliciter accipi ; vno modo vt considerantur per se, seu iunctæ à toto, & à se inuicem ; & sic induunt rationem totius ; quia sic vna pars aquæ dicitur tota aqua composita ex alijs partibus ; & caput dicitur quoddam totum compositum, necdam essentialè, quia constat ex materia, & forma, sed etiam integrale, quia componitur ex partibus habentibus quantitatem . Alio modo vt sunt, & considerantur vnitæ suis totis ; & sic nequeunt habere rationem totius ; sed tantum partium ; siquidem totum integrale constat ex omnibus partibus integralibus . Partes omnes, siue homogeneæ, siue etherogeneæ, vt sunt vnitæ suis totis, sunt tantum indirectè, seu reductiue in illis prædicamentis, vbi directè ponuntur eorum tota ; quia, vt sic, nequeunt recipere prædicationem in recto à supræmo illius coordinationis . Si verò considerentur seiunctæ, cum iudant rationem totius, quælibet directè ponitur in prædicamento ; quia tunc sunt entia completa,

contenta sub genere corporis ; & consequenter substantiæ in communi, quæ prædicatur in recto de omnibus corporibus .

Ex his, fit prima Conclusio . Nullum ens infinitum ponitur in aliquo decem prædicamentorum . Et sic Deus, eius essentia, existentia, Trinitas personarum, attributa diuina, scilicet Bonitas, Iustitia, Misericordia, Sapientia, Omnipotentia, Intellectus, & Voluntas diuina, ac cætera huiusmodi, excluduntur à prædicamentis . Est D Thom. & Scoti in præcatis locis . Probatur primo Auctoritate Sanctorum Patrum Augustini, lib. de Cognitione veræ Vitæ, cap. 3. Anselmi in Monologio, cap. 26. Boetij, lib. primo de Trinit. c. 6. In super Philosophorum, scilicet Auicennæ, 8. Methaphyl. cap. 4. Auerrois, disputat. 7. & aliorum multorum dicentium, Deum, vel aliquid dictum de Deo non esse in genere ; alioquin daretur in ipso imperfectio aliqua, & compositio, saltem ex genere, & differentia ; quæ repugnant Diuinæ simplicitati . Secundo Probatur ratione . Quia illud ens ponendum est in aliquo prædicamento, quod continetur sub ente, quod immediatè diuiditur in decem genera, seu prædicamenta ; sed sub tali non continetur Deus, nec aliquid dictum formaliter in quid de Deo ; ergo . Maior patet . Quia ad hoc, vt diuisio sit bona, diuisum, & membra diuidentia debent esse adequata, & diuisum descendat in membra diuidentia ; ergo illud est ponendum in aliquo decem prædicamentorum, quod continetur sub ente diuiso in decem prædicamenta . Minor probatur . Quia ens, quod diuiditur in decem prædicamenta non est ens commune transcendens ad finitum, & infinitum ; alioquin prædicamenta essent simul finita, & infinita, quod implicat contradictionem ; ergo vel est finitum, vel infinitum ; atqui non est infinitum ; ergo restat, vt ens diuisum, sit ens finitum, vt contradistinguitur ab infinito . Assumptum probatur . Quia infinitum nequit claudi certis limitibus ; aliter esset finitum ; sed ens diuisum in decem genera clauditur decem terminis, seu limitibus, quæ sunt genera generalissima

ergo diuifum in decem prædicamenta, non est ens infinitum. Reflat ergo, vt fit ens finitum, sub quo non continetur Deus, nec aliquid dictum de Deo, quia quodlibet est infinitum, faltem realiter. Tertiò probatur. Quia quod ponitur in genere, est compositum methaphysicè ex genere, & differentia; sed nullum infinitum est sic compositum, cum fit summe simplex, ex Philosopho, 12. Methaph. l. c. 37. & 38. ergo nullum infinitum ponitur in genere. Maior patet. Quia genus habet rationem potentie, & differentia rationem actus, ex eodem Philosopho, 8. Methaph. l. c. 9. & Aueroe, disp. 7. Contra Algazelam; ergo quod ponitur in genere, est compositum ex genere, & differentia.

Secunda Conclusio. Parres Methaphysicæ, vt partes sunt, scilicet genus, & differentia, vt sunt partes speciei indirectè tantum; partes verò essentielles, & integrales physicæ, vt partes sunt, & vnitæ toti, reductiue dumtaxat ponuntur in prædicamento, non autem directè. Est Scoti, q. 14. & 15. in Prædicamentorum librum. D. Thomæ, & aliorum, quos citauimus in oppositum tertie sententie. Probatur prima pars de Partibus Methaphysicis. Quia illa ponuntur indirectè in aliquo prædicamento, quæ non ponuntur in recta linea, sed in lateralibus; atqui partes Methaphysicæ sunt huiusmodi; ergo. Maior patet. Minor probatur. Quia differentia cum sint diuifusæ generum, & constitutæ specierum, ponuntur à latere; Genus verò licet vt est generalissimum, vel vt species subalterna, disponatur in recta linea, tamen vt est pars speciei, debet reperiri in ordine laterali, sicut, & differentia. Secunda pars, de partibus physicis probatur. Quia illa, quæ ponuntur in prædicamento ratione alicuius, quod per se, & directè ponitur in genere, ponuntur tantum reductiue in prædicamento, vt patet ex notab. quarto; sed partes physicæ, siue essentielles, siue integrales, ponuntur in prædicamento ratione suorum totorum, quæ per se, & directè ponuntur in prædicamento, cum sint entia completæ, contenta sub corpore, seu sub substantia corporea; ergo tantum reductiue ponuntur in prædicamento. Tertia pars, quod non sint directè in genere probatur simul de omnibus. Quia nullo quod est per se directè in prædicamento.

prædicatur in recto supremum illius prædicamenti; sed de partibus, siue physicis, siue methaphysicis, non prædicatur in recto, sed tantum in obliquo supremum illius prædicamenti; ergo non sunt per se, & directè in prædicamento. Maior patet. Quia prædicamentum est coordinatio prædicatorum essentialium secundum sub, & supra, idest secundum subiectionem & prædicationem, ex Philosopho in Antepredicamentis, cap. 3. regula prima, dicente. Quando alterum de altero prædicatur, vt de subiecto, quæcumque de eo, quod prædicatur, dicuntur, omnia de subiecto dicuntur. Quæ secundum omnes expositores, manifestat ordinem eorum, quæ ponenda sunt directè in aliquo prædicamento; vt potè quod superius debeat prædicari in recto de quolibet inferiori in quid, & vniocè. Minor etiam est clara. Quia hæc sunt falsa prædicata Materia est substantia; forma est substantia; manus pes, brachium sunt substantiæ: similiter hæc est falsa. Rationale est substantia; animal, vt est pars essentialis hominis, est substantia; licet sit vera; vt animal, est quoddam totum compositum ex corpore animato, & sensibili; prædicatur tamen de illis substantia in obliquo; quia hæc sunt veræ. Materia, & forma sunt aliquid substantiæ; manus, pedes &c. sunt aliquid substantiæ; ergo non directè, sed tantum indirectè, & reductiue ponuntur in prædicamento substantiæ.

Tertia Conclusio. Individuum, secundum esse cognitum ab intellectu, & vt abstrahit ab actuali existentia, est directè in prædicamento. Est Scoti in secundo, d. 3. q. 4. & communiter defenditur. Contra lauellum, tract. quinto logicæ, cap. 1. dicentem, tantum vniuersalia esse directè in prædicamento; particularia verò, ratione ipsorum. Probatur. Quia ens completum, quod per se recipit prædicationem à supremo alicuius coordinationis, est directè in tali coordinatione, ex præcedenti conclusione; sed individuum est huiusmodi; ergo. Minor probatur. Quia individua sunt composita ex natura specifica, & differentia individuali, vt patet; & recipiunt prædicationem immediate à specie; deinde à genere subalterno; & tandem à generalissimo per illam Regulam Antepredicamentalem. Quando alterum de altero prædicatur &c. valeat enim.

¶ *¶* nim ista prædicatio. Petrus est homo, animal, corpus animatum, corpus, & substantia; ergo supremum coordinatōis substantialis prædicatur in recto de indiuiduis; ac proinde sunt directè in prædicamentis.

Quarta Conclusio. Concreta, & abstracta reponuntur in eodem prædicamento; hæc per se, illi vero ratione identitatis in significato principali. Est Scoti, q. XI. Prædic. §. Ad illud de concretis &c. in Elench. q. 16. & q. vltima Vniuersalium. ac 9. Metaphysicæ, q. 3. & 4. Probatur à Ruino citato, q. 2. n. 27. Prædicamentum fit ex entibus per se, & completis; sed concretum est vnum per se, & completum; ergo concretum est per se in prædicamento. Minor probatur. Quia sicut ex potentia, & actu substantiali fit vnum per se substantiale, ex Aristotele, secundo de Anima t. c. 2. ita ex natura accidentali, scilicet ex abstracto, & modo proprio accidentali actualis inherentiæ accidentis ad subiectum per se componitur concretum. Cæterum hæc probatio nihil valet. Quia fundatur in falso fundamento, nimirum accidens concretum esse compositum ex natura accidentis, vt ex potentia materiali, & inherentiæ actuali ad subiectum, sicut ex actu, seu forma. Tum quia accidens non est compositum ex materia, & forma physica, ex Aristotele. 8. Metaphysicæ. 13. & 14. Tum etiam, quia ex absoluto, & respectivo, non potest fieri vnum per se; sed natura accidentis, vt puta albedo, est quid absolutum, & inherentiæ actualis eiusdem ad subiectum est respectus, vt probauimus, q. vltima de Accidente; ergo concretum coalescens ex tali natura, & inherentiæ actuali, non potest esse vnum per se. Maior patet. Quia data hypothesi, in eodem essent impossibilia per se vnita, & contradictoria; siquidem esset ad se, & non ad se; ad aliud, & non ad aliud; quod implicat in eodem simul, & semel.

Ideo aliter probatur prima pars de mente Doctoris. Concretum, & abstractum conueniunt in significato principali, & differunt tantum in modo significandi grammaticaliter, scilicet per operationem intellectus; ergo qua ratione abstractum est in vno prædicamento, eadem ratione, & concretum ibi erit. Consequentia patet. Quia si tantum remouetur concretum à prædi-

camento sui abstracti, in quantum habet significatum diuersum realiter, & non tantum per operationem intellectus; igitur si concretum, & abstractum conueniunt realiter, & formaliter in eodem significato, & tantum differunt ratione, spectabunt ambo ad idem prædicamentum. Secunda pars probatur. Quia quod habet esse per se, & completum, & de ipso prædicatur in recto supremum illius prædicamenti, per se ponitur in prædicamento; sed abstractum est huiusmodi; ergo. Maior patet ex dictis in notabilibus. Minor probatur. Quia abstractum importat naturam accidentis per modum per se stantis. Tum etiam, quia hæc est vera; albedo est qualitas; superficies est quantitas, & sic de cæteris; non tamen album est qualitas, sed quale; igitur &c. Tertia pars probatur. Quia de concretis non prædicatur per se, & directè supremum prædicamentum, sed tantum in quantum conueniunt cum abstractis in significa to principali realiter, & formaliter; ergo concreta non ponuntur per se in prædicamentis, sed tantum per attributionem ad abstracta. Consequentia patet. Antecedens probatur. Quia hæc est falsa; album est qualitas; album est color; licet in obliquo hæc sit vera: album est ex qualitate, scilicet ex albedine; ergo sicut per attributionem ad abstracta, concreta recipiunt prædicationem supremi alicuius prædicamenti, ita per attributionem ad abstracta ponuntur in prædicamentis.

Quinta Conclusio, qua directè respondetur titulo questionis. Non omnia entia reponuntur in prædicamentis, sed tantum entia realia, finita, & limitata, incomplexa, vniuoca, significata principaliter, secundum esse cognitum ab intellectu, sub ratione subiectionis, & prædicationis. Conclusio remanet probata ex dictis, tum in Notandum etiam in præcedentibus conclusionibus. Potest nihilominus declarari etiam sic. Quia illa, quæ ponuntur in prædicamentis, aut ponuntur directè, & sic genera, species, & indiuidua sunt in prædicamento; aut indiuiduè; & sic sunt differentiæ genericæ, specificæ, & indiuiduales; aut tamdem reductiuè; & sic ponuntur passionēs, partes essentielles, & integrales, principium, & terminus alicuius quantitatis; atqui omnia talia sunt entia, realia, finita, limitata, in-

complexa, significata principaliter, vniuoca, & secundum esse cognitum possunt considerari ab intellectu in ratione subiectiōis, & prædicationis; ergo ea, quæ reponuntur in prædicamentis, sunt entia realia, &c. Maior, & minor sunt manifestæ ex dictis.

Obijcies primo, contra primam conclusionem. Quod continetur sub aliquo prædicabili de pluribus differentibus specie in quid, ponitur in genere; sed Deus, & ea, quæ de ipso dicuntur, sunt huiusmodi; ergo Deus est in genere; sed quod est in genere, est in prædicamento; ergo Deus est in prædicamento. Maior patet. Minor probatur. Quia spiritus prædicatur de Deo, & de Angelis, qui differunt specie.

Respondetur primo, maiorem esse veram, si tale sit finitum, & limitatum, non tamen si sit transcendens, & illimitatum; modo spiritus est quid transcendens, & illimitatum; quia cum conueniat non tantum Angelis, & animabus, sed etiam Deo, competit etiam transcendenti, vt est commune ad finitum, & infinitum.

Vel dicendum secundo, negando minorem. Ad probationem dico, spiritum non esse genus ad Deum, & Angelos, ac animas rationales, cum non sit vniuocum, sed æquiuocum; quandoquidem spiritus dicitur de pluribus secundum diuersos conceptus, nimirum de Deo, vt est substantia infinita expers corporis; de Angelis, & Animabus, prout sunt substantiæ finitæ; & tandem de quibusdam partibus corporeis, quæ ob eam subtilitatem, ab Aristotele, & cæteris Philosophis, spiritus vitales nuncupantur.

Obijcies secundo. Aristotelem, quarto Topic. c. 2. dicentem, Deum esse in genere animalis; sed animal est in prædicamento substantiæ; ergo Deus est in prædicamento substantiæ. Maior patet ibidem, vbi dicit, Deum conuenire nobiscum, in quantum est animal; differre tamen, quatenus immortalis; vnde Porphyrius, cap. de differentia inquit. Rationales sumus nos, & Dij, sed mortale additum nobis, separat nos ab illis.

Respondetur, quod tam Aristoteles,

quam Porphyrius locuti sunt de Deo, vel Dij more Ethnico; putabant enim, Deos esse quædam animalia composita ex corporibus subtilissimis, nullatenus corruptionis consortia, & consequenter immortalitate donata, per quam a nobis mortalibus distinguerentur; & tales vtique Dij, si darentur, essent vtique in genere, quia forent entia finita, ac limitata, non autem verus Deus; qui cum sit infinitæ perfectionis, sibi repugnat claudi in aliquo genere, imperfectiōem præferente, vt potentiali, & perfectibili per differentiam.

Obijcies tertio D. Damascenum in Elementario, cap. 8. dicentem, Deum esse in genere. Et Boetius, lib. primo de Trinit. cap. 6. videtur dicere, in Diuinis manere duo prædicamenta, scilicet substantiæ, & relationis; alia verò mutari cum transferuntur ad Diuina; sed hi loquuntur de vero Deo; ergo. Deus est in genere.

Respondetur, D. Damascenum locutum fuisse de genere abusuè, pro eo nimirum, quod prædicatur de pluribus ad modum specierum differentibus, & in quid; quæ ratione, etiam ens transcendens, commune Deo, & creaturæ, potest appellari genus; cum prædicetur de illis ad modum generis; non tamen de natura generis, proptiè, & quiditatiuè accepta; quia sic ens non est genus, cum non dicat realitatem quasi potentialem contrahibilem per differentias oppositas, sed solum conceptum vniuocum communem Deo, & creaturis.

Ad aliam Auctoritatem Boetij, breuiter dico cum Doct. Subtilli, in primo sent. d. 8. q. 3. V. non fuisse intentum Boetij ponere in Deo prædicamenta substantiæ, & relationis, quæ sunt duo genera, aliquin imperfectiōnem posuisset in ipso; sed tantum modum prædicandi substantiæ, scilicet in quid, & essentialiter; & modum prædicandi relationis, scilicet in ad aliud se habere.

Vel dicendum, posse in Deo reperiri substantiam, & relationem transcendentialem, nimirum prout substantia dicit ens per se, & relatio ens ad aliud, ab-

abstrahendo à substantia, & relatione creata, & increata. Et hoc modo possunt explicari omnes, & similes auctoritates, quæ viderentur dicere, Deum, vel aliquid dictum de Deo, esse in genere.

Objicies quarto, contra secundam conclusionem. Substantia completa, per se, & essentialiter componitur ex materia, & forma, & substantialiter integraliter ex partibus integralibus; ergo implicat, completam substantiam, cuiusmodi est totum per se, poni directè in prædicamento, quin, & partes similiter ponantur.

Respondetur, negando consequentiam. Siquidem distinctio realis inter totum completum, & partes incompletas obstat, quin partes valeant reponi directè in eodem prædicamento, in quo totum reponitur; sufficit enim, ut ad ipsum aliquo modo reducantur.

Objicies quinto, de partibus Methaphysicis. Quia aut differentie excluduntur per se, & directè à prædicamento, quia sunt conceptus simplices, aut quia sunt conceptus incompleti; sed neutrum est dicendum; ergo, & ipsæ erunt directè in prædicamento. Minor probatur. Quia etiam genus, ut genus, dicit conceptum simplicem, & incompletum, cum sit pars potentialis speciei; igitur si hæc non obstant, quominus possit poni directè in genere, etiam ips non obstantibus, & differentia poterit poni directè in prædicamento.

Respondetur, negando minorem. Ad probationem dico, genus posse dupliciter considerari, vel in ratione partis potentialis constituitur speciei, vel in ratione totius potentialis continentis sub se species, & differentias per identitatem. Primo modo non habet reponi in prædicamento directè, sed tantum reduciue ratione speciei, cuius est pars. At secundo modo, cum dicat esse completum, licet potentialiter, poterit bene reponi directè in prædicamento.

Dices. Igitur genus, cum habeat rationem partis, & totius, erit simul directè, & indirectè in prædicamento; quod videtur inconueniens.

Respondetur primo, negando consequentiam. Quia cum ratio totius præualeat in perfectione rationi partis, imò per identitatem, & potentialitatem imbutin se eandem rationem partis; idè tantum directè habet reponi in prædicamento; & differentia, cum habeat tantum rationem partis, & nullo modo totius, tantum indirectè ponenda erit.

Vel dicendum secundo, concedendo consequentiam; nec indè vllum sequitur inconueniens; siquidem res cum ponantur in prædicamento secundum esse cognitum ab intellectu, & intellectus concipiat in genere vtramque formalitatem totius, & partis, inter se formaliter distinctas, poterit vtrique secundum formalitatem totius directè, & secundum formalitatem partis indirectè, poni in eodem prædicamento.

Objicies sexto, contra tertiam conclusionem. Individuum non clauditur infra limites prædicamenti; ergo non poterit poni directè in prædicamento. Consequentia patet. Antecedens probatur, per Porphyrium, cap. de specie, dicentem; quod descendendo à generalissimo vsque ad speciem infimum in ea quiescendum est; ergo prædicamentum clauditur generalissimo in ascensu, & in descensu specie specialissima; cum igitur individuum sit sub specie specialissima, erit extra seriem prædicamenti.

Respondetur, negando antecedens. Ad probationem dico, ibi non disponi seriem prædicamenti completiue sumpti, quod consistit in quacumque prædicatione, & subiectione possibili, & limitata, sed tantum enumerari prædicabilia essentialia de pluribus; & idè cum infimum prædicabile de pluribus in quid, sit species specialissima, iure conclusit, in ea quiescendum. Nec propterea excludit individuum à serie prædicamentali, siquidem cum subijciatur immediatè speciei, & recipiat prædicationem ab ipsa, spectabit ad eandem seriem.

Objicies septimo, contra quartam conclusionem. Aristoteles tertio Topicorum, capit. primo, & tertio inquit, iustitiam vtrique esse in genere, non tamen iustum; sed iustitia est abstractum, & iustum concretum; ergo tantum ab-

tracta erunt in prædicamento. Item, septimo Methaphysic. 25. docet expressè album, & musicum, quæ sunt concreta, non habere unam essentiam determinatam, & per se, sed significare res diversorum prædicamentorum; ergo concreta nequeunt reponi in aliquo prædicamento, aliter idem posset esse in diversis prædicamentis, quod est contra dicta superius.

Respondetur ad primam auctoritatem, Aristotelem locutum fuisse de genere virtutis, non de logico, seu prædicamentali, de quo loquimur in præsentī: in priori reponit iustitiam; quia cum tale sit idem, quod virtus, & iustitia sit virtus moralis, consequenter dicitur esse in genere virtutis moralis; non excludit tamen iustum, ut potè concretum, à genere logico, seu prædicamentali; quod manifestè patet ex verbis, quæ subdit. Deinde quod ipsum quod est, eo quod non in genere, ut iustitia iusto; nam illa quidem in genere bono, hoc autem non; illa idiūsum, quod est, bonum est, hoc autem non. Quæ verba, iuxta expositionem Niphi hoc in loco, intelliguntur de genere virtutis, non de prædicamentali, seu logico.

Ad secundam auctoritatem de septimo Methaph. dicendum est, album, & musicum dupliciter considerari, & pro aggregato, & pro formali; primo modo important aggregationem ex subiecto, & accidente, & sic rectè dicit Aristoteles non dicere determinatam essentiam; siquidem quoad substantiam, sunt in genere substantiæ, & quoad accidens, in genere qualitatis. Secundo modo album significat albedinem, & musicum facultatem musicam cum concernentia ad subiectum; & sic dicunt determinatam essentiam, scilicet albedinem, & scientiam musicæ, quæ per se sunt in genere qualitatis.

Obijcies octavo. Concreta magis manifestant naturam accidentis, quam abstracta; ergo magis sunt in prædicamento, quam abstracta. Antecedens probatur. Quia natura accidentis est esse in alio, ex Philosopho, septimo methaph. cap. 1. & secundo. Sed concreta magis manifestant esse in alio, quam abstracta, quia dicunt ordinem ad subiecta, abstracta verò non; ergo &c.

Respondetur negando antecedens. Ad

probationem dico esse veram de esse in alio aptitudinaliter, quod spectat ad naturam accidentis, ut diximus in quæstione vltima Vniuersalium; cæterum æquè benè per abstractum manifestatur, ac per concretum, cum importent eandem formam accidentalem de principali significato; siquidem utrumque formaliter consideratum, dicit aptitudinem ad esse in subiecto. At si loquamur de esse in alio actualiter, quod accidit naturæ accidentali, verum est magis manifestari per concreta, cum dicant actualem inhaerentiam ad subiectum; sed concreta hoc modo considerata non sunt in prædicamento, quia dicunt ens per accidens aggregatum ex accidente absoluto, & respectivo; siquidem actualis inhaerentia dicit formaliter relationem accidentis ad subiectum, ut probauimus in citata quæstione vltima Vniuersalium.

Verum sit ponendum aliquod Prædicamentum intentionale, in quo reponantur secundæ intentiones?

QVÆSTIO IV.

Negatiuam partem huius quæstionis defendunt ferè omnes Scholastici, tum ex Recentioribus, tum ex Antiquis, præter Scotistas, hac freti ratione nimirum, quia entia rationis sunt quædam denominationes extrinsecæ, attributæ ab intellectu entibus realibus, quæ non nisi in illis habere esse valent; vnde, & reduci habent ad illa prædicamenta realia, quæ denominant, ac proprièrè fictitium esse assignare illis peculiare prædicamentum, ac si inter illas daretur coordinatio prædicatorum essentialium secundum sub, & supra, quod tamen est inconueniens. Ita Collegium Conimbric. cap. 4. q. prima art. 3. Tolet. q. 1. Prædicam. de Communibus, concl. secunda Niphus, sexto Methaphysicæ, disp. 7. & alij, non pauci, quos breuitatis causa recensere omitto.

Affirmatiuam verò sententiam, quæ, & verior nobis probatur, insinuat Scotus, in 4. d. prima q. 2. sub I. quam postea Scotiste communiter tutati sunt. Ita Vallonius in Formali Diuisione entis in substantiam & Accidens, vbi Arctinius pariter cum alijs. Tatar. quæst. Præamb. in Prædicam. Dubitab.

tab. Secundo Sarnanus & Brasuol. Tract. de secundis Intentionibus; quibus adhæret Ruuius de Natura Entis rationis, sect. vltima in fine, & Niger in suo Clypeo Thomistarum, q. 6. & alij.

Pro declaratione, ac fundamento Scoticæ sententiæ, primo notandum est, quod ens rationis est triplex, scilicet obiectiuium, subiectiuium, & habens esse in consuetudine, ut considerato. Ens rationis obiectiuium dicitur illud, quod est obiectum intellectus, ut homo, animal, & sic de cæteris. Ens rationis subiectiuium est, quod habet esse subiectiuium in intellectu, ut scientiæ, species intelligibiles, & cætera huiusmodi. Ens tandem rationis habens esse inconsiderato, ut considerato, est illud, quod in esse, & conservari pendet ab opere intellectus; ut homo cognitus, leão cognitus, animal cognitum. Et hoc propriè vocatur ens rationis, prout distinguitur ab ente reali; siquidem entia rationis subiectiua, & obiectiua, sunt vera entia realia, cum habeant esse præter operationem intellectus, & in tantum dicuntur entia rationis, in quantum vel sunt subiectiui, vel obiectiui in intellectu, qui dicitur potentia rationalis. Ens rationis autem tertio modo adhuc est, duplex absolutum, scilicet, & respectiuium. Absolutum dicitur esse illud, cuius esse est ad se, & non refertur ad aliud, vt ad terminum; ut homo cognitus actu recto, non comparando ipsum, nec ad superiora, nec ad inferiora. Et hoc ens rationis dicitur prima intentio, cum derelinquatur ab actu primo intellectus, qui est actus rectus, vel reflexus in obiecto cognito. Respectiuium est illud, cuius esse est ad aliud, se habere, vt ad terminum; ut homo cognitus actu comparatiui in ordine ad animal, vel ad indiuidua. Et tale dicitur secunda intentio, quia derelinquitur in obiecto cognito ab actu secundo intellectus, qui est actus comparatiuius. Hic est sermo de entibus rationis respectiuiis, id est de secundis intentionibus, non de absolutis, ut sunt primæ intentiones; quia tales reponuntur per se in prædicamentis realibus. Entia vero rationis sunt triplex, scilicet grammaticalia, logicalia, & moralia. Entia rationis grammaticalia, sunt quidam modi significandi ab intellectu attributi vocibus significatiuiis ad placitum, non excludendo tamen proprietates illarum vocum; ut sunt

modi significandi nominum, verborum, & aduerbiorum &c. de quibus Doct. Subtilis in sua grammatica speculatiua. Logicalia sunt modi intelligendi ab operatione intellectus collectiua derelicti in obiecto cognito in ordine ad aliud; ut sunt genus, species, differentia, vniuersale, particulare, subiectum, prædictum &c. Moralia tandem, sunt quedam intentiones voluntatis derelictæ in obiectis volitis actu comparatiui in ordine ad aliud, quibus dignoscitur quid voluntas eligat, vel respuat, seu ex duobus obiectis propositis, quodnam magis, aut minus affectet. Prima dicuntur intentiones grammaticales, quia circa illas versatur Grammaticus. Secunda dicuntur intentiones logicalis, quia spectant ad logicum. Tertia tandem dicuntur morales intentiones, quæ spectant ad morale philosophiam. His tamen, & primis omisiss, quia non pertinent ad quæsitum, quamuis, & ipsæ possint ordinari in quadam serie ad modum prædicamenti; de logicalibus dumtaxat erit sermo.

Secundo notandum est, quod intentiones logicalis sunt in duplici differentia, & alie sunt illimitatæ, & transcendentis, & alie, limitatæ. Intentiones secundæ illimitatæ sunt illæ, quæ ab intellectu cognoscente actu comparatiui aliquod illimitatum in ordine ad aliud, in eisdem obiectis sic cognitis derelinquuntur; ut vniuersale, & particulare attributum enti reali cognito in ordine ad particularia, vel enti particulari cognito in ordine ad ens reale cognitum in tota sua communitate. Similiter intentio proprijs attributa passionibus entis, & similes. Intentiones vero limitatæ sunt illæ, quæ attribuntur rebus limitatis, actu recto cognitæ ab intellectu, & postea adinueniuntur comparatis sub aliqua proprietate; cuiusmodi sunt genus, species, differentia, & similes, attributæ rebus cognitæ reponibilibus in aliquo decem prædicamentorum. Et de his tantum loquimur in proposito, quia sicut res illimitatæ excluduntur a prædicamentis realibus, ita intentiones illimitatæ a prædicamento entis rationis. Harum autem intentionum series posset sic disponi, diuidendo secundam intentionem supremam in inferiores; ut videlicet, intentionum alia dicitur vniuersale, & alia particularis.

ticulare. Vniuersale diuiditur in quinque; scilicet genus, speciem, differentiam, proprium, & accidens. Genus subdiuiditur in generalissimum, & subalternum. Generalissimum est decuplex, iuxta decem prædicamenta. Subalternum pariter est multiplex, ut patet de genere attributo corpori, corpori animato, & animalis. Species etiam est duplex, scilicet specialissima, & subalterna. Et utraque est multiplex, scilicet hæc attributa homini, ista attributa leoni, illa attributa equo &c. scilicet subalterna attributa animali, corpori animato, & corpori &c. Eodem modo possunt diuidi proprium, differentia, & accidens. Ex quibus sequitur, quod cum intentiones secundæ ordinari valeant adinuicem secundum sub, & supra, vel secundum prædicationem signatam, vel exercitam, peroptime potest ex illis constitui prædicamentum intentionale, in quo omnes reponantur.

Tertio notandum est, quamlibet intentionem limitatam posse tripliciter considerari, scilicet pro fundamento, pro formali, & pro aggregato; ut puta genus; primo modo importat fundamentum, scilicet primam intentionem, scilicet animal cognitum. Secundo, dicit illam secundam intentionem, quæ est prædicari de pluribus differentiis specie in quid, concernentem, exempli gratia, animal cognitum in ordine ad sua inferiora. Tertio modo importat aggregatum quoddam ex prima, & secunda intentione, scilicet ex animalis, & intentione generis. Intentio secunda pro formali adhuc potest dupliciter sumi, scilicet in concreto, & in abstracto, ut sæpius diximus supra in tractatu secundarum Intentionum, & in Vniuersalibus Doctoris. Applicando ad propositum dicendum est, intentionem pro aggregato, cum sit ens per accidens constans ex entibus absolutis, & respectivis, non posse reponi in aliquo prædicamento. Intentio verò pro fundamento, cum præferat obiectum cognitum actu recto, vel reflexo, reponenda est in aliquo decem prædicamentorum. Intentio denique pro formali, cum dicat meram intentionem, secundam, sed respectum rationis, siue in abstracto, siue in concreto, quoad significationem principalem considerata, acquirit per se reponi in aliquo decem prædicamentorum, cum ibi tantum reponantur res rea-

les, sed in aliqua serie prædicamentali, quæ dicatur prædicamentum rationis per se ordinanda est.

Quarto notandum est, quod sicut ad hoc, ut res valeant reponi in aliquo decem prædicamentorum, multæ conditiones erant necessariae, ita pariter aliæ obseruari debent, ut secundæ intentiones sint reponibiles in prædicamento rationis. Et primo requiritur quod sit ens rationis. Et per hoc excluduntur omnia entia realia. Secundo, quod tale ens rationis sit intentio secunda. Et per hoc excluduntur primæ intentiones. Tertio, quod sit intentio logicalis. Ideo excluduntur intentiones grammaticales, & morales. Quarto, quod sit limitata. Et per hoc excluduntur intentiones transcendentes. Quinto, quod sit incomplexa. Quare intentiones complexæ, cuiusmodi sunt propositiones, & syllogismi, non sunt in prædicamento. Sexto, quod sit vniuoca. Et per hoc excluduntur intentiones æquiuocæ, ut intentiones attributæ his vocibus canis, & sanum, quæ sunt æquiuocæ. Septimo, quod sit principaliter significata, & pro formali. Per quam conditionem includuntur intentiones fundamentales, & pro aggregato sumptæ, quæ minus principaliter significatur. Octauo tandem requiritur, quod sit cognita in ratione superioris, & inferioris, siquidem prædicamentum est ordinatio prædicatorum secundum sub, & supra.

Ex his, sit prima Conclusio. Secundæ intentiones logicales, limitatæ, finitæ, incomplexæ, vniuocæ, pro formali acceptæ, per se reponuntur in aliquo prædicamento ex ipsis constituto. Est Doctoris loco citato. Probat. Quia entia per se, ordinabilia secundum sub, & supra, sunt per se reponibilia in prædicamento; sed intentiones logicales limitatæ, finitæ, incomplexæ, vniuocæ, & pro formali, sunt huiusmodi; ergo. Maior patet, quia prædicamentum est coordinatio prædicatorum secundum sub, & supra. Minor probatur. Quia istæ intentiones, scilicet secunda intentio, vniuersale, genus, generalissimum, subalternum, species specialissima, subalterna, indiuiduum, ordinantur secundum sub, & supra in prædicatione signata, ut patet; ergo. Secunda pars minoris, quod sint entia per se probatur. Id, de quo habetur scientia, est ens per se, ex Aristot.

notele septimo Methaph. l. 18. 19. Siquidem entis per accidens non est scientia, neque diffinitio, ex eodem ibidem; sed de intentionibus secundis habetur scientia logicalis, ut probatum est in Præamb. q. 3. etiam de mente Aristotelis; ergo sunt entia per se.

Secunda Conclusio. Datur Prædicamentum secundarum Intentionum logicalium, distinctum ab alijs decem enumeratis ab Aristotele. Est Scoti in quarto, d. 1. q. secunda lit. I. Vallonis, & Aretini in Formalit. Scoti. Sarnani, & Brauoli in Tract. secundarum Intentionum, & aliorum Scotistarum communiter. Petrus Niger in suo Clypeo Thomist. q. 6 super prædicamentis, asserit quidem dari prædicamentum entis rationis logicalis, sed reuera non meretur nomen prædicamenti logicalis, cum in ipso recenscat, nedum entia rationis logicalia, sed etiam grammaticalia, non tantum limitata, verum etiam illimitata, non solum incomplexa, sed etiam complexa, quod est contra naturam, & quiditatem prædicamenti, ut supra probauimus. Ideo probatur nostra conclusio de secundis intentionibus logicalibus finitis, limitatis, & incomplexis tantum. Quia in quibuscumque entibus limitatis, per se, incomplexis, & vniuocis, reperitur ordinatio secundum sub, & supra, in talibus datur prædicamentum, sed in secundis Intentionibus logicalibus finitis, limitatis, incomplexis, & vniuocis, reperitur, huiusmodi ordinatio; ergo. Maior patet ex diffinitione prædicamenti. Minor probatur ex Not. quarto. Siquidem in primis ponitur secunda intentio logicalis finita, & limitata, tamquam genus generalissimum, sub qua ponitur vniuersale limitatum, & sub ipso, secundum aliquos, ponuntur duo genera subalterna, scilicet prædicabile in quid, & prædicabile in quale. Primum comprehendit genus, & speciem. Secundum differentiam propriam, & accedens; nihilominus dicerem; ergo prædicari in quid, & in quale non esse duo genera, vel species, sed duos modos prædicandi, per quos contrahitur vniuersale limitatum ad quinque vniuersalia, sicque immediate diuiderem vniuersale in quinque vniuersalia; quod inuenire videtur Doctor Subt. q. 12. Vniuersalium, & alibi sæpè in eodem libro. Sub genere verò ponuntur genus generalissi-

mum, & subalternum; & sub vtroque hoc, & illud genus generalissimum, hoc & illud genus subalternum. Item sub specie, ordinatur species subalterna, & specialissima; & sub vtraque hæc, & illa species; ergo in secundis intentionibus logicalibus, finitis, & limitatis, incomplexis, ac vniuocis datur ordo essentialis secundum sub, & supra, & per consequens prædicamentum. Secundo probatur. Si quid obstaret, quo minus nostrum asserum esset verum, maximè foret, quia videtur contradicere Philosopho, quinto Methaph. l. 2. & in Prædicamentis, cap. 5. vbi docet, prædicamenta esse tantum decem, inter quæ nullum ponitur prædicamentum intentionale; sed hoc nihil officit, ut inferius demonstrabitur soluendo argumenta in oppositum; ergo datur prædicamentum intentionale, in quo omnes secundæ intentiones logicales, incomplexæ per se reponantur. Secunda pars quod sit ab alijs decem distinctum, tum inductione patet. Quia non est substantia, nec quantitas, nec qualitas, &c. Tum etiam, quia illa sunt prædicamenta realia, hoc verò est intentionale, seu rationis; igitur distinguitur ab illis decem.

Obijcies primo, contra conclusiones. Quia Aristoteles in locis proximè citatis, & quæst. 14. determinans numerum prædicamentorum, docet esse tantum decem, nec plura, nec pauciora; ergo non est admittendum vndecimum, ab alijs distinctum.

Respondetur. Aristotelem locutum fuisse de prædicamentis realibus, quorum diuersitatem, cum non posset reducere ad plura, vel pauciora decem, idcirco statuit numerum decem prædicamentorum; at cum nos loquamur de secundis intentionibus, quæ non sunt adeo diuersæ inter se, ut tot coordinationes multiplicare debeamus, idcirco non cogimur ponere decem, sed tantum vnum prædicamentum intentionale, in quo omnes reponantur. Nec propterea dici potest, Aristotelem fuisse diminutum, siquidem non omnia explicite tradidit, sed aliqua implicite, explicanda tantum secundum regulas generales eorundem, quæ explicite docuit, quod ita fecisse de hoc prædicamento intentio- nali dicendum est; quandoquidem tradidit prædicata essentialia in secundis intentionibus, & reliquit, ut ab alijs ordinentur

secundum sub, & supra, iuxta regulas prædicatorum essentialium in entibus realibus.

Obijcies secundo. Maioris entitatis sunt entia rationis priuatiua, & negatiua, quam secundæ intentiones, sed talia non ponuntur in aliquo prædicamento per se; ergo nec secundæ intentiones. Maior patet. Quia illa habent esse præter operationem intellectus, sicut, & positiua, quæ priuantur, vel negantur. Minor patet etiam. Quia illa reducuntur ad prædicamenta suorum positiuorum, ut diximus supra in præcedenti questione, not. tertio.

Respondetur, negando maiorem absolute. Imo secundæ intentiones, cum sint entia positiua, sunt maioris entitatis, quàm priuationes, & negationes. Ad probationem dico talia entia priuatiua, vel negatiua habere quidem esse præter opus intellectus priuatiuum, vel negatiuum, nec propterea inferendum, esse magis ordinabilia per se, quàm secundæ intentiones; quia illa, quæ sic ordinantur, debent esse entia positiua, cuiusmodi sunt secundæ intentiones, & non priuationes, ac negationes entium realium.

Obijcies tertio. Si daretur tale prædicamentum intentionale, sequeretur posse dari generalissimum, subalternum, species, differentias, ac indiuidua in secundis intentionibus; sed hoc est falsum; ergo, & id, ex quo sequitur. Sequela maioris patet. Quia prædicamentum est coordinatio generum, specierum, differentiarum, ac indiuiduorum secundum sub, & supra. Minor probatur. Quia si ita esset, tunc secundæ intentio

esset genus generalissimum; vniuersale subalternum; quinque vniuersalia species specialissimæ &c. Sed hoc non est dicendum; ergo. Minor probatur. Quia nullum inferius potest denominare suum superius; sed genus generalissimum est inferius ad secundam intentionem, & subalternum ad vniuersale, & species ad genus; ut patet in dispositione secundarum intentionum supra posita; ergo. Maior patet. Quia hæc est falsæ; omne animal est homo; sed homo est quoddam inferius ad animal; ergo inferius nequit vniuersaliter denominare suum superius.

Respondetur, negando minorem. Ad probationem, nego iterum minorem. Ad cuius probationem dico, maiorem esse veram in entibus realibus, & intentionalibus, etiam si ambo sumantur, ut quid; falsam tamen, si vnum ut quid, & alterum, ut modus accipiat, ut est in proposito; quia genus generalissimum, quod est inferius, ut quid, ad secundam intentionem, sit superius ad ipsam, ut modus, in quantum intentio secunda generalissimi fundatur super secundam intentionem in communi, ut quid considerata; hoc enim priuilegio fruuntur secundæ intentiones, ut vna fundari possit super aliam, & illam modaliter denominare, ut dictum est, in Tractatu nostro secundarum Intentionum, cap. vltimo. Idem dicendum est de intentione generis subalterni respectu vniuersalis, & speciei respectu generis; siquidem vna potest fundari super alia, & illam denominare modaliter, ut dictum est de generalissimo in ordine ad supremam secundam intentionem.

DE PRAEDICAMENTIS IN PARTICVLARI

Pars Secunda.

Exposita prima parte huius libri, aggrediendum nobis est secunda, in qua Aristoteles agit de principali intento, hoc est de decem prædicamentis in particulari. Et diuiditur in quinque capita; in quorum primo agit de substantia; in secundo de quantitate; in tertio de Ad aliquid, seu Relatiuis; in quarto de qualitate; in quinto de reliquis sex prædicamentis simul.

De substantia, & eius Proprietatibus.

CAPVT I.

Hoc Primum caput, in quo intendit Philosophus naturam, & proprietates substantiæ, diuiditur communiter in tres partes principales. In quarum prima, præsupposita diuisione substantiæ in primam, & secundam, ponit earum diffinitiones cum suis declarationibus; & incipit ibi. Substantia est, quæ propriè, & principaliter &c. In secunda, comparat primam substantiam cum secundis substantijs; & has ad inuicem; incipit quæ ibi. Secundarum substantiarum vero, magis substantia est species &c. In tertia tandem, ponit sex proprietates substantiæ; & habetur ibi. Commune autem omni substantiæ est &c.

Quoad primam partem, diffinit primo substantiam primam dicens. Substantia autem est, quæ propriè, & principaliter, & maxime dicitur, quæ neque de subiecto aliquo dicitur, neque in subiecto aliquo est: ut quidam homo, quidam equus. Circa quam diffinitionem, dicunt quidam, & meo videri bene, ac rectè, illas tres particulas, scilicet propriè, & principaliter, & maxime, teneri se ex parte diffiniti, & non diffinitionis: ut sit sensus. Substantia autem, quæ propriè, & principaliter, & maxime dicitur substantia, est, quæ neque de subiecto aliquo dicitur, neque in subiecto aliquo est.

Ut autem hoc melius percipiatur; aduertendum est, substantiam quadrupliciter posse sumi. Primo modo pro essentia alicuius rei, quomodo accipitur in diffinitione Vnicorum, & æquicorum, dum dicitur. Et ratio substantiæ, hoc est essentia, &c. Secundo modo, prout distinguitur contra accidens. Et sic, omne illud, quod non est accidens, substantia est. Et in hoc sensu dixit Philosophus, 1. Phys. cap. 6. differentias substantiarum, & materiam, ac formam esse substantias. Tertio modo, pro substantia completa; id est pro

omni eo, quod ponitur directè in predicamento substantiæ. Et sic genera, species, & individua predicamenti substantiæ, dicuntur substantiæ. Quarto modo sumitur pro prima substantia; id est pro omnibus individuis predicamenti substantiæ. Et in hoc sensu negauit Aristoteles, 7. Meth. cap. 13. genera, & species predicamenti substantiæ, esse substantias: & substantia hoc modo accepta, diffinitur hic, & est sensus. Substantia autem, quæ propriè, principaliter, & maxime. Id est non accepta pro essentia, nec pro substantia incompleta; quia talis non est principaliter substantia; nec pro omni substantia completa; quia talis non maxime substantiat; sed prima substantia, hoc est, individuum substantiæ, quod propriissime dicitur substantia. Est, quæ neque de subiecto aliquo dicitur. Id est non predicatur de aliquo inferiori, neque in subiecto aliquo est, veluti accidens in subiecto, aut sicut pars in toto: ut quidam homo, quidam equus, Socrates, Plato &c.

Secundo Notificat secundas substantias in plurali dicens. Secundæ autem substantiæ dicuntur species, in quibus ea, quæ principaliter substantia dicuntur, insunt; & hæc quidem harum specierum genera. Quæ diffinitio sic intelligitur. Secundæ substantiæ sunt genera, & species predicamenti substantiæ, in quibus potentialiter continentur primæ substantiæ, id est individua: ut animal, in quo continetur quoddam animal; & homo, in quo est hic homo; & leo, in quo est hic leo; & sic de cæteris. Ex quo sequitur, quod aliter dicuntur primæ substantiæ esse in secundis, & secundæ in primis. Nam primæ, sunt in secundis potentialiter, tamquam inferiora in suis superioribus; secundæ verò, sunt in primis actualiter, veluti superiora in suis inferioribus, de quibus predicantur essentialiter, & quæ diuidentur.

Tertio declarat diffinitionem primæ substantiæ dum subdit. Manifestum est autem ex his, quæ dicta sunt, scilicet in diffinitione Vnicorum, & in diuisione eorum, quæ sunt, & eorum quæ dicuntur; quod illa, quæ

qua dicuntur de subiecto, Idest de inferiori, necesse est nomen, & rationem prædicari, idest vniocè: vt animal de animalibus; homo de hominibus. Ea verò, quæ sunt in subiecto, aliqua prædicantur nomine, nunquam tamen ratione. Idest æquiocè dicuntur de subiectis, & non vniocè: vt album de homine, & ligno. Alia verò, nec nomine, nec ratione. Idest nec vniocè, nec æquiocè dicuntur de subiecto; vt albedo; & hac enim est falsa: partes est albedo, lignum est nigredo, &c. Ex quibus probat diffinitionem primæ substantiæ. Illa de quibus omnia alia dicuntur, & in quibus omnia alia sunt, neque dicuntur de subiecto, nec sunt in subiecto; sed primæ substantiæ sunt huiusmodi; ergo primæ substantiæ sunt, quæ nec dicuntur de subiecto, nec sunt in subiecto. Maior patet. Minorem probat exemplis. Quia animal dicitur de homine; ergo de aliquo homine; sed aliquis homo est prima substantia, & animal secunda substantia, quæ dicitur de subiecto; ergo primæ substantiæ sunt illæ, de quibus omnia alia dicuntur. Secundam partem minoris probat alio exemplo. Quia valet dicere; color est in corpore; ergo in aliquo corpore: sapor est inguſtu; ergo in aliquo guſtu; & sic de alijs; sed color, sapor, & cætera huiusmodi sunt in subiecto; aliquid corpus, & aliquis guſtus sunt primæ substantiæ; ergo primæ substantiæ sunt illæ, in quibus omnia alia sunt, vt in subiecto.

Ex hac probatione infert quoddam corollarium; quod non existentibus primis substantiis, impossibile est aliquid eorum remanere; & probat. Quia omnia alia à primis substantiis, vel dicuntur, vel sunt in illis; ergo illis deſtructis, impossibile est, aliquid eorum remanere.

Quo ad secundam partem, comparat secundas substantias inter ſe, & ad primas, dicens. Secundarum substantiarum, magis substantia est ſpecies, quam genus. Et probat dupliciter. Quod est propinquius magis substantiæ, est magis substantia, quam quod est remotius; sed ſpecies est propinquior magis substantiæ quam genus; ergo ſpecies est ma-

gis substantia, quam genus. Maior patet. Quia perfectio attenditur per remotionem ab vno extremo, & approximationem ad aliud extremum; sed quod est remotius a magis substantia, est minus substantia; ergo quod est propinquius magis substantiæ, est magis substantia. Minor patet. Quia ſpecies est propinquior indiuiduis, quam genus; tum quia immediatè diuiditur in indiuidua, genus verò mediante ſpecie; tum etiam, quia ſi quis quærat, quid est indiuiduum, conueniens responderetur per ſpeciem quam per genus; vt patet de Petro, & homine; sed indiuidua sunt primæ substantiæ; ergo ſpecies est propinquior primæ substantiæ. Secundo probat talem comparationem. Quod pluribus ſubſtat, est magis substantia, quam quod paucioribus; sed ſpecies pluribus ſubſtat, quam genus; ergo ſpecies est magis substantia, quam genus. Maior patet. Quia idè primæ substantiæ dicuntur magis substantiæ, quia omnibus ſubſtant, quæ dicuntur de ipsis, & quæ sunt in ipsis; ergo id, quod ſubſtat pluribus ſubſtantijs, est magis substantia, quam illud, quod minus ſubſtat. Minorem probat. Quia ſpecies ſubſtat omnibus, quibus ſubſtat genus, & cum hoc, ipſi generi; genus autem non ſubſtat ſpeciei: vt homo, ſubſtat omnibus, quibus ſubſtat animal, & vtrū ſubſtat etiam ipſi animali, quod tamen non ſubſtat ei; ergo ſpecies pluribus ſubſtat, quam genus, & conſequentèr eſt magis substantia.

Secundo comparat ſecundas substantias, quæ ſunt ſpecies ſpecialiſſimæ, inter ſe, ponendo talem conſuſionem. Specierum ſpecialiſſimarum, vna non eſt magis substantia, quam alia. Probat. Quia eodem modo ſunt propinquæ primis ſubſtantijs, & eodem modo pluribus ſubſtant; ergo æqualiter ſunt substantia. Antecedens probatur. Quia ſicut homo eſt propinquus cuidam homini, & ſubſtat omnibus ſuperioribus, ita equus eſt propinquus cuidam equo, & ſubſtat animali, & ſibi ſuperioribus, cum ſint ſpecies æqualiter contentæ ſub animali.

Tertio, comparat primas substantias ad ſe-

secundas dicens. Prima substantia sunt perfectiores secundis, & sunt propriissime substantie. Probat. Quia illa dicitur perfectior substantia, quæ perfectiori modo substat; sed prima substantia sunt huiusmodi; ergo sunt substantia perfectiores secundis. Maior patet. Quia perfectio substantiæ consistit in eo, quod alijs substat; ergo illa, quæ perfectiori modo substat, est perfectior substantia. Minorem probat. Quia prima substantia substant virtute propria, secunda verò tantum quia sunt in primis. Secundo probat secundam partem, quod sint propriissime substantie. Quia substant omnibus modis substandi; siquidem Petrus, non tantum substat homini, animali, corpori animato, corpori, & substantia suprema, sed etiam accidentibus, scilicet albo, nigro, gramatice; imò etiam secunda substantia substant accidentibus, primis mediantibus; non enim dicitur homo gramaticus, nisi quia Petrus, vel Paulus est gramaticus, albus; ergo primæ substantiæ sunt perfectissimæ, & propriissimæ substantie.

Quoad tertiam partem enumerat sex proprietates substantiæ, quarum prima est. Commune est omni substantia non esse in subiecto; & probat. Quia esse in subiecto, convenit solum accidentibus; sed tam prima, quam secunda substantia non sunt accidentia, &c.

Secunda Proprietas. Secundis substantiis, ac differentiis earum, convenit uniuocè prædicari de primis. Probat. Quia illud prædicatur uniuocè, quod prædicatur nomine, & ratione; sed secunda substantia, & earum differentie prædicantur nomine, & ratione de primis; quia Petrus est homo, & animal rationale; Ioannes est homo, & animal rationale, & sic de cæteris; ergo secunda substantia, & earum differentie prædicantur de primis uniuocè.

Tertia Proprietas. Prima substantia significat hoc aliquid, secunda verò quale quid. Probat. Quia esse hoc aliquid, est esse incommunicabile; & esse quale quid, est esse pluribus communicabile; sed prima substantia, cum sit

indivisum, & incommunicabilis pluribus; secunda verò, cum sit genus, vel species, est communicabilis pluribus; ergo prima substantia significat hoc aliquid, & secunda quale quid.

Quarta Proprietas. Substantia nihil est contrarium. Quia contrarietas propriæ est in qualitatibus; sed substantia non est qualitas; ergo &c. Inquit postea, hanc proprietatem non esse propriam substantia quarto modo, cum conveniat etiam quantitati, & relationi.

Quinta Proprietas. Substantia non suscipit magis, & minus, sed bene maius, & minus. Probat primam partem. Quia homo, in quantum homo, non est magis, vel minus homo; sicut album, dicitur magis, vel minus album altero. Probat secundam partem sicut prius. Quia prima substantia dicitur maior substantia, quam secunda; & inter secundas, species maior substantia dicitur, quam genus; quia pluribus modis substandi substat.

Sexta Proprietas. Substantia una, & eadem numero manens, est susceptiva contrariorum; supplè successivæ, non simul. Et hæc proprietas convenit tantum primæ substantia; quia illa solum est una numero, & indivisa. Probat. Quia unus, & idem homo, exempli gratia Petrus, aliquando est calidus, aliquando frigidus, aliquando præus, & aliquando studiosus; sed calidum, & frigidum; similiter præum, & studiosum, sunt contraria; ergo substantia, una, & eadem numero susceptiva est contrariorum. Ex subdit, hanc proprietatem esse propriam substantia in quarto modo; quia nullo modo potest alijs convenire; non enim idem color aliquando est albus, & aliquando niger; neque eadem actio est aliquando præva, & aliquando studiosa; sed suscipere contraria, tantum convenit substantia.

Ultimo tandem obijcit contra hanc proprietatem, probando, quod conveniat alijs a substantia. Quia eadem numero

oratio vera, potest fieri falsa, & è conuerso; sed oratio non est substantia, ut patet; ergo suscipere contraria non tantum competit substantiæ. Maior patet. Quia si me sedente, hæc est vera, Linus sedet; me postea surgente erit falsa; ergo una, & eadem oratio, est susceptiva contrariorum.

Respondetur, orationem posse fieri de vera falsam, posse dupliciter intelligi; vno modo loquendo de oratione formaliter, ita ut connexio prædicati cum subiecto in hac propositione; Linus sedet; recipiat in se veritatem, & falsitatem; alio modo ratione mutationis subiecti de vno modo se habendi in alium oppositum. Primo modo, in una, & eadem oratione, nequit esse veritas, & falsitas; quia manet eadem connexio prædicati cum subiecto eodem. At secundo modo potest esse veritas, & falsitas; sed tunc non sequitur postea, contraria esse in oratione, sed in substantia dumtaxat; quæ cum sit subiectum istius prædicati sedere, mutatur in modo se habendi, dum surgit. Unde patet, quod propriè proprium est substantiæ secundum sui mutationem, cum sit una, & eadem numero, esse susceptivam contrariorum.

De Substantiæ Prædicamento.

DISPUTATIO III.

Utrum Prædicamentum substantiæ habeat Genus, & in quo consistat eius essentia?

QVÆSTIO I.

Circa primam partem huius quæstionis, nulla est controversia; omnes enim asserunt, dari supremum genus in coordinatione substantiarum. At circa se-

cundam, est dissidium inter Doctores, nam aliqui statuunt pro supremo genere huius prædicamenti substantiam communem creatæ, & increatæ; & idè reponunt in hac coordinatione, nedum entia finita, & limitata, sed etiam infinita, & transcendencia. Italo. Maior, dist. 8. q. 2. Marsilius, dist. 9. q. 12. Gregorius Ariminensis, Gabriel Biel, Baconus, & cæteri Nominales, quos retulimus in præcedenti Disputatione, q. 3.

Alij vero dicunt, huius prædicamenti genus supremum, esse substantiam corruptibilem, & corpoream; & ideo negant illam diuisionem substantiæ in corpoream, & incorpoream, loquendo de substantiæ prædicamentali. Ità Auerroes super Porphy. cap. de specie: & 10. Meth. cap. vlt. c. 26. Iandunus ibidem, q. 22. Niphus, disput. 9. Mercat. to. primo, Dillucid. prima. Zimara. theor. 62. Albert. Magn. hic, cap. 2. Ægid. quol. 1. q. 8. Durand. in 2. dist. 3. q. 1. Mars. ibidem, q. 2. qui omnes excludunt ab hoc prædicamento Angelos, seu Intelligentias.

Alij tandem media incedentes via, nec asserunt cum primis, supremum genus esse substantiam communem finitæ, & infinitæ, nec substantiam corpoream, ac corruptibilem cum secundis; sed dicunt esse substantiam completam, finitam, & limitatam; ut hac ratione excludant Deum, & cætera transcendencia ab hoc prædicamento; & includant Angelos, & Intelligentias cum cæteris substantijs limitatis, & per se existentibus. Ità Alensis, 5. Methaph. ad textum 33. D. Tho. lib. 10. Meth. lect. 12. & Opusc. 42 cap. 6. & 7. Doct. Sube. in primo d. 8. q. 3. N. Conimbric. hic, q. 2. artic. 2. Ruuius, q. 3. Tolet. q. 2. & ferè omnes Scholastici, tum Antiqui, tum Recentiores.

Pro declaratione vtriusque partis quæstionis, aliqua sunt prænotanda. Et primo, ex Philosopho hic, cap. de substantiæ: quinto Meth. cap. 8. r. 15. septimo Methaph. cap. 2. & tertio. Et 12. Meth. cap. 2. & tertio: substantiā multis modis dici, gemen, ut ad propositum spectat, quatuor modis accipi posse. Primo modo pro essentia, & quiditate, ut sumitur in diffinitione vniuscuiusque. Secundo modo, pro qualibet re per se existente, prout per se existere, distinguitur contra esse in alio, tamquam accidens in subiecto. Et sic com-

prehendit, nedum substantias completas, sed etiam incompletas; ut sunt partes physice, & metaphysice; sicque distinguitur ab accidente. Tercio modo, præsentem per se existentem, ut distinguitur contra esse in alio, etiam tamquam pars in suo toto. Et sic substantia restringitur ad ea, quæ ponuntur tantum directe in prædicamento substantiæ; ut sunt genera, species, & individua, & excludit partes, tum metaphysicas, tum physicas, non solum essentialis, sed etiam integrales, quæ non sunt propriæ substantiæ, sed aliquid substantiæ. Quarto modo, dicitur substantia omne illud, quod subsistat accidentibus, & prædicatis superioribus. Et sic tantum individua substantiæ, ut hic homo, hic leo, hic equus, dicuntur substantiæ, ut dictum est etiam in expositione textus. Ex his acceptionibus sequitur, quod substantia primo modo, non potest esse genus prædicamenti substantiæ, cum reperitur etiam in accidentibus respectu suorum inferiorum. Nec secundo modo; quia tunc etiam partes substantiales, siue physice, siue metaphysice possent esse genus, vel saltem esse directe in prædicamento; quod superius reiectum est. Nec quarto modo; quia sic substantia est individuum, super quo nequit fundari secunda intentio generis superæmi. Restat igitur à sufficienti divisione, ut substantia tertio modo, quæ est communis ad omnes substantias completas, sit supremum genus in coordinatione substantiæ.

Secundo norandum, substantiam completam esse duplicem, scilicet increatam, & creatam. Substantia increata est illa, quæ est à se, in se, & per se existens. Et sic solus Deus est substantia, siquidem est à se; quia non dependet ab alio in esse, sicut creatura ab ipso: est in se, tamquam totum; quia non ordinatur ad constitutionem alterius, ut pars; vel essentialis, cuiusmodi est materia, & forma; vel integralis, ut caput, brachia &c. & tandem per se existens, hoc est, in alio non existens, ut accidens in subiecto. Et substantia hoc modo accepta, in nullo prædicamento ponitur, cum sit infinita, & transcendens. Substantia autem creata est illa, cui convenit utriusque esse in se, & per se, non tamen à se; cum ratione creationis habeat esse à Deo, à quo, & in conservari dependet. Et sic, substantia completa suffi-

cienter dividitur per corpoream, & incorpoream; ut docet Aristoteles, 1. Metaphys. cap. 8. in principio. Et septimo Metaphys. cap. tertio, in fine. Sub corporea, comprehenduntur omnes substantiæ corporeæ, tam cælestes, quam sublunares; ut sunt corpora corruptibilia, siue sint animata, siue inanimata; ut animalia, plantæ, lapides, mineralia, elementa, ut ignis, aer, aqua, & terra. Sub incorporea verò continentur Angeli boni, & mali, intelligentiæ motrices cælorum, anime rationales. Ex his manifestè apparet, substantiam completam, quæ est supremum genus in prædicamento substantiæ, non esse substantiam increatam, nec communem creatæ, & increatæ; quia prior est infinita, posterior transcendens, sed esse substantiam creatam, communem ad omnes substantias, finitas, & limitatas, tam corporeas, quam incorporeas, & spirituales; quia solum huiusmodi reponuntur in prædicamento.

Tercio norandum est, quod quamvis aliqui, etiam magnæ entitatis Doctores, dixerint Angelos, & animas esse corporeas, & consequenter constare ex materia, & forma, per quas reponuntur sub genere substantiæ corporeæ; tamen communiter Scholastici hæc nostris temporibus, quoad animas, secuti determinationem Concilii Lateranensis, relati cap. Firmiter de Summa Trinit. & Fide Cath. quoad Angelos verò, multorum Sanctorum Patrum auctoritates docent, Angelos, & animas rationales esse substantias simplices, physice loquendo; compositas verò metaphysice ex genere; & differentia. Quocirca, si vellent definire Angelum, vel Animam, haberent dicere esse substantias incorporeas, intellectuales. In qua definitione, ly substantia incorporea, est genus ad omnes substantias spirituales, & materię expertes; & ly intellectualis, gerit vicem differentię proprię nobis incognitę; per quam, substantia incorporea descendit in Angelos, & Animas. Ex qua diffinitione manifestum est, Angelos, & Animas contineri sub aliquo genere subalterno substantiæ, & consequenter reponi in prædicamento substantiæ. Ratio autem, quare Angeli, & Animæ sint in prædicamento, colligitur ab Aristotele, quinto metaphysicę, c. 14. ubi docet, omne ens finitum per se, & limitatum, repo-

nendum esse in aliquo decem generum à se positorum. Cum igitur Angeli, & Animæ sint entia finita, per se, creata, & limitata, & non sint accidentia, sed substantiæ, ex eodem Philosopho ibidem, cap. 8. dicendum est, illos esse in prædicamento substantiæ.

Ex his, sit prima Conclusio. Datur supremum genus prædicamenti substantiæ, quod est substantia completa, per se, finita, & limitata, sub se continens omnes substantias completas, finitas, & limitatas, tam corporeas, quam incorporeas. Est cõtra primam, & secundam sententiam: & probatur sic. Illud est ponendum pro supremo genere huius prædicamenti, quod continet sub se omnia genera, species, & individua substantiæ completæ, & ipsum à nullo contineatur genere; sed tale non potest esse aliud, quam substantia completa, per se, finita, ac limitata, communis ramen ad substantias corporeas, & incorporeas; ergo &c. Maior pater. Quia de ratione generis generalissimi, est non habere aliud genus supra se, & continere omnia contenta in sua coordinatione. Minor probatur. Quia in prædicamento substantiæ reponuntur, nedum substantiæ corporeæ, sed etiam incorporeæ, finitæ tamen, & limitatæ; atqui tales nequeunt comprehendi sub alia substantia creata, quam sub completa, finita, & limitata; ergo talis est supremum genus huius prædicamenti. Maior patet ex Philosopho, quinto Meth. t. 15. dicente: quod in prædicamento substantiæ reponuntur corpora, nedum simplicia, ut sunt terra, aqua, aer, & ignis; sed etiam mixta ex corporibus simplicibus, siue sint animata, siue inanimata, & ultra hæc, etiam dæmonia; at corpora sunt substantiæ corporeæ, & dæmonia, cum sint Angeli, sunt substantiæ incorporeæ, ut dictum est not. 3. ergo in prædicamento substantiæ reponuntur substantiæ corporeæ, & incorporeæ. Minor etiam patet ex Not. secundo, ubi satis demonstrauiimus, substantiam completam, per se, finitam, & limitatam, sufficienter diuidi per corpoream, & incorpoream.

Secunda Conclusio. Angeli, & Intelligentiæ motrices Cælorum, per se spectant ad prædicamentum substantiæ. Hæc conclusio sequitur ex priori, & est directè contra Auerroem, Agidium, & alios supra re-

latos in secunda sententia. Probatur primo auctoritate Aristotelis, 5. Meth. t. 15. enumerantis dæmonia inter substantias prædicamentales; atqui dæmones sunt Angeli. Item, 12. Meth. t. 5. diuidit substantia in sensibilem, & insensibilem; sensibilem verò, incorruptibilem, & æternam, ut sunt cæli; & ibi loquitur de substantia prædicamentali, ut patet t. 2. sed substantiæ insensibiles sunt Angeli, & Intelligentiæ, ex eodem ibidem, t. 4. 1. ergo Angeli, & Intelligentiæ, de mente Aristotelis, sunt in prædicamento. Secundo probatur ratione. Quia omne ens finitum, per se, completum, & limitatum, ponitur in aliquo prædicamento, primo Physicorum, t. 13. & 5. meth. t. 14. Sed clarum est, Angelos, & Intelligentias esse entia per se, finita, & limitata, quia a Deo creati, ut est de fide; ergo sunt in prædicamento. Tertio probatur. Quia quod constat ex genere, & differentia, est in prædicamento per se; sed Angeli, ut dictum est not. 3. constant ex genere, & differentia; ergo sunt per se in prædicamento.

Obijcies primo, contra prima conclusio. nem. Si substantia completa esset supremum genus prædicamenti substantiæ; ergo & accidens completum esset supremum genus prædicamenti accidentium; sed hoc esse falsum vidimus supra; aliter essent tatum duo prædicamenta, & non decem; ergo & id ex quo sequitur. Sequela maioris probatur. Quia si substantia completa, abstracta ab omnibus substantijs completis, importat vnum conceptum, iurâ, & accidens abstractum ab omnibus accidentibus; ergo si substantia, ut sic, constituitur supremum genus, & accidens pariter, ut sic, erit supremum genus accidentium.

Respondetur, negando sequelam maioris. Siquidem ad rationem generis requiritur vnitas conceptus respectu suorum inferiorum, quæ nequit repetiri in accidente respectu omnium accidentium, cum sit æquiuocum ad accidens absolutum, & respectiuum, ut supra dictum est, disputat. 2. q. prima; at substantia completa importat eundem conceptum vniuersum ad omnes substantias completas, tum corporeas, tum incorporeas; quia omnes per se, & in se existunt; idcirco hæc potest esse genus supremum in vno prædicamento, & non illud.

Obijcies secundo. Corruptibile, & incor-

ru-

ruptibile differunt genere ; sed substantia corporea est corruptibilis , & incorporea incorruptibilis ; ergo differunt genere ; & consequenter substantia completa finita , & limitata , non erit genus ad illas . Maior est Aristotelis , 10. Meth. t. 26. Minor probatur . Quia omne compositum ex materia , & forma , est corruptibile ; & quod caret materia , est incorruptibile , ex Philosopho , primo physicorum , cap. 65. & 81. Et 9. Methaph. t. 17. sed substantia corporea est corruptibile ex materia ; & forma ; & incorporea illis caret ; igitur substantia corporea est corruptibilis , & incorporea incorruptibilis .

Respondetur primo ad hoc argumentum , quod est basis , & fundamentum Auerroistarum , distinguendo de genere logico , & physico . Genus autem physicum , est qualitas sensibilis , & corporalis , habens sub se plures species , ut color , sapor , odor , & humores . Unde sequitur , quod illa sunt eiusdem generis physici , quæ sunt in potentia passiva ad illas qualitates ; & sic homo , & paries , sunt eiusdem generis physici ; quia sunt in potentia passiva ad recipiendum , eundem colorem . Et per oppositum , illa dicuntur differre genere physico , quæ non sunt in potentia passiva ad eandem qualitatem sensibilem , & corporalem . Et hoc modo verum est , corruptibile , & incorruptibile differre genere ; siquidem corruptibile , ut animal , est in potentia ad caliditatem , vel frigiditatem , ad quas non est in potentia incorruptibile , ut puta cælum , secundum Philosophum , vel Angelus , secundum veritatem . Genus verò logicum est , quod prædicatur de pluribus differentibus specie in quid . Et sic homo , & leo sunt eiusdem generis ; quia continentur sub animali , quod prædicatur de illis , ut de differentibus specie in quid . Et per oppositum , illa differunt genere logico , quæ non conveniunt in aliquo prædicabili de differentibus specie in quid . Et sic corruptibile , & incorruptibile non differunt genere , cum contineantur sub substantia completa in communi , tamquam sub suo genere de illis prædicabili in quid .

Formaliter ad argumentum dico , auctoritatem Philosophi esse veram de genere physico , non logico . Modo substantia completa , non ponitur genus physicum , sed lo-

gicum ad substantias corporeas ; & incorporeas .

Contra hanc responsionem arguit Iandunus , 10. methaph. q. 22. Quia si auctoritas Aristotelis intelligeretur de genere physico , & non logico , sequeretur , argumentum eius factum contra Platonem non concludere , sed hoc non est admittendum ; ergo nec id ex quo sequitur . Sequela maioris probatur . Quia Plato dicebat , ideam hominis , & hominem singularem , esse eiusdem speciei logicæ ; quia conveniebant in eadem definitione essentiali ; unde patet , quod Plato non ponebat ideam hominis , & hunc hominem esse eiusdem generis physici ; quia hunc hominem ponebat cum materia , & corruptibilem ; ideam verò sine materia , & incorruptibilem : modo Aristoteles , ut probaret non esse eiusdem speciei logicæ , sic arguebat . Quæ differunt genere , differunt , & specie ; sed ideam hominis , & homo differunt genere ; ergo etiam differunt specie . Probatur Minorem sic . Corruptibile , & incorruptibile differunt genere ; sed idea hominis est incorruptibilis , & hic homo corruptibilis ; ergo differunt genere ; atqui ad differre genere physico , non sequitur differre specie logica ; ergo si Aristoteles intellexit , quod corruptibile , & incorruptibile differant tantum genere physico , ad quod non sequitur necessariò differre specie logica , argumentum eius non concludit contra Platonem .

Respondetur , negando sequelam maioris . Ad probationem , negatur minor ; imò ad differre genere physico , sequitur differre specie logica , & maximè quando differentia sunt essentialis , & non accidentales , ut sunt corruptibile , & incorruptibile : siquidem corruptibilitas , & incorruptibilitas sunt passionis necessariò inexistentes substantiæ ; quare non possunt facere differentiam differentia , nisi secundum substantiam . Ex quo patet , quod si idea hominis erat incorruptibilis , & hic homo corruptibilis , non poterant esse eiusdem speciei secundum substantiam ; cum corruptibile , & incorruptibile diuersificent substantiam in specie .

Vel dicendum secundo , ad effugiendam cavillam Auerroistarum , cum quibusdam Modernis , quod in illa propositione :

corruptibile, & incorruptibile differunt genere: ibi non accipi genus propriè, sed pro specie; ut sit sensus: corruptibile, & incorruptibile differunt genere, id est specie essentiali, & quiditativa. Et quod hæc expositio sit mens Aristotelis, ostenditur ex fine, quem intendebat; siquidem cum vellet refellere opinionem Platonis dicentis, ideam hominis, & hunc hominem esse eiusdem speciei, quamvis illa fuerit incorruptibilis, & hic homo corruptibilis; idè per illud axioma intendebat Aristoteles contrarium, scilicet corruptibilem hominem differre specie ab incorruptibili idea.

Confirmatur hæc expositio, ex argumento Philosophi contra Platonem, quod est tale. Contraria differunt specie; sed corruptibile, & incorruptibile sunt contraria; igitur. (Concludit) corruptibile, & incorruptibile differunt genere. Cæterum si ly genere, accipitur pro genere, & non pro specie, manifestum est, quod argumentum non concludit, sed est in quatuor terminis: quandoquidem in prima figura, maior extremitas debet prædicari de minori in conclusionem; in argumento autem ponitur pro prædicato conclusionis, ly genere, quod non posuit pro maiori extremitate, sed eius loco posuit ly specie; igitur, ut argumentum sit validum, dicendum est necessariò, pro ly genere, intelligendum esse ly specie.

Obijcies tertio, contra secundam conclusionem. Si Angeli essent in prædicamento, essent saltem compositi ex genere, & differentia; sed hoc est contra Aristotelem, 8. Metaph. 8. dicentem, Angelos, seu Intelligentias, esse puros actus; ergo Angeli non sunt in prædicamento.

Respondetur, negando minorem. Ad probationem dico, Angelos esse puros actus physicè, quia, carent materia, & compositione physica; non, tamen metaphysicè; quia sic constant ex genere, & differentia, ut dictum est notabili tertio.

Obijcies quarto. Quæ ponuntur in prædicamento substantiæ, substantiant accidentibus; sed Angeli non substantiant accidentibus, per Comment. in metaph. comm. 25. quia non sunt substantiæ sensibiles, sed intellectuales; ergo.

Respondetur, maiorem esse veram, vel

de accidentibus corruptiuis, vel perfectiuis; modò Angeli non substantiant accidentibus corruptiuis; quia talia insunt tantum rebus corporis, & corruptioni obnoxia; substantiant tamen accidentibus perfectiuis; siue sint naturalia, ut scientiæ, intelligentiæ, species intelligibiles; siue supernaturalia, ut virtutes, & gratiæ, quibus ab Altissimo decorantur.

Verum Diuisio substantia in primam, & secundam, sit uniuoca, vel æquiuoca?

Q V Æ S T I O II.

Circa diuisionem substantiæ in primam, & secundam, sunt quinque opiniones diuersæ; quarum prima assertit, nullam fieri diuisionem, sed tantum enumerationem quædam illarum rerum, quæ ponuntur in prædicamento substantiæ; ac si diceret. Eorum, quæ ponuntur in prædicamento substantiæ, quædam ponuntur primo loco, ut indiuidua; quædam, verò secundo loco, ut sunt genera, & species. Ita Ammonius hic, in cap. de substantiis, ad litteram.

Secunda opinio, (referentibus Toletum, ac Collegio Conimbricensi) est Louanien. sum, assertentium, hanc esse diuisionem accidentis in accidentia; siquidem hi Doctores nolunt diuidi substantiam essentialiter in primam, & secundam; sed quoddam accidentis proprium substantiæ, scilicet substare accidentibus, & prædicatis superioribus; ut sit sensus. Eorum, quæ alijs substantiæ, quædam sunt singularia, & dicuntur primæ substantiæ; quædam vniuersalia, & secundæ substantiæ appellantur.

Tertia opinio est Burlei, Soti in cap. de substantiis, & Doct. Subtilis, in Prædicam. q. 12. in fine, dicentium, hanc diuisionem esse subiecti in accidentia rationis, seu in secundas intentiones; siue ut quis diceret; animalium, aliud vniuersale, & aliud particulare. In qua diuisione, vniuersale, & particulare, sunt accidentia animalis, cum sint intentiones secundæ, fundatæ super diuersitatem animalium.

Quarta opinio sustinet, esse diuisionem analogi in sua analogata; quandoquidem substantia complera, quæ diuiditur in primam, & secundam, analogicè dicitur de illis.

lis cum per prius de prima substantia, quæ maxime substantia est, dicatur, & per posterius de secunda, quæ minus substantia est, & per attributionem ad primam. Ita Albertus Magnus hic, tract. primo, cap. 3. Sotus ibi, q. 1. Caiet. in Expositione textus. Ruvius, q. 4. Conimbrie, quæst. 3. artic. 2. conclus. 3. Iacellus, 5. Metaphys. q. 7. Flander, septimo Meth. q. 8. Tolet. hic q. 1. & communiter Thomistæ.

Quinta tandem opinio putat, hic non diuidi substantiam pro prima, sed pro secunda intentione; & esse diuisionem vniuocam, scilicet generis in species. Ita noster Petrus Tataricus, cap. de substantia, q. 1. op. 3. Vbi tamen subdit; quod si feret diuisionem substantiæ pro prima intentione, tunc non esset diuisionem vniuoca, sed æquiuoca, scilicet subiecti in accidentia rationis; & sic apprehendere videtur tertiam opinionem.

Ex his omnibus opinionibus, approbando tertiam dicentem, hic fieri diuisionem subiecti in accidentia, deduco sextam opinionem ad mentem Doct. nostri in prædicamentis loco citato; & q. 4. Vniuersaliū, resp. ad secundum argumentum principale; nimirum talem diuisionem esse substantiæ, primo intentionaliter acceptæ, non per se, sed per accidens primo modo, scilicet subiecti in accidentia intentionalia.

Pro cuius intelligentia, ac fundamento, primo est memorizandum, diuisionem esse duplicem, scilicet per se, & per accidens; & utramque multiplicem, ut adnotauimus in Summis, tract. primo, sect. 3. Antepredicamento secundo in generali, & in Vniuersali Cap. de Differentia, q. 1. Hic est sermo de vtraque, iuxta diuersitatem opinionum; siquidem diuidendo substantiam pro secunda intentione, esset diuisionem per se, & vniuoca; quia generis supremi in suas species subalternas. Si verò diuideretur substantia pro prima intentione, foret diuisionem per accidens; quia subiecti in accidentia intentionalia; prima enim, & secunda substantia, essent secundæ intentiones attributæ substantiæ communicabili, & incommunicabili pluribus.

Secundo notandum est, ex Doctore Subt. q. 4. Vniuersaliū, ad secundum argumentum principale; substantiam, tam primam, quam secundam posse accipi, du-

plexiter, scilicet pro prima, & pro secunda intentione. Prima substantia pro prima intentione, est omne illud, quod directè ponitur in prædicamento substantiæ, & non est pluribus communicabile: ut Petrus, Paulus, hic leo, hic equus, hic lapis, hoc ferrum &c. at pro secunda intentione, est secunda intentio indiuidui, attributa Petro, Paulo, huic leoni, isti æquo, & sic de cæteris, cognitis in ordine ad sua superiora, quorum naturam participant incommunicabiliter. Secunda substantia pro prima intentione, est quodlibet communicabile pluribus, directè positum in prædicamento substantiæ, ut corpus, corpus animatum, animal, homo, leo, equus, bos, & cætera huiusmodi. Et pro secunda, est intentio secunda vniuersalis, ut puta generis, vel speciei, attributa corpori, corpori animato, animali, homini, leoni &c. ab intellectu cognitis in ordine ad primam substantiam pariter pro prima intentione, de qua vniuocè prædicatur. Ex his sequitur primo, quod etiam substantia, ut sic, potest dupliciter sumi; pro prima, & pro secunda intentione. Pro prima, adhuc dupliciter, scilicet pro supremo coordinationis substantialis, scilicet pro substantia finita, & limitata completa; & pro tota coordinatione substantiali, scilicet substantia, corpore, corpore animato, animali, & homine. Pro secunda intentione verò substantia ut sic, est intentio generis generalissimi, attributa substantiæ completæ, finitæ, ac limitatæ in ordine ad sua inferiora. At secundo modo, est intentio vniuersalis attributa corpori, corpori animato, animali, & homini; & intentio indiuidui attributa Petro, Paulo, ac cæteris, cognitis tamen in ordine ad supradictam substantiam, quam participant. Sequitur secundo, quod tertio opinio, cum dicat, hanc diuisionem esse subiecti in accidentia intentionalia, non debet ponere pro diuisione substantiam, primo intentionaliter acceptam pro supremo; quia nequit esse subiectum primæ substantiæ, pro secunda intentione tamptæ; hæc enim est falsa: substantia completa, finita, & limitata in communi, est indiuidua: sed habet ponere pro diuisione substantiam pro tota coordinatione acceptæ, & pro membris diuidentibus primam, & secundam substantiam pro secunda intentione, ut sit sensus. Eorum, quæ directè ponuntur in prædicamento substan-

quædam sunt vniuersalia, cuiusmodi sunt secundæ substantiæ; & quædam indiuidua, seu singularia, vt sunt primæ substantiæ. Et sic talis diuisio est subiecti in accidentia; quæquidem illa, quæ sic directè ordinantur, vel sunt subiecta vniuersalia, & sic denominantur à secundis substantijs; vel particularia, & sic denominantur à primis. Sequitur tertio, quod quinta opinio Tataræ, cum asserat, diuisionem hanc esse generis in species, habet ponere pro diuisio generis generalissimum attributum substantiæ completæ, finitæ, & limitatæ; vt sic, in communi acceptæ; & pro membris diuidentibus vniuersale, quod est secunda substantia, & singulare, seu indiuiduum, quod est prima substantia. Et hæc diuisio habet fieri per prædicationem signatam, non exercitam; nimirum, genus generalissimum substantiæ prædicatur prædicatione signata de vniuersali, & singulari, quæ sunt prima, ac secunda substantia; & postea habet exerceri in terminis primæ intentionis, videlicet; Petrus, qui est prima substantia, & animal, quod est secunda substantia, sunt substantiæ finitæ, & limitatæ, completæ. Et sic diuisio substantiæ in primam, & secundam, non est per accedens, sed per se, & vniuoca; cum ibi diuidatur genus generalissimum in suas species, de quibus prædicatur vniuocè, & in quid.

Tertio notandum, ex D. Isidoro, lib. primo Ethimolog. cap. 4. & lib. secundo cap. 26. Insuper, ex Aristotele, quinto metaphys. cap. 8. & Auertoe ibidem, substantiæ vocabulum derivari à duplici effectu, proueniente ex rebus prædicamenti substantiæ; nimirum à subsistendo, seu in se, & per se existendo; & à substando alijs, scilicet prædicatis superioribus, & accidentibus; quorum prior prærequirit in se, quæ dicitur substantia, quemdam modum intrinsecum, qui subsistentia, seu in se, & per se existentia appellatur; & posterior alium modum, qui substantia, seu substantificatio dicitur. Horum autem modorum datur ordo in eadem re prædicamenti substantiæ, vt potè in lapide; quia primo concipitur subsistens, hoc est, in se, & per se existens; & secundo substando alijs, id est substantificans prædicata superiora, & acciden-

tia, sibi apta nata inexistere. Vnde habetur, quod cum substantia nequeat concipi sine ratione subsistendi, sed bene sine ratione substandi accidentibus, ratio subsistendi erit sibi intrinseca, & essentialis; ratio verò substandi, extrinseca, & accidentalis, hoc est, extra rationem, & quiditatem substantiæ. Non ob hoc tamen inferas, quod ratio substandi, sit totaliter extrinseca, ita ut queat à substantia se iungi, cum ipsa considerata in aptitudine, sit passio consequens rem de prædicamento substantiæ; & consequenter sibi realiter identificata, sicut risibilitas homini. Ex quo patet, quo sensu diuidat secunda opinio substantiam in primam, & secundam; nam non diuidit substantiam essentialiter, scilicet secundum rationem subsistendi; sed accidentaliter, nimirum secundum rationem substandi; nec talis diuisio erit substantiæ completæ, prout est supremum prædicamenti substantiæ, sed eiusdem, acceptæ pro tota coordinatione substantiali, in quantum quodlibet eorum, quæ reponuntur in prædicamento substantiæ, substat dicitur accidentibus; & prædicatis superioribus. Membra autem diuidentia, sunt primeitas, & secundeitas; si quidem primum, & secundum (vt docet Scotus in Grammatica speculatiua, de Constructione §. Visa natura constructionis) sunt differentie ordinis accidentales; vnde prima substantia dicitur, quæ primo substat accidentibus; Secunda verò, quæ secundo substat. Et sic, talis diuisio est per accedens; quia accedens in accidentia; dicitur enim substantiarum, supple accidentibus; quædam substant primò, & dicuntur primæ substantiæ; quædam verò substant secundo, & sic secundæ substantiæ appellantur.

Quarto notandum est, ex dictis, cap. de Differentia, q. 1. quod ad bonam diuisionem tres condiciones requiruntur. Prima, quod membra diuidentia sint opposita formaliter; hoc est, vt vnum nequeat prædicari formaliter, & quiditatiuè de reliquo. Secunda, quod diuisum non excedat membra diuidentia. Id est, quod nihil contineatur sub diuiso, de quo non valeant prædicari membra di-

diuidentia, saltem disiunctiue. Tertia, quod membra diuidentia non excedant diuisionem; ita ut nihil reperiri possit sub membris diuidentibus, quin contineatur etiam sub diuiso. Ex his conditionibus manifestè apparet, quæ illarum opinionum sint probabiles, & quæ improbabiles. Quarta est improbabilis; quia deficit sibi prima conditio: quandoquidem prima, & secunda substantia pro prima intentione, non opponuntur; imò secunda essentialiter prædicatur de prima, nedum prædicatione signata, sed etiam exercita; istæ enim sunt essentialiter. Petrus est homo; hoc animal; test animal. Tertia, & quinta; sunt probabiles; quia cum accipiant primam, & secundam substantiam pro secunda intentione, saltem in prædicatione exercita, membra diuidentia sunt opposita; hæc enim est falsa. Indiuisionem est vniuersale; vel prima substantia, est secunda substantia. Secunda autem, quo ad hoc, quod membra diuidentia sunt opposita, est cæteris probabilior, cum primeitas, & secundeitas, quæ sunt membra diuidentia, nequeant villo modo de se inuicem prædicari formaliter, vel in actu signato, vel exercito. Est postea omnibus improbabilius, quoad diuisionem in se; quandoquidem ibi Aristoteles diuidit substantiam essentialiter secundum rationem subsistendi, non substandi tantum, & membra diuisionis nequeunt esse primeitas; & secundeitas; quia ibi vult Philosophus, quod secundæ substantiæ prædicentur de primis, saltem prædicatione signata, ut patet inspicienti textum; atqui secundeitas nullo modo prædicari potest de primeitate; igitur membra diuidentia sunt substantiæ pro prima, vel secunda intentione, & non primeitas, & secundeitas, quæ sunt differentię accidentales ordinis, & omnibus aliquo modo ordinatis, conuenientes.

Ex his, sit prima Conclusio. Substantia, quæ diuiditur in primam, & secundam substantiam, non est substantia completa, finita, & limitata, prout est supremum genus prædicamenti substantiæ, sed quodlibet contentum in tali coordinatione. Nec prima, &

secunda substantia accipiuntur pro prima, sed pro secunda intentione tantum. Probatur prima pars. Quia quodlibet diuisionem, debet recipere prædicationem à membris diuidentibus, si sint entia positiua; sed substantia completa, finita, & limitata in communi, nequit recipere prædicationem veram à prima, & secunda substantia, sed bene substantia pro tota coordinatione accepta; ergo substantia completa, finita, & limitata, non diuiditur in primam, & secundam substantiam, sed dumtaxat substantia accepta pro coordinatione prædicamentali substantiarum. Maior patet. Tum quia diuisionem, & membra diuidentia debent esse adæquata; igitur debent prædicari de se inuicem; saltem disiunctiue. Tum etiam; quia rationale, & irrationale diuidunt animal, & prædicantur de illo disiunctiue, ut patet; igitur &c. Minor probatur. Quia substantia in communi, est semper communicabilis; ac prima substantia, maximè pro prima intentione, est incommunicabilis; ergo saltem prima substantia nequit prædicari de substantia completa in communi. Secunda pars minoris, quod prima, & secunda substantia prædicentur de substantia accepta pro coordinatione prædicamentali, probatur. Quia omnis substantia completa, reponibilis in coordinatione prædicamentali, vel est prima substantia, ut sunt indiuisionem; vel secunda, ut sunt genera, & species; ergo hæc diuiditur, & non illa in communi. Probatur secunda pars conclusionis. Quia membra diuidentia debent esse opposita, ut patet ex prima conditione requisita ad bonam diuisionem; sed prima, & secunda substantia pro prima intentione, non sunt opposita, licet bene pro secunda; ergo prima, & secunda substantia, non accipiuntur in illa diuisione pro prima, sed pro secunda intentione. Minor probatur. Quia oppositum non prædicatur de opposito formaliter, ex Aristotele, c. de oppositis; sed secunda substantia pro prima intentione prædicatur formaliter de prima pro prima intentione; ergo ut sic, non sunt opposita. Minor probatur. Quia Aristoteles in textu dicit, secundas substantias prædicari nomine, & rationed.

pri-

primis, tūc etiam, quia hæc est quiditativæ; hic homo est homo; sed hic homo est prima substantia, & homo secunda, accepta pro prima intentione; ergo. Secunda pars minoris probatur. Quia licet secundæ substantiæ prædicentur nomine, & ratione prædicatione signa de primis, cum genera, & species prædicentur de indiuiduis quiditativè eadem prædicatione, tamen prædicatione exercita nequeunt prædicari quiditativè de illis; quia hæc sunt falsæ: prima substantia est secunda, vel è converso; & indiuiduum est genus, vel genus est indiuiduum; atqui indiuiduum est prima substantia, & genus, & species secunda; ergo secunda substantia nequit prædicare quiditativè de prima; vel è converso. Adhuc notanter quiditativè; cūta denominativè nihil prohibet prædicari de se invicem, nimirum quando vna sumitur, ut quid, & altera ut modus; si quidem indiuiduum est species; quia dicitur de illo, & illo indiuiduo; similiter species est indiuiduum, in quantum videlicet attribuitur homini, leoni, equo &c. tamen species dicitur de indiuiduo, & similiter indiuiduum de specie, tantum modaliter, & denominativè, pro quanto fundatur super eadem, uti modus illam denominans, ut alius diximus.

Secunda Conclusio. Hæc divisiō, est subiecti in accidentia intentionalia. Itā Scotus in citatis locis. Probatur. Quia divisiō subiecti in accidentia est illa, in qua divisum est subiectum, & membra dividentia sunt accidentia ipsum denominantia; sed substantia, quæ dividitur in primam, & secundam, est huiusmodi; ergo est divisiō subiecti in accidentia. Maior patet, ex Boetio, lib. de Divis. cap. primo, & secundo. Minor probatur. Quia substantia, quæ hic dividitur, est substantia accepta pro tota coordinatione prædicamentali; & prima, ac secunda substantia accipiuntur hic pro secunda intentione; sed tales subiectantur in eadem, accepta pro prima intentione; quia secunda substantia est genus, vel species; prima verò est indiuiduum, vel singulare; & hæc subiectantur in prima substantia, accepta pro tota coordinatione; siquidem genus, & species attribuntur corpori, corpori animato, animali &c. & indiuiduum, huic, vel illi homini; illi, vel illi equo, & sic

de cæteris; ergo prima, & secunda substantia, quæ sunt membra huius divisiōis, subiectantur in substantia pro prima intentione, accepta tamen pro tota coordinatione prædicamenti substantiæ.

Tertia Conclusio. Probabile est, hanc divisiōnem esse generis in species; & consequenter vniocam; sumendo tam divisum, quam membra dividentia pro secunda intentione. Est conclusio nostri Petri Tartaretij præcitato loco. Probatur. Quia divisiō generis in species est, cum divisum est genus, & membra dividentia sunt species sub ipso contentæ; sed accipiendo substantiam, tam primam, quam secundam, pro secunda intentione, divisum est genus, & membra dividentia sunt species; ergo est divisiō generis in species. Maior est Boetij præcitato loco. Minor probatur. Quia substantia pro secunda intentione, est genus generalissimum, & secunda est univiale; prima verò, indiuiduum, seu singulare, quæ sunt duæ species contentæ sub genere generalissimo, saltem in prædicatione signatæ; igitur divisum est genus, & membra dividentia sunt species eiusdem generis. Secunda pars patet. Quia genus dicitur vniocè de suis speciebus, ut alibi demonstravimus.

Quarta Conclusio. Divisiō substantiæ in primam, & secundam, est convenienter assignata. Probatur. Quia habet omnes conditiones requisitas ad bonam divisiōnem; ergo est bona, & convenienter assignata. Consequentiā patet. Quia nihil aliud requiritur. Antecedens probatur. Habet primam conditionem; quia prima, & secunda substantia accipiuntur pro secunda intentione, & vna nequit prædicare quiditativè de altera in actu exercitio; igitur membra dividentia sunt opposita. Habet secundam, & tertiam. Siquidem omne, quod continetur directè in prædicamento substantiæ, vel est prima, vel secunda substantia; & omne, quod est prima, aut secunda substantia, continetur directè in prædicamento substantiæ; quia ratione, divisum, & membra dividentia dicuntur adequari, ut neutrum alterum excedat; ergo habet secundam, & tertiam conditionem. Secundo probatur. Quia hæc divisiō, vel est subiecti in accidentia, vel generis in species, ex secunda, & tertia conclusione; sed utraque divisiō est bona, ex Boetio, lib. de Divisiōibus; ergo hæc est bona

na diuifio, & conſequenter conuenienter aſſignata.

Obijciunt tamen primo, contra primam conſuſionem. Quia eo modo hic accipitur prima, & ſecunda ſubſtantia, quo modo diſſiniuntur ab Ariſtotele; ſed ut hic diſſiniuntur, ſunt primæ intentiones; ergo etiam, ut ſunt membra diuifionis, debent eſſe primæ intentiones. Maior patet. Quia Ariſtoteles non poſſit expreſſe hanc diuifionem in primam, & ſecundam ſubſtantiam, ſed ex eo docetur, illam poſuiſſe, quia utramque diſſiniuit diſtincta diſſinitione; ergo eo modo hic accipiuntur, quo modo diſſiniuntur. Minor probatur. Quia diſſiniuit primam ſubſtantiam per hoc, quod proprie, & principaliter, & maxime ſubſtare dicitur; & quod eſt in ſubiecto, neque dicitur de ſubiecto; ſed hæc diſſinitio nequit conuenire ſubſtantię primæ, pro ſecunda intentione acceptæ; tamen quia illa non magis ſubſtat, quam ſecunda; tum etiam, quia illa eſt in ſubiecto; ſcilicet in ſubſtantia pro prima intentione; & etiam dicitur de ſubiecto; quia prædicatur de hac, & illa ſubſtantia pro prima intentione; ergo diſſinitio nequit competere primæ ſubſtantię pro ſecunda intentione.

Reſpondetur, negando minorem. Ad probationem, iterum nego minorem. Imò diſſinitio ſic applicatur primæ ſubſtantię, pro ſecunda intentione. Subſtantia autem, quæ proprie, & principaliter, & maxime ſubſtantia dicitur, eſt ſecunda intentio indiuidualis, quæ neque de ſubiecto aliquo dicitur, neque in ſubiecto aliquo eſt. Ad probationem minoris dico, magis ſubſtare, quam ſecunda, in quantum applicatur indiuiduo ſubſtantiali pro primæ intentione, quod maxime ſubſtat accidentibus. Ad aliā probationem dico, primam ſubſtantiam pro ſecunda intentione dupliciter accipi poſſe, ſcilicet ut quid, & ut modus. Primo modo, prima ſubſtantia indiuidualis non dicitur de ſubiecto, ſed tantum de ſe ipſo. Secundo modo dicitur de ſubiecto, ut puta de hac, & illa prima ſubſtantia; ſed tunc non eſt prima ſubſtantia, ſed ſecunda, cum ſit ſpecies modalis. Similiter, ipſam eſſe in ſubiecto poſſit dupliciter intelligi; vno modo comparando ipſam ad ſuum ſubiectum, ſeu fundamentum, ſecundum prædicationem ſignatam, & alio modo ſecundum

prædicationem exercitam. Primo modo, non eſt ſubiecto, ſed tantum de illo dicitur; ſicque dicitur prima ſubſtantia. Secundo autem modo eſt in ſubiecto, ut puta in Francisco, vel Antonio cognitis: at ſic non eſt prima ſubſtantia, ſed accidens tantum, ut modus; ſiquidem accidit cuiuslibet intentioni ſecundæ eſſe in, ſicut accidentibus realibus dici de; ut dictum eſt in Vniuerſalibus.

Obijciunt ſecundo, Ariſtoteles comparans primam, & ſecundam ſubſtantiam ad innicem inquit, primam eſſe maximam ſubſtantiam, & magis, quam ſecunda; quia maxime ſubſtat; ſed ſubſtare, eſt actus realis; ergo prima, & ſecunda ſubſtantia ſunt entia realia, & non ſecundæ intentiones.

Reſpondetur, quod ſubſtare dupliciter accipitur, ſcilicet pro prima, & pro ſecunda intentione. Primo modo dicit ſubſtentia re accidens, & prædicata ſuperiora. Secundo modo dicit eſſe ſubiectum in propoſitione. Unde, ſicut illud, quod plura ſubſtentat realiter, dicitur magis ſubſtare realiter, quam quod pauciora; id, quod potest eſſe ſubiectum plurium prædicatorum ſecundum prædicationem ſignatam, dicitur magis ſubſtare ſecundo intentionaliſter, quam id, quod nequit eſſe tot prædicatorum ſubiectum. Modò ad formam argumenti dico, minorem eſſe veram de ſubſtare pro prima, non pro ſecunda intentione. Quare manifeſte patet, primam ſubſtantiam pro ſecunda intentione magis ſubſtare, quam ſecunda ſimiliter accepta, cum poſſit eſſe ſubiectum in prædicatione ſignata plurius prædicatorum, quam ſecunda eſſe queat.

Obijciunt tertio, contra tertiam conſuſionem. Si hæc diuifio eſſet generis in ſpecie, ſequeretur primam non poſſe eſſe magis ſubſtantiam, quam ſecundam; ſed hoc eſt contra Ariſtotelem in textu; ergo. Sequela maioris probatur. Quia Ariſtoteles ibidem dicit, vnam ſpeciem non eſſe magis ſubſtantiam altera ſpecie; quia æqualiter participant, & æquè participantur ab indiuiduis.

Reſpondetur, negando ſequelam maioris. Ad probationem dico, Ariſtotelem intelligendum eſſe de ſpeciebus ſpecialiſſimis, ut patet in exemplis ibidem abatis;

non

non tamen de subalternis. Quia cum in his detur ordo superioris, & inferioris, consequenter inæqualiter participant superiora, & participantur ab inferioribus. Modo genus generalissimum non diuiditur in primam, & secundam substantiam, tamquam in species specialissimas, sed vt in species subalternas; cum secundæ substantiæ possint esse genera, & species; primæ vero, tantum species, vt modus.

Virum aliquis homo sit prima substantia?

QVÆSTIO III.

MOuetur hæc difficultas occasione exempli, quod dedit Aristoteles de prima substantia, dicens. Aliquis homo, aliquis bos, quidam equus. Modo queritur, si exemplum datum de aliquo homine, explicet naturam de prima substantia, necne. Ratio dubitandi est, quia aliquis homo, videtur prædicari de pluribus, & sic de subiecto; siquidem hæc sunt veræ. Petrus est aliquis homo, Paulus est aliquis homo, Ioannes est aliquis homo, &c. igitur exemplum videtur transcendere diffinitionem primæ substantiæ.

Pro cuius declaratione, primo notandum est, quod istæ sex voces, vnum numero, indiuiduum, singulare, suppositum, & hypostasis, ac persona, aliquo modo conueniunt, & aliquo modo differunt. Primo conueniunt, quia omnes denotant hoc aliquid, & rem incommunicabilem, scilicet Petrum, hunc leonem, hanc albedinem, &c. Secundo differunt, quia vnum numero, singulare, & indiuiduum competunt rebus singularibus cuiuslibet prædicamenti, siue substantiæ, siue accidentium; ar suppositum, hypostasis, & persona reperiuntur dumtaxat in rebus singularibus prædicamenti substantiæ; vt patet ex cuiuslibet propria diffinitione, seu descriptione. Nam dicitur vnum numero, quia non facit diuersum numerum, sed vnum tantum significat. Dicitur autem singulare, quia sibi repugnat diuidi in plura inferiora. Dicitur denique indiuiduum, quia tantum de vno solo prædicatur, vt ait Porphyrius, cap. de specie, in fine; vel quia de nullo alio a se dicitur, vt inquit Aristoteles in Antepredica-

mentis. At manifestum est, has rationes conuenire rebus singularibus cuiuslibet prædicamenti; igitur illa tria sunt communia rebus singularibus cuiuslibet prædicamenti. Reliqua vero tria, & si conueniant, quia omnia reperiuntur in rebus singularibus prædicamenti substantiæ tantum, differunt tamen inter se; quia hypostasis, & suppositum conueniunt omnibus rebus singularibus prædicamenti substantiæ, siue sint res animatæ, siue inanimatæ, siue intellectuales, siue careant intellectu; persona vero tantum in intellectualibus, siue corporeis, siue incorporeis inueniri potest: quod clarius patebit, si vtrumque descriperimus. Suppositum igitur, seu hypostasis, (idem enim sunt, cum hypostasis in græco, suppositionem, seu suppositum significet in latino) est omne illud, quod est incommunicabile, vt quo, & vt quod. Vnde communicari alteri vt quo, est esse natum inherere, seu informare aliquid, siue sit accidens, siue forma substantialis. Et sic albedo dicitur communicabilis vt quo; quia est nata inherere parieti; & similiter anima nostra dicitur communicabilis corpori vt quo; quia est nata informare illud. Et per oppositum, illud est incommunicabile, vt quo, quod non potest esse forma, siue accidentalis, siue substantialis alicuius. Et sic tantum indiuidua substantiæ dicuntur esse incommunicabilia. Sed communicabile vt quod, est illud, quod de pluribus prædicari potest; vt homo, animal, albedo, nigredo &c. At incommunicabile vt quod, dicitur illud, quod de pluribus prædicari nequit. Et sic omne indiuiduum est incommunicabile; quia tantum de se solo prædicari potest. Quare coniungendo ambas particulas in vnum, suppositum dicitur esse illud, quod non potest esse forma alicuius, nec de pluribus prædicari valet; atqui cum per primam particulam excludantur omnia indiuidua accidentium, restat, suppositum dumtaxat competere posse rebus singularibus prædicamenti substantiæ. Persona autem, est intellectualis naturæ incommunicabilis existentia. Ex quo patet, quod per illam particulam, incommunicabilis existentia, denotatur, personæ rationem non competere generibus, & speciebus; quia talia sunt communicabilia vt quod; non indiuiduis accidentium, quia sunt communicabilia.

ut quo; sed tantum individuis substantiæ, quæ sunt incommunicabilia ut quo, & ut quod. Per illam verò conditionem, intellectualis naturæ, denotatur nomen personæ conuenire non posse animalibus brutis, sed tantum rationalibus; nec tantum illis, sed etiam Deo, & Angelis. Ex his omnibus patet, quod non omnia individua, singularia, vel vnum numero, possunt dici primæ substantiæ, sed illa dumtaxat, quæ sunt supposita, & personæ; ut sunt omnia individua prædicamenti substantiæ, siue corporæ, siue incorporeæ, finita tamen, & limitata: ut hac ratione excludatur Deus, qui non est in aliquo prædicamento, ut superius probatum est.

Secundo notandum est, quod individuum substantiæ est duplex, scilicet vagum, & signatum. Individuum vagum est, quod est determinatum ad significandum aliquam naturam singularem indeterminatam tamē: ut aliquis homo, quidam equus &c. quandoquidem illud signum particulare aliquis, vel quidam, contrahit hominem, vel equum ad singularem naturam, indeterminatam tamen; quia non signatur hoc, vel illud, sed potest esse hoc vel illud, & neutrum illorum. Et individuum hoc modo sumptum, potius meretur nomen speciei, quam individui, cum re vera de pluribus prædicetur: illæ enim sunt veræ. Petrus est aliquis homo. Paulus est aliquis homo &c. Individuum verò signatum est, quod est determinatum ad significandum aliquam naturam singularem determinatam; ut Petrus, Paulus, hic leo, ista æquus &c. Ad propositum applicando, stando in rigore logicæ, aliquis homo nequit esse primæ substantiæ; quia de ratione primæ substantiæ est non dici de subiecto, id est de inferioribus; at aliquis homo dicitur de omnibus hominibus: valet enim dicere; omnis homo est aliquis homo, cum omnes particulares eius sint veræ, scilicet; iste homo est aliquis homo, & hic, & ille, & sic de cæteris; igitur omnis homo est aliquis homo: tamen respiciendo intentionem Aristotelis, potest concedi, quod aliquis homo sit prima substantiæ, cum significet naturam hominis particularem, indeterminatam tamen; ita ut prima substantia sit aliquis homo, id est quodlibet, quod est aliquis homo, vel iste homo. Ex quo elici potest talis distinctio, nimirum, aliquem hominem materialiter sumptum, non esse primam substantiam, cum ut sic,

prædicetur de subiecto: esse tamen primam substantiam circumlocutione, inquantum per hoc complexum, aliquis homo, denotatur iste homo vel Petrus, qui re vera sunt primæ substantiæ formaliter. Et hoc modo intelligendus est Aristoteles; alioquin ex eplū non responderet distinctioni primæ substantiæ, sed potius secundæ, cum super aliquo homine fudari possit intentio speciei, quæ est secunda substantia.

Ex his, si t prima conclusio. Ratio primæ substantiæ non potest reperiri in individuis, vel singularibus tantum, sed ultra hoc requiritur, talia esse supposita, vel personas. Ista conclusio est contra Mauritiū Hybernū, in expof. quartæ quæstion. Vniuersaliū Scoti, dub. 3. ubi probabiliter defendit, substantiam primam, & secundam, pro secunda intentione, reperiri posse in omni prædicamento; per anthonomasiam tamē attributam esse prædicamento substantiæ. Probatur. Quia in eo reperitur tantum ratio primæ substantiæ, quod est incommunicabile, ut quo, & ut quod; sed tale est tantum individuum substantiæ, cuiusmodi est suppositum, & persona; ergo nequit reperiri ratio primæ substantiæ in individuis accidentiū. Minor patet ex primo not. Maior probatur. Quia prima substantia est, quæ neque est in subiecto, neque de subiecto dicitur; ergo tantum reperitur in eo, quod est incommunicabile, ut quo, & ut quod. Antecedens est Aristotelis in textu. Cōsequentia probatur. Quia per hoc, quod dicitur, neque est in subiecto; denotatur incommunicabilitas ut quo, scilicet, ut forma, siue substantialis, siue accidentalis; siquidem quod est in subiecto, est communicabile ut forma accidentalis, & consequenter ut quo; igitur quod non est in subiecto, redditur incommunicabile, ut quo. Per hoc vero, quod additur in eadē distinctione; neq; de subiecto dicitur; declaratur incommunicabilitas ut quod; quandoquidem dici de subiecto, est habere inferiora, de quibus prædicatur; & per oppositum, non dici de subiecto, est nō prædicari de pluribus; sed hoc est esse incommunicabile ut quod; ergo ratio primæ substantiæ tantum reperitur in eo, quod est incommunicabile ut quo, & ut quod; & sic tantum in individuis prædicamenti substantiæ, & non accidentiū; cum talia sint comunicabilia, saltem ut quo, subiectis, vel actualiter, vel apudmodum licet.

Secunda Conclusio. Loquendo de rigore logicæ, aliquis homo nō est prima substantia; hoc est, prima substantia pro secunda intentione

nequit fundari super aliquo homine. Hæc est contra Toletum hic, q. 5. in resp. ad primum argumentum. Et est Scoti in Prædicam. q. 12. Antonij Andree, q. 1. de substantia. Conimbric. ibidem, q. 3. art. 3. ad secundum. Probat. Quia ratio primæ substantiæ nequit fundari super illo, quod prædicatur de pluribus; sed aliquis homo prædicatur de pluribus; ergo super aliquo homine nequit fundari prima substantia pro secunda intentione. Maior patet. Quia prima substantia nequit dici de subiecto, ex diffinitione eiusdem; sed quod prædicatur de pluribus dicitur de subiecto, ex Antepredicamentis, cap. 2. ergo prima substantia nequit fundari super illo, quod prædicatur de pluribus. Minor probatur. Quia prædicatur de hoc, & de illo homine determinatis, qui sunt plures.

Dices cum Tolet. Est ille aliquis homo dicitur de pluribus, non tamen dicit de subiecto, quia non prædicat naturam superiorem de hoc, vel illo homine, sed tantum seipsum hominem particularem, indeterminatam tamen.

Contra. Quia illud dicitur prædicare naturam superiorem, & communem, quod prædicatur naturam contractam per differentiam communem; sed aliquis homo est huiusmodi; ergo &c. Maior patet ab oppositis. Quia prædicatur naturam inferiorem, & particularem, quod prædicatur naturam contractam per differentiam individualement, & particularem; ergo illud, quod prædicatur naturam contractam per differentiam communem, prædicatur naturam superiorem, & communem. Minor probatur. Quia aliquis homo, dicit naturam hominis eam differentia vaga, & indeterminata ad hunc, vel illum hominem; sed quod est indeterminatum ad hoc vel illud, est commune, & non particulare; ergo aliquis homo prædicatur naturam communem, & superiorem, & non particularem tantum, ut dicit Toletus. Concludendum est igitur de rigore logicæ, primam substantiam non posse fundari super aliquem hominem.

Tertia Conclusio. Circumlocutiue tamen, aliquis homo potest dici prima substantia. Id. si ratio primæ substantiæ, potest attribui alicui homini circumlocutiue accepto. Est Doct. Subt. loco citato. Et Tart. hic, q. 1. de substantia, Dub. 2. Probat.

Quia prima substantia est, quæ neque in subiecto est, neque de subiecto dicitur; sed aliquis homo circumloquitur individuum hominis determinatum, quod neque est in subiecto, nec de subiecto dicitur; ergo aliquis homo circumlocutiue, est prima substantia. Maior patet ex diffinitione primæ substantiæ. Minor similiter. Quia per aliquem hominem, circumloquimur hunc hominem particularem determinatè, scilicet Petrum, vel Paulum &c. qui neque in subiecto est, neque de subiecto dicitur; quia est incommunicabilis, ut quod, & ut quod, ut dictum est in primo Notabili, ergo.

Obijciunt tamen primo, contra primam conclusionem. Secundæ substantiæ, pro secunda intentione sumptæ, sunt in omni prædicamento; ergo, & primæ. Consequentia patet. Quia ex Aristotele, cap. de substantia, secundæ substantiæ dicuntur de primis; ergo ubicumque reperiuntur secundæ, & primæ ibidem esse oportet. Antecedens probatur. Quia Scotus in quarta questione Vniuersaliū, ad secundum principale dicit, vniuersale esse secundam substantiam, & etiam dici de primis substantiis; atqui vniuersale reperiuntur in omni prædicamento, cum ibi sint genera, & species; ergo secundæ substantiæ sunt in omni prædicamento.

Respondetur, negando antecedens. Ad probationem dico, vniuersale esse quid commune ad genera, & species, quæ sunt secundæ substantiæ, & ad individua, quæ sunt primæ substantiæ, & ad cætera, quæ non sunt primæ substantiæ; idè licet Doct. concedat, vniuersale dici de primis, & secundis substantiis pro secunda intentione, tamquā genus subalternum de suis speciebus, non tamen cōcedit adæquatam propositionem prædicatiam de illis; ita ut omne, quod est secunda substantia, vel prima, sit vniuersale; & omne vniuersale sit secunda substantia; cum vniuersale sit communis secundis substantiis; comprehendit enim sub se omnia genera, & species, non tantū attributa rebus cōmunibus prædicamenti substantiæ, quæ ratione dicuntur secundæ substantiæ; verum etiam eadem attributa rebus communibus prædicamentorum accidentium; idè non sequitur reperiiri primas aut secundas substantias in prædicamentis accidentium, est ille in eis reperiatur vniuersale.

Quia

Obijcies secundo, contra secundam conclusionem. Si aliquis homo non est prima substantia verè, & in rigore; sequitur, quod nullo modo sit substantia; sed hoc est falsum, quia ponitur directè in prædicamento substantiæ; ergo & id vnde sequitur. Sequela maioris probatur. Quia inter primam, & secundam substantiam non datur medium; sed per te non est prima substantia, nec est secunda, ut probabitur; ergo si non est prima, nullo modo est substantia. Maior patet ex præcedenti quæstione, ubi demonstraui-
mus, primam, & secundam substantiam sufficienter diuidere omnem substantiam. Minoris secunda pars probatur. Quia si aliquis homo esset secunda substantia, maximè esset species, cum dicitur de hoc, & illo homine, tanquam de differentibus numero; sed consequens est falsum; ergo & antecedens. Minor probatur per regulas contradictoriarum; si una est vera, reliqua necessariò est falsa; sed hæc est vera; nullus homo est species; ergo sua contradictoria est falsa; aliquis homo est species.

Respondetur primo, negando sequelam maioris. Ad probationem dico, inter primam, & secundam substantiam formaliter, & circumlocutiue simul acceptas, non dari aliquod medium; quia omne, quod est substantia, vel est prima, vel secunda altero è duobus modis, scilicet aut formaliter, aut circumlocutiue; tamen datur medium inter illas, si formaliter tantum accipiantur, nimirum secunda, vel prima substantia circumlocutiue: modo, licet aliquis homo non sit prima substantia, vel secunda in rigore, est tamen prima circumlocutiue.

Vel dicendum secundo, negando sequelam maioris. Ad probationem dico, aliquem hominem esse secundam substantiam, quæ sit species, cum re vera de pluribus prædicatur numero differentibus suppositis. Ad probationem contra, concessa maioris dico, hanc propositionem, aliquis homo est species, non esse contradictoriam huius; nullus homo est species; quia cum illud signum, nullus, distribuat hominem pro omnibus hominibus, non distribuit ipsum indeterminatè, sed determinatè; quod patet resolvendo illam in suas particulares, nimirum in has; *ignis Petrus non est species, Paulus non est species, hic homo non est species, &c.* sic de cæteris; ergo sua contradictoria debet

esse de subiecto determinato, ut ista; *hic homo est species, vel Petrus est species, quæ sunt falsæ*: modo aliquis homo non est subiectum determinatum, sed vagum, & indifferens ad plura supposita hominis, idèò hæc; *aliquis homo est species*; non est contradictoria illius; nullus homo est species; & per consequens ad veritatem eiusdem, non sequitur falsitas istius, sed ambæ possunt esse simul veræ.

Obijcies tertio, contra tertiam conclusionem. Quod prædicatur de pluribus in quid, non est prima substantia; sed aliquis homo est huiusmodi: ergo aliquis homo non est prima substantia. Maior patet ex diffinitione primæ substantiæ. Minor probatur. Quia ista est vera; omnis homo est aliquis homo; ut dictum est in secundo Notab. sed omnes homines sunt plures; ergo aliquis homo dicitur de pluribus.

Respondetur primo, ex Doctore in prædicamentis loco citato, negando minorem. Ad probationem dico, esse aliquis homo dicatur de omnibus hominibus, & sic de pluribus, non tamen dicitur de illis in quid, cum sit quoddam ens per accidens compositum ex re primæ, & secundæ intentionis.

Vel dicendum secundo, minorem esse veram sumendo ly aliquis homo, materialiter quo sensu etiam eius probatio habet veritatem; non tamen si accipiatur circumlocutiue; quia tunc, cum circumloquatur aliquod individuum hominis determinatum, nequit prædicari de omnibus hominibus; modò aliquis homo est prima substantia, secundo, non primo modo.

De Natura communi, seu Vniuersali Methaphysico.

DISPUTATIO IV.

Scholastici serè omnes, hanc dissentimunt materiam, occasione textus Aristotelis multis in locis; quippe qui resellens opinionem Platonis de Vniuersalibus à materia segregatis, docet vniuersale, aut habere esse

in singularibus tantum, ut dicebant Heraclitus, & Cratillus antiqui Philosophi; aut si aliquod esse, præter esse singularium, possideat, illud sibi competere beneficio intellectus. Itã in primo de Anima, cap. 1. t. 8. in illis verbis. Vniuersale, aut nihil est, aut posterius est. Quibus per motus Commentator subiunxit, munus intellectus agentis esse facere vniuersalitatem in rebus. Cæterum de loco, & ordine, quem sibi adscribunt in tradenda hac materia, non conueniunt, cum aliqui eam disputent super primo Capite Vniuersalium Porphyrii, agendo de natura vniuersalis in communi. Alij in septimo Metaphys. ad tex. 44. & alij in primo de anima, ad locum citatum remittant. Nos autem occasione verborum Aristotelis in hoc capite de substantia dicentis, secundas substantias esse genera, & species, in quibus sunt prima substantia; insuper, quod omnia alia à primis substantiis, vel dicuntur de illis, vel sunt in illis; unde sequitur destructio omnium, ad primarum substantiarum destructionem; hic generaliter pertractabimus, extendendo quesitum, nedum ad vniuersalia substantia, sed etiam ad accidentalia. An nimirum, habeant esse præter operationem intellectus: & an in singularibus existant, secundum propriam vnitatem, & essentiam.

Utrum in rebus, ante operationem intellectus, detur vnitatis formalis, minor vnitatis numeralis?

Q V Æ S T I O L

D. Thomas opusc. 55. & prima parte q. 86. art. 1. & 2. Albert. Magn. in lib. Prædicab. q. 6. Themistius super Aristotelis proem. de Anima cap. 4. Capreolus, in 2. sent. d. 8. q. 2. Lauel. tract. 4. de Vniuers. Anton. Ruuius in c. 2. Porphy. q. 4. & alij ex Recentioribus, sustinent partem negatiuam quesiti; non dari nimirum ante operationem intellectus vnitatem minorem vnitatis numerali, sed omnem vnitatem, præter

numeralem, pendere ab opere intellectus.

Cæterum, Doct. Subt. in secundo, d. 3. q. 1. & 7. meth. q. 18. enixè tucetur affirmatiuam. Magistrum sequuntur omnes eius Discipuli; ut Ant. And. 7. meth. q. 16. Tromb. ibi q. 9. Lycheius in secundo ad litteram Doct. Io. Menlorius, disp. de Nat. Vniuersali, cap. 5. & 6. & alij, quos breuitatis causa omitimus.

Pro declaratione, & solutione huius questionis, primo notandum est, ex Aristotele, 4. meth. t. 5. ex septimo meth. t. 12. & ex 10. Meth. t. 9. quod vnum est passio entis; vnde inferitur ibi tot esse species vnius, quot sunt species entis. Vnitas autem, ex Boerio, lib. de Vnit & Vno, est quæ vnæquæque res dicitur vna; vel vt communiter describitur. Vnitas est illa, quæ vna res dicitur indistincta in se, & distincta à quacumque alia. Vt v. g. vnitas in Petro, facit ipsum indistinctum in se, & distinctum à Paulo, Francisco, & cæteris hominibus. Ex quo sequitur, quod quanto magis aliqua res est indistincta in se, & ab alia distincta, tanto magis est vna; & per oppositum, quanto minus est in se indistincta, & distincta ab alia, tanto minus dicitur vna. Cum autem indiuiduum sit maxime indistinctum in se, & distinctum à quolibet alio, quia nequit diuidi in sibi inferiora, de quibus dicatur quiditatiuè; idè est maxime vnum, & eius vnitas indiuidualis, dicitur maxima vnitas: species autem, vt homo; quia est minus indistincta, quam indiuiduum, & magis, quam genus, vt putà animal, cum illa diuidatur in plura differentia numero; hoc verò in plura differentia specie, & etiam numero, dicitur habere minorem vnitatem, quam indiuiduum, & maiorem, quam genus. Quare vnitas specifica erit minor numerica, seu indiuiduali; maior verò vnitatis generica, quæ in hoc dicitur minima vnitas, cum sequatur entitatem vndequeque distinctam.

Secundo notandum, vt colligitur ex Doct. Subt. in secundo, d. 3. q. 1. Et 7. meth. q. 13. & 18. quod diuisio, seu distinctio, & vnitas cum opponantur priuatiuè, quot modis dicitur diuisio, tot modis habet dici, & vnitas, iuxta placitum Philosophi, primo Topicorum, cap. 12. dicentis. Quot modis dicitur vnum oppositorum, tot modis dicitur

que

tur, & reliquum. Diuisio autem, in proposito est duplex, scilicet materialis, & formalis. Materialis diuisio dicitur illa, quæ est causata per principia materialia; cuiusmodi sunt principia indiuidualia: & hoc modo Petrus, & Paulus dicuntur ab inuicem diuisi materialiter; quia distinguuntur per differentias indiuiduales, quæ principia materialia appellantur. Formalis uero diuisio, quæ causatur per principia diuidentia formaliter, est duplex; quædam est causata per principia formalia essentialia propria; ut est diuisio hominis à leone, per animam rationalem, & sensitivam: quædam uero est causata per principia formalia, essentialia quidem, sed communia, qualis est inter hominem, & lapidem, per animatum, & inanimatum, quæ sunt principia, seu differentie communes; siquidem, nec animatum tantum homini, nec tantum animalibus, nec inanimatum solum lapidibus competit; hæc uero extenditur in eodem, secundum quod principia sunt magis, & minus communia. Vnitas etiam est duplex, scilicet materialis, & formalis. Vnitas materialis, est priuatio diuisionis materialis, & hæc dicitur vnitas numeralis, seu indiuidualis, quæ exempli gratia, Petrus dicitur vnus numeraliter, quia non habet in se diuersa principia materialia, quibus distinguatur. Vnitas uero formalis, est priuatio diuisionis formalis. Et sic homo dicitur vnus formaliter; quia caret principijs formalibus, ipsum diuidentibus in plura formaliter; quandoquidem diuiditur per differentias indiuiduales, quæ sunt principia materialia, & non formalia. Hæc est duplex, sicut diuisio sibi opposita; alia enim est priuatio diuisionis causata per principia propria formalia; & talis est vnitas specifica; alia uero per principia communia, quæ dicitur generica, est priuatio diuisionis genericæ: & hæc extenditur secundum gradus eo modo, quo principia generica extenduntur secundum maius, & minus. Inter has vnitates constituitur talis ordo, ut illa dicatur maxima vnitas, quæ est priuatio minimæ diuisionis; & illa dicatur minima vnitas, quæ dicit priuationem maximæ diuisionis. Prima igitur est vnitas

materialis; seu numeralis. Secunda est vnitas generica in ultimo gradu. Cum autem inter has vnitates detur vnitas, quæ non tantum priuat diuisionem materialem, sed etiam formalem, & inter formales, non priuat maximam, sed minimam, ut est diuisio formalis specifica; ideo danda est à parte rei vnitas formalis, minor numerali, & maior generica in quocumque gradu; cuiusmodi est vnitas naturæ communis, prout est in singularibus.

Secundo notandum est, quamlibet vnitatem, siue numericam, siue specificam, & genericam, posse dupliciter accipi, scilicet pro prima, & pro secunda intentione. Vnitas numerica pro prima intentione, est priuatio diuisionis numeralis cognita ab intellectu actu recto: & pro secunda intentione, est intentio proprii, attributa tali vnitati sic cognita in ordine ad vnitatem minorem, scilicet naturæ communis. Vnitas specifica pro prima intentione, est priuatio diuisionis sciendæ per principia formalia propria, cognita ab intellectu actu recto. Et pro secunda, est intentio secunda proprii, attributa vnitati nature specificæ, cognita in ordine ad vnitatem numericam, & genericam. Vnitas tandem generica, est priuatio diuisionis sciendæ per principia formalia communia, seu generica, cognita ab intellectu actu recto; at pro secunda intentione, est secunda intentio proprii, attributa tali vnitati genericæ, cognita in ordine ad vnitatem specificam, & numericam. Ex quibus sequitur, quod licet vnitates huiusmodi, pro secunda intentione acceptæ, habeant esse per operationem intellectus negotiantis circa vnitates reales, tamen pro prima intentione, omnes habent esse à parte rei, præter operationem intellectus, cum consequantur suas entitates reales, veluti passionem reales, sua subiecta realia, & independentes ab opere intellectus, sicut pariter earum entitates, & subiecta, quorum sunt passionem.

Quarto notandum ex Doctore Subtili, in præcitatis locis; quod cum in vnoquoque indiuiduo, seu singulari contineantur omnia prædicata superiora, siue

generica, siue specifica, in eodem pariter habent contineri, & vnitates consequentes huiusmodi prædicata; quia enim in Petro, exempli gratia, continetur esse hominis, animalis, corporis animati, corporis, substantiæ, & entis finiti, ac limitati; siquidem Petrus est homo, animal, corpus animatum, corpus, substantia, & ens, in eodem etiam contineri debet vnitatis hominis, animalis, corporis animati, corporis, substantiæ, & entis finiti, ac limitati. Ex quo sequitur primo, quod sicut talia prædicata in Petro habent esse reale independentem ab opere intellectus, ita & vnitates eorum debent esse reales. Sequitur secundo, quod sicut talia prædicata in Petro non sunt vnum, & idem, sed distinguuntur ex natura rei formaliter, ita quod nullo considerante intellectu verum est dicere; vnitatis numeralis Petri, non est vnitatis hominis, seu naturæ humanæ in ipso existentis; nec vnitatis hominis est vnitatis animalis, vel corporis animati; & sic de cæteris vsque ad vltimum prædicatum.

Quinto notandum est, ex Doctor Subt, in secundo, d. 3. q. 6. E. F. quod aliquid esse vnum numero, potest tripliciter intelligi, scilicet per se primo, per se non primo, & per accidens, seu denominatiue. Id est vnum numero per se primo, quod causat vnitatem numeralem; & sic differentia indiuidualis dicitur vna numero, cum sit causa, quod indiuiduum sit vnum numero. Id vero est vnum numero per se non primo, quod denominatur per se non primo à tali vnitatis numerali: & sic indiuiduum dicitur esse vnum numero. Id autem est vnum numero per accidens, quod quantum est de se, non denominatur ab vnitatis numerali, sed à minori vnitatis, ut potest specifica, vel generica; quia tamen reperitur essentialiter in eo, quod per se est vnum numero, ideo & ipsum vnum numero dicitur. De omnibus potest sumi exemplum in Petro; quandoquidem Petreitas est vna numero per se primo; quia constituit Petrum in vnitatis numerali; Petrus vero dicitur esse vnum numero per se non primo; quia non causat, sed denominatur à tali vnitatis numerali, veluti à propria passione ipsum consequenter. Humanitas vero, quæ est in Petro, & qua Petrus est homo, dicitur vna numero tantum per accidens; quia licet sit contra-

cta per differentiam indiuidualem; quæ ratione tantum dicitur esse communicata Petro; tamen quia quantum est de se, non sibi repugnat esse in Francisco, Antonio, &c. & consequenter diuidi per plura principia materialia; ideo nequidem nominari per se ab vnitatis numerali, quæ priuat diuisionem materialem, sed ab vnitatis formalis, & specifica, quæ priuat diuisionem formalem specificam; & consequenter per se dicitur vna vnitatis minori vnitatis numerali; & per accidens solum vna numero, pro quâto videlicet est contracta per differentiam indiuidualem Petri, quæ prohibetur, nè in plura diuidatur hominis indiuidua.

Ex his, fit prima conclusio. Vnitatis numeralis, & formalis, siue specifica, siue generica, est in rebus ante operationem intellectus. Prima pars conclusionis conceditur ab omnibus communiter. Secunda de vnitatis formali controuertitur. Est tamen Scoti nostri, in præcatis locis; maxime in secundo, d. 3. quest. 1. §. Ad questionem: sub E. & F. Caietani, de Ente, & Essentia, q. 6. §. Hæc propositio est adde manifestata, quod nullus sanæ mentis potest eam negare &c. Probat tamen vtraque pars simul. Quia quælibet vnitatis consequitur suam entitatem; sed datur à parte rei entitas, nedum singularis, sed etiam specifica, & generica; ergo etiam dabitur vnitatis specifica, & generica respondens eisdem entitatibus. Maior patet. Quia vnitatis est passio entis, ex Aristotele, quarto metaph. t. 3. ergo hæc, & illa vnitatis sunt passiones huius, & illius entis; atque quælibet passio sequitur suam entitatem; ergo quælibet vnitatis consequitur propriam entitatem. Minor patet. Quia Petrus à parte rei existens, est homo, animal, corpus animatum, corpus, & substantia; sed Petrus, tantum dicit entitatem singularem; homo vero dicit entitatem specificam; & animal, & corpus animatum, & corpus, genericam, ergo à parte rei, ante operationem intellectus datur vnitatis singularis, specifica, & generica.

Secunda Conclusio. Tales vnitates, non sunt de essentia illarum entitatum, quarum sunt vnitates, sed eas tantum consequuntur ut propriæ passiones. Est Scoti, in secundo, d. 3. q. 1. G. quoad secundam

partem. Et quo ad primam, eiusdem ibidem F. & questione 6. lit. C. Probatur primo. Quia quæ includunt se essentialiter, & formaliter, in quocumque signo se includunt; ita quod vnum non est prius reliquo; alioquin non se includerent essentialiter; sed datur aliquod signum, in quo est entitas, & non est vna, nec plures, pariformiter loquendo de qualibet entitate; ergo vnitas non est de essentia suæ entitatis. Minor est Auicennæ, quinto Methaph. cap. 1. dicentis, quod Equinitas est tantum equinitas, nec ex se vna, nec plures; supple pluralitate illi vnitati opposita. Secundo. Passio non est de essentia illius cuius est passio; sed vnitas est passio entitatis; ergo nequit esse de eius essentia. Maior patet. Quia nullum posterius est de essentia prioris; sed passio est posterior eo cuius est passio; ergo passio non est de essentia illius, cuius est passio. Minor similiter. Quia vnitas in communi, est passio entis; ergo & talis vnitas talis entis.

Tertia Conclusio. Datur in rebus ante operationem intellectus, vnitas formalis, minor vnitate numerali. Est Scoti, in secundo, d. 3. quæst. 1. Et septimo Methaphys. quæst. 13. §. Et nota quod non queritur, quo formaliter natura est singularis, &c. & ibidem, q. 18. in principio; ac omnium eius, Interpretum, & Discipulorum. Probatur conclusio à Doctore pluribus rationibus, sed ad præsens sufficiant tres; quarum prima est huiusmodi. Datur in entibus mensura realis; ergo & vnitas realis; sed talis vnitas non est numeralis; ergo formalis, minor vnitate numerali. Maior est Aristotelis, 10. Methaphys. 2. & 3. dicentis; in vnoquoque genere dari vnum, quod est metrum, & mensura cæterorum: ut in genere animalium, homo est mensura aliorum; quia est perfectior cæteris animalibus: in genere colorum, albedo est mensura, cum sit perfectior omnibus coloribus; sed tam homo, quam albedo sunt entia realia; ergo datur in entibus mensura realis. Sequela maioris patet, ex Aristotele ibidem dicente, huiusmodi mensuram fundari super vnitate; sed nequit fundari super vnitate rationis; quia tam mensura,

quam mensuratum, sunt entia realia; ergo talis vnitas debet esse realis. Minor probatur. Quia talis vnitas, est alicuius, quatenus est mensura aliorum; sed, nihil habens vnitatem numeralem est mensura aliorum; ergo talis vnitas non est numeralis. Minor probatur. Quia inter illa, quæ sunt vnum numero, non datur prius, & posterius in eadem specie, ex Philosopho, tertio Methaph. t. c. 11. sed illud quod est mensura aliorum, est prius perfectione cæteris, ex eodem Philosopho, 10. Methaphys. t. c. 2. ergo nihil habens vnitatem numeralem, est mensura aliorum.

Secunda Ratio Scoti. Quia si non datur talis vnitas formalis, minor numerali, in rebus ante operationem intellectus, sequeretur, omnem vnitatem esse numeralem; sed hoc est falsum; ergo. Sequela maioris probatur. Quia omnis vnitas, vel est materialis, vel formalis. Minor probatur, Quia quot modis dicitur vnum, oppositorum, tot modis dicitur, & reliquum, ex Aristotele, primo Topicorum, cap. 2. sed vnum, & multa; idem, & diuersum opponuntur, ex eodem, 10. Methaph. t. c. 9. ergo sicut omnis vnitas realis esset numeralis, ita omnis diuersitas realis esset numeralis, sed hoc est falsum; quia tunc omnia essent æqualiter distincta, seu diuersa; cum omnia indiuidua sint æqualia in entitate, ex Philosopho vbi supra; sed hoc non est admitendum; ergo. Hoc assumptum probatur. Quia intellectus non posset concipere maiorem diuersitatem inter Paulum, & albedinem, quam inter Petrum, & Paulum, absque hoc quod falleretur; quod nullus sanæ mentis concederet; igitur necessariò concedenda est maior diuersitas realis, diuersitate numerali; & per consequens minor vnitas realis, quam sit vnitas numeralis.

Tertia ratio desumitur ex primo, & secundo notabili. Quia datur in entibus à parte rei, nullo negotiante intellectu, diuisio formalis, maior diuisione materiali, quæ est numeralis; ergo etiam danda est vnitas formalis à parte rei, minor vnitate materiali, seu numerali. Antecedens patet. Quia homo independenter ab opere intellectus, formaliter diuinus est à leone; cum ille sit irrationalis, & ill:

rationalis. Consequentia patet. Quia est priuatio diuisionis. saltem connotatiue; ergo ubi datur maior diuisio, ibi danda est minor vnitas; cum igitur à parte rei in natura, verbi gratia hominis, existente in Petro, detur diuisio formalis à natura leonis existente pariter in hoc leone, diuersa à diuisione numerali, vt communiter conceditur; necessariò est danda, & concedenda vnitas formalis in vtraque illa natura à parte rei existente, minor vnitate numerali.

Obijcies tamen primo, contra hanc conclusionem iettiam. Quicquid est in vno numero, & singulari, est vnum numero, & singulare; est vnum numero, & singulare; sed quodlibet eius extra operationem intellectus existens, est in singulari, ex Aristotele, cap. de substantia; ergo quodlibet ens extra animam, est vnum numero; & sic nullum datur, quod habeat vnitatem, minorem vnitate numerali. Maior patet à simili. Quicquid est in vno specie, est vnum specie; ergo quicquid est in vno numero, & singulari, est vnum numero, & singulare.

Respondetur, maiorem esse veram de vno numero, vel per se primo, vel per se non primo, vel per accidens. Ad minorem dico, ea, quæ existunt extra operationem intellectus, esse vnum numero aliquo prædictorum modorum; & sic differentia indiuidualis est vna numero per se primo, indiuiduum per se non primo; natura verò communis contracta ad indiui suum, & singulare, est vna numero per accidens. Cum hoc tamen stat, vt per se sit vna vnitate minori, quam sit vnitas numeralis, & ab ea distincta.

Obijcies secundo. Si daretur talis vnitas formalis in natura, exempli gratia Petri, distincta ab vnitate numerali, sequeretur, entitatem naturæ communis esse distinctam ab entitate Petri; sed hoc non est ad mittendum; ergo nec illud ex quo sequitur. Sequela maioris probatur. Quia vnitas consequitur entitatem; ergo si vnitas ab vnitate distinguitur, & entitas ab entitate habebit distingui. Minor probatur. Quia aut talis natura est tota in Petro, aut non; sed neutrum est dicendum; ergo. Minor probatur. Non potest dici, quod sit tota na-

tura humana in Petro; quia tunc Paulus non esset homo; siquidem totum, ex Aristotele tertio physicorum est illud, extra quod nihil est. Si autem dicatur, quod non sit tota in Petro, sed tantum pars eius; ergo Petrus non est homo perfectus, quod est falsum; quia indiuidua æqualiter participant naturam speciei.

Respondetur, negando minorem. Ad probationem dico, totam naturam humanam esse tam in Petro, quam in Paulo, cum sit communis omnibus hominibus, sed inadæquate, & non præcisè. Ad probationem contra hoc dico, definitionem illam totius, esse sic intelligendam. Totum est illud, extra quod nihil est. Id est, cui nihil deficit requisitum ad esse totius. Er sic est verum, totam naturam humanam esse in Petro; quia sibi nihil deficit, quominus dicatur perfectus homo. Cum hoc tamen stat, vt requisita ad esse hominis non sit præcisè in Petro; sed etiam in Paulo, & in cæteris hominibus, ratione vnitatis, minoris vnitate numerali, in tali natura repetæ.

Obijcies tertio, ex Rudio. Diuisio opponitur vnitati, & eam tollit; sed omnis natura à parte rei existens, est diuisa per differentias indiuiduales; ergo nullam habet vnitatem formalem nulis communem, sed tantum numeralem. Minor probatur. Quia natura humana, quæ est in Petro, & Paulo, est distincta per differentias indiuiduales Petri, & Pauli; itaque, quicquid habet Petrus, sit hoc aliquid, distinctum ab eo, quod habet Paulus; vt nimirum in Petro sit hæc substantia, hoc corpus, hoc corpus animatum, hoc animal, & hic homo, omninò distincta numero per suam differentiam indiuidualem à substantia Pauli, corpore, corpore animato, animali, & homine eiusdem; ergo nullam naturam, & essentiam habere possunt communem, quæ habeat entitatem minorem, & vnitatem sibi correspondentem, quam sit vnitas numeralis.

Respondetur, diuisionem esse duplicem, scilicet materialem, & formalem; & consequenter duplicem vnitatem sibi oppositam. Diuisio materialis, & numeralis, opponitur vnitati materiali, seu numerali; sicut diuisio formalis, vnitati formali; & vtraque di-

uisio tollit suam vnitatem oppositam tantum; ita quod diuisio numeralis, non tollit vnitatem formalem, sed tantum numeralem, cui directè opponitur. Modo, cum natura à parte rei existens in Petro, & Paulo, non sit diuisa formaliter, sed tantum materialiter per differentias individuales, non habet tollere ab illa naturam in illis existentem vnitatem formalem, sed tantum numeralem; quod vtiq; concedimus cum Doctore Subtili. Ex quo patet, quod argumentum Ruuij, quo nititur refellere opinionem Scoti de vnitatem formalem, est nullius roboris; & magis est ad oppositum, quam ad propositum.

Verumtalis Vnitas formalis, minor vnitatem numerali, à parte rei existens, sit positiua, vel tantum priuatiua?

QVÆSTIO II.

QUamuis Doctor Subtilis disertis verbis sit locutus in hac materia de vnitatem formalem naturæ communis, nonnulli nihilominus ex Scotistis, dubitant, si de vnitatem priuatiua, vel etiam de positiua intelligi debeat opinio Scoti.

Vnde Aliqui dixerunt, dari tantum in natura communi in singularibus existente, vnitatem priuatiuam, secundum quam actualiter non est vna, cum sit diuisa per differentias individuales diuersas: est tamen vna ad hunc sensum; quia si circumscriberentur omnes differentie individuales, natura communis, non in plures diuisa, sed vna à parte rei appareret. Ita intelligitur Doctor Subtilis à Francisco de Marchia, vt refert Canonici; in primo Physicorum, quæst. 6. art. tertio.

Alij oppositum omnino sentientes, docuerunt, in eadem natura à parte rei in singularibus existente, dari vnitatem positiuam formalem, distinctam à numerali, qua natura dicitur formaliter vna in omnibus indiuiduis; siquidem diuersitas numeralis non opponitur vnitati formali na-

turæ; sed tantum vnitati numerali indiuidui, seu singularis. Ita Canon loco citato, in secunda parte tertij articuli §. Hanc conclusionem de vnitatem specificam &c. Talarctus, lib. Prædicab. cap. 1. quæst. 1. dub. 3. & nonnulli etiam ex alienis.

Alij tandem conueniunt cum præcedenti, quatenus asserunt, huiusmodi vnitatem esse positiuam, & non priuatiuam; dissentient verò, quia ponunt talem vnitatem diuisam in indiuiduis, sicut, & natura in eisdem existens: quandoquidem cum talis natura sit diuisa numeraliter, non potest fieri, quin & vnitas ipsam consequens, diuisa remaneat. Eam sic defendunt præclari Scotistæ, Anronius Trombetta, scilicet primo Methaphys. quæst. 8. art. primo, & Io. Rada, in secunda part. Controuers. 3. art. primo, vt magis consonam intentioni Scoti. An autem ita re vera sit, dicam resoluendo quæstionem.

Pro intelligentia tamen cuiuslibet opinionis, primo notandum est. Vnitatem esse duplicem, scilicet priuatiuam, & positiuam. Vnitas priuatiua est illa, secundum quam, aliquo modo non est vnum; tamen est aptum naturam esse vnum vnitatem sibi conuenienti, qua tamen priuatur per aliqua distinguenda, seu diuisa. Et sic, materia prima dicitur esse vna in omnibus generabilibus, & corruptibilibus; quandoquidem cum sit diuisa actualiter per diuersas formas, non est vna positiue; est tamen priuatiue; quia si destruerentur omnes formæ, in vnâ coiret materiam. Et in hoc sensu intelligendus est Philosophus, primo Physicorum, & primo de generatione, & corruptione, dum dicit; materiam esse vnâ numero in omnibus compositis. Vnitas verò positiua est illa, secundum quam aliquid dicitur esse actualiter vnum; hoc est, indistinctum à se, & distinctum à quocumque alio non est ipsum. Et sic, materia huius cathedræ dicitur esse vna numero actu; quia actu est in se indistincta, & à qualibet alia materia distincta, & segregata. In proposito nostro. Prima opinio dicit, vnitatem naturæ humanæ existentis in Petro, & Paulo, esse quidam vnâ priuatiue, & non positiue; nam cum actualiter sit di-

visa per differentias individuales Petri, & Pauli, nequit esse vna; aliter idem posset simul diuifum, & indiuiſum eſſe, quod eſt falſum: eſt tamen vna priuatiua; quia cum de ſe habeat vnitatem minorem vnitae numerali, priuſquam diuiſa intelligatur per differentias individuales, eſt apta nata eſſe vna poſitiua, & talis actu eſſet, ſi deſtitueretur omnibus differentijs individualibus; & ita ſecundum opinionem exponendus eſt Doctor Subt., loquens de vnitae naturæ communis exiſtentiſ in ſingularibus. At ſecunda opinio dicit, naturam humanam exiſtentem in Petro, & Paulo, diuiſam actualiter numeraliter, habere propriam vnitatem indiuiſam; quandoquidem diuiſio numeralis naturæ, non tollit vnitatem formalem; ab ea, cum ſibi non opponatur, ſed tantum numeralem, cui directe opponitur. Et de hac vnitae locutum fuiſſe Scotum, inquit, & probat Canoniciſ citatus, in primo phyſic. ſic. q. 6.

Secundo notandum, pro declaratione tertie ſententiæ, vnitatem poſitiuam, & ſpecificam naturæ exiſtentis in omnibus hominibus, eſſe in illis diuiſam, ſicuti, & natura humana eſt in illis diuiſa per differentias individuales; ita quod Petrus, mediante ſua differentia indiuiſuali, obinet naturam humanam; numero diſtinctam à Paulo, & eiſdem beneficio habet etiam diſtinctam vnitatem ſpecificam, ſue naturæ correſpondentem, ab vnitae ſpecifica naturæ, quæ eſt in Paulo. Nec tamen ex hoc inferendum eſt, Petrum, & Paulum diſtingui ſpecie formaliter, ſed tantum materialiter; ſiquidem differentieſ individuales, quibus vnitas ſpecifica naturæ humanæ remanet in illis diuiſa, cum ſint extrinſecæ naturæ, non faciunt diſſerre ſpecificè, ſed tantum numeraliter; & ita intelligit Doctor ſubtilem tertiam opinionem. Cæterum relinquendo veritatem de mente Scoti, circa vnitatem naturæ; iudicio maiorum, dicerem nullam harum quas retulimus opinionum, affectum fuiſſe mentem Doctoris; ſiquidem cum eiſdem dicta, partim exponi poſſint de vnitae poſitiua, partim de priuatiua, & partim neceſſariò intelligi debeant de poſitiua, & nullo modo de priuatiua; videtur eiſ intentio in eo ſolummodo eſſe poſita, vt probet dari à parte rei vnitatem formalem naturæ communis, quæ ſit minor numerali, non cu-

rando, an talis vnitas eſſe debeat poſitiua, vel an ſola priuatiua ſufficiat.

Ex his ergo, ſit prima Concluſio. Nullum eſt inconueniens, etiam de mente Scoti, ponere à parte rei vnitatem in natura communi, minorem numerali, priuatiuam tantum. Probatur. Quia intentum Doctoris fuit probare duntaxat, dari vnitatem minorem numerali, præter operationem intellectus, non curando an ſit poſitiua, vel priuatiua; ergo nullum inconueniens erit ponere huiſmodi vnitatem priuatiuam, etiam ſecundum eiſ mentem. Conſequentia patet. Quia determinatè non aſſeruit, talem vnitatem eſſe poſitiuam tantum; ergo etiam poteſt intelligi de priuatiua. Antecedens probatur. Quia nemo dicitur intendere aliquam opinionem, dum etiam eiſ oppoſitam docet, & aſtruit; ſed ita ſe geſſit Doctor in probando talem vnitatem; ergo non intendit alteram partem determinatè. Maior patet. Minor probatur. Quia probationes Scoti, habent neceſſariò intelligi de vnitae poſitiua (quicquid dicat Franciſcus de Marchia) vt mox demonſtrabitur; & alia prolata ab ipſo in corpore quaſtionis, & reſpondendo ad argumenta, nequeunt commodè explicari de vnitae poſitiua, ſed tantum de priuatiua; ergo neutrum determinatè aſſeruit, ſed modo hanc, & interdum illam, quatenus conducebat ad probandum principale intentum de vnitae minori in natura, quam ſit vnitas numeralis. Secunda pars antecedentis probatur. Quia Doctor ibidem ſub litera G. explicans qualis ſit iſta vnitas dicit, huiſmodi vnitatem eſſe proportionabilem naturæ entitati; entitas autem naturæ talis eſt, vt ſibi non repugnet eſſe in pluribus; igitur & vnitas eiſ ita indiſſerens eſt, ad ſingularitatem, ita quod non repugnat illi vnitati de ſe, quod ponatur cum quacumque vnitae ſingularitatis, atq; talis non repugnantia ad eſſe in pluribus; ſupponit vnitatem eſſe diuiſam, ſicut natura eſt diuiſa; ergo talis vnitas nequit eſſe poſitiua, ſed priuatiua. Idem dicit ſub litera L. reſpondendo ad primum argumentum principale.

Cæterum, circa primam partem antecedentis eſt controuerſa; quia Franciſcus de Marchia, Rada, & Trombetta citati, dicunt, argumenta Scoti, quibus probat dari talem vnitatem præter operationem intellectus, poſſe

Posse commodè explicari de vnitate priuatiua. Quare respondet Franciscus, apud Canonicum, ad omnia: & eius fundamentum est; quia omnis diuisio tollit vnitatem positiuam; igitur cum natura sit diuisa in indiuiduis per differentias indiuiduales, nequit esse vna positiuè, sed priuatiuè.

Contra istum Doctorem arguo, probando, quod rationes Scoti non possint explicari de vnitate priuatiua, sed solum de positiua; vnde probata manebit prima pars antecedentis.

Prima ratio Doctores Subt. fundatur super Aristotelem, 10. Meth. 2.2. dicentem. In vnoquoque genere dari vnum, quod est metrum, & mensura omnium in illo genere contentorum; sed ratio mensuræ est positiua; quia, & mensurata sunt positiua; ergo & vnitas eius erit positiua. Consequentia patet. Quia nullum priuatiuum potest esse ratio mensurandi positiuum; mensura enim debet esse vniuersa mensurato, ex eodem Aristotele ibidem, 1.4. ergo vnitas mensuræ nequit esse quid priuatiuum.

Secunda ratio fundatur super auctoritate Aristotelis, septimo Phys. 1.2. 29. dicentis. Comparisonem fieri in specie athoma, id est specialissima; quia est vna natura: non autem in genere; quia in ipso latent æquiuocationes, supple physice; non enim genus prædicatur equaliter de speciebus, sicut species specialissima de indiuiduis; sed hoc nequit intelligi de vnitate priuatiua; ergo natura specifica dicit vnitatem positiuam à parte rei. Minor probatur. Quia etiam genus, vt animal, est vnum vnitate priuatiua in speciebus, & in indiuiduis per te; ergo si talis sufficeret ad comparisonem, male dixisset Philosophus, non posse fieri, nisi in specie specialissima; atqui hoc non est admittendum; igitur dictum est, auctoritatem Aristotelis intelligendam esse de vnitate positiua naturæ specificæ, & non de priuatiua.

Tertia ratio fundatur super Aristotelem, quinto meth. cap. de Ad aliquid, 1.2. 20. dicente. Quod simile, & æquale fundatur super vnum; similitudo enim, est rerum differentium eadem qualitas: & æqualitas, est rerum differentium eadem quantitas. Sed auctoritas nequit intelligi de vnitate priuatiua, sed solum de positiua; ergo. Minor

probat. Quia relatio actualis, & positiua, nequit habere fundamentum priuatiuum; sed similitudo, & æqualitas, sunt relationes actuales, & positiue, et Philosopho ibidem; ergo nequeunt fundari super vnitate priuatiua. Cum igitur necessario requirant vnitatem, tamquam rationem fundandi proximam, talis erit solum positiua.

Quarta ratio præten dit talem vnitatem minorem numerali ex hoc, quod vnus oppositionis realis datur extrema realia, quorum vtrumque est vnum propria vnitate minore numerali à parte rei; sed huiusmodi vnitas nequit esse priuatiua; ergo ratio præten dit dari vnitatem realem positiuam, distinctam ab vnitate numerali. Maior patet. Quia inter album, & nigrum, est oppositio realis contrarietatis; ergo tam album, quam nigrum dicunt vnitatem realem; alioquin non esset tantum vna oppositio. Minor probatur. Quia talis oppositio est relatio positiua, fundata super vnitate extremorum oppositorum; ergo vnitates extremorum debent esse positiue, & non priuatiue.

Quinta ratio probat, dari talem vnitatem ex parte sensus. Quia vnus actionis sensus, vt putà visus, debet esse vnum obiectum, secundum aliquam vnitatem realem, & non numerali; quia tunc non posset ponere differentiam inter suum obiectum, & aliud, si ambo obijcerentur cum eisdem accidentibus; igitur tale obiectum debet habere vnitatem realem, minorem numerali; atqui talis vnitas nequit esse priuatiua, cum vnitas actionis dependens ab vnitate obiecti sit positiua, & actualis; ergo ratio Scoti intelligenda est de vnitate obiecti positiua.

Sexta ratio probat, dari talem vnitatem ex hoc, quod vnitas, & diuersitas opponantur; sed à parte rei datur diuersitas realis, maior diuersitate numerali; ergo etiam à parte rei danda est vnitas realis minor numerali; siquidem maiorem diuersitatem sequitur minor vnitas, sicut maiorem vnitatem denorat minor diuersitas; cæterum, talis vnitas minor numerali, vt præten ditur à ratione, nequit esse priuatiua; ergo positiua. Minor probatur, ex Scoto ibidem §. Preterea secundo probatur idem. Quia cuiuslibet diuersitatis vtrumque extremum est in

se vnum, & eodem modo, quo est vnum in se, videtur diuersum à reliquo extremo. Hactenus Scotus. Sed vtrumque extremum est diuersum ab alio positiue; ergo vnitas vnus, quæ est per se ratio diuersitatis alterius, est positiua, & non priuatiua tantum. Minor hæc probatur. Quia homo, & leo diuersificantur ab inuicem positiue; sed tales sunt duo extrema talis diuersitatis formalis, ergo vtrumque extremum est diuersum ab alio positiue, & non tantum priuatiue.

Septima, & vltima ratio Doctoris, probat talem vnitatem ex via generationis vniuocæ. Quia ignis generat vniuocè alium ignem realiter; sed talis generatio nequit esse vniuoca, nisi intercedat vnitas naturæ realis inter ignem generantem, & genitum; ergo datur vnitas realis in aliqua natura minor numerali: cæterum, talis vnitas inter ignem generantem, & genitum, nequit esse priuatiua; ergo ratio præterit dari in tali natura vnitatem positiuam. Assumptum probatur. Quia vniuocatio physica, qualis reperitur inter ignem generantem, & ignem genitum, consistit in positiue, vt probatum est superius ratione secunda, de mente Aristotelis, septimo physicorum; ergo vnitas naturæ, secundum quam vniuocantur physice ignis generans, & ignis genitus, est positiua, & non priuatiua.

Dices cum Opinante. Cum natura sit diuisa inter ignem generantem, & genitum, consequenter non est vna; igitur si Doctor Subtilis adstruit talem vnitatem naturæ, minorem numerali, nequit esse positiua, sed tantum priuatiua.

Contra. Est vnitatis positiua maior nequeat consistere cum multitudine numerali, & similiter vnitas minor cum diuersitate formali, cui directe opponitur, tamen cum multitudine numerali non inconuenit dari simul in aliqua natura vnitatem minorem, & specificam, ex Scoto, ratione secunda contra opinionem; sed natura ignis in generante, & genito, est tantum diuersa numeraliter; ergo cum tali diuersitate, stare potest vnitas formalis eiusdem naturæ, & positiua.

Vnde ad argumentum, respondetur negando, omnem diuisionem tollere quamlibet vnitatem; quandoquidem solum tollit

suam oppositam, vt puta diuisio numeralis, tollit vnitatem numeralem, & formalis formalem; non tamen numeralis diuisio auferre potest vnitatem formalem, cum non sint oppositæ. Modo, natura in indiuiduis, est tantum diuisa numeraliter; idecirco cum tali diuisione potest consistere vnitas positiua eiusdem, minor numerali, a parte rei existens.

Ex his, probatur prima pars antecedentia. Rationes Scoti supradictæ nequeunt explicari de vnitatis priuatiua, & ex his probat dari talem vnitatem minorem numerali; ergo necessarîo intelliguntur de positiua.

Secunda Conclusio. Probabilius tamen est asserere de mente Scoti, talem vnitatem naturæ, minorem numerali, esse positiuam, cum secunda opinione; & etiam numeraliter diuisam per differentias indiuiduales, sicut & natura, cum tertia sententia. Probatur prima pars. Quia nulla vnitas realis positiua remouetur ab aliquo, nisi propter diuisionem sub oppositam, quam illud includit; sed indiuidua eiusdem speciei non includunt diuersitatem, seu diuisionem, oppositam vnitati naturæ specificæ existenti extra intellectum; ergo nequit ab eis remoueri. Maior patet. Quia oppositum non remouetur nisi per oppositum. Minor probatur. Quia Petrus, & Paulus non includunt aliam diuersitatem, præter numeralem; sed talis non opponitur naturæ specificæ vnitati, sicut nec eidem naturæ, cui realiter identificatur, vt sæpius dictum est; ergo indiuidua eiusdem speciei, non includunt diuersitatem oppositam vnitati specificæ. Secundo probatur. Quæcumque realiter differunt, & positiue, etiam realiter, ac positiue conueniunt in aliquo; sed Sortes, & Plato realiter differunt per suas differentias indiuiduales, & etiam positiue conueniunt, & non nisi in natura specifica hominis; ergo vnitas specifica realiter identificata naturæ humanæ existenti in Sorte, & Platone, est positiua, sicut ipsa natura. Secunda Pars probatur. Quia rationes, quibus Doctor probat dari talem vnitatem in natura, minorem numerali, concludunt omnes de vnitatis

tate

tate positiua , vt probatum est in præcedenti conclusione ; ergo . Secundo probatur . Quia si quid obstaret quominus vnitas naturæ esset positiua , iuxta mentem Scoti , maximè , quia diuiditur per differentias indiuiduales , vt videtur asserere ibidem , sub lit. G. sed hæc ratio tollitur ab eodem in secunda ratione pro inopugnatione , in illis verbis . Quia cum vnitate minori potest stare sine contradictione multitudo opposita maiori vnitati , scilicet numeralis ; quæ multitudo non potest stare cum vnitate maiori ; quia sibi repugnat ; ergo de mente Doctoris , vnitas naturæ minor numerali , est positiua , & non priuatiua . Tertia pars suadetur . Quia Doctor loco citato , sub lit. G. inquit , quod non repugnat vnitati minori , vt ponatur cum quacumque vnitate singularitatis ; sed tales vnitates singulares , sunt ab inuicem diuise ; ergo vult , talem vnitatem minorem numerali , esse diuisam in indiuiduis . Secundo probatur . Si subiectum est diuisum , & accidens erit diuisum ; aliter idem accidens posset manere indiuisum in pluribus subiectis , quod nemo Peripateticus concederet ; sed natura , quæ est subiectum vnitatis , est diuisa numeraliter in omnibus indiuiduis ; ergo , & ipsa vnitas , cum sit eius passio , debet esse diuisa .

Obijcies primo , contra primam partem secundæ conclusionis . Si talis vnitas specifica esset positiua , sequeretur , quod esset actu infinita ; sed hoc est falsum ; quia nullum creatum potest esse infinitum actu ; ergo . Sequela maioris probatur . Vnitas respicit supposita , sicut , & natura ; sed natura respicit tria supposita secundum infinitam distantiam ; ergo & vnitas ; igitur esset infinita ; quia nullum finitum posset in infinitum distantibus ; ergo esset infinita .

Respondetur , negando sequelam maioris . Ad probationem dico , minorem esse veram de distantia infinita in potentia , non tamen in actu ; siquidem indiuidua cuiuscumque speciei non sunt actu infinita , sed tantum potentia ; nimirum , si mundus duraret in infinitum , semper fierent generationes in infinitum ; at concedere , ta-

lem vnitatem posse esse infinitam in potentia , nullum est inconueniens ; quia de facto , data hypothesi de mundi infinitate , forent infinitæ naturæ , & consequenter vnitas infinita .

Obijcies secundo , contra secundam partem . Quia Doctor , loco supracitato , dicit , talem vnitatem esse actualiter diuisam per differentias indiuiduales ; ergo talis vnitas nequit esse vna positiue , sed tantum priuatiue .

Respondetur , negando consequentiam . Quia talis diuisio cum sit numeralis , nequit tollere vnitatem formalem , non enim sibi opponitur , sed numerali tantum .

Dices , Doctorem expendere huiusmodi vnitatem per non repugnantiam , ad esse in pluribus ; sed talis non repugnantia , dicit priuationem essendi in pluribus ; igitur de mente Doctoris , talis vnitas est tantum priuatiua .

Respondetur , per illa verba non auferri esse positiuum à natura , & ab eius vnitate , sed solum existentiam communem ; vt sit sensus . Vnitas naturæ inexistens indiuiduis , est vtique communis , non per inexistentiam , sicut essentia diuina inexistit tribus personis diuinis , sed per indifferentiam ; quia , quantum est de se , non sibi repugnat esse in omnibus , etiam si sit actu diuisa per differentias indiuiduales .

Obijcies tertio , contra tertiam partem eiusdem conclusionis . Quia si talis vnitas specifica , esset diuisa in Petro , & Paulo , sequeretur fore distinctas specificas ; sed consequens est falsum ; ergo . Consequentia , seu sequela maioris probatur . Quia vnitas vnus extremi , est principium distinctiui illius , ab alio , quod non est ipsum ; vt patet de albo , & nigro ; ergo si talis vnitas esset in vno specifica , facit ipsum distinguere specie ab alio .

Respondetur , negando sequelam maioris . Ad probationem dico , verum esse antecedens de vnitate intrinseca , non de extrinseca , modo cum vnitas specifica , sit extrinseca Petro , in quantum Petrus est , & vnitas numeralis sit sibi intrinseca ; siquidem constituit ipsum , vnum numero per se ; ideo vnitas materialis est principium distinguendi Petrum à Paulo , & non vnitas specifi-

ca. Vnde Petrus, quatinus habeat unitatem specificam, numericè diuisam, non est distinctus specie à Paulo, sed tantum numero.

Vel dicendum breuiter. Sequelam maioris esse veram, si talis vnitas specifica esset diuisa formaliter, non tamen si tantum numeraliter, vt est in proposito.

Virum detur Natura communis, vel etiam Vniuersalis à parte rei, præter operationem intellectus?

QVÆSTIO III.

Viso in præcedentibus quæstionibus, dari in natura à parte rei, in singulari. Ius existente, unitatem formalem positiuam, minorem numerali; modò quæritur. An talis vnitas sit sufficiens ad constituendum naturam in esse vniuersalis, præter operationem intellectus; vel satis sit, vt communis dicatur?

Ad partem affirmatiuam quæstionis, nimirum talem unitatem sufficere ad vniuersalitatem, communiter aduocatur Scotus, in secundo sent. d. 3. q. 1. & septimo Meth. q. 18. cum vniuersa eius Schola; vt liquet videre apud Colleg. Conimbric. in Præfat. Porphyrij. q. 4. art. 3. sect. 2. Rursum, q. 4. de Vniuersali, Toletum ibidem. q. 3. & alios. Sed perperam, vt inferius dicam; quandoquidem, vt optimè aduertit Colleg. Conimbricense loco cit. sect. 3. nec Scotus, nec Scotistæ vmquam dixerunt, talem unitatem sufficere ad vniuersalitatem, sed benè ad communitatem nature. Nam ipse Scotus, in secundo, d. 3. q. 1. in fine. Et 7. meth. q. 18. §. Ad quæstionem &c. docet, naturam eque[m] ex te communem esse, non tamen vniuersalem. Vnde infert, quærendam esse causam vniuersalitatis, & singularitatis. Postea subdit. Sicut à producente natura coniungitur singularitati, ita à re agente simul, & ab intellectu coniungitur vniuersalitati. Ex quo patet facilitas, ne dicam, fauitas illorum, qui citant Doctores pro aliqua sententia, & forsan nec codices eorum viderunt.

Ad partem negantem, refertur à prædictis Auctoribus D. Thom. 7. Meth. lect. 13. Et in opus. de Ente, & Essentia, cap. 4. cum

communi Schola Thomistarum. Quibus additur etiam Suarez in Methaph. disp. 6. sect. 5. ac si tales Doctores aliter sentirent, quam Doctor Subtilis. Quod, quamuis falsum, infra cum eodem demonstrabo.

Vnde pro declaratione veræ sententiæ, primo notandum est, ex Doct. Subt. septimo Meth. q. 18. §. Circa solutionem huius quæstionis &c. vniuersale dupliciter posse accipi, & pro prima, & pro secunda intentione, sed pro denominato, & propter se significato. Vniuersale pro secunda intentione, est quedam relatio rationis fundata in prædicabili, & terminata in subijcibili; vt puta, pro secunda intentione fundata in homine cognito in ordine ad Petrum, Paulum, Franciscum & alios, quæ si in abstracto explicetur, dicitur vniuersalitas; si verò in concreto nominetur, dicitur vniuersale. Vniuersale autem pro prima intentione, seu pro denominato, est omne illud, quod denominatur ab illa secunda intentione, quæ dicitur vniuersalitas. Et hoc est duplex, scilicet remotum; & proximum. Vniuersale remotum dicitur illud, quod non est de se hoc. Id est, cui competit vnitas formalis, minor numerali à parte rei; id est independentem ab opere intellectus. Et sic natura humana in singularibus existens, antequam coniungatur vniuersalitati in actu ab intellectu, vel à producente vnitur singularitati; & huiusmodi vniuersale, potius dicendum est commune, quam vniuersale. Proximum verò vniuersale pro denominato est illud, quod habet unitatem indifferentem, seu indeterminationem positiuam, & contrariam, secundum quàm est in potentia proxima; vt dicatur de quolibet supposito, prædicatione dicente, hoc est hoc. Et sic natura humana abstracta à singularibus, virtute intellectus agentis, dicitur vniuersale proximum; quia tunc est indifferens positiuè, vt simul, & semel dicatur de omnibus hominibus quiditariè, prædicatione dicente, hoc est hoc; id est Petrus est homo, Paulus est homo &c. Hoc autem vniuersale, cum sit ab intellectu obiectiuè, dupliciter potest ibi esse; vno modo habitualiter, alio modo actualiter. Tunc vniuersale dicitur habere esse in intellectu habitualiter, cum mediante specie ab intellectu agente causata, recipitur in intellectu possibili; vt, utra-

natura humana, cum virtute intellectus agentis, abstrahentis speciem intelligibilem ab hominibus singularibus, per eadem representatur intellectui possibili, dicitur esse in intellectu habitualiter. Tunc verò est in intellectu actualiter, cum mediante specie ipsum representante, concurrat cum intellectu possibili ad causandam cognitionem eius; vpotè, quod homo sit animal rationale, pluribus numero differentibus communicabile. Vniuersale habitualiter, cum habeat tantum esse cognoscibile in specie intelligibili, est ens reale, prout distinguitur contra ens rationis. Vniuersale verò actualiter, cum habeat esse cognitum ab intellectu actu recto, est ens rationis, quod dicitur prima intentio. Virumque est fundamentum proximum vniuersalis pro secunda intentione, sed hoc in actu, illud verò in potentia; & neutrum datur in rerum natura independenter ab opere intellectus, siquidem vniuersale habituale sit virtute intellectus agentis, cuius est omnia facere; actuale verò, virtute intellectus possibilis, cuius est omnia fieri, ex Philosopho, tertio de Anima r. comm. 17. & 18.

Secundo notandum est, ex Scoto in citatis locis. Indeterminationem esse duplicem, alteram priuatiuam, seu negatiuam, & alteram positiuam, seu contrariam. Indeterminatio priuatiua, seu negatiua, exempli gratia, in natura humana, est illa secundum quam ipsa non est actualiter determinata ad singularitatem, vel vniuersalitatem, sibi tamen non repugnat ad utramque determinari. Ex quo sequitur, quod vniuersalitas, & singularitas accidunt naturæ humanæ, ut sic consideratæ, ut optime aduertit Auicenna, quinto Metaphysicæ c. 1. in illo præclaro pronuntio. Equinitas est tantum equinitas, nec vna, nec plures, nec vniuersalis, nec singularis. Id est. De ratione equinitatis, sunt tantum prædicata quiditativa, scilicet irrationale, animal, corpus animatum, corpus substantia, & ens; prout alia abstrahunt ab vniuersalitate, & singularitate; quandoquidem tales, cum sint secundæ intentiones, non sunt de quiditate equinitatis, quæ est ens reale. Indeterminatio autem positiva, seu contraria, est illa, secundum quam, exempli gratia, natura humana, nedum non est determina-

ta actualiter ad singularitatem Petri, vel Pauli, quinimodò habet esse abstractum à quacumque singularitate. Et sic, natura abstracta ab intellectu, & existens in specie intelligibili, vel in actu intelligendi, dicitur esse indeterminata positivè, & contrariè; quia est actualiter segregata à quacumque singularitate. Et hæc indeterminatio requiritur necessariò, ad hoc, ut aliqua natura dicatur actu vniuersale; quandoquidè, vñt Aristoteles, primo Post. r. 25. Vniuersale est vnum in multis, & de multis. At si non esset actu indeterminatum, seu indifferens positivè, & contrariè, quamvis esset vnum in multis, non tamen esset vnum de multis; igitur ad vniuersale actu requiritur necessariò talis indeterminatio, seu indifferencia positiva, & contraria, secundum quam idem sit dicibile de multis, prædicatione dicente, hoc est hoc. Et hæc indeterminatio est, quæ appellatur à Thomistis, vnitas præcisionis, secundum quam natura non est vnita singularibus, sed ab illis præcisa, ac segregata. Si quis autem querat causam talis indeterminationis, pro responsione dabitur; quod intellectus agens ex vna parte cum natura indeterminata, scilicet negatiuè, seu priuatiuè concurrens ex alia, causat ralem indeterminationem positiuam; non aliunde moti, nisi quia intellectus agens est talis potentia, & natura est talis natura; quandoquidem primæ causæ non est querentia causa. Ex quo sequitur, quod ad vniuersale in actu, & propriè dictum, cum sit necessaria ista indeterminatio positiva, seu contraria, & hæc nequeat esse à parte rei, scilicet quauis oper. Tunc intelligitur, non esse admittendum de mente Doctoris Subtilis vniuersale à parte rei, & independenter ab opere intellectus.

Tertio notandum est, ut colligitur ex Scoto, in secundo, d. 3. q. 1. in fine; quod valde refert dicere, naturam esse communem à parte rei, & naturam esse vniuersalem, præter operationem intellectus; siquidem ad communitatem, sufficit indeterminatio priuatiua, quæ cum insequatur naturam existentem in singularibus præter operationem intellectus, poterit propterea natura illa existens in singularibus, esse communis à parte rei, nulla vi intellectus præeunte; at ad vniuersalitatem, cum non sufficiat indeterminatio priuatiua, sed requira-

tur necessariò positina, & contraria, quæ non nisi per intellectus agentis operationem, præsupposita illa indeterminatione priuatiua, vt concausa partiali, suum possit habere esse; necessariò fatendum est, naturam à parte rei, seclusa operatione intellectus, nullatenus dici posse vniuersalem. Nec aliter docet. S. Thom. de Ente, & essentia, cap. 4. & ibidem Caiet. q. 6. & 7. dum dicunt, naturam, nec habere de se communitatem, aut vniuersalitatem, præter operationem intellectus; nam clarum est, quod per communitatem non intelligunt illam indeterminationem priuatiuam, quam Doct. Subt. explicat per non repugnantiam ad esse in pluribus, sed indeterminationem positiuam, & contrariam, quam Caietanus ibidem expendit per aptitudinem ad essendum in multis, & de multis, quam non dari a parte rei independentem ab opere intellectus, fatetur etiam Scotus, vt dictum est in præcedenti, not. & licet Caietanus nitatur diuersificare opinionem suam, & S. Thomæ ab opinione Scoti, si bene, & rectè inspiciantur rationes vtrunque, clarè deprehendetur, illum in vanum laborare, neque esse consecutum intentum, cum in hoc non sit dispar Subtilis ab Angelico.

Ex his igitur, fit prima Conclusio. Natura, quæ à parte rei est vna, minore vnitæ, quam sit numeralis, de se, & intrinsecè, ac quiditatiuè, nec est vniuersalis, nec singularis; sed vtraque ratio, singularitatis, scilicet, & vniuersalitatis, sibi inest per accidens. Est Scoti in præcæditis locis, & potissimum in secundo, d. 3. q. 1. sub E. D. Thom. & Caietani, & communiter Scholasticorum omnium. Probatur prima pars primo, auctoritate Auicenæ, 5. Methaph. c. 1. dicentis, naturam secundum se, nec esse vnā, vel plures, nec singularem, nec vniuersalem. Secundo ratione. Quia si natura intrinsecè, & quiditatiuè esset vniuersalis, igitur vbicumque reperiretur, semper esset vniuersalis; sed consequens est falsum, ergo, & illud ex quo sequitur. Maior probatur. Quia, ex Philosopho, primo Post. cap. 4. quod inest per se, & quiditatiuè, semper inest. Minor probatur. Quia tunc Petrus esset vniuersalis, cum in ipso foret perfecta ratio naturæ humanæ, quod nemo concederet. Secunda pars probatur eodem modo.

Quia tunc natura, nec per se, nec per accidens posset fieri vniuersalis; sed hoc non est dicendum, cum fiat vniuersalis per intellectum, ex Comment. tertio de anima, comm. 17. & 18. ergo. Maior probatur. Quia quodcumque aliquid inest alicui per se, oppositum eius, nec per se, nec per accidens potest sibi competere, ex Aristotele, primo Post. cap. 4. Tum etiam, quia opposita nequeunt esse simul, & semel in eodem; sed singulare, & vniuersale opponuntur; ergo si singulare inest per se naturæ, vniuersale nullo modo poterit sibi competere. Tertia pars probatur. Quia inter inesse per se, & per accidens non datur medium, ex Aristotele, primo Post. cap. 6. sed vniuersale, & singulare non insunt naturæ per se; ergo per accidens.

Secunda Conclusio. Nulla natura, siue extra intellectum, siue in intellectu habitualiter existens, est vniuersalis actu, sed tantum potentia; priori modo remotè, posteriori verò proximè. Est Scoti, in secundo dist. 3. q. 1. sub P. Et in 7. Methaph. q. 18. §. Ad quæstionem igitur, &c. Antonij Andree, & Trombete in citatis locis. D. Tho. & Caietani. citatis in locis. Probatur. Quia vniuersale actu, est obiectum cognitum, habens vnitatem indifferentiæ, seu indeterminationis positiuam, & contrariæ, vt dictum est not. 2. sed natura existens vel extra, vel in intellectu habitualiter tantum, non est huiusmodi; ergo &c. Minor probatur. Quia in tantum obiectum dicitur esse cognitum, in quantum est in intellectu possibili per actum intelligendi, cum vt sic, dumtaxat terminet intellectiōem; sed natura existens extra, vel in intellectu solum habitualiter non est huiusmodi; ergo. Minor probatur. Quia si habet esse extra intellectum, non potest dici cognita; siquidem cognitio fit per receptionem obiecti in intellectu, ex Aristotele, tertio de Anima, t. 17. vbi dicit, intelligere esse quoddam pati: si verò habet esse in intellectu tantum habituale, est solum in specie intelligibili, & consequenter est solum obiectum motuum, & non terminatiuum; ergo. Confirmatur. Quia natura, vt concipitur ab intellectu in specie intelligibili, habet solum esse quiditatiuum, & formale; sed in ratione quidatiura, & formali non includitur vniuersalitas, vt probatum est in præ-

præcedenti conclusione; ergo natura habitualiter solum existens in intellectu, non est vniuersalis. Maior patet. Quia species intelligibilis repræsentat obiectum solum secundum esse formale, & quiditatum; ad differentiam speciei sensibilis, quæ repræsentat ipsum secundum esse materiale, & accidentale; igitur &c. Confirmatur secundo. Quia natura, vt sic, consideratur à methaphysico; sed methaphysicus abstractit ab vniuersalitate, cum hæc spectet ad logicum; ergo &c. Secunda pars simul cum tertia, & quarta probatur. Quia illud dicitur esse vniuersale in potentia proxima, quod est proximum fundamentum vniuersalitatis; & illud dicitur esse vniuersale in potentia remota, quod est fundamentum remotum eiusdem; sed natura existens extra intellectum, est fundamentum remotum, & in intellectu habitualiter, est fundamentum proximum; ergo &c. Maior patet ex notab. primo, & secundo. Minor probatur. Quia inndamentum proximum, est indeterminatio positiua, & remotum priuatiua, seu negatiua; sed natura, vt existit extra intellectum, est tantum indifferens negatiue, & in intellectu habitualiter etiam positiue, & contrariè; ergo natura extra intellectum est fundamentum vniuersalitatis remotum, & in intellectu proximum. Maior patet. Quia vniuersale est vnum in multis, & de multis, ex primo Post. t. 25. sed indeterminatio positiua, est aptitudo ad esse in multis, & de multis, & priuatiua est solum non repugnantia ad esse in multis, & de multis; ergo hæc est fundamentum remotum, & illa proximum. Minor est clara, ex secundo notab. vbi diffiniendo vtramque indeterminationem, exemplificatum fuit de natura existente extra, vel in intellectu habitualiter.

Tertia Conclusio. Quælibet natura habens vnitatem minorem vnitatem numeralem, siue extra, siue in intellectu habitualiter existat, est communis præter operationem intellectus; hæc positiue, illa verò priuatiue tantum. Est Scoti, in secundo, d. 3. quæst. 1. k. & M. & omnium Scotistarum. Probatur. Quia communis priuatiua, fundatur super indeterminationem priuatiua; positiua verò, super positiua, vt patet ex Notab. vltimo; sed natura existens extra intellectum, est in-

determinata tantum priuatiue, & in intellectu habitualiter, etiam positiue; ergo natura existens extra intellectum, est communis priuatiue, & in intellectu habitualiter est etiam positiue communis. Minor patet. Quia nature existenti in Petro, non repugnat esse in Paulo, Francisco, & cæteris, quamuis sit determinata ad singularitatem; at prout existit habitualiter in intellectu, cum sit abstracta a singularibus, & sibi repugnat esse in vno tantum, idèd dicitur indeterminata positiue.

Quarta Conclusio. Quodlibet vniuersale in actu, dependet ab operatione collatiua intellectus, si formaliter accipitur; at si pro fundamento sumatur, solum ab operatione recta derelinquntur. Est Scoti, septimo Methaphys. quæst. 18. §. Circa huius quæstionis solutionem, &c. Probatur prima pars. Quia quælibet secunda intentio fit per opus collatiuum intellectus nostri, vt probauimus in Tractatu secund. Intent. sed vniuersale pro formali, est secunda intentio, vt probauimus ex Aristotele lib. primo Perihermen. cap. 5. in Vniuersalibus, disputac. 2. quæst. 1. ergo fit per opus collatiuum intellectus. Secunda pars probatur. Quia prima intentio, est obiectum cognitum actu recto, vel reflexo intellectus, ex dictis in eodem Tractatu secundarum Intentionum; sed vniuersale pro fundamento, est prima intentio; siquidem secundæ intentiones fundantur super primas, ex Boetio, & Auicena; ergo vniuersale pro fundamento, dependet ab actu recto, vel reflexo intellectus.

Obijciens primo, contra secundam conclusionem. Quod aptum natum est dici de pluribus, est vniuersale, ex Aristotele, primo Perihermen. cap. 5. sed quælibet natura habens vnitatem minorem vnitatem numeralem, seclusa operatione intellectus, est huiusmodi; ergo &c. Minor probatur. Quia alioquin sequeretur, aptitudinem ad dici de pluribus repugnare nature; sed consequens est falsum; ergo & antecedens. Maior probatur. Quia per te natura non habet eandem se, nec ab intellectu potest sibi cõfetti; ergo aptitudo ad dici de pluribus sibi repugnaret. Secunda pars anteceditis patet. Quia si ad intellectum spectaret dare talem aptitudinem rebus, posset

eam

eam dare Petro, vel Paulo, quod non est dicendum. Minor probatur. Quia tunc nullo modo, nec media operatione intellectus, aptitudo posset inesse naturæ; quandoquidem, quicquid repugnat alicui, per se repugnat, & consequenter semper repugnat; ergo nunquam natura esset apta nata dici de pluribus.

Respondetur, maiorem esse veram de aptitudine positiua, quæ est indeterminatio positiua, & contraria; non tamen de priuatiua, quæ est solum indeterminatio priuatiua; modo natura, seclusa operatione intellectus, est apta nata ex se dici de pluribus negativè, seu priuatiuè solum, non positiuè, & contrariè; idè talis natura nequit dici vniuersalis, seclusa operatione intellectus, proximè, sed tantum remotè; & sic conceditur vniuersale in rebus.

Obijcies secundo. Quodquid est, absolute sumptum, est vera res; sed quodquid est absolute sumptum, est vniuersale; ergo vniuersale est vera res. Maior patet ex Philosopho, septimo Meth. t. c. 39. quandoquidem, ut dicitur ibi, est principium, & causa; sed talia sunt veræ res; ergo quodquid est absolute sumptum, est vera res. Minor probatur. Quodquid est absolute sumptum, per definitionem exprimitur; ut homo per animal rationale; sed definitio non est nisi alicuius vniuersalis; ergo ipsum absolute sumptum, est vniuersale.

Respondetur, totum argumentum esse verum de vniuersali sumpto pro fundamento proximo, vel remoto in potentia; non tamen de vniuersali in actu; quia tale tantum habet esse per operationem intellectus rectam, vel collatiuam. Et per idem satisfiunt argumentis, quæ facit Scotus contra secundam opinionem a se recitatam, septimo meth. q. 18. §. Alia opinio est, quod vniuersalitas tantum est in intellectu. Siquidem tantum vult Scotus, in rebus ante operationem intellectus dari fundamentum vniuersalis in actu, & proximum, & remotum; quod in Responsione ad questionem appellatur ab eo vniuersale pro denominato remoto, & propinquo. Ex quo sequitur, quod Caietanus de Ente, & Essentia, cap. 4. q. 7. videtur non bene percepisse mentem Scoti, cum ipsum citet in contrarium eius, quod modo cum eodem diximus; & adducit etiam argumenta, quibus probat Doctor

dari vniuersale remotum, & proximum in potentia tantum à parte rei; & alia, quibus probat dari vnitatem minorem vnitatem numerali; quasi nulla esset differentia inter talem vnitatem, & vniuersale in actu, siue potentia, saltem proxima.

Obijcies tertio, contra tertiam conclusionem. Si natura à parte rei existens esset communis, seclusa operatione intellectus, sequeretur dari posse vniuersale à parte rei, seclusa operatione eiusdem intellectus; sed hoc est contra Auerroem, primo de anima, comm. 8. ergo. Maioris sequela probatur. Quia ex hoc, quod natura sit communis, ponitur indifferens ad hoc, & illud singulare; sed talis indifferencia sufficit ad vniuersale; ergo si daretur natura communis à parte rei, sequeretur dari vniuersale à parte rei.

Respondetur, concedendo sequelam maiorem de vniuersali in potentia pro denominato remoto, vel propinquo; & negando illam de vniuersali in actu, & pro formali. Ad probationem dico, talem indifferenciam naturæ non sufficere ad vniuersale, sed ultra hoc requiritur, ut sit cognita ab intellectu actu recto, vel comparatiuo. Ex quo patet, dictum Comment. Auer. nimirum, Intellectum agentem facere vniuersale in rebus; intelligendum esse de vniuersali in potentia proxima, seu pro denominato proximo, pro quantum videlicet natura abstrahitur, mediante intellectu agente, causante speciem intelligibilem illius, per quam postea representatur intellectui possibilibi, tamquam in obiectum motuum eius; à quo domum concipitur in ratione vniuersalis in actu.

Obijcies quarto D. Damascenum, in primo sent. cap. 8. ponentem differentiam inter naturam creatam, & increatam, & dicentem; quod in creaturis diuisio suppositionum, seu hypostasum consideratur re; communis autem, & copulatio, intellectus: intelligimus enim in intellectu, quod Petrus, & Paulus vnius sunt nature, & communem habent naturam. In increata verò, & supersubstantiali, & incomprehensibili Trinitate est & conuerso: illic enim commune quidem, & vnum re consideratur; cognitione verò est diuisum; ergo de mente Damasceni in creaturis à parte rei, nihil est commune; sed omnis communi-

tas ab intellectu pender.

Respondetur, negando consequentiam. Siquidem D. Damascenus loquitur tantum de unitate singularitatis, & communitate per inexistentialitatem in pluribus. Et hoc modo non solum natura creata non est communis, sed nec vna; quia est diuisa numeraliter in singularibus. Et si volumus concipere hanc unitatem, & communitatem naturæ respectu singularium, necesse est, ut eam mente concipiamus, & intellectu fingamus, cum nec vestigium aliquod in rebus reperiri possit. At è conuerso se habet in Diuinis, quandoquidem cum ibi sit vna, & eadem essentia in tribus personis, in re habetur unitas, & communitas tribus suppositis, quorum diuisio solum intellectu fingi potest, cum de fide habeamus esse vnum Deum in vnica essentia singularissimam.

Vel dicendum, D. Damascenum ibi esse locutum de communi prædicabili, quod non nisi per intellectus operationem percipi potest, non tamen de communi per indifferentiam, de quo nos loquimur; tale enim reperiri potest in natura creata, seclusa operatione intellectus, ut probatum est in tertia conclusione.

Obijcies quinto Philosophum, 7. Metaph. c. 45. & 46. dicentem: substantiam vniuersaliusque esse propriam sibi, & non inesse alteri, sed commune non est proprium vni, imò omnibus inest; ergo natura substantialis à parte rei non est communis.

Respondetur, Philosophum ibidem negare solummodo, naturam substantialem esse à parte rei in singularibus communem positivè per inexistentialitatem, non tamen per indifferentiam, habitualiter in intellectu, vel extra per non repugnantiam; siquidem improbare intendit opinionem Platonis, vel potius fictionem illam, quam sibi imponit de ideis, quod nimirum hic homo per se existens, quiponebatur idea hominis per se, possit esse vniuersale ad homines; quare sic arguit: Omnis substantia per se existens, est sibi propria, vel ex se, vel ratione alicuius differentie individualis; sed omnis idea est substantia per se existens; ergo est sibi propria, & non communis omnibus hominibus; at nos non ponimus, individuum hominis esse commune, vel positivè, vel negativè, sed naturam duntaxat hominis

existentem in Petro, Paulo, Francisco, & ceteris, esse illis communem privativè; quia etiam si propria sit vni, quia contracta per differentiam individualem, tamen non sibi repugnat alteri coniungi per aliam differentiam individualementem. Et hæc sufficiant de hac Disputatione.

De Indiuiduatione Naturæ Substantialis.

DISPUTATIO V.

Nominales omnes communiter de medio tollunt hanc Disputationem; quippe qui putant, quamlibet naturam, sine substantialem, sine accidentalem, de se, sine aliquo addito, esse indiuiduam, & singularem: quare frustra (inquiunt) querunt Scholastici, quo principio natura sit indiuidua, & singularis, cum de se habeat hanc perfectionem. Ita docet Ocham, in 2. q. 4. & 6. Gabriel ibidem, q. 7. & 8. Ceterum, cum visum sit in præcedentibus, naturam substantialem non esse de se hanc, sed communem, quacumque operatione intellectus seclusa, indubitatum relinquitur non esse abs re, & frustra hoc inquirere; sed esse duntaxat supernacancum, eorumdem sententiam in medium afferre, cum improbata versaneat ex dictis in præcedentibus questionibus; unde communem opinionem sequendo, inquiratur.

Utrum Natura Substantialis sit hæc, & indiuidua, per aliquod positivum, ab eadem realiter distinctum?

QVÆSTIO I.

Circa hanc questionem, sunt inter se oppositæ sententiæ; quarum prima est Henrici de Gandavo, quod, s. q. 8. & 15. assertentis, naturam communem non fieri hanc, & indiuiduam per aliquod positivum distinctum à natura, sed tantum per dupli-

com

cem negationem scilicet indiuidionis a se, & diuisionis a quocumque alio: quæ negationes, si insint naturæ communi, dicit iste Doctor, eam fieri de communi indiuiduam, & singularem; si autem eisdem carerent, communis euadit.

Secunda sententia huic omnino opposita, defenditur ab omnibus Scholasticis, exceptis Nominalibus; & docet, naturam fieri indiuiduam, & singularem per aliquod positium, aliquo modo ab ipsa distinctum. Ita D. Thomas cum suis. Et Doctor Subtilis cum suis, in locis infra citandis.

Hæc autem diuiditur in alias; cum non omnes conueniant in assignando tale positium; siquidem Bonetus, lib. 8. Methaphysicæ suæ asserit, tale positium esse actualē existentiam in rerum natura, cum sit actus ultimus adueniens naturæ existenti extra suas causas. Gothfredus de Fontibus Minorita, quol. 6. q. 5. & septima, & Egidius de Roma, quol. 1. q. 5. art. 1. dicunt, talem positium esse quantitatem, quæ secundum quod affectat diuersas partes substantiæ, non solum tribuit illis esse indiuiduale, sed etiam distinguit illas numeraliter. Alij verò dicunt, materiam esse principium indiuiduationis, non ut sic consideratam, sed ut est signata. Ita D. Thom. de Ente, & Essentia, cap. 2. vbi Caiet. q. 3. & prima parte, q. 3. art. 3. & q. 50. art. 4. Capreol. in Magist. sent. lib. 2. 3. 3. Sonc. in Meth. lib. 7. q. 33. & 34. Ferrariens. lib. contra Gentes, cap. 21. & ceteri Thomistæ. Ceterum, quia non est ita manifestum quid intelligat D. Thom. per materiam signatam; ideo multum laborant eius Discipuli in eruenda germana veritate sententiæ Doct. Angelici; vnde diuersificantur in multas Clauses, ut ad longum recenseret Suarez in Meth. disp. 5. sect. 3. & Caiet. de Ente, & essentia, q. 3. cap. 2. Alij namque volunt, materiam signatam, esse materiam primam, cum quantitate acceptam. Alij verò capacem huius, vel illius quantitatis. Et alij tandem putant esse materiam, non capacem, vel affectam actuali quantitate, ut dicunt præcedentes, sed vi radicem, & causam huius quantitatis. Alij autem, principium indiuiduationis esse formam substantialem, per quam habet esse compositum. Ita Auer. primo de Anima, & secundo, comm. 7. 8. 9. & 60. & 3. phys. com. 6. & 4.

phys. comm. 38. Auicenna 6. Natural. p. 7. Durand. in secundo, dist. 3. q. 2. Zimara, Theor. 97. Quam sententiam, uti probabilem, censet etiam Suarez cit. sect. 4. Alij tandem dicunt, naturam substantialem indiuiduari per aliquam entitatem positum ab eadem ex natura rei distinctam, quam Hæcitate appellat ab effectu; quia reddit naturam de communi, hanc, & indiuiduam. Ita Doctor Subtilis, in secundo, d. 3. q. 6. & quol. 2. & 7. meth. q. 13. quem sequuntur omnes eius Discipuli; & ex alienis, Fonseca, 5. Meth. q. 3. sect. 2. & q. 5. per totam. Quam sententiam, & nos defendere debemus. Antequam tamē ad eandem accedamus, singulas priores opiniones, singillatim examinabimus, ut ex earum confutatione, magis, ac magis appareat veritas Scoticæ opinionis, & aliarum improbabilitas.

An prima substantia, sit constituta in esse per negationem duplicem, scilicet indiuidionis a se, & diuisionis a quocumque alio?

SECTIO I.

PRO declaratione tituli questionis, primo notandum est, ex secundo sent. d. 3. q. 2. Doct. Subt. 5. Contra ista, primo expono intellectum questionum &c. quod prima substantia, seu indiuiduum dupliciter accipitur, scilicet pro prima, & pro secunda intentione: & quod hic non queritur de prima substantia, seu indiuiduo pro secunda intentione; quia certum est constitutum esse in ratione primæ substantiæ ab intellectu cognoscenæ comparatiuè, exempli gratia, Petrum in ordine ad hominem, & ad seipsum, in quantum caret inferioribus, quibus possit communicare naturam ab homine acceptam; sed tantum est sermo de indiuiduo, seu de prima substantia pro prima intentione, ut de Petro, vel Paulo, & similibus; de quorum quolibet non queritur, an sit prima substantia formaliter per illas duas negationes; quia sic indiuiduatione est indiuiduum; sed cum indiuiduum non sit indiuisibile in plures partes subiectiuas, non queritur, quo formaliter repugnat diuidi; quia clarum est sibi repugnare repugnantia formaliter. Queritur ergo, quo

sub-

fundamentaliter, idest quodnam sit fundamentum huiusmodi repugnantie in individuo, per quod prohibeatur diuidi in plura inferiora; unde sensus quæstionis huius, & sequentium est. An illæ duæ negationes, scilicet indiuisio in se, & diuisio in a quocumque alio, sint fundamentum talis repugnantie, vel tale fundamentum sit existentia, vel quantitas, vel materia signata, aut tandem hæc etas, vt dicunt alie sententie.

Secundo notandum est, ex eodem Scoti iudicio. A. indiuiduum, seu primam substantiam dupliciter considerari posse vno modo formaliter, alio modo concomitanter. Indiuiduum formaliter, dicit aliquam entitatem posituam realem, per quam sibi repugnat diuidi in plura inferiora; quæ dicitur differentia individualis, & à Scoto appellatur hæc etas; quia per ipsam naturam substantialis, vel accidentalis sit hæc, & singularis. Indiuiduum concomitanter, dicit duplicem negationem, scilicet indiuisio in se, & diuisio in a quocumque alio. Nam, indiuisio in se, dicit negationem diuisio in se, & à se; diuisio vero à quocumque alio, importat negationem identitatis cum alio. Et istæ negationes dicuntur concomitari indiuiduum, pro quanto consequuntur illam differentiam indiuidualem, qua formaliter indiuiduum constituitur in esse indiuidui. Henricus, præter illas duas negationes, nihil aliud agnoscit in indiuiduo, cum putet illas sufficere, ad hoc vt sibi repugnet diuidi in plures partes subiectiuas. Scotus autem, cum iudicat, illas duas negationes non sufficere ad ponendam huiusmodi repugnantiam in indiuiduo, prærequirit quamdam entitatem posituam, quæ hæc etas nominatur.

Tertio notandum, ex eodem ibidem; repugnantiam se habere in duplici differentia; quædam enim dicitur repugnantia simpliciter; quædam vero secundum quid. Repugnantia simpliciter est in omni eo, quod est incommunicabile vt quod. Idest, cui repugnet diuidi in plura inferiora, quorum quodlibet sit ipsum: Repugnantia vero secundum quid, est in omni eo, quod est incommunicabile, vt quo, vt nequeat esse alterius forma, siue substantialis, siue accidentalis. Ad ponendum repugnan-

tiam simpliciter, exempli gratia in Petro, non sufficit sola negatio communicabilitatis in plura inferiora, sed prærequiritur aliquod posituum in quo huiusmodi negatio fundetur; siquidem omnis repugnans simpliciter, habetur per aliquod posituum, vt patet inductiue; animi autem enim repugnat diuidi in plura genera per suam differentiam constitutiuam, scilicet per se sensibile; homini repugnat diuidi in plures species per rationale quo constituitur; igitur cum Petro repugnet diuidi in plura inferiora, quorum quodlibet sit ipse, hoc habebit per suam differentiam indiuidualem, quæ dicit realitatem posituam. At ad repugnantiam secundum quid, sufficit illa sola negatio communicabilitatis vt quo; vt patet de accidentibus in Sacramento Altaris, in quibus est repugnantia secundum quid ad esse in subiecto per solam negationem actualis inherentiæ ad subiectum; siquidem, staret tali negatione, sibi in ipsis repugnat alicui inherere subiecto, non tamen simpliciter; quia posset Deus illam tollere per affirmationem oppositam, creando aliquam materiam de nouo, vt de facto accidit, dum corrumpuntur species Sacramentales; quia tunc definit ibi esse corpus Christi, & sufficit noua materia, in qua fiat corruptio illa specierum Sacramentalium, vt aliàs dicendum est.

Ex his, sic Conclusio. Substantia indiuidualis, in ratione primæ substantiæ, non constituitur in esse per illas duas negationes, scilicet diuisio in se, & identitatis cum alio, sed necessario prærequiritur aliqua realis positua, quæ sit fundamentum illarum negationum. Est Scoti, in secundo d. 3. q. 2. A. Contra Henricum, quod. 3. q. 8. & 15 Probatur prima pars primo sic. Illud est constitutum substantiæ indiuidualis, per quod simpliciter sibi repugnat diuidi in plures substantias indiuiduales, quarum quælibet sit ipsa prima substantia; tale nequit esse negatum; ergo est aliquod posituum. Maior probatur. Quia repugnantia ad diuidi, inest substantiæ indiuiduali per suum constitutum, sicut repugnantia in specie ad diuidi in plures species, inest sibi per constitutum eius; ergo illud est constitutum substantiæ indiuidualis, per quod

sibi repugnat diuidi in plura indiuidua. Minor probatur. Quia nihil repugnat simpliciter alicui entiper solam priuationem, seu negationem in illo; sed substantiæ indiuiduali simpliciter repugnat diuidi in plura indiuidua, quorum quodlibet sit ipsum; ergo talis repugnantia non inest substantiæ indiuiduali per solum negatiuum, sed prærequiritur necessarium aliud positium. Maior patet ex Not. tertio, & sic etiam suadet. Quia licet negatio, seu priuatio tollat potentiam proximam ad affirmationem, seu ad habitum, non tamen tollit repugnantiam; ut patet de cæcitate, licet auferat ab oculo potentiam proximam ad videndum, non tamen tollit repugnantiam; alioquin nec per potentiam Diuinam posset videre, quod non est dicendum; igitur nihil repugnat simpliciter alicui per solam negationem, seu priuationem. Minor similiter patet. Quia prima substantia indiuidualis est, quæ non dicitur de subiecto, id est de inferiori, ex Aristotele, cap. de substantia. Secundo probatur sic. Per negationem, nihil constituitur in maiori perfectione, quam prius fuerit; sed per constitutum substantiæ indiuidualis, prima substantia constituitur in maiori perfectione, quam secunda, quæ prius erat; ergo substantia indiuidualis non constituitur in esse prius substantiæ per negationem; igitur per positium. Maior patet. Quia nihil dat, quod non habet; sed negatio nullā dicit perfectionem; ergo &c. Minor patet per Philosophum, c. de substantia, dicentem, quod prima substantia est maxime substantia, & perfectior, quam secunda; igitur per constitutum eius, per quod differt à secunda substantia. Secunda pars suadetur sic. Substantia indiuidualis constituitur in esse indiuidui per aliquod constitutum; nō. n. est de se indiuidua; sed tale non est negatiuum, ut probatum est; ergo debet esse quid positium. Consequentia patet. Quia inter ens positium, & negatiuum, seu priuatiuum, nō datur medium; igitur si non est negatiuum, necessarium debet esse quid positium, ut dicebat secunda sententia.

Obijcies primo. Si principium indiuiduationis esset aliquod positium, vel illud esset materia, vel forma, vel aliquod consequens materiam, aut formam; sed nullum istorum est dicendum; ergo non est quid positium, sed negatiuum. Maior patet à sufficienti diuisione. Minor probatur. Not. materia, per Sco-

tū, q. 4. & 5. loco citato, in secundo sent. Nec forma; quia quæritur de ipsa per quid indiuiduatur; non per seipsam, cum sit communis sicut natura substantialis, cuius est pars; igitur per aliam formam; & tunc quæram de illa sicut prius, & sic datur processus in infinitum. Nec potest esse aliquid consequens materiam, vel formam; quia tale, vel est absolutum, vel respectum; si datur absolutum, tunc quæram de illo, sicut de forma, per quid indiuiduatur. Si verò dicatur respectum, cum quilibet respectus supponat fundamentum, ergo daretur fundamentum, quod non indiuiduaretur ab eo. & quærendum esset aliud principium illius; & sic processus in infinitum, quem si vitare velimus, cogimur necessario fateri, tale principium esse negatiuum, & non positium.

Respondetur, tale positium esse materiam totius, quæ est eadem, quod differentia indiuidualis. Ad improbationem dico, quod Doctor Subtilis non reprobatur, materiam totius esse differentiam indiuidualem, & constitutum indiuidui, sed bene materiam partis, ut plenius, q. 5. & 6. demonstrat, contra D. Thomam.

Obijces secundo. Vnum dicit solum priuationem diuisionis in se, & identitatis, cum alio; sed substantia indiuidualis est vna numero; ergo præter naturam substantialem, solum dicit illas duas negationes. Maior probatur. Quia si vnum diceret entitatem positiam, tunc esset negatio dicendo, vnum ens, vel ens vnum; quia idem diceretur bis; non enim diceret eandem entitatem, cum distinguantur ab inuicem; ergo aliam; & sic bis ens.

Respondetur, vnum formaliter dicere illam duplicem negationem; fundamentaliter verò, dicit realitatem positiam, cui adhæret illa duplex negatio. Et quod hoc sit verum, patet; quia etiam vnum specie, dicit illas duas negationes, specificè scilicet diuisionis, & identitatis cum alia specie, & tamen nullus negat entitatem positiam; est ratio fundamentalem illarum negationum; siquidem ab ea sumitur ratio distentionis specificè vnus speciei ab alia. Ad probationem dico, negando consequentiam; quia talis entitas positia, quæ dicit vnum, est eadem realiter cum sua entitate, à qua sumitur, cum sit eius propria passio; & sic non sequitur dici bis ens, cum dicatur vnum ens.

Obij-

Objicies tertio. Si principium individuationis deberet esse quid positivum, idem foret, quia negatio non est sufficiens tollere repugnantiam ad diuidi, quam includit individuum, sed consequens est falsum; ergo & illud ex quo sequitur. Consequentia est Doctoris, in secundo, d. 3. q. 2. A. Minor probatur. Quia supposito creato repugnat posse esse in alio, & posse communicari, ut quo, & ut quod, ex Doct. Subr. in 3. d. 1. q. 1. E. & G. sed suppositum creatum dicit solum illam duplicem negationem, ut asserit Scotus loco citato, & quod. 9. & quod. 19. X. & Y. ergo sola negatio sufficit ad tollendam non repugnantiam in individuo, ad posse diuidi in plura individua.

Respondetur, quod in supposito creato duplex repugnantia reperitur, scilicet ad communicari, ut quo, & ut quod, seu ad dependere ad aliud in ratione forme, & ad diuidi in plura inferiora. Repugnantia ad communicari, seu diuidi, ut quod, non inest supposito, ut suppositum est, sed ut individuum est, cum conveniat omnibus singulis cuiuscumque prædicamenti, ut superius notauimus; & sic talis repugnantia est in supposito per aliquod positivum. Repugnantia autem ad communicari ut quo, seu ad dependere in ratione forme, inest supposito, ut tale est; & sic per solum negationem dependentiæ ad aliud in ratione forme. Ratio autem utriusque est supradicta; quia prior est repugnantia simpliciter, & idem indiget positivo; posterior est secundum quid, & sic ad ipsam sufficit sola negatio. Doct. citatus in tertio, loquitur de secunda, hic vero de prima.

An Substantia individualis, sit individua per actualem existentiam?

SECTIO II.

PRO solutione difficultatis, primo notandum est, ut colligitur ex Scoto, in secundo, d. 3. q. 3. & d. 12. q. 1. & in tertio d. 1. q. 1. & d. 8. q. 1. E. Et in primo, d. 7. q. 1. T. & d. 2. q. 4. Dd. & in quod. 9. A. & quod. 19. X. Y. quod res essentia, existentia, & substantia valde differunt inter se. Nam res subsistens est illa, quæ est incommunicabilis ut quo, & ut quod; vel est illa, quæ est in ultima actualitate, & non est ordinabilis ad ulte-

riorem actum, nec alteri est ratio essendi: ut Petrus, qui est positus in ultima actualitate, & non expectat ulterius perfici substantialiter ab aliqua forma, nec ipse potest dare esse alteri, ut forma. Res existens est illa, quæ habet esse in rerum natura extra suas causas. Et sic materia, forma, & quælibet res ponibilis in prædicamentis, dicuntur res existentes. Res autem essentia est illa, quæ est pluribus communicabilis, quantum est de se, & ut quo, & ut quod. Et sic omnia genera, & species cuiuslibet prædicamenti, dicuntur res essentia. Illæ autem res ordinantur ad inicem secundum magis, & minus commune; quia omnis res subsistens, est res existentia, sed non è conuerso; similiter res existentia est res essentia; quia est communicabilis, vel ut quo, & ut quod, sed non è conuerso; quia existentia accidit essentia.

Secundo notandum est, ex eodem, in secundo, d. 3. q. 3. & colligitur etiam ex q. 2. sub. G. duplicem esse existentiam, scilicet communem, seu non ultimam, & particularem, seu ultimam. Existentia communis est illa, quæ convenit rebus communibus, ut puta homini, leoni, equo &c. tamquam modus intrinsecus illarum, & secundum illam denominantur existere. Existentia verò particularis est, quæ convenit rebus particularibus, ut modus intrinsecus eorumdem, & secundum quam res particulares, seu individua dicuntur existere extra suas causas. Inter has existentias, & earum res datur talis ordo, quod res, seu essentia communis, ut puta homo, præcedit saltem naturam suam existentiam; ita quod intelligitur esse perfectus homo in aliquo priori naturæ, antequam concipiatur existens existentia non ultimam; similiter, sua essentia particularis, ut est substantia individualis, præcedit saltem naturam suam existentiam particularem; ita quod in aliquo signo naturæ concipi potest, e.g. Petrus cum tota natura humana, & sua differentia individuali, priusquam concipiatur existens actualiter existentia particulari. Et ratio huius ordinis est; quia prædicamenta abstrahunt ab existentia actuali, seu ultima, & individua ponuntur in prædicamentis, ut diximus superius; igitur prius natura concipitur individuum secundum suum esse

cōpleū intinsecē, quā concipiatur existēs.

Tertio notandum, ex eodem loco citato, eodem modo se habere existentiam ultimam, seu particularem ad indiuiduum, quo modo se habet existentia communis ad speciem, vel genus, quorum sit existentia. Hec autem taliter ordinantur, e.g. ad hominem, quod non constituit ipsum in esse hominis, nec tamquam genus, nec tamquam differentiam, vel aliquod aliud requisitum ad eius quiditatem, sed præsupponit ipsum in esse quiditatis positum, antequā homo dicatur existens existentia communis; ex quo ponitur talis ordo. Primo concipitur homo cum animalitate, & reliquis prædicatis superioribus. Secundo, cum rationalitate sicut illa, quæ constituit hominem in esse specifico, & quiditatis. Tertio, cum existentia cōiuncti sibi convenienti. Quarto, cum risibilitate, & alijs passionibus ita quod existentia, licet non precedat rationalitatem, quæ est hominis constitutivum, sequitur tamen immediate, etiam ante proprias passiones, cum sit modus intrinsecus, & consequenter intimior passione. Eodem modo ordinatur existentia actualis ad indiuiduum: quia nullo modo concurrit ad ipsius constitutionem intrinsecam, & perfectam, licet bene ad extrinsecam perfectionem ipsius ordinetur; sicut in indiuiduo, v.g. Petro. Primo concipitur natura hominis communis, cui non repugnat esse in Paulo, & cæteris. Secundo, differentia indiuidualis, ut potest Petreitas, quæ cōrahit naturam humanam ad Petrum, ipsumque constituit in esse huius hominis, & indiuidui. Tertio tandem, concipitur existens actualiter extra suas causas. Et in hoc eodem signo fortē, vel in alio, sibi convenienti illæ due negationes, scilicet divisionis à se, & identitatis cum alio, quæ findantur in sua differentia indiuiduali, sicut in Petreitate. Ex quo patet, quod cū differentia indiuidualis antecedit existentiam actualem in esse indiuidui, eā nō fore immediatam, sed aliquā intermediatam, & intimius pertinet ad esse indiuidui, cuiusmodi est hæcitas ut inferius demonstrabimus.

Quarto notandum est, ut colligitur ex eodem Scoti loco citato, sub lit. B. quod illa, quæ indiuiduantur, sunt in duplici differentia; quædam in indiuiduantur per se, quædam vero cōcomitantur sibi consecutiue. Illa dicuntur indiuiduari per se, quæ directe

ponuntur in prædicamento, ut genera, & species; siquidē natura humana, v.g. dicitur indiuiduari per se primo, pro quanto immediate contrahitur per differentiam indiuidualem ad aliquem hominem particularem. Illa vero indiuiduantur consecutiue, seu cōcomitantur, quæ non sunt directe in prædicamento, sed tantum reduciuntur ratione identitatis realis, vel indirecte, ratione identitatis formalis, ut sunt differentie genericæ, & specificæ, & rationale, & sensibile; similiter passiones, ut risibilitas in homine, rugibilitas in leone; modi intrinseci, ut finitas, existentia. Unde priora dicuntur indiuiduari per se; quia descendunt in sua indiuidua per proprias differentias indiuiduales, desumptas ab ultima realitate formæ, quæ sunt de per se conceptibus indiuiduorum; at posteriora dicuntur indiuiduari consecutiue, quia non descendunt in inferiora per se, & per proprias differentias indiuiduales, ut perperam aliqui sunt interpretati Doct. Subtilem, loco citato, sed per eandem differentiam indiuiduales, quibus indiuiduantur naturæ, indiuiduantur etiam omnia, quæ consequuntur naturæ; ut per eandem differentiam indiuidualem Petri indiuiduantur naturæ, quæ est in Petro, animalitas, & cætera prædicata superiora per se risibilitas autem existentia, finitas, & cætera, quæ sunt eadē sibi realiter homini, & rationalitas, quæ est eadē sibi formaliter, indiuiduantur cōcomitantur, sed consecutiue; alioquin si concederemus illis proprias differentias indiuiduales, necessario deberemus diuidere etiam proprias differentias genericas, & specificas; & sic cogereimur ponere distictas coordinationes passionum, existentiarum, & differentiarum, quod esset maximum inconueniens.

Ex his ergo fit talis conclusio. Substantia indiuidualis, nō est indiuidua per actualem existentiam intrinsecam, sed tantū extrinsecam. Est Scoti loci citati A. Contra Nicolaum Bonetum, lib. 8. iuxta Meth. Dict. 2. & 3. Rogerium Baconis, Adam Godam, & alios quosdam antiquos. Probatur Prima Pars primo sic: Quod non est ex se distinctum, nec determinatum, non potest esse primum distinguens, & determinans aliud, sed existentia, prout distinguitur ab essetia, nō est ex se distincta, aut determinata; ergo nequit distinguere, aut determinare existentiam indiuidualem. Maior patet. Quia aliter non esset primum

ui-

distinguens, & determinans, sed aliud esset prius eo, si non esset ex se distinctum, & determinatum. Minor similiter patet, ex tertio not. Quia solum determinatur concomitanter, pro quanto concomitatur essentiam, quæ per se determinatur per proprias differentias individuales. Secundo sic. Coordinationes prædicamentales, abstrahunt ab existentia actuali, siue communi, siue particulari; sed substantia individualis ponitur in prædicamento, seu coordinatione substantiali; ergo substantia individualis nequit indiuiduari per existentiam actualem. Maior patet. Quia res ponuntur in prædicamento secundum esse cognitum, ut vidimus superius, cap. 5. q. 3. sed esse cognitum abstrahit ab existentia, ut communiter conceditur; ergo coordinationes prædicamentales abstrahunt ab existentia. Minor patet, etiam ex Philosopho, 1. Post. 1. 34. ubi dicit, dari statum in quolibet prædicamento, in sursum in genere generalissimo, & in deorsum in singulari, absque omni existentia actuali; igitur substantia individualis, cum sit singularis, per se reponitur in prædicamento substantiali. Tertio sic. Nullum constitutum, est posterius natura suo constituto; sed existentia actualis est posterior natura substantia indiuiduali; ergo existentia actualis non constituit illam in esse indiuiduali. Maior probatur. Quia constitutum dependet à suo constitutivo; sed nullum prius dependet à posteriori, licet bene è conuerso; ergo nullum constitutum est posterius natura suo constituto. Minor patet, ex Not. secundo, & tertio, ubi diximus, existentiam actualem esse modum intrinsecum essentiae, cuiusmodi est etiam substantia individualis; atqui modus intrinsecus est posterior natura eo, cuius est modus, cum non sit de quiditate eius; ergo existentia actualis, est posterior natura substantia indiuiduali, & per consequens non indiuiduatur per eam. Secunda pars probatur. Actus distinguunt eo modo, quo est actus; si est substantialis, distinguit substantialiter; si accidentalis, accidentaliter; si intrinsecus, intrinsecè, & si extrinsecus, extrinsecè. sed existentia est actus extrinsecus substantia indiuiduali, cum non sit de eius quiditate; ergo tantum extrinsecè distinguit vnam substantiam indiuidualem ab alia. Maior est Aristotelis, 7 Metaphysicæ, 1. c. 49. ubi secundum antiquam translationem dicit, actum separa-

re substantiam: secundum verò translationem Commentatoris dicit, actum diuidere substantiam. Consequentia patet. Quia actus vltimus, nequit diuidere nisi substantiam vltimam; sed substantia indiuidualis est vltima, & existentia est actus vltimus; ergo &c.

Obijcies tamen ex Bonero. Vltima distinctio, est per vltimum actum; sed distinctio indiuidualis est vltima, & existentia est vltimus actus; siquidem ultra existentiam, non datur alius actus; ergo existentia actualis, distinguit indiuidua ab inuicem; & per consequens indiuiduum indiuiduatur per existentiam; siquidem eadem sunt principia distinctiua, & constitutiua.

Respondetur, distinctionem vltimam esse duplicem. scilicet intrinsecam, & extrinsecam. Prior fit per principia pertinentia ad coordinationem prædicamentalem; ut sunt differentie individuelles constitutiue indiuiduorum, Posterior verò fit per ea, quæ sunt extra coordinationem prædicamentalem; cuiusmodi sunt finitas, & existentia. Modo ad formam argumenti dico, maiorem esse veram, pariformiter sumendo distinctionem vltimam: si. n. est intrinseca, fit per actum intrinsecum; si autem extrinseca, per extrinsecum; & sic distinctio indiuidualis, cum sit vltima utroque modo, habet distinguere intrinsecè per differentiam indiuidualem, scilicet per hæcitatatem, extrinsecè verò per existentiam actualem.

An Substantia indiuidualis, sit indiuiduum per quantitatem?

SECTIO III.

PRIMO notandum est, quod quantitas est secundum quā quanti, vel quoti esse dicimur; ut secundum longitudinem longi; lati secundum latitudinem; & secundum profunditatem profundi. Quæ, ut colligitur ex Scoto, in 2. d. 3. q. 4. est duplex. scilicet communis, & particularis. Communis, ut longitudo, latitudo, profunditas. Particularis, ut hæc longitudo, hæc latitudo, hæc profunditas. Hic est sermo tantum de particulari. Quæ adhuc est duplex, scilicet vaga, & signata. Vaga est, quæ respicit omnia subiecta; ut aliqua quantitas, aliqua longitudo, quedam profunditas. Signata autem dicitur illa, quæ est determinata ad aliquod subiectum determinatum, & illud solū denominatur; ut hæc longitudo vlnæ; hæc latitudo huius cathedre; hic numerus ternarius, qui repe-

situr in his tribus partibus ab invicem separatis ex diuisione huius continui, ut melius explicabitur, cap. sequenti. Modò ad propositum applicando hanc doctrinam; Gotfridus, & Egidius dicunt, indiuiduum vagum indiuiduari per quantitatem particularem vagam; & signatum, per signatam.

Secundo notandum, ex Scoto loco citato, sub lit. A. quod substantia communis, ut est specifica, sicut ordinatur ad suam differentiam constitutiuam, ita substantia particularis, & indiuidualis ordinatur ad suam; ordo autem inter substantiam specificam, & eius differentiam est talis, quod ipsa constituit essentialiter, & quiditatiuè per suam differentiam; qua manente, & ipsa manet; & qua destructa, destruitur, & ipsa idem quoque dicendum est talis, quod ipsa indiuiduali in ordine ad suam differentiam indiuidualem; quandoquidem ita ad invicem connectuntur, quod in esse indiuidui essentialiter pendeat substantia indiuidualis à sua differentia constitutiuam, quæcumque sit illa. Cum autem hæc substantia indiuidualis, saltem per potentiam diuinam, possit manere sine hac determinata quantitate, sequitur, hanc quantitatem signatam non esse principium indiuiduationis huius substantiæ indiuidualis, & signatæ. Tunc ulterius; cum non sit maior ratio de vna quantitate signata, quam de alia, sequitur posse esse sine omni quantitate signata; & sic, nullam quantitatem signatam posse esse principium indiuiduationis substantiæ indiuidualis.

Tertio notandum est, ex eodem Scoto ibidem, sub lit. D. & etiam ex Philosopho, primo Post. t. 34. & ex his, quæ superius conclusimus, omnia prædicamenta, generaliter loquendo, esse impermixta formaliter; aliqua tamen, ut substantiam, quantitatem, & qualitatem, etiam realiter: vnde sequitur, quod in coordinatione substantiæ, omnia quæ per se pertinent ad illa, quæ in hi collocantur, sunt substantiæ; sicut in coordinatione quantitatis sunt omnia, quæ per se spectant ad talem coordinationem; ita quod nihil per se spectans ad prædicamentum substantiæ, potest poni in esse per aliquid per se spectans ad prædicamentum quantitatis. Cum autem substantia indiuidualis, ex Philosopho, primo Post. t. 34. per

se spectet ad prædicamentum, & coordinationem substantiarum, & eadem ponatur in esse indiuidui per propriam differentiam indiuidualem, sequitur necessarîo non posse indiuiduari per quantitatem signatam, aut aliquid aliud non spectans ad prædicamentum substantiæ, sed ad prædicamentum quantitatis.

Ex his, sit talis conclusio. Substantia indiuidualis, non indiuiduatur per quantitatem, aut aliquod aliud accidens. Est Scoti loco citato, lit. A. & k. Contra Gotfridum de Fontibus, & Egidium Romanum citatos in principio quaestionis. Probatur primo sic. Si substantia indiuidualis indiuiduari posset per quantitatem, sequeretur ipsam posse esse simul, & semel indiuiduam, & non indiuiduam; sed hoc implicat contradictionem; ergo & id ex quo sequitur. Maioris sequela probatur. Quia Deus potest separare omnem quantitatem ab illa, ipsa manente in esse actualis existentis; ergo posset simul esse indiuidua, & non indiuidua. Antecedens patet. Quia distinguuntur inter se realiter, substantia, & quantitas: tum etiam, quia substantia est prior natura, tempore, & diffinitione quolibet accidente, ex Aristotele, 7. Methaph. t. quarto, & septimo. Sed omne prius, potest esse sine posteriori, saltem per potentiam diuinam; ergo. Sequela probatur. Quia talis substantia essent indiuidua, quia actu existeret; impossibile est enim, aliquam substantiam actu existere, & non esse singularem, ac indiuiduam, ut probat Aristoteles, septimo Methaph. ad longum, contra Platonem: non esset autem indiuidua; quia quantitas, quæ ponitur principium indiuiduationis, esset ab ea separata; ergo esset simul indiuidua, & non indiuidua quod repugnat. Secundo sic. Nullum posterius potest esse ratio essendi priori, & maxime si sit posterius tempore; sed tota coordinatio quantitatis est posterior, nedum natura, verum etiam tempore, tota coordinatione substantiæ, in qua per se reponitur substantia indiuidualis; ergo nihil de coordinatione quantitatis, potest esse ratio essendi substantiæ indiuiduali. Maior patet ex se. Minor verò est. Aristotelis, septimo Methaph. t. quarto, & septimo; ergo &c.

Obijcies primo. Substantiam communem indiuiduari, est ipsam diuidi in indiuidua.

dua eiusdem rationis, sed nequit sic diuidi absque quantitate; ergo quantitas est principium indiuiduandi substantiam. Maior patet. Minor probatur. Quia illud, quod primo, & per se conuenit alicui, conuenit cuilibet alteri per rationem eius; sed diuidi in partes eiusdem rationis, est proprietas per se primo conueniens quantitati, ex Philosopho, quinto Meth. l. c. 18. ergo conuenit substantiæ mediante quantitate, & sic indiuiduatur per quantitatem.

Respondetur, negando minorem. Ad probationem dico, Philosophum ibi loqui de partibus integralibus quantitatis, non tamen de partibus subiectiuis: modo substantia, quæ diuiditur in indiuidua, non partitur in illa tamquam in partes integrales, sed veluti in partes subiectiuas, quarum quælibet continet quiditatem totum diuisum; quia hic homo est quiditatem homo, sicut iste, & ille. Et quod hæc responsio sit vera, & de mente Philosophi, ostendit Doctor loco citato, sub lit. I. & affert verba Aristotelis, quæ sunt ista. Quantum verò dicitur, quod est diuisibile in ea, quæ insunt, quorum vtrumque, aut singulum, vnum aliquid; & hoc aliquid natum est esse. Id est. Totum quantitarium est illud, quod est diuisibile in ea, quæ insunt, id est in partes integrales, quæ insunt toti; quorum vtrumque, id est quarum partium, vtraque si sint tantum duæ, aut singulum, si plures sint duabus, vnum aliquid natum est esse, id est singula pars nata est esse aliud totum, cum & ipsa constet ex alijs partibus, in qua diuisibilis est. Vnde manifestè patet, quod ibi non loquitur de partibus subiectiuis, vt sunt indiuidua, sed de integralibus, cuiusmodi sunt, caput, manus, pedes, &c.

Objicies secundo. Hic ignis non differt ab illo igne, nisi quia forma differt à forma; & forma non differt à forma, nisi quia recipitur in alia, & alia parte materiæ; nec alia pars materiæ differt ab alia parte, nisi quia subest alteri, & alteri parti quantitatis; ergo tota ratio, quare hic ignis differat ab illo igne, reducitur in quantitatem, & sic erit principium indiuiduationis.

Respondetur, minorem primam esse falsam, nimirum formam non differre à forma, nisi ob aliam, & aliam partem materiæ, in qua recipitur; quinimò hæc forma differt

ab illa, quia habet propriam vnitatem, per quam differt ab illa. Secunda etiam minor est falsa; quandoquidem prior est diuisio entitatis materiæ, & eius partium ab vniuem, antequam subdantur huic, & illi parti quantitatis, à quibus postea dicuntur diuidi quantitatiue; vt latè probabimus in primo Physicorum.

Objicies tertio Boetium, lib. primo de Trinitate, cap. primo dicentem: quod varietas accidentium in numero, differentiam facit; id est facit differre numeraliter, nam tres homines, nec specie, nec genere differunt, sed suis accidentibus; atqui inter accidentia, præcipua est quantitas; ergo, quantitas facit differre numeraliter, & consequenter est principium indiuiduationis.

Respondetur, differentiam numeralem esse duplicem, scilicet primam, & propriam: & hæc habetur tantum per differentias indiuiduales proprias, & constitutiuas indiuiduorum; alteram impropiam, seu aduentitiam, & concomitantem priorem: & hæc haberi potest per accidentia. Modo ad formam argumenti dico, auctoritatem Boetij verificari de differentia numerali impropria, seu per concomitantiam, vt optimè demonstrat Scotus loco citato, sub lit. N. At nos loquimur de differentia numerali propria, & à priori.

Objicies quarto D. Damascenum in Elementario, cap. 5. dicentem. Omnis res, in qua differt hypostasis, ab eiusdem speciei hypostasi, dicitur aduentitia differentia, & caracteristica proprietatis, & qualitas, hypostatica; hoc autem accidens, velut homo, differt ab altero homine, quoniam hic quidem longos, hic autem breuis. Sed longitudo, & breuitudo, sunt quantitates; ergo &c. Præterea, Auicenas, tertio Meth. cap. 3. Naturæ, quæ eget materia, ad eius esse adueniunt accidentia, & dispositiones extrinsecæ, per quas indiuiduantur; sed inter accidentia, quantitas est præcipuum accidens; ergo substantia materialis indiuiduatur per quantitatem.

Respondetur, accidens dupliciter accipi posse; & pro accidente communi, quod potest adesse, & abesse à subiecto, præter subiecti corruptionem, cuiusmodi sunt quantitates, qualitates &c. & pro acciden-

te pro extraneo. Et sic, quicquid non ingreditur, quidditatem: licuius, dicitur accidens; ut potest risibile respectu hominis, hinnibile respectu Equi. Et hoc modo etiam differentie individuales, scilicet hæcæitates, dicuntur accidentia, cum non sint de quidditate naturarum, quas indiuiduant. Modo ad formam argumenti dico, utramque auctoritatem habere veritatem de accidente pro extraneo, non tamen de accidentem communi. Et sic non sequitur, quantitatem esse principium indiuiduationis, sed bene hæcæitatem.

An Materia, vel Forma, sint principium indiuiduationis substantie materialis?

SECTIO IV.

Materiam esse principium indiuiduationis, non ut sic, sed ut signatam, docet D. Thomas in Tract. de Principio Indiuiduationis. Cæterum, quia est difficile intelligere, quid velit Sanctus Doctor per materiam signatam, cum in hoc explicando laborent Thomistæ, & forsam nondum satis perceperint eius mentem; ideo cæteris omisiss, expositionem Caietani, ut potest maioris auctoritatis inter alios, de materia signata sequi debemus.

Primo notandum est, ut colligitur ex Caietano de Ente, & Essentia, cap. 2. q. 3. §. Circa hanc partem dubitatur, an materia sit principium &c. Materiam, quam D. Thom. ponit esse principium indiuiduationis, esse materiam primam, quæ est altera pars compositi physici, non sic in communi acceptam, & indeterminatam ad omnes formas, sed determinatam ad unam tantum; & hæc dicitur signata, & non signata. Materia signata dicitur illa, quæ est capax tantum huius quantitatis determinatæ & non alterius; ut v. g. materia mei corporis dicitur signata; quia est capax tantum mee longitudinis, latitudinis, & profunditatis. Hæc autem capacitatis accipitur, per Caietanum, à femine; siquidem imaginandum est, quod sicut semen humanum appropriat materiam ad animam humanam, ita hoc semen ad hanc animam; appropriat hanc materiam. Unde, cum in pri-

mo instanti generationis, v. g. Petri, sit compositum particulare, quod ordine naturæ præcedit omnia accidentia, concomitantia tale compositum, in illo priori naturæ, in quo illud compositum particulare terminatur per se primo generationem; materia Petri, quæ est eius pars intrinseca, ita sibi est appropriata ab agente particulari, scilicet ab illo semine humano, quod non est capax alterius quantitatis, præter illam, quam sibi Petrus determinat. Et sic, materia cum tali capacitate dicitur signata; quia tantum est determinata ad hanc quantitatem, & non ad illam. Materia autem non signata est, quæ habet capacitatem ad recipiendum plures quantitates; ut est materia prima in communi, vel particulari, indeterminatæ sumpta; ut aliqua materia, quædam materia &c. Modo ad propositum applicando, dicit Caietanus, materiam non signatam, non esse indiuiduationis principium; quia talis est indeterminata ad plures quantitates determinatas, licet sit determinata ad unam, indeterminatæ tamen. Materiam autem signatam, dicit esse principium indiuiduationis; quia est determinata ad hanc quantitatem tantum, per quem redditur indistincta, & incommunicabilis, ut possit distinguere vnum individuum ab alio. Unde si quærat ab ipso, per quid hæc materia signata sit individua, & hæc; necessarium habet dicere, quod ab hac quantitate; & sic reducit ad quantitatem, ut in principium vltimum; ut dicebat Agidius in præcedenti questione.

Secundo notandum est pro fundamento sententiæ nostræ, & conputatione opinionis Doctoris Angelici, quod principium indiuiduationis debet esse vltimus actus, indistinctus in se, per se primo; & primum distinctum aliorum ab inuicem; ut optime advertit Doct. Subtilis, in secundo, d. 3. q. 3. A. si quidem cum ponat repugnantiam ad posse dividi in plura inferiora, habere debet in se prius talem repugnantiam ad dividi, cum habeat communicare illam per se non primo, individuum. Cum autem materiam, secundum se, non sit vltimus actus, immò pura potentia, nec in se indistincta, cum distinguatur per diversas formas in ipsa receptas; nec tandem sit principium distinctum vnius individui ab alio, immò individua substantiæ

materialis conueniant in ratione materiæ, sequitur materiam nullatenus posse esse principium indiuiduationis substantiæ indiuidualis. Nec obstat, quod materia signata, sit vltimus actus, in quantum est determinata ad hanc quantitatem, & non ad illam; quia tunc solum concluditur, materiam primo indiuiduari per quantitatem hanc, & sic signatam, esse principium indiuiduationis substantiarum materialium. Cæterum, cum sit impossibile, quantitatem esse principium indiuiduationis substantiæ, & materia sit de genere substantiæ, etiam impossibile est, materiam etiam sic signatam, esse principium indiuiduationis substantiæ materialis.

Tercio notandum est, pro declaratione quartæ sententiæ, formam esse duplicem, scilicet totius, & partis, & pariter materiam duplicem esse, scilicet totius, & partis, vt notat Scotus, in secundo, d. 3. q. 6. H. & Q. Et quod 2. M. ex Aristotele, primo Phys. t. c. 65. & 69. Secundo physicorum. Secundo de anima. Quinto meth. cap. de causa. 7. meth. c. de partibus definitionis 12. meth. t. c. 27. Expressius tamen, primo de Cælo, & Mundo, t. c. 92. & 95. In illis verbis. Cum dico cælum, dico formam; cum dico hoc cælum, dico materiam. Forma totius, ex doctrina Aristotelis, est natura communis absolute sumpta, seu quidditas alicuius rei; vt humanitas, æquinitas &c. Forma verò partis est altera pars essentialis compositi physici, per quam simul cum materia, constituitur in esse compositi: vt anima rationalis dicitur forma partis hominis; quia ex ipsa, & corpore, physicè componitur homo. Et vtrique forma dicit quidditatem; hæc, quia dicit tantum partem quidditatis compositi, dicitur forma partis; Illa verò, cum dicat totam quidditatem, appellatur forma totius. Hæc duplici formæ opponitur duplex materia, scilicet totius, & partis. Materia totius, quæ opponitur formæ totius, est entitas indiuidualis, contrahens formam totius, scilicet naturam communem ad esse hanc, & indiuiduam: & hæc non distinguitur ab hæcitate, quæm Doctor Subt. dicit esse principium indiuiduationis, nisi nomine. Materia partis, quæ opponitur formæ partis, est entitas substantialis, ex qua cum forma partis fit totum compositum physicum. Ad propo-

tum applicando: cum forma totius, & forma partis sint naturæ communes, & quidditates compositi physici, sicut etiam materia partis, sequitur, formam nullo modo posse esse principium indiuiduationis; at quia materia totius, est realitas contrahens naturam communem ad esse indiuiduale, & nullo modo distinguatur ab hæcitate, ipsa ponitur principium indiuiduationis. Et si de hac materia loquutus fuisset D. Thomas, nullum iurgium mansisset nobis cum Thomistis.

Ex his, sit prima conclusio. Materia partis, siue signata quantitate, siue non, nequit esse principium indiuiduationis substantiæ materialis, sed bene materia totius. Est Scoti, in secundo, d. 3. q. 5. & 6. sub H. & Q. contra D. Thom. & eius sectatores citatos in principio quæstionis. Probatur prima pars. Quia principium indiuiduationis est vltimus actus, & primum distinctiuum indiuiduorum ad inuicem, vt concedit etiam Caietanus loco citato; sed materia partis non est huiusmodi; ergo materia partis, vt sic, non est principium indiuiduationis. Minor patet. Quia materia partis est potentia, & non actus, vt omnes concedunt cum schola D. Thomæ, ergo nequit esse actus vltimus, & primum distinctiuum indiuiduorum inter se. Consequentia patet. Quia actus, & potentia opponuntur secundum suam latitudinem; ergo si materia est potentia, imò pura potentia, secundum Thomistas, nullum admittens actum entitatum, non poterit esse vltimus actus; & consequenter, nec primum distinctiuum indiuiduorum inter se; siquidem omnis distinctio fit per actum, ex Aristotele, 7. Met. t. 49. Secunda pars, in qua est tota difficultas, probatur a Scoto, primo sic, in secundo, d. 3. q. 4. F. Materia signata non addit supra materiam primam, in quantum natura est, nisi illam signatam; sed talis signatio non potest esse ratio quare materia sit magis principium indiuiduationis, quam sine illa; ergo si materia non signata, id est prout est natura, non est principium, nec vt signata erit principium. Maior patet, etiam secundum oppositam sententiam. Minor probatur. Quia signatio huiusmodi per quantitatem, vel est eadem realiter materiæ, vel ab ea realiter distin-

fincta; sed neutrum est dicendum, ergo talis signatio non est in materia per quantitatem. Maior est clara à sufficienti diuisione. Minor probatur. Non potest esse distincta realiter à materia; quia tunc esset accidens eius; sed nullum accidens est ratio indiuiduandi substantiam, ut probatum est in præcedenti, ergo &c. Nec potest esse eadem realiter materiæ; quia nullum dependens à posteriori naturaliter, potest esse idem realiter priori naturaliter; sed talis signatio pendet à quantitate, quæ est posterior naturaliter materiæ, ut habet Philosophus, primo meth. t. c. 4. & 7. ergo nequit esse idem realiter cum materia, quæ est prior naturaliter quantitate. Minor conceditur à Thomistis. Maior probatur. Quia tunc idem esset prius, & non prius; siquidem illa signatio esset prior naturaliter quantitate, in quantum identificaretur realiter cum materia, quæ est naturaliter prior quantitate; esset postea posterior quantitate, in quantum esset derelicta, seu causata à quantitate; quandoquidem causa semper est prior naturæ suo effectui; sed consequens est falsum; ergo & antecedens ex quo sequitur. Secundo sic. Quod est necessaria conditio alicuius causæ in causando, non potest habere esse à causato; sed illa signatio materiæ, est conditio necessaria, ad hoc, ut materia sit principium indiuiduationis; ergo nequit habere esse à quantitate, quæ est causata à substantia, cuiusmodi est materia. Maior probatur. Quia causa, secundum totum suum esse, præcedit naturaliter effectum; sed illa conditio causæ pertinet ad esse eiusdem; ergo conditio causæ non potest habere esse ab effectu, seu causato. Minor conceditur ab Aduersariis; siquidem ait Caietanus. Si materia non esset signata quantitate, non posset esse principium indiuiduationis. Tertia pars, probatur, primo auctoritate Aristotelis, primo de cælo, & mundo, t. c. 92. Alterum igitur est hoc cælum, & cælum simpliciter, & hoc quidem ut species, & forma, illud autem cum materia mixtum. Sed hic non loquitur de materia partis; ergo materia totius est principium indiuiduationis cæli. Minor probatur. Quia eodem modo loquitur ibi de materia, quomodo loquitur de forma; sed forma ibi accipitur pro forma totius; ergo & materia debet accipi pro materia totius, sibi relatiue

opposita. Maior patet. Quia comparatio, & deductio eius, non esset bona; cum esset æquivocatio in terminis. Minor probatur. Quia ibi loquitur de forma, quæ est species; sed talis non est forma partis, cum hæc sit altera pars speciei physice, ut tradit Philosophus, primo physicorum, & 8. metaphysicorum; ergo non loquitur de forma partis. Confirmatur. Quia hoc cælum est eiusdem rationis quidatiue cum cælo simpliciter; se habent enim sicut species, & indiuiduum, ex eodem Philosopho ibidem; sed cælum simpliciter caret materia prima, ex eodem ibidem, t. c. 13. ergo, & hoc cælum: si igitur hoc cælum differt à cælo simpliciter, sicut materia à forma, necessarium est fatendum est, ibi accipere materiam, & formam, pro materia, & forma totius, & non partis. Confirmatur secundo. Quia Philosophus, primo phys. t. c. 82. inquit, materiam esse causam corruptionis compositi; sed secundum eundem, cælum est incorruptibile; ergo in eodem non ponit materiam partis, sed totius tantum. Secundo probatur. Illud est vnum numero, & indiuiduum, cuius materia est vna; illa verò dicuntur diuersa numero, quorum materiæ sunt diuersæ, ex Philosopho, 5. Meth. t. c. 12. Sed ibi nequit accipi materia pro materia prima, seu pro materia partis; ergo pro materia totius. Minor probatur. Quia alioquin sequeretur, diuersa numero posse esse vnum numero; sed hoc implicat contradictionem, ergo. Maior probatur. Quia genitum, & corruptum differunt numero, ex secundo de generatione, & corrupt. t. c. ultimo; & quinto phys. t. c. 36. Sed genitum, & corruptum habent eandem materiam primam, seu partis; ergo si accipitur ibi materia pro materia partis, diuersa numero, essent vnum numero. Minor est Aristotelis, primo phys. t. c. 2. dicentis, materiam primam esse subiectum primum vnicuique rei generabili, & corruptibili.

Dices cum Caietano, esse eandem numero materiam non signatam in genito, & corrupto; diuersam tamen numero signatam.

Contra. Quia illa signatio fit à quantitate; sed eadem quantitas numero potest manere in genito, & corrupto; ergo eadem materia signata. Minor probatur. Et pono casum, quod primo ex aqua generetur ignis.

igais: Secundo, ex illo iterum generetur aqua; sed in prima aqua corrupta, & secunda genita est eadem quantitas, siue terminata, siue interminata; quia potest habere eundem terminum ab eadem forma; ergo quantitas, quæ est causa signationis materię, manet eadem numero in genito, & corrupto; & consequenter eadem materia, etiam signata; & sic diuersa numero possunt esse idem numero, quod est graue inconueniens.

Secunda Conclusio. Forma, siue totius, siue partis, nequit esse principium indiuiduationis. Est Scoti, in secundo, d. 3. q. 6. G. & H. & quol. 2. M. Contra Durandum, & alios citatos. Probat. Quia principium indiuiduationis est vnum numero per se primo, & ratio distinguendi vnum indiuiduum ab alio; sed forma, siue totius, siue partis non est vna numero per se primo, nec ratio distinguendi indiuidua ad inuicem, sed potius conueniendi illa in vnica ratione; ergo. Minor probatur. Quia Petrus, & Paulus non differunt per humanitatem, seu per animam rationalem, in eo conueniunt in eisdem; sed prior est forma totius, & posterior partis; ergo &c.

Obijcies primo, contra primam conclusionem. Illud est principium intrinsecum indiuiduationis, cui primo repugnat communicari pluribus, vt vniuersale particularibus; sed materia signata est huiusmodi; ergo. Maior patet. Minor probatur. Id competit per se primo materię signatæ, quod secluso quocumque alio, sibi competit; & illa seclusa, nulli alteri competit; sed non communicari pluribus, vt vniuersale particularibus, secluso quocumque alio in substantia sensibili existente, conuenit materię signatæ. & ipsa seclusa, nulli alteri competit; ergo competit per se primo materię signatæ. Maior patet, ex Philosopho, primo Poster. 1. 14. Minor similiter est nota. Quia ipsa non potest intelligi communicabilis, & ipsa seclusa, Petrus non remanet incommunicabilis, nec forma Petri remanet singularis.

Respondetur, negando minorem. Ad probationem, nego minorem. Imò sibi competit solum per suam hæcitatē. Ad probationem pariter, nego illam; imò dico, materiam primam semper posse intelligi

communicabilem, quantum est de se, cum sit natura communis, cui quantum est de se, non repugnat communicari pluribus; per accedens autem, quatenus est contracta per suam hæcitatē, intelligitur habere vnitatem numeralem, & incommunicabilem.

Obijcies secundo. Illud est principium indiuiduationis substantię materialis, per quod vna distinguitur numeraliter ab alia; sed materia est huiusmodi; ergo est principium indiuiduationis. Maior patet. Minor probatur per Aristotelem, septimo meth. 1. 28. & 41. dicentem. Quod generans non generat aliud, nisi propter materiam. Sed generans, & genitum distinguuntur numero; ergo propter materiam sic distinguuntur; ac proinde materia erit principium indiuiduationis.

Respondetur, minorem cum sua probatione esse veram de materia totius, quæ non distinguitur ab hæcitate; non tamen de materia partis, cuiusmodi est materia prima, siue signata, siue non. Cæterum, quia auctoritas Aristotelis videtur facere aliquam difficultatem, & videtur esse achilles Thomistarum; ideo dico, quod ibi Aristoteles vult excludere ideas Platonis a generationibus; siquidem sine illis habetur tota ratio generationis; quod generans assimilatur sibi genitum in forma; & quod distinguatur ab eo per materiam; cum alia sit materia generantis, a materia geniti. Non tamen propter hoc licet inferre, distinctionem, seu alietatem generantis a genito non esse causatam a materia partis, sed tantum a materia totius, seu ab hæcitate, quæ est ratio formalis, quare materia huius, non sit materia illius; & consequenter, quare generans distinguatur numero a genito. Et sic exponendæ sunt omnes auctoritates Aristotelis, vel cuiuscumque alterius, quæ videntur concedere distinctionem numeralem ob materiam; cum semper loquantur de materia totius, & non de materia partis.

Obijcies tertio Doct. Subtilem, in secundo d. 3. q. 6. sub lit. S. in fine, dicentem; quod principiorum ratio distinguendi vnum compositum indiuiduale ab alio, est forma; sed ibi loquitur de forma partis, & patet inuenti textum; ergo secundum Doctorem, forma partis est principium indiuiduationis.

nis, quod est oppositum secundæ conclusio-
nis.

Respondetur primo, Doctorem ibi loqui
de forma, non secundum omnes gra-
dus suæ entitatis; quia clarum est ex his,
quæ habet ibi, formam non esse rationem
distinguendi duo individua sub eadem spe-
cie contenta, quin potius est ratio conue-
niendi; quandoquidem Petrus, & Paulus
conveniunt in rationalitate, quæ est forma
partis metaphysicæ hominis; sed loquitur
tantum de forma secundum ultimum
gradum suæ entitatis, seu realitatis, quæ ut
sic, est entitas individualis, hæcitas ab eo-
dem sic appellata.

Vel dicendum secundo; non velle distin-
ctionem numeralem esse absolutè à forma
partis, sed tantum in comparatione ad mat-
eriam; siquidem cum forma sit actus, cuius
est proprium distinguere vnum ab alio, &
materia solum sit potentia, carens omni
actu formali, magis tribuenda esset distin-
ctio materialis, formæ, quam materiæ. Cæ-
terum, absolutè sibi tantum tribuitur secun-
dum ultimum gradum, secundum
quem non est de essentia compositi, &
à quo tantum sumitur differentia vltima,
seu individualis; materiæ verò partis, nullo
modo.

*An Substantia individualis, sit constituta
in esse individui per aliquam entita-
tem positivam, ab eadem rea-
ter distinctam?*

SECTIO V.

EXaminatis in præcedentibus cæteris
opinionibus adductis pro hac ouæ-
stione, istædemque expeditis ad mentem Do-
ctoris Subtilis, superest, ut plenius, eiusdem
mentem aperiendo, satisficiamus quæsito
principali: quod, quamquam morum sit
dumtaxat de individuis prædicamenti sub-
stantiæ, gratia tamen vberioris do-
ctrinæ, discutietur simul, & semel
etiam de individuis accidentalibus. Vnde
pro solutione totali quæstionis.

Primo notandum est, ex eodem Docto-
re, in secundo, d. 3. q. 1. & 6. dari in reum
naturam à parte rei in singularibus existen-
tem naturam communem per indifferen-
tiam, quæ cum non sit de se singularis, &

individa, ut supra probatum est, necessa-
riò inuestiganda est ratio, qua reddatur in-
dividua. Hæc autem cum non consistat
in illis duabus negationibus, divisionis
nimirum in se, & identitatis cum alio, sed
in quodam positivo, ut probatum est scilicet
prima; & tale positum non sit existentia
actualis, aut quantitas, aut materia, aut
forma, ut conclusum est in alijs tribus Se-
ctionibus, relinquatur, ut assignemus
aliam rationem huius individuationis.
Hæc autem cum Scotus, loco secundo ci-
tato, dicitur esse quedam entitas positiva
eiusdem generis cum individuo, cuius
est, sibi quæ realiter identificata; quæ, quia
reddat naturam, cui advenit, incommuni-
cabilem seu hanc, ab huiusmodi effectu
(cum alias sit innominata) appellatur Hæ-
citas.

Secundo notandum est, ex eodem Do-
ctore in supradictis locis; quod ad cogno-
scendum qualis sit hæc differentia indivi-
dualis, oportet ipsam conferre cum differ-
entia specifica, cum qua habet convenien-
tiam, & differentiam, ut ex his facilius de-
veniamus in cognitionem utriusque. Con-
veniunt igitur differentia specifica, v.g. ra-
tionalitas, & huiusmodi hæcitas; nam sicut
rationalitas est quedam entitas realis, for-
malis, adveniens generi, ab eodemque
formaliter distincta, & cum ipso concu-
rens ad constitutionem speciei humanæ,
itâ pariter hæcitas est entitas realis, for-
maliter distincta à natura specifica, cum
eademque concurrens ad constitutionem
individui, scilicet Petri, vel Pauli. Vnde
sequitur, quod sicut species duo exigit ad
eius constitutionem, nimirum genus, &
differentiam; itâ etiam individuum, duo
requirit ad eius constitutionem, scilicet na-
turam specificam, & differentiam indivi-
dualem, scilicet hæcitatem. Differunt
verò dupliciter. Primo; quia differentia
specifica, id est rationalitas, est de quiditate
speciei, id est hominis, cum exprimitur per
definitionem eius; homo enim est animal
rationale quiddatiue; ac hæcitas, v.g. Pe-
treitas, non est de essentia Petri, licet requi-
ratur intrinsecè ad eius esse; siquidem om-
nis essentia, seu quiditas, debet esse
communicabilis pluribus, at Petreitas est
incommunicabilis per se primo, cum red-
dat Petrum incommunicabile; igitur non
est.

est de quiditate eius. Secundo differunt : quia differentia specifica contrahit genus tamquam realitas, & actualior, & perfectior, quam sit realitas generis ; at differentia indiuiduali non contrahit naturam specificam, vt realitas ipsa perfectior, sed magis vt differentia materialis ; non quod ipsa sit materia partis, sed quia contrahit naturam specificam de esse formali ad esse indiuiduale, & subijcibile, quod est proprium materię, sicut prædicari est proprium formę. Ex his omnibus pater, quod hæcitas, est quedam realitas positua, formaliter distincta à natura specifica, cum ipsaque concurrens ad constitutionem indiuidui.

Tertio notandum, ex eodem Scoto loco citato, sub lit. F. G. quod sicut differentia specifica potest comparari ad tria, scilicet ad id, quod est infra se ; ad id, quod est supra se ; & ad id, quod est iuxta se, hoc est dicere ; ad speciem, quam constituit, ad genus, quod contrahit ; & ad differentiam oppositam, cum qua genus diuidit ; ita pariter differentia indiuidualis, seu hæcitas ; potest ad tria comparari, scilicet ad indiuiduum, quod constituit ; ad naturam specificam, quam contrahit ; & ad aliam hæciteriam, cum qua diuidit naturam. Si differentia specifica comparatur ad id, quod est infra se, id est ad speciem, vt rationale ad hominem ; sibi repugnat in plura diuidi specie differentia, seu distincta ; nam sicut species non potest diuidi, nisi in indiuidua, ita differentia constitutua speciei, habet tantum diuidi in plura differentia numero. Si verò comparatur ad id, quod est supra se, scilicet ad genus, quod contrahit, vt rationale ad animal, tunc differentia specifica habet rationem actus, genus verò potentię ; quandoquidem homo constat ex duobus, tamquam ex per se actu, & per se potentia ; & realitas differentię est formaliter distincta à realitate generis ; quia non prædicatur de illa quiditativè ; hæc enim est falsa formaliter : rationale est animal. Si tandem differentiam specificam comparatur ad id, quod est iuxta se, scilicet ad suam oppositam ; vt rationale ad irrationale ; tunc dicitur primo diuersa formaliter ; quia non conueniunt in aliquo præ-

dicato quiditativò, quod de illis dicatur in quid, vt superius, disp. 1. quæst. 3. ostendimus. Idem pariter dicendum est de differentia indiuiduali : quod si comparatur ad indiuiduum, quod constituit, sibi per se primo repugnat diuidi in plura indiuidua, vt in plures partes subiectius ; si verò comparatur ad naturam specificam, quam contrahit, sed habet ad illam, vt actus, & natura vt potentia, cum hæc sit in potentia ad omnia indiuidua sub se contenta : si tandem comparatur ad suam oppositam, vel disparatam, vt Petreitas ad Pauleitatem ; tunc dicuntur primo diuersę formaliter ; quia non conueniunt in aliquo conceptu, quæ dicatur de illis quiditativè, tamquam realitas potentialis. Quod notatè dicitur ; quia vt docet Scotus, in primo d. 26. quæst. vniua Y. §. Ad aliud dico, &c. bene possunt conuenire in aliquo conceptu ab illis abstracto, dicibili de illis in quid, vt probauimus in cap. de specie, q. vltima.

Quarto notandum, ex dictis supra, sect. secunda, & tertia : quod cum prædicamenta distinguantur ab inuicem, saltem formaliter, ita coordinationes sunt impermixtę, vt nihil vnus coordinationis, habeat esse per aliud alterius coordinationis. Ex quo patet, quod in quolibet prædicamento, datur naturę specificę, & indiuidua, distincta à naturis specificis, & indiuiduis alterius prædicamenti ; ita idem oportet assignare in vnoquoque, & differentias specificas, & indiuiduales à se inuicem discretas ; vnde sicut indiuidua, & species prædicamenti substantię, nequeunt constitui per differentias specificas, & indiuiduales accidentium, ita & non aliter, indiuidua, & species prædicamentorum accidentium, non possunt constitui per differentias specificas, & indiuiduales prædicamenti substantię. Quare sequitur, accidentia indiuiduari per proprias hæciterias, sicut & substantię, & non per subiecta substantialia, vt dicunt Thomistę ; alioquin prædicamenta essent permixta realiter, & formaliter, quod est contra Philosophum, primo Post. 34. & nos supra proba-

nimis in propria quæstione, disputatione prima.

Ex his, fit prima Conclusio. Principium indiuiduationis substantiæ materialis, per quod sibi repugnat diuidi in plures partes subiectiuas, est quædam entitas realis, sed quædam realis positiuæ, distincta tantum formaliter ab ipsa natura substantiali, quam contrahit; quæ à Doctore Subtili, Hæcitas appellatur. Est Scoti, in 2.d. 3. q. 6. lit. C. Probatur prima pars. Quia omnis differentia differentium, reducitur ad aliquam primo diuersam; sed indiuidua propriè differunt, cum sint aliquid idem entia: ergo eorum differentia habet reduci ad aliquam primo diuersam; sed huiusmodi primo diuersa, sunt tales entitates positiuæ, quibus indiuidua à se inuicem differunt, & in esse constituntur; ergo principium indiuiduationis est entitas positiuæ. Maior patet. Quia in differentibus debet dari status, nè fiat processus in infinitum; ergo habent reduci ad aliquam primo diuersam. Minor similiter. Quia indiuidua propriè conueniunt in natura specifica; ergo etiam debent propriè differre à se inuicem. Assumptum probatur. Quia in quolibet indiuiduo duo reperiuntur, scilicet natura specifica, & differentia indiuidualis; sed primo diuersa in indiuiduis, non sunt hæc: & illa natura numero distincte, cum in talibus, indiuidua potius conueniant; ergo erunt differentie indiuiduales. Tunc, subsumo, huiusmodi differentie non sunt negationes, non existentie actuales, non quantitates, nec materia, aut forma, ut probatum est in præcedentibus Sectionibus; ergo à sufficienti diuisione, & enumeratione, debent esse realitates positiuæ ab illis naturis distinctæ. Secundo sic. Sicut se habet entitas, à qua sumitur differentia specifica, ad entitatem generis, ita se habet entitas à qua sumitur differentia indiuidualis, ad entitatem naturæ substantialis specificæ, sed entitas generis determinatur ad speciem per aliquam realitatem positiuam, à qua sumitur differentia specifica; ergo & entitas naturæ specificæ substantialis, debet determinari ad indiuiduum per quandam realitatem positiuam, à qua sumitur differentia numeralis, seu indiuidualis. Maior patet. Quia ex utroque fit vnum per se. Minor similiter. Quia rationalitas, quæ constituit hominem in esse speciei, est

quid positiuum, ut omnes concedunt; ergo, & entitas à qua sumitur differentia numeralis, debet esse quid positiuum. Secunda pars huius conclusionis, nimirum, quod talis entitas sit distincta formaliter ab ipsa natura, quam contrahit, probatur sic. Natura, quæ contrahitur per talem entitatem positiuam, non includit ipsam formaliter; ergo ab ea est formaliter distincta. Consequentia patet. Quia quandocumque sunt duæ formalitates, quæ non se formaliter includunt, tales distinguuntur formaliter; ergo si formalitas naturæ non includit in se formalitatem differentie indiuidualis, sunt ab inuicem formaliter distinctæ. Antecedens probatur. Quia si natura includeret formaliter, & quiditatiuè differentiam indiuidualem, numquam posset fieri vniuersalis, nec per abstractionem intellectus, ut aiunt Adversarij, consequens est contra totā philosophiā; quia sic destrueretur scientia, quæ exposcit substantiam vniuersalem; ergo & antecedens. Consequentia patet. Quia nihil potest abstrahi ab eo, quod est sibi quiditatiuè vnitum; ergo si talis entitas positiuæ esset de quiditate naturæ, quam contrahit, ipsa non posset fieri vniuersalis per operationem abstractionis intellectus.

Secunda Conclusio. Hæcitas, seu entitas positiuæ, per quam contrahitur natura substantialis ad esse indiuiduale, est per se primo singularis, & indiuisibilis in plures partes subiectiuas, quarum quælibet sit indiuidua. Est Scoti loco citato, sub F. Probatur. Id per quod repugnat per se indiuiduo, ne sit diuisibile in plures partes subiectiuas, est per se primo indiuisibile in easdem; sed entitas positiuæ, quæ est hæcitas, est huiusmodi; ergo est per se primo indiuisibilis eadem indiuisibilitate. Maior patet. Quia nihil datur, quod non habet; igitur. Id quod tribuit talem repugnantiam indiuiduo, debet habere illam prius in se. Minor, etsi probata ex illis in præcedenti conclusionis; adhuc tamen suadetur sic. Sicut se habet entitas positiuæ specifica ad speciem, ita hæc entitas indiuidualis ad indiuiduum; sed illa constituit speciem indiuisibilem in plures species; ergo etiam illa constituit indiuiduum indiuisibile in plura indiuidua.

Tertia Conclusio. Vna hæcitas in comparatione ad aliam, est primo diuersa ab illa

la obiectiue, & subiectiue, nedum formaliter, sed etiam realiter; conueniunt tamen in conceptu communi abstrahibili ab ipsis; non in ratione realitatis potentialis, sed actualis, dicibilis in quid de illis. Est Scoti, quoad primam partem, loco citato, sub lit. H. & I. Et quoad secundam, in primo, d. 26. q. vn. sub Y. Probatur prima pars. Illa, quæ non conueniunt in aliquo conceptu potentiali vniuerso, prædicabili de illis quoditatiue, sunt primo diuersa obiectiue, & subiectiue, vt patet per distinctionem identitatis, & distinctionis fer totis obiectiue, & subiectiue; & ex Aristotele, 10. Metaph. c. 11. vbi ponit distinctionem inter differentia, & diuersa, per hoc, quod illa conueniunt in aliquo, & per aliqua differunt; hæc verò non conueniunt, sed solum seipsis differunt; sed duæ hæceitates sunt huiusmodi; ergo sunt primo diuersæ obiectiue, & subiectiue. Minor probatur. Quia illa, quæ conueniunt in aliquo quoditatiue, etiam per aliqua differunt ab inuicem; sed duæ differentie indiuiduales, vt sunt duæ hæceitates, non differunt per aliqua à seipsis distincta; ergo nec quoditatiue conueniunt. Maior patet. Quia omnis quiditas superior descendit in interiora per differentia formaliter, vel æquiuale nter: quod additur, propter modos intrinsecos entis, qui non sunt formaliter differentie, sed tantum æquiuale nter. Minor probatur. Quia si duæ hæceitates, sint Petreitas, & Pauleitas, differunt; ergo per alias differentias differunt; & tunc de illis quæro, an sint primo diuersæ, vel non. Si dicas, quod sint primo diuersæ; ergo, & Petreitas, & Pauleitas sunt primo diuersæ, cum non sit maior ratio de istis, quam de illis. Si verò dixeris non esse primo diuersas, statim infero; ergo differunt per alias differentias, de quibus quæram sicut prius, & sic vel dabitur processus in infinitum in differentijs, vel dicendum erit, quod Petreitas, & Pauleitas sint primo diuersæ; primum non est dicendum, quia esset contra Aristotelem, primo Post. & Metaph. lib. 5. cap. de eodem; ergo secundum necessarium admittendum, sicut differentias ultimas esse primo diuersas inter se. Secunda pars fuit sufficienter probata in Vniuers. cap. de specie, quæst. vltima.

Quarta Conclusio. Talis entitas positiua, quæ dicitur Hæceitas, nec est materia,

nec forma nec compositum, sed vltima realitas entis, quod est materia, vel forma, vel compositum, ab eisdem formaliter distincta. Est Scoti loco citato, sub lit. I. K. Probatur prima pars. Quia materia, forma, & compositum sunt entitates pluribus communicabiles, quantum est ex se; sed hæceitas est entitas incommunicabilis pluribus per secundam conclusionem; ergo hæceitas nec est in materia, nec forma, nec compositum. Maior probatur. Quia omnis entitas quoditatiua, siue totalis, vt compositum, siue partialis, vt materia, & forma, est de se indifferens ad hanc, & illam entitatem, cum nulla talis sit de se hæc, vt probatum est supra, disp. præcedenti, q. 1. & 2. ergo materia, forma, & compositum, sunt entitates pluribus communicabiles. Secunda pars probatur. Quia communicabile ex se, & incommunicabile ex se, distinguuntur saltem formaliter, sed materia, forma, & compositum, sunt entitates de se communicabiles, hæceitas verò de se incommunicabilis, vt probatum est superius; ergo distinguuntur formaliter. Maior patet. Quia communicabile, & incommunicabile habent diuersas definitiones, vt patet; igitur, & diuersas formalitates; siquidem formalitas est concepitibilis ex natura rei; sed quæ habent diuersas definitiones, habent diuersas conceptibilitates, ergo &c.

Quinta Conclusio. Accidentia non sunt de se indiuidua, vt aiunt Durandus, in secundo, d. 3. q. 2. Et in 4. d. 44. q. 1. Et Suarez in Metaph. disp. 5. sect. 7. & 8. Nec indiuiduantur per eorum subiecta, vt docet D. Thom. prima parte q. 29. art. 1. Et q. 39. art. 3. & opusc. 29. in fine. Sed per suas hæceitates ab eisdem formaliter distinctas, eo modo quo substantie indiuiduantur; vt tradit Doct. Subt. in 2. d. 3. q. 4. D. Et 5. metaph. q. 7. Et colligitur etiam in 3. d. 8. q. vn. A. Et in primo, d. 3. q. 3. Ad questionem: ac alibi. Probatur prima pars. Quia in accidentibus dantur nature communes à parte rei, sicut in substantijs; sed tales non sunt de se hæc; verum per aliquod positiuum super additum, vt probatum est superius; ergo accidentia non sunt de se indiuidua, aut per suas entitates, vt dicunt Durandus, & Suarez. Maior est nota ex præcedenti disputatione. Siquidem rationes probantes, naturam substantialem habere à parte rei vniuersim,

tem, minorem unitate numerali, & communiter per indifferentiam priuatam saltem, concludunt etiam de naturis accidentalibus; igitur in illis dantur naturæ communes, quæ non sunt de se indiuiduæ. Secunda, & tertia. Pars probantur simul. Principium indiuiduationis debet esse eiusdem generis cum indiuiduo, ex Aristotele, primo Post. t. 34. sed subiectum non est eiusdem generis cum indiuiduo accidentium, sicut hæcitas: ergo accidentia non indiuiduantur per subiecta, sed per hæcitates. Minor patet. Quia prædicamenta sunt impermixta, nedum formaliter, sed etiam realiter, vt supra probauimus, disp. prima in propria quæstione; atqui subiecta sunt de prædicamento substantiæ, & indiuidua accidentium, de prædicamentis accidentium; ergo non sunt eiusdem generis. Secundo probatur sic. In quolibet prædicamento accidentium, circumscripto quocumque alterius coordinationis, est ratio speciei; ergo etiam indiuiduum. Antecedens patet. Quia nullus fingit, speciem vnius prædicamenti constitui in esse per differentiam specificam alterius prædicamenti. Consequentia probatur. Quia ratio speciei exigit saltem aliquod indiuiduum, de quo enuncietur, vt patet ex definitione eiusdem; ergo circumscripto quocumque alterius coordinationis, vt puta substantiæ, datur indiuiduum in accidentibus. Tertio probatur sic. Si indiuidua accidentium non possent poni in esse per suas proprias hæcitates; sed necessariò exigenter subiecta, sequeretur ipsa nunquam posse recipere prædicationem a suis speciebus, quorum sunt indiuidua; sed consequens est falsum; quia istæ sunt quidditatiuæ; hæc albedo est albedo, hæc scientia est scientia; ergo & antecedens. Consequentia probatur. Quia de ente per accidens, nihil prædicatur per se; sed data hypothesis, quod accidentia indiuiduantur per subiecta, essent entia per accidens; quia coalescerent ex rebus diuersorum generum; ergo nihil posset prædicari de illis per se, & quidditatiuè. Maior, & Minor sunt Aristotelis; quinto Methaph. cap. de vno, t. c. 7. 8. & 13. Ex his sequitur, accidentia necessariò indiuiduari per proprias hæcitates, & non per eorundem subiecta.

Obijcies primo, ex Caietano de Ente, & Essentia, cap. 3. q. 3. 8. quoad tertium &c. Contra primam conclusionem. Natura substantialis, est indiuidua ante aduentum hæcitas; ergo hæcitas non est principium indiuiduorum. Consequentia patet. Antecedens probatur. Omnis actus singularis præexigit potentiam singularem, quam actuat; sed hæcitas est actus singularis, & natura est potentia, quam actuat; ergo hæcitas præexigit naturam singularem. Maior, & Minor sunt Scoti, in secundo d. 3. quæst. 4. & 6. Tamen maior, in qua est tota vis argumenti, sic probatur ex Philosopho, secundo Physicorum t. c. 38. vbi docet, comparationes causarum: vnde sicut forma præexigit materiam particularem, sic actus potentiam.

Respondetur, actum esse in duplici differentia; alterum, qui est tantum singularis per se, & habet rationem quod. Alterum, qui est per se primo singularis, & habet rationem quo tantum. Actus singularis primo modo sumptus, est forma singularis, & indiuidua, coalescens ex natura communi, & differentia indiuiduali; vt anima mea respectu mei corporis. Et hic actus, necessariò exigit potentiam singularem; & de hoc locus est Doctor Subtilis citatus. Actus singularis. Secundo modo, est entitas indiuidualis, seu hæcitas simpliciter simplex. Id est non composita ex natura communi, & differentia indiuiduali, sicut prior actus. Evidetur per se primo singularis, & vt quod tantum; quia est ratio, dumtaxat, quare natura communis sit singularis, & ipsa non sit talis per aliam differentiam indiuidualem; alioquin daretur processus in infinitum. Et talis actus non præsupponit potentiam singularem, imò necessariò indeterminatam; cum per ipsam tantum habeat determinari. Nec de isto actu locus est Doctor Subtilis.

Formaliter ad argumentum, nego antecedens. Ad probationem dico, maiorem, & probationem, ex Philosopho, esse veram de actu primo modo, & non de actu singulari secundo modo sumpto. At hæcitas est actus singularis tantum secundo modo; igitur non præsupponit, sed facit naturam singularem.

Obij-

Obijcies secundo. Petrus, & Paulus distinguuntur numero ante aduentum Petreitatis, & Pauleitatis; ergo illæ non sunt principia indiuiduationis. Consequentia patet. Quia principium indiuiduationis debet distinguere indiuiduum, quod constituit à quacumque alio; ergo si Petrus, & Paulus distinguuntur ante Petreitatem, & Pauleitatem, sequitur, quod non indiuidcentur per ipsas. Antecedens probatur. Quod conuenit uni, & repugnat alteri indiuiduo, necessariò præexigit ipsorum distinctionem; sed Petreitas conuenit Petro, & repugnat Paulo eiusdem speciei indiuiduis; ergo Petreitas præexigit in Petro distinctionem eius à Paulo. Maior est Scoti in quol. 2. Minor est eiusdem, in secundo d. 3. q. 6.

Respondetur, illud, quod conuenit alicui, posse dupliciter sibi aduenire. Vno modo tamquam constitutum illius; vt rationale aduenit homini, cum ipsum constituat inesse hominis; & tale, quamuis repugnet alteri, vt puta rationale equo, non tamen præsupponit distinctionem hominis ab eodem equo; quinimò eam causat. Alio modo, tamquam aduentitium post esse completum illius; vt risibilitas inest homini post eius esse completum per rationale. Et tale, si repugnet alteri, sicut risibilitas equo, præsupponit distinctionem hominis ab equo. Ex his.

Formaliter dico ad argumentum, negando antecedens. Ad probationem dicendum, maiorem illam Scoti esse veram de eo, quod aduenit uni post eius esse completum; non tamen de eo, quod sibi conuenit tamquam constitutum illius. Modo Petreitas conuenit Petro, tamquam constitutum eius in esse Petri; idcirco etiam si repugnet Paulo, non propterea præsupponit eorundem distinctionem ab inuicem, imò illam causat.

Obijcies tertio, contra tertiam conclusionem. Id quod conuenit magis cum vno, quam cum alio, non est primo diuersum ab eo cum quo magis conuenit; sed hæcitas Platonis, magis conuenit cum hæcitate Socratis, quam cum hæcitate albedinis; ergo hæcitas Socratis, & Platonis non sunt primo diuersæ. Maior patet. Minor proba-

tur dupliciter; & primo sic. Quia hæcitates Socratis, & Platonis in specie hominis conueniunt; hæcitates verò Socratis, & albedinis differunt genere. Secundo sic. Illa magis conueniunt, quæ magis assimilantur; sed hæcitates Socratis, & Platonis magis assimilantur, quam hæcitates Socratis & albedinis; ergo magis illæ conueniunt, quam illæ. Minor probatur. Illa magis assimilantur, quæ sunt magis comparabilia; sed hæcitates Socratis, & Platonis sunt magis comparabiles, quam Socratis, & albedinis; cum illæ sint eiusdem prædicamenti, hæc verò diuersorum; ergo magis assimilantur illæ, quam illæ; & consequenter magis conueniunt.

Respondetur, maiorem esse veram, si conueniant quidditati, tamquam in realitate potentiali, & determinabili ab eis; non tamen si tantum concomitanter, & identicè. Modò hæcitates Socratis, & Platonis magis conueniunt ad inuicem, quam cum hæcitate albedinis; secundo non primo modo. Nec tamen ex hoc sequitur, non esse primo diuersas; quia dicimus esse primo diuersas tantum formaliter; & quidditati; & hæc esse proprie diuersitas, non tamen concomitans, & identicè ratione suorum indiuiduorum, quæ formaliter conueniunt in specie, & in genere. Ad primam probationem dico, hæcitates Socratis, & Platonis conuenire tantum concomitanter, & etiam concomitanter differre genere ab hæcitate albedinis; non tamen formaliter, & quidditati; quia sic omnes sunt æqualiter diuersæ. Ad secundam probationem respondetur eodem modo, huiusmodi hæcitates Petri, & Pauli, vel Socratis, & Platonis magis assimilari inter se, quam cum hæcitate albedinis concomitanter, & ratione identitatis cum natura, quam contrahunt; non tamen in conceptu formali, qui sit realis de-

terminabilis, & contrabibilis ab ipsis; quia sic sunt æquè primo diuersæ, vt dictum est.

De Quantitate, & eius Proprietatibus.

CAPUT I.

Post tractatum de Substantia, Aristoteles immediatè aggreditur discursum de quantitate, & non alterius Prædicamenti, ratione similitudinis eiusdem cum substantia, ut inquit Boetius super hoc capite; siquidem in hoc assimilantur, quia sicut substantia est subiectum ultimum omnium accidentium, ut docet Doctor Subtilis, in 4. d. 12. q. 2. H. I. Ita quantitas est eorum subiectum non ultimum; ipsa enim se sola, inherere valet substantiæ, ut cetera accidentia, non nisi per eandem in substantia subiectioni valent. Diuiditur autem hoc Caput in tres partes principales, in quarum prima ponit tres diuisiones quantitatis, & incipit ibi. *Quanti autem, aliud quiddam discretum &c.* In secunda explicat singula diuisionis membra diuidentia; & incipit ibi. *Est autem discretum quiddam, ut numerus, & oratio &c.* In tertia tandem enumerat tres proprietates quantitatis; & incipit ibi. *Amplius quanto nihil est contrarium &c.*

Quoad primam partem, ponit tres diuisiones, quarum. Prima est ista, quamuis posterius ponatur in textu. *Quantum est duplex, scilicet per se, & per accidens.* Quantum per se est illud, quod habet partes per se extensas, ut linea, quæ extenditur in longitudine, superficies in latitudine, & profunditas in altitudine. Quantum verò per accidens est, quod non habet per se partes extensas, sed mediante quanto per se; ut album, rubrum, &c. dicuntur quanta per accidens; quia earum partes ad extensionem superficiæ dimittunt extenduntur.

Secunda Diuisio. Quantum, aliud est continuum; & aliud Discretum. Continuum est illud, cuius partes copulantur per aliquem terminum communem, qui sit finis vnius, & initium alterius partis; ut linea dicitur

quantum continuum; quia earum partes copulantur punctis, quæ sunt principia vnius, & finis alterius partis: linea. Discretum verò est, cuius partes non copulantur terminis communi, sed ab inuicem discretæ, seu segregatæ manent; ut numerus dicitur quantum discretum; quia due vnitates, quæ constituunt binarium, non copulantur ad aliquem terminum communem, sed separatæ sunt.

Tertia Diuisio. Quantum, aliud habet positionem partium in continuo, aliud verò constat partibus non habentibus talem positionem. Positio autem est duplex, alia, quæ dicit ordinem partium ad totum; ut ordo partium lineæ ad totam lineam; & hæc est differentia quantitatis continuæ. Alia dicit ordinem partium ad partes loci; & hæc positio, seu situs constituit prædicamentum ab alijs distinctum, ut suo loco videbimus; sicque non est differentia quantitatis. Exemplum quanti habentis positionem; ut linea, superficies, & corpus. Quanti verò non habentis positionem; ut numerus, oratio, tempus, & motus.

Quoad secundam partem, explicat singula diuisionis membra per suas species. Et primo, quod quantum discretum, habet duas species, scilicet numerum, & orationem, & utramque probat esse quantitatem discretam; quia quantitas discreta est, cuius partes non copulantur ad aliquem terminum communem, sed semper discretæ, & separatæ sunt; sed partes numeri, & orationes sunt huiusmodi; ergo numerus, & oratio sunt species quantitatis discretæ. Maior patet ex descriptione quantitatis discretæ. Minorem probat de numero duobus exemplis; quia quinque, & quinque sunt partes denarii, sicut etiam tria, & septem; & tamen ad nullum terminum communem copulantur; igitur numerus est quantitas discreta. Similiter probari potest de oratione; manifestum enim est, partes huius orationis; homo albus; ad nullum terminum communem copulari; ergo oratio est quantitas discreta. Quia tamen aliquis dubitare potest, quomodo oratio sit quantitas, demonstrat dicens. Quod ma-

uifefum eſt, orationem vocalem (de qua hic agitur) meſurari ſyllaba longa, vel breui; ſed longum, & breue, ſunt paſſiones quantitatis; ergo oratio eſt ſpecies quantitatis.

Secundo explicat ſpecies quanti continui, dicens. Continuum verò, vt linea, ſuperficies, corpus, locus, & tempus. Et de omnibus probat, quod ſint continua quedam. Primo tamen de linea, ſuperficie, & corpore ſimul. Quia quantitas continua eſt, cuius partes copulantur ad aliquem terminum communem; ſed partes linea, ſuperficie, & corporis, ſunt huiusmodi; ergo. Maior patet. Minorem probat. Quia partes linea copulantur ad punctum, partes ſuperficie ad lineam, & partes corporis ad ſuperficiem; ſiquidem linea eſt longitudo, ſine latitudine, & profunditate, cuius extrema ſunt duo puncta. Superficies, eſt latitudo cum longitudine, & ſine profunditate, cuius extrema ſunt due linea. Corpus tamdem, eſt longitudo, cum latitudine, & profunditate, cuius extrema ſunt due ſuperficies. Secundo probat de tempore, & loco. Quia partes temporis, ſcilicet præteritum, & futurum, copulantur ad terminum communem, ſcilicet ad præſens, & partes loci, cum contineant ſingulas partes corporis, qua copulantur ad terminum communem, vt probatum eſt; ergo ad ad eundem copulantur etiam partes loci.

Tertio itidem explicat, quæ quantitates habent positionem, & quæ non; & dicit, quod quantitates continuæ permanentes, vt ſunt linea, ſuperficies, corpus, & locus, habent positionem; numerus verò, oratio, & tempus non habent positionem. Probat. Quia ad positionem, quæ eſt differentia quantitatis, requiruntur tres conditiones. Prima, quod partes ordinentur ad inuicem. Secunda, quod ſint permanentes. Et tertia, quod ſint continuæ, id eſt copulentur ad aliquem terminum communem. Sed linea, ſuperficies, corpus, & locus, ſunt huiusmodi, non tamen numerus, oratio, & tempus; ergo illæ ſunt quantitates habentes positionem, iſtæ vero non. Minoris prima pars patet. Secunda pro-

batur. Quia partes numeri, orationis, & temporis, ordinantur ad inuicem, cum vna ſit altera prior non proprie a ſunt quantitates positionem habentes; cum non ſint permanentes omnes partes temporis, ſed ſucceſſiue; & partes numeri, & orationis non ſunt continuæ, hoc eſt copulatæ ad aliquem terminum communem.

Quoad tertiam partem, ponit tres proprietates quantitatis, quarum prima eſt. Quantitati nihil eſt contrarium. Probat. Quia bicubitum, & tricubitum ſciet, & ſuperficies, ſunt quantitates; ſed iſtæ non habent contrarium; igitur quantitati nihil eſt contrarium. Hæc autem potius debet dici communitas, quam proprietas, cum conueniat ſubſtantiæ, relationibus, & alijs etiam.

Secunda Proprietas. Quod quantitas non ſuſcipit magis, & minus, ſed bene maius, & minus. Probat. Quia vnum bicubitum non eſt magis bicubitum altero, nec vna linea magis, vel minus linea altera, licet poſſit eſſe maior, vel minor alia; quia linea bicubitalis eſt maior palmari, & minor tricubitali; ſimiliter vnum corpus dicitur maius, vel minus alio.

Tertia Proprietas. Proprie proprium eſt quantitati ſecundum eam æquale, vel inæquale dici. Probat. Quia vnum corpus dicitur æquale vni, & inæquale alteri; ſimiliter vnus numerus, vt binarius, eſt æqualis alteri binario, inæqualis tamen ternario. Hæc autem proprietas, eſt propria quantitati in quarto modo, quia conuenit ſolis ſpeciebus, omnibus, & ſemper; ſiquidem album non dicitur magis, vel minus æquale alteri, licet dicatur magis, vel minus ſimile, aut diſſimile alteri albo. Vnde concludit, quod maxime proprium eſt quanto, æquale, vel inæquale dici. Et hæc de textu huius capituli, quaſi ſummatim dicta, ſatis ſint.

De Natura Quantitatis, tam continuae, quam di- cretæ.

DISPUTATIO VI.

*Vtrum Quantitas sit vnum Genus Ge-
neralissimum, realiter distinctum à
substantia?*

QVÆSTIO I.

CIRCA unitatem quantitatis, vt est Ge-
nus generalissimum, non est contro-
uersia; siquidem omnes, quos videre potui
fatentur dari vnum Genus generalissi-
mum quantitatis, quod diuiditur in quan-
titate continuam, & discretam, vt in spe-
cies subalternas. Cæterum, circa distinctio-
nem eiusdem a substantia, est duplex opi-
nio.

Prima, est nominalium, & præcipuè G-
liemir Ochami in logica. cap. de quantita-
te, & in quarto sent. q. 4. & quod 4. q. 30. &
de Sacramento Eucharistiæ per sex, vel sep-
tem capita. Gabrielis, in 4. d. 10. q. vn. &
dist. 12. q. 1. art. 1. & sic per Can. lect. 43. af-
ferentium, quantitatem esse substantiam,
extensam, habentem partes, & partes di-
finitas loco, situ, & positione, vnde isti ne-
gant distinctionem realem, & formalem
etiam inter quantitatem, & substantiam.
Eandem sententiam sustinent etiam Adā
Godam in 4. q. 5. & Petrus Aureolus, in se-
cundo d. 10. q. vn. & nonnulli ex antiquis
Philosophis.

Secunda opinio; quæ communiter de-
fenditur in Scholis Scouitarum, & Thomi-
starum, docet, quantitatem realiter distin-
gui a substantia. Ita D. Thom. 5. meth. lect.
18. Scotus, in secundo d. 2. q. 9 & in quarto
d. 12. q. 2. l. Ricardus de Media Villa ibi-
dem, art. primo quæst. 1. Dicendus, quæst. 5.
Ægidius, in primo d. 2. q. 2. Albertus Ma-
gn. 5. physicorum, tract. 2. art. 4. Sonctas,
quinto metaphys. quæst. 19. Ruvius hic,

quæst. vltima, & ferè omnes Peripateti-
ci.

Primo notandum est, quantitatem non
diffiniri ab Aristotele, sicut nec substantiam
in communi; quia diffinitio propriè, cum
detur per genus, & differentiam, & quanti-
tas in communi, cum sit genus generalissi-
mum, non habeat genus supra se, nequit
propriè diffiniri, licet possit sic describi, aut
etiam diffiniri per ens, & modum intrinse-
cum. Quantitas est, secundum quam quan-
ti, vel quoti esse dicimur. Vt secundum lon-
gitudinem longi; secundum latitudinem lati,
& secundum profunditatem, profundum ap-
pellatur. In qua diffinitione ponuntur duo
quælitia, correspondentia duabus specie-
bus quantitatis, scilicet continuæ, & discre-
tæ: per primum enim quærimus de quanti-
tate discreta, scilicet per ly quotum; & per
alterum, scilicet ly quantum de continua.
Ex quibus circumloquimur modum ali-
quem intrinsecum, ad æquatum quanti-
tati communi, continuæ, & discretæ; siqui-
dem inferius, non habet diffiniri superius,
cum diffinitio dari debeat per priora; quan-
tum autem, & quotum, cum sint modi
quantitatis continuæ, & discretæ, quæ sunt
species inferiores ad quantitatem in com-
muni, sunt inferiora, & posteriora ipsa
quantitate in communi; quare ipsa nequit
diffiniri per illa formaliter, sed tantum cir-
cumlocutiue.

Secundo notandum est, quantitatem;
quæ est genus generalissimum, diuidi im-
mediatè in quantitatem continuam, & di-
cretam; tamquam in duas species subalter-
nas. Continua est illa, cuius partes copu-
lantur ad aliquem terminum communem;
vt partes lineæ ad punctum. Hæc autem,
cum sit genus, seu species subalterna, diui-
ditur immediatè in quantitatem perman-
entem, & successiuam, vt in alias species
subalternas. Quantitas, permanens est il-
la, cuius partes possunt habere positio-
nem in continuo. Id est cuius omnes par-
tes possunt simul existere cum suo toto.
Et hæc diuiditur in tres alias species, sci-
licet in lineam, superficiem, & corpus
tantum. (locus enim non est quantitas,
vt in quatto physicorum probabitur, etiam
de mente Aristotelis,) linea est longitudo
sine latitudine, & profunditate; cuius
extrema sunt duo puncta. Et hæc diuidi-
tur

tur postea à Mathematicis, in lineam rectam, & curuam. Superficies, est longitudo cum latitudine, siue profunditate, cuius extrema sunt duæ lineæ. Et hæc adhuc est triplex, scilicet plana, conuexa, & concaua; de quibus in physicis erit sermo. Corpus tandem, est longitudo, cum latitudine, & profunditate, cuius extrema sunt duæ superficies. Hoc autem est multiplex, scilicet rotundum, seu circularis; quadratum, quadrangulare, triangulare, sexangulare, octangulare, &c. quorum definitiones possunt videri in Euclide: illas enim ad præsens omitto, cum transcendant limites nostri instituti. Quantitas successiua, est cuius partes non habent positionem in continuo. Id est, non existunt omnes simul cum suo toto, sed vna succedit alteri. Et hæc diuiditur in duas species; scilicet in tempus, & motum; de quibus in tertio, & quarto physicorum. Quantitas discreta, est cuius partes non copulantur ad aliquem terminum communem, sed discretæ; & separatæ sunt in toto. Et hæc partiur in duas species, quæ sunt numerus; & oratio; de quibus inferius in proprijs quæstionibus. Ex his omnibus sequitur, cum omnes istæ species contineantur sub vna quantitate prædicabili de illis vniuocæ, quantitatem in communi acceptam esse genus generalissimum ab alijs distinctum.

Tertio notandum est, extensionem, seu habere partes extra partes, esse in triplici differentia: alia enim dicitur entitativa, & alia quantitatiua. Extensio entitativa, est distinctio vnius partis substantialis ab alia. Exemplum sit de partibus corporis: si enim Deus separaret quantitatem à meo corpore, vna pars esset extra aliam; quia caput distingueretur à spatulis; hæ à brachijs; brachia à thorace; & thorax à coxis; & istæ à cruribus; & pedibus, eo ordine, quo ad præsens per quantitatem distincte cernuntur. Extensio quantitatiua, est distantia vnius partis ab alia parte, mediante loco, & siu. Vt enim caput modò distat extensione quantitatiua à pedibus, per correspon-

dentiam, quam habent in loco, ad partes respondentes capiti, & pedibus. Ex quo sequitur, quod si Deus separaret omnem quantitatem à meo corpore, non esset quærendum, vbi localiter existeret circumscriptiue; cum tantum per extensionem quantitatiuam, quadata hypothese careret, sibi conueniat esse in loco. Esset tamen in loco distinctiue; quia ita hic esset, quod non alibi, sicut in primo, vel quarto physicorum explicabitur.

Quarto notandum est, quod licet omnia accidentia absoluta, possint immediate creari à Deo, tamen naturaliter loquendo, educuntur de potentia subiectorum, quibus insunt, per actionem agentis materialis; siquidem istæ partes, antequam haberet hanc, & illam quantitatem, scilicet longitudinem, latitudinem, & profunditatem, erant in potentia ad illas; similiter, priusquam esset albus, erat in potentia ad albedinem, & modò est in potentia ad nigredinem, & alios colores. Vnde sequitur, quod naturaliter loquendo, effectiue omnia accidentia habent esse per actionem agentis naturalis; vt albedo per pictorem; longitudo, latitudo, & profunditas per domificatorem; materialiter verò, à subiecto dependent. Ex quo concluditur, quod cum quantitas habeat esse a substantia, vt à causa materiali, & effectiua, (accidentia enim non nisi dispositiue concurrunt ad generandum aliud accidens), & inter causam, & effectum sit semper distinctio realis, dari distinctionem realem, nedum inter substantiam, & quantitatem, sed etiam inter eandem, & cætera accidentia.

Ex his, sit prima conclusio. Quantitas in communi, prout comprehendit sub se, omnes quantitates, tum continuas, tum discretas, est vnum genus generalissimum ex decem enumeratis supra ab Aristotele, cap. quinto huius libri. Probat. Quod prædicatur de pluribus differentiis specie in quid, & non habet aliud genus supra se, est vnum genus generalissimum, ex Porphyrio, cap. de Genere; sed quantitas est quibuscumque; ergo est vnum.

genus generalissimum. Minor probatur. Quia prædicatur de quantitate continua, & discretæ, tanquam de differentibus specie, ut dictum est in secundo not. & ijs mediantibus, de omnibus suis inferioribus; quia omnes habent partes extensas, tum cum positione, tum sine positione in continuo; sed habere partes extensas quantitativè, est ratio formalis. & quiditativa quantitatæ, ut videbimus in sequenti; ergo quantitas prædicatur de illis in quid. Insuper, non habet aliud genus supra se; quia ens finitum, quod immediate partitur per decem genera, seu prædicamenta, non est genus, ut superius vidimus, disputatione prima; ergo quantitas est vnum ex decem generibus generalissimis.

Secunda Conclusio. Ne dum quantitas, sed etiam qualitas distinguitur realiter à substantia. Est communis, contra Nominales. Probatur primo auctoritate D. Augustini, quinto de Trinitate cap. 10. dicentis. Quod in vnaquaque substantia corporea, aliud est substantia, aliud quantitas, & aliud qualitas. Sed ibi loquitur de alietate reali, ut patet intuitu textum; ergo distinguuntur realiter ab invicem. Secundo Aristoteles, primo physicorum, t. c. 13. 14. & 15. reprehendit Melissum, ponentem res naturales habere tantum vnum principium, & illud esse infinitum, hoc argumento. Finitum, & infinitum per se conveniunt quantitati, per accidens autem substantiæ; & qualitati; igitur si primum principium est infinitum, præter substantiam, etiam quantitatem habebit; & sic duo, scilicet substantia, & quantum sunt, & non vnum est. Sed si quantitas non distingueretur realiter à substantia, argumentum eius nihil concluderet, quod non est dicendum: superest ergo, ut de mente Aristotelis, quantitas distinguatur realiter à substantia. Tertio probatur ratione. Quantitas potest separari per potentiam divinam à substantia, & de facto separata est in Sacramento Eucharistiæ; ergo distinguitur realiter. Quarto sic. Causa, & effectus distinguuntur realiter; sed quantitas, & qualitas sunt effectus substantiæ, & in genere causæ efficientis, & materialis, ut patet

ex notab. 4. ergo distinguuntur realiter.

Obijcies primo, contra primam conclusionem. Vnius generis, est tantum vna divisio, ex Aristotele, primo Topic. cap. 1. & Boetio, libr. de Divis. sed quantitatæ sunt plures divisiones, ut patet ex textu Aristotelis, ubi ponuntur tres divisiones quantitatæ; ergo non erit vnum genus generalissimum.

Respondetur primo, ex Doct. in Prædicam. quæst. 17. in fine, duplicem esse divisionem; aliam formalem; & hæc fit per differentias oppositas formales, & constitutivas specierum, ut hæc. Animalium, aliud rationale, & aliud irrationale. Et aliam materialem: & hæc datur per differentias materiales, seu potius per partes materiales. Ut corporum, aliud corruptibile, & aliud incorruptibile. Divisio quantitatæ in continuam, & discretam, est formalis; quia fit per proprias differentias formales, scilicet copulare partes ad vnum terminum commune, & non copulare illas ad illum terminum commune. Divisio verò quantitatæ per partes habentes positionem, & non habentes positionem, in continuo, est per materiales; quia datur per quantitatem in ordine ad materiam, seu ad subiectum.

Formaliter ad argumentum dico, maiorem propositionem esse veram de divisione formali, non de materiali; quia sic pos. sunt esse plures divisiones, sicut plures sunt differentie materiales; modo in quantitate est secundum vna divisione formalis, & consequenter tantum vnum genus generalissimum.

Vel dicendum secundo, quantitatem divisi-
viam in per se, & per accidens, non esse genus generalissimum, sed tantum vocem communem quantitati habenti partes extensas per se, & quantitati non habenti partes extensas per se, sed tantum per accidens, ex quibus resultat divisio quantitatæ in per se, & per accidens; modo æquivocum nequit esse genus.

Vel tertio dici potest, quantitatem posse accipi dupliciter, & pro supremo coordinationis quantitatæ; & sic tantum est vnum genus generalissimum, & dividitur
per

per vnicam diuisionem tantum, scilicet in continuam, & discretam; & pro tota coordinatione, scilicet pro omni reponibili per se in prædicamento quantitatis; & sic etiam diuiditur secunda diuisione, vt sit sensus. Eorum, quæ ponuntur directè, & per se in prædicamento quantitatis, quædam habent partes cum positione in continuo, quædam verò non; & sic quantitas non erit vnum genus, sed plura genera subalterna, vt patet. Vnde.

Formaliter ad argumentum dico. Minorem esse veram de quantitate, secundo modo accepta, quæ tamen non est genus vnum, sed plura genera subalterna: falsam verò de quantitate primo modo sumpta; quia sic est vnica tantum diuissio, & consequenter vnicum genus generalissimum.

Obijcies secundo, contra secundam conclusionem. Substantia corporea habet partes extra partes; sed etiam quantitas est huiusmodi; ergo substantia corporea est quantitas.

Respondetur, negando consequentiam. Nam substantia corporea, habet partes extra partes entitatiuè extensas; quia vna non est alia; quantitas verò habet illas extensas quantitatiuè, per ordinem ad partem, & partem loci, & situs. Ex quo patet, substantiam corpoream non esse quantitatem, sed potius esse ab inuicem realiter distinctas.

Obijcies Tertio. Si quantitas esset realiter distincta à substantia, sequeretur Deum posse conservare substantiam absque quantitate; sed hoc implicat; ergo non sunt realiter distinctæ. Maior patet. Quia Deus potest conservare per se omnem entitatem absolutam, realiter distinctam ab alia. Minor probatur. Quia data hypothese, quæro an talis esset in loco, vel non; vtrumq; concessum, est inconueniens; ergo. Minor probatur. Quod non esset in loco; quia careret extensione, quæ est ratio cuiuslibet corpori existendi in loco. Si verò dicas, quod data hypothese, non esset in loco. Contra; quia per se haberet partes extra partes; igitur deberet esse in loco.

Respondetur, concessa maiori, negando minorem. Ad probationem dico, quod

data hypothese; esset in loco diffinitiuè, non tamen circumscriptiuè: quia sicut ad hoc requiritur extensio quantitativa partium ad partes loci, & situs, ad illud, scilicet esse in loco diffinitiuè sufficit præsentia litas partium absque circumscriptiione ad locum, aut eius partes; quomodo de facto Angelus, & anima separata, sunt in loco diffinitiuè, & fufius dicam in phisicis.

Obijcies quarto. Si quantitas distingueretur à substantia realiter; igitur dum est in ipsa, ibi esset per inherentiã; sed hoc non est dicendum; ergo dicendum, potius non distingui realiter ab ea. Maior patet. Minor probatur. Quia si quantitas est per inherentiã in substantia, vel recipitur tota quantitas in tota substantia, & pars in parte, vel tota in tota, & tota in qualibet parte, sicut anima rationalis in toto corpore, & in qualibet eius parte; sed nullum istorum est dicendum; ergo. Non vltimum; quia tunc esset indiuisibilis, & spiritalis, sicut anima; quod pugnat cum ratione quantitatis. Nec primum, vel secundum dici potest; quia tunc substantia haberet partes integrantes ante aduentum quantitatis, & non à quantitate, quod est falsum. Quia habere partes integrales, conuenit per se quantitati, & per rationem eius cuiuslibet alteri, vt docet Philosophus, quinto Methaphysic. t. c. 18. ergo &c.

Respondetur, negando minorem. Ad probationem dico, recipi totam quantitatem in tota substantia, & partes in partibus eiusdem substantiæ. Ad probationem contra hoc dico, substantiam habere ex se, quantitate seclusa, partes integras. res entitatiuas, non verò quantitativas; quia hæ conueniunt substantiæ solum, mediante quantitate, vt bene docet Aristoteles, loco citato.

*Verum ratio essentialis quantitatis, sit
diuisibilitas in partes eiusdem ra-
tionis, vel ratio men-
sura?*

QVÆSTIO II.

MOdus loquendi varius Aristotelis in hac materia, occasione etiam præbuit suis expositoribus, variè sentiendi. Si quidem, in hoc capite volens probare, orationem esse speciem quantitatis, explicat rationem eius per rationem mensuræ; quia enim oratio mensuratur longitudine, & breuitate; idèd quantitas dicitur. Et quinto Methaphys. t. 18. diffiniens quantum, dicit esse illud, quod est diuisibile in ea, quæ insunt. Et sic videtur explicare rationem quantitatis per diuisibilitatem in partem, & partem. Quare circa quætionem, ad inuestigandam veritatem Aristotelicam, tres referuntur opiniones inter se diuersæ; quarum.

Prima asserit, rationem quantitatis positam esse in ratione mensuræ, quia nimirum una pars quantitatis mensuratur per aliam; vt motus per tempus, & numerus per unitatem. Similiter omnes partes quantitatis sunt mensuratiuæ substantiæ; quandoquidem corpus mensuratur secundum longitudinem, latitudinem, & profunditatem; tria corpora, numerantur, seu mensurantur per numerum ternarium; idèd ratio quantitatis consistit in ratione mensuræ, cum actiuæ, tum passiuæ. Ità docet D. Thom. opusc. 52. Albert. Magn. hic, tractat. 8. cap. 1. Quibus non videtur contrarius Caietanus, cap. de quant. in principio.

Secunda, quæ est famosior priori, docet rationem quantitatis formalem in eo consistere, vt sit diuisibilis in partes eiusdem rationis. Pro qua citatur Scotus, q. 17. Prædicam. D. Thom. in primo d. 19. q. 1. art. 1. ad primum, & prima parte q. 50. art. 2. Sed hic non loquuntur de ratione formali quiditativa, & à priori, vt inferiùs dicam. Defendi-

tur tamen ab omnibus ferè Discipulis D. Th. vt à Capreolo, in secundo d. 3. q. 1. art. 3. ad 1. & d. 10. q. 1. ad secundum contra primam conclusionem, Iauello, quinto Meth. quæst. 20. Soncinate ibi, q. 21. & alijs pluribus.

Tertia, quæ prioribus anteponitur à Modernis, dicit formalem rationem quantitatis in eo sitam esse, vt sit ens per se extensum, seu vt habeat partes extra partes extensas; ita quod si quis velit diffinire quantitatem in communi, habeat dicere. Quantitas est ens per se extensum, seu habens partes extra partes extensas. Ità docet Scotus, in 4. d. 10. q. 1. M. & R. quinto Meth. q. 1. Ant. And. ibidem, q. 10. Successanus ibi, disp. 9. Landuus, q. 9. Argentinas, in 4. d. 10. q. 2. art. 1. Ferrar. quarto contra Gentes, cap. 82. §. Ad euidentiam &c. Conimbr. hic, q. 1. art. 2. Ruuius, quæst. 1. & alij Recentiores.

Cæterum, Conimbricenses citati, quamuis conueniant nobiscum in conclusione, extensionem nimirum, esse rationem formalem quantitatis, videntur tamen illam arctare ad quantitatem continuam tantum q. 2. art. 1. vbi citant pro se Albertum Mag. 8. Meth. tract. 1. cap. 8. Bassolium, in prima d. 14. q. unica. Paulum scriptorem ibidem. Ochamum ibi, & Arimin. q. 2. Aureolum, Marsilium, & alios; quippe reijciunt à vera specie quantitatis, quantitatem discretam. Et sic habent dicere, quantitatem, quæ est genus generalissimum, non esse commune continuæ, & discretæ, sed esse contrariam dumtaxat.

Oppositum nihilominus docent communiter ferè omnes Interpretes Aristotelis, vt inferiùs tuo loco demonstrabimus. Vnde pro resolutione propositæ difficultatis.

Primo notandum est, quod per rationem essentialem hic intelligere debemus conceptum quiditativum, qui constet ex ente, & modo intrinseco quantitatis; siquidem cum sit genus generalissimum, nequit habere distinctionem constatam ex genere, & differentia; & erit sensus quætionis. An diuisibilitas in partes eiusdem rationis, importet conceptum quiditativum, seu sit prædicatum quiditativum, notificans quantitatem in communi, prout dist-

tingitur ab alijs prædicamentis; vel autem tantum sit passio consequens quiditatem eiusdem quantitatis. Vel potius, huiusmodi conceptus sit ratio mensuræ. An extensio quantitativa pertineat ad rationem quantitatis formalem; & ratio mensuræ sit eiusdem passio?

Secundo notandum, pro intelligentia, ac fundamento Scoticæ sententiæ, aliquam rem quadrupliciter concipi posse. Vno modo, per prædicata quiditativa, cum sunt nota concipienti. Et sic, concipitur essentia hominis per animal rationale. Secundo modo, per passiones. Et sic, concipitur essentia leonis per rugilitatem, quæ est eius passio; siquidem cum pullulare habeat à principijs intrinsicis, per ipsam, vt per aliquid notius, deuenimus in cognitionem differentiarum specificarum, nobis ignotarum. Tertio modo, per operationes proprias; quandoquidem istæ, cum proueniant à formali ratione agentis effectiue; & sint termini propriarum passionum, indicant à posteriori rationes formales, & essentielles rerum; quia enim verbi gratia videmus Petrum ridere, arguimus, ipsum esse risibilem; quandoquidem ridere, est terminus risibilitatis: tunc ulterius, quia scimus risibilitatem prouenire ab homine, concludimus à posteriori, Petrum esse hominem. Quarto, & ultimo per respectum ad aliquid extrinsecum. Et sic concipitur ratio loci, & locati; nam locus necessitudo refertur ad locatum, & è conuerso. Vnde ex hoc, quod video Petrum esse in domo, infero ipsum esse locatum, & domum locum. His tribus modis prioribus, possumus deuenire in cognitionem cuiuslibet rei, secundum suam quiditatem; siquidem tertius infert secundum, & secundus primum; qui cum à nullo alio inferatur, aut inferri possit, concludimus, in ipso consistere rationem formalem, & quiditativam illius rei. Exemplum sit de Petro. Ex hoc, quod ridet, infero esse risibilem; & ex hoc, quod sit risibilis, infero esse hominem; & ex hoc, quod est homo, concludo esse animal rationale, corpus animatum, corpus, & substantiam, & ens. Quæ cum à nullo alio possint inferri, sisto in hoc, quod Petrus includit quiditativè esse hominis, & animalis rationalis.

Tertio notandum, ex Scoto, in primo d. 19. q. 1. f. & Quæst. 5. & 6. quantitatem esse duplicem, scilicet molis, & virtutis. Quantitas molis est illa, quæ afficit corpora, & secundum quam dicuntur habere partes, extra partes extensas. Quantitativè; & hæc reperitur tantum in prædicamento quantitatis. Quantitas autem virtutis, est virtus, per se, seu essentia rei. Quæ cum reperiantur in quolibet ente, siue finito, siue infinito in omni ente pariter reperitur quantitas virtutis. Et de ista quantitate, cum sit transcendens, & illimitata ad omnia entia siue realia, siue rationis, non est sermo in præfenti; sed tantum de prima. Hæc autem in quolibet subiecto, quod afficit, habet quinque operationes, ex quibus licet deuenire in cognitionem quiditatis eiusdem. Primo facit subiectum in quo est habere partes extra partes, hoc est extendi loco, & situ. Secundo esse diuisibile, vel actu diuisum in partes. Tertio esse finitum, & terminatum. Quarto esse æquale, vel inæquale alteri subiecto. Quinto tandem esse mensuram alterius, vel mensuratum ab alio; ex his colliguntur quinque aptitudines terminatæ ab his quinque operationibus, seu actibus quantitatis. Primo, ex hoc quod verbigratia, vna potest mensurari palmo quater replicato, & ipsa toties replicata potest mensurare paunum infero eam esse mensurabilem passivè, & actiue mensuram. Secundo ex quo est æqualis alteri vlnæ, deduco in ipsa esse aptitudinem ad fundandam relationem æqualitatis. Tertio quia est finita, & terminata in se, præfuisse in eadem, aptitudinem ad talem esse finitum, & terminatum. Quarto ex eo, quod ipsam diuidendo in partes, deuenit in cognitionem, quod erat prius diuisibilis. Quinto tandem quia video habere partes, extra partes extensas, concludo in ipsa esse causam eiusmodi extensionis. Tales autem aptitudines se inferunt à priori, & à posteriori hoc modo: Valet enim dicere vna est mensurabilis actiue; & passivè simul; igitur est æqualis, vel inæqualis; si est æqualis, vel inæqualis; ergo finita, & terminata: si finita; ergo diuisibilis in partes; si diuisibilis igitur.

igitur extensa est. A priori autem hoc modo. Vlna est extensa, ergo diuisibilis, finita, æqualis, & mensurabilis. Ex quibus vltimatè concludo, cum extensio à priori inferat omnes alias, & à posteriori ab omnibus inferatur, ipsam esse priorem, & intimam quantitati, & consequenter eius rationem formalem, & quiditativam. Deinde, quia diuisibilitas inferat alias aptitudines, immediatè post extensionem, & post ipsam finitas, deinde æqualitas, & tandem mensurabilitas, deduco diuisibilitatem esse primam passionem quantitatis, finitatem secundam, æqualitatem, vel inæqualitatem tertiam, & mensurabilitatem quartam, & vltimam.

Quarto notandum est ex his, quæ colliguntur à Scoto in secundo d. 12. quæst. 2. C. & in quarto d. 10 q. 1. M. extensionem quantitativam, sub nomine positionis ab eodem acceptam, esse duplicem. Aliam, quæ dicit ordinem partium quantitatis ad totam quantitatem, vt verbi gratia in corpore, quod prius ponatur caput, sub capite collum, sub collo pectus, brachia hinc inde extensa; & sic de cæteris, & talis est de essentia quantitatis, cum sit eius differentia quiditativa. Aliam verò, quæ præsupposito ordine partium in toto, dicit ordinem partium ad partes locis, & totius quantitatis ad totum locum, & hæc extensio dicitur positio, quæ constituit prædicamentum situs ab alijs distinctum, & à Doctore appellatur modus quantitativus, seu commensuratio quantitatis ad locum, & formaliter consistit in respectu extrinsecus adueniente totius quanti ad totum locum, & partium ad partes. Quidam autem Recentiores diuidunt hanc extensionem in aptitudinalem, & actualem; Aptitudinalem vocant illam, secundum quam duo corpora, vel duæ partes corporis, ita se excludunt ab eodem loco, vt necessariò sibi vindicent, seu affectent diuersa loca, quod cernitur in partibus corporis, cum alteri loco respondeat caput, alteri brachia, & alteri pedes. Actuale autem vocant illam, secundum quam duo corpora, vel duæ partes actû respondent diuersis locis, & hanc extensionem dicunt esse extrinsecam quantitatis, aptitudinalem verò intrinsecam, & propriam

sibi. Cæterum meo iudicio falluntur; quia neutra istarum est de essentia quantitatis, cum vtraque dicat respectum, vel actualem, vel aptitudinalem ad locum, & nullus respectus est de essentia entis absoluti, cuiusmodi est quantitas, sed tantum prima dicens ordinem partium quantitates in tota quantitate. Hæc autem est duplex altera, enim est extensio secundum multitudinem tantum, & est propria quantitatis discretæ, quæ consistit in multitudine; & altera secundum magnitudinem, & hæc est propria quantitatis continuæ, cum ista in magnitudine consistat à quibus abstrahitur extensio quantitativa communis, adæquata quantitati supremæ quæ est eius modus intrinsecus quiditativus, qui postea contrahens ens finitum ad quantitatem, constituit eius essentiam, seu conceptum quiditativum, eo modo, quo modus per se cum ente constituit conceptum quiditativum substantiæ. Ex quo sequitur, quod sicut substantia diffinitur per talem modum quiditativum, nimirum substantia est ens per se subsistens, & per ipsum distinguitur formaliter quiditativè à quocumque non est ipsa; ita quantitas suprema communis ad continuam, & discretam diffinitur quiditativè per se, scilicet quantitas est ens per se extensum quantitativè, seu vt alij dicunt, est ens habens partes extra partes per se extensas quantitativè, & per ipsum, vt per rationem formalem comprehendit sub se omnes quantitates, tam continuas, quam discretas, vt inferius demonstrabimus, & distinguitur formaliter, ac quiditativè à substantia, & cæteris prædicamentis.

Quinto notandum ex Scoto in secundo, d. 2. q. 2. G. quod mensurare est quantitatem ignotam, per quantitatem magis notam certificare: Hæc autem certificatio potest fieri dupliciter vno modo, per quantitatem existentem in imaginatione tantum, vt si quis expertus de quantitate vlnæ, vel alterius mensuræ, per ipsam existentem in sui imaginatione potest mensurare quantitatem panni. Alio modo fit per quantitatem existentem in re, vt cum aliquis mensurat pannum per vlnam. Hæc autem potest fieri tripliciter, sicut triplex, est

est mensura, scilicet vel per quantitatem excedentem rem mensuratam, quæ dicitur mensura excessus, seu perfectionis; & sic per ipsam certificatur intellectus denominari, per accessum eius ad minorem quantitatem, vel per recessum ab ea, & hoc modo mensura ponitur in quiditatibus, cum inter illas detur una excedens cæteras in perfectione, ut patet de homine quæ mensurat omnia in genere animalis, in quantum cætera animalia magis accedunt, vel recedunt ab eiusdem perfectione. Vel fit talis certificatio per quantitatem excessam, quæ dicitur mensura replicationis, & ita occurrat, cum quantitas mensurans non est æqualis mensurato, ut patet de vna, quæ toties replicatur, quousque adæquetur panno. Vel fit per aliquam rem notam sibi æqualem, & appellatur mensura æqualis, & hoc fit, vel per applicationem mensuræ ad mensuratum, vel per superpositionem eiusdem rei mensuratæ, & sic motus mensuratur per tempus, quia si tempus est vnus horæ, & motus erit vnus horæ, & non amplius. Vel si motus fuerit maior, vel minor, hoc ideo erit, quia tempus ipsum mensurans fuit maius, vel minus. Ex his sequitur cum mensura excessus reperitur inter quiditates, & quiditates sunt in omni prædicamento, quod illa non erit passio quantitatis, sed passio entis transcendens, & illimitata ad omnia prædicamenta: Mensura verò replicationis, & æqualitatis, quia reperiuntur tantum in quantitativis, bene erit passio eiusdem. Vtraque verò adhuc est duplex, scilicet actiua; & passiva; actiua, quæ mensurat aliam quantitatem, passiva verò, quæ mensuratur; vel mensurari potest ab alia; & cum actiuum, & passiuum sint relatiua, sequitur mensuram actiuam formaliter dicere respectum mensuræ ad mensuratum, passiuam verò respectum passiuum rei mensuratæ ad mensuram.

Ex his fit prima Conclusio. Mensura, siue actiua, siue passiva, & diuisibilitas in partes eiusdem rationis, non sunt ratio formalis, seu de conceptu qui-

ditatio quantitatis, prout est genus generalissimum, ab alijs distinctum. Hæc conclusio est Scoti quinto Methaphysicæ quæstion. 9. Antonij Andreæ ibidem quæstion. 10. Probatur prima pars, quia ratio generis formalis, & essentialis æquæ primo, competere debet suis speciebus, sed ratio mensuræ non æqualiter competit quantitati continuæ, & discretæ, quæ sunt species quantitatis in communi, ergo ratio mensuræ non est ratio formalis, & essentialis quantitatis. Maior pater, quia genus est vnivocum ad suas species. Minor probatur ex Aristotele, 10. Methaph. cap. secundo t. c. 3. & 4. vbi dicit vnum mensuræ per se primo, competere quantitati discretæ, continuæ verò non nisi per rationem eius, pro quanta, videlicet participat rationem discretæ quantitatis. Confirmatur, quia si ratio mensuræ esset essentialis quantitati, sequeretur vnitatem esse maximè quantitatem, sed consequens est falsum quia est tantum in prædicamento quantitatis reductiue, cum sit principium numeri, qui est per se in prædicamento quantitatis, ergo, & antecedens: Consequentia patet, quia vnitas habet rationem verissimæ mensuræ, ex Philosopho loco citato. Secunda pars probatur, & simul prima confirmatur, quia nullus respectus est de essentia absoluti, sed diuisibilitas, sicut ratio mensuræ sunt respectus saltem aptitudinales, & quantitas est ens absolutum, ergo non sunt de eius essentia. Maior patet quia prædicamenta sunt impermixta, nedum formaliter, sed etiam realiter, ut probatum est superius. Minor similiter, quia diuisibilitas dicit respectum aptitudinalem ad actum diuisi, sicut mensura dicit aptitudinem ad actum mensurare, vel mensurari. Confirmatur quia potentia, & actus sunt eiusdem generis, & essentia, ut patet de materia, & de forma respectu eiusdem compositi, sed actus diuisi, vel mensurare, aut mensurari non sunt de essentia quantitatis, ergo nec diuisibilitas, quæ est potentia ad diuidi, aut mensurabilitas, quæ est potentia ad mensurare, vel mensurari sunt de essentia eiusdem. Minor, pater alioquin quantitas continua semper esset actu diuisa, quod nemo concederet, cum ob hoc di-

fin-

linguatur à discreta.

Secunda Conclusio. Diuisibilitas in partes eiusdem rationis, est prima passio quantitatis; Finitas, vel Infinitas secunda: Aequalitas, vel Inæqualitas Tertia, & Mensura, tam actiua, quam passiua quarta. Est Scoti loco citato in præcedenti conclusione. Probatur primo esse passiones, quod inest alicui per se. Primo, & conneribiliter, alijs verò sibi inferioribus per se non primo est eiusdem propria passio ex, primo Post. cap. 4. de per se, sed diuisibilitas, finitas, & infinitas, æqualitas, vel inæqualitas, mensura, tam actiua, quam passiua sunt huiusmodi in quantitate; ergo sunt eius propriæ passiones. Minor patet, quia ex quo quantitas est extensa actu in subiecto, statim sequitur illud esse diuisibile, finitum, vel infinitum, æquale, vel inæquale, & mensuram, vel mensuratum ergo, &c. Confirmatur quia omnes istæ insunt per se quantitati ex Philosopho quinto Methaphysic. t. 18. primo Physicor. r. 14. & 15. & hic capit. de quant. sed non insunt essentialiter, seu ut rationes formales essentielles, ut probatum est in præcedenti conclusione; ergo, ut passiones. Consequentiam ista patet, quia illa, quæ insunt per se alicui, aut sunt de eius essentia, aut passiones illius. Secundo probatur, quod diuisibilitas sit prima passio, deinde aliæ per ordinem: Passiones innotescunt nobis per actus ipsas terminantes, sed quantitas in subiecto, quod afficit, primo facit ipsum diuisibile, postea finitum, vel infinitum, vterius æquale, vel inæquale, & demum mensurabile; ergo diuisibilitas est prima passio quantitatis, deinde finitas, vel infinitas, tertio æqualitas, vel inæqualitas, & quarto ratio mensuræ. Maior, & Minor sunt manifestæ ex dictis, notabil. secundo, & tertio. Confirmatur, quia eo modo passiones ordinantur in subiecto, quomodo se præsupponunt, sed mensura præsupponit subiectum esse æquale, vel inæquale; æqualitas verò supponit esse finitum, vel infinitum; & finitas, vel infinitas præexigit ipsum esse diuisibile, diuisibilitas autem nihil præsupponit in

subiecto præter extensionem partium in qua consistit essentia quantitatis, ergo Diuisibilitas est prima passio, & aliæ per ordinem secunda, & tertia, & quarta, ut dictum est in conclusione.

Tertia Conclusio. Extensio quantitatiua, quæ dicit ordinem partium in toto quantitatio, est ratio formalis, seu essentialia quantitatis, in quantum est vnum genus generalissimum ab alijs distinctum, non tamen extensio quantitatiua, siue aptitudinalis, siue actualis, ut dicit ordinem partium totius quanti ad partes loci. Vtrique pars conclusionis, est Scoti in quarto dist. 10. quæstion. prima M. & R. Probatur prima pars, illud est ratio formalis quantitatis, per quod demonstratur de ipsa diuisibilitas, quæ est prima eius passio, sed extensio quantitatiua, seu habere partes extra partes quantitatiue, est huiusmodi, ergo est ratio formalis quantitatis. Maior patet, quia medium in demonstratione potissima, per quam demonstratur passio de subiecto, est definitio, seu conceptus quiditativus in uon habentibus distinctionem propriè dictam ex secundo Post. capit. primo, & ultimo: tum etiam, quia definitio, cum sit causa passionis, debet esse causa inherrentiæ eiusdem ad substantiam mediante demonstratione: Minor etiam patet, quia ex hoc, quod subiectum habet partes extensas quantitatiue, concluditur esse diuisibile in partes. Confirmatur quod præsupponitur ad omnes passiones, & operationes quantitatis, est ratio formalis eiusdem, sed extensio quantitatiua, seu habere partes extra partes extensas, & ordinatas in toto quantitatio, est huiusmodi; ergo est ratio formalis quantitatis. Maior patet, quia omnes passiones, & operationes procedunt à principijs quiditativis, & à ratione formali agendi quantitatis, igitur illud est ratio formalis, quod præsupponitur ad omnes passiones, & operationes quantitatis. Minor est etiam clara, quia si subiectum non habeat partes extensas quantitatiue, nec est diuisibile, nec finitum, vel

vel infinitum, nec æquale, vel inæquale, nec mensurabile, vel mensurans. Similiter à fortiori, nec est acta diuisum, finium, vel infinitum, aut æquale, vel inæquale, aut mensuratum, vel mensuratum; ergo habere partes extra partes ordinatas in toto, est ratio formalis quantitatis. Secunda pars de extensione aptitudinali, vel actuali partium, per ordinem ad partes loci probatur contra Colleg. Comibricense citatum, & Suarez in Metaphysica disput. 40. section. 4. num. 15. Nullus respectus siue actualis, siue aptitudinalis est de essentia absoluti, tum quia prædicamenta sunt impermixta formaliter, tum etiam, quia habent diuersas diffinitiones, ut patet, quia absolutum est ad se, respectuum verò ad aliud, sed extensio aptitudinalis in ordine ad locum est respectus aptitudinalis, & extensio actualis, est respectus actualis; ergo nequeunt esse de essentia quantitatis, quæ est ens absolutum. Minor patet ex quarto Notabili. Confirmatur quia species alicuius generis habent participare rationem formalem illius, sed continuum, & discretum sunt species quantitatis, & non participant rationem eiusdem per respectum ad extrinsecum, cuiusmodi est locus, ergo ratio quantitatis non consistit in extensione aptitudinali partium quantitatis ad partes loci. Maior patet. Minor similiter quia Aristoteles diffinit continuum, ut est quantitas per habere partes copulatas ad terminum, & discretum, per non habere partes sic copulatas, sed tantum ordinatas ad inuicem secundum prius, & posterius, ut patet in numeris, ergo signum est, quod ratio formalis quantitatis, non sit posita in extensione aptitudinali partium quanti ad partes loci, sed tantum in extensione partium quantitatis in toto quanto.

Obijcies primo, contra primam conclusionem, Philosophum in Prædicam. cap. de quantitate dicentem, idè orationem esse speciem quantitatis, quia participat rationem mensuræ. Item quarto physice. diffinit tempus per esse mensuram motus secundum prius, & posterius, atque tempus est quantitas, et

go de mente Philosophi ratio mensuræ est formalis ratio quantitatis. Præterea contra illam partem de Diuisibilitate Philosophus quinto, Metaph. t. 18. diffiniuit quantitatem per hoc, quod sit diuisibilis in partes eiusdem rationis, ergo diuisibilitas est ratio formalis quantitatis.

Respondetur Diffinitionem, esse duplicem, scilicet quiditativam, quæ datur per genus, & differentiam, in habentibus illam, vel per ens, & modum intrinsecum, quo genere diffinitionis diffiniuntur decem prædicamenta, quæ carent genere, & differentia; & descriptiuam, quæ datur per genus, & propriam passionem in habentibus super se genus, vel per aliquid supplens vicem generis in non habentibus genus: Quantitas primo modo diffinitur per ens, & eius modum intrinsecum, scilicet per extensionem quantitativam; at secundo modo per ens, & proprias passiones, scilicet per diuisibilitatem, finitatem, vel infinitatem, æqualitatem, vel inæqualitatem, & per mensuram, siue actiuam, siue passiuam. Modo ad formam argumenti dico prædictas diffinitiones Aristotelis, non esse quiditativas, sed tantum descriptivas, & sic ratio mensuræ, & diuisibilias non sunt de conceptu quiditativo quantitatis, sed tantum passiones eiusdem.

Dices: igitur Aristoteles non tradidit conceptum quiditativum quantitatis, quod nemo facile concederet.

Respondetur, negando consequentiam, imò ipsum tradidit, dum diffinit quantitatem continuam, & discretam per habere partes, illam copulatas ad terminum communem, hanc verò discretas, siquidem cum sint species quantitatis, & conueniant in habere partes extensas, vel in magnitudine, vel in multitudine, sequitur, quod habere partes, ut sic extensas, sit de conceptu quiditativo quantitatis in communi sumptæ.

Contra quia Scotus quæst. 17. Prædicam. §. Ideo dicitur aliter &c. approbat diffinitionem illam de quinto, Metaphys. t. 18. da-

datam à Philosopho de quantitate, & dicit eam quidditativam, & sibi convenire per se primo modo, ergo responsio ad primum argumentum non subsistit in Schola Snbtilis Doctoris.

Respondetur, negando consequentiam, siquidem Scotus in illa questione non sit locutus de mente propria, sed famosè tantum, secundum opinionem communem illorum temporum, quod clarè cernitur ex duobus, primo quia videtur illo modo loquedi. Dicitur aliter &c. quod semper loquitur secundum aliorum sententiam, ut egregiè adnotarunt expositores; nam cum loquitur de mente propria, mutat phrasim dicendo: Dico aliter, vel dicendum, vel potest dici: tum secundo quia quinto meth. q. 9. inquit diuisibilitatem in partes eiusdem rationis non esse de quidditate, sed tantum propriam passionem quantitatis, & in quarto d. 10. q. 1. M. ponit rationem formalem quantitatis in habere partes, & partes extensivas in toto actualiter.

Obijcies secundo. Illa ratio, secundum quam est distinctio specierum alicuius generis, videtur essentialis generi, sed diuisibilitas est huiusmodi, ergo ipsa est essentialis ratio quantitati. Maior patet. Minor similiter est nota ex Philosopho quinto Meth. t. 18. ubi docet diuisibile secundum unam dimensionem longitudinis, esse lineam, secundum duas, scilicet longitudinem, & latitudinem esse superficiem, & secundum tres, scilicet longitudinem, latitudinem, & profunditatem esse corpus, quæ sunt species quantitatis continuæ, atque distinctio specifica est essentialis; ergo per diuisibilitatem distinguuntur essentialiter.

Respondetur, maiorem esse veram si sit distinctio quidditativa, à modo distinctio specierum quantitatis per diuisibilitatem, non est quidditativa, cum deur per propriam passionem. Ad probationem minoris, dico distinctionem specificam per principia specifica, esse quidem essentialem, non eam tamen, quæ est per passiones, sicut est distinctio lineæ à superficie per diuisibilitatem, si quidem ista præsupponit aliam, quæ datur per extensionem suam longitudinem tantum, longitudinem, & latitudinem solum, & secundum longitudinem, latitudinem, & profunditatem.

Vel aliter dici potest distinguendo de di-

uisibilitate radicali, & formali, prima est extensio partium in toto, secunda est aptitudo ad æqualem diuisionem fundata super priori. Modo ad formam argumenti dico minorem esse veram de diuisibilitate radicali, non tamen de formali. Et per hoc potest conciliari vñctum Scoti in q. 17. Prædicam. cum alijs in quinto Meth. q. 9. & 4. d. 10. q. 1. M. dicendo, quod hic nimirum sit locutus de diuisibilitate radicali, quæ est eadem cum extensione partium in toto, de qua locutus est, in alijs locis citatis.

Obijcies tertio, contra tertiam conclusionem probando extensionem partium in toto non esse rationem formalem quantitatis, sed potius aptitudinalem, quam dicunt partes quantitatis ad partes loci, quia ordo partium in toto manet seclusa quantitate à subiecto, quod ei præexistebat ergo extensio, quæ dicit ordinem partium in toto non est formalis ratio quantitatis. Consequentia patet, quia ratio formalis non potest separari ab eo, cuius est ratio, si ergo manet extensio, quæ dicit ordinem partium in toto, seclusa quantitate, fiet separatio, & sic nequit esse ratio formalis. Antecedens probatur quia Deus potest conservare substantiam corpoream in loco distinctivè sine quantitate, sed hoc dato, partes corporis essent ordinate in toto, quia caput esset super collo, collo super spatulis, & vñctum thoraci, & sic de ceteris, ergo ordo partium in toto, non procedit à quantitate, & consequenter extensio partium in toto non est formalis ratio quantitatis. Antecedens patet, quia sicut tota substantia distinguitur à tota quantitate, ita partes à partibus, ergo Deus posset conservare, primam sine secunda.

Respondetur extensionem, quæ dicit ordinem partium in toto esse duplicem, scilicet entitativam, & quantitativam. Prior enim dicit ordinem partium substantiarum in tota substantia corporea. Posterior dicit ordinem partium quantitatis in tota quantitate cum correspondentia ad totum, & partes substantiales: Vnde si Deus conservaret substantiam corpoream sine quantitate, esset ordo partium & extensio. Primo modo, quæ est passio entis finis, & consequenter substantiæ corporeæ, non tamen extensivæ, & ordo partium. Secundo modo, quia

quia talis, cū sit formaliter ratio quantitatis, nequit esse sine illa. Modo ad formam argumenti verum est antecedens, & minor probationis de ordine partium in toto entitativo, & substantiali, non tamen de ordine partium quantitatis in toto quantitatuo, quia talis nequit ab ea separari.

Virum lineam, Superficiem, & Corpus sint tres species quantitatis continuæ & à se inuicem distinctæ?

QVÆSTIO III.

DVirandus in secundo d.2. q.4. videtur asserere lineam, & superficiem, non esse species quantitatis à corpore distinctas, sed negationes quatuorundam dimensionum, nempe lineam esse negationem latitudinis, & profunditatis, superficiem vero tantum negationem profunditatis, & solum corpus esse veram speciem quantitatis continuæ; cūm positiue includat omnes tres dimensiones, scilicet longitudinem, latitudinem, & profunditatem.

Alij verò conveniunt eum præcedenti, asserendo lineam, superficiem, & corpus non esse species abinvicem distinctas, differunt verò ab eodem pro quanto ponunt lineam, & superficiem non esse puras negationes sed entitates positivas. Vtriusque sententiæ fundamenta examinabimus in fine.

Ceterum, contra utramque sententiam, est Aristoteles hic cap. de quantitate, & 3. methaph. t.c. 18. Commentator ibidem, & serè omnes Expositores, vt Scotus in meth. ad tex. cit. Suarez ibidem disp. 40 sect. 6. numero 5. cum alijs multis docentes lineam, superficiem, & corpus esse entitates positivas, & veras species quantitatis continuæ, à se inuicem realiter distinctas.

Pro cuius declaratione primo y. notandum est, quod etiam superius tetigimus, quantitatem continuam esse illam, cuius partes copulantur aliquo termino communi, qui est finis, ac terminus vnus, & principium alterius, vt partes lineæ copulantur puncto, partes superficie i lineis, & partes corporis superficiebus. Hec autem

tria possunt dupliciter considerari vno modo quiditatiue solum, prout sibi conueniunt predicata quiditatiua, & sic linea est quantitas continua, cuius partes copulantur punctis, superficies est quantitas continua, cuius partes copulantur lineis, & corpus est quantitas continua, cuius partes copulantur superficiebus. Alio modo descriptiue, seu consecutiue, prout nimirum sibi conveniunt propriæ passionēs, scilicet longitudo, latitudo, & profunditas; & sic linea est longitudo, sine latitudine, & profunditate, superficies est longitudo cum latitudine, absque profunditate, & corpus est longitudo, cum latitudine, & profunditate. Ex quibus sequitur, quod cum linea, superficies, & corpus quiditatiue includant quantitatem continuam, & descriptiue passionēs eiusdem, sunt entitates positivæ, & non merè negationes dimensionum, vt dicebat Durandus cum alijs. Rursus cum habeant diuersas diffinitiones tum quiditatiuas, tum descriptiuas, dicendum est inter se se distincti, cui specie sub quantitate continua, & non confluere vnam solam speciem, vt assererat secunda opinio.

Secundo notandum est lineam, & superficiem adhuc dupliciter considerari posse, vno modo formaliter, & sic linea tantum obtinet vnā entitatem dimensionem, scilicet longitudinem secundum quam intelligitur diuisibilis in plures lineas partiales; & superficies habet tantum latitudinem secundum quam est diuisibilis in plures superficies partiales. Alio modo considerantur materialiter, & sic linea, etiam si diuisibilis sit, similiter & superficies, nihilominus considerantur, vt indiuisibiles, quæ gerunt munus indiuisibilium simpliciter, & hoc modo accipitur linea, vt est in superficie, tamquam continuatiua, & terminatiua partium superficiei, & superficies prout est in corpore, & continuat, ac terminat partes corporis. Primo modo linea, & superficies inter se, & à corpore distinguuntur specie, cum ratione propriarum dimensionum obtineant distinctam extensionem, siquidem linea extenditur secundum longitudinem, superficies secundum latitudinem, & corpus secundum profunditatem: ac secundo modo non distinguuntur inter se, nec à corpore, quia sicut linea ad suam extensionem exigit puncta, tamquam continuatiua, & termi-

minatiua partium eiusdem, ita superficies requirit lineas, quibus eius partes vniantur, & extendantur versus latitudinem, & corpus exigit superficies, quibus eius partes copulentur, & extendantur secundum profunditatem formaliter, & materialiter secundum longitudinem, & latitudinem; vnde linea intelligitur habere tantum vnam dimensionem formaliter, & materialiter, superficies duas, scilicet latitudinem formaliter, & longitudinem materialiter, corpus vero tres, vnam formaliter, scilicet profunditatem, & alias materialiter nimirum longitudinem, & latitudinem.

Tertio notandum, ex Euclide in suis Elementis, quod Geometra, cuius est considerare quantitatem continuam, demonstrat de his tribus quantitibus, formaliter consideratis, diuersas, & singulas passiones; nam de linea demonstrat rectitudinem, & curuitatem, & de superficie planum, & conuexum, & de corpore, sphaericum, trilaterum, quadrilaterum, & similia. Et notanter dixi formaliter, quia materialiter, sicut lineæ sunt in superficiebus, & superficies simulcum lineis incorporibus, etiam passiones formaliter conuenientes lineæ possunt conuenire superficie, & quæ superficie conueniunt formaliter, materialiter possunt demonstrari de corpore. Ex quo habemus, cum propriæ passiones proueniunt à principiis quiditatiui subiecti, & diuersæ formaliter demonstrantur de linea, superficie, & corpore, quod hæc tria sint quiditates, seu entitates quiditatiuæ, & specificè inter se distinctæ.

Ex his sit prima conclusio, linea, & superficies non sunt puræ negationes, sed veræ entitates positivæ contra primam opinionem. Probatur illa, quæ includunt formaliter entia positia, sunt entia positia, siquidem non ens non includit ens, sed linea, & superficies sunt huiusmodi, ergo sunt entitates positivæ. Minor probatur. Quia includunt quantitatem continuam, quæ est verum ens vt docet Aristoteles hic cap. de quantitate & quinto Meth. c. 18. Secundo sic non ens non est definitio quiditatiua, sed linea, & superficies diffiniuntur definitione quiditatiua per quam etiam demonstrantur de eis multæ passiones ergo non

sunt non entia, sed entia positia. Maior patet ex Aristotele primo, & secundo Post. ac septimo Meth. cap. de Partibus definitionis. Minor similiter ex eodem quinto Meth. c. 18. & ex Euclide in Geometria loco citato, ac alibi.

Secunda Conclusio linea, superficies, & corpus sunt species quantitatis continuæ, à se inuicem, si formaliter considerentur, specificè distinctæ. non tamen si materialiter. Est Aristotelis loco citato in tertia sententia expressè. Probatur prima pars, quia species est quæ ponitur sub assignato genere, & prædicatur de pluribus differentiibus numero in quid, ex Porphyrio cap. de specie. Sed linea, superficies, & corpus sunt huiusmodi, ergo sunt species. Minor patet, quia continentur sub quantitate continua, tamquam sub suo genere, cui inmediate supponuntur, & linea prædicatur de hac, & illa linea; superficies de hac, & illa superficie, & corpus de hoc, & illo corpore, quæ numero differunt, secundum proprias definitiones quiditatiuas, ergo &c. Confirmatur, quia passiones proueniunt à principiis specificis, sed de his tribus demonstrantur multæ passiones à Geometra, ergo sunt species quantitatis. Secunda pars probatur, quæ habent distinctas definitiones quiditatiuas, distinguuntur specie, sed linea superficies, & corpus habent distinctas definitiones quiditatiuas, ergo distinguuntur specie. Maior patet, quia sola species diffinitur definitione propria, & quiditatiua ex Aristotele 7. Methaph. t. 12. & Doct. Subt. ibidem. Minor similiter est nota ex Aristotele cap. de quant. & quinto Methaph. t. 18. Secundo sic distinctæ passiones procedunt à principiis distinctis specificis, sed distinctæ passiones conueniunt formaliter lineæ, superficie, & corpori, vt dictum est in tertio notab. ergo linea, superficies, & corpus sunt distinctæ species. Tertio sic linea superficies, & corpus habent diuersas extensiones formaliter, quia vt sic linea est tantum longa, superficies tantum lata, & corpus tantum profundum, ergo distinguuntur specie. Consequentia patet, quia species saliculus generis distinguuntur secundum distinctionem rationis formalis eiusdem ab eisdem participare, sed extensio est ratio formalis quantitatis, vt probauimus questione præcedenti, ergo si in illis est diuersa extensio,

sequitur distingui specie . Tertia pars , est manifesta . Quia superficies continet lineas , & corpus utramque , cum sit longum , latum , & profundum ; ergo materialiter non distinguuntur .

Obijcies primo , contra primam conclusionem . Differentia entis positivi non debet esse negatiua ; sed differentia lineæ , & superficies sunt negatiuæ ; ergo linea , & superficies nequeunt esse entia positiva . Maior patet . Quia non ens , non est causa entis ; sed differentia est constitutiua speciei ; ergo non debet esse negatiua , & non ens . Minor probatur . Quia linea solum distinguitur à superficie per hoc , quod careat latitudine , & superficies à corpore , quia caret profunditate ; sed carentia latitudinis , & profunditatis sunt meræ negationes , & priuationes ; ergo differentia lineæ , & superficies sunt negatiuæ .

Respondetur , negando minorem . Ad probationem similiter nego illam . Imò linea distinguitur à superficie , quia formaliter obtinet propriam longitudinem , quæ ut sit , non conuenit superficiæ , & ipsa distinguitur à corpore , quia habet formaliter latitudinem , quam ut sit , nō habet corpus . Et licet longitudinem in linea sequatur negatio latitudinis , & profunditatis , & latitudinem in superficie , negatio profunditatis , non tamen ob hoc dicendum est lineam , & superficiem consistere in sola negatione , sed in hac concomitanter , & in entitate positiva formaliter ; alioqui nulla daretur entitas positiva , cum omnem talem sequatur negatio aliarum entitatum .

Obijcies secundo , contra secundam conclusionem . Si linea , superficies , & corpus distinguerentur ab inuicem , maximè esset per longitudinem , & latitudinem ; sed neutrum est dicendum ; ergo . Minor probatur . Quia superficies includit longitudinem , & latitudinem , corpus verò utramque , & insuper profunditatem ; ergo per dimensiones non distinguuntur .

Respondetur , concedendo sequelam Maioris formaliter , negando illam materialiter . Modò linea includitur in superficie , & ambæ in corpore tantum materialiter , & sic concedit , quod non distinguuntur specie ; at formaliter cum linea includat solum longitudinem , superficies solum

latitudinem , & corpus tantum profunditatem , quæ ab inuicem distinguuntur , cum sint diuersæ extensiones , & dimensiones , sequitur lineam , & superficiem inter se , & à corpore distingui specie .

Multa alia hic essent inuestiganda pro complemento tractatus de quantitate continua ; & primò . An indiuisibilia quantitatis sint de essentia partium quantitatis , quas copulant , & terminant . Secundo . An tempus sit species quantitatis continuæ . Tertio . An motus sit species quantitatis continuæ . Quarto . An locus sit species eiusdem quantitatis : quæ cum supponant doctrinam physicalem , partim in tertio , partim in quinto , & sexto physicorum discutienda erunt , & nunc ad quantitatem discretam transeundum est .

Verum quantitas discreta , sit species quantitatis , quæ est genus generalissimum . Et

An numerus , & oratio sint species quantitatis discretæ , à se inuicem essentialiter distinctæ ?

QVÆSTIO IV.

Circa hanc questionem , sic vniuersaliter propositam , duplex extat opinio , quarum prima negat , quam vocamus quantitatem discretam , esse veram speciem quantitatis in communi , cum in re ipsa nihil reale addat supra quantitatem continuam , sed solum negationem continuationis . Ita expressè affirmant Suarez in metaphysica , disp. 41. sect. 1. Conimbricenses de quant. quæst. 2. art. 1. vbi citant pro se , præter Nominales , ex nostris Ioannem de Bassolis in primo , d. 24. q. 1. art. primo , & secundo Paulum Scriptorem , & Petrum Aureolum ibid. Quibus nouissimè accesserunt Maltrius in logica , disput. 7. q. 3. art. 1. n. 46. & Pontius , disp. 14. q. 4. & alij non pauci ab eisdem relati ex Recentioribus Iesuitis .

Secunda opinio affirmat , quantitatem discretam esse veram quantitatis supremæ speciem , & insuper veras species habere , quæ sunt numerus , & oratio . Ita D. Th. 1. p. q. 11. art. 1. & 2. ac q. 30. art. 3. Scotus in primo

Cc

Re-

Reput. d. 24. q. 2. & 5. Meth. q. 9. Henr. 1. par. Sum. q. 2. ar. 19. vbi citat Auicenam, lib. 3. sue Methaphysicæ, cap. 4. In super, omnes Scotistæ, & Thomistæ, præter recensitos in priori sententia, partim in logica, cap. de quant. & alij in 5. Meth. & alij 10. Meth. At quia quæstio multa supponit, & multa etiam querit, nō consulo procedamus modo, eam in quidam sequentes quæstiones faciebimus.

*An vnitas quantitativa addat supra rem
materiale aliquod positiuum?*

SECTIO I.

Supponendo, numerum esse multitudinem aggregatam ex vnitatibus causatis ex diuisione continui, vt docet Aristoteles, tertio physicorum, r. 68. & Boetius de Vnitate, queritur modo, quid superaddat illę vnitates rebus materialibus, à quibus singula denominatur vna. An positiuum, vel potius duplicem negationem diuisionis à se, & identitatis cum alio. An solam priuationem multitudinis sibi oppositæ? Extendens, lo tamen quæstum etiam ad vnitatem transcendentalem, quæ aliquibus videtur eadem vnitati quantitativæ, sunt duæ extremæ sententiæ, quarum prima est D. Tho. 4. Meth. lect. secunda: & 1. p. quæst. 11. vbi etiam Caietanus, Capreoli, in primo, d. 24. quæst. 1. art. 1. Durandi ibidem, quæst. 1. & 2. Arimin. quæst. 1. art. 1. Gabrielis, quæst. 1. art. 3. Dub. 3. Soncin. 4. Methaphys. quæst. 4. Iauelli, q. 5. Ianduni, q. 4. Fonseca, cap. 2. q. 5. vbi citant pro se Auerroem ibidem, comm. 3. & 10. Meth. comm. 10. quibus addi possunt ex nostris Mayronius, in primo, d. 24. q. 2. Bassolius ibidem, q. vn. art. 1. ex Iesuitis Suarez in Methaphys. disp. 4. sect. 1. & 9. Toletus, tertio phys. cap. 8. q. 5. concl. secunda, & alij non pauci, rum Philosophi, tum Theologi. Qui omnes negant, vnitatem transcendentalem superaddere enti aliquod positiuum, aut vnitatem quantitativam quantitati materiali, sed vel puram negationem diuisionis, seu multitudinis, vt aiunt Thomistæ, aut priuationem multitudinis, vt dicunt Iesuitæ cum Mayronio, Bassolio, & Nominalibus.

Secunda sententia est Scoti, in 4. Meth. q. 2. 5. Notandum quod hæc quæstio. Et in Expo.

fit. 4. Meth. t. c. 2. Antonij Andreæ ibidem, q. 3. Canonici, 4. Physic. q. 7. art. 2. Io. de Colonia, q. 400. Parisiensium, cap. de quant. q. 4. 5. tertia propositio. Vnitas est vnum ens positium præter animam &c. Bargij, in primo, d. 24. q. vn. Tatar. in 3. sent. q. vn. dist. 22. & hic, q. vn. dub. 1. & 4. meth. q. vn. Not. 2. ac aliorum asserentium, vtrunque vnitatem transcendentalem, & quantitativam superaddere, & enti, & quantitati materiali aliquod positiuum, cui, & nos subscribimus.

Pro cuius declaratione, primo notandum est, vnitatem esse principium numeri, cum numerus sit multitudo ex vnitatibus aggregata. At quia numerus est duplex, scilicet transcendentalis, & prædicamentalis, etiam duplex est vnitas, scilicet transcendentalis, & prædicamentalis. Vnitas transcendentalis est illa, secundum quam vnumquodque ens dicitur vnum, & nō multa: & talis est passio entis in communi; quod cum reperiatur in omnibus entibus, vt supremum in suis inferioribus, etiam vnitas in illis habet reperi: & est principium numeri transcendentalis; siquidem prædicamenta hoc modo dicuntur decem, cum in quolibet reperiatur vna vnitas transcendentalis, quæ postea in vnum collectæ, & aggregatæ consiliuntur numerum denarium. Vnitas verò prædicamentalis, est quoddam accidens indiuisibile formaliter, reperiunt in vnaquaque parte continui diuisi, secundum quam singula denominatur vna in se, & ab altera discreta: & talis est principium numeri prædicamentalis; quandoquidem imaginari debemus quoddam continuum diuisum, v. g. in quatuor partes materiales, vnde in vnaquaque illarum partium reperiuntur duæ vnitates, quarum prior, prout est quoddam ens reale, participium entis in communi, & iuarum passionum, dicitur transcendentalis; posterior verò, quatenus est quoddam ens incompletum, ordinatum ad constitutionem aliquius totius, dicitur prædicamentalis, & est principium numeri prædicamentalis, sicut prior numeri transcendentalis.

Secundo notandum, tales vnitates diuersimodè ordinari ad illa, quorum vnitates dicuntur; nam vnitas transcendentalis, cum sit passio entis, est identificata realiter cum ente, & cum quolibet ente, & solum forma-

liter ab eis distincta: vnitas verò prædicamentalis, cum sit quoddam accidens, solum reductiue reponibile in prædicamento quantitatis, pro quanto videlicet est constitutus numeri, qui est per se in eodem prædicamento, habet distingui realiter à rebus materialibus, quæ sunt de prædicamento substantiæ; siquidem hæc duo prædicamenta realiter distinguuntur ab inuicem secundum totas suas coordinationes. Ex quo sequitur, quod vnitas transcendentalis, est quædam formalitas positua inseparabilis ab ente; vnitas verò prædicamentalis, est quædam res positua separabilis à re materiali, in qua subiectiue existit, & utramque concomitatur negatio diuisionis, & distinctionis; ex quo enim, quod hæc tabula est vna prioritate vnitate, est ens indiuisum in se, & à quolibet distinctum; & ex hoc, quod est vna posteriori vnitate, dicitur esse indiuisa in se, & segregata ab alia parte tabule, cum qua erat continua per copulationem ad vnum, & eundem terminum communem.

Tertio notandum, ex Aristotele, 10. Meth. t. c. 9. & Scoti ibidem, quod vnum, & multa, licet se habeant ad ens, vt diuisibile, & indiuisibile, non tamen opponuntur contradictoriè, tamquam posituum, & negatiuum; nec priuatiue, vt habitus, & priuatio; aut relatiue, vt relatiuum, & correlatiuum, sed tantum contrariè, & disparatè; quandoquidem vnum contrariatur multitudini, & è conuersò, at cum opposita contrariè, sint ambo positua, & non vnum posituum, & alterum negatiuum, vt accidit in contradictorijs; vel vnum priuatiuum, & alterum posituum, vt occurrit in oppositis priuatiue, sequitur tam vnum, quàm multa, esse positua formaliter; vnde si vnum dicitur aliquam, vel aliquas negationes, aut priuationes, vt videtur insinuare Philosophus, quarto Methaphys. t. 4. non est hoc intelligendum de formali eius significato, sed tantum de connotato, & concomitanter, vt optime aduertit Doctor Subtilis in expositione illius textus: idem patet dicendum est de vno quantitatiue; siquidem de formali dicitur entitatem posituam, de connotatio verò, negationem diuisionis in se, & identitatis cum alio.

Ex his, sit prima Conclusio. Vnitas tran-

scendentalis superaddit enti formalitatem posituam, & vnitas quantitatiua rebus materialibus rem posituam. Est conclusio Doctoris, quarto methaphys. t. c. 3. & ibidem, q. 2. ad medium. Quæ etiam colligitur ex Aristotele ibidem, & lib. 10. Methaphys. c. 9. Probatur prima pars. Quia vnum dicit perfectionem simpliciter, sed nulla negatio, aut priuatio dicit perfectionem simpliciter, quia perfectio est passio entis, negatio verò, aut priuatio sunt non entia; ergo vnum dicit quid posituum. Maior probatur. Quia illud dicit perfectionem simpliciter, quod in vnoquoque melius est ipsum, quam non ipsum. Id est eius oppositum, ex D. Anselmo in suo Monologio, cap. 3. vel 15. sed in quocumque reperitur vnum, melius est ipsum, quam non ipsum, id est multa, ergo. Minor patet. Quia ideo Deus est vnus, & non multi, quia vnum dicit perfectionem sine imperfectione; multa verò perfectionem cum imperfectione. Confirmatur ex Philosopho, lib. 10. Meth. t. c. 9. vnum, & multa opponuntur solum contrariè, & non contradictoriè, aut priuatiue; ergo vnum dicit quid posituum. Consequentia patet. Quia hæc est differentia inter opposita contraria, ac contradictoria, vel priuatiua, quod horum alterum est necessariò negatiuum, vel priuatiuum, illa verò ambo positua, vt patet ex definitionibus, quas tradit Aristoteles in Postprædicamentis. Secunda pars probatur. Impossibile est, aliquod posituum intrinsecè componi ex priuationibus, & negationibus, sed numerus prædicamentalis componitur intrinsecè ex unitatibus quantitatiuis, vt patet ex eius definitione posita in principio de mente Aristotelis, & Boetij; ergo vnitas quantitatiua, nõ est pura priuatio, aut negatio, sed quoddam posituum. Confirmatur. Quia quodlibet aliquo modo reponibile in prædicamento est ens posituum, sed vnitas quantitatiua est reponibilis in prædicamento quantitatis, saltem reductiue, pro quanto est principium numeri, qui est per se in isto prædicamento; ergo vnitas quantitatiua est quid posituum. Secundo sic. Mèsuræ alicuius positiui debet esse aliquod posituum, ex Philo 10. Meth. t. c. 3. & 4. sed vnitas est mènura numeri prædicamentalis, ex eodem ibidè, t. c. 4. ergo vnitas est quid posituum. & non pura negatio, aut priuatio multitudinis sibi oppositæ.

Secunda Conclusio. Vnitas transcendentalis distinguitur tantum formaliter ab ente, & est eadem sibi realiter; vnitas verò prædicamentalis, seu quantitativa, distinguitur realiter à re materiali in qua subiectiue existit. Est Scoti, in quarto Methaph. q. 2. §. Sustineri ergo potest opinio illa de identitate reali &c. contra Auicennam, libr. 7. methaphysicæ sex, quoad primam partem. Probatur prima pars. Quia passio est eadem realiter suo subiecto, & ab eo distincta formaliter; sed vnitas transcendentalis est passio entis, ex Philosopho, quarto methaphysicæ. c. 3. ergo est eadem sibi realiter, & distincta formaliter. Maior patet. Quia subiectum, & passio dicunt eandem rem, ex eodem Philosopho loco citato, sed nõ formaliter, cum non sit de eius essentia, ergo realiter, & distinctam formaliter. Confirmatur. Quia vnum, & ens non separatur, neque quoad generationem, neque quoad corruptionem, ex Aristotele ibidem t. c. 3. & 4. ergo, sunt idem realiter. Secunda pars probatur. Subiectum, & accidens commune distinguuntur realiter, cum possint ab inuicem separari; sed vnitas quantitativa est accidens rei materialis; ergo distinguuntur realiter. Confirmatur. Quia coordinationes substantiæ, & quantitatis secundum se totas realiter distinguuntur, vt superius probatum est, disp. 1. q. 1. sed res materialis est de coordinatione substantiæ, & vnitas quantitativa de coordinatione quantitatis; ergo distinguuntur realiter ab inuicem.

Obijcies primo, contra primam conclusionem. Si vnum addit enti aliquod positium formaliter distinctum, quæro vel est vnum, vel non: non est dicendum quod nõ sit vnum, alioquin non distingueretur ab ente formaliter; ergo erit vnum; tunc inquiri: vel illud vnum addit aliquod positium supra se, vel solam negationem nisi dicas solam negationem, haberetur intentum, quod, & vnitas addit enti solam negationem. Si vero dicas positium, iterum inquiri de illi: sicut prius, & sic datur processus in infinitum, qui cum non sit admitendus, dicendum est, vnitate non addere supra ens aliquod positium.

Respondetur, aliquid esse vnum stat dupliciter, scilicet vt quo, & vt quod. Illud est vnum vt quo, quod est ratio essendi vnum alicui. Et sic vnitas, siue transcendentalis, si-

ue prædicamentalis dicitur vna. Id verò est vnũ, vt quod, quod est subiectũ talis vnitatis, vt ens respectu vnitatis transcendentalis, & res materialis respectu quantitativæ; modo vnum, vt quod, debet esse vnum vnitate aliqua à se distincta; at vnum vt quo, si aliquo modo potest vocari vnum, non debet esse tale, vnitate à se distincta, sed seipso. Vnde ad formam argumenti dico, quod vnum additum enti, & quod distinguitur formaliter ab eo, est vnum vt quo, & non vt quod, idẽ non debet dici vnum alia vnitate ab eo distincta, sed propria vnitate, quæ est eius forma.

Obijcies secunde. Vnitas, & multitudo opponuntur priuatiue, ex Aristotele, quarto, Meth. t. c. 4. sed multitudo non dicit priuationem, ergo vnitas.

Respondetur ex Philosopho, 10. Meth. t. c. 9. vbi melius explicat hanc eandem propositionem, vnum, & multa opponuntur: quod vnum dupliciter consideratur, scilicet formaliter, & concomitanter. Primo modo dicit aliquid positium; siquidem vnum, & multa opponuntur contrariè. Secundo modo importat priuationem, non multitudinis, quia cum multitudo fiat ex vnitatibus esse posterior, & sic priuatio esset prior suo habito, quod est maximum inconueniens: sed dicit priuationem in seipso; siquidem in quantum vnum, indiuisum est. Modo propositio Aristotelis est vera concomitanter, non formaliter, alioquin contradiceret sibi ipsi in 10. Methaph. t. c. 9. vbi dicit, vnum, & multa opponi solum contrariè, & non contradictoriè, neque priuatiue, vel relatiue.

Obijcitur tertio, contra secundam conclusionem. Si ens secundum suam rationem formalem distingueretur ab vno, sequeretur vnum dicere aliquid positium; sed hoc non est admitendum; ergo non distinguitur formaliter ab eo. Minor probatur. Quia quæro de illo vno, vel dicit aliquod positium distinctum formaliter ab ente, vel non? si non; igitur nec primum, cum nõ sit maior ratio de vno, quam de alio; si sic, iterum quæro si est prius, & sic datur processus in infinitum in vnitatibus, quod est contra Aristotelem, primo Posteriorum.

Respondetur, ens esse vnũ, prout distinguitur formaliter ab vnitate transcendentali qua superadit, posse dupliciter intelligi: nõ

modo radicaliter, ita quod ens sit tale, ut possit esse subiectum talis unitatis, & sic est vnum præcisa illa unitate positiua formalis; alio modo formaliter, & sic præcisa illa unitate ens, nec est vnum, nec non vnum, sed indifferens ad vtrumque. Modo formaliter ad argumentum nego sequelam maioris, ad probationem dico ens præcisa illa unitate formalis positiua esse vnum radicaliter positiue, non tamen formaliter. Vnitas tamen radicalis cum nullo modo distinguatur ab ente, sed sit ipsum quidditatiue, excludit omnem difficultatem contentam in probatione minoris de unitate formalis positiua.

Obijcies quarto, contra unitatem quantitatiuam, quia ex Philosopho locis citatis vnitas sonat indiuisiorem, sed indiuisio est pura negatio, ergo vnitas dicit negationem.

Respondetur, maiorem esse veram de unitate concomitantem, non tamen formaliter accepta, quia sic dicit entitatem positiuam, quæ est accidens indiuisibile de genere quantitatis.

Contra, quia tale accidens indiuisibile, cum sit in aliquo subiecto diuisibili, quæro, vel est totum in toto, vel pars in parte; secundum nequit dici, alioqui non esset indiuisibile, nec primum quia tunc esset spirituale quoddam, sicut anima, quæ est tota in toto corpore, & tota in qualibet parte corporis, quod non est dicendum, ergo potius concludendum, non dari talem unitatem quantitatiuam, positiuam realiter distinctam à re materiali.

Respondetur, talem unitatem esse accidens indiuisibile formaliter; quando queritur, si est totum in toto, aut pars in parte, dico esse totum in toto subiecto quoad denominationem, cum totum denominet vnum, non tamen quo ad substantiam, quia cum sit indiuisibile, etiam indiuisibiliter subsistit in illo, inadæquatè tamen, & non adæquatè.

Vel dicendum secundo tale accidens, cum sit indiuisibile formaliter, & non materialiter, esse totum in toto subiecto formaliter consideratum, & parte in parte si materialiter accipitur; & cum dicitur ipsum subiectum in subiecto diuisibili, dico esse verum materialiter, non formaliter, quia sic cum sic indiuisibile denominat etiam subiectum for-

maliter indiuisibile. Exemplum sit de linea in superficie, & de superficie in corpore, quæ sunt diuisibiles, & indiuisibiles, & ex ea parte, quæ sunt diuisibiles denominant diuisibiliter, secundum verò, quod indiuisibiliter considerantur, reddunt pariter subiectum indiuisibile.

An numerus Prædicamentalis sit vera species quantitatis Discreta?

SECTIO II.

Ratiò dubitandi sumitur ex eo, quod alii qui putent numerum, nil aliud esse, quam multitudinem continuorum, & consequenter non esse vnum per se, sed tantum vnum per accidens: modo per se clarum est ac manifestum, nullum ens per accidens posse esse speciem alicuius generis. Huius opinionis sunt ferè omnes Nominales; & omnes Auctores citati pro prima opinione in principio quæstionis, quibus adiungitur Fonseca lib. 5. Meth. cap. 13 q. 4. sect. 4.

Oppositum nihilominus sententiæ defendunt Scholæ D. Thomæ, & Scoti (paucos si deinas) ut insinuauimus supra in principio quæstionis, quam vii veriorum, & Aristoteli magis consentaneam sequitur etiam Antonius Ruuius cap. de Quant. quæst. 6. & nos cum Scoto supracitato, & in 3. d. 22. q. vn. L. ubi dicit numerum quinarium non esse quinque unitates aggregatas, sicut acervus lapidum, sed esse unitatem per se resultantem ex illis quinque unitatibus accidentalibus, quam unitatem in quinto Methaphys. quæst. 9. 5. Concedo hæc argumenta, vocat formam totius numeri.

Ceterum in assignando rationem, & formalitatem huius unitatis non conueniunt Auctores pro hac secunda sententiâ recensiti, nam aliqui dicunt numerum habere suam unitatem, quæ sit per se vnum, partim ab unitatibus realibus, & partim ab intellectu; ab illis materialis, à quibus dicitur esse habere esse reale, ab hoc verò formaliter, & completiue, pro quanto numerat illas unitates secundum ordinem prioris, & posterioris; ex hoc enim quod numerat tertiam unitatem post duas, & quartam post tres, & quintam post quatuor, idè tribuit illis unitatem numeri ternarii, quaternarii, & quinary. Ita Sotus, hic quæst. 2. conclusione

secunda, & antea videtur illam insinuas-
se Magister sent. in primo d. 24. quamquam
aliter ab alijs explicetur.

Alij verò aiunt numerum habere vni-
tatem specificam ab vltima vnitatem formaliter,
à cæteris verò materialiter: vt exempli
gratia ternarius, accipit esse formaliter a
tertia vnitatem, à reliquis duabus autem ma-
terialiter tantum, eo quia determinatur
ad constituendum numerum ternarium a
tertia, sicut prima vnitatem a secunda ad dan-
dam vnitatem specificam numero binario;
Vnde inferunt quod vnitatem vltimam, cæte-
ras priores determinans est forma partis
numeræ, vnitatem verò ex illis resultans dicitur
forma totius eiusdem numeri. Ita Al-
bertus Magnus in cap. de quant. tract. 8. D.
Thom. lib. 8. Methaph. lect. 3. Capreolus in
primo d. 21. q. 1. conclusionem 7. Iacellus ibi-
dem q. 10. & alij apud Scotum in Report. in
primo d. 22. q. 3.

Alij autem censent, quod sicut quantitas
continua, vt puta, linea habet suam vni-
tatem à continuitate partium in tota linea,
ita quantitas discreta, vt puta numerus de-
bet habere suam vnitatem à discrectione
partium, seu vnitatum in toto numero; pa-
ter enim quod secundum aliam, & aliam
continuitatem, scilicet per puncta, per li-
neas, & superficies, linea, superficies, & cor-
pus habent aliam, & aliam vnitatem speci-
ficam, ita secundum aliam, & aliam discre-
tionem, id est secundum additionem, vel re-
motionem vnitatum ab vnitatem, ternarius
habet aliam vnitatem à quaternario, & iste
à quinario. Ita videtur docuisse Aristoteles
in hoc cap. de Quantitate in principio, &
post ipsam alij apud Scotum loco proxime
citato.

Alij tandem tria dicunt. Primum, si con-
sideretur numerus quo ad esse reale, hoc
obtinet ab vnitatibus realibus, ex quibus
constat. Secundum: Si verò spectetur quo ad
esse per se vnum, hoc habet ab intellectu
a cæcialiter numerante illas vnitates secun-
dum prius, & posterius, & aptitudinaliter a
numerabilitate fundata in illis vnitatibus,
secundum quam habent, vt sint numerabi-
les ab intellectu ordinatæ; nec ex hoc sequi-
tur non esse numerum aliquid reale, cum
in actu pendeat ab intellectu, quia sufficit,
vt habeat illam numerabilitatem realem
ante operationem, & secundum ipsam sit

per se vnum. Tertium: Dicunt numerum
posse dupliciter considerari, vno modo vt
totum integrale, & sic habet vnitatem to-
tius ab vltima vnitatem, vt ab ea, quæ deter-
minat alias sicut forma suam materiam, &
in hoc conueniunt cum secunda opinione.
Alio modo vt est species quantitatis discre-
tæ, & sic esse per se vnum a quantitate dis-
creta repta in illis vnitatibus, vt à suo ge-
nere, & ab extensione tanta, vel tanta pari-
ter in eisdem vnitatibus repta, vt à sua
differentia. Ita explicat suam sententiam de
vinitatem numeri prædicamentali Ruuius c.
de quant. q. 6. & 7. At, quamuis hæc tria sint
communiter dicta, secundum displicet,
cum perfectiorem actualem numeri assi-
gnet per ordinem ad intellectum, quia sic a
numero auferri esse reale; nec sufficit illa
aptitudo ad numerari, in vnitatibus exis-
tens, quia illa non tollit dependentiam
vinitatis numeri ab intellectu, sed tantum
operatur, ne vnitatem actualis sibi ab intel-
lectu attributa, sit fictitia, aut voluntaria, cum
sit eius fundamentum reale.

Quid autem sentiat Doctor Subtilis in
hac materia non est adeo clarum; quidem in
primo d. 24. q. vn. dubitat de forma, seu
vinitate formali numeri prædicamentali, &
in lib. 4. Methaph. q. 2. in fine videtur incli-
nare ad partem negantem, nimirum quod
forma numeri, sicut eius vnitatem, non sit rea-
lis, sed pendeat ab anima. In quinto tamen
Methaphysicæ q. 9. §. Contra illud si nume-
rus &c. & §. Concedo hæc argumenta op-
positum suffinet dicendo quemlibet nume-
rum habere formam specificam propriam, per
quam specificè distinguatur ab alio nume-
ro, quæ tamen est nobis innominata, & hæc
dicit resultare ex vnitatibus accidentalibus,
quæ dicuntur vnitates materiales in
ordine ad illam formam, quam consequi-
tur vnitatem formalem, tamquam propria pas-
sio suum subiectum, & hæc non ponitur in
numero cum alijs vnitatibus, cum sint alie-
tius rationis, & hæc est vera opinio Do-
ctoris Subtilis, quam iterum repetit, &
confirmat in tertio sent. d. 22. q. vn. Sub lit.
L. dum dicit a quinque vnitatibus resulta-
re vnitatem formalem, quæ numerus qui-
narius dicitur vnum, quare pro eius maiori
intelligentia, ac fundamento.

Primo notandum est, numerum ab illis,
qui dicunt esse speciem quantitatis discre-

re communiter diuidi in numerum numerantem, numerum numerarum, & in numerum, quo numeramus. Numerus numerans nil aliud est, quam anima seu intellectus, qui numerat, id est distinguit vnum rem ab alia, & de hoc intelligitur illud dictum Comment. Mens facit numerum in rebus, id est intellectus actu numerat res ipsas. Numerus numeratus sunt res numeratae, ut duo lapides, tres homines &c. Numerus verò quo numeramus est ille, quo numerantur res numeratae, ut binarius, ternarius, quaternarius &c. Hic autem est duplex, scilicet transcendentalis, & praedicamentalis, seu quantitatiuus. Numerus transcendentalis est, qui componitur ex vnitatibus transcendentalibus, & quo numerantur omnia entia, siue limitata, siue illimitata, non tamen infinita, quia in diuinis non datur propriè numerus, ut docent Theologi in primo sent. d. 24. & sic duo Angeli dicuntur facere numerum binarium, tres homines ternarium, decem praedicamenta denarium &c. Numerus praedicamentalis est qui componitur ex vnitatibus accidentalibus fundatis in rebus ab inuicem separatis ex diuisione continui, & sic facta diuisione exempli gratia huius tabulae in quatuor, vel quinque partes, tales constituerent numerum praedicamentalem, non sic materialiter acceptae, sed quatenus fundant vnitates accidentiales, ex quarum aggregatione resultat numerus quaternarius, vel quinquarius. Numerus prior potest reperiri in omnibus entibus, siue rebus, siue rationis; posterior verò tantum in continuis, quatenus diuiduntur in partes, & hic vocatur à Scoto numerus mathematicus, quia de eo considerat Arithmeticus, & distinguitur realiter, & formaliter à rebus numeratis, ille verò dicitur essentialis, cum non distinguatur realiter à rebus numeratis per ipsum.

Secundo notandum est, quod ad cognoscendum, quomodo numerus praedicamentalis componatur ex vnitatibus quantitatiuis, debemus scire duplicem esse vnitatem, alteram antecedentem, & alteram consequentem numerum. Vnitas antecedens adhuc est duplex altera, quae antecedit immediatè ipsum numerum, & vocatur vnitas continui, seu continuïtas, quae diuiditur in plures partes, discretas ab inuicem nume-

raliter; Altera verò, quae antecedit immediatè numerum, & huiusmodi sunt omnes illae vnitates quantitatiuae, quibus partes continui diuise denominantur vnae, seu in se indiuidue formaliter, & ex ambabus componitur numerus, sed diuersimodè, nam ex veritate continui componitur tantum per accidens, pro quanto videlicet ad sui corruptionem generantur vnitates discretæ ex quibus per se, & immediatè coalescit numerus praedicamentalis. Vnitas verò consequens numerum positum in esse est vnitas formalis, quae sequitur formam specificam cuiuslibet numeri, nobis inuominatam, tamquam propria passio suum subiectum, & tantum formaliter distinguitur ab illa forma, sicut risibilitas ab humanitate. Ex quo inferitur, quod sicut vnitates ex quibus componitur numerus sunt entitates positivae, & reales, etiam numerus erit entitas positiua, & realis independenter ab anima, seu numero numerante.

Tertio notandum est. Numerum praedicamentalem, compositum ex vnitatibus quantitatiuis, posse dupliciter accipi, vno modo, ut est totum integrale, alio modo, ut est totum essentialiale, seu vi est species quantitatis discretæ. Primo modo numerus, verbi gratia ternarius resultat ex tribus vnitatibus, sine aliquo ordine actus, & potentiae, hoc est dictum, absque hoc, quod duae priores vnitates se habeant ut potentia, & tertia ut actus, seu forma informans, talis namque ordo non requiritur in compositione totius integralis, sed tantum in compositione totius essentialis, ad hoc enim vt corpus humanum sit totum integrale sufficit, vt partes ordinentur secundum prius, & posterius ita pariter dicendum est in numero ternario, sufficit enim vt illae tres vnitates ordinentur ad inuicem secundum prius, & posterius, quia ex illis statim resultat numerus ternarius. At secundo modo cum sit species quantitatis discretæ quae constat ex genere, & differentia debet fieri vnum per se constitutum ex genere, scilicet ex quantitate discreta, & propria differentia nobis ignota, quae tamen suppletur per extensionem secundum multitudinem tantam, vel tantam tantum, ut exempli gratia in ternario erit extensio ad tres vnitates secundum, in quaternario ad quatuor tantum, & ita di-

fcurriendo per omnes numeros, & sic numerus constitutus erit totum essentialiter metaphysicum. & non physicum, quia accidentia, cum careant materia, & forma physica, non possunt dici composita essentialia physice loquendo, sed tantum integralia, cum coalescant ex illis unitatibus accidentalibus repositis in partibus materialibus, causatis ex diuisione continui, & ex illis formaliter resultent, ut dictum est, formæ totius integralis, quas postea consequentur unitates, tamquam propriæ passionibus, sua substantia.

Quarto notandum, est in qualibet specie numerorum dari formam totius, & partis, exemplum sit de specie humana, in qua forma partis metaphysica est rationalitas, & forma totius, quæ est terra entitas resultans ab animali, & rationali, scilicet humanitas. Formam partis cuiuslibet numeri dicimus esse extensionem secundum multitudinem tantam vel tantam, ut in ternario secundum tres caritates, in quaternario secundum quatuor unitates tantum. Forma verò totius est natura, seu quidditas cuiuslibet numeri specifica, nobis tamen innominata, ut natura ternarij, vel quaternarij, resultans ex quantitate discreta, & extensione ad tres, vel quatuor unitates; & licet aliquis eandem appellet nomine discretionis, alij verò nomine aggregationis, alij multitudinis, & alij assumptionis, non nisi per circumlocutionem eam denominant, & hanc consequitur unitas specifica, seu formalis, tamquam propria passio eius, & secundum quam numerus habet propriam unitatem per se, ut distinguitur ab unitate per accidens, seu per aggregationem. Hæc autem forma totius si resultet ab illis unitatibus, tamquam ex partibus materialibus, distinguitur realiter ab illis (siquidem totum integrale distinguitur realiter à suis partibus, ut probabimus in primo physico) si verò resultet ex quantitate discreta, & extensione tantam, vel tantam, tantum ex natura rei distinguitur ab illis partibus metaphysicis, ut ibidem demonstrabitur. Ex his sequitur primo, quod numerus consideratus ut totum integrale, & secundum esse physicum sic diffinitur: numerus est forma simplex accidentalis resultans ex

unitatibus quantitatis, causatis ex diuisione continui ab eisdemque realiter distincta. Sequitur secundo quæ si diffinitur metaphysice, seu ut totum essentialiter habet diffiniri per genus; & differentiam sic: Numerus est quantitas discreta extensa secundum tantam, vel tantam multitudinem unitatum accidentalium; ex his interitur, quod cum numerus utroque modo diffiniatur, & diffinitio sit tantum entis per se vnus, numerus pariter erit per se vnus, tam physice, quam metaphysice consideratus.

Ex his sit prima Conclusio. Numerus prædicamentalis dicit aliquam entitatem positivam, realem independentem ab opere intellectus. Est Scoti locis citatis contra primam opinionem. Probatur primo quia numerus prædicamentalis componitur ex unitatibus quantitatis ex Aristotele 3. Metaphys. t. c. 16. & 10. Metaphys. t. c. 2. & inde; à Boetio in sua Arithmetica cap. 3. Sed huiusmodi unitates sunt entitates reales positivæ, independentes ab opere intellectus; ergo numerus prædicamentalis dicit entitatem positivam, & realem independentem ab opere intellectus. Minor est clara ex dictis in præcedenti sectione conclusione prima. Secundo probatur species prædicamenti realis habet esse reale independentem ab opere intellectus, sed numerus est species quantitatis discretæ, quæ est de prædicamento reali ex Aristotele in cap. de Quantitate; ergo &c. Tertio sic; subiectum scientiæ realis, debet esse reale ex Philosopho Tertio de anima t. c. 38. dicens, secari scientias, quem admodum & res subiectas, & 10. Metaphys. t. c. 5. & quinto Metaphys. t. c. 20. subiectum scientiæ, habet rationem mensuræ, & scientia mensurabilis, at ex eodem ibidem mensura, & mensuratum debent esse vniuersæ, igitur si scientia est realis, & subiectum debet esse reale, sed numerus est subiectum Arithmeticæ, quæ est scientia realis ex Aristotele sexto Metaphys. t. c. 2. ergo numerus habet esse reale independentem ab opere intellectus. Si dicatur ad hoc, ut aliquid sit subiectum scientiæ realis, non requiri ut sic independentens omnino ab intellectu effectiue; & obiectiue, sed sufficere, ut non dependat.

deat effectiue collatiue, vt sunt secundæ intentiones, modo numerus dependet ab anima obiectiue tantum, & non effectiue collatiue. Contra quia nulla potentia facit suum obiectum motium, sed ipsum præsupponit in esse, sed numerus est obiectum motium intellectus, ergo independenter ab opere intellectus etiam obiectiue habet esse reale. Maior patet ex differentia inter obiectum terminatiuum, & obiectum motium; quod terminatiuum potest fieri à potentia, vt sunt entia rationis, quæ intelliguntur terminatiue, obiectum verò motium habet præsupponi in esse, si habeat concurrere tamquam concausa ad producendam notitiam. Minor probatur, quia numerus est obiectum sensus ex Philosopho secundo de anima t. c. 63. ergo & intellectus motium, consequentia patet ex eodem de sensu, & sensibili vbi dicit nihil esse in intellectu, quin fuerit prius in sensu ergo si numerus est obiectum motium sensus, sequitur esse obiectum motium etiam intellectus.

Secunda Conclusio. Numerus prædicamentalis tantum reperitur in vnitatibus causatis ex diuisione continui. Est Aristotelis 3. physicorum t. c. 68. quæ sequuntur D. Th. q. 9. de Potentia, & in primo d. 24. q. 1. art. 3. Capreolus ibidem, & alij citati in principio pro secunda sententia, contra Ricar. de Media Villa in primo d. 10. q. 1. ad quartum, & d. 24. art. 1. q. 1. & art. 2. q. 1. & Nominales citatos ibidem. Ex quo sequitur, quod numerus, qui reperitur in Angelis, hominibus, & cæteris rebus completum esse habentibus, exceptis continuis diuisis, est transcendentalis, & non prædicamentalis. Probatur primo auctoritate Aristotelis tertio physic. t. c. 68. dicentis numerum fieri ex diuisione continui, sed ibi non loquitur de numero transcendentali vt patet ergo. Præterea secundo de anima t. c. 63. dicit numerum esse sensibile quoddam per se, sed transcendentalis, cum reperiatur etiam in entibus spiritalibus non est sensibilis per se ergo loquitur de prædicamentali. Secundo ratione, numerus prædicamentalis componitur ex vnitatibus quantitatis, sed istæ tantum reperiuntur in rebus causatis ex diuisione continui ergo, &c. Maior est probata in sectione præcedenti. Minor patet quia hæc est differentia inter vnitatem transcenden-

talem, & prædicamentalem, scilicet quantitatiuam, quod illa consequitur omne ens siue limitatum, siue illimitatum, hæc verò tantum quantitatem, atqui in prædicamento quantitatis non sunt nisi cōtinuæ, & discreta, & talis vnitates cum cæteris componit quantitatem discretam, ergo debet subiciari in eo, in quo est continua, & sic numerus prædicamentalis necessario exigit ad sui esse vnitates materiales causatas ex diuisione quantitatis continue.

Tertia Conclusio. Numerus prædicamentalis non est vnum per accidens, sed præter illas vnitates materiales aggregatas importat etiam vnitatem formalem, consequentem quamcumque naturam specificam numeri, vt propria passio sequitur suum subiectum. Est conclusio Scoti in quinto Meth. q. 9. §. concedo hæc argumenta & 8. Meth. ad tex. 10. vbi declarat huiusmodi conclusionem, & in 3 sent. d. 22. q. vnic. sub L. contra Suar. Conimbricenses, & alios relictos in prima opinione. Probatur prima pars quia de ente per accidens non habetur scientia ex Aristotele 6. Meth. t. c. 4. sed de numero datur scientia Arithmetica, & de numero sonoro Musica, quæ sunt scientiæ mathematicales, quas Philosophus primo Post. & 11. meth. t. c. 6. dicit esse maximè scientias, & in primo gradu reponi certitudinis ergo numerus prædicamentalis est vnum per se, & non per accidens.

Respondent Aduersarij primo distinguendo de ente per accidens, quoddam enim est ens per accidens secundum entitatem, & est illud, quod componitur ex rebus diuersorum generum, vt albus musicus. Petrus fortis, & de tali potest haberi scientia, nec de eo ibi locutus est Aristoteles; aliud verò est ens per accidens, quod de raro accidit, vt inuentio thesauri respectu fodientis terram, aut fractio capitis in deambulante per viam, & de hoc nequit esse scientia, vt probat Aristoteles 4. Methaphys. t. c. 4. modo numerus est ens per accidens primo non secundo modo, & sic de eo potest dari scientia Arithmetica.

Contra, quia responsio est fictitia, seu voluntaria, & contra Aristotelem, quod euidenter conuincitur, quia ibi locutus est de ente per accidens secundum entitatem, vt patet ex eius exemplis, inquit enim, non enim faciens domum facit, quæcumque ac-

cidunt domum facere; infinita enim sunt: his, quidem enim voluptuosam, illis nociuam, alijs autem vtilem &c. Eodem autem modo nec Geometria speculatur sic accidentia figuris, nec si alterum est trigonum, & trigonum duos rectos habens & hoc rationabiliter accidit &c. sed accidentia causalia, nec sunt infinita, nec rationabiliter accidunt, imò præter intentionem occurrunt ergo non loquitur de ente per accidens causali, sed secundum entitatem, quod, & rationabiliter accidit, & in infinitum procedit. Secundo probò esse fictitiâ, & voluntariâ, quia ens per accidens secundum entitatem, nec diffinitur, nec habet determinatas passiones demonstrabiles de eo ergo de ipso nequit esse scientia. Antecedens patet, cum constet ex rebus diuersorum generum, & prædicamenta sint impermixta formaliter ex primo Post. t. c. 34. sequitur non habere aliquod genus, supra se per quod possit ens per accidens diffiniri. Confirmatur quia Aristoteles septimo meth. t. c. 16. & 19. vbi dicit de ente per accidens non posse dari scientiam exemplificat de homine albo, & cæteris, quæ ponuntur in diuersis prædicamentis, ergo responsio non solum est contra Aristotelem, sed etiam est fictitiâ, & merè voluntaria.

Responder secundo. Fonseca loco citato, numerum dupliciter considerari posse, & materialiter, & formaliter, primo modo solum dicit illas vnitates materiales, & sic est ens per accidens, & de illo non datur scientia Arithmetica. Secundo modo importat ordinem illarum vnitatum, secundum prius, & posterius ab intellectu constitutum, & sic est vnum per se, non reale, sed rationis, & hoc modo solum est obiectum Arithmeticæ, nec est inconueniens scientiam realem esse de obiecto rationis, vt patet de Politica, & Musica, quæ versantur circa entia rationis, & tamen sunt scientiæ reales.

Contra quia nec ista responsio. Satisfacit argumento, imò duo dicit, quorum primum est manifestè falsum, secundum verò contra doctrinam Aristotelis, Primum demonstrò sic, & primo de Musica, quæ versatur circa numerum sonorum, cuius passio, est harmonia, sed clarum est numerum sonorum, & harmoniam esse entia realia, ergo musica est de subiecto reali, & non ra-

tionis. Deinde Aristoteles 11. Methaphys. t. c. 3. docet Mathematicam scientiam esse partem Methaphysicæ sed musica est scientia Mathematica, vt nemo inficiatur, ergo est pars methaphysicæ, atqui Methaphysica versatur circa ens reale, ex eodem scilicet Methaphys. t. c. secundo ergo, & musica. Consequentia probatur, quia sicut se habet scientia ad scientiam, ita obiectum ad obiectum, sed musica est pars methaphysicæ ergo obiectum Musicæ, est pars obiectis methaphysicæ, atqui ens rationis non est pars entis realis, ergo obiectum musicæ non est ens rationis, sed reale. Secundo probatur de Politica, quia est scientia realis moralis, quæ versatur circa actiones viuû; & regimen Reipublice, sed certum est ista esse entia realia, & independentia ab opere intellectus, ergo politica versatur circa obiectum reale. Secundum demonstrò sic, quia Aristoteles, nedum primo Poster. sed etiam secundo de anima, 6. Methaphysicæ, t. 2. & 11. Methaphys. t. c. 6. diuidit scientias in reales, & rationales, & vtræque sumere dignitatem, & denominationem à subiecto, ergo scientia realis debet esse de subiecto reali, & rationalis de subiecto, quod sit ens rationis, ergo dicere Arithmeticam esse scientiam realem, & ponere eius obiectum, scilicet numerum, esse ens rationis, est immediatè contra doctrinam Aristotelis.

Secundo Probatur conclusio ex Scoto in secundo d. 3. q. 1. C. Vnius actionis sensus est vnum obiectum per se, sed numerus est obiectum vnius actionis sensus, cum sit vnum sensibile per se ex Aristotele secundo de anima cap. 6 t. c. 63 ergo est vnum per se, & non per accidens, sed non est per se, vt concipitur ab intellectu, cum sit obiectum potentie sensibilis, quæ præcedit operationem eiusdem, ergo est vnum per se in rebus ante operationem intellectus. Maior patet quia actus distinguitur per obiecta ex Aristotele secundo de anima t. c. 33. ergo vnius actionis sensus est vnum obiectum per se, & non per accidens, alioquin essent plura obiecta.

Quarta Conclusio. Numerus prædicamentalis hanc per se vnitatem, non habet ab intellectu per se ordinante illas vnitates materiales ad vnitatem formalem: nec ab vltima vniute materiali cæteras priores de-

determinante vti forma materiam: nec à discretione vnitarum, sed habet illam consecutiue ad formam specificam numeri, siue talis resulter ab vnitatibus materialibus, vt totum integrale a suis partibus, siue causetur a quantitate discreta, & tanta, vel tanta extensione, tamquam ex genere, & differentia. Conclusio est Doct. Subtilis quinto methaphys. q. 9. §. Contra istud Sec. & §. Concedo hæc argumenta, &c. & in tertio sent. d. 22. q. vñ. L. & colligitur ex Aristotele 5. methaphys. t. c. 19. vbi dicitur quod bistria non sunt sex, sed semel sex sunt sex. Probatur prima pars, quia numerus prædicamentalis est vnus per se reale independentem ab opere intellectus, ergo vnitas numeri prædicamentalis non habetur ab operatione intellectus, concipientis vnitates materiales per modum vnus. Consequentia patet, & antecedens est notum ex dictis in conclusione præcedenti, ac etiam secunda. Secunda Pars probatur primo, quia sequeretur numerum quinarium esse partem Senarij, sed hoc non est admittendum, quia sunt duæ species numerorum inter se distinctæ, ergo &c. Minor probatur quia per se forma quinarj consistit in illa vltima vnitate, scilicet in quinta sed vnitas quinta, est pars essentialis numeri Senarij, cum consistet ex quinque vnitatibus, & vna ergo quinarj esset de essentia Senarij. Secundo sic, quia huiusmodi vnitates habent rationem prioris, & posterioris ab intellectu ergo nominagis vna, quam alia est ratio formalis, sed hoc consequens est contra te, ergo & antecedens. Consequentia probatur quia pono, quod illa, quæ est numerata vltimo loco, numeretur primo loco, & tunc quæro vel ratio numeri est mutata, vel non: si dicas non esse mutata, ergo habeo intentum, quod illa vnitas vltima non sit ratio formalis vnitatis formaliter numeri si verò dixeris esse mutata: Contra quia Philosophus 5. methaphys. t. c. 31. diuidit totum integrale in tres partes ratione diuersæ positionis partium ex quibus componitur. Primum Totum, est cuius positiio partium non facit differentiam in subiecto, in essentia totius, vt numerus, & omnia humida, & de ratione istorum est, vt sint homogenea, hoc est, componantur ex partibus eiusdem rationis cum toto, & quod partes non habeant propriam figuram,

idest ordinentur ad inuicem secundum prius, & posterius, ergo secundum mentem Aristotelis, si prima vnitas fiat vltima, & vltima prima, non propterea variabitur essentia numeri, & consequenter vltima vnitas non tribuit numero rationem formalem secundum vnitatem specificam, vt dicebat opinio supra citata. Tertia pars probatur quia per discretionem, vel circumloquitur hæc opinio formam essentialem numeri specificam, vel per ipsam intendit separationem vnus vnitatis ab alia: si det primum est nobiscum, quia cum forma numeri specifica sit innominata, potest denominari per discretionem, sicut per continuitatem circumloquimur formam essentialem cuiuslibet continui. Sin autem dicat secundum contra arguo, quia cum discreto sit potius separatio vnitatis ab vnitate, quam vnio vnitatum in toto, non poterit esse forma numeri specifica, seu vnitas formalis numeri. Consequentia est nota. Antecedens probatur, quia sicut continuitas est ratio vnionis partium in toto, ita discretio separatur partes inter se, & à toto. Quarta Pars probatur quia vnitas est passio entis, quæ multiplicatur sicut ens, sed ens in numeris distinguitur specie, ergo quemlibet numerum consequitur vnitas formalis, seu specifica, tamquam passio suum subiectum Maior est Aristotelis 4. methaphys. t. c. 2. & 3. Minor patet ex illo communi axioma species sunt sicut numeri, & colligitur ex Aristotele 8. methaph. t. c. 10. ergo distinguuntur species. Confirmatur, numerus maior distinguitur à numero minori, sed non distinguitur per vnitates materiales, cum eadem sint in vtrisque, ergo per vnitatem suam formalem propriam, quæ non est in minori numero. Maior patet, quia manet destructo minori, ergo distinguitur ab illo.

Quinta Conclusio. Forma numeri, quam consequitur vnitas specifica, seu formalis, si consideretur, vt est totum integrale, distinguitur realiter ab vnitatibus materialibus, si verò vt totum essentialie methaphys. entis, seu vt species quantitatis discreta, distinguitur tantum formaliter ex natura rei à genere, & differentia. Est Scoti in tertio d. 22. lit. L. quoad primam partem, & est in quinto methaphys. q. 9. §. Contra adhuc stat argumentum Sec. Secunda pars est com-

nis, vt suo loco dicemus. Probatur prima pars quia vt sic potest separari à suis partibus materialibus simul sumptis ergo distinguitur realiter ab illis. Antecedens probatur quia quinarus componitur ex quinque vnitatibus, quibus mamentibus inuariatis, si addatur alia vnitas, iam non amplius quinarus, sed senarius erit ergo numerus, vt est totum integrale distinguitur realiter à suis partibus materialibus. Secunda pars probatur quia diffinitio, & diffinitum distinguuntur tantum ex natura rei formaliter, sed numerus, vt species est, diffinitum est, & genus, & differentia constituunt eius diffinitionem, ergo distinguuntur ab illis ex natura rei formaliter. Maior patet quia illa de quibus possunt verificari duo contradictoria ex natura rei, distinguuntur ex natura rei, sed de diffinitione, & diffinito possunt verificari duo contradictoria ex natura rei, siquidem diffinitio est constitutiuum, diffinitum, & non constituta, & diffinitum est constitutum, & non constitutiuum, ergo diffinitio, & diffinitum distinguuntur ex natura rei. Maior patet ex diffinitione distinctionis ex natura rei. Minor similiter quia numerus est species quantitatis discretæ, & quantitas discreta extensa secundum tantam, vel tantam multitudinem est diffinitio numeri. Quod autem non distinguatur realiter patet, quia distinctio realis est inter res, & res tantum, & non inter realitates, modò licet numerus sit res, tamen genus, & differentia sunt realitates, quæ nequeunt ab eodem separari, ergo non distinguuntur realiter a suo genere, & differentia.

Sexta Conclusio. Forma numeri utroque modo considerata est entitas absoluta, & non respectiua. Est contra Franciscum de Mayronis in primo d. 24. quæst. 2. Probatur quia species prædicamenti absoluti est entitas absoluta, & non respectiua, prædicamenta enim sunt impermixta secundum totas coordinationes, vt sæpius diximus, & probauimus superius, sed numerus est species quantitatis discretæ, quæ est genus subalternum de prædicamento absoluto; ergo & ipse est ens absolutum. Secundo sic forma relatiua necessarîo exigit fundamentum, & terminum ex Aristotele cap. de Ad ali quid, sed forma numeri non habet fundamentum, & terminum ergo non est relati-

ua, sed absoluta. Minor probatur quia numerus exempli gratia ternarius componitur ex tribus vnitatibus, sed illæ tres vnitates non sunt fundamentum, & terminus ergo forma numeri caret fundamentum, & termino. Minor probatur quia fundamentum, & terminus non sunt de essentia relationis, sed tres vnitates sunt de essentia numeri ternarii ergo numerus ternarius, seu eius forma non habent pro fundamentum, & terminum illas tres vnitates. Maior patet ex D. Augustino septimo de Trinitate cap. 5. vel 15. omne quod relatiue dicitur est aliquid excepta relatione, sed fundamentum, & terminus relatiue dicuntur, sunt enim relatiuum, & correlatiuum, ergo fundamentum, & terminus non sunt de essentia relationis, & consequenter illæ vnitates cum sint de essentia numeri, seu eius forme, nequeunt esse fundamentum, & terminus, & sic nec forma numeri entitas relatiua, sed absoluta.

Septima Conclusio. Numerus prædicamentalis est vera species quantitatis discretæ. Hæc conclusio est immediatè responsiua ad quæstionem propositam, & est Aristotelis cap. de quantitate, quæ licet probata remaneat ex dictis in præcedentibus conclusionibus, tamen adhuc sic declaratur. Tota ratio, quare Aduersarij reiciant numerum à quantitate discretæ, in hoc sita est, quod numerus non sit aliquid vnum per se, & reale independens ab opere intellectus sed ex prima conclusione numerus dicitur entitatem realem positiuam independentem ab opere intellectus, & talis ex conclusione tertia, & quarta est vna per se vnitatem formalem, & specificam, ergo numerus prædicamentalis est vera species quantitatis discretæ. Secundo sic in diffinitione quiditatiua, & formali numeri vt est totum essentiale methaphysicum cadit quantitas discretæ, & eius ratio formalis, scilicet extensio secundum multitudinem ergo, est eiusdem species vera. Consequentia patet, quia diffinitio quiditatiua constat ex genere, & differentia ex septimo Methaphysic. t. c. 43. Antecedens patet ex quarto Notabili, vbi diffiniuimus numerum sic: Numerus prædicamentalis est quantitas discreta extensa secundum tantam, vel tantam multitudinem, causatam ex diuisione continui. Vel si diffiniatur diffinitione communiter

Recepta. Numerus est multitudo ex vnitatibus aggregata. Per ly multitudo, intelligitur quantitas discreta, sicut per magnitudinem denotatur quantitas continua, vt docet Aristoteles, quinto Methaphys. r. c. 18. & per ly aggregata ex vnitatibus, circumloquimur vnitatem specificam numeri, resulantem ex vnitatibus materialibus extensis secundum tantam, vel tantam multitudinem.

Obijciatur tamen primo, contra primam conclusionem. Si numerus prædicamentalis diceretur entitatem positiuam realem, independentem ab opere intellectus, sequeretur eandem formam accidentalem posse esse in diuersis subiectis realiter distinctis, & ab inuicem separatis; sed consequens est contra totam philosophiam; ergo, & id ex quo sequitur. Maior probatur. Quia numerus ternarius componitur ex tribus vnitatibus accidentalibus; sed illæ existunt in diuersis subiectis, vt puta in tribus lapidibus ex aliquo continuo diuisis, & separatis; ergo eadem forma accidentalis numeri esset in diuersis subiectis ab inuicem distinctis, & separatis. Minor probatur. Quia vnitas numeralis accidentis, desumitur ab vnitate subiecti; ergo impossibile est, eandem formam accidentalem esse in diuersis subiectis ab inuicem segregatis.

Respondetur communiter, concessa maiori de forma accidentali discreta, non tamen de continua; nam cum continuum includat in sua ratione formali habere partes vnitas aliquo termino communi, nequit esse in pluribus subiectis ab inuicem separatis; at discretum, quia exposcit partes ab inuicem separatas, exigit de sui natura esse in pluribus subiectis, etiam vndequaque distinctis. Ad minorem, & probationem dicitur esse inconueniens de accidente continuo, non de discreto, quia tale exigit ad sui vnitatem partes distinctas, ac ab inuicem segregatas.

Contra hanc responsionem insurgit Maffius, disputat. 7. quæst. 2. numero 50. & si quia dicere accidens discretum posse reperiri subiectum in multis, est inferre, illud non esse vnum, nisi vnitatem aggregationis, & per consequens non dicere entitatem positiuam realem præter partes; atqui hoc est immediate contra opinantes, vt proban-

mus in superioribus; ergo malè distinguimur de accidente continuo, & discreto.

Respondetur igitur aliter ad argumentum ex Doctrina superius tradita, negando sequelam maioris. Ad probationem dico, illam entitatem positiuam, quam formaliter dicit numerus ternarius non esse subiectum in illis vnitatibus, siquidem non est forma partis, sed totius, resultans ex aggregatione illarum vnitatum, sed indiuisibiliter inane in illis, sicut entitas totius integralis in suis partibus simul sumptis. Et per hoc satisfactio impugnationi Patris Maffii, quatenus militat contra nostram conclusionem, negando illatum in maiori propositione, non enim accidens discretum resultans ex vnitatibus materialibus, dicitur esse in illis subiectiue, & per informationem, sed solum, vt totum integrale in suis partibus simul sumptis: quare non potest inferri esse tantum vnum per aggregationem, sicut acruus lapidum, imò dicere formam totius, ab vnitatibus realiter distinctam.

Obijciens secundo. Ab eo est formaliter numerus, à quo est numerare; sed ab anima sola est numerare, ex Aristotele, quarto physico. & Commentatore, secundo de anima, comm. primo; ergo numerus tantum habet esse formaliter ab anima. Minor patet. Quia si sola anima dealbaret, albedo esset formaliter ab anima; ergo a simili, si sola anima numerat, numerus est a sola anima.

Respondetur, maiorem esse veram de numerare formaliter, nõ effectiue, quia sic est ab anima. Minor verò intelligitur de numerare effectiue, nõ formaliter; quia sic numerare est formaliter a forma numeri, seu ab vnitate specifica, per quam vnus numerus distinguitur ab alio numero.

Obijci tertio, contra secundam conclusionem D. Aug. lib. 2. de lib. Arbitr. c. 9. dicens, numerum esse aliquid intelligibile, & in omnibus rebus inueniri; & D. Dam. inquit, lib. 3. Fidei cap. 8. numerum inter se diuersis rebus sic reperiri, vt duæ nature Diuina, & Humana in numero, ad quantitatem discretam pertineant; atqui numerus pertinet ad quantitatem discretam, est prædicamentalis; ergo talis in omnibus re.

rebus inueniri potest, & non tantum in continuis.

Respondetur, numerum esse duplicem, scilicet transcendentalem, & prædicamentalem, qui inter se conueniunt aliquantulum, & aliquantulum differunt. Conueniunt quidem, quia ambo componuntur ex unitatibus, ut diximus nobis. primò differunt tamen, quia ille ex transcendentalibus unitatibus constat, hic verò ex quantitativis; cum hoc tamen fiat, ut ad inuicem assimilentur aliquantulum, quia sicut unitates quantitativæ ex quibus prædicamentalis componitur, sunt ad inuicem discretæ, & separatae, ratione, cuius numerus dicitur quantitas discreta, & non continua, sic transcendentales, ex quibus numerus transcendentalis componitur, sunt ad inuicem discretæ, ac separatae; vnde hac ratione, & ille similiter ordinari potest dici, & appellari quantitas discreta. Vnde ad auctoritates propositas, dico esse veras de numero transcendentali, non de prædicamentali. Ex cum D. Damascenus videtur dicere, numerum repertum inter Naturam Diuinam, & Humanam, pertinere ad quantitatem discretam, dicendum est ibi sumere quantitatem discretam similitudinariè, non propriè.

Obijciens quarto, contra tertiam conclusionem, Aristoteles tertio physicorum t. 68. dicit, numerum esse vna plura, & quanta quædam. Item, 10. Meth. t. c. 20. 21. numerus est multa vna, & multitudo mensurata vno. Item, 8. meth. t. c. 10. referente Suarez in meth. disp. 41. f. 6. t. 1. assert. 2. inquit, aut numerus vnum non est, sed velut cumulus, aut si sit, dicendum est, quid illud sit, quod efficiat numerum vnum ex multis. Ex quibus omnibus colligitur, mentem Aristotelis fuisse, quod numerus prædicamentalis non sit vnum per se, sed tantum per accidens.

Respondetur primo, numerum dupliciter considerari, scilicet materialiter, & formaliter. Primo modo solum dicit unitates materiales, ex quibus componitur; & sic habent intelligi omnes auctoritates Aristotelis iam adductæ, & quæ possunt adduci. Secundo modo dicit tertiam entitatem accidentalem, resultantem ab illis unitatibus materialibus, in qua consistit forma numeri; & de hac non est locutus Aristoteles in citatis locis, sed in quinto Methaphys. t.

c. 19. vbi dixit, sex non esse bistria, sed semel sex.

Vel dicendum secundo. Numerum esse vna plura, vel multa vna per constitutionem, pro quanto componitur ex illis unitatibus, & resultat ex illis, non tamen per identitatem, ita ut numerus sit idem quod multitudo unitatum, seu plures unitates, quia ut sufficienter probatum est, numerus dicit vnam formam totius, resultantem ab illis unitatibus, ab eisque realiter distinctam, si consideratur, ut totum integrale, vel solum ex natura rei distinctam a genere, & differentia, si attendatur ut totum essentiale methaphysicum.

Ad illam auctoritatem allatam à Suarez loco citato, & a Maffrio in physica, disp. 5. q. 13. art. 2. numero 178. ac si esset de mente Aristotelis dicere, numerum non esse per se vnum, sed quasi congeriem, dico cum Doctore Subtili in Exposit. 8. Meth. ad t. 10. ibi Aristotelem probare per se unitatem numeri ex per se unitate definitionis, seu unitatis; ponit enim ibi quatuor conuenientias inter definitionem, & numerum, & in tertia dicit, definitionem dicere conceptum per se vnum, sicut numerus, quod tamen non habent dicere nec de definitione, illi qui ponunt, numerum non esse per se vnum, sed esse quasi congeriem unitatum; quia sic, quemadmodum haberent inuestigare formam in numero, secundum quam dicatur vnus, sic & in definitione. Ex quo patet, auctoritatem allatam esse potius in oppositum, quam in propositum, cum ibi fateatur aperte per se unitatem numerum, alioqui ex illa non probaret per se unitatem definitionis quidam, seu formam totius ex illa resultantis. Nec quicquam facessit, quod subiungit Maffrius loco citato, nimirum, quod Aristoteles, t. 15. soluens dubitationem de numero, dicat numerum non habere per se unitatem; quia cum componatur ex unitatibus, in illis non est reperire per se actum, & potentiam, sicut accidit in definitione, in qua genus habet rationem potentiae, & differentia per se actus; siquidem numerus, ut totum essentiale, constat ex genere, & differentia, & consequenter ex per se actu, & per se potentia; quatenus verò consideratur ut totum integrale, non habet componi ex per se actu, & potentia, sed resultare ex illis unitatibus materialibus

bus, tamquam forma totius, quam postea consequatur vnitas per se, veluti passio, à qua numerus denominatur vnus, vt in eodem textu probat Aristoteles, dum dicit. Omnium enim, quæcumque plures partes habent, & non est vt aceruus quod totum, sed inest aliquid totum præter partes, est aliqua causa, quod dicatur vnus. Et talis est forma numeri, sicut in homine forma, non partis, sed totius.

Contra obiecit Mastricus in logica, disp. 7. q. 2. art. 1. numero 47. quia Doct. Subr. in primo, d. 2. q. 7. H. b. enumerat quinque gradus vnitatis, in quibus non continetur vnitas numeri saltem per se; ergo numerus non dicit aliquam per se vnitatem. Antecedens patet ibid. Quia in primo gradu collocat minimam vnitatem, quæ dicitur aggregationis, in secundo vnitatem ordinis, in tertio vnitatem per accidens, in quarto vnitatem compositionis, & in quinto vnitatem simplicitatis, quæ dicitur maxima vnitas; sed quamvis numerus posset habere vnitatem aggregationis, & ordinis, tales non sufficiunt, vt posset reponi in prædicamento, alioquin cumulus lapidum, & res publica, vel exercitus, essent in prædicamento, quod non est dicendum; igitur ratione talium vnitatum, nequit esse in prædicamento quantitas. Nec ratione vnitatis per accidens, aut simplicitatis, vt patet. Nec tandem ratione vnitatis compositionis, quia vnitates ex quibus constat numerus non se habent, vt actus, & potentia per se; ergo dicendum est non habere aliquam per se vnitatem per quam posset dici species quantitatis discretæ.

Respondetur, negando antecedens. Imò numerus dicitur per se vnus vnitate compositionis methaphysicæ, in quantum constat ex genere, & differentia, scilicet ex quantitate discreta, & tantia, vel tanta extensione secundum multitudinem, & etiam in genere physico, in quantum resultat ab illis vnitatibus materialibus forma totius, quam postea consequitur vnitas specifica, à qua denominatur numerus vnus specie. Ad probationem dico solum probari, numerum in genere physico non habere per se vnitatem totius essentialis, quod vtrique concedimus, sed negamus postea non habere vnitatem totius integralis, à quo sumitur vnitas totius essentialis

methaphysici, seu vnitas specifica, secundum quam reponitur in prædicamento quantitatis, vti species quantitatis discretæ.

Obijcies quinto. Si numerus dicit aliquam per se vnitatem, vel talis est vnitas simplicitatis, vel compositionis; sed neutra istarum esse potest; ergo non dicit aliquam per se vnitatem. Maior patet à sufficienti diuisione vnitatis per se. Minor probatur. Non simplicitatis, quia tunc eadem forma simplex, & realis posset esse in diuersis subiectis ab inuicem segregatis, quod non potest concedi de forma accidentali. Nec vnitatem compositionis; quia illa fit ex per se actu, & per se potentia, vt docet Aristoteles primo de anima, cap. primo; & 8. methaph. t. 15. atqui inter vnitates materiales continentes numerum, vna non se habet, vt per se actus, & alia per se potentia, cum omnes sint in actu; ergo neutro modo esset numerus per se vnus.

Respondetur, numerum dicere aliquam naturam per se vnā formaliter, & vnitatem simplicitatis, prout simplicitas opponitur compositioni physicæ ex materia, & forma physica; & etiam vnitatem compositionis methaphysicæ. Siquidem dicitur vna vnitatem simplicitatis, quia cum sit forma accidentalis caret materia, & forma physica, sed resultat ex illis vnitatibus materialibus, vt totum integrale à suis partibus. Rursus, est vna vnitatem compositionis methaphysicæ; quia componitur ex genere, & differentia, vt sæpius dictum est superius. Ad primam probationem minoris responsum est superius ad primam obiectionem; siquidem cum sit forma totius, & non partis, non est inconueniens reperi in omnibus illis vnitatibus, vt totum integrale in suis partibus simul sumptis. Ad secundam dico, tales vnitates habere rationem actus, & potentæ, pro quanto ab illis accipitur ratio generis numeri, scilicet quantitas discretæ, & ratio differentie eiusdem, scilicet tantæ, vel tantæ extensio, in quibus reperitur actus, & potentia formaliter.

Obijcies sexto. Multitudo vnitatum transcendentium non constituit aliquam speciem in entibus per se vnā; ergo nec multitudo quantitativa constituit speciem quantitatis discretæ, scilicet numerum.

Ad-

Antecedens patet. Quia multitudo, & vnitas transcendens opponuntur, tum quia multitudo non est ens, sed entia, ex Aristotele, 10. Methaphys. t. c. 21. 22. Consequentia probatur à simili. Quia sicut multitudo transcendens, constat ex vnitatibus transcendentibus, ita quantitativa ex quantitativis: tum multitudo absolutè sumpta, videtur comparari ad quantitatem discretam sub ratione generis, ex Aristotele, 10. Methaphys. t. 21. ergo, si illa non constituit aliquam speciem entis per se vnā, nec quantitativa constituet numerum in speciem quantitatis discretæ.

Respondetur, negando consequentiam. Ad probationem dico, illam similitudinem non sufficere ad constituendam, vel remouendam ab vtraque multitudine rationem speciei, sed exigitur, vt vtraque sit limitata ad aliquod prædicamentum, & ponatur sub vno genere immediato. Cum igitur multitudo transcendens, sit illimitata, & non ponatur sub aliquo genere determinato, sicut multitudo quantitativa, quæ ponitur sub genere quantitatis discretæ, hinc sequitur, per istam constitui vnā speciem per se vnā, scilicet numerum prædicamentalem, & non per illam.

Obijcies septimo, contra sextam conclusionem. Numerus fundatur super relationibus, quia dicimus relationes esse duas, vel tres; ergo numerus dicit formam respectiuam, & non absolutam. Consequentia patet. Quia fundatum non debet esse maioris entitatis, quam sit fundamentum; ergo si numerus fundatur super relationibus, quæ sunt formæ respectivæ; ergo, & numerus debet esse forma respectiva, & non absoluta. Confirmatur. Quia ratio prima numeri consistit in habitudine ad numerabile; atqui habitudo est relatio; ergo forma numeri est relatiua. Præterea paritas, & imparitas sunt passionēs numeri; sed paritas, & imparitas sunt relationes; ergo, & forma numeri, cuius sunt passionēs.

Respondetur, antecedens esse verum, de numero transcendentali, non de prædicamentali, de quo nos loquimur; nec tamen inde sequi, numerum transcenden-

tem esse simpliciter formam relatiuam; cum non tantum super relationibus, sed etiam super quibuscumque entibus fundari possit. Ad primam confirmationem negatur maior; imò talis habitudine ad numerari, vel numerare, non est de essentia numeri, sed ipsum consequuntur, vt relatio suum fundamentum. Ad secundam dico, paritatem, & imparitatem sumi posse dupliciter, scilicet fundamentaliter; & sic dicunt entitates absolutas, quæ sunt passionēs numeri; & formaliter, & sic sunt relationes: nec sunt passionēs quantitatis, sed ipsam consequuntur, veluti respectus suum fundamentum.

Verum Oratio sit vera species quantitatis Discreta, à numero essentialiter distincta?

SECTIO III.

Circa primam partem propositæ difficultatis, tres referuntur opiniones, quarum prima, est Louanienſium in Expositione huius capituli, est Ruuius hic, quest. 9. Caietani hic. Conimbricensium ibi, q. 2. art. 1. Suarez in Methaphys. disput. 41. sect. 3. & aliorum asserentium, orationem nullatenus esse veram speciem quantitatis, cum tantum sit quanta per accidens; quin etiam aliqui eorum ita illam reijciunt à quantitate, vt nec esse quantam per accidens admittant.

Secunda opinio, est Iauelli, lib. 5. Methaphys. cap. 8. qui dicit, orationem posse considerari, vel quantum ad extensionem, & sic non est species quantitatis; siquidem vt sic, non distinguitur à motu; imò syllabæ non sunt aliud, quam quidam motus prolationis; at motus cum tantum per accidens sit quantitas, facit vt etiam oratio tantum per accidens sit quanta. Vel considerari potest quantum ad rationem mensuræ; & sic est per se quantitas, & vera species quantitatis discretæ, quia vt ait Aristoteles, cap. de quant. mensuratur syllaba longa, & breui, quæ sunt differentię quantitatis discretæ, prout distinguitur à numero. Ex quo conciliat dicta Aristotelis de orat. in cap. de quant. & in methaphys. lib. 5. t. 18. quare nimirum ibi non

fecerit mentionem de ea, sicut fecit in logica: & inquit, hoc idem fecisse, quia in metaphysica considerauit quantitatem sub ratione extensionis, qua cum eareat oratio, secludenda erat à specie quantitatis discretæ: at quia in logica considerauit quantitatem sub ratione mensuræ; & oratio mensuratur syllaba longa, & breui, idem nō videretur insufficiens, necesse habuit, illam inter species quantitatis discretæ enumerare: & hanc conciliationem accepit à D. Tho. 5. Metaphys. ad tex. 18. in fine.

Tertia opinio absolute docet, orationem esse speciem quantitatis discretæ: quod Aristoteles prius tradidit, & probauit, cap. de quant. Ita post ipsum D. Thom. opusc. 42. & in 4. sent. d. 3. quæst. vnic. art. 2. ad quintum. Scotus in Prædicam. quæst. 18. & 19. Soncin. 5. Metaph. quæst. 4. Toletus hic, quæst. 2. Ad quintum. Sorus quæst. 2. Ruuius quæst. 9. & alij plures ex modernis.

Cæterum, in explicanda ratione orationis, prout est quantitas discreta, nec Doctores citati conueniunt; nam aliqui putant, quantitatem orationis sitam esse tantummodo in motibus prolationis discontinuis, in quantum ordinabiles sunt ab intellectu secundum prius; & posterius, ad constitutionem orationis: in tribus enim motibus, quibus profertur hæc oratio, Dominus, dicunt consistere quantitatem eius discretam, & successiuam.

Alij verò dicunt, non in motibus prolationis consistere quantitatem orationis, sed solum in temporibus; & modis, quibus, & ipsi motus prolationis, & syllabæ mensurantur, pro quanto ordinabilia sunt ab intellectu, secundum prius, & posterius.

Alij tandem ponunt quantitatem orationis in extensione syllabarum, secundum longitudinem, & breuitatem, seu secundum productionem, & corruptionem. Et hæc sententia videtur mihi probabilior: quam, acceptam à Toletio, defendit Ruuius citatus; dummodò per talem extensionem, quam vocant corpulentiam soni, non intelligatur magnitudo, vel diuisibilitas syllabæ intrinsecè, sed, tantum

extrinsecè per respectum ad moram, vel tempus, quo mensuratur secundum longitudinem, aut breuitatem; siquidem sicut vnitates materiales, ex quibus componitur numerus, sunt indiuisibiles intrinsecè, ita, & tales extensiones syllabarum, ex quibus componitur oratio, debent esse indiuisibiles intrinsecè, & diuisibiles tantum extrinsecè per respectum, quem dicunt ad tempus.

Pro cuius declaratione, ac fundamento, primo notandum est, quod hic non est sermo de oratione, siue vocali, siue mentali, aut scripta, quas diffinit Aristoteles, primo Perihermenias; sed de vocali tantum, non in quantum est significatiua, vel non, sed præcisè quatenus est vox, siue complexa, siue incomplexa, constans ex pluribus syllabis: vt verbi gratia Petrus, quatenus constat ex duabus syllabis, dicitur in præfenti, oratio; & hæc cum sit quædam vox, diffinitur, quod sit sonus ab ore animalis prolatus, naturalibus instrumentis formatus.

Secundo notandum est, in voce tria considerari posse, scilicet essentiam, qualitatem & quantitatem eiusdem. Essentia vocis consistit in esse sonum ab ore animalis procedentem, naturalibus instrumentis formatum. Qualitas verò in eo sita est, vt sit acuta, vel grauis, sonora, vel gracilis &c. Quantitas tandem attenditur in extensione, seu corpulentia, secundum quam dicitur magna, breuis, longa, æqualis, vel inæqualis; quæ consistit in dilatatione, seu prolongatione, vel corruptione, siue restrictione syllabæ, ratione quarum, syllaba dicitur longa, seu producta, vel breuis, aut correpta. Et ex talibus extensionibus componitur oratio, vt est quantitas discreta, eo modo, quo numerus componitur ex vnitatibus materialibus. Quare si velimus diffinire orationem, vt est species quantitatis discretæ, sic dicendum est, Oratio est quantitas discreta, resultans ex multitudine extensionum, seu temporum, in syllabis, ex quibus constat, existentium. Et hæc diffinitio explicat essentiam orationis, prout est quoddam totum integrale tantum. At si consideretur

ut est totum essentialiter metaphysicum, sic habet diffiniri. Oratio est quantitas discreta extensa secundum tantam, vel tantam discretionem temporum, seu extensionum in syllabis existentium. In qua diffinitione ponitur quantitas discreta, tamquam genus; ponitur ly extensa, secundum tantam; vel tantam extensionem, seu discretionem temporum, seu extensionum syllabarum; ad differentiam numeri, qui est quantitas discreta extensa, secundum discretionem vnitatum: ponitur postea, ly tanta, vel tanta discretio temporum, vel extensionum, &c. ad denotandas diuersas species orationis: nam hæc oratio, populus, prout significat arborem, distinguitur à seipsa specie, prout gentem representat, ratione diuersarum extensionum, seu temporum; siquidem, ut significat arborem, habet primam syllabam longam; & breuem, ut gentem denotat: & hæc oratio comprehendit omnium carminum genera, & pedes eorum; quæ non tantum distinguuntur secundum multitudinem syllabarum, sed etiam secundum quantitatem, ut fufius ostenditur in Arte Metrica, vel Poetica.

Tertio notandum est, quod numerus, & oratio, non tantum distinguuntur per hoc, quod hæc reperitur in syllabis, & illæ in vnitatibus causatis ex diuisione continui; & sic materialiter solum, ut docet noster Tarsaretus, quæstione vnica, de quantitate, scien. vltimo, seu Tertio; sed etiam diuersificantur per proprias differentias específicas nobis innominatas; nam sicut illa extensio vnitatum circumloquitur in numero propriam differentiam constitutam numeri essentialiter, & per quam distinguitur ab oratione, ita extensio syllabarum circumscribit aliam differentiam specificam, per quam constituitur oratio, & distinguitur formaliter à numero: & hoc est, quod obscuro tamen Sermonem, docet Scotus, quæstione 19. Prædicament. soluendo quæst. 18. dum dicit. Illam autem dico habere discretionem appropriatam orationi per eius differentiam specificam, quæ nec scripta est, nec prolata, nec in mente, nec actus proferentis, sed est discretio, non communis numero, & orationi, sed orationi

appropriata. Et per hanc, in responsione ad secundum argumentum dicit, orationem differre essentialiter à numero, & à quacumque specie quantitatis, non tantum differentia materiali, sed formali, & specifica, nobis tamen ignota, sicut sunt ferè omnes differentie specierum specialissimarum.

Ex his, sit prima conclusio. Oratio, modo explicata in secundo Notabili, est species quantitatis discretæ. Est Scoti in Prædicam. quæst. 19. & eorum, quos citauimus pro tertia opinione. Probat. Quia illa est vera species quantitatis discretæ, quæ ponitur immediatè sub ea, ut sub suo genere, & prædicatur de pluribus differentiis numero in quid, si sit specialissima, vel de differentiis specie, si sit subalterna; sed oratio est huiusmodi; ergo. Maior est Porphyrij, cap. de specie. Minor est Aristotelis, cap. de quantitate, vbi sub quantitate discreta, quæ secundum ipsum est species, & genus subalternum, collocat immediatè has duas species, scilicet numerum, & orationem. Secundo sic. In diffinitione quiditativa cuiuslibet speciei debet ingredi proprium genus immediatum, cum diffinitio consistat ex genere, & differentiis, ex Aristotele, septimo Metaphys. t. c. 43. atqui in diffinitione quiditativa orationis ponitur quantitas discreta, ut patet ex secundo Notabili; ergo oratio, est vera species eiusdem. Tertio sic. Si quid impediret, quominus oratio posset habere veram rationem speciei quantitatis discretæ, vel hoc esset, quia non datur extra operationem intellectus quantitas discretæ, vel si datur, est quoddam ens per accidens, & non per se vnum; sed neutrum vtrique; ergo dicendum est, orationem esse veram speciem quantitatis discretæ. Maior patet ex aduersa sententia. Minor verò est probata in præcedenti sectione, conclusione prima, & tertia, & vltima. Confirmatur. Quia sicut numerus ex vnitatibus resultat vnum per se, & quatenus totum integrale, & quatenus totum essentialiter, ita, & oratio debet resultare ex temporibus, seu extensionibus vnam per se in ratione totius integralis, & essentialis, saltem Metaphysici; non enim est maior ratio de numero, quam

quàm de oratione, cum ambo ponantur ab Aristotele, species quantitatis discretæ.

Secunda conclusio. Oratio, non tantum materialiter, sed etiam essentialiter, & specificè distinguitur à numero. Est Scoti hic, quæst. 19. contra Tartaretum citatum Notab. 3. Probat. Quia quæ habent distinctas distinctiones quiditativas, & formales, distinguuntur specie essentialiter, ut patet; sed numerus, & oratio sunt huiusmodi; ergo distinguuntur essentialiter specificè. Minor probatur. Quia numerus diffinitur quiditatiue per quantitatem discretam, & extensionem unitatum, oratio verò per quantitatem discretam, cum sit genus ad utrumque, & per extensionem temporum repertam in syllabis; sed clarum est, unitates distinguab illis temporibus, ut patet ex eorum descriptionibus; ergo numerus, & oratio distinguuntur, etiam quiditatiue, & essentialiter. Aduertendum tamen, quod per tempora syllabarum, non intelligo tempus, quod est species quantitatis continuæ, scilicet horam, diem, mensem, &c. sed illam mensuram, seu extensionem, secundum quam, una syllaba denominatur longa, altera breuis.

Obijcies primo, contra primam conclusionem. Tatum quatuor inueniuntur in oratione, nimirum, soni syllabarum, motus prolationis eorumdem, ordo syllabarum, & significatio totius orationis; sed ex nullo horum quatuor potest concludi, orationem esse quantitatem discretam; ergo. Maior patet, à sufficienti enumeratione. Minor probatur. Non soni; quia sunt qualitates: nec motus prolationis; quia sunt quantitates per accidens, sicut & tempus in ipsis consumptum: nec ordo; cum dependeat ab intellectu ordinante syllabas ad inuicem in tota oratione, vel etiam quia est relatio: nec tandem significatio; quia hæc competit orationi, non ex propria natura, sed ex impositione primi instituentis; ergo ex nullo horum concludi potest, orationem esse speciem quantitatis discretæ.

Respondetur, negando maiorem, tamquam insufficientem. Quandoquidem,

præter illa quatuor, reperitur in qualibet syllaba extensio, seu tempus longitudinis, & breuitatis, ex quibus componitur oratio, quæ est quantitas per se; sicut ex syllabis, prout sunt soni, constat oratio secundum essentiam.

Obijcies secundo. Si oratio esset species quantitatis discretæ, maximè quia mensuratur syllaba longa, & breui, ex quibus componitur; sed consequens est falsum; ergo, & antecedens. Maior patet, ex Aristotele hic, cap. de quantitate. Minor probatur. Quia longum, & breue, sunt differentie, vel passionis quantitatis continuæ, ut docet Aristoteles, quinto Methaphysic. c. 18. nam linea est brevis, vel longa; ergo non possunt competere quantitati discretæ.

Respondetur, longum, & breue dupliciter considerari posse, scilicet propriè, & transumptiue. Primo modo significat magnitudinem maiorem, vel minorem; & sic conueniunt solum quantitati continuæ. Secundo modo, longum dicit dilatationem, seu prolongationem syllabæ; breue verò correptionem, seu restrictionem in eodem; & sic longum, & breue competunt quantitati discretæ. Ex quo fornaliter ad argumentum, nego minorem. Ad probationem, dico, verum esse antecedens de longo, & breui propriè, non transumptiue acceptis, quia sic conueniunt quantitati discretæ.

Obijcies tertio, ex Maffio hic, disput. 7. numero 50. si oratio formaliter est una; ergo aliquali unitate est una; tunc quæro de illa unitate, vel est diuisibilis, vel indiuisibilis; sed neutrum est dicendum; ergo. Maior patet à sufficienti diuisione. Minor probatur. Non est dicendum primum; quia cum esset diuisa in partes unitatum materialium, quæ secundum te nullam unitatem dicunt, nec ipsa esset una. Nec secundum; quia indiuisibilitas repugnat quantitati, cum diuisibilitas sit eius propria passio, ut cum Scoti quæstione 9. libri quinti Methaphysic. conclusum est superius: tum quia repugnat, idem accidens esse simul in pluribus subiectis distinctis, ac loco distinctis; igitur nullo modo potest facere vnum per se.

.Dd 2 Re-

Respondetur, talem vnitatem, quæ esset passio consequens formam specificam orationis, esse indivisibilem formaliter, ac indivisibiliter existere in partibus materialibus orationis cum sua forma specifica, ut dictum est superius de forma, & vnitatis specifica numeri. Ad probationem contra, dico sufficere orationi pro formali, quantum est totum integrale, posse dividi in partes integrales, vel essentielles, ad hoc, ut possit dici quantitas discreta; nec esse necessarium, ut divisibilis sit formaliter per se; ut patet de composito physico, quod indivisibiliter manet in suis partibus, esto sit resolvable in illas. Ad secundam probationem dico cum Scoto, in 4. d. 1. quæst. 2. ad primum argumentum princip. sub lit. O. esse falsum, vniuersaliter loquendo de accidente ut sic; quia vna relatio potest fundari in duobus fundamentis inter se loco dissitis, ut patet de duobus trahentibus vnam nauim; nec habere veritatem etiam in accidentibus absolutis, quando subiectum est tantum denominationis, ut esset in proposito; quamquam admitti possit de subiectis inhaerentis; sed nihil ad nos, cum talis vnitatis esset simul cum sua forma in illis vnitatibus materialibus, tantum denominatiue, & non inhaerentiue.

Obijcies quarto Scotum, in quarto sent. d. 1. quæst. 2. sub lit. O. dicentem, orationem ex multis syllabis non facere vnum per se; sed oratio per nos, est quantitas discreta; ergo quantitas discreta non est vnum per se, & per consequens oratio non est eius species.

Respondetur, Doctorem Subtilem eo loci esse locum de oratione, ut significata, quam & nos concedimus, non facere vnum per se, præcisingendo ab ordinatione intellectus, & impositione voluntatis; non de ipsa, ut est quantitas discreta, ut patet ex contextu; quia sic certum est, secundum ipsum, facere vnum per se, & quatenus est totum integrale, & etiam prout est totum essenziale metaphysicum, ut dictum est superius in præcedenti cum eodem Scoto, in quinto metaphys. quæst. 9. & 8. metaphysicæ, quæst. vn. & in expositione ad tex. 15. conuenien-

tia tertia inter numerum, & definitionem.

Obijcies quinto, contra secundam conclusionem. Numerus, & oratio per hoc solum distinguuntur, quod ille in omnibus continuis inueniri potest, oratio verò solum in literis, & syllabis; sed hæc differentia, cum ferreatur ex parte subiecti, est tantum materialis, & non formalis; ergo numerus, & oratio solum materialiter, & non formaliter distinguuntur.

Respondetur, negando maiorem. Licet enim talis differentia ex parte subiectorum distinguat numerum, & orationem à posteriori, & materialiter, tamen præsupponit differentiam formalem, & essentialem eorundem ab inuicem per proprias differentias específicas, nobis innominatas, quæ suppleuntur per extensionem secundum vnitates in numero, & per extensionem secundum tempora mensurantia syllabas, in oratione.

An quantitas discreta, sit vera species quantitatis, ut est Genus Generalissimum?

SECTIO IV.

EXpeditis in præcedentibus Sectionibus, quæ necessariò exigebantur ad intelligentiam Quæstionis propositæ, superest, ut soluamus quæsitum principale, & idèd ponitur huiusmodi conclusio. Quantitas discreta, prout comprehendit sub se numerum, & orationem, est vera species quantitatis in communi, distincta essentialiter à quantitate continua. Est ferè communis contra primam sententiam. Probatur. Quia quantitas discreta, prout distinguitur à continua, sufficienter falsatur in numero, & oratione, tamquam genus in suis speciebus,

bus; sed numerus, & oratio sunt veræ species quantitatis discretæ; ergo, & quantitas discretæ, est vera species subalterna quantitatis in communi. Maior, & Minor sunt manifestæ ex dictis. Secundo sic. Diffinitio quiditativa constat ex genere, & differentia, ex Aristotele, septimo Methaphys. t. c. 43. Si est diffinitio speciei; sed in diffinitione quiditativa quantitatis discretæ, ponitur quantitas in communi, tamquam genus; ergo quantitas discretæ, est vera species subalterna quantitatis in communi. Minor est clara ex diffinitione quantitatis discretæ, tradita ab Aristotele in textu. Secunda Pars patet. Quia quantitas discretæ distinguitur à continua, quia non habet partes copulatas termino communi, sicut continua, ut videre est in litera; sed hæc innuunt nobis differentias específicas constitutivas utriusque; ergo quantitas discretæ, & continua, inter se specificè, & essentialiter distinguuntur.

Obijcitur primo. Quantitas discretæ, non est ens per se; ergo non est species quantitatis. Consequentia patet. Quia species cum consistit ex genere, & differentia, debet esse ens per se. Antecedens probatur. Ex multis entibus non fit vnum per se, nisi interueniat aliqua vnitas; sed partes quantitatis discretæ nulla vnitate copulantur; ergo quantitas discretæ non est vnum ens per se. Maior patet. Minor probatur. Quia non copulantur nec vnitate integrali intensionis, aut extensionis, nec physica, aut methaphysica; ergo nulla vnitate copulantur.

Respondetur, negando antecedens. Ad probationem, nego minorem. Ad cuius probationem dico, quantitatem discretam habere vnitatem integram, quatenus resultat ex suis partibus, & etiam vnitatem methaphysicam, prout constat ex genere, & differentia, ut sufficienter demonstratum est superius.

Obijcitur secundo. Ex multis entibus in actu, non fit vnum per se, ex Aristotele 8. methaphys. t. com. 15. sed vnitates sunt plura entia in actu completa, quia sunt causatæ ex diuisione

continui; ergo, &c.

Respondetur, maiorem esse veram si talia non sunt ordinata, ut partes integrales, vel ut essentielles ad constituendum aliquod totum, vel integrale, vel essentialiale. Modò vnitates causatæ est diuisione continui, si considerentur physice, sunt partes integrales, ex quibus reuiuntur numerus predicamentalis; si verò attendantur methaphysice, sunt partes essentielles, pro quanto in illis reperitur genus, & differentia numeri, ut satis explicatum est superius, sectione secunda.

Obijcitur tertio, contra secundam partem conclusionis. Quia copulari partes termino communi, ut accidit in quantitate continua, & non copulari aliquo termino communi, se habent, ut affirmatio, & negatio; sed pura negatio, sicut non est constitutiva alicuius speciei positivæ, sic nec diuisiva, seu distinctiva eius ab alia specie; ergo quantitas discretæ, non est distincta essentialiter à continua, sed erit meta negatio continuitatis partium diuisarum.

Respondetur, maiorem esse veram connotatiuè, non tamen formaliter. Quia sicut copulari partes aliquo termino communi, supponit differentiam formalem constitutivam quantitatis continuæ, sic non copulari partes aliquo termino communi, indicat aliquod positivum, per quod constituatur in esse quantitas discretæ, & quo formaliter secernatur a continua.

*De Ad aliquid, seu de
relatiuis.*

C A P V T III.

Post Prædicamentum quantitatis, statim Prædicamentum Relationis, seu Relatiuorum se se nobis offert explicandum. Et licet secundum Simplicium, & Boetium, attento ordine nature, prius de qualitate debuisset Philosophus

Dd 3 egis-

egisse, quam de Relatione, cum sit ens absolutum, & consequenter prior in entitate, & perfectione; nihilominus ordine doctrina, qui in eo consistit, ut prius necessaria ad cognitionem, et adantur, sine priora, sine posteriora sine ordine naturæ, debuit præmittere qualitati Relationem, ne tamdiu videretur differre necessaria, ad cognitionem quorundam relatorum, utpotè magni, parvi, equalis, inæqualis, & aliorum, de quibus egit in prædicamento quantitatis.

Istud Caput dividitur in tres partes. In quarum prima Philosophus tradit diffinitionem Relativorum secundum mentem Antiquorum, & incipit ibi. Ad aliquid verò talia dicuntur &c. In secunda, iuxta d. etiam diffinitionem, enumerat quatuor proprietates Relativorum, & incipit ibi. Inest autem, & contrarietas, &c. Et in tertia impugnatur dictam diffinitionem Antiquorum, & ponit propriam ibi. Habet autem dubitationem, &c. & ibi. Si autem non sufficienter, &c.

Quoad primam partem, Diffinitio Relativorum, quam tradunt antiqui, est huiusmodi. Ad aliquid verò talia dicuntur, quæcumque hæc ipsa quæ sunt, aliorum esse dicuntur, vel quomolibet alter ad alterum. Id est. Relativa dicuntur illa, quæ ad aliud referuntur, ut ad suum terminum, sub habitudine alicuius casus, scilicet genitivi, dativi, vel ablativi. Exemplum de omnibus: ut Pater filij. Pater: filius Patris filius: Similis simili similis: maius minore maius. Nam Pater refertur ad filium, similis ad similem, & maius ad maius, & c. conuerso.

Quoad secundam partem, ponit quatuor proprietates Relativorum, quarum prima, est. Quod Relativus inest contrarietas. Ut virtus contrariatur vicio, scientia ignorantia, magnus parvo, & æquale inæquali. At hæc non est propria relativis, quarto modo, cum non, inueniat omnibus relativis; nam duplum non contrariatur dimidio, nec Pater filio, & tamen sunt relativa.

Secunda proprietas. Relativa suscipiunt magis, & minus. Quia unum dicitur magis, vel minus simile alteri, & unum dicitur

magis, vel minus æquale alicui, quam aliud; sed simile, & æquale sunt relativa; igitur aliqua relativa suscipiunt magis, & minus. Nec ista proprietas convenit relativis in quarto modo, quia non omnibus convenit; nam unum duplum, non est magis, vel minus duplum alio, neque triplum, nec Pater, nec filius, & tamen sunt relativa.

Tertia Proprietas. Relativa dicuntur ad convertentiam. Id est prædicantur de se invicem mediante obliquo sui correlativi: ut pater filij pater: filius, patris filius: servus Domini servus: maius minore maius. Ad cognoscendum tamen quodnam sit illud relativum cum quo aliud convertitur, dicit Philosophus, quod quædam correlativa differunt in cadentia finali à suis relativis: ut scientia scibilis scientia: scibile scientia scibile: sensus sensibilis sensus: & scibile sensus scibile. Alia verò differunt nomine, quia non habent nomen impositum, quod fingere debemus, ut facilius explicare possimus naturam relativi, & correlativi: ut ala non habet auctem pro correlativo, quia multa animalia habent alas, & tamen non sunt aues, sed eius correlativum est res alata. Caput non refertur ad animal, sed ad capitatum: temo non refertur ad navigium, cum multa sint navigia carentia temone, sed ad rem temonatam, & sic de alijs. Quæ si dicantur ad convertentiam, debemus sic facere prædicationem: mala alati ala: alatum ala alatum: caput capitati caput: capitatum capitatum; & sic de reliquis similibus.

Quarta proprietas. Relativa sunt simul natura. Id est simul naturali existentia. Quia altero existente, & aliud existere necesse est; nam existens pater, existit filius, & c. conuerso; & destructo patre, destruitur esse filij, quoad relationem, non quoad esse absolutum. Ex quo inferitur tanquam correlativum, quod relativa posita se ponunt, & precepta se perimunt. Quod si fuerint aliqua relativa, quæ dicantur ad aliud, & non sint simul natura, deducitur huiusmodi, nec proprie dici ad convertentiam, &

consequenter non fore propriè relatiua. Huiusmodi autem sunt relatiua tertiij modi, quæ tantum impropiè relatiua dicuntur; de quibus agit Philosophus 5. Meth. cap. de ad aliquid; & nos ea describemus in questionibus.

Quoad tertiam partem, impugnatur primo diffinitionem Antiquorum. Quia illa diffinitio non est bona, quia competit alijs a diffinitionibus sed supradicta diffinitio est huiusmodi, quia competit substantiæ, saltem secundum suas partes: & scientiæ, quæ est qualitas; siquidem caput, dicitur alicuius caput; manus alicuius manus, quæ sunt substantiæ; similiter scientia, alicuius scibilis scientia; & tamen scientia est qualitas; igitur non competit solis relatiuis, & per consequens non est bona.

Quare si talis diffinitio non est bona, & conuenienter assignata, (alioquin difficile esset offendere substantiam, saltem secundum suas partes, non dici ad aliquid) assignanda est propria, quæ tantum relatiuis conueniat, & est huiusmodi. Ad aliquid sunt, quibus hoc ipsum est esse, ad aliquid quodammodo se habere. Id est, Relatiua sunt illa, quæ secundum totum suum esse, quod formaliter habent, ad aliud referuntur, scilicet ad suum correlatiuum, ut ad suum terminum: ut pater refertur ad filium, duplum ad dimidium &c. Dicitur autem notanter, secundum totum suum esse, quod formaliter habent, referuntur ad aliud. Ut excludantur ab hac diffinitione relatiua secundum dici, quæ secundum suum esse formale, sunt absoluta, concomitantur verò, sunt relatiua: ut scientia, quæ formaliter est qualitas; caput, manus, quæ sunt essentialiter substantiæ, & solum concomitantur sunt relatiua; quia scientia ad scibile, & manus, & caput ad illud, cuius sunt partes, referuntur.

Deiinde infert quoddam corollarium, per quod ponit differentiam inter propriam diffinitionem, & illam datam ab Antiquis, dicens. Si quis diffinitionem noverit unius relatiuorum, diffinitionem noscet, & reliquum. Id est, Si quis noverit assignare diffinitionem propriam unius relatiui, id est patris,

noscet etiam assignare diffinitionem alterius, id est filij; talis enim, est quiditas, & natura relatiuorum, quæ propriè talia dicuntur, ut mutuo se respiciant secundum diffinitiones: at relatiua quibus conuenit diffinitio Antiquorum, non ita se habent, cum alterum secundum quiditatem possit sine altero cognoscere non enim se respiciunt mutuo quiditativè, sed tantum concomitantur, ut patet. Quia potest quis scire diffinitionem scientiæ, absque diffinitione scibilis; & diffinitionem capiti sine diffinitione capitis, cum utraque sint entia absoluta, ab invicem formaliter, & quiditativè distincta. Unde differentia est inter diffinitionem Antiquorum, & Aristotelis quia illa comprehendit omnia relatiua, sine propriè, siue impropiè dicta, sed quæ vocantur secundum esse, & quæ appellantur secundum dici; hæc verò solum conuenit relatiuis secundum esse; id est, quæ secundum quiditatem talia dicuntur.

Tandem se excusat dicens. Fortasse autem difficile sit de eiusmodi rebus vehementer asserere, nisi ea sæpè pertractata sunt; dubitasse autem de horum unoquoque, non est inutile. Id est, Nemo mirari debet, si ea quæ de relatiuis dixit, non ita asserit, sicut fecit in alijs protulit; quia in rebus difficilibus, non est ita facile eum assertionem procedere, nisi talia sæpè pertractata sint; at dubitasse in eisdem, ubi sunt ad utramque partem rationes probabiles, non est inutile, imò valde

conferat ad inveniendam, & firmandam veritatem. Et hæc de textu, Summarim dicta, sufficiunt.

(.)

De Relationibus.

DISPUTATIO VII.

*Vtrum ad aliquid, sit speciale genus entis
realis generalissimum, à cæteris rea-
liter distinctum. Et quodnam
sit illud?*

QVÆSTIO I.

Circa priorem partem huius quæstio-
nis, extat duplex opinio. Quarum
prima est Zenonis Eleatis, & omnium An-
tiquarum, qui Aristotelem præcesserunt,
asserentium, Ad aliquid, non facere pecu-
liare genus entis realis, sed inclusum, ac
permixtum manere in omnibus prædica-
mentis. Ita refert Averroes, quinto Me-
thaphys. comment. 20. & 12. Methaphys.
comment. 19. Auicenna. lib. 3. suæ Metha-
physicæ, cap. 10. cum alijs multis ex anti-
quis. Hanc sententiam post Zenonem
secuti sunt alij non pauci, tam ex an-
tiquis, quam ex modernis, vt Gulie-
mus Ockhamus, in primo, d. 3. quæst. 1. vbi
etiam Aureolus apud Capreolum, in se-
cundo, d. 30. quæst. 1. & nonnulli ex Soc.
Iesù, quos in disceptationibus audiui,
tum Romæ, tum Mantuæ: adden-
tes, non dari relationes reales à parte
rei præter operationem intellectus, sed
omnia referri ad se inuicem per so-
las relationes rationis ab intellectu
confectas, comparando vnam rem
cognitam ad aliam pariter cogni-
tam.

Secunda opinio est Platonis, & A-
ristotelis in text. & quinto Methaphys. cap.
de Ad aliquid: asserentium dari ad aliquid,
& esse speciale genus generalissimum en-
tis realis à cæteris distinctum. Hos secuti
sunt ferè omnes, tum ex Philosophis, tum
ex Theologis: illi apud Aristotelem, 5. Me-
thaphys. vel hic, capit. de Ad aliquid: isti
verò cum Magistro sent. in primo, d. 28. vel
30. D. Thom. 1. p. q. 28. Aliquis ibi, quæst.
9. Henric. quol. 3. q. 4. & quol. 9. quæst. 3.

Boetius de Trinitate, cap. 11. & alij mul-
tis, &c.

Circa secundam partem quæstionis, Fon-
seca, lib. 5. Methaph. cap. 15. quæst. 6. sect. 2.
& 3. ait, supremum genus huius prædica-
menti non esse relatiuum, sed relationem,
pro quanto est ratio referendi vnum relati-
uum ad aliud.

Alij verò oppositum sentientes docent,
supremum genus huius prædicamenti po-
tius consistere in relatiuo concreto, quam
in relatione abstractiue sumpta. Et pro
hac opinione citatur, sed perperam, à Ru-
uio, & refellitur ab eo, noster Doct. Subr.
in primo, d. 21. quæst. vnic. siquidem in to-
ta illa quæstione inuestigat veritatem il-
lius propositionis: solus Pater est Deus:
& solum sub D. & E. loquitur aliquiliter
de telarijs, & ibi habet dumtaxat, quod
relatiuum in communi, non referatur ad
correlatiuum in communi, sed solum
pro inferioribus; aliter relatiua æquipa-
rantur, non continerentur sub relatiuo
in communi, vt optimè probat. An-
verò rationes habeant efficaciam, &
contra Scotum, examinabimus in-
ferius.

Alij tandem, quos sequuntur Tole-
tus hic, quæst. 2. & Ruuius quæst. 3. dicunt
supremum genus huius prædicamenti, si
sumatur in concreto, esse relatiuum in
communi; relationem verò, si accipia-
tur in abstracto: siquidem, nedum ab-
stracta, verum, & concreta ponuntur
in prædicamentis, vt supra probauimus,
disputat. 1. Et hæc sententia est cæteris
probabilior, à qua nec Scotus recedit,
vt infra demonstrabimus. Cæterum
quia quæstio multas inuoluit difficulta-
tes, quæ simul, non ita facile di-
solui possunt, propterea singu-
latim de omnibus pertra-
ctabimus ordine
sequenti.

(.)

*Verum, præter relationes rationis, admit-
tendæ sint relationes reales, à suis
fundamentis realiter di-
stinctæ?*

SECTIO I.

Nominales respondent negativè ad hanc quæstionem: quandoquidem dicunt non esse necessarium admittere relationes reales, cum quilibet ordo ad aliud, possit optimè saluari per relationes rationis. Et esset deberent aliquæ concedi præter operationem intellectus, tales non forent realiter distinctæ à suis fundamentis. Ita Ochamus, & Maior, in primo, d. 3. q. 1. Durandus, quæst. 2. Gregorius Arini, d. 28. quæst. 2. art. 1. & nonnulli ex Thomistis, ut Iauellus, Soncinas, & Heræus Natalis, quorum meminit Ruuius hic, q. 13. n. 126.

Oppositam tamen sententiam defendunt communiter Scholastici utriusque Scholæ Thomist. & Scotistarum, quamquam diuersimode loquantur de relationibus transcendentalibus, & prædicamentalibus, ut infra dicemus. Undè pro declaratione, ac fundamento huius posterioris sententiæ.

Primo notandum est, ex Doct. Subtili in quol. quæst. 3. art. 1. Ens, & rem, cum dicantur ad conuertentiam, posse tripliter accipi. Primo modo, ut distinguuntur contra nihil: & sic entia rationis possunt dici res, quia sunt extra nihil. Secundo modo, ut distinguuntur contra entia rationis: & sic omnia, quæ habent esse extra animam, & præter operationem intellectus, vel alterius potentie collatiue, dicuntur res. Tertio modo, prout comprehendunt omnia, quæ ponuntur in decem prædicamentis. Cum autem relationes transcendentales, & prædicamentales habeant esse præter operationem intellectus, & multæ reponantur in prædicamento Ad aliud, ac in alijs sex ultimis prædicamentis, ut inferius demonstrabitur, sequitur dari relationes reales, quæ sint veræ res contradistinctæ à

relationibus rationis.

Secundo notandum, ex eodem Doctore ibidem, Relationes reales esse veras res, posse dupliciter intelligi. Vno modo absolute; & sic sunt veræ res; tum quia contineantur sub ente reali, tum etiam quia contradistinguuntur ab ente rationis, & à nihilo. Alio modo comparative in ordine ad entia absoluta, cuiusmodi sunt substantiæ, quantitates, & qualitates, quarum esse est ad se, & non ordinantur ad aliud: & sic non possunt dici veræ res; tum quia torum illarum esse est aliud, tum etiam quia sunt tam exiguæ entitatis, ut duplici egeant fulcimine, scilicet fundamento, & termino, ac propterea ab aliquibus, & ab ipso Scoto loco citato, vocentur modi rerum, scilicet substantiæ quantitatis, & qualitatis, super quibus fundantur, nihilominus, absolute loquendo, sunt veræ res, cum participant cum cæteris, quæ veræ res appellantur, esse reale, & quiditativum entis finiti, ac limitati, dum æqualiter in decem genera partiuntur.

Tertio notandum est, Relationes reales, esse in duplici differentia; siquidem aliæ dicuntur transcendentales, & illimitatæ, & aliæ prædicamentales, ac limitatæ. Relationes transcendentales, & illimitatæ sunt illæ, quarum fundamenta nequeunt esse sine terminis, ut relatio creaturæ ad Deum, materiæ ad formam, potentie ad actum, & huiusmodi; quia sicut simpliciter repugnat creaturarum esse, & non dependere à Deo, ita saltem de potentia naturali implicat, materiam esse sine forma, & potentiam sine omni actu. Dicuntur autem transcendentales, vel quia conueniunt enti, antequam descendat in decem genera, vel quia reperiuntur in omnibus, vel saltem pluribus prædicamentis. Relationes verò prædicamentales, seu limitatæ, quia spectant ad peculiaria genera, dicuntur illæ, quarum fundamenta non dependent essentialiter à suis terminis, sed absque contradictione possunt esse sine illis; ut paternitas, filiatio, similitudo, æqualitas, & huiusmodi. Relationes autem transcendentales adhuc sunt

sunt in duplici differentia; quædam enim sunt actuales, quia requirunt terminum actuali: et existentem, ut est dependentia creaturæ ad Deum; quædam vero aptitudinales, quibus sufficiunt termini in aptitudine; ut risibilitas terminatur ad ridere, quod non semper est in actu.

Quarto notandum, relationem actuale, siue transcendentalem, siue prædicamentalem esse duplicem, scilicet intrinsecus, & extrinsecus aduenientem. Relatio intrinsecus adueniens est, quæ insurgit, ex natura extremorum in quacunque distantia positorum, necessario, & impedibiliter; ut relatio paternitatis, filiationis, similitudinis, equalitatis, & huiusmodi; quando quidem positis fundamentis, & terminis, nec per diuinam potentiam impediri possunt, quin resurgent; & dicunt habitudinem actuale extremorum ad inuicem. Relatio vero extrinsecus adueniens est, quæ non oritur ex natura extremorum in quacunque distantia, & impedibiliter, sed requirit approximationem eorumdem, & concursum diuinum; ut relatio agentis ad passum, loci ad locatum, & cætera huiusmodi; siquidem requiritur approximatior, ut v. g. combustibilis ad ignem; & ipsa posita, adhuc potest impediri relatio combustionis, ut patet de tribus pueris in camino ignis ardentis, de Daniele in lacu leonis, &c. quæ virtute diuinæ fuerunt impeditæ, ne insurgerent, quamvis extrema fuerint debite approximatior. Relationes intrinsecus aduenientes, saltem prædicamentales, requirunt tres condiciones. Prima, quod extrema sint realia. Id est non pendeant in ratione fundati ab opere intellectus. Secunda, quod extrema sint realiter distincta. Quia eiusdem ad se, nequit esse realis habitudo. Quod dicitur propter relationes extrinsecus aduenientes mouentis, & moti; nam Angelus, & voluntas possunt mouere se, & nemo ignorat eiusdem ad seipsum non esse distinctionem realem. Tertia, tandem, quod oriuntur ex natura extremorum, & non dependent ab alio, ut putata ab intellectu, vel ab agencie extrinsecæ.

Quinto notandum est, ex communi omnium sententia, in quacunque relatione actuali septem repetiri, scilicet terminum, subiectum, relatum, cor-

relatum, relationem, & correlationem. Vt in relatione paternitatis ad filium, fundamentum est potentia actiua generandi in patre; terminus potentia passiuæ ad generari in filio; subiectum ille homo, qui denominatur pater, vel filius. Relatum, quod relatione refertur, est pater; correlatum filius; relatio, quæ relatum refertur ad correlatum, est paternitas; & filiatior, per quam filius correfertur ad patrem, dicitur correlatio. Et hic ordo est desumptus à Scotis, in secundo, d. 1. quæst. 1. ad primum argumentum D. & in primo, d. 35. q. vn. & d. 30. q. 2. ubi dicit, prius esse absolutum in causa, deinde absolutum in effectu; postea relatio in effectu ad causam, & tandem relatio, siqua sit, causæ ad effectum.

Sexto notandum, ex Scotis diuersis in locis sue doctrinæ, relationes esse in quaduplici differentia; quædam enim fundantur in absoluto, & terminantur ad absolutum; ut paternitas, quæ fundatur in potentia generatiua patris, & terminatur ad potentiam passiuam in filio, quæ sunt res absolute; quædam fundantur in absoluto, & terminantur ad respectum; ut relatio distinctionis fundata in albedine, & terminata ad similitudinem; quædam autem fundantur in respectu, & terminantur ad absolutum; ut distinctio fundata in similitudine, & terminata ad albedinem; quædam denique fundantur in respectu, & terminantur ad respectum; ut relatio proportionis fundata in vna æqualitate, & ad aliam æqualitatem terminata. Ex his habetur, quod relationes quæ fundantur in absoluto, & terminantur ad absolutum, distinguuntur realiter à fundamentis; quia sibi non repugnat esse sine terminis; reliquæ vero identificantur fundamentis, quia talia nequeunt esse sine suis terminis. Secundo inferitur, cum relationes prædicamentales fundentur in absolutis, & terminentur ad absoluta, quæ inter se realiter distinguuntur, & quod ipse pariter realiter distinguatur à suis fundamentis; siquidem vnum absolutum potest esse sine alio, ab ipso realiter distincto. Relationes vero transcendentales, siue aptitudinales, siue actuales, sunt realiter identificatæ suis fundamentis; quia cum illa pendeant essentialiter à terminis, nequeunt esse sine illis; sique, sit, ut relationes semper.

semper infort; quandoquidem manente eodem fundamento, & termino, perseverat eadem relatio, sicut destruitur ad destructionem fundamenti, vel termini; à quibus essentialiter dependet, vt infra fusius probabimus in propria questione.

Ex his, sit prima Conclusio. Præter relationes rationis, (de quibus satis egimus in Tractatu secund. Intentionum) dantur etiam relationes reales à parte rei, independentes ab opere intellectus collatiuo. Est Scoti, in secund. d. 1. q. 4. §. & quia posset, &c. sub lit. E. Auicenzæ, tertio methaphysicæ, cap. de Relatione: à quo idem Doctor sumpsit ferè omnes probationes. D. Thomæ, ac omnium Thomistarum. Probatur. Quod habet esse seclusa operatione collatiua intellectus, saltem est ens reale, prout reale distinguitur ab ente rationis; sed aliquæ relationes sunt huiusmodi; ergo. Maior patet, per diffinitionem entis realis, & differentiam eius ab ente rationis, ac ex not. primo. Minor probatur. Quia paternitas, filiatio, sursum, deorsum, actio, passio, sunt relationes, cum dicant habitudinem ad aliud, sed tales sunt reales, cum habeant esse nullo considerante intellectu; ergo dantur à parte rei relationes reales, præter relationes rationis. Secundo sic. Quia scientia realis nequit esse de subiecto, quod sit ens rationis, sed aliquæ scientiæ reales sunt de relationibus; ergo huiusmodi relationes debent esse reales. Maior patet. Quia scientia mensuratur ab obiecto, ex Aristotele, quarto meth. & primo Posteriorum; ergo si scientia est realis, & subiectum debet esse reale. Minor est Philosophi, 13. meth. c. 2. vbi demonstrat multas relationes proportionis, equalitatis, & inequalitatis, &c. de lineis, corporibus Mathematicis, & alijs, quæ considerantur in scientijs Geometriæ, & Arithmeticæ, ac Astrologiæ; atqui certum est, scientias Mathematicas esse reales, & non rationis, ex eodem Philosopho, sexto, & 11. meth. vbi diuidit scientias reales, & speculatiuas, in naturalem, mathematicam, & diuinam; ergo de mente Philosophi, dantur relationes reales. Aliæ rationes, quibus Scotus probat hanc conclusionem, videantur in loco citato.

Secunda conclusio. Relatio realis est ens, & res absolutè, ac formaliter secundum

se, & non ratione fundamenti tantum. Est Scoti loco citato, sub E. Probatur prima pars. Quod continetur sub ente reali, reuera est ens, & res absolutè; quia superius includitur essentialiter in quolibet inferiori; sed relatio est huiusmodi, vt dictum est not. primo; ergo relatio absolutè est ens, & res. Secunda pars probatur. Fundamentum est quid absolutum, vel formaliter, vel æquiualeuter; quod dico propter illas relationes, quæ fundantur super alijs relationibus; siquidem tunc gerunt vicem entium absolutorum; ergo nequit esse de conceptu relationis, quæ est ens respectu fundamenti. Consequentia patet. Quia prædicamenta sunt impermixta, vt sæpius probatum est. Antecedens patet. Quia relationes, vtpotissimum fundantur super substantia, quantitate, & qualitate, quæ sunt entia absoluta, & ad se.

Tertia conclusio. Relationes reales prædicamentales, distinguuntur à suis fundamentis realiter, transcendentales verò minimè. Prima pars, est Scoti loco citato, contra Henricum, & Nominales §. Contra istam opinionem. Secunda verò pars, est eiusdem ibidem sub M. Probatur prima pars. Quæ possunt ad inuicem separari, distinguuntur realiter; sed relationes prædicamentales, & earum fundamenta sunt huiusmodi; ergo distinguuntur realiter. Maior patet. Minor probatur. Quia fundamenta relationum prædicamentalium possunt esse sine illis absque contradictione; ergo, & separari possunt ab inuicem. Consequentia patet. Antecedens probatur. Quia fundamenta possunt esse sine suis terminis; ergo etiam sine relationibus, Antecedens patet. Quia sunt duo absoluta distincta realiter, & prius non dependet à posteriori, nec è conuerso necessariò; ergo fundamenta possunt esse sine terminis. Antecedens patet, de duobus albis, de duobus quantis, & de duobus hominibus, super quibus respectuè fundari possunt relationes similitudinis, equalitatis, & identitatis, vel productionis. Consequentia etiam patet. Quia relatio pendet essentialiter à fundamento, & terminò realiter existentibus; ergo aucto amoto, vel destructo, amouetur, vel destruitur etiam relatio. Confirmatur. Quia album ad præsentiam alterius albi, dicitur illi simile, & amoto, non dicitur amplius simile; sed

non poterat dici simile, nisi per relationem similitudinis; ergo cum non dicitur amplius simile, hoc illi cuenit per realem depreditionem eiusdem relationis. Secunda Pars probatur. Creatura nequit esse sine relatione ad Deum creatorem, & talis est transcendentalis; ergo relatio transcendentalis, est realiter eadem suo fundamento. Antecedens patet. Quia creatura nequit esse sine Deo; ergo sine relatione nequit esse, quam dicit ad Deum; siquidem manentibus fundamento, & termino, perseverat relatio. Consequentia primi Enthimematis probatur. Quia quodinesit alieui, sine quo illud nequit esse sine contradictione, est sibi realiter idem; ergo si relatio transcendentalis ita inest suo fundamento, vt implicet posse esse sine illa, sequitur quod identificetur illi. Antecedens patet. Quia sicut contradictio de aliquibus, indicat distinctionem inter illa, ita repugnantia contradictionis, arguit identitatem. Secundo probatur: Quia illa relatio, cuius fundamentum nequit esse sine termino, est sibi eadem realiter; sed relationes transcendentales sunt huiusmodi, ergo non possunt esse sine fundamentis, & consequenter identificantur illis. Maior patet. Quia positis fundamento, & termino, implicat non insurgere relationem inter illa, saltem intrinsecus aduenientem. Minor similiter est manifesta. Quia relationes transcendentales faciunt dependere essentialiter fundamenta à terminis, vt patet de relatione creaturæ ad Deum, totius ad partes, materiæ ad formam saltem naturaliter, & de similibus, vt dictum est, Not. sexto. Tercio sic. Si Relatio transcendentalis, posset distingui realiter à suo fundamento, sequeretur posse dari processum in infinitum, sed hoc esset contra Philosophum, primo Posteriorum; ergo. Sequela maioris probatur. Quia accipio exempli gratia, relationem dependentie creaturæ ad Deum, & quero an sit eadem, vel distincta realiter a creatura. Si primum dixeris, habeo intentum. Si secundum, cum, & ipsa sit quid creatum; ergo alia dependentia dependet à prima relatione; & tunc quero de illa, an sit eadem, vel distincta realiter. Si primum concesseris, cum non sit maior ratio de vna, quam de alia; ergo, & prima erat eadem realiter suo fundamento. Si secundum dixeris, ergo dependet alia depen-

dentia, de qua quæram sicut prius, & sic daretur processus in infinitum independentis, quod non est dicendum. Restat ergo, quod relatio transcendentalis sit eadem realiter suo fundamento.

Quarta conclusio. Eædem relationes transcendentales sunt eadem realiter suis fundamentis, vt probatum est, non sunt tamen de conceptu formali eorundem. Est Doct. Subtilis loco citato I. Probatur primo sic. Nullum respectuum, est de conceptu formali absoluti, nec è converso; sed fundamenta sunt absoluta, & relationes de genere respectuorum; ergo. Maior patet. Quia alia est distinctio quidrativa absoluti, & alia respectui; sed distinctio explicat quiditatem, & conceptum formalem, cuius est distinctio, ex Aristotele, 7. metaphys. l. c. 41. 42. ergo. Secundo probatur. Quia ex D. August. 7. de Trinit. cap. 2. omne quod relatiue dicitur, est aliud excepto relatiuo; sed fundamentum relatiue dicitur. Idem refertur relatione ad suum terminum; ergo, & aliud à relatione, non realiter, vt probatum est; ergo formaliter.

Obijcies primo, cum Nominalibus, contra primam conclusionem. Si relatio esset res realis, alia à fundamento, sequeretur dari mutationem in fundamento, per eius aduentum in illo; sed hoc est falsum, quia tunc ad relationem esset motus, contra Philosophum, quinto physicorum, l. c. 10. & contra Boetium, 3. de Trinit. ac D. Anselmum in Monologio, cap. 24. qui idem in Deo admittit denominationes relatiuas, quia ex ipsis nulla sequitur mutatio; ergo falsum est, per aduentum relationis dari mutationem in fundamento.

Respondetur, ex Doct. Subt. in secundo, d. 1. q. 5. sub G. & quolib. 1. sub k. Sequela maioris esse veram de mutatione improprie dicta, quæ nil aliud dicit, quam rem aliter se habere nuncquam prius, siue ad se, siue ad alterum, sicut accidit in relatione intrinsecus adueniente; non tamen de mutatione proprie dicta; quia non potest esse in subiecto, siue nouitate formæ in eodem. Ad auctoritatem Philosophi, dico esse veram loquendo de motu proprie dicto, non de motu improprie, quia sic, secundum ipsum, ad relationem potest esse motus.

Vel dicendum, cum eodem Doctore secundo loco citato, negando minorem. Ad probationem dico, Philosophum loqui de forma, quæ propria acquisitione acquiritur in subiecto, siue sit absoluta siue respectiva, cuiusmodi sunt relationes extrinsecus aduenientes, quæ non necessario consequuntur extrema posita in esse; non tamen de forma relativa intrinsecus adueniente; quia cum talis non acquiratur per se, sed tantum ad positionem extremorum sequatur, consequenter, non potest terminare motum, & tamē non sequitur, huiusmodi formas posse aduenire; fundamentis sine aliqua nouitate absoluta facta, in illis, cum sufficiat mutatio, seu ordinatio illorum ad alterum, scilicet ad terminum. Eodem modo exponendi sunt Boetius, & Anselmus citati.

Obijcies secundo. Quia positis duobus albis, vel duobus quantis eiusdem rationis, secluso quocumque alio, illa dicuntur similia, & ista æqualia; ergo non est cur ponamus relationes reales superadditas talibus fundamentis. Consequentia patet. Quia non sunt multiplicanda entia, sine necessitate. Antecedens probatur. Quia ex Philosopho, quinto Metaphysic. c. 15. t. c. 20. similia sunt illa, quorum qualitas est una, æqualia verò, quorum quantitas una; ergo positis duobus albis, vel quantis eiusdem qualitatis, vel quantitaris, secluso quocumque alio, dicuntur similia, vel quantita.

Respondetur, antecedens esse verum, fundamentaliter, non formaliter, quia cum simile, sit effectus formalis similitudinis, & æquale æqualitatis, sicut album albedinis, vel quantum quantitatatis, nequeunt esse sine eorundem causis formalibus, quæ sunt relationes similitudinis, & æqualitatis. Ad probationem dico, Philosophum, ibi diffiniuisse similia, & æqualia tantum fundamentaliter, & non formaliter, ut potè, quia facilius dignoscuntur, quam per eorum formas relativas. Eodem modo solvuntur argumenta, quæ similiter fieri possunt de relationibus distantie, differentie, distinctionis, & diversitatis vnus ab alio, quod præcisè relationibus, dicuntur distantia, differentia, distincta, & diuersa fundamen-

taliter tantum, sed non formaliter.

Obijcies tertio, multa inconuenientia, quæ sequerentur expositione relationum realium. Primum enim sequeretur immutari totum orbem ex motione vnus digiti tantum, ob relationes distantie, quæ causerentur in omnibus entibus ad positionem illius digiti, vel ad motionem eiusdem; quod esset maximum inconueniens. Secundum sequeretur, agens creatum posse agere in quacumque distantia, & causare infinitos effectus; sed hoc est falsum; ergo & id vnde sequitur. Consequentia probatur. Quia si essent infinita alba in quavis distantia posita, ad positionem vnus albi eiusdem intentionis hic, sequerentur in eo infinitæ similitudines, quod non est concedendum.

Respondetur ad primum, nullum fore inconueniens; siquidem ad positionem extremorum in quacumque multitudine, etiam infinita, si talia forent possibilia simul, necessariò sequuntur relationes intrinsecus aduenientes, etiam infinitæ in vno, & eodem fundamento; tum quia hæc est natura, & conditio huiusmodi relationum; tum etiam, quia non sunt impossibiles in eodem fundamento, ut docet Scotus, in tertio sentent. dist. 8. quæstion. vnic. tum tandem, quia mutatio huiusmodi est impropria, & potest esse in subiectis, nulla facta nouitate per acquisitionem formarum absolutarum in illis, ut dictum est in responsione ad primam obiectionem.

Ad secundum, relictis opinionibus multorum Scotistarum, ac Thomistarum, dico cum Doctore Subtili, in 4. d. 13. quæst. 1. lit. C. D. negando sequelam antecedentis, seu maioris. Siquidem relatio intrinsecus adueniens non causatur propriè, sed consequitur, vel resultat ad positionem extremorum in quacumque distantia; vnde nullum, est inconueniens, ad positionem infinitorum alborum consequi, vel resultare infinitas relationes similitudinis, etiam in vno, vel pluribus fundamentis, ut dictum est ad præcedens adductum inconueniens.

Obij-

Obijcies quarto. Sequeretur, data veritate conclusionis, partem fore æqualem toti; sed hoc est manifestè falsum, & contra illud commune axioma: omne totum est maius sua parte; ergo, & illud ex quo sequitur. Sequela maioris probatur. Quia si ponatur in quantitate maiori certa relatio ad minorem quantitatem, scilicet duplicitatis ad subduplam, vel dimidiam, tunc queritur, an talis relatio sit diuisibilis, vel indiuisibilis; sed neutrum est concedendum; ergo. Minor probatur. Si est diuisibilis, cum esset in qualibet parte maioris quantitatis, sequeretur ipsam denominare quamlibet partem duplam, & sic pars esset æqualis toti. Si verò dicatur esse indiuisibilem, sequitur idem; quia esset tota in tota quantitate, & tota in qualibet eius parte; & sic pariter denominaret etiam partem duplam, sicut totam quantitatem; & sic pars foret æqualis toti, quod est contra primum principium, omne totum est maius sua parte.

Responderetur cum Licheto, in 2. d. 1. q. 4. negando sequelam maioris. Ad probationem, posito casu dico, talem relationem duplicitatis esse indiuisibilem, & denominare tantum totam quantitatem modo indiuisibili, cum pro subiecto, vel fundamento sibi determinet totum, & non partem, licet ex consequenti possit etiam esse in partibus eiusdem quantitatis; quandoquidem hæc est natura relationis, quod pro subiecto, seu fundamento, sibi vendicat totum dumtaxat & non partem: ad differentiam accidentis absoluti, quod extenditur ad extensionem subiecti, & denominat quamlibet eius partem, ut patet de albedine existente in parte, qua non solum totus paries, sed etiam quælibet eius pars dicitur alba.

Obijcies quinto, contra tertiam conclusionem. Quia sequeretur, duo alba non esse similia, etiam si ponantur simul in eorum natura; sed consequens est falsum, & contra rationem similitudinis, de quibus dicit Aristoteles, quinto Meth. cap. de Ad aliquid, quod sunt eorum differentium eadem qualitas; ergo, & antecedens. Sequela maioris probatur. Quia posita similitudine distincta realiter ab albedine, potest fieri, ut album sit sine illa, cum omne prius, scilicet per potentiam diuinam, possit separari a suo posteriori; quo facto, erunt alba, & non

erunt similia, cum non haberent similitudinem.

Responderetur, negando sequelam maioris. Ad probationem, nego quod inferatur, quia positis duobus albis, impossibile est, quin resultet relatio similitudinis inter illa. Ad probationem dico, illam Maximam Scotticam habere veritatem, ubi non est dependentia essentialis vnus ab alio, quod non est dicendum in proposito; quia relatio, positis extremis, dependet essentialiter, & in impedibiliter ab illis.

Contra hanc solutionem, arguunt Recentiores Nominales. Deus ad extra agit liberè, & contingenter ad quamlibet effectum; ergo posito termino, & fundamento, potest suspendere concursum suum, nè sequatur relatio; quo facto, posset conferre duo alba, quæ tamen essent similia, absque relatione similitudinis. Consequentia patet. Quia certum est, Deum posse impedire causalitatem causæ secundæ efficientis, ut supponitur in doctrina Scotti; ergo &c.

Responderetur, negando consequentiam. Ad probationem dico, illam esse veram, quando effectus non sequitur naturaliter, & de necessitate ad positionem causæ: sicut est in proposito de relatione intrinseca adueniente, quæ in impedibiliter dimanant ab extremis in esse positis, etiam in quacumque distantia: ad differentiam relationis extrinsecus aduenientis, quæ potest impediri, quia sequitur extrema ratione alicuius principij extrinseci, scilicet approximationis, vel vnionis extremorum. Et confirmatur responsio. Quia substantia in natura substantiali, & figura in quantitate, distinguuntur realiter, & tamen nequeunt à Deo impediri, faciendo naturam non substantem, vel in se, vel in alio, aut quantitatem absque vlla figura.

Contra. Quia ex hac responsione sequitur realis identitas relationis cum suo fundamento, contra conclusionem; ergo. Consequentia probatur, ex Doctrina Scotti, in secundo, d. 1. quæst. 5, sub M. ubi habet, quod si deus prius aliquo, cui repugnet ab intrinseco esse sine posteriori, inferatur identitas inter illa; ergo cum extrema sint priora relatione, sine qua nequeunt esse, sequitur identitas relationis cum fundamen-

mento, & termino.

Respondetur, negando consequentiam. Ad probationem dico, cum eodem Scoto ibidem sub N. illam maximam habere veritatem solum, quando posterius ab intrinseco, & ex natura prioris, habet esse simpliciter ab eo; non tamen si sequatur ab extrinseco ex positione alicuius alterius, sicut accidit in proposito; quia, & si extrema sint priora relatione, & hæc oriatur ex natura extremorum, cum tamen intercedat coexistentia durationis illorum, adhuc ut ponatur in esse, quæ est quid extrinsecum, sequitur, quod non simpliciter oriatur ex illis, ac propterea quod non sit eadem realiter cum eis.

Vel dicendum cum Rada, 3. p. controu. 6. art. 4. conclusionem 5. Auctoritatem Scoti habere veritatem, si fiat comparatio vnius ad vnum, non tamen si plurimum ad vnum, sicut accidit in proposito; & maxime quando vnum illorum non habet dependentiam essentialem ad alterum, & possint ab inuicem separari absque contradictione; vt patet de duobus albis, quia tunc non inferitur identitas posterioris ad prius; imò distinctio, sicut, & priora possunt ab inuicem seiungi.

Obijcies sexto. Si relationes prædicamentales distinguerentur realiter à suis fundamentis, sequeretur processus in infinitum, in relationibus; sed consequens non est admittendum in Schola peripatetica; ergo nec antecedens, ex quo illud sequitur. Sequela maioris probatur. Quia similitudo si ponatur distincta à suo fundamento realiter; ergo distinctione, quæ est relatio, distinguitur; & tunc quaeritur, an distinctio fundata in similitudine sit alia res ab ipsa; si non; ergo, nec ipsa similitudo, cum sit eiusdem rationis: si verò dicatur sic; ergo aliter est alia; de qua quaeramus sicut prius, & sic processus in infinitum.

Respondetur, negando sequelam maioris. Ad probationem dico, relationem distinctionis, qua formaliter similitudo distinguitur à suo fundamento, non distingui ab ea realiter; siquidem, vt inquit Docteur. Subtilis, in secundo, d. 1. q. 5. G. & H. & in 4. d. 12. q. 1. l. relatio, cuius fundamentum nequit esse sine termino, est realiter eadem sibi. Cum autem similitudo nequeat esse sine

albedine duorum alborum, consequenter relatio distinctionis fundata super ipsa, est identificata sibi realiter, & sic datur status in secunda relatione: quare non sequitur processus in infinitum, vt prætendebat argumentum.

Obijcies septimo, contra secundam partem tertie conclusionis, Quia relatio creaturæ ad Deum, distinguitur realiter ab ea; sed talis relatio est transcendentalis; ergo, relatio transcendentalis distinguitur realiter à fundamento. Maior probatur. Quia omne accidens substantiæ creatæ distinguitur realiter ab ea; sed relatio creaturæ ad Deum, est accidens ipsi creaturæ; ergo distinguitur realiter ab ea. Maior supponitur vera. Minor probatur ab Henrico tribus auctoritatibus D. Augustini, quarum prima habetur lib. 5. de Trinit. cap. 5. Quod non secundum substantiam dicitur, restat, vt dicatur secundum accidens. Sed relatio creaturæ, verbi gratia. Angeli, non est substantia Angeli; ergo est accidens. Secunda est ibidem, cap. 16. Illa sunt accidentia relativa, quæ cum aliqua mutatione rerum, de quibus dicuntur, accidunt; sed relatio creaturæ ad Deum, accidit creaturæ cum sui mutatione, quia nouitas se tenet ex parte creaturæ, cum includat relationem nouam; ergo. Tertia est ibidem in fine. Deus incipit temporaliter esse Dominus creaturæ, non relatione, quæ accidat ipsi Deo; ergo relatione, quæ accidit creaturæ; ergo est accidens ipsi creaturæ.

Respondetur, negando maiorem. Ad probationem dico, maiorem esse veram de accidente communi quod potest adesse, & abesse à subiecto, præter subiecti corruptionem; falsam autem de accidente pro extraneo, scilicet quod non ingreditur naturam, & quidam subiecti. Ad probationem desumptam ex D. Augustino dico, creaturæ relationem esse accidens pro extraneo, pro quanto est prædicatum non essentialiter eiusdem, non tamen accidens commune; vnde non sequitur posse separari à creaturæ, quinimò erit idem realiter sibi; & sic explicandus est Diuus Augustinus citatus.

Vel dicendum secundo, D. Augustinum, accipere accidens pro mutabili; in comparisonem ad Deum, qui est omnino immutabilis.

bilis; & sic omnis creatura est accidens, non tamen pro amissibili; quia sic relatio creaturæ ad Deum, cum nequeat amitti, vt supra probatum est, consequenter non potest dici accidens. Vtraque responsio est Doct. Subtilis, in secundo, d. prima q. 5. sub lit. L. & P.

Vtrum Relatio Prædicamentalis, requirat ad sui esse necessariam dependentiam à fundamento, & termino. Vel an esse in, sit ita de essentia Relationis, sicut esse Ad?

SECTION II.

Certum est apud omnes Scholasticos, relationem esse habitudinem inter duo extrema, scilicet inter fundamentum, & terminum, & quod respectu huius, dicatur esse ad, & respectu illius dicatur esse in. An autem talis habitudo includat vtrumque respectum, vel ambo extrema ad sui essentiam, & quiditate, controuertitur. Si quidem Thomistæ aliqui dicunt, D. Thomam, 1. p. q. 28. art. 2. docuisse, relationem constitui per vtrumque respectum, sed diuersimodè, nam esse in, ingreditur quiditatem relationis, vt ratio generica conueniens omnibus accidentibus nouem prædicamentorum, quorum esse est in alio esse, ex Philosopho septimo Methaphys. c. c. secundo; esse verò, ad, dicit conceptum proprium relationis, vt distinguitur ab accidentibus absolutis. Ita Caiet. super cit. loco D. Thomæ. Soncinas, 5. meth. q. 25. Capreolus, in primo sent. 4. 23. q. 1. & alij, quos citat Mastrius hic, disp. 8. q. 4. numero 50. Cæterum Ruuius in logica, cap. 7. q. 4. inquit, mentem D. Thomæ fuisse, quod relatio constituatur in esse quiditatum, tantum per ad, quia dicit conceptum proprium eius, prout distinguitur ab accidentibus absolutis: cum hoc tamen fiat, vt simul etiam respiciat intrinsecè, & fundamentum, & terminum.

Socistæ pariter sunt diuisi in explicanda mente Doct. Subtilis. Siquidem aliqui dicunt, relationem non includere in suo conceptu quiditatum respectum ad fundamentum, sed tantum ad terminum; siquidem prior respectus conuenit relationi dumtaxat

in secundo modo dicendi per se. Ita Ant. Trombeta, 7. Meth. q. 1. Antonius Andreas ibidem, & alij non pauci, & maximè ex Recentioribus. Cæterum, alij melius indagantes intentionem Magistri, in primo, d. 28. q. 2. & 3. & d. 26. q. vn. C. in secundo, d. 1. q. 5. in 4. d. 12. q. 1. conclus. 2. D. quol. 3. sub M. ac alibi, oppositum sentiunt; nimirum, relationem constitui intrinsecè per vtrumque. Et hanc esse getmanam opinionem Scoui in citatis locis, nec non Aristotelis in log. cap. de ad aliquid. Ita Io. Rada, 1. p. controuers. 23. art. 3. in fine. §. sed aliqui nimis, &c. Mastrius in logica, loc. citat. conclus. 3. vbi assert Bargium, in primo, d. 3. q. 5. à quo sumpsit suæ quæstionis resolutionem. Et ex PP. Societ. Amicum in log. q. 7. dub. 2. art. 2. quibus, & nos libenter subscribimus propter auctoritatem Magistri in citatis locis; & præcipuè in 4. d. 12. quæst. 1. concl. 2. vbi disertè aperuit mentem suam in hac materia.

Pro cuius declaratione, ac fundamento, primo notanda sunt ea, quæ diximus in præcedenti sectione, notab. 5. & 6. nimirum aliquas relationes fundari super absolutis, & terminari ad absolutas, alias super absolutis, & terminari ad respectina, & è conuerso; aliqua tandem fundari in respectibus, & ad respectiva pariter terminari, vt patet in exemplis ibidem allatis: similiter septem reperiri in qualibet relatione, saltem propriè dicta, & mutua, scilicet subiectum, fundamentum, terminum, relatum, correlationum, & relationem, ac correlationem, vt dictum est de paternitate, ex Scoto, quolib. 12. art. 1. lit. C.

Secundo notandum est, ex Doct. Subtili, in prædicto loco, sed etiam in primo, d. 30. q. 1. & in 4. dist. 12. q. 1. C. D. quod cum relatio exposita ad sui esse duo extrema, fundamentum scilicet, & terminum, ita respicit necessariò vtrumque, vt sine illis conservari nequeat; tollere enim terminum, ad quæ est respectus, est tollere, vel destruere respectum: & tollere illud, cuius est respectus, est pariter tollere respectum, & destruere rationem eius; vadè inferunt, quod quando relatio respicit fundamentum dicitur habere esse in; & esse ad, cum terminum respiciat. Vtrumque tamen, scilicet esse in, & esse ad, potest dupliciter, considerari, scilicet intrinsecè, & extrinsecè, vel

Formaliter, & connotatiuè. Primo modo esse in, & ad, sunt de intrinseca ratione, & quidditate relationis, in tantum, quod si posset diffiniri quietatiuè, & formaliter simul, sicut accidit in entibus absolutis, nil aliud exposeret ad sui rationem formalem. Secundo verò modo non constituunt quidditatem relationis, quia cum fundamentum, & terminus, ut plurimum sint entia absoluta, & conceptus absolutus sit totus disparatus à relatiuo, nequeunt esse de quidditate illius: cum hoc tamen fiat, ut necessariò requirantur ad esse, & conseruari relationis; siquidem diffinitio relatiuium, cum sit data per additamentum, nequit intellectum quietare, nisi inuoluat, aut necessariò connotet utrumque extremum, scilicet fundamentum, & terminum; ut bene probat Doct. loco citato, conclusio. ne tertia.

Tertio notandum, ex eodem ibidem: & 5. Methaphys. t. c. 20. numero 117. quod sicut ista tria, scilicet subiectum, fundamentum, & ratio fundandi relationem, valde differunt, ita pariter subiectum, terminus, & ratio terminandi relationem, ad inuicem discriminantur; subiectum enim est, quod denominatur referri; fundamentum, quod relatione refertur; & ratio fundandi est convenientia, vel disconuenientia extremorum, ut ex eorum positione possit resultare relatio, ut patet in exemplo allato a Scoto in quol. 12. C. superius citato de paternitate; natura subiectum paternitatis est hic homo; fundamentum, eius potentia actiua generandi filium; & ratio fundandi, est actio eiusdem in generatione adhibita, sine qua non posset generare filium. Si, inlitter subiectum termini est illud, quod dicitur denominatiuè terminare, scilicet hic homo genitus: ut terminus verò formalis, quo relatio formaliter terminatur, est potentia passiva ad generari; ratio verò terminandi, est ratio in qua conueniunt, vel disconueniunt huiusmodi extrema: quod manifestius liquet ex prædicto exemplo; siquidem subiectum, est hic homo genitus; terminus, eius potentia passiva ad generari; ratio verò terminandi, est passiva dispositio eiusdem ad recipiendam formam hominis. Ex his habetur, quod cum relatio, ut dicitur in, respiciat fundamentum, seu subiectum, & ut dicitur ad, terminum, hoc potest intelli-

gi, vel remotè, vel proximè. Primo modo respicit tantum subiectum denominationis, & inlæssonis vltimæ, scilicet hunc hominem. Secundo modo autem, dumtaxat fundamentum, & terminum: quorum prius dicitur subiectum proximum, seu sedes necessaria relationis, posterius verò, formalis terminus, cui necessariò vnitur, ne deficiat vel destruat.

Quarto notandum, ex Scoto, in quarto sent loco citato, cōclusionē prima, & tertia, accidentis nomen posse dupliciter accipi, scilicet pro denominato, & pro per se significato. Primo modo significat quid absolutum, quod denominatiuè dicitur tale, ex eo quod potest adesse, & abesse a subiecto, præter subiecti corruptionem, ut albedo, nigredo, & cætera huiusmodi, quæ idè dicuntur absoluta, quia formaliter excludunt quemlibet respectum, secundum quem possint ordinari ad aliud; & quamuis dicant habitudinem ad subiectum, dicente Philosopho septimo meth. t. c. 2. esse entis entia, nihilominus subiecta non sunt de illorum essentia, ter homo albus. non esset ens per accidens, sed per se, quod est contra Philosophum, 5. Meth. cap. de Ente, & c. de Vnot & septimo Meth. t. c. 3. quandoquidem nihil, quod est de essentia alicuius, facit ens per accidens cum illo: accides autem, secundum eundem, est ens per se; quare dicendum est, non includere in sui quidditate subiectum. Si autem secundo modo accipiatur nomen accidentis, tunc importat respectum extrinsecus aduenientem in hærentiæ ad illud, cui accidit, vel actualiter, si actu, vel aptitudinaliter, si solum potentia sibi adheret: & ratio est; quia non necessariò sequitur positionem extremorum, sicut respectus intrinsecus adueniens, cum possit manere sine illo, saltem per potentiam diuinam: & hoc modo, nomen accidentis est commune omnibus accidentibus nouem prædicamentorum, siquidè omnia dicunt respectum in hærentiæ saltem aptitudinalè ad subiectum. Ex his infertur, relationem, cum sit accides, esse quæ tale accides, duplici respectu in hærentiæ potiri, nimirum cōmunicū cæteris accidentibus in ordine ad subiecta, & proprio, per quem distinguitur ab alijs ad fundamentum. Prior non est de essentia relationis; saltem non distinguereitur ab accidentibus absolutis, sed bene posterior, quo constituitur in

esse quiditatiuo in ordine ad terminum.

Quinto notandum est, quod quamquam Aristoteles non diffiniuit relationem per ordinem ad fundamentum, sed tantum ad terminum, non propterea licebit inferre, respectum, quem dicit esse in, non esse de quiditate relationis, siquidem cum relatio diffiniatur tantum per additamentum, debuit ponere id, quod erat notius ad manifestandam eius naturam, prout secernitur ab entibus absolutis, abstinendo ab omni, quod poterat confundere quiditatem relationis cum entibus absolutis; at cum esse in, videatur quodammodo communicare cum illis, quibus pariter competit esse in subiecto, & esse ad, totaliter illis opponatur, ideo ad manifestandam naturam relationis omni meliori modo, quo poterat, debuit tradere eiusdem diffinitionem per ordinem ad terminum, & non ad fundamentum.

Ex his, fit prima conclusio. Relatio in esse formali, & quiditatiuo, constituitur per esse ad, ut dicunt communiter Scotistæ, & Thomistæ; at non tantum per illum respectum ad, sed etiam per esse in, non ut dicit ordinem ad subiectum, ut putant quidam ex Thomistis, sed ad fundamentum, ut cum Scoto sustinent alij Scotistæ relati pro tertia sententia. Probatur prima pars, communiter ab omnibus. Tū quia Aristoteles in hoc capite, & 5. Methaphys. cap. de Ad. aliquid, diffinit relatiua in ordine ad aliud, scilicet ad terminum: tum etiam, quia per talem habitudinem relatio distinguitur ab entibus absolutis, quorum esse non est ad aliud, sed tantum ad se; atque eadem sunt principia constitutiva, & distinctiva; ergo relatio constituitur in esse per habitudinem ad terminum, per quam dicitur habere Ad. Secunda pars probatur, simul cum tertia, & quarta. Per illud constituitur relatio in esse quiditatiuo, per quod formaliter distinguitur à cæteris prædicamentis absolutis, scilicet quantitate, & qualitate; sed non distinguitur per esse in subiecto, licet bene per esse in fundamento; ergo solum per hoc esse in, constituitur in esse quiditatiuo, & formalis. Maior est clara: eadem enim sunt principia constitutiva, & distinctiva. Minoris prima pars probatur, contra

Thomistas relatos in prima sententia. Quia per esse in subiecto, non distinguitur relatio à quantitate, & qualitate, imo cum illis conuenit, tamquam in ratione generica, ex D. Thoma, prima pars. quæst. 28. artic. 2. relatio in prima sententia; ergo non constituitur per illud esse in. Consequentia patet. Quia cum prædicamenta sint impermixta formaliter saltem, ex Philosopho, primo Post. cap. 6. quæ sunt principia quiditatiua vnius, nequeunt esse alterius principia. Nec valet dicere, quod sit ratio generica, quæ formaliter includi debet in omnibus speciebus. Quia sicut accidens commune ad illa nouem prædicamenta accidentium, non est genus; aliter non essent decem generalissima prima, sed tantum duo, nimirum substantia, & accidens; nec consequenter potest ingredi, ut ratio generica in diffinitionem relationis; ergo esse in, debet esse principium distinctiuum, si est de quiditate relationis, & non conuenientia cum alijs. Secunda pars minoris probatur. Quia per esse in fundamento, & ad terminum, distinguitur relatio à quantitate, & qualitate, ut patet ex Philosopho, quinto Methaphys. cap. de Ad. aliquid, ubi distinguit diuersas relationes à cæteris, ne dum per esse ad terminum, sed etiam per earum fundamenta; ergo. Secundo probatur tota conclusio simul à Scoto, in 4. d. 12. quæst. 1. loco citato. Quia respectus essentialiter est habitudo inter duo extrema, scilicet fundamentum, & terminum; ergo in sui quiditate includit, & esse in, & esse ad. Consequentia patet. Antecedens suadetur. Quia sicut tollere terminum ad quem est respectus, est tollere, vel destruere respectum, ita tollere illud cuius est respectus, scilicet fundamentum, est tollere respectum, & destruere rationem eiusdem; ergo respectus essentialiter est habitudo inter illa duo extrema; ac proinde, tam esse in, quam esse ad, sunt de quiditate formali relationis.

Secunda conclusio. Siue relatio habeat extrema absoluta, siue respectiua, esse in, & ad, extrinsecè sumpta, prout connotant fundamentum, & terminum, non sunt de eius quiditate, licet requirantur necessariò ad eius diffinitionem. quia-

quietatiuum . Est Scoti pluribus in locis suæ doctrinæ , sed præcipuè in primo, dist. 30. quæst. 1. C. & in quarto dist. 12. quæst. 1. C. & L. Probatur prima pars. Quia nulum absolutum , est de conceptu formali alicuius respectui , siquidem opponuntur disparatè , vt toties dictum est ; sed relatio est de genete respectiuo , & fundamentum , ac terminus , vt sic accepta , sunt de generibus absolutis ; ergo nequeunt esse de eius quiditate . Minor patet , ex suppositione facta . Confirmatur ex Aristotele , primo Post. cap. 6. Quia predicamenta sunt formaliter impermixta secundum suas coordinationes ; ergo nihil , quod sit vnus coordinationis , poterit esse principium constitutum alterius . Secunda pars probatur . Quia respectiua , in quantum sunt fundamentum , & terminus alicuius relationis , distinguuntur saltem formaliter ab illa ; ergo non sunt de eius quiditate . Consequentia est manifesta . Antecedens probatur . Quia saltem opponuntur disparatè , vt patet de relatione identitatis , vel distinctionis , quæ possunt fundari super similitudinem inter duas similitudines , vel super vnâ similitudinem , & eius extrema absoluta ; sed inter disparatè opposita intercedit saltem distinctio formalis ; ergo in quantum fundamentum , & terminus , distinguuntur formaliter . Secundo probatur , ex Euclide , lib. 5. Geometrie . Quia proportionalitas fundatur in duabus proportionibus ; sed talis distinguitur formaliter ab illis ; ergo . Minor probatur . Quia proportionalitas importat relationem similitudinis inter duas proportionem , & proportio relationem æqualitatis vnus quantitatis cum alia ; atqui similitudo , & æqualitas distinguuntur , nedum formaliter , verum etiam realiter ; ergo respectiua , in quantum sunt extrema alicuius relationis , distinguuntur formaliter , ac propterea non sunt de eius quiditate . Tertia pars probatur . Quia diffinitio per additamentum , datur per aliquod extrinsecum , necessariò conduçens ad perfectam quietationem intellectus erga diffinitum ; sed nil potest dari in relatione , quod extrinsecè quietet intellectum eius , præter fundamentum , & terminum ; ergo talia neces-

sariò requiruntur ad eiusdem diffinitionem quietatiuam . Maior patet , ex descriptione diffinitionis quietatiuæ seu per additamentum . Minor similiter . Quia relatio , est essentialis habitudo inter illa .

Obijcies primo, cõtra primam conclusionem , auctoritatem Simplicij in hoc capite dicentis , quod esse in , non constituit relationem , sed esse ad .

Respondetur , explicando dictum Simplicij , quod loquatur de esse in subiecto , vt dicunt Thomistæ , non tamen de esse in fundamento ; quia sic constituit relationem in esse quiditatiuo , vt probatum est .

Obijcies secundo Aristotelem in hoc eodem capite , diffinientem relatiua tantum per esse ad aliud , scilicet ad terminum ; ergo signum est , hoc solum esse de quiditate relationis .

Respondetur , ex Not. vltimo , negando consequentiam . Siquidem diffiniendo relatiua tantum per ad , noluit excludere esse in , à conceptu quiditatiuo relationis , cum per fundamenta diuersa distinguat relationem lib. quinto Methaphysic. cap. de Ad aliquid ; nam voluit tradere diffinitionem per ad aliud , tamquam per distinctiuum notius relationum ab absolutis ; & eo inaximè , cum talis non sit diffinitio purè quiditatiua , sed per additamentum data .

Contra , ex Ruuio hic , cap. 7. quæst. 4. numero 31. Quia esse ad , sufficienter explicat naturam relationis , vt relatio est ; ergo cum Aristoteles tradiderit diffinitionem per ad , reticendo in , sufficienter tradidit . Consequentia est nota , Antecedens probatur . Quia relatio , secundum proprium conceptum , ad , est forma relatiua , & constituit subiectum formaliter relatiuum , vt patet de paternitate ; ergo secundum talem conceptum , ponit aliquid in fundamento , absque alterius additione respectus , qui dicatur in . Consequentia patet . Quia non sunt multiplicanda entia sine necessitate . Antecedens similiter . Quia est denominatio intrinseca , dum forma relatiua , seu relatio denominat subiectum , vel fundamentum relatiuum .

Respondetur negando antecedens. Ad probationem dico verum esse antecedens, si ly ad, sumatur specificatiue, non tamen si solum reduplicatiue; quia sic non constituitur relatiuum, sed tantum denominat extrinsecè terminum, ad quem ordinatur tota relatio.

Contra. Quia tunc relatio secundum conceptum præcisum ad, non esset realis; sed consequens est falsum; ergo & id vnde sequitur. Sequela maioris probatur. Quia omne ens reale, aut est substantia, aut accidens; sed data hipotesi, neutrum horum esset relatio; ergo. Maior est clara. Minor similiter de substantia patet, & probatur de accidente. Quia proprium accidentis, est esse in alio, vt in subiecto; sed relatio secundum conceptum ad, reduplicatiue sumptum, non esse in alio; ergo non esset accidens, & consequenter relatio non esset realis.

Respondetur, negando sequelam maioris. Ad probationem, concessa maiori, dico ad minorem, quod esset accidens respectiuium, sed inadæquatè sumptum, cum quiditas completa relationis circumscribitur per esse in fundamento, & ad terminum. Ad probationem dico, relationem tunc fore in alio, prout, in, dicit rationem communem omnibus accidentibus (quecumque sit illa) per quam non constituitur in esse relationis; non tamen prout, in, dicit respectum proprium ad fundamentum; & sic esset forma realis, prout abstrahit ab absoluto, & respectiuium; non verò forma respectiua, quia sibi deficeret alter conceptus inadæquatus, scilicet esse in fundamento.

Obijcies tertio. Quia si relatio exposceret vtrumque respectum ad sui esse adæquatum, non esset ens per se, sed per accidens; consequens est falsum; ergo, & antecedens. Sequela maioris probatur. Quia duo nequeunt facere vnum per se, nisi alterum sit actus, & potentia alterum; vt Aristotele, 8. Methaphys. t. com. vltimo; sed tales conceptus non essent huiusmodi; ergo. Minor probatur. Quia tunc non faceret vnum prædicamentum ab alijs distinctum, quod esse falsum probabitur inferius.

Respondetur, negando sequelam maio-

ris. Quia illi duo respectus, non complent quiditatem relationis formaliter, quasi essent duæ differentię inadæquatę, sed tantum circumlocutiue; per illos enim circumloquimur diffinitionem nobis ignitam, secundum quam constituitur relatio secundum vtrumque respectum in, & ad.

Vel dicendum, negando sequelam maioris. Ad probationem dico, illos duos conceptus inadæquatos, complere vnum modum intrinsecum relationis, qui cum ente reali faciat vnum per se genus prædicamenti relatiui.

Obijcies quarto, ex Trombetta, septimo Methaphys. quæst. 1. art. 4. & Mayronio in primo, dist. 29 quæst. 3. in fine. Quandoquique aliquod commune diuiditur per duas differentias formales, pro quocumque signo vna constituit speciem, seu minus commune, & alia pariter constituit; sed ens diuiditur per absolutum, & respectiuium, & absolutum prius natura est ad se, quam in sit alteri; ergo, & respectiuium prius natura erit ad aliud, quam in sit suo fundamento. Maior patet. Quia si substantia diuiditur per corporeum, & incorporeum, pro quo signo corporeum corpus, pro eodem signo incorporeum constituit spiritum. Minor similiter. Quia absolutum, & respectiuium, sunt immediatè opposita circa ens, & euacuant totam naturam entis.

Respondetur, concessa maiori, negando consequentiam. Quia non deducitur ex minori; siquidem ex illa solummodo inferri potest, quod sicut absoluto prius natura competit esse ad se, & posterius natura esse in subiecto, saltem aptitudinaliter, ita respectiuium, vt conuenit cum absoluto in ratione accidentis, prius natura sibi competit respicere terminum, quam denominare subiectum cui potest inesse; siquidem respicere terminum, pertinet ad eius conceptum proprium, & vt respectiuium est; denominare verò subiectum, hoc habet vt accidens est. Vnde quamuis ex hoc possit rectè inferri, quod accidens respectiuium prius natura constituatur in esse per ordinem ad aliud, quam respiciat subiectum denominatum, non tamen

ex-

excludendus est ab esse eius completo a lius respectus ad fundamentum, quia est in eodem signo naturæ, in quo est alter respectus ad aliud, scilicet ad terminum; & rationem reddit Doct. Subt. in quarto, d. 12. quæst. 1. concl. 2. Quia respectus est essentialis habitudo inter duo extrema, quorum alterum fit tollatur, tollitur, & destruitur ratio respectus, seu relationis.

Obijciens quinto, contra secundam conclusionem. Si extrema non essent de quiditate relationis, posset intelligi sine illis; sed hoc consequens est falsum; ergo, & antecedens. Maior patet de accidente absoluto, respectu subiecti. Quia hoc non est de quiditate accidentis; ergo potest intelligi accidens sine subiecto. Minor similiter. Quia relatio, cum sit essentialis habitudo inter extrema, sine illis intelligi non potest.

Respondetur, negando sequelam maioris. Ad probationem dico, maiorem dependentiam habere relationem ad sua extrema, quam accidens absolutum ad subiectum; siquidem prior est essentialis, posterior verò tantum accidentalis, cum eius quiditas non pendeat à subiecto, ut probat Scotus, in quarto, d. 12. quæst. 1. concl. 3. Lat in essentialiter ordinatis ubi unum dependet ab alio, & diffinitur per aliud, quamvis non se includant quiditatiuè, nihilominus posterius, nequit perfectè intelligi sine priori; quandoquidem diffinitio per additamentum, & si non sit pure essentialis, est tamen necessaria ad quietandum intellectum circa essentiam diffiniti; modo relatio diffinitur per sua extrema, tamquam per additum; & ideo nequit sine illis perfectè, & quietatiuè intelligi.

Utrum relationes sumunt suam specificationem à termino solum, vel etiam à fundamento?

SECTIO III.

Certum est, quæstionem non procedere de specificatione intrinseca relationis, cum satis probatum sit in præcedenti, fundamentum, & terminum non esse de intrinseca ratione eiusdem;

sed tantum quæritur de extrinseca. Hæc autem posset extendi ad multiplicationem relationum, nedum specificam, sed etiam genericam, & numericam. An nimirum pendeant, vel à solo termino tantum, vel etiam à fundamento dumtaxat, vel ab utrisque simul.

Circa quam sic explicatam, duæ extant opiniones famosæ inter se pugnantes, circa diuersitatem, & multiplicationem numericam relationum. Siquidem D. Tho. 3. p. quæst. 35. art. 5. & in quolib. 1. artic. 2. & quolib. 9. art. 4. docet, accidentia indiuiduari à suis subiectis; & consequenter habet dicere, multiplicationem numericam relationum non esse desumendam à multiplicatione terminorum, à quibus tantum extrinsecè pendent, sed benè à subiectis, seu fundamentis, quorum sunt partes intrinsecæ. D. Thomam sequuntur omnes eius Discipuli, & alij, quos recenset, & sequitur Collegium Complur. in logica, disputat. 14. quæst. 7. §. 4. quibus addendi sunt Toletus hic, quæst. 2. & Ruuius quæst. 8.

Ex opposito autem Scotus, cum doceat in secundo, dist. 3. quæst. 6. accidentia non indiuiduari per subiecta, sed per proprias hæcitates ab eisdem distinctas; & in tertio, dist. 8. quæst. vnica: super eodem subiecto, vel fundamento, posse fundari plura accidentia eiusdem rationis, ac speciei, nedum absoluta, sed etiam respectiua, conatur defendere, multiplicationem numericam relationum desumendam esse à terminis numero distinctis. Ipsum comitantur fideliter omnes eius Discipuli, ac Sectatores, diuersis in locis citatis à Mastrio hic, disputat. 8. quæst. 6. art. secundo, numero 87. quibus iunguntur Ioan. de Bacconis, in tertio, dist. 8. quæst. prima, artic. secundo, Fonseca, quinto Methaphys. capit. 15. quæst. 5. Suarez disputat. 47. section. 17. & alij Recentiores, ex Societate Iesù.

Quid autem sentiat Doctor Subtilis circa distinctionem genericam, vel specificam relationum, non est ita manifestum, cum fuerit diuersimodè locutus in methaphysica, & in logica, ac in libris sententiarum; quæ

propter, quid secundum eius intentionem dicendum sit ad præsentem difficultatem, quibuscum notatis, nostram aperiemus sententiam.

Pro declaratione igitur, ac fundamento dicendorum, primo notandum est ex eodem Scotto, 5. Meth. q. 12. §. Ad questionem, & de tribus &c. & in 4. d. 6. q. 10. D. genus relationis posse dupliciter considerari, & intrinsecè, ac extrinsecè. Primo modo consideratur per ordinem ad sua inferiora: & sic cogimur assignare genera subalterna, species subalternas, & specialissimas, ac indiuidua constituta respectuè, per suas differentias, vel formales, vel materiales, quibus ab inuicem, & à cæteris generibus, speciebus, ac indiuiduis aliorum prædicamentorum discernuntur: quandoquidem, cum eadem sint principia constitutiva, ac distinctiva, non est recurrendum ad extrinseca, nisi velimus turbare, commiscendo series prædicamentorum contra doctrinam Philosophi; primo Poster. cap. 6. Secundo modo verò sumitur, prout dicit ordinem ad extrema, scilicet ad fundamentum, & terminum, quorum est essentialis habitudo: & sic acceptum, diuiditur ab Aristotele, per ordinem ad funtamenta, in tria genera subalterna; quorum primum fundatur super unitate, vel multitudine, seu diuersitate; & sic reperitur in substantia, vocaturque relatio identitatis, vel diuersitatis in quantitate; & dicitur relatio æqualitatis, vel inæqualitatis; & in qualitate; appellaturque relatio similitudinis, vel dissimilitudinis: siquidem, ut inquit Philosophus, quinto, Meth. cap. 15. illa sunt eadem, vel diuersa, quorum substantia est vna, vel diuersa; illa verò sunt æqualia, vel inæqualia, quorum quantitas est vna, vel diuersa specie: & illa tandem sunt similia, vel dissimilia, quorum qualitas est vna, vel diuersa specie. Secundum genus fundatur super potentia actiua, & passiva, vel super actione, & passione; ut relatio paternitatis, & filiationis. Domini, & serui. Terrium denique est eorum, quæ fundantur super mensura, & mensurabili, ut relationes, quas dicunt scientiæ ad sua subiecta, vel potentia ad obiecta à quibus dicuntur menurari; quippè nihil continetur sub scientia, vel potentia, quin contineatur sub subiecto, vel obiecto earundem. Loquendo igitur de relationibus, ac earum diuersitate

generica, vel specifica hoc secundo modo acceptis, conamur dicere, earum specificationem desumendam esse nedom ex parte terminorum, sed etiam à fundamentis, à quibus pendent extrinsecè; siquidem diuersa principia, causant, & principia diuersa, ex Philosopho, primo Methaphysicorum, t. c. 43. & 44.

Secundo notandum, id quod aduertimus supra, cap. de substantia, disp. 5. sect. 5. not. 4. Accidentia non indiuiduari per eorum subiecta, sed per proprias hæcitates pertinentes ad propria prædicamenta, quorum sunt accidentia; siquidem hæc, secundum totas suas coordinationes, sunt impermixta, ut sæpius monuimus, ex Philosopho, lib. primo Post. cap. 6. vnde sequitur, quod si etiam relationes intrinsecè considerentur, non habent diuersitatem numericam ab extremis, sed solum ab earum differentijs indiuidualibus sibi realiter identificatis; quare dum quærimus. An distinguarur numero, vel multiplicentur ad multiplicationem extremorum; tantum intelligenda est quæstio de diuersitate, vel multiplicatione numerica extrinseca, non verò de intrinseca.

Tertio notandum est, quod quamquam relationes, ut potè accidentia, non componantur ex materia, & forma physica, sed solum methaphysicè ex genere, & differentia, nihilominus cum essentialiter pendeant ab extremis, possunt dicere, fundamentum habere rationem materiæ, saltem in qua; terminum verò gerere rationem formæ; quemadmodum enim materia dicitur fulcimentum formarum, & fundamentum relationum, quæ in ipso fundantur, fulcimentum, seu materia dicendum erit; & sic proprium formæ est distinguere, vel specificare potentias diuersas in materia, sic, & terminus habebit specificare diuersas potentias ad fundandas plures relationes in fundamento. Ex quibus inferitur, quod sicut ex parte materiæ non est repugnantia, ut ordinetur ad diuersas formas, vel etià eiusdem rationis simul recipiendas, quo facto, in eius potentia existent plura accidentia relatiua ordinata ad plures formas, ita pariter poterunt esse plures relationes eiusdem rationis, ordinatas ad plures terminos eiusdem rationis in vno, & eodem fundamento. Ratio autem omnium

id est

istorum est illa, quam adducit Doctor Subtilis, in 3. d. 8. q. vn. A. nimirum, quod in omni ordine essentiali; cum unitate prioris essentialiter potest stare pluralitas posterioris naturaliter, quando nec per se, nec adæquate inest illi; cum igitur materia, secundum suam potentiam sit naturaliter prior qualibet forma, siue subtili, siue accidentali, & fundamentum sit prius naturaliter quamcumque ordinatione eius ad terminum, vel terminos, & hi respiciunt inadæquatè potentiam fundamenti, sicut & plures forme potentiam materiæ, sequitur, quod si cut non implicant plures respectus in eadem potentia materiæ, sic non implicabunt plures relationes in eodem fundamento ad plures terminos eiusdem rationis.

Quarto notandum est, pro maiori declaratione fundamenti Doctoris Subtilis, allati in præcedenti Notabili, quod ratio, quare plura accidentia eiusdem rationis nequāt simul esse in eodem subiecto, vel fundamento, est; quia per receptionem vnus, ita adæquatur potentia illius, ut repugnet plura esse simul recipere: unde inferitur, quod si posset admitti inadæquata potentia respectu plurium simul, sicut ponitur successiue ab aduersarijs, multum foret inconueniens, plura simul admittere in eodem subiecto; sed sic est, quod nullum accidens, siue absolutum, siue respectuum, adæquat totam capacitatem, vel subiecti, vel fundamenti, cum nullum tale reperitur, quod contineat virtualiter, vel eminenter perfectiones omnium accidentium; & etiam, quia alioquin nec successiue posset plura recipere, cum eius potentia esset totaliter ab illo satiata, quod tamen à veritate abhorret simul, & experientia; igitur dicendum est, plura accidentia absoluta in eodem subiecto, & plura respectiua in eodem fundamento ad plures terminos eiusdem rationis admittere, non esse à veritate alienum, quinimò, & veritati, & rationi valde consonum.

Quinto notandum est, ex Philosopho, in prædicamentis, cap. de Ad aliquid, relatiua esse simul natura, ita ut posita, se ponant, & perempta, se perimant necessariorum; cum igitur vnus terminus referatur ad fundamentum per vnā relationem, & alius per aliā, necesse est ponere in eodem fundamento,

tot relationes oppositas; aliter nec possent dici esse simul natura, nec vnum perire ad deperditionem alterius. Sit exemplum in Patre habere plures filios, vel in vno simili, relato ad plura similia, Pater. n. refertur ad filium per paternitatem; & e conversò, filius ad Patrem per filiationem; ergo sicut posita filiatione in primo filio, necessariorum ponitur paternitas in Patre; sic posita alia filiatione in secundo filio, necessariorum poni debet alia paternitas in Patre; aliter nec esset simul natura secundus filius cum Patre, nec defuncto priori filio, posset amplius referri ad Patrem, nec e conversò Pater ad filium supersistere. Idem pariter dicendum est de vno simili relato ad plures terminos. Restat igitur probatum, quod cum unitate fundamenti, possunt stare plures relationes ad plures terminos eiusdem rationis.

Ex his, sit prima conclusio. Diuersitas intrinseca relationum, siue generica, siue specifica, non est desumenda à extremis, sed tantum à proprijs eorum differentijs constitutivis. Est Scoti, in quinto Methaph. q. 12 §. Ad quæstionem. Probat. Quia diuersitas intrinseca sumitur à principijs intrinsecis; siquidem qualia sunt principia, talia sunt principia, ex Aristotele, primo Meth. t. c. 43. & 44. sed principia intrinseca constitutiva, sunt tantum differentiæ, & non extrema relationum, quæ sunt extrinseca, ut probauimus in præcedenti; ergo, &c. Confirmatur. Quia diuersitas in alijs prædicamentis, si est intrinseca, desumitur à proprijs differentijs; cum prædicamenta sint impermixta formaliter, ex Philosopho, primo Post. c. 6. ergo idem dicendum est in hoc prædicamento relationum.

Secunda conclusio. Diuersitas numerica intrinseca relationum, desumitur dumtaxat à proprijs differentijs individualibus. Est Scoti, in secundo, d. 3. q. 4. D. & quinto Methaph. q. 2. Probat. Quia in relationibus dantur nature communes à parte rei, sicut in substantijs, ut probatum est superius, disp. 4. q. 4. de Substantia; sed tales distinguuntur numero tantum intrinsecè, per suas differentias individuales, ergo, & relationes. Secundo sic. Quia eadem sunt principia distinctiua, & constitutiua, ex Aristotele, primo Post. t. c. 34. sed principia constitutiua relationum in esse, individuali intrinsecè,

non sunt extrema, sed tantum hæcitates; ergo, & per illas tantum distinguuntur intrinsecè. Minor probatur. Quia principia constitutiua indiuiduorum, debet esse eiusdem generis; cum prædicamenta secundum totas coordinationes, sint formaliter permixta, vt sæpius monuimus superius; sed extrema, vt plurimum, sunt absoluta, vt probauimus in præcedenti, & melius demonstrabitur in sequenti sectione; ergo principia distinctiua relationum secundum esse indiuiduale, non sunt extrema, sed hæcitates.

Tertia conclusio. Diuersitas extrinseca relationum generica, attendi debet ex parte extremorum, & præcipuè ex parte fundamentorum. Est Scoti, in 5. Methaphys. q. 12 & colligitur, ex quarto sent. d. 6. quæst. 10. D. Probat. Quia Aristoteles, quinto, Methaphys. cap. 15. de Ad aliquid, colligit tria genera relationum diuersa, quia fundantur super fundamentis diuersis; ergo, &c. Consequentia pater ex eodem, primo Methaph. t. c. 43. qualia sunt principia, talia sunt principia, licet non è conuerso; ergo, si fundamenta, à quibus extrinsecè originantur relationes, sunt diuersa genere, tales erunt pariter, & relationes. Antecedens est notum, ex contextu, & ex Notabili primo huius sectionis.

Quarta conclusio. Distinctio numerica relationum extrinseca, non desumitur ex subiectis, vel fundamentis, sed tantum ex terminis diuersis numero. Est Scoti, in 3. d. 8. quæst. vnic. B. contra D. Thom. & sequaces superius citatos. Probat. prima pars. Quia in eodem subiecto, vel fundamento, sunt plures relationes eiusdem rationis; ergo non distinguuntur ad distinctionem subiecti, vel fundamenti. Antecedens probatur. In eodè patre, sunt plures paternitates ad plures filios; ergo in eodem fundamento sunt plures relationes eiusdem rationis solo numero differentes. Antecedens probatur. Quia relatiua sunt simul natura, & posita se ponunt, & perempta se perimunt; ex Philosopho in hoc cap. ergo si mortuo priori filio, destruitur, & paternitas sibi correspondens, & nihilominus dicitur pater respectu posterioris filij; ergo fatendum est, aliam paternitatem respondens filiationi secundi filij, remansisse in patre; & sic

plures relationes simul in eodem fundamento.

Dices. Destruendo primo filio, non fuisse destructam relationem paternitatis sibi respondentem in patre, sed remansisse in ordine ad secundum filium per extensionem factam ad ipsum, quando fuit genitus.

Contra. Quia accipio illam extensionem, & quæro, an superaddat ipsi paternitati aliquid reale, vel non. Non est dicendum secundum. Quia cum per ipsam fuerit ordinatus pater realiter ad secundum filium, dicendum est, ipsum superadditum fuisse aliquid reale; de quo quæro, an sit relatio, vel forma absoluta; ergo cum neutrum dici possit, fatendum est, non dari talem extensionem paternitatis, sed aliam paternitatem ad secundum filium. Antecedens patet à sufficienti diuisione. Consequentia probatur. Non potest dici quod sit forma absoluta; quia per nihil absolutum pater ordinatur ad filium. Nec relatio; quia cum sit distincta à paternitate, & non possit esse aliud quam paternitas, sequitur de necessitate, quod negas, esse nimirum plures paternitates in eodem patre solo numero differentes, quibus refertur ad filios superstitēs. Confirmatur. Quia relatiua se perimunt per desitionem relationum, quibus ad inuicem referuntur; ergo mortuo primo filio, non potuit remansisse relatio paternitatis sibi correspondens. Consequentia probatur. Quia in tantum manet relatio, in quantum remanet terminus ad quem ordinatur; sed ex suppositione, primus filius fuit mortuus; ergo, & relatio debuit necessariò destrui; igitur si pater refertur ad secundum filium, hoc erit per nouam relationem paternitatis, & sic plures.

Secundo probatur conclusio. Quia multiplicata ratione fundandi, multiplicantur relationes; sed in eodem fundamento numero, multiplicati potest ratio fundandi ad diuersos terminos; ergo & relationes ad diuersos terminos. Maior patet, ex Philosopho, quinto methaphys. t. c. 20. vbi ex diuersa ratione fundandi colligit, relationes equiparantæ esse alias a lietate generica ab illis, quæ dicuntur disquiparantæ, & inter has dari diuersas species ob diuersuatem rationum fundandi. Minor probatur. Quia in eadem

potentia generatiua possunt esse plures generationes ad plures filios numero distinctæ, vt fatentur etiam Thomistæ, & præsertim Ruuius hic, q. 8. ad secundum pro opinione Scoti; sed generatio actiua est ratio fundandi paternitatem in patre, & passiuam filiationem in filio, vt colligitur ex Philosopho loco citato, vbi videtur dicere, relationes secundi generis fundari super actione, & passione, tamquam in rationibus fundandi, sicut primi generis in vnitatem specifica fundamentorum; ergo &c.

Dices cum Ruuius, maiorem esse veram, si non aliunde adsit impedimentum, sicut accidit in proposito; quia cum vna relatio indiuiduetur à subiecto, vel fundamento, ita adequatur eius capacitas, vt nequeat alias indiuiduare, nec sic plures recipere.

Contra. Quia falsum est, relationes indiuiduari à subiecto, vel fundamento, vt probatum est; alioquin, quolibet relatio numerica, esset ens per accidens, quia constaret ex rebus diuersorum generum; siquidem fundamenta, aut substantiæ sunt, aut quantitates, vel qualitates, quæ sunt diuersorum generum cum ad aliquid; quod est manifestè falsum. Quia tunc nulla relatio specifica, posset per se primo prædicare de indiuiduis, cum de ente per accidens nihil per se possit prædicari; ergo falsum est, relationem indiuiduari à subiecto, vel fundamento.

Tertio probatur conclusio. Quia non minus repugnant duo accidentia absoluta in eodem subiecto, quam duo relatiua; sed illa sunt compossibilia, etiam eiusdem rationis in eodem numero subiecto; ergo, & ista in eodem fundamento. Maior patet. Quia per se, omnia indiuiduantur à subiecto. Minor probatur à Doctore Subtili. Dux species sensibiles de obiectis numero diuersis, sunt de facto in eodem organo phantasie, vel dux memoriæ sensibiles in eodem organo memoriæ; ergo cum tales sint qualitates sensibiles, sequuntur duo numero accidentia absoluta simul in eodem subiecto. Antecedens probatur. Quia alioquin vna destructa, non posset quis imaginari, vel recordari alterius obiecti, absque noua productione alterius speciei, quod tamen constat esse falsum; quia abs-

que hoc, quod videatur amplius aliud obiectum, & illud imaginamur, & recordamur istius. Confirmatur. Quia duo accidentia, siue absoluta, siue respectiua alterius rationis, possunt esse in eodem subiecto numero; ergo etiam duo accidentia absoluta, vel respectiua solo numero differentia, poterunt esse in eodem numero subiecto, vel fundamento. Antecedens patet, de igne in quo est calor, & color, qui sunt alterius rationis; & de Antonio, qui potest esse simul pater Petri, & filius Iohannis, & similis Francisco. Consequentia probatur. Quia non minus indiuiduantur à suis subiectis ista, quam ista; quippe ignis denominatur intrinsecè simul calidus, & rubeus; & Antonius dicitur pater, & similis respectu diuersorum terminorum; ergo etiam Antonius poterit denominari bis pater respectu duorum filiorum, ratione duarum paternitatum in eodem fundaturum.

Dices. Non esse paritatem de accidentibus alterius rationis, & eiusdem rationis. Quia illa habent diuersas potentias, seu capacitates in subiecto, hæc verò vnā dumtaxat.

Contra. Quia saltem accidentia respectiua, cum inadéquatè respiciunt fundamentum, supponunt plures potentias in illo, ergo saltem hæc erunt compossibilia in eodem, quod est propositum. Antecedens probatur. Quia si verbi gratia, filius adequatè respiceret fundamentum generationis actiue in patre, non posset pater habere plures filios; ergo si plures generat, signum est, per vnum filium non fuisse adequatam virtutem generatiuam patris. Antecedens probatur. Quia in tantum Pater in Diuinis nequit habere plures filios, quia cum filius sit infinitus, adequatè respicit principium generatiuum eiusdem; ergo à simili, si vnus filius in creatis adequaret potentiam generatiuam patris, pater non posset plures generare. Concluditur ergo, quod saltem duo accidentia respectiua ad duos terminos ordinata, poterunt simul esse in eodem fundamento. Qui plura desiderat pro huius conclusionis probatione, & confutatione sententiæ D. Thomæ; ac sequacium, consular Scotum, s. Methaph. q. 7. & Antonium Andream, ac Thom-

betam, libro eodem, q. 8. vbi egregiè probant intentum.

Obijcitur tamen contra hanc conclusionem. Quia omnis distinctio numerica accidentium, desumitur à suo subiecto; ergo si subiectum est vnum, non poterunt pluralia accidentia, etiam respectiua, esse in illo. Antecedens probatur. Vnde habetur entitas, indè habetur, & distinctio; sed accidentia habent entitatem à substantia, quæ est subiectum; ergo & distinctionem, vel unitatem habebunt ab eo. Minor probatur. Quia accidentia sunt aliquid substantiæ, dicente Aristotele, 7. Meth. t. c. 2. accidentia sunt entia, quia verè entis; seu vt alij vertunt; quia taliter entis; ergo tota entitas illorum est à substantia.

Respondetur, ex Scoto, in 4. d. 12. q. 1. G. negando antecedens. Ad probationem dico, maiorem esse veram, si entitas habeatur ab aliquo in genere causæ formalis, non tamen si in genere causæ efficientis, vel materialis; quia hæ causæ non præbent distinctionem effectuum inter se, cum vnaquæque possit habere plures effectus, & eiusdè, & alterius rationis; modo accidentia pendunt à substantia, vel in genere causæ efficientis, vel materialis, quod non curo, non tamen in genere causæ formalis, & idè æqueunt habere unitatem, vel distinctionem à subiecto, sed aliundè. Ad auctoritatem Philosophi, dico esse veram, sy ly quia, vel ly eo quod, dicant causam materialem, vel efficientem, non tamen si formalem; quia sic accidentia constituuntur intrinsecè per proprias differentias, extrinsecè verò, si sint relatiua, ab extremis, & præcipuè à terminis, à quibus habent etiam distinctionem, vel numericam, vel specificam, iuxta distinctionem terminorum.

Contra. Quia accidentia indiuiduantur à subiectis; ergo habent entitatem ab illis in genere causæ formalis, & consequenter distinctionem etiam numericam ab eisdem. Consequentia patet. Quia accidens indiuiduari à subiecto, est ita afficere, ac denominare subiectum vnum numero, vt ab alio eiusdem rationis nequeat affici, vel denominari; sed vna paternitas, exempli gratia, ita denominat vnum patrem, vt repugnet esse alius numero à se, vel duplex pater; ergo accidens sic indiuiduatum, nequit secum admittere aliud eiusdem rationis in

eodem subiecto. Antecedens supponitur clarum. Quia accidens pendet in esse à subiecto.

Respondetur negando antecedens. Imo accidentia indiuiduantur à proprijs differentijs indiuidualibus sibi realiter identificatis. Nec ita afficiunt (subiectum, vt plura non possint simul afficere, ac denominare, vt patet in exemplo allato; quia si per vnam paternitatem dicitur pater, per secundam dicitur bis pater; & ita discurrendo per alias paternitates multiplicatas.

Contra. Quia paternitas ita constituit vnum patrem numero, quod si multiplicetur alia, erit alius pater numero, sed vnum numero nequit esse duplex; ergo non est possibilis alia paternitas in eodem patre. Maior patet. Quia vna relatio numerica, vnum relatiuum numero; ergo duæ relationes numericæ, constituent duo relatiua numero distincta.

Respondetur, maiorem esse veram in diuersis subiectis, non tamen in vno, & eodem subiecto numero. Quia, vt inquit Doctor Subtilis, in tertio, d. 8. q. v. ad multiplicationem concretorum, non sufficit multiplicatio formarum, sed requiritur multiplicatio suppositorum; modo cum sit tantum vnum suppositum, quod denominatur pater, quamuis multiplicari possint in infinitum paternitates, non dicitur plusquam vnus pater, ex eo quod vnitas, & alietas respiciunt supposita, vel subiecta, non relationes, vel formas accidentales.

Obijcies secundo. Non sunt multiplicanda entia sine necessitate, vt inquit Philosophus, primo Physicorum t. c. sed data pluralitate relationum eiusdem speciei, sequitur talis multiplicatio; ergo &c. Minor probatur. Quia infinita serè alba, sunt eiusdem gradus ad quæ refertur vnum, & idem per relationem similitudinis, infiniti serè homines, ad quos quilibet refertur relatione identitatis specificæ; ergo si pro singulis terminis multiplicari debeant tot relationes in illis, quæ referuntur, vnum subiectum habebit infinitas relationes, & hoc sine necessitate; quod probatur. Quia idem numero habitus, se extendit ad omnes conclusiones eiusdem rationis; ergo æquè facile est, quod eadem relatio, se extendat

ad

ad omnes terminos eiusdem rationis ; & sic nulla necessitas cogit multiplicare relationes ad multiplicationem terminorum.

Respondetur , negando minorem . Ad probationem dico , non esse inconueniens , imò necessarium ponere in vno albo infinitas similitudines ad infinitos terminos , sicut in vno homine infinitas relationes idē. tiratis , si tot forent homines ad quos referretur , cum relatiua debeant esse simul natura ; quod non sequeretur , si tantum esset vna relatio in vno relativo ad infinitos terminos . Ad probationem illam de habitu , dico esse potius in oppositum , quam in fauorem ; siquidem verum est , vnum , & eundem habitum respicere omnes conclusiones , sed hoc nō facit per vnā relationem , vt aduersarij putant , sed multiplicatur in ipso relatione , quot sunt conclusiones , ad quas se extendit , ob virtutem continentiam , quam habent in subiecto , à quo mensuratur vnus , & idem habitus , & ordinatur ad omnes conclusiones in ipso contentas .

Obijcies tertio . Filius per vnīcam numero relationem filiationis refertur ad duos terminos , scilicet patrem , & matrem ; ergo , & pater per vnā paternitatem debet referri ad plures filios . Antecedens patet . Quia est vnicus filius vtriusque parentis .

Respondetur ex Scoto , in tertio sent. d. 8. q. vn. negando antecedens . Nam cum Pater , & Mater sint duo termini eiusdem rationis , quia ambo concurrunt actiue ad generationem filij , consequenter filius respicit vtrumque parentem per duas filiationes numero distinctas ; quod patet . Quia altero amisso , adhuc dicitur filius alterius , & non nisi per vnā filiationem : duæ igitur filiationes erant illo , vna ad Patrem , & alia ad Matrem .

Vel dicendum , negando consequentiam . Quandoquidem filius respicit vtrumque parentem , tamquam vnum principium totæ generationis , ex duobus inadæquatis , seu partialibus conflatum : at Pater respicit plures filios , & singulum , vt terminum adæquatam vnus paternitatis ; ideo necesse est ad multiplicationem filiorum , plurificari relationes in eodem Patre .

Contra . Quia quando duo filij nascuntur in eodem partu , relatio patris est tantum vna , & termini sunt plures ; ergo etiam est tantum vna paternitas , cum oriuntur ex multiplicato partu .

Respondetur negando antecedens . Imò duplici paternitate , fundata in duplici actione generationis , pater refertur ad illos geminos .

Obijcies quarto . Quia effectus formalis relationis secundæ , iam positus est per primam ; ergo superfluit secunda relatio . Antecedens probatur . Quia effectus formalis vnus relationis , paternitatis videlicet , est constituere hunc numero patrem , vt inquit Ruuius ; ergo cum sit sufficienter constitutus per primam , superfluit secunda .

Respondetur , negando antecedens . Ad probationem dico , non esse effectum formalem paternitatis vnus , constituere patrem hunc in ratione huius , sed tantum , vt iam constitutum in esse per actuale generationem , ipsum denominare , & secundo ferre ad vnum filium , quare adueniente secunda paternitate perpositionem secundis filij , secundo denominatur pater , & per illam ad ipsum refertur .

Obijcies quinto . Quælibet relatio essentialis pendet ab vtroque extremo , scilicet fundamento , & termino ; ergo non sufficit multiplicatio terminorum , sed requiritur etiam plurificatio fundamentorum . Consequentia patet . Quia alioquin inadæquatè tantum multiplicarentur , scilicet ex parte terminorum ; & sic non essent perfectæ relationes .

Respondetur , negando consequentiam , loquendo de multiplicatione numerica . Siquidem in eodem fundamento possunt fundari plures relationes , sicut ad vnum , & eundem terminum terminari ; vt patet de duobus albis , quæ vni dicuntur similia per plures relationes in ipsis fundatas . Erratio est ; quia ad multiplicationem posterioris , non est necesse multiplicare prius , cum non sit dependentia huius ab illo , sed bene è conuerso . Vnde inferitur , quod ad multiplicationem numericam relationum , sufficit alterum membrum multiplicari . Ad illud quo dicitur , relationem esse habitudinem essentialē vtriusque extremi , conceditur ; sed negatur consequentia . Quia

genus, & differentia sunt de essentia cuiuscumque speciei, & tamen ad multiplicationem specierum, non requiritur multiplicatio generis, sed sufficit plurificatio differentiarum: ita ad propositum; cum alterum extremum subeat rationem, quodammodo potentia, & indifferentis, & alterum actus, sufficit alterum multiplicare ad multiplicationem relationum, altero implurificato manente.

Obijcies sexto. Quia vnica potentia visiva, respicit plures colores; vna potentia materiz, plures formas; ergo & vnica relatione vnus pater respicit plures filios. Consequentia patet. Quia per potentiam refertur visus ad potentiam, & materia ad formam, sicut per paternitatem, pater refertur ad filios.

Respondetur. Antecedens esse verum de potentia visiva, & de potentia materiz fundamentaliter; quæ cum dicant quid absolutum identificatum realiter, & animæ, & materiz respectiue acceptæ, est tantum vna ad formas in materia, & ad colores in potentia visiva: non tamen formaliter; quia cum sic, potentia dicat relationem, vel ad obiectum, vel ad formas, non est tantum vna, sed plures, iuxta plurificationem terminorum ad quos ordinantur, vt dicit Scotus, in primo, d. 1. q. 1. ad quartum princip. de materia, in qua tot sunt appetitus, seu potentiz formaliter acceptæ, quot sunt forme receptibiles: vnde infertur, quod sicut materia non respicit plures formas per vnā potentiam formaliter, sic nec pater plures filios per vnā paternitatem formalem, sed per plures: & ita deducitur intentum, relationes nimirum multiplicari in eodem fundamento numerice, ad multiplicationem terminorum.

Verum terminus relationis, terminet illam secundum esse absolutum, vel respectiuum?

SECTIO IV.

TRes opiniones communiter versantur circa propositam difficultatem; quarum duæ sunt extremæ, tertia verò inter illas mediare videtur.

Prima igitur opinio, est fere communis

omnibus Thomistis, qui dicunt, in omnibus relationibus, siue mutuis, siue non, terminum esse debere respectiuum, & non absolutum. Ita Caietanus, in log. c. de relatiuis: & in 1. part. D. Thome, quæst. 13. art. 7. vbi Bannes dubio vnice. Nazarius, controuers. vnica. Zumel, quæst. 2. & alij, quos referunt Ruuius hic, quæst. 7. & Mastrius cit. art. 3.

Secunda sententia huic omnino opposita, est Scoti, in primo sent. d. 30. quæst. 2. & omnium Scotistarum, ac multorum Recentiorum, tum ex Thomistis, tum ex Societ. Iesù, quos citat idem Mastrius ibidem, dicentium, terminum cuiuslibet relationis, siue mutuz, siue non mutuz debere esse absolutum, & non respectiuum.

Tertia tandem, quæ videtur mediare; distinguit de relationibus mutuis, & non mutuis: has vult terminari absolute, & necessariò ad absolutum; illas vero ad respectiuum.

Quid verò in hac tam multiplici varietate dicatur simus, cum hic agendum sit de omnibus relationibus, nedum terminantibus ad absolutum, sed etiam ad respectiuum, quibusdam notatis cum Doctore Subtili, infra nostram aperiemus sententiam.

Primo igitur notandum est, ex dictis superius, nimirum tria reperiri in quolibet relatione: subiectum, fundamentum, & relationem; vt in simili, subiectum est quod denominatur album; fundamentum albedinis; & relatio similitudo, per quam album refertur ad aliud album, quod dicitur terminus, in quo pariter illa tria considerantur ex natura rei, nullo considerante intellectu. Modo quaeritur, cum simile refertur ad aliud simile per similitudinem, quæ est relatio: an Similitudo terminetur ad aliud simile secundum relationem similitudinis in ipso repperitam, vel secundum albedinem eandem specie, quæ est absolutum, super quo fundatur illa similitudo. Exemplo patris, & filij, paternitatis, ac filiationis, res clarius cernitur: an nimirum paternitas, quæ est ratio referendi patrem ad filium, terminetur ad filiationem, vel potius ad potentiam passiuam ad generari, quæ est absolutum, super quo fundantur filiatione; & e converso: an filiatione terminetur ad paternitatem.

secundum relationem paternitatis, vel potius ad potentiam generatiuam, quæ est absolutum, super quo fundatur paternitas? Thomistæ dicunt terminari ad relationem in filio, & è conuerso ad paternitatem in patre. Scotistæ verò, ad fundamentum vtriusque, quod est absolutum.

Secundo notandum, ex Doct. Subtili pluribus in locis, sed præcipue in quarto, d. 6. quæst. 10. lit. D. quod relatio nedum potest fundari super absoluto, & terminari ad absolutum, sed etiam super relatione, & terminari ad absolutum, & è conuerso; & tandem super vna relatione, & terminari ad aliam, vt supra notauimus cum suis exemplis, sect. 1. ex Mayronio, in primo, d. 29. q. 4. art. 1. M. vnde cum quæritur: an relatio terminetur ad absolutum, vel respectuum: hoc potest dupliciter intelligi, vel formaliter, vel æquiuallenter; tunc relatio terminatur ad absolutum priori modo, quando terminus, est formaliter absolutum, & fundat, seu connotat relationem, vt patet de similitudine fundata in albedine, & terminata ad albedinem; vel de paternitate fundata in potentia actiua generandi, & terminata ad potentiam passiuam generandi, quæ est fundamentum filiationis, quæ sunt entia absoluta. Tunc verò relatio terminatur ad absolutum æquiuallenter, quando terminus est formaliter relatio; quæ tamen, eum gerat vicem absoluti, dicitur æquiuallenter ens absolutum, vt patet de distinctione fundata super similitudine, & terminata ad aliam, vel numericè, vel specificè distinctam; quia tunc similitudo, quæ est relatio, & ens respectuum formaliter, æquiuallenter est ens absolutum, cum sit prior illa, & per illam diffiniatur illa distinctio. Prima opinio loquitur de respectui formaliter; secunda verò de absoluto, vel formaliter, vel æquiuallenter, vt melius apparebit inferius.

Tertio notandum, ex eodem Doct. Subtili, in primo d. 30. quæst. 2. sub lit. C. D. Relationes esse in duplici differentia, quippe quæ aliæ dicuntur mutue, quæ reperiuntur in vtroque extremo, scilicet fundamento, & termino, quibus ad inuicem referuntur; aliæ vero sunt non mutue, quia fundantur tantum in altero extremo, scilicet funda-

mento, vel termino. Relationum mutuarum, aliæ fundantur super vno, in quantum vnu, vt similitudo fundata super vnitatem specificam qualitatibus duarum; vel æqualitas super vna quantitate speciei. Aliæ super pluribus, vt plura sunt; vt dissimilitudo, & inæqualitas; prior enim super albedine, & nigredine; posterior super quantitate vlnari, & palmari, quæ plures sunt, pluralitatem specificam distinctam. Aliæ super potentia actiua, & passiuam; vt paternitas, & filiationis, causæ relatio ad effectum, producentis ad productum; & omnes istæ dicuntur relationes mutue, quia fundantur in vtroque extremo, quibus ad inuicem referuntur. Aliæ tandem fundantur super mensuram, & mensuratum; vt sunt scientiæ ad scibile, potestatem ad obiectum, & huiusmodi; & istæ dicuntur non mutue, quia in altero extremo tantum est relatio, scilicet in mensurato ad mensuram, vt in scientia ad scibile, vel in potentia ad obiectum, à quibus mensurantur, vt inquit Aristoteles, 5. meth. c. de Adaliquo, quod relatiua tertij modi in tantum dicuntur talia, in quantum illud, quod est alterum, dicitur ipsum quod est, non eo, quod aliud sit ad illud: id est, vnu dicitur referri ad aliud, & non aliud ad ipsum. Relationes primi ordinis dicuntur æquiparantæ, quia fundamèta sunt eiusdem rationis specificæ, & eodem nomine vocantur. Relationes secundi ordinis, dicuntur disquiparantæ per rationem oppositam, quia diuersimodè nominantur, & fundantur in diuersis speciebus. Relationes verò tertij ordinis, sunt in duplici differentia; quia aliæ dicuntur intrinsecus aduenientes; vt relationes producentis, & producti, causæ, & effectus; siquidem positæ extremis in qualibet distantia, inimpedibiliter insurgunt. Aliæ verò sunt extrinsecus aduenientes; vt relationes actiui ad passiuum, motui ad mobile, de quibus inferius dicendum est.

Quarto notandū, ex Mayronio, in primo sent. d. 29. q. 3. not. 2. quod huiusmodi relationes mutue ordinantur ad inuicem, quod illæ vnius ordinis, fundantur super alijs alterius ordinis; nam relationes secundi ordinis fundantur in primis, quia inter se distinguuntur, & vna est prior alia; siquidem relationes identitatis, quæ fundantur in substantiis, distinguuntur à relationibus similitudinis, quæ fundantur in qualitate; & sicut
sub-

Substantia est prior qualitate, ita relationes fundatæ in illa, sunt priores relationibus in ista fundatis. Similiter relationes primi ordinis, fundantur in secundis; quia duæ dissimilitudines, vel inæqualitates, dicuntur similes, vel conformes. Relationes etiam tertij ordinis, fundantur in relationibus primi, & secundi ordinis; quia producuntur, & causantur à suis extremis: modo relationes producentis, & producti, causæ, & effectus, spectant ad tertium ordinem: & similiter super his fundantur relationes primi, & secundi ordinis, quia sunt similes vel conformes, aut dissimiles, vel difformes; nam duæ paternitates, sunt similes; paternitas verò, & filiatio dissimiles. Relationes tandem quarti ordinis, fundant illas trium ordinum præcedentium; quia sunt similes, vel dissimiles, conformes, vel difformes, & producuntur, vel causantur ab extremis, ut dictum est de alijs.

Quinto notandum, est ex Aristotele, primo Post. t. c. 6. & septimo meth. t. c. 34. & ex Scoto, in primo, d. 30. quæst. 2. quælibet definitionem quiditativam, siue puram, siue per additamentum, debere dari per priora, & notiora diffinito; siquidem diffinitio, cum sit ratio cognoscendi diffinitum, & cognitio habeatur per causam, ex Philosopho, primo Post. t. c. 1. & causa sit prior, & notior suo effectu, diffinitio quoque erit necessariò prior diffinito, cum sit eius causa. Hinc deducitur, quod cum relatiuum diffiniatur per terminum ad quem refertur, & terminus secundum esse respectiuium, non sit prior relatione fundata in relatiuo, sed tantum secundum esse absolutum, quod secundum esse absolutum terminet relationem oppositam, & non secundum esse respectiuium. Secundo deducitur, quod si relatio diffiniretur per suam oppositam, daretur circulus in demonstratione, & idem esset notius, & ignotius: esset quidem notius; quia diffiniret, & esset ignotius, quia per aliud diffiniretur; quod est falsum, & contra doctrinam Philosophi traditam locis citatis, & secundo Post. cap. 7. & 8. ubi contendit, quod quid est non posse demonstrari per aliud; quod tamen sequeretur, si vnum relatiuum formaliter diffiniretur per aliud. Tertio deducitur, quod quando Porphyrius, dixit cap. de specie. Necesse est in utrorumque rationibus utriusque uti. Lo-

cutus est circumlocutiue, non verò formaliter; hoc est dictum. Vnum relatiuum diffinitur per fundamentum sui correlatiui. Quod circumloquimur per relationem oppositam in ipso fundatam, non tamen per ipsam; quia cum sint simul natura, & consequenter neque prior, neque posterior, neque notior relatiuo diffinibili, nequit illud diffinire, aut per illud diffiniri, nec consequenter ad se inuicem secundum esse respectiuium terminari.

Sexto notandum, pro solutione argumentorum aduersariorum, ut colligitur ex Scoto loco citato, sub lit. G. latam esse differentiam inter referri, & terminari, & inter oppositionem, ac terminationem; siquidem referri, conuenit formaliter relatiuo, & correlatiuo, quatenus coalescunt ex subiecto, & relatione: terminare verò, tantum conuenit absoluto, quod correlatiuo subternitur in relationibus mutuis, vel absoluto simpliciter in non mutuis; nam ut, inquit, Doctor Subterminus, ut terminus, non refertur ad aliud, nec est ratio referendi alteri, sed tantum terminat dependentiam relationis ad ipsum; aliter in relatiuis non mutuis, (ubi non datur correlatiuo secundum mentem Philosophi, & conceditur ab omnibus, præter quam à Caietano) non esset vera terminatio, & consequenter nec vera relatio, quod est contra Aristotelem, quinto Meth. t. c. 20. in fine. Oppositio pariter conuenit relationi, & correlationi, in quantum mutud se respiciunt; terminatio verò, ut quo, tantum termino, qui est fundamentum correlationis. Ex quibus inferitur, terminum dupliciter posse sumi, ut quo, & ut quod; priori modo, est tantum fundamentum correlationis, & hoc est absolutum; ad ipsum enim in aliquo priori terminatur relatio, antequam respiciat correlationem, seu relationem oppositam. Terminus verò secundo modo, comprehendit totum correlatiuum, in quantum dicit subiectum cum relatione, opposita relationi fundatæ in fundamento relatiui. Relatio diffinitur formaliter per terminum priori modo acceptum, cum sit prior, & notior ipsa, non tamen per terminum secundo modo, cum sit simul natura cum ipsa. Relatiuum refertur ad terminum secundo modo sumptum, non tamen per illum diffinitur; quia, ut simul natura, & vnum non est notius

altero; quod tamen necessarium requiritur, ut dictum est in præcedenti.

Ex his, sit prima conclusio. Relatio non mutua, habet pro termino absolutum formaliter. Est Scoti, in primo, d. 30. q. 1. §. Respondetur igitur ad primam questionem. Probat per primo auctoritate Aristotelis, 5. meth. cap. de Ad aliquid. In relatiuis tertijs modis cuncta sunt ad aliquid, eo quod ipsum, quod est alterum, sed non eo quod aliud ad ipsum: ut scibile, dicitur relatiuum, eo quod ad ipsum refertur scientia, non tamen quod ipsum referatur ad scientiam, quia relatio mensurabilis est tantum in scientia ad scibile, & non est conuerso; ergo scibile terminat secundum esse absolutum, & non secundum esse respectuum; atque relatiua tertijs modis, sunt non mutua; ergo relatio, seu relatiuum non mutuum, terminatur ad absolutum formale, & nullo modo ad relatiuum. Secundo probatur. Quia actus diffinit potentiam, ut terminat relationem eius; sed non terminat per relationem in ipso fundatam; ergo per absolutum formaliter. Maior est Philosophi, 9. meth. t. c. 13. vbi dicit, actum esse priorem potentia, quia licet per illum diffinitur. Minor probatur. Quia tunc etiam potentia diffinit actum, & sic actus esset prior, & posterior potentia, quod est contra Philosophum, loco citato. Consequentia probatur. Quia diffinitio est prior diffinito; ergo si actus diffinit potentiam, & diffinitur per eam, est prior, posteriorque ipsa, quod non est dicendum. Restat ergo, potentiam dicere relationem ad actum, & non est conuerso; & sic terminari ab actu secundum esse absolutum, & non secundum esse respectuum in ipso fundatum. Tertio probatur communiter. Quia hæc est differentia inter relationem tertijs modis, & primi ac secundi. Quia in his, est mutuitas, in his vero non, sed tantum terminantur ad absoluta, &c.

Secunda conclusio. Relationes mutue, non terminantur ad respectuum, sed tantum ad absolutum formaliter, & ut quo; denominatiue verò, & ut quod, possunt dici terminari ad respectuum etiam. Prima pars est Scoti loco citato, sub litera G. Secunda etiam continetur ibidem. Tertia vero solum colligitur ex dictis, eiusdem in præcitato loco. Probat per prima pars. Quia

omnis diffinitio est prior diffinito; sed relatio opposita, non est prior relatione mutua, cum sit simul natura cum illa; ergo nequit illam diffinire, & consequenter nec terminare. Maior est manifesta, ex Philosopho diuersis in locis, relatis in quinto Notab. & 5. Meth. t. c. 13. Consequentia vltima probatur. Omnis relatio diffinitur per suum terminum, tamquam per additum, ex Aristotele hic, cap. de Ad aliquid; & 6. Topic. cap. secundo. Confirmatur. Quia omnis relatio præsupponit extrema, scilicet fundamentum, & terminum; sed non præsupponit relationem mutua oppositam; ergo relatio opposita non est eius terminus. Maior patet. Quia est essentialis habitudo extremorum. Minor similiter. Quia est simul natura cum illa, ex Philosopho, cap. de Ad aliquid. Secunda pars probatur. Relatio diffinitur per terminum, & non respectuum, ut probatum est; ergo à sufficienti diuisione per absolutum. Consequentia patet. Quia in correlatiuo, non reperitur aliud, quam fundamentum, & relatio mutua super eodem fundata si igitur; hæc non est terminus, superest, ut solum absolutum terminet. Tertia pars probatur. Quia relatiuum denominatiue diffinitur per suum correlatiuum; ergo aliquo modo terminat illud, non ut quo, sicut probatum est; ergo ut quod, & denominatiue. Antecedens patet, ex Porphyrio, cap. de specie, & ex Aristotele in diffinitione relatiuorum, quorum totum esse est ad aliud se habere, scilicet ad correlatiuum; ergo per illud diffinitur. Consequentia prima patet. Quia relatio diffinitur per suum terminum. Secunda consequentia similiter est clara. Quia non datur medium inter terminum, ut quo, & ut quod consideratum.

Tertia conclusio. Relationes, quæ fundantur in entibus respectiuis, terminantur ad absoluta, saltem æquiualemter, siue ut modus Colligitur ex Scoto, in primo sent. d. 30. q. 1. sub G. vbi dicit, quod terminus, ut terminus est, accidit referri, vel esse ratio referrendi alteri. Probat per. Quia terminare relationem non est referre, vel esse ratione referrendi alteri, ut dictum est not. sexto, sed solum habet sistere rendentiam relationis ad ipsum; atque hoc munus nequit competere relationi, ut relatio est; ergo ut relatio est, nequit esse terminus alterius re-

lationis. Minor probatur. Quia relatio, vt relatio est, includit essentialiter rationem referrendi alteri; ergo vt talis, nequit terminare dependentiam alterius relationis ad se. Consequentia patet. Quia terminare dependentiam, dicit independentiam ad aliud; sed relatio, vt relatio est, non est independentis, cum sit essentialis habitudo inter extrema; ergo vt relatio, nequit terminare dependentiam alterius relationis ad seipsam. Secunda pars probatur. Quia relatio, vt modus, induit modum absolutum; sed absolutum potest terminare dependentiam relationis; ergo si relatio terminat, hoc facit vt absolutum æquivalenter. Maior patet. Quia fundare, & terminare relationem, est munus absoluti; ergo si relatio fundat, & terminat aliam relationem, gerit vicem, vel induit modum absolutum.

Obijcies, contra primam conclusionem. Quia in tantum potest dici, relationem non mutuum terminari ad absolutum, in quantum illud non refertur ad aliud; sed hoc est falsum; ergo & illud ex quo sequitur. Maior patet. Quia in reatiuis non mutuis, tantum vnum extremum refertur, vt communiter tenetur. Minor probatur. Quia est relatiuum mensuræ, non refertur ad mensurabile per relationem inexistente sibi, tamen hoc exerceat per relationem inexistente mensurabili; sed hoc sufficit, vt relatio possit terminare relationem; ergo etiam relatio non mutua terminat ad relationem. Maior suadetur ex Aristotele, in quinto meth. cap. de Ad aliquid, vbi dicit vnum referri per relationem, quam habet in se, alterum verò per relationem, qua aliud refertur ad ipsum. Minor similiter. Quia relatiua sunt simul cognitione, & diffinitione; ergo sufficit relatio vnius ad alterum, vel intrinsecè, vel extrinsecè, ad hoc vt possit vnum, aliud terminare.

Respondetur, negando minorem. Ad probationem, nego maiorem. Si quidem impossibile est effectus causæ formalis in aliquo, in quo non sit causa formalis, cum sint ad inuicem interparabiles; at referri, cum sit effectus formalis relationis, & hæc non sit in mensura, sed tantum in mensurabili, sequitur, solum mensurabile posse referri ad mensuram, & non è conuersò. Ad probationem dico, textum Aristotelis non habere

re illum sensum, quem sibi Caietanus attribuit, vt intelligenti patet; imò oppositum. Dicit Philosophus cum ait, intellectum non terminari ad ipsum intelligibile; alioquin idem bis diceretur, & idem per idem expli, caretur: id est, intelligibile est, cuius est intellectus, & intellectus est eius, cuius est intelligibile; quod esset nugatio. Restat igitur, quod relationes non mutue, non terminentur ad respectuum, sed tantum ad absolutum.

Contra. Quia estò sit verum, non adesse relationem tealem in altero extremo relationum tertij modi, potest nihilominus sibi attribui relatio rationis, quæ sufficit ad hoc, vt relatio non mutua, non terminet ad absolutum formaliter, sed ad respectuum.

Respondetur, concesso anteceddente, negando consequentiã. Tum quia relatio rationis nequit terminare dependentiam relationis realis; tum quia cum sit posterior ipsa relatione, nequit illam terminare; siquidem terminus debet esse prior, cum per ipsum diffiniatur relatio.

Obijcies secundo, cum Ruuio hic, q. 7. Ille est terminus formalis, quo posito, ponitur relatio, & quo remoto, remouetur; sed posita relatione opposita, vt puta serui, ponitur relatio Domini, & ea ablata, aufertur; ergo relatio opposita, est terminus formalis. Maior patet. Quia relatio dicit essentialem habitudinem ad terminum; ergo illæ est terminus formalis, quo posito, ponitur relationis essentia, & quo amoto, aufertur. Minor est Aristotelis in hoc cap. de reatiuis, vbi dicit, quod si non ponatur relatio serui, sed tantum fundamentum eius, scilicet hic homo, non ponitur relatio Domini in alio homine; & eius verba sunt clara.

Respondetur, negando minorem, quoad secundam partem. Siquidem, si per impossibile posset auferri relatio à fundamento termini, adhuc terminaretur per absolutum, vt patet in relationibus tertij ordinis. Ad probationem, ex Aristotele, dico ibi esse locum de conuentione relatiuium adiunctionem; itant vnum possit dici, seu referri ad aliud mutuo de se predicando; in qua requiritur necessariò positio, vel ablatio relationis oppositæ; quandoquidem cum relatio, sit ratio referrendi relatiua ad inuicem, ad

positionem, ponitur conuertentia, & ad remotionem eius, remouetur, vt patet in exemplo de domino, & seruo; non tamen est locus de terminatione: quia talis cum consistat in positione absoluti, si per impossibile amoueretur relatio serui opposita, vtique poneretur relatio domini, quia hæc non pendet ab illa, quoad sui esse, vt patet in relatiuis non mutuis, sed tantum requiritur quoad conuertentiam: & nil amplius prætendit Aristoteles eo loci, vt patebit consideranti textum, qui incipit. Omnia igitur, quæ ad aliquid dicuntur, conueniunt assignantur, ad conuertentiam dicuntur; quoniam si ad quodlibet aliud assignantur, & non ad id, ad quod dicuntur, non conuertuntur. Dico autem &c.

Obijcies tertio, cum eodem Ruuio. Oppositio relatiua reperitur inter relatiua, vt relatiua sunt formaliter; ergo mutua relatio includit essentialiter mutuum oppositionem; sed mutua oppositio relatiua includit essentialiter, tã rationem referendi, quam terminandi; ergo vtrumque officium exercent relatiua per relationes oppositas, & non per absoluta. Minor probatur. Quia oppositio consistit in hoc, vt relatiua se mutuo respiciant, & relationes sint rationes mutuo se respiciendi; sed mutuo se respicere, est vnum aliud terminare; ergo oppositio relatiua includit essentialiter, & rationem referendi, & terminandi, & sic per relationes oppositas, & non per fundamenta absoluta.

Respondetur, ex sexto notab. negando maiorem, quantum ad rationem terminandi; quia hæc conuenit absolutis, & non relationibus. Ad probationem, nego iterum minorem. Quia mutuo se respicere, nõ est terminare relationis dependentiam, sed tantum ad inuicem referri mediante oppositione relatiua relationum oppositarum; & in hoc deceptus est Ruuius, alioquin doctissimus; quia non agnouit differentiam inter vim terminandi, & referendi, eo quod vna possit separari ab alia, vt etiam ipse fatetur in relatiuis non mutuis.

Obijcies quarto, cum eodẽ Doctore. Eadem est ratio de relationibus creatis, & diuinis quoad hoc; sed relationes diuinæ oppositæ, exercent vtrumque munus, & referendi, & terminandi; ergo & creatæ. Maior patet. Minor probatur. Quia pater diuinus refertur ad filium, & filius refertur ad pa-

trrem, vt realiter distinguuntur; ergo vterque terminat relationem alterius, vt ab eo realiter distinctus. Consequentia probatur. Quia sicut relatio realis nequit esse eiudem ad se, ita nec terminari ad se; sed pater, & filius non distinguuntur realiter, nisi per solas relationes reales oppositas; ergo nec refertur vnus ad alterum, nec terminat relationem alterius, nisi per relationem; & sic non per absolutum.

Respondetur negando maiorem. Quia relationes diuinæ sunt constitutivæ diuinorum personarum; vnde sicut personæ diuinæ antea non intelliguntur in esse, nec distinctæ realiter ab inuicem, sic nec vna refertur ad aliam, nec vna terminat relationem alterius, cum huiusmodi rationes habeantur a relatione constitutiva personæ in esse personæ ab alia realiter distinctæ: at relationes creatæ, cum sint aduentitiæ, & supponant extrema in esse constituta, & realiter distincta, bene poterunt terminari per absoluta extremorum vt quo; nec requiritur, vt vna terminet aliam, sed solum vt vna sit ratio referendi extremum ad aliud; & sic argumentum non est contra nos, nec probat suam conclusionem de relationibus creatis.

Contra. Quia relationes creatæ, & diuinæ vniocantur in essentialibus; ergo si terminant formaliter relationes diuinæ, & creatæ formaliter terminabunt. Antecedens probatur. Quia conueniunt in esse ad, & tantum differunt in esse in; quia cum diuinæ non sint accidentia, sicut creatæ, non habent esse in alio; cæterum cum ordinantur ad terminum, vtræque bene conueniunt in ad, quod solum essentialiale est relationibus.

Respondetur negando antecedens. Ad probationem dico, tam esse ad, quam esse in, conuenire vtrique non vt in, dicit ordinem ad subiectum inhesionis, sed solum vt respicit fundamentum; nec propterea conueniunt in omnibus; quia illæ sunt constitutivæ, qua ratione possunt referre, & terminare; non sic creatæ, vt dictum est in præcedenti responsione.

Obijcies quinto. Quia si relatio non terminatur formaliter ad relationem oppositam, sequeretur relatiua non esse simultanea, & cognitione; sed consequens est contra Aristotelem; ergo & antecedens. Sequela maioris probatur. Tu quia paterni-

tas terminatur ad filium, non vt relatiuum est, sed vt absolutum; & sic, vt est prior filiatione; ergo & paternitas est prior filiatione; & sic, non simul natura: tum etiam, quia relatio in esse, & in cognoscendo, pendet a termino; ergo si terminus non est relatio opposita, non postulat illam in eodem signo; & sic relatiua non sunt simul natura.

Respondetur, negando sequelam maioris. Ad primam probationem concedo, absolutum filij, & absolutum patris præcedere, & paternitatem, & filiationem in aliquo signo nature, sed positis ambobus in esse, statim resultant ambe relationes in eodem signo nature; & sic dicuntur simul natura: nec inde sequitur, paternitatem terminari ad filiationem, sed tantum ad absolutum filij, ad quod dependet; & non ad filium. Ad secundam probationem, nego consequentiam. Quia licet præsupponant in esse, & in cognosci fundamentum, & terminum, non tamen sequitur postea, in secundo signo non esse simul natura; imò totum oppositum; quia ad positionem extremorum simul resultant etiã relationes in utroque; quoad esse, & cognosci dependenter ab extremis, & non a se inuicem. Ex quo apparet, quod necessitas huius simultaneæ coexistentiæ inter relationes, non est dependentia vnius ab alia, sed vtriusque ab extremis simul in esse positis, ex quibus causantur tales relationes in utroque extremo in secundo signo nostræ.

Obijcies sexto. Quia data veritate nostre conclusionis, sequitur Patrem non dici ad filium, vt filium formaliter, cum formaliter non terminetur ad illum, quod est falsum. Secundo; quia tunc omnia relatiua essent tertij modi, quia terminantur ad absolutum; quod pariter est falsum, & contra Aristotelem, quinto Methaph. cap. de Ad aliquid.

Respondetur, negando sequelam maioris, si per ly dici, intelligatur referri; & concedendo illam, si dici, idem sit, quod terminari. Vel dicendum, sequelam maioris esse veram reduplicatiuè, non tamen specificatiuè. Quia sic patet dicitur, & terminatur ad filium vt quod, non tamen vt quo; sic enim tantum ad absolutum filij terminatur, ad quod vt sic, non refertur, vt dictum est.

Ad secundum, nego consequentiam. Ad

probationem dico, relatiua tertij modi non differre ab illis primi, & secundi modi per terminari; sic enim conueniunt, vt optimè probat Scotus, in primo, d. 30. quæst. 1. sepius citata: sed tantum per referri; quia nimirum relatiua primi, & secundi modi mutuo referuntur, illa verò tertij modi non mutuo, vt aperte innuit Aristoteles 5. Meth. t. c. 20. & Scotus in primo d. 35. sub lit. F. quæstione vnica.

Obijcies septimo. Quia vnum relatiuum debet diffiniri per reliquum sibi oppositum, ex Aristotele 6. Topic. cap. 2. & relatiuum diffinitur per terminum, ex eodem ibidem, & capite præsentis; ergo & terminus erit relatiuum.

Respondetur, maiorem esse veram circumlocutiue, fundamentaliter, & vt quod, non tamen formaliter, & vt quo: quia sic solum diffinitur per fundamentum alterius relatiui, vt supra demonstratum est.

Nec valet dicere cum Ruuio, loco cit. n. 73. Aristotelem accipere relatiuum, non vt relatiuum est, sed vt terminus est; quia cum relatiuum formaliter, non importeret supra absolutum, nisi relationem oppositam, si hæc non terminat, vt relatio est, nec relatiuum terminabit, vt terminus est, sed tantum secundum eius fundamentum, quod absolutum est.

Ad habendam tamen perfectam notitiam huius resolutionis, notandus est ordo relationum, & extremorum inier se, quem ponit Scotus, in primo sent. d. 35. q. vi. sub lit. k. & l. & in secundo, d. 1. quæst. 2. D. & E. quod nimirum ad absolutum in causa, sequitur in secundo signo originis absolutum in effectu: in tertio, relatio in effectu, & in quarto, relatio in causa. Ex quo habetur, quod relatio effectus ad causam, & è conuerso causæ ad effectum præexigunt in esse, hoc, & illud absolutum, ex quibus resultant relationes in diuersis signis originis, sed in eodem signo nature, & propterea dicuntur esse simul natura.

Vel dicendum cum Mayronio, in primo, d. 29. quæst. 4. Difficult. 2. esse simul natura. Quia æqualiter distant a suis absolutis, in quibus fundantur; nam relatio effectus, distat vno signo a fundamento causæ, & relatio causæ, alio signo a fundamento effectus.

Quis: modo quæcumque distant æqualiter ab aliquo, ex hoc dicuntur esse simul; propterea sequitur, relationem, & correlationem esse simul natura.

Verum sit ponendum vnum Genus Generalissimum, in quo reponantur omnes relationes prædicamentales?

SECTIO V.

OMnes Scholastici, præter Nominales, admittunt Genus generalissimum, in quo collocentur omnes relationes prædicamentales, saltem ab intrinseco, & ex natura extremorum provenientes. Cæterum in assignanda huius prædicamenti vnitate dissentiunt ad inuicem, nedum Thomistæ, & Scotistæ, sed etiam ex his, & ex illis aliquis, vt videre est in Ruuio hic, q. 3. & apud Maltrium q. 9. Siquidem aliqui assignant supremum genus in abstracto, & non in concreto; alij e conuerso in concreto, & non in abstracto; aliqui tandem ordinant huiusmodi seriem prædicamentalem vtroque modo dicentes: sicut datur supremum genus relationis, debere constitui etiam supremum genus relatiuorum; quandoquidem relatio, & relatiuum non differunt, nisi penes diuersos modos significandi grammaticales, scilicet in concreto, & in abstracto; at in re sunt idem.

Pro cuius maiori intelligentia, ac fundamento dicendorum, primo notandum est, relationem esse duplicem, scilicet aptitudinalem, & actuale. Prior non requirit terminum in actu, sed tantum in aptitudine existentem; vt risibilitas; & huiusmodi relatio, cum sit identificata realiter suo fundamento, non spectat ad aliquod peculiare prædicamentum, sed reducit ad illud, in quo est eius fundamentum. Posterior verò, quæ postulat terminum actu existentem; vt paternitas, similitudo, est duplex, scilicet intrinsecus, & extrinsecus adueniens. Relatio intrinsecus adueniens, ex Scoto pluribus in locis suæ doctrinæ; sed præcipue in 4. d. 6. q. 10. B. & d. 10. q. 1. I. & d. 13. q. 1. C. d. dicitur illa, quæ necessarii sequitur positionem extremorum in actu; vt paternitas, filiatio, similitudo, æqualitas, & huiusmodi. Relatio verò extrinsecus adueniens, ex eodem ibidem, est, quæ non necessarii insurgit

positis extremis etiam in actu, sed aduenit ab extrinseco, ex positione nimirum alicuius extrinseci, vt actio, & passio; nam posito igne, & stupa, non sequetur combustio, nisi fiat approximatio ignis ad stupam, quæ est quid extrinsecum illis. Relationes primo modo, spectant ad hoc prædicamentum; secundo verò modo, constituunt sex vltima prædicamenta.

Secundo notandum est, relationem intrinsecus aduenientem esse duplicem, scilicet identificatam realiter, & realiter distinctam à fundamento. Prior dicitur transcendentalis, & reperitur in omni prædicamento. Posterior verò prædicamentalis, quia intra limites vnus prædicamenti continetur, & clauditur. Et hæc est duplex, scilicet equiparantiæ, & disquiparantiæ, de quibus egimus in præcedenti sectione. Ex quibus licet colligere seriem prædicamentalem, prout constituunt hoc tertium prædicamentum, sic dicendo. Relationum prædicamentaliū actualium, & intrinsecus aduenientium, alie sunt, quæ eodem nomine nominantur, vt similitudo, æqualitas; & hæc dicuntur æquiparantiæ. Alie, quæ diuerso nomine nominantur, vt paternitas filiatio, causa, & effectus; & hæc dicuntur disquiparantiæ. Relationum æquiparantiæ, alie fundantur super vnitate, vt vnitas est, siue generica, siue specifica; vt similitudo super qualitate eiusdem speciei, vel æqualitas super quantitate specifica, aut generica. Similitudo, & æqualitas diuiduntur in hanc, & illam, quæ sunt indiuidua. Alie autem fundantur super pluralitate, vt pluralitas est; vt dissimilitudo, inæqualitas, seu difformitas, quæ fundantur in quantitatibus, vel qualitatibus alterius speciei, vel generis. Hæc autem diuiduntur in hanc, & illam, vt in indiuidua. Relationum disquiparantiæ, alie sunt superpositionis, vt relationes patris, Domini, causæ, producentis; alie verò suppositionis; vt relatio filij, serui, effectus, & producti; & omnes hæc pariter diuiduntur in hanc, & illam, sicut dictum est de relationibus æquiparantiæ. Ex his sequitur, quod cum in relationibus inueniatur coordinatio generum, specierum, & indiuiduorum secundum sub, & supra, posse constitui ex illis vnum prædicamentum ab alijs formaliter distinctum.

Tertio notandum, ex Aristi in textu huius capituli, relatiua esse in duplici differentia;

quædam sunt secundū dici, & quædam secundum esse. Priora sunt illa, quæ secundum propriam essentiam sunt entia absoluta, tamen secundum aliquid concomitans, sunt relatiua; vt scientia, potentia, pars corporis, & similia, quæ formaliter sumpta, vel sunt qualitates, vt scientiæ; vel substantiæ, vt potentia; vel pars corporis, vt manus, pedes, &c. tū quia scientia refertur ad sciens, & potentia ad obiectum, vt mensurabile ad mensurā, & manus ad corpus totū, vt pars eius, propterea dicitur relatiua, licet reuera talia nō sint. Posteriora verō sunt illa, quæ secundum propriam essentiam, & formaliter sunt respectiua, & ad aliud ordinantur; vt pater ad filium, æquale ad æquale, & c. conuersi; & hæc subdiuiduntur sicut relationes, in relatiua æquiparantiæ, & disquiparantiæ; & hæc, in relatiua superpositionis, & suppositionis; illa verō in relatiua vnitatis, & pluralitatis; & vtraque in sua partiuntur indiuidua, vt dictum est de relationibus. Ex quibus inferitur, quod sicut potest constitui genus prædicamentale relationum in abstracto, quia ordinantur secundum sub, & supra, ita pariter debet poni ob eandem rationem etiam in concreto.

Quarto notandum est, quod sicut essentialis est relatio, vt sic, referre, seu esse rationem referendi fundamentum ad terminum, ita pariter relatio referri ad correlatiuum; vnde sicut conceditur relatio, & relatiuum superius, quod sit genus generalissimum huius coordinationis prædicamentalis, sic etiam assignandum correlatiuum, seu terminus illius superius relationis: hoc autem nequit esse respectiuium, quia, vt supra conclusum est, relatio non terminatur ad relationem oppositam, sed ad fundamentum eius, quod est absolutum vel formaliter, vel æquiuacenter in mutuis, vel ad absolutum formaliter tantum in natura mutuis. Erit ergo absolutum, vel formaliter, vel æquiuacenter, vel commune vtrique, vt dicit Mayronius, quod ens neutrum nominari potest. Nec inde inferri potest, dari duo suprema capita, scilicet relatiuum, & correlatiuum huius coordinationis; quia cum absolutum sit extrinsecum, relatio, vt relatiuum est, non spectat ad illud, nisi extrinsecè, ut potest quia terminat eius dependentiam; ad terminus, vt talis, non est de quiditate relationis, & sic neque

de eiusdem coordinatione per se, sed tantum per accidens, eo modo, quo substantia potest dici de coordinatione cuiuslibet accidentis, quia terminat dependentiam eius, prout est eorum vltimatum subiectum.

Quinto notandum est, ad hoc, vt relationes, seu relatiua possint ordinari sub hoc supremo capite. Primo requiritur, vt sint relationes, vel relatiua realia; id est independentia ab opere intellectus, siue vt res, siue vt realitates, & hæc de causa excluduntur relationes, seu relatiua rationis, vt sunt secundæ intentiones, siue in abstracto, siue in concreto. Secundo, vt sint relationes, siue relatiua actualia; & per hoc excluduntur relationes aprioriales, quæ non habent determinatum genus, sed reducuntur ad illa, in quibus reponuntur earum fundamenta, quibus identificantur realiter. Tercio, vt sint relationes, vel relatiua intrinsecus aduenientia, siue mutua, siue non mutua; & per hoc excluduntur omnes relationes, seu relatiua extrinsecus aduenientia, quæ constituunt sex vltima prædicamenta. Quarto, vt sint realiter distinctæ a suis fundamentis; defectu cuius, excluduntur omnes relationes transcendentales, quæ identificantur fundamentis, vt relatio creaturæ ad Deum, accidentis ad subiectum, & huiusmodi. Quinto tandem, vt contineantur sub aliquo illorum trium modorum, quos enumerat Aristoteles, quinto meth. c. 20. defectu cuius, relationes diuinæ, quæ dicuntur originis, excluduntur ab hoc prædicamento. Quia in diuinis non datur propriè potentia actiua, & passiua, super quibus habent fundari paternitas, filiatio, & spiratio passiua; & etiam quia non habent esse in alio, cuiusmodi sunt illæ, quæ continentur sub his tribus modis, sed sunt substantiæ realiter identificate Essentiæ Diuinæ.

Ex his, sit prima conclusio. Datur prædicamentum Ad aliquid, in quo reponuntur omnes relationes intrinsecus aduenientes, reales, actuales, & a suis fundamentis realiter distinctæ. Est Scoti in cit. locis, & in lib. Præd. q. 25. Probat per primo, testimonio Arist. in textu, ubi enumerat hoc prædicamentum ab alijs distinctum. Secundo probatur ratione. Vbi datur coordinatio prædicatorum secundum sub, & supra, ibi datur prædicamentum, vt patet ex eius definitione, sed in relationibus

realibus, & actualibus, intrinsecus aduenientibus, & a fundamentis realiter distinctis datur huiusmodi ordinatio secundum sub, & supra; ergo datur prædicamentum relationum, seu ad aliquid. Minor est probata not. secundo, & tertio, huius sectionis. Tertio probatur. Quia sicut ex quantitativibus, & qualitativibus coalescunt duo prædicamenta, quia eorum genera, species, & individua ordinantur ad invicem secundum sub, & supra, ita dicendum est de prædictis relationibus, cum ordinentur ad invicem secundum sub, & supra.

Secunda conclusio. Datur vnum genus generalissimum in tali prædicamento, quod vniocè prædicatur de omnibus, quæ directè in eodem collocantur. Est Scoti in logica, in cit. quæst. 25. §. dicendum, quod generalissimum &c. Probatur primo, auctoritate Aristotelis in textu, ubi probat, Ad aliquid esse vnum prædicamentum ab alijs distinctum; sed in quolibet prædicamento datur vnum supremum genus, quod dicitur de suis inferioribus; ergo idem dicendum est de prædicamento Ad aliquid. Secundo ratione. Si non daretur tale genus, hoc maxime eveniret, quia ad aliquid, id est relatiuum, essentialiter ordinatur ad correlatiuum, & hæc non sunt vnum, sed duo realiter distincta; at hoc non efficit, quominus ad aliquid non sit vnum genus ab alijs distinctum; ergo &c. Maior patet. Quia non videtur posse adduci alia ratio a Doctoribus oppositæ sententiæ. Minor probatur. Quia ordinari ad correlatiuum, non convenit relatiuo, ut relatiuum est, sed tantum ut mutuum est; ergo relatiuum, ut relatiuum, expostulat unitatem, & non divisionem. Maior patet. Quia aliquoquin relatiua tertij modi, in quibus non est correlatio, non essent essentialiter relatiua, quod est contra Aristotelem, quinto Methaphys. t. c. 20. Tertio sic. Quia relatio tantum essentialiter ordinat fundamentum ad terminum, ut probatum est in præcedenti sectione; sed terminus non tollit unitatem generis generalissimi ab hoc prædicamento; ergo. Minor probatur. Quia terminus est absolutum, vel formaliter, vel æquivalenter, sed absolutum nequit perturbare relatiuum formale, cum non sit de eius quiditate, imò distinguatur realiter ab eo; ergo datur vnum genus generalissimum relatiuorum. Secunda

pars probatur. Quia conceptus quiditativus relationis, seu relatiui formaliter, est ordinare subiectum, seu fundamentum ad aliud, ut ad suum terminum; sed talis conceptus reperitur in omnibus relatiuis, quæ sub hoc genere collocantur; ergo dicitur de illis vniocè. Maior patet. Quia sicut quantitas, & qualitas afficiunt subiectum ad se, ita relatio ad aliud; per hoc enim distinguuntur entia absoluta, & relatiua ab invicem. Minor patet inducendo in omnibus relatiuis trium modorum, quos enumerat Aristoteles, quinto Methaphys. t. c. 20. quia sub his continentur omnia relatiua, realia, actualia, & intrinsecus aduenientia, ac a fundamentis realiter distincta.

Tertia conclusio. Vnitas generis generalissimi Ad aliquid, datur, tam in abstracto, quam in concreto. Est Scoti loco citato §. Ad primum istorum, &c. respondendo ad secundum, & ad quartum argumentum principale. Probatur. Quia relatio, & relatiuum non differunt, nec realiter, nec formaliter, sed tantum ratione; ergo si datur genus generalissimum relationum, dari debet, & relatiuorum. Antecedens probatur. Quia concretum, & abstractum tantum differunt in modo significandi formam, cum concernentia, vel cum abstractione a subiecto; at realiter est eadem forma vtriusque; ergo conceptus generalissimi erit vnus, & idem in vtriusque realiter, & formaliter.

Obijcies primo, contra primam conclusionem. Si relatio esset speciale prædicamentum, sequeretur quod ex propria natura esset accidentis; sed hoc est falsum; ergo. Sequela maioris probatur. Quia omnia prædicamenta, vel sunt substantiæ, vel accidentia; ergo si relatio est prædicamentum, & non est substantia, sequitur esse accidentis. Minor probatur. Quia personæ diuinæ constituuntur per relationes reales, scilicet paternitatis, filiationis, & inspirationis passivæ; sed tales non sunt accidentia, cum hæc repugnent Deo; ergo sunt substantiæ; & sic, non constituunt speciale genus entis realis distincti realiter a substantia.

Respondetur, negando minorem. Ad probationem dico, relationes diuinas non pertinere ad hoc prædicamentum. Quia nec sunt accidentia, nec continentur sub aliquo trium modorum, quos enumerat Philosophus, quinto meth. t.c. 20. & licet conueniant in conceptu transcendentiſſimo, qui est esse ratio referendi vnum ad aliud, non tamen vniuocantur in conceptu limitato, qui est referre vnum ad aliud accidentaliter realiter, & ex natura extremorum, quæ referuntur; quia hic conceptus comprehendit tantum relationes prædicamentales intrinsecus aduenientes, à fundamentis realiter distinctas.

Contra. Quia relatio non est accidens; ergo conceptus eius non est referre accidentaliter vnum ad aliud. Consequentia patet. Antecedens probatur. Quia accidentis esse, est inherere subiecto, saltem aptitudinaliter; sed relatio nullo modo inheret subiecto; ergo. Maior patet, ex septimo Methaphys. t.c. 2. Minor patet ex definitione relationis, cuius torum esse est ad aliud; ergo non in alio, & sic non est accidens.

Respondetur, negando antecedens. Ad probationem dico, relationem considerari dupliciter, vel in ratione transcendentali accidentis; & sic sibi conuenit esse in subiecto, sicut cæteris accidentibus absolutis; alio modo in ratione limitata talis entis, scilicet respectiui; & sic competit sibi esse in fundamento, & illud referre ad aliud, vt ad terminum. Modo ad argumentum dico, ad relationem conuenit esse in subiecto transcendentaliter, vt accidens est, & ordinari ad aliud, vt relatio est.

Obijcies secundo. Multæ relationes spectant ad hoc prædicamentum, quæ non sunt intrinsecus aduenientes; ergo hoc prædicamentum non est coordinario relationum tantum intrinsecus aduenientium. Antecedens probatur. Quia relatio patris ad filium, causæ ad effectum, prodecentis ad productum, spectant ad hoc prædicamentum, cum contineantur sub secundo modo relatiuorum; sed tales non sunt intrinsecus aduenientes; ergo. Minor probatur. Quia pater non potest generare filium, nisi præcedat actio generatiua; causa non potest producere effectum, nisi fiat approximatio agentis ad passum; ergo huiusmo-

di relationes non insurgunt ex natura extremorum, sed ab extrinseco, & sic sunt extrinsecus, & non intrinsecus aduenientes.

Respondetur, negando antecedens. Ad probationem, nego minorem. Ad cuius probationem dico, huiusmodi dispositiones prærequiruntur, tam in generatione, quam in causalitate, non vt insurgant relationes, sed vt ponantur extrema, scilicet fundamentum, & terminus in esse, quibus positis in quacumque distantia, statim insurgunt relationes; non sic accidit in illis, quæ dicuntur extrinsecus aduenientes; quia adhuc, vt insurgant, requiritur approximatio, quæ facta, adhuc possunt impediri, vt patet de combustione impedita in fornace Babilonica, de comestione Danielis in lacu leonum, & alijs; quæ virtute diuina impeditæ fuerunt, etiam si fuerint extrema approximata.

Obijcies tertio. Quia omnes relationes, tum intrinsecus, tum extrinsecus aduenientes, conueniunt in conceptu generis generalissimi relationis; ergo omnes pariter, vel nullæ, faciunt hoc prædicamentum. Consequentia patet. Quia ad hoc, vt aliqua ponantur in prædicamento, sufficit, vt participant quiditariuè conceptum supremi illius prædicamenti. Antecedens probatur. Quia omnes sunt rationes referendi vnum extremum ad aliud; sed in hoc consistit conceptus relationis, quæ ponitur, vt generalissimum; ergo &c.

Respondetur, negando antecedens. Ad probationem dico, omnes relationes, tum intrinsecus, tum extrinsecus aduenientes, conuenire quidem in conceptu transcendentali, qui est esse ratio referendi vnum extremum ad aliud; non tamen in conceptu limitato, qui est esse ratio referendi vnum ad aliud ab intrinseco, & ex eorum natura, necessariò, & inimpedibiliter; sub quo non continentur relationes extrinsecus aduenientes, cum proueniant ab extrinseco, & possint impediri saltem à Deo, ne insurgant, etiam facta vnione extremorum.

Contra. Quæ sunt differentia, & non diuersa, conueniunt in aliquo conceptu generico; sed relationes intrinsecus, & extrinsecus aduenientes, non sunt primo diuersæ, sed tantum differentes; ergo conueniunt.

niunt in aliquo conceptu generico, & non nisi in esse rationem referendi vnum extremum ad aliud, & sic argumentum manet in suo robore. Maior est Aristotelis, 10. Meth. 1. c. 12. & Scoti, in secundo, d. 3. q. 6. ac in suis Formalitatibus. Minor probatur per Scotum, in quarto, d. 6. q. 10. & d. 10. quæst. 1. & dist. 13. quæst. 1. & quolib. 1. art. 4. quibus in locis ponit differentiam inter relationes intrinsecas, & extrinsecas aduenientes.

Respondetur, minorem esse veram de diuersitate se totis obiectiua, non tamen se totis subiectiua; quia sic sunt primo diuersæ, vt dictum est de distinctione prædicamentorum. Ad probationem dico, differentiam illam, quam ponit Scotus inter dictas relationes, non esse per differentias formales, & específicas, sed tantum per modos intrinsecos, qui, cum non distinguantur formaliter a suis principijs, nequeunt facere differentiam, sed tantum diuersitatem inter dictas relationes. Confirmatur responsio ex modo loquendi Doctoris Subt. in quarto, d. 13. q. 1. D. dum dicit, illa sex vltima prædicamenta, non esse species relationis; quia hæc dicit intrinsecè respectum, illa verò tantum extrinsecè: & in Quolib. 1. art. 4. inquit: hæc sex genera distingui a relatione, distinctione secundum genus, & non nisi, quia relatio consequitur extrema posita necessariò, hæc verò non necessariò: quæ consecutiones, solum habent dicere diuersos modos intrinsecos; aliter non distinguerentur secundum genus, sed essent eiusdem generis, quod tamen negat Doctor. Fateor tamen, argumentum esse validum, nec solutionem iam datam ita facile quietare intellectum, cum, & ipse Scotus hæset, & solum hoc dicat ad saluandam illam famosam diuisionem decem Generum. Videatur in his duobus locis vltimè citatis, & dicatur consequenter ad meliorem eius intentionem.

Obijcies quarto, contra secundam, & tertiam conclusionem. Si datur relatiuum in communi, ordinabitur ad terminum; vel igitur ad inferiorem, vel ad superiorem, vel ad æqualem; sed nullum est dicendum; ergo. Maior pater ex natura relatiuorum; & a sufficienti diuisione terminorum. Minor probatur. Non ad inferiorem, neque ad superiorem; tum quia inter extrema debet ef-

se distinctio realis; at inter superiorem, & inferiorem non est distinctio realis, vt patet. Tum quia relatiua sunt simul natura; sed inferius, & superius, non sunt simul natura; vt est notum apud omnes; ergo nequit ordinari ad superiorem, vel inferiorem. Neque ad æqualem; quia tunc, velle essent duo genera generalissima relationum, vel nullum; vtrumque est absurdum; ergo &c. Minor probatur. Quia cum duo repugnent ad inuicem, sequitur nullum esse supremum genus relationis.

Respondetur, ordinari ad æqualem terminum; & cum inferitur, quod duo essent generalissima relationum, negatur; quia talis terminus non foret relatiuum quid, sed absolutum, vel quoddam vtrique commune, vt dictum est, not. 4. & conclusione 1. quod cum non veniat in numero cum relatiuo, nequit facere duo relatiua, sed tantum vnum.

Contra, Quia Scotus, in primo, d. 21. q. vii. ad tertium argumentum, dicit, relatiuum in communi non referri ad terminum in communi, sed tale exercitium relinquere suis inferioribus, in quibus saluatur sufficienter relatio vnius ad aliud; ergo responsio data, quod referatur ad terminum æqualem, est contra Doctorem, ac propterea non sustinenda.

Respondetur, Doctorem ibidem ponere differentiam inter relatiua æquiparantiæ, & disquiparantiæ; nimirum, quod cum hæc fundentur in absolutis alterius rationis, vt pater, & filius in potentia actiua, & passiva generandi, si abstrahantur ab inferioribus vtriusque conceptus, non possunt conueniri in vno, & eodem conceptu, sed sunt necessarij duo conceptus oppositi; vnus fundatus in Patre, & alter in filio; at relatiua æquiparantiæ, cum fundentur super vnitatem specificam, vel genericam, a quibus potest abstrahi vnus conceptus vel specificus, vel genericus, non necessario constituuntur duo, quæ se mutuo respiciant, & ad inuicem referantur; quia tunc deberent esse distincta realiter; quod est contra suppositum, nempe quod sint vnita specificè, vel genericè: quapropter, si hæc habeant referri, nequeunt hoc exercere in communi, sed tantum in inferioribus, in quibus datur distinctio realis; & sic intelligendus est Doctor citatus. Vnde nō potest inferri, quod neget

absolutè vnitatem relatiui in communi, & referentiam eiusdem ad terminum æqualem, cum hoc apertè afferat in quæst. 25. Prædicam. respondendo ad tertium principale; & in primo, d. 21. quæst. vn. ad tertium argumentum, solum hoc negat à relatiuis æquiparantiæ, & non à relatiuo in communi.

Obijcies quinto. Quia si daretur tantum vnum genus generalissimum, sequeretur, tale esse relatiuum æquiparantiæ; sed hoc non est ponendum; ergo nec relatiuum, quod sit generalissimum. Maior probatur. Quia referretur secundum eandem formam dicendo, relatiuum relatiui relatiuum; tum quia talis conceptus esset in vnitatem genericam communi ad omnia relatiua; sed relatiua, quæ fundantur super vnitatem, sunt æquiparantiæ, vt dictum est superius; ergo. Minor probatur. Quia tunc omnia relatiua inferiora, essent æquiparantiæ, & sic non darentur relatiua superpositionis, & suppositionis, cuiusmodi sunt pater, & filius, Dominus, & seruus; quod est contra Aristotelem hic, & quinto Meth. l. c. 20. ergo &c.

Respondetur, relatiuum incommuni posse dici æquiparantiæ, dupliciter potest intelligi; vno modo, vt quid; alio, vt modus, seu denominatiue. Primo modo relatiuum æquiparantiæ, est vna species relatiuorum contradistincta à relatiuis disæquiparantiæ, scilicet suppositionis, & superpositionis; & sic relatiuum in communi, nequit dici æquiparantiæ, sed abstrahit ab illo, sicut à cæteris. Secundo modo, dicit modum fundandi, & referendi relatiuorum æquiparantiæ; & sic relatiuum in communi potest denominari æquiparantiæ, pro quanto refertur ad modum relatiuorum æquiparantiæ, & fundatur super vnitatem conceptus, communis omnibus relatiuis inferioribus; & sic non est inconueniens dicere, omnia relatiua, vt conueniunt in illo supremo, & in eius conceptu communissimo, esse æquiparantiæ, cum habeant eundem modum fundandi, & referendi, sicut relatiua æquiparantiæ.

Ad argumentum formaliter dico, sequelam maioris esse veram vt modus, non tamen vt quid. Ad improbationem dico, esse veram vt modus, falsam, vt quid; quia cum sint diuersæ species contentæ sub relatiuo,

in communi, contractæ per diuersas differentias, consequenter habent, & diuersam rationem fundandi, & referendi, vt dictum est superius.

Contra. Quia relatiuum in communi non esset reale, sed tantum rationis; consequens est falsum; ergo & antecedes. Minor patet. Quia omnia decem prædicamenta sunt realia. Sequela maioris probatur. Quia relatio realis requirit extrema realiter distincta; sed conceptus relatiui æquiparantiæ, non habet extrema realiter distincta cum esset fundatus super vnitatem genericam, in qua non est distinctio realis; ergo.

Respondetur, negando sequelam maioris. Ad probationem, nego minorem. Quia terminus talis relationis, non esset absolutum prædicamentale, & sic non esset eiusdem generis cum fundamento, sed transcendens tale; & pro tanto diceretur eiusdem rationis, pro quanto haberet eandem rationem fundandi.

Præter relationes secundi modi, quem recenset Aristoteles, quinto Meth. l. c. 20. fundantur in potentia, vel in actione ætterna, vel passiva?

QVÆSTIO II.

Circa hanc difficultatem, multiplex exeat Doctorum sententia; siquidè Thomistæ sequuntur Magistrum, in 1. p. q. 28. art. 4. & in 3. sent. d. 8. q. 1. art. 5. & alij, quorum meminit Mastrius hic, q. 10. n. 157. quibus accedit Caiet. super 3. p. q. 35. art. 5. docent, huiusmodi relationes fundari super actione, & passione.

Scotistæ, ex opposito docent, huiusmodi relationes habere fundamentum in potentia ætterna, & passiva: actionem verò, & passionem prærequiri, veluti dispositiones, sine quibus non insurgerent relationes, etiam positæ fundamentis. Ita docet Doct. Subtilis in 5. meth. ad r. 20. & q. 13. in fine: & in 4. d. 6. q. 10. l. & d. 13. q. 1. V. sed expressius in quod. 12. C. quem præter Discipulos, sequuntur nonnulli ex Thomistis, quos citat Mastrius cit. sub numero 160.

Cæterum, moderni quidam putantes vitare posse inconuenientiam, quæ urget Scotus, contra opinionem D. Thomæ, collocant has relationes in substantia nuda, veluti

Iuri in fundamento radicali. Ita Suarez in meth. disp. 47. sect. 12. Hurtado ibi, disp. 13. sect. 10. cum alijs.

At: Mastrus, & Bellutus sic, disp. 8. q. 10. sub n. 162. quamvis videantur sequi opinio- nem Doctoris Subtilis, collocantes, & ipsi huiusmodi relationes in potentia actiua, & passiva, cum dispositionibus prærequisitis; discordant nihilominus a communis Scoti- starum Schola, ac sententia, dum dicunt, re- lationes effectus ad causâ, & è contra, quia important dependentiâ essentialē ad inuicem nedum in fieri, sed etiam in conservari, fun- dari in nuda entitate causæ, & effectus. Re- lationes verò paternitatis, & filiationis, quia mutuo se respiciunt cum essentiali de- pendentia vnius relatiui ab alio, scilicet filij a patre, tantum in fieri, & non in cōseruari, fundari quidē in potentia actiua, & passiva, & in primo instanti esse relationes reales, at transacto actu generationis, remanere in suis fundamētis, veluti denominationes ex- trinsicæ, nèpè quod pater generauit, & fi- lius genitus est. Citant pro se Philosophū. 5. meth. c. 15. & Scotum in 3. d. 8. q. vn. D. 5. Re- spondeo, aut filio est præcisè relatio, &c. ubi hunc dicendi modum putat probabilē, cum ipsam non refellat, sicut secundum.

Sed quā perperam adduxerint, & Philoso- phum, & Magistrum in confirmationem suæ sententiæ, quam iam abundi fatentur se priores omnibus defendisse; viderint ipsi, si rectè sapiant, & infra evidentissimis ra- tionibus demonstrabimus.

Pro declaratione igitur, & fundamento Scoticæ sententiæ, quam conformiorē mēti Aristotelis iudicamus: primo norandū est ex dictis superius, relationem dicere essen- tialē dependentiam extremorum. i. funda- menti, & termini, cū in sui quiditate inuo- luit essentialē habitudinē vtriusque; quare sicut ex hoc infert Philosophus hic, c. de ad- aliquid, relatiua mutuo se poni, ac perimi. Sic Scotus concludit, in 4. d. 12. q. 1. D. neces- sitatem vtriusque extremi ad esse, & cōser- uari relationis, vt dixerit, quod sicut tolle- re terminum, ad quem est respectus, est tol- lere, vel destruere respectum; ita tollere il- lud, cuius est respectus, est tollere respectū, & destruere rationem respectus: siquidem accidens respectuum, qua tale, requirit vtrumque; extremum ad sui esse, & cōserua- ri. Ex quo licet inferre, quod sicut relatio

destruitur ad alicuius extremorum destru- ctionem, ita cōseruatur, manentibus in es- se fundamento, & termino; cum igitur, trā- factō actu generationis, maneat in patre po- tentia generatiua, quæ est fundamentū pa- ternitatis, ipsa pariter manebit viuente filio, ad quem fuit ordinata: & sicut prius in fieri erat vera relatio realis, & intrinsecè de- nominabatur patrem, vt talem, ita postea ma- nebit secundum eandem formalitatem in- trinsecam, & non tantum, vt extrinsecā de- nominatione.

Secundo notandum, ex Doct. Subtili, in quol. 12. art. 1. sub A. & B quod eiusdem ef- fectus permanētis ad eandem causam, ne- quit esse alia, & alia habitudo dependentiæ, per hoc, quod dicatur habere esse, & cō- seruati ab eodem; alioquin cum esset suffi- cienter terminata dependentia ad illā cau- sam, non posset amplius dependere de- pendentia eiusdem rationis; aliter dependeret, & non dependeret, quod est manifesta con- tradictio; per hoc. n. probat Doctor; vna, & eadem dependentia essentiali, dependere creaturam ad Deum, & quoad esse, & quoad cōseruari; quandoquidem, cum sit eadē existentia creaturæ, super qua fundatur de- pendentia, & in creatione, & cōseruatione, & idem velle diuinum ad quod termi- natur, infert non esse aliam, & aliam habi- tudinem, sed omninō eandem realiter ad Deum creatorem, & cōseruantem. Ad pro- posium nostrum applicando hanc doctrinā; cum eadem sit substantia filij genita, & ea- dem potentia generatiua perseveret post ac- tum generationis trāfactū, sequitur, quod non alia, & alia habitudo filius depēdat à patre in fieri, & cōseruari, sed omninō ea- dem: & è cōuerso, quod pater eadem rela- tione, & habitudine ordinetur post actum generationis, quod in actu eiusdem ordina- batur: vnde sicut in actu dicebatur pater in- trinsecè per paternitatem realiter, per eam- dem sic perseverantem, semper denomina- batur talis, quouique extrema fuerint vni- ta, & sibi coexistentia: & tandem, sicut pa- ternitas dicitur relatio realis in actu ge- nerationis, ita talis erit etiam in cōseruatione eiusdem subiecti per ipsam denomina- ti, perseverante etiam eodem fundamento, ac termino.

Tertio notandū, ex eodē Doct. in cit. locis, sed præcipuē in 4. d. 13. q. 1. V. & quolib. 12. art.

art. 1. quod quamvis ad fundandam paternitatem, & filiationem prærequirantur generatio actiua, & passiuæ, tanquam dispositiones mediæ, sine quibus non insurgerent huiusmodi relationes, tamen non licet inferre, generationem passiuam, vel actiuam esse fundamenta proxima, vel rationes fundandi prædictas relationes; aliter transacto actu generationis, non remaneret in patre paternitas, & filio in filio, quod non est dicendum; cum ille adhuc dicatur pater, & iste filius, & non nisi per relationes in eisdem perseverantes. Ex quo sequitur, quod cum maneat, ut optimè demonstrat Scotus, contra D. Thom. in tertio, d. 8. q. vn. sub B. & C. nimirum in eodem patre esse plures paternitates reales ad plures filios terminatas, oportet dicere, quod non fundentur super genuisse, vel super generatione actiuæ, aut passiuæ, quæ transeunt, sed super potentia actiuæ, & passiuæ, quæ diu perseverant. Nec per potentiam actiuam intelligit Doctor illam, quæ est coniuncta cum actu secundo, ut dicunt Maiorius, & Bellutus, vel quæ dicat respectum ad actum, sed absolutum, quod denominatur a tali respectu; quia tale non transit; cum actu generationis, sed perseverat, ut inquit Doctor Subt. in 4. d. 6. q. 10. sub H. & L. alioquin non rectè probaret, posse fundari in eodem fundamento plures paternitates, sed plures essent in diuersis fundamentis, sicut plures sunt potentie actiuæ, conjunctæ cum diuersis actibus generationis ad diuersos filios. Vnde apparet falsitas opinionis eorumdem Magistrorum, qui putantes posse euadere scyllam oblatam à Suarez contra Scotum, inciderunt in caribidem, deuiantes à sententia Doctoris, & semetipsos redarguentes, ut potè qui defenderint contra Thomistam pluralitatem relationum realium, & præsertim paternitatum realium in eodem patre ad plures filios, quod est oppositum huius opinionis, quam hic nouiter probare pertentant, etiam in sententia Doctoris Subtilis.

Quarto notandum, ex Philosopho, 5. Met. t. c. 17. & 9. meth. t. c. 2. & ex Scoto, quol. 13. art. primo, potentiam esse duplicem, scilicet actiuam, & passiuam: potentia actiua, est principium transmutandi aliud, in quantum aliud; passiuæ verò est principium transmutandi ab alio, in quantum ab alio.

Exemplum sit in igne comburere lignum; in quo est potentia actiua transmutandi formam ligni in formam ignis, & in ligno, est potentia passiuæ, ut possit mutari ab igne. Potentia actiua, cum sit potentia agentis, & agens sit duplex homogeneous, & etherogeneous, aliter sita est in hoc, & in illo; siquidem in priori, cuiusmodi est ignis, non distinguitur à forma eius, sed tota causalitas residet in entitate eiusdem; in posteriori verò, cum sit organicum, ut homo, vel leo, distinguitur formaliter; quandoquidem potentia generatiua in homine, est quædam vis distinctiua eiusdem ab agente non generante, & est formaliter distincta ab essentia, seu substantia animæ rationalis, in qua multiplicatur denique tot potentie actiuæ, quot effectus alterius rationis possunt produci ab homine. Ex quo fit, ut alia sit potentia generatiua, alia nutritiua, alia loco motiua, alia intellectiua, & alia volitiua, cum homo generet, nutriat, loco moueat, intelligat, & velit. Vnde infertur, quod cum relationes secundi modi fundentur in potentia actiua, aliquæ fundantur immediate in substantia nuda, ut relatio causæ ad effectum; aliæ verò in quadam vi ordinata immediate ad proprium effectum producendum; ut paternitas in potentia generatiua; & ratio vtriusque est ista; quia cum agentia primi ordinis attingant effectum immediate per suas entitates, ut probat Scotus, d. 1. q. 2. ad primum argumentum secundi sent. Ideo relatio, qua ordinatur causa ad effectum, debet fundari in illa entitate nuda: & cum agentia secundi ordinis non attingant effectus immediate per eorū substantias nudas, sed tantum mediatis quibusdam principiis, etiam relationes producentis ad productum, & originantis ad originatum, habent fundari in eisdem principiis, & non in substantia nuda.

Ex his, sit prima conclusio. Relationes secundi modi, non fundantur super actione, & passionem. Est Scoti locis citatis. Contra D. Thomam, & Sectatores citatos in prima sententia. Probat. Quia super eo, quod non est, nequit fundari relatio realis; sed relationes secundi modi sunt, quando actio, & passio non sunt; ergo in his nequit fundari relatio secundi modi. Maior patet. Minor probatur. Quia perfecta generatio-

ne,

ne, nec actio est in patre, nec passio in filio, cum transierint in præteritum; ergo simpliciter non sunt, & tamen paternitas manet in Patre, & filiationis in filio, a quibus intrinsecè denominantur tales; ergo relationes secundi modi sunt, & habent esse, quando actio, & passio non sunt, & consequenter nequeunt fundari super illis. Hoc assumptum probatur. Quia cum relatio sit essentialis habitudo extremorum, nequit esse sine fundamento, & termino, à quibus essentialiter dependent; ergo, &c.

Secunda conclusio. Relationes secundi modi, nequeunt fundari in potentia actiua, & passiuæ, ut sunt sub actibus secundis reduplicatiuè, hoc est dictu; actio, & passio non sunt rationes fundamendi huiusmodi relationes. Est Scoti, in tertio, d. 8. q. vn. sub lit. D. & E. in 4. d. 6. q. 10. sub I. sed expressius dist. 13. q. 1. V. & quod. 12. art. 1. contra Magistrum, & Bellutum citatos. Probatur. Quia fundamentum relationis, non est tantum causa eius in fieri, sed etiam in esse, & conseruari; atqui potètia actiua, ut est sub actu secundo, non est causa in esse, cum transeat cum actu; ergo &c. Maior est Scoti, in 4. d. 6. q. 10. ubi loquens de relatione paternitatis, profert verba formalia, quæ recensui in maiori. Confirmatur ex eodem ibidem. Quia fundamentum paternitatis, est potètia generatiua, non accepta pro respectu, quem dicit, sed pro absoluto, quod denominatur a tali respectu; sed potètia sub actu secundo, importat respectum ad actum, & non tantum absolutum; ergo ut sic, nequit esse fundamentum illius relationis. Maior, & minor sunt Scoti loco citato. Secundo probatur. Quia quando aliquis in creaturis generat, tunc non est pater, sed solum quando proles formata est, dicitur pater, ita quod sicut proles incipit esse filius, ita qui genuit, incipit esse pater; ergo potentia generatiua patris, dum est sub actu, nequit esse fundamentum relationis paternitatis. Antecedens est Scoti, in quarto, d. 13. q. 1. V. ad litteram formaliter, & etiam patet. Quia pater dicitur generare cum discindit semen; sed tunc non est pater, sed solum cum proles est perfectè organizata, & animata, alioquin non generaret sibi simile in natura; ergo. Consequentia patet. Quia tunc solum est fundamentum, dum denominatur

actu patrem; sed dum est sub actu generationis in illo instanti, non denominatur actu pater; ergo potentia generatiua sub actu reduplicatiuè, nequit esse fundamentum generationis, seu relationis paternitatis.

Tertia conclusio. Relationes secundi modi, & præsertim paternitas, & filiationis, sunt relationes reales, nedum in fieri, sed etiam in facto esse. Est Scoti in citatis locis, & præcipuè in tertio, dist. 8. q. vn. ubi probat, plura accidentia relatiua posse esse in eodem fundamento ad plures terminos; & loquitur de paternitate, & filiatione. Contra illos Neotericos Scotistas; & Poncium hic, disp. 15. num. 64. ac sequentibus. Probatur primo. Quia paternitas, & filiationis manent realiter in patre, & filio, dum actu viuunt; ergo sunt relationes reales. Consequentia pater. Quia quod non est reale, nec realiter manet. Antecedens est Scoti, in loco citato, & in quod. 12. art. primo; ubi per hoc demonstrat in primo loco, plura accidentia relatiua esse simul in eodem fundamento; & in secundo, quod non fundantur in actione, & passione, sed in potentia actiua, & passiuæ, contra D. Thomam contendentem oppositum; sed Doct. Subt. non habere intentum, si non essent relationes reales, & in facto esse; ergo sunt relationes reales, etiam in facto esse. Secundo probatur. Quia si sunt relationes reales in fieri, ut conceditur ab illis; ergo etiam in facto esse remanent tales. Consequentia probatur. Quia manentibus eisdem extremis penitus immutatis, manet eadem relatio prorsus immutata; sed potentia generatiua actiua in patre, & passiuæ ad generari in filio, sunt fundamenta paternitatis, & filiationis, ut concedunt, & eadem penitus immutata perseverant in facto esse, quæ fuerant in fieri; ergo & relationes super ipsis fundatæ, erunt huiusmodi. Minoris secunda pars probatur. Quia potentia generatiua in patre, & passiuæ in filio, non sunt fundamenta formaliter, secundum habitudinem, quam dicunt ad actum secundum, ut probatum est cum Scoto in præcedenti, sed tantum secundum esse absolutum, quod denominatur a tali respectu; sed absolutum, tam in patre, quam in filio, est semper idem realiter, tam in fieri, quam in facto esse; ergo, & relationes super ipsis fundatæ, erunt sem-

semper eadem. Maior primi syllogismi est Scoti in quol. 12. loco citato, & etiam suadet. Quia relatio est essentialis habitudo extremorum; ei quoque ipsi manentibus, manet semper eadem habitudo.

Respondent, maiorem esse veram ubi semper perseverat eadem essentialis dependentia vnius ab alio; ut patet in relationibus effectus ad causam, & è converso, de quibus loquitur Scotus; non tamen de extremis in proposito, ubi perfecta generatione, non est amplius essentialis dependentia.

Contra. Quia filius, ut talis, semper dependet a patre, dum pater est, ex Philosopho hic; ubi per hoc infert, quod posita se ponunt, & perempta se perimunt, quæcumque sint illa relativa saltem secundum esse; ergo etiam fundamentum filiationis est in continua essentiali dependentia à fundamento paternitatis. Consequentia probatur. Quia vnum relativum non dependeret essentialiter ab alio, si fundamenta non dicerent essentialiter dependentiam ad invicem; siquidem relatio est essentialis habitu. do extremorum ad invicem. Præterea, est absolute absolutum huius, & filius, perfecta generatione, non habeant amplius essentialiter dependentiam in fieri, tamen, ut fundamentum, & ut terminus, formaliter, & essentialiter dependent; cum vnum ordinetur essentialiter ad aliud in facto esse.

Respondet, perfecta generatione, patrem, & filium dependere essentialiter quoad denominationem extrinsecam, secundum quam etiam dicunt se perimere, & ponere ad invicem, non tamen respectu denominationis intrinsecæ, quia talis, perfecta generatione, nulla est.

Contra. Quia denominatio extrinseca in vno extremo, præsupponit semper in altero intrinsecam; ergo si filius dependet essentialiter a patre quoad denominationem extrinsecam, & è converso, necesse est ponere in utroque formam intrinsecam, a qua possit haberi denominatio mutua extrinseca; atqui talis nequit esse, nisi paternitas in patre, & filiatio in filio; ergo. Consequentia patet. Maior probatur. Quia paries visus extrinsecè, præsupponit visionem, ut formam intrinsecam insidentem oculo videntis; tum etiam, quia denominatio extrinseca, sit ab aliqua forma denominante; ergo

talis debet inherere alicui subiecto, & sic erit intrinseca.

Dicent, patrem, & filium denominari paternitate, & filiatione in fieri; quia, ut sic, sunt formæ reales, & intrinsecæ.

Contra. Quia ut sic, non sufficiunt denominare pro semper patrem, & filium extrinsecè; ergo vana responsio. Antecedens probatur. Quia forma intrinseca præbens alicui denominationem extrinsecam in facto esse, debet manere, denominatione extrinseca manente; sed paternitas, & filiatio transeunt cum ipso actu generationis; ergo ex ipsis nequit sumi denominatio extrinseca patris, & filij in facto esse. Maior patet. Quia hæc ab illa essentialiter dependet; ergo manente extrinseca, debet necessarii manere, & intrinseca.

Tertio probatur conclusio ad hominem. Quia disp. 8. q. 6. art. secundo per totum, Magistrus, & Bellutus acerrimè defendunt cum Doctore Subtili, dari plures paternitates in eodem patre ad plures filios ordinatas; sed eorum rationes nihil valerent contra Thomistas, si non forent relationes reales; ergo & Minor probatur. Quia respondere possent, patrem ad plures filios posse denominari talem pluries extrinsecè a prima paternitate, quæ in fieri conceditur realis, & intrinseca. Præterea, data hac opinione, incidunt in sententiam Nominalium de identitate reali relationum prædicamentali cum suis fundamentis, quam tamen evertere conati sunt, q. 3. art. 1. per totum. Denique sibi contradicunt. Quia in loco nuper citato, conclusione vltima, statetur cum D. Thom. & Sco. 5. meth. q. 11. relationem prædicamentalem non esse denominationem extrinsecam, sed formam accidentalem superadditam fundamento, ab ipsoque realiter distinctam, quia potest adesse, & abesse ab illo, sine eius corruptione; sed inter prædicamentales recentent etiam paternitatem, & filiationem; ergo sibi contradicunt, ponendo postea illas tantum denominationes extrinsecas.

Quarta conclusio. Relationes secundum modi, & præsertim paternitas, & filiatio, non fundantur in potentia radicali, seu in substantia nuda, vel essentia rei. Est communis contra Auctores tertie sententiae.

Pro-

Probatur primo auctoritate Aristotelis 5. meth. t. c. 20. ubi habet. Actiua, & passiva, secundum actiuam, & passiuam potentiam sunt, & potentiarum actiones. Sed per actiuam potentiam respectu paternitatis, & passiuam respectu filiationis, nequit intelligi potentia radicalis, seu nuda substantia patris; ergo &c. Minor probatur. Quia pater non generat per nudam substantiam, sed per potentiam generatiuam, tamquam per principium productiuum generationis filiorum; acqui principium productiuum generationis non est nuda substantia, vt est manifestum apud omnes; ergo talis nequit esse substantia paternitatis. Secundo probatur ratione. Quia relationes paternitatis, & filiationis, sunt relationes originis, vt vnius ab alio .i. filij à patre, tamquam a causa efficiente; sed talis origo, & dependentia est formalis, & non radicalis; ergo fundamentum talium relationum, erit potentia formalis generatiua, & non radicalis. Maior est Philosophi loco citato. Minor patet. Quia actio generandi procedit à principio generatiuo; sed tale nequit esse potentia radicalis, seu nuda essentia patris, vt est in confesso apud omnes; ergo relationes paternitatis, & filiationis non fundantur in potentia radicali, seu in substantia nuda patris.

Quinta conclusio. Alique tamen relationes secundi modi, fundantur in nuda substantia a gentis, alie vero in quadam vi productiua, formaliter distincta ab essetia eiusdem. Vtraque pars est Scoti. Prima, in secundo sent. d. 1. q. 2. ad primum argumentum principale. Secunda vero, in 4. d. 6. q. 10. 1. & alibi. Probatur prima pars. Quia relationes huiusmodi fundantur in potentia actiua, & passiva; sed in agentibus homogeneis, sita est in forma radicali, siue in eius entitate essentiali eiusdem; ergo aliquæ relationes fundantur in substantia nuda agentis homogenei. Maior est Philosophi, 8. meth. t. c. 20. Minor similiter. Quia ignis, aqua, & cetera agentia homogenea .i. eiusdem rationis eum toto, agunt per propriam formam, quæ non est alia ab eis. Secunda pars probatur. Quia homo agit per principia formaliter distincta a sua essetia; siquid generans per vim generatiuam; nutritur per nutritiuum; phantasiatur per phantasticam; intelligit per intellectiuum, & vult per volutiuum; sed omnes hæc virtutes sunt distinctæ forma-

liter ab essetia hominis, seu a forma radicali eiusdem; ergo relationes generationis, nutritionis &c. fundantur in illis, & non in forma radicali, aut essetia nuda eiusdem.

Sexta conclusio. Responsiua immediatè ad titulum quæstionis. Relationes secundi modi fundantur immediatè in potentia actiua, vel passiva, tãquàm in fundamento proximo; in actionibus verò, tãquàm in præuijs dispositionibus necessariò requisitis, ad hoc vt fundetur. Est Scoti, in 4. d. 13. q. 1. V. & quol. 12. art. 1. contra D. Thomam, & sequaces. Probatur prima pars auctoritate Aristotelis 5. meth. t. c. 20. ubi dicit. Actiua, & passiva, secundum potentiam actiuam, & passiuam sunt, & potentiarum actiones. Vbi includit potentiam actiuam, & passiuam, vt fundamenta relatiuorum actiuum, & passiuum; & actiones potentiarum subiungit, tãquàm dispositiones præuias, sine quibus potentia actiua, & passiva non possent esse fundamenta. Secundo probatur ratione. Quia illud est fundamentum proximè, quo manet simul cū termino, manet relatio, & quo ablato, & ipsa remouetur; sed potentia generatiua in patre, v. g. est huiusmodi respectu paternitatis; ergo paternitas fundatur super potentia actiuam patris. Maior patet. Quia relatio est essentialis habitudo vtriusque extremi scilicet fundamenti, & termini. Minor similiter. Quia transacta actione generatiua in patre, manet relatio paternitatis, vnde talis denominetur; siquidem habet adhuc potentiam generatiuam, secundum quam genuit filium, & deperdit potentia generatiua, vt patet in castrato, deperditur quoque paternitas, nec amplius vocari potest pater de præsentis, sed tantum de præterito, id est qui fuit pater; ergo ad positionem potentie ponitur, & ad remotionem potentie remouetur quoque relatio. Secunda pars probatur. Quia actiones potentiarum necessario requiruntur, ad hoc, vt actiua, & passiva possint agere, & pati; sed huiusmodi actiones nequeunt esse fundamenta relationum secundi modi, vt probatè est, in prima & secunda conclusione; ergo erunt dispositiones præuiæ necessario requisitæ, ad fundationem relatiuorum huiusmodi. Confirmatur. Quia approximatiue generis ad passum, necessario requiritur, vt insurgant relationes actionis, & passionis; sed ob hoc non ponitur, vt fundamentum illarum, vt omnes fatentur; ergo a simili, quæuis actio

actio, & passio necessitudo requirantur ad fundandas relationes super potentij, nec enim propterea debent dici fundamentum illarum. Secundo tota conclusio, probatur per rationes factas contra primam, & tertiam opinionem, in duabus primis conclusionibus.

Obijcitur tamen contra primam, & præcedentem conclusionem, primo sic. Illud est fundamentum relationis, quo posito, etiam si cætera non ponantur, relatio ponitur, & quo ablato, quamvis cætera maneat, non confurgit, aut remanet relatio; sed talis est actio præterita tantum; ergo sola est fundamentum relationis. Maior patet. Minor probatur. Quia eo ipso, quod verum est, hominem genuisse, verum est, ac necessarium habere relationem paternitatis ad filium, & quousque ponatur generatio, etiam si sint potentia, & quæcumque alia, non confurgit relatio, vt ex se manifestum est; ergo actio, & passio sunt fundamentum relationum secundi modi.

Respondetur negando minorem, quo ad primam partem; imò statim ac homo genuit, & transijt actio in præteritum, non dicitur pater, sed solum forma prole, & debet organizata, & animata, dicitur talis; ac propterea paternitas nequit fundari super actione, quia per multum temporis absuit, & præterijt; vnde restat, vt solum fundari possit in potentia generatiua, vel in substantia essentiali eiusdem hominis, quæ remanet; at cum probatum sit non posse fundari in substantia, superest, vt necessario dicatur fundari in potentia generatiua patris.

Vel dicendum secundo, negando maiorem absolutè. Quia etiam approximatio agentis ad passum gerit easdem vices respectum actionis, & passionis, quas actio præterita respectu paternitatis; & tamen nemo audeat asserere, approximationem esse fundamentum actionis, & passionis, sed bene agens, & passum; igitur à simili dicendum est de actione, & passione respectu paternitatis, & filiationis, quod non fundentur in illis, sed solum sint præiæ dispositiones ad illas fundandas in potentia, sicut approximatior ad agere, & pati.

Obijcitur secundo, contra eandem. Quia relatio agentis in actu, ad passum in actu, non fundatur in potentia, sed in actione

præsentij; ergo nec relatio paternitatis fundabitur in potentia generatiua, sed in actio. ne eiusdem præterita. Consequentia patet. Quia Philosophus in citato loco, eodem modo loquitur de vtraque. Antecedens probatur. Quia agens non dicitur tale à potentia, sed solum ab actione; ergo & relatio agentis non poterit in alio fundari, quam in actione, qua ordinatur ad passum.

Respondetur, negando antecedens. Ad probationem dico, solum inferri posse, actionem esse necessariam, ad hoc vt insurgat relatio agentis ad passum, non tamen vt sit fundamentum; quia cum transierit, nequit sustentare relationem, quæ habet fundari super aliquo, & non super nihilo, cuiusmodi est actio præterita; at fundamentum debet manere, quousque manet relatio.

Obijcitur tertio, contra secundam, & tertiam conclusionem. Quia Aristoteles dicit, relationes secundi modi, fundari super potentia, & actione; sed hoc nequit intelligi disiunctim; ergo potentia erit fundamentum, vt est coniuncta actui.

Respondetur, ex Scoto locis cit. in quarto, & quol. 12. quibus addo etiam in 5. Meth. ad tex. 20. numero 114 verum esse antecedens diuersimodè, vt nimirum quod potentia sit fundamentum, & actio dispositio præiæ ad relationem in fieri; at in facto esse sufficit potentia, vt probatum est in conclusione.

Contra arguit Suarez citatus pro tertia sententia. Quia Petrus, viuens filio, potest amittere potentiam generatiuam; potest enim castrari, vel à Deo sibi potest auferri; sed hoc admissio, remanet pater; ergo potentia generatiua sola, non est proximum fundamentum relationis paternitatis.

Respondetur, admissio casu, negando minorem. Quia tunc non remanet pater; siquidem relatio requirit ad sui conservationem, sicut ad suum esse, vtrumque extrinsecum, cum sit essentialis habitu vtriusque; solum; ergo diceretur pater vocaliter, æquiuocè, & de præterito, denominatione desumpta à relatione, quæ fuit deperdita cum amissione fundamenti, quomodo solemus filium alicuius præmortui patris, vel patrem alicuius defuncti filij, nominare.

nare patrem, vel filium, cum hoc addito de præterito, qui fuit quondam talis, & non de præfenti.

Contra. Quia maneret de præfenti filius; ergo & pater. Quia relatiua posita se ponunt, sicut perempta se perimunt.

Respondetur negando antecedens, admissio casu. Quia sicut Petrus deperderet esse relatiuum patris, ita Antonius esse relatiuum filij, & solum manerent de præfenti, quoad esse absolutum, & substantiale hominis.

Obijcitur quarto. Paternitas in facto esse non dicit nisi denominationem extrinsecam; ergo non est relatio realis. Antecedens probatur, per Philosophum, quinto meth. c. 10. Quia iste dicitur pater, quia fecit; & ille filius, quia quid passum est; sed hic modus loquendi innuit denominationes extrinsecas, ut patet; ergo paternitas, & filiatio, sunt tantum denominationes extrinsecæ.

Respondetur, negando antecedens. Ad probationem dico, ibi Philosophum non negare esse reale a patre, & filio, sed solum enumerare diuersa relatiua secundum potentiam; nempe, quod aliqua dicuntur relatiua secundum tempus præteritum; ut pater, & filius, quia ille genuit, & hic genitus est; aliqua vero secundum futurum ut facturum ad id, quod faciendum est; at certum est, quod utraque dum sunt in esse posita, sunt entia realia intrinsecè per veras relationes reales, ut dictum est in tertia conclusionem.

Contra. Quia si paternitas, & filiatio essent relationes reales, utique forent causalitatis, & dependentiæ, sed hoc est falsum; ergo, & id ex quo sequitur. Sequela maioris patet. Quia dicuntur relationes originis. Minor probatur. Quia postquam filius genitus est, non amplius dependet a Patre in esse; ergo nec filiatio, nec paternitas sunt relationes dependentiæ.

Respondetur, negando minorem. Ad probationem, nego illam; inò semper filius dependet in conseruati a patre, quod clare patet. Quia defuncto patre, non amplius dicitur filius: ex quo infertur, quod ipso supersite, semper dependet ab illo eius conseruatio; & sic filiatio

est relatio dependentiæ à paternitate.

Contra. Quia fundamentum filiationis, transacta generatione, non habet amplius dependentiam a fundamento paternitatis, ut patet; ergo nec relatio a relatione. Consequentia patet. Quia relatio sequitur naturam fundamenti.

Respondetur, negando consequentiam. Quia ad dependentiam vnus relationis ab alia, sufficit ut fundamentum vnus in fieri, habuerit dependentiam ab alterius fundamento.

Vel dicendum secundo. Antecedens esse verum secundum esse absolutum simpliciter, non tamen in ratione fundamenti huius, & illius; quia sic, quemadmodum vna relatio est in continua dependentia ab alia, ita pariter fundamentum, à fundamento semper dependet.

Contra. Quia actu nulla esset differentia inter relationes originis in diuinis, & increatis, sed consequens est falsum; ergo, & id ex quo sequitur. Sequela maioris probatur. Quia utrobique est continua dependentia, & filij a patre, & suppositi à supposito. Minor probatur. Quia in diuinis pater semper generat, idè filius potest dici esse quodammodo in continua dependentia ab illo; at in creatis cum pater cesset vnica generatione generare eundem filium, propterea illa transacta, non est amplius dependentia huius ab illo.

Respondetur, negando consequentiam. Imo multipliciter differunt inter se relationes diuinæ, & creatæ: tum quia illæ sunt substantiæ, istæ accidentiæ; tum etiam quia illæ sunt transcendentes, istæ prædicamentales; illæ increatæ, creatæ illæ, illæ identificatæ realiter cum fundamento, istæ realiter ab eodem distinctæ: at in ratione entis realis conueniunt; quia ambae sunt relationes reales, & habent esse in fundamentis ad proprios terminos. Ad probationem minoris, pro quanto ponitur differentia in fundamentis, dicò solum inferri posse infinitudinem in generatione diuina, quia ratione nequit cessare, & finire in creatis, quia communicatur naturæ creatæ, & finita distincta numero per vnā actionem, quæ transit in præteritum: cæterum in ratione relatiui, & correlatiui, utrobique est, eadem ratio. Differunt etiam fundamenta
hic,

hic, & ibi, quia in creatis filius dependet à patre, nedum in esse relatiuo, sed etiam secundum esse absolutum; at in diuinis nulla est dependentia, quia ibi nulla est imperfectio, quam importat relatio dependentiæ in eo, quod dicitur dependere ab alio; neque alietas naturæ communicabilis, quinimo eadem omnino indiuidua, quæ est in patre, communicatur filio per generationem, & per spirationem Spiritui Sancto, sicut melius videbitur in Theologia.

Superessent aliæ quæstiones pertractandæ, spectantes ad materiam relationum, & relatiuorum, sed quia ex dictis faciliter solui possunt, idcirco consulo omittuntur. Similiter discutiendæ forent difficultates, quæ à Recentioribus mouentur super proprietatibus, & affectionibus Relatiuorum; cæterum quia, & istæ pendent pro maiori parte à cognitione qualitatum, super quibus fundantur, idcirco ad illas protendimus discursum, ac intelligentiam, & finem facimus huic prædicamento, ac Disputationi.

De Prædicamento Qualitatis, vel Qualis.

CAPVT IV.

Dividitur istud Capitulum in tres partes; in quarum prima Aristoteles diffinit qualitatem in abstracto, enumeratque quatuor eiusdem species, vel genera, & incipit ibi. Qualitatem verò dico, &c. & ibi est autem qualitas &c. In secunda diffinit qualitatem in concreto, & incipit ibi. Qualia ergo dicuntur &c. In tertia tandem enumerat aliquas proprietates qualitatis, dicens. Inest autem, & contrarietas secundum qualitatem &c.

Quoad primam partem, primo ponit definitionem qualitatis in abstracto dicens. Qualitatem verò dico, secundum quam quales esse dicuntur. Ut albedo, scientia, & iustitia: nam secundum priorem, quidam dicuntur albi, alij scientes, secundum scientiam, & alij secundum iustitiam iusti. Secundo, in hac prima parte enumerat quatuor species, seu genera subalterna, quibus quali-

tas manifestatur, quorum primum est *habitus, & Dispositio*. Notificat habitum dicendo, quod sit qualitas de difficili mobilis a subiecto. Dispositio verò, qualitas de facili mobilis a subiecto. Exemplum prioris; ut scientia, & virtus in aliquo doctore, a quo difficulter amouetur, & nisi fiat grandis permixtio circa ipsum, vel ob infirmitatem, vel ob aliud huiusmodi accidens. Exemplum posterioris; ut scientia, vel virtus in aliquo tyrone, a quo facile diuclitur, cum non habeat in ipso tantam radicalem permanentiam, sicut in doctore.

Secundum Genus, vel species qualitatis, dicitur naturalis potentia, vel impotentia, secundum quam aliqui dicuntur potentes, vel impotentes ad aliquid agendum, vel patiendum, aut resistendum contrarijs. Et hæc potentia, vel impotentia non dicunt principium agendi, vel patiendi, sed solum habilitatem, vel promptitudinem naturalem in operando, ut cursoris in currendo, pugillatoris in pugnando, vel per oppositum impotentia dicit inhabilitatem, vel segnitiam in exercendo propria munia; quidam enim dicuntur magis, vel minus apti, & habiles naturaliter, quam alij, ut experientia constat. Et dicitur notanter naturaliter; quia promptitudo, & habilitas acquisita, maior, vel minor, proueniunt ab habitu, vel dispositione.

Tertium Genus, seu species subalterna, est passio, & passibilis qualitas, quæ nata est causare passionem in sensibus. Et huiusmodi species, seu genus, comprehendit sub se omnes qualitates, quæ sunt obiecta quinque sensuum, ut sunt caliditas, frigiditas, siccitas, humiditas, colores, sapor, odores, soni, &c. huiusmodi. Differunt autem passio, & passibilis qualitas, quia prior citò transit à subiecto; ut rubedo proueniens ex verecundia, vel palleo ex timore; posterior verò diu permanet, ut albedo, nigredo &c.

Quartum Genus, seu species subalterna, est Forma, & Figura: exemplum prioris; ut pulchritudo, seu dispositio alicuius subiecti conformis, vel deformis; ut sunt vetustas, vel

vel deformitas alicuius hominis, aut famina, vel statua. Exemplum posterioris, ut reſtitutio, curvitas, in lineas, concavum, vel convexum, in superficie; rotundum, vel quadratum in corpore, & cetera huiusmodi dicuntur qualitates figurarum.

Quoad secundam partem diffinit qualitatem in concreto dicendo: Qualia verò sunt, quæ secundum has qualitates denominatiue dicuntur, ut album ab albedine, dulce a dulcedine, calidum a caliditate, &c. quæ sunt triplicia, scilicet nomine tantum, significatione tantum, & nomine, & significatione simul, ut dictum est in primo. Antepredicamento, de denominatiuis, siquidem qualia, & denominatiua idem sunt.

In tertia parte tandem enumerat tres proprietates, quarum prima est: Qualitati inest contrarietas, siue in concreto, siue in abstracto, ut album contrariatur nigro, albedo nigredini, calidum frigido, iniustitia iniustitia, iustum iniusto &c.

Secunda, qualitas suscipit magis, & minus, ut unum album dicitur magis, vel minus album altero, aliquis dicitur magis, vel minus iustus, alio. Vnde habeatur autem hæc maioritas, vel minoritas in qualitatibus, dicam in propria questione, quia est magna controuersia inter Thomistas, & Scotistas.

Tertia, quod secundum eandem, idest qualitatem, res dicuntur similes, vel dissimiles, sicut secundum quantitatem, dicuntur aequales, vel inæquales. Et hæc proprietas conuenit omni qualitati in quarto modo, idest inseparabiliter, ad differentiam contrarietatis, quæ non conuenit omnibus qualitatibus, nam colores, vel saporis medij non habent contrarium, ut rubedo, flauedo, &c. Et hæc de textu dicta sufficiant.

De Natura, & Essentia qualitatis.

DISPUTATIO VIII.

Verum Qualitas sit Genus Generalissimum ab alijs distinctum?

QVÆSTIO I.

Circa questionem in se nulla reperitur controuersia; omnes enim fatentur qualitatem facere vnum prædicamentum, seu esse vnum genus generalissimum à cæteris realiter distinctum; sed in explicanda natura qualitatis litigant Doctores; siquidem aliqui respuunt diffinitionem, seu descriptionem traditam ab Aristotele in textu, tamquam nimis communem, & insufficiens ad notificandam naturam, & essentiam qualitatis, siquidem, ut idemet Aristoteles aduertit quinto Meth. c. 14. qualitas se extendit ad differentiam essentialem cuiuscumque rei, & ad proprium, & accidens commune, quia omnia, vel faciunt quale, vel prædicantur in quale, & consequenter diffinitio qualitatis, quæ est denominare subiectum quale, non tantum sibi, sed & omnibus accidentibus, & substantiæ aliquiditer conuenit, quod est contra naturam diffinitionis quiditatiuæ.

Alij verò contendunt esse bonam diffinitionem traditam per effectum formalem, sed restringunt illam, ad qualificare tantum accidentaliter, per modum forme disponens, & sic distinguitur à forma substantiali, seu differentia essentiali, quæ quiditatiue qualificat, quæ quantitate, quæ qualitatè, extendendo substantiam, & non disponendam extensam, & a relationibus, quia istæ qualificant substantiam, non ad se, sed in ordine ad aliud.

Alij tandem carpunt Philosophum, quia tradidit hanc diffinitionem modo confuso, & quasi circulariter, siquidem qualitatem per quale, & quale per qualitatem describit, & idem erit notius, & ignotius seipso, quod accidit in diffinitionibus circularibus, ut docet idem Aristoteles primo, Poster. c. 6. &c.

Quapropter Moderni nituntur aliam assignare diffinitionem, quæ, vel formaliter, vel circumlocutione explicet naturam, & essentialiam qualitatis; prout ab alijs prædicamentis distinguitur, ut videre est apud Suarez Disput. 4.1. sect. 1. Methaphysicæ, & nouissimè apud Mafftrium, hic quæst. 3. art. 1.

At relicta multorum diuersa sententia, placet in primis diffinitio Aristotelis declarata à nostro Tatarcto, Complutensibus, & alijs, ut potè data per causam, & eius effectum formalem. Deindè illa, quam tradit prædictus Mafftrius, per passionem qualitatis intrinsecam, scilicet quod sit accidens absolutum intensibile, & remissibile.

Pro cuius declaratione. Primo notandum est ex Aristotele 5. Meth. cap. 14. qualitatis nomen esse multiplex, & æquiuocum, siquidem, primo modo accipitur pro omni eo, quod informat aliquid, siue essentialiter, siue accidentaliter, vel pro eo, quod prædicatur in quale, & sic nomen qualitatis, seu qualis est quid transcendens, comprehendique sub se omnes formas, siue substantiales, siue accidentales, & hoc modo differentia quiditarius dicitur qualitas, quia prædicatur in quale. Secundo modo accipitur, pro omni eo, quod accidentaliter modificatur in quale accidentale de illa, & sic extenditur ad omnia accidentia, siue absoluta, siue relativa, quare quantitas, & relatio hoc modo dicuntur qualitates. Terrio modo tandem accipitur pro forma denominante substantiam, speciali modo, hoc est dispositiue, in se, & intensiue, vel remissiue, excludendo extensionem, vel relationem ad aliud, & hoc modo, nomen qualitatis, vel qualis, est proprium huius prædicamenti, prout ab alijs distinguitur.

Secundo notandum, qualitatem hoc tertio modo acceptam dupliciter posse diffiniri, seu describi; vno modo per ordinem ad subiectum, quod afficit, alio modo in se. Primo modo diffinitur ab Aristotele per effectum formalem, dicendo: qualitas est forma accidentalis, secundum quam substantia dicitur qualis, ad se accidentaliter; in qua diffinitione ponitur, ly forma accidentalis, namquam superius, siue limitatum, siue non, quoad præiens non curo, in quo conueniunt omnia accidentia, siue absoluta, siue

respectiua. Dicitur autem qualis, ut distinguatur ipsam à quantitate, secundum quam dicitur quanta, idest extensa, & ad se additur ut secernatur à relatione, quæ substantia determinat in ordine ad aliud, ut ad suum terminum subiungitur tandem, ly accidentaliter, ut innuat modum prædicandi qualitatis de substantia, qui est in quale accidentale. Secundo modo, si diffiniatur in se, cum ignoretur propria eius differentia quiditarius, nequit quiditarius notificari, sed solum descriptiue, per eius intimam proprietatem quæ est suscipere magis, & minus, idest intensiorem, & remissionem, sic dicendo: qualitas est accidens absolutum, intensibile, & remissibile, idest aptum natum intendi, & remitti, & huiusmodi diffinitio explicat naturam qualitatis à posteriori formaliter, & circumloquimur quiditarius eius à priori: Nam per hoc quod dicitur absolutum accidens distinguitur ab accidente respectiuo: Per hoc verò quod additur intensibile, & remissibile, secernitur à quantitate, quæ est accidens extensibile, & non intensibile. Vtraque diffinitio in suo genere est bona, quia explicat naturam qualitatis saltem à posteriori, vel per suum effectum formalem: tum etiam quia competit soli qualitati; & denique omni qualitati reponibili in hoc prædicamento, quandoquidem afficit substantiam qualificando, & est inrensibilis, & remissibilis in subiecto.

Tertio notandum est, qualitatem in communi, prout est genus generalissimum, diuidi prima sui diuisione in spirituales, & corporales; illam afficere subiectum immateriale, qua ratione spiritualis appellatur, hanc verò materiale, secundum quod corporalis denominatur. Spiritualis, alia est creata, & supernaturalis infusa, ut fides, spes, charitas, gratia, lumen gloriæ, & alie, si quæ possint infundi Angelis, & animæ rationali; Alia verò naturaliter acquisita in subiecto, ut sunt habitus intellectuales, scilicet, sapientia, scientia, intellectus, & prudentia, qui subiectantur in intellectu. Alie verò dicuntur intellectuales, & alie voluitæ, vel alie cognitivæ, & alie appetitivæ. Hæ in intellectu, vel sensu cognitivæ; illæ verò in voluntate, vel potentia appetitiva sensitiua residentes, & omnes illæ habent suas species, & indiuidua, ut de scientia dictum est in quæstione VIII præmia-

Ad totam logicam ; de Arte in proemio Summularum, & de cæteris dicturi sumus in proprijs locis. Qualitas verò corporalis seu materialis diffinitur primo, iuxta diuisionem quinque sensuum exteriorum, quorum sunt obiecta. Aliæ enim dicuntur qualitates tangibiles, quia sensu tactus percipiuntur, vt caliditas, frigiditas, humiditas, & siccitas; Aliæ audibiles, vt soni; Aliæ visibiles, vt colores; Aliæ olfactibiles, vt odores; Aliæ gustabiles, vt sapores, & hæc omnes habent proprias species, & indiuidua. Secundo diuiduntur per ordinem ad locum, & positionem, vt sunt formæ, & figuræ, & istæ pariter habent proprias species, & indiuidua: Ex quibus omnibus habetur, quod cum omnes hæc qualitates sint ordinabiles secundum sub, & supra, sub vna qualitate communissima, ex his constitui possit prædicamentum qualitatis, & suprema omnium dici valeat genus generalissimum, tum quia non habet aliud genus supra se; tum etiam, quia ita est genus, vt nequeat esse species.

Ex his sit prima Conclusio. Qualitas, siue inconcreto, siue in abstracto sumatur, est genus generalissimum. Probat quia illud est genus generalissimum, quod non habet aliud genus supra se, & ita est genus, vt nequeat esse species ex Porphyrio cap. de Genere, sed qualitas in communi sumpta, siue inconcreto, siue in abstracto, est huiusmodi: ergo, est genus generalissimum. Minor probatur, quia prædicatur de qualitate spirituali, & corporali, tamquam de differentibus specie subalterna, cum vtraque participet diffinitionem qualitatis in communi, scilicet facere quales, vel spirituales, vel corporales, secundum intentionem, & remissionem, & supra se non habet aliud, quam ens finitum, quod diuiditur immediate in decem genera generalissima, & non est genus, vt supra probauimus, quia non est limitatum; ergo sequitur ita genus esse, vt non possit esse species, & consequenter esse generalissimum qualitatis.

Secunda Conclusio: Qualitas facit prædicamentum, ab alijs distinctum. Probat quia prima pars. Vbi datur coordinatio generum, specierum, & indiuiduorum secundum sub, & supra, ibi datur prædicamentum ex diffinitione prædicamenti tradita supra in quæstione Proemiali; sed in qualitatibus datur

huiusmodi ordinatio, vt patet in tertio Notabili: ergo datur prædicamentum qualitatis. Secunda Pars probatur. Quia omnis qualitas potest separari à substantia, quantitate, & relatione; ergo distinguitur realiter ab illis; consequenter tenet, quia separabilitas est via concludendi distinctionem realem, vt probat Scotus in secundo d. 1. q. 5. & Magister Formalitatum art. de Ident. ac Distinct. reali. Antecedens probatur. Quia omne absolutum prius, potest separari a suo posteriori, vbi non est dependentia essentialis posterioris ad prius; sed substantia, & quantitas sunt duo absoluta, priora qualitate, & hæc non dependet essentialiter ab illis; ergo potest fieri separatio inter illas. Maior patet ex natura terminorum, quia ex opposito antecedentis infertur oppositum consequentis. Minor probatur de substantia per Philosophum septimo Meth. t. c. 4. substantia est prior, natura, diffinitione, & tempore quolibet accidente, & consequenter etiam qualitate: De quantitate pariter, quia qualitas subiectatur immediate in quantitate, & extenditur ad extensionem illius in subiecto, at subiectum est prius eo, cuius est subiectum; ergo, &c. Quod verò qualitas non pendat essentialiter ab illis, quia distinguitur essentialiter per suam diffinitionem ab eis, vt dictum est in secundo Notab. quod tandem distinguitur à relatione realiter probatur est in præcedenti Disp. quæst. 1. sectione 1. ergo superest concludere prædicamentum qualitatis esse à cæteris distinctum realiter.

Tertia Conclusio. Si diffinitio qualitatis attendatur in ordine ad subiectum, quod afficit, est bona illa, quam tradidit Aristoteles in textu. Probat quia illa diffinitio; quæ explicat naturam diffinitio, est bona; si distinguit ipsum à quocumque non est ipsum, sed diffinitio data ab Aristotele de qualitate est huiusmodi; ergo est bona. Maior patet ex Aristotele 7. Meth. t. c. 43. Minor probatur. Quia afficit substantiam disponendo illam, non extendendo, nec ordinando eam ad aliud, vt ad terminum; sed in his consistit natura qualitatis, in ordine ad subiectum, vt distinguitur à cæteris accidentibus, vt dictum in secundo Not. ergo explicat naturam qualitatis in ordine ad subiectum. Secundo probatur. Quia diffinitio accidentis per effectum formalem est, bona, cum explicet

natura in ordine ad subiectum, quod informat, sed diffinitio tradita ab Aristotele de qualitate est huiusmodi, quia qualificare accidentaliter est effectus formalis qualitatis; ergo datur per effectum formalem.

Quarta Conclusio. Si verò qualitas spectetur in se, rectè diffinitur, per hoc, quod sit accidens absolutum, aptum natum intendi, & remitti in subiecto. Probatur. Quia diffinitio data per passionem intrinsecam alicuius subiecti est bona, saltem descriptivè formaliter, & quiditativè circumlocutivè; sed diffinitio data per accidens absolutum intensibile, & remissibile est huiusmodi; ergo &c. Maior patet ex natura diffinitionis descriptivæ, præterquam quod est Aristotelis primo Posteriorum, vbi approbat demonstrationem à posteriori, quæ datur per passionem formalem, ad demonstrandam diffinitionem quiditativam de subiecto diffinito. Minor probatur. Quia intendi, & remitti, seu suscipere magis, & minus est proprietas, conveniens qualitati, in quarto modo, ut probat Aristoteles in textu, & inferius demonstrabitur: ergo hæc diffinitio est bona formaliter descriptivè, & quiditativè etiam per circumlocutionem.

Obijcies tamen contra primam conclusionem. Nullum æquivocum est genus generalissimum; sed qualitas tam in concreto, quam in abstracto est æquivocum quoddam ergo &c. Maior patet. Quia genus debet prædicari univocè de suis speciebus ex Aristotele cap. de substantia. Minor est Philosophi hic, & quinto Methaphysicæ, cap. de quali, vbi dicit qualitatem esse eorum, quæ multipliciter dicuntur: sed quæ multipliciter dicuntur sunt æquivoca; ergo qualitas est quoddam æquivocum.

Respondetur negando minorem, ad probationem dico, qualitatem multipliciter dici, multiplicitate suppositorum, non tamen significatorum, quia omnes qualitates conveniunt in una diffinitione, seu conceptu quiditativo qualitatis in communi, at æquivocum est multiplex multiplicitate significatorum, & non suppositorum.

Obijcies secundo. Unius generis generalissimi sunt tantum duæ species subalter-

næ immediatæ; sed qualitatibus assignantur quatuor species ab Aristotele in textu; ergo non est unum genus, sed plura. Maior patet. Quia quodlibet genus dividitur per duas differentias immediatas, sed utraque est constitutiva tantum unius generis, seu speciei subalternæ, vel specialissimæ; ergo unius generis generalissimi sunt tantum duæ species subalternæ immediate.

Respondetur minorem esse veram de speciebus improprie sumptis, & accidentaliter tantum distinctis, non tamen proprie, & quiditativè, quia sic sunt tantum duæ immediate, scilicet qualitas spiritalis, & corporalis, sub quibus postea continentur omnes qualitates, ex quibus coalescit hoc prædicamentum. Ad Aristotelem dico assignasse illos quatuor modos, & non species qualitatis, ut in sequenti questione videbimus.

Obijcies tercio, contra tertiam conclusionem. Illa diffinitio non est bona, in qua committitur circulus; sed in diffinitione qualitatis tradita ab Aristotele, committitur circulus; ergo non est bona. Maior est Aristotelis primo post. cap. 3. vbi damnat diffinitionem circularem, & septimo Methaph. c. 42. vbi probat diffinitionem debere dari per priora, & notiora diffinitis; sed diffinitio circularis non datur per priora, & notiora, quia idem diffinitur per seipsum, & idem est prius, & posterius seipso; ergo. Minor patet. Quia qualitas diffinitur per quale, & quale per qualitatem; ergo est circularis; tum quia quale, & qualitas sunt concretum, & abstractum, quæ non differunt, nisi in modo significandi, sed realiter sunt idem; ergo si unum per aliud diffinitur, idem realiter diffinitur per seipsum; ergo idem esset notius, & ignotius, quod est contra Philosophum loco citato.

Respondetur primo, Maiorem esse veram de diffinitione quæ datur per aliquam causam non tamen per effectum, sicut est ista diffinitio qualitatis; quæ datur per effectum formalem qualitatis.

Vel dicendum secundo, cum Tatareto hic, sciendum primo, diffiniri qualitatem per quale, tamquam per notius nobis, quale verò per qualitatem, ut per notius tantum natura, siquidem abstractum, cum sit simplicius, & immaterialius est

notius secundum naturam, concretum verò, quia est materiale est notius nobis, ut videbimus primo Physicorum. Modo quamvis vnum diffiniatur per aliud, non committitur circulus, quia diuersimodè considerata, vnum est notius altero, & sic possunt ad inuicem diffiniri. Per hoc satisfiat ad aliam probationem, de concreto, & abstracto, quia licet vnum realiter nequeat diffiniri per aliud, diffinitione propriè sumpta, quæ datur per causam, tamen formaliter vnum potest diffiniri per aliud, quia vnum est notius altero in diuerso genere cognitionis, ut dictum est. Vtraque est bona responsio tamen prima facit effugere omnem difficultatem.

Dices ergo. Diffinitio Aristotelis non manifestat naturam, & essentiam qualitatis cum non detur per causam, sed solum per effectum.

Respondetur, negando consequentiam, quia sicut à priori probantur effectus per causam, ita à posteriori demonstratur causa per effectum, & vtraque demonstratio est bona, ut docet Aristoteles primo Posteriorum cap. 10.

Vel dicendum per hanc diffinitionem demonstrari naturam qualitatis per ordinem ad subiectum, & non in se, quia sic manifestatur sufficienter à posteriori per secundam diffinitionem, scilicet per passionem eius intrinsecam.

Obijcies quarto contra quartam conclusionem, illa diffinitio non est bona, quæ non competit omni contento sub diffinito, sed secunda diffinitio qualitatis non competit omni qualitati; ergo &c. Maior patet. Minor probatur. Quia vna intellectio numero est qualitas, sed talis non est intensibilis, & remissibilis; ergo non competit omni qualitati.

Respondetur negando minorem, ad probationem dico esse falsam, siquidem dicitur intensibilis, & remissibilis in comparatione ad aliam numero diuersam, quia poterit perfectior, & intensior produci de eodem obiecto, quam alia, & ideo dicuntur ad inuicem suscipere magis, & minus in eodem intellectu.

Vel dicendum vnam intellectioem numero posse intendi etiam in se, quia sibi possumus addi alij gradus, dum intellectus maior conatu ferri potest circa idem obiectum,

continuando eandem numero intellectioem, quod non habeo pro inconuenienti, quia maiori lumine potest ferri in obiectum in fine, quam in principio cognitionis, & sic illam intendere, reddendo eandem clariorem.

Obijcies quinto. Potentiæ vitales, ut intellectus, & voluntas sunt qualitates; sed hæ non suscipiunt magis, & minus; ergo &c. Minor patet, quia omnes sunt eiusdem rationis.

Respondetur negando maiorem, imò dico intellectum, & voluntatem, ut potè identificatas realiter animæ rationali, quæ est substantia, esse de genere substantiæ, & non qualitatis, ut probabimus in tertio de anima.

Virum Diuisio Qualitatis tradita ab Aristotele, sit generis in species subalternas, vel tantum in modos eiusdem Qualitatis?

QVÆSTIO II.

Thomistæ communiter defendunt huiusmodi diuisionem esse generis in veras species subalternas, & fundantur in auctoritate Aristotelis hic, & quinto Meth. c. 14. vbi vocat illas nomine, vel speciei, vel generis subalterni. Ita Ruus hic cap. 8. q. 1. vbi citat D. Tho. 1. 2. q. 49. art. 2. & in sequentibus tribus questionibus recenset alios Thomistæ.

Ex opposito Doctor Subtilis hic q. 30. & in 4. sent. d. 6. quæst. 10. N. & O. defendit ac probat cum Aristotele, huiusmodi diuisionem esse tantum generis in modos accidentales distinctos, & non in veras species, quæ habent diffetere formaliter, & quidditative. Magistrum sequuntur omnes Discipuli, vel hic in logica, vel in quinto Metaphysicorum ad textum Philosophi. Et quamvis Scotus hic quæst. 36. præbeat modum sustinendi priorem sententiam, ac proinde videatur problematicus, tamen non est recedendum ab allata opinione, quam confirmavit in libris sententiarum, & quam uti propriam recognoscunt, secundum Scotistæ, sed etiam Thomistæ, ac alij.

Pro clara intelligentia igitur huius posterioris sententiæ, & confutatione prioris Primo Notandum est ex Scoto q. 31. Prædicamentorum §. Ad secundam questionem. Habitum quadrupliciter posse accipi, vno modo pro quodam transcendente in quo derivatur habere, quod constituit vltimum postprædicamentum, de quo suo loco. Secundo modo limitatè pro respectu extrinsecus aduenienti, qui mediat inter rem habentem & habitum, idest inter vestem, & vestitum, & sic facit vltimum prædicamentum, ab alijs distinctum. Tertio modo pro forma positiva, cui opponitur negatio, vel priuatio, & sic visus cui opponitur cæcitas est habitus. Quarto modo tandem accipitur pro qualitate disponente perfectè subiectum ad operandum, & de difficili mobilis ab eo, & sic scientia Aristotelis, vel cuiuscumque alterius Doctoris, dicitur habitus, quia secundum illam perfectè operabatur discurrendo, disputando, asserendo, refellendo, & approbando, eratque de difficili mobilis ab eius anima, imò & de presenti etiam eamdem retinet in inferno, & sic accipitur in proposito, diffiniturque ab Aristotele in textu; Habitus est qualitas de difficili mobilis a subiecto.

Secundo Notandum, ex eodem ibidem, & ex Aristotele in textu, Dispositionem dupliciter sumi posse, vno modo absolute, & sic est quoddam superius ad habitum, & non est aliud, quam qualitas dispositiva subiecti, siue perfectè, siue imperfectè, siue talis sit mobilis faciliter, vel difficulter ab illo, & sic prædicatur, tam de habitu, quam de dispositione sibi opposita, sicut exemplificat Philosophus in textu, quod habitus est dispositio quædam, & non è conuerso: Alio modo accipitur cum præcisione, seu specialiter, pro qualitate disponente, subiectum ad operandum imperfecto modo, & de facili mobilis a subiecto, & sic scientia alicuius discipuli dicitur dispositio, quia ipsum imperfectè disponit ad discurrendum scientiæ, & de facili amouetur ab eo, vt experientia constat, & hoc modo dispositio distinguitur ab habitu accidentaliter, simulque iuncti constituunt primam speciem accidentalem, seu primum modum qualitatis, & se extendunt ad omnes habitus intellectuales, tum speculatiuos, tum practicos, & ad actus potentiarum, specietque intelligibiles obiecto.

rum omnium, ac denique ad omnes virtutes, siue naturaliter acquisitas, siue supernaturaliter infusas de quibus suo loco erit sermo.

Tertio Notandum ex eodem q. 31. potentiam naturalem tripliciter posse accipi; primo modo pro principio naturali alicuius operationis, & sic intellectus est potentia naturalis, quia est principium intelligentiæ, & sensus dicitur potentia, quia est principium sentiendi, & potentia hoc modo sumpta non est qualitas, sed aliquid substantiæ, cui sit identificata realiter animæ. Secundo modo sumitur pro qualitate, seu habilitate, quæ quis potest faciliter operari, siue talis sit in natura, siue per artem acquisita, & sic non distinguitur ab Habitu. Tertio modo tandem pro habilitate insita nobis a natura accipitur, secundum quam faciliter, & promptè possumus aliquid agere, vel contrarij resistere, vt durities in lapide est naturalis potentia in ipso, secundum quam potest resistere sectioni; & mollities in cera per oppositum dicitur naturalis impotentia, quia secundum ipsam difficulter resistit sectioni, & impressioni sigilli: similiter agilitas in cursore, dicitur naturalis potentia, & crassitudo in alio naturalis impotentia, quia sicut secundum priorem ille dicitur expeditus, & velox ad currendum, ille secundum posteriorem difficulter currere potest, & hoc modo accipitur in proposito, & constituit secundam speciem, seu secundum modum qualitatis, ad quam reducuntur omnes habilitates naturales ad currendum, saltandum, pugnam, ludendum, &c. & similiter inhabilitates ad huiusmodi operationes egrè exercendas.

Quarto Notandum, ex eodem ibidem §. Ad quartam questionem Passionem dupliciter accipi posse, vno modo absolute, alio modo cum præcisione. Primo modo vel est quoddam superius ad passibilem qualitatem & seipsam cum præcisione sumptam, vel conuertitur cum passibili qualitate, & significat qualitatem alterantem subiectum, siue citò transeat, siue diu perseueret in illo, & sic non accipitur hic. Secundo modo est qualitas inferens passionem, vel illata passioni, citò tamen transiens a subiecto, vt verecundia, vel rubedo ex illa proueniens; vel timor, aut palledo ex eodem in facie causata, nam verecundia, & timor inferunt

runt passionem, seu alterationem in facie, rubedo verò, & pallido sunt qualitates illatæ ab illis passionibus; Passibilis autem qualitas est qualitas inferens passionem, vel illata à passione, diu manens in subiecto, vt ægritudo longa, & macies, seu pallido ab eadem causata in corpore, quia ægritudo inferit passionem, & hæc dicitur illata ab ea. Sub hac specie collocantur omnes qualitates sensibiles, vt caliditas, frigiditas, humiditas, siccitas, quæ dicuntur primæ, & inferentes qualitates secundas, cuiusmodi sunt colores, odores, sapes, &c. qui dicuntur qualitates illatæ, siquidem albedo à frigiditate, nigredo à caliditate, inferuntur in sensibus, & ita dicendum est de alijs.

Quinto Notandum, ex eodem quæst. 35. §. Ad quæstionem secundam quod forma dupliciter accipitur, vno modo largè, & transcendentaliter, & dicitur ab informando, comprehenditque omnes formas, siue substantiales, siue accidentales, tam absolutas, quam respectivas; & sic non est species qualitatibus, nec reperitur determinatè in aliquo prædicamento. Alio modo strictè, & limitatè pro formositate, decore quodam, seu venustate exteriori rei animatæ, quæ consistit in proportionem debita, vel indebita membrorum, seu partium alicuius corporis, & nominatur pulchritudo, vel turpitudine animalis, & sic accipitur in proposito. Similiter figura dupliciter accipi potest, scilicet materialiter, & formaliter, Priori modo dicit superficiem clausam lineis, & sic pertinet ad prædicamentum quantitatis. Posteriori verò modo dicit proportionem debitam, vel indebitam rei artificialis, vt trianguli, vel quadrati, & sic capitur in proposito. Vtrique tamen adhuc potest dupliciter accipi, scilicet quiditatiuè, & modaliter. Primo modo sunt relationes proportionis partium ad inuicem, & ad totum, siue naturale, siue artificiale, & sic non spectant ad hoc prædicamentum, sed ad positionem, seu situm. Secundo modo sunt qualitates modales, scilicet denominationiuz subiectorum ad modum qualitatum, & sic spectant aliquo modo ad hoc prædicamentum, saltem accidentaliter, quandoquidem sunt quædam dispositiones exte-

res corporis, vel naturalis, vel mathematici, vel artificialis.

Sexto Notandum est, has omnes qualitates sic dispositas dupliciter considerari posse; vno modo quiditatiuè, alio modo accidentaliter, & modaliter. Priori modo non constituntur has quatuor species essentialiter inter se distinctas, quandoquidem sunt ad inuicem permixtæ, vt vna qualitas possit spectare ad plures species, vt patet de caliditate, quæ essentialiter, & quiditatiuè sumpta est in prima specie prout est qualitas de facili, vel de difficili mobilis a subiecto; est in secunda, vt dicit habilitatem agendi, vel resistendi contrarijs, est postea in tertia, prout est qualitas inferens, vel illata à passione cum permanentia in subiecto; at species essentialiter distinctæ sic se habent, vt quæ continentur sub vna, non contineantur sub alijs, cum opponantur disparatè secundum se totas. Posteriori verò modo possunt dici diuersæ species, vel genere subalterno, quandoquidem differunt per diuersas habitudines, vel ad subiectum, vel in ordine ad actum producendum, vt patet. Quia in prima est maior, vel minor mobilitas a subiecto: in secunda maior, vel minor habilitas ad agendum, vel resistendum contrarijs; in tertia maior, vel minor alteratio in sensu, vel subiecto; in quarta tandem dispositio exterior partium alicuius corporis vel naturalis, vel artificialis in toto; atque habitudines diuersæ, cum sint respectus, seu relationes nequeunt distinguere diuersas qualitates, quæ sunt tantia absoluta, essentialiter, & quiditatiuè, sed tantum accidentaliter modaliter, igitur concludendum est, per huiusmodi habitudines esse constitutas in ratione speciei tantum modaliter; & non essentialiter, ac quiditatiuè distinctæ.

Ex his sit prima Conclusio. Diuisio qualitatis in illas quatuor series, scilicet Habitu, vel dispositionem; naturalem potentiam, vel impotentiam; passionem, vel passibilem qualitatem, & formam, vel figuram; non est generis generalissimi in species subalternas inter se essentialiter distinctas. Est Scoti in præcatis locis contra primam opinionem in principio sela-

tam. Probatur primo auctoritate Aristotelis in textu dicentis: est autem qualitas eorum quæ multipliciter, idest multis modis dicuntur. Deinde explicando, quod per ly multipliciter intelligantur modi qualitatibus, subiungit: Fortasse quidem igitur alius qui spiam modum apparuerit qualitatis, sed ferè qui maximè dicuntur, hi sunt: Ecce quomodo qualitatium species iam enumeratas, qualium modos appellat, & non species, vel genera? ergo diuisio iam data non est generis in species. Secundo probatur ratione, quia duæ species essentialiter distinctæ nequeunt prædicari de eodem quiditatiuè, ex Philosopho 10. Meth. c. 13. & 24. sed duæ species ex iam enumeratis dicuntur quiditatiuè de eadem qualitate; ergo illæ non sunt propriæ species. Minor probatur. Tum quia caliditas, frigiditas, ægrotudo, secundum Aristotelem in textu sunt de genere habitus, vel dispositionis, & etiam de genere passibilis qualitatis; ergo primæ, & tertiæ species dicuntur de eadem qualitate tum etiam quia eadem qualitas est habitus, & dispositio, & naturalis potentia vel impotentia, ut patet in textu; ergo duæ species dicuntur de eadem qualitate. Tercio probatur. Quia forma, & figura quiditatiuè sumptæ sunt species positionis seu situs; ergo non sunt veræ species qualitatis. Consequentia patet, per regulam Antepredicamentalem; Diuersorum generum, & non subalternatis positotum, diuersæ sunt species, & differentiæ. Antecedens est clarum ex quinto Notab. quia forma dicit respectum partium corporis naturalis, & figura corporis artificialis, ad partes loci ambientis; sed huiusmodi respectus sunt species situs, ut suo loco dicturi sumus; ergo forma, & figura quiditatiuè sumptæ non sunt qualitates, sed species positionis, seu situs.

Secunda Conclusio. Huiusmodi Diuisio est Generis Generalissimi in species modaliter distinctas, seu in modos qualitatis. Est Scori ubi supra. Probatur prima auctoritate Aristotelis in textu, relata in probatione precedentis conclusionis. Secundo probatur ratione: quia quæ differunt tantum accidentaliter, differunt tantum modaliter; sed species primæ differunt tantum accidentaliter; ergo differunt tantum modali-

ter. Maior patet. Quia idem homo dicitur esse totum in modo, & homo albus pars in modo, quia differunt accidentaliter, scilicet per albedinem; ergo quæ differunt accidentaliter, differunt modaliter. Minor similiter ex dictis, quia eadem caliditas est in specie habitus, ut est qualitas de difficili mobilis à subiecto, & in secunda ut est habitus agendi, vel resistendi, & in tertia, ut est passio inferens, vel illata à passione in sensibus; sed talis caliditas non differt a se ipsa essentialiter, verum tantum accidentaliter; ergo modaliter. Tercio probatur conclusio de quarta specie, quia quæ habent modum qualitatis, & in essendo, & in prædicando possunt dici qualitates modaliter; sed forma, & figura sunt huiusmodi, ergo sunt qualitates modaliter. Maior patet. Quia genus generalissimum dicitur species, ut modus quia habet modum prædicandi speciei, ut dictum est disput. 2. de Vniuersalibus in communi. Minor probatur. Tum quia forma, & figura denominant corpus naturale, vel mathematicum ad modum qualitatis, idest qualificando ad se, & non in ordine ad aliud, ut faciunt relationes; tum etiam quia prædicantur in quale accidentale, prout quale distinguitur contra quantum, vel quorum, & ad aliud, quod est proprium huius prædicamenti qualitatis: ergo forma, & figura sunt modi qualitatis, & consequenter hæc diuisio est generis generalissimi in species modaliter distinctas, seu in modos qualitatis.

Obijcies tamen primo contra primam conclusionem. Qualitas est genus generalissimum, ut probatum est in precedenti questione; ergo habet sub se species propriè dictas; sed ab Aristotele non assignantur aliæ, quam illæ quatuor ergo sunt species propriè dictæ, & non tantum modi.

Respondetur, concedendo consequentiam, & huiusmodi sunt qualitates spirituales, & corporales, quæ postea diuiduntur in alias, ut diximus in precedenti questione. Ad assumptum dico auctoritatem negatiuè non tenere; secundo dico Aristotelem enumerasse has quatuor species, non ut differant inter se specificè, & quiditatiuè, & sint propriæ species, sed

tantum modaliter, & propterea propriè dicantur modi qualitatibus, quibus diuersimodè afficiatur substantia.

Dices ergo Aristoteles fuit diminutus in assignando hoc prædicamentum qualitatibus, quia non assignauit veras species, sicut fecit in alijs.

Respondetur negando consequentiam; siquidem Aristoteles non omnia explicite tradidit, vt patet de prædicamento entis rationis, quod tamen implicite tantum innotuit dum docuit quid sit genus, species, differentia, proprium, & accedens, & quod genus de speciebus, species de indiuiduis prædicantur, ac proinde sunt ordinabilia secundum sub, & supra, nec propterea dicendus est diminutus: igitur à simili cum tradiderit species qualitatibus implicite, dum in illis quatuor modis enumerauerit qualitates spirituales, & corporales, licet non ordinauerit illas, vt species, explicite, non potest dici diminutus.

Obijcies secundo, ex Ruino, quia illæ sunt veræ species de quibus genus prædicatur in quid, & essentialiter, at de his quatuor, vel saltem de tribus prioribus, qualitas prædicatur in quid, & essentialiter; ergo sunt veræ eiusdem generis generalissimi species subalternæ. Maior patet, ex Porphyrio cap. de specie. Minor similiter, quia hæc prædicationes sunt quiditativæ, & essentielles, habitus est qualitas, naturalis potentia, vel impotentia est qualitas, & passio, vel passibilis qualitas est qualitas.

Respondetur negando minorem, loquendo de illis, secundum diffinitiones datas ab Aristotele, quia cum sint tantum modales, & non quiditativæ, nequeunt, vt sic recipere prædicationem essentialiæ qualitatibus, vt est genus generalissimum. Ad probationem dico illas prædicationes esse modales formaliter, licet circumlocutiue possint esse essentielles, quia cum dicitur habitus est qualitas, supplendum est, ac si dicere, tur, habitus, vt modus qualitatibus, circumloquitur nobis quamdam speciem qualitatibus, de qua ipsa prædicatur inquit, & ita dicendum est de alijs.

Obijcies tertio. Quia qualitatibus prædicamentum ordinatur secundum sub, & supra ex diuerso modo afficiendi substantiam; sed talis modus sufficienter relucet in illis quatuor speciebus; ergo &c. Maior patet, Quia

omnia accidentia ordinantur ad substantiam; ergo, & prædicamenta accidentium sunt ordinabilia ad substantiam. Minor probatur. Quia omnis qualitas, vel est dispositiua substantiæ bene, vel malè, & sic est prima species, scilicet habitus, & dispositio. Vel in quantum substantia est principium operationis, & sic est naturalis potentia, vel impotentia: vel in quantum est actiua, & passiuua, & sic est tertia species, scilicet passio, & passibilis qualitas; vel tandem in quantum est extensa per quantitatem in ordine ad locum, & situm, & sic est tertia species, scilicet forma, & figura: atqui non inuenitur alius modus, quo substantia affici possit dispositiue per qualitatem; ergo qualitas sufficienter diuiditur in illas quatuor species.

Respondetur totum prædicamentum qualitatibus afficere substantiam esse verissimum, at negandum est esse prædicamentum in quantum genera, vel species, aut indiuidua qualitatibus ordinantur ad substantiam; siquidem tale instituitur per respectum ad sua inferiora, & è conuerso: prout indiuidua supponuntur speciebus, species generibus subalternis, & hæc generalissimo, & recipiunt prædicationem ab illo quiditatiua, & non modalem; modò cum illæ quatuor species non sint ordinatæ ad qualitatem in communem, sed tantum ad afficiendam diuersimodè substantiam, concludendum est non spectare ad prædicamentum qualitatibus essentialiter, sed tantum modaliter. Ad probationem dico accidentia, quidem, vt forme denominantes, ordinari ad substantiam, at prout subiecta, & prædicata sunt, ordinantur ad inuicem, & sic tantum constituunt diuersa prædicamenta, & non quatenus ordinantur ad substantiam.

Obijcies quarto contra secundam conclusionem quia si forma, & figura sunt qualitates, vt modus, ex eo nimirum, quod habent modum qualitatibus, & prædicentur in quale de substantia: ergo quodlibet accedens erit qualitas, vt modus, cum vt sic omnia afficiant substantiam, & de ea prædicentur in quale.

Respondetur negando consequentiam, quia forma, & figura habent peculiarem modum qualitatibus, à ceteris accidentibus distinctum: ex eo. n. subiectum dicitur habere formam, quia habet colores cum debita proportionem à quibus redditur formosum, & pulchrum, quod non habent alia accidentia: sicut

similiter dicitur habere figuram, prout habet partes ad inuicem, & in toto rectè dispositas, ac benè ordinatas, quibus, & ipsum denominatur figuratum, hoc autem non possunt præstare cætera accidentia, quomodo cumque sumantur, & per hoc patet ad argumentum in forma.

Verum Qualitati in se contrarietas.

QVÆSTIO IIL

Certum est enim ut aliquammodo adnotauimus in Expositione textus, contrarietatem non conuenire qualitati, ut proprietatem in quarto modo, cum multæ enumerentur ab Aristotele, qualitates, in quibus non reperitur contrarietas propriè dicta; difficultas igitur restringitur solum ad qualitates sensibiles, tam primas, quam secundas, in quibus solum reperitur motus alterationis de contrariis in contrarium, an nimirum in eis semper inueniatur contrarietas, ut sint impossibiles in vno, & eodem subiecto simul, siue in fieri, siue in esse quieto.

Gregor. Ariminensis in primo sent. dist. 17. quæst. 3. artic. 2. Durandus in Prologo quæst. 2. Soncin. 10. Methaphysic. quæst. 23. Antonius Andreas ibi quæst. 5. Faber. disputat. 7. cap. 3. & Trombeta 12. Methaphysic. quæst. 3. negant duas qualitates, ex his, quæ appellantur contrariæ, se posse compati in eodem subiecto simul, siue in gradibus intensis, siue in remissis, non tantum in ordine ad potentiam naturalem, vel ordinariam Dei, sed nec etiam de potentia absoluta, unde isti conantur fateri contrarietatem in huiusmodi qualitatibus esse propriam in quarto modo propriam.

Alij verò oppositum omnino sentientes, concedunt quidem posse in eodem subiecto simul consistere duas qualitates contrarias in gradibus remissis naturaliter, & intensis saltem de potentia Dei absolute; quare, & isti habent restringere contrarietatem propriè acceptam ad qualitates contrarias in gradibus intensis, & de potentia naturali tantum, siquidem in his dumtaxat

se expellunt formaliter ab eodem subiecto. Ita communiter Recentiores, quos citant, & sequuntur Ruuius lib. 2. de Gen. & Corr. cap. 3. q. 3. & 6. ac Mastrius disp. 1. q. 5. art. 1. & 2. sequuti in hoc quo ad gradus remissos Doct. Subr. in primo d. 17. q. 3. 6. Contra istam opinionem. Quo ad intensos verò non est ita certum, quid determinatè sentiat, ut visum fuit Ruuiio loco citato sub n. 66. quinimò videtur inclinasse in partem oppositam, dum loquens de afflictionibus damnatorum in 4. d. 44. q. 3. an sint reales, vel tantum intentionales per ignem, sub lit. F. exponendo illud Iob. cap. 24. Ab aquis niuium ad calorem transibunt nimium, inquit: Et licet saluaretur iuxta superficiei literæ alternatio in istis afflictionibus, tamen non posset probabiliter saluari, quod simul paterentur in Summo, & realiter à contrariis. Et quamuis Mastrius nitatur eum perducere in hanc sententiam, quia subdit sub lit. G. Tamen quæcumque arguuntur in tertio articulo, si ascribantur miraculo, non potest improbari, ex quibus verbis videtur quoddammodo approbare, inquit Mastrius, posse damnatos saltem miraculosè affligi à summo calore ignis, & à summo frigore niuium; nihilominus si rectè perpendatur litera Doctoris, non potest deduci talis consequentia, siquidem subiungit post pauca: quod si ponatur, calorem induci in summo, & tamen qualitatem illam mixti stare in eodem, videtur, quod sit formaliter repugnantia, sicut si medium, & extremum similiter fierent in eodem, & an hoc sit possibile Deo, non hic, sed alibi, tamen non est ita notum, sicut alterum duorum prædictorum, &c. ex quo loquendi modo nil certi potest inferri de mente Doctoris, sed ad summum fuisse dubium in hac materia, vel potius ad oppositam inclinasse sententiam.

Quid autem secundum veritatem sit dicendum in hac tam multiplici varietate sè suum Doctoris, infra subiungemus, dum uostram aperiemus sententiam.

Pro cuius declaratione, ac fundamento primo notandum est, ut colligitur ex Aristotele in Postprædicamentis c. de oppositis, contrarietate dupliciter sumi posse, vno modo largè, & impropriè, alio modo strictè, & propriè. Contrarietas primo modo importat oppositionem, seu repugnantiam duorum extremorum, siue talia sunt de genere substantiæ,

rie, siue accidētium; siue ambo sint positia, siue alterum positium, & priuatiuum alterum; & hoc modo duæ species, quæ præse loquendo, dicuntur opponi dispartatæ, possunt appellari contraria, cum se expellant ad inuicem secundum suas rationes formales; similiter sanum, & ægrum, bonum, & malum, pulchrum, & deformem, amor & odium, ac cætera huiusmodi dicuntur contraria, licet secundum veritatem opponantur priuatiue, siquidem ægritudo secundum Scorum in 2. d. 13. q. vn. sub H. accidit in animali, ex carentia proportionis humoribus debite, in qua consistit sanitas; malitia dicitur carentiā bonitatis, deformitas, pulchritudinis, & odium amoris, vt idem probat in 2. d. 17. q. 2. O. & quol. 18. art. 1. ac alibi sæpè. Contrarietas verò secundo modo est oppositio, seu repugnantia duorum extremorum, de genere qualitatibus, quæ maximè à se inuicem distantia graduali distant, & mutuo se expellunt, siue formaliter tantum, siue formaliter & effectiue simul, ab eodem subiecto, cui viciissim insunt, & hoc modo contrarietas differt ab alijs oppositionibus, scilicet relatiua, dispartata, priuatiua, & contradictoria, vt latè demonstrat Aristoteles in præcæto loco; & sic reperitur tantum in qualitatibus sensibilibus, seu corporeis, tam primis, quam secundis, scilicet caliditate, & frigiditate, humiditate, & siccitate, albedine, & nigredine, & cæteris; in his .n. tantummodo datur alterationis motus in quo pugnant, & mutuo se expellunt, vel formaliter, vel effectiue ab eodem subiecto, cui natæ sunt inesse, & de hac contrarietate duntaxat est sermo in questione proposita.

Secundo notandum est, quod in huiusmodi qualitatibus, cum detur latitudo gradualis, inuenitur esse intensum, & esse remissum. Per esse intensum harum qualitatuum intelligitur summum, quod secundum naturam vniuscuiusque potest sibi conuenire ex parte agentis naturalis, & habito respectu ad capacitatem subiecti, vt summus calor, summum frigus, &c. quod secundum se consideratum in vltimo gradu, licet consistat in indiuisibili, quia non potest amplius augeri, alioquin non esset summum, tamen infra latitudinem graduum habet suos limites vsque ad medietatem, vt v. g. si esse summum, spectetur, vt octo, esse intensum poterit dici supra medietatem quatuor graduum, & sic dicitur magis, vel minus intensum. Per esse

verò remissum earumdem sumitur reliqua medietas graduum, in quibus consistit esse qualitatibus, secundum magis, & minus remissum, vsque ad infimum, qui in se continet essentialiter rationem formalem qualitatibus, habito respectu pariter ad capacitatem maiorem, vel minorem subiecti, & ad esse specificum qualitatibus huius, & illius generis proximi. Ex his habetur quod ram esse intensum, quam remissum in qualitatibus, cum consistant in latitudine graduum, tanta, vel tanta, sunt accidentia qualitatibus, siquidem gradus, cum sint veluti indiuidua, non pertinent ad esse specificum qualitatibus, licet sine illis minimè reperiri queat. An autem huiusmodi esse specificum sibi videretur tot, vel tantos gradus & quos signatè, non est ram facile diffinire, cum in hoc sint varia Doctorum placita, pro nunc sufficiat scire sine aliquibus illorum consistere non posse, qui sunt illi.

Tertio notandum ex Doctore Subt. in 4. d. 49. q. 16. ad secundum argumentum pro opinione, duplicem esse repugnantiam, scilicet formalem, & virtualiter. Prior est inter illa, quæ opponuntur secundum se, & suos effectus, vt inter album, & nigrum, quia & sunt alterius rationis, & oppositos effectus ponunt in subiectis, quæ concernunt. Posterior tantum inter effectus ad inuicem, vel inter causam, & effectum oppositum alterius reperitur, vt inter calefactionem, & frigefactionem, vel inter frigefactionem, & calorem; siquidem posito calore cum suo effectui intenso, in aliquo subiecto, vt v. g. in aqua repugnat ibi ponere frigefactionem, & consequenter frigiditatem. Hæc autem repugnantia dignoscitur ab extrinseco, ex vnitatis, & capacitatis subiecti, quia sicut esse intensum præscribitur in summo gradu, vt non possit amplius augeri, ita taliter commensuratur capacitati vnius subiecti, vt naturaliter non possit secum aliam in se recipere intensiorem oppositam.

Quarto notandum est vt colligitur ex eodem ibidem, quod duæ formæ contrariæ possunt considerari, & secundum esse intensum, & secundum esse remissum; & utroque modo, vel possunt comparari in ordine ad idem, vel plura subiecta adæquata: si duæ formæ contrariæ, vt verbi gratia caliditas, & frigiditas considerentur, vel secundum esse intensum, vel secundum esse

remissum in ordine ad plura subiecta adæquata, non repugnant ad inuicem, nec formaliter, nec virtualiter actualiter, sicut nec subiecta, quæ informant, sed tantum aptitudinaliter, seu radicaliter. Si autem spectentur secundum esse remissum, & in comparatione ad idem subiectum adæquatum, nec similiter repugnant formaliter, vel virtualiter, sed sunt compossibiles actualiter in illo, siquidem cum capacitas subiecti commensuratur intentioni in summo, seu ut octo, poterit informari à caliditate quatuor graduum, & similiter à frigiditate quatuor graduum, quia iuncta duntaxat adæquant capacitatem subiecti, quæ erat ut octo tantum. Si tandem accipiantur secundum esse intensum, & in summo; & comparentur ad idem subiectum adæquatum, hoc potest intelligi dupliciter, vel loquendo de potentia agenris naturalis, vel supernaturalis; priori modo repugnant formaliter, & virtualiter, ut non sint compossibiles actualiter in illo, siquidem subiectum cum adæqueretur per esse intensum unius formæ, inducit repugnantiam virtuales cum effectu opposito alterius, ut non possint simul informare idem numero subiectum, ac proinde etiam repugnantiam formalem inter illas formas: at posteriori modo sunt compossibiles in eodem, quandoquidem Deus sua virtute infinita potest auferre repugnantiam virtuales per ablationem expulsiōis in alterutra forma, cum sit tantum effectus secundarius eorumdem formarum in ordine ad idem subiectum: potest enim, ut inquit Doctor Subtil. ibidem sub lit. C. facere causam naturalem sine suo effectu formali secundario, ut calorem sine calefactione, corpus naturale sine repletionē loci, & similia, quibus peractis, inducitur compossibilitas earundem formarum, in eodem subiecto adæquato: Nec officit, quod capacitas subiecti sit limitata tantum ad octo gradus intensiōis, quia hoc est verum in ordine ad agens naturale tantum, non ad supernaturale, tum quia dicitur esse in potentia obiectuali eiusdem, tum etiam quia, ut inquit Doctor in primo sentent. dist. 17. quæst. 3. §. Contra istam opinionem, &c. impossibilitas formarum in ordine ad subiectum est posterior impossibilitate earundem in se, &

consequenter extrinseca, & sic potest à Deo tolli, ablata impossibilitate formarum in se.

Quinto notandum est, quod contrarietas potest dupliciter spectari, vel secundum esse actuale, & aptitudinale simul; vel secundum esse aptitudinale, tantum. Secundo modo competit omnibus formis, siue secundum esse intensum, siue secundum esse remissum consideratis, tam in ordine ad idem, quam ad diversa subiecta; siquidem est identificata realiter omnibus qualitatibus, & formis oppositis, & de hac contrarietate intelligitur definitio contrariorum data superius de mente Aristotelis. At primo modo non convenit omnibus qualitatibus oppositis indifferenter, sed tantum illis, quæ habent intensiōnem graduum in summo, & in ordine ad idem subiectum, ac de potentia naturali, quia ut adnotauimus in præcedenti, sunt compossibiles in eodem, in gradibus remissis naturaliter, & supernaturaliter etiam in gradibus intensis.

Ex his fit prima Conclusio. Qualitates sensibiles, siue corporales contrariæ, tam primæ, quam secundæ, in gradibus remissis possunt esse simul in eodem subiecto adæquato. Est Doctoris Subtilis, in primo, dist. 17. quæstion. 3. & in secundo dist. 2. quæstion. 9. sub Q. ubi probat primam partem, hac validissima ratione, fundata in experientia, quia aqua, dum calefit per ignem, aut solem, recipit successiue calorem, & statim non deperdit totum frigis; ergo manet sub utroque in gradibus remissis. Antecedens patet ad sensum, quia tactus paulatim sentit fieri calidam, & deperdere frigiditatem, quam prius intensam habebat. Consequentia probatur ex Philosopho sexto Physicorum, cap. 7. quia omne quod mouetur, partim est in termino à quo, & partim in termino ad quem; sed aqua, dum calefit, mouetur de frigiditate, tamquam de termino à quo, in caliditatem, ut in terminum ad quem; ergo partim est sub vna, & partim sub alia in gradibus remissis. Confirmatur, quia motus alterationis fit inter terminos contrarios; siquidem acquiritur vna qualitas; & contraria deperditur; sed talis fit necessitudo suc-

cessiue in subiecto, quod mouetur de vna in aliam qualitatem contrariam; ergo debet esse sub vtroque termino contrario simul in gradibus remissis. Minor probatur. Quia successio provenit ex resistentia contrarij; ergo si vnum contrariorum, vt puta caliditas non statim introducit in aquam, sequitur, quod alterum, vt nimirum frigiditas eidem obstat, & contranitur, & consequenter successiue moueatur aqua de frigiditate in caliditatem. Secunda Pars probatur. Primo testimonio Aristotelis tertio lib. Topic. cap. 4. vbi ait, quæ contrarij sunt impermixtiora, magistralia, vt alius quidem nigro impermixtius. Deinde septimo Physic. r. 11. enumerat qualitates secundas inter qualitates contrarias, per se terminantes motum alterationis, & lib. 5. Physic. r. 11. asserit in secundis qualitatibus dari motum alterationis, non tantum quando intenduntur, & remittuntur in subiecto, sed etiam quando subiectum, ab vna contraria qualitate, in aliam, vt cum ex albo fit nigrum, & e contra; atqui certum est in motu alterationis mobile esse partem in termino à quo; & partim in termino ad quem; ergo etiam qualitates secundæ contrariæ possunt esse simul in gradibus remissis. Secundo probatur simul cum prima vbiunque non est repugnantia ibi potest esse compossibilitas: sed qualitates contrariæ, siue primæ, siue secundæ, in gradibus remissis non repugnant in ordine ad idem subiectum; ergo possunt esse simul in eodem subiecto. Maior patet. Quia tota ratio incompossibilitatis est repugnantia, vel formalis, vel virtualis ad esse simul in eodem subiecto. Minor probatur. Quia capacitas subiecti commensuratur dumtaxat intensioni graduum in Summo: ergo si accipiantur duæ qualitates contrariæ in gradibus remissis non expleant totam capacitatem, ac proinde non habent repugnantiam, vt non possint esse simul in eodem subiecto. Consequentia patet. Quia vtraque qualitas in gradibus remissis inadæquate tantum informat subiectum: ergo neutra explet capacitatem, vt non possit secum oppositam admittere in eodem subiecto.

Secunda Conclusio. Qualitates contrariæ corporales, seu sensibiles, etiam in gradibus intensis supernaturaliter possunt esse

simul in eodem subiecto adæquato. Colligitur ex Scoto in quarto dist. 10. quæst. 1. & dist. 44. quæst. 3. artic. 4. G. & dist. 49. quæst. 16. ad secundum pro opinione, à simili de duabus dimensionibus quantitatis ad esse in eodem loco, cum eadem repugnantia videatur vtrique, & tamen supernaturaliter duo corpora quanta possunt esse simul in eodem loco. Expresse tamen defenditur à Bassolio in tertio dist. 15. quæst. vaic. art. 1. à Tataro in Postprædicamentis quæst. vn. sciend. 2. & in secundo de Anim. quæst. 2. Dub. 3. Probatur ratione desumpta ex Not. 3. & quarto. Nulla potest adduci repugnantia, quæ supernaturaliter tolli non possit; ergo qualitates contrariæ, etiam in gradibus intensis poterunt esse simul in eodem subiecto adæquato. Consequentia patet. Quia vbi aufertur repugnantia, ibi ponitur compossibilitas. Antecedens probatur. Quia omnis repugnantia ex Scoto in 4. dist. 49. quæst. 16. ad secundum pro opin. vel est formalis, vel virtualis: sed vtraque supernaturaliter potest tolli; ergo &c. Minor probatur. Quia repugnantia formalis ponitur in subiecto propter virtutem; ex eo, enim quod effectus formales caloris, & frigoris in summo pugnant ad inuicem, & mutuo se expellunt ab eodem subiecto, sequitur repugnantia caloris, & frigoris inter se, & suos effectus formales primarios, vt nimirum informare simul nequeant idem subiectum; ergo ablata virtuali, aufertur etiam formalis; sed Deus potest auferre effectum formalem causæ secundæ naturalis, saltem secundarium, quia potest facere calorem in subiecto sine calefactione, vt patet in cammino trium puerorum; in corpore quanto, vt sit in loco, absque repletione, & sic de cæteris: ergo potest tollere repugnantiam virtutem, & consequenter formalem, ac proinde ponere in subiecto duas qualitates contrarias in gradibus intensis.

Dices adhuc esse repugnantiam ex parte subiecti, quia cum sit capacitatis limitatæ ad vnam qualitatem intensam, non poterit recipere oppositam cum simili intensione.

Contra quia huiusmodi capacitas subiecti est limitata tantum naturaliter, ex eo nimirum, quod agens naturaliter non potest suspendere effectum formalem secundariū alterius qualitatis oppositæ; siquidem quantum est ex se est in potentia ad omnes simul si tolleretur repugnantia, similitatis, in formis oppositis; cum igitur virtute supernaturali possit auferri, ut probatum est, sequitur nullam adesse repugnantiam ex parte subiecti.

Secundo probatur conclusio, non minus repugnant duo corpora quanta in eodem loco, quam duæ qualitates oppositæ etiam in summo, in eodem subiecto; sed prior repugnantia potest tolli supernaturaliter, ut probabimus in Physicis; ergo, & posterior. Maior patet. Quia quodcumque corpus quantum commensuratur vni loco tantum, & est conuerso, sicut vna qualitas intensa, capacitati vnus subiecti.

Dices cum Doctore Subtili in quarto d. 49. q. 16. ad secundum argumentum pro 1. opin. maiorem esse falsam, quia duo corpora habent repugnantiam, tantum virtutalem ad essendum in eodem loco, quæ cum sit extrinseca potest supernaturaliter tolli; at duo contraria repugnant etiam formaliter circa idem subiectum, & ideo nec vi diuina potest tolli huiusmodi impossibilitas.

Contra, quia est id verum, quod dicit Doctor, tamen non sequitur maior impossibilitas, in contrariis, quæ virtute diuina superari non possit, sicut in duobus corporibus quantis respectu eiusdem loci; quod quidem repugnantia formalis sicut ponitur in contrariis ad idem subiectum comparatis ex positione repugnantia virtualis, ita auferitur ex ablatione huius: ergo cum tota impossibilitas, etiam in contrariis refundatur in repugnantiam virtutalem, erit æqualis repugnantia in contrariis ad idem subiectum, sicut in duobus corporibus quantis ad eundem locum, & consequenter, sicut hæc potest tolli supernaturaliter, & illa poterit auferri.

Tertia Conclusio. Si contrarietas sumatur in aptitudine tantum, poterit inesse, ut de facto inest, omnibus qualitibus oppositis, siue primis, siue secundis, tam in gradibus intensis, quam in remissis. Probatur quia omnes habent aptitudinem, ut se expellant ab eodem subiecto, nisi aliunde im-

pediantur, vel ab agente supernaturali, ut accidit in gradibus intensis, vel ab irrationatione informandi subiectum, ut occurrit in remissis; ergo remoto quouis impedimento huiusmodi qualitates erunt contrariæ.

Quarta Conclusio. Si verò sumatur contrarietas in actu, inest tantum naturaliter qualitibus oppositis in gradibus intensis. Probatur quia vbiicumque est repugnantia ad esse simul in eodem subiecto, ibi est contrarietas, ex diffinitione contrariorum; sed qualitates in summo, seu in gradibus intensis habent huiusmodi repugnantiam ad esse simul in eodem subiecto; ergo in illis est contrarietas actualis. Minor probatur, quia capacitas subiecti est limitata ad vnā tantum qualitatem intensam, ut diximus Not. 3. & etiam quia effectus vnus pugnant cum effectu alterius; ergo etiam causæ pugnant adinuicem, & sic erunt impossibiles in vno, & eodem subiecto simul, ac proinde contrariæ actu.

Obijcis primo, contra primam conclusionem auctoritatem Aristotelis, D. Augustini, & Doctoris Subtilis; nam Aristoteles secundo de Gener. & Corrupt. t. 16. ait, qualitates contrarias in eodem subiecto copulari non posse. Item in logica cap. de substantia inquit substantiam esse susceptivam contrariorum tantum successiue. Item D. August cap. 17. ait. Nullus cibus, aut potus simul dulcis est, & amarus; nullum corpus simul vbi album, ibi nigrum, &c. Tandem Doctor pluribus in locis fatetur album, & nigrum, & cetera contraria, ex suis rationibus formalibus repugnare, & impossibilia esse; ergo nec in gradibus remissis possunt esse simul. Consequenter patet, quia ratio formalis est semper eadem, tam in contrariis remissis, quam in intensis, si igitur in gradibus intensis nequeunt esse simul, nec in remissis poterunt esse simul.

Respondetur, vnica solutione ad has auctoritates, intelligi, scilicet de gradibus intensis, non de remissis, de quibus loquimur in conclusione, siquidem Aristoteles in primo loco loquitur de qualitibus elementorum, quæ intense concurrunt ad eorumdem constitutionem, & ideo bene infert non debere esse contrarias, quia contraria intensa non possunt esse simul: at in mixtis

148. latetur adesse qualitates contrarias in gradibus remissis. Eodem modo explicandus est Diuus Augustinus, quod loquitur de contrariis in gradibus intensis, & non in remissis mixtorum. Ad loca Doctoris dicendum accepisse diuersimodè repugnantiam, ex ratione formali, siquidem aliquando sunt repugnantiam pro contradictoria; aliquando pro disparata, in ordine ad se inuicem, & de talibus verum est, per nullam potentiam posse coniungi, interdum postea accipit repugnantiam pro contraria in ordine ad subiectum, de qua modo loquimur, & de talibus diximus cum eodem Doctore esse impossibilia in gradibus intensis, compossibilia verò in remissis, in eodem subiecto.

Obijcies secundò ex diffinitione contrariorum, quorum natura est, ut mutuo se expellant ab eodem subiecto; sed qualitates oppositæ, etiam in gradibus remissis sunt contrariæ ex Aristotele 10. Meth. to. 13. & 14. ubi docet contrarietatem esse oppositionem secundum formam, & essentiam, reperiri in omnibus qualitatum gradibus, tum intensis, tum remissis; eodem modo ergo si qualitates oppositæ sunt impossibiles in gradibus intensis, in remissis quoque erunt impossibiles.

Respondetur ex ultimo notabili cum Mastro, & Ruuio citatis, diffinitionem contrariorum intelligendum esse, de repugnantia, seu expulsiōe in aptitudine, & sic conuenire æqualiter omnibus qualitatibus oppositis, siue in gradibus intensis, siue in remissis; in actu verò competere tantum qualitatis intensis ob incapacitatem subiectorum, quæ afficere possunt, & nullatenus remissis, ut superius probatum est in prima, & tertiâ conclusione.

Obijcies tertio, qualitates in subiectis existentes, in gradibus remissis se expellunt effectiue; ergo etiam in vno subiecto se expellent formaliter, & sic erunt impossibiles in illo. Antecedens probatur. Quia calidum, ut tria, agit in frigidum ut duo, expellendo ab illo frigiditatem: ergo effectiue, quamuis in gradibus remissis, se expellant. Consequentia probatur, quia habent eandem repugnantiam formalem in vno subiecto existentes, ac effectiuam in diuersis: ergo ratione illius debent se expellere formaliter.

Respondetur qualitates contrarias in gradibus remissis posse dupliciter attendi; vel secundum æqualitatem; vel inæqualitatem graduum; priori modo nec formaliter, nec efficienter possunt agere in se inuicem, siquidem agens, & expellens debet excedere in virtute passum, seu expellendum; at secundo modo conceditur posse agere effectiue in oppositum debilioris virtutis, ut calidum, ut tria, in frigidum, ut duo, sed negatur posse ipsam expellere formaliter, siquidem cum ambæ sint inadæquatè in eodem subiecto, non habent ad inuicem repugnantiam formalem, & consequenter nequeunt se formaliter expellere ab eodem subiecto.

Formaliter ad argumentum respondetur concedendo antecedens, & eius probationem effectiue, cum sint in gradibus inæqualibus; sed nego consequentiam, quia cum inadæquatè subiectentur in eodem subiecto, nullam habent repugnantiam formalem actualem, sed tantum aptitudinalem.

Obijcies quarto, quia data veritate conclusionis sequitur idem simul denominari calidum, & frigidum; sed hoc non est dicendum: ergo &c. sequela maioris patet, quia quælibet qualitas informat, & denominat: ergo calor in remisso, calidum, & frigus, similiter frigidum denominabit subiectum. Minor probatur. Quia tunc contradictoria verificarentur de eodem; siquidem calidum, idem est, ac non frigidum, & e converso frigidum, idem est, ac non calidum; sed calidum & non calidum; frigidum, & non frigidum sunt contradictoria: ergo de eodem verificaretur contradictoria, quod est impossibile, & contra Aristotelem, primo Post. & 4. Met. c. 27.

Respondetur, negando sequelam maioris, ad probationem dico, si gradus sint æquales, non denominari ab illis singillatim, sed coniunctim sub aliquo nomine vtrum, que significare, ut patet de aqua tepida, que inuoluit vtrumque simul: Si verò sint inæquales, denominari tantum à prædominante, & sic non sequi contradictionem, quæ inferitur in probatione minoris; siquidem contrarium, licet in se includat negationem, identitatis cum alio contrario, non tamen sequitur contradictio, cum non sit pura negatio alterius, sed etiam positium super quo fundatur, seu cui est annexa huiusmodi.

di negatio; unde non sequitur calidum dici negationem frigidi, & frigidum negationem calidi; ergo subiectum est calidum, & non calidum, frigidum, & non frigidum, quia fit transitus à negatione identitatis vnius contrarij, de altero, ad negationem compossibilitatis vnius contrarij cum alio, in eodem subiecto, quam tamen non importat, sed solum negationem identitatis vnius cum alio.

Obijcies quinto, contra secundam conclusionem; contraria in summo inferunt contradictoria ex Aristotele 4. Meth. t. 27. sed contradictoria per nullam potentiam possunt esse simul; ergo nec contraria in summo.

Responderetur contraria in summo inferre contradictoria in subiecto potest dupliciter intelligi, vno modo ab intrinseco, id est ratione propriæ naturæ, vel effectus formalis, primarij, ita quod calidum ex se, seu ratione informationis excludat à subiecto frigidum, & e converso frigidum, ut sic excludat calidum, & sic non inferunt contradictoria, quia cum illa secundum suas rationes formales sint positiua, vnum necessario non excludit aliud, sicut esse, & non esse, quæ sunt contradictoria. Alio modo ab extrinseco, & ratione virtualis repugnantie, quæ reperitur inter effectus secundarios vtriusque contrarij, & hoc modo inferunt contradictoria, quia ad positionem vnius sequitur exclusio alterius; hæc autem, cum sit extrinseca potest tolli a Deo, & sic contraria in summo non erunt amplius contradictoria, ac proinde poterunt se compati simul in eodem subiecto.

Formaliter ad argumentum dico contraria inferre, contradictoria ab extrinseco tantum, atque adeo non impediri, quod non possint esse simul supernaturaliter remouente Deo illam virtualem repugnantiam, quæ inferebat contradictoria.

Contra quia vnum contrarium essentialiter includit negationem alterius; siquidem calidum essentialiter est non frigidum, ergo inferunt contradictoria ab intrinseco, & sic non poterunt esse simul, nec virtute diuina.

Responderetur Antecedens esse verum de negatione identitatis, quia re vera vnum contrarium non est alterum, cum habeant rationes formales diuersas, falsum tamen

de negatione compossibilitatis, ut non possint esse simul in eodem subiecto; & sic nego consequentiam, quia cum talis negatio proueniat tantum ab extrinseco, & ratione effectus secundarij, qui pugnat cum altero contrariorū, potest tolli virtute diuina, ut sint compossibilia in eodem subiecto.

Obijcies sexto, ex Doctore Subtili in 4. d. 44. q. 3. P. ubi inquit non posse probabiliter saluari damnatum pati simul à contrariis in summo, passione reali, etiam per Dei potentiam; & ibidem sub lit. G. subdit esse manifestam repugnantiam ponere calorem in Summo in corporibus damnatorum, manente in illis qualitate mixti; ergo secundum Scotum contraria in summo nesc per potentiam diuinam possunt esse simul in eodem subiecto.

Responderetur, negando consequentiam. Quia vt innuimus in principio conclusionis, oppositum colligitur ex locis citatis ibidem; nec loca adducta vrgent; siquidem in primo locutus est dubitatiue, & non absolute, cum sub lit. G. in quarto art. subiungat, tamen quæcumque arguuntur in tertio articulo, si ascribantur miraculo, non posse improbari; ex quibus ad minus habetur, quod ea quæ dixit sub lit. F. intelligenda sunt citra miraculum; & sic per ordinem ad agens naturale, & non supernaturale, vt nos loquimur. Similiter nec secundum dictum aliquid fecisset, quia non dixit duas formas in summo repugnare in eodem mixto, sed solum non posse manere qualitatem naturalem mixti, quæ exposcit quādam proportionem quatuor qualitatum in gradibus remissis, cum calore in summo, à quo talis colligantia destrueretur; unde manifeste patet Doctorem non esse in oppositum nostre conclusionis in præcatis locis, quin potius eidem fauere.

Obijcies septimo contra tertiam, & quartam conclusionem; si qualitati inesset aliquo modo contrarietas, ut puta albedini contra nigredinem, aut esset albedo quæ est, aut quæ non est, sed neutrum est dicendum: ergo &c. Maior patet. Minor probatur. Nō est dicendum primum, quia contraria se expellunt ad inuicem; sed vna albedo non expellit nigredinem, siquidem albedo Petri non expellit nigredinem Pauli, vt patet per experientiam; ergo &c. Nec secundum quia op-

positio contraria est inter entia positiua; sed quod non est, non est ens positium; ergo albedini, quæ non est nihil est contrarium.

Respondetur negando minorem, ad probationem dico nigredinem contrariari albedini quæ est. Ad improbationem dico albedinem Peiri non expellere formaliter actualiter nigredinem, quæ est in Paulo, quia non sunt contrariæ, vt sic nisi in aptitudine, siquidem contrarietas formarum in actu attenditur penes idem subiectum, dumtaxat, vt patet ex diffinitione contrariorum, cum igitur illæ sint in diuersis subiectis, idem non habent se expellere formaliter nisi in aptitudine.

Virum Qualitas suscipiat magis, & minus, & quomodo?

QVÆSTIO IV.

Circa substantiam questionis in se nullam est controuersia, omnes enim fatentur cum Aristotele, qualitatem suscipere magis, & minus per intensiorem, & remissionem qualitatibus in subiecto; egerunt cum agatur de modo, non est vna omnium sententia, quandoquidem aliqui docent qualitatem suscipere magis, seu intendi in subiecto per acquisitionem nouæ partis qualitatis, ita tamen, vt illa pars, vel gradus superueniens corrumpat præexistentem. Ita Gorfredus de Fontibus quol. 71. q. 3. quem postea secutus est Durandus in primo d. 17. q. 7. nu. 23. & hanc fuisse opinionem etiam Auicennæ, Gilberti Porreclani, & Albertani testatur est Niplus 8. Methaph. disput. 1. cap. 3.

Alij verò dicunt intensiorem, & remissionem fieri, non per acquisitionem nouæ qualitatis, vel per eiusdem deperditionem, sed per maiorem, aut minorem præexistentis qualitatis radicationem in subiecto. Magis autem vel minus radicari in subiecto est firmitus, fortiusque, vel debilius inhaerere subiecto; vt v.g. tunc calor in manu dicitur intendi, vel emitti, eum magis, vel minus educitur de eius potentia, eideque firmitus, vel debilius, quam prius adhaeret. Siue vt alij explicant, maiorem, vel minorem radicationem in subiecto, in eo sita esse, eum qualitas habet maiorem, vel minorem

reim existentiam in subiecto. Vel vt alijs placet, tunc fieri maiorem, vel minorem radicationem, quando subiectum est magis, aut minus dispositum, vel magis, aut minus amouentur opposita impedienda à subiecto. Ita Thomisæ communiter cum D. Thoma 1. 2. quæst. 53. art. 1. Iuxta diuersum modum explicandi Sancti Doctoris mentem, relati à Ruio lib. 1. de Gener. & Corrupt. cap. 4. tractat. 3. quæst. 5. num. 143. & à Maffrio ibi. Disputat. 3. quæst. 2. n. 10.

Alij autem asserunt, tunc fieri intensiorem, vel remissionem in qualitatibus, quando habent magis, vel minus de admixtione contrariarum qualitatum. Ita Platonici, & alij relati à Maffrio vbi supra.

Alij tandem rem melius considerantes, docent qualitatem suscipere magis, & minus, seu intendi, vel remitti per additionem, aut deperditionem nouæ qualitatis, absque corruptione præexistentis; quinimò qualitas præexistens sit maior, cum ei adduntur noui gradus, & sit minor, cum ex antiquis amouentur ab ea. Ita Doctor Subtilis in lib. 8. Methaphysic. quæst. 3. & in primo, d. 17. quæst. 3. 5. Contra istam opinionem arguo, & 5. Ad istam questionem sub X. quem sequuntur præter omnes Scotistas, ac Nominales, etiam Suarezius in Methaphysic. disput. 46. sect. 1. Ruuius vbi supra num. 145. & communiter, tum Recentiores, tum Antiqui ab eodem, ac Maffrio, vbi supra relati.

Pro huius sententiæ declaratione, ac fundamento primo notandum ex Doct. Subr. in primo d. 29. q. 1. sub F. & G. in quol. 5. in fine, & in quol. 6. in principio, nec non ex D. Aug. 5. de Ciuitate Dei cap. 7. & 8. quantitatem esse duplicem, scilicet molis, & virtutis. Quantitas molis pertinet ad prædicamentum quantitatis, & consistit in extensione partium extra partes quantitatis. Quantitas autem virtutis, idem est, ac perfectio rei; & cum in vnoquoque genere reperitur sua perfectio, consequenter etiam in illis inuenitur quantitas virtutis; appropriatè tamen conuenit qualitatibus; cuius perfectio, & virtus dicatur qualitas, siue substantialis, siue accidentalis. Conueniunt tamen ad inuicem in aliquibus, & in alijs differunt hæc duæ quantitates. Conueniunt quidem primo. Quia sicut in quantitate

Alb. tate

rate molis datur latitudo extensionis secundum quam redditur diuisibilis in partes quantitatis, ita pariter in quantitate virtutis reperitur latitudo gradualis secundum quam, & ipsa est diuisibilis in partes qualitatias, seu perfectionales. Conueniunt secundo quia sicut in quantitate molari datur terminus incrementi, & decrementi, qui dicitur summum, & infimum in partibus quantitatis, & non proportionalibus, ita etiam in quantitate virtutis datur terminus, tam in summo, quam in infimo gradu. Conueniunt tertio, quia sicut in quantitate molis duplex motus ab imperfecta ad perfectam quantitatem infra summam, & infimam, & à perfecta ad imperfectam infra eosdem limites; ita in quantitate virtutis subiectum potest moueri, de qualitate perfecta ad imperfectam, & e converso, de imperfecta ad perfectam, infra summam, & infimam. Differunt verò dupliciter, & primo, quia motus, qui fit in quantitate molis, de imperfecta ad perfectam, dicitur augmentatio, & ille, quod mouetur de perfecta ad imperfectam appellatur diminutio: Motus verò in quantitate virtutis, cum subiectum mouetur de imperfecta ad perfectam nominatur intensio; & remissio cum e converso transit de perfecta ad imperfectam. Differunt secundo, quia subiectum in motu augmentationis, & diminutionis dicitur suscipere tantum maius, & minus; at in motu intensiois, & remissionis etiam magis, vel minus.

Secundo notandum, ex eodem Doctor. Sube. in lib. 8. Methaphys. quæst. 3. quod maius, & minus, & magis, & minus conueniunt, & differunt. Conueniunt quidem, quia omnia fundantur in quantitate, siue molis, siue virtutis. Differunt verò quia magis, & minus non conueniunt quantitati molis, sed tantum virtutis, non secundum se, sed in comparatione ad subiectum dumtaxat, non enim vna linea dicitur magis, vel minus linea altera, nec vnum quantum magis, vel minus quantum altero, sicut vnum album dicitur magis, vel minus album altero albo, siquidem album vt octo dicitur magis album, quam vt sex: At magis, & minus reperiuntur, tam in quantitate molis, quam virtutis, etiam secundum se, consideratis, quia linea bipalmaris est maior palmari, & calor octo graduum est ma-

ior calore sex graduum tantum. Ex quo sequitur, quod magis, & minus in subiecto semper præsupponit maius, & minus, in formis, quibus afficitur; siquidem subiectum non diceretur magis, vel minus calidum altero, nisi caliditas in vno esset maior in se, quam caliditas in altero subiecto. Sequitur secundo quod suscipere magis, & minus non conuenit qualitati formaliter, & secundum se, sed tantum vt est in subiecto, & motus terminatur ad ipsam, vel secundum intensiorem, vel secundum remissionem, non enim dicitur albedo vna magis, vel minus albedo, quam alia, sed bene vnum album dicitur albius, vel minus album altero, quia habet maiorem, vel minorem albedinem, quam aliud.

Tertio notandum est maioritatem, vel minoritatem in qualitatibus posse dupliciter attendi, vel secundum extensionem, vel secundum intensiorem, & remissionem. Tunc qualitas dicitur maior, vel minor extensione, quando afficit plures, vel pauciores partes subiecti, & sic calor, qui est in manibus, & pedibus est maior, quam qui in vna manu, vel in vno pede tantum. Tunc verò dicitur maior, vel minor intensiue, cum habet plures, vel pauciores gradus, in eodem loco, & situ subiecti, se inuicem penetrantes, & sic calor, vt octo, existens in manu dicitur maior intensiue, quam idem, vt sex in eadem manu consistens. Ex quo sequitur primo, tunc subiectum dici suscipere maius & minus, cum informatur secundum plures, vel pauciores partes, à pluribus, vel paucioribus gradibus qualitatibus. Tunc verò dicitur suscipere magis, vel minus, cum recipit in eadem parte plures, vel pauciores gradus qualitatibus, se inuicem penetrantes, aut de illis deperdit, & ad pauciores reducit, sequitur secundo quod sicut subiectum nequit dici magis, vel minus qualificatum extensione, nisi habeat in se, ac suis partibus plures, vel pauciores gradus qualitatibus, sic non poterit denominari magis, vel minus intensum, aut remissum, nisi realiter extiterint in eadem parte, & situ omnes illi gradus, vel partes qualitates.

Quarto notandum ex eodem Doctor. Subtil. in primo dist. 17. quæst. 3. sub lit. X. cuiuscumque forme, tam substantialis, quam accidentalis dari duplicem gradum, scilicet

est quiditativum, seu specificum, & individualem. Gradus quiditativus, seu specificus est ille, à quo sumitur differentia specifica rei, & ipsam constituit in esse specifico, & indivisibili, & se habet ex Philosopho 8. Metaphysic. c. 10. sicut vnitas in numero, quia si additur, vel subtrahitur ab aliquo variat speciem, vel de non specie, facit speciem, ut patet de rationali, quod si additur diffinitioni leonis, de specie leonis mutat in speciem hominis; si verò coniungitur animali, de non specie facit speciem, quia determinat ipsum animal, quod erat indifferens ad omnia animalia, ad hominem tantum. Gradus verò individualis est à quo sumitur differentia individualis, & importat quandam realitatem, nam coniungi cum alia realitate eiusdem naturæ, quæ si sola sit in subiecto, vel supposito, est individuum in quo saluatur ratio, & essentia ipsius formæ, sicut natura specifica Phœnicis saluatur, in vnico individuo; recipit enim predicationem quiditativam ab illa; quandoquidem, sicut hæc est quiditativa, phœnix est phœnix, ita hæc, illa albedo est albedo. Si verò essent plures realitates, ut paræ plures albedines, vel calores, & per possibile, vel impossibile simul ponerentur in vno, & eodem subiecto, coirent in vnâ numero albedinem, vel calorem intensiorem, quam erat vna albedo, vel vnus calor ex illis, sicut hæc aqua, & illa faciunt vnâ aquam maiorem in; nec tamen variaretur essentia albedinis, vel caloris, ob additionem illarum realitatum, sed graduum, quia cum sint individuales, etiam si multiplicarentur in infinitum, non possent mutare speciem secundum esse quiditativum, & essentiale, sed tantum secundum esse individuale, & existens, sicut natura humana non mutatur essentialiter ob multiplicationem individuorum, sed tantum secundum existentiam, quia in pluribus, quam prius existit.

Quinto notandum est ex eodem Doctore, ubi supra, quod forma, v.g. caloris habens gradus qualitates ut quatuor potest dupliciter considerari, vel secundum esse quiditativum, & specificum ab illis abstractum; vel secundum quod existit in illis, sicut natura in suis individuis: Primo modo, non suscipit magis, & minus, sed est vna indivisibilis essentia, indifferens tamen ad esse in

illis simul, vel in aliquo illorum: At secundo modo suscipit magis, & minus, quia calor, ut quatuor, est maior calore, ut duo tantum, cū habeat maiorem intensiorem in subiecto; ex quo sequitur dari in calore intenso aliquas realitates, quæ non sunt in remisso; per proinde intensiorem formæ fieri per additionem graduum ad gradus præexistentes, nec corrumpi formam in esse remisso per additionem alterius formæ intensioris, sed eandem simul manere cum superueniente qualitate.

Sexto notandum ex eodem ibidem, §. Ad primum pro opinione Gotfredi, sed clariùs, ac expressius in quarto d. 10. q. 2. sub O, dari in quolibet motu terminos à quo, & ad quem, qui tamen sunt in duplici differentia, siquidem alij dicuntur primi, & formales, alij verò secundi, & concomitantes priores. Termini primi, & formales sunt privatio, & forma; concomitantes verò sunt, qui iunguntur prioribus; ut v.g. in generatione, termini primi, & formales sunt inanimatio, & animatio; secundarij verò, & concomitantes, corpus organicum, & animatio, quæ fit in ipso: nam inanimatio, cum sit privatio animationis, dicitur terminus à quo formalis, corpus verò organicum, quod dicitur privatum animatione, appellatur terminus à quo concomitans ipsam privationem; cæterum animatio, sicut introductio animæ in corpus organicum, dicitur terminus ad quem terminatur generatio formaliter. Similiter in motu augmentationis terminus à quo formalis est privatio quantitatis acquirendæ, & præexistenti quantitati iungendæ, quæ postea dum est sub privatione nouæ quantitatis dicitur à quo concomitans; ipsa quantitas autem, quæ acquiritur dicitur terminus ad quem, dum est in fieri; formalis, concomitans verò, dum est in facto esse acquisita. Similiter in intensiōis motu, dum calor intenditur in aqua, termini formales sunt noui gradus caloris acquirendi, & eorum privationes in aqua, termini verò concomitantes sunt calor remissus præexistens, & gradus de nouo additus. Ad præpositum cum Aristoteles dicit terminos motus, scilicet à quo, & ad quem, esse impossibiles in eodem, loquitur de terminis primis, & formalibus, quia reuera statim, ac forma est acquisita, & addita præexistenti qualitati, subiectum non est amplius sub il-

lius priuatione; cæterum termini concomitantes, ut calor præexistens, & de nouo acquisitus sunt compossibiles; unde sequitur quod in intentione, per aduentum nouæ qualitatis, non corrumpitur qualitas remissa præexistens, sed ipsa intenditur, & fit maior per additionem graduum sequentium eiusdem rationis in subiecto acquisitionum.

Ex his sit prima Conclusio. Qualitas, per generationem nouæ qualitatis intese, & corruptionem qualitatis præexistentis remissa, nõ dicitur suscipere magis. Est Scot. in 1. d. 17. q. 3. §. Contra istã positionem atguitur sex vijs, &c. & infra sub lit. Vu. §. Concedo ergo conclusionem istarum rationum &c. aduersus Gorfred. & alios citatos in 1. sent. Probat. ab eodem sic, omne accidens, quod corrumpitur, vel corrumpitur a suo contrario, ut frigus à calore, vel ex defectu conseruantis, ut calor in aqua ex recessu eius ab igne, vel ad corruptionem subiecti: sed qualitas remissa in intentionis motu à nullo horum corrumpitur: ergo nullo modo corrumpitur, sed manet cum qualitate intensa. Maior patet à sufficienti diuisione. Minor prob. quia qualitas intensa, & remissa, cum sint eiusdem speciei, ut puta calor ut octo, & calor ut quatuor, non opponantur: igitur nequeunt ad inuicem se perdere. Nec potest dici secundum quia inducens calorem non deficit, sed perseverat in tota illa intentione. Nec tertium quia subiectum, nimirum aqua, quæ calefit, manet etiam ipsa in tota illa alteratione: ergo cum non inueniatur aliquid ageas corruptens, sequitur alterum de duobus, vel dari actionem corruptiuam sine agente, quod est impossibile, vel qualitatem remissam permanere simul cum intensa, quod negatur. Secundo prob. ratione deducta ab experientia, quia posita aliqua candelæ accessa in cubiculo, illuminatur totum illud spatium secundum esse remissum, apponatur alia candelæ, magis illuminabitur, & sic lumen erit intensius; sed lumen prioris candelæ in huiusmodi intentione non corrumpitur: ergo datur qualitas intensa in subiecto, absq; hoc, quod corrumpatur remissa præexistens. Tertio prob. quia quantitas motus augetur per additionem quantitatis nouæ quantitati præexistenti, absq; huius corruptionis: ergo etiam quantitas virtutis cuiusmodi est qualitas sic augetur. Antecedens probatur, ex Aristot. lib. 1. de Gen. c. 31. & 35. ubi dicit, in augmentatione augmentum, sed

quantitas præexistens est, quæ augetur, ut patet ex diffinitione augmentationis: ergo manet, & non corrumpitur in augmentatione. Consequentia patet ex conuenientia utriusque quantitatis, ut dictum est in primo Notabili. Confirmatur quia dato opposito sequeretur, dum aqua augetur, & fit maior per additionem alterius, quantitatem aquæ præexistentis destrui, quod tamen est contra experientiam: ergo dicendum est, quod sicut in augmentatione, quantitas præexistens manet, ita etiam debere permanere in intentione præexistentem qualitatem remissam, & non corrumpi.

Secunda Conclusio. In remissione qualitatis, ut nimirum caloris, subiectum non suscipit minus per generationem alicuius qualitatis, caloris, qui sit eiusdem rationis, cum calore intenso qui remittitur, sed solum per diminutionem graduam caloris intensi præexistentis. Est Scoti ubi supra pauld ante S. Probat. quia data hypothese darentur actio generatiua alicuius indiuidui sine generante; sed hoc est impossibile, quia nihil gignit seipsū; ergo &c. Sequela maioris probatur. Quia dū aqua calefit, remittitur frigus, si ergo frigus remissum sit indiuiduum genitum, quæro à quo generante sit genitum: Non à contrario calore, quia contrarium non gignit, sed corrumpit contrarium. Nec à frigore præexistente intenso, quia secundum te corrumpitur in eodem instanti, in quo gignitur frigus remissus; nec à se, quia nihil gignit seipsū ex D. Aug. & constat experientia: nec ab igne inducente, quia non agit medianre frigore, sed medio calore, sed nequit generare frigus; ergo nec ignis potest ipsum gignere; nec tandem ab aqua, quia cum hæc non agat per se, sed solum mediante frigidityte, quæ per te est corrupta in primo instanti: ergo nec ab ipsa potuit frigus esse genitum. Cum igitur nil aliud reperitur in tali alteratione, à quo, vel ratione cuius, potuerit generari, sequitur, vel dari actionem generatiuam absque generante; vel dicendum, quod negas, remissionem fieri per depeditionem successiuam graduum frigoris, factamper inductionem successiuam graduum caloris in aquam, quæ calefit.

Tertia Conclusio. Qualitas secundum esse quantitativum, & specificum non sufficit

pit magis, & minus. Est Aristotelis 8. Metaphysic. 1. 10. & Scoti, ubi supra subtil. X. 5. Respondetur ad primum, & secundum argumentum. Probatur. Quia essentia consistunt in indivisibili ex Aristotele ibidem: ergo non possunt habere maius, & minus, nec magis, & minus. Consequentia patet. Quia maius, & minus, sicut magis, & minus fundantur in latitudine graduali: ergo ubi non est huiusmodi latitudo, ibi nequit esse maius, & minus, vel magis, aut minus.

Quarta Conclusio. Qualitas non suscipit magis, & minus per maiorem, vel minorem radicationem eius in subiecto. Est Scoti ubi supra paulo ante X. 5. Tertia etiam via, quæ tenetur à quibusdam de radicatione formæ in subiecto &c. Probatur ab eodem dupliciter, & primo sic, quia illa maior, vel minor radicitio, aut est forma absoluta, aut respectiva, sed neutrum est dicendum: ergo non suscipit magis, & minus, per radicationem maiorem, vel minorem in eo. Maior patet. Quia ens dividitur adæquate per absolutum, & respectivum. Minor probatur, non potest dici primum, quod sit absoluta, quia cum illa sit maior, vel minor, consequenter intenditur, & remittitur; vel ergo per additionem gradus ad gradum, vel per aliam maiorem, vel minorem radicationem in subiecto: si dixeris fieri maiorem, vel minorem, per maiorem, vel minorem additionem gradus ad gradum, habetur intentum, quia etiam prior forma sic debet intendi, vel remitti. Si verò dixeris per aliam radicationem maiorem, vel minorem, quæram de illa, sicut prius, & sic dabitur processus in infinitum, quod est contra Aristotelem primo Posteriorum; ergo, &c. Nec potest dici secundum, quod sit respectiva: igitur non potest in ea dari magis, & minus, nisi ratione qualitatis, super qua fundantur, & sic habebitur intentum, quod à te negatur. Secundo Probatur. Rubor causatus ex verecundia in facie est minus radicitus in subiecto, quam qui est passibilis qualitas, à temperamento causatus; sed ille est intensior, quam iste; ergo intensio in qualitate, maior, vel minor non provenit ex maiori, vel minori eiusdem radicatione in subiecto. Maior patet. Quia rubor ex verecundia est passio, quæ cito transiit; ergo signum est non habuisse for-

mas radices in facie, sicut qui causatur ex temperamento, qui diu perseverat in illa. Minor experientia comprobatur cum pateat ad sensum: ergo intensio qualitatis non fit per maiorem radicationem eius in subiecto, sicut nec remissio per minorem.

Quinta Conclusio. Qualitas non suscipit magis, & minus per minorem, vel maiorem permutationem contrariorum. Est Scoti ubi supra. Probatur. Quia multæ sunt qualitates, quæ suscipiunt magis, & minus, & tamen non habent contrarium, ut patet de visione Beatifica, de lumine gloriæ, ac alijs pluribus: ergo suscipere magis, & minus non provenit qualitatibus ex maiori, vel minori admixtione contrarij. Consequentia patet. Antecedens probatur. Quia unus Beatus habet maiorem gloriam altero; sed maior gloria præsupponit maiorem visionem, & hæc maius lumen gloriæ, ut communiter docetur à Theologis: ergo &c. Confirmatur primo. Quia in statu innocentie fuissent habitus virtutum, qui potuissent augeri, & diminui; sed ibi nullus fuisset habitus virtuosus contrarius, quia nec ullum vitium, aut peccatum: ergo ibi fuisset magis, & minus, absque admixtione contrariorum. Confirmatur secundo. Quia data veritate illius opinionis, nullus posset acquirere scientiam absque errore, nequaquam habitum virtuosum, quin simul acquireret oppositum vel in intellectu, vel in voluntate, quod nemo sanæ mentis dixerit; ergo concludendum est, qualitates suscipere magis, & minus ex alia causa, quam ex maiori, vel minori permutatione contrariorum.

Sexta Conclusio. Qualitas non suscipit magis, & minus ratione maioris, vel minoris dispositionis in subiecto. Est Scoti ubi supra. 5. contra istam opinionem arguo, &c. ibi. Præterea contra illos modos &c. Prob. quia huiusmodi prævia dispositio, vel est forma, quæ sit qualitas, vel non: si primò dixeris, cum secundum illam subiectum dicatur magis, vel minus dispositum, ergo qualitas suscipit magis & minus, sine prævia dispositione subiecti, quod est intentum. Si verò dixeris non esse formam, per quæ subiectum suscipiat magis, & minus: ergo dabitur alia dispositio in subiecto, de qua quæram sicut de priori, & sic, vel dabitur processus in infinitum in huiusmodi dispositionibus prævijs, vel si tantum est in aliqua forma, quæ sit qualitas,

secundum quam subiectum suscipiat magis, & minus absque vlla eiusdem præiua dispositione, sed per solam additionem, vel remotionem, respectu, in intensione, ac remissione, alicuius realitatis gradualis.

Septima Conclusio. Qualitas suscipit magis per additionem noui gradus qualitatis præiuenti factam; & minus per deperditionem graduum, qui erant in qualitate intensa. Est Scoti in primo d. 17. q. 3. §. Contra istam opinionem arguo; Et quamuis ista conclusio sufficienter probata remaneat ex præcedentibus, nihilominus adhuc clarius, & expressius probatur, & primo sic ex Doctoris ibidem: Contraria in summo sunt impossibilia in eodem, in gradibus verò remissis nequaquam, vt probauimus in præcedenti questione; sed hoc non esset, nisi aliquid reale esset in intensione, quod non erat in remissione; ergo intensio fit per additionem gradus ad gradum, & remissio per deperditionem eorumdem graduum. Minor probatur. Quia si tota realitas esset in remisso contrario, quæ erat in intenso, nulla esset repugnantia intensi ad intensum, sicut nulla reperitur inter remissum, & remissum, sed ex suppositione maioris, contraria intensa repugnant, & non remissa: ergo aliquid reale debet esse in intenso, super quo fundetur talis repugnantia, quod non sit in remisso, quod remisso non repugnat.

Dices hanc repugnantiam in non remissis, & compossibilitatem in remissis, provenire ex capacitate subiecti, respectu contrariorum, in remisso, & incapacitate erga contraria intensa, seu in summo, & non ex aliqua realitate, quæ sit in contrariis intensis, quæ non sit in remissis.

Contra quia impossibilitas, vel compossibilitas formarum in ordine ad subiectum, dependet ex impossibilitate, vel compossibilitate earumdem in se: ergo repugnantia contrariorum in gradibus intensis ad esse simul non provenit ex subiecto à priori, sed ex impossibilitate formarum in se, ac proinde, quia in illis est aliquid positivum reale, quod non est in contrariis secundum esse remissum. Antecedens patet. Quia forma dicitur prius habere esse positivum in se, quam inhæreat subiecto: ergo compossibilitas, vel impossibilitas duarum formarum prius est in se, quàm dicantur

ordinem ad subiectum. Secundo probatur motus intensiōis est motus realis, distinctus realiter à motu acquisitionis: ergo debet habere terminum realem realiter distinctum à termino acquisitionis; sed motus acquisitionis terminatur ad qualitatem remissam, & motus intensiōis ad intensam: ergo in intensione est aliquid positivum reale, quod non est in acquisitione solummodo. Maior probatur. Quia huiusmodi motus possunt separari, siquidem inducto in aquam primo gradu caloris potest cessare ignis à calefactione, & postea prosequi ipsam calefactionem usque ad gradum summum, sed motus qui terminatur ad primum gradum dicitur acquisitionis, qui verò terminatur ad summum, intensiōis: ergo tales motus, distinguuntur realiter: ergo sunt reales, tum quia distinctio realis, cum sit relatio realis, exigit extrema realia, realiter distincta, vt probauimus in præcedenti Disputatione; tum etiam, quia sunt principia actionum realium vt patet: igitur sunt motus reales realiter distincti. Sequela maioris patet ex Aristotele quinto physicorum, motus habet entitatem, & distinctionem à termino: ergo motus realiter distincti habent terminos reales realiter distinctos. Minor probatur. Quia si motus intensiōis non terminatur ad qualitatem in summo, distinctam realiter à qualitate remissa; igitur ad eandem remissam; sed hoc est falsum, quia eadem qualitas bis produceretur, semel per motum acquisitionis, & semel per motum intensiōis, quod est impossibile: ergo terminatur ad aliam, ac proinde intensio fit per additionem qualitatis novæ ad qualitatem præiuentem; & remissio per deperditionem gradualem qualitatis præiuentis intensæ. Tertio intensio, & remissio non fiunt per maiorem, vel minorem permutationem qualitatum contrarium, nec per maiorem, vel minorem dispositionem subiecti, nec per maiorem, vel minorem radicationem formarum in eodem subiecto, vt probatum est in conclusionibus præcedentibus à quarta usque ad septimam inclusivè, sed per acquisitionem qualitatis novæ, absque corruptione præiuentis antiquæ, vt satis demonstratum est conclusionem primam, & secundam; testat ergo à sufficienti enumeratione sententiarum, quas in principio recensuimus, vt fiat per additionem,

nem, & deperditionem graduum qualitatibus, ut dicitur in præfenti.

Obijcies primo, contra primam conclusionem. Termini motus sunt impossibiles in eodem subiecto, sed semper alter illorum, id est terminus à quo corrumpitur ex Aristotele quinto physicorum cap. 36. sed qualitas intensa, & remissa sunt termini motus intensiois: ergo cum sit intensio necessariò qualitas remissa præcedens corrumpitur.

Respondetur ex Not. Vltimo, maiorem esse veram de terminis motus formalibus, cuiusmodi sunt priuatio, & forma acquirenda per motum, non tamen de concomitantibus, ut sunt qualitas, præexistens, & de nouo acquirenda, quia tales se comparantur in eodem subiecto: modo in motu intensiois termini formales sunt gradus acquirendus, & eius priuatio, & isti sunt impossibiles, quia statim, ac gradus est acquisitus, & additus qualitati præexistenti, priuatio abiicitur; termini verò concomitantes, sunt qualitas remissa præexistens, & qualitas quæ sibi de nouo additur, & huiusmodi termini sunt composibiles in eodem subiecto, nec prius corrumpitur in aduentu posterioris, sed simul vniuntur in eodem loco, & situ, & quæ erat remissa fit intensa, per additionem nouæ qualitatibus.

Obijcies secundo contra secundam conclusionem per motum aliquid acquiritur; sed remissio est quidam motus, sicut & intensio: ergo per remissionem aliquid de nouo acquiritur; sed tale nequit esse qualitas, quæ remittitur, quia hæc non est noua: ergo debet esse indiuiduum qualitatibus secundum esse remissum de nouo genitum.

Respondetur maiorem esse veram de motu acquisitiuo, non verò de deperditio, quia sicut ille habet pro termino formam, quæ de nouo acquiritur, ita iste terminatur ad non esse formæ, quæ deperditur, modo ad minorem dico remissionem esse motum deperditionis; & ideo non habet pro termino aliquid positum, sed non esse alicuius gradus præexistens, qui per remissionem deperditur.

Obijcies tertio, si remissio fieret per deperditionem graduum qualitatibus intensa, sequeretur remissionem non esse necessariò motum successiuum; sed hoc est falsum, quia nec intensio foret motus successiuus;

ergo dicendum est non fieri remissionem in qualitate per deperditionem graduum successiuè. Maior probatur. Quia agens æquè approximatum duobus mediocritatibus contrariis, & pari modo se habentibus, si potest vnam destruere, & alteram poterit corrumpere; sed duo gradus v. g. caloris sunt æquè approximati frigori, ut octo, siquidem, cum sint partes intensiue, vna non est remotior altera: ergo si frigus potest destruere nunc primum gradum, poterit simul, & corrumpere secundum, & sic non successiuè.

Respondetur negando sequelam maioris, ad probationem, nego maiorem, quia cum gradus caloris, & frigoris sint contrarii, resistunt ad inuicem, & ex tali resistentia causatur successio in motu, tum intensiois, tum remissionis, maior, vel minor iuxta maiorem, vel minorem resistentiam.

Obijcies quarto contra tertiam conclusionem, quia suscipere magis, & minus est proprietas conueniens qualitati in quarto modo ex Aristotele in textu ergo prius conuenit qualitati in esse specifico, quàm in esse indiuiduali; consequentia patet ex Porphyrio in Vniuersalibus tract. 2. cap. 1. accidentia communia prius indiuiduis, & per illa speciebus conueniunt, at accidentia propria se habent è conuerso, prius enim denominant species, & postea indiuidua: ergo si suscipere magis, & minus sit accidens proprium qualitati, prius conueniet qualitati in communi, & secundum esse specificum, & postea huic, & illi qualitati indiuiduali.

Respondetur quod suscipere magis, & minus potest sumi, vel prout dicit aptitudinem, vel ut dicit actum; priori modo est proprietas, seu passio qualitatibus, & conuenit primo qualitati secundum esse specificum, & posteriori modo est accidens commune, & sic conuenit qualitati secundum esse indiuiduale, & non secundum esse quiditatum; siquidem competit qualitati, ut dicit ordinem ad subiectum cuiusmodi est qualitas indiuidualis, non verò, ut abstrahit ab eo, quia sic habet esse specificum, & quiditatum, quod consistit in indiuisibili, ut dicit Aristoteles citatus in conclusione tertia.

Obijcies quinto, contra quartam con-

clusionem quia Aristoteles 4. physicorum cap. 84. inquit, ex calido fieri magis calidum, nullo facto in materia calido, quod non erat calidum, quando minus erat calidum: ergo subiectum fit magis calidum, nullo facto de nouo calore: ergo intensio non fit per additionem graduum; hæc consequentia à concreto ad ad abstractum probatur, quia calidum fit ex calore, ergo si subiectum fit magis calidum, nullo facto de nouo calido, sequitur fieri tale, nullo facto de nouo calore, & sic intensio fieri per maiorem radiationem caloris in subiecto, & non per additionem graduum ad gradus præexistentes.

Respondetur negando utramque consequentiam; siquidem textus Aristotelis sic intelligitur, quod sicut subiectum, quod prius erat sub frigore, fit calidum, non ex noua materia, vel aliquo corpore frigido superueniente, sed solum, quia calor, qui erat potentialiter in subiecto, etiam dum erat sub frigore, educitur de illo, sic subiectum calidum fit magis calidum, subiecto nullo calido eidem superueniente, sed tantum per educationem caloris, qui erat in potentia in subiecto minus calido, unde non sequitur intensio fieri per maiorem radiationem caloris in subiecto, immò per additionem gradus caloris educi de potentia subiecti, minus calidi.

Obijcies sexto contra quintam conclusionem, Philosophum tertio Topic. cap. 4. dicentem, & quæ contrarij sunt impermixtiora, magis talia, ut albius, dicitur illud, quod est impermixtius nigro: ergo qualitas suscipit magis, & minus, ob maiorem, & minorem impermixtionem contrariorum in subiecto.

Respondetur negando consequentiam, quia antecessum est verum quòd ad accessum, vel recessum similitudinis, non tamen quòd ad constitutionem; siquidem contrarium non constituitur ex contrario, ut dictum est cum Doctore Subtili in præcedenti questione.

Obijcies septimo, contra sextam conclusionem, quia secundum D. August. hom. 9. in Epistol. Ioan. charitas non crescit, sed homo habens eam crescit; sed homo est subiectum charitatis: ergo charitas augeatur ob dispositionem subiecti, & sic qualitas inueniatur, & remittitur ob ma-

iorem, vel minorem dispositionem subiecti.

Respondetur, Aliquid crescere, vel augeri potest dupliciter intelligi, vno modo, ut quoddam, alio modo ut quòd; priori modo subiectum crescit, & augeatur, quia denominatur tale per formam, seu qualitatem, quæ in ipso est; at posteriori modo forma crescit, & augeatur cum sit ratio formalis, quare subiectum dicatur crescere, & augeri.

Formaliter ad argumentum, dico antecedens esse verum, ut quoddam, non tantum, ut quòd, quia sic charitas crescit, cum sit ratio formalis, quare homo dicatur magis, vel minus charus Deo.

Obijcies octauo, contra septimam conclusionem, si qualitas susciperet magis, & minus per additionem, vel diminutionem graduum, sequeretur, quod duo accidentia solo numero differentia possent esse in eodem subiecto; siquidem illi gradus qualitatis, ut v.g. caloris, essent accidentia, eiusdem speciei, & solo numero differentia; sed hoc est falsum, quia accidens indiuiduatur à subiecto: ergo vnus subiecti nequeunt esse plura accidentia, solo numero differentia. Minor probatur. Quia accidentis esse est inesse: ergo in vnitatem subiecti non possunt multiplicari accidentia eiusdem rationis, solo numero differentia.

Respondetur concessa maiori, negando minorem cum sua probatione, siquidem accidentia non indiuiduantur à subiectis, sed à proprijs hæceitatibus, ut superius demonstrauimus in Disp. de Principio Indiuiduationis; Ad probationem dico, esse veram de inherencia aptitudinali, non actuali, quia hæc est separabilis ab accidente, ut patet in Sacramento Eucharistia.

Obijcies nono, contra eandem: Nulla forma potest habere partes integrantes ex se, sed solum per quantitatem; sed si qualitas susciperet magis, & minus per additionem, vel diminutionem graduum, forma haberet partes integrantes, & non per quantitatem: ergo &c. Maior probatur. Tum quia de ratione formæ est, quod sit principium simplex, & non principiatum, aut compositum; atqui si haberet partes integrantes, esset principiatum, & compositum; tum etiam quia partes integrantes sunt materiales; ergo si fieret ex illis additio, esset secundum

materialiam, & non secundum formam, & sic non intendereetur forma, sed tantum materia.

Respondetur, negando maiorem, loquendo de formis accidentalibus, & de quantitate virtutis. Ad probationem primam dico esse veram de principio simplici, prout simplex opponitur composito ex materia, & forma physica, non tamen ut opponitur principio, & composito integrali, quia cum quilibet gradus qualitatis, habeat entitatem in liuidalem, possunt uniri ad faciendam unam formam totalem. Ad secundam probationem, dico huiusmodi gradus qualitatis posse dici materiales, & forma-

les; dicuntur materiales, quia sunt indiuiduales, dicuntur vero formales, quia quilibet includit esse quiditativum qualitatis, contraque per differentiam indiuidualem propriam, unde si vniatur in unitate qualitatis intensæ, fiet additio secundum formam, non in abstracto, & secundum esse quiditativum, sed in concreto, & secundum esse contraque per differentias indiuiduales.

Dices ergo gradus componens erit perfectior tota qualitate integrali, quia simplicior.

Respondetur negando consequentiam; siquidem gradus habet rationem partis, modo pars est imperfectior suo toto.

DE SEX VLTIMIS PRAEDICAMENTIS.

De his ultimis Praedicamentis, parum, aut nihil disseruit Aristoteles; siquidem in uno capite omnia recenset; vel quia de aliquibus acturus est in libris physicorum, cuiusmodi sunt Actio, Passio, & Quando; vel quia de nonnullis egit in praeiis praedicamentis, sicut de Positione, & Situ in praedicamento Ad aliquid: vel tandem dicit, se reliqua omittere, quia sunt clara, & manifesta, & sufficit de illis exemplificasse, sicut fecit, c. 5. tract. 1. & in hoc 2. c. 5. Caterum, quia quæ clara, & manifesta visa sunt intellectui Aristotelis, non fuerunt omnibus ita perita, propterea Gilbertus Porretanus Peripateticus, nostra, ac multorum aliorum consulens imbecillitati, de illis peculiarem composuit tractatum, ex principijs Aristotelis excerptum, qui de sex principijs inscribitur, unde, & sex Principiorum Auctor ab omnibus appellatus est. Hæc autem principia, quæ complent numerum denarium praedicamentorum Aristotelis, sunt Actio, Passio, Quando, Ubi, Situs, & Habitus, de quibus hoc eodem ordine agendum erit in sequentibus.

De Actione, & Passione, ac earum Proprietatibus.

CAPVT. V. & VI.

AB Actione Auctor exorditur Tractatum sex Principiorum, tamquam à nobilitiori; siquidem quemadmodum agens est prestantius passio, sic & actio est passio nobilior. Diuiduntur autem hæc duo Capitula in duas partes principales, in quarum prima traditur diffinitio, tam actionis, quam passionis, & incipit ibi, Actio verò est &c. & ibi Passio est effectus, &c. In secunda verò enumerat proprietates Actionis, & passionis, & incipit ibi proprium actionis &c.

Quoad primam partem diffinitio actionis in c. 1. dicens: Actio est secundum quam in id, quod subijcitur, agere dicimur, ut secus in eo, quod secus, secus dicitur; quæ diffinitio secun-

dum mentem Doct. Subt. qui docet hæc sex ult. praedicamenta esse respectus extrinsecus aduenientes sic explicatur: Actio est respectus extrinsecus adueniens agentis ad passum, quo agens denominatur formaliter agere in passum, ut sectio, calefactio; nam sectio dicit respectum secantis ad sectum, calefactio verò importat formaliter respectum v.g. ignis calefactientis ad aquam calefactam.

Differunt autem Actio, & Passio inter se, quia effectus actionis non remanet post ipsam, at effectus passionis perseverat; siquidem cantatio, & sonatio dicuntur actiones, quia cantus, vel sonus, illis transactis non manent; ceterum edificatio, & calefactio dicuntur passionis, cum post ipsa perseverent, & calor, & domus edificata.

Actionis duo sunt genera, vel species subalterna, scilicet transiens, & immanens; vel

vel ut inquit Gilbertus, corporalis, & spiritalis. Actio transiens est, quæ terminatur ad passum extra ipsum agens existens, ut calefactio, sectio, nam prior terminatur ad aquam calefactam, posterior verò ad lignum sectum. Actio verò immanens, seu anima est, quæ terminatur ad passum immanens agenti, ut intellectio, visio, siquidem prior terminatur ad obiectum existens in intellectu, posterior ad speciem obiecti inexistentem oculo.

Actio utraque diuiditur in successiuam, & instantaneam, & hæc in suas species specialissimas, & indiuiduas, ex quibus ordinatur prædicamentum, seu generalissimum Actionis, de quibus erit sermo in tertio libro physicorum.

Deinde in principio cap. 2. Diffinit Passio. nem, tamquam correlatiuum Actionis dicens. Passio est effectus, illatioque actionis, secundum quam hæc quidem patiuntur magis, illa verò minime, quæ sic exponitur: Passio est respectus extrinsecus adueniens passu ad agens, quo formaliter passum, pati dicitur ab agente, ut calefieri infertur ex calefacere, denominaturque aquam v. g. pati ab igne calefaciente, per calorem in ea inducitur, contra eius naturam.

Passionis tot sunt species subalterne, & specialissimæ, ac indiuiduæ, quot actionis, ex quibus pariter possunt ordinari prædicata secundum sub, & supra, & constitui prædicamentum passionis ab actione, & cæteris distinctum.

Quoad secundam partem enumerat tres proprietates conuenientes actionibus, & passionibus, quarum.

Prima est, quia actio, & passio suscipiunt contraria, nam calefactio contrariatur refrigerationi, de albedo nigrescitioni, similiter calefieri contrariatur frigescieri, & albesieri, ei, quod nigrescit opponitur.

Secunda Proprietas: Actio, & passio suscipiunt magis, & minus, nam vnus ignis dicitur magis, vel minus calefacere, altero similiter vna aqua, dicitur magis, vel minus calefacta, altera. Hæc autem proprietates, non conueniunt actioni, & passioni formali-

ter, cum sint relationes, quæ non habent contraria, nec suscipiunt magis, & minus, sed tantum ratione qualitatis super quibus fundantur respectus actionis, & passionis.

Tertia Proprietas. Actio est in agente, & passio in patiente, id est actio est respectus fundatus in agente, & terminatus ad passum; & passio est respectus fundatus in patiente & terminatus ad agens; nam sicut agens denominatur agere in passum, ita patientis dicitur formaliter pati, passione illata ab agente.

De quando, & Vbi, ac eorum Proprietatibus.

CAP. VII. & VIII.

Explicatis duobus principijs, scilicet actione, & passione, sequitur Gilbertus in cap. 4. & 5. expendere naturam, & proprietates tertij, & quarti principij, scilicet quando, & vbi, & diuiduntur in duas partes principales; in quarum prima ponit diffinitiones; in secunda vero proprietates eisdem conuenientes.

Quoad primam partem in suo cap. 4. diffinit quando dicens: Quando verò est, quod ex adiacentia temporis relinquitur, quæ sic exponitur secundum mentem Scoti: quando est respectus extrinsecus adueniens temporis ad rem, quæ sit in eodem, vel rei temporalis ad tempus, ut esse in hora, in die, in mense, in anno. Ex quo patet, quando esse duplex, scilicet actiuum, & passiuum, & neutrum constituit prædicamentum quando, sed quod est commune abstractum ab utroque.

Huius prædicamenti tria sunt genera subalterna, quæ supplentur per esse, fore, & susse: species vero sunt in die, in septimana, in mense, in anno, & c. Indiuidua autem in hac die, in hac septimana, in hoc mense, in hoc anno, & c. & similia.

Deinde in capite quinto, ponit diffinitionem, Vbi dicens: Vbi verò est circumscriptio corporis à circumscriptione loci proneniens, quæ pariter, sic expenditur, de mente D. Thomæ Vbi

Vbi est respectus extrinsecus adueniens loci ad rem locatam, vel rei locata ad locum, ut respectus, quia dicitur meum corpus ad aerem ipsum ambientem, dicitur vbi passivum; vel respectus, quem importat aer ad meum corpus circumdatum dicitur vbi actuum, ex quo sequitur, quod Vbi, quod constituit ostium predicamentum, neutrum horum est, sed quoddam commune ab ipsis abstractum.

Genera subalterna eiusdem sunt sursum, & deorsum: Species vero, in domo, in aula, in theatro, in foro, &c. Individua in hac domo, in hac aula, in hoc theatro, in hoc foro, &c.

Quoad secundam partem assignat duas proprietates sibi convenientes, ratione suorum fundamentorum, quarum.

Prima est: quando, & Vbi non habent contrarium, nam quando funditur in tempore, quod est de genere quantitatis, Vbi vero in loco, qui, vel est substantia, vel quantitas, at substantia, vel quantitati nihil est contrarium, & consequenter, nec quando, nec vbi, habebant contraria. Probat etiam exemplis, quia dies non contrariatur septimana, nec septimana mensi, &c. similiter una domus non contrariatur alteri, nec aula theatro, &c.

Secunda Proprietas: Quando, & Vbi, non suscipiunt magis, & minus, sed tantum maius, & minus, quia una hora non est magis quando, quam septimana, licet bene minus, cum hora sit minor die, & dies septimana: Similiter unus locus non est magis locus, quam alter, licet sit maior, quia forum est minus theatro, & theatrum aula, & haec minor domo: Ratio autem utriusque est, quia quantitas in qua fundantur, non suscipit ma-

gis, & minus, sed tantum maius, & minus.
(.)

De Situ, vel Positione, & Habitu, ac eorum Proprietatibus.

CAPVT. IX. & X.

Circa Situm, vel Positionem, quae constituit nonnum Predicamentum, duo facit Auctor in cap. 6. primo enim ponit eius diffinitionem, & incipit ibi: Positio est quaedam &c. secundo enumerat tres proprietates eiusdem, & incipit ibi: Suscipere autem videtur situs contrarietates, &c.

Quo ad primam diffinit Positionem dicitur: Positio est quaedam partium situs, ac generationis ordinatio, ut ordo, quem tenet homo sedendo, stando, jacendo, secundum partes sui corporis, ad partes loci, quae diffinitio sic exponitur a Scotto in quarto d. 10. quest. 1. art. 2. §. Dico ergo aliter, quod positio &c. sublit. M. §. Positio autem quae ponitur predicamentum, &c. est respectus extrinsecus adueniens partium loci, ad partes locati, vel è converso, partium locati ad partes loci, ut sessio, statio, accubitus, &c. quare infertur situm esse duplicem, scilicet actuum, & passivum, sicut dictum est de vbi, & quod neutrum confluat genus generalissimum, sed tantum aliquod commune ab illis abstractum.

Uterque autem est multiplex, sicut, & locus in quo sit, scilicet sursum, deorsum, dextrorsum, sinistrorsum, & bi habent species, & individuas, ut sedere, stare, iacere, hoc sedere, hoc stare, & hoc iacere, quae ordinantur secundum sub, & supra, ad constitutionem huius predicamenti.

Quoad secundum ponit tres proprietates situs quarum prima est: Situs nihil est contrarium. Secunda Situs non suscipit magis, & minus, licet bene maius, & minus, tertia proprietas: proprium situs est primae substantiae assistere, quia prima substantia in generatione sua habet partes ordinatas, secundum quantitatis extensionem, super quibus, ad partes loci potest fundari respectus positionis, seu situs.

Circa Habituem etiam duo facit. Primo enim ponit eius diffinitionem, & incipit ibi

Ha-

entis suam formam in ligno, vel educens illam de lapide: Vel tandem respicit subiectum, seu passum, & sic dicit respectum transmutantis ad transmutatum, vt ignis transmutantis lignum de eius forma, ad formam ignis, vel transmutantis aquam, de frigidityte, in caliditatem. Hic non est sermo de actione productiua, vel inductiua, aut educiua, quia huiusmodi sunt respectus intrinsecus aduenientes, & spectant ad prædicamentum. Ad aliquid, sed tantum de transmutatiua, quæ cum importet respectum extrinsecus aduenientem, constituit hoc prædicamentum actionis à cæteris distinctum, diffiniturque à Gilberto, & expostitur à Doctore, vt vidimus in textu, pro respectu extrinsecus adueniente agentis transmutantis ad passum transmutatum.

Secundo notandum est, Actionem hoc vltimo modo consideratam esse duplicem, scilicet immanentem, & transeuntem. Actio immanens est illa, quæ manet in agente, idest cuius terminus non est extra agens, sed est subiectiue, vel obiectiue in agente, vel est etiam ipsum agens, vt actio transmutatiua intellectus de non intelligente ad esse intelligens, siquidem manet in intellectu, nec terminatur ad aliquid extra ipsum. Actio verò transiens est illa, quæ transit in passum idest terminatur ad passum distinctum realiter ab agente, vt calefactio, quæ procedit ab igne, & terminatur ad aquam calefactam. Hic est sermo de actione transeunte, quia an immanens spectet ad hoc prædicamentum, vel ad prædicamentum qualitatibus est controuersia inter Doctores. Actio verò transiens est duplex, scilicet materialis, & immaterialis. Prior est transmutatiua subiecti materialis, vt transmutatiua aquæ de frigidityte in caliditatem. Posterior verò est transmutatiua subiecti immaterialis, vt transmutatio Angeli de non motu, ad motum, vel de non intellectu, ad intellectum. Actio materialis adhuc est duplex, scilicet substantialis, & accidentalis. Substantialis est per quam acquiritur substantia, vt fit in generatione, vel nutritione. Accidentalibus, per quam acquiritur accidens, vt in augmentatione, vel diminutione, in quibus acquiritur, vel perditur quantitas, aut in alteratione, in qua acquiritur, vel perditur qualitas; aut in loci mutatione, per quam acquiritur, aut perditur vbiquitas.

bet harum actionum habet proprias species, & indiuidua, quæ possunt ordinari secundum sub, & supra, & constitui prædicamentum actionis.

Tertio notandum est, quod passio hic non accipitur pro qualitate inferente, vel illata à passione, quia sic est species, vel modus qualitatibus: Nec pro realitate pullulante à principiis intrinsecis, quia sic est proprium fundamentaliter, prout facit quartum prædicabile; nec pro respectu, quem dicunt produci ad produciens, induci ad inducens, vel educi ad educens, quia sic pertinet ad quartum prædicamentum relationis, sed pro transmutatione passiuæ, illata, seu causata ab agente per actionem in passum, quæ vt aduertit Scotus, in 4. d. 13. q. 1. loc. cit. dicit respectum extrinsecus aduenientem, passum transmutati, ad agens ipsum transmutans: Ex passio hoc modo sumpta dupliciter accipitur; vno modo formaliter, & sic dicit respectum passu ad formam, vt aquæ calefactæ ad calorem; alio modo effectiue, & sic importat respectum passu, ad agens, idest aquæ ad ignem calefacientem. Vtraque etiam est duplex sicut dictum est de actione, scilicet materialis, & immaterialis; prior est transmutatio passiuæ, seu respectus transmutati materialis ad agens materiale; posterior verò est transmutatio passiuæ, seu respectus transmutati immaterialis, ad agens. Materialis adhuc est duplex, scilicet substantialis, quæ denominat passum substantiale, vt genitum, vel corruptum, & accidentalis, quæ denominatur passum accidentaliter, cuiusmodi sunt auctum, diminutum, intentum, remissum, vel motum localiter, de vno ad aliud vbi. Vtraque diuiditur in proprias species, & indiuidua, ex quibus conficitur prædicamentum passionis, sicut dictum est de actione.

Quarto notandum, actionem fundari in agente, & terminari ad passum; & è cōuerso, passionem in passu, & terminari ad agens, siquidem agens actione dicitur formaliter agere, sicut passum passione pati: cum autem agens, & passum, prout important transmutationem actionem, & passiuam, saltem materialiter, sint distincta realiter, sequitur actionem fundatam in agente distinguui realiter à passione, quæ fundatur in passu.

Ex his sit prima Conclusio. Actio, & Passio

& Passio transmutatiua, formaliter acceptæ, prout dicunt respectus extrinsecus aduenientes agentis ad passum, & passi ad agens, sunt duo genera generalissima. Est communis omnibus Scotistis, & fere omnibus Philosophis realibus. Probatur, quia; non habent aliud genus supra se, & ipse prædicantur de pluribus differentiis specie in quibus sunt genera generalissima. Consequentia patet à diffinitione ad diffinitum. Prima pars antecedentis est nota, quia non habent supra se præter ens, quod non est genus, ut alibi probatum est. Secunda pars antecedentis etiam est manifesta, quia actio prædicatur de actione substantiali, & accidentali, materiali, & immateriali, sicut, & passio de passionibus materialibus, & immaterialibus, substantialibus, & accidentalibus, ac de eorumdem individuis secundum eandem diffinitionem; sed huiusmodi actiones, & passiones differunt specie; ergo prædicantur de pluribus differentiis specie inquit.

Secunda Conclusio. Actiones, & Passiones huiusmodi constituunt duo prædicamenta. Probatur. Quia ubi datur ordinatio prædicatorum secundum sub, & supra, ibi datur prædicamentum: sed in huiusmodi actionibus, & passionibus datur ordo secundum sub, & supra; ergo &c. Maior patet, ex descriptione prædicamenti. Minor similiter, quia actiones, & passionες materiales prædicantur de substantialibus, & accidentalibus, & hæc de propriis speciebus, ac individuis; ergo ordinantur secundum sub, & supra.

Tertia Conclusio. Actio, & Passio distinguuntur realiter. Est Scoti in 4. d. 13. q. 1. sub D. & E. ac omnium Scotistarum, ut fufius videbitur in tertio physicorum. Probatur. Quia agens, & passum, saltem materialiter, distinguuntur realiter; ergo, & actio, & passio super eis fundatæ. Antecedens patet. Quia idem materiale non agit in se, nec patitur à seipso, loquendo de actione transiente, & transmutatiua. Consequentia probatur, cum quia actio est in agente, & passio in passio, a quibus denominantur intrinsecè, ut demonstrabimus in tertio physicorum etiam, quia respectus oppositi nequeunt fundari super vno, & eodem fundamento; sed Actio, & Passio sunt huiusmodi; ergo, &c. Confirmatur. Quia si actio esset

in passio denominaret illud agere, & non pati, quod esset contra passum, & agentis naturam.

Obijcies primo contra primam conclusionem. Quia si Actio, & Passio essent duo genera generalissima, aut essent absoluta, aut respectiua; sed neutrum istorum dici potest; ergo non sunt duo generalissima. Maior patet à sufficienti diuisione. Minor probatur. Non absoluta, quia non sunt, nec substantia, nec quantitas, nec qualitas, ut patet ex eorum diffinitionibus. Nec respectiua, quia nullus respectus est principium agendi, aut patendi; sed Actio, & Passio sunt huiusmodi ex diffinitionibus Gilberti, in textu; ergo &c. Maior patet. Quia relationes sunt de genere steriliu.

Respondetur negando minorem quoad secundam partem, ad probationem dico, maiorem esse veram de principio elicitiuo, quia sic agens non agit actione, sed per propriam formam intrinsecam, falsam verò de principio denominatiuo, quia sic agens dicitur actione agere, & passum passionem pati.

Contra, quia tunc actio esset in agente, & non in passio, sed hoc est contra Philosophum tertio physic. t. c. 2. r. ubi vult, quod Actio, & Passio insunt eidem motui, sed motus est in passio ex eodem ibidem text. com. 18. ergo, &c. Sequela maioris probatur. Quia forma denominatiua debet esse subiectiue in eo, quod denominatur agere.

Respondetur concessa. Sequela maioris, negando minorem, ad probationem, dico Philosophum ibi loqui de actione acti, non tamen de actione pro respectu, sed pro formali, de qua nos loquimur, quia sic distinguuntur realiter à motu, & à passio, ut dictum est Notab. 1.

Obijcies secundo. Relationes oppositæ pertinent ad idem genus; sed Actio, & Passio sunt huiusmodi; ergo, actio non est genus distinctum à passione. Maior patet, inductiue de paternitate, & filiatione, similitudine, & dissimilitudine, æqualitate, & inæqualitate, quæ sunt relationes oppositæ, & tamen omnes spectant ad generalissimum relationis.

Respondetur maiorem esse veram; de relationibus intrinsecis aduenientibus, non tamen de extrinsecis aduenientibus,

eiusmodi sunt Actio, & Passio.

Obijcies tertio. Quia concretum, & abstractum sunt eiusdem generis, sed actiuum, & actio, & passiuum, & passio sunt concretum, & abstractum, & actiuum, & passiuum sunt eiusdem generis, ex Philosofo primo, de Gener. tex. c. 5. ergo, & Actio, & Passio sunt eiusdem generis. Maior patet, tum quia concretum, & abstractum sunt idem se, & differunt solum in modo significandi; tum inductiue, quia quantum, & quantitas, quale, & qualitas relatiuum, & relatio sunt eiusdem generis.

Respondetur Assumptum in minori esse verum de genere physico, non tamen de logico, de quo nos loquimur in proposito, quia sic actiuum, & passiuum, sicut actio, & passio spectant ad diuersa prædicamenta.

Obijcies quarto. Contraria sunt eiusdem generis ex Aristotele in Postprædicamentis cap. de oppositis; sed actio, & passio, sicut actiuum, & passiuum sunt contraria: ergo sunt eiusdem generis, non tantum physici, sed etiam logici.

Respondetur negando minorem, quia Actio, & Passio, sicut actiuum, & passiuum opponuntur relatiue, & non contrarie.

Vel dicendum, maiorem esse veram de contrariis propriè, modò Actio, & Passio, actiuum, & passiuum sunt contraria impropiè, id est repugnantia in eodem.

Verum Vbi, & Positio, siue situs sint duo Genera Generalissima inter se realiter distincta?

QVÆSTIO II.

Nominales cum nonnullis Recentioribus, contendunt de medio tollere, hæc duo prædicamenta, asserentes vel solū dicere denominationes extrinsecas totius loci, vel partium eius, in toto locato, aut in eiusdem partibus; vel negationem distantie loci cum re locata. Ceterum opposita sententia communiter defenditur à Thomistis; & Scotis, & præsertim à Doct. Subr. in 4. d. 10. quæst. 1. §. Dico aliter &c. art. 2 & quol. 11. per totum.

Circa distinctionem etiam Situs ab Vbi

Doctores litigant, siquidem Nicolaus B. netus, & alij, quos citant, & sequuntur M. strius, & Bellurus hic q. 12. art. 2. n. 213. & 214. putant positionem, seu situm non facere dist. in eum prædicamentum ab Vbi, cum positio nil aliud importet, quam respectum partium locati ad partes loci, & consequenter tot partialia Vbi, quot sunt partes corporis locati.

Verum oppositum est omnino sustinendum, tum propter famosam illam diuisionem decem prædicamentorum, tum propter auctoritatem Doctoris Subtil. in 4. dist. 10. quæst. 1. art. 2. §. Dico ergo aliter &c. vbi disertis verbis distinguit hæc duo prædicamenta inter se.

Pro solutione igitur vtriusque difficultatis, Primo Notandum est ex Scoto loco citato, & ex Tarsato hic, Vbi dupliciter cap. posse, vno modo prout est quoddam interrogatiuum, ut vbi habitas? Cui respondetur per locum dicendo, Vicentia, vel Patavij. Alio modo prout significat esse in loco, & sic accipitur in proposito, & hoc est duplex scilicet materiale, & formale. Vbi materiale est superficies vltima corporis ambientis scilicet aeris, & sic non distinguitur à quantitate. Formale verò est respectus extrinsecus adueniens superfici ei circumdantis alij, quod locatum, ad ipsum circumdatum, & sic est respectus extrinsecus adueniens, quia non resultat, nisi facta debita approximatione extremorum, scilicet corporis ad superficiem aeris, & vbi hoc modo diffinitum dicitur vbi actiuum, vnde sequitur dari duplex vbi; passiuum, & actiuum; & passiuum adhuc esse duplex, materiale, & formale, Materiale est corpus locatum; formale verò est respectus extrinsecus adueniens fundatus in corpore locato, & terminatus ad superficiem aeris locantis. Vtrumque autem est duplex, scilicet remotum, & propinquum; Remotum actiuum, est locus continens superficiem aeris continētis, passiuum verò corpus, quod denominatur locatum; Propinquum actiuum est superficies circumdans, seu ambiens, & passiuum est superficies corporis locati, seu ab actiuo ambiti. Hic est sermo de Vbi pro formali, vtroque modo accepto.

Secundo notandum est, quod vbi pro formali, cum diuidatur in vbi actiuum, & passiuum, non habet propriam distinctionem, siqui-

liquidem ignoratur proprius modus intrinsecus, per quem contrahitur ens reale in communi ad ipsum, sed circumloquimur eius naturam per illam diffinitionem distinctiuan, quod sit respectus extrinsecus adueniens, vel loci ad locatum, vel locati ad locum; cæterum, ut sic in communi conceptum facit prædicamentum ab alijs distinctum, quod postea diuiditur in vbi sursum, & deorsum, dextrorsum, & sinistrorsum, antè, & retrò, tamquam in species subalternas: Hæc verò habent species specialissimas quæ possunt circumferri per esse sursum in domo, in camera, deorsum in cellaria, in carcere, & sic de alijs, quare inferendum est, quod cum vbi in communi habeat genera subalterna, & species specialissimas, ac indiuidua, ordinabilia secundum sub. & supra, quod sit, & genus generalissimum; & prædicamentum.

Tertio norandum, ex Scoto in 4. sent. loco cit. Situm, seu positionem dupliciter considerari posse, vno modo, ut dicat ordinem partium ad inuicem, & in toto, & sic non spectat ad hoc prædicamentum, sed est quedam relatio circumlocutiua differentiarum quantitatis corporæ, quæ est extensio ordinata partium alicuius totius, ut quod caput sit super collum, collum super humeris, humeri super thorace, brachia hinc inde distenta. Alio modo prout dicit ordinem partium totius, ad partes loci, ut quod nimirum caput respondeat parti aeris ambientis ipsum, & non alteri, brachia partibus loci sibi correspondentibus, & sic distinguitur à situ, seu positione; primo modo considerata, facitque prædicamentum ab alijs distinctum; qui postea diuiditur in actiuum, & passiuum. Prior fundatur in partibus loci, & terminatur ad partes corporis locati, posterior verò se habet è conuersò, quia fundatur in partibus locati, & terminatur ad partes loci: Vterque autem adhuc est duplex, scilicet innatus, cuiusmodi est situs elementorum, & cæterorum, qui inest eis à natura; & acquisitus, qui inest locato ab arte, ut est situs domus, aulæ, & huiusmodi, qui postea diuiditur in species subalternas, & specialissimas, ac indiuidua, ut dictum est de loco, seu vbi, ex quibus coalescit hoc prædicamentum ab alijs distinctum, cum habeat genera, species, & indiuidua ab alijs distincta.

Quarto notandum ex eodem ibidem, situm, & vbi in quibusdam conuenire, & in nonnullis differre ab inuicem. Conueniunt equidem, quia ambo sunt respectus extrinsecus aduenientes, resultantes ex coexistentia duorum extremorum, quæ sunt locus, & locatum. Differunt verò, quia vbi respicit totum integrale locatum, & totum locum, situs verò partes integrales, non ordinatas inter se, sed ad partes loci, prout partes distinguuntur à toto. Ex quibus inferitur primo quod respectus importatus per situm præsupponit respectum importatum per vbi, non ut inferius suum superius, sed ramquam effectum necessarii prærequisitum, sine quo fundari non posset relatio situs, in partibus locati, ad partes loci. Secundo inferitur, cum isti respectus fundentur in fundamentis, & terminentur ad terminos ab inuicem realiter distinctos, ut sunt totum, & partes integrales, sicut probabimus in primo physicorum, quod ipsi sunt pariter realiter distincti.

Ex his fit prima Conclusio. Vbi, & Situs sunt genera generalissima. Probat. Quia quod est genus, & non habet aliud genus supra se est generalissimum, sed vbi, & situs sunt huiusmodi: ergo sunt genera generalissima. Maior patet per locum à diffinitione ad diffinitum. Minor probatur. Quia vbi prædicatur de actiuo, & passiuo, similiter situs, de Situ actiuo, & passiuo, quæ sunt species subalternæ, ut patet ex Not. secundo, & tertio, & super ipsis non datur aliud præter ens, quod non est genus, ut alijs probatum est: ergo, &c.

Secunda Conclusio. Vbi, & Situs constituent duo prædicamenta. Probat. Quia prædicata ordinabilia secundum sub. & supra constituent vnum prædicamentum; sed omnia Vbi, & omnes Situs sunt huiusmodi: ergo &c. Minor patet. Quia Vbi in communi prædicatur de vbi actiuo, & passiuo, & utrumque de vbi sursum, deorsum, dextrorsum, ergo &c. & hæc de suis speciebus, & indiuiduis: Similiter Situs dicitur de Situ actiuo, & passiuo; & hi de situ innato, & acquisito; hi postea de situ sursum, deorsum, &c. & isti tandem de suis speciebus specialissimis, ac indiuiduis; ergo sunt, prædicata ordinabilia secundum sub. & supra, & sic coalescunt duo prædicamenta.

Tertia Conclusio. Vbi, & Situs sunt duo præ-

Prædicamenta inter se realiter distincta. Est contra Bonetum, ut alios citatos pro secunda sententia. Probat per primo, auctoritate Aristotelis ennumerantis illa tamquam diversa prædicamenta. Secundo ratione fundamentali, quia respectus, quorum extrema sunt realiter distincta, sunt realiter distincti, scilicet extrema vbi, & Situs sunt realiter distincta: ergo &c. Maior patet. Quia respectus est habitudo essentialis extremorum: ergo qualem naturam, & conditionem sortiuntur extrema, talem pariter sortiri debent etiam respectus. Minor probatur. Quia Vbi dicit respectum, vel totius loci ad totum locum, vel e converso totius loci ad totum locum; Situs vero dicit respectum partium loci, ad partes locati, vel e converso partium locati ad partes loci; sed totum integrale, & eius partes distinguuntur realiter: ergo extrema respectuum vbi, & situs distinguuntur realiter. Maior patet ex Doctore in 4. d. 10. quæst. 1. loco citato. Minor probatur ex professo in primo physicorum, pro nunc statuatur sic, causa, & effectus distinguuntur realiter, cum nil causet se, sed aliud ex definitione causæ tradita ab Auctore libro de Causis; sed totum integrale causatur à partibus integrantes: ergo, totum integrale, & eius partes distinguuntur realiter. Tercio probatur. Quia Vbi, & situs possunt separari: ergo distinguuntur realiter. Consequentia patet. Antecedens probatur, Quia invariato vbi, mutatur situs: ergo possunt separari. Antecedens patet. Quia vinum, agitatum in vase, retinet semper eundem locum, & tamen mutatur, secundum partes, quia partes eius respondent diversis partibus loci, id est vasis, sed in tali correspondentia partium locati, ad partes loci, consistit ratio formalis situs; ergo invariato vbi mutatur situs. Possent officialiter rationes ex Doctore loco citato, sed pro nunc iam allatae sunt satis.

Obijcies primo, contra primam conclusionem, quod vbi non sit genus generalissimum, quia quod habet genus supra se, non est generalissimum, sed vbi diffinitum in textu est huiusmodi; ergo non est generalissimum. Maior est nota. Minor probatur. Quia diffinitum est vbi circumscriptum; ut distinguitur ab vbi diffinitivo, sed datur vbi commune utrique, quod prædicatur de

illis, ut de differentibus specie: ergo supra vbi diffinitum, datur aliud genus.

Respondetur Gilbertum diffinitum tantum vbi circumscriptum, quod est vbi corporale, & secus doctrinam Aristotelis, qui non agnovit vbi diffinitum, & aliam vbi spiritualement in quibus locatur Angeli; & anima separata, de quibus in quarto physicorum, Deo dante, erit sermo, sed in rei veritate, tale vbi non est generalissimum, cum habeat genus supra se, quod est commune ad vbi diffinitum, & circumscriptum; tamen non propterea dicendum est, vbi absolute sumptum, non esse genus generalissimum, quia pro tali collocatur in supremo loco, illud vbi communissimum, cum contineat sub se omnia vbi spiritualement & corporalia, tamquam species subalternas, & sic subire rationem generis generalissimi, & supremi illius coordinationis prædicamenti Vbi.

Obijcies secundo, contra eandem, quod situs non sit genus generalissimum, quia nulla differentia constituitur unius prædicamenti potest constituere aliud, prædicamentum, distinctum ab illo, cuius est differentia, sed situs est huiusmodi, quia est differentia quantitatis permanentis, ut docet Aristoteles c. de quantitate; ergo &c.

Respondetur minorem esse veram de situ, seu positione, ut dicit ordinem partium in toto, non tamen ut dicit ordinem partium totius ad partes loci, quia sic non est differentia quantitatis, sed prædicamenti situs, vel positionis.

Contra instat Magister meus Pater Franciscus à Catharo, quia nullus respectus potest esse differentia absoluti, sed ordo partium ad invicem, & in toto est respectus, ut patet: ergo non potest esse differentia quantitatis, quæ est ens absolutum.

Respondetur, maiorem esse veram formaliter, non tamen circumlocutivè, modo per illum respectum, quem importat ordo partium in toto circumloquimur differentiam accidentalem quantitatis permanentis, ut inquit Tatarus, ab ipso citatus; & hæc est vera mens Doctoris Subtilis in 4. d. 10. q. 1. sub M. vbi dicit positionem, quæ est prædicamentum, præsupponere utique illam, quæ est differentia quantitatis, non esse tamen illam, nec ambas contineri sub positione, illis comuni, ut ipse, respondet, cum ille

respectus potius spectet ad vbi, à quo, secundum Doctorem, specificatur, ut sit vbi corporale, & non diffinitium. Vide eum sub O. & aperte percipies, hanc esse eius mentem.

Obijcies tertio, contra tertiam conclusionem, quia vbi circumscriptum importat respectum, nedum totius locati ad totum locum; sed etiam partium ad partes: ergo includit etiam in se positionem, seu situm. Consequentia patet, per diffinitionem situs. Antecedens patet, quia non potest vbi. cari aliquod corpus, quin, & partes eius dicantur esse in loco.

Respondetur, ex Doctore loco citato, negando antecedens ad probationem, concedo illam, sed nego tales respectus esse indistinctos, quandoquidem inquit Scotus, respectus, quem dicit positio, præsupponit illud; importatum per vbi, ut effectum præuium, sine quo nequiret poni situs illarum partium, in loco, non tamen sunt vnus, & idem respectus, cum fundentur in fundamentis diuersis, ac realiter distinctis, ut diximus Notab. ultimo.

Obijcies quarto, omnes respectus vbi sunt collocandi in prædicamento Vbi; sed respectus, quos dicunt partes locati ad partes loci, sunt partialia Vbi, ergo, sunt in prædicamento Vbi, & sic positio non distinguitur, sed reducitur ad illud. Minor probatur. Quia sicut respectus totius locati ad totum locum est Vbi, totale, ita respectus partium locati, ad partes loci, erunt Vbi partialia.

Respondetur negando minorem, ad probationem nego secundam partem, quia non valet, si respectus totius locati ad totum locum sit vbi, quod respectus partium locati ad partes loci sunt plura vbi partialia, quia non sunt plures respectus, sed tantum vnus, qui consistit in coextensione partium locati, ad partes loci.

Vel dicendum, maiorem esse veram de Vbi totalibus, non de partialibus, quia ista non collocantur in prædicamento vbi; sed positionis, ob rationem iam dictam, in ultimo notabili.

Contra quia, quæ dicunt præsentiam ad locum sunt vera Vbi, sed sedere, stare, iacere, quæ sunt species situs, seu positionis dicunt præsentiam ad locum: ergo sunt vbi. Maior patet, quia de ratione vbi est facere

locatum præsens loco, formaliter. Minor probatur. Quia est prorsus intelligibile aliquem sedere, vel iacere, aut stare, & non habere præsentiam ad locum, in quo sedet, iacet, vel stat.

Respondetur, maiorem esse veram formaliter, non tamen præsuppositiue, modo sedere, iacere, & stare, quæ sunt modi situs, non dicunt formaliter præsentiam ad locum, sed tantum præsuppositiue, quia ut inquit Scotus loco sæpius citato, positio, quæ est prædicamentum, præsupponit in loco respectum importatum per vbi, à quo potest separari, ut patet in Sacramento Altaris, in quo est corpus Christi localiter, præsentialiter, non tamen cum positione, quæ dicitur modus quantitatus, seu respectus partium totius corporis, ad partes loci.

Utrum Quando, & Habitus sint duo Genera Generalissima?

QVÆSTIO III.

Circa constitutionem prædicamenti. Quando nulla est controuersia, siquidem omnes concedunt esse vnum è decem generibus Generalissimis ab Aristotele enumeratis; ceterum in explicanda eius natura dissident Moderni, nedum inter se, sed etiam ab Antiquis, quandoquidem aliqui putant, Quando non dicere aliquid reale intrinsecum, superadditum tempori, vel rei temporali; sed solum denominationem extrinsecam. Ita ex nostris Mastrius, & Bellus hic Disput. VIII. quæst. 12. art. 3. num. 218.

Oppositum nihilominus defenditur communiter à Scotistis, & Thomistis, ut videri potest apud Compluteneses hic q. 4. & Sanchez lib. 6. quæst. 9. vbi multos citat asserentes, Quando superaddere tempori, accidens reale.

Nec minor est controuersia inter Scholasticos loquendo, de Habitu prædicamento, quandoquidem Mastrius, & Bellus loco citato, sequuti Nicolaum Boneri, & Bassolium in 4. d. 11. q. 1. art. 1. videntur extendere prædicamentum Habitus ad omnem habitationem, qua subiectum dicitur habere for-

formam, siue sit absoluta, siue respectiua: unde inferunt omnem vnionem absoluti ad absolutum, qualis est materiæ ad formam, omnes respectus subiecti ad formam, & formæ ad subiectum, & omnem connexionem inter partes ad inuicem, siue sint essentielles siue integrales, spectare ad hoc prædicamentum, & sic, inquit, intelligendum est Aristoteles, cum dicit armatum esse; & calceatum esse, constituere hoc prædicamentum, ut sit sensus, quod vnio, & connexio inter arma, & corpus, inter calceos, & pedes sint modi constitutiu prædicamenti Habitus.

Cæterum opposita sententia (quam vti ludicram, & philosophia indignam desident prædicti Magistri) est verior, & Aristoteli conformior, ut inferius demonstrabimus.

Pro intelligentia igitur, & fundamento verioris sententiæ, circa constitutionem vtriusque prædicamenti. Quando, & Habitus. Primo norandum, quod quando dupliciter accipi potest, ut dictum est de Vbi, scilicet pro quæstiuo temporis, ut quando hæc erunt? Cui respondetur per aliquam differentiam temporis futuri, dicendo, crastina die, vel mense, aut anno sequenti, & sic non accipitur hic, cum sit quoddam sincatælogema, quod per se nihil significat. Alio modo sumitur prout significat tempus, ut patet horam, diem, mensem, annum, lustum, & huiusmodi, & sic facit ad propositum, quod tamen adhuc dupliciter accipitur, scilicet materialiter, & formaliter. Quando materialiter sumptum, non est nisi tempus, & cum tempus sit quantitas, hoc modo spectat, ad prædicamentum quantitatis. Quando formaliter acceptum importat respectum extrinsecus aduenientem temporis ad rem temporalem, vel est conuerso, rei temporalis, ad tempus, ut dictum est in expositione textus, & sic accipitur in proposito. Quando hoc modo sumptum est duplex, scilicet diuisibile, & indiuisibile. Quando diuisibile est respectus temporis diuisibilis ad rem temporalem, vel est conuerso, ut respectus mensis ad rem durantem per mensem. Quando vero indiuisibile est respectus extrinsecus aduenientis instantis indiuisibilis, ad rem instantaneam, vel est conuerso. Et vtrumque est duplex, actiuum, & passiuum, ut diximus in textu, & habent vbi se multas species, & indiuiduas; scilicet horam, diem, mensem, annum, lustum &c. hanc horam,

hunc diem, hunc mensem, hunc annum, hoc lustum, &c. quæ sunt indiuidua. Et quamuis Scotus in primo d. 8. q. 3. sub O. vi. deatur dubitare de speciebus, Quando, dum dicit, prædicamentum quando est generalissimum, quia non habet aliud genus supra se, licet pauca habeat species, aut nullas, tamen cum concedat aliquas, inferendum, esse genus generalissimum, ratione vtriusque respectus, & consequenter, ex speciebus, ac indiuiduis eiusdem, constitui vnum prædicamentum.

Secundo notandum ex Gilberto in textu Habitum dupliciter accipi posse, scilicet materialiter, seu fundamenter aliter, & formaliter. Primo modo importat quodlibet genus indumenti quo totum corpus, vel eius partes vestiri, seu regi possunt. Secundo modo dicit respectum extrinsecus aduenientem vestis, seu indumenti ad corpus vestitum, siue inductum, vel est conuerso, respectum passiuum corporis induti ad indumentum, & sic sumitur in proposito, & habet duas species subalternas; scilicet habitum totius; & habitum partis, exemplum prioris, ut tunica, posterioris, ut calceus, & chirotheca. Habitus totius, habet species, specialissimas scilicet tunicatum esse, loriatum esse, & huiusmodi, indiuidua pariter, hoc tunicatum esse, illud loriatum esse: Eodem modo diuiditur habitus partis. Cum igitur in habitibus assignentur genera, species, & indiuidua, ordinabilia secundum sub, & supra, & detur supremus habitus, in quo, & sub quo continentur omnes habitus, tum actiuum passiuum, dicendum est dari prædicamentum Habitus à cæteris distinctum.

Tertio notandum est ex Scoto in d. 12. q. 2. concl. 1. sub C. quod respectus inhaerentiae accidentis ad subiectum, sicut, & quilibet vnio formæ ad materiam, si est substantialis, vel ad subiectum si sit accidentalis, possunt considerari dupliciter, vel secundum esse transcendens, quod importat omnibus formis, tum prædicamentibus, tum transcendentalibus commune, & sic non spectant ad aliquod determinatum genus, sed reduci possunt ad illa prædicamenta, in quibus reponuntur formæ vnibiles, & sic vnio materiæ ad formam ad prædicamentum substantiæ, quantitatis ad quantitatem, qualitatis, ad qualitatem, & sic discurrendo de omnibus: Vel accipiuntur secundum esse limita.

tum formarum prædicamentaliū. siue sint substantiales, siue accidentales, & sic inquit Doctor, cum sint respectus extrinsecus aduenientes, vel agentis ad formam, aut è conuerso, formæ ad agens, vel formæ ad passum, aut passi ad formam, possunt reponi in prædicamento actionis, si sint vniones actiue, vel passionis si passiuæ.

Quarto notandum, vt colligitur ex eodẽ Scoribid. has vniones, seu respectus posse dupliciter accipi, scilicet effectiue, & formaliter. Primo modo non distinguuntur à respectibus extrinsecus aduenientibus, importatis per actionem, & passionem, & sic considerantur secundum esse limitatum, spectantq; ad prædicamentum actionis, si sint actiuæ, vel passionis, si fuerint passiuæ, quia sic sūt vniones actiuæ, & passiuæ; Secundo modo distinguuntur ab actione, & passione, & non spectant ad aliquod prædicamentũ determinatum, cum sint transcendentales respectus, sed sunt in illis prædicamentis, quorum sunt formæ ab eis denominatæ formaliter. Ex his inferitur, quæ huiusmodi respectus non possunt constituere prædicamentũ Habitũ, cum spectent ad actionem, & passionem si fuerint limitati, vel ad nullũ genus, si cõcipiantur formaliter, quia sic sunt transcendentes, quare dicendũ est prædicamentũ habitũ cõstitui dũtaxat ex respectibus, quos dicunt vestes, seu indumentũ ad corpora, & è conuerso corpora ad indumentũ, seu vestes.

Ex his fit prima conclusio. Quando, & habitus sunt duo Genera Generalissima, inter se realiter distincta. Probatũ prima pars. Primo auctoritate Aristotelis, & Gilberti, vt patet in textu. Secundo ratione, quia prædicantur de pluribus differentiis specie, & non habent aliud genus supra se: ergo sunt genera generalissima. Consequentia patet, per locum à definitione ad definitum. Antecedens etiã est manifestum ex dictis not. 1. & 2. Secunda Pars probatur. Quia quæ habent diuersa genera, & species subalternas sunt diuersa ex Aristotele in Antepædicamentis Tertia Regula: Diuersorũ generũ, &c. sed quando, & habitus sunt huiusmodi: ergo Minor prob. Quia species, & genera quãdo fundantur in quantitate, illa verò habitus in substantia, vt dictũ est: ergo, &c. Consequentia est nota, quia respectus, sortitur naturã extremã, cum igitur extrema vtriusq; prædicamentũ sunt distincta realiter:

ergo, & respectus erunt realiter distincti.

Secunda Conclusio. Quando, & Habitus sunt duo prædicamenta. Probatũ. Quia eorum genera, species, & indiuidua sunt ordinabilia, secundum sub, & supra, vt est demonstratum in not. 1. & 2. ergo sunt prædicamenta. Consequentia tenet, per locum à diffinitione ad diffinitum.

Tertia Conclusio. Habitus prædicamentũ non constituitur ex respectibus vnionis informatiuæ, siue substantialis, siue accidentalis, sed ex respectibus extrinsecus aduenientibus importatis per adiacentiam actiuam vestium ad corpora, vel passiuam corporum ad vestes, seu indumenta. Est cõmunis omnium Expositorum Aristotelis contra Mastrũ, & Bellurũ, & alios ab eis relatos. Prob. 1. pars, quia, vel tales vniones sūt transcendentales, vel limitatæ, & prædicamentales; sed neutrum cogit vt ex illis constitutur prædicamentum habitus: ergo, &c. Maior patet à sufficienti diuisione. Minor probatur. Quia vniones transcendentales nõ spectant ad aliquod genus determinatũ, sed in illo sunt, in quo ponuntur eorum formæ ab ipsis denominatæ: si verò sunt limitatæ, vel sunt effectiuæ, & sic spectant ad prædicamentũ actionis, vel passionis si sint passiuæ: ergo non est cur assignare debeamus illis prædicamentũ Habitũ. Antecedens, & cõsequens sunt nota ex dictis in not. 3. & 4. Secunda Pars probatur, quia Habitus prædicamentũ importat adiacentiam, cũ vt sic distinguatur ab Habitu, vt est Postprædicamentũ, ex Arist. & Gilb. sed vt sæpius demonstratũ est, omnia prædicamenta relatiua, præter Adaliquid, dicunt respectus extrinsecus aduenientes: ergo prædicamentũ Habitũ cõstituitur ex huiusmodi respectibus importantibus adiacentiam, vel actiuam vestium ad corpora, vel passiuam corporum ad vestes.

Obijcies primo, contra primam conclusionem. Quia sicut se habet calefactio actiua ad passiuam, ita quando actiuum ad passiuum, sed calefactio actiua, & passiuæ sunt in diuersis prædicamentis: ergo Quando actiuum, & passiuum erunt in diuersis prædicamentis, & sic non erit vnũ prædicamentum quando, sed duo, sicut actio, & passio.

Respondet, negando maiore, & similitudine, quia in tãtũ calefactio actiua, & passiuæ constitunt duo prædicamenta, in quantum habent, & differentias, & proprietates di-

diuerſas; at Quando actiuum, & paſſiuum; cum conueniant in eiſdem proprietatibus, & differentijs communibus, idcirco non diſtinguuntur tanta diſtinctione, vt poſſint conſtituere duo prædicamenta.

Vel dicendum cum Maſtrio, & Belluto negando paritatem, quia quatuor prædicamenta, ſ. Vbi, & Situs Quando, & Hæbitus, quamuis diuidantur in actiuum, & paſſiuum, nequeunt facere diuerſa prædicamenta, ſicut Actio, & Paſſio, quia non ſunt proprie actiua, & paſſiua, ſed tantum grammatice, & per quamdam ſimilitudinem, vt patet diccundo per ſingula.

Valeat hæc reſponſio, quantum valere poſſet: fateor æquidem argumentum eſſe validum, & non ita facile poſſe assignari rationem, quare potius Actio, & Paſſio conſtituant duo prædicamenta, & non quando actiuum, & paſſiuum, ſed de his ſuſus in phyſicis.

Obijcies ſecundo: Si quando eſſet genus generali ſimul, aut eſſet reſpectus intrinſecus, aut extrinſecus adueniens, ſed neutrum eſt dicendum: ergo non eſt genus generalis ſimul. Maior patet à ſufficienti diuiſione. Minor probatur, non eſſet reſpectus intrinſecus adueniens, quia non n̄ ſurgit ex natura extremorum, ſed facta debita approximatione: Nec extrinſecus adueniens, quia implicat, quod ponatur res temporalis in tempore, & non meſuretur eoſdem; ſed viſe inſurgit reſpectus in loco: ergo non eſt extrinſecus adueniens, quod eſt contra Doctorem.

Reſpondetur negando minorem, ad probationem nego maiorem, & probationem eius, poſſet. n. Deus creare lapidem extrinſeum, & Angelum ipſum moueri, ſed ibi eſſet motus, quia eſt res temporalis, & tamen non eſſet quando reſpectus, quia requiritur approximatō rei temporalis ad vnuerſum, in quo eſt tempus.

Obijcies tertio, contra tertiam conſcluſionem, quia vnio informatiua eſt digna, vt ei assignetur ſpeciale prædicamentum; ſed hoc pequit eſſe præter Habitum: ergo, &c. Maior patet, quia eſt perfectior, quā Actio, & Paſſio; ſed hæc habent proprium prædicamentum: ergo & vnio debet habere. Minor probatur inductiue, non poſſunt ſibi assignari prædicamenta ſubſtantie, quantitatis, vel qualitatis, quia hæc ſunt abſoluta, vnio verò

relatiua. Nec ad aliquid, quia nō reſultat ex natura extre morum, ſed requirit approximationem formæ ad materiā, vel ſubiectū: Non ad actionem, & paſſionem, quia vnio actio, & vnio paſſio, quibus conneſcuntur extrema, ſunt alię ab vnione formali, cū hæc ſit terminus per actionem productus: tunc quia à paſſione dicitur ſubſtantia calefacta, ſed ab vnione caloris dicitur calidum: tum etiam quia à paſſione denominatur ſubiectum pati in fieri, ab vnione verò in facto eſſe. Nec ad vbi, quia vnio informatiua ſuperaddit aliquid maius, quam præſentiaſtas importata per vbi. Nec ad ſitum, ob eandem rationem; reſtat ergo, vt ſpectet ad Hæbitum, cum talis dicat adiacentiam formæ, vel ad materiā, vel ad ſubiectum.

Reſpondetur, maiorem eſſe veram de vnione limitata, non tamen de tranſcendentali; quia talis non eſt reponibilis in aliquo determinato prædicamento. Ad minorem dico ſpectare ad prædicamentum actionis, ſi ſit actiua, vel paſſionis, ſi paſſiua; Ad improbationem, concedo vnionem formalem eſſe aliam ab vnione actione, & paſſione, ſed nego illam ſpectare ad aliquod prædicamentum determinatè, quia cum ſit forma relatiua tranſcendens, eſt reponibilis in illo prædicamento, in quo eſt forma denominata.

Contra quia Auctor ſex Principiorum, exprimendo ea in quibus poſſet reperiri habitus, exemplificat, nedum in veſtibus & corporibus, ſed etiam de formis, & ſubiectis, vt quantum eſſe, album eſſe; ſed eſt certum, iſta imponere vnitatem accidentium ad ſubiecta: ergo, ſignum eſt, vnionem informatiua ſpectare ad hoc prædicamentum.

Reſpondetur habitum dupliciter ſpectari poſſe, vel vt prædicamentum eſt, vel vt poſt prædicamentum, & de vtroque loquutus eſt Gilbertus; de priori, dum dixit, Hæbitus eſt corporum, & eorum, quæ circa corpus ſunt adiacentia, & ſic exemplificauit de veſtibus & corporibus, & non de accidentibus, ac eorum ſubiectis; de poſteriori verò dum dixit, Dicitur autē habere multis modis, & in primo horū collocat habere alterationē, albedinē, quantitatem in ſecundo contentū in continente, vt vinū in vaſe; in tertio annulū in digito, in quarto vxorē in viro, & ſic de ceteris; at quos nō videt hæc nō ſpectare ad prædicamentum habitus, ſed ad habere poſt prædicamentum: ſilicet ergo Maſtrius, & Bellutus

de secundo, & contenti sint de respectibus adiacentiæ indumentorum ad corpora, & è conuerso, nec velint plus sapere, quam oporteat sapere, nè in Magistro desiciant.

Multa alia pertractantur à Recentioribus circa hæc nouissima prædicamenta; an nimirum sint realia, vel rationis tantum;

Vel an sint denominationes intrinsecæ, aut tantum extrinsecæ? vt videri potest apud prædictos Magistros, & Ruuinhic; sed quoniam ex dictis facillimo negotio dissolui possunt, idè breuiteri studentes, consulo omituntur, & èd maxime, quia ferè de omnibus iterum in physicis redibit sermo.

DE POSTPRÆDICAMENTIS. TRACTATVS TERTIVS.



Explicato secundo Tractatu, in quo cum Aristotele, ac Doctore Subtili sufficienter dedimus omnium decem Prædicamentorum doctrinam, nunc, vt huic libro finem imponamus, aggrediendum nobis esset tertium, & vltimum Tractatum, in quo Aristoteles agit de Postprædicamentis, seu de quibusdam Documentis, valentibus, à posteriori ad eorundem Prædicamentorum cognitionem plenè, ac perfectè habendam, quæ sunt quinque, nempe Opposito, Prius, Simul, Motus, & Habere: Caterum, quia horum diuisiones, diffinitiones, & ad quid singula valeant, satis superque dedimus in Summulis Tractat. primo, scilicet, quinta p[er] totam, idè ne idem toties, ac inutiliter repetere contingat, abstinemus in presenti ab Expositione Textus, & quæstiones super eodem agitari solitas cum nostro Subtilissimo Doctore de more examinamus.

De Postprædicamentis.

DISPVATIO X. & VLT.

Utrum Diuisio, ac Natura oppositorum, sit rectè, ac sufficienter assignata ab Aristotele in textu?

QVÆSTIO I.

Circa primam Partem Quæstionis ferè omnes conueniunt cum Aristotele, approbantes diuisionem oppositorum iam factam ab eodem, in opposita Relatiua, Contraria, Priuatiua, ac Contradictoria, quorum sufficientiam peroptinè deducit, etiam Scotus in Prædicamentis quæstion. 38.

Verum oppositum cum Doctore Subtili nobis asserendum est, siquidem in primo d.

11. q. 2. ferè per totam, sed præsertim sub lit. D. præter enumerata genera oppositorum, agnoscit etiam opposita disparata, quandoquidem aliqua sunt impossibilia formaliter, vt albedo, & dulcedo, alia verò etiam subiectiue, vt duæ formæ substantiales. & tamen non opponuntur aliquo prædictorum quatuor modorum, igitur dandum est quintum genus ab illis distinctum, quod Disparatorum oppositorum ab ipso appellatur.

Pro cuius intelligentia, ac fundamento. Primo notandum est, oppositionem esse duplicem, scilicet complexam, & incomplexam prior est repugnantia duarum propositionum participantium vtroque terminum, ordine eodem; de qua Philosophus agit in lib. Perihermenias, & nos in Summulis, Tract. 1. sect. 5. cap. 1. & Tract. 2. sect. 1. posterior verò est repugnantia duorum terminorum non verificabilium de se inuicem, neque de aliquo tertio singulari, simul, & se-

semel, ac respectu eiusdem, & hæc est triplex, scilicet Disparata, relatiua, contraria, priuatiua, & contradictoria, quarum diffinitiones dedimus in Summulis Tractat. 1. sect. 5. cap. 1.

Secundo notandum ex Scoto, in 1. d. 11. q. 2. D. quod oppositio disparata est duplex, scilicet formalis, & subiectiua; oppositio disparata formalis est inter illa, quæ repugnant ad inuicem, seu sunt impossibilia secundum suas rationes formales, vt albedo, & dulcedo, quæ non repugnant in aliquo tertio, cum ambæ reperiantur in lacte, & Sapharo depurato, sed tantum ratione identitatis formalis, cum ratio formalis vnius non sit ratio formalis alterius. Oppositio verò disparata subiectiua est inter illa, quæ dicuntur impossibilitatem, seu repugnantiam ad esse in eodem subiecto, vel supposito, vt duæ formæ substantiales in eadem materia, vel duæ relationes constitutiue in eodem supposito, vt filiaris, & spiratio passiva in diuinis, quæ non sunt composibiles in eodem supposito diuino, sed necessario causant distinctionem realem inter supposita. Hic est sermo de vtrique, quia conueniunt in oppositione disparata in communem, quatenus ab alijs distinguitur.

Tertio notandum ex eodem in 4. d. 49. q. 16 ante lit. C. §. Ad secundum dico, quod aliqua possunt esse repugnantia dupliciter, vel formaliter, vel virtualiter, siue effectiue. Illa virtualiter, seu effectiue repugnant, quorum vnum potest producere effectum contrarium alteri, & sic sol dicitur habere repugnantiam cum frigore, quia potest producere calorem sibi contrarium. Illa verò formaliter repugnant, quæ opponuntur secundum se, & suos effectus, vt album, & nigrum, calidum, & frigidum; siquidem ratio vni us excludit rationem alterius, vt effectus albi, qui est dealbare excludit effectum nigri, qui est nigrefacere, ab eodem subiecto, simul, & semel. Repugnantia autem formaliter sunt in quadruplici differentia, siquidem alia repugnant simpliciter, vt nec per potentiam diuinam possint esse simul in eodem instanti, & talia sunt contradictoria, quorum rationes formales se excludunt, vt nullo modo possint esse simul, vt esse caloris, & non esse caloris, & de hac repugnantia locutus est Scotus in 1. d. 2. q. 9. sub lit. Q. Alia verò formaliter repugnant,

quia non possunt esse simul secundum suas rationes formales, in vnitatem identitatis, neque in vnitatem compositionis per se, & sic disparata repugnant vt puta homo, & lapis, quia hæc est falsa homo est lapis; & e conuerso, lapis est homo, similiter ex eis non potest componi aliquod tertium, quod includat ambas rationes formales disparatas, & talia à Doctore Subt. in primo d. 43. q. vn. sub E. appellantur impossibilia, quia eorum impossibilitas non est in ordine ad subiectum, sed in ordine ad se inuicem, & ad constitutionem vnius per se. Alia verò dicuntur formaliter repugnantia, nedum secundum suas rationes formales, sed etiam secundum suos effectus in ordine ad idem subiectum simul, & in eodem tempore, & sic contraria, vt album, & nigrum, calidum, & frigidum in summo, dicuntur formaliter repugnare, cum sint impossibilia in eodem subiecto, & de his locutus est idem Doctor in 4. d. 1. q. 5. sub F. §. Probat etiam propositum, &c. & in 4. d. 49. q. 16. B. & C. Alia tandem formaliter repugnant, non quia ratio vnius sit impossibilis cum alterius ratione, sed solum, quia se excludunt ab eodẽ, & sic duæ formæ substantiales respectu eiusdem materie, & duæ dimensiones quantitatiue totales respectu eiusdem loci, siquidem non pugnant formaliter, immò conueniunt in eadem ratione formali, sed tantum, quia cum vna expleat capacitatem naturalem, vel materie, vel loci, nequit alteram secum simul admittere; ceterum hæc repugnantia dicenda est potius actiua, seu virtualis, quam formalis, vt aduertit Doctor in locis, proximè citatis, in proposito de dimensionibus. Ex his habetur, quia ratione ingreditur repugnantia in diffinitionibus oppositorum Disparatorum, Contrariorum, & Contradictoriorum, quas dedimus in Summulis, tract. 1. sect. 5. cap. 1. Ex Aristotele, hic cap. de Oppositis.

Quarto notandum ex Maistro, & Belluto hic q. 1. in principio, quod repugnantia, cum ingreditur, tamquam genus, in quamcumque oppositione, est relatio duorum extremorum simplicium, quatenus nequeunt habere identitatem quamdam formalem, aut realem, vel quatenus eidem rei singulari, simul, secundum eandem rationem, & respectu eiusdem nequeunt inesse;

in qua descriptione ponitur relatio, quia diuersitas, & distinctio sunt relationes, at repugnantiæ importat diuersitatem, vel saltem distinctionem, quæ si habeat extrema realia, & realiter existentia, vt repugnantiæ disparatorum, relatiuorum, & contrariorum, est relatio realis simpliciter; si autem alterum est priuatio, vel negatio, vt accidit in priuatiuis, & contradictorijs, est quidem realis, sed non simpliciter, verum tantum secundum quid. Dicitur quatenus nequeunt habere identitatem formalem, aut realem, vt comprehendat disparata, quæ vt diximus in præcedenti, nequeunt vniri aut formaliter, aut realiter ad inuicem, vel in vno per se composito. Additur quatenus eidem singulari, &c. propter disparata, & contraria, quæ possunt vniri vniuersali, vt rationale, & irrationale animali, albedo, & nigredo coloris; Subiungitur secundum eandem rationem, quia res diuisibiles in vna parte potest esse alba, & in alia nigra. Dicitur simul ob contraria; quæ si ponantur in diuerso tempore in eodem subiecto, non repugnant; & tandem ponitur particula respectu eiusdem, propter opposita relatiua, & contradictoria, siquidem idem potest dici pater, & filius respectu diuersorum, similiter idem potest dici calidum, & non calidum respectu diuersarum partium.

Quinto notandum, præter ea quæ diximus in Summulis loco sæpius citato, quod oppositio contradictoria est repugnantiæ duorum extremorum, secundum affirmationem, & negationem infinitantem, absolutè, de eodem, respectu eiusdem, similiter, & eodem tempore non verificabilem, vt homo, & non homo contradicunt, quia opponuntur secundum affirmationem, & negationem infinitantem, quod dicitur ad differentiam negationis priuatiuis, per quam negatur tantum actus, & non apertudo, vt patet in negatione importata per cæcitatem, at negatio infinitans tollit vtrumque; siquidem non homo tollit esse hominis, nedum actum, sed etiam aperturam, & ponit repugnantiam ad esse hominis, vel in lapide, vel in ligno importatis, per ly non homo. Additur ly absolutè, quia negatio, & affirmatio cum aliquo adito non contradicunt, vt homo est per se albus, & per se non albus, quia esse albus, nec per se, nec pariter per se non albus inest, aut negatur

ab homine, alioquin si per se inest albedo, numquam posset esse non albus, id est niger, vel rubeus. Dicitur de eodem respectu eiusdem, quia huius defectu, istæ non contradicunt Petrus est albus, & Petrus non est niger, quia non affirmatur, vel negatur idem prædicatum de eodem Petro, sed aliud, & aliud. Ponitur secundum idem, quia defectu huius particule, istæ non contradicunt, Petrus est albus secundum dentes, & est non albus secundum faciem. Subiungitur illud aduerbium similiter, quia si diuersimodè accipiat subiectum, vel prædicatum non contradicunt, vt hic homo in communi est species, & homo in particulari non est species, quia in affirmatione ly homo supponit simpliciter, & in negatione personaliter. Dicitur tandem eodem tempore quia in diuerso tempore non est contradictio, vt hic mea manus nunc, est clausa, & ante non erat clausa quia in prima respicit tempus præsens, & in secunda præteritum.

Sexto Notanda sunt omnia, quæ de distinctione, & diuisione in communi diximus, in Summulis tract. 1. sect. 3. cap. 1. & 3. Insuper, quæ adnotauimus in eodem tract. sect. 5. c. 1. circa primum Postprædicamentum, huc enim reducenda sunt, & ad propositum applicanda, vt ex illis probare possumus, & bonitatem diuisionis oppositionis, ac eius sufficientiam, & rectitudinem definitionum cuiuslibet oppositionis in particulari.

Ex his sit prima Conclusio. Oppositio in communi non est sufficienter diuisa ab Aristotele in textu, in illas quatuor oppositiones, scilicet relatiuam, contrariam, priuatiuam, & contradictoriam. Colligitur ex Doctor. Subril. in primo sent. dist. 11. quæst. 2. sub lit. D. Probatur. Quia Diuisio, cuius membra diuidentia non euacuant diuisum non est bona, neque sufficienter assignata, sed illa quatuor membra oppositionum non euacuant oppositionem in communi ergo non est sufficienter assignata. Minor patet, per secundam conditionem requisitam ad bonam diuisionem. Minor probatur, quia albedo, & dulcedo in lacte; similiter duæ relationes disparatæ opponuntur formaliter, cum habeant diuersas rationes formales; sed tales non opponuntur aliqui prædictarum oppositionum; ergo prædictæ

oppositiones non euacuant oppositionem in communi. Minor probatur inductiue in omnibus non enim opponuntur relatiue, quia albedo, & dulcedo sunt qualitates, quæ sunt etiam absoluta: Nec relationes disparatæ, cuiusmodi sunt filiatio, & spiratio passiuæ in diuinis, vt patet: Nec contrarietæ, quia non se excludunt ab eodem subiecto, sed sunt simul in eodem lacte. Nec priuatiue, aut contradictoriæ, quia alterum membrum non est priuatiuum, vel negatiuum, sed ambo positiua: ergo dicendum est opponi alia oppositione ab illis quatuor distincta, & consequenter illas non euacuare oppositionem in communi, quæ est diuisum.

Secunda Conclusio. Oppositio in communi est sufficienter, & adæquatè diuisa in oppositionem disparatam, relatiuam, contrariam, priuariam, & contradictoriam. Est Scoti, quinto Methaphysic. in Expositione cap. 10. num. 78. & in primo sentent. d. 11. quæst. 2. sub D. & in logic. hic quæst. 38. & probatur eam sufficientiam ab ipso in quinto Methaphysic. loco citato sic, quia opposita, vel ponunt se, vel excludunt se; si primo modo sic sunt opposita relatiua, quæ ratione mutue dependentiæ simul sunt, & non sunt, hoc est posita se ponunt, & perempta se perimunt; si secundo modo, vel vtrumque extremum ponit aliquid, vel nihil; vtrumque extremum ponit aliquid, vel continentur necessariò sub vno, & eodem genere, & sic sunt contraria, vel posunt esse diuersorum generum; aut si sunt eiusdem generis opponuntur tantum secundum suas rationes formales, & sic sunt disparata. Vel si vtrumque extremum non est positiuum, sed alterum negatiuum, vel dicit negationem simpliciter, & sic sunt contradictoria, vel dicunt negationem in subiecto apto nato, & sic sunt opposita priuariue; cum igitur non inueniatur aliud genus oppositionis, sequitur oppositionem in communi esse sufficienter, & adæquatè diuisam in illa quinque genera oppositionum. Secundo probatur, ex Tertio Notab. Quia omnia opposita propriè dicta sunt formaliter repugnantia, vel ergo repugnant simpliciter respectu cuiuscumque potentie; & hoc dupliciter vel vtrumque eorum repugnantium, est positiuum, vel alterum simpliciter negatiuum; si

dicatur primum, sic sunt opposita disparata, quæ pugnant ad inuicem, in ordine ad quamcumque potentiam; si detur autem secundum & sic sunt contradictoria; si autem non repugnant simpliciter hoc potest contingere dupliciter vel ambo sunt positiua, vel alterum est priuatiuum. Si ambo sunt positiua, vel vnum dicit mutuum dependentiam ad aliud, & sic sunt relatiua; vel repugnant cum dependentia ad aliquod tertium, scilicet ad subiectum, & sic sunt contraria, quæ mutuo se expellunt ab eodem subiecto, cui nata sunt successiue in esse: Si tandem alterum repugnantium est priuatiuum, & alterum positiuum; & sic sunt opposita priuariue, cum ergo non inueniatur aliud genus repugnantie formalis, sequitur quod oppositio sit sufficienter, & adæquatè diuisa in ista quinque membra.

Tertia Conclusio. Diffinitiones quatuor oppositorum, quas recensuit Aristoteles in textu, sunt bene, & sufficienter assignatæ. Probatur. Quia omnes explicant naturam huiusmodi oppositorum per genus, & differentiam; ergo sunt bonæ, & sufficienter assignatæ. Consequentia patet, ex Aristotele septimo Methaphysic. t. com. 43. Antecedens probatur. Quia in omnibus ponitur repugnantia formalis, tamquam genus, cum prædicetur de repugnantibus relatiuis, contradictorijs, contrarijs, & priuarijs, siquidem omnia repugnant formaliter, vt patet ex Not. secundo, & tertio. Minor probatur, quia relatiua repugnant cum dependentia mutua vnius ad aliud, per quam differt à cæteris, quæ carent tali dependentia, non enim posita se ponunt, & perempta se perimunt, sicut relatiue opposita, vt patet discurrendo per singula. Differunt etiam contraria, quia mutuo se expellunt ab eodem subiecto, cui positiue nata sunt successiue inesse, quod non contingit in alijs, quæ non respiciunt subiectum, vel si respiciunt, non sunt ambo positiua. Differunt insuper priuariue opposita à contradictorijs, quia ista dicunt negationem vnius de alio cum aptitudine in subiecto, contradictoria verò se excludunt simpliciter ab eodem simul, pro quolibet etiam instanti, absque aptitudine ad illud; ergo cum quolibet diffinitio horum opposi-

torum habeat genus, & differentiam propriam, sequitur, quod sit bona, & sufficienter assignata.

Quarta Conclusio. Diffinitio disparatorum etiam est bona, & sufficienter assignata. Probatur, quia expendit naturam disparatorum per genus, & differentiam: ergo est bona, & sufficienter assignata. Consequenter patet, ex Philosopho septimo Metaphysic. l. c. 43. ubi in diffinitione nil aliud requirit præter genus, & differentiam. Antecedens probatur: Quia opposito disparata est repugnantia duorum extremorum, siue sit substantiæ, siue accidentiæ; siue absoluta, siue respectiva; siue continentur sub eodem, siue sub diuersis generibus, quorum alterum de altero nequit verè prædicari, aut formaliter, aut realiter; sed in hac diffinitione continentur genus; & differentia; ergo expendit naturam disparatorum per genus, & differentiam. Maior colligitur ex diuersis locis Scoti, sed præsertim ex distinct. 11. primi sent. q. 2. Minor probatur. Quia ly repugnantia gerit locum generis, cum in ipsa conueniant omnes oppositiones, ut dictum est superius. Aliæ autem particule tenent locum differentie; siquidem per illas distinguuntur disparata à cæteris oppositis, quia oppositio relatiua est tantum inter accidentia; relatiua, contraria verò, inter absoluta, id est inter qualitates, quæ continentur sub eodem genere, priuatiua tantum inter habitum, & priuationem, & contradictoria inter affirmationem, & negationem, quæ cum non sint positiua, sub nullo genere continentur; ergo per talem diffinitionem disparata manifestantur differentia à cæteris oppositis, ac proinde expenditur eorum natura per genus, & differentiam.

Obijciunt tamen primo, contra primam conclusionem, quia omnis oppositio, aut est positiua, aut negatiua, si positiua, aut dicit mutuam dependentiam vnius ad aliud, & sic est relatiua; aut non dicit dependentiam, sed vnum expellit aliud, & sic est contraria: si verò sit negatiua, aut extremum negatum connotat aptitudinem in subiecto, & sic est priuatiua, aut non connotat, & sic est contradictoria, cum igitur non reperiatur alius modus oppositionis: ergo diuisio data in ista quatuor membra,

est sufficiens.

Respondetur negando minorem, immò sub oppositione positiua continentur non tantum relatiua, & contraria, sed etiam disparata; vnde sufficientia illa de oppositione positiua supplenda est hoc modo, si verò alterum extremorum non dependet ab alio, aut ambo sunt qualitates, contentæ sub eodem genere, & maxime distantes, & ab inuicem se expellentes ab eodem subiecto, & sic est oppositio contraria, aut non sunt qualitates, sed vel substantiæ, vel quantitates, aut relationes, etiam diuersorum generum, quarum vna excludat aliam formaliter, vel realiter, & sic est oppositio disparata; patet enim quod albedo, & dulcedo in lacte opponuntur formaliter, & non contrariè, quia sunt in eodem subiecto simul, nec relatiuè, quia sunt qualitates; ergo disparatè.

Obijciunt secundo. Quia sequeretur Aristotelem fuisse diminutum in assignandis oppositionibus, siquidem hic, & 5. metaph. cap. de oppositis, meminit tantum harum quatuor oppositionum: ergo de mente eius, vel non datur oppositio disparata, vel si sit admittenda, dicendum est fuisse diminutum illam omittendo.

Respondetur negando sequelam maioris, siquidem in assignatis locis cum defecisset opposita tantum in ordine ad subiectum, ut patet ex verbis, eiusdem 5. Metaph. cap. de oppositis, ubi inquit quæcumque suscepimus aiborum non coniungit simul adesse, hæc opponi dicuntur, & talia sunt tantum quatuor recensita, non debuit meminisse oppositorum disparatarum, quæ opponuntur tantum formaliter, & non in ordine ad susceptiuum: nec inde inferri potest non esse admittenda opposita disparata, cum eorundem meminerit in eodem capite sub nomine contrariorum, quæ sunt diuersa specie, & exemplificat de homine, & equo, qui opponuntur disparatè.

Obijciunt tertio contra secundam conclusionem, omnis bona diuisio debet dari per opposita; sed diuisio oppositionis in relatiuam, contrariam, priuatiuam, & contradiCTORIAM non est huiusmodi: ergo non est bona. Maior est Boetij in lib. de Diuisionibus. Minor probatur, quia oppositiones non sunt oppositæ, sed relatiuæ, contrariæ, priuati-

ti-

tiua, & contradictoria sunt oppositiones : ergo, &c. Maior probatur, quia si essent oppositæ: ergo per alias oppositiones, & istæ per alias, & sic daretur processus in infinitum.

Respondetur maiorem esse veram de oppositione disparata, quia vnum membrum diuisionis nequit prædicari de alio, vel formaliter, vel realiter, non tamen loquendo de aliqua illarum quatuor oppositionum, quia sic certum est illas quatuor oppositiones non esse oppositas aut relatiuæ, aut contrariæ, aut contradictoriæ, esse tamen oppositas disparatæ, quia ad inuicem se excludunt formaliter, & realiter, vt patet ex suis definitionibus.

Contra, quia vnum membrum dictæ diuisionis sequitur ad aliud: ergo non opponuntur disparatæ, nec diuisio est sufficiens ex Philosopho 10. Meth. c. 15. Antecedens probatur. Quia valet ista consequentia album, & nigrum opponuntur contrariæ: ergo, & contradictoriæ. Consequentia probatur. Quia album, & non album, nigrum, & non nigrum opponuntur contradictoriæ: sed album est non nigrum, & nigrum est non album: ergo si album, & nigrum opponuntur contrariæ, & etiam contradictoriæ, contradictoria oppositio infertur ex contrariâ, & sic vnum membrum, sequitur ad aliud, ac proinde diuisio oppositionis est insufficiens.

Respondetur, negando antecedens, ad probationem, dico minorem esse veram per accidens, pro quanto vnum contrariorum connotat negationem alterius, non tamen per se, quia contraria sunt ambo positiua, contradictoria verò habent alterum extremum negatiuum, vnde album per se, est tantum album, & non nigrum, & nigrum tantum nigrum, & non album, licet per accidens alterum alterius connotet negationem, quare contradictoria, tantum per accidens consequuntur ad contraria, at per se disparata sunt.

Obijcies quarto, contra tertiam conclusionem, quia relatiuæ oppositæ dicuntur de eodem, siquidem idem potest dici simile, & dissimile, magnum, & paruum, comparatum ad diuersa: ergo non sunt oppositæ; consequentia patet, quia secundum Aristotelem quinto Methaphysic. cap. de oppositis, &c. omnis oppositio fit circa idem

susceptiuum cui opposita nata sunt in e-

Respondetur antecedens, & eius probationem esse veram si comparantur ad diuersa, quia vnum corpus dicitur paruum comparatum ad aliud maioris magnitudinis, & magnum respectu alterius, quo habeat minorem magnitudinem; ceterum sic comparata licet sint relatiua, non tamen relatiuæ oppositæ, cum oppositio sit ad idem.

Obijcies quinto, contra quartam conclusionem oppositio disparata prædicatur de quatuor oppositis ab Aristotele enumeratis: ergo non constituit secundum membrum ab alijs distinctum. Consequentia patet, quia genus non venit in numerum suorum specierum, cum includatur potentialiter in illis. Antecedens probatur. Quia opposita relatiua, contradictoria, contraria, & priuatiua ad inuicem comparata sunt disparata, cum de se inuicem prædicari nequeant: ergo oppositio disparata prædicatur de illis.

Respondetur Antecedens, & eius probationem habere veritatem de oppositione disparata, vt modus, non tamen, vt quid, quia vt sic non prædicatur de cæteris, sed est vna species contenta sub oppositione in communi à cæteris formaliter saltem distincta; vnde in hoc sensu negatur consequentia, ad cuius probationem dico verum esse de genere sumpto, vt quid, falsum, vt modus, vt patet de genere applicato vniuersali in communi, quod tamen venit in numerum cum cæteris vniuersalibus, sumptum in ratione speciei vniuersalis in communi.

Obijcies sexto. Contraria non necessariò sunt eiusdem generis ex Aristotele, hic in quarta proprietate contrariorum, & 5. Meth. cap. de oppositis. Contrarijs, & Diuersis, & decimo Methaph. cap. 9. vbi exemplificat de bono, & malo, de iusto, & iniusto, de corruptibili, & incorruptibili, quæ sub diuersis generibus continentur: ergo contraria coincidunt cum Disparatis, quæ non necessariò sunt eiusdem generis, vt diximus in probatione quartæ Conclusionis.

Respondetur ex Scoto in prædicamentis in Expositione quartæ proprietatis contrariorum, contraria esse duplicia, scilicet li-

mitata, & ista spectant ad idem genus prædicamenti qualitatibus, ut album, & nigrum ad colorem, amarum, & dulce ad saporem, calidum, & frigidum, humidum, & sicum ad qualitatem sensibilem, inferentem passionem vocanturque propriè contraria. Alia verò sunt transcendentia, quæ consequuntur ens, ut sunt bonum, & malum, iustum, & iniustum, & cætera huiusmodi, & hæc spectant ad diuersa genera sicut ens reale, quod sequuntur, dicunturque abusuè contraria, cum in rei veritate opponantur priuatiuè, malum .n. importat priuationem boni, & iniustum iusti, seu iustitiæ. Modo Aristoteles cū dixit contraria posse contineri sub diuersis generibus, intellexit de contrariis transcendentibus, non de limitatis, quinimò hæc necessariò coarctat ad idem genus proximum, ut videri potest, hic in diffinitione contrariorum, & 10 Meth. c. 24. & 5. Meth. loco sæpius citato.

Vel citandum, Aristotelem fuisse locuturū de genere moris, vel de genere physico, siquidem malum, & bonum, iustum & iniustum, continentur sub diuersis generibus moralibus, & corruptibile, & incorruptibile, differunt genere physico, & non logico; ut alibi diximus, cum Aristotele in 10. Meth. c. 9. Modo hic nos loquimur de genere logico, cum dicimus contraria respicere idem genus, disparata verò posse contineri sub diuersis, ut homo, & lapis, scientia, & planta, ac cætera huiusmodi.

Virum Modi, Prioris, Posterioris, ac simul sint sufficienter enumerati ab Aristotele in textu ?

QVÆSTIO II.

Circa numerum horum modorum null. Ista est controuersia, omnes .n. conueniunt fuisse enumeratos ab Aristotele, si nō omnes, saltem eos, qui sufficienter iuuant ad cognitionem prædicamentorum, & sunt quinque; Prioris, & Posterioris. s. prius, & posterioris tempore, natura, ordine, honore, causa & effectu; simul verò tres .s. natura, tempore, & diuisione, quorum omnium diffinitiones vidimus in Summulus tract. 1. sect. 3. ca. 2. & 3. Cæterum in explicanda prioritate naturæ dissident ad inuicem Scot. siquidem aliqui dicunt prioritatem, naturæ dicere

du taxat præsuppositionem huius ab hoc in alteritate naturæ, & idè negat ordinem naturæ inter diuinas personas, quia licet vna præsupponatur ab altera, siquidem Pater præsupponitur à filio, & Pater, & Filius præsupponuntur à Spiritu Sācto, tum, quia sunt omnes in eadem natura diuina, vna, persona nequit dici prior altera natura, sed tantum origine. Ita docet Io. Canonicus in 1. Phys. q. 4. art. 2 & videtur sequi etiam Nicolaus Bonet. lib. 6. suæ Meth. c. 2. Alij verò ut Anton. Trombetta in Formalit. art. 4. de identitate, & distinctione reali, Franciscus Aret. ibid. §. quo ad tertium Faber in 1. disp. 25. n. 21. & Io. Dudson in Form. loc. cit. probant ordinem, seu prioritatem naturæ, non tantum præferre præsuppositionem vnius ab alio, sed etiā versari inter extrema, quorū prius sit in aliquo signo positiuo, in quo non sit posterius. Tandem alij censent totā controuersiam esse potius de nomine, quam de re, quod clare demonstrant ex diuersis acceptionibus prioritatis naturæ. Ita Mastr. & Bellut. hic disp. 9. q. 2. art. 1. quod an sit verum, & nobis probetur, inferius dicemus.

Pro totius quæstionis intelligentia, ac huius litis diremptione. Primo notandum est ex Philosopho 5. Meth. c. 16. & ex Doctor. Subt. ibid. quod prius dicitur illud, quod est primo propinquius, posterius verò, quod est ab illo remotius, & sic cum inter omnia entia creata ponatur primus in substantia quia in eadem saltem vltimatè subiectatur omnia accidentia, ordinatè tamen; possumus dicere quantitatem esse priorem qualitate, cum propinquius illa, hæc verò remotius adhæreant substantiæ; & sic prius diffinitum diuiditur ab eodem Aristotele in priora secundum quantitatem, secundum rerum cognoscibilitatem, & secundum substantiam, seu quiditatem; & hæc omnia iterum subdividit, nempe in priora secundum quantitatem continuam, & discretā; priora secundum quantitatem continuam in priora secundum locum, & tempus, & secundum motum, similiter priora secundum cognitionem, partiuntur in priora, secundum cognitionem sensitiuam, & intellectuam, illa, dicitur esse singularia, ista verò vniuersalia. Tandem diuidit priora secundum entitatem, & quiditatem, quæ dicuntur priora secundum naturam, de quibus in sequentibus erit sermo, de reliquis verò agemus in Physicis,

licis, & præsertim in quæst. de primo cognito; pro nunc autem sufficiat illa innuisse.

Secundo notandum est prioritatem, & posterioritatem præferre habitudinem quamdam, illam prioris ad posterius, vt subiecti ad accidens, hanc verò posterioris ad prius, vt accidentis ad subiectum. Vtraque tamen est quintuplex. scilicet prioritas, & posterioritas temporis, nature, ordinis, honoris, vel dignitatis, & causalitatis, de quibus omnibus sufficienter egimus in libro Summularum tract. 1. sect. 5. ca. 2. quare nō inanis repetitio grauet legentem, hic silendam duximus, & illuc remittimus lectorem.

Tertio notandum est ex Doct. Sub. in 2. d. 1. q. 2. A. aliquid posse dici prius natura alio dupliciter. scilicet priuatione, & positioe. Illud dicitur prius natura alio priuatione, quod secundum se non conuenit alicui secundum suam entitatem, in aliquo priori, conuenit tamen, & inesse illi, nisi per aliud impediretur, & sic priuatio in materia dicitur esse prius natura, quam forma inducenda, tū quia materia intelligitur esse prius sub priuatione, quā sub forma, tum etiam, quia semper sibi inesset, nisi ab aliquo agere induceretur forma opposita, exemplum sit de materia ligni, & forma ignis; Illud verò est prius natura altero positioe, cuius entitas intelligitur prius in esse alicui, quam entitas illius, quod dicitur posterius, & sic in homine, animal dicitur esse prius natura rationali, in cōposito, prius natura intelligitur esse substantia, quā accides, similiter in toto per se intelligitur prius natura materia, quam forma; & illa priora secundum Arist. 5. Meth. t. c. 16. diffiniuntur esse, quæcumque contingunt esse sine alijs, & alia non sine his, illa dicuntur priora secundum naturam, quibus quantum est de se nō repugnat esse sine suis posterioribus, nō tamen ē conuerso posteriora possunt esse sine prioribus, & sic omnia superiora dicuntur esse priora secundum naturam suis inferioribus, non tamen ē conuerso, quia licet superiora sint de conceptu quiditatio suorum inferiorum, non tamen ē conuerso, vt patet. Dicitur etiam norant quantum est de se, propter subiectum, & passionem Deum, & creaturæ dependentiam ad ipsum, quia licet ratione identitatis realis creatura nequeat esse, quin depēdeat ad Deum, & subiectum non possit esse sine sua passione, tamen non sibi repugnat esse sine illis, quia sicut passio

non est de quiditate subiecti, sic nec dependentia, quam dicit creatura ad Deum, est de conceptu formali eiusdem.

Quarto notandum est, vt colligitur ex Doct. Sub. in 1. d. 7. q. vn. in fin. & in 3. d. 2. q. 2. sub H. & l. & in 2. d. 25. q. vn. ad 3. pro opi. quod prioritas nature est duplex inconuertibilitatis secundum cōsequentiā, & causalitatis. Prioritas inconuertibilitatis est inter illa in quibus non cōuertitur subsistendi cōsequentiā dū arguitur, ab est 2. adiacente, ad est secundum adiacens, vt si homo est, animal est, non tamē ē cōuerso si animal est, ergo homo est, quia posset esse asinus, vnde infertur quod animal sit prius natura homine, & cæteris inferioribus. Prioritas verò causalitatis est duplex, scilicet causalitatis formalis, & virtualis. Prioritas adhuc est duplex, scilicet physica, quæ reperitur inter causam, & effectum physicū, siquidē entitas effectus præexigit inesse entitatē causæ, vt patet de calore, & igne; & metaphysica; hæc inuenitur inier subiectū, & eius passionē; siquidē risibiles est posterior natura homine, cum pullulet ab eius principijs quiditatis, vt à causa metaphysica. Prioritas tādē causalitatis virtualis est inter illa, quæ se præexigūt in causando, seu operando, & sic dicimus sensū esse priorem natura intellectu, & intellectu volūtate, quia sicut hæc in sui operatione dependet ab operatione intellectus saltē ostēditur, cū nihil sit volūtū, quin sit præcognitū, ita ille præsupponit sensum, siquidem (saltem pro statu illo) nihil est in intellectu, quin prius fuerit in sensu.

Quinto notandum ex eodem Doct. Sub. hic q. 43. §. Ad quæstionem dicendum, &c. quod modi Prioris, & Posterioris, non sunt omnes enumerati hic ab Arist. cum manifestum sit ex 5. Meth. c. de Priori plures esse, quam quinque; sed tantum recensuit illos, qui faciunt ad propositum ostendendum, nimirum quomodo se habeant prædicamēta ad inuicē, & similiter ea, quæ ponuntur in vno & pluribus prædicamentis, quem ordinem seruare teneantur, at certum est hos quinque nodos sufficere; siquidem substantia est prior tempore, natura, ordine, dignitate, & causalitate cæteris prædicamentis, vt tradit Aristoteles septimo Methaphysic. t. 4. similiter quodlibet superius est prius natura suis inferioribus, & genus speciebus, valet n. conuentia arguendo ab est iccū. do adiacente ad est secundum adiacens de inferiori-

riori ad superius, sed non è conuersò, vt dictum est etiam in præcedentibus. Insuper substantia in composito per accidens est prior, quam accidens; deinde est honorabilior omnibus accidentibus, & eorumdem causa; igitur hi quinque modi prioris, & posterioris sufficiunt ad intentum Philosophi, ac proinde non debuit alios recensere.

Sexto notandum est, Aristotelem in textu enumerasse dumtaxat tres modos similitudinis, scilicet temporis, naturæ, & diuisionis, etiã multo plures esse possint sicut dictum est de modis prioris, & posterioris, quibus opponuntur, quia & in his respexit tantum ad eos qui erant necessarij ad cognitionem prædicamentorum habendam; at certũ est ex illis tantum tres modos enumeratos sufficere; quandoquidem per primum modum indicatur ordo passionum cum suis subiectis, vt nimirum simul tempore incipiant, & coexistant, non tamen simul natura, cum subiectum sit prius natura sua passionem. Per secundum verò ostenditur vna proprietates relatiuorum, vt dicantur ad conuertentiam, & alterum alterius non sit causa; siquidem, vt inquit Scot. in 1. d. 28. q. 3. sub F. vnum nequit esse sine alio, absq; contradictione, & hoc ab intrinseco posita n. se ponunt, & perempta se perimunt, ex quo inferitur similitudo naturæ inter illa. Per tertium tandem demonstratur ordo, quem tenent differentie laterales in vnoquoque prædicamento, quia sunt simul diuisione, & constitutione; siquidem rationale, & irrationale simul diuidunt animal, & constituunt species hominis, & bruti; & quamuis vna differentia possit esse, in dignitate, & perfectione, prior altera vt aduertit idẽ Duct. Subt. loco cit. sub lit. G. ex Aristotele 4. Meth. t. c. 30. siquidem vna species est dignior, & perfectior altera, tamen quodam munus diuisionis, & constitutionis nõ datur prioritas inter illas, sed sunt simul. Ex quibus inferitur, quod cum prædicti modi sufficienter indicent intentum Aristotelis, indicare, scilicet similitudinem, & passionum cum subiectis, & relatiuorum inter se, & differentiarum in vnoquoque prædicamento, non debuissent alios similitudinis modos recensere, quamuis plurimè essent.

Ex his sit prima Conclusio. Postprædicamentum prioritatis, & posterioritatis est assignatum ab Aristotele in

textu, quo ad illos quinque modos. Probat. Quia illud est conuenienter assignatum, quæ sufficit ad aliquod propositũ ostendendum non n. sunt multiplicanda entia sine necessitate, ex Aristotele 1. Physicorum, sed modi prioris, & posterioris assignati sufficiunt ad propositum Aristotelis: ergo sunt conuenienter assignati. Minor probatur. Quia idẽ Aristoteles subiunxit hoc postprædicamentum, vt melius innotescat ordo substantiæ ad cætera prædicamenta, & eorũ omnium, quæ directè ponuntur in vnoquoque prædicamento, vt patet ex litera; sed hi quinque modi contenti in hoc postprædicamento, sufficienter demonstrant talem ordinem; ergo, &c. Minor probatur, quia secundum Aristotelem 7. Meth. t. c. 4 substantia, ita ordinatur ad cætera prædicamenta, vt sit prior illis, tempore, natura, diffinitione, dignitate, & causalitate, insuper ea, quæ directè ponuntur in vnoquoque prædicamento, sic se habent, quod superius est prius natura quocumq; inferiori; sed tales ordines sufficienter exprimuntur in his quinque modis prioritatis, & posterioritatis, vt probatum est Not. 5. ergo postprædicamentum prioritatis, & posterioritatis in his quinque modis expressum est bene, & conuenienter assignatum ab Aristotele in textu.

Secunda Conclusio. Prioritas, & posterioritas naturæ, non tantum dicunt præsuppositionem vel postpositionem alterius ad alterum, sed innuunt aliqua signa naturæ, à parte rei, in quibus possit esse illud, quod dicitur prius, & non sit posterior. Ita Doctores citati, pro secunda opinione, contra primam. Probat. 1. ex Aristotele 5. meth. t. c. 16. c. de Priori: Priora secundum naturam sunt quæcumq; contingunt esse sine alijs, & alia non sine his. i. quorum vni non repugnat esse sine alio, saltem quoad esse suum quiditatu: ergo quantum est de se prius potest esse sine posteriori, & sic esse in aliquo signo, in quo non est posterius. Confirmatur ex eodem 7. Meth. t. c. 3. & 4. Substantia est prior accidente, natura, tempore, & diffinitione, & per hoc probat Philosophus posse separari ab omni accidente: ergo secundum eundem prius natura est in aliquo signo, in quo non est posterius, alioquin non posset intelligi hæc separabilitas. Secundo probatur ratione quæ locum recondantur à parte rei duo, quorum vni non re-

pu.

pugnare esse in eodem instanti temporis sine alio, necesse est ponere aliquod signum, seu instans naturæ in quo sit prius, & non sit posterius; sed in eodem instanti temporis datur subiectum, & eius passio, ut homo, & risibilitas, & tamen in aliquo priori non repugnat homini esse sine risibili, cum risibile non pertineat ad eius esse quiditativum; ergo necesse est ponere aliquod signum, seu instans mensurans hominem, in illo priori secundum esse quiditativum, in quo non mensureretur secundum esse risibilitatis. Maior patet. Quia instans temporis non est diuisibile, nisi in instantia naturæ. Minor probatur. Quia intellectus concipit in aliquo priori hominem secundum quod est animal rationale tantum, non concipiendo ipsum risibile: ergo in illo priori nulla est repugnantia, ut esse non possit absque risibilitate, ac proinde cogimur ponere aliquod signum naturæ, in quo sit prius, & non sit posterius.

Tertia Conclusio. Controversia ista inter Scotistas de prioritate naturæ, non est tantum de nomine, ut asserunt Maius, & Bellutius, sed reuera de realitatibus à parte rei existentibus. Probatur. Quia in tantum isti Magistri docent esse controuersiam de nomine, in quantum putant reperiri ordinem naturæ, qui dicat tantum præsuppositionem huius ab hoc; sed hoc est falsum; ergo, & id ex quo sequitur. Maior patet ex eorum dictis loco citato sub n. 31. §. Ex his faciliè resolui potest controuersia illa superius innuata, &c. Minor probatur. Quia si quis ordo reperiri possit, qui dicat tantum præsuppositionem huius ab hoc, maximè esset inter intellectum, & voluntatem, & inter intellectum, & volitionem, ac inter sensum, & intellectum, in quibus non est ordo causalitatis, sed tantum præsuppositio eff. Et ut ad effectum ordinatum, ut docet Scotus in secundo d. 25. q. vn. sub lit. O. sed hoc non impeditur quia, & si inter illos non sit ordo causalitatis formalis, ut bene probat Doctor citatus, est tamen ordo causalitatis virtualis, & sine qua non: Tum etiam, quia concessio, nullum adesse ordinem causalitatis, tamen negari non potest, quin sensatio sit in aliquo priori naturæ, quam sit intellectio, & hæc in alio priori naturæ, quam sit volitio: ergo his omnibus non obstantibus dantur signa in quibus, inter sensum, &

intellectum, & inter sensationem, & intellectum, similiter inter intellectum, & voluntatem, & inter intellectum, & volitionem, & non tantum præsuppositio vnus ad alterum.

Quarta Conclusio. Postprædicamentum simultatis est bene, & conuenienter assignatum in illis tribus modis enumeratis in textu. Probatur. Quia hoc postprædicamentum est positum, ad ostendendum, quem ordinem seruauit inter se subiectum, & passio, relatiuum, & correlatiuum, & differentie laterales cum suis generibus, & speciebus, sed certum est subiectum, & passionem esse simul tempore, relatiuum, & correlatiuum, simul natura, & differentias simul diuisione, ac constitutione: ergo hi tres modi sufficiunt, ad hoc postprædicamentum constituendum. Minor, & etiam maior, sunt manifestæ ex dictis not. 6.

Obijcies primo contra primam conclusionem ex Doct. Subt. q. 43. in Prædicam. Modi prioris, & posterioris sunt multo plures, quam quinque ex Aristotele 1. Meth. c. de Priori, ubi assignantur priora secundum locum, cognitionem, & secundum motum, quæ in his non continentur: ergo postprædicamentum prioris, & posterioris per hos quinque modos, non est bene, & sufficienter assignatum.

Respondetur negando consequentiam, quia hic assignantur modi prioris, & posterioris, in quantum sunt passionem prædicamentorum, & eorum quæ in prædicamentis collocantur, & hi ad propositum ostendendum sufficiunt iam enumerati, ut diximus not. 5. Cæterum 5. methap. recensuit priora, & posteriora, ut sunt passionem entis, & idem plura enumerauit, quam quinque, & ab illis diuersa, iuxta diuersitatem entium, in quæ paritur ens.

Obijcies secundo, contra secundam conclusionem Si prioritas naturæ diceret esse in aliquo signo, in quo non sit posterioritas, & non sufficeret præsuppositio huius ab hoc sequeretur in eodem instanti temporis in diuisibili, posse dari contradictoria, sed hoc est impossibile, quia contradictoria non possunt esse simul ex Philosopho, primo Post. & 5. Meth. & in Postprædicamentis e. de oppositis: ergo &c. Sequela maioris probatur. Quia verum est dicere in primo signo naturæ est prius natura, & non est posterius,

rius, & ambo sunt in eodem instanti temporis: ergo in eodem instanti temporis sunt simul prius, & non prius, posterius, & non posterius, & sic contradictoria.

Respondetur concedendo sequelam maris cum sua probatione, quia ponendo eiusmodi signa naturæ in eodem instanti temporis, de necessitate inferitur contradictio duorum, secundum esse naturæ, non tamen secundum esse durationis. Ad minorem dico esse inconueniens ponere simul in eodem instanti temporis duo contradictoria secundum esse durationis; non tamen secundum esse naturæ.

Contra quia sequeretur indiuisibile, esse diuisibile, quod est falsum. Probatur sequela, quia accipitur id, quod est posterius natura, vel igitur coexistit toti instanti temporis, vel parti, si detur secundum: ergo indiuisibile habet partes, & sic fit diuisibile, quod est indiuisibile. Si verò dicatur primum: ergo cum etiam id, quod dicitur prius sibi coexistat, sequitur prius, & posterius esse simul, & sic prius non esse in aliquo signo, in quo non sit posterius.

Respondetur instans temporis esse indiuisibile, secundum esse durationis, diuisibile tamen secundum esse naturæ; nam sicut in eodem signo naturæ ponuntur plura signa originis, ut patet de Patre, & Filio in diuinis, qui sunt simul natura, cum sint reatiua, sunt tamen in alio, & alio signo originis, quia Patet à se, & Filius à Patre accipit esse; ita pariter dicendum est in eodem signo, seu instanti temporis dari plura signa, siue instantia naturæ, in quorum vno sit prius, & non sit posterius, & ambo sint simul in eodem instanti temporis.

Contra, quia tunc sequeretur in eodem instanti temporis posse genus esse sine specie, & speciem sine indiuiduis, quæ sunt absurda valde dissona. Probatur. Sequela maioris, quia superius est prius natura inferiori: ergo si prius natura dicit aliquod signum in quo non sit posterius, sequitur in illo priori esse genus, & non speciem, & similiter speciem, & non indiuiduum.

Respondetur Totum esse verum si ly esse sine, dicat ordinem naturæ, non tamen si dicat ordinem durationis; nec hoc est inconueniens, quia in vno instanti temporis fundantur plura instantia naturæ, ut dictum est in precedenti.

Obijcies tertio, Scotum in 2. d. 1. q. 2. sub A. & in 3. d. 3. q. 1. sub F. dicentem, priuationem non esse priorem natura forma, quia prius inest materiæ, quam forma sibi opposita, sed tantum quod prius sibi inesset, nisi impediretur à forma: ergo secundum ipsum prioritas non dicit aliquam mensuram in essendo, sed tantum in præsupponendo vnum ad aliud.

Respondetur ex Scot. ibid. quod ordo naturæ, quando est inter positum, & positum, sicut inter subiectum, & accedens, materiam, & formam, quod est prius natura, potest esse prius in essendo, sed quando est inter opposita priuatiue, prioritas per comparisonem ad tertium, non est, nisi quia hoc inesset, si aliud non impediret, vel est prioritas in intellectu, quia, si istud intelligitur prius, ut priuatum, quam sub forma.

Formaliter ad argumentum dico esse verum de prioritate priuatiua, non positiua, quia Doctor loquendo de ista, in 2. d. 1. q. 2. A. inquit, quod prius natura positiue dicitur, quia ipsum inest alicui, & prior est entitas eius, quam illa, quæ dicitur posterius natura inesse illi, sicut de animali, & rationali in homine, de substantia, & accidente in composito per accedens, & de materia, & forma, respectu compositi per se. Hæc Scotus. Quæ mirabiliter comprobant, & responsiones ad secundum, & secundam, & tertiam conclusionem.

Obijcies quarto contra quartam conclusionem. Prioritas, & similtas opponuntur, ut patet; sed prioritas dicitur pluribus modis, quam tribus: ergo, & similtas. Consequenter patet ex Philosopho 1. Top. quod modis dicitur vnum oppositorum, tot modis habet dici, & reliquum.

Respondetur, totum argumentum esse verum in se, quia reuera similtas dicitur tot modis, quot prioritas, tamen tantum tres fuerunt assignati, quia illi dumtaxat erant necessarij ad ostendendam similtatem temporis inter subiectum, & passionem; naturæ inter reatiuum, & correlatiuum, & diuisionis inter differentias, & species diuidentes genus.

*Virum Postprædicamenta Motus, &
habere sint conuenienter assigna-
ta in textu?*

QVÆSTIO III.

Quid, & quotuplex sit motus, & habere dictum fuit sufficienter in Summulis tract. 1. sect. 5. cap. 4. & 5. & insuper ex superabundanti dicendum erit in tertio, & quinto Physicorum, idcirco prout ad presens attinet.

Primo notandum est ex Doctore Subtili in Prædicam. q. 44. Motum dupliciter sumi posse vno modo strictè, & sic diffinitur ab Aristot. 5. physic. t. c. 6. 7. & 9. per id quod fit de contrario in contrarium, & in tempore, & sic comprehendit sub se tantum quatuor species. scilicet augmentationem, diminutionem, alterationem, & secundum loci mutationem, quia solum isti motus sunt continui, & successiui, & sunt in tempore; Alio modo largè, prout comprehendit sub se, ne dum motus enumeratos, sed etiam mutationes instantaneas, scilicet generationem, & corruptionem, quæ non sunt in tempore, sed accident in instanti eiusdem, & sic diffinitur ab Aristotele in tertio physicorum t. c. 6. per esse actum entis in potentia, vt in potentia, & sic accipitur hic, diuiditurque in sex species, seu significationes vnius vocis. In Generationem, corruptionem, augmentationem, diminutionem, alterationem, & secundum locum mutationem, quorum sufficientia potest sic haberi: Omnis motus ex Aristotele tertio physicorum, vel est ad substantiam, vel quantitatem vel qualitatem, vel ad vbi: si ad substantiam, vel est motus, de non esse ad esse eiusdem, & sic est generatio, vel de esse ad non esse, & sic est corruptio. Si ad quantitatem, vel fit acquirendo maiorem extensionem, & sic est augmentatio, vel tendit ad minorem extensionem, & sic est diminutio. Si verò ad qualitatem, & sic est alteratio; si tandem ad vbi, & sic est loci mutatio: cum igitur non inueniatur alius terminus, ad quem possit fieri motus, præter enumerata prædicamenta, nec addit alius modus terminandi motum ultra sex recensitos, sequitur motum lar-

gè sumptum esse sufficienter diuisum in illas sex species positas ab Aristotele hic in textu.

Secundo notandum, ex eodem ibidem respondendo ad vltimum principale, motum dupliciter considerari posse, vel ratione principij à quo habet esse, & sic cum originetur à materia, & forma, quæ sunt partes corporis naturalis, dicitur passio eiusdem; spectatque ad philosophiam naturalem, & non ad logicam. Vel potest considerari ratione termini, & sic cum terminetur ad quatuor prædicamenta, vt dictum est, & consideratio prædicamentorum, pertineat etiam ad logicum, sequitur motus tractationem spectare etiam ad logicam, & non tantum ad philosophiam.

Tertio notandum ex eodem ibidem in fine, quod cum esse in alio, inferat illud haberi ab illo in quo est, sequitur modos habendi aliud, posse multiplicari; sicut modi essendi in alio; ex quo deducitur, quod cum modi essendi in alio, enumerati ab Aristotele in quarto physicorum t. c. 23. sint octo, & non necessariò reducantur ad hos octo modos habendi aliud, quorum meminit Philosophus hic in textu, modos habendi fore plures, quam octo enumeratos; Cæterum hos tantum recensuit, & non omnes, quia isti sufficiunt ad ostendendum, quibus modis substantia dicatur habere, in se accidentia, tum absoluta, tum respectiua, & quomodo habitus, qui facit vltimum prædicamentum, distinguatur à substantia, quod est propositum ab eodem intentum, & idcirco non debuit alios enumerare, nè videretur multiplicare entia sine necessitate.

Ex his igitur sit prima Conclusio. Postprædicamentum motus in illis sex acceptio-nibus expressum, est conuenienter, & sufficienter positum ab Aristotele hic in textu. Probat, quia omnis motus largè sumptus in ratione termini, vel est ad substantiam, vel quantitatem, vel qualitatem, vel ad vbi ex Aristotele 3. physicorum t. c. 4. Si terminatur ad substantiam, vel tendit de non esse simpliciter ad esse simpliciter, & sic est Generatio; vel de esse simpliciter ad non esse eiusdem; & sic est Corruptio; si autem terminatur ad quantitatem vel tendit ad acquisitionem maioris quantitatis, & sic dicitur Augmentatio; vel ad deper-

dicionem præexistentis quantitatis, & sic est Diminutio. Si verò terminetur ad qualitatem transeundo de vna qualitate contraria in aliam contrariam, aut mediam, & sic est alteratio; Si tandem tendit de vno loco ad alium locum, & sic dicitur loci mutatio, cum igitur non inueniatur alius terminus, nec alius mouendi modus, sequitur motum esse sufficienter diuisum in illas sex species, & consequenter hoc postprædicamentum esse sufficienter assignatum.

Secunda Conclusio. Postprædicamentum habere expressum in illis octo modis enumeratis in textu, est conuenienter assignatum. Probatur, quia hoc postprædicamentum est assignatum ab Aristotele ad cognoscendum, quomodo substantia dicatur habere in se accidentia, & quorum modo habitus constituit decimum prædicamentum à cæteris distinctum, sed hæc omnia ostenduntur sufficienter in illis octo modis: ergo hoc postprædicamentum est conuenienter assignatum. Maior patet. Minor probatur. Quia aut substantia habet in se quantitatem, aut qualitatem, & sic habetur primus, & secundus modus, aut dicitur habitudinem ad ea, quæ circa primam substantiam insunt, vt sunt vestimenta partium; & totius corporis, & exprimitur tertius & quartus modus, aut prima substantia dicitur habere in se partes integrales, vt membra corporis, & sic indicatur sextus modus; aut dicitur habere in se aliam substantiam, sicut locus locatum, & sic dicitur septimus; aut denique habet in se substantiam quod ad dominium, sicut vir dominatur uxori, & sic habetur octauus cum igitur non inueniatur in prima substantia alius habendi modus, sequitur, quod habere sit sufficienter expressum in his octo modis.

Obijcies primo contra primam conclusionem tot sunt species motus, quot sunt species entis ex Aristotele tertio Physicorum, c. 5, sed species entis sunt plures, quam sex, vt patet. Quia diuiditur in decem prædicamentat ergo &c.

Respondetur ex Commentore Auerroe super citatum, in uolentem esse veram de ente

acquisibili per motum, & cum talia entia non sint omnia, sed tantum quatuor scilicet substantia, quantitas, qualitas, & ubi sequitur species motus multiplicari ad multiplicationem horum entium: siquidem substantia uiuens requiritur per generationem, & mortua per corruptionem: similiter quantitas maior, per augmentationem, & minor per diminutionem; & qualitas per alterationem & ubi denique per loci mutationem, quæ constituant sex species motus, & non possibiles, quia sex duntaxat sunt entia acquisibilia per motum, & propria acquisitione.

Obijcies secundo contra secundam conclusionem, id quod est in aliquo habetur ab ipso, sed plures sunt modi essendi in aliquo, vt dicit Aristoteles 4. Physicorum, c. 23. qui tamen non recensentur in his modis habendi: ergo plures sunt modi habendi quam hic enumerentur ab Aristotele, ac proinde hoc postprædicamentum non est sufficienter assignatum.

Respondetur ex ult. Notab. concedendo totum argumentum, & negando ultimam consequentiam, quia Aristoteles tantum recensuit modos habendi, qui erant necessarij ad perfecte cognoscendum, quomodo substantia dicatur habere cætera prædicamenta in se, & cum tales sint tantum octo, vt demonstrauimus, ideo tantum illi erant enumerandi, & non omnes.

Obijcies tertio contra tertium modum habendi, qui constituit ultimum prædicamentum, quia si habitus haberetur: ergo per alium habitum, & iste per alium, & sic daretur processus in infinitum, quod est contra Aristotelem primo Posteriorum.

Respondetur ex Doct. Subili h'c in cap. Habere, quod habitus, vt est genus generalissimum non habetur sed est habitudo media inter habentem, & a lientia corpori, quæ habentur per illum habitum, & sic non sequitur haberi per alium habitum, & in infinitum, sed est ita ratio habendi, vt nullo modo habeatur per alium, sed seipso habetur. Et hæc, de Prædicamentorum libro, dicta sufficiant.



COMMENTARIA VNA CVM QVÆSTIONIBVS

Super Libris Aristotelis de Posteriori Resolutione
ad mentem Doctoris Subtilis
Ioannis Duns Scoti feliciter
incipiunt .

De Inscriptione huius operis , ac de modo
procedendi .

C A P V T V N I C V M .

In duo libri Aristotelis inscribuntur communiter; Analyticorum Posteriorum, id est de posteriori resolutione; siquidem Analysis verbum græcum, in latinum versus, resolutionem sonat, ad differentiam Librorum Priorum Analyticorum, qui de priori resolutione intitantur. Caterum cum hi, & illi Resolutorij appellentur, & quare hi posteriores, illi verò priores dicantur, non est una Expositorum sententia; quandoquidem aliqui putant libros Priorum, de priori resolutione nominari, quia in illis fit resolutio in formam syllogismi; hos verò de posteriori, quia fit resolutio in materiam eiusdem syllogismi. Et quia forma est prior perfectione materia, idcirco illos præcellere, hos verò sequi congruum putant.

Alij verò autumant hos, & illos agere de formæ syllogisticæ, & in hoc convenire; differre verò ab invicem, quia in libris Priorum agitur de formæ syllogisticæ in comuni, seu genericæ; in his verò de eadem contractæ ad peculiare Regulas, quibus concluditur necessario ex præmissis necessarijs; Et quia genus est prius natura speciebus, idcirco illos appellari de Priori Resolutione, hos verò de Posteriori.

Vtraque tamen expositio est bona, & nobis probatur, quidquid incontrarium dicat Ruuius in principio librorum Priorum, quandoquidem distinctio logicalis non attenditur ex parte formæ tantum, sed etiam ex parte materiæ, ut patet de Syllogismo Topico, Demonstrativo, & Falsigrapho, seu Sophistico, qui distinguuntur inter se, non tantum ex parte formæ, sed etiam ratione materiæ, quia Demonstratiuus ex necessarijs, Topicus ex probabilibus, & Sophisticus ex apparentibus procedit. Et confirmatur hæc ratio, quia ut inquit Aristoteles in principio Libri Elenchorum, aliqui Syllogismi peccant in forma tantum; aliqui in materia tantum, & aliqui in materia, & forma simul, quod non esset, si illorum distinctio attenderetur dumtaxat ex parte formæ.

Dicuntur autem omnes Resolutorijs, vel quia conclusiones resoluuntur, Priorum, in formam tantum, & non in materiam, vel in formam genericam, & non in specificam: Posteriorum autem, vel in materiam necessariam, vel in formam specificam, ac materiam necessariam simul.

Quomodo autem fiat vtraque resolutio, an realiter, vel tantum per intellectum aduertendum est, duplicem esse resolutionem, scilicet physicam, & realem, cum nimirum totum compositum physicum reducitur ad illas partes, ex quibus fuit compositum, ut homo in animam, & corpus, Alteram logicam, & rationis secundum quam intellectus reducit conclusionem in præmissas, quibus probatur, vel secundum formam tantum, vel secundum materiam tantum, vel secundum materiam, & formam simul; ut cum quaerimus, per quid demonstraretur hæc conclusio, omnis homo est risibilis, & inuenimus probari per has duas præmissas, dispositas in primo modo prima figura: omne animal rationale est risibile, & omnis homo est animal rationale; tunc fit resolutio eiusdem conclusionis, quæ dicitur prior: Cum verò intellectus considerat illas duas propositiones esse necessarias, quia in prima predicatur passio de diffinitione subiecti, in secunda autem de subiecto diffinito, in secundo modo dicendi per se, dicitur posterior resolutio, quia intellectus iudicat illam conclusionem probari per suas causas necessarias. Hic non est sermo de priori resolutione, quia talis spectat ad Philosophum realem, sed tantum de logicali, seu rationali: Nec de resolutione, in formam tantum, quia hanc sufficienter examinamus in Summulis tract. 3. sect. 1. per totam, sed de Resolutione Posterioristica, scilicet conclusionem in formam, & materiam necessariam simul, quia hæc dumtaxat specificat hos Libros, prout ab alijs distinguuntur.

Ordo autem seruandus erit conformis ei quem in alijs libris præscripsimus; siquidem prius aliquantulum, & quoad facilius, ac breuius fieri poterit, textum Aristotelis explanabimus, deinde quæstiones super eodem emergentes, iuxta Diuersorum Doctorum placita examinabimus, & tandem mentem Doctoris Subtilis, ut nostrum est, diligenter aperiemus, & probabimus, quod ut consequi valeamus, adsit nobis sua Diuina gratia, ille qui illuminat homines in hunc venientes mundum. Amen.

(††)

De Subiecto horum librorum.

QVÆSTIO PROEMIALIS.

MVLtæ sunt opiniones inter se diuersæ circa constitutionem huius subiecti; siquidem cum in primo libro agatur principaliter de demonstratione, & in secundo de Diffinitione, aliqui putant vtrumque debere esse subiectum sub vnitatem modi sciendi demonstratiuæ, & diffinitiuæ. Ita Auerroes, Alexand. Apodisæus, & Theophrastus in Proemium huius operis, quos sequuntur nonnulli ex Modernis.

Alij considerantes diffinitionem subiecti, esse medium in Demonstratione, & consequenter demonstrationem, seu syllogismum demonstratiuum; esse principaliter consideratum in his libris, ac cætera propter ipsum, dicunt illum tantum esse hic subiectum. Ita D. Th. cum suis Thomistis, & Scotus cum Scotistis, ac Moderni ferè omnes.

Pro declaratione, ac fundamento huius posterioris sententiæ, primo notanda sunt omnia, quæ diximus de subiecto logicæ, & præsertim, quod subiectum alicuius scientiæ potest esse duplex, scilicet prædicationis, & attributionis. Hic est sermo de subiecto attributionis, & queritur an sit syllogismus demonstratiuus, vel Diffinitio, vel ambo simul.

Secundo notandum ex Scot. q. 3. Vniuersalium tres condiciones requiri ad hoc vt aliquid possit esse subiectum alicuius scientiæ. Prima quod habeat quid est, & quia est, idest diffinitionem, & existentiam in rerum natura, saltem in esse possibili. Secunda quod per ipsum quod possidem demonstrentur passionis de ipso; & tertia quod omnia considerati in scientia habeant attributionem ad ipsum aliquo ex prædictis modis, quos recensimus in illa quæstione de subiecto totius logicæ.

Tertio notandum est syllogismum dupliciter considerari posse, vno modo in communi, antequam contrahatur, seu descendat in suas species. Alio modo in particulari, seu secundum esse contractum ad suas species. Priori modo attenditur præcisè secundum quod constat ex tribus terminis, & duabus propositionibus, dispositis in modo, & figuram, iue tales propositiones sint illatiue conclusionis necessariæ, vel probabiliter vel ap-

parenter, & sic est subiectum in libris priorum. Secundo modo, præter modum, & figuram, attenditur, quatenus constat ex propositionibus, vel necessarijs, vel probabilibus, vel apparentibus, & sic consideratur secundum esse specificum, & contractum, vel ad necessitatem, vel ad probabilitatem, vel ad apparentiam. Hic est sermo de Demonstratio tantum, (siquidem syllogismus probabilis est subiectum in lib. Topic. & Sophisticus in libris Elenchorum) qui adhuc dupliciter consideratur; scilicet pro prima, & pro secunda intentione. Syllogismus demonstratiuus primo modo sumptus est oratio constans ex tribus terminis, & duabus propositionibus necessarijs, cognita ab intellectu actu recto, vel reflexo. Secundo modo est cognitio comparatiua, seu ipsa comparatio passiuæ, quia illæ duæ propositiones dicuntur cognite, & comparatæ in ordine ad tertiam, in quantum sunt illatiue illius necessariæ, & sic accipitur in proposito, dum queritur, an syllogismus demonstratiuus sit subiectum in libris Posteriorum Aristotelis.

Quarto notandum est diffinitionem subiecti esse medium in demonstratione potissima, vt inferius probabimus de mente Scoti, quod manifestè patet in hac demonstratione: omne animal rationale est risibile; sed omnis homo est animal rationale, in qua animal rationale, quod est diffinitio hominis, est medium concludendi de ipso risibilitatem; quare inferendum est, quod cum diffinitio sit pars essentialis demonstrationis, ab ipsoque inseparabilis, non possit vilo modo assignari pro subiecto horum librorum.

Ex his sit prima Conclusio. Diffinitio siue per se sumpta, siue simul cum Demonstratione, nequit esse subiectum huius scientiæ Posterioris. Probat, prima pars, quia subiectum debet habere quid est ex Arist. 1. Post. c. 1. sed diffinitio non habet quid est; ergo nequit esse subiectum. Minor prob. tum quia si diffinitio haberet quid est: ergo diffinitionis esset diffinitio, & sic processus in infinitum, tum quia diffinitio constat ex genere, & differentia ex Arist. 7. Meth. c. 43. atqui diffinitio non habet genus, quia modus sciendi, sub quo recensetur diffinitio ab Auerroce, non est genus, quia est æquiuocum, vt probatum est in citata quæstione de subiecto totius logicæ: tum tandem quia diffinitio includit conceptum quid, & qualis, qui cum sint oppositi modi prædicandi, non possunt vni-

rem accidentibus, quia substantia dicit quid, & accidentia qualiter, seu quale; ex quo non licet inferre diffinitionem esse nobiliorem demonstratione, ex eo, quod diffinitio dicatur quid, seu sit, modus dignoscendi quid, idest substantiam, quia non tantum substantie, sed etiam accidentia cognoscuntur per diffinitiones.

Vel dicendum secundo. Demonstrationem posse dupliciter considerari, vno modo in actu secundo, idest in quantum concludit passionem de subiecto; alio modo in actu primo, prout importat præmissas illatiuas conclusionis mediante diffinitione subiecti. Primo modo est ignobilior diffinitione, & sic non est subiectum. Secundo modo est nobilior, cum sit quoddam totum coalescens ex diffinitione, & diffinito pars eiusdem, &

sic est subiectum.

Obijcies quarto. Nullum complexum potest esse subiectum in aliqua scientia, siquidem subiectum debet diffiniri, quod non competit complexo, sed syllogismus demonstratiuus est quoddam complexum, cum sit oratio constans ex tribus terminis, & duabus propositionibus ex Arist. primo Priorū: ergo Syllogismus nequit esse subiectum.

Respondetur minorem cum sua probatione, esse veram de syllogismo demonstratiuo, seu demonstratione pro prima intentione, non pro secunda, quia sic est quoddam incomplexum, cum sit respectus rationis causatus ab intellectu, compastante præmissas ad conclusionem, & sic est subiectum in hac scientia Posterioristica, & hæc de hac quæstione præmiali.

LIBRI I. POSTERIORVM ARISTOTELIS

Breuis Expositio Textus.

IN hoc primo libro æternus Aristoteles de Demonstratione, & eiusdem diuisione, duo facit de more. Primo præmittit aliqua necessaria ad essentiam Demonstrationis in primo c. quod est quasi proemium libri dicens: Omnis doctrina, & omnis disciplina, &c. Secundo accedit in 2. cap. ad diffinitionem scientia, quæ est effectus demonstrationis dicens: Scire autem opinamur vnumquodque simpliciter, &c.

De Præcognitionibus, & Præcognitis ad demonstrationem requisitis.

CAPVT. I.

INtendens Aristoteles in hoc capite refellere duos errores Antiquorum circa scientiam, scilicet Academicorum, quorum Antesignani fuerunt Eraclitus, & Cratillus, & Platoniorum, quorum Auctor fuit Plato, qui vel absolute negabant posse dari scientiam, vt Academici, vel si illam admittebāt, dicebant tamen non esse nouam, sed antiquā vt potest congenitam in cuiuscumque generatione, duo facit. Primo demonstrat posse dari scientiam, & de nouo, & incipit ibi. Omnis doctrina, & omnis disciplina, &c. Secundo enumerat præcognitiones, & præcognita, & incipit ibi. Dupliciter autem est necessaria præcognoscere, &c.

Quod ad primum, vt ostendat dari scientiam in rerum natura, & illam non esse antiquam, sed de nouo acquisitam, profert hanc

propositionem vniuersalem dicens: Omnis doctrina, & omnis disciplina intellectiua ex præexistenti sit cognitione, quam probat tripliciter, & primo in Mathematicis facultatibus, quæ sunt scientia speculatiua in quibus cognitio conclusionis fit ex cognitione præmissarum, vt cognitio huius conclusionis, omnis numerus est par vel impar fit ex præexistenti cognitione harum præmissarum: omne diuisibile in partes æquales, & inæquales est par, vel in par sed omnis numerus est diuisibilis in partes æquales, & inæquales; ergo omnis numerus est par, vel impar. Deinde probat illam in omnibus Artibus, tum mechanicis, tum liberalibus, & practiceis, quia conclusiones illarum habentur ex præexistenti cognitione suorum principiorum.

Secundo probat illam in scientijs Diælecticis, nimirum quod Syllogismus habeat tres terminos, & duas propositiones, cognoscitur ex præexistenti cognitione harum præmissarum: omnis oratio in qua quibusdam positis.

Idest dispositis in modo, & figura, habet tres terminos, & duas propositiones, sed omnis syllogismus est oratio in qua quibusdam, &c. ergo omnis syllogismus habet tres terminos, & duas propositiones.

Tertio probat illam inductivè, quia ista omnis ignis est calidus habetur ex cognitione harum singularium: hic ignis est calidus, ille ignis, est calidus, ille ignis est calidus, & sic de alijs; ergo omnis ignis est calidus.

Quarto probat illam in Retboricis, conclusiones habentur ex præexistenti notitia antecedentis, ut accidit in Exemplo, & Enthymemate, in quibus cognitio consequentis prædet à cognitione antecedentis: ergo omnis doctrina, & omnis disciplina intellectiva fit ex præexistenti cognitione.

Ex his refellitur primis error Academicorum, quia si cognitio conclusionis habetur ex præexistenti cognitione præmissarum: ergo datur scientia in omnibus doctrinis, tum speculative, tum practicis, quia scientia non est nisi notitia intellectiva conclusionis habita per discursum ex præexistenti cognitione præmissarum.

Refellitur etiam secundus error Platonis, quia quod sit non est antiquum, sed novum, at omnis doctrina, & omnis disciplina intellectiva fit ex præexistenti cognitione præmissarum: ergo talis doctrina, & disciplina intellectiva non est antiqua, sed de novo acquisita.

Quoad secundum principale, ut ostendat quomodo cognitio conclusionis fiat ex præexistenti cognitione præmissarum, notat duas esse præcognitiones, & tria præcognita. Præcognitiones sunt quid est, & quia est, idest diffinitio, & existentia subiecti, in rerum natura. Præcognita verò sunt tria scilicet dignitas, subiectum, & passio eiusdem. Dignitates dicuntur præmissæ, ut omne animal rationale est risibile, & omnis homo est animal rationale. Subiectum verò est minor extremitas, ut omnis homo: Passio autem est maior extremitas, ut risibile, quod concluditur de homine in conclusione, nimirum: ergo omnis homo est risibilis.

Vnde inferi hæc tria debere præcognoscit

ante conclusionem in demonstratione ad hæc ut possit cognosci conclusio, alioquin eisdem ignoratis, necesse ignorari, & conclusionem, cum ex illis pendeat, & quo ad esse, & quo ad cognosci: nisi. n. quis cognosceret omne animal rationale esse risibile, & hominem esse animal rationale, nec posset cognoscere, hominem esse risibilem, quæ est conclusio illata ex illis præmissis, in quibus continentur subiectum, & passio, quæ constituunt conclusionem.

Secundo inferi huiusmodi conclusionem ante demonstrationem aliquo sciri, & aliquo modo ignorari. Scitur quidem in universali, & confusè, pro quanto virtualiter continetur in illis præmissis; ignoratur verò in particulari, & distinctè, quia nondum habet esse sub propria forma conclusionis.

Ex his facili negotio possemus solvere argumentum Platonis, quo probabat non dari scientiam de novo acquisitam; sed nostrum scire esse quoddam reminisci: Caterum quia illud adducendum est cum prædicta opinione in propria questione, propterea brevitati succedentes, consulto illud hic omittimus, & ad quæstiones accedimus.

DISPUTATIO I.

Utrum hæc Propositio: omnis doctrina, & omnis disciplina ex præexistenti sit cognitione, sit univèrsaliter vera in omni cognitione intellectiva?

QVÆSTIO I.

Laborant valdè Interpretes Aristotelis in exponenda eius mente circa hanc propositionem; siquidem aliqui per doctrinam, & disciplinam intelligunt omnem notitiam intellectivam, siue complexam, siue incomplexam, quia omnis talis notitia fit ex præexistenti cognitione, saltem sensitiva. Ita Moderni quidam, quos sine nomine referunt Toletus, Cominbric. & Ruuius.

Alij verò per doctrinam, & disciplinam intelligunt omnem notitiam intellectualem

complexam, siue mediatam, siue immediatam; siquidem talis habet fieri ex præexistenti cognitione, illa præmissarum, & hæc terminorum. Ita D. Thom. hic sequutus Thomistium, & Philosophum.

Alij denique restringunt doctrinam, & disciplinam ad notitiam complexam, & mediatam, cuiusmodi est notitia conclusionis, quia talis duntaxat fit ex præexistenti cognitione præmissarum: & fundant eorum sententiam in textu græco, ubi, loco illius verbi intellectiva, ponitur hoc verbum Dia-noetica, quæ sonat discursum, ut innuat se loqui solum de omni doctrina, & disciplina discursiva, & sic excludit notitiam incomplexam, quæ fit ex præexistenti cognitione sensitiva, & completam immediatam, quæ habetur ex intuitione terminorum. Ita Doctor. Subtilis hic quæst. 2. Apollinaris, Paulus Venetus, Ægidius de Roma, & alij.

Recentiores quidam apud Ruuum hic qu. 1. exten-sunt propositionem Aristotelis ad omnem cognitionem per modum iudicij habitam ab intellectu, & sic ad opinionem, & fidem humanam.

Alij verò, limites humanæ cognitionis exeuntes, putant huiusmodi propositionem verificari posse etiam de notitia Angelorum, quæ duos an habeant veritatem, vel ab eadem aberrent, ex univocis in conclusionibus, & notabilibus.

Pro intelligentia igitur harum opinionum, ac fundamento Scotice sententiæ, Primo notandum est per doctrinam, & disciplinam intelligi unam, & eandem notitiam actualem, quæ ut à Doctore procedit dicitur doctrina, & disciplina prout recipitur in discipulo. Huiusmodi autem notitia est duplex, scilicet sensitiva, & intellectiva, sensitiva pariter duplex interior nimirum, quæ habetur per sensus interiores, scilicet sensum communem, cogitativum, æstimatorium, phantasiam, & memoriam, ac exterior, quæ per sensus exteriores gignitur, scilicet per visum auditum, gustum, olfactum, & tactum. Intellectiva etiam est duplex, scilicet incomplexa, cuiusmodi est notitia terminorum, & complexa, quia cognoscitur oratio, & propositio, seu aliud complexum; & hæc est duplex, scilicet mediata, & immediata, mediata est illa, quæ habetur

de aliquo complexo media cognitione aliorum complexi, ut cognitio conclusionis, quæ fit ex cognitione præmissarum; vel notitia consequentis, quæ habetur ex antecedenti in syllogismo imperfecto. Immediata verò est illa, quæ habetur ex intuitione terminorum, ut cognitio huius omne totum est maius sua parte; nam cognita ratione totius, & partis, statim intellectus iudicat totum esse maius sua parte. Cognitio immediata est notitia principiorum, quæ non habetur per aliam priorem propositionem, sed solum ex terminis, ex quibus constant. Mediata verò est notitia conclusiois, quæ habetur ex cognitione præmissarum, vel ex antecedenti, & hæc dicitur discursiva.

Secundo notandum est notitiam mediatam, seu discursivam posse dupliciter haberi, vel per syllogismum perfectum, vel per imperfectum cuiusmodi sunt Enthimema exemplum, & inductio. Si habetur priori modo dicitur notitia mediata strictè sumpta, quia ex præmissis dispositis in modo, & figura habetur evidentior notitia conclusionis; si verò secundo modo, appellatur notitia mediata largè sumpta, cum in ea non habeatur perfecta evidentia, nisi reducatur Syllogismi imperfecti ad perfectum, ut notuimus in summulis Tractat. tertio sect. prima. Hic tamen est sermo de utraque notitia discursiva, & præsertim de posteriori, quia Aristoteles probavit suam propositionem inductione, & enthimemate, & exemplo, quæ generant notitiam discursivam imperfectam, seu largè sumptam.

Tertio notandum est, quod illa præpositio, ex, posita in conclusione Aristotelica: omnis doctrina, & omnis disciplina fit ex præexistenti cognitione potest, quadupliciter accipi primo modo, ut dicit terminus à quo, seu privationem alicuius, quo sensu dicimus diem fieri ex nocte. Secundo modo, ut dicit subiectum, seu materiam ex qua, & sic dicitur formam fieri ex materia, seu domum ex lapidibus, & cimento. Tertio modo, ut dicit formam, seu causam formalem, quo sensu homo dicitur fieri ex anima, vel album ex albedine. Quarto modo denique, ut notat causam efficientem, quo sensu filius dicitur fieri ex patre, seu ignis ex igne generante, & sic accipitur in pro-

posito dum dicimus noticiam conclusionis fieri ex præexistenti cognitione præmissarum, quia præmissæ dispositæ in modo, & figura, vel antecedens dispositum in syllogismo imperfecto pariunt effectiue noticiam conclusionis.

Quarto notandum ex Scoto in Prologo 1. lib. sent. q. 4. ac alibi, discursum esse processum intellectus à prius natura, noto ad posterius natura notum, ita quod ad noticiam discursuam, non requiritur ordo temporis, sed sufficit ordo nature scilicet, vt vnum obiectum præsupponat aliud, secundum esse nature, quod explicatur per tres conditiones requisitas ad discursum, scilicet quod intellectus cognoscat hoc post hoc idest conclusionem post cognitionem præmissarum: hoc per hoc, idest conclusionem per præmissas, & hoc sine hoc, idest vno actu feratur in præmissas, & altero actu in conclusionem: quod autem non requiratur ordo temporis, sed tantum nature habetur à Philosopho hic tom. 4. vbi dicit, cognita maiori, & minori prius natura, & simul tempore cognoscitur conclusio: Ex quibus inferitur, quod cum Angeli cognoscat vnum obiectum, post aliud, vnum per aliud, idest conclusionem per præmissas, & post præmissas, & præmissas sine conclusione, diuersis actibus, & eodem tempore præmissas, vt illatiuas conclusionis, possunt vtiq; discurrere, & per cōsequēs etiā eorundem noticiam fieri ex præexistenti cognitione, sicut & hominis noticiæ, licet modo perspicaciori, ob perfectiorem vim intellectiuiam.

Quinto notandum est fidem humanam, sicuti diuinam non haberi per rationem, sed inniti testimonio, & auctoritati dicentis; siquidem Sancti Patres loquendo de diuina inquirunt: Fides non habet meritum, vbi humana ratio prebet experimentum, quod & humane aptari potest. Ex quo inferitur, quod cum fides humana non habeatur ex præexistenti cognitione, sed solum ex testimonio, & auctoritate dicentis, non contineri sub illa propositione vniversalis Aristotelis: omnis doctrina, & omnis disciplina ex præexistenti sit cognitione.

Ex his sit prima Conclusio. Illa propositio Aristotelis, vt exposita fuit primo, & secundo. Notab. continet veritatem. Probat per primo rationibus Aristotelis in textu adductis. Secundo sic, quia præcognitum prius

cognoscitur, sed conclusio cognoscitur per præmissas: ergo noticia conclusionis fit ex præexistenti cognitione præmissarum. Tercio sic sicut res se habet ad esse, ita ad cognosci per Arist. 4. meth. t. c. 4. sed præmissæ quæ ad esse sunt causæ conclusionis: ergo etiam quoad cognitionem.

Secunda Conclusio. Prædicta propositio secundum mentem Aristotelis non intelligitur de notitia incomplexa, nec de complexa immediata, sed tantum de mediata complexa. Est Scoti contra primam, & secundam opinionem: Probat quia mens Aristotelis in tali propositione fuit refellere errorem antiquorum negantium dari scientiam, & Platoniorum negantium pariter scientiam de nouo; sed notitia quæ dicitur scientia, est tantum cognitio mediata habita per discursum syllogisticum, vt patet ex eodem Philosopho hic cap. 2. t. c. 5. ergo prædicta propositio intelligitur tantum de notitia mediata complexa. Maior est nota cuilibet insipienti textum.

Tertia Conclusio. Secundum mentem Aristotelis huiusmodi propositio nequit extendi ad opinionem, vel fidem humanam. Probat eodem modo, quia fides, & opinio non sunt generatiue scientiæ: sed per talem propositionem Aristoteles intendebat asserere dari scientiam, & de nouo acquisitionem: ergo eius propositio non potest extendi ad opinionem, & fidem humanam.

Quarta Conclusio. Talis propositio tamen potest extēdi ad noticiam complexam, & mediatam Angelorum. Est Scoti in Prologo 1. sent. q. 4. & in 2. sent. De loquutione Angelorum, ac quorundam modernorum, quos sine nomine citat, & nititur refellere Ruuius hic q. 1. n. 8. & 9. Probat quia Angelus habet, veram scientiam per causam, vt nimirum, quod homo sit risibilis, quia est rationalis; sed talis est noticia complexa mediata: ergo propositio Aristotelis extenditur ad noticiam complexam mediatam Angelorum. Secundo Angeli habent noticiam discursiuam, saltem per entimemata, dum cognoscunt vnum obiectum ex alio, post aliud, & vnum siue alio, vt notauimus quarto, sed huiusmodi noticia cadit sub illa propositione Aristotelis ergo, &c. Minor p. e. ex Aristotele in textu, vbi probat suam propositionem instrumentis, seu medijs Rethoricis scilicet et entimemate, & exemplo.

Obj-

Obijcies tamen contra primam conclusionem, quia si omnis doctrina, & omnis disciplina fieret ex præexistenti cognitione, vel talis esset sensitiva, vel intellectiva; sed neutrum est dicendum: ergo, &c. Maior patet, quia non datur alia. Minor probatur, & primo de sensitiva, quia multa cognoscuntur, quæ non cadunt sub sensu, ut sunt Deus, Angeli, virtutes supernaturales, & huiusmodi; sed talis non fieret ex præexistenti cognitione sensitiva ergo &c. Nec intellectiva, quia tunc daretur processus in infinitum in cognitionibus intellectibus, cum non sit maior ratio de vna, quam de alia, ergo danda est aliqua notitia, quæ non sit ex præexistenti cognitione intellectiva.

Respondetur negando minorem quo ad secundam partem: Ad probationem nego consequentiam, quia datur Status in cognitione immediate præmissarum, & in complexa immediata ex cognitione terminorum, & sic non esset processus in infinitum in cognitionibus intellectibus.

Contra quia cognitio sensitiva non fit mediante alia cognitione sensitiva: ergo nec intellectiva. Antecedens probatur, quia tunc daretur processus in infinitum in cognitionibus sensitivis, quod non est dicendum. Consequentia probatur, quod est perfectionis in potentia inferiori, non est denegandum potentie superiori; sed perfectioris est in sensu non habere cognitionem mediante alia: ergo talis perfectio non est denegando intellectui, qui est potentia superior, & perfectior sensui.

Respondetur notitiam sensitivam interiori præsupponere notitiam sensitivam exteriori in qua datur status, quia sensus externi immediate inveniunt obiecta, & ex illis hauriunt cognitionem possibilem: sic etiam intellectiva mediata præsupponit complexam immediatam, & hæc incomplexam in qua datur status, nec istud debet arguere perfectionem in sensu, & imperfectionem in intellectu, quia talis ordo provenit in utriusque ex natura potentialium, ut inquit Philosophus, vel ex peccato originali, ut placet D. Augustino lib. 15. de Trin. cap. 27.

Obijcies secundo contra quartam conclusionem: Iudicium intellectus fieri ex præexistenti cognitione dicit distinctione cognitionum; sed Angeli non cognoscunt effectum, & causam distinctis cognitionibus

ergo cognitio Angelica non fit ex præexistenti cognitione. Minor patet, quia non discurrunt.

Respondetur Negando minorem, & probationem simul, quia Angeli discurrunt, in cognitione acquisita saltem, siquidem cognoscunt effectum post causam, & per causam, & causam siue effectum, quæ sufficiunt ad discursum, ut dictum est.

Obijcies tertio contra tertiam conclusionem. Fides humana, & opinio innituntur præexistenti cognitioni: ergo sunt ex præexistente cognitione. Antecedens patet de fide humana, quia credo hoc esse verum, cum sciam hominem mihi dicentem esse fide dignum: ergo, &c. Probatur etiam de opinione, quia ideo astruitur dari indivisibile in continuo, quia corpus perfecte sphericum nequit tangere in plano, sed tantum in puncto: ergo utraque sit ex præexistenti cognitione.

Respondetur concedendo totum discursum, sed nego consequentiam, nimirum tales cognitiones cadere sub illa propositione Aristotelis, quia cum ipse intenderit per illam probare dari scientiam, non debuit illam extendere ad cognitiones non scientiales, cuiusmodi sunt fides, & opinio.

Primum Præcognitiones, & Præcognita sine bene assignata ab Aristotele in textu?

Q V Æ S T I O II.

Omnes Expositores concedunt præcognitiones esse tantum duas, scilicet quid est, & quia est, & tria præcognita, nimirum dignitates, subiectum, & passionem: ceterum in explicando mentem Aristotelis disconveniunt; siquidem aliqui volunt de subiecto non præcognosci quid rei, sed tantum quid nominis, ex eo quod Aristoteles non fecerit mentionem de illo, sed tantum de isto. Insuper de subiecto præsupponendam esse actualem existentiam, nec sufficere possibilem, siue in causa secunda siue in prima causa. Ita Tolentus, hic q.v. ubi citat Caiet. & alios.

Alij verò defendunt de subiecto præsupponendum quid rei, & quia est, non actuale, sed sufficere existentiam secundum esse possibile, vel saltem, quod non dicat repugnantiam ad esse in rerum natura. Ita Doctor.

etor. sub. quæst. 3. Vniuers. & hic quæst. 4. & 7. 5. Ad quæstionem.

Litigant etiam Doctores, quid nomine dignitatem intellexerit Aristoteles; siquidē Tolenus in expositione tex. 7. inquit quod per dignitates intellexit Philosophus principia communissima metaphisica. f. De quo libet verum est dicere, quod est, vel non est; Et non contingit idem esse, vel non esse:

Cæterum oppositum tuerentur ferè omnes Aristoteles Interpretes, asserentes per dignitates intelligi debere, & principia illa, & etiam præmissas formaliter ingredientibus demonstrationem. Ita Tataret. hic quæst. 1. art. 2. Dub. 1. Conimbric. quæst. 2. Aretius lect. 2. punct. 3. & supponitur a Scoto hic quæst. 5. & 8. vbi dicit præmissas ingredientibus demonstrationem, esse actu applicatas conclusioni, quod non esset verum, si tantum ingrederentur virtualiter, vt faciunt prima principia.

Pro intelligentia igitur huius tam multiplicitatis difficultatis, ac fundamento nostræ sententiæ. Primo notandum præcognitionem posse dupliciter accipi: Vno modo largè pro omni eo, quod necessariò requiritur ad formationem cuiuslibet syllogismi, & ad illationem cuiuscunque conclusionis, & sic non capitur in proposito, quia alioquin etiam modus, figura, probabilitas, vel necessitas, aut apparentia propositionis, quæ debet ingredi syllogismum ad inferendam conclusionem, posset dici præcognitio. Alio modo strictè pro omni eo, videlicet, quod debet necessariò præcognosci, ad hoc vt syllogismus demonstratiuus sit illatiuus conclusionis necessariò scientificæ, & sic præcognitio accipitur ab Aristotele dum dicit. Dupliciter autem necesse est præcognoscere, scilicet, quid est, id est quiditatem, seu diffinitionem, & quia est, seu an est hoc est existentiam in rerum natura, quia quod nō est, causare non potest notitiam conclusionis.

Secundo notandum est præcognita similiter dupliciter accipi posse, scilicet largè, & strictè. Primo modo sumuntur pro omnibus illis, de quibus aliqua debent necessariò præcognosci siue talia sint necessariò requisita ad syllogismum demonstratiuum, siue dialecticum, siue sophysticum. Secundo modo pro illis de quibus debent aliqua præcognosci, tamquam neces-

saria ad inferendam conclusionem syllogismi demonstratiui, & sic accipiuntur in proposito, diēntas, seu præmissæ, subiectum id est diffinitum, & passio id est prædicatum conclusionis, vel in alijs terminis: maior, & minor extremitas,

Tercio notandum est, quod dignitates ingredientibus demonstrationem sunt in duplici differentia, quædam dicuntur virtuales, quædam verò formales. Virtuales sunt duæ scilicet de quolibet verum est dicere, quod est, vel non est; & non contingit idem inesse, & non inesse, quæ dicuntur etiam prima principia metaphisicalia. Formales verò sunt duæ præmissæ, ex quibus formatur syllogismus demonstratiuus, vt istæ: omne animal rationale est risibile, & omnis homo est animal rationale, ex quibus inferitur hæc conclusio: ergo omnis homo est risibilis. Ambæ dignitates ingrediuntur quamlibet demonstrationem, sed diuersimodè, quia duæ priores ingrediuntur virtualiter, duæ verò posteriores formaliter, cum ex illis, reuera formetur demonstratio. Illæ duæ priores dicuntur ingredi virtualiter, quia illis innituntur duæ posteriores, vt patet in hoc exemplo: omne animal rationale est risibile: si quis enim illam negaret, posset probari per illam dignitatem virtuales sic: De quolibet verum est dicere, quod est, vel non est, sed de animali rationali non est dicendum, quod non sit risibile, cum experientia constet animal rationale ridere, & generaliter habere aptitudinem ad ridendum: ergo verum est: omne animal rationale esse risibile: Hæc autem cōsequētia tenet virtute alterius dignitatis virtualis, scilicet non contingit idem inesse, & non inesse, sed vt probatum est, non est dicendum animal rationale non esse, non risibile: ergo necessariò debet esse risibile, quia non contingit idem inesse, & non inesse. Aristoteles dū dicit ante demonstrationem esse præcognoscendas dignitates, loquitur de virtutibus, sed illas virtualiter, has verò formaliter eo modo, quo demonstrationem ingrediuntur.

Quarto notandum est quod quid est, esse duplex scilicet quid nominis, & quid rei: Primum est diffinitio, seu interpretatio nominis, vt Philosophus dicitur amator sapientiæ. Secundum est diffinitio rei, vt animal rationale respectu hominis. Philosophus non est locutus de alter utro singulari-

tum.

tim, sed de viroque simil, vel vt melius dicam, de quid est communi vtrique, quia de aliquo præcognito vtramque debet præcognosci, de al quo vero alterum tantum, scilicet vel quid nominis, vel quid rei. Similiter quod est, sen quia est, duplex esse sciendum est, scilicet actuale, quia est existentia rei extra suas causas, vt existentia ranae, extra virtutem Solis, & luti, & possibile, quod est duplex æternum nimirum, & temporale. Prius est existentia rei in mente diuina, idest antequam crearetur: Posterius vero est esse, quod habet res in sua causa secunda, seu creata vt esse rosa, quod habet in radice hyemis tempore; quod pro tanto dicitur temporale, quia quamquam abstrahat à tempore præsentis, non tamen abstrahere potest à futuro, siquidem veris tempore erit verum dicere, rosa est, seu existit. An autem Philosophus intellexerit de omnibus, vel tantum de possibili, dicendum est in conclusionibus.

Quinto notandum est ex Scoto hic quæst. 5. ad primum argumentum principale dignitates posse dupliciter accipi, vno modo secundum esse complexum, prout important formaliter tres terminos, & duas propositiones, dispositas in modo, & figura, qua ratione dicuntur syllogismus pro prima intentione. Alio modo secundum esse incomplexum importatum per præmissas sic dispositas, & comparatas ad conclusionem, quod est syllogismus pro secunda intentione: Si accipiantur priori modo non habent quid nec rei, nec nominis, quia diffinitio est tantum rei incomplexa, sed tantum habent quia est, scilicet veritatem secundum quam verificatur conclusionem; si verò sumantur posteriori modo sic diffiniuntur vt patet de syllogismo pro secunda intentione; ceterum sic considerate non sunt dignitates, nec illatiue conclusionis, sed potius appellantur subiectum conclusionis, quia tunc de illis habetur scientia, vt diximus in questione de subiecto totius logicæ; ex quo patet quod in demonstratione de dignitatibus nõ præcognoscitur quid est, vel nominis, vel rei, sed tantum quia est, hoc est earum veritas ad inferendam conclusionem veram, & necessariam.

Ex his fit prima conclusio. Præcognitiones ante demonstrationem sunt tantum duæ, & solum tria præcognita. Est Aristotelis c.

1. c. 2. Probatur prima pars quid est, & quia est sufficient ad hoc, vt præcognita inferant conclusionem per demonstrationem: ergo non sunt alie multiplicande. Antecedens probatur, quia præcognita sunt dignitates, subiectum, & passio, sed de dignitatibus præcognoscitur, quia est, de passione quid est nominis, & de subiecto quid est rei, & quia est: ergo sufficient tantum duæ præcognitiones. Antecedens probatur in sequentibus conclusionibus. Consequentia patet quia de dignitatibus sufficit scire, quod sunt vera, cum demonstratio procedat ex veris, sed huiusmodi veritas dicitur quia est illarum: ergo &c. De subiecto verò quid est, & quia est, quia quid est præsupponit, quia est, & quid est, subiecti est malum in demonstratione igitur, &c. De passione pariter sufficit scire quid nominis, quia per ignotum nihil scitur: ergo sufficient hæc duæ præcognitiones ad inferendam conclusionem. Secunda pars probatur, quia illa sunt præcognita. de quibus aliqua debent necessario præcognosci, sed hæc sunt tantum tria, scilicet dignitas, subiectum, & passio: ergo &c. Maior patet ex secundo notabili. Minor probatur, quia ad habendam perfectam cognitionem alicuius rei, sufficit eius principia cognoscere ex Aristotele hic cap. 1. & primo physicorum tex. com. 1. sed talia sunt tria, scilicet duæ præmissæ, & duo extrema conclusionis, scilicet subiectum, & prædicatum, quod est eius passio: ergo hæc tria sufficient.

Secunda conclusio. De dignitatibus, siue virtualiter, siue formaliter ingredientibus demonstratione præcognoscitur solum quia est, & non quid est, siue nominis, siue rei. Est Scoti hic quæst. 5. §. Ad questionem dico. Probatur prima pars quia dignitates pariunt notitiam conclusionis ex Aristotele hic cap. primo, sed per ignotum nihil cognoscitur, ex eodem in hoc primo libro Posteriorum, & ex diffinitione demonstrationis: ergo &c. Secunda pars probatur, quia principia demonstrationis debent esse vera ex Aristotele hic cap. 2. sed eorum veritas est quia est ipsorum: ergo de illis præcognoscitur, quia est. Tertia pars probatur, quia nullum complexum habet vnum quid est, sed plura, & consequenter non diffinitur; sed dignitates sunt complexæ, quia sunt propositiones: ergo &c. Maior est Aristotelis septi-

mo metaph. ubi dicit, quod aggregatum ex pluribus, ut homo albus non diffinitur; sed dignitas, & complexum dicit maiorem aggregationem, quā sit homo albus, ergo &c. Quarta pars probatur, quia complexum completitur plura nomina, & non vnum tantum ergo nequit habere diffinitionem quid nominis.

Tertia conclusio. De passione non præcognoscitur quid est rei, nec quia est, sed tantum quid nominis. Est Scoti hic qu. 6. Probatur quia quid rei præsupponit, quia est; sed de passione non præsupponitur, quia est in demonstratione, cum in conclusione per demonstrationem concludatur ergo nec quid est rei. Maior patet quia non ens non est diffinitio, nec quid; ergo quod habet quid est debet prehabet quia est id est existentia in rerum natura, vel actualem, vel possibilem. Secundo sic, quod non ponitur in genere, nisi reductivè, non habet proprium quid rei; sed passio ponitur in genere tantum reductivè, hoc est ratione subiecti, cui identificatur realiter: ergo &c. Maior patet, quia diffinitio constat ex genere, & differentia: ergo quod tantum ponitur reductivè cum caret genere, caret quoque diffinitione, & quid. Secunda pars probatur, quia de passione debet haberi aliqualem cognitio ante conclusionem ex Aristotele hic cap. primo. Sed talis nequit esse, quid rei, nec quia est, ut extat probatum: ergo erit, quid nominis.

Quarta Conclusio. De subiecto præcognoscitur quid est rei, & quia est. Est Scoti hic quæst. 7. Probatur, quia quid est subiecti est medium demonstrandi passionem de subiecto in conclusione: ergo ante conclusionem præcognoscendum est de ipso quid rei simpliciter. Antecedens patet, quia medium est causa conclusionis; sed per quid rei causatur principaliter inheret a prædicati cum subiecto, in qua consistit conclusio: ergo &c. Confirmatur, quia eo modo debet præcognosci de subiecto in demonstratione, quomodo ponitur in ea: sed ponitur in ea secundum quid rei: ergo Quid rei de quo præsupponendum est. Secunda pars probatur quia non ens non est diffinitio, neque quid est rei, sed de subiecto præcognoscitur quid rei: ergo est ens, & coniectanter habet quia est.

Quinta Conclusio. De subiecto non est

præsupponendum quia est actuale, sed sufficit illud in esse possibili, vel non repugnantia ad esse in rerum natura. Est Scoti hic qu. 7. Probatur, quia illud esse est præsupponendum de subiectum, per quod diffinitur, & scitur, sed subiectum non diffinitur, aut scitur secundum esse actualis existentie, cum tale sit corruptibile: ergo secundum esse possibile, vel cognitum in mente diuina. Maior patet, quia quid rei sequitur quia est, & scientia supponit utrumque, ex Aristotele hic cap. primo, & secundo. Minor similiter, quia diffinitio, & scientiam est æternorum, & impossibile aliter se habere; sed res secundum esse actualis existentie, non sunt æternæ, & possunt aliter se habere, ut experientia constat: ergo de subiecto non est præsupponendum quia est actuale, sed sufficit, esse possibile, vel non repugnans.

Obijciunt tamen contra primam conclusionem, quia tot sunt præcognitiones, quot sunt quæstiones; sed hæc sunt quatuor, ex Aristotele secundo post. cap. 1. ergo, & præcognitiones erunt quatuor. Maior probatur, quia quæstio vnum querit, & aliud supponit sed quod supponitur est præcognitio, quia primo cognoscitur: ergo tot debent esse præcognitiones, quot sunt quæstiones.

Respondetur Quæstiones sumi dupliciter scilicet in genere, & hæc sunt tantum duæ, scilicet quia est, & quid est, & in specie, & sic sunt quatuor, quia illis adiungitur si est, quod tamen reducitur ad quia est; & propter quid est, quod reducitur ad quid est. His quæstionibus respondent etiam præcognitiones, vel in genere, vel in specie, sed hæc in specie reducuntur ad illas in genere, ut dictum est de quæstionibus.

Formaliter igitur ad argumentum concedo maiorem pariformiter, scilicet vel in genere, vel in specie, modo Aristoteles loquendo de præcognitionibus in hoc primo capite enumeravit illas tantum in genere, & quæstiones in secundo. Post in specie, & sic non contradicit sibi ipsi hic, & ibi.

Obijciunt secundo contra eandem de præcognitis, quia medium demonstrationis debet esse præcognitum ante conclusionem: Ergo quatuor erunt præcognita, & non tantum tria. Antecedens probatur, quia in tantum dignitas, subiectum, & passio sunt præcognita, in quantum ingrediuntur

tur demonstrationem: ergo cum etiam medium ingrediatur demonstrationem, ipsum erit vnum ex præcognitis.

Respondetur. Aliquod esse præcognitum potest dupliciter intelligi, scilicet vt quod, & vt de quo aliquid præcognoscitur; primo modo medium dicitur præcognitum cum sit diffinitio subiecti, non tamen secundo modo, quia nihil de ipso præcognoscitur, nec quid est, nec quia est, alioquin daretur processus in infinitum in præcognitis.

Formaliter ad argumentum respondetur antecedens esse verum vt quod, non tamen de præcognito, vt de quo, quia sic sunt tantum tria, scilicet dignitas, subiectum, & passio.

Obijciunt tertio contra secundam conclusionem, quia si de dignitatibus formaliter præcognosceretur, quia est ante demonstrationem sequeretur conclusionem, & scientiam haberi posse ante demonstrationem; sed hoc est falsum, quia sunt effectus demonstrationis. Ergo, & id ex quo sequitur. Sequela maioris probatur, quia secundum Philosophum hic tom. 3. Maiore, & minore simul cognitis, in eodem instanti cognoscitur conclusio; sed per te maior, & minor debent præcognosci ante demonstrationem: ergo & conclusio.

Respondetur. Negando sequelam maioris, ad probationem, dico illam maiorem esse veram, si cognoscantur simul, non tamen si scorsim, id est maior secundum se, & minor etiam per se, id est in quantum continent veritatem, & non in quantum sunt dispositæ, in modo & figura, ad inferendam conclusionem. Modò nos dicimus præcognoscendas esse dignitates ante demonstrationem secundo, non primo modo, & sic non sequitur cognitio conclusionis, & scientiæ antecedens demonstrationem. Ad probationem ex Aristotele dico loqui de cognitione maioris, & minoris simul, vt sunt dispositæ in modo, & figura, quia vt sic sunt ipsa demonstratio cognita.

Obijciunt quatuor contra tertiam conclusionem. De non ente nihil potest præcognosci, sed passio est huiusmodi: ergo &c. Maior patet, quia quod non est, nequit sciri: ergo neque præcisci, id est illud de quo aliquid præcognoscitur præciscitur: ergo debet esse ens. Minor probatur, quia passio secundum se non est ens distinctum à subiecto:

ergo secundum se est non ens, & sic si de illa aliquid præsupponitur, debet esse, vt est eadem cum subiecto, & non vt ab illo distincta.

Respondetur. Negando maiorem, ad probationem dico passionem non esse verum ens distinctum ab esse subiecti, & idè de illa nequit præcognosci, quia est distinctum à subiecto; cum autem aliquo modo distinguatur, scilicet formaliter ab eo, bene potest de illa præcognosci quid importetur per nomen, licet non quid rei, cum non sit res distincta ab illo.

Obijciunt quinto contra octauam conclusionem. Quod quæritur, non præsupponitur, sed de subiecto quæritur quid rei: ergo de illo non præsupponitur quid rei: Maior patet aliter idem sciretur, & nõ sciretur; quia quod præsupponitur scitur, & quod quæritur nescitur. Minor est Aristoteles secundo post cap. 1. vbi inter quæstione sex numerat etiam, quid est subiecti.

Respondetur. Maiorem esse veram in eodem processu, scilicet inquisitiuo, vel demonstratiuo; modo in processu demonstratiuo, de subiecto præsupponitur quid est, cum sit medium demonstrationis; in processu verò inquisitiuo quæritur de subiecto an habeat quid rei, & sic non præsupponitur. Aristoteles cum dixit hic de subiecto præsupponi quid est subiecti, locus est de processu demonstratiuo, dum verò subiunxit in secundo post illud esse quærendum de subiecto; intelligendus est in processu inquisitiuo, & sic non inconuenit de eodem aliquid esse quærendum, & præsupponendum in alio, & alio processu, vt dictum est.

Obijciunt sexto, contra quintam conclusionem. Ab eo quod res est, vel non est, oratio dicitur vera, vel falsa; sed hoc esse, vel non esse, nequit esse possibile, sed tantum actuale: ergo de subiecto, si præsupponitur quia est, debet esse actuale, & non sufficit possibile. Maior est Aristoteles in prædicamentis cap. de substantia. Minor est nota ex eodem. Secundo post. 1. 8. vbi habet hæc verba: quætere autem quod est, non habentis quia est, nihil est quætere; id est non est quærenda diffinitio, vbi non est existentia actualis; sed de subiecto secundum ipsum quæritur diffinitio actualis: ergo, & existentia actualis.

Respondetur. Negando minorem, quia ad verificandam propositionem, sufficit esse possibile, vel apudinale subiecti, ut patet de hac, homo est animal, quæ est semper vera, etiamsi nullus existeret homo. Ad probationem, dico Aristotelem non esse locutum de existentia actuali, sed tantum de possibili, quia nec subiectum diffinitur secundum esse actuale, sed secundum esse possibile, & quiditativum tantum.

Obijcies septimo, iterum contra quartam conclusionem, sufficit de subiecto præcognoscere quid nominis: ergo superfluit quid rei. Consequentia patet. Antecedens probatur, quia ad demonstrandum effectum per causam, non requiritur præcognoscere quid sit causas, & effectus, sed solum effectum procedere à causa; atqui hoc est quid nominis causæ, & effectus: ergo &c. Maior probatur, quia Astrologi demonstrant eclipsim de Luna, per suam causam, ignorantes diffinitionem Lunæ, & cælorum. Similiter Mathematici multa demonstrant de figuris, & numeris, ignorantes eorum diffinitiones: ergo non est necesse præcognoscere de subiecto quid rei, sed sufficit quid nominis.

Respondetur. Negando antecedens, quia cum diffinitio subiecti sit medium in demonstratione, fieri nequit, ut aliqua demonstrantur absque diffinitione. Verum quia demonstratio est duplex, scilicet propter quid, & quia, non erit semper idem medium, sed interdum est diffinitio subiecti, & interdum passionis; interdum quiditativa, & interdum descriptiva, cum his tamen fiat, ut semper sit diffinitio subiecti conclusionis, qualecumque sit illud, quare negandum est Astrologos, & alios Mathematicos potuisse demonstrare quidpiam de aliquo, ignorantes illius quid rei, sed de his fufius in sequenti capite.

Verum Præmissis simul cognitis, necesse sit simul natura, vel tempore cognoscere conclusionem?

QVÆSTIO III.

Loquendo de simultate temporis non defuere, qui dixerint assensum præmissarum necessario debere præcedere conclusionis assensum.

Cæterum communis opinio sustinet simul tempore intellectum assentiri præmissis, & conclusioni. Ita Doctor Subtilis hic quæst. 8. & 9. quem sequuntur omnes eius Discipuli; & D. Thomas cum suis.

At si sermo sit de simultate naturæ distinguunt Doctores, quia possunt præmissæ considerari, vel in ratione causæ formaliter, & conclusio in ratione effectus, & sic cum sint relatiua, sunt simul natura: Vel possunt considerari in ratione causæ, & effectus fundamentaliter, & sic assensus præmissarum præcedit naturæ assensum conclusionis. Ita communiter Doctores cum Doctore Subtili hic q. 8. & 9.

Verum circa necessitatem huius cognitionis extat controuersia inter Modernos, siquidem Ruuius hic quæst. 8. & alij relati à Mastro, & Belluto quæst. 5. num. 31. dicunt intellectum non necessitari assensum conclusionis, etiam habito assensu permissarum, cum virtute, voluntatis possit ad alia obiecta diueri, quo casu intellectus intelligeret præmissas, & non conclusionem.

Oppositum tamen defenditur à Scoto loco citato, Mastro, & Belluto, & ab alijs ab ipso recensitis, nimirum intellectum cogi ab assensu permissarum applicatarum ad conclusionem, ad eiuſdem cognitionem, nec vlllo modo impediri posse à voluntate, quin eliciat assensum circa conclusionem, supposita elicitione assensus circa præmissas, sic applicatas, & dispositas in modo, & figura; Vnde pro intelligentia harum opinionum, & fundamento sententiæ nostræ, quam infra aperiemus.

Primo. Notandum est ex Doct. Subtili primo Post. quæst. 8. Præmissas posse dupliciter considerari, vno modo seiunctim prout sunt quedam propositiones; seu enunciationes, veritatem de per se præferentes absque habitudine ad conclusionem; alio modo coniunctim, prout sunt dispositæ in modo, & figura, ac ad conclusionem inferendam applicatæ. Priori modo, ne dum prius prioritate naturæ. Sed etiam temporis cognoscuntur ab intellectu, quam conclusio, siquidem, ut sic nullum habent ordinem ad conclusionem; at secundo modo simul tempore cognoscuntur cum conclusione, quia ut sic dicunt vnam, eandemque habitum linem, secundum quam illæ dicuntur causæ, & conclusio effectus earum: & quia cogni-

cognitio conclusionis dependet à cognitione præmissarum; vt inquit Aristotele hic propterea dicendum est assensum, seu cognitionem intellectus prius natura terminari ad præmissas, & posterius natura ad conclusionem cum hoc tamē stat, vt ambo assensus sint in eodē instanti temporis simul in intellectu.

Secundo notandum ex eodem ibidem quod conclusio potest dici cognita, & scita, dupliciter scilicet in vniuersali, & in particulari: tunc conclusio potest sciri in vniuersali cum cognoscitur maior propositio, sub qua potest inferri, non considerando de minori, vel de conclusione, vt e.g. scio hominem esse risibilem, dum cognosco omne animal rationale esse risibile, quia hæc est maior propositio, ad inferendam illam conclusionem: ergo omnis homo est risibilis. In particulari autem potest adhuc dupliciter sciri scilicet in habitu, & in actu. Tunc conclusio aliqua dicitur sciri in particulari, & in habitu, quando cognoscuntur maior, & minor seu iunctim abique earum dispositione in modo, & figura, & sic dum cognosco. Has duas propositiones, omne animal rationale est risibile, & omnis homo est animal rationale, cognosco pariter habitualiter hæc omnis homo est risibilis, quæ eliceretur euidenter ab eis, si forent dispositæ in modo, & figura. Tunc verò cognoscitur conclusio in particulari, & in actu, cum cognoscuntur præmissæ applicate, & dispositæ in modo, & figura ad inferendam conclusionem, vt patet in eodem exemplo: Cognitio præmissarum in vniuersali, & in particulari habitualiter potest esse prius tempore cognitione conclusionis; at cognitio conclusionis in particulari, & in actu est in eodem instanti temporis cum cognitione præmissarum, licet in diuersis signis nature.

Tertio notandum est ex eodē ibidem præmissas esse causas conclusionis in duplici genere causæ. scilicet materialis, & efficientis. Tunc dicuntur causæ materiales, quum præbent conclusioni maiorem, & minorem extremi- tatem, ex quibus coalescit tãquam ex materia. Tunc verò causæ effectiue, cum cognitio præmissarum efficietè causat cognitionem conclusionis simul cum intellectu. Hoc autem potest dupliciter intelligi vno modo sumendo causam formaliter, alio modo sumendo materialiter. Primo modo cognitio præmissarum, nec tempore, nec natura præcedit co-

gnitionem conclusionis, quia sic cum sint re- latiuæ, quæ sunt simul natura, & cognitione, consequenter vna nequit alteri præire, nec naturaliter: at secundo modo, cum conside- rentur secundum esse absolutum, quod ha- bent, quamuis tale absolutum ordinetur ad aliud in ratione causæ benè cognitio præmis- sarum potest esse prior cognitione conclu- sionis, quia inter causam, & effectum, cū sit dependētia huius ab illa, & hæc arguat prio- ritatē, & posterioritatem naturæ, consequē- ter dicendum est cognitionem conclusionis esse naturaliter posteriorem cognitione præ- missarum.

Quarto notandum est cognitionem intel- lectus esse duplicem. scilicet apprehensiuam, & ad hæsiuam: Priori cognoscit intellectus obie- ctū cum aliqua hæitatione. Posteriori verò cū certitudine, & sine aliquo dubio, sit exē- plum de tyronibus, qui addiscūt logicā cum aliqua hæitatione, quapropter apprehendere potius, quā eam scire dicendi sunt Magistri verò, quia pollent logica certitudinaliter, di- cuntur eam scire, & illi certo adhærere: Co- gnoscētes maiore, & minorem primo mo- do, non est necesse, vt simul assentiuntur cō- clusioni, quia cū firmiter non illis adhærēt, possunt suspendere, ex imbecillitate, discursus, & conclusionem, & eius assensum ceterum qui habent noticiam de præmissis, secū- do modo, conantur simul elicere conclusio- nis assensum, quia nullum habent impe- dimentum, vnde retardari possunt in eius elicitione.

Quinto notandum est intellectum, & volū- tatem esse duo principia disparata inter se, quamquam in operando, alterum alteri sub- ordinatur. Dicuntur disparata, quia intelle- ctus est potētia naturalis, quæ positis omnibus requisitis ad operandum, non potest nō ope- rari: nam præsentat sibi obiectū, & nullum habet impedimentum, ex parte sui, non potest non illud intelligere: At voluntas est poten- tia libera, quæ positis omnibus requisitis ad agendum, potest agere, & non agere, velle, & non velle sicut sibi libet. Sunt autem prin- cipia subordinata, quia voluntas, cū sit cæca nō potest quicquam velle, aut nolle, nisi fuerit sibi præostensū ab intellectu, siquidē volūtas ferri nequit in incognitum: cum autem intel- lectus viderit præmissas in modo, & figu- ra, & conclusionem ex eis inferendam ne- cessariò, nequit illis non assentiri, alioquin

non esset potentia naturalis, sed libera, nec assentiendo premis, potest imperio voluntatis auerti à consideratione conclusionis, quia non prius potest ostendi conclusio inferenda per intellectum voluntati, vt esset possit obiectum eius, quia fuerit cognita ab ipso intellectu, igitur inferendum est, quod cognita per intellectum maiori, & minori cognitione adhaesiva, seu iudicativa, non potest non cognosci simul tempore, etiam conclusio.

Sexto. Notandum ex Scoto loco præcitato, conclusionem posse esse obiectum voluntatis, ita quod possit diuertere intellectum ab illius consideratione potest dupliciter intelligi: Vno modo auertendo intellectum à consideratione præmissarum, ex quibus debet inferri conclusio; alio modo auertendo ipsum à consideratione conclusionis, post cognitionem adhaesiuam, seu iudicatiuam præmissarum: Primo modo conclusio potest cadere sub obiecto voluntatis, ac propterea impedire eius assensum, post apprehensionem præmissarum: Secundo modo nequit esse obiectum eiusdem, quandoquidem in eodē instanti cum sit cognoscenda conclusio cognitione adhaesiva cum præmissis, non potest assignari instans in quo seorsum ab assensu præmissarum presentetur voluntati, & consequenter impedire intellectum quominus elicita assensum etiam circa conclusionem, cum ipsum præhabuerit circa præmissas.

Ex his fit prima conclusio. Cognitis præmissis in ratione causæ, hoc est prout sunt dispositæ in modo, & figura, & cognitione adhaesiva, non potest simul non cognosci conclusio. At si cognoscantur seorsim, vel tantum apprehensivæ non oportet simul tempore cognoscere conclusionem. Est Scoti hic qu. 8. Probatur, quia sicut res se habet ad esse, ita ad cognosci, sed tantum primo modo cognite sunt causa conclusionis quoad esse: ergo etiam tantum primo modo sunt causa cognoscendi conclusionem. Maior est Aristotelis lib. 2. & 4. Meth. t. 4. quod eadem sunt principia essendi, & cognoscendi. Minor est nota ex 1. & 4. notab. Confirmatur quia causæ, & effectus, simul sunt, & non sunt; sed præmissæ primo modo sumptæ sunt causæ conclusionis, & secundo modo non sunt causæ eiusdem: ergo priori modo cognite erunt simul cum conclusione, & non secundo modo. Consequentia patet, quia priori

modo tantum, & non posteriori sunt essentia conclusionis.

Secunda Conclusio. Si præmissæ cognoscantur ab intellectu, vt causæ fundamentales conclusionis, prius naturæ cognoscuntur, quam conclusio: ceterum simul natura cum illa, si formaliter sumatur nomen causæ. Est Scoti ibidem q. 9. Probatur prima pars, quia præmissæ, vt sic sunt prius natura in esse conclusione: ergo, & prius natura cognoscuntur. Consequentia patet ex Aristotele 2. & 4. Meth. t. 4. Antecedens patet similiter, quia præmissæ sunt causæ, & conclusio effectus: sed causa præcedit effectum saltem natura: ergo præmissæ sunt prius in esse, quam sit conclusio. Secunda pars probatur quia relatiua sunt simul natura, & in esse, & in cognosci, sed præmissæ, & conclusio, secundo modo sumptæ sunt relatiua: ergo sunt simul natura. Maior patet ex Philo. cap. de ad aliquid. Minor similiter ex tertio Not.

Tertia Conclusio. Habito per intellectum assensu adhaesivo, seu iudicativo præmissarum dispositarum in modo, & figura non potest non sequi necessarîo assensus conclusio nis. Est Scoti loco citato contra Rurium, & alios citatos pro secunda opinione. Probatur quia potentia naturalis, & non impedita, positis omnibus necessarîo requisitis a. I. agendum, non potest non agere, sed intellectus est potentia naturalis, & non potest impediri in elicitione assensus circa conclusionem habito assensu adhaesivo præmissarum: ergo cognitis, vt sic præmissis, necessitat ut cognitionem conclusionis. Maior patet ex Not. 5. quia hæc est differentia inter potentiam naturalem, & liberam. Minor probatur, quia intellectus, & voluntas sunt duo principia disparata: ergo quod est de quaditate vnius, nequit esse de ratione formali alterius; sed voluntas est principium, seu potentia libera, & nullo modo naturaliter intellectus erit solum potentia naturalis, & nullo modo libera: quoad autem nequeat impediri, habito assensu adhaesivo præmissarum, ad elicendum assensum conclusionis probatur quia si posset impediri, maximè hoc esse t ex parte voluntatis, imperantis alterius obiecti confidendo rationem, ratione cuius auerteretur à cognitione conclusionis; sed hoc dici nequit: ergo nequit impediri ab aliquo. Maior patet per aduersarios. Minor probatur, quia conclusio in tali casu non posset esse obiectum

voluntatis: ergo voluntas non posset impetare intellectu; vt sibi oblatam cū præmissis non consideret. Antecedens probatur, quia nequit assignari aliquod instans temporis in quo intellectus assentiat præmissis, & non conclusioni: ergo non potest illam incognitam ostendere voluntati, & consequenter nequit esse obiectum eius distinctum a præmissis.

Dices verum esse, quod intellectus nequeat ostendere voluntati conclusionem seorsim a præmissis, sed simul cum ipsis, quo casu poterit voluntas impetare intellectui cognitione præmissarum tantum, & non conclusionis.

Contra, quia quando intellectu ostendit voluntati conclusionem cum præmissis, aut ostendit illas seorsim, aut coniunctim, & dispositas in modo, & figura; si dicatur primum non est contra nos, quia loquimur, de præmissis applicatis ad conclusionem: Si verò dicatur secundum cum intellectus ostendat illas sub vna, & eadem habitudine, nequit voluntas illas diuidere, & impetare cognitionem præmissarum, absque noticia conclusionis. Concluditur ergo intellectum cogi ab assensu præmissarum ad assentiendum conclusioni, nec per voluntatem impediri posse.

Obijciunt primo contra primam conclusionem. Multa nequeunt simul cognosci, sed præmissæ, & conclusio sunt multa: ergo &c. Maior patet ex Aristotele 2. de Animat. c. 18. potestæ distinguuntur per actus, & actus per obiecta: ergo si actus intellectus est vnus idest vna cognitio, & obiectum debet esse vnum, & non plura. Minor de se est nota.

Respondetur primo ex Doct. sub loco citato qu. 8. Maiorem esse veram de multis, vt multa sunt, non tamen de multis, vt vnum; idest quæ conueniant in aliqua vna habitudine, modo præmissæ antequam disponantur in modo, & figura, & inferatur conclusio ex illis dicuntur multa, & sic nequeunt simul intelligi, ceterum prout sunt dispositæ, & ordinatæ ad conclusionem inferendam sunt vnum, quia sub vna, & eadem habitudine considerantur, & sic cognoscuntur simul tempore.

Vel dicendum secundo cum Taretto Maiorem esse veram de actu recto intellectu, falsam de comparatiuo, quia sic, ea quæ sunt multa cadunt sub vna comparatione passiuæ, & non possunt intelligi simul, nequæ simul-

tate temporis, sed etiam nature: modò præmissæ cum conclusione cognoscuntur simul vnico actu comparatiuo, non tamen recto. Vtrique responsio est bona, ex doctrina Doctoris de prompta.

Obijciunt secundo, quia cognita causa materiali tantum non cognoscitur eius effectus, sed præmissæ sunt causæ materiales conclusionis: ergo cognitis præmissis, non cognoscitur conclusio. Maior patet, quia compositum non tantum pendet à materia, sed etiam à forma in esse: ergo etiam in cognosci. Minor similiter quia conclusio constat ex maiori, & minori extremitate, quæ sunt materia præmissarum.

Respondetur præmissas non cognosci simul cum conclusione in ratione causæ materiali, sed tantum in ratione causæ efficientis, & ideo argumentum non militat contra nos.

Obijciunt tertio, sicut res se habet ad esse, ita ad cognosci; sed præmissæ sunt simul natura in esse cum conclusione: ergo & in cognosci. Mai. est Aristotelis 2. & 4. Meth. t. 4. Minor probatur, quia relatiua sunt simul natura, ex Aristotele cap. de ad aliquid; sed præmissæ, & conclusio sunt relatiua, cum se habeant vt causæ, & effectus: ergo simul nam cognoscuntur, & non tantum simul tempore.

Respondetur negando minorem ad probationem dico maiorem esse veram de relatiuis formaliter, non fundametaliter, modò præmissæ, & conclusio acceptæ, vt relatiua formaliter, sunt simul natura, non tamen fundametaliter, quia ratione præmissæ dicitur causæ efficientes conclusionis, & sic prius natura habent cognosci.

Obijciunt quarto Aristoteles 2. Phys. c. 26. inquit contingere posse, vt quis cognoscat omnem mutam esse sterilem, & hanc esse mutam, & tamen dubitet, an hæc habeat aliquid in ventre, sed in tali casu cognosceret præmissas, & non conclusionem: ergo assensus præmissarum non est simul tempore cum assensu conclusionis.

Respondetur Maiorem esse veram de præmissis seorsim sumptis, non tamen de eisdè applicitis, & dispositis in modo, & figura, quia sic cognoscens præmissas cognitione adhæsiua, debet simul cognoscere etiam conclusionem.

Obijciens quinto præmissæ nequeunt inferre conclusionem, nisi distinctiue concipiantur; sed non possunt distinctè concipi

in eodem instanti simul cum conclusione: ergo assensus præmissarum nõ potest esse in eodem instanti cum assensu conclusionis. Minor probatur, quia præmissæ non possunt distinctè concipi, nisi distinctè concipiantur termini, principia enim cognoscimus inquit terminos cognoscimus ex Aristotele 1. Post. 6. & c. 34. & 35. sed cognitio terminorũ nequit esse simul in eodẽ instanti: ergo &c.

Respondetur negando minorem, ad probationem dico minorem esse veram de præmissis seorsum sumptis, non tamen de eisdẽ dispositis in modo, & figura, quia sic quæ ratione disponuntur, & applicantur ad conclusionem, eadem ratione cognoscuntur distinctè simul cum conclusione.

Obijcies sexto contra tertiam conclusionem, quia sicut sc habet bonum particulare ad voluntatem, ita verum particulare ad intellectum, sed nullum bonum particulare determinat voluntatem, quoad exercitiũ: ergo nec verum poterit determinare intellectum: sed præmissæ etiam dispositæ in modo, & figura, seu applicatæ ad inferendã conclusionem sunt verum particulare: ergo cognitio præmissarum non determinat intellectum ad assensum conclusionis.

Respondetur maiorem esse veram, quod ad rationem obiecti, non tamen quod ad modũ, seu quod ad tẽdentiam huius, & illius potentie in obiectum, quia cum voluntas sit potentia formaliter libera nõ determinatur ab illo bono, saltem particulari: at intellectus cum sit potentia formaliter naturalis determinatur à quocunque, verò, sibi euidenter præsentato, & consequenter præsentatis sibi præmissis dispositis in modo, & figura, ita illis assensum cum conclusione, vt non possit suspendere assensum circa illas, vel seorsum, vel coniunctim præsentatis.

Obijcitur septimo, quia voluntas potest impetare intellectui, vt cesset à consideratione cuiuscunque veri: ergo etiam poterit impedire, nõ consideret conclusionem, etiã consideratis præmissis. Antecedens patet, quia Intellectus in sui operatione subditur imperio voluntatis. Consequentia est nota, quia præmissæ, & conclusio sunt duo vera realiter distincta.

Respondetur. Antecedens esse verum de veris seorsum sumptis, quorum vnum non habet dependentiam ab alio essentialiter falsũ cum adesset essentialis dependentia, vt est in

proposito, quia conclusio dependet essentialiter à præmissis applicatis, quia ratione nequit conclusio esse obiectũ diuersum à præmissis, vt dictum est.

De Diffinitione scientiæ, demonstrationis, & Principij.

C A P. II.

EXpedito primo capite, veluti parte prælimiali, in quo præmisit quædam necessaria ad intelligentiam demonstrationis in præsentī aggredditur partem executiũ, quæ diuiditur in quatuor Tractatus, in quorum primo agit de Demonstratione quoad eius diffinitionem finalem, & materialem. In secundo de ingredientibus demonstrationem virtualiter. In tertio de Figura apta ad conficiendas demonstrationes. In quarto tandem de fine demonstrationis.

Primus Tractatus habet quatuor capitula, in quorum primo tradit diffinitionem scientiæ in concreto dicens: Scire autem opinamur &c. Deinde diffinit demonstrationem, per causam finalem, & materialem: Postea indicat quid, & quotuplex sit principium, et tandem probat principia debere esse notiora conclusione.

Quoad primã partem huius capituli exorditur tractum Demonstrationis ab eiusdem effectu, qui est scientia, & diffinit illam in concreto dicens: Scire autem opinamur vniũ quodque simpliciter, & nõ sophistico modo, qui est secundum accidens, cum causam arbitramur cognoscere, propter quã res est, quæ illius causa est, & non est contingere hoc aliter se habere. Ex qua diffinitione eliciuntur quatuor cõditiones requisitæ ad scientiam propriè acceptam, de quibus satis egimus in illa questione. An logica sit scientia & acturi sumus in sequenti, quare nõ idem toties repetamus, hic eas cõsulto omittimus, & breuiter dicimus, tunc rem propriè dici posse scitã, cum eius causam per se cognoscimus, & applicationem illius causæ ad cõclusionem per discursum syllogisticum, vtdum cognoscimus hominem esse visibilem,

quia

quia est animal rationale, & hæc causa applicata sit ad scitum, id est conclusionem per hunc discursum: omne animal rationale est risibile, omnis homo est animal rationale: ergo omnis homo est risibilis, tunc proprie habemus scientiam de homine, quod sit risibilis, per eius causam, scilicet per animal rationale applicatum ad illam conclusionem, per illum discursum syllogisticum, id est per dispositionem præmissurum in modo, & figura.

Scire autem est duplex scilicet incomplexum, & complexum, scire incomplexum habetur per primam operationem intellectus, id est per apprehensionem quidditatis alicuius rei, hoc est per definitionem, & sic cognoscimus hominem esse animal rationale, & scitum hoc modo acceptum nil aliud est quam definitum, & definitio eius causas.

Scire autem complexum est duplex, scilicet per se, & per accidens. Scire per se est quod habetur ex propositionibus per se dispositis in modo, & figura, ut patet in exemplo allato de homine risibili, quia ambæ propositiones sunt per se, vel secundo modo, ut est maior, in qua prædicatur passio de definitione subiecti, vel primo modo, sicut minor, cuius prædicatum est de quidditate subiecti cum sit eius definitio quidditativa. Scire autem per accidens est quod habetur per propositiones, per accidens dispositas in modo, & figura, ut patet, in hoc exemplo: omnis edificatur edificat, sed omnis edificator est albus: ergo album edificat, siquidem notitia huius conclusionis album edificat dicitur scientia per accidens, quia minor propositio est per accidens, accidit enim edificatori, ut sit albus, vel niger, aut rubens. Hic diffinitur scire complexum, & non incomplexum; per se, & non per accidens, quod scire ab Aristotele vocatur simpliciter scire, id est perfectum, ut distinguitur contra secundum quod seu imperfectum. Et vocatur scire per se, ut distinguitur contra scire per accidens.

Probat Aristoteles hanc definitionem esse bonam dupliciter, & primo, quia illa definitio in qua conveniunt scientes, & non scientes est bona, sed in hac definitione conveniunt scientes, & non scientes: ergo est bona. Ma-

ior est nota. Minorem probat quia tam scientes, quam non scientes arbitrantur se aliquid scire, cum causam se putant cognoscere, ut dum scientes cognoscunt hominem esse risibilem, per rationalitatem, quod sciunt esse causam, putant se scire. Dum vero rustici putant hominem esse risibilem, quia habet dentes, linguam, & os arbitrantur se scire, & ipsi, licet re vera talis non sit causa. Secundo probat quia illa definitio, quæ habet genus, & differentiam est bona, sed hæc definitio scire est huiusmodi: ergo &c. Maior supponitur vera ex alibi dictis: Minor probatur, quia cognoscere est genus ad scire, opinari, & credere: igitur habet genus. Habet etiam differentiam, quia ly per causam est differentia per quam distinguitur scientia à notitia principiorum, quæ non est per causam, & à scientia à posteriori, quæ non est per causam, sed per effectum.

Explicata priori definitione scire seu scientia, subiungit posteriorem dicens: Scire est per demonstrationem intelligere. In qua definitione ly intelligere est genus, quia prædicatur de intelligere opinatio, per fidem, & sophistico. Ly vero per demonstrationem est differentia per quam differt scientia à notitia principiorum, quæ dicitur intellectus, et à scire incomplexo, quod habetur per definitionem tantum.

Quoad secundam partem huius capituli assignat duas definitiones demonstrationis, alteram per causam finalem, & per causam materialem alteram. Definitio per causam finalem est ista: demonstratione autem dico syllogismum epistemonicon id est facientem scire; vel ut alij verunt ex greco, apodycticon, secundum quæ in habendo scimus. Demonstratio est syllogismus scientialis seu faciens scire. In qua definitione ponitur ly syllogismus tanquam genus cui sit quod cõ ad syllogismum dialecticum, sophisticum, et demonstrativum. Ponitur ly faciens scire, ut ostendat causam finalem demonstrationis esse causare sciam, et ut per hanc particulam ponat differentiam inter syllogisticum demonstrativum, & dialecticum, ac sophisticum, nam hic non causat scientiam, sed deceptionem, ille vero opinionem, & non scientiam.

Diffinitio verò per causam materiale sub-
iungitur, dum inquit. Si igitur scire est ut po-
sumus, necesse est demonstratum sciri ex
ex vera esse, & primis, & immediatis, &
notioribus, & prioribus, causisque conclu-
sionis, id est Demonstratio constat ex primis,
paris, & immediatis propositionibus, quæ
debent esse necessario notiores, & priores,
& causa conclusionis: ut omne animal ra-
tionale est risibile, omnis homo est animal
rationale: ergo omnis homo est risibili; dicitur
demonstratio, seu syllogismus demonstra-
tivus, quia eius præmissæ sunt veræ, cum op-
posita sint falsæ: sunt primæ, & immediata,
quia non egent probari per alias propositio-
nes priores: & sunt priores, & notiores ipsa
conclusionem cum sint eiusdem causæ, tam in
genere causæ materialis, quam efficientis;
materialis, quia præbent conclusioni maio-
rem, & minorem extremitatem, ex quibus
constat, & efficientis, quia ratione mediæ ter-
mini, id est animal rationale, causant noti-
tiam conclusionis, quod nimirum homo sit
risibilis.

Probat veritatem huius diffinitionis, quia
syllogismus faciens scire debet procedere ex
primis, veris, immediatis, prioribus, notio-
ribus, causisque conclusionis; sed demonstra-
tio est syllogismus faciens scire ex prædicti
diffinitione: ergo &c. Maiorem probat se-
cundum omnes particulas, quia scientia non
potest esse ex falsis, cum obiectum scientiæ
nequeat aliter se habere: ergo præmissæ de-
bent esse veræ; Secundo quod procedat ex
primis, & immediatis, alioquin daretur pro-
cessus in infinitum, siquidem non essent im-
mediatæ, sed probaretur per alias priores,
& ista per alias, & illa per alias, & sic in
infinitum, & de infinito non potest esse scien-
tia: ergo standum in primis, & immediatis,
quæ faciunt scire. Tercio quod tales præmis-
sæ debent esse priores, & notiores conclu-
siones, quia causæ sunt priores, & notiores
suis effectibus; sed scire est rem per causam
cognoscere: ergo syllogismus faciens scire
debet procedere ex causis prioribus, & no-
tioribus ipsius conclusionis.

Hac diffinitio insuper probatur esse bo-

na, quia & ipsa constat ex genere, & diffe-
rentia; nam syllogismus est genus, ut dictum
est; & ly ex veris, primis, &c. sunt differen-
tia per quas differt demonstratio à syllogis-
mo dialectico, & sophistico, quia non pro-
cedunt ex veris, sed ex apparenstibus, ut so-
phisticis, neque ex primis, & immediatis,
quæ sunt necessaria, sed ex probabilibus, ut
Dialecticis: igitur cum hac diffinitio constet
ex genere, & differentia, est bona.

Quò ad tertiam partem, cum Aristoteles
probauerit demonstrationem procedere ex
primis, & primis, & principium sint idem,
ponit diffinitionem principij dicens. Est au-
tem principium demonstrationis propositio
immediata. Propositio autem immediata
est quæ non est altera prior per quam pro-
bari possit, & demonstrari; id est propositio
immediata est illa, quæ est ita clara ex ter-
minis, ut non egeat alia declaratione, ut
hæc: omne totum est maius sua parte, simi-
liter ista: de qualibet verum est dicere, quod
est, vel non est. Vel non contingit idem in-
esse, & non inesse, quæ omnes sunt imme-
diatæ, cum sint ita manifestæ ex inspectione
terminorum, ut non indigeant alia declara-
tione.

Deinde diffinit propositionem dicens; Pro-
positio est enunciationis altera pars; Enun-
ciatio verò est, quæ involuit utramque par-
tem contradictionis: sit exemplum; Omnis
homo est doctus, & quidam homo non est do-
ctus, dicitur enunciatio, quia continet duas
propositiones contradictorias; utraque ta-
men, tam affirmativa, quam negativa dicitur
propositio; Contradictio verò est opposi-
tio, cuius secundum se non est dare medium,
ut homo, & non homo, quia omnis res mundi
aut est homo, aut non homo; Dicitur tamen
notanter secundum se absolute sumpta, quia
si partes contradictionis sumantur cum ali-
quo addito, posset esse medium, ut patet in
hæc. Homo nec per se est albus, nec per se
non albus, datur medium, quia neutrum de
per se est homo, cum albedo sibi accidat, sed
homo per se est animal, rationalis, risibilis,
ut infra dicemus in propositionibus per se.

Dividit autem propositionem in Dialecti-

cam, & Demonstratiuam. *Propositio dialectica* est quæ accipit utramque partem contradictionis, id est in qua utraque pars contradictionis successiue potest esse vera, ut mater diligit filium suum, & mater non diligit filium suum, quia verum est diligere dum parit, & non diligere dum occidit. *Demonstratiua* vero accipit tantum unam partem, vel affirmatiuam, vel negatiuam, sed verâ determinatè, ut in hac, omne animal rationale est risibile, & aliquod animal rationale non est risibile in qua prima pars dicitur propositio demonstratiua, quia est vera, & secunda falsa: Ratio autem huius est, quia propositio demonstratiua generat scientiam, & dialectica opinionem, illa debet accipere tantum veram partem, ex qua sequatur verum, & hæc utramque, quia probabile est matrem diligere, & non diligere filium, cum fuerint inuenta matres educantes, & occidentes filios.

Declarata diffinitione principij diuidit illud in duo membra, scilicet in dignitatem, & positionem. *Dignitas* est propositio immediata vniuersalis, & adeo clara, ut declaratione non indigeat, ut supra exemplificatum est de toto, & partibus &c. *Positio* vero est propositio immediata, & indemonstrabilis, sed non ita vniuersalis, nec ita clara sicut dignitas, ut hæc omne animal rationale est risibile, & omnis homo est animal rationale, & huiusmodi principia particularia cuiuslibet scientiæ.

Dignitates vero dicuntur tales, quia dignum est, ut illis omnes præbeant assensum absque ulla probatione: *Positiones* autem quia formaliter ponuntur in demonstratione, dignitates vero tantum virtualiter, ut supra tactum est in precedenti capite.

Positio vero diuiditur in veram, vel falsam seu suppositionem, & diffinitionem, quod idem est dicere in maiorem, & minorem propositionem, nam maior dicitur positio, quia est prima præmissa posita in demonstratione. Minor vero suppositio, quia supponitur maiori, & quia semper altera illarum est diffinitio subiecti propterea diuidi-

tur positio in diffinitionem, & suppositionem.

Quò ad quartam partem tandem subiungit veritatem, & euidentiã principiorum, seu præmissarum, ingredientium demonstrationem, debere esse maiorem, quam sit veritas, & claritas conclusionis, & profert illud axioma toties decantatum in Scholis: Propter quod unumquodque tale, & illud magis; sed assentimur conclusioni, ob veritatem, & claritatem principiorum, seu præmissarum: ergo talia debent esse magis vera, & clara, quam conclusio.

Principia autem sunt duplicia, scilicet vniuersalia in omnibus scientiis, & sunt illa duo. De quolibet verum est dicere, quod est, vel non est, & non contingit idem inesse, & non inesse. Alia sunt particularia, & propria in vnaquaque scientia, ut in physica: omne compositum ex materia, & forma est corruptibile, vel omne corpus naturale est mobile. Principia primo modo sumpta debent esse notissima in omni scientia, quia per illa probari possunt omnia principia particularium scientiarum, & propterea dicuntur dignitates, quia dignissimum locum sibi vendicant in omni scientia, & facultate. At secundo modo accepta, sufficit, ut sint nota, & manifesta in illa scientia cuius sunt principia, quia ratione etiam non dicuntur dignitates, sed positiones. Axioma illud, propter quod unum quodque tale, & illud magis, verificatur de omnibus principijs, sed cum hac differentia, ut priora dicantur simpliciter nota, et indemonstrabilia in omnibus scientiis: posteriora vero.

ro tantum in illa scientia,
in qua sunt principia,
quibusdam adie.

His condi.

tionibus, de quibus dicemus
in propria qua-
stione.

gēte, & hoc modo Angeli, & primus Parent Adā habuerunt scientia omnium rerum, salte creatarum, siquidē piissimus Conditor in eorum creatione, conuenit illis species intelligibiles, vt absq; conuersione ad obiecta sensibilia, possent omnū rerū habere euidētē notitiam: Tunc verō aliquid cognoscitur, secundo modo, cū per species acquisitas ab eo, mediante intellectu agente, producantur in intellectu possibili species intelligibiles, quæ simul cum illo pariant suispius notitiā. Hanc cognitionē quotidie experimus in nobis, siquidē cū omnia existāt in singularibus, & hæc præbeant species intelligibiles omnū quiditatū, cōsequenter intellectus in illis, & cū illis producat notitiā omnium per distinctionē, quæ dicitur sciētia incōplexa, & quiditatiua, ac per demonstrationē, quæ est notitiā conclusionis cōplexa, & qualitatiua, cum in ea demonstretur passio de suo subiecto, quæ cū non sit de eius essentia, dicitur qualitas eiussē. Plato, & Auic. putauerūt dari sciētiā tantū priori modo, s. per species congenitas, at Aristot. probauit admitti debere, etiā secūdo modo, hoc est per species acquisitas.

Quarto notandū est ex Scot. hic q. 2. Sciētiā pro statu isto posse acquiri in nobis, & ab intrinseco tantū, & ab intrinseco, & ab extrinseco simul, sicut patet etiam de sanitate, quæ tunc acquiritur ab intrinseco tantū, quando pars sana alterat partē infirmā, & eā reducit ad pristinā sanitatē, vt sepe sæpius accidit in brutis: tunc autē acquiritur partim ab intrinseco, & partim ab extrinseco, cū virtute medicorū, ac medicinarū iuuatur pars sana, vt valeat agere in infirmā, ipsaq; alterando reducere ad salutē, quo casu pars sana se habet vt agens principale, & medicus, & medicina vt potē extrinseca, sunt agētia minus principalia, & dispositiua, sine quibus operari non posset agens principale: Ita etiam dicendum est de scientiā, quæ tunc acquiritur ab intrinseco tantū, cū intellectus est benē dispositus, & ex præmissis notis virtute intellectus agētis potest deuenire incognitionem cōclusionis absq; doctore, ac magistro, vt accidit in primis Inuentoribus scientiarum: Tūc verō acquiritur partim ab intrinseco, & ab extrinseco etiam, quando virtute doctoris, & Magistri disponitur intellectus per ordinationem præmissarū in modo, & figura, & earū applicatione ad conclusionē inferendam, vt valeat cognoscere inhaerentiam prædicati

eam subiecto in conclusionē, & scientia hoc modo addiscitur cōmuniter in Scholis hisce nostris temporibus. Ex quibus inferitur, quod quatuor requiruntur ad gignendā sciētiā de nouo pro statu isto, & primo: Deus suo concursu, vt causa præcipua, secundo intellectus vt causa secunda principalis, subordīnata tamē Deo in operando. Tercio obiectū incōplexū, si est scientia incōplexa, vel si fuerit cōplexa, cōplexū, i. præmissæ dispositæ in modo, & figura inferentes conclusionem. Quarto tadē Magister, vt causa minus principalis, & cōadiuuās, seu ordinans præmissas in modo, & figura, ostendensq; illarū cōclusionem ex illis, sic dispositis, quibus suppositis, sequitur scientia in intellectu de obiectis, quæ prius ignorabantur, & sic dari sciētiā de nouo contra Platonem, & Auicenam.

Quinto notandū ex dictis in præced. Dispositiō sciētiā cōclusionis posse haberi ante demonstrationē, & post demonstrationē priori modo dicitur haberi in vniuersali, & in habitu, cognoscendo maiorem tantum, vel maiore, & minorem sine earum dispositione in modo, & figura. Secundo modo habetur in actu & in particulari, quia nimirum præmissæ sunt dispositæ, & applicatæ ad inferendam conclusionem, sicut supra declaratum est.

Ex his fit prima conclusio. Est dabilis sciētia in rerū natura pro statu isto de rebus secūdū esse quiditatiuū, non tamen secūdū esse actualis existentie. Est cōmūis cōtra Academicos, & præcipuē Scot. in 1. sent. d. 3. q. 4. vbi ab ipso probatur multis rationibus, quas o-mittimus, breuitati studentes, vnica tantum probatione, earq; fundamentali, contenti, quæ talis est. Dabilis est notitiā; certa; & euidēs de obiecto necessaria, & causata ab intellectu, applicataq; ad scitū per dictū syllogisticū: ergo dabilis est scientia. Cōsequētia patet ex diffinitione scientiæ, tradite in textu c. 2. Antecedēs probatur, quia notitiā, quæ habetur de homine, quod sit risibilis, est sine dubio certa, & euidēs, cū hoc cōstet ratione, & experientia; siquidē videmus omnē hominē ridere, vnde inferimus esse risibilē, & hoc est obiectū necessariū, quia impossibile est hominem non esse risibilem, cum risibilitas sit sibi identificata realiter; huiusmodi etiam notitiā habetur per discursum syllogisticum, scilicet omne animal rationale esse risibile, & omnis homo est animal rationale: ergo omnis homo est risibilis, igitur dabilis est

notitia certa, & evidens, &c. Secunda pars probatur, quia res secundum esse quiditativum sunt incorruptibiles, & necessarie, ut potest habentes esse in mente divina, in qua nihil reperitur, quod sit corruptioni obnoxium. Tertia pars probatur, quia scientia est de rebus æternis, & impossibilibus aliter se habere, sed res secundum existentiam actualement non sunt huiusmodi, cum experientia constet esse subiectas ortui, & interitui: ergo de illis nequit esse scientia.

Secunda Conclusio. Datur scientia de nouo per species acquisitas virtute sensuum, & intellectus agentis, & non infusas, seu influxas ab Ideis, vel intelligentiæ est contra Platonem, & Aiceenam citatas. Probatur Auctoritate Aristotelis in c. & textu i. ubi dicit, omne doctrinam, & omnem disciplinam fieri ex præ-existenti cognitione. Item omnem nostram cognitionem oriri a sensibus: ergo scientia, quæ est cognitio conclusionis, non est per species infusas seu influxas, sed per acquisitas. Secundo sic si nostra scientia ellet per species infusas, & non acquisitas, sequeretur cæcos habere cognitionem de coloribus, sicut videntes: sed hoc est contra experientiam, & commune, ac vulgatum proverbiū, cæcus non iudicat de coloribus, ergo, &c. Maior probatur quia si Idea vel Intelligentia influat species omnium rerum in omnes homines, non est cur soli videntibus, & non cæcis, debeant influere, cum, & ipsi sint homines: ergo si videntes habent scientiam de coloribus per species infusas, & cæci pariter habebunt, & sic possidebunt cognitionem de coloribus sicut videntes.

Obijciunt tamen contra veramque conclusionem simul, quia si aliquid sciremus, & de novo, ellet per viam intellectus tantum, aut per viam intellectus, & sensus simul, sed neutrum est dicendum: ergo, &c. Maior patet, quia omnis nostra cognitio, vel est intellectiva, vel sensitiva. Minor prob. non via sensus, quia hic potest docipi circa suum obiectum: ergo nequit haberi scientia, quæ est notitia certa via sensus. Nec per viam intellectus, quia nihil est in intellectu quin prius fuerit in sensu ex Arist. 2. de anima, & lib. de sensu, & sensibile, sed per viam sensus nequit haberi scientia: ergo nec per intellectum.

Respondetur negando minorem, ad probationem dico veram esse de sensu indispósito, vel impedito, ex eo, quod non habet obiectum in approximatione debita, vel proportionata quantitate, scilicet verum si sensus sit perfecte di-

spositus, & non impeditus, quia sic potest habere notitiam certam de suo obiecto, & ut sic representare intellectui, qui si non fuerit, & ipse impeditus; eliciet de eodem obiecto notitiam certam, & evidenter, quæ scientia appellatur.

Obijciunt secundo, quia scientia est rerum immutabilium: sed nulla res pro hoc statu est immutabilis: ergo de nulla possumus habere scientiam. Maior est Aristotelis in hoc i. lib. Post. c. 7. Minor probatur quod est in re mutabili, est mutabilis: sed omnes res sunt in singularibus, quæ sunt mutabilia, ut patet per experientiam: ergo, &c.

Respondetur negando minorem, ad probationem dico minorem esse veram de rebus secundum existentiam actualement non tamen secundum esse quiditativum, quia sic habent esse in mente divina immutabiliter.

Contra quia res pro statu isto habent esse in speciebus intelligibilibus, sed species intelligibiles sunt mutabiles, quia deperduntur, & delentur ab intellectu: ergo, &c.

Respondetur ex Doct. Subt. in 1. d. 3. q. 4. sub I. K. L. Minorem esse veram secundum se, cum sint accidentia; notamen in ratione representandi, quia sic sunt immutabiles: tunc quia representant obiectum secundum esse quiditativum; tum etiam quia representant semper eodem modo, hoc est dictu species hominis hominem, & non asinum, & species asini, asinum, & non hominem representant, & in hoc consistit immutabilitas earundem specierum intelligibilium, quæ ratione etiam sunt productivæ scientiæ, simul cum intellectu.

Obijciunt tertio contra secundam conclusionem scientia perficitur in anima: sed anima nostra est creata à Deo perfecta: ergo cum omni scientia, & sic nulla scientia erit acquisita de novo.

Respondetur maiorem esse veram accidentaliter, non substantialiter, minorem verò è converso substantialiter, non accidentaliter, quia sic perficitur per acquisitionem scientiarum, & aliorum habituum intellectualium.

Obijciunt quarto, quia si volo aliquid scire de novo, aut volo scire, quod prius sciebam, aut quod nesciebam, sed neutrum dici potest ergo, &c. Maior patet à sufficienti divisione. Minor prob. quod non primum quia tunc idem bis sciretur: nec secundum quia sicut quis frustra querit hominem, quæ non novit, quia si etiam illum offenderit, non nosset, ita etiam frustra querimus scientiam de re, quæ prius ignorabamus: unde concludendum est non posse villo-

mo-

modo acquiri scientiam de nouo, sed omnem esse antiquam per species infusas.

Respondetur maiorem esse verâ cû distinctione, nos velle scire id quod prius sciebamus in vniuersali, & virtualiter, non tamen quod sciebamus in particulari, & actualiter, quia tûc idem bis sciretur: & etiam nos velle scire id quod nesciebamus in particulari, & in actu, sed tantû in vniuersali, & in habitu: ad probationem minoris dico esse verâ, si conclusio scibilis esset omnino ignota, falsâ tamê, si esset partim nota, & partim ignota; nota in quâ in vniuersali & in habitu; ignota verò in particulari, & in actu, quia sic nō frustra, sed vtiliter querimus scientiâ in particulari, q̃ prius habebamus tantû in vniuersali, & in habitu.

Verum Diffinitiones scire sint bene assignata ab Aristotele in textu.

QVÆSTIO II.

Cum nulla extent iurgia, aut dissidia inter expositores circa huiusmodi definitiones, idcirco non est immorandû in titulo quæstionis, sed ad eiusdem declarationem statim accedendû, quare P. Notandum est definitionem esse duplicem, scilicet aliam quid nominis, & aliam quid rei, & vtrâque posse fieri simpliciter vel cû admixtione alterius: ut dicunt Philosophi: amor sapientiæ, & humanarû, diuinarûq; rerû cognitio, inuoluitur vtrâque; definitio simul, quia per priorē explicatur nomen, & per posteriorem natura, & quidditas Philosophiæ expenditur: Hic est sermo de vtrâque, quia prima definitio scire est mixta, nâ per ly cognoscere expenditur nomen scire; cum vero additur per causam, & propter quam res est, & quoniam illius est causa explicatur, & essentia scientiæ quæ est cognitio rei complexæ per causam, idest per præmissas dispositas in modo, & figura.

Secundo notandum est ex Scot. hic q. 10. scire accipi potest quadrupliciter: vno modo communiter, & sic sciuntur contingentes propositiones, ut omnis homo currit: Petrus dormit, Paulus studet &c. Secundo modo propriè & sic sciuntur contingentiâ nata i. quæ frequenter accidunt, ut nimirû in hyeme esse futura copiam pluuiarû, in ætate tonitrua, & gradines, & huiusmodi: tertio modo magis propriè, & sic sciuntur principia demonstrationis per intuitionem terminorû: quarto modo ta-

lè propertissime, & sic sciuntur conclusiones per præmissas dispositas in modo, & figura: Diffinitiones scire datæ ab Aristotele in textu sunt de scire quarto modo tantum, quia tale habetur per causam primam, & immediatam, idest per præmissas dispositas, & applicatas ad conclusionem inferendam.

Tertio notandû ex eodẽ ibid. & in Prolog. sent. q. 1. & 4. laterali, & in 3. d. 1. q. 1. D. quod ad scire propriissimè dictum quatuor conditiones requiruntur: prima quod sit certû; secunda quod sit necessarium, tertia quod sit euident, quarta quod sit per causam applicatam, idest per præmissas dispositas in modo, & figura; ut sæpe sæpius diximus, & præcipuè in illa quæstione. Vtrum logica sit scientia ad quam habendus est recursus, nē idem toties repetatur.

Quarto notanda sunt ea, quæ de scire dicta sunt in Expositione textus, & præcipuè scire esse duplex, scilicet complexum, & incomplexum: complexum duplex nimirum per se, & per accidens, quia hic est sermo de scire complexo per se, nam de incomplexo, vel per accidens alias dictum est.

Ex his fit prima conclusio. Prima definitio, scire opinatur simpliciter, &c. est bona, & sufficienter assignata. Probatur quia definitio habens omnes condiciones requisitas ad bonâ definitionem est bona, sed hæc est huiusmodi: ergo est bona. Maior patet, & Minor probatur, quia habet genus, & differentiam, & conuenit soli, & omni scire strictissime sumpto: ergo &c. Antecedens probatur, quia per ly cognoscere innuitur genus, cum sit commune ad omnes notitias, siue incomplexas, siue complexas. Per ly simpliciter denotatur vna differentia, per quam distinguitur à scire per accidens, seu sophistico. Per ly nō est contingere aliter se habere demonstrat differentiam, quæ differt à scientia contingentium: Per ly per causam euidentem intellectu innuitur differentia à scire principiorum, quod non habetur per discursum syllogisticum, (sed immediate ex intuitionem terminorû). Habet etiam secundam, & tertiam quia solum scire, & omne scire propriissimè sumptum est per se, de obiecto necessario, & cautatû à causa euidentem intellectu, & applicata ad conclusionem per discursum syllogisticum, ut patet ex secundo not.

Secunda conclusio. Diffinitio secunda, scire est res per causam demonstratiuam intelligere est bona, & sufficienter assignata. Probatur quia

quia definitio, quæ habet genus, & differentia est bona ex Arist. 7. Meth. tc. 43. sed hæc secunda definitio est huiusmodi ergo est bona, & sufficienter assignata. Minor probatur quia ly intelligere est genus cum sit comune ad scire complexum, & incoplexū, & ly per demonstrationē, seu causā demonstratiuā, est differentia, per quā differt a scire principiorum. & terminorum, quæ non habentur per demonstrationem alioquin daretur processus in infinitum: ergo definitio ista habet genus, & differentiam, & consequenter bona.

Obijcies tamen contra utramque simul, quia eiusdem rei nō possunt esse plures definitiones quiditatiue, & sufficienter assignate: sed scire est vna res: ergo ambæ definitiones nō possunt esse quiditatiue, nec sufficienter assignate. Maior patet, quia eiusdē rei nequeunt esse plures quiditates, sed quolibet definitio, quiditatiua indicat vnā quiditatem: ergo eiusdē rei nequeunt esse plures definitiones quiditatiue.

Respondetur maiore esse verā eodē modo nō tamen diuerso modo, vt accidit in proposito, quia per primā definitionē diffinitur scire propriissimē sumptū a priori, & per causā tantum; per secundam verō diffinitur quod cūq; scire siue per causam, siue per effectū, & a posteriori; cum etiam tale habeatur per demonstrationē a posteriori, seu quia, vt inferius videbimus.

Obijcitur secundo, quia Deus habet scientiā propriissimā; sed illam non habet per demonstrationem, cum discursus dicat imperfectionem, quæ procul est a Deo: ergo scire propriissimum non habetur per causam demonstratiuam, vel saltem definitio non competit omni scire propriissimo.

Respondetur Deum habere scientiā propriissimā de sua Diuina essentia primo, & virtute eius etiam de cæteris obiectis necessarijs creatis, quasi secundario; talis autē scientia nō cōtinetur sub his definitionibus, quia Aristot. diffiniuit tantū scientiā creatā, limitatā, & humanitus acquisitam; modo scientiam, quam habet Deus est increata, illimitata, & essentialis ipsi intellectui Diuino.

Obijcies tertio, quia si scire est rē per causā cognoscere, quero, aut principia sciūt, aut non, neutrum est dicendū: ergo &c. Minor probatur, quia si sciuntur ergo per causā, & sic processus in infinitum in principijs, quod non est dicendum: si verō dicatur, quod non

sciuntur, est contra Aristotelem hic c. 2. In fine dicentem principia esse magis scita, quam conclusiones, quia propter quod vnumquodque tale, & illud magis.

Respondetur principia sciri scientia magis propria, quæ dicitur intellectus, non verō propriissima, vt dictū est not. 2. modo definitio Arist. intelligitur de scientia propriissima quia hæc sola habetur per demonstrationem.

Obijcies quarto contra illam particulam, quoniam illius est causa, &c. si ad scientiā propriissimam requiritur cognitio causæ, vt applicatæ ad scitum, sequitur nō cognosci conclusionem sub priora ratione, sed sub ratione applicati, id est relatiui, atqui consequens est falsum: ergo & illud ex quo sequitur. Minor patet, quia tunc omnis scientia strictissime sumpta esset tantū de relatiuis, & non de absolutis, quod nemo facile concederet: Sequela maioris probatur, quia applicatio dicit relationem: ergo cognitio sub ratione applicationis esset sub ratione relatiui, & sic conclusio non sciretur sub propria ratione.

Respondetur negando sequelam maioris, ad probationem dico conclusionem inferri ex premissis posse dupliciter intelligi, vel formaliter, i. in ratione effectus a causis formaliter, & sic cognoscitur sub ratione relatiui, quā importat ratio causæ, & effectus formaliter: vel fūdametaliter, & sic quæ ad modum premissæ, nō sūt relatiue, sed absolute, sic nec cōclus. illata, & eius cognitio erit relatiua, sed absoluta: Modò ratio applicationis s. formaliter dicit relationem, non fundamentaliter.

Obijcies quinto, cōtra aliā particulam, impossibile est aliter se habere, &c. De his, quæ frequentur accidunt, sunt demonstrationes, sed manifestū est talia posse aliter se habere: ergo illa particula nō rectē ponitur in definitione scire. Prima Minor probat. quia demonstratur lunā eclipsari, in hyeme pluuijs, & in æstate tonitrua fieri in magna copia: sed talia sunt ex his, quæ frequentur accidunt: ergo de his sunt demonstrationes.

Respondetur minore esse veram secundū se, non tamē p. talia causā in esse, siquidē luna secūdū se potest eclipsari, & non eclipsari, cū sibi accidat, at posita interpositione terræ inter solem, & lunā; lunam eclipsari est necessarium, & sic de ea sunt demonstrationes, & non de eclipsi secundum se, quia sic est quoddam contingens. Idem dicendum est de omnibus, quæ frequentur accidunt.

Obij-

Obijces sexto, de ratione scientiæ non est euidentiā ex parte intellectus: ergo malè ponitur illa particula, & quoniam illius est causa, &c. Consequentia patet, per illam particulam communiter intelligitur euidentiā illustrationis conclusionis ex præmissis, & consequenter scientiæ. Antecedens probatur, quia Theologia nostra est vera scientia, quia notitia, certa, de obiecto necessario. scilicet de Deo, habita per discursum syllogisticum duarum præmissarum, quarum altera est de fide, & altera naturaliter nota, & tamen non est euidens in intellectu nostro pro statu isto: ergo ad veram, & perfectam scientiam, non requiritur euidentiā.

Respondetur negando antecedens, cum Doct. Subtil. in Prologo primi sent. q. 3. & 4. collat. in principio, & in 3. d. 24. q. vii. §. Ad questionem loquendo de scientia, prout diffinitur hic ab Aristot. c. 2. immò euidentiā est conditio essentialis huius scientiæ: si verò accipiaturscientia, prout diffinitur ab eodem, 6. & hic c. 3. quatenus nimirum distinguitur solum contra opinionem, & suspensionem, tunc verum est ad scientiam non requiri euidentiā, quia talis statim fide, quæ est obscura notitia, licet certissima, & de obiecto necessario: Ad probationem dico cum eodē Doct. in 1. loc. cit. Theologiam nostram non esse scientiam propriissimè iumptam, quia caret euidentiā, sed solum secundo modo prout distinguitur contra opinionem, & suspensionem.

Verum Diffinitiones Demonstrationis sint bonæ, & conuenienter assignatæ ab Aristotele?

Q V Æ S T I O I I I A

Circa hanc questionem nulla videtur adesse controuersia, siquidem omnes adherent Philosopho diffinienti demonstrationem per causam finalem, & materiale, & ambas diffinitiones esse conuenienter assignatas.

Pro declaratione tamen utriusque primo notandum est, quod sæpe sæpius notauimus syllogismum in communi diuidi in demonstratum, dialecticum, & sophisticum, uti genus in suas species. Syllogismum autem demonstrationem, de quo est sermo, duplicem esse. scilicet ostensiuum, & ad impossibile. Ostensiuus est

qui procedit ex præmissis veris, ac necessariis, siue tales sint mediatæ, siue immediatæ, ut hic omne risibile est animal rationale, omnis homo est risibilis: ergo omnis homo est animal rationale, & dicitur ostensiuus, quia ostendit verum ex veris procedere. Ad impossibile verò est qui ex falso insert manifestè falsum, ex cuius interemptione, tandem concluditur verum, ut si quis negaret hanc propositionem, omnis homo est risibilis, probatur ad impossibile sic: quidam homo non est risibilis, omnis homo, est rationalis: ergo quoddam rationale non est risibile: conclusio ista est falsa. ergo aliqua præmissarum, non minor, quia in ea, differentia essentialis prædicatur de eo, cuius est differentia, ergo maior. hæc quidam homo non est risibilis, igitur sua contradictoria est vera, omnis homo est risibilis. Hic est sermo de syllogismo demonstratiuo, seu de demonstratione ostensiuo non ad impossibile.

Secundo notandū est syllogismum ostensiuum, seu demonstrationem ostensiuam esse duplicem, scilicet a causâ, seu a priori, & ab effectu siue a posteriori. Demonstratio à causâ fit, quando medium est causa demonstrandi effectum de aliquo, ut omne animal rationale est risibile, omnis homo est animal rationale: ergo omnis homo est risibilis: hic, n. per animal rationale, quod est causa ostenditur risibilitas, quæ est eius effectus, inesse homini. Demonstratio verò ab effectu, est quādo per effectum, ut per medium ostenditur eius causa inesse alicui ut omne risibile est animal rationale, omnis homo est risibilis: ergo omnis homo est animal rationale; nam per risibile, quod est effectus animalis rationalis ostendimus eius inhaerentiam suo subiecto, scilicet diffinito. Demonstratio à causâ est duplex, scilicet à causâ propinquâ, & remotâ. Demonstratio à causâ propinquâ est quando demonstratur effectus de aliquo per eius causam propinquam, ut patet in exemplo proximè allato. Demonstratio verò à causâ remotâ est quādo per causam remotam, ut per mediū demonstratur eius effectus de aliquo: ut omne non respirans est non animal, sed omnis lapis est non respirans: ergo omnis lapis est non animal: respirare, non est causa propinquâ animalitatis sed sensibilitas: ergo non respirare non erit causa propinquâ, sed tantum remotâ, non animalitatis. Demonstratio à causâ propinquâ etiam est duplex, scilicet potissima, seu

propter quid, & non potissima Demonstratio potissima propter quid est quæ constat ex præmissis primis veris, immediatis, vniuersalibus, & conuertibilibus, vt omne animal rationale est risibile, omnis homo est animal rationale: ergo omnis homo est risibilis. Demonstratio verò non potissima est cuius præmissæ non sunt ambæ vniuersales, nec conuertibiles, vt hæc omne animal rationale est risibile, Petrus est animal rationale: ergo Petrus est risibilis in qua minor, nec est Vniuersalis, nec conuertibilis, ista enim est falsa, omne animal rationale est Petrus.

Tertio notandum est totum id, quod de diffinitionibus diximus superius in Vniuersalibus, ac Prædicamentis, & præsertim tres esse conditiones requisitas ad bonam diffinitionem nimirum, quod competat soli diffinito, omni contento sub diffinito, & quod expendat naturam diffiniti per genus, & differentiam.

His prænotatis sit prima Conclusio. Prima diffinitio demonstrationis in qua dicitur Demonstratio est syllogismus apodicticon, seu vt alij vertunt, Epistemonicon. id est faciens scire. est quiditativa, & conuenienter assignata. Probatur, quia diffinitio constans ex genere, & differentia est quiditativa ex Aristotele septimo Meth. t. c. 42. sed huiusmodi diffinitio constat ex genere, & differentia: ergo est quiditativa. Minor probatur, quia ly syllogismus est genus, vt alibi probauimus, quia prædicatur: & syllogismo demonstratio, topico, & Sophystico, tamquàm de differentibus specie: & ly faciens scire est differentia, quia per hoc differt à topico, cuius finis est generare opinionem, & à Sophystico, qui non facit scire, sed apparenter scire, seu decipere. Secunda pars probatur. Quia illa diffinitio, quæ habet omnes conditiones bonæ diffinitionis, est conuenienter assignata; sed hæc diffinitio est huiusmodi: ergo, &c. Maior patet, quia nihil aliud requiritur. Minor probatur, quia demonstratio sola, & omnis demonstratio, facit scire, vt inferius probabimus, & expendit naturam syllogismi demonstratiui per genus; & differentiam, vt demonstratum est: ergo habet omnes conditiones requisitas ad bonam diffinitionem.

Secunda Conclusio. Secunda diffinitio, in qua dicitur, demonstratio est, quæ procedit ex primis, veris, immediatis, prioribus, no-

tionibus, causisque conclusionis, est pariter quiditativa, & conuenienter assignata. Probatur eodem modo, sicut prior, siquidem in illa subintelligitur syllogismus, qui est genus, & per illas particulas, ex primis, veris, immediatis, &c. subiunguntur partiales differentie, vnam integrantes totalem, per quam materialiter differt syllogismus demonstratiuus à topico, & Sophystico, quandoquidem vt dictum est in expositione textus topicus constat ex probabilibus, & Sophysticus ex falsis, vel saltem solum apparenter veris: ergo, &c. Similiter huiusmodi diffinitio est conueniens, quia habet omnes conditiones requisitas ad bonam diffinitionem datam per causam materialem; conuenit. n. soli, & omni demonstrationi, & exprimit eius naturam per genus, & differentiam, vt probatum est: ergo est bonæ, & conuenienter assignata.

Obijcies tamen contra primam conclusionem, quia nullum ens rationis est causa scientiæ; siquidem scientia est ens reale, & causa non debet esse imperfectior saltem suo effectu; si d. demonstratio, de qua hic agitur, est ens rationis, cum sit vna secunda intentio: ergo nequit causare scientiam, quæ est ens reale.

Respondetur, maiorem esse veram secundum se, & formaliter, falsam ratione sui fundamenti; modo demonstratio quæuis formaliter sit ens rationis, & secunda intentio, tamen fundamentaliter, est ens reale, & sic causat scientiam; quæ intrinsecè est ens reale.

Vel dicendum secundo, negando maiorem, siquidem syllogismus pro secunda intentione est subiectum in tota logica, quæ est scientia. Ad probationem d. co scientiam intrinsecè esse ens reale, extrinsecè verò ratione sui subiecti, posse esse etiam ens rationis; modo demonstratio pro secunda intentione est syllogismus faciens scire, quod est ens rationis extrinsecè, & ens reale intrinsecè.

Obijcies secundo, quia scire diffinitus per demonstrationem, dum dicitur cap. secundo scire est per demonstrationem intelligere: ergo demonstratio nequit diffiniri per scire, aliter huiusmodi diffinitiones essent circulares, & non bonæ.

Respondetur negando consequentiam, quia non inconuenit aliqua à se inuicem diffiniri.

finiri secundum diuersa genera causarum, ut patet in proposito, quia scire diffinitur per demonstrationem, ut per causam efficientem; demonstratio uero per scire, ut per causam finalem, siquidem finis demonstrationis est patere scientiam, & sic non sequitur circulus, quia utraque datur per priora, & notiora in alio, & alio genere causæ.

Obijciunt tertio, contra secundam conclusionem, quia in Mathematica sunt plures demonstrationes potissimæ; sed tales non procedunt ex primis, & immediatis, quia ex his procedit tantum prima demonstratio Geometrica: ergo non omnis demonstratio procedit ex primis, & immediatis.

Respondetur maiorem esse veram ratione euidentiæ non tamen ratione causalitatis quia sic non sunt omnes potissimæ, sed solum illæ, quæ procedunt ex primis veris, & immediatis.

Obijciunt quarto. Hæc diffinitio in se continet superflua: ergo non est bona, & conuenienter assignata. Consequentia patet. Antecedens probatur, quia omnia prima sunt immediata, & è contrariis: ergo si dicitur ex primis, superfluit subiungere ex immediatis. Similiter omnia prima, & immediata sunt etiam priora conclusionibus: ergo superfluum fuit addere ly ex prioribus, & notioribus. Antecedens patet, quia conclusiones sunt effectus, & principia prima sunt causæ, modo causa est semper prior saltem natura suo effectui.

Respondetur, ex Doctore Subtili in primo Post. q. 11. negando antecedens, ad probationem, dico esse falsum quod omnia principia sint immediata, quia hæc est per se primo. Homo est animal, & tamen non est immediata, cum possit probari per animal rationale, & per alia media; similiter posito etiam, quod prima, & immediata sint eadē, adhuc non superfluum, quia in ordine ad conclusionem accipiuntur sub diuersis proprietatibus, si qui lem dicuntur prima, quia non habent alia priora; dicuntur uero immediata, quia non applicantur ad conclusiones per alia media. Ad secundam probationem dico principia dici prima in se, & absolute, priora uero per ordinem ad conclusiones, quæ tamquam effectus, dicuntur posteriores, & hac ratione dicuntur etiam causæ,

quatenus de esse communi, quod habent, appropriantur ad inferendas has, & non omnes conclusiones, & sic nulla ex particulis positus in diffinitione: secunda demonstrationis superfluit, ut prætendebat argumentum.

Obijciunt quinto, si demonstratio esset ex primis veris, & immediatis, sequeretur nullam dari demonstrationem ab effectu ad causam, sed hoc est contra Aristotelem, ut inferius demonstrabimus, tum in hoc libro, tum in secundo post: ergo, &c. Sequela maioris est clara, quia prima, & immediata sunt causæ, & non effectus: ergo nulla esset demonstratio procedens ab effectu ad causam.

Respondetur, maiorem esse veram de demonstratione propter quid, & simpliciter, quia nulla talis datur, quæ non sit ex primis veris, & immediatis, falsam tamen de demonstratione, ut sic, quia cum ista comprehendat sub se etiam demonstrationem, quia quæ datur per effectum ad ostendendam causam, sequitur dari demonstrationem aliquam, quæ non procedat ex primis, & immediatis, ut inferius probabimus; nec inde sequitur hanc diffinitionem non esse bonam, quia non comprehendit omnem demonstrationem, sed tantum illam, quæ facit scire simpliciter.

Virum de non Ente posse haberi scientiam?

QVÆSTIO IV.

Cum Aristoteles dixisset in principio huius secundus capitis scientiam non posse esse de eo, quod contingit aliter se habere; & intulisset, quare enim simpliciter est scientia, hoc est impossibile aliter se habere, dedit occasionem inuestigandi, an propositio sit vera solum in entibus; vel possit extendi etiam ad non entia, cum ex illis aliqua non contingat aliter se habere, & possint dici non entia necessaria.

Pro cuius intelligentia primo notandum, est ex Aristotele, 5. meth. l. c. 14. & 6. Meth. l. c. 8. & 12. Meth. l. c. 11. & 5. physico. l. c. 8. & colligitur ex Doct. Subt. in Quolib. q. 3. in principio, quod tam ens, quia non ens potest tripliciter accipi, vno modo secundum compositionem, & diuisionem; & sic propositio actu

in qua prædicatum conuenit subiecto, vt homo est animal, vel homo non est asinus dicitur ens, & per oppositum propositio in qua prædicatum repugnat subiecto, vt homo est asinus, vel homo non est animal, dicitur non ens complexum. Secundo modo dicitur secundum actum, & orientiam, & sic illud, quod existit dicitur ens, & illud quod non existit, potest tamen existere dicitur non ens, vt sola in vere dicitur ens, quia actu existit, in hyeme verò appellatur non ens, cum actu non existat, licet possit existere, tertio modo dicitur ens, quod habet esse aliquo modo, vel extra, vel in intellectu, & sit quælibet entitas, siue creata, siue increata, siue substantialis, siue accidentalis dicitur ens, & res, & per oppositum illud, cui repugnat simpliciter esse, siue in anima, siue extra animam dicitur non ens incomplexum: Hic est sermo de vtroque, sed præcipue de non ente primo modo accepto, quatenus dicit falsitatem propositionis, siue affirmatiue, siue negatiue, & est sensus, vtrum de propositione falsa, seu includente repugnantiam prædicati cum subiecto possit haberi scientia per demonstrationem?

Secundo notandum est veritatem esse duplicem scilicet complexam, & incomplexam. Veritas complexa est passio propositionis dicentis connexionem prædicati cum subiecto; vnde cum intellectus iudicat aliquod prædicatum debere conuenire subiecto, est veritas necessaria, vt in hac homo est animal quando verò iudicat posse conuenire, & non conuenire, vt in hac homo est albus dicitur veritas contingens: Huic duplici veritati opponitur duplex falsitas, scilicet necessaria, & est quando prædicatum repugnat subiecto, vt in hac propositione, homo est lapis, vel homo non est animal, & contingens, cum prædicatum potest non conuenire subiecto, seu eidem non repugnare, vt in hac Petrus volat, vel non volat, siquidem hoc prædicatum volat, non repugnat Petro abintrinseco, & ideo non facit propositionem falsam necessariam, sed tantum contingenter. Veritas autem incomplexa est passio simplex cuiuslibet entis, & diffinitur per hoc, quod sit adequatio rei ad intellectum cognoscentem re sicuti est, vnde cum intellectus cognoscit aliquod obiectum sicut est a parte rei, vt hominem esse album, vel risibilem, quia sic se habet in re, tunc dicitur verus intellectus, si-

cut per oppositum, si conciperet hominem irrisibilem, vel Petrum album sub nigredine intellectus esset falsus. Hic agendum de vtraque veritate, & falsitate, sed præcipue de complexa.

Tertio notandum est Veritatum necessariarum alias esse evidentes, & alias non evidentes. Veritas evidens dicitur illa cuius alter terminus notus, alterum necessarium, & euidenter includit, vt ista animal rationale est risibile, siquidem cum sit immediata habet suam euidentiam ex mera inspectione terminorum. Veritas necessaria non tamen evidens est in qua subiectum includit necessario prædicatum, non tamen immediate, vt ista, homo est risibilis, quæ sit euidentia mediate hoc discursu, omne animal rationale est risibile, omnis homo est animal rationale: ergo, omnis homo est risibilis. Huic duplici veritati necessariae, scilicet evidenti, & non evidenti opponitur duplex falsitas necessaria, scilicet evidens, & non evidens: tunc propositio necessario falsa dicitur euidenter falsa, cum subiectum secundum se excludit prædicatum, vt ista omne animal rationale est rudibile, nam cognita naturalius subiecti, animal rationale, statim intellectus iudicat sibi repugnare esse rudibile: tunc verò propositio non est euidenter falsa, cum eius falsitas non habetur ex terminis, sed potest demonstrari per propositionem priorem, vt ista homo est audibilis, quia eius falsitas potest demonstrari per hanc omne animal rationale est rudibile, quæ habet immediatam euidentiam falsitatis.

Ex his sit prima Conclusio. De non Ente complexo, seu secundum compositionem, & diuisionem, nequit haberi scientia. Probatur quia scientia est verum, & impossibile aliter se habere, ex Aristotele hic cap. 2. sed non ens complexum, seu secundum compositionem, & diuisionem est falsum, vt patet ex primo Not. ergo de tali non ente nequit haberi scientia.

Secunda Conclusio. De non Ente incomplexo, cui repugnat simpliciter esse, nequit esse scientia. Probatur, quod non est intelligibile non est scibile; sed huiusmodi non ens, non est intelligibile: Ergo nec scibile. Maior patet, quia scire est rem per demonstrationem intelligere, ex Aristotele hic cap. 2. ergo quod non est intelligibile, non est scibile. Minor probatur, quia intelligibilis est pos-

sio entis; sed non ens cui simpliciter repugnat esse nequit esse villo modo ens; ergo &c. Secundo probatur per demonstrationem non scitur nisi verum; sed scientia est effectus demonstrationis; ergo scientia est tantum verorum; atqui non ens importat falsitatem; ergo &c. Maior patet, quia ex veris dispositis in modo, & figura non scitur nisi verum, ex primo lib. Priorum; sed demonstratio procedit ex veris, vt probat Aristoteles hic cap. 2. ergo per demonstrationem non scitur nisi verum.

Tertia Conclusio. De non ente in actu potest esse scientia. Probatur, quia non ens in actu est verum ens in potentia, vt patet de rosa in hieme, quæ actu non est potest tamen esse, & existere; sed verum ens est intelligibile; ergo, & scibile. Minor patet, quia intelligibilitas est passio entis. Consequentia probatur, quia scire est per demonstrationem intelligere, ex diffinitione ipsius scire, tradita hic cap. 2. Sed verum ens potest per demonstrationem intelligi; ergo, & sciri.

Obijcies primo contra primam, & secundam conclusionem, quia de necessarijs, & impossibilibus aliter se habere; potest esse scientia; sed non entia primo, & secundo modo sunt huiusmodi; ergo de illis potest esse scientia. Maior est Aristoteles, primo Post. cap. 2. 7. & 8. vbi probat demonstrationem esse de necessarijs, & impossibilibus aliter se habere; atqui scientia est effectus demonstrationis; ergo scientia debet esse de necessarijs, & impossibilibus aliter se habere. Minor probatur, quia accipio aliquod non ens; quod secundum te est falsum, & impossibile, vt verbi gratia. Deum non esse, & quæro an tale possit esse verum, aut non; si dixeris primum; ergo impossibile poterit esse possibile, quod implicat contradictionem; si autem concesseris secundum sequitur tale non ens esse falsum necessarium, & non posse aliter se habere.

Respondetur, maiorem esse veram addito tamen glossate, vt si talia sint entia necessaria, & possibilia, de illis posse haberi scientiam primario, & positivo; si verò sint non entia, & necessaria; posse huiusmodi sciri negatiue; hoc est dictum, cognoscuntur euidenter talia non esse, & esse impossibile, vt sunt, ex quibus inferitur esse

necessario non entia, & falsa.

Obijcies secundo, infinitum in actu est impossibile etiam de potentia Dei absoluta; ac proinde est, non ens simpliciter; sed de tali potest haberi scientia; ergo, &c. Maior probatur in tertio physicorum in propria questione. Minor probatur, quod diffinitur potest sciri; sed infinitum in actu diffinitur in tertio Physic. t. c. 3. ergo potest sciri.

Respondetur negando minorem, ad probationem dico maiorem esse veram, si tale habeat diffinitionem quid rei, & quidatiuam, quia talis dumtaxat est medium sciendi, vt probabimus in secundo Post. non tamen si tantum quid nominis, & descriptiuam; modo infinitum in actu in præcitato loco habet solum diffinitionem secundo non primo modo.

Obijcies tertio, vbi adest euidentia veritatis per demonstrationem, ibi est vera scientia; sed de non ente potest haberi huiusmodi euidentia per demonstrationem; ergo ibi potest esse vera scientia. Maior patet per diffinitionem scientiæ traditam ab Aristotele, hic in principio secundi Capitis. Minor probatur, quia hæc est falsa homo est rudibilis, & eius euidentia habetur per hanc demonstrationem; omne animal rationale est rudibile, sed omnis homo est animal rationale; ergo omnis homo est rudibilis; ex qua inferitur nos cognoscere euidenter hanc veritatem, nimirum falsum esse hominem esse rudibilem.

Respondetur negando minorem, ad probationem concedo vtique discursum, quod nimirum ostendatur euidenter falsitas illius propositionis, homo est rudibilis, sed nego, cognitionem euidentem illius falsitatis terminari ad ipsam falsitatem; siquidem terminatur solum ad illam veritatem, per quam cognoscitur euidentia illius falsitatis, vt per demonstrationem deducta, non vero ad illam falsitatem, quam illud non ens importat, & sic cognitio illa cadit super ens, & non supra non ens.

*Primum Axioma Aristotelis, Propter quod
vnumquodque tale, & illud magis,
fit vniuersaliter
verum?*

QVÆSTIO V.

Aristoteles ostendere volens necessitatem principiorum ad inferendam conclusionem in demonstratione, & quam certitudinem debeant habere, vt certam, ac manifestam inferant conclusionis notitiam, propter illud axioma, propter quod vnumquodque tale, & illud magis, cum igitur conclusiones reddantur certæ, notæ ac manifestæ ex principiis, infer horum notitiam, ac certitudinem debere esse maiorem, quam sit certitudo, ac notitia conclusionum: Cæterum quia talis propositio vniuersaliter sumpta patitur multas difficultates, quaritur in quo sensu sit accipienda, ac intelligenda, vt intentum Aristotelis probare valeat.

Præ cuius declaratione primo notandum est, quod ad hoc, vt talis propositio sit veritas tres conditiones requiruntur, prima quod prædicatum in quo fit comparatio; vniocè conueniat vtrique extremo comparabili, defectu cuius non sequitur, terra est calida formaliter propter solem: ergo Sol est magis calidus formaliter; siquidem caliditas in qua fit comparatio, non competit vniocè soli, & terræ, sol enim est calidus tantum virtualiter, terra verò formaliter. Secunda conditio quod tale prædicatum suscipiat magis, & minus, & idè non sequitur Bucephalus est equus propter patrem suum: ergo pater eius est magis equus, quia equus, cum sit substantia non suscipit magis, & minus. Tertia conditio, quod fiat in causis totalibus; vnde non sequitur, ferrum est calidum propter ignem: ergo ignis est magis calidus, quod est contra experientiam; siquidem ignis non est causa totalis caloris in ferro, cum concurrat ad eius intensiorem etiam aer in poris eiusdem repertus, ex cuius accensione sequitur maior calor in ferro.

Secundo notandum est scientiam duplici-

ter sumi posse, vno modo strictè, alio modo largè. Primo modo diffinitur ab Aristotele primo Post. cap. 2. quod sit notitia, certa, & euident, de obiecto necessario, causata à causa euidenti intellectui, & applicata ad scitum per discursum syllogisticum, idest per demonstrationem, & sic tantum dicitur notitia conclusionis per demonstrationem deductæ, & non principiorum, quia hæc non sciuntur per demonstrationem, sed per inspectionem terminorum. Secundo modo diffinitur ab eodem sexto Ethic. cap. 4. per habitum intellectuale, vel noticiam, qua determinat veram dicimus, siue talis habitus, aut notitia habentur, per demonstrationem, siue non, & hoc modo, scientia est communis scientiæ propriè dictæ notitiæ principiorum, quæ vocatur intellectus, & fidei, distinguiturque solum ab opinione, & suspicionem, vt probat Doct. Subt. in Prologo primi sent. quæst. 3. princip. & 4. & 5. Lateran. li. & in 3. dist. 24. quæst. vnica Sub. D. ex quibus inferitur, quod quando Aristoteles dicit principia magis sciri, quam conclusiones, quia hæc sciuntur propter principia, dicendum est loqui de scientia hoc secundo modo accepta tantum, alioquin non esset verum illud axioma, propter quod vnumquodque tale, & illud magis, cum scientia propriè dicta non conueniat vniocè, sed tantum æquiocè principijs, & conclusioni, ex illis deductæ.

Tertio notandum est, Principia esse in duplici differentia, alia sunt immediata, & alia mediata. Immediata sunt illa, quæ ex se, & ex se, idest ex proprijs terminis, quæ sunt eorum, habent notionem: & certitudinem, vt hæc, omne animal rationale est rationale, & omnis homo est animal rationale; siquidem in primo prædicatur passio de diffinitione subiecti, & in secundo diffinitio de diffinito, & hæc prædicationes sunt immediate, cum nullum sit medium per quod probari possit prædicatum conuenire subiecto. Mediata sunt illa, quæ per immediata demonstrari possunt, vt hæc propositio: omnis homo est capax disciplinæ potest sic demonstrari; omne animal rationale est capax disciplinæ; omnis homo est animal rationale; ergo omnis homo est capax disciplinæ. Aliqui dicunt prædictum axioma verificari tantum de conclusionibus comparatis ad principia immedia-

diata, non verò ad mediata, siquidem illa cū sint causæ equiuocæ conclusionis, & sint nota, ac certa ex se, & à se, conclusio verò non ex se, aut à se, sed ex principiis, sequitur magis esse nota principia, quam conclusio; cæterum mediata cura, & ipsa sunt demonstrabilia, quemadmodum, & conclusio, & consequenter eiusdem cognitionis vniuocæ, ac certitudinis eiusdem rationis, necessariò inferri debet, quod principia mediata non sunt magis, sed solum æqualiter nota, cum conclusione. An autem hæc sententia sit vera, & nobis probanda, vel reprobanda, videbimus in conclusionibus sequentibus.

Ex his: ergo sit prima Conclusio. Axioma Aristotelicum, propter quod vnumquodque tale, & illud magis, est verissimum, si obseruentur illæ tres conditiones, posite in primo Notabil. Est Scoti in primo Post. quæst. 12. & 13. Probat, quia causā vniuocā totalis est excellentior suo effectu, saltem in his, quæ possunt suscipere magis, & minus; sed in tali propositione, seu axiomate ly tale exponit effectum, & ly illud causam totalem vniuocam; ergo est verum. Maior pater, si quis amet Magistrum propter discipulum, sequitur magis diligere discipulum, atqui amor inter illos est causā vniuocā, & suscipit magis, & minus, cum sit qualitas; ergo, &c. Confirmatur, quia illud quod reperitur in effectu, & causā, nobilior, & excellentius reperitur in causā quam in effectu, cum de ratione causæ sit, quod excellat effectu; ergo si aliqua proprietas reperitur in effectu per causam vniuocam, sequitur excellentius debere reperiri in causā, quam in effectu, aliter causā non excelleret effectu.

Secunda Conclusio. Illud Axioma tenet in comparatione ad omnia principia, tam immediata, quam mediata: Est Scoti in primo Post. quæst. 13. Probat, quia principia immediata habent à se, & ex se, quod sunt nota, & certa, quia ex terminis, & non aliundè, conclusiones verò non sunt notæ, aut certæ à se, & ex se, sed ex virtute principiorum; ergo principia debent esse magis nota, ac certa quam conclusiones. Consequentia probatur, quia quod conuenit aliquibus, & vniuocum per se primo, alijsque per or-

dinem ad ipsum tantum, conuenit magis illi, quam cæteris, sed notitia, & certitudo conuenit, tam principiis, quam conclusionibus, sed principiis à se, & ex se, conclusionibus verò tantum per ordinem ad principia; ergo his magis, quam illis, conuenire debet. Secunda Pars probatur, quia principia mediata in ordine ad conclusionem agunt in virtute principiorum immediatorum; ergo si principia immediata sunt magis notæ conclusioni, etiam mediata erunt magis nota. Antecedens probatur, quia principia mediata non sunt notæ, & certa ex se, & à se, sed totam noticiam, ac certitudinem habent deriuatam à principiis immediatis; ergo dum causant noticiam, & certitudinem in conclusionibus, agunt in virtute illorum, alioquin haberent ex se, & à se aliquam certitudinem per quam causarent, & sic non essent demonstrabilia, sed immediata, & indemonstrabilia. Secundo Probat, tota conclusio simulatione Doctoris Subtil. loco citato, quia si omnia principia, siue immediata, siue mediata non essent magis nota conclusioni; ergo essent minus, vel æquæ nota, sed neutrum horum est dicendum; ergo, &c. Maioris sequela patet à sufficienti diuisione. Minor probatur, non esset minus nota, quia nihil agit virtutem suam virtutem, cum virtus sit virtutum potentia; sed principia per suam virtutem sunt causæ conclusionis; ergo maiorem cognitionem nequeunt facere in conclusione, quam ipsa de se habeant. Neque æquæ nota, quia de ratione causæ est, quod quicquid reperitur in effectu; & causæ, excellentius reperitur in causā, sed principia, quocumque modo considerentur, semper sunt causæ vniuocæ conclusionis; ergo notitia, & certitudo, quæ reperitur vniuocè in illis, excellentius habet reperiri in principiis, quam in conclusione.

Tertia Conclusio. Si scientia accipiat proprie, pro notitia conclusionis habita per demonstrationem per eundem illam rationem præmissarum, axioma Aristotelicum non est verum, comparando conclusionem ad principia, siue immediata, siue immedia-
ta. Est Scoti ibidem: Probat, quia illud axioma habet solum veritatem, ubi comparabilia vniuocè conueniunt; ex

prima conditione posita in primo notandum, sed conclusio, & principia, quęcunque illa sint, non sunt comparabilia in notitia, quę sit scientia proprię dicta, vt aduerimus secundo Not. ergo illud axioma non verificatur in illis. Minor probatur, quia notitia principiorum, quę vocatur intellectus, non habetur per causam, sed immediatę ex terminis, notitia verō conclusionis, quę appellatur scientia proprię dicta, habetur per causam, scilicet per demonstrationem: ergo non conueniunt vniocę, & consequenter non sunt comparabilia, quia comparatio ex Aristotele 7. Physicorum, solum est in vniocis.

Obijciatur primo contra primam conclusionem, si illud axioma est verum vt sic expensum in primo Not. sequeretur conclusionem non esse ita veram, ac certam, sicut principia, sed hoc non est dicendum: ergo tale axioma non est verum, etiam seruatis illis conditionibus. Maioris sequela probatur, quia cum conclusionis veritas, ac certitudo habeatur a veritate, & certitudine principiorum, si est verum propter quod vnumquodque tale, illud esse magis, sequitur veritatem, & certitudinem conclusionis esse minorem veritate, & certitudine principiorum. Minor probatur, quia veritate, ac certitudine necessaria nihil est verius, ac certius: sed veritas, & certitudo conclusionis, cum habeatur per demonstrationem est necessaria, siquidem demonstratio est ex necessariis, vt probauimus inferius cum Aristotele: ergo non datur veritas, ac certitudo verior, ac certior, quam conclusionis, & consequenter principia per illud axioma non sunt magis vera, & certa.

Respondetur negando minorem, ad probationem negatur minor, siquidem cum veritas, & certitudo, etiam in necessariis, non consistat in indiuisibili, sed habeat latitudinem iuxta maiorem, & minorem necessitatem, fatendum est dari maiorem, & minorem veritatem, ac certitudinem, cum igitur necessitas principiorum, quę est a se, sit maior, quam illa conclusio, quę est ab alio, sequitur veritatem, & certitudinem principiorum esse maiorem, quam in conclusione.

Obijcies secundo, contra secundam con-

clusionem quia illud axioma Aristotelis non valet nisi in causis vniocis, vt explicat Scotus hic q. 13. §. Ad quęstionem, &c. Sed principia immediata non vniocantur cum conclusione: ergo non valet comparando conclusionem ad principia immediata. Minor probatur, quia notitia principiorum, cum sit intellectus, differt specie a notitia conclusionis, quę appellatur scientia: ergo, &c.

Respondetur, negando minorem, ad probationem dico vniocari in scientia, quatenus est tantum notitia verorum necessariorum, quia talis abstrahit a scientia propriissime dicta, quę est notitia conclusionis necessaria, & ab intellectu, qui est notitia principiorum: & cum probatur, quod differunt specie, ac proinde non posse vniocari in aliquo, est falsum, quia illa, quę differunt specie vniocantur in conceptu generis, vt alias probatum est.

Obijcies tertio, contra secundam partem eiusdem conclusionis, quia in vniocis non datur magis, & minus: sed allegatur principiorum mediatorum vniocatur cum assensu conclusionis, quia vterque habetur per demonstrationem: ego assensus principiorum mediatorum non recipit magis, ac proinde in his non valet, propter quod vnumquodque tale, & illud magis.

Respondetur maiorem esse veram. Si talia vnioca non suscipiant magis, & minus, sicut accidunt in substantiis, quantitativis, ac relationibus fundatis in illis, falsam in vniocis prædicamenti qualitatis, quia duę albedines vniocantur, & tamen in illis potest dari magis, & minus, vt experientia constat, modo licet assensus principiorum mediatorum sit demonstrabilis, sicut ille conclusionis, & per consequens vniocentur, non propterea neganda est maior excellentia in illo, cum habeat rationem etiam causę, & iste tantum effectus.

Vel dicendum secundo Principia mediata posse considerari, & in quantum sunt demonstrabilia per principia immediata, vel in quantum virtute illorum causant conclusionem; primo modo sunt eiusdem rationis cum conclusione, & sic non susci-

insciunt magis; secundo modo sunt alterius rationis, & sic dicuntur magis nota, vera, & certiora conclusione.

Obijcies quarto, contra tertiam conclusionem. Eodem genere scientiæ debent esse magis scita principia, quo conclusiones sciuntur per principia; sed conclusiones sciuntur per principia scientia propriissimè sumpta: ergo eadem scientia debent esse magis scita, etiam principia, ac proinde axioma illud, propter quod &c. habet verificari etiam in scientia propriissimè accepta. Maior patet, quia aliter principia, & conclusiones non essent comparabilia, siquidem comparatio solum fit in vniuersis ex Aristotele, septimo Physicorum. Minor probatur, quia conclusiones sciuntur per principia ex Aristotele hic cap. secundo, sed sciuntur propriissimè, quia per demonstrationem, per quam causatur propriissima scientia: ergo per principia sciuntur, scientia propriissima, & consequenter eadem scientia debent, & illa magis sciri, quod tamen est falsum.

Respondetur in maiorem, & probationem esse veras virtualiter, non tamen formaliter; siquidem in propriissima scientia continetur euidencia illationis, quæ non habetur formaliter à principiis, sed ab illorum dispositione, in modo, & figura; unde sequitur, quod ad hanc conditionem non deberi comparari principia, & conclusionem, sed solum in scientiam magis propria in qua vniuersè conueniunt.

Virum omnis Propositio immediata sit, per se nota?

QVÆSTIO VI.

Circa hanc quæstionem extat duplex opposita sententia, quarum prima est D. Thomæ 1. p. Sum. q. 2. art. 1. De Verit. q. 10. art. 12. & lib. 1. contra Gent. ca. 10. & 20. Caiet. ad primum locum D. Thomæ, & primo Post. cap. 2. Ferrarien. ad tertium locum D. Thom. Scoti hic cap. 1. q. 2. ad 9. Capreoli in primo sent. d. 2. art. 1. & 2. Ricardi in primo d. 3. art. 1. q. 2. Durandi ibidem, Rimini hic q. 2. & communiter Thomistarum, asseren-

tium partem affirmatiuam, siquidem dicunt omnem propositionem, quæ scitur absque adiutorio alterius propositionis esse per se notam, atqui omnis propositio immediata est huiusmodi; igitur inferunt omnem propositionem immediatam esse per se notam, & è conuerso, & hanc esse mentem Aristotelis hoc loco censet Ruuius loco citato sub num. 13.

Secunda sententia est Scoti in 1. d. 2. q. 2. sub A. Licheti, & Tatareti ibidè, ac 1. Post. q. 2. art. 2. Dub. 2. Bargij, & Fabri super primum sent. Scoti loc. cit. & in Philosophia Theoremate septimo asserentium partem negatiuam, nimirum, non omnem propositionem immediatam esse per se notam, sed illam dumtaxat, quæ habet euidentem veritatem ex conceptione terminorum, vt sunt eius. Doctorum Subtil. sequuntur omnes eius discipuli, quamquam aliqui dicant hanc esse controuersiam potius de nomine quam de re.

Proculus declaratione, ac fundamento primo notandum est, propositionem posse dici immediatam quintupliciter. Primo immediate subiecti, quando, scilicet prædicatum inest subiecto immediate, & non per aliud subiectum, vt homo est risibilis. Secundo immediate cause, vt animal rationale est risibile; siquidem risibilitas originatur immediate ab animali rationali, tertio immediate illationis, vt omnes propositiones contingentes de subiecto singulari, vt Petrus dormit, Paulus studet. Quarto immediate demonstrationis, vt omne animal rationale est risibile, & omnis homo est animal rationale, & summatim omnes propositiones confectæ ex diffinitione subiecti, ac eius passionis, & ex diffinitione ac diffinito, dicuntur hoc modo immediatæ, cum sint indemonstrabiles à priori. Quinto, & vltimò immediate cognitionis, & est illa, quæ scitur ex terminis, qui sunt aliquid eius, vt sunt eius termini, vt omne totum est maius sua parte, & de propositionibus immediatis his duobus vltimis modis, est præsertim sermo in proposito.

Secundo notandum ex Scoto loco citato sub A. quod propositio per se nota est illa, quæ est nata habere euidentem veritatem ex conceptione terminorum, vt

M in 3 sunt

per se nota. Secunda Pars patet ex definitione propositionis per se notæ gestata, ac declarata in secundo Nomibilibi.

Secunda Conclusio. Ad propositionem per se notam non requiritur necessarium distincta cognitio terminorum, sed sufficit confusa. Est Scoti ibidem sub A. Probatur prima pars, quia tunc sequeretur quatinus bet propositionem per se primo modo esse per se notam; sed hoc est falsum: ergo, &c. Sequela maioris probatur, quia cuiuslibet talis propositionis terminus subiecti, includit essentialiter terminum prædicati, si distinctè concipiatur: ergo quælibet esset per se nota. Minor probatur, quia hæc, homo est animal, est per se primo modo, & tamen non est per se nota, cum probetur per illam, omne corpus animatum sensibile est animal; sed homo est corpus animatum sensibile: ergo homo est animal. Præterea Geometra dicit hanc propositionem, linea est longitudo, sine latitudine, & profunditate, esse sibi per se notam; & tamen non cognoscit terminos distinctè, aliter exiret limites sue scientiæ, cum huiusmodi distincta cognitio pertineat ad Metaphysicum, cuius est considerare omnium eorum quiditates. Secunda Pars probatur à sufficienti diuisione, quia omnis cognitio terminorum, aut est confusa, aut distincta; sed hæc non requiritur, ut probatum est: ergo sufficit confusa.

Tertia Conclusio. Non est tamen absolute negandum dari propositiones per se notas ex cognitione etiam distincta terminorum. Est Scoti ibidem. Probatur, quia propositiones in quibus prædicantur passionēs de subiecto simpliciter simplici, ut hæc est veritas, ens est bonum, &c. sunt per se notæ, sed termini talium propositionum nequeunt cognosci, nisi distinctè, quia aut totaliter sciuntur, aut totaliter ignorantur: ergo &c. Maior patet, quia conceptus simpliciter simplex est; qui non est resolvable in alios conceptus priores: ergo nequeunt dari propositiones priores, quibus tales demonstrari possint, & sic erunt per se notæ.

Quarta Conclusio. Omnis propositio, quæ est per se nota, terminis confuse accep-

ta, est etiam per se nota, si termini distinctè concipiuntur, non tamen è converso. Est Scoti ibidem. Probatur prima pars, quia termini sunt eiusdem, immò prioris significationis, & natura si distinctè concipiuntur, ac si tantum confuse, sed confusa conceptio sufficit ad veritatem evidentem complexionis: ergo multò magis si termini distinctè concipiuntur. Secunda Pars probatur, quia aliter hæc esset per se nota, & continuales, homo est animal, terminis confuse cognitis, quod superius probauimus esse falsum. Consequentia patet, quia si termini distinctè concipiuntur, hæc, & similes sunt per se notæ, cum consentent ex terminis seu inuicem essentialiter includentibus igitur, &c.

Quinta Conclusio. Si Diuina Voluntas causaret notitiam huius propositionis, animal rationale est risibile, immediate in meo intellectu, non propterea esset nihil per se nota, sed solum, quia termini eiusdem sunt natū facere evidentiam, ut sic concepti, in eodem meo intellectu. Colligitur ex Doctore. Subtili citato, ubi ad propositionem per se notam excludit aperte quamcumque notitiam ab extrinseco venientem. Probatur, quia per se euidencia propositionis habetur intrinsece ab illa terminorum connexionē intrinseca; sed voluntas diuina nequit causare talem connexionem, licet possit causare notitiam, quæ haberi possit ex tali connexionē, cum hæc habeatur effectiue, illa verò formatiter, quæ nequit per eandem suppleri: ergo &c. Præterea, Scotus in 1. dist. 3. quæst. 4. sub R. ait, quod licet Diuinus Intellectus, vel Diuina Voluntas coagat terminis ad eorum compositionem, ut autem compositio sit conformis terminis, videtur sequi necessarium rationem terminorum, sed euidencia habetur ex illa conformitate prædicati cum subiecto: ergo ratio euidentiæ, quæ facit propositionem per se notam, non potest haberi à voluntate Diuina. Confirmatur, quia Scotus ibidem dicit quod: sicut intellectus Diuinus, ante quemcumque actum diuine voluntatis producit obiecta in esse intelligibili, ita ut quodammodo prior quamcumque actu eiusdem, videtur cooperari ad conformitatem, & euidenciam; &c.

go etiam si voluntas diuina caufaret in aliquo intellectu notitiam alicuius, propositionis per se notæ, non propterea ex hoc diceretur per se nota, sed solum, quia termini illius, prout illius, sunt nati facere euidentiam in illo intellectu, si ab ipso concipiuntur, vt sunt eius. Concluditur: ergo totam rationem propositionis per se notæ pendere à cognitione terminorum, vt sunt eius, & non ab extrinseco, quæcumque sit illa causa.

Obijcies primo, contra primam conclusionem quælibet propositio indemonstrabilis est per se nota: sed quælibet propositio immediata est indemonstrabilis: ergo quælibet propositio immediata est per se nota.

Respondetur primo, maiorem esse falsam, quia hæc, nix est alba est indemonstrabilis, & tamen non est per se nota, cum possit probari per sensum.

Vel dicendum secundo, negando minorem, hæc enim est immediata immediatione subiecti, homo est risibilis, & tamen est demonstrabilis per istam, omne animal rationale est risibile.

Obijcies secundo, contra secundam conclusionem. Prima principia sunt per se nota, & tamē termini non concipiuntur confuse: ergo falsa secunda conclusio. Antecedens quoad primam partem est Philosophi secundo Meth. c. 5. & 1. Post. cap. 3. quod ad secundam verò est Scoti in Prol. q. 1. & in 1. d. 2. q. 2. & d. 3. q. 3.

Respondetur concedendo totum discursum, cum probet tertiam conclusionem, esse nimirum aliquas propositiones per se notas ex terminis distinctè cognitis.

Dices: ergo definitio, quam ponit Scotus de propositione per se nota non est sufficiens, sed hoc non est concedendum: ergo. &c. Sequela probatur, quia secundū Scotū ad propositionem per se notam sufficit conceptus confusus terminorum, & non necessariò requiruntur distincti, sed prima principia nequeunt confuse concipi: ergo aut definitio tradita non est sufficiens, aut prima principia non sunt per se nota, verum

concedatur, taxandus erit, vel Scotus, vel Philosophus.

Respondetur negando sequelam, ad probationem dico, quod actualis conceptio terminorum, siue confusa, siue distincta, non est de ratione propositionis per se notæ, quinimò si nullus adesset intellectus, non minus propositio, quæ est per se nota ad præsens alicui intellectui, esset secundum se simpliciter per se nota, & hoc patet ex verbis Doctoris ibidem §. Est igitur omnis, & sola illa propositio per se nota, quæ ex terminis sic conceptis, (hoc est, vel confuse, vel distinctè) vt sunt eius termini; nata est habere euidentem veritatem complexionis. Quando autem dicit Scotus sufficere conceptum confusum terminorum, hoc solum dicit, quia non est necesse in omnibus concipere terminos distinctè, si tamen distinctè concipiuntur, non propterea negat ab illis euidentem veritatem complexionis, vt patet in primis principijs, quæ secundum ipsum sunt nihilominus per se nota; ex quo patet optimè saluari sufficientiam eius definitionis, cum detur indifferenter a cognitione confusa, & distincta, & solum per illam habitudinem, quam habent adinuicem termini propositionis per se notæ.

Obijcies tertio, quia Scotus in primo, dist. 2. quæst. 2. inquit, hanc propositionem, Deus est, esse per se notam, si termini distinctè concipiuntur, quapropter subiungit non esse nobis per se notam, quia non concipimus distinctè terminos, sed solum Deo, & Beatis in Patria: ergo ad propositionem per se notam secundum ipsam non sufficit terminorum confusa apprehensio, sed requiritur distincta.

Respondetur Doctorem Subilem non vt hoc termino, distinctè, sed hoc alio, perfectè concipienti terminos, qui potest conuenire etiam cognitioni confuse: Si verò vique inueniatur distinctè distinctè, intelligi debet, perfectè; & sic inferitur, quod si nos conciperemus hos terminos, Deus, & esse, etiam confuse, perfectè tamen, vt concipitur à Beatis, scilicet in particulari, esset etiam nobis per se nota propositio: Et quod hæc sit mens

Do-

Doctores colligitur aperte, quia secundum ipsum nec Beati, quicumque sint, possunt distinctè in particulari cognoscere ipsum Deum, & eius essentiam, alioquin possent ipsum comprehendere, quod tamen nemo concederet.

Obijcies octavo. Confusa conceptio, & distinctio conceptio non faciunt, ut aliqua propositio sit per se nota, & aliqua non, sed distinctio, & distinctum differunt dumtaxat secundum confusam, & distinctam conceptionem: ergo si prædicatum est per se notum de distinctio, erit etiam per se notum de distinctio, quod tamen est contra Doctorem ubi supra sub A. Maior probatur, quia propositio per se nota dependet solum à natura terminorum, excludendo quamcumque operationem intellectus ex eodem Doctore ibidem §. Ex hoc patet &c. Sed conceptio, siue confusa, siue distincta pertinet ad operationem intellectus: ergo non faciunt, ut aliqua propositio sit per se nota, & aliqua non. Minor patet quia nulla potest recipi differentia, quæ illam præueniat, aut sit illa maior.

Respondetur. Negando minorem, immò datur differentia prior, scilicet conceptibilitas confusa, & distincta ex natura rei insequentes naturam distinctionis, & distincti: posito enim, quod nullus intellectus concipiat hos terminos distinctum, & distinctio, semper distinctum erit natum concipi confusè, & distinctio distinctè; vel ut melius dicam, res importata per distinctionem erit nata concipi confusè, & distinctè per distinctionem: Ex quo patet conceptum confusum, & distinctum esse alium, & alium ex natura rei, & non solum per opus intellectus.

Dices: Concipi nihil reale ponit super re concepta: ergo distinctum, & distinctio non differunt ex natura rei.

Respondetur. Antecedens esse verum accipiendo ly reale pro se, non tamen si sumatur pro realitate, quia distinctum ex quo non est conceptibile distinctè, sicut distinctio, ponit in re concepta realitatem diversam à realitate distinctionis.

Obijcies quinto. Aliqua propositio per se nota est demonstrabilis, quia secundum Philosoph. 2. Physic. c. 6. naturam esse, motum esse est per se notum, sed tales secundum ipsum possunt demonstrari per principia Methaphysicæ, immò de facto probat

illas propositiões in primo Physicorum ergo &c.

Respondetur. Antecedens esse verum accipiendo per se notum largè, pro eo nimirum, quod non necessariò indiget demonstratione, ut appareat evidens, cum possit cognosci sufficienter etiam per sensum, non tamen si sumatur per se notum strictè, ut excludit omnem cognitionem, præter illam, quæ est terminorum, quia sic naturam esse, motum esse, non est per se notum, sed potest demonstrari per principia Methaphysicæ, modò Doctor in sua distinctione loquitur de per se noto strictè accepto.

Dices: Primum principium secundum Scotum est per se notum; sed tale probatur à Philosoph. in Methaphysicæ: ergo aliquod per se notum etiam strictè sumptum potest demonstrari.

Respondetur. Minorem esse veram à posteriori, & per experientiam, & non nisi proterao, cum hoc tamen stat, ut à priori sit indemonstrabile.

Dices secundo. Hæc propositio, omne totum est maius sua parte, est per se nota secundum Aueroë secundo suæ perspectiæ, & etiam per Doctores ubi supra; sed talis potest demonstrari sic, omne quod est tantumdem, & magis, est maius, sed totum respectu partis est totumdem, & magis ergo totum est maius sua parte. Vel sic, omne continens multitudinem partium est maius qualibet illarum, sed omne totum est huiusmodi: ergo omne totum est maius sua parte.

Respondetur. Negando minorem, ad probationem, dico tales processus non esse demonstrationes, quia præmissæ non sunt rationes conclusionis, quod tamen necessariò requiritur in demonstratione.

De erroribus antiquorum circa scientiam, & demonstrationem.

C A P. III.

Istud Caput tertium diuiditur in duas partes principales, in quarum primâ recenset Philosophus opiniones antiquorum circa scientiam, & incipit ibi quibusdam

dama autem igitur, &c. In secunda vero ponit propriam opinionem confutando errores antiquorum: & ibi incipit: Nos autem dicemus neque omnem scientiam demonstratam esse &c.

Quò ad primam partem fuit duplex opinio, seu potius duplex error antiquorum, quidam enim negabant simpliciter dari scientiam, Alij vero considerabant utique dari scientiam, sed dicebant omnem talem esse demonstratam, seu haberi per demonstrationem, sine sit notitia conclusionis, siue primorum principiorum. Primum probabatur hoc modo, si daretur scientia, aut talis haberetur per causas, seu principia finita, aut infinita, sed neutrum dici potest: ergo dicendum est non dari scientiam. Maior patet quia inter finitum & infinitum non datur medium. Minorem probant quoad utramque partem, & primo quod non per infinita, quia per ignotum nihil scitur; sed infinita principia sunt ignota: ergo per principia infinita non potest haberi scientia. Maior patet. Minor probatur, quia quod scitur intellectu pertransitur, cum intellectus habeat adaequate repraesentare obiectum, sed infinitum nequit pertransiri, alioquin non infinitum, sed finitum esset: ergo etc. Neque per finita, quia talia principia finita sunt ignota, ac per ignota nihil scitur: ergo &c. Minor patet maiorem probat, quia omne quod est notum & scitur, per demonstrationem scitur, quia demonstratio est syllogismus faciens scire; sed principia non sciuntur per demonstrationem, aliter daretur processus in infinitum in demonstrationibus, & principijs, quod non est concedendum: ergo talia principia, quamvis finita sunt ignota, ac proinde per illa nihil scitur. Secundum probant, quia per ignotum nihil scitur, sed conclusio demonstrationis scitur per principia demonstrationis: ergo & illa sciuntur; atqui omnis scientia habetur per demonstrationem: ergo omnia demonstrantur, & consequenter nullum datur principium immediatum, per quod cetera demonstrantur.

Quia tamen haec positio videtur coincidere cum praecedenti, concedendo omnium demonstrationem, quae cum sit impossibilis, im-

plicitè videtur negari scientiam, ostenduntur possibilitatem harum demonstrationum per circulum, siquidem principia habent demonstrari per conclusiones, sicut haec probantur per principia, & ita sequitur omnem esse demonstrationem, & omnem scientiam esse demonstratam, quod est ipsorum positio.

Quò ad secundam partem confutat opiniones, seu errores antiquorum, & ponit propriam sententiam in duabus conclusionibus, quarum prima est, quod non omnia sciuntur per demonstrationem, sed quaedam sunt prorsus immediata, quorum habetur scientia sine demonstratione, & probat, quia ubi datur status, & non est procedere in infinitum, ubi danda sunt aliqua prima, & immediata, quibus non dantur priora, sed in principijs demonstrationis non datur processus in infinitum: ergo sunt danda aliqua prima, & immediata, quibus non sunt alia priora. Maior patet, quia oppositum praedicati infert oppositum subiecti, si enim non daretur status: ergo in ipsis procedendum esset in infinitum, in quo non datur status. Minor probatur, quia per infinitum nihil scitur, cum sit ignotum, sed per principia demonstrationis sciuntur conclusiones: ergo principia non sunt infinita, sed in illis datur status.

Quod autem talia prima, & immediata non sint ignota, sed sciuntur subdit modum dicendo, principia cognoscimus in quantum terminos cognoscimus, id est per seipsum terminus, illius cognoscuntur & principia sunt aliquo discursu medio, ex quo infertur huiusmodi principia esse, non solum immediata, sed etiam per se nota, prout ly per se excludit quaecumque notitiam praeter notitiam terminorum.

Secunda conclusio contra secundum errorem, impossibile est dari simpliciter demonstrationem circularem; cum quia idem esset notius, & ignotius, prius, & posterius respectu eiusdem sed hoc est falsum, & impossibile: ergo impossibile est demonstratio circularis. Sequela maioris probatur quia omnis demonstratio simpliciter, potissima, & universalis, constans ex medio, quod sit definitio subiecti procedit ex notioribus, & prior.

prioribus; sed admissa demonstratione circulari, non daretur amplius per priora, & notiora; siquidem per conclusionem, qua est posterior præmissis, probaretur altera præmissa, ut clarius dicemus in propria questione: ergo demonstratio potissima, & simpliciter non esset ex prioribus, & notioribus.

Et quia possent respondere antiqui non esse inconueniens eadem posse esse notius & ignotius, etiam respectu eiusdem, sed in diuerso ordine, ut præmissa nimirum sint notiores conclusionem secundum naturam, id est secundum se, & ignotiores nobis, & de conuerso conclusio sit notior præmissis quod ad nos, quia potest probari, vel inductiue, vel per sensum, præmissa uero sint ignota hoc genere cognitionis quod ad nos, confirmat suam rationem sic dicendo.

Si præmissa essent notiores in se, et conclusio quoad nos, et per experientiam sequeretur, vel talem demonstrationem non esse potissimam, & simpliciter, vel scire non esse bene diffinitum, sed per aliam diffinitionem debere diffiniri, sed utrumque consequens est falsum: ergo & id ex quo sequuntur. Minor est nota ex concessis ab Antiquis, quia dicunt demonstrationem circula're esse simpliciter, & potissimam, & insuper scire esse bene diffinitum, dicendo, scire est rem per causam cognoscere. Sequela maioris probatur, quia demonstratio simpliciter, aut procedit ex notioribus secundum se, & naturam, aut ex notioribus nobis. Si dixerint primum, igitur demonstratio circularis non est simpliciter, quia procedit ex notioribus nobis, dum per conclusionem probatur altera præmissa. Si uero concesserint secundum: ergo scire simpliciter non est rem per causam cognoscere, sed per effectum, quod est contra diffinitionem scire, etiam ab illis concessam. Tum secundo quia idem per idem posset demonstrari, quod esset fallacia petitionis principii. Probat sequentiam, quia si per A. scilicet animal rationale potest demonstrari B. id est esse disciplinabile de homine, et per B. id est esse disciplinabile, C. id est animal rationale de eodem hominem: ergo idem probatur per

idem; Probat hanc consequentiam, quod est causa causa, est causa causati sed per A. demonstratur B. de homine, & per C. quod est idem cum A. demonstratur ipsum A. ergo per A. demonstratur A. & sic idem per idem, quod est petitio principii; Tum tertio, quia data hypothesis de demonstratione circulari, adhuc non sequeretur omnium esse demonstrationem, siquidem fieret tantum in terminis conuertibilibus, & in prima figura, sed non omnes termini sunt conuertibiles, & in prima figura: ergo non omnium esset demonstratio. Maior patet quia tantum homo, risibile, & animal rationale constitutum demonstrationem circula'rem, non autem homo, animal, substantia, quia non conuertuntur. Similiter fieret tantum in prima figura, in qua concluditur uniuersali affirmatiue, non autem in alijs, quia vel non concluditur affirmatiue, sicut in secunda, vel non uniuersali, sicut accidit in tertia figura. Minor etiam patet, quia possunt fieri multa demonstrationes ex terminis non conuertibilibus, ut cum demonstratur hominem esse sensibilem per animal, quod non conuertitur cum homine, hæc enim est falsa, omne animal est homo: ergo demonstratio circularis non esset omnium, quod est inueniendum a Philosopho, & hæc de textu huius tertij capitiuli.

Utrum aliquo modo possit admitti circularis in demonstrationibus, etiam secundum Aristotelem.

QVÆSTIO VII.

Circularis in demonstrationibus ab antiquis assertus, dum in eodem genere demonstrationis, scilicet à priori, & per causam, dicebant conclusiones probari per principia, & hæc econuerso per conclusionem, est sufficienter explosus ab Aristotele in textu: An autem alius adniti possit in diuino genere demonstrationis, & causarum, cum nimirum per demonstrationem à posteriori probatur causa, & per illam à priori, demonstratur effectus de sua causa, vel unum genus causæ per aliud, quem Scotus,

et sit, & multi alij recentiores regressum vocant, est non parua controuersia inter Philosophos: siquidem August. Niphus in primo Post. com. 35. Balduinus in sua Logica, & alij non pauci impugnant huiusmodi circulum, seu regressum, sive in eodem, siue in diuerso genere demonstrationis, & causæ.

Cæterum alij sustinent oppositum, etiam de mente Philosophi secundo Priorum cap. 5. ubi etiam Scotus quæst. 4. Ita Tatar. primo Post. quæst. 2. art. 2. Dub. 3. Faber. in Philosophia Natur. theor. 9. Mastrius, & Bellurus hic disp. 13. quæst. 4. cum alijs ab eisdem relatis.

Pro cuius declaratione, ac fundamento Primo notandum est ex Scoto in lib. 2. Prior. quæst. 4. Syllogismum non vocari circula-rem absolute, sed in habitudine ad aliquem priorem syllogismum, eo quod reuertitur ad aliquam præmissam, vnde prior syllogismus processit, & dicitur circularis ad similitudinem motus circularis, qui fit reuertendo ad illud vnde mobile processit.

Secundo notandum, vt colligitur ex eodem ibidem, & quol. 7. sub litera A. quod demonstrari circulariter est probare maiorem extremitatem vni minoris in conclusione per aliquod medium, & postea idem medium inesse minori extremitati per maiorem extremitatem, hoc autem potest fieri quadrupliciter primo mutando demonstrationem propter quod, in quia est, & è conuerso, demonstratione, quia est, in propter, quod est, sic arguendo: omne animal rationale est risibile, omnis homo est animal rationale: ergo omnis homo est risibilis, & è conuerso, omne risibile est animal rationale, omnis homo est risibilis primo omnis homo est animal rationale. Secundo mutando demonstrationem vnius generis causarum, in demonstrationem alterius generis, vt formalem in materialem, & è conuerso sic arguendo: omne id quo viuimus, mouemur, & sumus est actus corporis physici, organici in potentia vitam habentis, sed anima est qua viuimus, mouemur, & sumus: ergo anima est actus corporis physici, organici in potentia vitam habentis: vel è conuerso omnis actus corporis physici, organici in potentia vitam habentis, est quo viuimus, mouemur, & sumus: sed anima est actus corporis physici organici in potentia vitam habentis:

ergo anima est qua viuimus mouemur, & sumus. Tercio, quando passio prior demonstratur per posteriorem, & è conuerso, vt omne risibile est flebile; omnis homo est risibilis; ergo omnis homo est flebilis, & è conuerso; omne flebile est risibile; omnis homo est flebilis: ergo omnis homo est risibilis. Quarto, quando demonstratio propter quid mutatur in aliam propter quid, vel quando causa vnius generis, & ordinis probatur per aliam eiusdem generis, & ordinis, vt si A, & B. Sint duæ causæ formales, & arguatur sic, omne A, est B. Sed lapis, est A: ergo lapis est B. vel è conuerso omne B. est A, sed lapis est B: ergo lapis est A. Demonstratio circularis tribus modis prioribus vocatur à Scotis regressus, & hic est concedendus, quia multoties accidit causam venari per effectum, & postea per causam probari effectum; & similiter vnam causam per aliam, & è conuerso, siquidem cognoscimus materiam in analogia ad formam, & similiter formam esse corruptibilem per materiam demonstramus, vt videbimus in primo Physicorum; at demonstratio circularis quarto modo est impossibilis; & hæc solum fuit impugnata à Philosopho in textu contra antiquos.

Tercio notandum est, quod cum in omni demonstratione procedendum sit à notioribus ad ignotiora, aliqua posse dici notiora, & ignotiora dupliciter, vel secundum naturam, vel quoad nos. Illa dicuntur notiora secundum naturam, quæ prius habent esse, & sic causæ cum prius in esse sint, quam effectus earum, dicuntur notiores secundum naturam, & effectus ignotiores. Illæ verò dicuntur notiora quoad nos, quæ sunt sensibilia, siquidem omnis nostra cognitio ortum habet à sensibus; & sic in hoc ordine effectus dicuntur notiores, & causæ ignotiores, cum ergo in regressu probetur, vt plurimum causa per effectum, & vna causa ignotior per notiore, & similiter effectus in sensibilibus per insensibilibus, inferendum est in illo procedi à notioribus nobis ad notiora naturæ, & talis processus vocatur à Philosopho inquisitiuus: cum verò interdum à cognitione eorum quæ habent esse secundum naturam probamus effectus de suis causis, & vnam causam de alia à priori, ac tandem passionem posteriorem per priorem de suo subiecto, talis regressus vocatur à notioribus

ribus naturæ ad notiora nobis, & dicitur processus scientificus, quia per ipsum acquirimus scientiam simpliciter, & propter quid uterque regressus admittendus est, ne dum ut possibilis, verum etiam tanquam utilis, etiam de mente Philosophi, ut mox dicemus.

Ex his fit prima conclusio. Demonstratio circularis, seu regressus tribus primis modis explicatus in secundo. Not. datur etiam de mente Aristotelis. Probat per primo auctoritate civitatis in textu dicentis impossibile esse demonstrari circulariter, quin idem sit simul notius, & ignotius, nisi altero modo, ut alia quidem quod ad nos, alia verò simpliciter quomodo inductio faciat notum, sed in regressu quod ad unum processum procedimus à notioribus nobis, & quod ad alium à notioribus secundum naturam: ergo de mente Aristotelis talis admittendus est. Confirmatur quia demonstratio circularis in terminis conuertibilibus est admittenda secundum Aristotelem hic in tertia ratione contra secundum errorem antiquorum, sed huiusmodi demonstratio est regressus, tertio modo expositus in secundo. Not. ergo &c. Confirmatur secundo, quia in primo Post. c. 10. admittit duplicem demonstrationem, scilicet propter quid, & quia, & posse fieri transitum de vna ad aliam, sicut in his, quæ alternatim se consequuntur, sed uterque processus est regressus primo modo declaratus: ergo & hic est Aristoteli conformis. Confirmatur tertio quia in primo de Anima ex diuersis passionibus, & accidentibus inuestigat substantiam animæ: & in secundo de anima tradit duplicem diffinitionem animæ, alteram per causam materiale, & per formalem alteram, & per vnam alteram demonstrat, ut diximus in secundo. Not. ergo de mente Aristotelis datur etiam regressus, secundo modo expositus, & consequenter illum duplicem regressum apparere admittendum esse etiam secundum Philosophum.

Secunda conclusio. Huiusmodi regressum à Scoto, & discipulis eiusdem assertum, ac de mente Aristotelis probatum, esse utilem in scientiis, siue demonstratio, quia precedat propter quid siue è conuerso illa hanc subsequatur. Probat, quia in scientiis physicis procedimus à notioribus nobis ad notiora naturæ, scilicet ab effectibus ad causas, & postea regredimur à notioribus natu-

ræ ad notiora nobis, aliter huiusmodi scientia non esset simpliciter scientia, & propter quid, sed talis demonstratio, seu processus est regressus à Scoto, & Scotistis assertus ut patet ex præcitatis locis pro secunda sententia: ergo est utilis. Confirmatur quia pro statu illo omnis nostra cognitio ortum habet à sensu oportet enim intelligentem phantasmata speculari ex Aristotele tertio de Anima tex. 30. 39. sed huiusmodi cognitio est scientia, nedum quia, verum etiam propter quid ut est manifestum apud omnes: ergo huiusmodi regressus est utilis in scientiis. Hæc consequentia patet, quia huiusmodi regressus inuoluit utrumque processum, & quia & propter quid, & consequenter utramque scientiam, & quia, & propter quid.

Obijciens primo, quia si admitteretur huiusmodi regressus in demonstrationibus sequeretur idem probari per idem, sed hoc nequit fieri sine petitione principij: ergo non est admittendus. Sequela maioris, probatur quia ponamus, quod A. sit causa, & B. effectus per te A. probatur per B. & per A. iterum probatur B: ergo A. per A. & B. per B. probatur, siquidem quod est causam causæ est causa causati.

Respondetur negando sequelam maioris, ad probationem negatur consequentia, & cum probatur quod est causa causæ, est etiam causati, verum est in eodem genere causæ, & in eodem processu, ut optimè probauit Aristoteles in textu contra duplicem errorem antiquorum ratione secunda, non timen in diuersis processibus, & generibus causarum, ut est in proposito, siquidem A. probatur per B. à posteriori, & demonstratione quia, & B. per A. à priori, & propter quid.

Obijciens secundo, omnis demonstratio est ex notioribus nobis; sed demonstratio in secundo processu est ex notioribus naturæ, & non nobis, cum sit propter quid: ergo non est propriè demonstratio, & consequenter ibi non est regressus, ab vna in aliam demonstrationem. Maior patet per diffinitionem demonstrationis positam cap. v. r. 4. vbi dicitur, quod procedit ex prioribus, & notioribus, &c.

Respondetur negando. Maiorem, ad probationem dico ibi solum haberi demonstrationem debere esse ex notioribus, non determinando, an talia esse debeant notiora nobis,

bis, vel naturæ, ut innuat per huiusmodi demonstrationem comprehendendi utramque demonstrationem, & propter quid, quæ à notioribus naturæ, ad notiora nobis, & quia, quæ è conuerso à notioribus nobis, ad notiora naturæ procedit, in quibus continetur. Regressus à nobis assertus, & probatus.

Obijcies tertio, si daretur huiusmodi regressus sequeretur nos posse cognoscere effectum per causam, & per effectum causam; sed hoc non est admittendum: ergo non est admittendus huiusmodi regressus. Sequela maioris patet ex dictis notis secundo. Minor probatur, quia nullum imperfectius causarum perfectius; sed notitia causæ est perfectior notitia effectus: ergo per effectum non potest cognosci. Minor patet, quia sicut res se habent ad esse, ita ad cognosci ex Aristotele secundo Meth. t. c. 4. sed effectus est imperfectior sua causa, saltem ut in pluribus: ergo, & incognosci, ac proinde notitia effectus erit imperfectior notitia causæ.

Respondetur negando minorem, ad probationem dico maiorem esse veram totaliter, notam tamen partialiter; modo cognitio effectus, vel effectus cognitus concurrit, ut causa partialis, respectu cognitionis causæ, non ut causa totalis, quia causatur etiam huiusmodi cognitio ab intellectu, ut ab altera causa.

Vel dicendum, notitiam causæ esse perfectiorem notitia effectus secundum se, & in processu propter quid, non tamen quod ad nos, & in processu quia, siquid in isto processu effectus, cum sit notior nobis habet rationem causæ, & causa induit rationem effectus, quia quod ad nos cognoscitur confuso modo per suum effectum, & à posteriori tantum, non tamen à priori, & distinctè.

Contra, quia si cognitio effectus, seu conclusionis in secundo processu, siue in regressu, habet demonstrare alteram præmissam, seu causam, prius cognitam, in primo processu, propter quid debet esse perfectior cognitio causæ, siue præmissarum, iam cognitarum; siquidem principia, seu præmissæ debent esse notiores conclusionem ex Aristotele hic cap. 2. quia propter quod unumquodque tale, & illud magis; sed hoc non est dicendum: ergo per effectum nequit demonstrari causa, & per conclusionem in secundo processu nequit demonstrari altera præmissarum. Minor probatur, quia effectus, &

conclusio in primo processu fuerunt cognitæ propter quid, & minori, siue imperfectiori cognitione, quam fuerint cognitæ præmissæ, & causa: ergo per talem cognitionem nequit demonstrari cognitio causæ, siue præmissarum, cum sit perfectior. Consequentia patet, quia præmissæ demonstrationis debet esse, & priores, & notiores conclusionem, ut probat Aristoteles hic cap. 2. ergo si conclusio, & effectus in priori processu sunt posteriores, & minus cognitæ non possunt esse præmissæ in secundo processu, ad demonstrandam cognitionem alterius præmissarum, seu causæ prioris processus.

Respondetur negando minorem, ad probationem dico consequens cum sua probatione habere veritatem in ordine cognitionis propter quid, non tamen in ordine cognitionis quia, quandoquidem, talis ordo, cum sit confusus, & exordiat à sensibus perfectiori modo cognoscuntur effectus, quam causæ, cum sint sensibiles, & conclusiones, quam præmissæ; nam hæc per demonstrationem quia, illæ verò per inductionem singularium habitam à sensibus, exemplum sit de hac conclusionem, omnis homo est risibilis, quæ in ordine propter quid est minus nota, quam hæc præmissa omne animal rationale est risibile, per quam demonstratur ceterum in ordine demonstrationis quia, et nobis notior, cum habeatur per inductionem receptam à sensibus, & idè potest alteram demonstrare à posteriori.

Dices ergo idem erit notius, & ignotius saltem in diuerso ordine cognoscendi, quod est contra Aristotelem, siquidem impugnauit hanc responsionem antiquorum probando nec propterea posse dari demonstrationem circularem, alicui non foret demonstratio simpliciter, aut scire non esset bene distinctum, sed & alia distinctione indigeret, quod utrumque habuit pro inconuenienti.

Respondetur concedendo illud, nec hoc est inconueniens, aut contra Aristotelem, immò sibi est conforme, ut patet ex eius verbis, dum arguit primo contra antiquos, cum dicit: siquidem ex prioribus oportet demonstrationem esse, & notioribus; impossibile tamen est eadem sibi maiorem simul priora, & posteriora esse, nisi altero modo, ut hæc quidem ad nos, illa verò simpliciter, quod certe modo inductio facit motum; in quomodo Aristoteles non negat, verum ap-
bat

bat idem posse dici notius, & ignotius in diuerso ordine cognoscēdi? Nec rationes eius adductæ contra antiquos, officiant nostræ responsioni, siquidem procedunt ex concessis ab antiquis, nimirum posse dari demonstrationem circulare à priori, quod habuit pro inconuenienti, quia tunc idem esset notius, & ignotius, prius, & posterius, & secunda demonstratio non esset simpliciter, quia non esset semper ex prioribus, & notioribus, & scire non esset per causam, sed per effectum, & tamen antiqui dicebāt omnem demonstrationem, & scientiam debere esse ex prioribus simpliciter, & per causam.

De Partibus Formalibus requisitis ad demonstrationem simpliciter.

CAPVT IV. V. VI.

Istud Capitulum, in quo Aristoteles ostēdit ex qualibus præmissis debet fieri Demonstratio simpliciter, diuiditur in quatuor partes; in quarum prima probat debere constare ex præmissis necessariis, & incipit ibi: Demonstratio autem est &c. In secunda docet debere esse de omni, & ibi incipit: De omni quidem hoc dico &c. In tertia ostēdit debere esse per se, & incipit ibi: Per se autem sunt, quæcumque sunt &c. In quarta tandem requirit, quod sunt secundum quod ipsæ, & vniuersales, & incipit ibi: Vniuersale autem dico, quod cum de omni &c.

Quoad primam partem statuit banc conclusionem: Demonstratio simpliciter debet constare ex præmissis necessariis, & probat, quia demonstratio est ex his, quæ non possunt aliter se habere; sed talia sunt necessaria: ergo demonstratio est ex necessariis, Maior probatur, quia scire est rem per causam cognoscere, & quoniam illius est causa, & quod non contingit hoc aliter se habere, ut patet per eius definitionem positam capite secundo huius: sed demonstratio est syllogismus faciens scire, ut dictum est ibi.

dem: ergo demonstratio constat ex his, quæ non possunt aliter se habere, & sic ex necessariis.

Quò ad secundam partem ponit aliam conclusionem, demonstratio constat ex præmissis de omni, quæ, ut probet, demonstrat quid sit, & quotuplex sit de omni, dum dixit: De omni quidem, quod utique est in non quodam quidem, in quodam autem non, neque aliquando quidem, aliquando verò non, id est propositio de omni, est in qua prædicatum verificatur de subiecto, & de quolibet contento sub illo, non per aliquo determinato tempore solummodo, sed semper, ut homo est animal, quia animal nedum verificatur semper de homine, sed & de omni homine; ex qua diffinitione elicitur propositio de omni duplex scilicet de omni prioristico, & posterioristico. Prior est in qua prædicatum non necessario, & semper conuenit subiecto, sed potest conuenire, & non conuenire, ut omnis homo morietur, quia mors non necessario semper conuenit omni homini, sed solum pro determinato tempore. Posterior verò dicitur illa in qua prædicatum necessario, & semper verificatur de subiecto, ut hæc omnis homo est animal, & de hac propositione de omni loquitur Philosophus in præsentia.

Supposita huiusmodi declaratione probat conclusionem, quod demonstratio debeat procedere ex propositionibus de omni posterioristico, quia omnis demonstratio simpliciter procedit ex necessariis ex præcedenti conclusionē; sed omnis propositio necessaria est etiam de omni posterioristico, quia prædicatum semper verificatur de subiecto, ergo omnis demonstratio simpliciter procedit ex præmissis de omni posterioristico.

Quò ad tertiam partem statuit tertiam conclusionem; demonstratio simpliciter constare debet ex propositionibus, seu præmissis per se, sed antequam illam probet declarat propositiones per se esse in quadriplex differentia, secundum quatuor modos dicendi per se, ut diximus in vniuersalibus.

Primus modus dicendi per se est quando diffinitio quiditativa tota, aut aliquas eius pars predicatur de diffinito, ut homo est animal rationale; vel homo est animal; vel homo est rationalis.

Secundus modus dicendi per se est quando passio predicatur de subiecto adequato, vel de aliquo contento sub subiecto adequato, ut homo est risibilis, vel aliquis homo est risibilis, linea est curva, vel recta, & hac linea est recta, vel circularis; vel numerus est par, vel impar; aut hic numerus est par, vel impar; siquidem, quemadmodum risibilitas est passio hominis simplex, ita rectum, vel circuli, aut linea, & par, vel impar in numero sunt passionis disiunctae, ut melius declarabimus in questionibus.

Tertius modus non est dicendi, sed potius escendi per se, & conuenit primae substantiae, & sic diffinitur, illa sunt per se, quae non dicuntur de aliquo subiecto, siue sit subiectum inhaesionis, siue sumatur pro inferiori, & sic Petrus dicitur esse per se, quia non habet inferiora de quibus dicatur, & nulli inheret cum sit substantia prima, ut dictum est in antepredicamentis.

Quartus modus dicendi per se, est quando subiectum exprimit causam inhaerentia seu conuenientia praedicati cum seipso, ut interfectus interfectione interijt; nam interitus inest interfecto per interfectionem, tamquam per suam causam. Quando verò subiectum non exprimit causam inhaerentia praedicati, tunc dicitur modus dicendi per accidens, ut ambulante me corruscauit, siquidem ambulare non est causa per se, sed tantum per accidens coruscationis. Hic est sermo de propositionibus per se primo, & secundò modis.

Ex his probatur conclusio, nimirum demonstrationem fieri ex praemissis, seu ex propositionibus per se, quia conclusio per se non inferitur formaliter, nisi ex propositionibus per se, sed conclusio demonstrationis simpliciter est propositio per se: ergo demonstratio simpliciter debet esse ex propositionibus per se. At uer patet à simili, quia

sicut substantia non potest esse ex non substantijs ex Philosopho primo Physicorum, nec propositio per se ex propositionibus non per se. Minor etiam probatur praesupponenda duo; alterum quod duplices sunt passionis scilicet simplices, quae unico termino exprimuntur, ut risibile respectu hominis, & compositae ex oppositis, quae nimirum per duos terminos oppositos disiunctiue exprimuntur, ut par, vel impar respectu numeri; rectum, vel obliquum respectu lineae. Alterum supponendum quod opposita contraria, & priuatiue sunt in eodem genere, ut calidum, & frigidum sunt in eodem genere, similiter visio, & caecitas spectant ad idem genus, ut patet ex eorum diffinitionibus traditis in postpredicamentis cap. de oppositis.

Ex his probatur minor, illud quod praedicatur necessario de aliquo eiusdem generis, per se, de illo praedicatur, ut animal, quia necessario praedicatur de hominem, ideo & per se de illo praedicatur, sed praedicatum conclusionis est eiusdem generis cum suo subiecto: ergo de illo praedicatur per se. Minor probatur, quia par, & impar sunt praedicata demonstrabilia de numero, sicut rectum, & curuum de linea, sed talia sunt eiusdem generis cum suis subiectis, quia sunt opposita contraria, & priuatiua: ergo praedicatum conclusionis est eiusdem generis cum subiecto. Ex hoc textu habetur passionem esse in illis praedicamentis, quorum sunt, & eorum subiecta.

Quoad quartam partem ostendit demonstrationem procedere ex propositionibus uniuersalibus, & secundum quod ipsum, & ut probet hanc conclusionem declarat quid sit uniuersale, ut ad propositum spectat, & secundum quod ipsum, pro quibus.

Primo notandum est uniuersale hic non accipi pro uniuersali in causando, ut est Deus, nec in cognoscendo sicut est intellectus, nec in representando, ut species intelligibilis, nec in distribuendo, cuiusmodi sunt signa uniuersalia omnis, nullus, quilibet, sed tantum in praedicando, quod est duplex scilicet limi.

limitatum, ut est substantia, vel quantitas, & illimitatum cuiusmodi est ens. Vtrumque autem consideratur tripliciter, scilicet ante rem prout habet esse in mente divina ante creationem, vel productionem; in re, dum nimirum actualiter existit in singularibus, & post rem, cum videlicet habet esse cognitum in intellectu creato. Limitatum adhuc est duplex; scilicet convertibile cum subiecto, ut est proprium, & non convertibile, ut est genus, & accidens: hic est sermo de vniuersali limitato, convertibili cum subiecto, ut est proprium, seu propria passio.

Secundo. Notandum est, quod secundum quod ipsum tripliciter accipitur, vno modo, ut idem est quod per ipsum, vel per aliud in ipso inclusum, & sic homo dicitur sensibilis secundum quod ipsum, quia ratione animalis in seipso inclusi. Secundo modo, ut idem est, quod sine medio, & sic homo est animal secundum quod ipsum, quia inter hominem & animal nulla species mediat, per quam sit animal. Tercio modo, ut idem sonat quod precise, & adequatè, & sic homo dicitur sensibilis secundum quod ipsum, quia solus homo, & omnis homo est sensibilis, & sic accipitur in proposito.

Ex his patet quid sit vniuersale, ut ad presens spectat, siquidem vniuersale est predicatum convertibile, de omni, per se, & secundum quod ipsum, ut risibile, quod convertitur cum homine, & predicatur de omni contento sub homine, & per se secundum modo, quia necessariò, & semper, & secundum quod ipsum idest adequatè, valet enim dicere omnis homo est sensibilis, & omne risibile est homo.

His suppositis probatur conclusio quarta quod demonstratio simpliciter debeat procedere ex propositionibus vniuersalibus, & secundum quod ipsum, quia demonstratio procedit ex his, quæ sunt de omni, & per se, & secundum quod ipsum, sed talia sunt vniuersalibus: ergo demonstratio procedit ex vniuersalibus. Minor patet ex diffinitione vniuersalis. Maior quod ad primam, & secundam partem patet ex secunda, & tertia conclusione: & quod ad tertiam probatur, quia omne quod

conuertitur cum suo subiecto, & est adequatum illi est secundum quod ipsum eiusdem subiecti, sed demonstratio procedit ex his, quæ sunt convertibilia, et adequata: ergo procedit ex his, quæ sunt secundum quod ipsum. Minor probatur, quia primum, et adequatè sunt idem in proposito; sed demonstratio simpliciter procedit ex primis, ut patet ex eius diffinitione: ergo procedit ex adequatis.

Obijciunt contra secundam conclusionem probando diffinitionem de omni posterioristico non esse bene datam, quia ista, omnis linea est longitudo, sine latitudine, et profunditate, cuius extrema sunt duo puncta, est de omni; sed habere duo puncta extrema non conuenit omni lineæ, quia circularis est linea, et non habet duo, sed tantum vnum punctum: ergo diffinitio de omni posterioristico non est bene assignata. Maior patet quia diffinitio quiditativa conuenit tali diffinitio, et omni contento sub illo: ergo cum ista sit diffinitio quiditativa lineæ, erit de omni posterioristico.

Respondetur. Minorem, et probationem esse veram in actu, non tamen in aptitudine, quia sic omni lineæ conuenit habere duo puncta extrema.

Obijciunt secundo contra tertiam conclusionem de modis per se, quod sint tantum tres, quia modi per accidens sunt tantum tres: ergo et modi per se. Antecedens patet, quia propositio per accidens est tantum triplex, scilicet cum accidens predicatur de subiecto, ut homo est albus; quod ob subiectum predicatur de accidente, et quando accidens predicatur de accidente: ergo modi dicendi per accidens sunt tantum tres consequentia tenet per regulam. Aristoteles primo Topicorum, quod modis dicitur vnum oppositorum, tot modis dicitur, et reliquum, sed per se, et per accidens sunt opposita: ergo etc.

Respondetur negando consequentiam, ad probationem dico illam regulam esse veram de oppositione secundum se, et suam significatam simul, non tamen de oppositis tantum secundum se, cuiusmodi sunt per se, et per accidens.

Obijciunt tertio, quia per se, & secundum quod ipsum sunt idem, ex Aristotele hic sub t. i. sed secundum quod ipsum dicitur tantum

tribus modis, ut notauimus supra: ergo etiam per se debet dici tantum tribus modis.

Respondetur. Maiorem esse veram inadaquate, & non inuicem sicut superius, & inferius, valet enim dicere, quod omne praedicatum secundum quod ipsum est etiam per se, sed non è conuerso; siquidem hac est per se, homo est animal, sed non est secundum quod ipsum, cum hac sit falsa, omne animal est homo: hac verò, omnis homo est risibilis est secundum quod ipsum, & etiam per se secundo modo.

Obijciunt quarto contra quartam, quod diffinitio vniuersalis non sit sufficienter data, quia animal respectu hominis est vniuersale, cum sit genus, sed animal non in se hominem, secundum quod ipsum: ergo diffinitio vniuersalis est insufficienter data. Minor probatur, quia predicatum secundum quod ipsum est conuersibile adaequate cum subiecto, sed animal non conuertitur cum homine, ut patet: ergo non est ipsi secundum quod ipsum.

Respondetur. Maiorem esse veram de vniuersali predicabili non tamen de conuertibili, de quo solum loquitur Philosophus in textu.

Vtrum Omnis Passio sit demonstrabilis de suo subiecto.

QVÆSTIO VIII.

HÆC quæstio est potius metaphysicallis, quam Logicalis, siquidè ferè omnes eandem pertractant, vel in Prologo, vel in tertio libro Metaphysicæ, nihilominus occasione textus Aristotelis, hic discutendam euenimus, cò vel maxime, quia in hoc cursu Philosophico non sumus daturi scientiam metaphysicalem ab his inferioribus distinctam, circa quam est non parua controuersia inter Scotistas, an omnes passionēs, sic vniuersaliter loquendo, sint demonstrabiles de suis subiectis, siquidem. Aliqui negant passionēs entis posse de ipso demonstrari, saltem à priori, cum ens careat diffinitione, quæ est medium demonstrandi passionēs de subiecto. Ita Tatar. 1. Meth. q. vii. art. 1. not. 2. & 1. Post. q. 3. Dub. 2. Vigerius in 1. sent. dist. 39. Bergius ibidem, & in qu. An Metaphysica sit scientia quibus aperte fa-

uet Doctor Subtilis in primo d. 39. §. quantum ad primum dico licet. C. & in 2. dist. 12. q. 1. sub C. §. Respondeo in ente communi vnitas &c. Vbi directis verbis docet nullam passionem posse demonstrari de ente in communi, quia transcendentia carent diffinitione, quæ debet esse medium in demonstratione potissima, sicut probabimus in 2. lib. Post.

Cæterum. Alij, quamuis cōueniant cum præcedentibus, loquendo de prima passione entis, dissentiunt tamen de cæteris passionibus, & asserunt posse demonstrari de ente per primam passionem eius, tamquam per medium. Ita Ant. Andreas primo Methaph. quæst. 1. art. 3. conclus. 5. Trombeta 3. Meth. q. 3. Zerbius 1. Meth. q. 3. quos sequitur Soncinus in 4. Meth. qu. 17. & ab his non dissentit etiam R. P. Franciscus à Catharo meus Magister Doctissimus in 1. Post. qu. 3. art. 8.

Alij tandem indiscriminatim de passionibus, cum limitatis, rû transcendentalibus, loquentes, asserunt omnes esse demonstrabiles de suis subiectis. Ita Suarez disput. 3. Meth. sect. 3. Pasqualig. ibidem sect. secunda, num. 8. & alij ex Recentioribus, quos sine nomine, refert, & sequitur Mastrius tom. primo. Meth. disput. quarta quæst. quarta à quibus non aberrat Scotus, ut prima opinio censet, quinimò aperte hanc sententiam docet in Prologo sent. q. 3. princip. & prima, ac secunda laterali sub lit. S. & T. ut inferius melius demonstrabimus.

Pro cuius declaratione, ac fundamento. Primo notandum est ex dictis superius, demonstrationem esse duplicem, scilicet ostensiuam, & ad impossibile; insuper ostensiuam, aliam esse à priori, & propter quid, & aliam à posteriori, & quia. Hic est sermo de demonstratione propter quid, & à priori tantum, ut sensus quæstionis sit, an omnes passionēs sint à priori demonstrabiles de suis subiectis.

Secundò notandum est passionēs esse in duplici differentia, alie enim sunt limitatæ, alie verò transcendentales. Limitatæ dicuntur illæ, quæ insunt rebus limitatis, hoc est reponibilibus directè in aliquo decem predicamentorum, & conuertuntur cum illis, ut risibilitas cum homine hinnibilitas cum equo, rugibilitas cum leone, habere tres cum triangulo, & similes. Transcendentales

les sunt, quæ rebus transcendentibus competunt, vt sunt passionēs entis, scilicet vnum, verum, bonum &c. Et istarum alie sunt simplices, & alie sunt disiunctæ. Simples dicuntur illæ, quæ vnicō terminō exprimiuntur, vt vnum, verum, bonum, aliquid, & res, quæ conuertuntur, & identificantur realiter cum ente, licet ab eo distinguantur formaliter. Disiunctæ autem appellantur illæ, quæ duobus terminis disiunctiue vnitis significantur, vt sunt finitum, vel infinitum, creatum, vel increatum, contingens, vel necessarium, & istæ absolute non conuertuntur cum ente, sed tantum sub disiunctione, siquidem falsum est dicere, omne ens est creatum, & omne ens est increatum, licet sit verum affirmare, omne ens, vel est creatum, vel increatum, contingens, vel necessarium finitum, vel infinitum.

Tertio. Notandum ex Scoto in primo distinct. 39. §. quantum ad primum sub C. passiones disiunctas posse demonstrari de ente posse dupliciter intelligi, vno modo quod illud totum disiunctum possit demonstrari, sicut totum potest conuertere cum ente; alio modo, quod alterum membrum possit demonstrari per aliud, vt necessarium per contingens, vel è conuerso, & hoc adhuc dupliciter, aut quod imperfectius demonstratur per perfectius, vt contingens per necessarium creatum; per increatum; aut è conuerso perfectius per imperfectius, scilicet necessarium per contingens, increatum per creatum; si loquamur priori modo, non est possibile, & ratio est, quia cum membrum perfectius non dependeat ab imperfectiori, vt necessarium à contingenti, infinitum à finito, potest esse sine illo, vnde nequit inferri, si datur ens necessarium: ergo & contingens; si increatum, & infinitum: ergo dandum est, & creatum, & finitum. Si verò sit sermo de posteriori modo demonstrandi, cum imperfectius membrum necessarium dependeat à perfectiori, sequitur de necessitate positio perfectioris, ad positionem imperfectioris, vt puta si datur ens contingens, creatum, & finitum; de necessitate inferitur dari debere, ens necessarium, increatum, & infinitum. An autem totum illud disiunctum possit simul demonstrari de ente est difficultas,

sicut de passionibus simplicibus, de quibus in conclusionibus.

Quarto. Notandum est, vt colligitur ex Scoto loco citato, passiones entis simpliciter esse immediatas sibi, posse dupliciter intelligi, vno modo immediate cause, ita ut inter ens, & eius passiones nulla mediet causa à qua fluant, præter naturam, & quiditatem eius; alio modo immediate effectus, ita quod omnes simul sine aliquo ordine prioritatis, & posterioritatis emanent ab essentia, & quiditate entis. Si loquamur de priori immediate Auctores secundæ sententiæ dicunt solum primam passionem esse sic immediatam enti, quia inter ipsam, vt prædicatum, & ens, vt subiectum, nullum intercedit medium, per quod possint adinuicem vniri; at cæteræ, passiones non sunt ita immediate, quia cum secunda fluat à prima, & tertia à secunda: sicut hæc potest vniri enti per primam, ita tertia, per secundam, & consequenter per illarum diffinitiones, seu conceptus proprios demonstrari de ente. Cæterum si sermo sit de immediate effectus, vel quasi effectus, probabile est non omnes immediate procedere ab ente, sed cum aliquo ordine, vt prius fluat vnum, quam verum, & istud prius quam bonum, & sic de alijs, & consequenter passionem posteriorem demonstrari posse de ente per priorem, vt docet Scoto quæst. prima Prologi. H. & in tertia distinct. decimaquarta, quæ secunda, §. contra rationem huius positionis, &c. verum huiusmodi demonstratio non erit simpliciter, quia non erit per causam in essendo, & cognoscendo, sed tantum per effectum priorem, atque adeo præmissæ non erunt notiores conclusionē, quod tamen necessarium requiritur ad veram demonstrationem propter quid, & potissimum, vt docet Aristoteles in primo post. cap. 2.

Quinto. Notandum ex Aristotele primo Poster. cap. vigesimotertio; scientiam illam esse cæteris certiorē, & perfectiorem, quæ est vnus generis subiecti, & quæ habet principia, & passiones demonstrabiles de ipso; medium autem demonstrandi huiusmodi passiones ex eodem secundo Posterior. cap. decimo septimo, est ratio primi extremi conclusionis, id est subiecti, quæ in habentibus diffinitionem quiditati-

tuam, constat ex genere, & differentia, erit diffinitio subiecti, in illis verò, quæ carent genere, & differentia, cuiusmodi sunt transcendentes, est conceptus quiditativus, gerens vicem diffinitionis; cum igitur Methaphysica sit scientia perfectissima, & habeat pro subiecto ens in quantum ens, & consideret passiones, quæ ei in sunt ex eodem Aristotele primo posteriorum cap. 7. & 1. Meth. cap. 1. & 4. Methaph. cap. 1. & 2. ens autem non possit diffiniri, cum careat genere, & differentia, habet verò conceptum quiditativum, vniucum omnibus enibus, dicendum est per hunc demonstrari sufficienter eius passiones, atque ideò per eas haberi scientiam demonstratiuam de ipso ente, ut ens est.

Et his sit prima conclusio omnes passiones limitatæ possunt demonstrari simpliciter, & propter quid de suis subiectis. Est communis omnium Doctorum. Probatur, quia omnis effectus per suam causam necessariam, & immediatam, à subiecto, saltem ex natura rei distinctam, de illo demonstrari potest, sed omnes passiones limitatæ habent causas proprias, & immediatas à suis subiectis saltem ex natura rei distinctas: ergo per eas de illis demonstrari possunt. Maior patet ex diffinitione demonstrationis propter quid, minor probatur, quia diffinitio subiecti est causa necessaria, & immediata passionum subiecti, sed omnia subiecta limitata habent suam diffinitionem, (cum sint in aliquo predicamento directe, & consequenter in genere) à seipsis ex natura rei distinctam, ut superius probauimus in questione de propositione per se nota: ergo per talem diffinitionem possunt demonstrari passiones de illis.

Secunda conclusio. Passiones transcendentes cuiusmodi sunt passiones entis simplices possunt omnes de illo demonstrari. Est Scoti in Prologo primi sent. q. 3. sub lit. S. & T. & in Prologo Methaphysicæ, siquidem in primo loco inquit, quod tertio dicitur de principio subiecti dico, quod non oportet principia scibilis esse principia in se ipsius subiecti, quia entis in quantum ens, quod ponitur subiectum Methaphysicæ, nulla sunt principia, quia tunc essent cuiuslibet entis, sed oportet cuiuslibet subiecti esse principia per quæ demonstrantur eius passiones de eo, ex quibus principiis, tamquam ex medijs demonstrationis formantur prin-

cipia complexa, sicut propositiones per se notæ, hoc modo cuiuslibet subiecti possunt esse principia quantumcumque imprincipiati respectu suarum passionum. Deinde in secundo loco apertius loquendo, subiungit: Ad secundum dico, quod Methaphysica non est de Deo, tamquam de primo subiecto, quia præter scientias speciales, oportet esse aliquam communem in qua probetur in communi omnia, quæ sunt communia illis specialibus; igitur præter scientias speciales oportet esse aliam communem de ente, in qua tradatur cognitio passionum de ente, quæ supponitur in alijs scientijs specialibus; sed talis cognitio non fit nisi demonstrando passiones de ente: ergo de mente Scoti passiones entis sunt demonstrabiles de ipso. Denique in tertio loco habet, proprium esse scientiæ Methaphysicæ demonstrare per causas vniuersales, passiones vniuersalissimas, & per essentialia cuiuslibet, non in quantum hoc, sed in quantum entia sunt; sed huiusmodi passiones vniuersalissimæ sunt passiones entis: ergo methaphysica demonstrat passiones transcendentes de ente, ut ens est. Probatur conclusio primo auctoritate Aristotelis primo Post. cap. 7. ubi methaphysicam vocat maximè scientiam, & omnium scientiarum dominam, quia demonstrat omnium principia, ex causis superioribus, & non ex casualis causis, sed non potest esse maximè scientia nisi demonstraret passiones omnibus subiectis aliarum scientiarum, communes, quæ non sunt nisi passiones entis, ut ens est: ergo &c. Præterea 4. Methaph. t. 1. inquit est scientia quædam, quæ speculatur ens prout ens est, & quæ ei per se insunt, id est passiones, sibi realiter identificatas: ergo de mente Aristotelis Methaphysica demonstrat passiones omnes, quæ insunt enti. Secundo probatur ratione, quia si omnes passiones entis non essent de ipso demonstrabiles, sequeretur methaphysicam non esse sapientiam, & maximè scientiam; sed hoc esset contra Aristotelem 1. Post. cap. 7. & in primo methaphysicæ c. 1. in fine ergo &c. Sequela maioris probatur, quia scientia est notitia conclusionis demonstratæ ex eodem Aristotele; sed in conclusione, passio demonstratur de suo subiecto per diffinitionem eius: ergo si passiones entis non demonstrarentur de eo, non haberetur scientia de ente,

ente, & consequenter Metaphysica, quæ est de ente, vt eius est, non esset scientia, ac proinde nec maxime scientia, vel sapientia.

Dices cum Tatarcto citato pro prima opinione, Methaphysicam non esse scientiam propriissimè, prout diffinitur ab Aristotele c.2. primi lib. Posteriorum, sed tantum prout se extendit ad notitiam principiorum, de qua locutus est ibidem in fine, dum dicit principia debere magis sciri, quàm conclusiones, quia propter quod vnum quodque tale, & illud magis, vnde non sequitur esse notitiam passionum demonstratarum de ente.

Contra, quia notitia principiorum non est scientia, nec sapientia, sed intellectus, vt docet Aristotele secundo Post. cap. vltimo, sed Methaphysica est sapientia, & hæc est scientia, ex primo Methaphys. cap. 1. & maxime scientia ex primo Post. c.7. & 4. Meth. cap. 1. & 2. ergo est scientia propriè dicta, & consequenter notitia conclusionum Methaphysicalium, & non principiorum. Confirmatur quia Aristoteles 6. Methaphysicorum cap. 1. recenset scientias speculatiuas, inter quas enumerat Mathematicam naturalem, & Methaphysicam, atqui nulli dubium est duas priores esse veras scientias, quatenus scientia est notitia conclusionis demonstratæ: ergo id non est ambigendum de tertia.

Dices secundo, cum meo Doctissimo præceptore loco citato, conclusione secunda, saltem primam passionem entis non posse demonstrari de illo, cum sit sibi immediata, & consequenter ex illis sit vna propositio immediata, & indemonstrabilis, siquidem conceptus quiditativus, per quem posset demonstrari, est omnino idem cum ente, & consequenter nequit esse causa demonstrandi primam passionem de ipso, tamquam de subiecto.

Contra, & erit tertia ratio pro conclusione principali, sicut se habet diffinitio in habentibus genus, & differentiam, ita conceptus quiditativus in transcendentibus, sed per diffinitionem quiditativam demonstratur de subiectis limitatis eorum passiones, vt omnes fatetur: ergo per conceptum quiditativum poterunt demonstrari omnes passiones transcendentes de ente. Maior probatur quia in tantam diffinitio est medium de-

monstrandi passiones limitatas, in quantum est causa illarum; & est alius terminus ex natura rei distinctus à diffinito, de quo demonstrantur; sed etiam conceptus quiditativus est alius ex natura rei ab ente concepto, & est causa passionum entis: ergo eodem modo se habent. Maior est concessa ab aduersarijs. Minor probatur quo ad vtramque partem, & primo quod sit causa illarum, quia passiones intrinsecæ pullulant à principijs intrinsecis subiecti; sed nihil est intimius enti, quam eius conceptus quiditativus: ergo ab ipso pullulant passiones entis, quæ eidem in sunt intrinsecæ ex Aristotele 4. Meth. t. 1. & 6. Meth. t. 4. Probatur secundo, quod sit alius ex natura rei ab ente concepto, quia ens, sic conceptum, est vniuocum Deo, & creaturis Methaphysicè, vt cum Scoto probauimus in Prædicamentis. Disp. 1. q. 3. ergo conceptus entis quiditativus est alius ex natura rei ab ente sic vniuocè concepto. Consequentia patet ex diffinitione vniuocorum, vbi dicitur, vniuoca dicuntur, quorum nomen est commune, & ratio substantiæ secundum illud nomen sumpta, est eadem illis, sed per rationem substantiæ intelligitur diffinitio, in habentibus genus, & differentiam, & conceptus quiditativus in transcendentibus: ergo si ratio substantiæ, quæ est diffinitio est alia à re diffinita vniuoca, etiam conceptus quiditativus erit alius ex natura rei ab ente concepto vniuoco, alioquin ens, quod dicitur vniuocum, non erit aliud præter nomen, & conceptum sumptum à nomine, quod non est dicendum, quia vniuoca non sunt tantum voces, sed per voces, significatæ res.

Dices. Negando consequentiam, quia in tantum diffinitum, & diffinitio in vniuocis sunt alij ex natura rei, in quantum res importata per diffinitum concipitur confusè, & per diffinitionem distinctè, vnde sequitur esse duos terminos ex natura rei distinctos; cæterum ens, cum non possit concipi confusè, & distinctè, sed semper distinctè: est enim simpliciter simplex, quod aut totaliter scitur, aut totaliter ignoratur, id circò nequit facere terminum ex natura rei distinctum ab eius conceptu quiditativo.

Contra, quia diffinitio, & diffinitum, non eò solum distinguuntur, quod explicent eandem rem confusè, & distinctè, sed etiam quia sunt diuersi termini ingredienti-

tes præmissas demonstrationis, ex natura rei distincti, aliter demonstratio constaret tantum ex duobus terminis, & peteretur principium, atque idem probaretur per idem, ut optinè probat Scotus in 1. dist. 2. q. 2. sub A. cum igitur ita se habeant res concepta nomine entis, & eius conceptus quiditativus, ut patet in hac demonstratione, omne quod habet esse, vel essentiam est vnum, verum, & bonum; sed ens habet esse, vel essentiam: ergo ens est vnum bonum & verum.

Dices, non esse hanc bonam demonstrationem, cum præmissæ non sint notiores conclusionem, siquidem habere esse, vel essentiam, & ens, non sunt diversi termini, sed vnus, & idem, atque adeò sequitur ut minor propositio sit identica formaliter, & ex natura rei.

Contra, quia tunc nulla daretur demonstratio de ente, ut ens est, & consequenter nulla esset scientia metaphysica, quod esse falsum probatum est superius cum Aristotele; Sequela probatur, quia per te non possent demonstrari per conceptum quiditativum entis eiusdem passionem de seipso, cum non sit alius terminus ab ente, nec vna passio posset demonstrari per aliam, tum quia sunt transcendentes, & carent diffinitione; tum etiam quia cum non ordinentur causaliter, sed ad summum ut plures effectus ordinatè procedentes ab eadem causa, vna præmissa non erit immediatior altera, nec ambæ notiores conclusionem, quæ tamen necessariò requiruntur ad demonstrationem simpliciter, & propter quid; tum tandem quia saltem prima passio esset indemonstrabilis cum non detur altera prior per quam possit demonstrari, & sic per illam non daretur scientia de ente, quod esset valdè absurdum. Superest ergo, ut omnes demonstrarentur de ipso per eius conceptum quiditativum, ac proinde omnes passionem, tum limitatas, tum transcendentes esse demonstrabiles de suis subiectis.

Tertia conclusio. Probabile est, passionem entis, siue distinctas, siue simplices non esse de eo demonstrabiles simpliciter, & à priori. Est Scoti in primod. 39. sub G. §. Quantum ad primum &c. Probatur quia si essent demonstrabiles de ente, vel per diffinitionem entis, ut subiecti, vel per diffinitionem passionis prioris, sed neutrum est dicendum: ergo non sunt demonstrabiles de ipso. Ma-

ior probatur quia medium demonstrationis simpliciter, & propter quid ex Aristotele secundo Poster. c. 17. Est quod quid est alterius extremi conclusionis, scilicet vel subiecti, vel passionis quod est eius prædicatum: ergo essent demonstrabiles, vel per diffinitionem entis, ut subiecti, vel passionis, ut prædicati conclusionis demonstrata. Minor probatur, quia transcendens, cum non sit in genere, carent diffinitione, quæ habet consistere ex genere, & differentia ex Aristotele 7. Meth. c. 43. sed ens, & eius passionem sunt transcendens, & illimitata ad omnia genera, ut alias probavimus: ergo ens, & eius passionem carent diffinitionem, & generaliter medio demonstrationis propter quid. Secundo probatur quia propositiones immediate sunt indemonstrabiles ex Aristotele primo Poster. capit. 2. & 3. sed ex ente, & eius passionibus fierent propositiones immediate: ergo non possent demonstrari. Minor probatur quia omnes passionem entis fluunt ab eodem immediate, nedum immediate subiecti, sed etiam immediate causæ: ergo per nullam propositionem priorem possent demonstrari, & sic essent immediate; consequentia patet ex dictis in 4. Not. Antecedens probatur, quia si haberent aliquam causam mediante qua haberent esse, vel talis esset conceptus entis quiditativus, vel passio prior respectu posterioris, sed neutrum dici potest: ergo omnes essent sibi immediate. Maior conceditur, cum sit fundamentum secunde, & tertie sententiæ. Minor probatur, & primo quod non mediante conceptu, utpote ab ente distincto; quia ens cum sit simpliciter simplex, non est resolvable in aliquid, quod sit ex natura rei distinctum: ergo cum eius, conceptus quiditativus sit sibi omnino idem, si vniatur passionibus faceret propositiones immediate immedie causæ. Secundo quod nec mediante passione priore ens vniatur passioni posteriori, tum quia, ut inquit Doctor loco citato, difficile est assignare hunc ordinem inter huiusmodi passionem. scilicet prioritatis, & posterioritatis: ergo nec causalitatis inter illas: tum etiam, quia si considerentur secundum se, sunt omnino disparatæ; si verò terminatiæ, cum verum dicat conformitatem entis ad intellectum, & bonum ad voluntatem, sunt pariter respectus disparati, quorum neuter poterit esse causa alterius; Re-

statigitur, vt omnes immediatè fluant ab ente, & consequenter cum illo faciant propositiones immediatas, ac indemonstrabiles.

Quarta Conclusio. Passiones entis, sicut possunt ordinatè procedere ab ipso, tamquam effectus prior, & posterior, ita possunt demonstrari de ente, demonstratione à priori secundum quid. Est Scoti in Prol. quæst. prima sub H. & in tertio dist. decima-quarta, quæst. 2. in quarto dist. vndecima, qu. 3. & quol. 14. art. tertio, & in Report. qu. 1. Prologi, vbi docet passiones entis esse ordinatas, ita quod vna demonstraretur per aliam, aliter plures essent propositiones immediatæ in ente, quam conclusiones. Probatur quia effectus posterior potest demonstrari per priorem, & notioiem, sed passio prior est effectus notior: ergo per priorem passionem potest demonstrari posterior. Minor probatur ex Aristotele quarto Metaph. tex. 3. & quinto, vbi dicit, quod vnum, quod est prima passio entis, est eiusdem nature, cum ente, & passiones, quæ insunt enti, pariter insunt vni: ergo sicut ens notius est suis passionibus, & vnum erit notius verò, & bono, ac proinde per vnum de ente poterunt demonstrari. Secunda pars probatur, quia demonstratio, quæ est à priori, & non per causam, dicitur secundum quid, & non simpliciter, siquidem ista necessariò debet procedere per causam, sed huiusmodi demonstratio esset per effectum priorem tantum, & non per causam: ergo esset à priori secundum quid, & non simpliciter.

Quinta Conclusio. Passiones disiunctæ, nequeunt demonstrari de ente secundum totum disiunctum, sed tantum secundum vnā partem, scilicet quod per membrum vilius, & imperfectus demonstraretur perfectius. Est Scoti in primo sentent. distinct. 39. sub lit. C. Prima pars remanet probata ex tertia conclusione, cum sit eadem ratio de passionibus disiunctis secundum totum, ac de simplicibus: siquidem omnes sunt æqualiter immediatæ enti. Secunda pars probatur, quia perfectius non dependet ab imperfectiori, sicut è conuerso: ergo ad positionem membri perfectioris passionis disiunctæ, non sequitur positio membri imperfectioris, licet benè è conuerso, vt exem-

plicauimus in tertio Not.

Obijciatur tamen contra supradictas conclusiones, & primo contra primam. Nulla propositio immediata potest demonstrari ex Aristotele 1. poster. cap. secundo aliter non esset immediata, sed mediata, sed omnis propositio, in qua prædicatur passio, etiam limitata de suo subiecto est immediata: ergo est indemonstrabilis. Minor probatur quia inter subiectum, & passionem nullum aliud subiectum mediat, alioquin non esset passio, quia non competeret soli, quod tamen est de ratione passionis, vt dicit Porphyrius cap. de Proprio.

Respondetur maiorem esse veram de propositione immediata inmediatione subiecti, quia sic potest demonstrari per eius definitionem, tamquam per causam, modo propositio in qua prædicatur passio de subiecto est immediata inmediatione subiecti tantum, & non causæ, & sic per causam potest demonstrari.

Obijciatur secundo contra secundam conclusionem, si passiones entis essent demonstrabiles de ipso, vel per definitionem eius, vel per definitionem primæ passionis, siquidem altera istarum sufficit ad demonstrationem potissimam, vt dicit Aristoteles secundo Poster. cap. decimoseptimo; sed neutrum dici potest: ergo passiones entis non sunt demonstrabiles. Minor probatur quia ens, & eius passiones sunt transcendentiæ, quæ careant definitione, cum non sint in genere.

Respondetur negando maiorem, vt iussufficientem, siquidem definitio est tantum medium demonstrandi passiones limitatas de suis subiectis, & passiones illimitatæ, & transcendentes demonstrantur per conceptus quiditatiuos suorum subiectorum: modo licet ens careat definitione, non caret tamen conceptu quiditatiuo, & per hunc possunt demonstrari eius passionis de seipso.

Contra, quia ex ente, & eius passionibus fiunt propositiones immediatæ inmediatione causæ: ergo vndecunque sunt indemonstrabiles consequentiā patet ex Aristotele primo Poster. cap. secundo, vbi dicit propositionem immediatam tali inmediatectione esse indemonstrabilem. Antecedens probatur quia ens est simpliciter simplex,

& per consequens irresolubile in conceptum priorem, per quem possint demonstrari passionibus de ipso.

Respondetur negando antecedens, immo ex ipso, & ipsius passionibus fiunt propositiones mediate, & non immediate (saltem causaliter, ad probationem dico ens dici simpliciter simplex, prout simplicitas opponitur compositioni Metaphysicæ, quæ fit ex genere, & differentia non tamen ut excludit compositionem ex ente, & eius essentia, quia sic non est simpliciter simplex, immo habet conceptum quiditativum ex natura rei ab ipso distinctum, per quem possunt demonstrari passionibus de ipso.

Vel dic cum Doct. subtili. in quest. tertia. Prologi sub S. ens dici simpliciter quò ad esse, quia caret principiis essendi, cum sit in principiatum, non tamen quò ad cognosci, quia ex eius conceptu quiditativo, & passionibus possunt fieri principia complexa immediata, per quæ demonstrantur passionibus eius de eo.

Contra hanc responsionem: essendi, & cognoscendi principia sunt eadem: ergo si ens caret principiis essendi, non poterit habere principia cognoscendi. Antecedens probatur ex Aristotele secundo Metaphysicor. tex. quarto, ubi dicit. Propter quod principia semper existentium necesse est verissima esse; nec enim aliquando vera, nec illis, ut sint, aliquid aliud causa est, sed illa ceteris; quare ut secundum esse unum quodque se habet, ita etiam secundum veritatem: ergo secundum Aristotelem, quæ sunt principia essendi, sunt etiam principia cognoscendi, & si non sint principia essendi, nec erunt principia cognoscendi.

Respondetur ex Doct. subtili in Prologo loco citato, negando antecedens univ ersaliter loquendo, siquidem principia scibilibus, non oportet, ut sint etiam principia essendi ipsius subiecti; alioquin ens, quod est in principiatum, non posset sciri, quod tamen est falsum, quia ut dicit Aristoteles quarto Meth. tex. 1. & 5. ac 6. Meth. tex. quarto, circa ipsum versatur scientia Metaphysica. Ad probationem dico auctoritatem aliam de secundo Methaph. t. 4. non habere huiusmodi sensum, sed solum, quod cum veritas sit passio adequata entis, debet sibi com-

mensurari, ut nimirum qualem, & quantam entitatem res in se habeat, talem, & tantam veritatem, & non amplius sit nata habere; ita explicat Scotus in expositione huius textus: Ex quo non potest inferri eadem esse principia essendi, & cognoscendi, etsi res careat principiis essendi debere etiam carere principiis cognoscendi; siquidem hæc sunt complexa, quæ fieri possunt ex quiditate subiecti, & passionibus eiusdem, quamvis non habeat principia essendi, & sit simpliciter simplex, ut dictum est de ente.

Obijcitur tertio auctoritas Scoti in primo d. 39. sub. C. & in 2. d. 12. q. 1. sub eadem litera C. dicentis, omnes passionibus entis esse immediatas enti, nec posse de illo demonstrari: ergo conclusio non est sustinenda.

Respondetur primo. Scotum in hac materia fuisse, vel problematicum, vel dubium, siquidem in 3. q. Prologi sub S. & T. disertis verbis dicit passionibus entis esse de ipso demonstrabiles: ergo cum oppositum asserat in præcatis locis in argumento, inferendum est fuisse problematicum. Deinde fuisse etiam dubium probatur, quia cum dixisset in secundo d. 12. q. 1. C. unitatem, vel unum esse passionem immediatam entis, & non posse de illo demonstrari, statim subiungit, vel si est mediata, illud tamen per quod inest enti, non est nobis notum, ex quo potest inferri, non dixisse absolute esse indemonstrabilem in se, sed tantum nobis, qui ignoramus medium demonstrationis, cum non possit esse definitio, quæ est medium demonstrationis ab Aristotele determinatum.

Vel dicendum secundo. Scotum non negasse absolute passionibus entis esse de ipso indemonstrabiles; sed duntaxat quod demonstrari non possint per definitionem tamquam per commune medium, cum tamen re vera possint de ipso demonstrari per eius conceptum quiditativum, ut ex eius doctrina ostendimus in principio conclusionis.

Obijcitur quarto. Contra tertiam conclusionem Metaphysica est vera scientia de ente in quantum ens est, ex Aristotele 1. Posterior. cap. 7. 1. Meth. capit. 1. 4. Meth. t. 1. & 5. ac 6. Methaph. t. 3. & 4. in quibus locis vocatur ab ipso, medium scientiarum, sed etiam maxima scientia, & omnium scientiarum domina, sed vera scientia est, notitia conclusionis, in qua demon-

demonstrantur passiones de subiecto, ut idem probat in 1. lib. Post. diuersis in locis, & 2. Post. cap. vi. ergo passiones entis sunt de ipso demonstrabiles.

Respondetur. Ex Scoto 1. Poster. c. 2. & c. 3. scientia posse accipi quadrupliciter, scilicet communiter pro quacumque notitia, siue certa, siue dubia, & sic etiam opinio, & suspicio dicuntur scientia. Secundo modo propriè pro notitia cuiuscumque rei, siue talis sit necessaria, siue contingens, & sic notitia singularium, & habita per experientiam dicitur scientia. Tertio modo magis propriè pro notitia verorum necessarium, siue talis habeatur per discursum, siue immediatè ex terminis, & sic notitia principiorum dicitur scientia. Quarto modo accipitur scientia maximè propriè, pro notitia verorum necessarium habita per solam demonstrationem, & sic notitia conclusionis in qua demonstratur passio de subiecto appellatur scientia maximè, non quod sit perfectior notitia principiorum, habita per immediatam intuitionem terminorum, si quidem vt inquit Doctor Subtil. in Repert. quæst. 1. Prologi art. 1. haberi per discursum dicitur imperfectionem in scientia, sicut cognoscere immediatè obiectum, arguit perfectionem, sed ita dicitur maxima per ordinem ad intellectum nostrum, qui non potest habere cognitionem euidentem, saltem vt in pluribus, nisi discartat de præmissis ad conclusionem.

Modò formaliter ad argumentum dico Maiorem esse veram de scientia magis propriè sumpta, minorem verò de scientia maximè propriè, per ordinem ad intellectum nostrum, qui non potest euidenter cognoscere absque discursu, nec propter ea sequitur, vt Methaphysica ad sui perfectionem assequendam, demonstrare debeat passiones de ente, cum hoc sit imperfectionis etiam in notitia, quæ ab Aristotile appellatur maximè scientia.

Contra, quia scientia abusiue sumpta nequit dici vera; & perfecta scientia, sed Methaphysica in quantum tractat de ente, & suis passionibus appellatur scientia tantum abusiue: ergo nequit dici vera, ac perfecta scientia. Minor probatur, quia notitia principiorum propriè vocatur intellectus, vt probat Aristoteles secundo Poster. cap. viimo. Sed Methaphysica in quantum tra-

ctat de ente, passionibus, ac principijs est notitia principiorum: ergo debet propriè dici intellectus, & non scientia, vel si appellatur scientia per abusum sic appellari dicendum est.

Respondetur. Negando Minorem, ad probationem dico notitiam principiorum sic appellari intellectum, vt illam distinguat à scientia per ipsum diffinita, cum hoc tamen stat, vt dicatur etiam vera scientia, & absque illa imperfectione discursus, quæ reperitur in ea, quæ dicitur maximè scientia.

Obijcitur quinto. Medium demonstrationis in non habentibus genus, & differentiam est cōceptus quiditativus; ergo quamuis ens careat diffinitione cum sit transcendens, cum habeat conceptum quiditativum per ipsum poterunt demonstrari eius passionibus de eo. Consequentia patet. Antecedens probatur, quia in tantum diffinitio in liminat: est medium demonstrandi passiones, in quantum est immediata causa illarum, & importat aliquid ex natura rei distinctum à subiecto diffinito, sed huiusmodi munia præstantur etiam per conceptum quiditativum, si quidem passiones entis immediatè pullulant ab eius quiditate, & hæc est distincta ex natura rei à re importata nomine entis: ergo &c. Minor probatur, quia ratio vniuoci est distincta à rei significata per nomen vniuocum, alioquin vt quod non diceret nisi nomen, quod est falsum, sed ens est vniuocum Deo, & creaturis, vt alias cum Doctore probatum est; ergo importat conceptum quiditativum à se ex natura rei distinctum.

Respondetur. Negando antecedens, ad probationem dico minorem esse veram, quoad primam partem, falsum quantum ad secundam; quandoquidem ens, cum sit simpliciter simplex nequit importare cōceptum ab ipso ex natura rei distinctum, ad probationem dico antecedens esse verum de vniuocis limitatis, non verò de transcendentibus, cuiusmodi est ens, quia dicunt conceptus simpliciter simplices, & consequenter irresolubiles in alios conceptus ex natura rei distinctos.

Contra quia tunc nulla daretur demonstratio de ente vt ens est, & consequenter nulla esset scientia Methaphysica de ente in quantum est ens, quod in-

men est contra Aristotelem citatum vbi supra.

Respondetur concedendo consequens, & illatum ex ipso, accipiendo scientiam pro noticia conclusionis habita per demonstrationem, siquidem hoc genere scientiæ, Methaphysica non est scientia, sed intellectus, ut dictum est in responsione ad quartum. Nec Aristoteles appellavit eam scientiam strictissime, sed solum pro ut scientia est noticia verorum necessariorum, habita immediatè ex intuitione terminorum.

Obijciur sexto, ex Scoto in Prologo q. 2. Sub. T. idè negatur Methaphysicam esse de Deo, tamquam de primo subiecto, quia præter scientias speciales, oportet esse aliam communem propter antem omnia, quæ sunt communia illis scientiis specialibus; igitur præter scientias speciales oportet esse aliam communem de ente, in qua tradatur cognitio passionum de ente: ergo de mente Doctoris Methaphysica est demonstratiua passionum de ente.

Respondetur negando hanc ultimam consequentiam, sufficit enim Doctori, ut detur scientia communis de ente, in qua probentur communia alijs scientiis specialibus, quamvis non sit demonstratiua passionum de ente, sed sit dumtaxat cognitio verorum necessariorum, absque demonstratione; siquidem vbi subiectum non habet definitionem, ut est ens, de ipso nequit esse cognitio demonstratiua.

Contra, quia idem Doctor ibidem sub S. inquit, quod non oportet principia scibilibus esse principia in se ipsius subiecti, quia entis in quantum ens, quod est subiectum methaphysicæ nulla sunt principia essendi, sed oportet cuiuslibet subiecti esse principia per quæ demonstrantur eius passionibus de eo: ergo quamvis ens non habeat definitionem, quæ est principium essendi, cum tamen cognoscatur simul cum suis passionibus, eius cognitio erit demonstratiua passionum de ipso, quod est contra responsionem præcedentem.

Respondetur negando consequentiam; quando iudicem Doctor volens Deum, quamvis non habeat principia essendi, posse esse subiectum Theologiæ, assumit exemplum de ente, quod ponitur subiectum Methaphysicæ, & tamen caret principio essendi, scilicet definitione; & licet subiungat, suffi-

cere ad subiectum, ut habeat principia complexa, per quæ demonstrantur passionibus de eo, & hoc optime congruere etiam ipsi Deo, quia cum non sit simpliciter simplex, possit fieri principia cognoscendi ex eius conceptu quiditativo, & attributis, vel ex alijs, ut quasi passionibus, per quæ demonstrantur aliæ quasi passionibus de ipso, attamen non dicitur, nec dicere potest hæc competere enti, quia cum sit simpliciter simplex non habet conceptum quiditativum, ex natura rei à se distinctum, per quem demonstrari possint passionibus eius de eo; & hic est germanus sensus literæ ex Scoto, adductæ in oppositum tertiæ conclusionis, quicquid respondeant alij Expositores, dum nituntur conciliare loca eiuſdem, quæ videntur inter se contraria.

Obijciur septimo, contra quartam conclusionem. Passionibus entis, siue simplices, siue distinctæ immediatè insunt enti ex Scoto in primo d. 39. C. ergo inter ipsas non potest esse ordo prioritatis, & posterioritatis, ut per vnam possit alia demonstrari.

Respondetur, antecedens esse verum de immedatione causæ, non tamen de immedatione effectus, quia sic ordinantur secundum prius, & posterius; vnde per priorem bene poterit demonstrari posterior, saltem demonstratione secundum quid de ipso ente à quo ordinate fluunt tamquam effectus à sua causâ.

Obijciur octavo Vnum, bonum, & verum ordinantur ex natura rei; ergo non tamquàm plures effectus ab vna causâ, sed ut plures causæ subordinatæ ab vna radice procedentes. Antecedens probatur quia vnum, cum dicat indiuisiōnem in se importat quid absolutum, verum autem cum ordinatur ad intellectum, & bonum ad voluntatem sunt relatiua, & absolutum ex natura rei præcedit relatiuum; igitur, &c. Vterius cum verum ordinetur ad intellectum, & bonum ad voluntatem, quæ ordine causalitatis se præcedunt; siquidem nil est volitum, quin præcognitum; ergo verum non solum est prius bono quoad esse effectus, verum etiam secundum ordinem causalitatis.

Respondetur negando antecedens, ad probationem dico quod vnum, bonum, & verum secundum explanationem iam datam non sunt passionibus ex natura rei ordinatæ, sed solum ut concipiuntur à nobis, subiecti, vel

vel tali formalitate, quo pacto recte possunt ordinari, verum ut sic non sunt passionis entis, sed obiecta intellectus, & voluntatis. Ad aliud de ordine intellectus, & voluntatis, dico esse potentias ordinatas non casualiter, cum vna non sit causa alterius, sed tanquam duos effectus ab vna anime essentia pullulantes, quorum alter alterum præcigit in operando, non verò in seinuicem causando: Vnde non sequitur quod verum præcedat bonum ex natura rei casualiter, sed tantum obiectiue. Et hæc de hac questione, valde difficili, & satis longa dicta sufficiunt.

De His, que excluduntur à partibus formalibus Demonstrationis simpliciter.

CAPVT VII.

Postquam Aristoteles egerit in præcedenti capite de requisitis necessariis ad formandam Demonstrationem simpliciter, & propter quid, in presenti intendit recensere ea, que ab ipsius constructione excludi necesse est, & diuiditur in quinque partes, in quarum prima demonstrat, quod non possit fieri ex possibilibus aliter se habere; in secunda non posse constare ex his que sunt per accidens; in tertia quod non ex extraneis; in quarta quod non ex corruptibilibus, & in quinta quod non ex communibus confici debeat. Hæc autem præstat, breuiter perstringendo necessaria ad intelligentiam textus, per sequentes conclusiones.

Quoad primam partem ponit hanc conclusionem primam Demonstratio simpliciter, non est ex his, que possunt aliter se habere, hoc est, ex contingentibus, & ipsam probat quia Demonstratio est ex tantum necessariis, sed necessaria non possunt aliter se habere: ergo Demonstratio non est ex his, que possunt aliter se habere. Maior patet ex præcedenti capitulo. Minor probatur, quia que possunt aliter se habere sunt contingencia; sed contingencia non sunt necessaria: ergo necessaria non possunt aliter se habere, Maior patet, quia contingentia sunt, que

possunt esse, & non esse. Minor etiam patet, quia contingens est indeterminatum ad utrumlibet, & necessarium est determinatum ad vnum tantum. Maior primi syllogismi, quamuis sit clara ex prima conclusione præcedentis capitis, adhuc tamen probatur dupliciter, & primo, quia omnis propositio per se primo, & secundo modo est necessaria, in eo quia predicatum, vel est de essentia subiecti, vel identificatum realiter cum subiecto, sed demonstratio procedit ex propositionibus per se: ergo ex necessariis; Minor est probata in præcedenti capite conclusione tertia; siquidem in maiori predicatur passio de diffinitione, vel de parte diffinitionis, in minori vel tota diffinitio, vel altera eius pars predicatur de diffinito, sed iste sunt propositiones per se, vel primo, vel secundo modo dicendi per se, ut patet ex præcedenti capite: ergo demonstratio procedit ex propositionibus per se. Secundo probatur eadem maior, quia conclusio necessaria non scitur, nisi ex necessariis, sed conclusio demonstrationis est necessaria: ergo non scitur nisi ex necessariis. Maior probatur, quia sicut se habet per se ad per se, ita necessarium sed propositio per se non scitur nisi ex propositionibus per se, ex capite præcedenti; ergo propositio necessaria non potest sciri, nisi ex necessariis.

Quoad secundam partem ponit secundam conclusionem Demonstratio non est ex his, que sunt per accidens. Probat eam tripliciter, tum quia demonstratio est ex necessariis, & que non contingunt non esse, ex præcedenti conclusione, sed accidentia non insunt necessario, immò contingunt non esse, ut patet ex diffinitione accidentis: ergo, & cum secundo, quia demonstratio est ex his, que sunt per se, ac secundum quod ipsum: ex dictis in præcedenti capite, sed accidentia non insunt per se subiectis, nec secundum quod ipsum: ergo, & c. Minor probatur, quia insunt per se, & secundum quod ipsum pullulant à principijs intrinsecis species, sed accidentia competunt subiectis secundum esse indinabile, ex Porphyrio tract. 2. cap. 1. ergo & c. tum tertio quia omnis demonstratio simpliciter

citer est syllogismus faciens scire per se, per causam, & propter quid seu syllogismus, qui procedit ex his, quæ sunt per accidens non facit scire per se, per causam, & propter quid; ergo demonstratio non procedit ex his, quæ sunt per accidens. Maior patet, quia hæc est differentia inter demonstrationem propter quid, & quia, quod illa facit scire simpliciter, & per causam, & hæc secundum quid, & per effectum, ut inferius melius demonstrabitur. Minor patet, quia scientia est ex necessarijs; & impossibilibus aliter se habere, ut dictum est in diffinitione scire; sed quæ sunt per accidens, non sunt necessaria, & possunt aliter se habere: ergo syllogismus ex his, quæ sunt per accidens, non facit scire per se, per causam, & propter quid.

Quod ad tertiam partem ponit tertiam conclusionem, quod Demonstratio non fiat ex extraneis, & probat, quia termini, & præmissæ extraneæ sunt termini, & propositiones diversarum scientiarum, sed demonstratio non constat ex terminis, & propositionibus diversarum scientiarum: ergo demonstratio non debet fieri ex extraneis. Maior patet, quia oppositum prædicati infert oppositum subiecti, nam eadem scientia, cum habeat unum subiectum, non habet terminos, & propositiones extraneas, sed eiusdem generis subiecti: ergo propositiones extraneæ sunt propositiones diversarum scientiarum; siquidem logica, & physica non habent eodem terminos, & easdem propositiones, sed sicut sunt diversorum subiectorum, sic etiam habent diversos terminos, & propositiones. Minor probatur, quia diversæ scientiæ habent diversa genera subiectorum; secantur enim scientiæ, quemadmodum, & res, idest subiecta, sed in demonstratione non contingit descendere de genere in genus: ergo Demonstratio non constat ex propositionibus diversarum scientiarum. Minor probatur, quia si contingeret demonstratorem descendere de genere in genus. Idest de subiecto unius scientiæ in subiectum alterius scientiæ sequitur Arithmeticum posse descendere in Geometriam, cum sint diversæ scientiæ, & ha-

bent subiecta diversa, sed hoc est falsum, quia tunc numerus, qui per se consideratur ab Arithmetico, esset magnitudo considerata per se à Geometra quod est omnino falsum. Sequela probatur, quia Descenderet de genere in genus: ergo quod per se consideratur ab Arithmetico, esset etiam de per se consideratione Geometra, & sic numerus esset magnitudo, & è converso, quod est omnino falsum.

Ex hoc insertur tamquam corollarium scientias esse in triplici differentia, quædam sunt de subiectis omnino disparatis, ut Arithmetica, & Geometria, prior enim circa numerum, & posterior circa magnitudinem, quæ sunt subiecta omnino disparata, verisuntur. Quædam verò sunt de subiectis, se habentibus ut superius, & inferius, ut Metaphysica, & physica, siquidem eius est superius ad corpus naturale: Quædam tandem sunt de subiectis se habentibus ut superius, & inferius per accidens, vel sub alijs verbis, se habentibus ut totum, & pars in modo, ut Arithmetica, & musica, quia subiectum prioris est numerus qui est totum in modo, Idest terminus universalis sumptus sine aliqua determinatione, subiectum verò posterioris, est numerus sonorus, qui est pars in modo. Ad propositum concludendo dicitur, quod in scientijs disparatis non contingit demonstratorem, descendere de genere in genus, sed bene in scientijs subordinatis, & subalternatis, cuiusmodi sunt scientiæ, secundo, & tertio modo, ut clarius videbimus in propria questione.

Quod ad quartam partem ponit quartam conclusionem Demonstratio non habet procedere ex corruptibilibus, & probat eam tripliciter primo, quia conclusio perpetua non habetur nisi ex perpetuis, sed conclusio demonstrationis est perpetua, cum constet ex subiecto, & passione, quæ sunt universalia, ut probatum est in præcedenti capite: ergo, & c. Maior patet, quia sicut necessarium non habetur, nisi ex necessarijs, ita perpetuum tantum ex perpetuis: ergo conclusio perpetua non habetur nisi ex perpetuis. Secundo probatur. Quia demonstratio procedit ex his,

his, quæ sunt per se, ut supra probatum est, sed corruptibilia, cum sint singularia, non habent esse per se: ergo demonstratio non fit ex corruptibilibus. Tertio probatur, quia demonstratio est ex universalibus, quæ sunt semper, cum sit de omni posterioristico, ut supra probatum est, sed quæ sunt corruptibilia non sunt universalia, nec sunt semper: ergo demonstratio non est ex corruptibilibus.

Quod ad quintam partem ponit quintam conclusionem, scilicet demonstrationem non procedere ex communibus, & probat eam, quia in omni demonstratione, id quod demonstratur, id est passio inest suis principijs. Id est diffinitioni, & diffinitio per se secundo modo, & secundum quod ipsum. Id est conuertibiliter, cum sit universale, ut probatum est in precedenti capite, sed principijs communibus nihil inest secundum quod ipsum, & per se: ergo, &c. Minor probatur, quia quod inest secundum quod ipsum inest conuertibiliter; sed nihil conuertitur cum suo communi, hæc enim est falsa omne animal est risibile, vel omnis figura habet tres angulos; siquidem leo est animal, & non est risibilis, similiter quadratum est figura, & non habet tres, sed quatuor angulos: ergo, &c. Secundo probatur, quia demonstratio debet procedere ex principijs proximis, & non remotis, sed communia non sunt proxima, sed remota; ergo non debet procedere ex communibus. Maior probatur, quia demonstratio est syllogismus faciens scire per se, & per causam; sed remota facimus scire per accidens: ergo demonstratio non procedit ex remotis. Tertio probatur, quia demonstratio non debet procedere ex extraneis, & diversorum generum, sed principia communia sunt extranea, ac diversorum generum: ergo non debet procedere ex communibus. Maior patet ex precedenti tertia conclusione. Minor probatur, quia omne totum est maius sua parte, est principium commune; sed tale est extraneum Geometrie, quia competit etiam Arithmetice, & pertinet ad diversas scientias, non tamen conuertibiliter: ergo est extraneum.

Ex quo sequitur quod extraneum hic non accipitur pro disparato, sed tantum pro inæquato, & inconuertibili, & sic omne commune est extraneum suis inferioribus, quia non conuertitur cum singulis eorundem, ut patet, quia hæc est falsa omne animal est homo, vel leo, aut equus.

Quarto probat eandem conclusionem, quia medium in demonstratione debet esse eiusdem proximitatis cum extremis; sed principia communia non sunt huiusmodi cum suis particularibus: ergo demonstratio non procedit ex communibus. Minor probatur, quia quæ sunt eiusdem proximitatis adæquatur, & conuertuntur, atqui communia non conuertuntur cum particularibus, ut patet, ergo, &c. Maior probatur, quia si medium in demonstratione non esset eiusdem proximitatis cum extremis, hoc maxime foret in subalternantibus, quia subalternata recipiunt media à scientijs communibus, i. subalternantibus, ut perspectiva à Geometria, & Musica ab Arithmetica, sed hoc est falsum, quia quamvis huiusmodi scientiæ sumant sua principia à subalternantibus, non sumunt ea, ut sunt communia, sed ut contracta per proprios terminos, ut Musica sumit ab Arithmetica hoc principium: inter numeros, quorum unus bis continet alium est proportio dupla, ad probandum vocem vocem esse alia grauiorem in duplo; unde patet, quod huiusmodi principium, ut est Musica non est commune Arithmetice, sed contractum ad sonoritatem, & vocem, hoc modo; omnis vox continens aliam bis est in duplo grauior, ut vox in A. re est in duplo grauior voce in C. faut.

Ex quo infer, unum corollarium quod scientiæ subalternantes dicuntur propter quid, subalternata vero quia est, siquidem subalternantes sunt de principijs, & causis, subalternata vero de conclusionibus, & effectibus; nam conclusiones in scientijs subalternantibus sunt principia in scientijs subalternatis; sed conclusiones probantur propter quid, & à priori, & principia probantur à posteriori, & demonstratione quia: igitur.

ur subaltermata dicuntur scientiæ quia, & subalternantes propter quid.

Ex his inferit pro coronide Capituli quatuor, & primum quod omnia principia scientiarum specialium probantur per principia methaphysicalia, siquidem minus communæ probatur per magis communæ; sed omnia principia scientiarum specialium se habent, ut minus communia, ad principia Methaphysicalia: erga, &c.

Secundum, Methaphysicam esse magis scientiam, immo omnium aliarum scientiarum dominam, tum ratione consideratorum in illa, quæ sunt Deus, & Intelligentia, quæ sunt maximè scibilia: tum etiam ratione subiecti attributionis, & predicationis, quod est ens inquantum ens, & maximum intelligibile tum verò ratione principiorum, quæ virtualiter ingrediuntur quamlibet scientiam, scilicet de quolibet verum est dicere, quod est, vel non est; & non contingit idem esse vel non esse, quæ apprehensis terminis, statim cognoscuntur; tum denique ratione finis, qui est scire substantias separatas à materia, & omnino incorruptibiles.

Tertium Methaphysicam descendere in alias scientias non absolute, sed secundum terminos, & principia contraria ad terminos, & principia aliarum scientiarum, quia eius principia, scilicet de quolibet verum est dicere, quod est, vel non est; & non contingit idem esse, & non esse probant principia omnium aliarum scientiarum: tum quia ens, quod est subiectum in Methaphysica cōtinet sub se subiecta aliarum scientiarum; tum tandem, quia omnia quæ considerantur in alijs scientijs sub propria ratione, & speciali inuiscumque scientia, considerantur etiam in Methaphysica sub ratione communissima entis.

Quantum Difficile est nosse se scire perfectè, quia sive est rem per propria principia cognoscere, sed difficile est propria principia cognoscere; ergo difficile est nosse se scire. Maior ex quinta conclusione patet. Minor probatur, quia a multis opinamur aliquid scire, & tamè nescimus, quia propria princi-

pia ignoramus, ut dum scimus albedinem esse accidentem, eo quod est in alio; opinamur nos scire, attamè propriè non scimus, quia esse in alio non est proprium accidenti: multa enim sunt in alio, quæ non sunt accidentia, ut patet per octo modos essendi in alio, quorum meminit Philosophus quarto Physicorum l. c. 23. & hæc de textu huius cap.

Utrum Demonstratio, & scientia sit ex necessarijs & impossibilibus aliter se habere?

QVÆSTIO IX.

Demonstrationem, ac scientiam debere ex necessarijs procedere, est constans sententia Aristotelis, expressa, nedum in præsentī, sed etiam in præcedenti capite, quomodo autem hoc intelligendum sit, & de qua necessitate loquatur non est ita clarum; unde pro clara notitia primo notandum est necessitatem esse duplicem, scilicet complexam, & incomplexam. Necessitas complexa est veritas propositionis infalsificabilis omnino, & quod implicat esse falsam, talisque necessitas inest præmissis, & conclusioni syllogismi demonstrationis, quia prædicata, vel sunt de essentia, vel eadem saltem realiter subiectis, & hæc est triplex, scilicet consequentis, antecedentis, & consequentis. Necessitas consequentis est habetudo necessaria antecedentis ad consequens, vel præmissarum ad conclusionem, ratione identitatis terminorum sic necessariò ordinarum, ut hæc homo est animal rationale: ergo homo est risibilis, vel omne animal rationale est risibile, omnis homo est animal rationale: ergo omnis homo est risibilis, & talis reperitur in qualibet propositione per se primo, & secundo modo, & in qualibet demonstratione propter quid. Necessitas antecedentis est habetudo consequentis ad antecedens, vel conclusionis ad præmissas, ut in hac, omne risibile est animal rationale, omnis homo est risibilis: ergo omnis homo est animal rationale, & hæc reperitur in omni demonstratione, quia, ratione identitatis realis terminorum, id est subiecti cum suo præ-

predicatio, & è conuerso. Necessitas consequentiæ est formalis habitu ad antecedentis ad consequens, vel præmissarum ad conclusionem ex dispositione terminorum in modo, & figura proueniens, vt in hoc syllogismo, omne animal currit; omnis homo est animal: ergo omnis homo currit; vel omnis homo est alius; sed omnis lapis est homo: ergo omnis lapis est alius, siquidem in his duabus conclusionibus non est necessitas consequentis, vel antecedentis, quia termini, vel repugnant, vel sunt contingentes, est tamen necessitas consequentiæ; cum ex dispositione syllogistica illorum terminorum, necessariò inferendæ, erant tales conclusiones, & hæc necessitas reperitur in omni syllogismo formali, siue demonstrationis, siue topico, siue sophistico, at diu priores in demonstratione tantum. Necessitas incomplexa est etiam duplex scilicet simpliciter, & secundam quid. Prior reperitur in illo ente duratæ, cui repugnat non esse, & sic solus Deus dicitur ens necessarium, quia implicat contradictionem, vt non sit. Necessitas secundam quid est in eo, quod secundum se potest non esse, attamen ratione alicuius extrinseci, cui repugnat non esse, non potest non esse, & hæc necessitas reperitur in creaturis in mente diuina, quia licet secundum se possint non esse, tamen quia cognitio diuina, quæ terminatur ad ipsas est immutabilis, necessaria, & impossibilis aliter se habere, propterea etiam creaturæ, non possunt non habere esse cognitum, & possibile. Necessitas incomplexa adhuc est duplex scilicet actualis, & aptitudinalis, prior reperitur in solo Deo, quia sibi repugnat actu non esse, posterior conuenit omni enti possibili, quia licet actu non sint, necessario tamen sunt in aptitudine, alioquin non essent possibilia, sed repugnantia. Necessitas incomplexa reperitur in omni demonstratione, quia termini habent esse in mente diuina, cui repugnat non esse; similiter necessitas aptitudinalis, non actualis sibi competit, siquidem subiectum scientiæ, non est necesse quod existat actualiter, sed sufficit quod possit existere, vel in se, vel in suis inferioribus.

Secundo. Notandum est, quod haberi scientiam de aliquo, potest dupliciter contingere, vno modo vltimè, è alio modo non vltimè. Primo modo de illo habetur scientia,

ad quod vltimè terminatur intellectus, & quodammodo in illa conqueſcit, & sic res significatur per terminos dicuntur sciri, quia intellectus terminatur per suam cognitionem ad illas. Secundo modo de illo habetur scientia ad quod finaliter non terminatur intellectus, sed vltèrius procedit in cognoscendo, & sic etiam voces termini, & propositiones, ex quibus consiciuntur demonstrationes, dicuntur sciri.

Tertio. Notandum est, adhuc de aliquo posse haberi scientiam, posse intelligi dupliciter vno modo tamquam de scibili propinquo alio modo, vt de scibili remoto. Primo modo habetur scientia tantum de conclusione, & eius significato, quia ea sola immediate, & propinque intelligitur; Secundo modo habetur scientia de subiecto conclusionis, quia ad ipsum, & in ipso tandem terminatur notitia intellectus, in quantum cognoscit prædicatum sibi conuenire de necessitate, non solum ob identitatem necessariam medijs cum extremis, sed etiam extremorum inter se in conclusione demonstrata.

Ex his fit prima conclusio. Illud de quo habemus scientiam totaliter, & propinque, debet esse necessariam necessitate complexæ. Probatur quia propositio infalsificabilis, & per se, est necessaria necessitate complexæ: sed illud de quo habemus scientiam totaliter, & propinque, est propositio infalsificabilis, & per se: ergo est necessaria complexæ. Maior patet, quia prædicatum includitur necessariò in subiecto, & oppositum subiecti infert oppositum prædicati, si enim esset falsificabilis, & per accidens, esset contingens, & non necessaria: ergo si sit infalsificabilis, & per se, sequitur, quod sit necessaria. Minor probatur, quia illud de quo habemus scientiam totaliter, & propinque est conclusio demonstrata, vt patet ex tertio Not. sed conclusio demonstrationis est infalsificabilis, & per se: ergo est necessaria. Minor probatur, quia conclusio demonstrata constat ex subiecto, & eius passione, quæ ob identitatem realiter faciunt propositionem per se, secundo modo, & consequenter infalsificabilem, cum passio sit inseparabilis à subiecto: ergo conclusio demonstrationis est infalsificabilis, & per se secundo modo, ac proinde necessaria complexæ.

Secunda Conclusio. Illud de quo habemus

mus scientiam remotè debet habere necessitatem incomplexam, saltem aptitudinalem. Probatur, quia omne possibile habet talem necessitatem, sed omne scibile remotum est possibile: ergo habet necessitatem incomplexam aptitudinalem. Maior probatur, quia ratio formalis inest necessitati cui inest, sed possibilia inquantum possibilia sunt formaliter apta nata esse: ergo necessariò sunt apta nata esse. Minor probatur, quia scientia est de aliquo ente per se; siquidem de ente per accidens non est scientia, cum non possit diffiniri, sed non est de ente actuali, quia ut sic est contingens, & potest non esse: ergo de possibili, & consequenter omne scibile, ut scibile remotum est possibile.

Tertia Conclusio. Demonstratio simpliciter, & scientia, ut est eius effectus, est de necessarijs, & impossibilibus aliter se habere. Probatur, quia illud de quo habetur scientia, siue complexè, siue incomplexè, est ens necessarium, & impossibile aliter se habere: ergo etiam illud per quod habetur huiusmodi scientia erit sic necessarium; sed per demonstrationem simpliciter habetur huiusmodi scientia: ergo demonstratio simpliciter, & eius effectus est ex necessarijs, & impossibilibus aliter se habere. Antecedens patet, ex prima, & secunda conclusione. Consequentia etiam patet, quia effectus necessarius non potest esse à causa contingenti, saltem per se: ergo à necessaria. Subsumptum patet, quia demonstratio est syllogismus faciens scire, ex Aristotele primo Posteriorum cap. 2. Superest: ergo, ut demonstratio, & scientia, quæ est eius effectus, sit ex necessarijs, & impossibilibus aliter se habere.

Obijcies primo contra omnes conclusiones simul, quia nullum contingens est necessarium; sed præmissæ demonstrationis & eius conclusio, sunt contingentes: ergo non sunt necessariae. Minor probatur, quia illud est contingens, quod potest esse, & non esse; sed tales sunt huiusmodi, quia possunt formari, & non formari: ergo sunt contingentes.

Respondetur, negando minorem, ad probationem dico esse veram, quod ad formationem: non tamen quod ad complexionem, & habitudinem, quam habent termini ad inuicem, quia sic sunt sempiternæ veritatis, & necessariae, siquidem habent identitatem in fieri se, vel essentialem; vel saltem realem, &

identicam, & consequenter eorundem complexio est necessaria, & immutabilis.

Obijcies secundo. Illæ propositiones sunt falsæ, quæ sunt de terminis pro nullo supponentibus; sed propositiones demonstrationis sunt huiusmodi; ergo non sunt necessariò veræ. Minor patet, quia in hac propositione facta in hyeme, Rosa potest florescere, termini pro nullo supponunt, & tamen de illa potest esse scientia.

Respondetur negando minorem, ad probationem dico esse veram, de rosa in esse actualis existentie, non tamen in esse aptitudinali, quia sic rosa etiam in hyeme est, & supponit, & sic de illa potest esse scientia.

Obijcies tertio, ex Ruuio. Datur aliqua demonstratio, quæ non procedit ex necessarijs, & impossibilibus aliter se habere: ergo sequitur saltem, quod non omnis demonstratio sit ex necessarijs, &c. Consequentia patet. Antecedens probatur, quia hæc est vera demonstratio: omne album est disgregatiuum visus, sed corpus habens albedinem est album: ergo corpus habens albedinem est disgregatiuum visus; sed minor propositio, non est necessaria, quia est contingens, quod corpus habeat albedinem, & sit album; & conclusio erit contingens, & non necessaria, siquidem conclusio sequitur debiliorem partem: ergo datur aliqua demonstratio vera, quæ non est ex necessarijs.

Respondetur negando antecedens, ad probationem negatur minor, immò talis propositio est necessaria, cum sit per se in quarto modo perfectatis; ad probationem dico quidem esse contingens, quod corpus habeat albedinem, & sit album, at factis suppositione, quod habeat albedinem, sequitur de necessitate, quod sit album, & disgregatiuum visus; ex quo patet huiusmodi demonstrationes confectas ex propositionibus per se, quarum una sit in secundo modo, & altera in quarto modo dicendi per se, esse ytiq; ex necessarijs, verum non tanta necessitate, quam si forent necessariae, & per se primo, & secundo modo ambæ præmissæ.

Utrum contingat Demonstratorem descendere de genere in genus cuiuslibet scientia?

QVÆSTIO X.

Volens Aristoteles probare in c. 7. concl. 4. Demonstrationem non debere fieri ex extraneis, protulit hanc propositionem; non contingit demonstratorem descendere de genere in genus, idest de subiecto vnius scientiæ in subiectum alterius; ergo demonstratio habet fieri ex proprijs, & non ex extraneis; at quia huiusmodi axioma ob diuersitatem generum, & scientiarum patitur nonnullas difficultates, idcirco in præfenti videndum est in quibus scientijs habeat veritatem, & in quibus non.

Pro cuius clara notitia primo notandum est genus esse duplex, scilicet prædicabile, & scibile. Primum est illud, quod prædicatur de pluribus differentibus specie inquit, vt dictum est in libro Vniuersalium c. de genere secundum est illud, quod primum, & principaliter consideratur in aliqua scientia, & ad quod omnia in illa considerata habent attributionem, tamquam ad vnum, cum ab ipso scientia habeat unitatem, & diuisionem à quocumque alia; vnde Aristoteles in 1. Post. c. 23. dicit: Vna autem scientia est, quæ est vnius generis, quæcumque ex primis componitur, & partes sunt, aut passionibus horum, quæ sunt per se: Altera autem scientia est ab altera, quarumcumque principia, neque ex eisdem, neque ex alteris sunt idest vna scientia est quæ est vnius subiecti, habentis principia, partes, & passionibus, quæ sunt eadem per se sibi: Diuersæ verò scientiæ, quæ sunt ex diuersis subiectis, habentibus diuersa principia partes, & passionibus, ex quibus consiciantur pariter diuersæ demonstrationes, itaque demonstrationes vnius scientiæ, non sunt demonstrationes alterius, sicut nec genera subiectorum sunt eadem; ex quo inferitur non posse demonstratorem descendere de genere in genus, sed consistere in eodem, & ab ipso accipere principia demonstrationis pro sua quaque scientia.

Secundo notandum, ex dictis in Expositione textus, scientiam esse in triplici differentia, siquidem alix sunt de subiectis disparata,

tis, quorum alterum de altero nequit verè enunciari, vt sunt Arithmetica, & Geometria; prior enim versatur circa numerum, qui est quantitas discretæ, & posterior circa magnitudinem, quæ est quantitas continua, & ambæ sunt species disparatæ quantitatis, vt sic: Aliæ verò sunt de subiectis subordinatis essentialiter, & intrinsicè, cum se habeant tamquam superius, & inferius, vt Philosophia, quæ est de corpore naturali, & metaphysica, quæ est de ente, vt ens est, quod nihilominus includitur quiditativè in corpore naturali, tamquam superius in suo inferiori. Aliæ denique sunt de subiectis se habentibus, vt superius, & inferius per accedens, quorum alterum sit totum, & alterum pars in modo, vt musica, & Arithmetica, quæ sunt ambæ de numeris; cæterum Arithmetica considerat numerum, vt sic in communi, musica verò eundem numerum, non in communi, sed vt contractum per differentiam accidentalem sonoritatis. Scientiæ primi generis sunt omnino disparatæ, & in illis non potest descendere de genere in genus, cum habeant subiecta, & principia omnino disparata: at in scientijs secundi, & tertij generis, cum communicent in subiectis, & principijs, benè potest fieri descensus de genere in genus, siquidem principia inferioris probari possunt per principia superioris, vt mox dicemus.

Tertio notandum est, quod, cum scientiæ secundi, & tertij generis dicantur subordinatæ, vel subalternatæ, quia extrinsecè, & ratione suorum subiectorum vna ponitur sub alia, hoc potest contingere tripliciter, vno modo ratione finis, & sic omnes scientiæ subalternantur Theologiæ, cum propter illam cæteræ acquirantur. Secundo, modo ratione principiorum, idest quando principia subalternatæ probantur per principia subalternantis, & sic Geometria in aliqua parte subalternatur Philosophiæ naturali, nam hoc principium Geometriæ, a puncto ad punctum, contingit rectam lineam ducere, sic probatur à Philosopho naturali vbiicumque potest esse motus rectus ibi potest esse linea recta, quia motus rectus fit per spatium rectum, sed à puncto, ad punctum potest fieri motus rectus; ergo à puncto ad punctum erit linea recta. Tertio modo ratione subiecti, idest cum subiectum

totius continetur sub subiecto alterius, & hoc potest contingere simpliciter, vno modo quando subiectum vnius, se habeat vt pars subiectiua ad subiectum alterius, vel vt species ad suum genus, vel vt per se inferius ad suum superius, & sic omnes scientie subalternantur Metaphysicæ, quia cum omnes sint de aliquo ente, & metaphysica de ente in communi, omnia subiecta continentur sub illo, tamquam inferiora sub suo superiori, de quibus per se prædicatur. Alio modo quando subiectum vnius continetur sub alterius subiecto vt pars in modo sub suo toto, & sic Perspectiua, quæ est de linea visibili, & Astrologia, quæ est de magnitudine mobili subalternantur Geometriæ, quæ considerat magnitudinem, & lineam, vt sic in communi, & absolute sumptas: similiter Musica, quæ habet pro subiecto numerum sonorum, subalternatur Arithmeticæ, quæ versatur circa numerum vt sic, absolute sumptum; & hæc tantum dicuntur scientiæ subalternatæ, cæteræ verò subordina-
te.

Quarto notandum, ex Scotto in Prologo primi sent. quest. 3. & quarta, & quinta laterali, & in tertio dist. 24. quest. vnic. A. ad hoc, vt scientia aliqua dicatur propriè subalternari alteri tres condiciones requiri. Prima quod notitia principiorum scientiæ subalternantis, seu superioris, sit causa notitiæ principiorum scientiæ subalternatæ, ita quod conclusiones in priori, sunt principia in posteriori. Secunda, quod scientia subalternans; & subalternata non sint de eisdem conclusionibus, alioquin idem probaretur per idem, & sic esset petitio principij, vnde ratione huius conditionis, Theologia nostra non subalternatur Theologiæ Beatorum, vt dicunt Thomistæ, quia ambe sunt eundem de eisdem conclusionibus, cum hac solum differentia, quod vbi Beati vident illas clare, nos percipimus easdem obscure. Tertia quod subiectum scientiæ subalternatæ contineatur sub subiecto scientiæ subalternantis, non tamquam species sub genere, aut pars subiectiua sub toto vniuersali, sed sicut pars in modo sub eius toto; idest quod contrahatur per aliquam differentiam accidentalem, defectu cuius scientiæ reales non subalternantur Metaphysicæ, cum earum subiecta sint partes subiectiue entis, & ens non sit con-

tractum ad illa per aliquas differentias accidentales, immò per essentielles, & quiditarius, vt suo loco dicemus.

Ex his fit prima conclusio. In scientijs omnino disparatis, non contingit Demonstrationem descendere de genere in genus. Est conclusio Aristotelis c. 7. t. 23. Probatur quia demonstratio procedit ex præmissis per se, & secundum quod ipsum, ex eodè Aristotele c. 4. sed subiectum, & principia aliarum scientiarum, non prædicantur de se inuicè, nec per se, nec conuertibiliter; ergo in eis non licet descendere de genere in genus. Minor patet, siquidem subiectum Geometriæ, linea, non prædicatur per se de numero, qui consideratur per se ab Arithmetica, & còuerso; cum contineatur sub diuersis speciebus quantitatatis, linea n. est quantitas continua, & numerus discretus, quæ sunt species diuerse.

Secunda conclusio. In scientijs subordinatis, quarum subiecta se habent, vt per se inferius, & superius, & in scientijs subalternatis; in quibus subiecta sunt pars in modo, & totum in modo, contingit demonstratorem descendere de genere in genus. Est Aristotelis loco proxime citato sub t. 20. & 21. Probatur prima pars, quia demonstratio procedit ex propositionibus per se, & ex his, quæ per se insunt; sed subiectum scientiæ superioris per se primo modo prædicatur de subiecto scientiæ inferioris, cum sit eius totum vniuersale, & illud pars subiectiua; ergo demonstrator potest descendere de vno in aliud. Secunda Pars probatur, quia principia scientiæ subalternatæ habent probari per principia scientiæ subalternantis, cum sint conclusiones ex illis demonstratæ; ergo potest fieri descensus de vna ad aliam scientiam. Antecedens patet per primam conditionem requisitam ad scientiam subalternatam, positam in 4. Not. Consequentia similiter patet, quia de præmissis ad conclusionem est optimus processus; sed principia subalternatæ, sunt conclusiones subalternantis; ergo licitus est transitus de subalternante in subalternatam.

Tertia conclusio. Vera scientia subalternata exigit necessariò illas tres condiciones positas in quarto Notab. Est Aristotelis in cap. 7. & Scoti loco supracitato in eodem not. 4. Probatur ex Aristotele prima conditio, quia Geometria probat principia Perspectiue, & Arithmetica Consonantiæ, idest Mu-

Musice, sed hæc se habent, vt subalternans, & subalternata: ergo ad subalternatam requiritur prima conditio posita. Antecedens patet ex verbis Philosophi, quæ sunt ista: Propter hoc Geometrie non est demonstrare, quod contrariorum vna sit scientia, sed neque quod duo cubi sit vnus cubus, id est duo numeri pares sint vnus numerus, neque alterius scientiæ, quod alterius est, sed aut quæcumque sic se habent ad inuicem; vt quod alterum sit subaltero, vt Perspectiua ad Geometriam, & Consonantia ad Arithmeticam, ergo quia Perspectiua subalternatur Geometrie, & Consonantia Arithmeticæ inserta principia inferioris demonstrari posse per principia superioris. Secunda conditio sequitur ex prima, quia principia, & conclusiones non sunt de eisdem veritatibus, cum sint habitus diuersi ex Aristotele secundo Poster. c. vlt. sed conclusiones scientiæ subalternantia sunt principia in subalternata: ergo aliæ sunt conclusiones in subalternata à conclusionibus subalternantis, ac proinde subalternans, & subalternata nequeunt esse de eisdem veritatibus. Tertia conditio ponitur ab Aristotele in eodem c. 7. dum dicit, quare si per se, & illud inest, cui inest, necesse est medium in eadem proximitate esse, si verò non sit, sed sicut Harmonia per Arithmeticam, huiusmodi autem demonstrantur quidem similiter, sed differant: nam ipsum quidem quia, alterius scientiæ est, subiectum enim genus alterum est, (id est differens accidentaliter) sed propter quid est superioris, cuius per se passionibus sunt ergo de mente Aristotelis requiritur idem subiectum in subalternante, & subalternata, & quod tantum differant subiectum huius, & illius per differentiam accidentalem, vt dicitur in tertia conditione contra quam tamen sic.

Obijciunt primo, quia admissa tertia conditione, sequitur scientiam subalternatam non esse scientiam propriè dictam, sed consequens est falsum, & contra Aristotelem citatum in textu; ergo, & id ex quo sequitur. Sequela maioris probatur, quia de ente per accidens non est scientia, ex eodem Aristotele 6. Meth. c. 2. neque definitio, quæ est medium sciendi, ex 7. Meth. c. 11. & t. c. 20. sed subiectum cum tali differentia accidentali est ens per accidens: ergo nequit esse subiectum scientiæ subalternatæ. Minor patet, quia in Musica ponitur numerus sonorus, & in

Perspectiua linea visualis, at certum est visuale, & sonorum spectare ad alia genera, quam numerus, & linea; ergo ex illis differentijs accidentalibus, & earum subiectis nequit fieri vnū per se, sed tantū per accidens.

Respondetur primo de mēte aliorū. Sequela maioris esse verā loquedo de scientia propriè dicta, quæ nimirū sit per causā per se, vt diffinitur ab Aristot. c. 2. cū sit certissimū in subalternata scientia non dari causam per se proximam, sed tantum remotam, cuiusmodi sunt principia scientiæ superioris subalternantis; per quæ demonstrantur eius principia, & consequenter etiam conclusiones, sed remotè tantum; saltim verò si sit sermo de scientia largè sumpta, & non in tanto rigore, quia sic etiam subalternata potest esse scientia. Ad probationē dico maiore esse veram de scientia rigorosè sumpta, quæ pro medio sciendi requirit causam, & diffinitionem per se, non tamen de scientia largè acceptā, cum hæc possit haberi etiam de ente per accidens, cum per passionē, & eius diffinitionē possint demonstrari passionibus saltē accidentaria de composito per accidens.

Contra, & est impugnatio Auctoris, quia hæc responsio destruit naturā scientiæ; ergo non potest admitti. Antecedens probatur, quia omnis scientia per demonstrationē acquisita, debet habere subiectū per se diffinibile, sed ens per accidens non est per se diffinibile: ergo de Ente per accidens, & consequenter de subiecto subalternatæ non poterit esse scientia per demonstrationem acquisita. Maior est Aristotelis secundo Post. cap. 17. vbi dicit, quod medium in demonstratione est quoddam, id est diffinitio alterius extremi, id est subiecti. Minor probatur, quia per se diffinibile debet constare ex genere, & differentia, vt probat Philosophus 7. Methaph. c. 23. sed ens per accidens, cum spectet ad diuersa genera, non habet vnum genus, & vnam differentiam; ergo nequit diffiniri, ac sic de illo non potest esse vna scientia, quocumque modo sumatur, & consequenter posita illa tertia conditio de subiecto cum differentia accidentali, sequitur subalternatam scientiam non esse veram scientiam.

Respondetur, & est responsio secunda aliorum, negando antecedens, ad probationē dico maiorem esse veram de scientia propriè accepta, non largè sumpta, quia sic potest esse etiam de eo, quod non est per se

diffinibile ad probationem dico Aristotelem locutum fuisse de demonstratione propter quid, & potissima, quæ datur per causam per se, & à priori, non tamen de demonstratione quia, per quam habetur scientia subalternata, ut dicit Aristoteles, quod nimirum scientia subalternans, & subalternata differunt, per quia; & propter quid: unde posita illa tertia conditione sequitur subalternatam esse veram scientiam, quamvis non in tanto rigore, sicut subalternans.

Vel dicendum secundo, & est mea responsio, negando sequelam maioris, ad probationem concessa maiori, ad minorem, subiectum scientiæ subalternatæ, dupliciter posse accipi, vno modo secundum se, & formaliter; alio modo in ordine ad aliud, & æquivalenter: primo modo est ens per accidens, siquidem differentia accidentalitatis adiecta, e.g. visuale adiectum lineæ in subiecto perspectivæ, & sonorum additum numero in subiecto Musicæ, cum sit accidens per accidens, & ens in actu nequit facere cum subiecto contrahibili ens per se, sed tantum ens per accidens: Cæterum secundo modo, cum habeat vim contrahendi subiectum scientiæ subalternantis, ad subalternatam; & distinguendi specie vnam ab alia, (quando quidem non habent esse de eisdem veritatibus, aliter idem probaretur per idem, ut dicitur in secunda conditione posita de mente Scoti) necessarium dicendum est: conditionem esse essentialem subiecto scientiæ subalternatæ, facereque vnum per se diffinibile, siquidem æquivalenter differentia essentiali, & pro tanto solum dicitur accidentalitatis eidem subiecto, pro quanto formaliter spectat ad genus distinctum, cum tamen æquivalcat differentia essentiali, & eiusdem generis. Hoc posito, concludendum est scientiam subalternatam esse veram scientiam, non tantum quia, sed etiam propter quid, quia procedit à proprijs principijs ad proprias conclusiones; dici autem subalternatam, quia eius principia non sunt per se nota ex terminis, sicut illa subalternantis, sed in illa possunt resolvi, quamvis non necessarium, ut sunt eius; si quidem potest consistere sine illis.

Obijciatur secundo, contra hanc responsionem conclusionem quæ simul, quia scientia subalternata non demonstrat passiones ex natura, & principijs illius differentia, sed

potius ex natura, & principijs obiecti subalternantis; ergo potius obiectum erit ratio formalis, quam illud additum, ac proinde vel nulla erit scientia subalternata, vel non erit distincta à subalternante. Antecedens patet ex Aristotele 13. Meth. sum. 1. cap. 3. ubi habet hæc verba: Eadem ratio de Harmonica, & perspectivæ, neutra namque prout vitus, vel prout vox specularatur, verum prout lineæ, & numeri, at hæc propriæ illorum passiones sunt; ergo de mente Aristotelis subalternatæ scientiæ non demonstrant passiones ex propria natura, & principijs illius differentia, sed ex natura, & principijs scientiæ subalternantis.

Respondetur. Negando antecedens, ad probationem negatur consequentia: si quidem Aristoteles ibi tantum dicit, quod, & nos concedimus, nimirum Harmonicam non speculari tantum voces, neque perspectivam vitum, prout vitus, & voces sunt, neque sic de eis demonstrari passiones ipsarum proprias, sed solum voces quatenus pendent à numeris, & visuale à lineis, quia sic constitutum subiecti propria, & adæquata illarum scientiarum, & per eorum definitiones demonstrantur passiones propriæ scientiæ subalternatæ, & non subalternantis.

Obijciatur tertio contra secundam conditionem, quia demonstratio, quia, & propter quid demonstrant easdem omnino veritates, quamvis hæc à priori, & illa à posteriori; sed scientia subalternans, & subalternata differunt secundum demonstrationem propter quid, & quia: ergo sunt de eisdem veritatibus. Maior patet ex Aristotele 1. Post. c. 10. Minor est eiusdem cap. 7. & cap. 10. ubi dicit, easdem conclusiones demonstrari, & propter quid, & quia, ab illa à priori, & per causam, ab hac à posteriori, & per effectum, ac via sensus per inductionem: ergo &c.

Respondetur. Scientiam subalternatam posse dupliciter considerari, vno modo prout demonstrat suas conclusiones per principia accepta à subalternante, & sic dicitur scientifica, & vocatur propriè scientia subalternata; alio modo, ut probat suas conclusiones per principia cognita per sensum, & per experientiam, exemplum sit de Harmonica habita per experientiam, & per sensum, & de eadē habita ex principijs acceptis ab Arithmetica, & hoc secundo modo non est scientia, sed ars, ut alijs placeat opinio, & solū specifi-

cificatiue dicitur subalternata, in quantum sub esse potest Arithmetica, seu subalternanti, per quam scientificè possunt probari eius conclusiones.

Formaliter ad argumentum dico esse veram minorem de subalternata experimentalis, quia hæc cum habeatur per experientiam demonstrat à posteriori suas conclusiones; non autè de subalternata scientificè, quia hæc probat suas conclusiones à priori, & demonstratione propter quid, si non immediatè, saltem mediatis principijs per se notis subalternantis. Ad auctoritatem Aristotelis dicendum consequenter loqui de subalternata experimentalis, non verò scientifica, ut patet ex contextu.

Obijciatur quarto contra primam conditionem quia conclusiones subalternantis abstrahunt à materia sensibili, quam tamè concernit scientia subalternata; Geometria, n. est de linea à materia sensibili abstracta, perspectiua verò de eadem, ut subest visui; ergo conclusiones subalternantis non possunt esse principia in subalternata.

Respondetur scientiam subalternatam, ut puta Perspectiuam, non concernere materiam sensibilem, quasi lineam, ut visui sensibili subiectam, speculatur, sed solum dicitur considerare illam contractam per illam differentiam visualem, & non in comuni, ut consideratur ab eius subalternante Geometria.

Formaliter ad argumentum dico antecedens esse verum si per abstractum à materia intelligatur esse indeterminatū subiecti, & per concretum materiæ sensibili, esse determinatum eiusdem per differentiam accidentalem; falsum tamen si per ly abstractum accipiat se separatū, & per ly concretum, esse mistum materiæ sensibili reduplicatiue, quia sic visualitas, seu linea visualis consideratur in Philosophia naturali, & non in scientia mathematica, ut est Perspectiua.

Obijciatur quinto, subalternata demonstrat proprias conclusiones per sua principia proxima, subalternans verò eandem probat per principia remota: ergo demonstratio huius erit quia, & illius propter quid. Consequentia patet ex Aristotele 1. Post. c. 7. ubi dicit, necesse est medium in eadè proximitate esse, si verò non sit, sed sicut Harmonica per Arithmetica, huiusmodi autem demonstrantur quidem sumitæ, sed

differunt; nam ipsum quidem quia, alterius verò propter quid.

Respondetur concessio antecedenti, negando consequentiam, immò utraq; demonstratio est propter quid, quia per causam, licet diuersimodè. Ad probationem dico auctoritatè illà esse potius ad oppositum, quam ad propositum, siquidè dicit demonstratione superioris esse propter quid, quia per causam immediatam, posterioris verò, seu subalternatæ esse quia; cum probet per principia mediata, desumpta à superiore, cum hoc tamen stat, ut etiā huiusmodi demonstratio sit propter quid mediata saltem, cum procedat à priori, nimirum à proprijs principijs ad proprias conclusiones.

Obijciatur sexto subiectum subalternatæ habet propriam quiditatem, distinctam, à subiecto subalternantis; siquidem numerus Sonorus, saltem æquiuacenter distinguitur formaliter à numero, ut sic, sicut animal rationale ab animali ut sic: ergo per ipsam poterunt demonstrari conclusiones scientiæ subalternatæ, absque hoc, quod accipiat principia à subalternante.

Respondetur negando consequentiam, siquidem quiditas subiecti scientiæ subalternatæ, cum non sit evidens ex se, sed hoc habeat à scientia subalternante, consequenter non poterit esse medium demonstrandi passionem proprias scientiæ subalternatæ, independentè à subalternante, alioquin principia non essent notiora conclusionibus, quod tamen necessariò requiritur, ad hoc ut possint demonstrare euidenter conclusiones, ut docuimus supra, cum Aristotele in hoc primo Posteriorum cap. 2.

Dices: Subalternata non demonstrat suas conclusiones sine subalternante propter quid, ob inuidentiam principiorum: ergo subalternans poterit ex se illas demonstrare, absque subalternata, & sic Arithmeticus erit Musicus, cum sola Arithmetica, quod est absurdum.

Respondetur negando consequentiā, quia principia subalternantis nequeunt demonstrare conclusiones subalternatæ, nisi sint applicata ad scientiam subalternatam, sicut nec subiectum illius potest esse subiectum huius, nili sit contractum per differentiam accidentalem; vidè non sequitur, eum qui

libet Arithmeticam, esse etiam musicum, sine scientia musicæ, quia hæc necessario illam præexigit quoad evidentiam, & præexigitur ab illa, ad hoc ut principia communia possint demonstrare conclusiones speciales.

Virum scientia subalternata possit esse in aliquo intellectu sine subalternante, ut quis nimirum sit perfectus Musicus, quin sit Arithmeticus?

QVÆSTIO XI.

Quamvis hæc difficultas, ex dictis superius, soluta remaneat, tamen ad uberiorem, & clariorem doctrinam, habet eam seorsum pertractare.

Circa quam extat multiplex sententia, nam aliqui dicunt subalternatam sine subalternante non esse scientiam, sed opinionem. Ita Soncinas 4. Methaph. quæst. 9. cui videtur favere Doctor Subt. in tertio d. 24. quæst. vii. paulo antè lit. I. cum dicit: Potest tamen quis habere opinionem, vel fidem de traditis in Perspectiva, sine hoc, quod sciat Geometriam, cui subalternatur, quia de eisdem potest esse fides, & opinio, & scientia, sed non sumit ergo secundum Scotum potest esse in aliquo intellectu subalternata absque subalternante in ratione opinionis sed non scientiæ.

Alij autem considerantes subalternatam posse habere rationem scientiæ saltem imperfectæ, absque subalternante, putant posse seorsim consistere, non tantum in ratione fidei, vel opinionis, ut censet præcedens sententia, verum etiam in ratione scientiæ, saltem imperfectæ. Ita Ruuius Tract. de Subalter. Scientiarum n. 33. cum alijs, quos citat sine no mine.

Alij tandem Subtilius rem indagantes, docent oppositum, nimirum non posse consistere subalternatam in aliquo intellectu, sine subalternante, & esse scientiam, quovis modo accipitur scientia. Ita disertis verbis docet Scotus loco proxime citat. sub lit. H. 6. Ad primum pro prima opinione, &c. & in Prolog. primi sent. quæst. 4. & 5. Later. quæst. tertie in fine, quem sequuntur Vasquez 1. p. disp. ut. 4. cap. 5. & 6. Valent. disp.

1. quæst. 1. puncto 3. Soncinas 4. Methaph. q. 9. Ruuius loco cit. sub num. 32. & alij non pauci, quos referunt, & sequuntur Maltorius, & Bellut. hic Disp. 12. quæst. 4. art. 2. sub num. 88.

Pro cuius declaratione, ac fundamento primo notandum est, ut inquit Scotus in 3. l. c. d. 24. q. vii. sub H. tripliciter posse nos habere noticiam conclusionum alicuius scientiæ subalternatæ, ut puta Musicæ, vel per testimonium alicuius periti, ac perfecti Musici, attestantis vocē in tertia, in quarta, quinta, octava, & vndecima facere harmoniam bonam, ac optimam, sicut per oppositum in quarta, septima, & nona malam, & tunc huiusmodi notitia sic habita esset fides, quia eius veritas, & certitudo esset innixa solo testimonio dicentis: vel per discursum dialecticum, suadentem huiusmodi conclusiones ex præmissis probabilibus, & contingentibus, & sic appellaretur opinio: Vel tandem per demonstrationem ex primis, veris, ac notioribus principijs habitam, & hoc pacto diceretur scientia, quæ est notitia certa, & evidens, habita ex principijs certis, & immediatis, ut alias dictum fuit, ac denuo dicturi sumus. Ex his inferitur secundum Scotum, de vna, & eadem re, siue complexa, siue incomplexa, posse haberi fidem, opinionem, & scientiam saltem successivè, quia simul repugnant quod ad actus eorum in eodem intellectu, siquidē de ratione scientiæ, est certitudo, & evidentia, fidei certitudo, sed non evidentia, & opinionis, nec certitudo, nec evidentia; ac certum est non posse eundem intellectum esse certum, & incertum, evidentem, & obscurum simul, & semel, circa eandem rem; igitur non poterunt consistere simul, & semel, saltem in actu, scientia, fides, & opinio.

Secundo notandum est, dictis superius in Expositione secundi Capituli, & in præcedenti quæstione, ad rationem veræ scientiæ requiri, ut sit notitia certa, & evidens; ex principijs certis, evidentibus, & immediatis causata, vel si habita sit ex præmissis mediatis, ut sciat resolvere illas in præmissas immediatas ex evidentia terminorum, quandoquidem li- altera harum conditionum desit, concludendum est non fore veram scientiam; cum igitur scientia subalternata non habeat certitudinem, & evidentiam ex se, sed tota derivetur sibi à principijs scientiæ sub-

subalternantis, sequitur de necessitate care-
re ratione scientiæ, si in aliquo intellectu re-
peritur absque scientia subalternante; si-
quidem, ut inquit Aristoteles hic cap. 2. scire
est rem per causam cognoscere, & quo-
niam illius est causa, & non est contingere
hoc aliter se habere; & primo Phisicæ cap. 1. t.
c. 1. subiungit, tunc cum putamus cognosce-
re vnuquodque cum causis primas co-
gnouerimus, & principia prima, & vique
ad elementa, id est ad terminos; princi-
pia enim cognoscimus in quantum ter-
minos cognoscimus, cum sint in demonstra-
bilia.

Tertio notandum ex eodem Scoto in-
precitato loco sub lit. k. Inductionem posse
dupliciter accipi; vno modo vt est species ar-
gumentationis; & diffinitur, quod sit à parti-
cularibus sufficienter enumeratis ad vni-
uersale progressio; alio modo, prout se exten-
dit ad omnem cognitionem, quæ oritur ex
sensu. Si primo modo accipitur inductio nõ
sufficit ad scientiam non enim scitur vniuer-
sale, quia ex particularibus deducitur, sed è
conuerso sciuntur propositiones particula-
res quia inferuntur ex vniuersali, vt omne
totum est maius sua parte, non scitur eo quia
deducatur ex suis particularibus, vt hoc, istud
& illud totum, & sic de alijs, est maius sua
parte; ergo omne totum est maius sua parte,
sed potius è conuerso scimus hoc, & illud
totum esse maius sua parte, quia scimus hæc
vniuersalem, omne totum est maius sua par-
te ex euidencia horum terminorum, scilicet
totum, & pars, quandoquidem perceptis ois-
tinctè, statim euidenter cognoscimus hanc
vniuersalem, omne totum est maius sua
parte. Si verò sumatur secundo modo, noti-
tia principiorum, & consequenter scientia
habetur per inductionem, quia omnis nostra
cognitio ortum habet à sensu, vt dicit Ari-
stoteles primo Poster. cap. 1. hoc autem non
est intelligendum, vt omnis cognitio habita
per sensum sufficiat ad habendum scientiam,
sed requiritur cognitio terminorum, sub
proprijs rationibus, ex illorum euidencia, vel
immediatè, & distinctè, vt accidit in scientia
subalternante, vel mediatè, & confusè vt in
subalternata, quia hæc postea habet reduci
in cognitionem distinctam scientiæ supe-
rioris, alioquin non esset scientia, quia non
haberet euidenciam, quæ necessario requiri-
tur ad veram scientiam, prout est cognitio

conclusionis demonstratæ. Ex quo infer-
tur, quod principia in scientia subalternan-
ta, cum non possint cognosci distinctè ex
euidencia terminorum, absque principijs
scientiæ subalternantis, non possint intra
suos limites parere veram scientiam, &
independentè à scientia subalternan-
te.

Quarto notandum pro solutione argu-
mentorum, demonstrationem propter quid
dupliciter accipi posse, vno modo pro omni
demonstratione, quæ procedit per causam,
siue talis sit mediata, siue immediata, & hoc
modo scientia subalternata habetur per de-
monstrationem propter quid; siquidem
eius principia sunt causa suarum conclu-
sionum, saltem mediatè, quia cum
alia sint demonstrabilia per principia
scientiæ subalternantis, nequeunt eili-
causa immediata. Alio modo sumitur pro
illa demonstratione, quæ dumtaxat pro-
cedit ex primis, veris, & immediatis,
notis ex euidencia terminorum, & sic
demonstratio, per quam habetur scientia
subalternata non est propter quid, sed tan-
tum quia, siquidem eius principia, quod ad
euidenciam, habent resoluti in principia
scientiæ subalternantis, cum sint eiudem
conclusiones demonstratæ.

Ex his sit prima Conclusio. Scientia sub-
alternata, quæ talis nequit esse vera scientia
in aliquo intellectu, si in eodem non fuerit
scientia subalternans, ita quod non poterit
quis esse perfectus Musicus, quin sit
Arimeticus. Est Scoti in tertio dist. 24.
quæst. vnica sub H. & omnium eorum,
quos citauimus pro vltima sententia. Pro-
batur ex Doctore Subtili ibidem, quia scien-
tia subalternata secundum se, nequit esse
vera scientia sine subalternante; ergo nec in
aliquo intellectu. Consequentia probatur,
quia prout comparatur ad aliquem intelle-
ctum non mutatur de subalternata in non
subalternatum: igitur si secundum se non
potest esse scientia sine subalternante, nec
talis esse poterit etiam in aliquo intellectu.
Antecedens probatur, quia omnis scientia,
vel procedit ex principijs immediatis, notis
ex terminis, quatenus sunt eorum, vel habet
reioluere sua principia mediata in principia
immediata ex Philosopho primo Poster. cap. 2.
sed scientia subalternata non procedit ex
principijs immediatis, & notis ex terminis,

sine subalternante, cum eius principia demonstrantur per principia scientiæ subalternantis: ergo subalternata secundum se non est scientia sine subalternante.

Dices, subalternantem non necessariò probare, seu demonstrare principia scientiæ subalternatæ cum hæc possint cognosci ex sensu, & per experientiam, vt accidit in Musico, carente scientia Arithmetica.

Contra, quia est hoc possit esse verum, non sequitur propositum, siquidem dato casu, vel talis non erit vera scientia, quia termini principiorum non erunt noti sub propria ratione, vel saltem non erit subalternata, quia hæc necessariò accipere debet sua principia a scientia superiori, cum inter illas debet esse talis continuatio, vt ibi desinit scientia subalternans, ibi debet incipere subalternata.

Secunda Conclusio. Subalternata sine subalternante, vel potest esse fides, si eius principia cognoscantur per testimonium eorum, qui habent scientiam subalternantem, vel opinio, si aliunde habeantur ex probabilitatibus. Est Scot. in præcitato loco. Probatur ex 1. not. quia de eadē re potest esse saltem successiue fides, opinio, & scientia: ergo subalternata, quæ cum subalternante est scientia, sine illa poterit esse fides, si eius principia innituntur testimonio peritorum, vel opinio si fuerint cognita per sensum confuso modo, vel per discursum dialecticum, vt exemplificauit de Musica sine Arithmetica.

Tertia Conclusio. Scientia subalternata sine subalternante considerata, potest haberi per demonstrationem propter quid largè acceptam, vel quia, si demonstratio propter quid præse sumatur. Probatur, quia scientia, quæ demonstrat suas conclusiones per causam, & à priori, habetur per demonstrationem propter quid, saltem largè acceptam, sed subalternata absque subalternante est huiusmodi: ergo, &c. Maior patet ex quarto Notab. & est Aristotelis cap. 10. vbi ponit differentiam inter demonstrationem, & scientiam propter quid, & quia. Minor probatur, quia principia scientiæ subalternatæ sunt causæ, & priora conclusionibus eiusdem scientiæ subalternatæ, vt est in confesso apud omnes Doctores: ergo scientia subalternata absque subalternante demonstrat suas conclusiones per causam, & à

priori. Secunda Pars probatur, quia scientia, quæ saltem non resoluit suas conclusiones in principia immediata, & nota ex terminis, non est propter quid, sed quia, sed subalternata secundum & considerata est huiusmodi: ergo non habetur per demonstrationem propter quid, sed tantum quia. Maior est Arist. 1. Post. c. 10. Minor patet, quia principia scientiæ subalternatæ sunt nota tantum per sensum, si non resoluantur in principia scientiæ subalternantis: ergo non potest resoluiere suas conclusiones in principia immediata, nota ex terminis. Secundo probatur, quia subalternata, & subalternans differunt, quia hæc abstrahit à sensibilibus, illa verò verfatut circa sensibilia, vt patet de Geometria, & Perspectiua, quia hæc habet pro subiecto lineam, vtualentem, & illa lineam secundum se, sed quæ abstrahunt à sensibilibus habentur propter quid, & quæ sunt imminuta sensibilibus demonstrant quia ex Aristotele 1. Post. c. 10. in fine: ergo subalternata sine subalternante, propriè habetur per demonstrationem quia, & non propter quid.

Obijciens primo, contra primam conclusionem Musicus, vt Musicus est sciens, sed Musicus vt Musicus non est Arithmeticus: ergo scientia Musici potest esse in aliquo intellectu, in quo non sit Arithmetica, & sic subalternata sine subalternante. Maior patet, quia Musica, vt talis est scientia distincta à quacumque alia: ergo & Musicus, vt talis est sciens. Consequencia patet per locum à coniugatis. Minor etiam est clara, quia Musica, & Arithmetica sunt distincti habitus: ergo vnus poterit esse in aliquo intellectu sine altero, & sic Musicus, vt Musicus non erit Arithmeticus.

Respondetur ex Doctore in tertio d. 2. q. 7. Ad primum pro prima opinione, negando consequentiam, & cum probatur, quod sunt distincti habitus: ergo vnus poterit esse in aliquo intellectu sine alio, nego consequentiam, quia sicut Musica in se non potest esse habitus scientificus, saltem propter quid, nisi accipiat sua principia demonstrata in Arithmetica per principia euidenter nota ex terminis, sic nec poterit esse habitus scientificus in aliquo intellectu, nisi talis sciatur Arithmeticus: & confirmatur responsio, quia etiam habitus conclusionum est distinctus ab habitu principiorum ex Aristotele, 2. Post. cap. ultimo & tamen non possunt esse

parari ab inuicem in aliquo intellectu, ut patet: ergo quauis habitus scientiæ subalternæ, & subalternantis, sint distincti, non poterunt separari propter necessariam connexionem, quam habent conclusiones scientiæ subalternæ, cum principijs subalternantis.

Obijciens secundo. Scientia est notitia conclusionis demonstratæ ex proprijs principijs; sed subalternata sine subalternante est huiusmodi: ergo subalternata secundum se est scientia sine subalternante. Maior patet ex Aristotele 1. Poster. cap. 2. Minor probatur, quia conclusiones subalternæ non probantur per principia subalternantis, ut sic, sed ut applicata scientiæ subalternatæ, sed principia, ut applicata non sunt amplius scientiæ subalternantis, verum ipsius subalternatæ, ut talis: ergo scientia subalternata, quæ talis, est notitia conclusionis demonstratæ per propria principia, & non subalternantis, ac proinde poterit esse vera scientia subalternata, sine subalternante.

Respondetur. Maiorem esse veram de principijs immediatis, vel quæ possint reduci in immediatas, ut docet Aristoteles in citato loco: Ad minorem nego illam, quia principia subalternatæ secundum se, cum non sint notiora conclusionibus, consequenter non possunt parere veram scientiam; ad probationem nego minorem, si ly prout accipitur specificatiue, cum sint conclusiones scientiæ subalternantis, si verò sumatur reduplicatiue, concedo minorem, & nego consequentiam, siquidem, cum de ratione scientiæ, sit euidens, & hanc subalternata habere nequeat ex proprijs principijs, ut sunt eius, quia sunt demonstrabilia per principia scientiæ subalternantis, sequitur subalternatam independentem à subalternante, non habere euidens, & consequenter non esse veram scientiam.

Dices cum Doctore Subtili in 3. d. 24. q. vn. sub k, sufficere ad scientiam subalternatam, ut eius principia sint nota ex terminis notitia confusa; ergo non requiritur, ut reducantur ad principia immediata, nota euidens ex terminis.

Respondetur. Negando consequentiam, imò subiungit, quod eorum cognitio confusa possit reduci in distincta, aliter non esset vera scientia, sicut nec naturalis, idest philosophia, prout præcedit metaphysi-

cam, ex simplici notitia confusa terminorum, esset propria scientia, sed ad hoc ut sit talis requiritur, ut eius principia cognoscantur distincte per principia metaphysicæ.

Obijciens tertio. Facultas, quæ demonstrat suas conclusiones propter quid, à priori, & per causam est vera, & proprie scientia; sed subalternata, abique subalternante est huiusmodi; ergo sine illa erit verè, & proprie scientia. Maior patet ex Aristotele per distinctionem sciendi, traditam primo Post. cap. 2. Minor probatur, quia principia scientiæ subalternatæ, quæ talis, sunt priora, & causæ conclusionum suarum abique subalternante; ergo illas demonstrat propter quid, & à priori, & per causam. Consequentia patet ex definitione demonstrationis propter quod. Antecedens probatur, quia principia scientiæ subalternatæ, sicut, & subalternantis, sumuntur à proprio subiecto; sed subiectum subalternatæ est distinctum realiter à subiecto subalternantis, ut probauimus in præcedenti questione, & est prius, & causæ conclusionum eiusdem, cum illas contineat virtualiter, mediante sua definitione, vel conceptu quidditatio; ergo, & principia ab eo desumpta sunt priora, & causæ conclusionum scientiæ subalternatæ abique principijs subalternantis.

Respondetur. Maiorem esse veram si demonstret illas per principia, & causas immediatas, notas ex euidens terminorum, vel immediatè, vel mediatè, & tunc negatur minor, quia principia scientiæ subalternatæ, ut sæpius dictum est, cum non sit nota externis immediatè, habent notificari per principia subalternantis, ad hoc, ut possint dici propter quid, & causæ suarum conclusionum. Ad probationem nego antecedens, ad cuius probationem dico totum distinctam esse verum dependentem à subiecto, scientiæ subalternantis, non tamen independentem ab eo, ut alias dictum est.

Obijciens quarto, contra primam partem tertie conclusionis, si aliquo modo subalternata demonstraret propter quid, & à priori suas conclusiones, independentem à subalternante, sequeretur aliquo modo esse scientiam sine illa; sed hoc est falsum: ergo nullo modo poterit demonstrare propter quid, & per causam sequela maioris patet, quia demonstratio propter quid est causæ

scientiæ

scientiæ propter quid, sicut per demonstrationem quia gignitur scientia quæ, ut probat Aristoteles primo *Posteriorum*. cap. 10. Minor probatur, quia de ratione scientiæ est euidentiæ conclusionis demonstratæ ex principiis euidenter notis, vel immediate, vel immediate, ut docet idem Aristoteles ibidem cap. 2. Sed principia scientiæ subalternatæ non habent euidentiā ex se, sed solum ex principiis scientiæ subalternantis: ergo non est scientia independentē à scientia subalternante.

Respondetur. Negando maiorem, ad probationem dico maiorem esse veram de scientia propter quid propriè dicta, non tamen de largè accepta, quia etiam ipsa cum habeatur per causam proximam, ab illa habet sufficienter euidentiā, ut aliquo modo possit appellari vera scientia; siquidem vera scientia non consistit in indiuisibili. Sed habet suam multitudinem, sicut & euidentiā, quæ est maior, & minor, iuxta clariora, & minus clara principia.

Dices: Principia scientiæ subalternatæ abque principiis subalternantis, sunt prorsus obscura, cum sint conclusiones demonstratæ per illa in scientia subalternante; ergo nullam euidentiā possunt tribuere conclusionibus subalternatæ, independentē à subalternante, ac proinde sine hac nulla erit scientia subalternata.

Respondetur. Antecedens esse verum si considerentur, ut conclusiones demonstrabiles ex principiis scientiæ superioris, falsum si accipiantur, ut principia contracta, & applicata ad inferendas conclusiones scientiæ inferioris, quia ut sic, cum cognoscantur in ratione principiorum, & causarum proximarum earundem conclusionum, non sunt omnino obscura, sed habent propriam, & sufficientem notionem, per quam possunt dare euidentiā conclusionibus ab ipsis demonstratis.

Dices secundo. Huiusmodi principia non erunt cognita, sine subalternante, nec via sensus, nec via intellectus; ergo non habebunt sufficientem notionem, ut queant conclusionibus euidentiā præbere. Antecedens probatur non via sensus, quia huiusmodi cognitio non sufficit ad scientiam, ut patet, nec per intellectum, quia eorum termini non habent talem connexionem adinuicem, ut ex se possint parere notitiam, aliquin essent in-

demonstrabilia, & non creent scientia subalternante, ad hoc ut possint demonstrari: ergo essent penitus incognita, & non posset præbere euidentiā conclusionibus.

Respondetur ex Doct. subt. in primo sct. d. 3. q. 4. huiusmodi principia posse notificari à posteriori mediātibz suis conclusionibus per sensum cognitis, & postea iterum cognosci per intellectum in ratione causarum proximarum, quatenus ex illis possunt in regressu demonstrare, & probare suas conclusiones prius per experientiam cognitatas; & hæc secunda cognitio erit propter quid, & causalis, unde sic poterit haberi aliqualis scientia subalternata sine concursu subalternantis. An autem scientia sic habita debeat dici subalternata, vel disparata, respondet Doct. subt. in 3. sent. loco sæpius citato in fine literæ I. his verbis: si autem scientia subalternata habet aliqua principia prima, quæ non accipit à superiori scientia; quantum est ex parte illorum posset sciri nõ scita superiori; sed hoc nihil ad propositum, quia in hoc, quod habet talia principia non est subalternata: Ex quibus verbis apparet se cundum Doctorem posse cognosci principia scientiæ subalternatæ abque principiis scientiæ subalternantis; & posse haberi scientiam subalternatam abque subalternante saltem specificatiuè, licet non reduplicatiuè, quod miro modo approbat nostram conclusionem.

Dices huiusmodi conclusionem omnino pugnare cum prima, in qua diximus scientiam subalternatam non posse subire rationem scientiæ sine subalternante: ergo non est sustinenda, cum sibi contradicat.

Respondetur negando antecedens, siquidē hic agimus de scientia subalternata specificatiuè, in prima verò de eadem reduplicatiuè sumptam, & sic vna non destruit aliam, ut patet ex verbis Scoti relatis in præcedenti responsione. Vel dicendum hic nos agere de scientia habita per demonstrationem propter quid largè acceptam, ibi verò de scientia in toto rigore, quæ exposcit demonstrationē propter quid præse sumptam, & ita nulla est contradictio, quia datur latitudo infra limites vere scientiæ, & euidentiæ, ut superius inuimus. Et hæc de subalternatione scientiarum.

DE PRINCIPIIS VIRTVALIBVS Demonstrationis.

TRACTATVS SECVNDVS.

POST QVAM Philosophus egit in Superiori Tractatu de his qua materiali-
ter, & formaliter ingrediuntur Demonstrationem, in praesentia determinat se
velle pertrahere de ijs, qua virtualiter formant eandem Demonstrationem,
& comprehendit tria capitula subsequencia in ordine scilicet Octauum, nonum,
& decimum, in quorum primo agit de principiis communibus quoad diffinitio-
nem, & diuisionem: In secundo ostendit qualiter scientia communicant in principijs; Et in
tercio penit differentiam inter demonstrationem propter quid, & quia.

De Diffinitionibus, ac Diuisionibus Princi-
piorum Communium.

CAPVT VIII.

HOC Octauum Capitulum diuiditur in
septem partes, In quarum prima ponit
diffinitionem principiorum communium:
In secunda ostendit diuisionem. In tertia dif-
ferentiam inter subiectum, Passionem, &
dignitatem. In quarta differentiam scien-
tiarum ratione horum trium. In quinta ex-
primit quae dicantur dignitates. In sexta
quomodo scientiae vtantur dignitatibus. In
septima tandem ostendit qualiter scientiae
conueniant in principijs communibus.

Quoad primam partem notificat, quae di-
cantur principia dicens; Dico autem princi-
pia in vnoquoque genere illa quae quouiam
sint non contingit demonstrare, id est prin-
cipium est propositio necessaria, & indemo-
strabilis, in scientia, in qua est subiectum, vt
a puncto ad punctum contingit lineam re-
ctam ducere, dicitur principium in scientia
Geometrica; omne compositum ex materia,
& forma est mobile, in Philosophia natu-
rali, sunt enim propositiones necessariae, quia
praedicata necessaria, & pro semper conueni-
unt subiectis, ad differentiam contingen-
tium, in quibus possunt conuenire, & non
conuenire; Deinde dicitur indemonstrabilis
in illis scientijs, scilicet in Geometria, &
Philosophia, & non absolute, quia non est

necesse omnia principia esse semper indemo-
strabilia, cum sufficiat vt sint talia in scien-
tijs, quoniam sunt principia; ceterum po-
terunt demonstrari in alijs scientijs, &
praesertim in Metaphysica, vt dictum est su-
perius. Dicuntur autem principia propo-
sitiones indemonstrabiles etiam ad differen-
tiam conclusionum, quae sunt propositiones
demonstrabiles.

Ex hac diffinitione patet conuenientiam,
& differentiam inter principia, & conclu-
siones. Conuenientiam ostendit, dum dicit
quod de omnibus praecognoscendum est, quid
nomen, vt diximus in cap. primo de digni-
tatibus, subiecto, & passione, ex quibus
coalescunt praemissae, & conclusiones; Diffe-
rentiam vero subiungit dicens, principia es-
se omnino indemonstrabilia, in scientia, cu-
ius sunt principia, aliter viderentur princi-
pia, sed conclusiones; conclusiones vero sunt
semper demonstrabiles, aliaquin, non essent
conclusiones, sed principia, exemplificat de
magnitudine, de unitate, & de triangulo,
de quibus praecognoscimus, quid nomen in
Geometria, & per unitatem, & magnitu-
dinem demonstratur de linea recta, vel
circulare, & de triangulo aequale, vel ine-
quale.

Quoad secundam partem ponit differen-
tiam inter principia, communia, & propria
dicens. Communia vero secundum anglo-
gram, quoniam vtilis est quantumcumque
in eo, quod est sub scientia, genere; id est
prin-

principia communia sunt illa, quæ non tantum uni, sed pluribus scientiis competunt, ut si ab æqualibus aequalia demas, cætera, quæ remanent, sunt aequalia, quia conuenit nedum Geometrie, sed etiam Arithmetice, ut si ab æqualibus lineis, æquales partes demas, cætera quæ remanent, sunt æquales, & sic aptatur Geometria; vel si ab æqualibus numeris æquales unitates demas, cætera, quæ remanent, sunt æquales, tunc competit Arithmetica. Propria verò principia sunt, quæ tantum uni scientiæ competunt, ut à puncto ad punctum contingit rectam lineam ducere, est tantum principium in Geometria; vel omne constans ex materia, et forma physica est corruptibile, conuenit dumtaxat Philosophia naturali.

Quò ad tertiam partem dicit, in qualibet scientia hac tria reperiri, scilicet subiectum passionem, et dignitatem, ut in Arithmetica unitas est subiectum, par, vel impar passio, et omnis multitudo ex unitatibus aggregata est par, vel impar, quadrata, vel cuba, sunt dignitates; similiter in Geometria signa id est puncta, & lineæ sunt subiectum; ratio, nale, vel irrationale, sunt passionem, & à puncto ad punctum contingit rectam lineam ducere; vel omnis magnitudo est recta, aut circularis, æqualis, vel inæqualis sunt dignitates. Deinde ponit differentiam inter illa, quia de dignitate præcognoscitur quia est, de passione quid nominis tantum, & de subiecto quid est, & quia est, ut probauimus in primo capitulo, & in questione de Præcognitis.

Quò ad quartam partem ostendit differentiam inter scientias ex parte subiecti, & passionis, & pariter conuenientiam inter illas. Conueniunt quidem omnes scientia, in his tribus, quia in vnaquaque scientia datur vnum subiectum, de quo demonstrantur passionem, & passionem quæ demonstrantur, & dignitates per quas demonstrantur; siquidem demonstratio fit ex præmissis, hæc verò ex diffinitione subiecti, & eius passionem, & ex diffinitione, & subiecto, quæ dicuntur dignitates; & tandem ex conclusione, quæ constat ex subiecto, & passionem. Different

autem, quia aliqua scientiæ despiciunt sua subiecta, quia ipsa præsupponunt, ut manifestissima, ut est Metaphysica respectu entis ut sic; aliqua verò non despiciunt, sed ab alijs querunt, cum non sint ita nota, ut accidit Arithmetica, quæ inuestigat numerum formalem, quid sit, cum non sit ita manifestus & notus. Aliæ despiciunt suas passionem, ut facit Metaphysica, quæ præsupponit unitatem, veritatem, & bonitatem entium, ut notissimas: Aliæ verò non despiciunt sicut Arithmetica respectu paritatis, & imparitatis, quas inuestigat de numero, & Geometria in ordine ad rationalitatem, & irrationalitatem, concurrentiam, & inflectionem, quas querit de linea, siquidem omnis linea; vel rationalis id est commensurabilis alteri, vel incommensurabilis id est irrationalis est.

Quò ad quintam partem ponit differentiam inter dignitatem, suppositionem, & positionem, & statuit tres conclusiones, quas probat.

Prima Conclusio. Dignitas non est suppositio, nec positio, quia dignitas est propositio necessaria, & intelligibilis per se, & propter se, sed suppositio, & positio non sunt huiusmodi: ergo dignitas non est suppositio, nec positio. Maior patet quia dignitas est propositio constans ex terminis communissimis, & prima, sed propositio prima non scitur per aliam priorem: ergo scitur per se. Deinde omne, quod est intelligibile, per solam rationem anteriorem id est per virtutem intellectus, & non per exteriorem, id est per syllogismum, est per se intelligibile, & non per aliud, sed dignitas est huiusmodi: ergo dignitas est intelligibilis per se, & non per aliam passionem. Minor probatur, quia dignitates percipiuntur immediate perceptis terminis: ergo per solam rationem anteriorem id est per intellectum, et non per exteriorem, hoc est per syllogismum. Denique probat illam maiorem quia dignitates non patiuntur instantias, cum sint per se notæ ex terminis: ergo sunt per se intelligibiles: consequentia patet, quia quæ intelliguntur per aliud id est per syllogismum patiuntur in.

instantias, cum possit negari maior, vel minor à respondente. Minor primi syllogismi probatur, quia omnes propositiones non primæ sciuntur per priores, sed suppositiones, & positiones non sunt propositiones primæ, cum non constituentur ex terminis communissimis: ergo non sunt per se intelligibiles, sed possunt probari per primas.

Secunda Conclusio. Suppositio distinguitur à positione, & à questione saltem per intellectum. Probatur prima pars, quia suppositio est propositio demonstrabilis, non tamen demonstrata, sed recepta ab addiscente tanquam vera, in qua etiam opponens conuenit, ut hæc propositio: Logica est scientia, apud Thomistas, & Scotistas est suppositio, quia ab utrisque supponitur tanquam vera, positio uero est propositio demonstrabilis, quam non concedunt respondentes, nec oppositum eius opinantur, ut hæc mundus potuit esse ab æterno apud Scotistas est positio, quia nec conceditur absolute, nec negatur, sed utraque pars sufficitur probabiliter: ergo suppositio, & positio distinguuntur. **Secunda Pars** probatur, quia questio est propositio cuius oppositum opinatur. Respondens, ut hæc corpus naturale est subiectum in Philosophia apud Thomistas est questio, cum ab eis negetur, & apud Scotistas est suppositio: Similiter, quod ens mobile sit subiectum in Philosophia naturali apud Scotistas est questio, & apud Thomistas suppositio; ex quo probatur Tertia pars, quia eadem propositio potest esse suppositio, positio, & questio; ergo sola ratione distinguuntur, & sic solum per intellectum.

Tertia Conclusio. Termini id est diffinitiones non sunt suppositiones, Probatur tum quia propositio dicit esse, & non esse, diffinitio uero non dicit esse, & non esse, ut probatum est supra caput. 2. sed suppositio est propositio, ut probatum est ibidem: ergo &c. Tum etiam quia suppositio fit mediante copula verbali, diffinitio uero sine copula, ut animal rationale: ergo &c. Tum tertio quia omnis suppositio, uel est uniuersalis, uel

particularis, uel indefinita, uel singularis ex primo Perihermenias, sed diffinitio non est huiusmodi; ergo diffinitio non est suppositio. Maior patet, quia suppositio, & propositio sunt idem, at propositio diuiditur in uniuersalem, particularem, indefinitam, & singularem: ergo, & suppositio sic diuiditur. Minor probatur quia diffinitio non est propositio cum careat copula: ergo diffinitio non diuiditur in uniuersalem, particularem, indefinitam, & singularem, ac proinde non est suppositio.

Quò ad sextam partem demonstrat Aristoteles quomodo scientia utantur principij communibus, & ponit duas conclusiones, quarum prima est, dignitas negativa, id est: Non contingit idem esse, & non esse ingreditur demonstrationem ostensiuam, contrariè, & non simpliciter. Secunda est, Dignitas affirmatiua, id est de quolibet verum est dicere, quod est, uel non est, ingreditur contrariè demonstrationem ad impossibile. Probatur primo conclusionem exemplificando, ut hæc propositio: Callias est animal sic probari potest ostensiuè, omnis homo homo est animal, & non est non animal, quia non contingit idem simul esse, & non esse, sed Callias est homo: ergo Callias est animal, & non est non animal. Probat secundam conclusionem, ut si quis uellet demonstrare aliquod animal non esse hominem, debet sic arguere ad impossibile: omne animal est homo, Asinus est animal: ergo Asinus est homo, conclusio est falsa: ergo aliqua præmissa, seu minor: ergo maior, scilicet ista omne animal est homo: ergo ens contradiçtorium est uera, scilicet aliquod animal non est homo. Probatur ista consequentia: De quolibet verum est dicere, quod est, uel non est, sed de omni animali falsum est dicere, quod sit homo, ergo de aliquo animali est uerum dicere, quod non sit homo, & sic ista erit uera, aliquod animal non est homo.

Utraque tamen conclusio posset sic probari, quò ad ambas partes, quia dignitates sunt ex ente, & eius existentia: sed ens ingreditur, quid sit, omnia entia in se.

inferiora, ex quibus sunt demonstrationes: ergo dignitates ingrediuntur quauilibet demonstrationem. Secunda pars etiam probatur, quia demonstrationes habent fieri ex principiis propriis, ut superius probatum est cap. 7. sed dignitates non sunt propriae scientiæ, nisi contrahantur: ergo non ingrediuntur demonstrationem absolute, sed solum contractæ.

Quod ad septimam partem ostendit qualiter scientiæ conveniunt in principiis communibus, & ponit tres conclusiones, quarum prima est, quod omnes scientiæ conveniunt in principiis communibus, conveniunt quidem, quia ut probatum est in præcedenti, principia communia ingrediuntur virtualiter quauilibet demonstrationem, tum ostensivam, tum ad impossibile, saltem contractæ, igitur omnes scientiæ conveniunt in principiis communibus, virtualiter, & contractæ: Disconveniunt postea quia nulla scientia specialis probat principia communia, cum hoc spectet dumtaxat ad scientiam communem, cuiusmodi est Metaphysica, & probatur, quia si scientia specialis probaret principia communia, sequeretur quid idem probaretur per idem; sed hoc non est dicendum: ergo &c. sequela maioris probatur, quia in scientiis specialibus omnia probantur per principia communia, ut visum est in præcedenti particula, igitur si etiam talia probarentur in scientiis specialibus, probarentur per principia communia, & sic idem per idem probaretur, ac demonstraretur, quod non est admittendum, ut superius ostendit cap. 3. contra errores antiquorum.

Secunda Conclusio: tam Dialectica, quam Metaphysica utuntur principiis communibus, non prædictis tantum, sed etiam animi conceptionibus communibus, ut si ab aequalibus equalia demas, cætera, quæ remanent sunt equalia; vel omne totum est maius sua parte, & probat primo de Metaphysica, quia illa, cum sit sapientia, quæ speculatur res communissimas, et altissimas scilicet Deum intelligentias, universalia, & omnia entia abstracta à materia, per huiusmodi principia communia probat nedum prædicta, sed

etiam omnia inferiora: ergo videtur illi de monstrando de omnibus entibus esse, & non esse, & singulorum affectiones, ut entia sint. Secundo de Dialectica, quia omni docet regulas argumentationum, applicando illas omnibus scientiis, videtur illis principijs communibus, ad confirmationem suarum regularum, & modorum, conficiendo syllogismos, tum probabiles, tum sophysticos, ac demonstrativos in omni scientia.

Tertia conclusio. Dialectica non est determinati generis idest subiecti, sed versatur circa omnia, & probat, quia scientia, quæ est determinati generis, ostendit tantum unam partem contradictionis, ut patet inductivè in omnibus scientiis, siquidem Geometria probat triangulum tantum habere tres, & non oppositum eius, scilicet non habere tres similiter Philosophia, omne corpus esse mobile, & non oppositum eius, & sic de cæteris; cæterum Dialectica ostendit utramque partem contradictionis: nam syllogismus dialecticus est collectivus contradictionum, cum ostendat modo aliquam matrem diligere filios, & interdum nullam matrem diligere suos filios, quod est contradictio: ergo Dialectica non est determinati generis.

Aduertendum tamen, quod per Dialecticam non intelligitur universaliter tota logica, quia ut probauimus in questione de subiecto Logica, talis est determinati generis, cum consideret tantum syllogismum, & ea, quæ reducuntur ad ipsum, sed loquitur sub nomine dialecticæ, de Topica, quæ cum per-

ragat de syllogismo dialectico, talis est collectivus contradictionum, arguendo probabiliter in omnibus scientiis. Et hac de textu inius Capit.

Verum Principia Communia, prout distinguuntur à propriis, ingreditur de, monstrationem in qualibet scientia?

QVÆSTIO XII.

PRO cuius declaratione primo notandum est ex dictis superius qu. 8. principia esse in duplici differentia, alia enim dicuntur principia essendi, à quibus res accipiunt esse, siue intrinsecum, vt species à genere & differentia, siue extrinsecum, vt omnia creata à Deo, tanquam à primo omnium rerum principio: alia verò sunt principia cognoscendi, quæ adhuc sunt duplicia, scilicet incomplexa, vt sunt termini primorum principiorum, dicente Aristotele primo Poster. cap. 2. principia cognoscimus, in quantum terminos cognoscimus, & complexa alia, & hæc sunt in triplici discrimine, alia enim sunt communissima, alia communia, & alia propria. Communissima sunt, quæ constant ex terminis communissimis, & sunt illa duo, quorum meminit Aristoteles 4. Meth. cap. 1. t. cap. 8. & 9. De quolibet verum est dicere, quod est, vel non est, & non contingit idem esse, vel non esse. Communia ex eodem in textu huius capituli, sunt, quæ pluribus scientiis conveniunt, vt omne totum est maius sua parte, quod competit aliquibus scientiis Mathematicis, & Philosophiæ naturali, & aliud quod convenit Geometriæ; & Arithmeticæ, scilicet si ab æqualibus, æqualia demas, quæ remanent sunt æqualia. Propria autem quæ tantum vni scientiæ speciali congruunt, vt à puncto ad punctum contingit rectam lineam ducere convenit solum Geometricæ scientiæ, & omne compositum ex materia, & forma est mobile, vel corruptibile Philosophiæ naturali duntaxat congruit. Hic est sermo de communissimis, & communibus, siquidem propria necessario ingreditur demonstrationem in illa scientia, quorum sunt principia tantum, & non in alia.

Secundo notandum, quod de ratione omnium principiorum in scientiarum non subalternarum in eis indemonstrabilitas, siquidem per hæc feceruntur à conclusionibus, quæ necessario sunt demonstrabiles; hæc autem

non est vna, & eadem in omnibus, siquidem in communissimis est indemonstrabilitas simpliciter, & absolute, quia cognoscuntur ex sola inspectione terminorum, cum non habeant priora, per quæ probari possint. Communia verò, quamvis appellantur communes animi conceptiones, quæ cognoscuntur, & ipse cognitis terminis, tamen cum eorum termini nequeant distincte, ac quiditatem cognosci sine Metaphysica, cuius est omnium speculativa quiditas, nequeunt dici simpliciter indemonstrabilia, sed, vt inquit Scotus in expositione t. 8. lib. 4. Metaph. habent probari per illa duo communissima, in quæ cætera reducuntur, exponendo rationes totius, & partis, æqualis, & inæqualis, ex quibus componuntur, & eadem resolvendo in illa, non enim contingit de eodem idem affirmari, & negari simul, & semel: ergo inferendum est idem respectu eiusdem, non posse simul esse totum, & partem, æquale, & inæquale; igitur docendum est totum non esse partem, sed esse maius sua parte, & æquale non esse inæquale, ac proinde si ab æqualibus, æqualia demas, quæ remanent, esse æqualia. Propria etiam est indemonstrabilia sint in illa scientia, quorum sunt principia, alioquin non possent generare ex se veram scientiam, sed solum in virtute superioris, vt accidit in scientia subalterna, tamen absolute possunt probari per illa duo communissima, vt dictum est de communibus; nec inde sequitur ab eis auferri sufficientem certitudinem, ad scientiæ necessariam, quia non ingreditur formaliter demonstrationes scientiarum specialium, sed tantum virtualiter, vt declarabitur in sequenti notabili, quare non auferunt à propriis sufficientem certitudinem, quam habent ex evidentiis suorum terminorum, sed tantum in casu necessitatis, illam probat, aut actu demonstrant proteruo: vnde ab Aristotele in quarto Metaphysicæ loco citato, vocantur firmissima principia, in quibus impossibile est mentiri.

Tertio notandum ex Doctore subtili in exposit. lib. 8. Meth. t. 8. num. 27. Principia communissima, quæ dicuntur dignitates non ingredi demonstrationem secundum substantiam, sed tantum secundum virtutem, pro quanto omnia principia particularium scientiarum formantur, & roborantur per ea, & ratio huius est, quia demonstratio, vt docet

docet Aristoteles cap. 7. procedit ex proprijs & non ex communibus; si tamen velimus dicere illa posse ingredi aliquo modo etiam secundum substantiam demonstrationem alicuius particularis scientiæ, hoc non est intelligendum secundum suam considerata communitatem, sed vt contracta, & applicata ad illam specialem scientiam, exemplificat de illo principio communi, ab æqualibus æqualia demas, quæ remanent sunt æqualia, quod potest applicari Geometriæ sic, si ab æqualibus lineis æquales lineas demas, quæ remanent, sunt æquales, & Arithmetice etiam, contrahendo ipsum ad numeros, vt si ab æqualibus numeris æquales demas, qui remanent sunt æquales, ita dicendum est etiam de illis duabus dignitatibus; de quolibet verum est &c. Non contingit idem esse, & non inesse, quæ, vt contracta, & applicata possunt etiam formaliter ingredi demonstrationem in qualibet scientia speciali; non ad habendam maiorem evidentiam de conclusionibus, cum talis sufficienter habeatur ex proprijs principijs, sed ad cõcludendam contradictionem contra proteruum, propria principia negantem: quandoquidem non habemus maiorem evidentiam de hac conclusione: omnis homo est risibilis, deducta per sua propria principia: omne animal rationale est risibile, & omnis homo est animal rationale, quàm si insuper confirmemus illam per dignitates, sic dicendo: omne animal rationale est risibile, & non est non risibile: sed omnis homo est animal rationale; ergo omnis homo est risibilis, & nõ est non risibilis.

Ex his fit prima Conclusio: Principia communia, & communissima ingrediuntur demonstrationes scientiarum specialium virtualiter tantum, si considerentur, in sua communitate manentia; si verò secundum esse contractum, & applicatum spectentur, etiam formaliter, seu secundum substantiã. Vtraque pars est Scoti in loco proximè citato. Probatur prima Pars, quia illud principium ingreditur virtualiter in aliqua consequentiã, virtute cuius tenet illa consequentia, sed virtute duorum principiorum communissimorum tenent omnes demonstrationes: ergo principia communissima ingrediuntur, virtualiter quilibet demonstrationem scientiarum specialium. Maior patet à simili, siquidem hæc consequentia omne animal

rationale currit: ergo omnis homo currit tenet virtute huius principij: quidquid prædicatur de diffinitione, & de diffinito, quod virtualiter est in ipsa. Minor probatur, quia si quis negaret totam demonstrationem ostensum, posset illam probare per illud principium negativum: Non cõtingit idem esse, & non inesse. Si verò negaretur demonstratio ad impossibile cõfirmaretur per alterum principium affirmatiuum, vt probat Aristoteles in tex. huius cap. 8. ergo illa, duo principia communissima confirmant, ac roborant omnem demonstrationem scientiarum specialium, siquidem omnis demonstratio, vel est ostensiva, vel ad impossibile, seu ad incommodum, vt vtamur verbis Philosphi. Secunda pars probatur, quia demonstratio formaliter procedit ex proprijs, ac determinatis principijs, vt ostendit Aristoteles cap. 7. sed principia communia non sunt propria, nisi quatenus sunt contracta, vt patet de animali, quod est semper commune, & indifferens, quousque non fuerit, cõtractum per alteram differentiarum, quia tunc fit proprium illi speciei, per cuius differentiam constitutum contrahitur ad ipsam, ergo non ingrediuntur demonstrationem, nisi quatenus sunt contracta ad principia scientiarum specialium.

Secunda Conclusio. Principia communissima, dum ingrediuntur aliquam demonstrationem secundum esse contractum, & applicatum, non tribuunt conclusioni, demonstratæ maiorem evidentiam, quàm si tantum esset deducta ex proprijs principijs. Probat quia evidentia conclusionis dependet ex evidenti convenientia maioris extremitatis cum minori extremitate, seu passionis cum subiecto; sed hæc habetur sufficienter ex principijs proprijs: ergo principia communissima, quæ sunt contracta, quod ad hoc superfluum. Maior patet, quia in conclusionem ostenditur solum convenientia passionis cum subiecto: ergo evidentia demonstrationis cõtendit, vt demonstret huiusmodi necessariam connexionem. Minor probatur, quia posita vna causa totali, necessario ponitur effectus, si non sit impedita; sed principia propria integant vnam causam totalem conclusionis: ergo positis principijs proprijs ponitur cõclusio absque adminiculo alterius. Maior patet per diffinitionem causæ totalis. Minor similiter, quia

quia in principijs exprimitur causa immediata passionis subiecti, quæ est diffinitio eiusdem subiecti, & insuper conexio quiditativa, & formalis diffinitionis subiecti cum ipso, quæ coniuncta in demonstratione integrant vnam, & sufficientem causam vniõnis necessariæ, passionis cum subiecto, in qua consistit, euidentiæ conclusionis demonstratæ: ergo semotis principijs communibus conclusio habet totam euidentiã, quæ sibi competere potest.

Tertia conclusio. Huiusmodi autem principia sic contracta ad principia propria afferunt illis maiorem veritatem, non tamen necessariam, sed tantum contra proteruum illam ostendunt in casu, quod ab eodem negetur. Est Aristotelis lib. 4. Meth. sum. 2. cap. 1. t. c. 8. & 9. & Scoti ibidem. Probatur, quia prima principia probant principia scientiarum specialium, si ab aliquo negentur; ergo eorum veritas debet esse maior, quam sit horum veritas. Consequentiã patet, quia aliter non possent ab illis certificari, si non haberent maiorem, sed tantum æqualem certitudinem, ac veritatem. Antecedens est notum ex prima conclusione. Secunda pars probatur, quia principia propria habent sufficientem veritatem, & certitudinem, ut possint verificari, & certiorari suas conclusiones, remoto quocumque alio; ergo non est necesse, ut aliam veritatem, & certitudinem emendicent à principijs communissimis. Consequentiã patet, quia oppositum antecedentis infert oppositum consequentis: ergo si propria principia habent sufficientem veritatem, & certitudinem non egent aliena. Antecedens probatur, quia principia propria ex se causant scientiam, quæ est notitia certa, & euidens: ergo ipsi debent esse magis certa, & euidentiã, secluso quocumque alio, siquid propter quod vnum quodque tale, & illud magis. Tertia pars probatur, quia proteruus conuincitur ex eo quod de eodem, secundum idem, simul, & eodem tempore nequeunt verificari contradictoria ex Aristotele 4. Meth. cap. 5. sed primam principium negatiuum eo tendit, ut stabiliat veram alteram partem contradictionis; ergo si proteruus neget hanc veritatem à principijs poterit probari per illud primum principium, sicque conuincitur fore necessarium contra proteruum.

Quarta conclusio. Duo principia com-

muniissima non possunt demonstrari à priori, nec à posteriori simpliciter, sed tantum; secundum quid huic vel illi: Communia verò pluribus scientijs, quamuis possint demonstrari per illa, duo prima communissima, attamen non habent ex hoc maiorem euidentiã: Propria autem in scientia subalternata demonstrari queunt à subalternante; at principia subalternantis, sicut scientiæ cuiuslibet disparatæ à solo Methaphysico demonstrari possunt. Probatur prima pars, quia demonstratio propter quid fit per priora, & notiora, sed nil est prius, & notius principijs primis communissimis: ergo principia prima communissima nequeunt à priori demonstrari. Maior, & minor patent ex suis diffinitionibus. Secunda pars probatur, quia si quis negaret hoc principium: Non contingit idem esse, & non esse, probari posset per experientiam, demonstrando e. g. ignem, quam non contingit esse calidum, & non calidum, aquam frigidam, & non frigidam, & sic de alijs: ergo de omnibus dicendum est, quod non contingit idem esse, & non esse. Tertia pars probatur, quia omne posterius potest probari per prius; sed principia communia sunt posteriora principijs communissimis: ergo possunt per hæc demonstrari cætera. Quarta pars probatur, quia propositio per se nota indiget maiori euidentiã, quam quæ habetur ex terminis, qui sunt aliquid eius, ut patet per suam diffinitionem, sed talia principia communia sunt propositiones per se notæ, ut aliàs probatum est: ergo ex eo quod demonstrari contingat per priora, non propterea acquirit maiorem euidentiã. Quinta pars remanet probata in quæst. 10. & 11. huius disputatæ. Sexta Pars tandem probatur, quia principia scientiarum specialium sunt posteriora primis, & communissimis principijs, quia ista sunt de ente, ut sic, illa verò dentibus particularibus, idest inferioribus: ergo possunt demonstrari à Methaphysico per sua communissima principia.

Obijciatur primo, contra primam partem primæ conclusionis, quia comodo principia habent ingredi demonstrationem, quomodo habent vim ipsam firmandi, & certificandi; sed hæc cum non habent principia communia, & communissima, nisi

quantentis contrahuntur ad speciales terminos: ergo sic contracte tantum sunt in demonstratione, ac proinde formaliter solum, & non virtualiter. Maior est nota, & minor est manifesta ex dictis Not. 3. in fine de mente Scoti.

Respondetur Negando Minorem, siquidem principia omnia communia habet vim firmandi, & certificandi demonstrationem, & virtualiter, si considerentur in actu primo, & secundum esse incontractum, & formaliter, si accipiantur in actu secundo, & secundum esse contractum, & applicatum, & quando dicitur, quod non habent vim firmandi, & certificandi nisi contrahantur ad speciales terminos, falsum est vniuersaliter, ut patet in hac consequentia: omne animal rationale est risibile: ergo omnis homo est risibilis, quae tenet per locum à diffinitione, ad diffinitum, quia tantum virtualiter reperitur in illa, & non formaliter, seu contracte ad proprios terminos. igitur eodem modo philosophandum est de principiis communibus & communissimis.

Obijciunt secundo contra secundam partem eiusdem primae conclusionis, quia omne quod ingreditur demonstrationem contracte, & formaliter augeat euentiam eius, alioquin frustra ponetur; sed talia principia non augent euentiam alicuius demonstrationis, ut probatum est conclusione secunda: ergo signum est non debere ingredi secundum esse contractum aliquam demonstrationem specialis scientiae.

Respondetur. Maiorem esse veram, vel in actu, vel in aptitudine, hoc est dictum, si demonstratio non habet aliunde euentiam sibi necessariam, potest illam habere à principiis communibus contracte illam ingredientibus, & hoc sufficit, ut nō sit frustranea eius contractio ad illam: Ad minorem dico esse veram in actu, siquidem demonstratio constans ex proprijs habet sibi necessariam euentiam ex cognitione terminorum, cum sint propositiones per se notae, falsam tamen in aptitudine, quia eandem euentiam haberet ex principiis communibus secundum esse applicatum consideratis, nisi prae haberet ex proprijs principiis.

Obijciunt tertio contra secundam conclusionem, quod principia sunt notoria, & clariora, eō maiorem euentiam a. n. afferunt conclusionibus ex eis deductis, sed principia co-

munia, secundum esse contra quā ingredientia aliquam demonstrationem specialem, reddunt principia eiusdem propria clariora, & notiora; ergo tribuunt clariorem euentiam conclusionibus demonstratis, quam si tantum processissent ex proprijs. Maior patet ex illo axioma Aristotelico, sicut simpliciter ad simpliciter, ita magis ad magis; sed conclusiones habent euentiam simpliciter à principiis: ergo quod principia fuerint notiora, & clariora, eō maiorem, & clariorem euentiam tribuent illis. Minor probatur quia principia scientiarum specialium sunt tantum per se nota ex terminis confuse cognitis, si verò contrahantur ad illa principia communia, sunt nota ex terminis distincte cognitis; sed principia distincte cognita sunt clariora, quam si tantum cognoscantur confuse: ergo principia communia ingredientia demonstrationem specialem secundum esse contractum reddunt eius principia propria notiora, & clariora. Maior est Scoti in primo dist. 3. q. 2. sub. N. §. 2. probo idem ubi inquit, principia aliarum scientiarum sunt per se nota ex conceptu confuso terminorum, sed ex metaphysica concipiuntur distincte, & post pauca concludit, & tunc ex illis quidatibus sic cognitis distinctius cognoscuntur principia specialium scientiarum, quam prius cognoscebantur. Haec Scotus, quo nil clarius ad rem praesentem dici potuit: ergo de primo ad vltimum inferendum est conclusiones demonstratas ex proprijs, & communibus principiis contractis ad demonstrationem specialem, esse euentiores, quam si solum essent demonstratae ex proprijs.

Respondetur negando. Minorem, ad probationem negatur maior quod ad secundam partem, ad probationem desumptam ex Doctorem dico non esse ad propositum, quia non dicit principia, scientiarum specialium ex terminis confuse cognitis, fieri distincte cognita ex contractione principiorum communium ad illa, quippe, ut sic sunt conuertibilia, cum principiis proprijs, & habent aequalitatem cognitionem, sed solum asserit distinctius cognosci resoluedo illam principia metaphysica, quia sic sunt distincte, quae prius erant tantum confuse cognita, ex cognitione distincta suorum terminorum, & hoc praestatur sibi à Metaphysica, cuius est considerare, & demonstrare omnium.

nium rerū quidditates: Nec inde sequi, quod ultimum inferatur, conclusiones nimirum fore euidentiōres, si deducantur ex principiis propriis, & communibus simul ad illa contractis, quam si tantum ex propriis, quandoquidem hæc non habent maiorem euidentiā per illorum cōtractionem ad se, quam si cognoscantur confusē tantum ex propriis terminis, perinde enim se habent illa communia contracta ad terminos alicuius scientiæ specialis, ac si fuissent propria illius scientiæ: animal enim cōtractum per rationale, idem est, quod homo, & conuertuntur adinuicem, dicendo omne animal rationale: est homo, & omnis homo est animal rationale modō quæ cōuertuntur non habent inæqualem, sed æqualem euidentiā, ac claritatem saltem in eodem processu demonstrationis propter quid, vel quia.

Obijcies quardō contra tertiam conclusionem. Principia propria habent sufficientem certitudinem ad certificandum conclusiones: ergo principia communia, quatinus contracta, nullam eis certitudinem adtingere possunt. Antecedens patet, quia certitudo conclusionis scilicet dependet ex certitudine principiorum, secundum Aristotelem primo Post. cap. secundo, consequentia probatur, non minus dependet euidentiā conclusionis ab euidentiā principiorum, quam certitudo conclusionis ab eodem certitudine; sed tota euidentiā conclusionis demonstratē pendet ab euidentiā principiorum propriorum, sectus principijs communibus: ergo, & tota certitudo erit ab illis exclusis penitus principijs communibus. Maior patet quia totum quod est in conclusione demonstrata derivatur sibi à principijs demonstrationis, sed hæc sunt principia propria, & non communia ex Aristotele primo Post. cap. 7. ergo &c. Minor est manifesta ex secunda Conclusionē.

Respondetur. Consequens esse verum de certitudine necessaria ad conclusiones verificandas, quia hæc habent sufficienter à principijs propriis solum tamen si negentur principia propria, quia tunc erant certificanda se: principia communia, ut supradictum est, & sic certitudo illorum augetur per principia communia. Ad probationem consequentiæ dico non esse simile de euidentiā, & certitudine, quia hæc tantum pendet à veritate principiorum, illa verò ultra no-

tionem principiorum, derivatur à dispositione terminorum in modo, & figurademonstratiua, quæ necessariō exigit principia propria, & respicit communia, ut probat Aristoteles cap. septimo citato, igitur euidentiā in conclusionibus demonstratis augeri nequit ex accessu principiorum communium, licet bene certitudo, & veritas.

Obijciunt quinto contra quartā Conclusionis primam partem, quia omne posterius potest demonstrari per prius propter quid, & à priori, sed deo prima principia communissima habent alia principia priora: ergo per illa demonstrari poterunt à priori. Maior patet. Minor probatur, quia hæc est prior, ens est ens, & quodlibet ens est ens, quā illa, quodlibet est, vel non est, quia pars est prior toto: similiter non ens est non ens, est prior hæc: Non contingit idem esse, & non esse: ergo hæc duo principia habent alia priora per quæ possunt demonstrari.

Respondetur negando. Minorē, ad probationem dico totum verum esse in ratione propositionum, seu enunciationum, non tamen in ratione principiorum demonstrationem ingredientium, quia sic non habent priora, sed ipsa sunt prima: siquidem cum inuoluant utramque partem contradictionis, & illæ propositiones ens est ens, vel non ens est non ens, tantum alteram partem non poterunt esse principia ad demonstrandam totam contradictionem.

Vel dicendum, illas propositiones non esse principia demonstrandi, quodlibet est, vel non est, & non contingit idem esse, & non esse. quia de ratione principiorum demonstrationis est, ut sint notiora conclusionibus ex primo Poster. cap. 2. t. 3. &c.

6. at clarum est illas propositiones, non esse notiores principijs, cum sint de eisdem terminis cum illis, ut patet: igitur per illas nequeunt ista demonstrari.

De Convenientia, et Differentia Scientiarum
circa propria principia.

CAPUT IX.

Item nonum Capitulum dividitur in tres partes, in quarum prima ostendit convenientiam scientiarum specialium circa propria principia; In secunda assignat earum differentiam ratione illorum. In tertia postea commendat scientias Mathematicas, & ostendit quomodo syllogismus possit augeri.

Quod ad primam partem ponit tres conclusiones, quarum prima est, quod in qualibet scientia sunt propriae interrogationes, & probat, quia in qualibet scientia sunt propositiones propriae: ergo & propriae interrogationes. Antecedens probatur quia qualibet scientia habet proprium subiectum, passionem, & dignitatem, ex cap. precedenti, sed ex talibus fiunt propositiones. ergo qualibet scientia habet proprias propositiones. Consequentia probatur, quia idem est propositio syllogistica, & interrogatio, siquidem duntaxat differunt, quod eadem oratio ante quam ponatur in syllogismo est questio, & interrogatio, dum est in syllogismo est propositio, & dum per syllogismum demonstratur est conclusio; ergo si eiusdem scientiae sunt propositiones propriae, & eiusdem etiam erunt interrogationes propriae.

Ex hac conclusione inferit tria scilicet, quod nulla interrogatio est indifferens omnium scientiarum: secundum quod aliqua propositio dupliciter dicitur pertinere ad scientiam subalternantem. Tertium quod conclusiones scientiae subalternatae, possunt probari per principia scientiae subalternantis, vel per conclusiones eiusdem; ceterum principia subalternantis sunt indemonstrabilia.

Primum. Probat quia eadem conclusio nequit esse omnium scientiarum: ergo nec eadem interrogatio: consequentia patet, quia eadem oratio, quae ante syllogismum actionum est interrogatio, postea fit conclusio; ergo

cum eadem conclusio non possit esse omnium scientiarum, sequitur nec omnium scientiarum posse esse eandem interrogationem. Antecedens probatur quia conclusio constat ex subiecto, & passionibus; sed nequit esse omnium scientiarum idem subiectum, & eadem passio; ergo nec eadem conclusio.

Secundum. Probat quia eadem principia, exempli gratia Geometria, dupliciter dicuntur pertinere ad ipsam, & in quantum probant conclusiones Geometricas, quae postea sunt principia Perspectivae, & in quantum ipsae mediantibus probant etiam conclusiones perspectivae.

Tertium Probat, quia inferiora possunt probari per priora, & superiora, sed principia scientiae subalternatae sunt inferiora ad principia subalternantis, cum sint eorum conclusiones; ergo possunt probari per illa, quae tamen sunt indemonstrabilia, quia non habent alia superiora per quae possint demonstrari, alioquin non essent prima principia, quod est contra suppositum.

Secunda Conclusio. Qualibet scientia habet proprias Responiones, Probat, quia cuilibet interrogationi correspondet una responsio, sed qualibet scientia habet proprias interrogationes; ergo & proprias responiones habere debet. Ex quo sequitur quod una scientia, sicut nequit de omnibus interrogare, sic nec tenetur de omnibus respondere. Philosophus enim sicut non habet interrogare, unum triangulus habeat tres; nec verum numerus sit par, vel impar, quia hoc spectat ad Arithmeticum, & illud ad Geometram, ita non tenetur de eiusdem respondere. Scientia autem communis cuiusmodi est Metaphysica, sicut potest interrogare de subiectis omnium scientiarum specialium, an sint entia, & quae ita potest de his omnibus respondere prout sunt entia, non tamen prout talia, quia non considerat illa in particulari, sed solum in communi, quatenus entia sunt.

Tertia Conclusio. Qualibet scientia habet proprias disputationes, quia ubicunque est interrogatio, & responsio ibi est disputatio.

tio syllogistica, siquidem est actio syllogistica duorum idest opponentis, & respondentis in disputando, sed in qualibet scientia sunt propria interrogationes, & responsiones, ut probatum est in duabus præcedentibus conclusionibus: ergo, & propriè dispositiones.

Quò ad secundam Partem. Mouet tres quæstiones, quas resoluit, & harum prima est: Vtrum Geometricarum, aliqua sint Geometrica, & aliqua non Geometrica?

Respondetur. Aliqua videri Geometricas, & tamen non sunt Geometrica, & probat quia conclusiones Arithmetica videntur esse Geometrica, tum quia versantur circa quantitatem, sicut Geometrica; tum quia communicant in illo principio communis: si ab aequalibus equalia demas, quæ remanent sunt equalia, & in altero: omne totum est maius sua parte, tum tandem, quia vtuntur eisdem terminis scilicet cubi, quadrati, &c. Caterum non sunt Geometrica, quia sunt de subiectis, & passionibus diuersis: quandoquidem Arithmetica sunt de quantitatis discretis, & Geometrica, de continuis.

Mouet secundam quæstionem. Vtrum propositiones Geometrica secundum ignorantiam, idest secundum falsitatem, & non secundum scientiam, idest secundum veritatem, sine censenda Geometrica?

Respondet esse propositiones Geometricas secundum materiam, sed non secundum formam; Probat primam partem; quia sunt de terminis Geometricis, sed in his consistit materia propositionum: ergo sunt Geometrica secundum materiam. Probat secundam partem, quia quæ non enunciant veritatem Geometricam non sunt Geometrica secundum formam, siquidem forma propositionum consistit in enunciatione veri, vel falsi, ut patet ex primo libro Perihermeneias, sed propositiones Geometrica secundum ignorantiam non enunciant veritatem Geometricam: ergo non sunt Geometrica secundum formam. Minorem probat quia si quis opinabitur lineas parallelas ad-

inuicem concurrere, faciet quidem Geometricam propositionem secundum materiam, cum termini sint Geometrici, sed non secundum formam, quia concurrentia non est prædicatum conueniens lineis parallelis, quin potius oppositum, ut patet intuenti earum diffinitionem in Euclide.

Mouet tertiam quæstionem. Vtrum syllogismus secundum ignorantiam, & non secundum scientiam sit verus syllogismus, an potius paralogismus?

Respondetur cum distinctione, nimirum eam triplicem, peccantem in materia, quia altera propositionum est falsa, peccantem in forma, quia non est disposita in modo, & figura, & peccantem in utraque, & quia habet alteram præmissarum falsam, & quia non sunt benè disposita in modo, & figura; Exemplificat in hoc syllogismo: omnis linea parallela concurrat, sed linea æquè distantes sunt parallela; ergo omnes lineæ æquè distantes concurrunt, modo dicit hunc esse paralogismum in materia, quia maior extremitas repugnat medio, & facit præmissam falsam, esse tamen bonum syllogismum in forma, quia est in primo modo primæ figuræ.

Quò ad tertiam partem commendat scientias Mathematicas, dicens se potius exemplificare de illis, quàm de alijs, quia in illis fit minus deceptio, quàm in Philosophicis, & ut hoc ostendat ponit duas conclusiones, quarum.

Prima est: scientia Mathematica sunt alijs certiores, & probat, tum quia sunt de illis, quæ magis se offerunt sensui; non enim Geometra concederet absolute omnem circulum esse figuram propter æquiuocationem huius nominis circulus, siquidem significat præter figuram circularem, etiam quoddam genus carminum ab Homero descriptum, ut sacrum pingue dabo, nec macrum sacrificabo, & circulariter oppositum subiungit, sacrificabo macrum, nec dabo pingue sacrum, sed adderet in demonstratione, omnis talis circulus, demonstrando figuram circularem, & in

do, quorum verumque augmentum declaratur sic.

Auctio, seu augmentum in demonstrationibus potest fieri dupliciter, vno modo per additionem mediorum, alio modo in assumendo idest per additionem extremitatum. Primo modo contingit dupliciter fieri additionem, vno modo per media intranea subiecto, vt si quis velit probare hominem esse animal, posset sic multiplicare media, omne quod naturaliter loquitur est animal, homo naturaliter loquitur: ergo est animal; Vel sic omne quod mouetur progressiue est animal; homo sic mouetur: ergo est animal; Vel sic omne quod sentit est animal, homo sentit; ergo &c. & in his medijs non potest fieri processus in infinitum, quia praedicata, quiditativa, vel passiones, a quibus sumuntur non sunt infinita, sed terminata numero. Alio modo per media extranea subiecto, vt omnis lapis est animal; omnis homo est lapis: ergo omnis homo est animal, Vel omne lignum est animal; sed homo est lignum: ergo homo est animal, & in his potest fieri processus in infinitum, cum talia media extrinseca possint multiplicari in infinitum saltem indiuidualiter. Secundo modo idest in assumendo potest fieri additio, dupliciter, vno modo in assumendo post, & hoc tripliciter, primo retinendo maiorem extremitatem, & assumendo pro minori extremitate plura subiecta, se habentia per ordinem secundum sub, & supra, vt in linea praedicamentali, cum hoc tamen, quod id quod est minor extremitas in prima sit medium in secunda, vt in his exemplis, omne ens finitum per se, & limitatum est susceptivum contrariorum, sed substantia est huiusmodi: ergo est susceptivum contrariorum, sed corpus est substantia: ergo corpus est susceptivum contrariorum. Item omne corpus est susceptivum contrariorum, sed corpus animatum est corpus; ergo corpus animatum est susceptivum contrariorum; ecce quomodo in assumendo servatur ordo secundum sub, & supra, primo enim assumitur sub ente substantia, deinde sub sub

stantia corpus, & sub corpore, corpus animatum, quae sunt subiecta, & praedicata essentialiter ordinata secundum sub, & supra, & in tali additione non potest dari processus in infinitum, cum huiusmodi praedicata sint numero finita. Alio modo fit auctio in assumendo in Post, dum nimirum retinetur idem medium, & eadem maior extremitas, & multiplicantur subiecta, quae vel sunt indiuidua sub eadem specie contenta, vel species sub eodem genere, & se habent per modum constituti, & constitutini; Exemplum primi omnis homo est risibilis, Petrus est homo; ergo Petrus est risibilis. Exemplum secundi, cuiuslibet numeri unitas est pars aliquota, sed ternarius est numerus; ergo eius unitas est pars aliquota, & in hoc augmento datur processus in infinitum, quia indiuidua sub eadem specie, & numeri in infinitum possunt augeri. Tertio modo fit auctio in assumendo in post retinendo minorem extremitatem, demonstrando vnam passionem per aliam, & id quod est maior extremitas in vna demonstratione fit medium in alia sic, omne beatificabile est disciplinabile, sed omnis homo est beatificabilis; ergo &c. Item omne disciplinabile est risibile, sed omnis homo est disciplinabilis; ergo omnis homo est risibilis. Item omne risibile est flebile; sed omnis homo est risibilis; ergo omnis homo est flebilis, & in hac auctio non datur processus in infinitum, quia passiones sunt finitae, sicut etiam subiecta.

Alio modo fit auctio demonstrationum in assumendo in latius, & hoc dupliciter, vel cum de aliquo subiecto habente differentias oppositas demonstratur aliqua passio per alteram differentiam, deinde de eodem contracto per aliam differentiam demonstratur altera passio, vt rationale, & irrationale sunt differentiae oppositae de intellectu animalis, sic ergo fit talis auctio, omne animal mortale est corpus sensibile, scilicet animal rationale est mortale: ergo est sensibile. Item omne animal irrationale est mortale, sed animal irrationale est mor-

ale ; ergo est sensibile ; & in tali auctione non est processus in infinitum , cum finita sint differentia dividentes genus . Vel secundo fit, dum retenta semper eadem maiori propositione multiplicatur species sub eodem medio contenta , ut omne animal est sensibile, sed omnis homo est animal ; ergo. Item omne animal est sensibile, sed omnis Asinus est animal ; ergo &c. & in hac auctione non fit processus in infinitum , quia species sub vno genere contenta sunt finita . Concludit ergo Philosophus , quod demonstrationes Mathematica non possunt augeri per media intranea , sed bene in assumendo, & inposit, & in latius, & exemplificat de numeris quantitativis, qui possunt augeri in infinitum , & ideo de eis possunt confici demonstrationes in assumendo, post, ut iam explicatum est ; Et hac de textu huius capituli .

Utrum scientia Mathematica sint ceteris certiores, ac firmiores?

QVÆSTIO XIII.

QUamvis hæc difficultas ex dictis in expositione textus parte tertia facillime solui possit , attamen ad vberiores notitiam eorum, quæ dicturi sumus . Primo notandum est scientias Mathematicas appellari ab Aristotele doctrinales ob nonnullas prerogativas, ex quibus elucet earundem excellentiam, & firmitudinem, & primo quia docent sine formidine, & sine varietate opinionum, quod non reperitur in dialecticis, naturalibus, & etiam Metaphysicis, siquidem in his unusquisque abundat in suo sensu, ut est compertum apud omnes, & præcipue Thomistas, & Scotistas . Secundo quia præmissæ demonstrationum Mathematicarum habentur per sensum, & per indemonstrationem, siquidem versantur circa substantias, magnitudines, & numeros, quæ sunt sensibilia communia . Tercio, quia procedunt à notioribus nobis

& naturæ simul, inquantum enim versantur circa ea, quæ sensibus obijciuntur dicuntur procedere à notioribus nobis, & quatenus abstrahunt à materia sensibili procedunt à notioribus naturæ, ut melius declarabitur in primo libro Physicorum . Quarto, quia tales procedunt per vnum genus causæ, idest per causam formalem tantum quæ est diffinitio subiecti, ideo facta demonstratione, nullam ambiguitatem relinquunt, sicut accidit in naturalibus, quæ cum procedant per omnia genera causarum, peracta demonstratione per vnum genus causæ, poterit iterum demonstrari eadem conclusio per aliud genus causæ, ut dicemus inferius, & sic relinquitur ferè semper ambiguitas, & formido, quousque fuerit eadem conclusio demonstrata per omnia genera causarum .

Secundo notandum est, vnam scientiam dici certiores, & firmiorem aliam posse tripliciter contingere, vel ex parte obiecti, quia nimirum eius obiectum est ens necessarium, tutum, ac firmum, & sic Theologia præcellit omnes, cum sit de Deo, qui est summe necesse esse: vel ratione principiorum, & sic Metaphysica est certissima, & firmissima, quia eius principia, scilicet de quolibet verum est dicere, quod est, vel non est; & non contingit idem esse, & non esse, sunt certissimam, & firmissimam, ut docet Aristoteles quarto Metaphysicorum text. comment. 8. & 9. & ceteris firmitatem tribuant: vel tertio ratione modi procedendi, qui consistit in his, ut nimirum sit sine formidine, sine varietate opinionum, sine dubitatione, & à notioribus nobis, & naturæ simul, ac tandem ab his, quæ sensui percipiuntur, & per experientiam habentur, & sic scientiæ Mathematicæ, ut inquit Commentator in secundum lib. Metaphysicorum, sunt in primo gradu certitudinis, sicque dicuntur esse omnibus præstantiores, certiores, & firmiores, & non primo, ac secundo modo .

Tercio notandum est, demonstrationes mathematicas dici etiam certiores, & firmiores alijs, quia, ut inquit Aristoteles in textu huius cap. 3. recipiunt tantum ea, quæ sunt per se, & excludunt ea, quæ sunt per accidens,

hoc

hoc autem potest tripliciter intelligi, secundum quod potest tripliciter aliqua propositio dici per se, & per accidens; primo modo ratione subiecti, & sic illa propositio dicitur per se, cuius subiectum in sui ratione includit prædicatum, ut Petrus est homo, siquidem nequit esse Petrus, quia sit homo, & per oppositum hæc est per accidens animal est homo, quia accidit animali ut sit in homine, cum possit esse sine illo. Secundo modo ratione prædicati, & sic illa propositio dicitur per se cuius prædicatum exposcit subiectum in sui ratione formali, vel identica, ut animal est homo, quia homo nequit esse sine animali, vel homo est risibilis quia risibile non potest reperiri sine homine, & per oppositum hæc est per accidens Petrus est homo, quia accidit homini ut sit in Petro. Tercio modo ratione utriusque, & sic hæc est per se, homo est animal rationale, quia subiectum, & prædicatum mutuo se exposcunt essentialiter, & per oppositum hæc est per accidens, musicum est album, quia sicut accidit musico albedo, ita albo musica: modo ad propositum Demonstrationes mathematicæ dicuntur firmiores cæteris aliarum scientiarum, quia earum præmissæ sunt per se tertio modo, aliæ verò tantum primo, vel secundo modo, qui includunt aliquid per accidens, vel ratione subiecti, vel prædicati.

Ex his sit prima Conclusio: Scientiæ Mathematicæ non sunt certiores, & firmiores alijs ratione obiecti: Probatur, quia certitudo scientiæ hoc modo pendet à certitudine obiecti, sed obiecta scientiarum Mathematicarum non sunt certiora, & firmiora obiectis aliarum scientiarum: ergo, &c. Maior patet ex Not. 2. Minor probatur quia obiecta harum scientiarum sunt quantitates, vel discretæ, ut in Arithmetica, & Musica, vel continue, ut in Geometria, Perspectiva, & Astrologia: obiecta verò aliarum scientiarum realium, vel sunt substantiæ, ut in Naturalibus, & Divinis, vel de abstractis ab omnibus entibus, ut in Methaphysicis; sed hæc sunt maioris firmitatis, quam illa, ut omnibus patet: ergo scientiæ Mathematicæ ratione obiecti non sunt certiores, & firmiores cæteris scientijs realibus.

Secunda Conclusio. Scientiæ Mathematicæ non sunt certiores Methaphysicæ ratione principiorum, sed bene naturalibus: Probatur prima pars, quia princi-

pia Methaphysica sunt firmissima, & tutissima ex Aristotele, quarto Methaphysicæ capit. 1. t. comm. 8. 9. & sequentibus, usque ad caput. tertium, & probant principia omnium scientiarum, etiam Mathematicarum: ergo sunt certiora, & firmiora Mathematicis. Secunda Pars probatur, quia principia Mathematicæ demonstrationis sunt propositiones per se per seitate mutua; hoc est ratione subiecti, & prædicati simul, ex Aristotele in textu huius capit. 9. at principia aliarum scientiarum, saltem naturalium sunt propositiones per se, se, vel primo, vel secundo modo, quæ habent admixtum aliquid de per accidens, vel primo, vel secundo modo, ut patet de hac propositione, omne compositum ex materia, & forma est mobile, quæ non est per se mutuo, cum hæc sit falsa, omne mobile est compositum ex materia, & forma, cum indivisibilia de genere quantitatis sint per se mobilia ex Aristotele sexto Physicorum, & tamen carent materia, & forma physica: ergo demonstrationes Mathematicæ, & consequenter scientiæ sunt firmiores ratione principiorum, demonstrationibus, & scientijs naturalibus.

Tertia Conclusio. Ratione modi procedendi scientiæ Mathematicæ sunt certiores, & firmiores cæteris scientijs realibus. Probatur quia illæ scientiæ sunt certiores, & firmiores alijs, ratione modi procedendi, quæ sunt sine formidine, sine varietate opinionum, sine dubitatione, & quarum principia cognoscuntur per sensum, & per experientiam, proceduntque à notioribus nobis, & nature simul, ut adnotuimus secundo, sed scientiæ mathematicæ sunt huiusmodi: ergo ratione modi procedendi sunt certiores, & firmiores alijs. Minor remanet probata in t. part. 3. per duas conclusiones sequentes.

Obijciunt tamen primo contra hanc conclusionem quia circa sensibilia communia magis contingit error, quam circa propria ex Aristotele secundo lib. de Anima, sed scientiæ Mathematicæ sunt circa sensibilia communia: ergo istis magis contingit error, quam illis.

quæ sunt circa propria. Minor probatur, quia versantur circa quantitatem, sed quantitas est sensibile commune, cum percipiatur visu, tactu, & auditu: ergo versantur circa sensibilia communia.

Respondetur maiorem esse veram quod ad apprehensionem, non tamen quo ad intellectus formalem adhesionem; siquidem magis adheremus rebus inuariabilibus, cuiusmodi sunt quantitates, quæ abstrahunt à materia sensibili, quam variabilibus, ut sunt res naturales, quæ sunt admixtæ materiæ sensibili.

Obijciunt secundo. Sicut res se habet ad esse, ita ad cognosci, & ad modum cognoscendi, ex Aristotele secundo Meth. t. c. sed mathematica non sunt notiora cæteris in esse, ergo nec in cognosci, aut modo cognoscendi.

Respondetur maiorem habere veritatem quod ad cognosci distinctè, & in se, non tamen quod ad nos, quia sic accidentia sensibilia quamvis sint imperfectiora in esse, quicumque substantia, sunt tamen perfectiora in cognosci quod ad nos.

De Divisione Demonstrationis in propter quid, et quia.

CAPUT X.

IN hoc Decimo Capitulo intendit agere de duplici Demonstrationis genere, scilicet propter quid, & quia, & ponit differentiam inter illa per ordinem ad eandem effectum, qui est scire, seu scientia, & facit duo; primo enim ponit differentiam harum demonstrationum in comparatione ad unam & eandem scientiam. Secundo per ordinem ad plures, & diversas scientias.

Quod ad primum facit duo, siquidem primo ponit differentiam inter illas generaliter, secundo specialiter. Primo enim dicit Philosophus demonstrationem propter quid, dupliciter differre à demonstratione quia, tum quia illa procedit per causam propinquam, & immediatam, hæc vero per remotam

exemplum prioris: omne animal rationale est visibile, omnis homo est animal rationale: ergo omnis homo est visibilis; siquidem animal rationale est causa propinqua, & immediata visibilitatis in homine. Exemplum posterioris omne quod respirat est animal, sed lapis non est animal: ergo lapis non respirat: quandoquidem non esse animal non est causa propinqua, sed tantum remota non respirations, propinqua enim est carentia pulmonis: tum etiam secundo quia demonstratio propter quid nunquam procedit per effectum, at demonstratio quia multisoties procedit per effectum convertibilem, vel non convertibilem, dummodo sit notior sua causa saltem quod ad nos; siquidem per visibile demonstramus animal rationale, quod est eius causa immediata, & visibile est effectus nobis notior in homine, ut potè sensibilibus, quam animal rationale, quod à sensibus est remotus.

Ex his inferunt tres conclusiones, quarum prima est. Possibilis est demonstratio quia per effectum convertibilem. Secunda. Possibilis est demonstratio quia per effectum non convertibilem. Tertia. Possibilis est demonstratio quia, per causam remotam.

Primo probat primam conclusionem, quia non scintillare est effectus convertibilis cum stella, quæ est propè nos, sed per talem effectum potest ostendi talis causa: ergo talis demonstratio est possibilis. Maior patet per seculum, nam stella quæ sunt propè nos, non scintillant, at quæ sunt remotæ à nostris oculibus scintillant, quia scintillatio provenit ex imperfecta fixatione nostri visus in stellis, quæ accidunt solum in his, quæ longius distant non autem in his, quæ sunt propè nos: ergo non scintillare est effectus convertibilis cum stella, quæ est propè nos, cuiusmodi est planeta.

Secundo probat secundam conclusionem, quia possibilis est demonstratio, quia, per effectum convertibilem, ut probatum est in præcedenti: ergo etiam per non convertibilem. Consequentia probatur, quia adeo per effectum convertibilem demonstratur sua causa,

sa, quia est ea notior quod ad nos, ergo si effectus non conuertibilis fuerit notior causa, poterit utique per ipsum demonstrari. Quod autem hoc sit possibile ostendit in duplici effectu non conuertibili, scilicet communiiori, & minus communi sensibile enim est effectus communior respectu hominis, cum promeriat in eo ratione animalis, & tamen potest sic demonstrari per ipsum non esse lapidis de homine sic: omnis homo est sensibilis; nullus lapis est sensibilis; ergo nullus lapis est homo. Similiter risibile est effectus minus communis respectu animalis, quia sibi euenit ratio hominis, in quo est animal, & per ipsum etiam potest demonstrari esse animalis de homine in prima figura: omne risibile est animal; omnis homo est risibilis; ergo omnis homo est animal, ecce quomodo per risibile, quod est effectus non conuertibilis cum animali, demonstratur animal de homine.

Tertio Probat tertiam conclusionem quia non respirare demonstratur per non esse animal de lapide; sed non esse animal est tantum causa remota non respirandi, siquidem propinqua est carentia pulmonis: ergo possibilis est demonstratio, quia per causam remotam: Maior ostenditur sic, omne quod respirat est animal; sed lapis non est animal: ergo lapis non respirat. Minor probatur, quia si affirmatio est causa affirmationis, & negatio est causa negationis; si de esse animal est causa respirationis, cum respirare tantum proueniat, & conueniat animalibus: ergo non esse animal erit causa non respirationis, non propinqua, & immediata, sed tantum remota, sicut pariter esse animal est causa remota respirationis, quia propinqua est habere pulmonem, quod non competit omnibus animalibus.

Quod ad secundum ponit differentiam inter demonstrationem propter quid, & quia in diuersis, & ponit tres regulas, quarum prima est: quando una scientia subalternatur alteri secundum se totam, subalternans dicitur propter quid, & subalternata quia, quod probatur, quia quod presupponitur verum est quia, quod verò ostenditur per demonstrationem potissimam, est pro-

pter quid: sed principia scientia subalternata in ea supponuntur vera, & in subalternante probantur, cum sine eius conclusionibus: ergo subalternans dicitur propter quid, & subalternata quia.

Ex hac regula inferitur quod scientia potest dici subalternata tripliciter, scilicet secundum se totam, secundum partem, & nec secundum se totam, aut partem. Scientia subalternata primo modo est illa cuius subiectum primum, & adaequatum continetur sub subiecto totali subalternantis, ut est Perspectiua respectu Geometria; siquidem linea visualis, quae est subiectum in perspectiua continetur tamquam pars in modo sub linea, quae est subiectum Geometriae. Secundo modo est illa cuius subiectum partiale continetur sub subiecto subalternantis, & sic Philosophia naturalis, quod ad illam partem, quae est de Iride, continetur sub Perspectiua; nam enim subest linea visuali, cum, & ipsa sit quaedam linea visualis conuersa ad nubem rotundam. Tertio modo illa scientia dicitur subalternata, quae secundum unum principium tantum probatur in subalternante, et sic Chyrurgia subalternatur Geometriae, quod ad hoc principium: Vulnera circularia tardius sanantur, quod sic in Geometria probatur, illa vulnera tardius sanantur, quorum partes magis distant, sed vulnera circularia habent partes magis distantes: ergo tardius sanantur.

Deinde infert duo corollaria, seu documenta, et primum Aliqua scientias subalternantes, et subalternatas esse vniuocas, ut Astrologia, et Nautalis, similiter Musica Mathematica, et per auditum, acquisita; nam duae priores vocantur eodem nomine Astrologiae, et amba considerant astra, et duae posteriores dicuntur amba musicae, et amba versantur circa numeros sonoros, seu concentus harmonicos. Secundum Corollarium, seu documentum: scientia subalternans, et subalternata tripliciter differunt, et primo quia subalternans probat illam conclusionem propter quid, quam subalternans.

alternata praeponit ut veram, ac inde-
monstrabilem in ipsa. Secundo, quia scientia
subalternans habet propter quid alicuius ef-
fectus, qui tamen ad ipsam non pertinet,
sed ad subalternatam, ut patet de Geome-
tria, quae demonstrat, quare vulnera
circularia tardius sanentur, & sanatio hu-
ius causae effectus, non spectant ad
Geometriam, sed ad Chyrurgiam. Ter-
tio differunt in modo considerandi, quia
subalternans considerat aliquod subiectum
absolute, ut Geometria lineam ut sic,
subalternata vero idem subiectum sub ali-
qua passione, ut Perspectiva, quae con-
siderat lineam contractam per visualita-
tem.

Secunda regula: quodcumque sunt duae
scientiae, quarum una subalternatur alteri
secundum aliquam sui partem, illa quod ad
illam partem dicit, quia, & altera cui sub-
alternatur, propter quid, & ratio est, quia
sicut se habet totum ad totum, ita pars ad
partem, sed subalternata secundum se to-
tam dicit quia, & subalternans propter
quid, ergo etiam subalternata secundum par-
tem erit quia, & subalternans erit propter
quid.

Tertia regula, si sint duae scientiae qua-
rum una subalternetur alteri secundum ali-
quam conclusionem, ut patet de Chyrurgia,
quae subalternatur Geometriae tantum se-
cundum illam conclusionem. Vulnera circula-
ria tardius sanantur, talis subalternata
quod ad illam conclusionem erit, quia, &
subalternans quod ad eandem erit propter
quid, ob eandem rationem iam dictam,
quod sicut se habet totum ad totum, ita pars
ad partem, sed quod ad illam conclusionem.

Chyrurgia subalternatur Geometriae;

igitur quod ad illam eandem, haec

dicit propter quid, & illa

tantum quia, & haec

de textu, & de

secundo

Tractatu huius primi

libri.

*Utrum Diuisio Demonstrationis in Demon-
strationem propter quid, & quia,
sit conueniens, &
qualis.*

QVÆSTIO XIV.

Circa primam partem huius quæstionis
est controuersia inter Philosophos, tū
antiquos, tum modernos, siquidem aliqui de
medio tollunt demonstrationem quia, negantq;
esse veram demonstrationis speciem.
Ita ex Antiquis Auic. Alexand. Themistius,
& simplicius, & ex Recent. Complut. disp. 8.
q. 4. Masius hic cap. 10. sect. 1. q. 1. Conimbr.
q. 1. quos Masius refert hic disp. 12. q. 2. sub
num. 10.

Alij admittunt demonstrationem quia, &
propter quid, ceterum his duabus non con-
tenti, tertia asserunt utramque complecten-
tem, & vocant demonstrationem potissi-
mam. Ita Auerroes 1. Post. com. 95. & 96. Zi-
mar. Theor. 3. Balduin. q. De Regressu De-
monstrationis, Petrell. Disp. 6. cap. 7. & alij ex
Modernis non pauci.

Alij tandem media incedentes via ad-
struunt tantum duas demonstrationis spe-
cies, scilicet propter quid, & quia, unde di-
cunt diuisionem illam assignatam ab Aristote-
le in textu huius cap. 10. esse conuenien-
tem. Ita Scotus in quod. 7. sub. A. & secundo
Post. q. 55. Ruuius hic q. 10. & alij Recen-
tiores, quos refert, & sequitur Masius, hic
disp. 12. q. 2. n. 11.

Circa secundam partem etiam litigant
Doctores quandoquidem aliqui relati à Ru-
uio loco cit. sub n. 9. censent hanc diuisionem
esse analogi in sua analogata quandoquidem
inquiunt, diffinitionem Demonstrationis
positam ab Aristotele cap. 2. conuenire prius
demonstrationi propter quid, & postea ei,
quæ dicitur demonstratio quia.

Alij autem melius rem considerantes di-
cunt huiusmodi diuisionem esse vniu-
cam, ut potè generis in species. Ita
colligitur à Scoto loco primo citato,
quem sequuntur omnes Scotistæ, &
ex alienis Dominicus de Flandria in
primum lib. de Anima quæst. 29. art. 3. So-
tus,

rus, & Toletus hic c. 10. & alij, quos recenset, & sequitur Ruuius citatus sub n. 11.

Quid autem dicendum sit nobis circa vtramque difficultatem in conclusionibus nostram aperiemus sententiam.

Pro cuius declaratione, ac fundamento primo notandum est ex Aristotele, primo Post. c. 2. Demonstrationem diffiniri duplici diffinitione, altera per causam finalem, idest in ordine ad sciens, quod principaliter intendit, dum dicit Demonstratio est syllogismus faciens sciens, siue à priori, cum nimirum per causam proximam demonstramus effectum de aliquo subiecto; siue à posteriori, cum per effectum demonstratur causa, & sic comprehendit vtramque demonstrationem, & propter quid, per quam gignitur scientia à priori, & quia, quæ acquiritur scientia à posteriori: Altera verò diffinitione notificatur demonstratio per causam materiale, cum dicitur Demonstratio est syllogismus constans ex veris, primis, & immediatis, prioribus, notioribus, causisque conclusionis, quæ particulæ possunt dupliciter accipi, vel in se, quod ad naturam, & modum essendi, vel quod ad nos, & modum cognoscendi: si primo modo accipiuntur diffinitio tantum conuenit demonstrationi propter quid, & potissima, vt aliis dictum est; si verò sumantur Secundo modo, etiam demonstrationi quia, competere potest, siquidem ea quæ sunt causæ in se, & quod ad naturam, eundem effectus in cognitione quod ad nos, quæ ortum habet à sensu; & è conuerso quæ sunt effectus in demonstratione propter quid, sunt causæ quod ad nos in demonstratione quia, cum procedat vt plurimum à notioribus nobis ad notiora in se, & secundum naturam. Exemplo comprobatur in hac demonstratione: omne animal rationale est risibile; omnis homo est animal rationale; ergo omnis homo est risibilis, in qua per animal rationale, quod est causa prior, immediata, & in se notior, demonstratur risibilitas de homine, tamquam eius effectus immediatus demonstratione propter quid; & è conuerso, in hac demonstratione, quia, omne risibile est animal rationale, omnis homo est risibilis: ergo omnis homo est animal rationale, in qua per esse risibile, quod est effectus animalis rationalis, tanquam per causam nobis notam priorem, & notioerem quod ad nos, animal rationali, demonstratur ipsum animal ratio-

nale de eodem homine à posteriori, ex quibus manifeste patet per eandem diffinitionem demonstrationem vt sic, aliter, & aliter acceptam, notificari vtramque demonstrationem, & quia, & propter quid.

Secundo notandum, est ex dictis in Expositione textus, & ex Scoto in quol. 7. sub lit. A. Demonstrationum, aliam esse per causam, & à priori, vocaturque propter quid, & aliam per effectum, & à posteriori appellaturque demonstratio quia. Prior est duplex, iuxta duplicem causam, scilicet per causam proximam, & immediatam, conuertibilemque cum suo effectui, vt omne animal rationale est risibile, omnis homo est animal rationale; ergo omnis homo est risibilis, aliorum per causam remotam, & inadequatam, quæ cum suo effectui conuerti nequit, vt si quis velit demonstrare Parietem non esse risibilem, quia non est animal, sic syllogizando negatiue in secunda figura, omne risibile est animal, sed paries non est animal; ergo non est risibilis. Posterior adhuc est duplex, altera, cum per effectum proximum, & conuertibilem demonstratur existentia causæ, proximæ, & immediatæ, altera verò quando per effectum remotum demonstratur eius causa. Exemplum prioris, vt omne risibile est animal rationale, omnis homo est risibilis: ergo omnis homo est animal rationale. Exemplum posterioris; omne risibile est animal, omnis homo est risibilis: ergo omnis homo est animal; animal enim est causa remota, & inadequata risibilitatis, & tamen demonstratur de homine per risibilitatem, tamquam per effectum remotum, & non conuertibilem. Demonstratio propter quid procedens per causam proximam, immediatam, & adequatam, conuertibilem cum suo effectui appellatur potissima, & per ipsam habetur scientia simpliciter, at demonstratio per causam remotam, & inadequatam, in ratione causæ consideratur, est vtique propter quid, sed non potissima, cum per ipsam non habeatur scientia simpliciter, sed tantum secundum quid, similiter demonstratione, quæ fit per effectum adequatum, proximum, & conuertibilem cum sua causa, erit quia simpliciter, quia per ipsam habetur vera scientia de causa à posteriori; illa verò, quæ fit per effectum remotum, & non conuertibilem cum sua causa remota, erit quia secundum quid; cum per ipsam non acqui-

ratur vera, & ad æquata scientia de sua causa. Ex his inferitur, quod cum inter causam, & effectum, proportionaliter funtendo utruinque; nullum datur medium, consequenter, nec inter demonstrationem propter quid, & quia, in sua similitudine acceptas, nulla erit demonstratio media, & sic tantum erunt duo genera demonstrationum, ut optime demonstrat Scotus loco proxime citato.

Tertio notandum est, demonstrationem, quia, in sua latitudine consideratam posse fieri quadrupliciter, primo modo cum per effectum, siue conuertibilem, siue non, demonstratur respectus eius causa, ut exemplificauimus in precedenti Not. secundo modo cum effectus posterior demonstrat priorem, de sua causa, vel e conuerso, & sic per veritatem demonstratur unitas de cruce, & e conuerso. Tertio modo cum per notiora quod ad nos demonstrantur ignota secundum naturam, quamuis non se habeant ut causa, & effectus, & sic de cognoscibilibus per experientiam habemus notitiam, & per hanc demonstramus eorum causas, quæ prius ignorabantur, ut docet Scotus in primo d. 3. q. 4. 5. De cognoscibilibus autem, & in quol. 7. loco citato, ex Aristotele primo Post. cap. 14. 16. & 2. Post. cap. vltimo, & in Proterio lib. Meth. hanc eam via primi Philosophi adinuenerunt scientias, & reliquas facultates. Quarto modo quando per negationem alicuius effectus deuenimus in cognitionem negationis eiusdem cause, & hoc pacto dixit Anaxarchis Philosophus in Scythia non adesse saltatrices, & Sibilatores, quia earent vino, & vitibus, ex his omnibus modis consiendi demonstrationem, quia, patet esse membrum contradiuisionem a demonstratione propter quid, quæ non per effectus ad causas, sed per causas ad cognitionem effectuum tantum procedit.

Quarto notanda, ac memorie recolenda sunt ea omnia, quæ de Diuisionibus in communi diximus in Summis Tract. 1. sect. 3. cap. 3. in Antepredicamentis, & præsertim, quæ nam sit diuisio vniuoca, & æquiuoca, & an compatiantur secum diuisionem analogam, quia de his omnibus est sermo in præterita questione.

Ex his sit prima Conclusio. Diuisio Demonstrationis in propter quid, & quia, est sufficienter assignata, nec admittenda est

tertia demonstratio ab illis distincta. Est Scoti in quol. 7. sub A. contra Auertroem, & Sectatores. Probatur primo ex Aristotele pluribus in locis suæ doctrinæ, in quibus diuidit scientiam in propter quid, & quia, ergo, & demonstrationis diuisio erit sufficiens in propter quid, & quia, Consequentia patet quia demonstratio est syllogismus faciens scire, vel per causam, & a priori, & sic est propter quid, vel per effectum & a posteriori, & sic erit, quia. Secundo probatur ratione Scoti in præcitato loco, quia omnis demonstratio, vel est per causam, vel per effectum; ergo omnis demonstratio, vel est propter quid, vel quia. Consequentia patet ex dictis in secundo Not. Antecedens probatur quia omne necessarium verum, non euidens ex terminis, & habens necessarium, & euidens connexionem ad aliud euidens ex terminis, potest per illud demonstrari, sed aliquod verum necessarium non euidens ex terminis habet connexionem necessariam ad aliquod verum acceptum a causa, & aliquod ad verum acceptum ab effectu: ergo omnis demonstratio, vel est per causam, vel per effectum. Maior patet, quia omne tale, cum non sit euidens ex terminis, est demonstrabile. Minor similiter, quia non minore connexionem habet effectus cum causa, quam e conuerso causa cum effectu; ergo aliquod verum sumendum est ab euidens causa, & aliud ab euidens effectus. Secunda Pars probatur, quia inter causam, & effectum non datur medium; sed demonstratio propter quid est a causa, & demonstratio quia est ab effectu: ergo inter has demonstrationes nulla dantur media, quæ non sit alterutra illarum.

Secunda Conclusio. Demonstratio propter quid, non tantum complectitur demonstrationem a causa proxima, & immediata, sed etiam a causa remota, & inadæquata. Colligitur ex Scoto in quol. 7. quem sequitur est Ruvius hic q. 1. per totam. Prima Pars communiter tenetur ab omnibus. Secunda verò controuertitur propter verba Aristotelis hic cap. 12. ubi diuidit Demonstrationem per causam immediatam, & non immediatam, priorem vocat propter quid, posteriorem verò quia, seu quod est. Nihilominus tamen probatur a Ruuio, primo testimonio Aristotelis primo Post. cap. 2. ubi agens de demonstratione inquit demonstratione pro-

pro-

propter quid procedere non tantum ex primis, sed etiam ex his, quæ reducuntur ad prima, tunc enim per demonstrationem propter quid perfectè aliquid scimus, cum nouimus illud reducere vsque ad immediatam, & hæc in elementa, sed etiam causa remota reduci potest ad proximam, & immediatam; ergo scientia, & demonstratio, quæ erit per causam remotam, erit propter quid, & non quia. Secundo probatur ratione, quia omnis demonstratio, quæ procedit ex prioribus; & notioribus secundum naturam est propter quid ex Aristotele in primo Post. cap. 2. sed etiam, etiam remota, est prior, & notior suo effectu, secundum naturam, cum sit vniuersalior, & à sensibus remotior; ergo demonstratio procedens à causa remota est propter quid. Tercio sic, quia omnis demonstratio procedens ab effectu proximo, vel remoto est quia, secundum Aristotelem hoc cap. 10. ergo quæ procedit à causa proxima, vel remota erit propter quid. Consequentia patet, quia omnis demonstratio vel est per causam, vel per effectum, sed quæ est per effectum est quia; ergo quæ est per causam, quæcumque illa sit, erit propter quid.

Tertia Conclusio. Demonstratio, quia, est vera demonstratio. Est Scoti loco citato ex Aristotele in primo Post. cap. 3. 6. & 10. contra primam opinionem positam in principio huius questionis. Probatur, quia scientia, quia, & à posteriori est vera scientia, licet nō in tanto rigore, sicut illa à priori, ergo, & demonstratio quia erit vera demonstratio, quamuis non ita perfectæ, sicut illa propter quid. Antecedens est Aristotelis primo Post. cap. 2. vbi dicit scientiam propter quid esse certiore in scientia quia: ergo secundum ipsum scientia quia, est vera scientia, licet nō ita perfectæ, sicut illa propter quid. Consequentia patet, quia Demonstratio est syllogismus faciens scire, sed scire quia, est per demonstrationem quia: ergo demonstratio quia est vera demonstratio. Secundo sic diffinitiones demonstrationis in communi competunt etiam demonstrationi quia: ergo est vera demonstratio. Consequentia patet, per locum à diffinitione ad diffinitum. Antecedens patet, ex dictis in primo Not. siquidem primæ diffinitioni, quæ est data per causam finalem, si ad illud scire addatur hæc differentia à posteriori, erit diffinitio demonstrationis quia, sicut eidem addendo, alteram par-

ticulam, seu differentiam à priori, competet demonstrationi propter quid. Similiter in secunda diffinitione si prima vera immediata, priora & notiora accipiantur in se, & secundum naturam confluant diffinitionem demonstrationis propter quid; si vero sumantur quò ad nos confluant diffinitionem inaterialem demonstrationis quia; siquidem, quæ prius erant causæ in se, & in demonstratione propter quid, euadunt causæ quò ad nos in demonstratione quia.

Quarta Conclusio. Diuisio demonstrationis in propter quid, & quia, est vniuoca analogæ, vt potè generis in species. Est Scoti in præcitato loco, & aliorum, quos citauimus in vltima sententia. Probatur, quia diffinitiones demonstrationis in communi datæ ab Aristotele cap. 2. conueniunt vtrique demonstrationi propter quid, & quia, modo explicatæ in præcedenti conclusionem, & in primo notabili; ergo, & demonstratio, quæ est diffinita, & in illas diuisa erit vniuoca, conuenientia patet per diffinitionem vniuocorum. Secunda demonstrationes propter quid, & quia sunt duæ species syllogismi demonstratiui, siquidem differunt specificè, quia hæc est per effectum, & à posteriori, & per notiora quò ad nos, illa vero per causam, à priori, & notiora in se, seu secundum naturam: ergo vniuoquantur in demonstratione in communi, sicut species in suo genere subalterno. Tercio quod sit diuisio etiam analogæ, quia diffinitiones demonstrationis conueniunt primo demonstrationi propter quid, vt potè perfectiori, & præstantiori, & postea demonstrationi quia, tuncquam imperfectiori: ergo huiusmodi diuisio est vniuoca analogi in sua vniuocata analogata. Consequentia patet, per diffinitionem vniuoci analogi. Antecedens etiam est notum, quia causa in se nota est præstantior suo effectu, siuuliter priora; & notiora nature sunt perfectiora, & præstantiora illis, quæ sunt priora, & notiora tantum quò ad nos; ergo cum demonstratio propter quid procedat à causa, & à prioribus, & notioribus in se, perfectius participabit diffinitiones demonstrationis in se, quam demonstratio quia, quæ procedit ab effectu, & à prioribus, & notioribus quò ad nos.

Obijcies primo, contra primam conclusionem probando dari aliam demonstratio-

nem, quæ non fit propter quid, nec quia, datur demonstratio, quæ facit scire propter quid, & quia simul: ergo erit distincta ab illis seorsum sumptis, consequentia patet. Antecedens probatur per Aristotelem in primo Post. cap. 23. ubi inquit scientiam, quæ scimus propter quid, & quia simul, esse certiorē, & præstantiorē ea, quæ tantum alterum illorum noscimus, sed omnis scientia est effectus demonstrationis: ergo datur demonstratio per quam habemus illam perfectissimam scientiam, prout distinguitur à propter quid, & quia.

Respondetur negando antecedens, ad probationem dico Aristotelem ibi non velle constituere tertium genus demonstrationis ab illis distinctum, sed solum scientiam, quæ habetur per demonstrationem propter quid & quia, tamquam per duo instrumenta sciendi, esse certiorē, quam si per alteram tantum habeatur, quid, & nos libenter concedimus; cum in tali casu tollatur omnis ambiguitas, quæ per quæstionem si est, vel quid est, suboriri posset.

Obijcies secundo, quia datur demonstratio per causam immediatam, quæ non est quia, nec propter quid: ergo datur tertium genus demonstrationis ab illis distinctum. Antecedens probatur, non est quia, cum hæc sit ab effectu, & non per causam; nec propter quid, quia in demonstratione propter quid, debet non tantum poni causa, sed etiam quoniam illius est causa, ut patet per definitionem scire supra cap. 2. sed in tali demonstratione ponitur solum causa immediata, absque illo termino causali, ut patet in hac: omne animal rationale est risibile, omnis homo est animal rationale: ergo omnis homo est risibilis.

Respondetur negando antecedens, ad probationem dico esse propter quid, & cum probatur, quia in illa non ponitur terminus causalis, & quoniam illius est causa, dico in omni causa immediata poni implicite, & virtualiter, terminum causalem respectu sui effectus, nec esse necesse illum exprimere absque nugatione; siquidem entitas causæ est sibi ratio formalis, quare talem effectum, & non alium producere possit, ac debeat.

Obijcies tertio, contra secundam conclusionem, quia Aristoteles in hoc cap. 10. ponens differentiam in eadem scientia inter

demonstrationem propter quid, & quia, diversis verbis, dicit illam, quæ est per causam remotam, non esse propter quid, sed tantum quia: ergo conclusio non est sustinenda, cum sit contra Aristotelem. Antecedens ostenditur ex eius verbis, quæ sunt sequentia: In quibus autem media non convertuntur, & est notius, quod non est causa, quia monstratur, sed propter quid, non: at certum est ibi loqui de causa remota, quæ sumitur pro medio non convertibili cum suo effectu: ergo demonstratio à causa remota secundum Aristotelem est quia, & non propter quid.

Respondetur antecedens, cum sua probatione, habere veritatem comparative ad demonstrationem propter quid potissimam, & strictissime sumptam, quæ exigit tantum procedere per causam proximam, immediatam, & convertibilem cum suo effectu, unde cum demonstratio per causam remotam non habeat has condiciones, merito illam excludit à genere demonstrationis propter quid in toto rigore sumptæ; nec inde sequitur non esse propter quid largè acceptum, cum procedat per causam, & à priori, quod est minus præcipuum demonstrationis propter quid, & non quia. Nec ex eo, quod eam collocet sub genere demonstrationis quia, operatur, quod non sit propter quid largè considerata, siquidem, cum has demonstrationes distinxerit in ordine ad causam immediatam, & non immediatam, & sub immediata reposuerit demonstrationem propter quid, & quia sub non immediata, consequenter debebat dicere demonstrationem per causam remotam, cum non sit per immediatam, & convertibilem cum effectu, fore quia, & non propter quid strictissime sumptam; cum hoc tamen fiat, ut sit propter quid largè sumpta, cum sit per causam, & à priori, quod sibi soli, & non demonstrationi quia convenit.

Obijcies quarto, contra tertiam conclusionem ex Aristotele diversis in locis, in quibus demonstrationes, quia excludere videtur à vera ratione demonstrationis, tum quia cap. 2. primi Posteriorum inquit, quod scire, quod est demonstrationis effectus, est reus per causam cognoscere; ergo cum demonstratio quia non procedat per causam, consequenter non facit scire, & sic sequitur non esse veram demonstrationem: tum
se-

res, & sic sequitur non esse veram demonstrationem: tum secundo quia cap. 3. comparat illam ad inductionem, quæ nullo pacto est demonstratio: tum tertio, quia in lib. 1. Topicorum cap. 1. assignans diffinitionem syllogismi demonstratiui, vt contra d'istinguitur à Topicis, inquit, procedere ex veris, & primis, aut ex talibus, quæ per aliqua prima, & vera, eius quæ circa ipsa est, cognitionis principium sumpserunt, atqui certum est has particulas non posse conuenire demonstrationi quia: ergo non est verus syllogismus demonstratiuus, vt distinguitur contra topicum.

Respondetur. Negando antecedens, ad primam probationem, dico antecedens esse verum de scire à priori, & strictè sumpto, non tamen de scire à posteriori, & non in tanto rigore accepto, quia sic etiam demonstratio quia, facit scire, vt etiam inferiùs melius demonstrabitur.

Ad secundum respondet Scotus in tertio sent. d. 24. q. vn. sub k. quòd inductio sumitur, vel prout est vna species argumentationis, quæ procedit à singularibus ad vniuersale, vel pro omni cognitione, quæ ortum habet à sensu; primo modo demonstratio, quia non est inductio, quia talis non facit scire, cum versetur circa singularia, at secundo modo potest appellari inductio, quia cum procedat ex notioribus nobis ad notiora naturæ, & consequenter ortum habeat à sensu, potest per sensum cognoscere singularia, & ex illis inducere propositiones necessarias, in quibus effectus sit subiectum, & prædicatum causa, & ex illis conficere demonstrationes ad ostendendam connexionem diffinitionis, cum distincto, vel cause de subiecto, vt patet in hac propositione cognita per sensum omne risibile est animal rationale, per quam possumus demonstrare animal rationale de homine, ex eo, quod etiam per sensum cognoscimus omnem hominem esse risibilem, & hoc modo inductio facit scire, sicut, & demonstratio quia, à posteriori.

Ad tertium dico diffinitionem illam, si accipiat in se, & quo ad esse, conuenire tantum demonstrationi propter quid, at si sumatur de cognitione necessaria quo ad nos, posse competere etiam demonstrationi quia, vt dictum est notabili primo, & in probatione tertiæ conclusionis.

Dices contra responsonem ad secundum per demonstrationem quia, non possunt cognosci propositiones necessariae: ergo nec per illas demonstrare diffinitionem de distincto, vel passionem de subiecto: consequentia patet; antecedens probatur, quia hæc propositio omne risibile est animal rationale, non potest cognosci nisi cognoscatur vno risibile cum rationali; sed hæc nequit cognosci, nisi sciatur esse causa risibilitatis; vel ergo talis propositio erit incognita à posteriori, vel rationale in ratione cause cognoscetur antequam probetur per hanc demonstrationem omne risibile est animal rationale; omnis homo est risibilis: ergo omnis homo est animal rationale. Consequentia probatur, quia in tantum cognoscimus animal rationale coniungi posse cum risibili, in quantum scimus, hominem qui est animal rationale, esse risibilem, sed hominem esse risibilem cognoscimus ante demonstrationem: ergo, & risibile esse animal rationale, sed hoc est falsum, quia in demonstratione esset petitio principij, & idem probaretur per idem, similiter notum per æquè notum, & non ignotum per notum, sicut fit in demonstrationibus.

Respondetur. Negando antecedens, ad probationem nego minorem siquidem potest cognosci via sensus, & per intellectum postea, conceptu confuso, omne risibile esse animal rationale, & hoc sufficit, vt possit esse medium ad demonstrandum animal rationale de homine, per coniunctionem risibilis cum homine, quod pariter via sensus potest cognosci per inductionem omnium singularium, & exinde inferre propositionem vniuersalem necessariam, ergo omnis homo est risibilis, quæ denique coniuncta in demonstratione, quia cum altera, scilicet omne risibile est animal rationale, demonstrabitur ambæ, animal rationale in esse homini, per esse risibile. Nec inde sequitur cognosci animal rationale coniungi cum risibili in ratione cause, cum hoc habeatur tantum propter quid ex cognitione terminum distincta. Vel dicendum etiam posse cognosci in ratione cause, quo ad nos, & à posteriori; nec inde sequeretur petitio principij, quia per ipsum non probaretur connectio cause cum suo effectui, sed tantum cum subiecto, nimirum hominem esse animal rationale, per demonstrationem quia,

licet sit per se notum ex terminis in processu propter quid.

Obijcies quinto, contra quartam conclusionem si demonstratio quia, & propter quid essent duæ species demonstrationis specificè inter se distinctæ: ergo etiam scientia propter quid, & scientia quia essent inter se specificè distinctæ: sed hoc est falsum: ergo, & illud vnde sequitur, sequela maioris probatur, quia quales sunt causæ, tales debent esse effectus earum: ergo si huiusmodi demonstrationes sint specificè distinctæ, & sunt communes scientiarum propter quid, & quia etiam ipsæ scientiæ erunt inter se specificè distinctæ. Minor probatur, quia scientiæ distinguuntur per objecta, sed demonstratio propter quid, & quia possunt esse de eodem objecto; ergo & scientiæ, & sic non distinguuntur sed erunt eadem specie.

Respondetur, sequelam maioris esse veram, si per scientiam intelligatur assensus conclusionis, siquidem cum alia sint principia in demonstratione quia, & propter quid, & assensus conclusionis erunt alij, & alij, & tunc negatur minor, ad cuius probationem dico minorem esse veram de objecto materiali, non tamen de eodem formali, idest de eisdem principiis, quia diuersæ demonstrationes, cum habeant diuersa media, sic erunt de objectis diuersis, & consequenter erunt, & assensus conclusionum diuersi. Quomo-

do autem eadem scientia habitualis possit esse simul cum alia de eadem re vel cum opinione, aut fide videbimus in fine huius primi libri.

Obijcies sexto, Demonstratio quia non est simpliciter demonstratio, sed tantum secundum quid: ergo non conuenit vniocè cum demonstratione propter quid, verum solum æquiuocè. Consequentia patet, quia esse simpliciter, & secundum quid non vniuocantur, vt aliàs probatum est: ergo nec demonstratio simpliciter, & secundum quid; Antecedens probatur, quia per demonstrationem quia demonstrantur causæ, & principia nota ex terminis, sed hæc non sciuntur per habitum scientiæ ex Aristotele secundo Post. c. vi. ergo scientia per demonstrationem quia non est scientia simpliciter, sed secundum quid tantum.

Respondetur negando antecedens, ad probationem dico minorem esse veram à priori, quia sic notificantur ex terminis, prout sunt earum, & huiusmodi notitia appellatur intellectus ab Aristotele citato, & non scientia, cum hoc tamen stat vt à posteriori possint demonstrari, & sic de illis erit scientia quia, quæ tamen est vera scientia, cum sit notitia certa, & euidentis ex præmissis necessarijs in conclusione expressa, vt clariùs inferiùs demonstrabitur.

DE QUALITATE, ET QUANTITATE Demonstrationis, ac de eiusdem processu.

TRACTATUS III.



Xpeditis in superioribus Tractatibus ijs, quæ pertinent ad principia, tum materialia, tum formalia Demonstrationis, modo in presenti intendit pertractare de figura, forma, ac processu eiusdem, & diuiditur in nouem Capitula, in quorum primo agit de syllogismo aggenerante scientiam, & in qua figura fieri debeat, in secundo de syllogismo aggenerante ignorantiam in tertio de syllogismo imperitiæ eorum quæ insunt immediatè, in quarto de necessitate sensus ad cognitionem obiectorum sensibilium habendam: in quinto de terminis demonstrationis, in sexto, quod extremitates non sint infinitæ in septimo de reductione pro-

propositionum mediarum negatarum ad immediatas: in octavo de medijs propositionis affirmativa, & in nono de reductione harum propositionum mediarum ad immediatas.

De Syllogismo generante scientiam, & in qua figura fieri debeat.

CAPVT XI.

Istud Capitulum in duas secatur partes, in quarum prima ostendit in qua figura fieri debeat syllogismus faciens scire, & incipit ibi figura autem faciens scire maxime, &c. in secunda verò ponit quasdam regulas ad cognoscendas propositiones medias, & immediatas, & incipit ibi sicut autem A esse in B. contingit &c.

Quò ad primam partem ponit hanc conclusionem syllogismus faciens scire maxime, fit in prima figura, & probat illam quadrupliciter, & primo, quia prima figura vtuntur scientia certissima in suis demonstrationibus, scilicet Geometria, Arithmetica, Musica, & Astrologica, vt superius visum est: ergo prima figura est maxime accommodata ad syllogismum facientem scire maxime. Secundo sic illa figura, in qua vel semper, vel frequenter fiunt demonstrationes propter quid facit maxime scire, siquidem demonstratio propter quid, facit scire simpliciter, vt predictum est, sed in prima figura fiunt, vel semper, vel saltem frequenter demonstrationes propter quid, cum in ipsa concludatur vniuersaliter, vt patet in primo, & secundo modo eiusdem, ceterum demonstrationes propter quid constant ex vniuersalibus, vt probatum est superius: ergo, & c. tertio sic illa figura facit magis scire, in qua demonstratur diffinitio de diffinito, sed prima figura est huiusmodi: ergo, &c. Maior patet, quia diffinitio est instrumentum sciendi aliquid de diffinito, vt videbimus in secundo Poster. Minor probatur, quia diffinitio est affirmativa, & vniuersalis, quia competit omnibus contentis sub diffinito, sed solum in prima figura concluditur vniuersaliter, et affirmatiue, siquidem in secunda conclusio est semper negatiua, et in tertia conclusio, quamuis sit af-

firmatiua est tamen particularis, at in prima figura, vt patet in primo modo concluditur vniuersaliter affirmatiue. Quarto tamè probat conclusionem, quia prima figura ostendit euidenciam conclusionum quò ad quatuor primos modos, vnde ceteri modi eiusdem primæ et aliarum figurarum, vt sint euidenciores reducuntur ad illos, vt vidimus in Summul. Tract. 3. sect. 1. c. 8. ergo prima figura facit maxime scire, consequentia patet, quia euidencia est scientia cõditio necessaria, vt alias probatum est; ergo quò maior est euidencia, eò maior est scientia, cum igitur in prima figura sit maxima euidencia, in ipsa, et per ipsam erit maxime scientia.

Quò ad secundam partem diuidit Phylsophus propositiones negatiuas in immediatas, et immediatas, sicut fecit superius affirmatiuas, pro quarum cognitione statuit duas regulas.

Prima regula: omnes propositiones negatiue, quæ sunt de terminis habentibus superiora, sunt mediata: Hæ autem in triplici sunt differentia, quedam enim dicuntur mediata ratione predicati, quia nimirum predicata illarum continentur sub aliquo superiori per quod possunt demonstrari, vt nulla substantia est albedo, quæ sic probatur arguendo in secunda figura, omnis albedo est qualitas, nulla substantia est qualitas: ergo nulla substantia est albedo: Quedam enim dicuntur mediata ratione subiecti, quia sunt de subiectis habentibus superiora, per quæ possunt demonstrari, vt nullum animal est quantitas, sic demonstratur arguendo in Celarent, nulla substantia est quantitas, omne animal est substantia: ergo nullum animal est quantitas. Quedam tandem sunt mediata ratione vtriusque, quia videlicet, sunt de subiectis; et predicatis habentibus superiora per quæ probari possint, vt nullus homo est linea, quæ probari potest duobus argumentis altero cõfecto in Celarent sic, nulla substantia est linea omnis homo est substantia: ergo nullus

homo est linea; altero verò in Camestres sic omnis linea est quantitas, nullus homo est quantitas: ergo nullus homo est linea.

Secunda regula. Quaelibet propositio vniuersalis negativa, cuius subiectum, vel predicatum non continetur sub aliquo superiori est immediata, ut hæc, nulla substantia est quantitas, siquidem substantia, & quantitas, cum sint duo generalissima, non habent superiora per quæ probari possint; si enim possent demonstrari, vel posse fieri in prima aut secunda figura tantum, (quandoquidem tertia cum non concludat vniuersaliter, non poterit illam demonstrare) sed in neutra possunt demonstrari: ergo conficiunt propositionem immediatam negatiuam. Minor probatur, quia tam in prima, quam in secunda figura est aliqua propositio affirmatiua in qua superius affirmatur de superiori, sed de substantia, & quantitate nullum superius vniuersaliter affirmari potest, cum superioribus careant: ergo in neutra figura posset illa propositio demonstrari, & sic restat, ut sit immediata.

Ex hac secunda Regula inseri Philosophus illud commune axioma, omnia predicamenta secundum totas suas coordinationes esse realiter impermixta, siquidem cum suprema coordinationum constituentur propositiones vniuersales negatiuas, & propositio vniuersalis habeat verificari per omnes particulares, consequenter dicendum nihil vnius coordinari permisceri posse cum aliquo alterius coordinationis, sed remanere secundum se totas realiter impermixtas.

De Syllogismo generante ignorantiam.

C A P V T XII. & XIII.

Postquam enim Philosophus egit de syllogismo faciente scire, necessarium fuit, ut de

eodem ignorantiam generante ageret, siquidem opposita iuxta se posita, magis elucescunt, & errores facilius cauentur, cum in conspectu veritatis collocantur. Diuiditur autem præsens Capitulum in duas partes, in quarum prima pertrahatur de ignorantia prauæ dispositionis, & in secunda de ignorantia simplicis negationis.

Quo ad primam partem recenset quædam diuisiones, quarum prima est ignorantia est duplex, scilicet simplicis negationis, & prauæ dispositionis; Prior importat negationem scientiæ, & dicitur pura nescientiæ, ut accidit in rusticis, vel in cæco à natiuitate respectu colorum. Posterior verò est notitia causata per falsa principia, vel per vera, male tamen intellecta, est ignorantia hæreticorum respectu huius propositionis: Filius est minor Patre, quam habent ex his principiis, Pater maior me est, inquit Christus, sed Christus est filius Dei Patris: ergo filius Dei Patris est minor Patre, quod vtique est verum quò ad humanitatem, & falsum quò ad diuinitatem, ceterum, quia ipsi intelligunt esse minorem, etiam quò ad diuinitatem, propterea habent ignorantiam prauæ dispositionis.

Secunda Diuisio. Ignorantia prauæ dispositionis adhuc est duplex, quedam est circa propositiones immediatas, idest circa principia, quedam verò circa medietates, ut sunt conclusiones. Ignorantia primo modo accidit cum quis credit opposita principiorum esse vera, ut totum non esse maius sua parte, vel lineas parallelas conuenire, aut contradictoria verificari posse de eodem simul, & semel. Ignorantia secundo modo euenit cum quis putat opposita conclusionum demonstrabilium esse vera, ut triangulum non habere tres angulos, hominem non esse risibilem, & similia.

Tertia Diuisio. Vtramque ignorantiam, tum circa principia, tum circa conclusiones esse duplicem, scilicet affirmatiuam, secundum quam creditur aliquid esse, quod non est, ut triangulum, habere quatuor angulos,

los, quos tamen non habet, & negati-
nam, dum putatur aliquid non esse, quod
est, ut hominem non esse risibilem, & tamen
est.

Quarta Diuisio. Ignorantia prava dispo-
sitionis, tam affirmatiua, quam negatiua est
duplex, scilicet simplex, & syllogistica. Prior
est falsa notitia de aliqua re sine argumen-
tatione parta, ut cum quis credit equum es-
se ridibilem, & non hinnibilem per solam
auctoritatem dicentis. Posterior vero, est
qua habetur vi argumentationis per fal-
sum syllogismum, ut si quis ignoraret homi-
nem esse risibilem, vi huius syllogismi, nul-
lum animal rationale est risibile, omnis ho-
mo est animal rationale: ergo nullus homo
est risibilis.

Quò ad secundum in hac prima parte
Phylosophus prosequens declarationem igno-
rantie prave dispositionis ponit quatuor
conclusiones quarum prima est, quod propo-
sitiu vniuersalis affirmatiua falsa, est syl-
logizabilis si sit immediata tantum in prima
figura, ut ista: omnis substantia est qualitas,
est syllogizabilis per duas falsas, ut omnis
quantitas est qualitas, omnis substantia est
quantitas: ergo omnis substantia est quali-
tas.

Secunda Conclusio. Propositiu vniuersa-
lis negatiua falsa est syllogizabilis tam in
prima, quam in secunda figura, ut ista, nul-
lum corpus naturale est substantia, sic pro-
batur in prima. Nulla quantitas est substan-
tia, omne corpus naturale est quantitas: er-
go nullum corpus naturale est substantia.
In secunda verò sic nulla substantia est qua-
litas, omne corpus naturale est qualitas:
ergo nullum corpus naturale est substan-
tia.

Tertia Conclusio. Propositiu vniuersalis
negatiua mediata est syllogizabilis, tam in
prima, quam in secunda figura si est falsa, ut
ista nullus homo est substantia, syllogizatur
in prima sic, nulla qualitas est substantia,
omnis homo est qualitas: ergo nullus homo
est substantia. In secunda verò sic: Nulla
substantia est qualitas, omnis homo est

qualitas: ergo nullus homo est substan-
tia.

Quarta Conclusio. Propositiu vniuersalis
affirmatiua mediata falsa est syllogizabilis
tantum in prima figura, qua concludit vni-
uersaliter affirmatiue, ut ista, omnis homo est
albedo sic probatur, omnis substantia est al-
bedo, omnis homo est substantia: ergo omnis
homo est albedo.

Pro declaratione harum quatuor Conclu-
sionum ponit Phylosophus decem, & septem
Regulas, quas consultò omittimus, tum quia
regulant propositiones falsas in modo, &
figura, tum etiam, quia sufficienter possunt
haberi illarum falsitates ex Regulis, quas
pro vera syllogizatione dedimus in Sum-
mulis Tractat. 3. tum denique quia sine il-
lis aperte deprehenditur falsitas propositio-
num regulabilium in modo, & figura, & non
est necesse amplius docere ignorantiam, cum
nostrum sit querere scientiam per veras de-
monstrationes.

Quoad secundam partem huius capituli
Phylosophus peragit de ignorantia simpli-
cis negationis, non quidem inuestigando
unde pronetias, cum certum sit à sola natu-
ra promerire, sed docendo cur multoties non
repellatur, sed quia de hac in nouissi-
mis additionibus, instruitur caput sequens,
ideò remittitur in illud proposita tracta-
tio.

De Necessitate sensuum ad repellendam
ignorantiam simplicis nega-
tionis.

C A P. XIV.

In hoc capite, quod est pars preceden-
tis, Aristoteles Demonstrat necessitatem
sensuum ad repellendam ignorantiam, & ad
inducendam veritatem scientie, & ponit se-
quentem conclusionem: Deficiente in
nobis à naturae aliquo sensu, ne-
cesse

cesse est, ut deficiat scientia, seu notitia de tali obiecto, ut si deficiat à nativitate sensus visus, non poterimus habere scientiam de coloribus, qui à tali sensu percipiuntur, & probat supponendo vnum, nimirum, quod omnis notitia sit in nobis per sensum; vel per intellectum; siquidem omnem obiectum cognoscibile, vel est singulare, vel universale, si primum, percipitur à sensu, si secundum ab intellectu; ceterum, quia profectum isto nihil est in intellectu, quoniam profuerit in sensu, de primo ad ultimum revocanda est nostra cognitio in potentias sensitivas, instantum quod si aliqua harum deficiat, necesse est etiam deficere cognitionem talium sensibilibus. Insuper supponis duplex esse instrumentum sciendi, alterum inductionem, quæ procedit à singularibus ad universale, alterum demonstrationem quæ est de universalibus, ad universalia processus; hæc tamen se habent per ordinem, quod sicut universale non potest esse extra singularia, sic nec cognitio universalium per demonstrationem haberi potest sine inductione, quæ est singularium; non enim intellectus cognoscere potest omnem hominem esse risibilem, nisi prius sensus inducat in singularibus hominibus, dicendo, hic homo est risibilis, iste homo est risibilis, ille homo est risibilis, & sic de alijs, ex quibus potest à inferitur, omnem hominem esse risibilem.

His suppositis probat conclusionem, omnis doctrina, & omnis disciplina, vel habetur per demonstrationem, vel per inductionem, sed demonstratio, & inductio non possunt haberi sine sensu; ergo deficiente sensu, deficit etiam scientia, quæ haberi potest per talem sensum. Minor probatur, primo de inductione, quia sensus est singularium, ut dicit, & probat Philosophus hic, & tertio de Anima, sed inductio nequit haberi sine singularibus, ut patet ex definitione inductionis: ergo nec sine sensu. Secundo probatur de Demonstratione, quia demonstratio est universalium, sed universalia non habentur sine sensu: ergo nec demonstratio. Minor probatur

quia universalia non habentur sine cognitione singularium; sed singularia non habentur sine sensu: ergo nec universalia. Maior patet, quia universalia sunt in singularibus: ergo cognitio universalium nequit haberi sine cognitione singularium. Consequentia patet, ex secundo Metaphysicæ, c. 4. sicut res se habent ad esse, ita ad cognosci: ergo si universalia non sunt sine singularibus, sic nec cognitio universalium sine horum cognitione. Minor probatur, quia si hoc non esset, hoc maxime appareret in Mathematicis, quæ abstrahunt à materia sensibili, secundum rationem saltem, licet non secundum rem; sed hoc non obstante eorum singularia non sunt sine sensu, quia ideo probant lineas parallelas non concurrere, ex eo quod ista, & illa linea parallela non concurrunt; atqui iste, & illa linea parallela subsunt sensibus: ergo & in Mathematicis singularia non sunt sine sensu.

Ex hoc textu habetur illud commune prologium, sensus est singularium, intellectus universalium, quod tamen non est intelligendum præcisè, quia intellectus, cum sit potentia superior, quæ virtualiter continet omnes potentias sensitivas, potest, & ipse cognoscere singularia, ut talia sunt, quamvis non pro statu isto, sed solum ex natura potentia, ut dicemus in primo Physicorum, & tertio de anima.

De Forma, Figura, Quantitate, & Qualitate Demonstrationis.

DISPUTATIO III.

Utrum Diffinitiones, & Regula Propositionum Mediarum, & Immediatarum sint bene, ac sufficienter assignata?

QVÆSTIO I.

Ista questio est tota textualis, ac citra controuersiam exagitari debet, idcirco pro eius intelligentia, præter ea, quæ in expositione textus dicta sunt, aduertenda sunt aliqua, & primo quid, & quoruplex sit propositio, tum mediata, tum immediata. Propositio mediata, ut superius tetigimus, est illa, quæ per aliquam mediam propositionem probari, & demonstrari potest: Immediata uero est, quæ caret propositione priori per quam ostendi possit. Vtraque tamen est duplex, scilicet à priori, & à posteriori. Mediata à priori est, quæ per aliquod medium prius ipsa ostendi potest, & sic inferius per superius, & effectus per causam, tamquam per media priora demonstrari possunt. Mediata uero à posteriori est, quæ per medium ipsa posterius ostendi potest, & sic causa per effectum, & superius per inferius probatur. Immediata à priori, est quæ à causa priori ostendi nequit, & sic prima principia dicuntur immediatæ propositiones à priori, quia non datur causa prioris, per quæ demonstrari possint, alioquin non essent prima, si quidem primum est quo nihil est prius. Immediatæ uero à posteriori sunt omnes ille propositiones, quæ sunt de ultimis effectibus, quia tales carent medijs, quibus probari possunt.

Secundo notandum, est utramque posse dici mediatam, vel immediatam à priori quadrupliciter, & primo illa dicitur mediata inter cuius subiectum, & prædicatum, cadit aliquod medium, ut hæc omnis homo est corpus animatum, quia potest probari

per animal, quod mediat inter hominem, & corpus animatum; & per oppositum illa dicitur immediata hoc primo modo, inter quius extrema nullum cadit medium, per quod possit ostendi eorum conuenientia, ut ista omnis homo est animal. Secundo illa propositio dicitur mediata inter cuius extrema mediat subiectum adequatum, ut hæc Petrus est risibilis, quia mediat homo, qui est subiectum adequatum risibilitatis, & illa dicitur sic immediata inter cuius extrema nullum cadit subiectum adequatum, ut ista homo est risibilis. Tertio illa dicitur mediata inter cuius extrema mediat passio prior, ut hæc omnis homo est flebilis, quia ostenditur per esse risibile, tanquam per passionem priorem: Illa uero dicitur sic immediata, in qua coniungitur prima passio cum suo subiecto adequato, ut omnis homo est risibilis. Quarto denique illa dicitur mediata inter cuius extrema mediat causa, & sic homo est risibilis dicitur mediata, quia probatur per causam risibilitatis, scilicet animal rationale: Illa uero dicitur sic immediata inter cuius extrema nulla intercedit causa, per quam possit demonstrari, ut ista omne animal rationale est risibile. Hic est sermo de omnibus propositionibus, his quatuor modis acceptis, quia secundum occasionem de omnibus locutus est Aristoteles, ut patet in expositione textus.

Tertio notandum est adhuc utramque propositionem posse dici mediatam, & immediatam quadrupliciter, scilicet transcendentaliter, genericè, specificè, & numericè. Illa propositio dicitur immediata transcendentaliter, cuius alterum extremum est immediate transcendens ad aliud, ut ista substantia est ens, vel ambo sunt sub vno transcendenti, ut nulla substantia est quantitas, & per oppositum illa est sic mediata cuius, alterum extremum non est transcendens, nec ambo continentur immediate sub vno transcendenti, exemplum prioris, ut corpus est ens; exemplum posterioris, ut nullus homo est qualitas; illa uero est immediata genericè cuius vnum extremum est genus, immediatum ad aliud, vel ambo continentur immediate sub aliquo genere, ut omne corpus est substantia, & nullum corporeum est incorporeum; illa uero est mediata genericè cuius vnum extremum non continetur sub alio, ut sub genere immediato, ut omnis

homo est substantia; vel neutrum continetur immediatè sub aliquo vno genere, vt nullus homo est lapis. Illa verò propositio est immediata specificè, cuius alterum extremum est species respectu alterius, vel ambo sub eadem specie reponuntur immediatè, vt Petrus est homo, & Paulus non est Franciscus. Illa verò est mediata specificè, quando vnum extremum non est species immediata ad aliud, nec ambo continentur sub eadem specie, vt Petrus est animal, & Petrus non est hic Aristus. Illa tandem propositio est immediata numericè in qua alterum extremum est diffinitio, vel passio respectu alterius vt Petrum esse animal, rationale, & omnis homo est risibilis. Mediata verò numericè est in qua alterum extremum, nec est passio, nec diffinitio adæquata alterius, vt Petrus est animal rationale, vel Petrus est risibilis de his omnibus locutus est Aristoteles, diuersis in locis huius primi libri Posteriorum, & nos adnotauimus in expositione textus.

Quarto notandum est propositionem negatiuam posse dici immediatam dupliciter, vno modo absolute, ita vt prædicatum immediatè negetur in subiecto, & nullam aliam supponat, siuè affirmatiuam, siuè negatiuam; alio modo dicitur immediata, quia caret medio, seu alia propositione negatiua per quam possit demonstrari; primo modo hæc propositio, substantia non est quantitas, non est immediata cum supponat has affirmatiuas substantia est substantia, & quantitas est quantitas, siquidem affirmatio semper præcedit negationem. Secundo modo autem omnes propositiones negatiuæ, in quibus vnum generalissimum negatur de alio sunt immediatæ, cum non habeant aliam propositionem negatiuam priorem, per quam demonstrari possint, alioquin non essent extrema generalissima, sed haberent superiora, sub quibus, vt sub medijs continerentur. Et licet huiusmodi propositiones negatiuæ possent probari per conceptus quiditatiuos diuersorum generum, vt nullum per se existens est quantitas, sed substantia per se existit: ergo substantia non est quantitas; & de conuersio nihil, quod est in subiecto, & de subiecto dicitur, est substantia, sed qualitas dicitur de subiecto, & est in subiecto: ergo qualitas non

est substantia, non officit, quin dicantur propositiones immediatè negatiuæ, tum quia conceptus quiditatiui prædicamentorum non sunt veræ diffinitiones, nec consequenter causæ priores, per quas demonstrari possint ad inuicem prædicamenta negatiuæ, sed potius notificationes à posteriori, vt patet quia esse per se, & esse in alio, consequuntur subiecta, quorum sunt, & non sunt eorum causæ, tum etiam, quia per se existere non distinguitur à substantia, cum sit eius modus intrinsecus, vnde idem est dicere substantia per se existit, ac substantia est substantia, quare non potest assumi tamquam propositio negatiua ad remouendam quantitatem ab ea, absque petitione principij, cum idem sit dicere, ens per se existens non est quantitas, & substantia non est quantitas.

Ex his sit prima Conclusio. Diffinitiones, ac Regulæ Propositionum, tum immediatarum, tum immediatarum sunt benè, ac sufficienter assignatæ. Est conclusio Aristotelis diuersis in locis huius primi libri expressa, sed præcipuè in textu cap. 2. 4. 6. & 11. in quibus, & ex dictis in tribus prioribus Notabilibus sufficienter remanet conclusio probata.

Secunda Conclusio. Propositio vniuersalis negatiua, & immediata, est omnino indemonstrabilis. Est Aristotelis in textu cap. 11. parte secunda. Probat, quia illa propositio cuius extrema non habent superiora, est omnino indemonstrabilis, sed omnis propositio vniuersalis negatiua, & immediata, est huiusmodi: ergo est omnino indemonstrabilis. Maior patet, quia omnis demonstratio propter quid est per priora, & superiora: ergo illa propositio cuius extrema non habent superiora est omnino indemonstrabilis. Minor probatur, quia hæc est vniuersalis negatiua, & immediata, substantia non est quantitas, qualitas non est relatio, & conuales de decem generibus generalissimis, sed earum extrema non habent superiora, sub quibus contineantur: ergo, &c. Minor probatur, quia super illis non datur nisi ens finitum, sed tale nequit esse medium demonstrandi propositionem negatiuam, cum non affirmetur de vno extremorum, & de altero negetur, imò de vtriusque verè affirmatur: er-

ergo nequit esse medium demonstrandi huiusmodi propositiones vniuersales negatiuas, ac proinde concluditur, vt sint omnino indemonstrabiles.

Obijcitur tamen contra primam conclusionem probando definitionem immediate affirmatiuæ non esse bene assignatam, quia hæc, omnis homo est animal est immediata per se, cum inter subiectum, & prædicatum nullum cadat subiectum medium, sed talis potest probari per aliam: ergo non est simpliciter immediata. Minor probatur sic, omne sensibile est animal, omnis homo est sensibilis: ergo omnis homo est animal; deinde etiam sic potest probari, omne rationale est anima; omni homo est rationalis: ergo omni homo est animal.

Respondetur. Maiorem intelligendam esse de medio adæquato cum altero extremorum, non tamen de inadæquato, modo cum sensibile sit medium adæquatum conuertibile cum animali, & rationale cum homine, bene poterunt demonstrare illam propositionem, omnis homo est animal.

Obijcitur secundo, contra definitionem propositionis mediatæ negatiuæ, quia propositio mediata negatiua debet reduci ad immediatam per media eiusdem generis cum extremis ex Philosopho cap. 15. sed hæc mediata, nulla albedo est homo, non est reducibilis ad immediatam per media eiusdem generis cum extremis: ergo non bene diffinitur. Minor probatur, quia illa negatiua reducitur sic, nulla qualitas est homo; omni albedo est qualitas: ergo nulla albedo est homo, ecce quomodo qualitas, quæ est medium non est eiusdem generis cum homine, qui est alterum extremorum.

Respondetur. Maiorem esse veram de mediata negatiua in eodem genere, non tamen in diuersis, modo hæc nulla albedo est homo, est mediata negatiua alterius generis, & ideo sufficit ad eius reductionem, vt medium sit eiusdem rationis cum altero extremorum, sicut accidit in proposito, quia albedo, & qualitas sunt eiusdem generis.

Obijcitur tertio, contra secundam conclusionem, quia hæc immediata negatiua, nulla substantia est quantitas potest probari per aliam priorem: ergo non est omnino indemonstrabilis. Consequentia patet. Antecedens probatur, quia probatur per istam, nullum ens per se existens est quantitas, sed

substantia est ens per se existens: ergo substantia non est quantitas, vel nulla substantia est quantitas.

Respondetur. Ex quarto Not. negando antecedens, ad probationem, dico non esse bonam demonstrationem, quia ly ens per se existens, quod ponitur pro medio, non est tale, cum non se habeat in plus, quam substantia immo est omnino conuertibile, & idem cum ea, siquidem est eius modus intrinsecus, qui non distinguitur ex natura rei formaliter ab illa, & ideo nequit esse medium demonstrandi aliquid, vel affirmatiue, vel negatiue de ea, quin fiat petitio principij in probando.

Obijcitur quarto, contra eandem, quia illa propositio, cuius extrema continentur sub aliquo superiori, non est indemonstrabilis; sed propositio vniuersalis negatiua, & immediata est huiusmodi: ergo &c. Maior patet, minor probatur, quia extrema huius propositionis, nulla qualitas est relatio, continentur sub superioribus: ergo non est indemonstrabilis. Antecedens probatur, quia qualitas continetur sub ente absoluto, scilicet sub esse ad se, & relatio sub esse ad aliud, sed esse ad se est commune ad substantiam, qualitatem, & quantitatem; & esse ad aliud cæteris septem prædicamentis: ergo extrema illius propositionis, nulla qualitas est relatio, continentur sub superioribus, per quæ potest demonstrari sic, nullum ens ad se est relatio, sed omni qualitas est ens ad se: ergo nulla qualitas est relatio, ac proinde non est omnino indemonstrabilis.

Respondetur. Negando minorem, & probationem negatur antecedens, ad probationem, dico esse ad se, & esse ad aliud non esse duo superiora, quia tunc essent duo generalissimæ tantum, & non decem, sed iolum esse modos intrinsecos dictorum prædicamentorum, qui cum non distinguantur formaliter ab eis, nequeunt esse media probandi illam propositionem vniuersalem negatiuam, nulla qualitas est relatio, vt dictum est de per se existere respectu substantiæ.

Dices: saltem ens, quod est commune ad decem prædicamenta, poterit esse medium ad probandas huiusmodi propositiones negatiuas: ergo non erunt omnino indemonstrabiles.

Respondetur. Negando consequentiam, siquidem non omne superius, vel

commune est sufficiens ad probandas huiusmodi negationes, sed debet esse tale, ut possit affirmari de vno extremorum, & negari de altero, cum autem ens negari nequeat de altero extremorum, sed affirmari de utroque, sequitur ut non possit demonstrare propositionem vniuersalem negatiuam immediatam, sed tantum affirmatiuam.

Utrum deficiente in nobis aliquo sensu, necesse sit deficere etiam notitiam eius obiecti?

QVÆSTIO II.

QUAMVIS hæc difficultas remaneat soluta ex dictis in expositione cap. 14. nihilominus denud exagrandi est, non tantum ad vberiorum explicationem eiusdem textus habendam, sed etiam ad copiosiores doctrinam tradendam, cum extendi possit ad notitias diuersas, vnde pro intelligantia.

Primo notandum est sensus esse in duplici differentia, siquidem alij sunt externi, ut visus, auditus, gustus, olfactus, & tactus; alij verò sunt interni, ut sensus cogitatus, æstimationis, phantasia, & memoria: Hic est sermo tantum de externis, qui ab obiectis externis immediatè mouentur, quandoquidè visus à coloribus auditus à sonis, gustus à saporibus olfactus ab odoribus, & tactus à quatuor qualitatibus primis scilicet caliditate, frigiditate, humiditate, & siccitate, ut sit questionis sensus, utrum deficiente aliquo sensu externo, necesse sit etiam deficere notitiam obiectorum eiusdem sensus?

Secundo. Notandum est, huiusmodi defectum posse in nobis accidere, vel in natiuitate, ut nimirum quis oriatur cæcus, vel surdus &c. vel post natiuitatem ex aliqua causa; si primo modo occurrat sequitur necessario defectus notitiæ illius obiecti, siquidem omnis nostra cognitio ortum habet à sensu; si verò secundo modo accidat, non est necesse deficere eiusdem obiecti notitiā, cum talis possit iterum haberi per species sensibiles eiusdem, residentes vel in memoria, vel phantasia, aut per intelligibiles manentes in intellectu possibili.

Tertiò. Notandum est, aliquod cognosci

posse dupliciter vno modo sub conceptu communi, alio modo sub conceptu proprio, ut homo sub conceptu communi cognoscitur, ut est animal, vel corpus animatum, & simili ter color quatenus est qualitas sensibilis, & talis cognitio vocatur communis, & confusa; sub conceptu verò proprio, homo cognoscitur ut rationalis, & color, ut color est, & talis notitia appellatur propria, & distincta, & hæc est duplex, scilicet quiditatiua, & circumlocutiua, per priorem cognoscitur obiectum secundum suam quiditatem, ut homo quatenus est animal rationalis, & per posteriorem cognoscitur obiectum sub aliqua proprietate sibi conuenienti, ut homo prout est animal bipes, locutionis capax risibilis, &c. hic est sermo de utraque, quia questio potest extendi ad omnem notitiam, tum confusam, tum distinctam, non tantum circumlocutiua, verum etiam quiditatiua.

Quarto Notandum est notitiam propriā, & quiditatiuam haberi ab aliquo de obiecto cognoscibili potest dupliciter intelligi, vno modo per intentionem, alio modo per fidem, seu per auditum ab aliquo Doctore, primo modo verissimum est non posse haberi de aliquo obiecto deficiente sensu eiusdem, & de hac loquitur Aristoteles in textu, dum dicit, quod deficiente aliquo sensu à natiuitate, necesse est deficere scientiam, seu notitiam obiecti eiusdem sensus, ut secundo modo potest haberi, siquidem cæcus à natiuitate potest audire ab aliquo, albedinem esse colorem disgregatiuum visus, & nigredinem esse colorem congregatiuum eiusdem, sed in his consistit quiditas huiusmodi qualitatium: igitur per auditum, & per fidem alicuius Doctoris poterit haberi notitia quiditatiua alicuius obiecti sensibilis, etiam proprio sensu deficiente; an autem talis notitia sic habita sit scientia, vel tantum fides dicemus in conclusionibus.

Quinto. Notandum est obiectum sensibile esse duplex; proprium quod ab vno tantum sensu percipi potest, ut color à visu, sapor à gustu, sonus ab auditu &c.; & Communis, quod nimirum à pluribus sensibus sentiri valet, ut numerus, magnitudo, motus, & similia, siquidem percipi possunt à visu, tactu, & alijs, ut dicemus in secundo de anima. Hic est sermo tantum de proprio obiecto sensibili, & non de communi.

Ex his sit prima Conclusio. Deficiente sensu

stotele de sensu, & sensilis, sed cognitio propria, distincta, & quiditativa habetur per intellectum, concurrente cum specie intelligibili, in qua, tamquam in imagine relucet obiectum intelligibile ad producendam intellectionem eiusdem: ergo necesse fuit, ut praeferretur in sensu negotiante species sensibilis circa tale obiectum sensibile propriū, igitur deficiente aliquo sensu, impossibile est haberi per inuentionem talis notitiae, quae sit propria, distincta, & quiditativa sensibilibus per huiusmodi sensum.

Obijcies primo contra quintam conclusionem, quia praeiis temporibus fuerunt caeci à natiuitate doctissimi, qui non solum in communi, sed etiā in particulari disputarunt de coloribus, & eorum proprietatibus; sed hoc non potuissent facere, nisi habuissent scientiam de coloribus: ergo deficiente sensu potest haberi scientia sensibilibus talis sensus.

Respondetur. Concessa maiori, negando minorem, quia huiusmodi discursus potuerunt fieri à caecis, etiam à natiuitate, per notitiam habitam per auditum, ac proinde sequitur non habuisse scientiam, sed tantum fidem de coloribus in particulari: Quis enim prohibere potest, ut à peritis in fide non fiant discursus, & disputationes, de credilibus ita disertē, ac si haberent de illis scientiam, & euidētiā? Si ergo hoc possunt facere habentes tantum fidem, vel diuinam, vel humanam, cur idem non poterunt caeci à natiuitate, cum, & ipsi habuerit notitiam per auditum à peritis de natura, & proprietatibus colorum?

Obijcies secundo, quia perfectius non dependet ab imperfectiori in suis operationibus, sed intellectus est perfectior sensu: ergo deficiente sensu aliquo poterit intellectus producere notitiam sensibilibus talis sensus.

Respondetur. Maiorem esse veram si in se consideretur, & in natura illius entitatis, non tamen si inter illa adfuerit aliqua colligantia in operando, ut accidit in proposito inter intellectum, & sensum, quia cum pro hoc statu intellectus sit alligatus sensibus, non potest sine illorum ministerio quidquam intelligere saltem primario, quicquid sit de secundis operationibus.

Obijcies tertio contra sextam conclusionem, quia caecus à natiuitate potest habere

propriam, distinctam, & quiditativam notitiam de coloribus: ergo deficiente sensu etiam à natiuitate potest haberi per inuentionem distinctam, propriam, & quiditativam notitiam sensibilibus proprium illius sensus. Consequentia patet, quia color est sensibile proprium potentiae visuus. Antecedens probatur, quia caecus potest habere per tactum cognitionem distinctam, & quiditativam quatuor qualitatum sensibilium: ergo & colorum, cum causentur ab illis. Consequentia patet, quia cognita causa totali alicuius effectus cognosci poterit talis effectus, sed quatuor qualitates sunt causae totales omnium colorum, vel saltem albedinis, & nigredinis: ergo si caecus potest cognoscere distinctē, & quiditativē, quatuor qualitates, poterit eodem modo cognoscere etiam colores.

Respondetur. Negando antecedens, ad probationem negatur consequentia, ad probationem dico maiorem esse veram de causa intrinseca, ut est materia, & forma respectu compositi physici, vel generis, & differentia respectu totius essentialis Metaphysicae, falsam verò de causa totali extrinseca, ut est efficiens, & finis, modo quatuor qualitates, sunt tantum causae efficientes colorum, & ideo non sequitur, quod si cognoscantur distinctē, & quiditativē à caeco, vel alio, debeantur per easdem, & colores cognosci distinctē, & quiditativē, licet posset concedi de eis aliqua cognitio confusa, & communis, vel propria, ac circumlocutiva. Ita respondet meus Magister Pater Franciscus à Catharo, sed quia potest peti disparitas in hoc inter causas intrinsecas, & extrinsecas, cur ex cognitione illarum quiditativa, cognoscantur eorum effectus, & non ex cognitione istarum, cum tamen ambae secundum proprias entitates contineant virtualiter proprios effectus. ideo.

Respondetur secundo negando quatuor qualitates tangibiles esse causas totales colorum, siquidem hi sunt, ne dum ex earum mixtione, sed etiam ex quatuor elementis, inquit enim Aristoteles libr. de coloribus, colores sequi elementa, pluiquam illa; nam in quibus dominatur aer, & aqua sunt magis candida, & alba, ubi verò dominatur ignis, flava; & nigra ubi dominatur terra, quia talia elementa, etiam sunt talis naturae, ut sequantur ex mixtione eorum huiusmodi qualitates in mixtis, cum igitur qua-

lita-

litates tangibiles non possint cognosci à cæco distinctè, & quiditatiuè, vt causæ totales colorum, sed vel solum, vt partiales, vel vt dispositiuæ, duntaxat, non potest sequi in eo cognitio distincta, & quiditatiua colorum, sed vel communis, & confusa, vel propria, & circumlocutiua tantum: Color enim est qualitas afficiens mixtum, quatenus habet diaphaneitatem, & opacitatem terminatam, quod non potest reperiri in eo absq; mixtione elementorum, quorum aliqua sunt diaphana, vt aer, & aqua, alia verò, vt ignis, & terra sunt opaca. Ita alter meus Præceptor Pater Hugo Cauellus in supplem. ad quæstiones de Anima Scoti disput. 2. sect. 9. dub. 3. num. 13. & 14.

Obijciunt quarto, quia magis deficiunt à sensu materia, & forma, Deus intelligentiæ, ac substantiæ, quam res sensibiles propriæ, etiam deficiente earum sensu, sed priores à nobis cognoscuntur; ergo, & posteriores poterunt cognosci. Maior patet; quia priores conueniunt tantum in ente, posteriores verò in genere proximo, hoc est in qualitate sensibili: ergo magis deficiunt illæ à sensu, quam istæ.

Respondetur. Minorem esse veram in communi, confusè, & per analogiam, vt alias dicturi sumus, non tamen distinctè, quiditatiuè, & propriè, & hoc pro statu isto, in quo omnis nostra cognitio ortum habet à sensu negotiante circa

propria sensibilia; unde non sequitur res sensibiles, in defectu sensus, cognosci à nobis posse distinctè,

& quiditatiuè, sed solum in communi, & confusè, vt dictum est.

De Processu Syllogismi Demonstratiui.

CAPVT XV. XVI. XVII. & XVIII.
ac XIX.

In his quinque Capitulis nititur Philosophus ostendere non dari processum in infinitum, & facit quatuor. Primo enim demonstrat non dari processum in infinitum ratione terminorum, ex quibus componitur syllogismus demonstratiuus. Secundo ratione prædicatorum substantialium. Tertia ratione prædicatorum accidentalium, & Quarto nullo modo, & probat per rationes proprias.

Quò ad primum facit iterum tria, primo supponit quatuor, secundo monet tria quasi, & tertio ponit tres conclusiones.

Prima suppositio, quod sicut syllogismus in communi constat ex tribus terminis scilicet maiori, & minori extremitate, ac medio, & duabus propositionibus, tum affirmatiuis, tum negatiuis, ita, et syllogismus demonstratiuus, cum sit species syllogismi in communi, habeat dictos tres terminos, & duas propositiones.

Secunda suppositio: quod omnis propositio mediata est reducibilis ad immediatam, & idè omnis demonstratio, quæ nõ procedit ex immediatis est resolubilis immediata, vt ista omne corpus animatum est substantia, omnis homo est corpus animatum: ergo omnis homo est substantia, non est ex immediatis, & idè reduci debet ad immediata sic, maior enim erat, omne corpus animatum est substantia, quæ sic reducitur omne corpus est substantia, omne corpus animatum est corpus; ergo omne corpus animatum est substantia. Minor etiam, quæ erat omnis homo est corpus animatum, sic resoluitur in immediatas propositiones, omne animal est corpus animatum, omnis homo est animal: ergo omnis homo est corpus animatum, & sic prior demonstratio est reducta ad immediatas.

Tertia suppositio. Omnis demonstratio debet procedere, vel ex immediatis, vel ex his, quæ possunt reduci ad immediatas pro-

propositiones secundum veritatem, per hoc enim differt syllogismus demonstratiuus à Dialectico, qui procedit ex probabilibus, & ideo causat opinionem, demonstratiuus autem, cuius est generare scientiam debet procedere ex immediatis secundum veritatem.

Quarta suppositio. Omnis demonstratio est ex his, quæ sunt per se, & non per accidens, idest ex propositionibus per se, & non per accidens, ut sunt hæc omnis homo est albus, vel omne album est homo.

His suppositis proponit Philosophus tres dubitationes, seu questiones, quarum prima est, an liceat procedere in infinitum in demonstrationibus sursum cundo, incipiendo nimirum à minori extremitate, ut in hac demonstratione omne animal rationale est risibile: omnis homo est animal rationale; ergo omnis homo est risibilis; ut sit sensus, utrum de homine, qui est minor extremitas, sicut predicatur animal rationale, uti superius, de animali rationali habeat predicari aliud superius, usque in infinitum, vel detur status in aliquo supremo.

Secunda questio, seu dubitatio, utrum liceat procedere in infinitum in demonstrationibus descendendo à maiori extremitate, ut in hac omne animal est substantia, omnis homo est animal: ergo omnis homo est substantia; an nimirum sub substantia, quæ est maior extremitas liceat descendere in infinitum; vel sit dandus status in aliquo infimo sub quo non possit fieri descensus.

Tertia questio, seu dubitatio. Posito, quod extremitates idest maior, & minor sint finitæ, utrum media ad eandem conclusionem ostendendam sint finita, vel infinita. Hoc est dictum, utrum inter substantiam, quæ est genus supremum, & maior extremitas, & Socratem, qui indiuiduum, & minor extremitas infima, mediant infinita predicata, & subiecta, quibus tamquam medijs possit ostendi hac eadem conclusio, Socrates est substantia.

Antequam respondeat ad has questiones ostendit earum utilitatem dupliciter, & di-

cit esse utiles, quia data hypothesis, quod in demonstrationibus esset processus in infinitum, sequeretur nos nihil per demonstrationem scire, quia impossibile est infinita pertransire. Secundo inquit esse utiles ad sciendum utrum omnium sit demonstratio, quia facta huiusmodi concessione, sequeretur, nedum conclusionum, sed etiam principiorum dari demonstrationem; quod est falsum, quia tunc daretur demonstratio circularis, quam esse impossibilem, probauit supra cap. 3. contra antiquos.

Deinde ampliat has questiones, de affirmatiuis propositionibus, etiam ad negatiuas. Utrum nimirum super minori extremitate possimus ascendere, & sub maiori descendere in infinitum ad ostendendas propositiones negatiuas, & an conclusio negativa queat per infinita media demonstrari.

Denique obseruat prædictas questiones non habere locum in terminis convertibilibus, quia cum fiant in extremitatibus, quarum una ad alteram est superior, non posset esse convertibilitas, quia licet hæc sit vera omnis homo est animal, hæc tamen est falsa omne animal est homo, & ita discurrendo de omnibus.

Ex his ponit tres Conclusiones, quibus videtur respondere ad prædictas questiones, tum de affirmatiuis, tum de negatiuis, & prima est huiusmodi: Si datur status in extremitatibus in seorsum, & deorsum, impossibile est media esse infinita, & probat, quia media infinita impossibile est pertransire ex primo Physicorum tex. coment. 50. sed extremitates sunt pertransibiles, quia in eis datur status: ergo media inter illas non possunt esse infinita.

Secunda conclusio. Si in demonstrationibus affirmatiuis, non proceditur in infinitum, neque in negatiuis procedi poterit. Probat quia multiplicatio demonstrationum oritur ex multiplicatione propositionum, igitur in affirmatiuis datur status, ergo, & in negatiuis debet dari. Antecedens patet, consequentia patet quia omnis propositio

sitio negatua supponit affirmatiuam: ergo si in affirmatiuis non est processus in infinitum; nec in negatiuis esse poterit. Confirmatur, quia figurae, in quibus possunt fieri demonstrationes, tum ex affirmatiuis, tum ex negatiuis, sunt finitae, quia tantum tres: ergo si datur status in affirmatiuis, & in negatiuis dandus erit.

Tertia conclusio. Non est procedendum in infinitum in demonstrationibus affirmatiuis per predicata quiditatiua. Probatur quia tunc nihil omnino sciremus; & omnes scientiae destruerentur; sed hoc esset maxime absurdum: ergo non est procedendum in infinitum. Sequela maioris probatur, quia per ignotum nihil scitur; sed si demonstrationes essent infinitae, praedicata quiditatiua, ex quibus coalescerent, essent ignota: ergo per ipsa nihil sciremus; sed quicquid scimus per predicata quiditatiua scimus; igitur data hypotesi, nihil sciremus, & omnes scientiae destruerentur. Maior patet ex dictis in primo capite. Minor probatur, quia infinitum est ignotum, cum transiri nequeat, si ergo demonstrationes essent infinitae, infinita pariter essent praedicata quiditatiua; & sic essent ignota, ac proinde nihil per illa sciremus. Assumptum probatur, quicquid scimus per demonstrationem scimus, sed demonstratio fit ex propositionibus per se, & quiditatiuis: ergo quicquid scimus per praedicata, quiditatiua scimus.

Quo ad secundum probat expressius non esse processum in infinitum in demonstrationibus ratione praedicatorum quiditatiuorum per duas conclusiones, quarum.

Prima est, non contingit procedere in infinitum in praedicatis substantialibus, quia tunc nulla species omnino sciretur: sed hoc non est admittendum: ergo, etc. Minor est nota per experientiam. Maioris sequela probatur, quia omnis species scitur per suam definitionem, sed data hypotesi nulla definitio sciretur: ergo nulla species omnino sciretur. Maior patet, quia definitio est medium sciendi, ut videbimus inferius in se.

cundo lib. Poster. Minor probatur, quia ad cognoscendam definitionem perfectam, oportet cognoscere omnia praedicata quiditatiua, ut patet; sed si talia essent infinita, non possent cognosci, quia impossibile est infinita pertransire, ex Aristotele primo Physicorum. c. 50. ergo nec definitionem, & consequenter, nec speciem, quod esset omnino absurdum.

Et quia aliquis posset respondere, posse procedi in infinitum saltem circulariter, si non ascendendo, et descendendo per subiecta, et praedicata quiditatiua, idem huic taceat euasione occurrendo ponit alteram conclusionem, in qua ostendit impossibilitatem demonstrationis circularis in praedicatis quiditatiuis.

Secunda Conclusio. Non est procedendum in infinitum in demonstrationibus, ex praedicatis quiditatiuis, nec circulariter. Probatur quia Demonstratio circularis est tantum possibilis in terminis conuertibilibus, ut satis probatum fuit supra cap. 3. contra Antiquos, sed in praedicatis quiditatiuis nequit dari conuertibilitas: ergo in illis non potest fieri demonstratio in infinitum. Minor probatur, quia praedicata quiditatiua sunt genera, et species unius praedicamenti, sed in illis nequit dari praedicatio conuertibilis; siquidem haec sunt falsa, omnis substantia est corpus, omne corpus est corpus animatum, omne corpus animatum est animal, et omne animal est homo: ergo ex illis non possunt fieri demonstrationes circulares in infinitum vsque.

Quo ad tertium ostendit non posse dari processum in infinitum in demonstrationibus ex praedicatis accidentalibus, et ponit tres conclusiones, quarum prima est: Non potest procedi in infinitum in praedicatis accidentalibus circulariter, qui tunc accedens commune posset demonstrari de suo subiecto, & de conuerso subiectum de accedente communi, sed hoc est falsum, quia accedens commune non potest conuerti cum subiecto, haec enim est falsa, omne album est homo, & omnis homo est albus: ergo neque

ex illis fieri demonstratio circularis in infinitum. Sequela maioris patet, quia in demonstratione circulari sit convertibilitas predicatorum, ita quod se invicem demonstrant. **Secunda Conclusio.** Non est procedendum in infinitum in predicatis accidentalibus sursum, vel deorsum eundo. Probatur, quia praedicata accidentalia, vel sunt quantitates, vel qualitates, vel relationes, vel actiones, vel passioncs, vel situs, vel habitus, vel ubi, aut quando, sed haec non sunt infinita, cum omnia reponantur in aliquo novem predicamentorum: ergo in predicatis accidentalibus non erit processus in infinitum.

Tertia Conclusio. Non est procedendum in infinitum in predicatis accidentalibus per se, siue sursum, siue deorsum; Probatur quia predicata accidentalia per se, sunt passioncs, sed in his nequit fieri processus infinitum, nec in ascendendo: ergo &c. Minoris prima pars probatur, quia passio supponit subiectum, a quo fluit, & tale est unum pradicatum quidditativum, sed in his nequit dari processus in infinitum in ascendendo, ut probatum est supra: ergo nec in passionibus. Secunda pars. Minoris probatur, quia tunc nulla res perfecte sciretur, sed hoc est falsum, ut superius probatum est; ergo &c. sequela maioris probatur, quia tunc res perfecte scitur cum demonstrantur omnes eius passioncs de ipsa; sed si essent infinitae, essent indemonstrabiles; ergo &c. Minor probatur quia infinita nequeunt pertransiri, sed quae demonstrantur possunt pertransiri, ut patet; ergo si passioncs essent infinitae, essent indemonstrabiles.

Quoad quantum demonstrat eandem conclusionem per rationes analyticas, id est proprias, & ponit duas conclusiones, quarum prima est, impossibile est demonstratione procedere in infinitum ex propositionibus per se. In secundo modo dicendi per se, quia huiusmodi propositiones fiunt, vel ex diffinitio, ne, & passione, vel ex diffinito, & passione, sed in his non potest esse processus in infinitum: ergo nec in propositionibus per se, secundo modo. Maior patet ex dictis capit. 4.

& 7. Minor similiter est nota ex probatis in praecedentibus conclusionibus, secundo probatur, quia processus in sursum fit in his praedicatis, quae non convertuntur; sed se habet sicut superiora, & inferiora, sed passioncs convertuntur cum suis subiectis, ut patet ex dictis cap. 7. ergo in his dari nequit processus in infinitum.

Secunda Conclusio. Non est procedendum in infinitum in demonstrationibus ex predicatis in primo modo dicendi per se. Probatur quia nihil sciretur; sed hoc est falsum: ergo non est procedendum &c. sequela maioris probatur quia id quod scitur diffinitur, sed nihil diffiniretur; ergo nihil sciretur. Minor probatur, quia diffinitio constat ex predicatis primi modi dicendi per se, sed infinita nequeunt diffiniri, aliter essent finita ac determinata, cum diffinitio sit quaedam determinatio: ergo si praedicata essent infinita non diffinirentur, & consequenter non scirentur, quod esset maximum absurdum.

Ex his Conclusionibus insert Philosophus quatuor Corollaria, & primum quod in nulla demonstratione est processus in infinitum, quia omnis demonstratio constat ex propositionibus primi, vel secundi modi dicendi per se, sed in his non est procedere in infinitum, ut probatum est: ergo nec in demonstrationibus.

Secundum Corollarium. Sequitur dari statum in demonstrationibus, tam in sursum, quam in deorsum; in sursum patet, quia talis assensus est per praedicata quidditativa, sed in talibus datur status: ergo nec in deorsum proceditur in infinitum, quia in hoc descenditur ad individua, sed sub eis non potest fieri descensus, cum sint incommunicabilia: ergo in ipsis datur status.

Tertium Corollarium. si non proceditur in infinitum in extremis, nec in medijs dabitur talis processus, quia in medijs infinitis est distantia infinita; sed inter extrema finita nequit esse distantia infinita: ergo si extrema sunt finita, & media erunt finita.

Quar-

Quartum Corollarium. *Aliqua principia sunt immediata, ut omnium non sit demonstratio, quia ubi non est processus in infinitum, ibi datur status; sed in demonstrationibus non est processus in infinitum, ut probatum est, ergo etc. sed ubi datur status, debet dari aliquod primum, quo nihil sit prius: ergo etiam in propositionibus demonstratiuis in quibus datur status debent dari aliqua prima & immediata, quae nequeant demonstrari per alias priores.*

Ex quo Corollario sequitur, quod cum non omnes propositiones sint immediate, sed aliqua mediate, istae reduci debeant ad immediatas per media finita; modum autem illas reducendi praestat in capite 19. tam in affirmatiuis, quam in negatiuis per quatuor conclusiones.

Prima Conclusio. *Propositiones mediate secundi modi, reducuntur ad immediatas eiusdem modi; declaratur, quia propositiones immediate secundi modi sunt illae, in quibus praedicatur passio, vel sua causa, ut omne animal rationale est risibile, vel de subiecto adequato, ut omnis homo est risibilis; mediate vero in quibus praedicatur passio de subiecto inadequato, ut Petrus est risibilis, vel Paulus est risibilis; sed haec reducuntur ad illas sic, omne animal rationale est risibile: sed omnis homo est animal rationale: ergo omnis homo est risibilis, Petrus est homo, & Paulus est homo: ergo Petrus est risibilis, et Paulus est risibilis: Vel sic Petrus est animal rationale, & Paulus est animal rationale: ergo Petrus, & Paulus sunt risibiles; igitur propositiones mediate secundi modi reducuntur ad immediatas eiusdem modi per media finita, quae sunt illarum subiecta, consequentia patet, quia propositionem aliquam mediatam reduci in immediatam est probari per illam, sed haec probantur per illas duas immediatas: ergo ad illas reducuntur.*

Secunda Conclusio. *Propositiones mediate primi modi, habent reduci ad immediatam eiusdem modi: declaratur etiam ista conclusio: quia propositio immediata primi modi est illa inter cuius subiectum, & praedicatum nullum cadit medium, ut haec omne corpus*

est substantia; Mediate vero inter cuius extrema cadit unum medium, vel plura, ut haec omnis homo est substantia, siquidem inter hominem, & substantiam mediant animal, corpus animatum, & corpus, per quae poterit reduci, ad immediatam sic, omne corpus est substantia, sed omnis homo est animal, & omne animal est corpus animatum, & omne corpus animatum est corpus: ergo omnis homo est corpus, & consequenter omnis homo est substantia.

Tertia Conclusio. *Omnis propositio mediate est reducibilis ad immediatam per media intranea, id est eiusdem coordinationis cum extremis, & non extranea, id est alterius praedicamenti: Declaratur primo in affirmatiuis, quia haec omnis homo est substantia reducitur ad immediatam per haec media animal, corpus animatum, & corpus, quae sunt eiusdem praedicamenti cum homine, & substantia, quae sunt eiusdem extrema. Declaratur etiam in negatiuis, et primo in prima figura: haec enim est mediate nullus homo est quantitas, quae sic reducitur, nulla substantia est quantitas, omnis homo est substantia: ergo nullus homo est quantitas. Haec autem omnis homo est substantia cum sit mediate reducitur per subiecta media, scilicet animal, corpus animatum, corpus, usque ad substantiam: ergo est subiectum immediatum huius nulla substantia est quantitas. Declaratur etiam in secunda figura. Nulla quantitas est substantia, omnis homo est substantia; ergo nullus homo est quantitas, & sic minor reducitur per eadem media, quae sunt intranea alteri extremo, scilicet homini. Declaratur denique in tertia figura sic, nulla substantia est quantitas, quaedam substantia est homo: ergo quidam homo non est quantitas. Minor conuertitur simpliciter in hanc, quidam homo est substantia, quae demum reducitur per eadem media ad substantiam, & sic patet quomodo etiam propositiones mediate negatiue reducuntur ad immediatas per media finita, & intranea saltem alteri extremo, ad differentiam affirmatiue cuius media debent esse intrinseca utriusque extremo, ut patet in prima, & secunda conclusione.*

Quarta Conclusio ex his omnibus illata: Propositio immediata proprie loquendo est autum vna, & simplex; declaratur in hac propositione, omne corpus est substantia, quia inter subiectum, & predicatum non mediant alie propositiones, sicut in hac mediata omnis homo est substantia, quia inter eiusdem extrema mediant he propositiones, omnis homo est animal; omnis homo est corpus animatum; & omnis homo est corpus, et ideo hac dicitur propositio plures, & illa immediata dicitur tantum vna. Dicitur etiam simplex, quia non resolvitur in alias propositiones priores, sed immediate in terminos, ex quibus componitur, & exemplificat Aristoteles, quia sicut in alijs facultatibus, id est principium, quod est simplex, ut in cantu diebus, in pondere vnica, seu mensura minima, sic in syllogismis est propositio immediata in demonstratione verò, vel scientia, intellectus id est principia indemonstrabilia. Et hac de his quinque capitibus summam dicta, sufficient.

Verum eadem Conclusio per diuersa media demonstrari possit?

QVÆSTIO III.

Cum haftenus ostensum fuerit in demonstrationibus non esse procedendum in infinitum, nec ratione extremitatum, nec ratione mediorum, sed in his omnibus dari statum, tum in ascendendo, tum in descendendo; insuper propositiones mediatas: tam affirmatiuas, quam negatiuas reducendas fore ad immediatas per diuersa media finita, quæ sint intranea cum extremis in affirmatiuis, in negatiuis verò partim intranea, & partim extranea, quaeritur modò an etiam eadem conclusio, quæ patenter est propositio mediata, possit reduci ad suas immediatas, id est demonstrari, ac probari per diuersa media, & quæ sint illa.

Pro cuius declaratione primo notandum

est, ut etiam aduertit Mastrius hic disput. 13. quæst. 2. art. primo, num. vigesimo secundo, circa hanc difficultatem duas reperiri oppositas sententias, siquidem Auerroes secundo Poster. com. 46. 95. & 97. quem sequitur Iacob. Zabarella lib. de speciebus demonstrationis capit. secundo, & lib. 2. de Medio Demonstrationis cap. 8. column. 583. docet vnus conclusionis vnicam esse causam proximam, & non plures, per quam possit ostendi propter quid. Oppositum tamen defendit Scotus in secundo Poster. quæst. 57. & videtur esse communis apud expositores Aristotelis: nam cum medium, & causa conclusionis idem sint, & eiusdem conclusiois posse esse plures causas, ut mox ostendimus, consequenter eiusdem conclusionis poterunt esse plura media demonstratiua.

Secundo Notandum est, eandem conclusionem posse demonstrari per diuersa media, vel causas adæquatas, & proximas, possint dupliciter intelligi, vel in eodem genere, & ordine, itaut omnes sint, vel efficientes, vel finales, vel materiales, vel formales adæquate, & proximæ, & sic est impossibile eiusdem conclusionis esse plures causas totales, proximæ, & adæquatas, quandoquidem, ut alias probabimus, idem efficiens nequit dependere à pluribus causis totalibus, & adæquatis eiusdem generis, & ordinis, alioquin dependeret, & non dependeret, vel in diuerso genere, & ordine, ita quod vna sit in genere causæ efficientis, alia finalis, alia materialis, vel formalis, aut vna sit proxima, & alia remota, vel vna sit à priori nota in se, & alia à posteriori, & per effectus, & sic non inconuenit, eandem conclusionem probari per diuersa media, cum etiam eiusdem effectus possint esse hoc modo plures causas, nedum partiales, sed etiam totales, & adæquate, patet enim quod Deus, sol, & homo generant hominem; & vnusquisque in suo ordine est causa totalis efficiens.

Ex his sit prima Conclusio. Eadem conclusio nequit demonstrari per plura media eiusdem generis, & ordinis totalia. Est Scoti loco citato, & communiter defenditur à Scotistis. Probat quia demonstratio, si est propter quid, procedit per causam immediatam, & proximam ex Aristotele cap. 2. & 4. si verò quia per effectum proximum, & immediatum, qui quod ad nos euadit causa immediata, & proxima, ut superioris ostendimus,

dicimus, sed eiusdem rei non possunt esse plures causæ totales proximæ, & adequatæ, eiusdem generis, & ordinis: ergo eiusdem conclusionis nequeunt esse plures causæ huiusmodi, & consequenter nec plura media, cum sint eadem, ac causæ conclusionis. Minor probatur, quia natura & essentia causæ totalis, proximæ & adequatæ est, si non impediatur, ponere effectum in esse totaliter: ergo cum una sufficiat, aliz superfluent, & nihil causabunt.

Secunda Conclusio. Eadem conclusio tamen potest demonstrari, per plura media diuersi generis, & ordinis, nedum quia, sed etiam propter quid. Est Scoti ibidem contra Auerroem, Zabarellam, & alios. Probatur quia eiusdem effectus plures causæ totales, diuersi generis, & ordinis esse possunt, vt patet, quia homo in genere causæ efficientis pendet à Deo, Sole, & homine, in genere causæ finalis à beatitudine, seu felicitate, & in genere causæ materialis, & formalis à corpore, & anima intellectiua, quæ omnes sunt causæ totales in suo genere, & ordine: ergo etiam eiusdem conclusionis poterunt esse diuersa media eiusmodi. Consequentia patet, quia medium conclusionis, & causa eiusdem, sunt omnino idem. Confirmatur exemplo, quia de homine potest demonstrari esse elicitiuum actuum moralium, & per causam finalem, quia est ordinatus ad beatitudinem, & per causam efficientem, quia nimirum est agens liberum: ergo eadem conclusio potest demonstrari per diuersa media alterius generis, & ordinis.

Obijcies tamen contra secundam conclusionem, quod conuertitur cum aliquo, sibi soli conuenit, vt patet ex diffinitione proprii, quod conuertitur cum subiecto, & sibi soli competere potest effectus causæ immediate, & proximæ conuertitur cum tali causa, hæc enim est differentia inter causam immediatam, seu proximam, ac remotam, vt superius vidimus cum Aristotele cap. 10. ergo sibi soli, & non alijs competere poterit, & consequenter per eam solam poterit ostendi.

Respondetur. Maiorem, & probationem esse veram in ratione subiecti adequati, non tamen in ratione causæ, quia licet risibile competere nequeat in ratione subiecti alijs ab homine attamen in ratione causæ potest procedere à pluribus alterius generis, & or-

dinis, siquidem in ratione causæ formalis à rationali, quod est differentia, & materialis ab animali, quod cum sit genus gerit vicem materię.

Obijcies secundo Aristoteles primo Post. cap. 2. definiuit scientiam per causam, & nõ per causas: ergo signum est, quod eadem conclusio, de qua est scientia, respicit tantum vnā causam, & vnū medium, & nõ plura.

Respondetur negando consequentiam, siquidem Aristoteles diffiniendo scientiam per causam in singulari, & nõ in plurali, intendit excludere plures causas totales, & adequatas eiusdē generis, & ordinis, non tamen alterius generis, & ordinis, vt nos dicimus, cum aperte dicat in secundo Post. idem prædicatum per certam causam demonstratum de vna specie, posse de alijs per eandem demonstrari, & etiam de ipsa per aliam causam, vt patet de intellectu, quod potest demonstrari per animal de homine, & equo, & de homine ipso, non tantum per animal, sed etiam per esse diuersiuium. Et confirmatur responsio, quia Philosophus primo Phys. cor. 1. dicit tunc putamus cognoscere vnā, quodque cum causas primas cognouerimus, & principia prima, & vsque ad elementa, vbi manifeste liquet secundum Aristotelem scientiam vnā, non haberi tantum per vnā, sed per plures causas, vt patet de naturali; igitur eiusdem conclusionis scibilis poterit esse plura media sciendi, saltem alterius generis, & ordinis.

De quantitate, & qualitate
Demonstrationis.

CAPVT XX. XXI. XXII.

IN his tribus Capitulis peragitur Philosophus de quantitate, & qualitate syllogismi demonstratiui, & mouet tres quæstiones quarum prima est, *verum demonstratio vniuersalis sit præstantior particulari*; & Secunda *verum Demonstratio affirmatiua sit potior negatiua*; Tertia *verum Demonstratio ostensiuæ sit nobilior ea, quæ est ad impossibile, seu ad incommodum*; Et quia omnes non parum utilitatis, ac lucis afferre debent, tum dilectis, tum dicendis, eas seorsus pertractabimus sub titulis quæstionum textualium.

Re 2. Verum.

Utrum syllogismus, seu Demonstratio vniuersalis sit Præstantior particulari.

QVÆSTIO IV.

Circa hanc quæstionem Philosophus tria facit, & sequendo morem antiqui primo ponit argumenta in contrarium, secundo illa soluit, & tertio ponit propriam opinionem, quam multis rationibus probat; Nos autem præfixum ordinem imitando; Primo Vno, vel altero notato, ponemus conclusionem affirmatiuam pro responsione ad propositam quæstionem, deinde soluemus argumenta contra ipsam militantia.

Pro declaratione igitur totius quæstionis primo Not. est Demonstrationum aliam esse vniuersalem, & aliam particularem. Demonstratio vniuersalis est quæ constat ex propositionibus vniuersalibus analyticis idest in qua medium proprium, & adæquatum, & conuertibile demonstrat connexionem necessariam passionis cum subiecto proprio, & adæquato, ac conuertibili, vt ista omne animal rationale est risibile; omnis homo est animal rationale: ergo omnis homo est risibilis, & ista vocatur etiam potissima, quia ambæ præmissæ sunt immediatæ, & secundum quod ipsum. Demonstratio verò particularis est in qua passio demonstratur aliquo modo de subiecto inadæquato, & non conuertibili, vt hæc, omnis homo est flebilis; sed Petrus est homo: ergo Petrus est flebilis, siquidem Petrus non est subiectum adæquatum, & conuertibile cum flebili, cum hæc sit falsa omne quod est flebile est Petrus, quia et Paulus, Franciscus, & ceteri homines sunt flebiles.

Secundo Not. est Demonstrationem particularem dupliciter considerari posse, vno modo secundum se, & formaliter, alio modo præexigitiuè, prout nimirum includit demonstrationem vniuersalem saltem virtualiter; primo modo est imperfectior vniuersali, quia medium non est adæquatum, & immediatum ad demonstrandum passionem de subiecto, vt patet in hac, omnis homo est risibilis, Petrus est homo, in qua medium est demonstrabile per istam demonstrationem omne animal rationale est risibile, & omnis homo est animal rationale: ergo omnis homo est risibilis; at secundum modo est potior vniuersali, quia cum virtualiter contineat demonstrationem vniuersalem, applicatâ ad singularia per ipsam, parit certiore notitiâ quod ad nos, quàm si esset tantum vniuersalis, per

quam habetur cognitio solum de vniuersalibus, & non de singularibus.

Tertio Not. est, quod tam vniuersale, quâ singulare possunt quadrupliciter considerari, vno modo quod ad modum essendi, & inclusionem essentialem, & sic singulare est magis ens, quàm vniuersale, quia plura essentialiter includit; Secundo modo in ratione subiecti cum propria passione conuertibilis, & sic vniuersale est magis ens, quia cōuertitur adæquate cum passione, non autem singulare; Tertio modo ratione obiecti cognoscibilis pro hoc statu, & sic etiam vniuersale est magis ens, quàm singulare, quia pro hoc statu vniuersale, & non singulare est cognoscibile ab intellectu, saltem sub propria ratione, vt ostendimus in 1. Physic. q. de 1. cognit. Quarto modo in ratione existentis, nedum secundum durationem, & esse, sed etiam secundum corruptibilitatē, & incorruptibilitatē, & sic vniuersalia sunt magis entia singularibus, quia hæc sunt corruptibilia, & temporalia, illa verò necessaria, & æterna.

Ex his sit prima Conclusio. Demonstratio vniuersalis magis facit scire, quàm particularis. Probat, quia demonstratio facit scire, secundum quod ipsum facit magis scire, quâ quæ facit scire per aliud, sed demonstratio vniuersalis facit scire secundum quod ipsum, & particularis per aliud: ergo demonstratio vniuersalis facit magis scire, quàm particularis. Maior est nota ex dictis superius cap. 1. & 6. Minor probatur, quia per demonstrationem vniuersalem scimus hominem esse risibilem secundum quod ipsum, idest secundum se adæquate, & conuertibiliter, & hunc hominem esse risibilem noscimus per aliud, idest in quâ tum homo est, & non in quantum hic homo est, similiter de triangulo per demonstrationem vniuersalem scimus habere tres adæquate, & conuertibiliter, at de Ithochele per demonstrationem particularem scimus habere tres, non secundum se, sed ex eo quod, & ipse est triangulus, quod est per aliud scire.

Secunda conclusio. Demonstratio vniuersalis est magis de ente, quàm particularis. Probat, quia vniuersalia sunt magis entia, quàm particularia, sed demonstratio vniuersalis est de vniuersalibus, & particularis de particularibus: ergo vniuersalis est magis de ente, quâ particularis. Maior probatur quia incorruptibilia, & æterna sunt magis entia, quâ corruptibilia, & temporalia, sed vniuersalia sunt incor-

incorruptibilia, & æterna, particularia verò corruptibilia, & temporalia: ergo vniuersalia sunt magis entia, quàm particularia.

Tertia conclusio. Demonstratio vniuersalis magis se elongat ab errore, quàm particularis. Probatur, quia demonstratio vniuersalis facit scire secundum quod ipsum, & conuertibiliter, demonstratio verò particularis non secundum, quod ipsum, nec conuertibiliter, vt patet ex primo. Not. ergo demonstratio vniuersalis magis se elongat ab errore, quam particularis. Consequentia patet, quia in demonstratione particulari ostenditur connexio passionis cum subiecto in adæquato, per medium vniuersale: ergo quis posset decipi in applicatione vniuersalis ad tale particulare potius, quam ad aliud, quod non accidit in demonstratione vniuersali, quia medium est immediatum, & adæquatum, tum passioni, tum eiusdem subiecto.

Quarta conclusio, responsiva ad questionem: Demonstratio vniuersali est nobilior, & præstantior particulari. Probatur ab Aristotele septem rationibus, & primo, quia demonstratio vniuersalis magis procedit per causam, quàm particularis: ergo est nobilior, & præstantior particulari. Consequentia patet, quia illa demonstratio, quæ procedit per causam est præstantior, quia illa, quæ non sic procedit. Antecedens probatur, quia demonstratio vniuersalis procedit per diffinitionem, particularis verò per diffinitum: ergo magis illa procedit per causam, quam ista. Antecedens patet, quia in demonstratione vniuersali medium est diffinitio subiecti, in particulari verò est ipsum subiectum, vt patet in primo. Not. sed diffinitio est magis causa, quàm subiectum diffinitum: ergo demonstratio vniuersali procedit magis per causam, quam particularis. Minor patet, quia diffinitio est causa inherens passionis ad subiectum, non sic autem subiectum saltem explicite: ergo diffinitio est magis causa, quàm subiectum.

Secunda ratio. Illa demonstratio, quæ datur per ultimam causam est potior, quàm illa, quæ sic non datur, sed demonstratio vniuersalis datur per ultimam causam, particularis verò non: ergo vniuersalis demonstratio est potior, quam particularis, quia scientia est effectus demonstrationis, sed non habemus perfectam scientiam de aliqua re, nisi

percipiamus ultimam causam: ergo illa demonstratio, quæ datur per ultimam causam est potior, quàm quæ non datur. Minor probatur, quia in causis finalibus non possumus habere perfectam noticiam nisi habeamus ultimam causam: ergo nec in efficientibus, & formalibus. Antecedens probatur, quia si quæretur à Petro, cur perrexit ad ciuitatem, & respondeat, vt habeat pecuniam, non habebit ultimus finis, & ideo iterum posset interrogari, cur velit habere pecuniam: si respondeat, vt soluat creditori; nec sic habebit ultimus eius finis, cum iterum possem inuestigare, cur velit soluere pecuniam creditori: si responderit, vt videatur bonus, & punctualis in soluendis debitis, tunc habebitur perfecta notitia eius exitus in ciuitatē, quia iam expressit ultimam causam. Consequentia à simili declaratur, quia si quis quærat quare Petrus, sit risibilis? si respondeat, quia est homo, non habebitur perfecta scientia, quia iterum posset quæri cur homo sit risibilis? & nisi responderetur, quia est animal rationale, non habebitur perfecta notitia illius quæriti cur Petrus sit risibilis, sed esse animal rationale est vltima, & perfecta causa vniuersalis risibilitatis cum Petro: ergo non possumus habere perfectam scientiam, nisi habeamus ultimam causam, ac proinde demonstratio illa erit perfectior, quæ datur per ultimam causam, quàm illa, quæ sic non datur.

Tertia ratio. Illa demonstratio, quæ est de magis scibilibus est dignior, quàm illa, quæ est de minus scibilibus, sed vniuersalis est de magis scibilibus, & particularis de minus scibilibus: ergo &c. Maior patet, quia scientia, & scibile sunt correlatiua: ergo si de vno correlatiuo dicitur magis, & de reliquo dici debet: ergo illa demonstratio, quæ est causa, vt scibile magis sciatur, est magis, & potior demonstratio. Minor probatur, quia demonstratio vniuersalis est de vniuersalibus, & paribus de paribus; sed vniuersalia magis sunt scibilia, quàm particularia: ergo &c. Minor probatur, quia vniuersalia sunt finita, & particularia infinita, saltem successiue, sed finita sunt magis scibilia, quam infinita: ergo vniuersalia sunt magis scibilia, quàm particularia.

Quarta ratio. Quia illa demonstratio, quæ facit scire nedum vniuersale, sed etiam particulare, est dignior, sed demonstratio vniuersalis est huiusmodi, & non particulari: ergo vniuersalis est dignior particulari; maior

patet quia perfectior effectus, perfectiorem exigit causam. Minor probatur quia per demonstrationem vniuersalem scimus, nedum hominem esse risibilem, sed etiam hunc, & illum hominem esse talem, cum participant eandem causam risibilitatis, ac per particularem tantum scimus Petrum, v. g. esse risibilem, & non hominem esse risibilem: ergo demonstratio vniuersalis facit scire, nedum vniuersale, sed etiam particulare, non sic autem demonstratio particularis.

Quinta Ratio. Illa demonstratio, quæ procedit per medium propinquius principio demonstrationis, est dignior, quàm quæ non sic procedit, sed demonstratio vniuersalis sic procedit, & non particularis: ergo est dignior particulari. Maior patet quia quod est propinquius alicui principio, magis de illo participat: ergo illa demonstratio, quæ est de propinquiori principio, magis participat de dignitate demonstrationis. Minor patet, quia demonstratio vniuersalis est de magis vniuersalibus, & particularis de minus vniuersalibus, sed magis vniuersalia sunt propinquiora principiis demonstrationis, quæ est de primis principiis: ergo &c.

Sexta Ratio. Illa demonstratio, quæ facit scire actum, & potentiam, est præstantior, quàm quæ tantum actum facit scire, sed demonstratio vniuersalis facit scire actum, & potentiam, particularis verò tantum actum: ergo vniuersalis debet esse præstantior particulari. Maior patet, quia illa demonstratio, quæ facit scire plura est præstantior, quàm quæ facit scire non plura, sed quæ facit scire actum, & potentiam, facit scire plura, quàm quæ facit tantum scire actum: ergo, &c. Minor probatur, quia per demonstrationem vniuersalem, nedum scio omnem hominem esse risibilem actum, sed etiam potentialiter hunc, & illum hominem esse talem, per particularem verò tantum hic homo, & non ille esse risibilis scitur: ergo demonstratio vniuersalis facit scire actum, & potentiam, particularis verò tantum actum.

Septima Ratio. Illa demonstratio, quæ est de re intelligibili pro hoc statu, est præstantior quàm illa, quæ est tantum de sensibili, sed vniuersalis est huiusmodi, & non particularis: ergo illa est præstantior ista. Maior patet, quia sicut intelligibile est præstantius sensibili, ita demonstratio de intelligibili debet esse præstantior illa, quæ est tantum de sensi-

bili pro hoc statu. Minor probatur quia demonstratio vniuersalis est de vniuersalibus, & particularis de particularibus, sed vniuersalia pro hoc statu sunt intelligibilia, non autem particularia, quia sunt obiecta sensui, & non intellectui, vt alias videbimus: ergo demonstratio vniuersalis est de intelligibili, & particularis tantum de sensibili, ac proinde illa dignior ista.

Obijcies tamen ex eodem Philosopho contra hanc conclusionem, primo illa demonstratio, quæ magis facit scire, debet esse potior, & dignior, sed demonstratio particularis facit magis scire, quàm vniuersalis: ergo debet esse potior vniuersali. Maior patet. Minor probatur, quia demonstratio facit scire secundum se, magis facit scire, quàm quæ per aliud, sed demonstratio particularis facit scire rem secundum se, & vniuersalis per aliud: ergo demonstratio particularis facit magis scire, quàm vniuersalis. Maior patet, quia scire secundum se est scire per se, scire autem per aliud est scire per accedens: tum etiam exemplo, nam cum scimus, hanc propositionem Coriscas est musicus, magis scimus secundum se, quàm si sciremus hominem esse musicum, quia in prima sciremus Coriscam esse musicum secundum se, in secunda verò per aliud, hoc est per hominem: ergo demonstratio, quæ facit scire secundum se est potior, quàm quæ tantum per aliud. Minor probatur, quia per hæc demonstrationem particularem, omnis triangulus habet tres, Isôcheles est triângulus: ergo Isôcheles habet tres, scitur de Isôchele habere tres secundum se; at per hanc demonstrationem vniuersalem, omnis figura habens angulum extrinsecum oppositum duobus in trinfecis habet tres, sed triângulus est huiusmodi: ergo &c. sed Isôcheles est triângulus: ergo habet tres, scimus non secundum se, sed tantum per aliud, id est per triângulum habere tres, igitur demonstratio particularis facit scire rem secundum se, & vniuersalis per aliud.

Respondetur. Negando minorem, ad probationem iterum negatur Minor, ad cuius probationem dico esse falsum per illam demonstrationem particularem, sciri de Isôchele habere tres secundum se, immò per aliud, nimirum per esse triângulum, cui competit habere tres, & per ipsum postea conuenit, nedum Isôchele, sed etiam omnibus triângulis.

Obijcies secundo. Illa demonstratio, per quem elongamur ab opinione falsa, est dignior,

gnior, & præstantior; sed demonstratio particularis est huiusmodi: ergo &c. Maior patet. Minor probatur, quia cum aliquid demonstratur vniuersaliter de aliquo communi, creditur tale esse separatim à singularibus, & sic fit accessus ad opinionem falsam Platonis, qui dicebat vniuersalia esse à singularibus separata, cum autem demonstratur aliquid de particulari per demonstrationem particularem, ut puta de homine esse risibile, iam non creditur huiusmodi separatim, cum hic homo actualiter existat: ergo per demonstrationem particularem magis elongamur ab opinione falsa, quam per vniuersalem.

Respondetur Negando. Minore, ad probationem dico, cum demonstratur aliquid de communi, non credimus tale commune esse realiter à singularibus sciunctum, sicut dicebat Plato, sed tantum per intellectum ab illis abstractum, & sic non accedimus ad opinionem falsam Platonis, sed veram Aristotelis.

Obijcies tertio. Illa demonstratio, quæ est de magis ente, est nobilior, & præstantior, quam quæ est de minus ente; sed demonstratio particularis est de magis ente, quam vniuersalis: ergo illa est præstantior ista. Maior patet, quia tantum de entibus fit demonstratio; ergo quæ est de magis ente erit potior. Minor probatur, quia conmutata proportio vniuersalis competit cuidam subiecto in ordinato, quod propter caritatem nominis videtur esse non ens, vel saltem separatim à singularibus, cum ergo demonstratur de tali subiecto, videtur demonstrari de non ente, cum verò particularis, ostenditur de numeris par, vel impar, vel de superficiebus conuexum, vel planum, quæ talia videntur sic esse, sine ulla formidine verè demonstramus de ente: ergo demonstratio particularis est de magis ente, quam vniuersalis.

Respondetur negando. Minorem, ad probationem dico, quod licet tale subiectum in demonstratione vniuersali sit innominatum, non sequitur inde esse non ens, sed ens commune, cui æquatur, & conuertibiliter competit eius passio, ac proinde erit magis ens, quam subiectum nominatum in demonstratione particulari, quia per ipsum tantum, passio, & cætera prædicata quidatiua sibi conuenire possunt.

Verum demonstratio Affirmatiua sit potior Negatiua?

QVÆSTIO V.

PRO cuius clariori notitia primo Notandum est demonstrationum, alteram esse affirmatiuam, & negatiuam alteram. Demonstratio affirmatiua est quæ affirmatiue concludit, ut omne animal rationale est risibile, omnis homo est animal rationale: ergo omnis homo est risibilis. Demonstratio verò negatiua, est quæ negatiue concludit, ut nullum animal rationale est rudibile, omnis homo est animal rationale: ergo nullus homo est rudibilis.

Secundo notandum est affirmationem, & negationem esse duas qualitates afficientes propositionem secundum hunc ordinem essentialem, ut sicut nequit dari negatio, quin necessario supponat affirmationem, vel sicut priuationem habitum et oppositum, vel sicut non ens, suum ens posituum, ita non potest dari propositio negatiua, absque affirmatiua à qua dependet, & cum dependentia dicat imperfectionem in eo quod dependet sicut independentia perfectionem, sequitur necessario propositionem negatiuam esse ignobiliorem affirmatiua, & consequenter demonstrationem affirmatiuam, cum constet ex omnibus propositionibus affirmatiuis, esse præstantiorem negatiua, cum habeat admixtam imperfectionem ex altera propositione.

Ex his fit vnica conclusio responsiva ad titulum questionis propositæ: Demonstratio affirmatiua est potior, & præstantior negatiua. Probatur à Philosopho quinque rationibus, quarum prima est talis: Illa demonstratio, quæ procedit per pauciora, est potior, & præstantior illa, quæ per plura procedit, sed demonstratio affirmatiua est huiusmodi, non sic negatiua: ergo affirmatiua est potior, & præstantior negatiua. Maior probatur, quia illud est melius, quod est acceptabilius, sed intellectus magis acceptat Demonstrationem, quæ procedit per pauciora, quia citius peruenit ad suum finem, scilicet ad intellectum, siquidem pauciora citius intelliguntur, quam plura: ergo demonstratio, quæ procedit per pauciora potior erit, quam quæ procedit per plura. Minor probatur, cum quia demon-

Et 4 tra-

stratio affirmatiua tantum ex affirmatiuis, at negatiua ex altera affirmatiua, & altera negatiua procedit, tamen etiam, quia ad demonstrandam affirmatiuam, ceteris paribus pauciora media requiruntur siquidem ad demonstrandam hanc propositionem, omnis homo est substantia, tantum tria media sunt necessaria, scilicet animal corpus animatum, & corpus, at ad demonstrandam hanc negatiuam nullus homo est quantitas præter prædicta requiritur etiam substantia sic dicendo, nullum animal est quantitas, omnis homo est animal: ergo nullus homo est quantitas; deinde nullum corpus animatum est quantitas, omnis homo est corpus animatum: ergo nullus homo est quantitas; Insuper nullum corpus est quantitas, omnis homo est corpus: ergo nullus homo est quantitas, & denique nulla substantia est quantitas, omnis homo est substantia, ergo nullus homo est quantitas: ergo demonstratio negatiua per plura media procedit, quam affirmatiua.

Secunda Ratio. Illa demonstratio est nobilior, quæ habet nobiliores, & digniores partes, sed affirmatiua est huiusmodi: ergo &c. Maior patet, quia illud totum coniectur altero dignius, cuius partes sunt digniores: ergo cum demonstratio sit quoddam totum, illa erit nobilior cuius partes, & præmissæ sunt digniores, & nobiliores. Minor probatur, quia demonstrationis affirmatiuæ partes sunt ambæ affirmatiuæ, at negatiuæ, altera est negatiua, sed affirmatiuæ sunt digniores, quia ex illis sequitur bona conclusio, ex negatiuis autem nihil sequitur: ergo demonstratio affirmatiua est dignior, & nobilior negatiua.

Tertia ratio. Illud, quod est potentius, & maioris virtutis, est etiam dignius, potentia enim & virtus dicunt perfectionem, & dignitatem, demonstratio affirmatiua est potentior, & maioris virtutis, quam sit negatiua; ergo est dignior negatiua. Minor probatur, quia ex affirmatiuis semper sequitur conclusio, & ex negatiuis, non semper sequitur conclusio, sed est necesse, ut altera præmissarum sit affirmatiua: ergo cum propositiones affirmatiuæ sint potentiores negatiuis, sequitur etiam demonstrationem affirmatiuam esse potentior, & maioris virtutis, quam negatiuam.

Quarta ratio. Illa demonstratio, cuius

primum principium est dignius, debet esse dignior, sed primum principium demonstrationis affirmatiuæ, est dignius. Primo principio negatiuæ: ergo &c. Maior patet, quia prima principia dicuntur dignitates, quia dignificant demonstrationes: ergo illa demonstratio, quæ est de digniori dignitate, erit dignior. Minor probatur, quia principium demonstrationis affirmatiuæ est dignitas affirmatiua, scilicet de quolibet verum est dicere, quod est, vel non est, negatiuæ verò altera negatiua, scilicet non contingit idem esse, & non esse, sed dignitas affirmatiua est dignior negatiua, siquidem hæc notificatur per illam: ergo &c.

Quinta ratio. Demonstratio indepēdens est perfectior dependenti, sed affirmatiua est indepēdens, & negatiua dependet ab illa, siquidem, quemadmodum negatio sciatur per affirmationem ita demonstratio negatiua per affirmatiuam notificatur, sicut fit ut ab illa dependeat, & imperfectior sit, ac minus digna. Omnes istæ rationes fundantur in hac vltima, & ideò conclusio probatur fundamentaliter ex ista, ceteræ verò sunt confirmationes, ac suasiores.

Obijciatur tamen primo contra conclusiōnem ex Paulo Veneto hic, quia demonstratio, quæ est per magis causam est dignior, quam quæ per minus causam, sed demonstratio negatiua est per magis causam, quam affirmatiua: ergo negatiua est dignior affirmatiua. Maior patet, quia esse per causam est perfectionis in demonstratione, per hoc enim demonstratio propter quid est perfectior quam, quæ est per effectum: ergo illa, quæ est per magis causam erit perfectior, quam quæ per minus causam. Minor probatur, quia demonstratio negatiua est per causam remotam, & propinquam, affirmatiua verò tantum per propinquam, sed causa remota est magis causa quam propinqua: ergo &c. Minor patet ex dictis supra cap. 10. 11. & 12. Minor probatur inductiue in quolibet genere causæ, siquidem in genere causæ efficientis, quanto aliqua causa est remotior, tanto est magis causa, magis enim causa est æther, quam homo; & Deus, quam celum; similiter in genere causæ finalis sanies est magis causa, quam deambulatio, quia est remotior: ergo causa quod remotior, eo dignior, & sic demonstratio negatiua est potior affirmatiua.

cum.

erunt sit per potiorē, & magis causam.

Respondetur causam remotam esse magis causam, quā propinquam potest dupliciter intelligi: vno modo secundum se, alio modo in ordinem ad hunc effectum; primo modo est magis causa remota, quā propinqua, cum eius virtus se extendat ad plures effectus, ut patet de Deo, & Celo, & de homine, homo enim tantum homines, cælum verum, & Deus concurrunt ad generationem omnium animalium; at secundo modo causa propinqua est magis causa, quā remota, siquidem ad positionem eius ponitur effectus, licet non ponatur causa remota: tunc ad argumentum formaliter dico maiorem esse vera de demonstratione, quæ est per magis causam effectus demonstrati, id est conclusionis demonstratæ, non tamen de illa, quæ est per causam magis absolutæ, & in se, quia demonstratio vna respicit vnā conclusionem, & non plures, idcirco illa censetur magis causa, quæ magis dat esse tali conclusioni determinatæ. Ad Minorem dico esse falsam, si accipitur magis causa secundo modo, ad cuius probationem, dico minorem esse veram cum sua probatione de magis causa secundum se, & absolutè sumpta, non tamen in ordine ad hunc, vel illum effectum determinatum, quia sic causa propinqua est magis causa, quam remota, siquidem ad positionem eius sequitur effectus, & ad remotionem remouetur, non sic de remota; homo enim nequit sine homine generari.

Obijciunt secundo, syllogismus negatiuus est potior, & dignior affirmatiuo: ergo, & demonstratio negatiua affirmatiua; consequentia patet, quia omnis demonstratio est syllogismus. Antecedens probatur, quia quanto visus se extendit ad plura, tanto est dignior, sed virtus syllogismi negatiui ad plura se extendit, quā virtus affirmatiui: ergo, &c. Maior patet. Minor probatur, quia syllogismus negatiuus fit in omnibus figuris, affirmatiuus autem tantum in duobus, scilicet in prima, & tertia, ut patet ex Aristotele primo lib. Priorum: ergo virtus negatiui ad plura se extendit quā affirmatiui virtus.

Respondetur negando antecedens, ad probationem dico maiorem esse veram in causis efficientibus, & finalibus, non tamen

in materiali, & formali, materia enim prima ad plura se extendit, quā materia secunda similiter forma elementis, quā forma mixti, & tamen materia secunda est dignior, & perfectior materia prima, similiter forma mixti est dignior forma elementis: modò clarum est, quod magis, & minus commune in predicatione habent rationem materię, & formę, & quanto aliquid est communius, tantò est imperfectius, siquidem imperfectius est esse corpus, quā animal, & animal quā hominem, ideo non sequitur, quod syllogismus negatiuus, eo quia de pluribus prædicetur modis, quia affirmatiuus, sit dignior, quinimò oppositum deducitur, cum affirmatiuus minus communis sit secundum prædicationem quā negatiuus.

Obijciunt tertio, Propositio negatiua est dignior, & potentior affirmatiua: ergo, & demonstratio negatiua erit potior, & potentior affirmatiua. Consequentia patet, quia demonstratio sumit suam virtutem, & dignitatem à præmissis. Minor probatur, quia propositio vniuersalis negatiua est immediate illatiua omnium particularium, non sic autem affirmatiua: ergo negatiua est potentior, & consequenter dignior. Consequentia patet. Antecedens probatur inductiue, nam ad istam vniuersalem negatiuam, nullus homo currit sequitur necessarid: ergo iste homo non currit; non sic autem affirmatiuam quia non sequitur necessarid, sic omnis homo currit: ergo iste homo currit, quia antecedens est possibile, & consequens potest esse impossibile. Similiter si dicatur omnis homo est animal, non infertur in medietate: ergo Petrus est animal, sed necessarium est hoc medium, Petrus est homo; ergo Petrus est animal.

Respondetur negando antecedens, ad probationem negatur consequentia, siquidem dignitas propositionum non attenditur quò ad illationem, sed quò ad modum essendi; cum igitur negatiua nequeat esse sine affirmatiua, & hæc bene possit esse sine illa, sequitur affirmatiuam esse potioram, & nobiliorem negatiua: Sunt, & alia argumenta contra hanc conclusionem sed ex dictis possunt solui.

Primum Demonstratio Ostendit sua sit praestantior ea, quae est ad incommodum, seu ad impossibile?

QVÆSTIO VI

Pro intelligentia huius quaestionis primo notandum est demonstrationem ostensivam illam dici, per quam immediate ostenditur propositum, & est duplex affirmativa, & negativa, exemplum prioris, omne animal est corpus animatum, omnis homo est animal; ergo omnis homo est corpus animatum, exemplum posterioris: nulla substantia est quantitas, omnis homo est substantia: ergo nullus homo est quantitas. Demonstratio autem ad incommodum, seu ad impossibile est processus factus ex quatuor argumentationibus ad alicuius prius negati veritatem ostendendam, siue tale prius negatum fuerit conclusio, siue altera praemissarum syllogismi, ut si quis negaret aliquid animal non esse hominem, sic potest ostendi veritas negata: omne animal est homo, omnis asinus est animal: ergo omnis asinus est homo, conclusio ista est falsa: ergo aliqua praemissarum, non minor: ergo maior, scilicet ista omne animal est homo: ergo sua contradictoria est vera, aliquid animal non est homo, quae prius erat negata; de vtraque sumus locuti superius in hoc libro, cum quaesivimus de bonitate definitionum demonstrationis, & in Sum. tract. 3. cap. de Red uctione syllogismorum ad illos quatuor priores primae Figuræ, & pariter hæc ad impossibile est duplex, scilicet affirmativa, & negativa, de quibus mox dicemus.

Secundo notandum est, latum esse differentiam inter huiusmodi demonstrationes, tam affirmativas, quam negativas, siquidem ostensiva, tam affirmativa, quam negativa concludit manifeste necessarium, ut omne animal est substantia, omnis homo est animal: ergo omnis homo est substantia. Vel nullum animal est lapis, omnis homo est animal: ergo nullus homo est lapis, in quibus conclusiones sunt necessarie prior enim est, de materia naturalis, posterior verò de remota, quarum vtraque est necessaria. Ad impossibile verò concludit manifeste impossibile, ut omne animal est asinus, omnis homo est animal; ergo omnis homo est asinus: Vel ne-

gatiue, nullum animal est substantia, omnis homo est animal: ergo, nullus homo est substantia; impossibile est enim quod asinus conveniat essentialiter homini, & quod substantia remoueatur ab eiusdem hominis essentia, cum sit eius prædicatum quidditativum, ut patet in Arbore prædicamenti substantiæ.

Tertio notandum, vtramque demonstrationem in aliquibus convenire, & disconvenire in alijs. Conveniunt quidem, quia fieri possunt ex eisdem terminis, mutatis mutandis, & in eisdem modo, ac Figura; Disconveniunt verò, quia in ostensiva præmissæ in veritate sunt notiores ipsa conclusione; in ea verò, quæ ducit ad impossibile, conclusio in falsitate est notior, quam altera præmissarum; Prima pars declaratur sic, quia hæc est demonstratio ostensiva, omne animal est substantia, omnis homo est animal: ergo omnis homo est substantia; hæc verò ad impossibile, omnis substantia est homo, omne animal est substantia: ergo omne animal est homo: ecce quomodo ambæ sunt ex eisdem terminis confectæ, & in primo modo primæ Figuræ. Secunda pars similiter declaratur sequentibus exemplis; hæc enim est ostensiva; omnis homo est risibilis, Petrus est homo: ergo Petrus est risibilis; hæc verò ad impossibile, omne hinnibile est asinus, omnis equus est hinnibilis: ergo omnis equus est asinus: ecce quomodo in priori demonstratione præmissæ sunt notiores conclusione in veritate, siquidem per ignotius nil probari potest, ut docet Aristoteles cap. 2. similiter in posteriori conclusio est notior in falsitate, quam maior propositio, quæ pariter est falsa, notius. n. est, quod equus, & asinus repugnent, quam asinus, & hinnibilis, quod passio equi est.

Quarto notandum est in demonstratione ad impossibile duplicem reperiri processum, in quorum primo concluditur impossibile, & in secundo ex negatione talis impossibilis, interimuntur altera præmissarum, quæ est causa talis impossibilitatis, ut patet in hoc exemplo: omne animal est asinus, omnis homo est animal; ergo omnis homo est asinus: ecce completus primus processus, in quo conclusio est falsa: sequitur secundus conclusio est falsa; ergo aliqua præmissarum; non minor: ergo maior, scilicet ita omne animal est asinus; hic autem secundus processus, quamvis sit argumentativus, non est tamen syl-

sylogisticus, quia inquit Aristoteles in textu, non est de toto ad partem, nec in parte ad totum, hoc est, non est in prima figura, in qua medium in maiori est pars, id est subiectum, & in minori est totum, id est prædicatum: nec in secunda figura, in qua medium non est totum, scilicet prædicatum; nec in tertia, quia medium non est pars, scilicet subiectum in utraque, igitur huiusmodi secundus processus non est sylogisticus sicut primus.

Ex his sit prima Conclusio. Demonstratio ostensiva negatiua est dignior demonstratione ad impossibile. Probatur, quia illa demonstratio, quæ procedit ex credibilibus, & notioribus secundum veritatem, est dignior, quam quæ procedit ex credibilibus, & notioribus secundum falsitatem; sed demonstratio ostensiva negatiua est huiusmodi respectu illius, quæ est ad impossibile: ergo illa est dignior ista. Maior patet, quia sicut veritas præstat falsitati, ita demonstratio secundum veritatem procedens excelsit, quæ secundum falsitatem. Minor est nota ex declaratis in 2. Not. in quo diximus præmissis ostensiuæ esse notiores conclusionem secundum veritatem, conclusionem verò ad impossibile esse notioiorem in falsitate, altera præmissarum pariter falsâ.

Secunda Conclusio. Demonstratio ostensiva affirmatiua est dignior demonstratione ducente ad impossibile. Probatur, quia demonstratio ostensiva affirmatiua est dignior negatiua ostensiva, vt probatum est in præcedenti questione; sed ostensiva negatiua est dignior ducente ad impossibile, vt probatum est in prima conclusione: ergo multò magis ostensiva affirmatiua erit dignior ducente ad impossibile. Consequentiâ tenet per hanc maximam: quicquid est dignior, est dignius minus digno.

Obijcit ex Paulo Veneto contra suppositum probando demonstrationem ad impossibile non esse demonstrationem, & consequenter nec minus dignam ostensiuam. Omnis demonstratio est syllogismus ex Aristotele hic cap. 2. sed demonstratio dicta ad impossibile non est syllogismus: ergo nec demonstratio. Minor probatur, quia omnis syllogismus est contentus tantum tribus terminis, & totidem propositionibus ex Aristotele 1. Priorum cap. 19. sed Demonstratio dicens ad impossibile non est contenta tantum tribus terminis, & tribus propositionibus, cum

concludat, tam falsum, quam verum, quod nequit fieri per tres terminos, & tres propositiones vt patet ergo non est syllogismus.

Respondetur negando minorem, ad probationem dico demonstrationem aliam esse simplicem, & hæc est contenta tantum tribus terminis, & totidem propositionibus, aliam verò mixtam, quæ includit vnum syllogismum, & tres argumentationes enigmaticas, & ista non est contenta tribus terminis, & tribus propositionibus, sed plures requirit: prior dicitur ostensiva postea ad impossibile, vel circularis. Modo in proposito dico, Aristotelem in primo Priorum diffinisse syllogismum ostensiuum, non autem circularem, & ad impossibile.

Vel dicendum, maiorem esse suppleendam sic, omnis demonstratio est syllogismus, vel includens syllogismum, modo demonstratio ad impossibile, licet non sit formaliter syllogismus, includit tantum illum in primo processu, & hoc sufficit vt appellari possit demonstratio saltem æquiuocè, vt aduertit Paulus Venetus.

Obijces secundo, omnis demonstratio, vel est propter quid, vel quia, sed processus ad impossibile non est propter quid, vel quia: ergo non est demonstratio. Maior patet, ex dictis supra cum Aristotele c. 10. & cum Scotto in quol. 7. lib. A. Minor probatur, quia demonstratio ad impossibile concludit impossibile; sed nihil est causa alicuius impossibilis; ergo non est propter quid; nec quia cum per impossibile, tanquam per effectum nequeat demonstrari aliqua causa, quæ reuera causa non est.

Respondetur maiorem esse veram de demonstratione simplici, & ostensiva, non de mixta, & ad impossibile.

Vel dicendum negando minorem, quia demonstratio ad impossibile potest esse propter quid in secundo processu, siquidem ex falsitate manifesta conclusionis deductæ per primum processum, inferitur tanquam ex causa, falsitas præmissæ falsæ eiusdem processus, dicendo conclusio est falsa: ergo aliqua præmissarum, non minor: ergo maior: Et cum probatur quòd impossibile non datur causa, est propositio falsa, sicut enim ex veris, & possibilibus, concluditur verum, & possibile, sic ex falsis, & impossibilibus inferitur falsum, & impossibile.

Obijcitur tertio, si daretur demonstratio ad-

ad impossibile, vel esset in primo processu per quem concluditur impossibile, vel esset in secundo processu, sed neutrum est dicendum: ergo, &c. Maior patet à sufficienti diuisione. Minor probatur non potest dici primum, quia demonstratio constat ex veris, vt patet per suam diffinitionem; sed in primo processu altera præmissarum est falsa: ergo non est demonstratio. Non secundum, quia in illo non ducitur ad impossibile, sed ad verum, quod prius erat negatum: ergo in neutro potest dici demonstratio ad impossibile, ac proinde conuincitur non dari.

Respondetur maiorem esse veram de utroque processu, & sic intelligit Aristoteles, siquidem alter sine altero nequit ostendere falsitatem ex falso, & verum ex negatione falsi: & quamuis vltimatè tendit ad verum & non ad impossibile, ac propterea appellari deberet demonstratio ostensiuæ, tamen, quia illud consequitur per processum primum, falsum, & ducentem ad impossibile, idè denominatur demonstratio ad impossibile, ad differentiam ostensiuæ, quæ semper, & immediatè ex veris ostendit conclusionem veram.

DE EFFECTV DEMONSTRATIONIS

Quod est scire, in comparatione
ad diuersa.

TRACTATVS. IV.

In hoc quarto, & vltimo Tractatu huius primi libri Philosophus agere intendit de Scire, non secundum se considerato, quia de illo egit in secundo Capite, tradendo eius diffinitiones, sed tantum comparatue in ordine ad scibilia, & ad alios habitus intellectuales, & ipsum diuidit in quinque Capitula, in quorum primo docet quomodo vna scientia dicatur certior alia, & à quo habeat vnitatem, vel diuersitatem. In secundo ostendit fortuitorum non esse scientiam, neque in parte sensitiua. In tertio separat principia scientiarum ab inuicem. In quarto separat scientiam ab opinione, & alijs habitibus intellectualibus, & in quinto tractatu de Solertia, seu de modo inueniendi medium in non perspecto tempore, & sic finem imponit huic primo lib. Posteriorum.

De certitudine, & Vnitute Scientia.

CAPVT XXIII.

Istud Capitulum diuiditur in quatuor partes, in quarum prima ostendit vnam scientiam esse alia certiorē, & priorem. In secunda vnde scientia sumat suam vnitatem, vel diuersitatem. In tertia sumere suam diuersitatem ab alia, ex parte principiorum, & in quarta docet eandem conclusionem posse demonstrari per plura me-

dia eiusdem coordinationis.

Quò ad primam ponit hanc conclusionem aliqua scientia est altera certior, atque prior, & eam tripliciter probat, & primo sic illa scientia, quæ non habet quia, separatam à propter quid, est prior ac certior illa, quæ sic habet; sed scientia subalternans non habet, quia separatam à propter quid, & illud sic habet subalternata: ergo datur aliqua scientia, quæ sit prior, & certior alia. Maior patet quia scientia considerans quia, habet veritatem conclusionis, & considerans propter quid,

quid, considerat causam talis veritatis, sed melius, ac certius est considerare veritatem, & causam eius, quam veritatem tantum; ergo illa scientia, quæ non habet quia, separatam à propter quid; est certior, quam quæ habet sic separatim. Minor probatur, quia scientia subalternans considerat principia scientiæ subalternata, & eorum causam, cum illa demonstrat; scientia autem subalternata considerat tantum principia, & non illorum causam, cum illa præsupponat probata in scientia subalternante: ergo scientia subalternans non habet quia separatim à propter quid, sicut subalternata.

Secundo Probatur. Aliqua scientia considerat magis vniuersalia, & abstractum à materia, & alia minus vniuersale, neque sic abstractum: ergo illa est certior ista. Consequentia patet, quia scientia de vniuersalibus, & abstractis à materia est certior, quam de particularibus, cum ista sint obnoxia vicissitudini, non autem illa. Antecedens probatur, quia Arithmetica considerat numerum in se, & Harmonica, numerum contractum ad sonum, sed numerus in se, est magis vniuersale, & abstractus à materia, quam numerus sonorus, ut patet; ergo aliqua scientia considerat magis vniuersale, & abstractum, & alia minus vniuersale, & coniunctum sensibili materie.

Tertio Probatur. Illa scientia, quæ est de subiecto non habente positionem est certior, quam quæ est de subiecto habente positionem; sed datur aliqua scientia, cuius subiectum non habet positionem, & aliqua habes subiectum cum positione: ergo illa est certior ista. Maior probatur, quia scientia, quæ est de paucioribus, est certior illa, quæ est de pluribus, quia pauciora facilius, & melius sciuntur, quam plura; sed scientia cuius subiectum non habet positionem est de paucioribus, quam illa, quæ est de subiecto habente positionem: ergo &c. Minor probatur, quia subiectum dicens positionem ordinatur ad plura, illud verò, quod non dicit positionem, importat entitatem ab alia discretam: ergo scientia, cuius subiectum non habet positionem est

de paucioribus, quam quæ habet subiectum habens positionem. Minor primi syllogismi probatur, quia Arithmetica est de vnitatem, tanquam de subiecto radicali, & Geometria de puncto; sed punctus habet positionem in continuo, cum addatur linea, & alijs punctis, quibus copulantur partes lineæ essentialiter, ut patet per diffinitionem lineæ, at veritas nullam habet positionem, cum semper ab alia vnitatem seegregata remaneat: ergo aliqua scientia est de subiecto habente positionem, & alia de subiecto non habente positionem, & promde hac certior illa.

Quò ad secundam partem ponit hanc conclusionem. Vnitatem scientia debet attendi ab vnitatem generis subiecti, id est scientia habet suam vnitatem extrinsecè à subiecto, quod si est vnum genere, erit vna genere, & vna specie, si subiectum habuerit vnitatem specificam. Probatur, quia scientia ab illo habet vnitatem; à quo habet entitatem, sed scientia extrinsecè habet entitatem à subiecto: ergo, & vnitatem ab illo habere debet. Maior patet, quia vnitatem sequitur entitatem, sicut passio suum subiectum: ergo à quo scientia habet entitatem ab eodem, & vnitatem habere debet. Minor probatur. Scientia est notitia conclusionis demonstratæ per principia; sed hæc sumitur à subiecto eiusdem; siquidem principia sunt, vel ex passione & diffinitione subiecti, vel ex diffinitione, & diffinitio; sed diffinitum in demonstratione, & subiectum conclusionis sunt omnino idem: ergo scientia de primo ad vltimum habet entitatem ab eius subiecto, & consequenter vnitatem ab eodem.

Quò ad tertiam partem ponit aliam conclusionem diuersitas scientiarum debet attendi penes diuersitatem principiorum non provenientium ex alterutris, nec ex eisdem. Probatur primo, quia scientia causantur ex principijs proprijs, & non ex alienis, ut superius vidimus c. 7. ergo illa scientia, quæ non eodem, nunciat in principijs sunt diuersa, sicut ille, quæ communicant sunt eadē, vel saltem non diuersi. Secundo probatur a signo, quia ideo Arithmetica, & Geometria sunt diuersa scientiæ, quia earum principia non sunt ex alterutris, nec

ex eisdem, siquidem principia Arithmetica spectant ad quantitatem discretam, & Geometria ad continuam, atqui quantitas continua, & discreta sunt diuersa, ut patet ex earum definitionibus: ergo principia huius, & illius non sunt eadem, nec alterutraque eorum Arithmetica, & Musica, sicut Geometria, ac Perspectiua non sunt diuersa, quia sunt ex alterutris, siquidem principia Musica per principia Arithmetica, & principia Perspectiue, per Geometriæ principia demonstrantur, ut alias nistum est: ergo signum est quod ista non sunt diuersa scientia, sicut due priores, scilicet Arithmetica, & Geometria.

Quoad quartam partem ponit aliam conclusionem quasi corollariam dicens; Plures demonstrationes, siue eiusdem, siue diuersi ordinis possunt ostendere eandem conclusionem, idest eadem conclusio probari potest per plura media, siue eiusdem, siue alterius predicamenti. Probatur prima pars, quia hac conclusio, omnis homo est substantia, ostendi potest per animal, corpus animatum, viuens, & corpus, quæ sunt media eiusdem predicamenti cum homine, & substantia. Secunda pars etiam declaratur, quia hac nulla albedo est homo, probari potest per animal, corpus animatum, corpus, & per colorem, qualitatē sensibilem, & per qualitatē, quæ sunt media diuersorum predicamentorum, ut vidimus superius in propria questione. Aduertendum tamen hic non esse sermonem de demonstratione, (ut etiam adnotauit Paulus Venetus) quæ dicitur potissima, quia hac tantum habet fieri in terminis conuertibilibus, & ex propositionibus secundum quod ipsum, ut superius vidimus, sed de non potissima, quæ confici potest ex propositionibus, per se, licet non sint secundum quod ipsum, ut patet in exemplis allatis in textu de substantia, corpore, viuente, animali, & homine; & de latari, mutari, mori, & quæ scere, quæ non conuertuntur, sed se habent, sicut magis, & minus commune, & sicut includentis, & inclusa.

De Scientia, & Opinione, ac de Scibili, & Opinabili.

DISPUTATIO IV.

Vtrum Scientia propter quid sit certior
scientia quia?

QUESTIO I.

PRO intelligentia huius questionis, præter ea quæ dicta sunt in explicatione textus, primo notandum est ex dictis sæpè superius, duplicem esse scientiam, scilicet propter quid, & quia; scientia propter quid, quæ est effectus demonstrationis propter quid, est quæ considerat, nè dum veritates conclusionum, sed etiam illarum causas, ut notitia huius conclusionis, omnis homo est risibilis, ut potè deductæ ex his præmissis, omne animal rationale est risibile, & omnis homo est animal rationale, dicitur scientia, propter quid, cum consideret, non tantum conclusionis, veritatem sed etiam eius causam, idest illas præmissas dispositas ad inferendam huiusmodi conclusionem. Scientia autem quia dupliciter accipi potest, vno modo pro omni notitia necessaria, alicuius propositionis, habita sine aliqua demonstratione, & sic notitia principiorum potest appellari scientia, quia, ut potè habita ex cognitione terminorum immediata; alio modo sumi potest pro cognitione conclusionis habita per demonstrationem quia, & à posteriori, & sic notitia huius conclusionis, omnis homo est animal rationale, deducta per hanc demonstrationē omne risibile est animal rationale, & omnis homo est risibilis: ergo, &c. dicitur scientia quia, & de hac queritur, an sit incertior scientia propter quid.

Secundo notandum ex dictis superius c. 3. aliquid esse certius alio posse dupliciter intelligi, vno modo in se, & quod ad naturam, & sic illud dicitur esse certius, quod est prius in esse, & notius secundum naturam, ut sunt omnes causæ respectu suorum effectuum, & omnia superiora in ordine ad inferiora, & alio

alio modo aliquid dicitur esse certius altero quo ad nos, & est omne illud, quod primo se offert nostris sensibus, vnde illud quod est sensibilius, est notius quo ad nos, eo, quod est à sensibus remotius; cum ergo effectus sint sensibiliores suis causis, & hæc remotiores à sensibus, quam proprii effectus, similiter inferiora, cum magis appropinquent sensibus, quam superiora, dicendum est inferiora, & effectus esse certiora quo ad nos, superiora verò, & causas esse notiora, ac certiora in se, & quo ad naturam.

Tertio notandum est, aliquid esse certius altero, siue quò ad nos, siue quo ad naturam adhuc potest dupliciter intelligi, vno modo simpliciter, alio modo secundum quid. Illud est certius simpliciter, quod est certius, & notius quo ad se totum, vel secundum maiorem partem: Illud verò est certius secundum quid, quod notius, & euidentiùs est, siue in se, siue quo ad nos, non secundum se totum, aut secundum maiorem sui partem, sed tantum secundum minorem. Si primo modo spectetur certitudo, Geometria considerans hæc duo principia: Continuum est diuisibile in infinitum, & A puncto ad punctum contingit rectam lineam ducere, est certior philosophia naturali, quia licet hæc demonstret huiusmodi principia propter quid in sexto Physicorum à textu primo vsque ad octauum; illa verò habeat tantummodo de illis, quia, attamen cum secundum se tota, vel saltem pro maiori parte considerentur à Geometria, & secundum minorem duntaxat à Philosophia naturali, propterea dicitur simpliciter certior ista. Si verò consideretur certitudo secundo modo, possumus dicere Philosophiam, cum demonstret huiusmodi principia propter quid, & Geometria tantum quia, esse certiorē ista, si quidem scientia propter quid, vt dictum est in primo notabili est certior scientia quia, verum hæc certitudo erit tantum secundum quid, & non simpliciter, quia est secundum minorem, & non maiorem partem.

Quarto, Notandum ex Paulo Veneto, aliquid esse per se notum, & certius altero, posse adhuc dupliciter intelligi, scilicet simpliciter, vel secundum famositatem. Illud est per se notum, & certius simpliciter, cui intellectus assentit, vel ex sola inspectione terminorum, vt non contingit idem simul esse,

& non esse, vel ex imperceptibili discursu, vt omne totum est maius sua parte, vel denique ex experientia sensuali, vt ignis est calidus. Illud verò dicitur per se notum, ac certum secundum famositatem, quod à sapientibus communiter conceditur nulla vrgente ratione, & sic Deum esse, continuum est diuisibile in infinitum; & à puncto ad punctum contingit rectam lineam ducere, dicuntur esse principia per se nota secundum famositatem in Geometria, ac Theologia respectiue, quia ab omnibus communiter conceduntur, non tamen simpliciter, quia rationibus demonstrari possunt, vel in Philosophia, vel in Methaphysica. Ex quo inferitur Geometriam esse per se certiorē Philosophia naturali in ordine ad sua principia secundum famositatem tantum, at Philosophia dicitur certior illa simpliciter, cum propter quid demonstret eius principia.

Ex his sit prima conclusio. Scientia, quia primo modo considerata est notior, & certior scientia propter quid, probatur, quia scientia, quia hoc modo considerata est notitia principiorum, & scientia propter quid est notitia conclusionis demonstratæ, sed principia sunt certiora conclusionē: ergo scientia, quia hoc modo accepta, est certior scientia propter quid. Maior patet ex primo notabili. Minor est Aristotelis lib. 1. Post. cap. 2.

Secunda conclusio. Scientia propter quid est certior quoad naturam, & in se, quam scientia quia, secundo modo considerata in primo Notab. Probatur, quia illud est certius quoad naturam, & in se, quod est prius, ac notius naturæ, sed scientia propter quid est de prioribus, & notioribus naturæ, scientia autem quia de notioribus quo ad nos: ergo scientia, propter quid est certior scientia quia. Maior patet ex primo notabili. Minor probatur, quia scientia propter quid habetur per causam, quia verò per effectus, sed causæ sunt notiores naturæ suis effectibus: ergo scientia propter quid est de prioribus, & notioribus naturæ. Maior patet. Minor probatur, quia causæ prius sunt in esse suis effectibus: ergo etiam in cognitione, si quidem quemadmodum res se habent ad esse, ita ad cognosci ex Aristotele 2. Meth. 1. com. 4.

Tertia conclusio. Interdum scientia quia, quo ad nos, est certior scientia propter quid.

quid. Probatur, quia; id est certius quo ad nos, quod est sensibilius, sed interdum notitia, seu scientia quia, est per sensibiliorem, quam propter quid: ergo est certior scientia propter quid. Minor patet, quia scientia, quia, habetur per effectus, & propter quid per causas; sed effectus sunt sensibiliores suis causis: ergo scientia quia, est per sensibiliorem, quam scientia propter quid, ac tunc proinde certior.

Quarta conclusio, Geometria, quo ad illa duo principia: continuum est diuisibile in infinitum; & A puncto ad punctum contingit rectam lineam ducere, est incertior Philosophia naturali; considerata verò secundum se, vel quo ad maiorem partem suarum conclusionum est simpliciter illa certior, & præstantior. Probatur prima pars, quia scientia propter quid est certior scientia, quia, ex secunda conclusiones; sed respectu illorum principiorum Philosophia habet scientiam propter quid cum demonstrantur propter quid ab ea in 6. Physicorum à c. 1. vsque ad octauum, Geometria verò de illis habet tantum quia: ergo Philosophia saltem secundum quid est certior Geometria. Secunda pars probatur, quia scientia, quæ est de rebus abstractis à materia, est certior, quam quæ est de rebus immixtis materiæ, sed Geometria est de quantitate continua, quæ est abstracta à materiæ sensibili, Philosophia verò de rebus naturalibus, quæ sunt coniunctæ materiæ sensibili: ergo Geometria simpliciter est certior Philosophia naturali. Minor patet. Maior est Aristotelis in textu, vbi dicit Arithmeticam esse certiorē Musica, quia illa est nunc in se, & hæc de eodem, contracto ad sonum sensibilem. Confirmatur in super hæc secunda pars ex dictis supra cap. 9. vbi cum Aristotele probauimus scientias Mathematicas, quarum præcipua est Geometria, esse alijs scientijs, saltem naturalibus digniores, & certiores.

Obijciunt tamen primo, contra primam conclusionem, ex Paulo Veneto, quia data veritate conclusionis, sequeretur Perspectiuam esse certiorē Geometriam, sed hoc non est dicendum: ergo scientia sine demonstratione habita, non est perfectior, & certior scientia propter quid. Sequela maioris probatur, quia Perspectiua non habetur per demonstrationem propriorum principiorum,

cum illa probentur in Geometria per principia geometrica: ergo si scientia quia sine demonstratione est perfectior scientia propter quid, sequitur Perspectiuam esse certiorē Geometriam.

Respondetur negando sequelam maioris, ad probationem nego antecedens, immò habetur per demonstrationem suorum principiorum, quæ tamen supponuntur probata, ac demonstrata in Geometria, & sic patet non esse scientiam, quia, sine omni demonstratione, cuiusmodi est notitia principiorum, de qua loquitur conclusio.

Obijciunt secundo contra secundam conclusionem, siquidem sequeretur Geometriam non esse certiorē Philosophia naturali, sed hoc esset contra Aristotelem, primo Poster. cap. 9. ergo, & id ex quo sequitur. Sequela maioris probatur, quia Geometria de his duobus principijs: Continuum est diuisibile in infinitum; & à puncto ad punctum, contingit rectam lineam ducere, tantum habet quia; at Philosophia propter quid, cum illa demonstrat in sexto Physicorum à textu primo vsque ad octauum: ergo Philosophia esset certior Geometria, quod tamen est falsum.

Respondetur distinguendo sequelam maioris, esse veram de certitudine secundum quid, falsam de certitudine simpliciter, & cū probatur, quia Philosophia habet scientiam propter quid de illis duobus principijs, per se notis in Geometria, & ipsa tantum quia, cōceditur, & propterea infertur, Philosophiam quo ad illa, esse certiorē Geometria secundum quid, non tamen simpliciter, quia sic excellit Geometriam, cum pro maiori parte suarum conclusionum, sit certior, & præstantior Philosophia; nam hæc considerat res coniunctas materiæ sensibili, ac propterea minus necessarias; illa verò ab eadem abstractas, & consequenter magis vniuersales, & necessarias.

Obijciunt tertio contra tertiam conclusionem. Illud, quod causat maiorem adhesionem, & finitudinem in intellectu, est certius, quam quod causat minorem, sed causant maiorem certitudinem in intellectu causæ, quam earum effectus, cum sint potentiores, effectibus; ergo semper scientia, quæ est per causam erit certior illa, quæ habetur per effectus.

Respondetur minore in, cum sua probatione.

tionem esse veram in se, & quo ad naturam, falsam quoad nos, quia sic effectus, cum sint sensibiliores causis, magis mouent sensus, & consequenter intellectum, ac proinde habent maiorem adhesionem in eo, vt firmius intelligantur, & causent certiorem scientiam saltem à posteriori.

Obijciatur quarto contra quartam conclusionem. Illa scientia, quæ est de magis vniuersalibus, & seiunctis à materia, est certior, quam ea, quæ est de minus vniuersalibus, & cum materia coniunctis, sed Geometria est huiusmodi in ordine ad Philosophiam: ergo Geometria simpliciter, & absolute est certior Philosophia.

Respondetur concedendo totum simpliciter, & absolute, non tamen secundum quid & comparatiue, quia sic Philosophia demonstrat propter quid aliqua principia per se nota, saltem famosè, in Geometria, ac proinde in ordine ad illa, scientia philosophica, cum sit propter quid, erit certior Geometria, quæ in respectu ad eadem, demonstret tantum quia.

D: Scientia in ordine ad fortuita, & sensualia.

CAPVT XXIV.

In isto 24. Capitulo Aristoteles facit duo, in quorum altero ostendit Casualium, & Fortuitarum non posse dari scientiam, in altero verò nec scientiam esse posse de singularibus, vt singularia sunt.

Quò ad primum ponit hanc primam conclusionem scientia non est de his, quæ sunt à casu, & à fortuna, & eam probat, quia scientia est de his, quæ sunt semper, & frequenter sed eæ, quæ sunt à casu, & à fortuna non sunt semper, & frequenter: ergo de illis non est scientia: Minorem probat in secundo physicorum t. c. 52. & t. c. 63. ubi diffiniens casum, & fortunam dicit esse causas per accidens extra semper, & frequenter. Maior probatur, quia scientia est necessariorum, & impossibilium aliter se habere, sed necessarium est illud,

quod habet esse semper, & frequenter, vt supra demonstratum est cap. sexto huius libri: ergo scientia est de his, quæ sunt semper, & frequenter.

Quò ad secundum ponit alteram conclusionem dicens scientia non est de particularibus sensibilibus, sed de vniuersalibus tantum: Probat, quia scientia non habetur per sensum: ergo neque de his, quæ cognoscuntur per sensum, sed particularia sensibilia sunt huiusmodi: ergo scientia non est de particularibus sensibilibus. Maior probatur, quia scientia, et demonstratio est vniuersalium vt supra ostensum est cap. 4. sed vniuersalia nequeunt sentiri, cum abstrahant à sensibilibus et conditionibus materialibus: ergo scientia non habetur per sensum. Consequentia patet, quia sensus est singularium sensibilem, et intellectus vniuersalium. Minor probatur, quia quauis sensus, seu potentia sensitiva, sit indifferens ad plura sensibilia, ac proinde quodammodo vniuersalis, tamen quoad actum, vt puta sentire, est determinatus ad hoc, et illud sensibile sub talibus conditionibus indiuiduantibus loci, et temporis idest hic, et nunc: ergo particularia sensibilia cognoscuntur per sensum, et per consequens de illis non est scientia. Consequentia ista patet, quia scientia est de vniuersalibus, et per intellectum.

Ex his secundum Paulum Venetum inferunt Philosophi tria corollaria, quorum primum est istud sentire non est scire, neque sensatio est scientia, vt dicebant Antiqui asserentes sensum esse intellectum, et sensationem intellectionem, ac scientiam, et probatur, quia sentire est circa particularia particulariter sumpta, scire autem circa vniuersalia vniuersaliter sumpta: ergo scire non est sentire, vel e conuerso. Consequentia patet. Antecedens declaratur duobus exemplis, et primo si quis videret triangulum habere tres angulos aequales duobus relictis, non vtique sciret triangulum in communi sic se habere, cum posset dubitare, an omnes alij trianguli particulares, ex quibus habet resultare vniuersale, sic se habeant, siquidem non omnes videret: ergo sentire, seu cognoscere

per sensum non est scire. Secundo, si quis esset supra lunam, & intueretur ipsam ecclesiam, non haberet scientiam de eclipsi lune, cum non cognosceret causam universalem, scilicet positionem terre, inter ipsam lunam, & solem; ergo etiam hoc exemplo confirmatur sentire non esse scire.

Secundum Corollarium. Quamvis per sensum tamen scire pro statu isto, tamen notitia scientifica est nobilior sensitiva. Prima pars declaratur, quia scire causatur ex propositionibus universalibus, ut visum est supra cap. 4. sed propositiones universales causantur ex omnibus, quae cognoscuntur per sensum; ergo sensus est aliquo modo causativus scire. Secunda pars etiam declaratur, quia scientifica est nobilior, et praestantior non scientifica notitia, nisi talis non scientifica ea esset notitia principiorum, quia sic esset nobilior scientifica, ut docet Aristoteles hic cap. 2. sed nulla notitia sensitiva est scientifica; ergo notitia scientifica est nobilior sensitiva.

Tertium Corollarium. Quamvis sentire non sit scire, sensus tamen est instrumentum sciendi. Haec conclusio remanet probata ex dictis superius cap. 14. ubi demonstratum fuit, ex deficientia alicuius sensus, deficere etiam scientiam circa sensibilia illius sensus; ergo signum est sensum esse administrativum, et instrumentum sciendi. Declaratur insuper hic ab Aristotele, quia si vitri poros videremus, utique sciremus causam, cur lumen transit per vitrum; similiter nescimus cur radii solares in speculo concavo comburant, quia non videmus causam, quam si videremus, sciremus; ergo sicut ex defectu sensus sequitur deficientia scientiae, sic concludendum est ex opposito, sensum praesentiam esse adiutivam, et instrumentum sciendi.

Utrum de Entibus per accidens, ac de singularibus possit dari scientia?

QVÆSTIO II.

A Vectores de ente per accidens pertractantes, diversimodè loquuntur, quandoquidem. Aliqui distinguunt ens per accidens, vel per ordinem ad res, ex quibus accidentaliter coalescit, & tale vocatur ab eis ens per accidens in entitate, ut homo albus, lignum quantum, & similia; vel per ordinem ad causas per accidens, cuiusmodi sunt casus, & fortuna, & huiusmodi appellatur ens casuale, & fortuitum, ut inuentio thesauri in fodiente terram, vel occisio hominis ex descensu lapidis de tecto, aut interemptio amici per explosionem tormenti bellici ab eo, qui intendebat inimicum occidere.

Alij verò dicunt utrumque ens per accidens dupliciter considerari posse, vel formaliter, & in actu signato, hoc est, quo ad conceptum accidentalem, importatum per res, aut per causas per accidens, vel materialiter, & in actu exercito, nimirum quò ad res per accidens coniunctas, vel per aggregationem, ut cumulus lapidum, vel cum aliquo ordine, ut exercitus militum sub aliquo Duce, vel per accidentalem informationem, ut paries albus.

Circa primam partem: igitur huius questionis, supposita varia illa partitione entium per accidens, extat multiplex Doctorum sententia, siquidem aliqui dicunt de entibus per accidens formaliter, & in actu signato sumptis, dari scientiam saltem negativam, cum ut sic dicant conceptum per se unum, per quem demonstrari possunt plures passionem nimirum, quod non sit unum per se, nec unum per se scibile, nec habeant unam determinatam causam, & similes. Ita Aletius noster 6. Metaphysic. ad textum quartum Ponticius disputat. 22. in logic. quæst. 2. num. 14. relati à Mastrio disp. 12. quæst. 2. art. 3. sub n. 28.

Alij verò loquentes de ente per accidens secundum entitatem per ordinem ad causam per accidens, non intendentem effectum,

negant communiter cum Aristotele sexto Methaph. 1. 5. 6. & 7. de eo dari posse vllam scientiam, siquidem, nec sunt entia necessaria, nec habent esse frequenter, vt dicit idem Aristoteles, hic c. 24. Ita Doct. Subt. 6. Meth. q. 2. & quol. 1. per totum.

Alij autem considerantes entia per accidens secundum entitatem pro substracto, & materialiter, dicunt de illis dari scientiam vnam genericam, non autem specificam, siquidem possunt conuenire in conceptu aliquo generico, vt patet de numero sonoro; linea visuall &c. non autem specifico, nam sonus, cum sit qualitas sensibilis dicitur alium conceptum specificum a numero, vt sic, qui est quantitas discreta, & ideo iste ad Arithmetica, ille vero ad Philosophiam naturalem spectat. Ita Scotus sex to Methaph. q. 2. §. His prædictis ad questionem dicendum, &c. Antonius Andreas q. 4. Zerbus q. 5. Fauent disp. 19. & alij ex nostris, quos referunt Mastrius, & Poacius citati.

Alijs placet considerare entia per accidens ordinata ad aliquem finem, vt exercitus militum ad prælium ordinatus, & de talibus inquirunt posse dari scientiam vnam speciem, cum vniatur in vnitatem vnius per se causæ finalis. Ita Amicus, & Blancus apud Mastrium citatum.

Ruius verò hic Tract. 2. de Habitu scientiæ sub num. 39. & 40. dicit, quod ens per accidens, vniens duo entia, etiam diuersorum generum, quorum alterum vt determinans, & alterum vt determinabile se habent, posse vtrique sciri propria scientia, cum dicant conceptum per se vnum vnitatis ordinis, qui sufficit ad scientiam, vt patet de numero sonoro, linea visuall de quibus sunt duæ scientiæ subalternatæ, Musica, scilicet, & Perspectiua. Huius etiam opinionis sunt alij Recentiores, quorum meminit idem Mastrius citatus.

Cæterum Alij naturam entium per accidens melius, ac Subtilius indagantes, negant de aliquo ente per accidens posse dari scientiam, siue genericam, siue specificam, saltem positiuè. Ita Doct. Subt. in 2. d. 3. q. 4. paulò ante E. & d. 12. q. 1. D. & in tertio d. 7. q. 1. D. & E. & in 4. d. 11. q. 3. G. g. & quol. 13. A. a. quem secuti sunt Bargius in q. tertia Prologi sent. & alij, tum ex nostris, tum ex alienis à Mastrio relati sub n. 29.

Circa secundam partem Doctores com-

muniter respondent, de singularibus, vt singularia sunt, non posse dari scientiam, sed solum de ipsis vt conueniunt in suis speciebus, siquidem per definitionem speciei, quæ eisdem conuenit, possunt demonstrari secundario passionem eiusdem speciei de ipsis singularibus. Ita Doct. Subt. in 2. d. 3. q. 6. M. vii dicit singulare carere propria definitione, quiditarius, & consequenter propria demonstratione, ac scientia, quamuis oppositum sentire visus sit in 7. Meth. q. 13. de qua postea, &c. Scorum sequuntur omnes eius veri Discipuli, & ex alienis Ruius loc. cit. a. n. 35. vsque ad 38. inclusiue, Auerſa, Amicus, & Alij, quos refert, & sequitur Mastrius sub n. 34.

Pro declaratione: igitur vtriusque difficultatis, ac fundamento veræ opinionis Scoti primo notandum ex Aristotele 5. Meth. c. de Vno, & de Ente, & 6. Methaph. 1. 4. 5. 6. & 7. ac alibi, & colligitur etiam ex eodem Scoto in præcatis locis, tum in libr. sent. tum in Methaphys. Ens diuidi in ens per se, & ens per accidens. Ens per se dicitur illud, quod importat verum ens, vt distinguitur contra non ens, seu ens falsum, & diuiditur immediate in decem prædicamenta, scilicet substantiam, quantitatem; qualitatem, Ad aliquid, &c. ita quod omnia illa, quæ collocantur in vnoquoque horum decem generum dicuntur entia per se, prout per se distinguitur contra per accidens. Ab hoc ente per se desumuntur propositiones per se, vel primi modi in quibus prædicata sunt de quiditate, & essentia subiectorum, vel secundi modi in quibus passio prædicatur, aut de subiecto adæquato, vel inadæquato, aut de distinctione subiecti, vt alias visum fuit. Ens autem per accidens, vt opponitur enti per se, dupliciter accipi potest, vel prout per accidens priuat perfectiorem rei secundum se acceptæ, vel vt priuat perfectiorem in comparatione ad aliquam causam. Ens per accidens primo modo, quod opponitur enti secundum se diuiso in decem genera, est aggregatum quoddam ex rebus diuersorum generum, vt homo quantum vel album quantum, vel ex rebus generum intermediorum, vt album dulce, & tale ens per accidens non habet vnum cõceptum, cum quiditatum per quem collocari possit in aliquo vno genere, & de hoc locutus est Aristoteles, nedum in citatis locis, sed etiam in 7. Meth. 1. 5. 11. 12. & 15. dum ait, ens per accidens non

habere quoddam est, hoc est diffinitionem, quæ sit eadem sibi; & ab hoc ente per accidens sumuntur tria genera propositionum per accidens, vel cum vnum accidens disparatum prædicatur de altero, vt iustum est musicum: vel cum accidens prædicatur de subiecto, vt homo est musicus: vel cum subiectum prædicatur de accidente, vt musicus est homo. Scotus insuper in expositis super 5. Methaph. ad t. 13. addit alia duo genera, quorum prius est quando terminus complexus per accidens prædicatur de termino incomplexo, vt homo est homo musicus: vel cum terminus complexus per accidens prædicatur de alio similiter complexo, vt homo musicus est homo iustus. Ens verò per accidens secundo modo acceptum, in comparatione nimirum ad aliquam causam per accidens, est duplex scilicet causale, & fortuitum; primū procedit à casu, vt occisio hominis ex casu lapidis de tecto; secundum prouenit à fortuna, vt inuentio thesauri ab eo, qui tantum intendebat fodere terram, vt esset apta ad recipiendam semina, & hoc ens per accidens opponitur enti per se necessario, vel quod habet esse frequenter, seu vt plurimum ab ipsoque sumuntur propositiones contingentes, de quibus nequit esse scientia demonstratiua, vt alias dictum est.

Secundo notandum est, vt colligitur ex Doctore Subtili in secundo d. 12. q. 1. sub C. & in 4. d. 11. q. 3. sub B. b. & in quod. 13. sub Y. Vnum, vel esse ipsum ens, vel ipsum cōsequi, tamquam passionem immediatam, vnde sequitur, quod sicut duplex est ens, scilicet per se, & per accidens, ita vnum debet diuidi in per se, & per accidens. Vnum per se ex Philosopho quinto Methaph. c. de Vno, est duplex, scilicet simplex, quod videlicet dicit vnam simplicem entitatem, & diuiditur in decem genera, sicut ens, & de hoc non est sermo in præsentia, & aliud est vnum per se compositum, quod secundum Aristotelem 8. Meth. t. 15. & 16. est quod constat ex per se actu, & per se potentia, vt homo ex anima, & corpore, si physice consideretur, vel ex animali, & rationali, si metaphysice spectetur, siquidem, quemadmodum corpus organicum est quid per se potentiale, essentialiter ordinatum ad animam rationalem, per quam est per se perfectibile in esse reali, & physico, tamquam per suum actum, ita animal est potentiale per se metaphysicum, quod essentialiter expe-

ctat perfici à rationali, vt à suo per se actu; rō n. potest consistere per se, vel corpus sine anima, vel animal abiq; rationali, vel irrationali, ad quæ essentialiter ordinatur. Vnū autem per accidens, ex Aristotele, vbi supra c. de Vno, & prout opponitur vni per se composito, est illud quod constituitur ex diuersis rebus, non se habetibus per modum per se actus, & per se potentie, & exemplificat tripliciter vel cum accidens vnitur subiecto, vt Coriscus musicus; vel cum vnum accidens disparatū coniungitur cum altero accidente disparato vt musicus iustus, vel quando duo accidentia disparata vniuntur eidem subiecto, vt Coriscus iustus, musicus; vel è conuerso iustus musicus Coriscus; patet. n. quod talia non se habent, neque vt per se actus, neque vt per se potentie, siquidem Coriscus, cum sit indiuiduum substantiale potest per se stare sine illis accidentibus musicus, & iustus, & est musicum potest consistere sine iusto, & è conuerso. Ex his sequuntur duo, alterum, quod sicut pars potentialis per se, & actualis per se essentialiter vniuntur in quodam to reali, ex eisdem composito, & ab illis distincto, vel realiter, vel formaliter, vt alias dicemus, ita conceptus expressus à parte potentiali, & conceptus expressus ab actuali vniuntur in vnico conceptu ab illis distincto; Alterum verò ex opposito cum partes vnius per accidens non sint per se vnibiles in aliquo tertio ab illis distincto, sic, & conceptus in eisdem expressi, erunt semper disparati quocumque modo considerentur, siue secundum se, siue in ordine ad aliud.

Tertio notandum est, ex Aristotele septimo Methaphysic. t. 42. & 43. diffinitionem propriè quiditatiuam, non esse nisi illarum rerum; quæ dicunt conceptum per se vnum, siquidem ex eodem primo Topicorum cap. 4. diffinitio est ratio exprimens essentiam rei; atqui ea, quæ non dicunt conceptum per se vnum, sed multa, nequeunt habere vnam essentiam, cum de illis nihil prædicari possit quiditatiuè; non enim in aliquo vno genere, cuius naturam participare possint, collocantur, igitur quæ non dicunt conceptum per se vnum, non possunt diffiniri; ceterum, quæ non possunt diffiniri vnica diffinitione, nec sciri possunt vnica scientia; ergo quæ carent diffinitione, & scientia carere debent, cum igitur entia per accidens non dicant conceptum

per se vnum, (alioquin non essent entia per accidens, sed per se) non poterunt diffiniri, & consequenter de illis non poterit esse scientia, nec demonstratiua, nec diffinitiuu.

Quarto. Notandum est ex Doct. Subt. in 2. d. 3. q. 6. M. singulare posse dupliciter considerari, vel in se, quatenus importat quandam entitatē distinctam ab entitate speciei, constitutam ex natura communi, & differentia indiuiduali, vel in quantum cum cæteris conuenit, & participat naturam, & essentiam speciei. Primo modo non habet diffinitionem quiditatiuam, aut passiones proprias per ipsam demonstrabiles, & consequenter ita non est per se scibile, at secundo modo cum diffiniatur diffinitione speciei, & participet secundariò eiusdem passionem, Petrus enim est animal rationale, & risibilis, cum sit homo, utique de illo poterit esse scientia.

Quinto. Notandum ex Doct. Subt. 1. Post. q. 12. & 13. scientiam tripliciter sumi posse, vno modo per omni cognitione siue intellectiua, siue sensitua, siue rei contingentis, siue necessariae. Secundo modo pro cognitione intellectiua rei necessariae, siue habeatur per discursum siue non; Tertio modo pro cognitione intellectiua rei necessariae, habita per discursum; & hæc est duplex, scilicet, quæ habetur per discursum; qui non sit vera demonstratio, sed vel euidens consequentia ex antecedente deducta, vel syllogismus constans ex propositionibus de omni prioristico tantum; aut per discursum; qui sit vera demonstratio procedens ex primis veris, & immediatis, prioribus, notioribus, causis, quæ conclusionis: Si primo modo accipiat scientia, cum talis possit esse, etiam rerum contingentium, possumus dicere hoc modo etiam, entia per accidens posse sciri; si quidem apprehendi possunt vnico actu per modum vnus, sicut dicit Scotus in 6. Metaphysicæ quæst. 2. at secundo, vel tertio modo non possunt sciri, tum quia non sunt entia per se, necessaria, tum etiam, quia carent diffinitione quiditatiua, quæ est medium sciendi in demonstratione potissima, vt inferius ostendemus.

Ex his igitur sit prima conclusio. De entibus per accidens secundum entitatem, siue vt ly per accidens negat perfectiorem rei, nequit esse vera scientia, aut diffinitiuu, aut de-

monstratiua. Est indubitabilis conclusio Scoti collecta ex locis super sent. libros præcitatis. Probatur prima pars, quia simplex, seu diffinitiuu scientia est ipsa diffinitio rei quiditatiua; sed entia huiusmodi per accidens carent diffinitione quiditatiua, ergo carent scientia simplici, seu diffinitiuu. Maior patet. Minor probatur, quia diffinitio quiditatiua est, quæ datur per genus, & differentiam ex Aristotele septimo Metaphys. t. 43. sed entia per accidens secundum entitatem non habent aliquod vnum genus, & vnā differentiam, cum sint aggregata ex rebus diuersorum generum, vel supremorum, vel intermediorum, vt dictum est in primo, & secundo Notab. ergo carent diffinitione quiditatiua. Secunda pars probatur, scientia demonstratiua habetur per verā demonstrationem, sed de entibus per accidens secundum entitatem nequit esse vera demonstratio: ergo neque vera scientia. Maior patet ex diffinitione scientiæ demonstratiuæ tradita ab Aristotele primo Poster. cap. 2. Minor probatur, quia vera demonstratio est ex propositionibus per se, ex eodem Aristotele ibidem cap. 7. sed ab entibus per accidens non possunt sumi propositiones per se: ergo &c. Minor probatur, quia propositiones per se primi modi sunt ex prædicatis quiditatis; secundi verò modi ex prædicatis, quæ sunt propriæ passionem, sed entia per accidens, vt talia carent prædicatis quiditatis, & consequenter proprijs passionibus: ergo ab ipsis nequeunt sumi propositiones per se. Maior est Aristotelis primo Post. cap. 4. Minor similiter, quia non collocantur in aliquo prædicamento, nec continentur sub aliquo vno genere proximo, vt patet ex eorum descriptione: ergo &c.

Secunda conclusio. De entibus per accidens secundum entitatem consideratis nequit dari aliqua scientia, quæ sit vna genere, vel specie, vt dicit Doctor in Metaphys. lib. 6. quæst. 2. cum Antonio Andrea, & Zerbio citatis pro secunda sententia. Est conclusio eiusdem Doctoris Subtilis in Prologo sentent. quæst. 3. D. & in 3. dist. 25. q. 2. §. Ad secundum quæsitum. C. vbi docet vnitatem scientiæ de sumi ab vnitatem subiecti, quod si fuerit vnum genere subiecti, tunc plura subiecta specificè distincta, etiam scientia, vel habitus, erit vnus genere; si verò

subiectum erit diuinitas vniū specie, & scientia, vel habitus habebit vnitatem specificam; cum igitur entia per accidens nequeant conuenire in aliquo conceptu obiectiuo, vel specifico, vel generico, cum sint res diuerſorum generum, conſequenter dicendum eſt, ſecundum verum Scoti opinionem, de illis nullam poſſe dari ſcientiam, aut genericam, aut ſpecificam poſitiuē ſaltem. Probatur hac foriſſima ratione, quia vnitās ſcientiæ, ſaltem extrinſecē, deſumitur ab vnitātē ſubiecti ex Ariſtotele primo Poſt. cap. 23. ſed ens per accidens non eſt vnum per ſe ſubiectum, aut ſpecificē, aut genericē: ergo de illo nequit ſcientia eſſe aut ſpecifica, aut generica. Minor probatur, quia vnitās generica, & ſpecifica conueniunt vniocē in vnitātē per ſe, ex Ariſtotele, quinto Methaphyſicæ c. de Vno, ſed ens per accidens non eſt vnum per ſe, cum opponantur ſecundum Ariſtotelem ibidem: ergo ens per accidens non poteſt eſſe vnum vel genericē, vel ſpecificē. Confirmatur, quia, de ente per accidens non eſt vera ſcientia ex præcedenti conſiſſione: ergo neque generica, vel ſpecifica. Conſequentia tenet à toto in modo ad ſuam partem negatiuē.

Tertiā Concluſio. De Ente per accidens ſecundum entitatem, ſiue conſiderato in eſſe ſciſibilibus, ſiue in ordine ad aliquem finem, ſiue partes ſe habeant, vt determinans, & determinabile, nequit eſſe vna ſcientia. Eſt contra tertiam, & quartam ſententiam. Probatur, quia vna ſcientia eſt cognitio vnius paſſionis demonſtrabilis de vno ſubiecto per eius diffinitionem, quæ eſt medium in demonſtratione poſitiua, ſed ens per accidens, quocumque modo conſideretur non habet vnam paſſionem de ſeipſo demonſtrabilem per diffinitionem eius quiditatiuam: ergo de ente per accidens, quouis modo conſiderato, nequit eſſe vna ſcientia. Maior patet ex dictis ſuperius cum Ariſtotele in hoc primo Poſteriorum, capit. 2. & 23. & in ſecundo Poſt. cap. 17. Minor probatur, quia vna paſſio ſluit ab vna eſſentia ſubiecti, ſed ens per accidens, quouis modo ex ſupradictis conſideratum, non habet vnam eſſentiam, quia nec vnicam diffinitionem: ergo nec vnicam paſſionem de ſeipſo demonſtrabilem. Minor probatur, quia huiusmodi ens per acciēſ conſtat ex rebus diuerſorum

generum vt cuilibet conſideranti patere poteſt.

Quarta Concluſio: Ens per accidens, prout ly per accidens priuat perfectitatem cauſæ, non eſt ſciſibile vniū ſcientia propriē dicta. Eſt concluſio Ariſtotelis expreſſa, & probata ab eodem in textu, quia ſcientia eſt de his, quæ ſunt ſemper, & frequenter, hoc eſt de neceſſariis, ſed entia per accidens hoc modo conſiderata non ſunt huiusmodi, vt patet ex eorum diffinitionibus traditis ab eodem Ariſtotele ſecundo Phyſicorum at. 32. vſque ad t. 63. ergo entia per accidens hoc modo conſiderata non ſunt ſciſibilia ſcientia propriē dicta.

Quinta Concluſio. De entibus per accidens vtroque modo acceptis, in eſſe ſignato, ſeu formaliter conſideratis, poteſt eſſe aliqua ſcientia negatiuē. Eſt communis omnium Doctōrum, Probatur, quia de talibus poſſunt demonſtrari multæ paſſiones negatiuæ, ſcilicet quod non ſint entia, per ſe vna, nec ſciſibilia vniū ſcientia, nec diffiniſibilia vniū diffinitione, & cætera huiusmodi: ergo de iſtis hoc modo conſideratis poterit eſſe ſcientia negatiua. Conſequentia patet, quia ſicut per demonſtrationem paſſionum poſitiuarum de aliquo ſubiecto habemus de illo ſcientiam poſitiuam, ita ex oppoſito, ex paſſionibus negatiuis demonſtrabilibus de aliquo, vel aliquibus ſubiectis habebimus ſcientiam negatiuam: Hoc eodem modo habetur ſcientia de ſyllogiſmo ſophiſtico, de infinito, de vacuo, &c. quibus conueniunt paſſiones negatiuæ, & non poſitiuæ.

Sexta Concluſio. De ſingularibus, vt talia ſunt, non habetur ſcientia proſtā iſto per demonſtrationem veram acquiſita, ſed tantum, vt conueniunt in ſpecie. Eſt Scoti in ſecundo d. 3. quæſt. 6. M. Probatur, quia eo modo aliqua ſciuntur demonſtratiuē, quomodo habent diffinitionem, quæ eſt medium ſciendi, vt videbimus inferius, ſed ſingularia. vt talia non habent diffinitionem ſaltem quiditatiuam, aliam à diffinitione ſpeciei: ergo de iſtis non erit alia ſcientia præter illam, quam participant ratione ſpeciei. Minor probatur, quia diffinitio quiditatiua conſtat ex genere, & differentia ex Ariſtotele ſeptimo Methaphyſicæ c. 43. ſed ſingularia, vt talia, non habent proprium genus diſtinctum ab illo, in quo conueniunt ſpecies, nec alias dif-

ren-

rencias præter individuales : ergo non habent propriam diffinitionem quiditariam , & consequenter nec propriam scientiam .

Confirmatur, quia demonstratio est tantum de propositionibus vniuersalibus , vt superius demonstratum est cum Aristotele cap. 4. 6. & 24. sed ex singularibus , vt singularia sunt , nequeunt fieri propositiones vniuersales : ergo de ipsis nequit esse demonstratio , ac proinde nec scientia , quæ sit effectus demonstrationis . Confirmatur secundo , quia non dantur passionēs singulares, quæ communes sint omnibus singularibus; ergo nec scientia communis illis , vt singularia sunt. Consequentia patet, quia scientia est cognitio conuenientie passionis cum subiecto in conclusione demonstrata . Antecedens probatur, quia passionēs fluunt à principijs intrinsicis subiecti, sed principia intrinseca singularium, vt talium, sunt differentie individuales, quæ inter se sunt primò diuerse; ergo, & passionēs erunt huiusmodi, & sic nulla passio singularis poterit assignari, quæ sit communis omnibus singularibus, vt singularia sunt .

Obijcit primo contra primam, & secundam conclusionem de Ente per accidens potest esse vna scientia genere ex Scoto 6. Methaphysic. quæst. 2. conclusione secundæ : ergo de Ente per accidens potest esse scientia . Consequentia tenet à parte in modo ad iuramentum affirmatiue , sequitur enim est homo albus : ergo est homo .

Respondetur primo, Auctoritatem Doctoris de 6. Meth. non vrgere, cum illam sententiam retractauerit in lib. sententiarum, & quolib. vt dictum est in notab. & in probatione conclusionis .

Respondetur secundo, Doctorem loqui de ente per accidens largè sumpto, quod nimirum constat ex rebus diuersis specie, quæ tamen continentur sub eodem genere proximo, vt sunt album dulce , quæ conueniunt in genere qualis sensibilis, & de tali ente per accidens, quamuis non possit esse vna scientia specie , cum non sit vnum specie obiectum , poterit tamen sciri in genere qualis sensibilis , & de ipso demonstrari passionēs communes ad vtrumque, scilicet ad album , & dulce : cæterum sumendo ens per accidens strictè, quod videlicet componitur ex rebus diuersiorum generum, nullo modo de

illo poterit esse scientia , cum careat diffinitione , & passione vna de ipso demonstrabili .

Contra, quia scientia subalternata est vera scientia ex eodem Doctore Subtili quæst. tertia, Prologi. sed talis est de ente per accidens, vt patet de Musica, quæ est de numero sonoro, & de Perspectiua, quæ est de linea visibili ; at quis non fateatur numerum sonorum , & lineam visibilem esse entia per accidens, cum constent ex rebus diuersiorum generum, ergo secundum Doctorem de Ente per accidens strictè accepto poterit esse vera scientia .

Respondetur admitendo maiorem , & negando minorem , quia licet subiectum Musicæ , & Perspectiue sint entia per accidens materialiter, & in actu exercito, tamen formaliter, & in actu signato, vel æquialiter sunt entia per se , vt dictum est in quæstione de subalternatione scientiarum : & cum probatur per Doctorem in citata quæstione Prologi, dico cum Bargo, ibi locutum fuisse conditionatè, & dubitatiue , vt patet ex contextu , vbi dicit : nulla autem scientia prima est de conceptu vno per accidens , quia talis præsupponit scientiam de vtraque parte , & ideo si scientia subalternata sit de aliquo vno per accidens , præsupponit duas tractantes de partibus illius totius separatim . Ecce quomodo Doctor non asserit scientiam subalternatam esse de vno per accidens , sed vel dubitat , vel sub conditione, quæ nihil ponit in esse , loquitur .

Obijcit secundo, contra tertiam conclusionem ex Maestro loco præcitato, quia plures causæ partiales, siquæ eiusdem, siue alterius ordinis, & generis, in ratione causandi integrant vnam totalem, per quam possunt demonstrari, & prædicata, & passionēs de aggregato ex illa pluralitate causarum, sed huiusmodi aggregatum est ens per accidens ; ergo de Ente per accidens, vt ordinatur ad aliquem finem, poterit esse scientia .

Respondetur, maiorem esse veram quò ad vnitatem ordinis non tamen in entitate , quia vt inquit Doctor in 1. d. 3. q. 7. H. causæ partiales, quamuis ordinentur ad eum lein effectum causandum, concurrunt tamen per propriam causalitatem, vt patet de Sole, & homine in generatione hominis, & causa totalis, quæ complectitur Patrem , & solam

nōn habet aliquam vnam rationem formalem cauſandi, ſicut non eſt vna cauſa, niſi vnitate ordinis; ex quo ſequitur, quod illud aggregatum per accidens cauſarum, cum non liceat vnam per ſe rationem cauſandi, nec poterit habere vnum prædicatum commune de ipſo demonſtrabile, ac proinde de illo, vt ſic non poterit eſſe vna ſcientia, ſed plures, iuxta pluralitatem cauſarum.

Obijcitur tertio, contra eandem, quia de ente per accidens, cuius partes, ſe habent vt determinans, & determinabile, poteſt eſſe vna diſſinitio: ergo, & vna ſcientia. Conſequentia patet, quia diſſinitio eſt medium ſciendi demonſtratiuè. Antecedens probatur, quia album eſt ens per accidens, cum aggreget in ſe res diuerſorum generum, ordinatas tamen, ſcilicet ſubiectum, & albedinem, ſed album diſſinitur, quod ſit diſgregatum viſus; ergo ens per accidens habens partes ordinatas eſt diſſinibile, & conſequenter ſciibile.

Reſpondetur negando antecedens, ad probationem dico album dupliciter conſiderari poſſe, & formaliter, & connotatiuè; primo modo ſignificat albedinem in conſcientia ad ſubiectum, & ſic diſſinitur, & non eſt ens per accidens, ſed per ſe: at ſecundo modo importat ſubiectum informatum albedinem, & ſic cum dicat res diuerſorum generum eſt ens per accidens, & ſic nequit diſſiniri, & ſciri, vt contendit Ruuius; cuius eſt argumentum.

Obijcitur quarto contra ſextam conſolutionem ſingularia, & indiuidua habent propriam diſſinitionem, in qua conueniunt: ergo per ipſam poterunt demonſtrari propriæ paſſiones, vt ſunt vnitas, & diſtinctio numerica, ac proinde de illis haberi ſcientia. Antecedens patet ex Porphyrio capit. de ſpecie, & ex dictis à nobis ſuper Vniuerſalibus diſputat. 4. quæſt. 4. per totum, vbi conſequens abſtrahi poſſe ab indiuiduis vnam rationem communem obiectiuam, cui competat illa diſſinitio Porphyrij, ſcilicet Prædicari de vno ſolo. Conſequentia patet, quia diſſinitio eſt medium in demonſtratione poſſiſſima, per quam habetur ſcientia.

Reſpondetur Antecedens, & eius probationem habere veritatem de diſſinitione propria, quatenus ſingulare, & indiuiduum

dicat aliquam entitatem diſtinctam ab entitate ſpeciei, non tamen de diſſinitione quiditatiua, quæ ſola eſt in medium ſciendi; ſiquidem hæc diſſinitio habet conſtare ex genere, & differentia, ſeu ex realitate potentiā importata per genus, & actuali ſignata per differentiam, at indiuidua non conueniunt in aliqua realitate potentiā propria, ad ipſa contrahibili per proprias differentias, vt diximus in loco citato, & conſequenter nequeunt diſſiniri diſſinitione quiditatiua, & per ipſam demonſtrari paſſiones ſingulares de eis.

Vel dicendum totum eſſe verum de ſingularibus pro ſecunda intentione, & in eſſe ſignato, quia ſic ſingulare in comuni induit rationem ſpeciei, non tamen de illis pro prima intentione, & in eſſe exercito, quia vt ſic, cum non diſſiniantur quiditatiuè, nec de ipſis poterit eſſe propria ſcientia.

Contra, quia de ſingularibus vt talia ſunt, conſciuntur veræ demonſtrationes, vt patet de ſole, & luna, de quibus demonſtrantur Eclypſis, ſed ſol, & luna ſunt ſingularia: ergo de ſingularibus vt talibus, poteſt eſſe ſcientia.

Reſpondetur Huiusmodi demonſtrationes fieri de ſpeciebus ſolis, & lune, ſiquidem à ſole abſtrahitur ſpecies ſolis, & ſpecies lune ab hac luna ſingulari, & per earum diſſinitiones demonſtrantur de ipſis, & Eclypſis, & alæ paſſiones, quamuis in actu exercito verificentur de ſuis ſingularibus.

Obijcitur quinto, contra eandem ex Ariſtotele ſecundo Meth. 1. ph. t. c. 11. vbi habentur hæc verba: Item ipſum ſcire perimunt, qui ita dicunt, (hoc eſt principia formalia eſſe infinita) non enim poſſibile eſt ſcire, antequam ad indiuidua deueniatur: ergo non ſolum de indiuiduis poteſt haberi ſcientia, ſed illa eſſe primo ſcirta, per quæ cætera ſciuntur.

Reſpondet Doct. Subtilis in Expoſitione ad illum textum, indiuiduum hoc loco, non ſignificare ſingulare, quia tale nullo modo poteſt ſciri, etiam ſecundum Philoſophum in primo Poſt. c. 2. ac alibi, ſed denotare aliquod indiuiſibile formaliter, vel in aſcendendo, & ſic ſignificat ſupremum genus, quod reſolui nequit in alia priora genera, vel in deſcendendo, & ſic importat ſcientiam

ciem specialissimam, quæ indiuisibilis est per differentias formales; vel in resoluendo, & sic importat propositionem immediatam, quæ in priore resolui nequit, vt sit sensus, qui ponit principia formalia infinita, ipsum scire perimit, siquidem infinitum pertransiri nequit; Scire autem perfectum stat in aliquo indiuiduo, id est indiuisibili, vel in ascendendo cuiusmodi est genus generalissimum, vel indecendendo, vt est species specialissima, vel demum in resoluendo, vt est propositio immediata, quæ omnia intellectu pertransiri possunt, cum in illis detur status, & non sit procedendum in infinitum, vt superius cum Aristotelem demonstratum est. Et sic ad argumentum formaliter negatur consequentia, quia nomine indiuiduorum non veniunt singularia, sed solum indiuisibilia formaliter, vt declaratum est.

De Comparatione Scientiarum in Ordine ad principia.

CAPVT XXV.

IN hoc capite Aristoteles intendit probare principaliter principia scientiarum esse diuersa, & facit quatuor. Primo probat non omnium syllogismorum posse esse eadem principia, & incipit ibi. Eadem autem esse principia etc. Secundo ostendit non esse eadem principia syllogismorum falsorum, & incipit ibi. Posse autem neque falsam etc. Tercio demonstrat idem in syllogismis, veris, dum dicit: Ex oppositis, autem sic est, neque enim verorum etc. Et quarto declarat intentum non omnium scientiarum esse posse eadem principia.

Quò ad primum ponit hanc primam conclusionem. Eadem principia esse omnium syllogismorum est impossibile, & eandem probat per diuisionem, quia syllogismorum alij sunt veri, et alij sunt falsi, sed principia verorum sunt vera, et falsorum falsa: ergo non omnium syllogismorum esse possunt eadem principia. Maior patet ex dictis superius, et in Summul. Tract. 3. sect. vltima de

syllogismo sophistico. Minor etiam quia veritas, et falsitas syllogismorum attenditur, vel penes formam, vel penes materiam, vel penes utramque, sed hæc sunt principia, vel materialia, vel formalia; ergo illi syllogismi sunt veri, qui constant ex veris; siue materialiter, siue formaliter, et illi sunt falsi, qui habent principia falsa altero illorum modorum, aut utroque. Consequentia etiam est manifesta, alioquin principia vera essent principia falsa, quod est impossibile.

Quò ad secundum subiungit secundam conclusionem dicendo: Non omnium syllogismorum falsarum esse posse eadem principia, et probat quæ repugnantium, et impossibile non possunt esse eadem principia, sed aliqua falsa sunt repugnantia, et impossibilia, vt quod iustitia sit iniustitia, quod homo sit equus, vel bos, quod æquale sit maius, vel minus, et huiusmodi; ergo harum conclusionum principia sunt repugnantia, siue impossibilia in eodem consequentia patet, quia conclusiones deducuntur ex principijs, igitur quales sunt conclusiones, talia esse debent, et principia.

Quò ad tertium ponit tertiam conclusionem. Non omnium syllogismorum verorum possunt esse eadem principia, et probat illam multipliciter; tum quia punctus est principium verorum continuorum, unitas verò discretorum; sed punctus, et unitas nequeunt esse eadem, cum sint omnino disparata, siquidem punctus dicit positionem in continuo, non sic unitas: ergo horum verorum nequeunt esse eadem principia: tum secundo quia principia communissima non sufficiunt ad demonstrationem veram, sed requiruntur propria, vt supra ostensum fuit, sed principia propria non sunt eadem omnium demonstrationum, sed diuersa, vt patet, quia alia sunt principia predicamenti substantiæ, alia quantitatis, alia qualitatis, et sic de ceteris: ergo principia propria non sunt eadem, sed diuersa: tum tertio, quia principia non sunt multo minora conclusionibus, sed conclusiones non sunt eadem.

eadem: ergo nec principia. Maior patet, quia hæc conclusio, omne animal est corpus probari potest per corpus animatum tantum sic dicendo, omne corpus animatum est corpus; sed omne animal est corpus animatum: ergo omne animal est corpus. Similiter hæc omnis homo est corpus animatum ostendi debet solum per hoc principium, omne animal est corpus animatum, & omnis homo est animal: ergo omnis homo est corpus animatum, & sic potest esse discussus in cæteris conclusionibus, ex quibus manifestè patet veritas maioris, principia nimirum non esse multò pauciora conclusionibus; ergo nequeunt esse eadem omnium conclusionum. Tum quarto quia termini in quibus communicant omnes scientiæ sunt finiti, ut patet de ente, & eius passionibus, in quibus omnes scientiæ conveniunt, conclusiones autem sunt infinitæ, vel saltem innumerabiles: ergo præter illos terminos in quibus conveniunt, assignandi sunt alij termini proprii, ex quibus conficiantur principia illarum conclusionum, & sic non erunt eadem omnium conclusionum. Tum quinto quia principia necessaria, & non necessaria, seu contingentia nequeunt esse eadem, sed aliqua sunt vera necessaria, & aliqua contingentia, ut patet: ergo non omnium verorum esse possunt eadem principia.

Quod ad quartum tandem probat intentum, quod nimirum omnium scientiarum esse non possunt eadem principia, & probat ex prædictis conclusionibus, quia omnium syllogismorum, aut verorum, aut falsorum nequeunt esse eadem principia; sed omnis scientia, aut est verorum, aut falsorum; ergo omnium scientiarum nequeunt esse eadem principia. Secundo probatur, quia omnis scientia est effectus propositionum immediatarum; sed propositiones immediate, non sunt eadem in omnibus scientiis: ergo etc. Maior patet, quia omnis scientia est effectus demonstrationis ex cap. 2. huius lib. sed omnis demonstratio constat ex immediatis ex cap. 4. eiusdem libri: ergo omnium scientiarum nequeunt esse eadem principia. Tertio probatur quia diversorum generum subiectorum diversa sint principia; sed diversa scientiæ sunt diverso-

rum generum subiectorum ergo etc. Maior probatur; quia principia scientiarum, continentur, virtualiter in earum subiectis, ut alias ostendimus: ergo si subiecta sunt diversa, & principia erunt quoque diversa. Minor patet inductivè in omnibus scientiis, tum totalibus, tum partialibus; siquidem in tota Logica, genus subiectum est syllogismus in communi, in libro Porphyrii universalia in communi, in libro Prædicamentorum, Prædicamentum ut sic, in libro Priorum, syllogismus simpliciter, Posteriorum Demonstratio, & in libris Elenchorum syllogismus sophisticus, quæ omnia sunt diversa, similiter dicendum in Philosophia, Metaphysica, Geometria, Arithmetica, & cæteris: ergo concludendum est omnium scientiarum genera subiectorum esse diversa, & consequenter impossibile esse omnium scientiarum esse eadem principia propria, vel proxima.

De comparatione scientiæ cum opinione, & alijs Habitibus intellectus.

CAPVT XXVI.

Postquam ostendit in præcedentibus scientiam debere esse unius generis subiecti, & non omnium scientiarum esse posse eadem principia, in præsentem aggregatur demonstrare, qualiter se habeat scientia cum alijs habitibus intellectualibus, & præsertim cum opinione, & intellectu, & facit quatuor. Primo enim ponit differentiam inter scientiam, & opinionem, & inter scibile, ac opinabile ibi. Scibile autem, & scientia differunt ab opinabili. Secundo ostendit scientiam differre ab intellectu, ibi. At verò neque intellectus etc. Tertio ponit convenientiam aliqualem inter prædicta, dum dicit: Verus enim est intellectus, etc. & Quarto tandem demonstrat circa quæ versetur opinio dum subiungit. Certum autem est sic apparentibus, &c.

Quod

Quò ad primū ponit talem conclusionem scientia differt ab opinione, & scibile ab opinabili. Probat, quia scientia est circa vniuersalia, necessaria, & quæ non possunt aliter se habere ex dictis superius cap. 4. 6. & 7. sed opinio est circa contingentia, & quæ possunt aliter se habere: ergo scientia differt ab opinione, & consequenter scibile ab opinabili. Minor probatur, quia opinio nō est per causam per se, & secundum quod ipsum, sed tantum probabilem, vt melius patebit in quarta conclusione: ergo opinio non est circa necessaria, sed contingentia.

Quò ad secundum ponit secundam conclusionem scientia differt ab intellectu, & eam probat, quia intellectus est habitus principiorum indemonstrabilium, & propositionum immediatarum, & scientia est habitus conclusionum, & propositionum mediarum, ac demonstrabilium, sed principia, & conclusiones, propositiones immediata, & mediate differunt ab invicem: ergo & scientia, & intellectus ab invicem differunt. Maior, & minor sunt manifesta ex dictis superius cap. 2.

Quò ad tertium ponit tertiam conclusionem, scientia, & opinio, ac intellectus aliquo modo conueniunt, & aliquo modo disconueniunt. Probat primam partem, quia omnes possunt esse circa verum, & quia etiam resoluntur in immediata; siquidem tunc scire arbitramur cum cognoscimus rem per causam, & vsque ad elementa; similiter tunc opinamur cum nouimus reducere propositiones probabiles, & contingentes ad primam probabilem, & contingentem; & tandem principia cognoscimus, in quantum terminos cognoscimus: ergo scientia, opinio, & intellectus resoluntur ad primam, & immediatam. Secunda Pars probatur, quia scientia, & intellectus sunt circa necessaria; opinio verò versatur circa probabilia, & contingentia, sed necessaria, & contingentia disconueniunt: ergo scientia, & intellectus disconueniunt ab opinione. Insuper scientia, & intellectus versantur circa vera absolute, opinio, verò circa ea, quæ possunt vera esse, vel falsa: ergo inter se disconueniunt.

Antecedens patet, quia scientia, & intellectus versantur circa ea, quæ non possunt aliter se habere, vt dictum est cap. 2. huius libri, opinio verò ex opposito est de his, quæ contingunt aliter se habere: ergo sicut illa sunt necessario vera, hæc possunt esse vera, vel falsa.

Quò ad quartum tandem subiungit quartam conclusionem dicens: opinio est circa contingentia, & possibilia aliter se habere, & probat eam dupliciter tum quia opinio est ex his quæ apparent; sed talia sunt contingentia, & possibilia aliter se habere: ergo etc. Maior patet ex consensu omnium. Minor similiter, quia ea quæ apparent sunt incerta, & dubia, cum possint esse, & non esse, sed talia sunt contingentia, & possibilia aliter se habere: ergo de his est opinio: tum secundo quia nemo putat se opinari, quando cognoscit ea, quæ non possunt aliter se habere, sed solum cum cognoscit ea, quæ possunt aliter se habere: ergo de ratione opinionis est versari circa, quæ possunt aliter se habere.

Deinde obijcit contra prædictas conclusiones probando scientiam esse opinionem, et e converso, tum quia scire est opinari: ergo scientia est opinio, consequentia patet, quia habitus distinguuntur per actus ex quibus constant; ergo ex eisdem actibus concluditur idem habitus. Antecedens probatur quia scitum est opinatum, cum eadem conclusio possit fieri nota, & per syllogismum dialecticum, quia ratione esset opinata, & per demonstratiuum, & sic esset scita; ergo esse scire erit opinari consequentia patet, quia sicut ex distinctione obiectorum concluditur distinctio actuum, & potentiarum ex secundo de anima l. c. 33. ita ex unitate obiecti habet concludi unitas actuum; si ergo hæc est vera scitum est opinatum, quæ sunt obiecta, etiam hæc erit vera, scire est opinari. Tum secundo quia scientia, & opinio eodem modo acquiruntur siquidem, vt dictum est, tam sciens, quam opinans procedunt ex immediatis: ergo idem habitus erit scientia, & opinio. Tum tertio, quia eadem proprietates, quæ conueniunt scientia, & opinioni conueniunt, quādo-

doquidem, sicut scientia diuiditur in propter quid, & quia, similiter & opinio diuiditur in propter quid, & quia; nam quemadmodum demonstrationum alia est à priori, & alia à posteriori, ita syllogismus dialecticus, qui est generatiuus opinionis, est à priori, cum opinans putat se cognoscere per causam, & alius à posteriori, cum habeat suam probabilitatem ex effectibus tantum: ergo eadem proprietates, quæ conueniunt scientiæ, & opinioni competunt, ac proinde erit idem habitus scientiæ, & opinio.

Pro responsione ad hæc obiecta notat Aristoteles triplicem differentiam inter scientiam, & opinionem; & prima est, quod scientia procedit ex necessarijs, & impossibilibus aliter se habere, opinio uero ex contingentibus, & quæ possunt aliter se habere. Secunda est, quod scientia procedit per definitiones ex quibus fiunt demonstrationes opinio uero per definitiones, ex quibus efficiuntur syllogismi dialectici. Tertia est, quod scientia procedit per accidentia propria s. passionem, quæ insunt subiectis convertibilibus, & fluunt à principijs specificis, opinio uero per accidentia communia, quæ fluunt à principijs indiuidui, ex quibus infertur, quod opinans non est sciens uerè, sed tantum putatiue quia sibi non conueniunt conditiones scientiæ, sed tantum opinionis.

Secundo notat opinionem diuidi in quia, & propter quid, sicut scientiam. quia opinans, cum nouit soluere ea, quæ opinatur in principia probabilia innediata, tunc habet opinionem propter quid, cum autem nescit ea soluere habet tantum opinionem, quia, & non scientiam, quia principia huius sunt necessaria, illius uero tantum probabilia, & quæ possunt aliter se habere.

Tertio notat, quod de eodem obiecto materiali bene potest haberi scientia, et opinio, quia de illo sciens potest demonstrare passionem specificam per eius definitionem quiditatem, & opinans poterit de eodem ostendere probabiliter accidentia communia, & indiuidualia, non tamen de eodem obiecto formali, quia tale nequit esse simul necessarium, & contingens, inueniabile, & probabile; sed

scientia est de obiecto necessario, & inueniabili, opinio uero de contingenti, & quod non est impossibile aliter se habere; igitur de eodem obiecto formali nequit esse simul scientia, & opinio.

His præmissis, ac notatis respondet ad argumenta, & ad primum negat Antecedens, quod scire sit opinari, & cum probatur negat consequentiam ad cuius probationem dicit de eodem obiecto materialiter sumpto posse haberi scientiam, & opinionem, ut rectè procedit argumentum, non tamen de eodem formaliter accepto, cum idem non possit simul esse necessarium, & contingens; modo unitas habituum attendi debet ex unitate obiectorum formalium, & non materialium dum taxat.

Ad secundum negat consequentiam, quia sciens procedit per immediata necessaria tantum, & opinans per contingentia, & propter hanc diuersitatem diuersificantur etiam habitus scientiæ, & opinionis.

Ad tertium dicit, quod propter quid, & quia per demonstrationem sunt proprietates scientiæ; at propter quid, et quia per syllogismum dialecticum, seu probabilem conueniunt opinioni; ex quo infertur non conuenire scientiam, & opinionem in eisdem proprietatibus, quinimo illas esse diuersas, sicut diuersificantur syllogismi demonstratiui, et dialectici.

Denique pro complemento huius capituli dicit Philosophus scientiam posse comparari, nedum ad opinionem, sed etiam ad ceteros habitus intellectuales s. ad fidem, artem, prudentiam, et sapientiam, sed quoniam huiusmodi comparatio, ac diffinitio requirit altiore indaginem, siquidem aliqui spectant ad Philosophiam naturalem, vel moralem, alij uero ad Metaphysicam, et alij ad Theologiam, ideo in presenti de illis silere intendit, et tantum logicalia pertractare.

De Solertia, seu subtilitate inueniendi medium in demonstrationibus.

CAPVT XXVII.

Postquam enim Philosophus determinauerit de demonstratione, & eius effectu, nedum secundum se; sed etiam in comparatione ad intellectum, & opinionem, consequenter intendit ostendere modum, seu medium, quo quis facilius possit, & demonstrationes conficere, & scientiam habere: Hoc autem medium vocatur ab ipso solertia, quae sic ab ipso describitur.

Solertia autem est subtilitas quadam in non perspecto tempore medij, idest solertia est virtus, siue naturalis, siue acquisita, inuentiua medij ad conclusionem inferendam tempore imperceptibili, & exemplificat tripliciter, vt si quis videat lunam splendere ex ea parte, qua respicit solem, & dixerit hoc accidere, quia habet splendorem à sole, talis dicitur habere solertiam. Similiter si quis videns pauperem cum diuite litigantem, intellexerit causam esse, quia diues mutauerit pecuniam pauperi, pariter talis dicitur solers. Denum, si quis videns duos inimicos adinvicem compositos, intulerit, hoc enemisse, vel quia ambo sunt amici alicuius terti, à quo fuerunt compositi; vel quia inimici vnus terti, idco sunt vniti, vt illum conturbent, ac persequantur, talis etiam dicitur possidere solertiam, hoc est acumen, seu subtilitatem ingenij ad inueniendam causam talis amicitiae.

Aduertendum tamen solertiam esse duplicem scilicet inatam, & acquisitam. Solertia inata est subtilitas ingenij sequens dispositionem formae in nativitate, et talis spectat ad secundam speciem qualitatis scilicet ad naturalem potentiam. Solertia verò acquisita est subtilitas ingenij sequens studij, ac disciplinae exercitium, & talis est virtus, vel naturalis, vel moralis, spectans ad habitum de prima specie qualitatis. De vtraque est sermo in

proposito, sed praesertim de secunda, quid acquiratur ex frequentatione actuum inueniendi causas aliquorum effectuum, vel media in demonstrationibus ad praeproperam illationem conclusionum.

Ex his inferitur, quod solertia versatur circa media duntaxat, scientia verò circa conclusiones, ac propterea esse habitus mentis adinvicem distinctos. Quomodo autem solertia se habeat ad prudentiam, & ad ceteras virtutes morales, consulendus est D. Tho. c. 2. q. 94. art. 4. cum in praesentiarum tantum sit sermo de naturali, & non de morali. Et hac de textu primi libri Posteriorum Analyticorum Aristotelis dicta sint satis.

Vtrum de eodem obiecto haberi possint simul scientia, Opinio, & Fides humana?

QVÆSTIO III.

Difficultas non exagitur de obiecto incomplexo, quia, vt aliquantulum obiter utimur in expositione, idem obiectum materialiter sumptum potest esse simul scitum, opinatum, & creditum, sed est sermo de obiecto complexo, cuiusmodi est propositio, vel conclusio, vt sit sensus; An de eadem propositione, vel conclusione, possint haberi. Simul scientia, & opinio, & fides, ita vt dicatur simul & scita, & opinata, & credita ab eodem intellectu, siue actualiter, siue habitualiter?

Circa quam questionem hoc modo aliquantulum expositam, duæ extant famosæ, ac inter se omnino oppositæ. Doctorum sententia, quarum prior asserit, de vna, & eadem conclusione posse simul haberi scientiam, opinionem, & fidem humanam, nedum habitualiter, sed etiam actualiter, siquidem eadem conclusio potest ostendi per diuersa media, quorum vnum sit generatiuum scientia, alterum opinio, & aliud fidei. Ita ex nostris Alexander Alensis 3. part. sum. q. 75. memb. 3. D. Bonau. in 3. d. 2. art. 1. q. 3. Mayron. ibidem q. vnart. 6. Ricardus d. 25. q. 1. Bassolius in Prolog. scilicet q. 1. & ex alienis non paucis, vtrum Veteres, aut Recentiores rehui à Ruuio Tract. 3. de opi. & fide hum. sub n. 50. & Maltio disp. 13. q. 2. n. 12.

Poste-

Posterior huic opposita defendit non posse de eadem conclusione simul haberi. Scientiam, opinionem, & fidem humanam, siue actualem, siue habitualem, si quidem inter se pugnant, vt non possint simul in eodem intellectu consistere. Ita docent D. Thomas de Merit. q. 14. art. 9. quamuis à Ruuio citetur pro priori in 1. 2. q. 67. art. 3. & 3. p. q. 9. art. 3. ad secundum. Scotus in tertio d. 24. q. vn. §. Contra hæc D. Thomas sequuntur Caiet. & Sotus in cap. 26. lib. 1. Poster. & communiter ceteri Thomistæ, sicut Scotum secuti sūt omnes eius discipuli. Et videtur expressa sententia Aristotelis hic cap. 26. & expositorum, quos refert, & sequitur Mastr. loco citato num. 11.

Quid autem secundum veritatem dicendum sit, & de mente Doctoris Subtilis, quibusdam notatis, aperiemus in conclusionibus infra probandis.

Pro intelligentia igitur, ac resolutione totius questionis primo notandum est ex Doct. Subtili in lib. 1. Poster. q. 12. & in 3. d. 24. q. vn. in solut. quæst. scientiam tripliciter sumi posse, scilicet communiter, propriè, & magis propriè. Scientia communiter accepta est noticia alicuius propositionis, siue necessariæ, siue contingentis, siue habeatur per demonstrationem, siue non; siue sit evidens, siue inevidens, & sic est communis ad opinionem, fidem, & scientiam, tum propriè, tum magis propriè sumptam, & est in illis potentialiter, veluti genus in suis speciebus. Scientia verò propriè est noticia propositionis necessariæ, siue mediata, siue immediata; siue habeatur per demonstrationem, siue ex sola intuitionem terminorum, & sic distinguitur ab opinione, quæ non est de necessariis, sed tantum de contingentibus. Scientia autem magis propriè accepta est notitia certa, & evidens, de obiecto necessario, causata à causa evidenti intellectui, & applicata ad scitum, idest ad conclusionem per discursum syllogisticum, & scientia hoc modo diffinita differt, nedum ab opinione, & fide, sed etiam à scientia propriè dicta, quæ est notitia principiorum; nam per hoc, quod dicitur notitia certa, & de obiecto necessario, differt ab opinione, quæ non est certa, sed habet annexam formidinem de opposito, & non de obiecto necessario, sed contingentis. Per ly evidens distinguitur à fide, cuius propria ratio continet in se obscu-

ritatem; cum autem subiungitur, causata à causa evidenti intellectui, & applicata ad scitum per discursum syllogisticum, per has particulas distinguitur à scientia propriè sumpta, quæ tantum habetur ex intuitionem terminorum.

Secundo notandum est, opinionem dupliciter sumi posse, vno modo largè, alio modo strictè; opinio priori modo accepta, est assensus determinatus alicuius propositionis, siue contingentis, siue necessariæ cum formidine de opposito, & sic coincidit cum scientia communiter sumpta, nec ab ea vilo modo distinguitur. Opinio autem posteriori modo dicta, est assensus determinatus alicuius propositionis contingentis cum formidine de opposito, & hæc est duplex, scilicet immediata, & mediata iuxta duplicem acceptionem propositionis contingentis. Immediata est assensus determinatus propositionis contingentis immediatæ cum formidine de opposito, vt assensus huius propositionis, omnis Mater diligit filium suum, siquidem huic non assentitur intellectus per aliquam propositionem priorem, sed immetè per intuitionem horum terminorum, scilicet Matris, & Filij, cum formidine tamen de opposito, quia inuenit, sunt nonnullæ Matres, quæ occiderunt proprios filios; & opinio hoc modo sumpta pugnat cum scientia propriè accepta, quæ est assensus determinatus, ac certus alicuius propositionis immediatæ necessariæ. Mediata verò est assensus determinatus alicuius propositionis non necessariæ, & contingentis mediata, per syllogismum probabilem habitus, & cum formidine de opposito, vt assensus huius propositionis, Helena diligit filium suum, habitus per hunc discursum probabilem, omnis Mater diligit filium suum, sed Helena est Mater: ergo Helena diligit filium suum, & opinio hoc modo diffinita, opponitur directè scientiæ magis propriè acceptæ, quæ est assensus certus conclusionis necessariæ, per demonstrationem acquisitus.

Tertio notandum, quod opinio vtroque modo considerata differt etiam à dubitatione, suspitione, & fide humana: Primum differt à dubitatione, quia opinans habet assensum determinatum, licet non certum, circa alteram partem contradictionis; at dubitans in neutram partem determinatur, sed manet anceps

ceps, vt docet D. Thom. 2.2. q. 4. art. 1. Secundo differt à suspitione, quia licet ille, qui suspiciatur videatur declinare in alteram partem contradictionis, & propterea quod ad hoc conueniat cum opinante, quia tamen mouetur, leuibus indicij, & coniecturis, proinde non habet determinatum assensum, sicut opinans vt potè innixus probabilitatium, quibus motus determinatus in alteram propendit contradictionis partem. Tercio differt etiam à fide humana, quia opinio est assensus mediatus, vel immediata circa propositionem contingentem, vel per medium probabile, vel ex immediata terminorum cognitione habitus; at fides humana est assensus probabilis, non rationibus, aut cognitione terminorum expressus, sed tantum per testimonium alicuius fide digni habitus, cui tantum potest subesse falsum; & quia est circa rem contingentem, & non necessariam, & quia testimonium, cui innitur, est defectibile, cum proueniat à creatura, quæ secundum se potest falli, & fallere; ad differentiam fidei diuinæ, quæ innitur testimonio infallibili veritatis Dei, qui nequit falli, aut fallere, vt aliàs dicturi sumus.

Quarto notandum est, formidinem, quæ comitatur assensum opinatiuum esse in duplici differentia, siquidem alia est actualis, & aptitudinalis altera. Prior importat timorem actualem de veritate conclusionis syllogismi probabilis, vel quia præmissæ, aut rationes non sunt ita apparentes, vt intellectus in eis conuincere possit; vel quia oppositæ habent maiorem apparentiam veritatis, & minorem falsitatis, & hæc non est de essentia, vel intrinseca opinioni, cum possit ab ea separari, siquidem Scotistæ, & Thomistæ in Logica, & Philosophia, ita firmiter adherent proprijs opinionibus, vt videantur potius habere scientiam, de conclusionibus, quas descendunt, quam opinionem. Posterior vero est virtualis de veritate, aut falsitate conclusionis, aut præmissæ probabilis timor, inclusus in propositione contingenti, cum eius prædicatum non necessariò, sed contingenter inhaereat subiecto, & hæc formido constituit in esse assensum opinatiuum, & per eam distinguitur essentialiter opinio à scientia, quæ secundum se exigit, & certitudinem, & necessitatem conclusionis demonstratæ, ac scitæ.

Quinto notandum est, tam scientiam, quam opinionem esse duplicem scilicet actualem, & habitualem. Actualis scientia, vel opinio est notitia actualis alicuius conclusionis, vel necessariæ, vel contingentis. Habitualis est habitus, vel sciensificus, vel opinatiuus acquisitus, vel genitus ex frequentatis actibus, demonstrationis, vel syllogismi probabilis, ostendentis, vel necessitatem, vel probabilitatem conclusionis. Modo queritur an opinio, & scientia tam actualis, quam habitualis, inter se pugnent, vt nequeant de eodem obiecto complexo, & in eodem intellectu simul consistere, quin ab inuicem se expellant? Et de actuali quidem omnes conueniunt non posse simul consistere opinionem, & scientiam, quia impossibile est, quod idem intellectus habeat simul de eadem conclusione, & assensum certum, & incertum necessarium, & non necessarium, cum hi opponantur contradictorie; at de habituali aliqui negant, cum asserant non adesse inter illos repugnantiam actualem, sed tantum quasi potentialem; siquidem opinio dicit semiplenam determinationem intellectus, scientia plenam, & perfectam determinationem eiusdem circa idem obiectum, quæ non opponuntur contradictorie, sed se habent sicut magis, & minus; at isti certe falluntur, quia cum habitus generentur ex actibus, si isti inter se pugnant, & habitus inter se formaliter pugnare necesse est.

Ex his ergo sit prima conclusio, scientia communiter accepta, & opinio largè sumpta non pugnant adinuicem, immò se compatiuntur in eodem intellectu, non tantum successiue, sed etiam simul. Probatur quia idem non pugnat cum seipso, sed scientia, & opinio his modis sumpta sunt idem: ergo non pugnant adinuicem. Maior patet. Minor probatur ex dictis in primo, & secundo notabili. Præterea genus non pugnat, sed stat simul cum specie, sed scientia communiter accepta se habet tamquam genus ad scientiam, & opinionem propriè sumptas: ergo possunt simul consistere in eodem intellectu, etiam si versentur circa idem obiectum. Minor est notat ex dictis in primo notabili.

Secunda Conclusio. Scientia propriè sumpta, & opinio circa propositionem contingentem immediatam nequeunt stare simul.

simul. Probatur quia scientia proprie sumpta est circa propositionem immediata. n. necessaria, & opinio est circa immediatam contingentem: ergo de vna, & eadem propositione immediata nequit intellectus habere simul scientiam, & opinionem. Antecedens patet per earum definitiones. Cōsequentia etiam est manifesta, quia vna, & eadem propositio nequit esse simul contingens, & necessaria; sed hoc sequeretur, si de eadem propositione immediata posset haberi simul scientia, & opinio: ergo &c. Minor patet, quia inquantum esset contingens esset obiectum opinionis, & quatenus esset necessaria esset obiectum scientie.

Tertia Cōclusio. Scientia magis proprie, & opinio mediata actualis nequeunt esse simul de eodem obiecto complexo, & in eodem intellectu. Est Scoti in 3.d.24. qu. vn. 5. Contra hæc & ad tertium argumentum principale sub M. Probatur, quia extrema contradictionis nequeunt esse compossibilia in eodem, & respectu eiusdem, sed scientia, & opinio actualis de eadem conclusione inferunt extrema contradictionis: ergo non sunt simul compossibiles in eodem intellectu. Maior patet. Minor probatur quia scientia importat assensum certum, excludentem omnem formidinem, & dubitationem, opinio vero non certum, & formidolosum, cum sit circa obiectum, quod potest aliter se habere: ergo sciētia, & opinio actualis inferunt extrema contradictionis. Antecedens patet ex definitione scientie, & opinionis.

Quarta Conclusio. Scientia habitualis, & opinio habitualis respectu eiusdem non stant simul in eodem intellectu. Est Scoti in 3.d.24. qu. vn. M. Probatur, illi habitus sunt repugnantes in eodem, quorum actus sunt incompossibiles, sed actus scientie, & opinionis sunt huiusmodi, ut probatum est in præcedenti: ergo & habitus scientie, & opinionis debent esse similiter incompossibiles. Maior patet, quia habitus generantur ex frequentatis actibus: ergo quales sunt actus tales pariter debent esse & habitus. Deinde Habitus cum formidine, siue actuali, siue aptitudinali repugnat in eodem, cum habitibus sine formidine, sed scientia habitualis est habitus sine formidine omnino, & opinio habitualis includit saltem virtualiter formidinem, cum sit generis ex actibus circa propositiones eo-

tingentes per media tantum probabilia: ergo nequeunt simul in eodem, & respectu eiusdem consistere. Maior patet quia contradicunt adinuicem esse cum formidine, & sine formidine: ergo habitus formidolosi, & non formidolosi respectu eiusdem repugnant in eodem.

Quinta Conclusio. Scientia, & opinio possunt haberi de eodem successiue. Probatur quia eadem conclusio, quæ prius est probata per rationes probabiles, potest ostendi denud per demonstrationem: ergo scientia succedet opinioni de eadem conclusione. Antecedens patet consequētia similiter, quia rationes probabiles sunt generatiue opinionis, demonstrationes verò scientie: ergo notitia de eadem conclusione, quæ prius erat opinio, postea erit scientia, accedente syllogismo demonstratio.

Sexta Conclusio. Si verò eadem propositio sit prius scita, non poterit amplius ab eodem esse opinata. Est Scoti loco proxime citato. Probatur quando sunt duæ causæ, quarum vna sit in agendo fortior alia, si prior causat posterior non poterit causare, siquidē impeditur à fortiori, sed syllogismus dialecticus, & demonstratiuus sunt duæ causæ generatiue notitiarum, & opinionis, & scientie, & syllogismus demonstratiuus est fortior dialectico, cum procedat ex necessariis, hic verò tantum ex probabilibus: ergo si demonstratiuus genuerit scientiam de aliqua conclusione, non poterit de eadem per dialecticum haberi opinio. Maior patet præsertim de causis naturalibus, quæ agunt toto conamine: ergo virtus fortior impedit debiliore.

Septima Conclusio. Nec scientia, nec opinio si magis proprie sumantur, possunt consistere in eodem respectu eiusdem, cum fide humana. Est Scoti in 3.d.24. qu. vn. Probatur prima pars quia de ratione scientie est certitudo, & euidētia, & de ratione fidei humane incertitudo, & incuidētia: ergo nequeunt esse simul in eodem respectu eiusdem. Antecedens patet ex suis definitionibus. Cōsequentia similiter, quia alioquin contradictoria posset esse simul respectu eiusdem, quod est impossibile. Secunda pars probatur quia opinio est assensus medius, vel immediatus de aliqua propositione non necessaria, vel per syllogismum dialecticum, vel per solam cognitionem terminorum expressus in intellectu, fides verò humana est assensus pro-

probabilis per testimonium duntaxat alieuius fide digni habitus: ergo si eadem conclusio sit prius opinata, non poterit amplius esse credita. Antecedens patet ex diffinitionibus opinionis, & fidei humanæ, positis in secundo notat. Consequentia probatur quia causa foret naturaliter agens, impedit debiliore; sed syllogismus dialecticus est fortior ad gignendum assensum probabilem de aliqua conclusione, quam testimonium hominis, etiâ fide digni: ergo &c. Minor probatur, quia syllogismus dialecticus innititur rationibus probabilibus, quæ magis, inclinat intellectum ad assensum, quam testimonium vnius fide digni, cui facilius potest subesse falsitas: ergo syllogismus dialecticus erit fortior, quam testimonium fide digni, ad gignendum assensum de eadem conclusione. Antecedens patet, quia syllogismus dialecticus est medium intrinsecum ad habendum assensum, at testimonium d' ceteris est medium extrinsecum eiusdem: ergo intellectus magis inclinatut virtute illius, quam illius ad assentiendum eidem conclusioni.

Quæta Conclusio. Opinio sine actuali formidine nequit absolute consistere simul cum scientia de eadem conclusione habita. Est contra Mastrum, & Poncium ab ipso citatum, disp. 1.4. q. 2. sub n. 18. Probatur quia scientia excludit omnem formidinem, incertitudinem, & dubitationem circa conclusionem demonstratam, vt docet Scotus in 3. d. 1.4. q. vn. sub lit. D. Ex Aristotele in hoc 1. Post. cap. 2. & 1. Phys. c. 1. vbi inquit, tunc scire opinatur vniquoque simpliciter, & non phsyitico modo, qui est secundum accidens, cum causam arbitramur cognoscere scilicet necessariam, & quando illius est causa, vsque ad elementa, per quæ tollitur omnis incertitudo, formido, & dubitatio circa recta scitamus, sed opinio, etiam absque actuali formidine, non præbet certitudinem absque aliqua incertitudine, ac dubitatione, circa eandem conclusionem: ergo nequit simul consistere in eodem intellectu cum scientia propriissime accepta. Maior etiam suadetur, quia scientia est effectus demonstrationis, quæ procedit ex primis veris, necessarijs, & quæ non contingit aliter se habere: ergo excludit omnem incertitudinem, & formidinem, siue actuale, siue aptitudinale. Minor probatur, quia incertitudo, & formido aptitudinalis constituit opinionem inef-

se opinionis, & per ipsam distinguitur essentialiter à scientia: ergo si hæc relinquatur, semper pugnat formaliter cum scientia, vt nullo modo possit esse simul in eodem intellectu.

Obijcies tamen primo proban lo scientiâ, & opinionem propriissimè su nptas posse stare sim il in eodem de eadem conclusione, quia vna, & eadem conclusio potest probari diuersis medijs, quorum aliqua sint tantum probabilis, & alia demonstratiua, sed hæc sūt generatiua sciētiae, & illa opiaionis: ergo sciētia, & opinio possunt stare simul de eadem conclusione. Minor patet. Maior probatur, quia etiam Aristoteles hoc sēp sepius tacit in hoc 1. lib. Post. & experiētia constat idō fieri à diuersis Auctoribus, vt patet legētibz eorum scriptis: ergo eadem conclusio probari potest, & medijs, & probabilibus, & demonstratiuis.

Respondetur. Minorem esse veram successiue, nō tamen simul, quia si præcesserint media probabilis, atque idō opinionem genuerint aduenientibus demonstratiuis contrumpitur illa opinio, & inducitur scientia: si verò hæc præcesserint, vt prius gignant scientiam de illa conclusione, aduenientia probabilis nihil omnino facient, vt potē impedita à medijs fortioribus, cuiusmodi sunt demonstratiua in comparatione ad probabilis.

Obijcies secundo. Si quid obstar, vt sciētia, & opinio non possent simul consistere de eadem re, maxime esset formido, quæ committatur opinionem, & repugnat scientiæ, sed talis nihil officit: ergo poterunt simul consistere. Sequela maioris patet. Minor probatur, quia formido potest separari ab opinione: ergo hæc secusa poterit stare simul. Cōsequencia patet. Antecedens probatur, quia opinio vera non est de falsis, sed si esset cum formidine, esset de falsis: ergo formido potest separari ab opinione vera. Maior patet, quia verum, & falsum opponuntur: ergo nequit esse opinio vera, & esse de falsis. Minor probatur quia opinari cū formidine est existimare re posse aliter se habere, quam modo sit opinata, sed habens opinionem de hac propositione, homo est animal, falsum putat, si existimat, eum posse aliter se habere: ergo si opinio talis esset cum formidine, opinio vera esset de falsis, quod implicat.

Respondetur. Negando minorem, ad probationem, negatur antecedens de formidine

aptitudinali, ad cuius probationem negatur minor, & cum probatur dico maiorem esse falsam, siquidem opinari cum formidine nō est existimare rem aliter posse se habere, sed solum timere, vt possitaliter se habere, vnde posito, vt quispiam habeat opinionem de illa propositione homo est animal, nō existimat rem posse aliter se habere, sed solum timet, cum nondum perceperit vnionem necessariam animalis cum homine: ac proinde nō sequitur, si opinio sit cum formidine, vt debeat esse de falsis, sed ad summum, vt timorē habeat, nē sit de omnino veris.

Obijciens tertio opinio aliqua potest esse sine ulla formidine: ergo poterit eadem conclusio esse simul opinata, ac scita. Consequentia patet, quia formido impedit, quin scientia possit simul esse cum opinione de eadem re. Antecedens probatur, quia si multiplicentur rationes probabiles, magis augetur opinio, & tamen non crescit formido: ergo in tantū possent multiplicari, vt in totum tollatur formido, & sic poterit postea opinio simul stare cum scientia de eadem conclusione.

Respondetur. Negando antecedens, quia cum formido aptitudinalis constituit opinionem inesse, nequit esse sine illa; & cum probatur quod in tantum possent multiplicari rationes probabiles, vt tollant omnem formidinem, est falsum, quia rationes probabiles, cum non pariant euidentiā de veritate conclusionis, si multiplicentur etiam in infinitū, non poterunt auferre omnem formidinem, & sic in illa crisi semper repugnantia cum scientia, quæ excludit omnem incertitudinem, & dubitationem.

Obijciens quarto contra quartam conclusionem, quia non repugnat eandem intellectum esse imperfectē determinatum actu, & posse plenē determinari; sed per habitum opinionis est imperfectē determinatus actu ad veritatem, & per habitum scientiæ potest plenē determinari: ergo habitus opinionis, & scientiæ non repugnant in eodem intellectu.

Respondetur totum argumentum esse verum successiue, non tamen simul, quia adueniens plena determinatione intellectus per habitum scientiæ circa aliquam veritatem, corrumpitur illa somplena, seu infirma determinatio, quæ præcesserat per habitū opinionis circa eandem: nam habitus, quorum actus sunt incompōsibiles in eodem, sunt adinuicem repugnantes, vt dictum fuit in

probatione nostræ conclusionis.

Obijciens quinto contra septimā, quia eadē conclusio solet probari, nedum rationibus probabilibus, vel demonstratiuis, sed etiam auctoritatibus, vel Philosophorum, vel Sanctorum, sed illæ generant opinionē, & scientiam, & hæ fidem humanam: ergo scientia, & opinio possunt stare simul cum fide humana de eadem conclusione.

Respondetur negando cōsequentia, quia si præcedant auctoritates, & sequantur postea rationes, vel probabiles, vel demonstrationes, statim corrumpitur fides, sin autē præcedant rationes, accedentes nihil omnino agunt, vt potē ab illis impeditur, tamquam à causis fortioribus.

Obijciens sexto contra octauam conclusionem ex Mastro L. c. in cōcl. Ratio cur opinio formaliter opponatur scientiæ est ipsa actualis formido de opposito, & positiua incertitudo de proposito, sed opinio absolute sumpta non habet actualem formidinem de opposito, aut positiuam incertitudinem de proposito: ergo non habet formalem repugnantiam cū scientia, quin possint simul consistere in eodem. Maior patet. Minor probatur, quia si quis assumeret ad probandum hominem esse risibilem, & medium necessarium, & medium probabile, posset hoc vi absq; iudicio de necessaria, vel nō necessaria cōnexionē prædicati cum subiecto; sed data hypothēsi nulla adesset actualis formido, aut positiua incertitudo de variabilitate obiecti, verum tantum esset negatiue incertus, iudicando cōnexionem prædicati cū subiecto, præcindēdo à necessitate, & contingentia cōnexionis: ergo, vt sic posset habere assensum opinatiuum, & simul scientificum de illa propositione, homo est risibilis.

Respondetur primo. Negando primam partem maioris, siquidem scientia, vt dictū est, excludit omnem formidinem, & dubitationem, nedum actualem, sed etiam aptitudinalem: modo opinio aliqua, quamuis reperiri possit sine priori, nequit tamen esse sine posteriori, & sic semper habebit repugnantiam cum scientia, quæ est de obiecto omnino certū, ac necessariū.

Vel dicendum secundo, negando minorem, ad cuius probationem admissio casu, nego consequentiam, quia assensus scientificus, quem haberet de illa propositione, homo est risibilis, impediret opinatiuum, etiam abso-

lutum.

utrum, sumptum circa eandem; siquidem, ut inquit Doctor in 3. d. 24. q. vnic. M. medium dialecticum impeditum à demonstratiuo, velut à causa fortiori, & totaliter convincē-

te intellectu ad assensum illius conclusionis. Et hæc sufficiant pro complemento huius per difficultis quæstionis, & totius primi libri Posteriorum Aristotelis.

POSTERIORVM ANALYTICORVM ARISTOTELIS. LIBER SECUNDVS.



Explatis in 1. libr. ijs omnibus, quæ spectant ad quiditatem, quantitatem, & qualitatem demonstrationis, ac eiusdem effectus, qui est scire, in hoc 2. aggredditur Aristoteles tractatum de diffinitione, non quatenus est modus sciendi ab argumentatione, & diuisione distinctus, sed in ordine ad ipsam demonstrationem, prout nimirum est principium, & causa & medium demonstrandi passionem de subiecto, & inherentiam prædicati cum suo subiecto in conclusione demonstratiue syllogizata: sed quoniam tota hæc doctrina est ferè tradita in præcedentibus, & qua superesse poterit, ad sufficientiam dabitur in sequentibus quæstionibus, idcirco, & breuitati, ac præcisa necessitati studentes, abstinemus ab expositione textus, & una, vel altera difficultate persoluta, sinem imponemus huic secundo libro Posteriorum.

De medio Demonstrationis.

Disputatio Vnica.

Utrum quæstiones verè scibiles sint tantum quatuor scilicet si est, quod est, quia est, & propter quid est?

QVÆSTIO I.

HAs quatuor quæst. recensuit Arist. 1. huius 2. libr. Posteriorū, & quia omnis quæstio, ex eodem, c. 2. est quæst. medij scibilis, idcirco quæritur an sint tantum quatuor quæstiones verè scibiles, ut exindè deducere valeamus scibilibus genera esse tantum quatuor, & non plura.

Pro cuius intelligentia 1. Not. est nomen quæstionis dupliciter sumi posse, vno modo largè, & sic indicat propositionem cū signo dubitationis acceptam siue talis propositio sit necessaria, siue contingens, siue possibilis sit, siue impossibilis, & sic non sumitur in præsentī, alio modo significat propositionem necessariam cum signo dubitationis acceptam, scilicet utrum, an, si, vel alio simili, & hoc modo accipitur strictè, & facit ad propositum, ut sit sensus, an propositiones necessariæ sub aliquo signo dubitationis suprà sint tantū, vel plures, aut pauciores?

Secundo notandum est quæstiones verè scibiles esse tantum quatuor posse tripliciter intelligi, scilicet in numero in specie, vel in genere; primo modo nō sumitur hic quia sic sunt ferè infinitæ: nec secundo modo, quia sic non tantum quæstiones metaphysicæ, &

physicæ, sed etiam logicæ differūt specie, & plures sunt quā in quatuor, sed tantū tertio modo, ut sit sensus, quæstionum verè scibilibus tantum quatuor sunt genera, sub quibus omnes continentur, siue sint logicæ, siue metaphysicæ, siue naturales, siue morales, scilicet si est, quid est, quia est, & propter quid est.

Tertio notandum est. Aliquid esse verè scibile posse dupliciter sumi, vno modo totaliter, propinque, & formaliter: Alio modo particulariter, remote, & elicitive. Primo modo sola conclusio demonstrationis, dicitur verè scibilis, cum in ea demonstratur inherentia passionis de subiecto, in qua consistit vera scientia, ut dictum est in primo libro Posteriorū. Secundo modo nedum conclusio verum etiam termini eiusdem, scilicet subiectum, & prædicatum dicuntur sciri, siquidem si est, & quid est dicuntur de subiecto, quia est de inherentia prædicati ad subiectum, & propter quid est, quod indicat causam talis inherentiæ; cognoscitur pariter de subiecto, & sic accipitur in proposito, & non primo modo.

Quarto notandum est, quod si est, potest dupliciter capi, vno modo prout dicit, si est essentia subiecti, & sic non accipitur in proposito, cum ut sic nō distinguitur à quid est. Alio modo, ut dicit existentiam eiusdem subiecti, & hæc duplex est, scilicet actualis, & aptitudinalis. Hic non loquimur de si est actuali, quia talis, cum sit contingens, nequit

sciri, sed tantum de aptitudinali, ut sit sensus, si est, id est si res aptitudinaliter existit; Hoc autem sensu adhuc potest dupliciter intelligi si est, vel complete, & perfecte, & sic est questio, quæ per demonstrationem dignoscitur, alio modo imperfecte, & incomplete, & sic est præcognitio, secundum quam præcognoscimus de subiecto esse saltem aptitudinale, quia de non ente nequit haberi scientia.

Quinto notandum est, quid est esse duplex scilicet quid nominis, & quid rei. Quid nominis est semper præcognitio, & de tali non est sermo in proposito: quid rei verò est duplex; vel ut dicit cognitionem subiecti incompletem, & imperfectam, & sic est præcognitio indicans definitionem eiusdem: vel prout importat cognitionem perfectam per demonstrationem habendam, & sic est questio, & sumitur in præsentia, cum quaeritur an quid est sit verè scibilis.

Sexto notandum est, quod etiam quia est, duplex est, scilicet præmissarum, & subiecti, ac prædicati conclusionis. Quia est præmissarum est earundem veritas, & talis est præcognitio, siquidem ante conclusionis illustrationem præcognoscenda est veritas principiorum demonstrationis, alioquin conclusio, non esset verè, nec evidens: quia est subiecti idem est, quod si est eiusdem, & duplex est sicut dictum est de illa. Quia est verò prædicati est causa inherentiæ eiusdem cum subiecto, & sic est questio terminabilis per demonstrationem: Ceterum propter quid semper est questio, cum quaeratur causam veritatis conclusionis, hoc est quare prædicatum inest subiecto, siquidem habita demonstratione, ac notitia conclusionis, habetur similiter notitia causæ inherentiæ prædicati cum subiecto, quæ causa nil aliud est, quam ipsius demonstrationis medium effectivæ, materialis verò sunt extremitates, quæ uniuntur medio in præmissis demonstrationis.

Septimo notandum est, quod ly tantum potest expendi tripliciter, scilicet gratia infinitatis, allegatis, & pluralitatis, ut dictum est de universabilibus, & prædicamentis: at in proposito expenditur vitimo modo, ut sit sensus, an genera questionum per demonstrationem scibilia, & terminabilia sint tantum quatuor, & non plura, nec pauciora?

Ex his sit unica Conclusio. Genera questionum verè scibilium, ac per demonstratio-

nem terminabilia sunt tantum quatuor, & non plura. Est conclusio Aristotelis in textu 1. c. 1. huius 2. lib. Poster. & Scot. in 2. Post. q. 1. vel 48. Probatur quia illæ sunt questiones verè scibiles quæ per demonstrationem, vel formaliter, vel elicitive solvuntur, ac terminantur, sed tales reducuntur tantum ad quatuor genera, & non plura: ergo tantum quatuor sunt genera questionum verè scibilium. Maior patet. Minor probatur, quia omnis questio per demonstrationem verè scibilis, vel est de conclusione, vel de partibus eiusdem; si de conclusione hoc dupliciter, vel de eius veritate, & sic habetur quia est; vel de causa talis veritatis, & sic est propter quid est, si verè est de extremis, vel est de subiecto, & hoc dupliciter, vel de eius existentia, & sic est, si est: vel de quiditate eiusdem, & sic est quid est: si autem est de prædicato, vel erit de inherentiâ eius ad subiectum, & sic erit quia est, vel de causa talis inherentiæ, & sic erit propter quid est, cum autè nulla alia questio sit verè terminabilis per demonstrationem præter quatuor prædictas, sequitur genera questionum scibilium esse tantum quatuor, & non plura.

Obijcies tamen primo probando, si est, non esse questionem, quia omnis questio vnum querit, & aliud supponit, sed si est, cum sit prima nil præsupponit: ergo si est nequit esse questio.

Respondetur. Maiorem esse veram in ordine cognoscendi, non tamen quaerendi; modo in proposito, ly si est, supponit se, tamquàm præcognitionem incomplete, & sic verificatur, quod & ipsa vnum querit, & aliud supponit, querit enim cognitionem perfectam, & supponit imperfectam, existentiam subiecti.

Obijcies secundo. Quid est, & propter quid est non distinguuntur: ergo non sunt quatuor questiones. Consequentia patet. Antecedens probatur, quia utraque querit de medio, quod est definitio subiecti.

Respondetur quid est, vt est definitio subiecti, posse dupliciter sumi, vno modo realiter, alio modo formaliter. Primo modo non distinguuntur à propter quid est, cum eadem definitio sit constitutiva subiecti, causa passionis, & causa inherentiæ eiusdem cum subiecto in conclusione; at secundo modo distinguuntur, quia definitio appellatur quid est, vt dicitur habitudinem quiditativam ad definitum, & propter quid est, prout causas nec-

effariam inherentiam prædicati cum subiecto.

Obijcies tertio. Plura sunt genera dubitationum, quam quatuor: ergo plura sunt genera questionum quam quatuor. Consequentia patet, quia questio est propositio dubitabilis. Antecedens patet, quia omnes questiones motæ à Doctoribus sunt dubitationes, sed tales sunt multò plures, quam quatuor, ut est inconfesso apud omnes: ergo plura sunt genera dubitationum, & sic questionum, quam quatuor.

Respondetur. Antecedens, & eius probationem habere veritatem in numero, vel in specie, non tamen in genere, quia sic sunt tantum quatuor, ut probatum est.

Verum medium in Demonstratione potissima, sit diffinitio passionis, vel subiecti, aut utriusque simul?

QVÆSTIO II.

Hanc difficultatem pertractat Scotus q. 56. in lib. Poster. occasione verborum Aristotelis in hoc 2.º cap. 17. ubi loquens de medio habendi scientiam, inquit: Est autem medium ratio primi extremi, ex quo omnes scientiæ, per diffinitionem fiunt, circa quam refert ipse duas famosas Doctorum opinionones, quarum prima asserit, diffinitionem passionis, quæ est primum extremum, esse medium in demonstratione potissimam. Ita Egidius de Roma hic c. 10. Paulus Venetus ibidem, & alij plures, quos recensent Moderni.

Secunda sententia, quam, & ipse secutus est, nedum in citato loco, sed etiam in 1. sent. d. 2. q. 2. A. & in 2. d. 3. q. 6. M. & in 3. d. 14. q. 2. H. negat diffinitionem passionis esse posse, medium in demonstratione potissimam, & defendit hoc idem munus competere diffinitioni formali subiecti. Hanc eandem postea tutati sunt omnes eius discipuli, ut Tatar. hic q. penultima. Tróbeta in 6. Meth. q. 1. Faber. in Theorem. Philosoph. theor. 14. & 15. & alij, quos refert, & sequitur Maftrius in log. disp. 13. q. 2. art. 2.

Alij verò, putantes euadere difficultates, quæ pro utraque sententia afferuntur, conati sunt medium incedere viam, dicentes, nec diffinitionem passionis, nec subiecti tantum, sed aggregatum ex ambabus necesse est ponere pro medio demonstrationis potissimæ. Ita D. Th. lib. 1. Poster. c. 1. & Opus. 38. Caiet. & alij ex Thomistis non pauci, quibus adiū-

gi possunt ex alienis Balduinus, Coninbrienses, & Amicus, quorum meminit, idem Maftrius in præcit. loco sub n. 28.

Pro declaratione totius controversiæ, & fundamento Scoticæ sententiæ 1. Not. est: quod etiam observauimus in summis tract. 1. sect. 3. c. 1. diffinitionem diuidi in quid nominis, & quid rei, hæc autem, quæ & causalis dicitur, est quadruplex iuxta quatuor genera causarum, scilicet efficiens, formalis, materialis, & finalis. Diffinitio efficiens est, quæ datur per causam efficientem, ut hæc homo est genitus à Deo, sole, & homine. Diffinitio finalis est, quæ datur per causam finalem, ut homo est creatus, ut felicitatem consequatur. Diffinitio materialis est quæ datur per causam materialem, ut homo est, quid constans ex corpore organico per animam rationalem informabili. Diffinitio tandem formalis est, quæ datur per causam formalem, ut homo est, quid constans ex anima rationali. Hæc autem est duplex scilicet Physica, & Metaphysica. Physica est, quæ, datur per formam physicam, ut homo est quid compositum ex anima, & corpore. Metaphysica est, quæ datur per formam metaphysicam, ut homo est animal rationale, & hæc etiam est duplex. scilicet purè quiditativa, & non purè quiditativa; Prior datur tantum per genus, & differentiam, ut homo est animal rationale. Posterior est in qua ponitur aliquid impertinens ad essentiam rei diffinitæ, ut albedo est color disgregatiuis visus, vel habitus est qualitas de difficili mobilis à subiecto, siquidem in priori ponitur ly visus, qui non est de quiditate albedinis, & in posteriori additur ly à subiecto, quod est extra quiditatem habitus, quamuis utrumque requiratur necessariò ad quietandum intellectum. Diffinitio purè quiditativa tantum datur de substantijs, quæ ad suæ cognitionem tantum exigunt genus, & differentiam intra limites suæ Categoriz: at diffinitio per additamentum competit solum accedentibus, siue absolutis, siue relatiuis, siquidem priora sine subiecto, posteriora vera, sine termino perfectæ, & quietatiue intelligi nequeunt. Insuper diffinitio causalis est duplex scilicet simplex, & mixta. Simplex est quæ datur tantum per vnum genus causæ, ut superius exemplificauimus in vnaqua; causa. Mixta est quæ includit, vel omnes, vel saltem plures causas exemplum primæ, ut homo est quid constans & corpore organico, & anima rationali, ge-

zito à Deo, sole, & homine ad beatitudinem querendam. Exemplum secundum, ut homo est compositum ex corpore, & anima; vel est animal rationale, in quibus ponuntur tantum duo genera causarum, scilicet materialis, & formalis.

Secundo. Notandum est causam efficientem esse duplicem, scilicet extrinsecam, & intrinsecam. Prior est, quæ agit actione transeunte in subiectum distinctum, ut sunt Deus, sol, & homo in generatione hominis. Posterior est, quæ agit actione immanente in se, & hæc est duplex physica, scilicet ut cum aqua causat in se frigus, & metaphysica, quando videlicet per resultantiam metaphysicam causatur aliquid tantum diuersum formaliter à seipsa, ut essentia hominis respectu risibilitatis, quæ in ordine ad ipsum hominem dicitur causa formalis, cum sit eius quod quid esset in ordine ad risibilitatem dicitur causa efficiens metaphysica, cum ab ipsa causa in genere causæ efficientis, & non formalis.

Tertio notandum est. Passiones rerum esse in duplici differentia, quædam enim sunt intrinsecæ, & tales proveniunt tantum à quidditate, & nullo modo à causis extrinsecis, ut risibilitas ab animali, & rationali, quæ complent quidditatem hominis. Quædam verò sunt extrinsecæ, quia non in sunt rebus ratione suarum quidditatum, sed per causam extrinsecam, ut eclipsis respectu Lunæ, quæ non inest sibi ratione quidditatis Lunæ, sed per interpositionem terræ inter ipsam, & Solem, quæ est quid extrinsecum: Passiones primi ordinis demonstrantur de suis subiectis tantum per eorum definitiones, à quibus causantur, si quidem demonstratio potissima sit per causam immediatam, ut patet ex dictis in primo libro posteriorum, quæ passiones secundi ordinis non demonstrantur per definitiones subiectorum, cum non habeant esse ab illis, sed tantum per causas extrinsecas, à quibus ponuntur in esse.

Quarto notandum est, has passiones extrinsecas possit adhuc dupliciter considerari, scilicet in actu, vel in appetitudo. Primo modo causantur ab extrinseco, ut patet de eclipsi Lunæ, quæ actualiter ponitur in esse tantum per interpositionem terræ, inter ipsam, & Solem, & per hanc solum de ipsa demonstrari potest: Secundo modo verò cum

insint rebus à propriis quidditatibus, (si quidem omnis aptitudo fluit à quidditate rei cuius est aptitudo) per ipsas etiam demonstrari possunt de suis subiectis, sicut dictum est de passionibus intrinsecis, quia ut sic considerate non sunt amplius extrinsecæ, sed intrinsecæ. Ex quo sequitur; quod huiusmodi passionum poterit assignari triplex definitio, scilicet formalis, causalis extrinseca, & mixta ex illis, ut patet de eclipsi Lunæ; si quidem per formalem diffinitur, quod sit privatio luminis in Luna à Sole recepti; per causalem, quod sit interpositio terræ, inter Solem, & Lunam, & per mixtam, ut sit privatio luminis in Luna à Sole recepti, causata per interpositionem terræ, inter ipsos, & iuxta hanc triplicem diffinitionem posset fieri triplex demonstratio de Luna, sed nulla erit potissima, ut patebit ex dicendis.

Quinto notandum est, ex dictis superius in primo libro, demonstrationem propter quid, seu per causam esse in duplici differentia, si quidem alia dicitur potissima, & alia non potissima: Potissima, de qua est sermo in presenti, est quæ datur per causam proximam, immediatam adæquatam, & convertibilem cum suo effectu, & hæc est duplex, scilicet simpliciter potissima, & secundum quid potissima. Prior est quæ datur per causam ab ipso effectu omnino in separabilem, & cum ipso omnino convertibilem, ut hæc omne animal rationale est risibile, omni homo est animal rationale: ergo omnis homo est risibilis, & in hac diffinitio subiecti formalis, & metaphysica duntaxat potest esse medium, quia hæc solum est intrinseca causa passionis, & inheretent ei eundem cum subiecto; & dicitur notanter metaphysica formalis, quia physica non convertitur cum subiecto, cum distinguitur realiter ab eo, ut alibi dicturi sumus; similiter efficiens, & finalis, cum sint extrinsecæ, & materialis tantum, cum sit quid superius ad ipsum diffinitum, non convertuntur cum ipso, ac proinde nequeunt esse medium in hac demonstratione simpliciter potissima. Posterior verò est, quæ datur per causam immediatam, & convertibilem cum suo effectu, non tamen sibi intrinsecam, vel non eandem sibi realiter, & in tali etiam diffinitione efficienter, finales, & formales physice, poterunt esse media, ut patet in hac, omni

ne animal creatum à Deo ad imaginem, & similitudinem suam, propter beatitudinem, est risibile, sed omnis homo est huiusmodi: ergo omnis homo est risibilis.

Sexto notandum est, demonstrationem potissimam posse dupliciter considerari; vel in ratione causalitatis, vel in ratione evidentie tactum. Demonstratio primo modo necessario exigit pro medio diffinitionem subiecti, quia talis est causa, ne dum passionis in esse, verum etiam inherentiæ eiusdem cum subiecto in conclusione; at secundo modo nec diffinitio subiecti, quæ est causa formalis eiusdem, nec vlla alia causa est necessaria in huiusmodi demonstrationibus, sed euidencia conclusionum habetur per sensum, vt patet in Demonstrationibus mathematicis, in quibus euidencia non pendet à ratione mediorum, sed ab experientia per sensum habita; modo nos loquimur de demonstratione potissima in ratione causalitatis, & evidentie simul, non verò in ratione evidentie tantum.

Septimo Notandum est, Demonstrationem propter quid, dupliciter posse attendi, vel ex parte prædicati tantum, vel ex parte prædicati, & subiecti simul. Demonstratio primo modo considerata est illa, quæ exprimit rationem prædicati tantum, & in hac diffinitio passionis dumtaxat est medium, vt in ista omne aptum ad ridendum est risibile, sed omnis homo est aptus ad ridendum; ergo omnis homo est risibilis. Demonstratio verò secundo modo attendita est illa, quæ exprimit, nedum quiditatem subiecti, sed etiam esse prædicati, & causam inherentiæ eiusdem cum subiecto, & in hac exigitur de necessitate pro medio diffinitio subiecti, quia hæc exprimit, & quiditatem subiecti, & esse prædicati, id est passionis, & causam inherentiæ eius cum subiecto, vt manifestè conspicitur in hac demonstratione omne animal rationale est risibile, omnis homo est animal rationale: ergo omnis homo est risibilis. Demonstratio priori modo considerata non est simpliciter potissima, quia medium non est causa, nec prius extremorum, siquidem passio, & eius differentia sunt posteriores, & subiecto, & eius diffinitio, & ambae causantur à diffinitione subiecti. Demonstratio

autem secundo modo est simpliciter potissima, quia procedit exprimis, & immediatis quæ sunt causa extremorum, & de hac loquimur in præfati, & non de illa.

Ex his fit prima Conclusio, In demonstratione propter quid prædicati diffinitio passionis est dumtaxat medium. Probatur quia demonstratio propter quid prædicati tantum exprimit tantum rationem, & naturam prædicati sed prædicatum demonstrationis est passio, & eius ratio, seu quiditas notificatur per suam diffinitionem: ergo diffinitio passionis est inmedium in tali demonstratione.

Secunda Conclusio. In demonstratione tam subiecti, quam prædicati propter quid, seu potissima, non est ponendum pro medio aggregatum ex diffinitione subiecti, & prædicati simul. Est Scoti in lib. Post. quæst. 56. Probatur, medium demonstrationis est causa scientiæ, sed per huiusmodi aggregatum non potest aliquid sciri: ergo tale nequit esse medium in demonstratione potissima. Maior patet. Minor probatur, quia per ens per accidens nequit aliquid sciri; sed tale aggregatum est ens per accidens: ergo per ipsum nihil potest sciri. Maior probatur, quia causa nequit esse imperfectior suo effectu: sed id quod scitur est ens per se: ergo ens per accidens nequit esse medium, & causa scientiæ. Minor probatur, quia ex diffinitione subiecti, & diffinitione passionis nequit fieri vnum per se saltem primo modo, cum hoc constet ex genere, & differentia; sed tale aggregatum includit vtramque diffinitionem: ergo nequit esse vnum per se primo modo, & sic erit vnum per accidens. Secundo probatur, quia Aristoteles secundo Posterior. cap. 10. diuidit diffinitionem in eam, quæ est principium, seu medium demonstrationis, & in eam quæ est conclusio, & in illam quæ sola positione differt à demonstratione; sed aggregatum ex diffinitione subiecti, & diffinitione prædicati continetur sub hoc tertio genere diffinitionis: ergo nequit esse medium, seu principium in demonstratione potissima. Minor probatur exemplificando sicut facit Aristoteles de tonitruo, sic dicendo tonitruum est sonus factus in nube, est conclusio: dum verò subijungit tonitruum fit extinctione ignis in nube,

tunc est diffinitio, quæ est medium: cum verò aggregat utramque diffinitionem dicendo: tonitruum est sonus factus in nube ob extinctionem ignis in ea, tunc est tota demonstratio sola positione differens, cum contineat tres terminos, ex quibus potest confici demonstratio in modo, & figura: ergo aggregatum ex utraque diffinitione nequit esse medium in demonstratione, alioquin idem esset medium, & demonstratio, quod non est dicendum.

Tertia Conclusio. Diffinitio passionis non est medium in demonstratione potissima. Est Scoti in loco præcitato contra primam opinionem. Probatur, quia medium debet esse prius utroque extremo demonstrationis; sed diffinitio passionis non est prior saltem minori extremo: ergo, &c. Maior est Aristotelis in primo Post. cap. 2. ubi dicit demonstrationem procedere ex primis, & immediatis, & causis conclusionis, sed talis primitas, & causalitas convenit sibi ratione medij; siquidem extrema includuntur in conclusionem virtute medij: ergo medium debet esse prius utroque extremo. Minor probatur, quia passio est posterior subiecto, quod est minus extremum: ergo etiam diffinitio passionis est ipso posterior, cum identificentur saltem realiter inter se passio, & eius diffinitio. Antecedens est notum, quia passio fluit à principiis quidatiuis subiecti. Secundo probatur à Scoto loco citato, quia illud non est medium in demonstratione potissima, quo posito ad huc restat querere propter quid prædicatum in sit subiecto, sed diffinitio passionis est huiusmodi: ergo diffinitio passionis non est medium in demonstratione potissima. Maior patet, quia medium in demonstratione potissima non solum debet esse causa passionis, sed etiam causa inherentiæ passionis cum subiecto alioquin non esset causa scientiæ, cum hæc consistat in cognitione inherentiæ passionis ad subiectum in conclusionem. Minor probatur, quia cognita passione per eius diffinitionem formalem adhuc restat scire cur insit subiecto, siquidem huiusmodi diffinitio non est causa inherentiæ passionis in subiecto: ergo diffinitio passionis non est causa inherentiæ passionis ad subiectum, igitur ipsa posita adhuc restat querere propter quid de passione.

Quarta conclusio. Diffinitio tamen causalis passionis est medium in demonstratione potissima. Probatur primo, quia Aristoteles secundo Post. t. 25. vocat maius extremum, id est passionem id, cuius medium est causa, & minus extremum, scilicet subiectum id, cui medium est causa, cur passio in sit subiecto, sed diffinitio causalis passionis est etiam diffinitio subiecti, & causa cur passio insit subiecto: ergo diffinitio causalis erit medium in demonstratione potissima. Consequentia tenet, quia in demonstratione potissima concluditur inherentiæ passionis ad subiectum per medium, quod est causa maioris extremi, id est passionis. Secundo per diffinitionem causalem passionis satisficit questioni propter quid terminabili per demonstrationem potissimam: ergo diffinitio causalis est medium in eadem. Consequentia patet ex Aristotele secundo Post. t. 8. Antecedens probatur, quia per causam passionis satisficit questioni propter quid in demonstratione potissima ex Philoph. secundo Post. cap. 1. sed diffinitio causalis passionis est eiusdem causa, cum passio fluat à principiis intrinsicis subiecti, ex quibus constat diffinitio causalis passionis: ergo per diffinitionem causalem passionis satisficit questioni propter quid in demonstratione potissima.

Quinta conclusio. Diffinitio formalis Methaphysica subiecti, est medium in demonstratione potissima. Est Scoti in locis citatis pro secunda sententia. Probatur, id est medium in demonstratione potissima, quod est causa adæquata inherentiæ passionis ad suum subiectum, sed diffinitio subiecti est huiusmodi ergo talis est medium in demonstratione potissima. Maior patet, quia munus medij est coniungere extremitates ad invicem in conclusionem. Minor probatur, quia quod est causa passionis est etiam causa inherentiæ eius ad suum subiectum, sed diffinitio subiecti causat passiones, cum pullulent à principiis intrinsicis subiecti, quæ per diffinitionem exprimentur: ergo diffinitio subiecti est causa inherentiæ passionum ad subiectum. Maior patet, quia causa efficiens intrinseca agit actione immanente ad differentiam causæ efficientis extrinsecæ, sed quod causat passionem causat illam efficienter intrinsece, ut dictum est in not. secundo: ergo causat illam in subiecto.

cto, & sic inhaerenter ad ipsum.

Sexta conclusio. Diffinitio efficiens, finalis, & materialis physica nequit esse medium in demonstratione potissima. Est contra Zabarellam lib. 1. de Medio demonstrationis, descendentem quodlibet genus causæ sufficere ad demonstrationem potissimam. Probatur prima pars de causâ efficienti; & finali, quia demonstratio potissima procedit ex propositionibus vniuersalibus, per se, & secundum quod ipsum, vt probat Aristoteles primo Post. cap. 6. & 7. sed causæ extrinsecæ, cuiusmodi sunt efficiens, & finis non conueniunt propositiones per se, vniuersales, & secundum quod ipsum: ergo &c. Minor probatur, quia etsi effectus sequantur per se ad causas extrinsecas, non tamen causæ necessariò sequuntur ad positionem effectuum, cum aliud possint oriri, Deus enim potest supplere causalitates causarum extrinsecarum, demptis imperfectionibus: ergo effectus non conuertuntur cum suis causis, & è conuersò. Secunda pars de causâ materiali physica probatur, quia est causa inadæquata, & communis respectu sui effectus, vt patet: ergo ex ipsis non potest fieri aliqua propositio conuertibilis, quæ possit esse medium in demonstratione potissima. Confirmatur, quia causâ intrinsecâ physica distinguitur realiter à suo effectui, vt aliis probauimus: ergo ex ipsis nequeunt fieri propositiones vniuersales, & secundum quod ipsum, vt exiguntur in demonstratione potissima.

Obijciunt tamen multipliciter contra prædicta, & primo contra secundam conclusionem, quia Aristoteles secundo Poster. cap. 2. docet idem esse quid est, & propter quid: ergo medium debet includere diffinitionem subiecti, & passionis simul consequentia patet, quia quid est passionis est eius diffinitio formalis, & propter quid eiusdem est diffinitio subiecti, quia mediante passio inest subiecto in conclusione.

Respondetur, quid est passionis esse duplex, scilicet formale, & causale, primum est diffinitio formalis passionis, secundum est diffinitio subiecti, quæ non tantum dicit esse passionis, sed etiam inhaerentiam eiusdem ad subiectum, & sic idem erit quid causale, & propter quid passionis, scilicet eadem diffinitio essentialis subiecti, quod est propositum. Modo ad formam argumenti di-

co antecedens esse verum de quid causali passionis, non tamen de formali, & negatur consequentia, quia vtrumque præstat per eandem diffinitionem subiecti, vt declaratum est.

Obijciunt secundo, id est medium in demonstratione potissima, quod magis facit scire: sed aggregatum ex diffinitione subiecti, & passionis magis facit scire: ergo tale erit medium in huiusmodi demonstratione. Maior patet, quia demonstratio potissima facit magis scire, quam non potissima; sed hoc præcat per medium: ergo id est medium in tali demonstratione, quod facit magis scire. Minor patet, quia plura magis faciunt scire, quam vnum tantum, atqui tale aggregatum dicit plura: ergo &c.

Respondetur. Negando minorem, ad probationem dico verum esse, si talia plura faciant vnum per se, dicantque vnum conceptum, & sint causæ per se inhaerentes, prædicati cum subiecto, ac priora, & notiora vtroque extremo, quæ tamen non accidunt in proposito, tum quia diffinitio subiecti non facit vnum per se cum diffinitione passionis, nec diffinitio passionis est prior, & notior subiecto, cum pululet ab eius essentia; tum etiam quia illa diffinitio non est causâ, cur passio inest subiecto, cum hoc præstetur solum per diffinitionem subiecti.

Obijciunt tertio contra tertiam conclusionem quia Aristoteles secundo Post. cap. 17. inquit, medium in demonstratione esse rationem primi extremi; sed primum extremum est passio, & secundum subiectum: ergo diffinitio passionis, & non subiecti secundum Aristotelem est medium in demonstratione.

Respondetur Aristotelem locutum esse de ratione causali primi termini, non tamen de formali; talis autem non est diffinitio formalis passionis, sed subiecti vt dictum est.

Vel dicendum cum Doctore Subtili in secundâ Post. q. 56. Philosophum locutum fuisse de demonstratione non potissima, de qua videtur loqui ferè in toto illo libro, vt patet in exemplis ibidem adductis, non tamen de potissima, de qua nos loquimur, quia sic diffinitio causalis passionis, quæ est essentialis subiecti est tantummodo medium.

Obijcitur quarto, quia diffinitio formalis passionis est immediata passioni, quam diffinitio subiecti: ergo talis debet esse medium in demonstratione potissima. Antecedens patet. Consequentia similiter, quia demonstratio potissima est ex immediatis.

Respondetur negando consequentiam, ad probationem dico demonstrationem potissimam procedere utique ex immediatis, non tamen utrumque, sed ex ijs, quæ sint causa inherentiæ prædicati cum subiecto, modo hoc non habetur per diffinitionem passionis formalem, sed tantum per causalem, quæ est diffinitio subiecti.

Obijcitur quinto contra quintam conclusionem. Si diffinitio subiecti esset medium, sequeretur petitio principij in demonstratione potissima, siquidem probaretur idem per idem, cum diffinitio subiecti, & ipsum subiectum non distinguantur secundum se, sed tantum secundum esse confusum, & distinctum, quod enim confusè significatur per hominem distinctè declaratur per animal rationale, quæ est diffinitio eius: ergo, &c.

Respondetur ex Doct. Subt. in primo d. 2. quæst. 2. A. negando sequelam, ad probationem dico diffinitum, & diffinitione distinguui ab inuicem ex natura rei, cum diffinitio sit constitutiva diffiniti, & non constituta per ipsum, & diffinitum constitutum, & non constitutum, quod sufficit, ut non sint idem terminus in demonstratione, sed distincti.

Obijcitur sexto contra sextam conclusionem quælibet causa proxima, etiam extrinseca, parit perfectissimam scientiam, ut patet ex Aristotele secundo Post. cap. 1. ubi demonstrat per interpositionem terræ inter solem, & lunam satisfieri omnibus questionibus de eclipsi, scilicet an sit, quid sit, qualis sit, & propter quid sit, sed interpositio terræ inter solem, & lunam est causa extrinseca respectu lune: ergo etiam per causam extrinsecam potest haberi perfectissima scientia, ac proinde esse medium in demonstratione potissima, per quam solam habetur perfectissima scientia. Tum etiam, quia eclipsis de luna, & huiusmodi accidentia extrinseca, sunt Demonstrabilia de suis subiectis per causas sibi proprias, sed huiusmodi causæ sunt extrinsece efficientes, & non formales: ergo

demonstratio potissima potest fieri per omne genus causæ, & non tantum per formalem. Antecedens declaratur etiam alijs exemplis adductis ab Aristotele in hoc secundo Post. cap. 9. & 10. scilicet Tonitruum esse in nube per extinctionem ignis in nube; accretionem luminis in medio per figuram sphericam, at certum est tales diffinitiones esse causales, & non formales, extrinsecas, & non intrinsecas: ergo, &c.

Respondetur negando consequentiam, quia quamvis cognitio illa de eclipsi, & alijs accidentibus, habeatur perfectè in suo genere per tales causas extrinsecas; non inde sequitur haberi per demonstrationem potissimam, in qua medium sit causa extrinseca, cum huiusmodi demonstrationes non sint potissimæ siquidem propositiones non sunt necessariæ, nec vniuersales, nec conuertibiles, cum possit fieri, ne sequantur effectus ad positionem prædictarum causarum, & e converso ut ponantur in esse effectus, & non causæ.

Obijcitur septimo quia Aristoteles primo de Anima t. c. 11. inquit quodquid est, siue diffinitionem esse utilem ad cognoscendas causas accidentium substantiæ: ergo videtur distinguere causas accidentium à diffinitione substantiæ: ac proinde per illas causas, & non per diffinitionem substantiæ poterunt demonstrari accidentia huiusmodi, tamquam per medium in demonstratione potissima.

Respondetur negando consequentiam si sermo sit de accidentibus proprijs substantiæ, quia diffinitio substantiæ non distinguitur à causis talium accidentium, immò fluunt ab illa: si verò per accidentia intelligat Aristoteles communia, fateor equidem talia demonstrari per proprias causas distinctas à diffinitione substantiæ; ceterum huiusmodi demonstrationes non erunt potissimæ ob rationem allatam in præcedenti responsione, & in probatione conclusionis sextæ.

Obijcitur nono. Si medium in demonstratione potissima, non possent esse aliæ causæ, sed solum diffinitio formalis subiecti, sequeretur demonstrationem potissimam esse ex communibus, & non ex proprijs; sed hoc esset contra Aristotelem primo Poster. cap. 2. 3. & 8. ergo, & id ex quo sequitur. Sequela maioris probatur, quia tunc animal rationale, quod est diffinitio hominis, non solum esset

esset medium ad ostendendum risibilitatem, sed etiam flebilitatem, & capacitatem disciplinæ de ipso, atque ideo diffinitio hominis non esset medium proprium, sed commune ad omnes illas passionēs.

Respondetur negando. sequelam maioris, ad probationem negatur ultima consequentia, quia huiusmodi passionēs, cum fluant immediatè ab eadem diffinitione hominis, per eandem, tamquam per causam proximam, propriam, & non com-

muniem, bene possunt de ipso demonstrari. Et hæc, quæ pro mei ingenioli imbecillitate hæcenus dicta, ac disputata sunt, nedium super his duobus libris Posteriorum, sed etiam super reliquis, cedant, vt obnixè deprecor, ad maiorem Dei gloriam; cui sit honor, in sæcula sæculorum. Amen.



FINIS.

ERRATA SIC CORRIGES.

Errata	Pag. Col. Lin.	Corrigitur
Sciderant	In Dedicatoria	Scinderant
refector	ad Tronem	refector
abreterur	In Epistola ad Lectores	abreteretur
nono methodo	In approbatione	nona methodo
Filius	17 1 19	Filio
proportionum	16 1 6	proportionum
subiectio	48 1 46	substantia
Friferomorum	49 1 14	Friferomorum
Friferomorum	71 1 11	Friferomorum
luta ea	71 1 24	luta ea, quæ diximus, secunda figura est,
habet	71 1 39	habetur
quatuor	71 1 31	quadrupliciter
Friferomorum	71 1 31	Friferomorum
quodam est	71 1 39	quodam substantia est
argumentis,	77 1 46	argumentatio,
confirmatiuum	19 1 26	affirmatiuum
secundus	81 1 41	duplex
tinus	81 1 48	stinus
fufciendo	86 1 6	subiungendo
correlatione	109 1 11	conclusionem
scilicet	111 1 11	scilicet
Theodetem	114 1 49	Theodetem
diuisa	119 1 6	diuisa
ad subiectum	118 1 46	ad substantiam
& subiectum	161 1 11	& substantia
vel ficut	167 1 11	vel ficut
& non prima	198 1 18	& non pro prima
non tantum	111 1 11	numero tantum
rialem res	111 1 1	ad pietatem
quoad pad pru	111 1 1	quoad primam
& nyllicum	111 1 16	& non physicum
differtentiam	116 1 41	differtentiam
pro secunda	111 1 11	pro secunda
& pro prima	110 1 11	& non pro prima
æquiuocantur	111 1 1	æquiuocorum
ergo	111 1 41	ego
Secundo	111 1 11	Tertio
quem	116 1 17	quam
individentur	111 1 9	individentur
Succedentes	111 1 11	Succedentes
deuenit	111 1 41	deuenit
& pars in parte	111 1 49	& pars in parte
materialis	111 1 41	materialiter
veritate	111 1 7	veritate
secundum	111 1 11	secundum
numerum	111 1 11	numerum
varietate	111 1 11	varietate
quaternario	111 1 11	quaternario
quæ	111 1 11	quod
vitium	111 1 11	vitium
manentibus	111 1 11	manentibus
goi & si	111 1 11	goi & si
rectus	111 1 11	rectus
muri	111 1 11	muri
natura	111 1 11	natura
motus	111 1 11	motus
natura motus	111 1 11	natura motus
admissio	111 1 11	admissio
consequens	111 1 11	consequens
emiri	111 1 11	emiri
acquirita	111 1 11	acquirita
foro	111 1 11	foro
temporalium	111 1 11	temporalium
quæ	111 1 11	quod
triplex	111 1 11	triplex
alteras	111 1 11	alteras
quæ	111 1 11	quod
quorum modo	111 1 11	quorum modo
possibiles	111 1 11	possibiles
præcognoscit	111 1 11	præcognoscit
complexam	111 1 11	complexam
tom. 4.	111 1 11	tom. 4.
perfectionis	111 1 11	perfectionis

Errata	Pag. Col. Lin.	Corrigitur
quidem est	116 1 11	quid est
quidem	116 1 14	quid
quatuor	117 1 46	quatuor
subiunxit	117 1 11	subiunxit
causas	118 1 17	causa
altri	119 1 11	aliter
intellectu	111 1 1	intellectus
nam	111 1 17	natura
tractum	111 1 18	tractatum
diffinitio	111 1 18	diffinitio
eius causas	111 1 18	eius per causas
diffinitio eius	111 1 18	diffinitio eius causa
causas	111 1 18	diffinitio eius causa
probaretur	111 1 17	probaretur
antiquam	116 1 11	antiquam
par	117 1 11	par
priora	110 1 14	propria
principia	111 1 11	prima
quia	111 1 48	quam
audibiles	111 1 11	audibiles
verorum	111 1 11	verorum
Soci	111 1 11	Soci
Dices	111 1 11	Dices
primo	111 1 11	primo
motum	111 1 11	motum
par	111 1 11	par
circulari	111 1 11	circulari
hominem	111 1 11	hominem
concrebibile	111 1 11	concrebibile
perfectus	111 1 11	perfectus
rei	111 1 11	rei
fed	111 1 11	fed
quidem	111 1 11	quid est
Aristotelis	111 1 11	Aristotelis
Actionum	111 1 11	Actionum
que	111 1 11	quia
paria	111 1 11	paria
quia	111 1 11	quia
line	111 1 11	line
qua	111 1 11	qua
coordinari	111 1 11	coordinari
immediat	111 1 11	immediat
anima	111 1 11	anima
fenfor	111 1 11	fenfor
immediata	111 1 11	immediata
qui	111 1 11	qui
vel	111 1 11	vel
velia	111 1 11	velia
possit	111 1 11	possit
efficiens	111 1 11	efficiens
quia	111 1 11	quia
paribus de par-	111 1 11	paribus de par-
libus	111 1 11	libus
videntior	111 1 11	videntior
hinnibile	111 1 11	hinnibile
ponca	111 1 11	ponca
cercitius	111 1 11	cercitius
formodiatem	111 1 11	formodiatem
formodiatem	111 1 11	formodiatem
esset	111 1 11	esset
per	111 1 11	per
albedinem	111 1 11	albedinem
sylligimus	111 1 11	sylligimus
salutem	111 1 11	salutem
qua	111 1 11	qua
diffinita	111 1 11	diffinita
notat	111 1 11	notat
& quando	111 1 11	& quando
quod est	111 1 11	quod est
accidentibus	111 1 11	accidentibus
fluct	111 1 11	fluct
efficiens	111 1 11	efficiens
diffinitione	111 1 11	diffinitione
genus	111 1 11	genus

